

**ULRICI HUBERI DE
JURE CIVITATIS,
LIBRI TRES. NOVAM
JURIS PUBLICI
UNIVERSALIS...**

Ulricus Huber



BIBLIOTECA NAZ.
Vittorio Emanuele III

XXII

C

30

NAPOLI



Digitized by Google



ULRICI HUBERI
DE
JURE CIVITATIS,
LIBRI TRES.


Novam Juris Publici Universalis
disciplinam continentes.

Insertis aliquot de jure sacrorum & Ecclesiæ, capitibus.

EDITIO QUARTA,

Variis locis ab Auctore aucta & recognita.

Cum Indice rerum necessario.



PARITERQUE PERIBUNT



FRANEQUERÆ,
Apud BERNARDUM WIBRANDA, MDCCVIII.

THE
LIBRARY

OF THE

UNIVERSITY OF

CHICAGO

1891



1891

1891



ILLUSTRISSIMO & CELSISSIMO

P R I N C I P I

HENRICO CASIMIRO.

**DEI GRATIA. NASSAVIÆ PRINCIPI. CATTIMELIBO-
CI, VIANDÆ, DIETZÆ, SPIEGELBERGÆ COMITI.
LIESVELDIÆ BARONI. DOMINO BIELSTEINII. REI-
PUBLICÆ FRISIORUM DOMI MILITIÆQUE PRÆ-
FECTO HEREDITARIO. GRONINGÆ, OMLANDIÆ,
DRENTIÆQUE GUBERNATORI ET CAPITANEO
GENERALI. ACADEMIÆ FRANEQUERANÆ CURA-
TORI, HONORARIO, MAGNIFICENTISSIMO. HE-
ROI INCLYTO. PIO. FELICI. ETC. ETC. ETC.**

**HOS LIBROS ARGUMENTI PRIN-
CIPE DIGNISSIMI**

SACROS FACIT

U L R I C U S H U B E R



P R Æ F A T I O.



Nte duos & viginti annos usu venit, ut Studio-
 sis rudimentum Juris Publici Universalis, cujus
 salivam illis moveram, rogantibus, in Acade-
 miâ disputando proponerem: quod ante hac
 cum Politicâ mixtum, Grotius, ab illâ quidem
 separandum esse docuit, eâ ratione, quam in
 præfatione magni operis, de *jure Belli & pacis*, exposuit. Sed
 ut viam huic divisioni monstravit, ita, quominus ipse eam insti-
 tueret, fecit usus & materia scriptionis, quam præ manibus ha-
 bebat. Commentatus enim est de jure, quod inter diversas Ci-
 vitates, nec invicem, nec uni subjectas imperio intercedit; sive,
ut ipse loquitur, quos nulla juris civilis tenet communio. Hæc
 autem disciplina proprie ad eos pertinet, quos idem Summæ Po-
 testatis vinculum comprehendit, ut inde à primo hujus operis
 initio enixè demonstravimus. Denique, sicut Politicam meram
 nemo recentiorum, præter Lipsium, tradidisse videtur, ita,
 seorsim hanc de jure Civitatis, sive Juris publici universalis op-
 positam Politicæ Artem integram, quod meminerim, nemo
 tractandam suscepit. Nihil tamen à novitate gratiæ huic scripto
 quæremus: illam varietas & utilitas, quam utramque ut in con-
 spectu habuimus, ita, an adsecuti simus, aliorum erit judicium,
 præstet oportet. Nec præfatione Lectoris præjudicium occupe-
 mus. Hoc non dissimulabo, rem ipsam & experimentum hujus
 aliorumque laborum, parum abesse, quin pridem me adduxerit in
 eam animi sententiam, quæ viris doctis & egregiè cordatis jam
 pridem laudata, exercita fuit; modum scribendi systematicum,
 præ sparso & soluto, esse procul habendum iis, qui gloriæ non
 minus,

minus, aut aliquantò magis, & otio suo, quam Lectoris utilitati servire cupiunt. Erit adeò meum quidem hoc supremum in illo genere specimen, sicut præsumptio ejusdem opinionis fecit, ut hoc quam proxime ad institutum VARIORUM accommodaverim. Unde nec temperavi, quin bis in locum digressus sim mei captus, Theologicum: quam si quis gravetur mixturam, oculo fugitivo transvehi potest *Caput secundum & sequentia sectionis quartæ, & totam sectionem sextam libri primi*. De ipsis argumentis, jam olim publicatis, sed personalibus ΑΜΒΟΛΙΕΡΤΙΛΙΣ involutis, non habeo, quod in loco, dictis addam. Prima horum librorum Editio fuit rudis & genuinum mei moris in scribendo specimen: Quem sæpe sum professus ejusmodi esse, ut primas, sicut in properum stylum fluxerant, cogitationes, publico ausus sim committere, judicia hominum & Censuras experiri, deinde pressius elaboratas repetere editiones. Hoc ita in præfatione hujus operis omnium primâ cum exposuissem, adjeci hæc verba; *Quod si Patriam Deus Academiamque salvam præstiterit, eam videmur detexisse materiam dicendorum, quæ repetitam prælectionem, atque tractationem, cui aliqua insit reverentia posteritatis, suo merito requirant*. Damnavit me voti Deus Clementissimus, Patriâ & Academiâ liberatis à ruinâ belli Gallici, tum incumbentis. Ideoque primam Repetitionem dedimus, hinc ante decennium, auctiorem tertia parte, ut habet inscriptio; donec ultima, præsens, non triente, sed dodrante major elaborata est. Speraveram, ampliorem fuisse futuram scholiis Viri Excellentissimi, primariæ in Germaniâ Academiæ Antecessoris: quæ parata esse cognoveram. Jam pridem enim professus, exemplo palam extante, me honori potius, quàm contumeliæ, si more studiosis hominibus digno fiat, tales imputare Censuras, id etiam literis ad eum datis, ut mutaret, rogaveram. Non tulit ita consiliorum Viri Cl. ratio posterior. An autem hæc Editio, voti mei quondam emissi finem adsecutura sit, non tam scio, quam sentio, ingravescere institu-

institutum meum, publicandi rudia institutionis initia, & promerendi veniam Lectoris, juxta Censuras & animadversiones; quæ scilicet, ratio mea fuit, exercendi vel eludendi *Horatianum illud, de premendis nonum usque in annum lucubrationibus*. Adhuc quidem non offenderat hæc methodus; ante editionem primam Historiæ, quam nuncupavi, civilis, & primitias Eunuomiæ Romanæ, quæ sub manibus est. Utrumque eodem animo & spe, quo priora mea conceptum, quam merito superiori anno vexatum laceratumque sit, aliquando, si Deus vitam largietur, Editio repetita loquetur: si, quod ad præjudicium factis sit, nondum extare videatur. Interea, quæ secundum antiquam prodeundi methodum inchoata sunt, ea, si Deus volet, hoc labore defuncto persequi certum & necessarium est: Donec mei Censores, aliquid in hoc genere dent melius, Historiam ævi nostri ad exemplum Artis compositam. Si malunt, quod erit facilius, in Censura pergere, non habeo causam recusandi in his quæ publice periclitamur. Idem in votis est pro Eunuomiâ Romanâ: quæ aliquanto magis ad animum meum pertinet. In quâ his novem mensibus, viginti sex egregii Juvenes triginta publicas exercitationes edidere, meosque primos conatus in usum censuræ publicæ ad librum Pandectarum vigesimum usque provexerunt. Amici plures domi forisque mallent, me, quod reliquum ætatis est, Jurisprudentiæ forensi impendere. Sed ego ita existimo, quodque genus suo loco reservandum, Practica Foro, Theoretica scholis. Ita scribere, ita docere, postquam me denuo Academiæ consecravi: Sane, quamdiu scribere, docere libet ac licet; Cujus rei, parum abest, quin ratio reddenda jam sit apud alios, quam quibuscum vixi, quod difficile factu esse Cato dixisse fertur; & difficillimum est iis, qui tantopere mutatas & inversas docendi rationes inveniunt. Etsi hoc malum, an bonum, minus in Jurisprudentiam valide penetravit. Sed ἄλῃς προοίμιον. Rem ipsam cerne sis, *Benevole Lector.*

DE JURE



DE
JURE CIVITATIS.
LIBER I.

Qui est de Imperio.

SECTIO I.

Continens Præcognita Artis.

CAP. I.

De Jure.

Jus pro regula actuum moralium. An origo ab injusto dependeat. Causa Juris, superior potestas, etiam Par; quod probatur. Jus etiam sumi pro facultate agendi vel habendi. Juris in priore sensu divisio in Naturale & Voluntarium. Hoc rursus in Divinum & Humanum &c. De Jure Gentium publico. De Jure civili publico. Hoc opus esse de priori, & ratio totius instituti. Differentia Juris publici universalis à Politicâ. Possitne Justitia in Republ. exacte servari. Inventio & definitio hujus Artis. E Quibus præceptis colligatur.



URIS vox cum multifariam accipitur, tum imprimis nota est significatio, quâ dicitur, Regula boni & æqui, quo sensu latissimo, Lex etiam usurpatur. Aliter, re-

gula justî & injusti, ut Jurisperiti amant loqui; Injustum addunt, explicandi causâ, quod Grotius exequitur in lib. 1. de jur. b. c. l. n. 3. quo pertinet illud Horatii;

*Jura inventa metu injusti fateare
necesse est,*

*Tempora si fastosque velis evolvere
mundi.*

A

Quo

Quo sic velle videtur, nullum esse Justum, nisi post experimentum injusti; quod tamen ita penitus se non habere demonstravimus in *part. 2. Digress. l. 1. c. 5. n. 3.* Denique, non abhorret à priori dicto Grotiana Juris definitio; quod Jus sit, Regula actuum moralium obligans ad id quod rectum est *d. cap. 1. §. 9.*

2. Obligationis causa maximè est Superior Potestas; etsi quo minus à *pari*, causa obligationis esse queat, nihil obstat; siquidem consensus, unde sine dubio nascitur obligatio, est inter Pares. Quin etiam prima lex & simplicissima, per quam è statu naturali receditur in Civitatem, & qua placuit, ut majoris partis voluntas sit omnium voluntas, nihil est aliud quam consensus inter pares, & est fons omnis obligationis ac juris. Denique, lex omnis in Imperio populari, nihil est quam *sponsio civium*, ut *Demosthenes* & *PAPINIANUS* dixerunt in *l. 1. c. 2. n. de Leg.*

5. Quando lex est perlata, major equidem pars se habet ut superiorem. Sed obligatio, qua singuli jam prius singulis tenentur, ut *sient eo*, quod major pars voluerit, jam est jus & inter pares manifesto. Pares, inquam, jure; de facto & viribus *sintne pares*, an *secus*, ad hanc rem non pertinet, nisi jus in manu & prævalente potentia statuas, quod *Hobbesium* & magis *Spinosam* velle, videbimus *infra*.

4. Sed nec fit superior eo, quod *parem* & consensus reum cogere potest ad observantiam juris constituti; nec si vires ad cogendum desint, ideo desinit esse jus, quod pares inter se sponderunt observandum; nec is qui fretus viribus fidem datam non servat, minus facit injuriam, eo quod viribus est superior, quia *hæc res juris causam mutare non potest*.

5. Denique, non est tantum injustus

ideo, quod non paret superiori pacta servare jubenti; sed etiam eo, quod *jus in alterum clavis verbus translatus, sine causa illi auferat*; quod esse injustum patet inde, quia lædit humanam societatem; ideoque non cessaret injustum esse, *tametsi nullus superior, ab universo mundo distinctus*, ut quidam impie volunt, daretur.

6. Hujus observationis usus *infra* patebit. Sed est alia Juris significatio non minus celebris, orta à priori, quâ Jus denotat *Facultatem aliquid habendi vel agendi*, quomodo *jus imperantium*, *jus subjectorum*, *jus Magistratuum* aliæque per omnem hanc Artem diffusæ facultates JURA vocantur.

7. Sed Jus in priore significatione, in duo summa genera deducitur; Est enim *Naturale* vel *voluntarium*, quod in scholis *positivum* vocatur, Græcè *Τὸ ἐκ φύσεως*, & *ἐκ νόμου*. Naturale, quod hominibus est innatum, Voluntarium, quod *arbitramento medio*, *reperitum* & *excogitatum* est. *Grot. d. cap. 1. §. 9. & sequ.*

8. Jus voluntarium rursus aut divinum aut humanum est. Et hoc, vel, Gentium vel civile. Utrumque publicum vel privatum. Jus Gentium publicum est, quod docet, quid in regimine Civitatum ex voluntate populorum fas & rectum sit. Privatum, quod de rebus singulorum cum ratione introductum est.

9. Quæri potest, sub utro comprehendatur, quod inter diversas Civitates nec invicem, nec uni subjectas imperio intercedit? Ad utrumque referri potest; Nam Civitates earumque Rectores juris publici participes sunt, & verum est, quod deinde videbimus, diversas civitates earumque Rectores hominesque nihilo secus omnes se habere, quam singuli in statu naturali se habent: Et de hac juris publici privative species cepit

cepit institutum Grotius, ut explicat in *pr. cap. 1. operis magni.*

10. Sed ad Jus Gentium publicum sine dubio pertinet id, quod docet, quid in quaque civitate juris inter ordines unius ejusdemque Reipubl. generaliter obtineat, quid imperantibus, quid subjectis, mediisve Magistratibus inter se tribuendum, quid pace belloque sit observandum.

11. Jus civile publicum est, quod ad statum cujusque civitatis in specie pertinet, consistens in omnibus quæ ad regimen unius populi juxta suam constitutionem peculiarem referuntur. Privatum, quod ad singulorum in eadem civitate utilitatem spectat; consistens in singularibus civium unius imperii controversiis à regimine publico distinctis *l. 1. §. 2. r. de Just. & jur.*

12. Nobis consilium est, exponere publicum Jus Gentium cujuslibet civitatis, at unius Reipubl. terminis comprehensæ; sine quo neque Romanum, neque Germanorum, aut ullius populi proprium Jus publicum, solide collocari vel comprehendi potest.

13. Ita vero hoc agemus, ut non modo viam ad specialia sternere, sed & continuo singulis suo modo civitatibus applicari queat: Proinde ex *Historia*, quam merito animam hujus discipline dixeris, pleraque exemplis, ad positionem vel vivæ vocis ministerio illustrabimus; ut neminem ratio in ullius Reipubl. cujus noverit situm, judicio fugere possit.

14. Est autem hoc Jus publicum ejus modi, ut pari fere passu ambulet cum Politica disciplina. Unde à plerisque cum ea confundi solet. Ut vix reperiatur ex recentioribus; nam veteres politicam seorsim docent; præter unum Lipsium: nisi placet addere *Bæclerum Præceptorem & hospitum olim nostram Argentorati*; qui meram politicam tradiderit, neque ad

nostram mentem, qui Jus publicum Universale seorsim dederit, qua re *dix. in Auspic. orat. 3. huic libro præfixa.*

15. Differunt tamen hæc Ars & Politica, sicut alioqui Jus & Prudentia: Nam politices est, actiones publicas dirigere cautè, ad felicitatem civilem, adeoque docere quæ ex usu sunt. Juris publici nostri, ut facultas ejus, quod singulis in Reipubl. ordinibus competit, rectè tribuatur, & justitia in omni regimine civitatis custodiatur, ut *latius in dict. orat.*

16. Sed an hoc habet facultatem? Plato sane in *Epist. ad amicos Dionis*, non sine gravi causâ pronuntiat, omnes sui temporis Civitates *κακὰς πολιτείας* malè administrari, & justissimus Græcorum Aristides Rempublicam *συχναίαν ἀδικίαν διαποικίλῃ*, multâ egere injustitia declarat apud *Plutarch. in vit.* nec hodiè melius agi in regimentis populorum docet usus temporum.

17. In Politica equidem exercenda difficillimum est, non quidem fraudes apertas, quales ille ab *Hetruria*, sed consilia leviter ab honesto devia, quæ & Belgæ noster admittit, ubique vitare. *Machiav. in Principe. Lips. 4. polit. c. 14. in pr.*

18. Sed Juris Disciplina ab omni iniquitate suâ sponte aliena est; etsi nuper exiit, qui parum abest, quin flagitia seculi & scelera dominationum ex fonte juris & naturæ civitatis, specie Philosophiæ derivare instituit. *Thom. Hobbes tract. de civ. & Lev. atb.*

19. Denique, ne de politicâ quidem Practicâ omnino hac parte desperandum esse, quin tessera bonæ mentis etiam in eâ servari possit, exempla Davidis, Salomonis, Marci Antonini, Alphonsti Sapientis & Ludovici Sancti aliorumque ipem faciunt.

20. Cæterum, primus hanc Artem
A 2 Juris

Juris publici a Politicâ separandam esse docuit, opinor, Grotius in *præfat. op. de jure belli & pac.* Exemplum hujus instituti non dedit, occupatus diverso scribendi proposito, quod jam designavimus, ex operis ejus principio.

21. Sed quid est Jus publicum ita sumptum, ut diximus? Memores enim in omni hac Arte erimus Aristotelici præcepti, ὅπως ὁραῖται πάντα καλῶς, ὅτε μισθῶν αὐτὸς τὰ ἐπὶ τῷ πόλει ἔχουσιν; ut omnia recte definiantur, quæ res ingens ad sequentia facit momentum 1. ad Nicom. 7.

22. Dicamus ita; Est Ars, quæ suum cuique, in ordine civitatu, tribuere docet. Regi, quæ Rectoris sunt; populo, quod

est populi, & magistratibus, quod horum officia requirunt. Verbis, in ordine Civitatis, differentia à jure privato continetur, quæ suum cuique sine respectu ad Rempubl. quæ est ordo civitatis, tribuit.

23. Constat hæc Ars præceptis Naturalibus, Gentium & Divinis, etiam verò civilibus populorum institutis; quia, licet universalis hæc Ars sit, unius tamen ordines Reipubl. supponit. Omnesque populi tam in publicis quam in privatis, partim communi omnium hominum, partim jure proprio utuntur, eaque ita inter se comparata sunt, ut mutuo sese explicent ac illustrent.

C A P. I I.

De Jure Naturali.

Originalis hominum integritas ex sententiâ Gentilium, Grotii & aliorum, qui nonnisi in affectibus & usu habituque illam constituunt. Qualis è sacris literis intelligenda sit. Imago DEI qualis. Futurum fuisse jus aliquod naturæ in statu primævo, etsi longe diversum ab eo, quod nunc est. Corruptionem hominis subitam fuisse, non ex usu & habitu. Lumen rationis haud omnino extinctum. Id esse Jus naturæ; quod definitur. Exegesis definitionis. Quatenus discretio turpis & honesti sit insita menti & homini congenita. Unde nascatur obligatio Juris Naturæ, qua de re diversæ sententiæ exponuntur. Refellitur Hobbesiana. D. Puffendorffii; Quarta speciosior interpretatio, contra quam disputatur, Theologorum expenditur. Quarta de dominio Dei in hominem probatur & à consensione Socinianorum purgatur. Immutabilitas Juris Naturalis quomodo accipienda. Distinctio Juris Naturæ in necessarium præcipientem, permittens, suadens. Diversi gradus inhonesti.

1. Fuisse tempus, quo genus humanum sine malâ libidine, sine probro & scelere vixit, etiam gentiles credidere, doctrinâ è sacris ad illas propagata sed non sincera; magis enim putarunt, in primis hominibus ignitionem fuisse vitiorum quam notitiam Virtutum; adeoque nihil quam mali nesciam & adhuc astutiæ inexpertam simplicitatem, quomodo Justinus lib. 2. a pr. Macrobius 2. in somn. Scip.

2. Neque

2. Neque plus originali integritati, à sacris literis proditæ, adscribere videtur validissimus Philosophiæ civilis doctor à Juris, Grot. in lib. 2. c. 2 §. 2. ut status integritatis nihil fuerit quam à naturæ ac ejusmodi àphæria, qualem, ait, in quibusdam populi Americani hodieque videmus, & quæ opponitur, ita pergit Grotius, à Paulo Apostolo τὴν ἀφροσύνην, quæ est calliditas & versutia multo tempore & usu acquisita, quam vult, homines primævos sensum, habitu multarum actionum contraxisse.

3. Prorsus eodem modo, quo ab aliis, diversæ professionis, doceri cæpit aliquandudum, Originalem corruptionem non consistere in ipsis facultatibus mentis, Intellectu & Voluntate, verum in affectibus & usu habituque inde contracto, quæ de re diximus in libr. de Ratione & Scripturâ, sect. 3. cap. 9. pag. 198. Adde part. 2. Digress. d. 1. c. 5. n. 5.

4. Sed è sacris literis constat, integritatem hominum primævam non tantum consistisse in validâ sanctitate justitiæque efficace ad Ephes. 4. v. 24. ubi conditum esse hominem tradit Apostolus ἐκ χάριτος καὶ ἀγαπῆς καὶ ἀληθείας, in justitiâ & sanctitate verâ, sed etiam ἐκ ἀποκαλύψεως καὶ τῆς ἐκείνου ἐκείνου; ad cognitionem secundum imaginem creatoris sui, ad Coloss. 3. 10. Cujus intelligentiæ non potest esse majus & excellentius specimen, quam fuit denominatio omnium rerum ab Adamo facta recens creaturarum, à Mose relata: quæ non nisi divina virtute virilique peripaciâ & promptitudine committi potuit.

5. In hac justitiâ, sanctitate, Ingenio & judicio, juxta dominium in cætera terrena, Imago Creatoris relucebat, ut è dictis locis & Genes. 1. 27 11 Corinth. 3: 18. Intelligi potest. Quam imaginem si primi homines in mutuâ & exi-

miâ charitate custodivissent, imperio civitatis vix opus fuisset, pereâ quæ canit Ovid. fab. 3. Metamorph. 1. nisi, quatenus ad communicandas utilitates & confusionem vitandam ordo aliquis non fuisset non necessarius.

6. Nec ideo probanda videtur eorum sententia, qui ante lapsum & corruptionem humani generis, nullum Juri Naturæ locum fuisse disputant. Tametsi enim nulla tunc esset vitiorum experientia, Dei tamen & proximi amor officia consentanea dictabat & contraria excludebat, quæ de re dix. in præd. cap. 5. Digress. n. 3.

7. Enim vero latis magnum futurum fuisse discrimen inter jus Naturæ, quod in statu Integritatis fuisset, & quod nunc obtinet in societate humana, facile constitui potest, quod explicat D. Puffendorffius in præfat. de off. hom. & civ.

8. Ex illa perfectione judicii & Voluntatis, quæ fuit in hominibus primævis, non sensum homo adsuétude facinororum, ut Grotium aliosque periculose sentire diximus, sed incontinenti à Creatore suo est alienatus arg. v. 12. c. 5. ad Rom. idque brevissimo tempore post creationem accidisse, ratio & Scriptura credere jubent arg. c. 1. Gen. v. 28, & 31. C. 2. in fin. & C. 3. in pr. quod explicitum in d. cap. 5. Digress. n. 4. in fin.

9. Imminuta tamen, non extincta fuit imago numinis, sive Lux infusa mentibus, quæ turpia & honesta discernentur, ad Rom. c. 1. v. 18. & seqq. Quæ propagato genere humano, auctifque usu promiscuo judicii illius objectis magis magisque semet exeruit, docente experientia; ne de renovatione hominis per spiritum Dei in Christo loquamur, d. cap. 4. ad Ephes. & 3. ad Coloss.

10. Ad lumen illud pertinet Jus naturale, quod eâ ratione totum imaginis divinæ rectè dicitur, ut Cicero lib. 1.

de Legib. de hoc agens; Est igitur homini cum Deo similitudo, ait, quatenus est conscientia & sculptura voluntatis divinæ 2. ad Rom. v. 14. & 15.

11. Definitur hoc jus à Marco Tulio, quod sit Ratio summa, infra à Naturâ, quæ jubet ea quæ facienda sunt, prohibetque contraria d. l. 1. de LL. ubi Legemita quidem definit, sed legem, id est, jus Naturæ.

12. Rationem cum dicimus, dictamen Rationis intelligimus, inter quæ non facimus discrimen, ut vult commentator in Grotium, qui in suâ definitione habet dictamen. Atqui dictatum Rationis quid aliud est quam Ratio dictans, jubens, siue quæ jubet, ut Cicero loquitur. Non opus igitur est, ut dicamus; Jus Naturæ esse ipsam Rationem, ut hæc certe latius patet: sed ut Ratio, quæ jubet facienda prohibetque contraria, non differat à dictato jussuque Rationis, facile non nimis arguti censors Ciceroni concedent.

13. Summa Ratio dicitur, id est, prima, perpetua & supra omnia, omnesque regens actiones humanas. Infra à Natura, consequenter ab auctore Naturæ Deo, quod ut Theologi malunt exprimi in ipsa definitione, ita nihil refragatur; nec Cicero id recuset. Vocat enim hoc Jus cælestem Descriptionem mentemque divinam, imo præpotentem Deum & lib. 2. Ratio est recta summi Jovis. Plane uti Plato τοῦ Ἀποῦ, Rationem vocat τοῦ Θεοῦ βούλησις, Deum in nobis habitantem; lib. 8. de Legib.

14. Discretio igitur Torpida atque honesta dicitur & est, ut Chrysost. homil. 14. ad Antioch. loquitur, & stat naturâ magistrâ, Euripides τοῦ νόμου δεινὸν πρῶτον; Jus natura natum. Paul. 2. ad Rom. 15. Grotius lib. 1. c. 2. n. 10. Etli dissentit D. Puffendorffius lib. 2. de jur. Nat. & Gent. c. 3. n. 13. qui vult hoc

judicium nonnisi ab informatione & exemplis oriri, quod nos hactenus quidem refellimus in d. part. 2. Digress. l. 1. c. 5. n. 5. 6. 7.

15. Quid igitur? an dicendum, animis hominum esse ingenitas propositiones actuales, quæ præcepta saltem generalia, statim atque usus sermonis acceperis, sine ulteriori meditatione suppeditent? Id eundem Virum Cl. negantem facile tendendum putamus, sufficiente eo, quod ipse dein subjungit, intellectui humano talem esse facultatem, quæ ex conditione generis humani liquido perspicere possit, quid faciendum, quid fugiendum. Quam facultatem Rationis, si à Deo mentibus humanis inditam, ut facit, agnoscat, veritati & dictis Apostoli & vespiti & talis rapidius, de lege cordibus inscripta satisfactum videtur.

16. Etli inde non erat inferendum, illam Notitiam non cadere in hominem, nisi prævia informatione vel adfuetudine videndi & audiendi laudes atque peccatas, ut docet in d. §. 13. Latius hæc de re minusque Puffendorffii rationibus adversa collocavimus in Eunom. Rom. lib. 1. ad §. 11. Inst. de jur. Nat. G. & C.

17. Ultima definitionis verba sunt, jubet facienda prohibetque contraria. Id est, dicitur ex ipsa naturali ratione, cuius actui inesse necessitatem aut turpitudinem moralem, ideoque eundem esse vetitum vel præceptum, ut Grotius loquitur in l. 1. c. 1. n. 10. eaque dictamina quatenus respectum hominum inter se mutuum continent, etiam singulis parendi necessitatem, quæ ab aliis exigi possit, injungunt; Alioqui delinere esse quod sunt, Leges & regula.

18. Vis quidem obligandi in his quæ Conventionem, ex qua proximè nascitur obligatio, præcedunt, non nisi à superiore, qui Deus heic est, unice potest oriri. Sed

Sed non convenit, quo respectu, vel qua virtute DEI nitatur obligatio Juris Naturæ in animos hominum; Sunt enim qui potentiam inresistibilem habent pro causa unica; sunt qui beneficia Dei in hominem. Alii enim *ἐμμεγέλη* & eminentiam Numinis; Alii denique dominium Dei & potestatem herilem pro causa hujus obligationis habent adæquatā.

19. Prima est Hobbesii sententia c. 15. de Cive n. 5. Secunda Puffendorffii l. 1. c. 6. n. 12. de jure N. & G. Tertia plurimum Theologorum, eamque diserte adstruit exactissimi Viri judicii Hermannus Witius l. 1. de Oecon. fad. c. 1. n. 14. Cap. 3. n. 8. & C. 5. n. 35. Quarta sententia Socinianis adscribitur, interque eos Volkelio & Crellio, contra quos Reverendus Witius disputat in locis citatis.

20. Quod ad priorem attinet sententiam, obligatio Juris obstringens animos *ἀναγκαστικὴ δύναμις, vim coactivam* habere quidem debet, at non solum; hæc fluere debet ex alia ratione convincens subiectum imperio, quod etiam parere debeat; cujusmodi nihil est in potentia inresistibili: tamen si Hobbes teneat, jus imperandi ab ipsa potentia derivari; verum sicut unicuique jus est dominandi quatenus potest, sic etiam ex ejusdem sententia cuique jus est resistendi, quatenus potest, si fiat, ut possit, vel se posse putet: Cujusmodi mutua facultas saltem potentialis, cum obligatione jubendi parendique inter Deum & homines nullo modo consistere potest.

21. Potentia igitur inresistibili aliud oportet accedat, quod recte animadvertit D. Puffendorffius l. 1. c. 8. n. 16. ubi; *sed accedere insuper oportet, ut aut ab ipso cui pareamus, insignia quadam bona sint in re profecta, aut ut ipse ultro in ejus directionem concesserim*. Posterius heic usu non venit, quia legem naturæ confide-

ramus sine respectu ad submissionem voluntariam. Magnitudo autem beneficiorum acceptorum non potest esse causa necessaria subjectionis, quam quaerimus; sed est invitamentum ad voluntariam ratione gratitudinis, etsi ne hæc quidem universæ obedientiæ legem absolute flagitet; Alioqui & inter homines idem suo modo statuendum foret.

22. Ne quidem hæ duæ res junctæ adæquatam obligationis causam efficere videntur; nec idem facit *ἐμμεγέλη* sive eminentia Dei super omnia creata. Nam hæc quidem valde probabilis, sed non expletrix imperii & subjectionis inter Deum & homines causa videtur esse, vi magis suadendi profundam venerationem, quam obediendi necessitatem imprimens. *Eminentia Dei est essentialis ejus attributum Deoque inest, licet creatura nullæ extarent*, ait ipse Vir Rev. ideoque per se non infert creaturæ rationalis subjectionem. Esset eadem eminentia, si Deus, ut Epicurei volunt, res humanas non curaret; quā tamen hypothefi, impiā scilicet, eminentia sine tenore subjectionis esset. Denique, nec angelis, nec hominibus utcumque eminentissimis, nec homini in bestias ob eminentiam, sed propter dominium jus imperii esse manifestum est.

23. Non possum adeo pedem figere in assignanda ratione perfecta obligationis; quā homo teneatur ad parendum dictatis Dei, quam in *Dominio*, quod est libera de re nostra disponendi potestas, adeoque in dominio herili; nec enim aliud dominium propriè dictum datur. Qui iusta ex causā domino subiectus est, sine dubio tenetur ad obsequium ejus imperiis præstandum, animique voluntatem conscientia causæ ad subjectionem habet obligatam. Deum autem inde à creatione factum esse dominum, nec unquam esse defuisse, non est quod ad-

adver-

adversus eos, qui Deum esse fatentur, problemus *ad Rom. 9. v. 20. & 21.* Si hæc est Socinianorum hypothesis, ac inde nescio quas, illi consequentias necitant, eas ut minime necessarias aut inde dependentes repudiamus, eisdemque removemus in *Part. 2. Digress. lib. 1. c. 6. in fin.* Ubi per omne caput illud, hanc sententiam adstruximus.

24. Necessitas obligationis ex jure naturæ est immutabilis, ut inter omnes constat; sed an immutabilitas illa respectu hominis duntaxat, an vero etiam respectu Dei accipienda sit, ut nec ille de Juris naturæ præceptis *dispensare* queat, hæc est ulterioris indaginis quaestio, de qua nonnihil inferius collocabitur.

25. Sed hoc loco non est omittenda distinctio Juris Naturæ, quæ dicitur aliud esse *præcipiens*, aliud *permittens*, aliud *suadens*. Præcipiens est id, quod proprie definitioni Juris naturæ convenit, circa ea, quibus inest aut necessitas aut turpitudine moralis; & hoc est immutabile; quippe à sculpturâ divini hominum animis impressum.

26. Jus permittens continet ejusmodi facultates, è quibus naturaliter aliquid habere vel agere licet, ut nec ab aliis impediri possit: verum ita, ut ad exercitium illarum nemo teneatur, sed iis pro lubitu quilibet abstinere possit; Cujusmodi est Tutela corporis sui, ple-

rumque sane, procreatio sobolis, occupatio rerum, quæ Nullius sunt, aliæque naturales facultates.

27. Ad Jus suadens referuntur ea, quæ Ratio suadet, ut meliora, non jubet præcisè: ut quod hereditates proximis sanguine potius quam extraneis relinquendæ sunt; aut quæ Ratio deteriora licet, non abscisse prohibita, judicat; ut nuptias consobrinorum & adfinium in tertio vel etiam forte secundo adfinitatis gradu; de quibus rebus actum à nobis in *lib. 2. c. 20. & seqq. Digress. pag. 1.*

28. Huc etiam pertinet consideratio; quod prohibitiones naturales habent varios gradus inhonesti, in quibus omnibus vertitur quidem naturale jus & pudor, ut Paulus ait in *l. 14. §. 2. w. de Rit. nupt.* sed hoc in quibusdam adeo validum est, ut quæ adversus hoc committuntur, *divina nefaria* sint, veluti parentum fororumque conjugia; quædam inhonesta, sic, ut tamen aliquando aliter se habere possint, qualia cum fratrum viduabus conjugia & divortia. Quædam indecora sunt nec tamen plane prohibita, ut est viro alere comam, ut est prodiga donatio. Ex quibus liquet, non esse remotam à Ratione distinctionem, inter honestatem & necessitatem moralem, quæ ab aliis improbatur, *ut demonstratum est, in part. 2. Digress. l. 1. c. 7.*

C A P. I I I.

Quo jus naturæ Hobbesianum examinatur.

Summa Juris naturalis Hobbesiani. Originem civitatum esse à metu & æmulatione mutua. Quemque in statu naturæ habere jus faciendi quod velit. Ab hoc statu recedendum per pactionem. Et per consensum majorem, qui est Imperium Civitatis. Statum naturæ nunc esse inter diversos populos. Conceditur positio, Statum naturalem esse statum belli. Illustratur exemplo Frisæ superiorum temporum. Causam civitatum esse etiam, desiderium societatis naturale. Probatur hoc & refelluntur exceptiones Hobbesianæ. Hinc sequi, positiones huic Societati repugnantes non esse juris Naturæ. Ac inde collabi regulas juris naturalis Hobbesiani. Et si verum sit, illas facto usuque inter homines frequenter obtinere. Refellitur argumentum ejus à divinâ potentiâ. *Repetitio ex editione priore.*

Thomas Hobbes Anglus aliam Juris naturalis indagandi viam multis impense laudatam ingressus est, in libro de Cive, cujus hæc fere summa est; Originem Civitatum non tam esse à naturali desiderio societatis, quam à mutuo metu, propter Hominum æqualitatem & earundem rerum appetitum; unde nascitur ingeniorum æmulatio & mutua lædendi voluntas, adeoque bellum omnium contra omnes, in statu naturali c. 1. n. 1. 6.

2. Contra Hæc, sibi quisque cavere studet & se luquetueri, talibus mediis quæ judicat esse necessaria, quod arbitrium cuique pro se debetur. Nec enim alius in statu æquali, sicut est per naturam, alterius judex esse potest; unde quisque jus habet faciendi quodlibet, & quod potest, per vires; nec quisquam cuiquam facit injuriam, etsi cogat eum ad quidvis patiendum, & omnes jus in omnia habent, quod dum abit in infinitum, status belli omnium in omnes est inevitabilis. 7. 8. 9. 10. & seqq.

3. Ab hoc statu naturali recedere ju-

bet Ratio, quæ summam hanc legem Naturæ dicit, non esse subsistendum in jure omnium ad omnia. Recedit autem ab illo jure per pacta, utrimque, vel ab alterâ parte impleta; quippe nuda pacta invalida esse in statu naturæ c. 2. Hinc aliam & præcipuam naturæ legem oriri, pacta esse servanda, quorum violatio sit injuria, cum ante pacta nihil injuriæ committatur c. 3. ubi in fin. n. 4. Injuria nisi post juris in alium translationem existere non potest, inquit.

4. Pactio non potuit recessum à jure omnium in omnia, id est, à statu belli præstare, nisi magna multitudo rationem iniret, quæ omnium Voluntas una fieret, quod est fundamentum civitatis & Imperii; A quo leges civiles, tanquam pactiones civitatis proficiuntur. Atque ita cum ante recessum à statu naturæ nulla facultas injuriæ cuiquam faciendæ fuerit, ex lege civili sola colligendum esse, quid fas, quid nefas, bonum aut scelestum sit. Quid, ait iterum, furtum, homicidium, adulterium & injuria sit, id ex legibus civilibus cognoscendum est, nec aliter

aliter sunt talia, quam si per has talia declarantur, in cap. 6. n. 16.

5. Ne quis autem ea, quæ de statu naturali docet Auctor, usu carere putet hisce temporibus, sciendum, omnes civitates, omnesque populos non uni subiectos Imperio; in statu naturali versari, ut docet Hobbes, cum a libi, tum *cap. 13. n. 7. Status civitatum inter se*, inquit, *naturalis, id est, hostilis est, neque si pugnare cessent, idcirco pax dicenda est. sed respiratio, in qua hostis alter alterius nutum motumque observat, & securitatem suam non ex patet, sed ex viribus & consiliis aestimat.* Ac ita diversæ gentes hominesque diversarum gentium ex jure naturæ sibi nullam mutuo faciunt injuriam; sed jus habent potentiores, cogendi imbecilliores ad dandum & faciendum quicquid libet. Quæ plura de Naturæ legibus habet ad pacem colendam, post recessum à statu Naturæ, heic loci à nobis excerpere non possunt.

6. Videamus, quid ex his rebus concedi possit, quid negandum sit Hobbesio. Enimvero naturam hominum esse tam corruptam, ut alter alterum oderit, alius alium subigere, spoliare, occidere velit, si detur facultas, in universum negari non posset, experientia literisque sacris id abunde probantibus. Ideo, si status naturalis sine imperio civitatis alicubi durabilis existeret, non est dubium, quin ibi dominaretur bellum omnium adversus omnes, ut exemplo non modo gentium barbaricarum, sed nostræ quoque Frisæ recentis documento probari potest.

7. Nam celebris illa gentis nostræ libertas, quæ post tempora Caroli Magni, nullum Principem domesticum aut alienigenam passa erat, tandem in resolutam omnium ordinum licentiam, sine ulla potestate coactivâ vel unius, vel

plurium: degeneravit. Quâ conditione per integrum fere seculum vixere majores nostri in verissimo statu belli omnium contra omnes, scissâ gente totâ in duas quidem factiones summas, verum ita, ut sine sedibus certis per omnem provinciam gladii micarent: Sibi quisque nobilis & paterfamilias viribus suis fidens, clientibus amicisque in auxilium adscitis, auctor & dux pugnæ, arcibus contra arces, turribus contra turres in eadem viciniâ ubique erectis atque munitis: plerumque bellum sine legibus belli; nec modo cædes & sanguis in rabie præliorum; sed etiam in captos sævitia, carceres inhumani, deformia supplicia & quicquid furor civilis odiumque efferatum audet, sine fine modoque exercitum. Nec alius è tantis malis exitus quam per unius Imperium adductus & validus, quod primum à Saxonibus, dein ab Austriacis supervenit, inveniri potuit.

8. Non recusamus igitur primam positionem Hobbesii summam, quod *Status naturalis sit bellum omnium contra omnes.* Nec alteram inde oriundam, *mutuum metum in causa fuisse, ut homines de ordinatis societatibus, quæ se adversus injurias invicem & ab aliis inferendas tuerentur, cogitarent.* Sed hæc duæ theses concessæ non averfant alias duas, quæ similiter concessæ vel approbatæ, pleræque malas consecutiones ab illo postulatæ occupant & subruunt. Prima sit, *Nativum societatis amorem hominibus juxta metum, pariter fuisse causam ineundæ Civitatis.* Altera; *Libidinem violandi, subigendi, spoliandi alios in statu naturali, non posse Juri vocari, sed etiam tum fuisse veras injurias.* Posterior è probatione prioris resultabit.

9. Quod ad primam positionem à nobis additam spectat, Hobbes ipse concedit, *homini statim atque natæ est, solitudinem*

vitandam perpetuam esse molestiam, nec ideo negat, alios aliorum congressum naturâ cogente, appetere in not: ad d. cap. I. Sed exceptio pro acumine Viri admodum inexpectata est; Ait enim, Fœdus, quo Civitates contrahuntur, non capi ab infantibus, cujuscumque cum omnes sint homines editi à naturâ, manifestum esse, cunctos homines ad societatem civilem ineptos esse natos, in dd. not: ad cap: I.

10. Quid enim hoc? Cum homines ad
justitiam esse natos dicimus cum Cice-
rone 1. de Legibus, hocne aliter quis
quam exaudiet, quam ad usum exerci-
tiumque justitiæ requiritur infantiæ involu-
cris explicatam? Nec hoc quidem ob-
stat, quod dein movet in eodem loco,
permultos homines vel animi vitio vel
defectu disciplinae, per omnem vitam im-
perfectos ad societatem manere. Ne hoc qui-
dem Cicero in loco predicto ignoravit,
ubi cum justitiam naturæ constitutam esse
dixisset, imbecilles tamen animos, monet,
depravatis consuetudinibus opinionumque
vanitate torqueri & quosunque experiri
flecti, inclinare. Nec enim ea vis est Ra-
tionis, ut affectibus corrumpi agique in
transversum nequeat; nec quod in mul-
tis hominibus id ita usu venit, ideo quod
verum & rectum est, definit esse Ratio-
nis dictamen.

II. Quod si verum est, ut per in-
missimas Hobbessii exceptiones non de-
finit esse manifestum, homines in ipso
naturali statu cupere societatem & con-
junctionem cum aliis, non potest fieri,
quin necessario Rationis dictamine co-
gnoverint, Vim non esse faciendam in-
merentibus, non esse verandos, spo-
liandos, qui vim nullam fecissent nihil-
se coalescere Societatem, quâ carere nec
poterant, intelligebant. Dominia re-

rum statim inter homines, antequam ci-
uitates conderentur, incepisse, longius-
que sensim protracta fuisse necessum di-
ctu est. Quod enim quisque dum nullius est
occupat, id naturalis ratione, quæ cum ipso
humano genere prodita est, fieri occupantis,
nec id ei eripere fas esse, res loquitur;
non minus quam Iustinianus in §. 11. &
12. *Inst. de Rer. divis. & A. R. D.*

12. Idem de reliquis naturæ rationa-
lis dictatis; ut quod tibi non vis fieri,
id alteri nefeceris; honeste vivendum,
alterum nullo modo lædendum esse,
quæque similia tuendæ Societati ne-
cessaria ex immediato Rationis instinctu
proficiunt, tenendum: eaque dictata
Leges sunt, propter conscientiam vo-
luntatis divinæ, de qua *precedenti capite*
dictum. Ejusmodi conclusiones Apo-
stolus in animis gentilium vocat *ἀναι-
σθητοῦ Ἰη, jura Dei*, quæ *Θεὸς, αὐτοῖς ἰσχυ-
ρως*, Deus ipsis manifestavit, per quæ
οὐκ ἔστιν εἰς ἑαυτοῦ, sibi ipsi: lex sunt 1. *ad*
Rom. 19. οὐκ ἔστιν ἑαυτοῦ αὐτῶν ἡ συνείδησις,
conscientiâ illorum constante. Unde col-
ligitur hæc definitio; quod conclusiones
juris Naturæ sunt, *Jura Dei hominibus a*
Deo manifestata, per quæ sibi ipsi Lex sunt
& in conscientia se devinctos sentiunt.
Cumque sint officia pleraque aliis erga
alios, qui omnes eidem Rectori Deo
subjecti sunt, injuncta, & mutuo præ-
stari solita; per leges illas alii alii obli-
gati sunt, etiam sine prævisiis pactis &
sine respectu ad ordinem Civitatis.

13. Unde subtruxit corrumpunt hæ po-
sitiones; Ante pacta nihil injuriæ possit
committi; In statu naturæ unicuique licere
facere quæcunque & in quoscunque librat;
Quid fas & nefas, honestum an inhonestum
sit, inice pendere à lege civili; quod
multo rectius & divinis oraculis rectæ
que rationi convenientius *Aristot.* l. 1. r.
Rhetor. c. 13. Εἰς τὸ Τί φασ ἄνθρωποι καὶ
δικαί, καὶ ἰσχυρὰ καὶ ἰσχυρὰ ἐστὶν ἀλλὰ τὸ
δικαί.

μὴν οὐκ ἔστιν; Est enim, ait, commune aliquod per naturam, justum ac injustum et si nulla Societas inter homines aut Conventio existat. Sed Aristotelem frustra adversus Hobbesium adducimus. Rationes à nobis adductas puto esse evidentes & verbo Dei firmatas: scilicet, leges esse à Deo insculptas animis, quibus homines inter se à Superiore Communi, etiam sine conventionibus obligantur. Quod autem contra leges fit, hoc esse nefarium ipse fateatur & ponit in cap. 4. & passim.

14. Verum quidem est, quod jus cuique sit, vitam membraque sua tueri mediisque ad hoc efficiendum idoneis uti; sed non est verum, quemque pro se judicem esse, quæ media ad eum finem adhibenda sint, idque adeò in infinitum, ut unicuique facere liceat quod libet, idque jus naturale sit. Judicem agere sui ipsius de mediis ad salutem necessariis utilibusque, non est ita animum inducere, ut aliquis pro libidine fingat, hoc aut illud sibi expedire, sed ut vere rectaque duce Ratione judicet, hoc aut illud, sine læsione societatis humanæ se facere posse, tuendi augendique sui gratiā. Verum ut mensura juris sit utilitas & potentia, quod Hobbes urget; in statu naturali, melius convenit immani Brenno id ipsum affirmanti apud Plutarchum in Camillo, περισβιβον τὸ νόμον οὐ φύσις; primam naturæ legem esse, πλείον ἔχει τοῦ κρείττοτος τὸ ἀποδιδόναι, ut validior plus quam imbecillior habeat. Vel ut idem apud Livium lib. 5. Omnia esse Virorum fortium; melius huic, quam Philosopho, inquam.

15. Consuetudinem hanc esse hominum, ἡ δὲ κρατὴν ἀρχὴν, Ut potentior imperet iis quibus possit, ut Athenienses ad Melios Thucyd. l. 5. & bellum omnium contra omnes dari perpetuum in statu naturali, hoc est, extra unius im-

perium civitatis, antea concessimus & res loquitur, alium non fuisse nec esse verum hujus mundi statum inde ab initiis humani generis. Platonis dictum est sub persona Cliniae Cretensis in lib. i. de Legib. à pr. Πᾶσις ὅσος πῶτος τις πᾶσις ἀπὸ πόλεως ἀνέστηται καὶ φύσιν αὐτοῦ. Cum his civitatibus perpetuum contra se mutuo bellum naturaliter esse non indictum. Sed hanc corruptionem humanæ naturæ, Jus, quod à ratione dividi nequit, appellare, quod omnes sine institutione norunt esse nefarium, nemo ante Hobbesium, dixit, opinor. Plato sane longe aliter in d. loco philosophatur, docerque id agendum esse per naturam, καλὸς καὶ εὖ καὶ πᾶσις αὐτὸς σφίσι αὐτοῖς, ut quisque bellum adversus suas libidines gerat.

16. Denique, non juvat Hobbesium, quod à divina potentia ad statum humani juris argumentatur. Nec enim à potentia sola jus Dei in cuncta creata deducitur: Sed ex eo, quod Deus cuncta proprietate Domini complectatur; quod homini in hominem sine causa præcedente nullo modo tribui potest. Præter quod ab infinita Dei bonitate, sapientiā, justitiā, omnipotentia junctis, ad humanam imperfectionem nulla ratio consequentia valet. Adde part. 2. Digress. l. i. c. 8. nec minus editionem primam librorum de Jure Civit. cap. 31. cujus dicta jam sequuntur, in quibus si quid recurat, non erit otiosum, spero. Sic ibi fuit;

Proinde, si juris Naturæ illud est datum, quod ratio necessaria præcipit aut prohibet, sequitur, Non recte statui fundamentum Juris Naturæ illud esse solum, quod periculosa auctor philosophiæ docet, ut quisque vitam & membra sua, quantum potest, tueatur. Hobb. de cive tis. 2. c. i. §. 7. inf. Hoc enim neque præcepti necessitatem semper, neque

quæ omnino ratiocinationem, quatenus primum est, quod utrumque in Juris principiis requiritur, desiderat.

2. Etenim est hoc primum juxta eam Naturam, quam communem habemus cum brutis animalibus, quibus æque illud insitum est, adeoque est *en t' ager-
tur n'la q'm*, quæ ut differant à jure naturæ dix. in Digress. l. 1. c. xi. Tamen, si visita, dici quoque potest fundamentum Juris Naturæ illud ipsum; at sensu diverso. Nam præter quod jus significat Regulam actuum moralium, quæ obligamur ad id quod rectum est, ut initio cap. 1. dictum, magni quoque & crebrius est altera significatio, quam & ibi collocavimus, quæ dicitur, *facultas ali-*
quid habendi aut agendi, ut est jus domini, jus herilis, jus patriæ potestatis. Grot. l. 1. c. 1. §. 4. Ejusque juris si tu primum quæras principium, nullum prius reperies, quam id quod vitam & membra quemque sua tueri docet. Cui sane convenit, ut quisque *jas habeat omnibus utendi mediis & agendi quilibet, sine quo se conservare non potest*, ut disse-rit Hobbes c. 1. §. 8. Ejusque rei quisque *etiam naturaliter iudex esse videtur*, ut ille postulat. Aut 9.

3. Inde tamen non sequitur, *jure naturæ unicuique jus in omnia competere*, ut idem vult Philosophus §. 10. Primum enim aliter concedi non potest, Nisi quatenus vita aliter conservari nequit.

4. Nec alterum, nisi quatenus alii iniqua conditio non inferitur. Nam quod idem excipit, c. 1. §. 14. in not. & c. 3. §. 4. ea quæ quis fecerit in statu merè naturali, injuria in hominem videri neminem, id extra illas exceptiones verum non est, ut demonstravit Grot. d. præfat.

5. Quicquid enim ille cavilletur, insita est homini, ut primum ratione valeret, cupiditas societatis, odium solitu-

dinis, ut ipse nec serio negare audeat in not. ad cap. 1. At illam societatem haberi non posse cum licentiâ se invicem lædendi aliosque vexandi eadem ratio dicitur. Ideo recte dictum est, Naturam ante omnia pacta cognitionem quandam statuisse inter homines. l. 3. p. d. f. & f. Quin & regulam cœlestis oris, quod tibi non vis fieri, id alteri ne feceris, quæ nihil simplicius, in simplicissimo statu Naturali obtinere oportet; Quod igitur contra hæc dictamina sit, id injuriam esse manifestum est.

6. Minime verò desinunt illa, quæ modo diximus, esse Juris Naturæ dictata, ex eo quod pravitas humani ingenii ad contraria ausa plerosque impellit. Nam quicquid Hobbes de infesto hominis in statu naturæ ingenio memorat, id esse verissimum concedimus, ut corruptio humanæ naturæ ad odium Dei hominumque facta satis demonstrat; Ut ne quidem negemus; si magna hominum multitudo sine imperio civitatis agat, eorum statum nihil aliud fore quam bellum omnium adversus omnes: civiliter, ut de longè majori generis humani parte intelligatur. Sed inde nullo modo sequitur, illud bellum & illas injurias jure fieri.

7. Hobbes colligit, consociationis causam inter homines, mutuum esse metum, Item studium utilitatis honorisque præ aliis usurpandi. Unde liqueat, nullum societatis appetitum esse homini Naturalem. d. cap. 1. §. 2. Quanquam enim de metu negandum non est, cum ad conciliandas firmandasque societates plurimum facere, ambitio tamen & avaritia serius animos hominum occu-
videntur, quam civitates coalue-
ideoque studium lucri & honoris ad hanc rem non multum contulit.

8. At verò quicquid de his rationibus fuerit, certum ac evidens est; etiam si nulla malorum experientia, homines
B 3 alii

alii non timerent alios, tamen societatem appetituros, solitudinem exosuros esse. Æque certum est, etiam eos homines, quibus necdum inradicata est ambitio & *ambitio*, fuisse tamen & fore propensos ad societatem rei publicæ ineundam.

9. Cum igitur ista cupiditas immediate hominibus insita sit, consequitur, & illa, sine quibus societas stare nequit, immediate animis hominum obversari. Atqui talia sunt, *alterum non ledere, nec facere quod sibi quis fieri nollet*; hæc enim esse necessaria ad societatem colendam primo rationis dictamine & originario jure naturæ cognoscimus, per ea quæ *præcedenti capite* de jure naturæ dicta sunt. *vid. c. 1. ad Rom. v. 19. & c. 2. v. 14. 15.*

10. Quin talia dictata non modo vim legum habent ex imperio Dei, *sed exinde jus quoque nascitur inter homines invicem*, sicut inter cives cujusque Reipubl. jus contra se invicem ex legibus oritur, ut probatum *cap. 2. n. 17. & seqq.*

11. Hinc falsa esse, quæ ab *Hobbesio* ut hypotheses postulatur, cuilibet apparet. Scilicet, jure naturæ licere uni alium invadere. *c. 1. §. 12.* Eodem jure, fortiolem posse debiliorem cogere, ad præstandam cautionem futuræ obedientiæ. *§. 14.* Neque enim potentia aut excellentia, juris perfecti in alium causa esse potest. Sed ratio tantum *probabilis* juris acquirendi, positæ terminis habilibus, secus ac ille vult *d. §. 14. in fin.*

12. Vult ille porro, jure naturæ *pa-* sequærendam, cō tantum, quod homines sibi incommodum experiri. *cap. 1. §. 17.* Sed *concordiam* vel sine experientia bellorum esse *naturalem*, patet in se, quia ad subsistentiam primæ societatæ, quam & sine bello appetere, est necessaria.

13. Falsa quoque hypothesis est, jus

naturæ dictare, quod *recedendum sit à jure omnium in omnia*, quia paci hoc noceat. *l. 2. §. 2.* Nullum enim ejusmodi jus existere dictum & probatum est, *nisi vitæ servandæ causâ*, verâ non simulata; At cātenus natura non dictat, ab eo recedendum esse, pacis causa. Verum quidem est, quod ante actum voluntatis humanæ omnia inter homines communia fuerint, ut & nos probavimus *Digr. l. 4. c. 11. & 12.* Et quod à communione recedendum esse ratio per experientiam edocta monstraverit, per ea quæ *dd. locis* tradita sunt.

14. At non ideo sequitur, *in statu naturali omnia fuisse & esse semper omnium*, quod Hobbes ubique urget, ac inde concludit, *quemque sibi posse vindicare quidlibet.* Id ille colligit hoc modo; Status naturalis est, quatenus civitatem præcedit: Ita, ut consequenter ante civitatem non posset intelligi *meum & tuum*, ut docet. *c. 6. §. 15.*

15. Contrarium ita colligimus; Ab initio generis humani cum paucitas nec confusionem nec periculum mutuum crearet, non est statim constituta Civitas, sed aliquamdiu viguit Potestas Patrumfamiliarum, quæ per se naturalis fuit, non ex consensu neque bello, secus ac *Hobb. c. 10. §. 10. in f. not. c. 6. §. 15. not.* Et si familiæ latè diffusæ & in plures cohabitationes sparsæ, uni tamen capiti subjectæ, Imperia magis quam familiæ fuerint: Quoniam familia est societas usus quotidiani causa, Civitas autem Societas domuum. *Aristot. l. 1. Polit. c. 1.*

16. Jam verò *meum & tuum* cum prima hominum multitudine proditum est, & sic ante civitatem. Quod enim quisque ad victum, amictum, ad quietem aliosque *usus incommunicabiles* occupaverat, id ratio & regulæ suprà collocatæ confestim dictabant, esse nefas eripi. Quo

Quo sensu verissimè dixit Justinianus; quod quisque, dum nullius est, occupavit. id naturali ratione, quæ cum ipso genere humano prodita est, fieri occupantis §. 11. & 12. Inst. de A. R. D.

17. Ergo manifestum est, ante civitates, notitiam usumque mei & tui fuisse jam atque coepisse inter homines frequentari: Et quidem duplex, *originarium & derivativum*. Originarium est id, cujus exempla dedimus in his quæ homines ante civitates ad necessarios usus immediate sibi sumserunt. *Derivativum*, quando quisque de his quæ occupaverat, volens aliquid in alium transtulerat; hoc enim eo modo translatum jure, nec ab eodem nec ab alio auferri poterat. Neque tantum traditione jus alteri in rem meam dare possum, sed & significatione quavis clarâ voluntatis. *Dis. in Digr. l. 4. c. 8.* Quam si alter acceptaverit, nihil excogitari potest, quare non jus quod ego habebam, in alterum illum transiisse dicatur. Et hæ acquisitiones atque traditiones aliquo saltem tempore civitates præcesserunt, quamdiu videlicet confusio rerum vel metus homines non redegit ad Reipubl. inveniendæ necessitatem.

18. Præterea, sicut translatio rei corporalis dominium in alium transferebat, ita ut revocari non posset; eodem modo quod alius alii promiserat, inde jus simile stipulanti acquirebatur. Quod alteri, inquam, promissisti, quia hoc tuo facto, jus rei promissæ penes illum alterum est, salva ratione fieri nequit, ut tu hoc alteri isti rursus eripias, id est, implere neques. Undeliquer, falsum esse quod Hobbes iterum tradit, aliquem posse jure naturæ promissæ ab altero acceptata retractare, propter metum probabilem. *Hobb. d. C. §. 11.* Neque enim mea formido causa esse potest, quâ mihi liceat rem aut jus alienum usurpare vel ipsi detra-

here. Sed cum qui justam metus causam alii præbet, posse prohiberi, vel cogi ad cautionem indemnitate præstandam non abhorret à jure naturæ.

19. Ex his jam sequitur, ante civitates conditas etiam fuisse nefas, ut alteri quis suum eriperet fidemque promissi violaret. Consequenter idem esse nefas Jure Naturæ inter eos, qui hodieque nullo Reipubl. vinculo colligantur, ut sunt populi principesque nec mutuo sibi, nec eidem supremæ potestati subiecti.

20. Quicquid enim disputat Hobbes de statu Naturæ ante Civitates, id hodieque de separatis Civitatibus inter se mutuo intelligendum esse docet, cum alibi, tum in *cap. 13. §. 7.*

21. Unde quam late positionum, quas Hobbes inculcat, usus pateat, & quantum humano generi pestem inferre queant, intelligi potest.

22. Quin si maxime in statu naturali ante civitates nulum fuisset meum & tuum, tamen perperam juri naturæ talis retractatio adscriberetur.

23. Quia certum est, jus naturale non minus pertinere ad ea quæ actus humane voluntatis consequuntur, quam ad ea, quæ omnes hominum conventiones præcedunt.

24. Quippe dictamen rectæ rationis omni mortalium statui ætati adæquatum est.

25. Ideoque omnes humane actiones reguntur jure Naturæ, quamdiu Societas humana, etiam utique in civitate, durat. *Grot. lib. 1. cap. 1. n. 10.*

26. Denique jam facile apparet esse falsum, quod idem docet; quid fas, aut nefas, bonum aut scelestum sit, hoc ex lege civili dijudicandum. *C. 6. §. 16.*

27. Nam quia meum & tuum violari quoque potest ante legem civilem, palam est, injurias quoque per legem Naturæ, citra pactiões, posse dijudicari.

28. Præ-

28. Præterquam quod ea, quæ necessitati morali adversantur, certum est nunquam turpia esse definire, quicquid legibus sit cautum vel non cautum, Euripid. *Quod turpe in se est, id nunquam fiet honestum.* Το μὴ καλὸν ὅπου ἴφου καλόν.

29. Enim-vero quæ ad jus naturæ ita referuntur, ut ei saltem non adversentur, aut quæ tantum *suadentur*, ea recipiunt mutationem.

30. Ex quibus omnibus patet, esse falsum illud *παραδοξόν*, quod idem scriptor tradit, *quid sit illicitum, quid furtum, homicidium, adulterium & injuria; id ex legibus civilibus cognosces, nec aliter esse talia, quam si per has declarentur.* Loco cit.

31. Præterea ex his omnibus judicatur, an rectè ab eodem sit dictum, *Leges naturæ nullas esse in statu naturali.* C. 5. §. 2.

32. Nam regulas, quibus in primo statu actiones hominum morales reguntur, *suprà aliquot ostendimus.*

33. Easque leges esse, quales in illo statu dari queunt, nempe *regulas obligantes*, manifestum est.

34. Scilicet Obligationis voce non ex arte Romanâ, quæ nullam sine facto novit, sed populariter acceptâ.

35. Quatenus quicquid necessitate faciendi aliquem obstringit, obligare dicitur.

36. Talia, inquam, esse dictata cordibus hominum insculpta, ex Apostolo *epist. ad Roman. locu modo citatis* inrefragabile est.

37. Et si quo pacto illa sculpsura sit intelligenda, non omnibus æque expeditum est, de quo aliquid occupatum est in *cap. 2.* & dicetur inferius.

38. Quod autem contra legem sit, id esse nefarium Hobbes ipse *toto cap. 4.*

& passim docet; Arqui lædere eos, quibus nihil de te mali sint meriti, esse contra dictamen rationis, & hoc esse legem, antea demonstratum est, si demonstrationis eget.

39. Idque vi, inquam, dictaminis illius; quod cum jus commune sit à *Communi Domino cunctis impressum*, jus etiam singulis contra singulos tribuit; perinde ac ejusdem Reipubl. cives ex legibus publicis sibi invicem sunt obligati, quod jam dicere occupavimus.

40. Et sic falsum est, quod Hobbes ut postulatum necessarium inculcat; Ante citraque pactiones mutuas *nihil injuriæ* posse committi, *cap. 3. n. 1. 2. 3. 4. & passim.*

41. Cæterum, sanctiones, id est, leges expressas, *quæ cogant vel actu puniant*, non cadere in statum Naturæ ante civitates, res ipsa loquitur.

42. Noli tamen putare, jus in illo statu fuisset inefficax, ut omni coactionis puniendique effectu destitutum fuerit.

43. Nam quicquid juris cuique competebar, id, si aliter non posset, manu ac vi sibi rectè adferebar. Quin puniendi facultatem jure naturali competere cuilibet in societatis humanæ violatores, *extra civitatem*, dictu necessarium est, ut probat Grot. *de J. b. & p. lib. 2. cap. de Pan.*

44. Hactenus quoque potentiam ad hujus juris causam pertinere, quod qui jus puniendi violatores humanæ societatis exerceret, cum prævalere viribus oportere; fatendum est.

45. Non quod potentia superiorem cum constituerebat, sed quia omnium intererat, nihil à quoquam fieri, quominus homines consistere possent.

46. Quod autem cujusque intererat, id erat jus ejus, quod & exequi poterat, quatenus vires non decissent.

47. Quin

47. Quem usum hæc Hobbesiana adstructa vel refutata habeant, si quis roget, is ad animum revocet, quod jam diximus, diversas civitates hodieque inter se versari in statu naturali, ut Hobbes tradit cap. 13. §. 7. & passim; quibus si illa postulata applicentur, videbitur faciem mirificam rerum humanarum.

48. Non est equidem negandum, homines in statu naturali constitutos ita vitam instituere solitos esse, nec aliter inter se Principes & populos agere hodiernos, nullo imperii vinculo conjunctos, ut potentior imbecilliorum opprimat & subigat.

49. Parum abest etiam, quin veteres arbitrati sint, belli statum inter populos nullo inter se federe conjunctos esse naturalem juris & non tantum facti.

50. Quo pertinet, quod Thucydides in lib. 1. refert, navigantes diversarum nationum se mutuo olim sine convitio percunctatos fuisse; nunquid essent predones!

51. Imo in ipsum jus Romanum ejusmodi quid influxit: Nam si cum gente aliqua neque amicitiam neque hospitium neque fœdus amicitie causâ factum habeamus; si quid ex nostro ad eos pervenerit, illorum sit. & liber homo noster; ab eis capere. sit servus eorum. Idemque est, si ab illis ad nos aliquid pervenerit. Ita Pomponius in l. Postliminii jus 5. §. 2. de Captiv. & postlim. Hæc sane juris sunt, sed juris injusti & barbarici efferoque consensu introducti; cujus hoc vestigium in Jure Romano esse retentum

mirari licet. Quid enim rationis, ut liber homo sine delicto, sine causâ, fiat servus aliorum; & res nostræ in exteriorum manus delatæ fiant illorum & sine facto nostro à nobis amittantur, & vice versa res exteriorum ad nos delatæ sine dominorum facto à nobis occupentur?

52. Cæterum, posset aliquis Hobbesium ita excusare, quod quidem neget, ex legibus naturæ ante civitates oriri jus hominum erga se invicem; sed quod tamen statuat, conscientias hominum ex illis fuisse obligatas: Siquidem ait cap. 3. n. 27. Legem Naturæ semper & ubique obligare in foro interno sive conscientie.

53. Verum id evanescit, quando hæc leges conscientiam obligantes ait, omnes pendere à translatione juris in alium facta; prius nullum esse jus nullamque juris violationem; nec videas, illum ante pactiorem inter homines initam quicquam agnoscere; quod naturaliter conscientias obliget. vid. cap. 3. n. 3. & 4.

54. Audio, qui Grotium optasse ferunt, vitâ ut sibi fuisset Hobbesiana doctrina, antequam suum jus belli & pacis edidisset.

55. Credo, ut præmunire suum lectorem adversus pestifera, vel ut mollissime dicam, periculosa dogmata potuisset.

56. Neque enim fas est credi, poenitentia pulcherrimi operis facturum fuisse, quod in negotio ejusdè admiſſerat miserrime, dejectus intra Crellium. Loquatur epist. & nunc subjecta libro Crellii de Satisfactione.

CAP. IV.

De jure Naturæ à Spinoſa expoſito, acum aliorum dictis melioribus.

Sententia Spinoſæ de jure Naturæ, quâ parte cum Hobbeſio conveniat & quatenus ab eo diſcrepet, ubi & Carneadis ſententia; Reſelluntur obiter. Quomodo dictamen rationis ad jus Naturæ inducatur. Non videri congenitum homini ad inſtar actualium propoſitionum, nec videri omnibus inelle *Τὸ πρῶτον* Dei. Puffendorffii interpretatio hac parte laudatur & improbat. Ejusdem poſitiones jus naturæ inducentes, cum Grotio & auctore de *princip. juſt. & decor.* comparantur.

I. **A**B Hobbeſii ratione non multum abludit, Benedictus Spinoſa, in *tract. Polit. c. 2. Ubi §. 4.* ponit idem quod Hobbes pro fundamento; Naturale jus eſt uſque ſe extendere, quo cujuſque potentiam, ſine diſcrimine rationis & affectum, quibus homines aguntur.

2. Quippe naturæ legem æque eſſe, regi affectibus quam ratione; cum illis neceſſario ſubjectus ſit, nec magis ſit in poteſtate noſtra, mentem habere ſanam quam corpus ſanum; eamque neceſſitatem eſſe æternum ordinem naturæ, ſecundum quem ſingula individua certo modo determinantur; erſi quo magis ratione ducitur, eò magis eſt liber homo.

3. Neminem in alterum quicquam habere juris, niſi quatenus eum habet in poteſtate, quaſi ligatum & reſiſtendi impotem; Ita quod ad corpus; In mentem nihil eſſe juris alteri, niſi quatenus uſum rationis illi intercepit, decipiendo; Ceſſante vi vel deceptione, jus alterius in alterum æquè ceſſare.

4. Proinde nec fidem alteri datam diutius obligare, quam voluntas promiſſoris, qui potentiam habet ſolvendi fidem, duret, cum nihil quam verba dederit, nec omnino jus eſſe naturæ ante Rem-

publ. cum extra eam nulla ſit ejus obtinendi ſecuritas.

5. Reipubl. obligationem in hoc conſiſtere, quod multi, qui in unum convenere, ſingulis potentiores ſunt, ut eos cogere queant; Hoc eſſe Imperium, cujus obligatio ceſſet, ubi plures vel qui jus plurium eſt conſenſu habet, poteſtatem reliquos cogendi amiſerit.

6. Tanto longius quam Hobbes progreditur, qui ex pacto non tantum verba, ſed etiam jus alteri ſeorſim à vi quaſitum ſtatuit, atque in imperio Civitatis etiam jus à vi ſeorſim, niſi fallor agnoſcit.

7. His reſellendis pleraque adverſus Hobbeſium dicta *ſuperius* ſerviunt, niſi quod Spinoſæ proprium eſt, ab altero in his quidem diſputationibus, non proditum; mentem non immediate à Deo creari, nec ab aliis rebus independentem eſſe, verum à cauſis naturalibus produci, ideoque motus ejus ordine naturæ, cujus homo particula ſit, univerſo & neceſſario regi, ſicut omnes aliæ res lege naturæ illi indita regantur.

8. Proinde, qui menti imperium tribuunt, hos velut imperium in imperio naturæ commiſci dicit; Quod ſi verum eſt, parum abeſſe, quin adverſus Hobbeſium dicta corruant, aut ſane contra

contra Spinoſam non prodeſſe videantur, fatendum fuerit.

9. Sed quo nos probemus, animi imperio, corporis ſervitio hominem uti poſſe; mentem à Deo creari & ab reſiquis independentem eſſe rebus, nihil ex hac parte quam tractamus, eruditionis proferendum habemus; niſi conſcientiam generis humani de actibus ſuæ mentis ab aliis rebus naturalibus toto genere ſeparatis, & de imperio, quod in corpus ejuſque motus evidenter exercet.

10. Spinoſa plane in hoc eſt, ut nullo Jus naturæ ſtatuat, fere, ut olim Carneades, contra quem diſputat Laſtancius l. 5. divin. Inſt. c. 16. & Grotius in præfat. operis magni.

11. Ille enim haud diſpari à Spinoſa modo, ſic inſtituebat; omnes homines, perinde ac alias animantes ad utilitates ſuas, natura ducente, ferri: proinde nullum eſſe jus vel juſticiam ab utilitatis ſtudio diſtinctam, vel ſi qua ſit juſticia talis, hanc ſummam fore ſtulticiam, eo quod ſibi noceret alienis commodis ſtudento, quo pertinet illud Poëtæ:

Nec natura poteſt juſto ſecernere iniquum.

12. Grotius medium reſpondendi ſumit ab excellentia hominis præ animantibus aliis; quem Spinoſa neceſſitate communis naturæ, quæ gradu non ſpecie variet, & quæ ſtatuit, hominem æquè neceſſario affectibus & ſtudiis ſuis quam cætera animalia inſtinctibus ſuis à natura inditis regi, eluderet.

13. Omnia. Spinoſæ ſunt *πρὸς τὸν Θεόν, prima naturæ*. Quibus homines ut reliqua animalia, quin ut reſ omnes in univerſo ſecundum leges naturæ ſuæ impreſſas agantur & ducantur.

14. Sed quod ipſi gentiles *οἱ Ἕλληνες* *ἡγεμόνες* *παύσαντες*, de ratione cunctis imperante, magna voce conteſtantur; quod docuerunt ipſoque uſu demonſtra-

runt, haud quaquam omnes homines ita ſe habere, quemadmodum Medea de ſe fatetur

Video meliora præboque, Deteriora ſequor; multosque rationis imperio ſubigere affectus, evidentiſus eſt, quam ut probari poſſit aut debeat.

15. Studium utilitatis, quo natura ducente, feruntur homines & beſtiæ, ſine dubio ad affectus reſertur; Sed quatenus idem ad aliorum injuriam pertineat, Ratio monſtrat hominibus, quod bruta capere non poſſunt, eademque juſtum & utile eodem momento ſeparare docet, idque jus naturæ eſt. Quod etiam ex ſolo Societatis humanæ, ſi maxime Deus eſſe Rector mundi & creator mentium negaretur, ut impie negat ille maledictus, colligi poſſet ita ſe habere neceſſario, quemadmodum à pr. cap. 2. collocavimus, & è ſequentibus illuſtrabitur; Enimvero

16. Quo pacto illud Rationis dictamen in animis hominum conſciatur, utilius quaeritur, quam ut negantes ullum dari naturæ jus; reſutentur. Attigimus aliquid ea de re in cap. 2.

17. Plerique jus naturæ cordibus ita inſcriptum eſſe tradunt & congenitum hominibus, ut ne à Deo quidem ipſo mutari poſſit, quia *τις ἐκ τῶν πρὸς τοῦ Θεοῦ* Dei in ſe contineant, quod aliter ſe habere contradictorium ſit, adeoque inſtar actualium propoſitionum conſcientiis hominum impreſſum ſit; quam ſententiam valide tenet Grotius in d. cap. 1. n. 10.

18. Sed nos ſateri cogimur, in iis præceptis, quæ ad cultum Dei non pertinent, ejusmodi *πρὸς τὸν Θεόν* & *impoſſibilitatem* mutationis contradictoriam, ipſius Dei reſpectu, ineſſe non videri, quod ex noſtris pridem docuit Eſſenius Theologus in tract. de ſubject. Chr. ad L. Deit. 2. §. 12. & ſeqq. & nuper in loco ſuperius laudato Puſſendorffius; & nos

in part. 2. Digress. c. 7. n. 6. & seqq. etiam in Eunomia Rom. ad lib. 1. n. tit. de Jur. Nat.

19. Sufficit & satius est, ita in animum inducere, quod intellectui humano ea sit facultas, ut ex contemplatione conditionis humanæ liquido perspicere possit, ad normam ejus legis sibi necessario esse vivendum, ut disse-rit Puffend. in l. 2. de jur. nat. & Gent. c. 3. §. 13.

20. Hactenus bene; sed quod idem addit, facultatem æquum ab iniquo, honestum, ab inhonesto discernendi, ab *adsuetudine* provenire, in hoc ei non adstipulabimur; nec est necesse, ex eo quod jus naturæ non ita impressum animis concedimus, ut inductione rationis opus non sit ad positiones ejus recipiendas, ideo causam ejus adsuetudinem & experientiam à laudibus & vituperiis vitorum, esse statuamus.

21. Verius est, ut notitia Dei naturalis, etsi collectione fiat, ab institutione tamen alienâ non absolute pender, ita *τὸν γὰρ νόμον οὐ καὶ τὸν νόμον, ἀλλὰ τὴν ἀρετὴν, ἀπὸ τοῦ Θεοῦ ἐκτελεσθῆναι*, discretionem honesti & inhonesti esse *ἀντιδιαστήσαντες*, non egere institutionis alienæ, ut ait Chrysost. homil. ad Antiochen 14 quod omnino velle videtur Apostolus ad Rom. quando gentes ait sibi ipsis suis se legem, cap. 1.

22. Quomodo autem collectio fiat, quâ singulis constet, quid faciendum aut fugiendum sit, Vir Cl. aliquot positionibus designat, quæ sunt hæ; I. Hominem per naturam esse conservandi sui studiosissimum. II. Eundem esse imbecillum & omnium rerum egenum. III. Quod opus est, adsequi non posse, nisi cum aliis sui generis colat societa-

tem. IV. Et nisi adversus eos ita se gerat, ne ab ipsis lædatur. V. Consequenter omnium satagat, quæ ad societatem conservandam pertinent, fugiat autem ea, quibus eadem lædatur.

23. Ita definit in eo, quod Grotius habet brevius in lib. 1. c. 1. n. 3 ubi sic instituit, ut jus idem esse dicat quod justum; justum, quod injustum non est, Injustum, quod Naturæ Societatis ratione utentium repugnat; explicatius alter, sed idem in summa; utcumque Grotium in hoc & in aliis variè agitaverit.

24. Grotius autem illa justî derivatione spectat ad hoc tantum, quod in jure belli & pacis obtinet; nec enim virtutes & vitia, quæ in singulis terminantur, ut ebrietas aliæque libidines ad læsionem societatis humanæ pertinent, nec ipsæ quidem prohibitiones matrimoniales.

25. Nec hæ quidem res Puffendorffianis positionibus contineri videntur; etsi illæ ad omne jus naturæ in isto loco subministratæ fuerint.

26. Neque plus quam Grotius ad hunc usum Auctor de princip. justî & decor, suppeditat, dum ab hoc axiomate, quod Deus sit, isque mundum condiderit in sapientia, colligit juris Naturalis inductionem, quod ordo mundi sapienter à Deo constitutus homini indicare debeat & possit, quodnam cujusque sit in actionibus suis instituendis officium. Dix. Eunom. Rom. ad l. 1. s. d. tit. In summa, de universo Juris Naturæ objecto & inductione singulis actionibus applicanda, nihil aliud quam quod illi prodiderunt, statui, & præceptionis instar, quod quidem liqueat, haberi potest.

CAP. V.

De Iure Gentium.

Jus Gentium discrepare à Naturali, diverso tamen sensu quàm ICti volunt Romani. Hobbes, qui nullum jus Gentium à legibus Naturæ agnoscit distinctum, refellitur, & probatur, esse, quæ nec naturalia neque civilia sint, adeoque Gentium necessario. Justitia & jus in externum internumque dividitur. Illud, quod in hypothesi quandoque rationi rectæ repugnet, secus ac internum.

Retinemus igitur veterem certamque philosophiam, quod jus Naturæ sit, *Quicquid ratio immediate dicitur, esse turpe aut honestum.*

2. Præter hoc, aliud commune jus generis humani traditur, quod circa ea vertatur, quæ convenienter quidem rationi Naturali, non tamen immediate, ex ejus dictamine, sed per modum arbitramenti, usu ita exigente & humanis necessitatibus, inde deducta sunt.

3. Cujus generis sunt pleraque jura belli, Imperia, dominia, servitutes, contractus, aliaque plura.

4. Atque hoc Jus definitur, *Quod voluntate omnium, aut sane cultiorum gentium vim obligandi accipit, fere ut Grot. d. l. 1. c. 1. n. 14.*

5. Cujus à jure naturæ discrepantia est, ea, quam definitiones indicant.

6. Nempe, quod hoc sit innatum homini ac inculptum, illud repertum & excogitatum.

7. Diversum docent, & conditores juris Romani & Hobbesius ille Britannus.

8. Jurisconsulti Naturale jus appellant *in primis naturalia*, quæ brutis quoque animalibus insunt, quæ de re videantur sis qua scripsi l. 1. digress. C. 21.

9. Id autem quod generi humano proprium & commune est, hoc om-

ne, *jus Gentium* vocant, tam quod cum hominibus ipsis proditum, quam quod ab illis introductum est. *pr. & §. 1. Inst. de Jur. Nat. & Gent.*

10. Hinc ad jus Gentium referunt, *Religionem in Deum, pietatem erga patriam & parentes, cognationem inter homines naturalem, denique servitutes, manumissiones, bella, regna, dominia, contractus d. §. 1. & §. 2.*

11. Quæ jura cum facile appareat, diversæ esse constitutionis, Interpretes Artis, duas Juris Gentium species, *primævum & secundarium*, distinxerunt.

12. Qua partitione factum est, ut verbis potius quam re sententia Juris Romani à Philosophiâ, quam Grotius sequitur, differre videatur.

13. Nam quod *Doctores* vocant jus gentium *primævum*, id est ipsum Jus naturæ, quod definivimus in *princ. b. tit.* & quod Doctores vocant *secundarium*, est idem cum eo jure Gentium, quod ex Grotio finivimus §. 4. b. 1.

14. Hobbes aliique recentiores, nullum jus Gentium agnoscunt à lege Naturali diversum, sed hanc distinguunt in Naturalem hominum & naturalem civitatum, quam vulgo jus Gentium, scilicet, appellant. *Cap. 14. de cive n. 4.*

15. Utriusque tradunt eadem esse præcepta, præcipuasque regulas esse has,

Pactis standum. gratiam referendam. non esse incommodum alteri. non contumeliosum. esse misericordem. modestum. non præferre semet aliis. nec alios aliis.

16. Item, *habenda communiter quæ dividi nequeunt, aut forte dividenda. quod quisque primum occupaverit, id ipsius fieri controversias non manu sed per arbitros exequi. Neminem esse arbitrum, aut se stem in propria causâ. Postremam esse Legem, non inebriari.*

17. Harum Legum nulli locum esse vult Hobbes, in statu Naturali, sed tum solummodo, quando secure id fieri possit. *c. 5. §. 2. c. 3. §. 27.*

18. Has esse leges naturales hominum, quatenus singulis hominibus officia sua præscribunt; naturales vero civitatum, quatenus totis civitatibus applicantur, eoque sensu *juris Gentium* vulgo esse dicuntur, ait.

19. Has leges Hobbesianas, unâ & altera forte an exceptâ, esse verè naturales, ex immediato Rationis dictamine prosequas, ex iis quæ duobus capitibus proximis, cum hisce collectis, exposuimus. nemini obscurum esse potest.

20. Sunt & alii, quibus placet, nullum esse *jus Gentium* à naturali civili que distinctum; eo quod, *jus omne vim obligandi habere debeat à superiore, per quem obligantur subjecti*; Talis autem superior præter Deum & Rectores ejusque civitatis, nullus est; *nec enim gentes diversa superiorem inter se habent*, unde hæc obligatio descendere possit. Ita fere Puffendorff. *lib. 2. de jur. Nat. & Gen. C. 3. §. 22.*

21. Equidem non valde repugnem, quominus contentis nobis esse liceat divisione juris in naturale atque civile, cum ne Juris consulti quidem ab hac sententia sint alieni in §. 11. *Inst. de Rer. divis. in l. 1. ff. de A. R. D.*

22. Nec tamen satis causæ arbitror esse, quamobrem à veteri doctrina sit recedendum, in qua libenter acquiescimus, ubi nulla se prodit evidens rerum novarum utilitas.

23. Quod ad vim obligandi attinet, ea satis valida esse potest è *consensu populi* rectè utentium analogiâ *juris naturæ*, & executio ab eadem facultate puniendi proficiscitur, quam in *Jure Nat.* indicavimus.

24. Qualitatem Superioris ad Juris constitutionem non requiri; sufficere paritatem inde à *pr. cap. 1.* demonstravimus.

25. Porro manifesta res est, multa in rebus humanis instituta à plerisque populis recepta vigere, quæ sine actu voluntatis humanæ vim habere non potuerunt.

26. Quæ proinde *naturalia*, id est, nata cum hominibus, videri non possunt.

27. Cum autem nullius certi populi autoritate introducta vel excogitata sint, clarum est neque *civilia* dici posse.

28. Unde tertium genus dari necessarium evadit, quod *jus Gentium* appellamus.

29. Talia sunt jura *Dominiorum*, *Bellorum*, *Legationum*, *servitutum*, *manumissionum*, *Testamentorum*, *emprionum* *venditionum*, *locationum* *conductionum*, *mutui*, *commodati*, *depositi*, *pignoris* aliorumque fere contractuum; quos Jurisconsulti, quando accurate loquuntur, *Juri Gentium* ita adscribunt, ut ab utroque tam *jure naturæ* quam civili distinguant.

30. Nec potest negari, quin harum rerum longe alia sit ratio, quam discretionis turpium ac honestorum, aliorumque discriminum, quæ mentibus hominum ab auctore Naturæ insculpta sunt, quæ *omni in quibus didicimus, ut Apost.*

31. Evidentius idem patet in hisce rebus;

bus. Ut res in una civitate iudicatz in aliis effectum habeant, utilitas promiscua gentium fecit, ut ubique pro jure habeatur.

32. Ut contractus secundum loci consuetudinem initus & celebratus, alibi, ubi sic celebratus non valeret, pro justo legitimoque habeatur, jus Gentium est. Utrumque tam à naturali simplicitate quam à jure civili remotum videtur.

33. Nam divisis Imperiis populorum, Judicia & leges unius populi alterum non tenent, nisi ex consensu, qui hic est manifestus.

34. Adde, quod multa jure Gentium impune fiunt, quæ simplex Naturæ Jus puniri vellet, ut *supra*, incendia cadesque è sola libidine sine usu belli. Quare si juris gentium, duntaxat *externi* sint talia, quæ jure Naturæ nullo modo sustineri possunt, has juris species oportet esse distinctas.

35. Præterea observandum, quan-

quam jus *Gentium rationi Naturali convenire debeat*, tamen juris Gentium in hypothefi esse posse, quod repugnet rationi.

36. Idque ideo, quia jus universale propter varietatem circumstantiarum mutari non potest; cum ob judicii de illis incertitudinem, tum, quia prætextu singularium, jus universum infringetur.

37. Hinc jus domini in servos, patris in liberos, mariti in uxorem, magistratum in cives durat, *sub lege patiendi*, licet iniquè exerceatur.

38. Quemadmodum & in iis quæ sunt juris civilis, haud rarò obtinet; ut in præscriptionis longissimæ per malam fidem, exemplo perspicuum est *apud Juris Consultos*.

39. Unde haud inutilis distinctio, inter ea, quæ justitiæ intrinsecus & quæ extrinsecus ei tantum conveniunt, ut *jam dictum aliàs occurret*.

C A P. VI.

De jure Divino.

Jus Naturæ & Gentium omnemque rationis usum subesse regimini juris Divini. Hoc duplex statuitur, Mosaicum & Christianum. Illud ad Hebræos solos, hoc ad omnes populos latum. Mosaicum rursus duplex, Cærimoniale aut morale. hoc aut necessaria aut probabili ratione niti: necessarîa, ut in plerisque Decalogi: quo proinde omnes non modo vi tacitæ naturæ, sed & expressâ præcepti, non tamen legislatoriâ, obligari. Probabiles rationes in præcepto de Sabbatho esse & in Politicis, easque aut solis Hebræis, aut æquè reliquis convenire; quæ prioris sunt generis, eas cum Judaico populo cessare, non ita reliquas, sed quatenus in iis honestas moralis, etsi non necessaria vertitur, ita hodièque esse obligatorias; mutabiles tamen, quatenus in iis aliquid cærimoniale aut Judaicum peculiare consistit. Denique, non videri in N. T. severiorem morum disciplinam, ac in V. T. tradi.

Distamina rationum, unde jus Naturæ & Gentium oriuntur, sunt principia philosophiæ, quibus, si sola sint, homines facile abutuntur *καὶ περιστρέφονται, in transversum aguntur.*

2. Ita ut studium sapientiæ *καὶ τὸ αἶψον, inanis argutia*, & deflectens à τῇ γνώσει τοῦ Θεοῦ notitia Dei naturali, totum evadat *καὶ τὸ αἶψον, hominum traditio*, ut Apostolus ad Romanos I. & 2. graviter docet.

3. Per se tamen illa minime improbanda esse, procul omni dubio est; *siquidem ἐκ σκευτῶν τοῦ Θεοῦ ἐκτυπώματα ἐν καρδίαις ἀνθρώπων, obscurior facta primævo lapso*, non suffocata est.

4. Integer homo si maneret, fieri non posset, quin id quod clare & distincte perciperet, verum esse sciret.

5. Nec quidem nunc id dictum mi-

nus est necessariæ veritatis: Sed opinio talis perceptionis fallit hodie prudentissimum quemque, *pro Junone nubem.*

6. Scimus, quid multi de visione, de conscientia certæ perceptionis & oraculo rationis æquè infallibilis, ac est Deus, arguentur, & tamen contentiones eorundem atque discrepantias, falsitatis & erroris indices, undique abunde videre non cessamus.

7. Quanquam autem jus divinæ positionis à naturali distinctum sit, neque fundamenta utriusque debeant confundi, tamen ut nunc se res habent, nihil censeo Christianis, è præceptis naturalibus inculcandum, quod juri divino, cuius ratio sit universalis, adversetur.

8. De moralibus agendis loquimur. Nam credenda quæ sunt, ad hanc artem non pertinent, sed ad Theologiam, cuius tam naturalis quam revelatæ præcepta

cepta diversæ sunt institutionis; etsi aliquando illis hæc Ars omnino carere nequeat.

9. Igitur in ordinem redigenda Ratio, quatenus fieri potest, ad præscriptum divinæ voluntatis in literis *Dei expressæ*.

10. Jus divinum positivum habemus aut per *Mosē* veteresque prophetas populo Hebræo, aut per *Christum* & Apostolos toti humano generi significatum.

11. Jus quidem Hebræis datum est duplex, *Cærimoniale* ac *Morale*, sicut in scholis loquimur, ita ut sub morali *politicum*, quod utique moralis disciplinæ pars est, complectamur.

12. Cærimoniarum post *Christum*, quem adumbrabant, evanuerunt, affixæ omnes cruci salutiferæ. *ad Colos. 2. v. 14.*

13. Morale jus est, quod ad regimen morum spectat. Nititurque aut necessaria aut probabili ratione; illa immutabilis est.

14. Necessitas apparet in decem dictis Domini, *excepto quarto*. Probabilis ratio moralis est in Politicis Judæorum, nec non in præcepto de *Sabbatho*, cui & *rituale* quid accessit.

15. Idem discrimen in aliis Gentium legibus animadvertas; Nam omnes populi, qui legibus & moribus reguntur, partim suo proprio, partim communi omnium hominum jure utuntur, ait Justinianus in §. 1. *Inst. de Jur. Nat. Gent. & Civili.*

16. Sic quoque Deus populum Hebraicum partim communi jure, quod est in *decalogo*, si quartum præceptum excipias; partim jure proprio, quod & *politicum* dicitur, gubernari voluit.

17. Leges, quæ nituntur necessitate morali, omne genus hominum in perpetuum obligant.

18. Immo & leges, quarum probabilis tantum est ratio *beneficæ*, simili-

ter omnes in perpetuum obligare videntur.

19. Quatenus certum est, differentiam rerum hominumque subesse nullam.

20. Vis quidem *nomothetica* non potuit ad alios pertinere quam ad *Hebræos*, sed revelata Dei voluntas in his quæ nobis æque conveniunt, nec ab animi nostri dictatis ullo modo discrepant, hodieque necessario nos tenet, *ut putem.*

21. Quæ ratione quædam constitutiones *Mosæicæ* ad nos plane non pertinent, ut constitutiones *asylorum*; Quædam ad nos adhuc dum spectant, sed cum aliquo discrimine, quantum diversitas morum & instituta *Reipubl.* ferre queant, ut se res habet in *foenore*.

22. Sic pœnas delictorum à Deo statutas servare debemus, *ut eadem proportio* delictorum ad delicta, pœnarumque ad pœnas custodiatur.

23. Sed modis generibusque pœnarum sine dubio non adstringimur aliæ gentes.

24. Gradus etiam aliquantum variare licet, quatenus mores temporum & ingenia populorum pœnas remitti aut intendi requirunt, quæ de re *Adrianus* agit *Sandius* noster in 5. *decif. tit. 4. def. 9.*

25. Sed hoc semper est verum, Christianis non minora pietatis caritatisque officia incumbere, quam olim Judæis injuncta fuerint; *sub eadem limitatione*, si per omnia sit eadem temporum & *Reipubl.* ratio.

26. Porro, quicquid per Christum ejusque legatos præceptum est, id sine dubio omnes indistincte ligat.

27. Nee tamen putandum, quod alii, & ipse *Grotius* statuunt, *severiores morum disciplinam* in novo fœdere, quam in antiquo fuerit, esse introductam.

D

28. Sancti-

28. Sanctitas enim, quam Lex postulat, ejusmodi esse debet, cui nihil deficit, & cui præmium vitæ æternæ convenire posset, qua major esse non potest. *Vid. Matth. 22. v. 37. & seq.*

CAP. VII.

De Jure Civili, obiter, & de Justitiâ.

Ex triplici illo jure nasci omne jus civile. Romani juris notitiam ad hanc quoque artem esse perutilem. Justitia quid & quod simplex. Universalem vix aut parum à virtute in genere differre. Explicatur, quo pacto *philosophia* cunctis virtutibus & justitiâ cohibeatur, hujusque divisio exponitur & cum veteri doctrinâ comparatur.

EX hoc triplici fonte juris *Naturalis, Gentium & Divini*, leges cujusque populi tam privatæ quam publicæ sunt derivandæ.

2. Demtis, additis, mutatis illis, quæ status civitatum, ingenia populorum, ratio temporum aliter atque aliter constitui volunt l. 6. *u. de Just. & jur.*

3. Quatenus, scilicet, Naturalia & divina recipere mutationem, *ex regulis supra collocatis intelligi potuit.*

4. Sed pluribus de *jure civili* agere non est hujus instituti, quanquam notitia juris Romani in hac quoque universali disciplinâ non quidem ad intellectum necessaria, sed perquam utilis est ad illustrandum, & forte necessaria ad docendum.

5. Quia satis constat, nihil solidius & sapientius ad interpretationem juris Naturalis & gentium, quam à Romanis prudentibus, extare relictum.

6. Et si contemptum, ignorantie manifestus, *Romana prudentia* præ se ferat ille sui ingenii *Hobbesius*.

7. In quo parum abest, quin imitentur eum interpretes aliquot Grotiani, ejusdem juris imperiti, & adfirmantes magis quam exemplo suo comprobantes,

juris Romani notitiam non requiri ad hujus universi juris publici interpretationem.

8. Porro, qui præcepta omnigeni juris vitæ suæ tenore servat, is justus, & hic à justitiâ dicitur.

9. Quæ nihil est aliud quam *habitus*, per quem homines *justa volunt & agunt*, ut *Aristoteles* finivit. 5. *ad Nicom. cap. 1.*

10. Justitia, quæ omni juri cunctisque virtutibus adæquata est, *Universalis* dicitur.

11. Neque aliud est, quam virtus in genere; tantum quod Justitia relationem ad alios usumque in societate civili continet. *Γενίως ἀρετὴς ἔστιν, usum universæ virtutis appellat Aristoteles* 5. *cap. 1.*

12. Unde liquet, eam non esse distinctam virtutis speciem, sed omnium complexionem, juxta veterem versiculum Aristoteli laudatum, *Ἐν δὲ δικαιοσύνῃ συνίσταται πᾶσι δὲ καὶ ἐν αὐτῇ, id est, Justitia in sese virtutes continet omnes.*

13. Proprie autem dicta Justitia est ea, quæ docet *plus suo* non capere aut cupere, cujus oppositum vitium illud frequens est, *πλεονεξία, cupiditas habendi plus suo.*

13. Quæ cum ab alia virtute non coëreatur,

ceatur, fieri nec potest, quin hæc sit peculiaris & ab aliis discreta virtus.

15. *Suum*, cujus inordinata cupiditas per Iustitiam coercetur, sumitur vel pro iis quæ nos faciunt locupletiores & patrimonii pars sunt, vel pro omni eo, quod plenè perfecteque ad nos pertinet.

16. Priore sensu Iustitia tantum coercet *τὸν ἰδιωτὴν ἀπὸ τοῦ κοινού*, ut Aristoteles ait, *nimium pecunia studium*; posteriori, cohibere docet omnem malam cupiditatem, qua quis alium in qualibet re quovismodo lædit.

17. Sensu Aristotelico Iustitia particularis universali opponitur; Altera significatione, contentis esse licet nobis uno genere Iustitiæ, quæ doceat, neminem ledere in bonis, corpore, honore suo suorumque. Placet in hoc sensu accipere Iustitiam.

18. Atque ita definitur à M. Tullio, *Virtus, quæ cuique jus suum & dignitatem tribuit. 2. de Invent. & 3. ad Her. à pr.*

19. Nec abludit definitio Jurisconsultorum; Constans & perpetua voluntas sua suum cuique tribuendi; cujus exegesis vide, sis, in *lection. nostris ad tit. ff. de Just. & jure, n. 16.*

20. Hoc sensu Iustitia dividitur in *Commutativam & distributivam*, ut veteres termini habent, vel, si quis malit cum Grotio, in *Explettricem & Adtributricem*.

21. *Commutativa* sive *expletrix* fit, quæ docet cuique tribuere, quod *plene perfecteque* ad aliquem pertinet, cujusmodi res sunt, quæ in dominio vel in credito habentur.

22. *Distributiva*, sive *Adtributrix*, quæ docet æqualitatem servare in his quæ *probabiliter ad alium pertinent*, ut præmia, honores, officia gratitudinis, misericordiæ & similia, quemadmodum

hæc res traditur à Grotio *lib. 1. de jur. bell. & pac. c. 1. §. 8.*

23. Non est hæc nova plane doctrina; Quid enim aliud Cicero voluit, cum iustitiam esse dixit, *quæ cuique jus suum & dignitatem tribuit? ut modo intelleximus.*

24. Per *jus* intelligit, quod plene atque perfectè ad nos pertinet; per *dignitatem*, quæ probabili ratione debentur, non tamen necessario, nec quæ exigere possunt, ut bene meritis præmia, egenibus subsidium; hæc etiam Aristoteles ad *ἀξίαν* sive dignitatem refert *lib. 5. ad Nicom. c. 1. & 2.*

25. Qui hæc posteriora tanquam perfectè sibi debita petit & efflagrat, injustus est, ut Catilina in *epistol. ad Qu. Catulum*, ideo se bellum patriæ movere dicebat, *quod statum dignitatis in civitate non obtinebat, & quod non dignos homines honore honestatos videbat.*

26. Hæc eadem creberrima seditionum inter plebem & optimates causa fuit olim, *quod hi se digniores regendâ Republ. putabant*; plebei, honores omnibus *ex æquo* tribuendos esse, tanquam res patrimonii, contendebant.

27. Optimatum sanior & utilior est ratio. Nam ex promiscuo honorum usu non potest non oriri *σύνχρησις* & *ἀνάμιξις*, confusio Reipubl. nec tamen si qui ex optimis prætereuntur, idcirco hi se lædi rectè contendunt, ideo quia non regnant., ut Catilina iniquissime colligebat.

28. Hæc de iustitia pro scopo hujus instituti sufficient, reliqua petas velim è *lectionibus nostris ad tit. Inst. & Pandect. de Iustitia & Jure & Eunomia Romanâ ad l. 10. d. 7. & 7.* nec immorabimur amplius Hobbesio refutando, qui iustitiam nihil esse vult aliud, quam pactorum violationem. *Ttract. de cive cap. 3. §. 6.*

29. Pendet enim hæc definitio ab illâ hypothefi, quod ante pactiones in statu naturalis omnibus omnia liceant, nec injuria possit existere; quâ sententiâ superius refutata, non est quod de hac ultimatæ definitionis laboremus.

LIBRI I.

De Jure Civitatis.

SECTIO II.

De Imperio Civitatis.

CAP. I.

De Origine Civitatis ex consensu & vi.

Causam civitatis præter desiderium societatis odiumque confusionis, fuisse se malitiam hominum. Copra quam boni se tueri non poterant, nisi conjunctione multorum: & quidem tali, per quam omnium voluntas una fieret. Plures tamen populos vi armata in civitatem & sub imperium, quâ qua jure injuriâ, fuisse redactos. Facultatem, quâ potentior imbecillior cogit ad obsequium, improprie dici Jus. Divisio Imperiorum in voluntaria & involuntaria. Graswinkeli & aliorum sententia, Imperium à populo ne quidem per modum causæ secundæ derivari statuentis, rescellitur.

Sanctitatem illam justitiæque universam si homines integri perstitissent, exacte implere potuissent. Sed ubi desciverunt, ambitio, avaritia, libido invasere.

2. Adhuc quidem leges naturæ, id est, dictamina rationis satis æquum ab iniquo separabant; Ineratque animis cupiditas societatis, judiciumque de rebus ad eam necessariis.

3. Sed quia sine ordine certo non poterat confusio evitari, Nec commoda

universorum invicem communicari poterant.

4. Maxime, cum ob pravitatem feritatemque hominum, dictata rationis negligenter, tantumque omnes valere vellent, quantum viribus possent; Pallam est, opus fuisse ad bella evitanda conjunctione multorum.

5. Nec tamen consensus in foedus se invicem non lædendi, ad tollendam confusionem sufficiebat.

6. Necessaria fuit ejusmodi ratio & modus, per quem omnium voluntas una fieret.

7. Neque

7. Neque enim aliter communium actionum exitus ad concordiam & communem salutem obtineri poterat.

8. Hæc est Unio illa, quam vocamus *Rempublicam*. Et multitudo hoc modo unita *Civitas* dicitur.

9. Voluntas autem una ista nihil est aliud quam *Imperium Civitatis*.

10. Ergo voluntatis sive conventionis illius tres quasi gradus esse videntur. Primus, ne alii aliis noceant. II. Ut omnium Voluntas una fiat. III. Ut modus istius Unionis constituatur.

11. Primus gradus dat *pacem*, alter *Rempubl.* Tertius *formam Reipubl.*

12. Hobbesium, qui unum modo pactum statuit *Puffendorffius* refellit lib. 7. de *Jur. Nat.* c. 2. & judicium pendet ex his quæ nos *infra* collocabimus.

13. Consensu tali priscos populos à diffinitione generis humani, saltem aliquod unum coaluisse dubium non est.

14. Complures tamen vi bellicâ sub Imperium aliorum redactos *sacra litera* & experientia rerum humanarum docent.

15. Et poterat hæc origo Civitatis, quanquam violenta, tamen esse non injusta. Nam qui alios hac gratiâ invaserant, si vincebantur, summo merito in servitutem agebantur.

16. Imò occidi poterant, si qui alios prius occidissent, aut morte quicquam dignum admisissent.

17. Proinde & rebus suis omnique jure privari poterant; *Quia quos honestum est occidere, eos spoliare non potest esse inhonestum.* *Cic. lib. 3. off.*

18. Proinde, quantum vellet, tantum juris victori in eos exercere licebat.

19. Et si plerumque fiat, ut ejusmodi Imperia pactionibus deinceps alium modum accipiant, adeoque voluntaria vel saltem mixti generis evadant; quâdere *inferius* agetur.

20. Sed ut potentior imbecilliores nulla aliâ causâ ad obsequium cogeret, id naturale facti, non juris habendum, secus ac *Hobbes voluit*.

21. Non est etiam Juris Naturæ, ut, qui ad usum libertatis inepti sunt, hi per vim ad serviendum adigantur; Si non alia sit ratio, quam quod nati ad serviendum parere nolint, *πρὸς τὴν ἀρετὴν καὶ τὴν ἡλικίαν*, ut magnus vult philosophus, *Aristot. lib. 1. polit. C. 3. 4. & ult. Dix. lib. 2. digress. c. 2.*

22. Neque enim ab aptitudine ad *Facultatem*, à ratione probabili ad jus perfectum licet argumentari. Non magis quam id quod ab alio occupatum est, illi eripere licet, eò quod nobis potius convenire videatur; quâ de re Cyrus puer à præceptore suo, male instituens, eruditur, *apud Xenoph. Cyrop. lib. 1. à pr.*

23. Cæterum, quo pacto Imperia vi injustâ fundata, fiant legitima, alio loco dicendum.

24. Summa igitur Imperiorum differentia est, quod *voluntaria* sint, aut *involuntaria*.

25. Hæc autem invitis imponuntur bello, aut violentibus quidem, sed necessitate aliqua majore subactis, cujusmodi actiones philosophi mixtas appellant.

26. Sic olim *Compani* à *Samnitibus* ad extrema redacti, *se, urbem, agros, divina humanaque omnia in S. P. Q. R. ditionem tradiderunt.* *Liv. l. 7. c. 33.* Nec alia fuit *Ægyptiorum* causa tempore *Josephi*.

27. Hæc igitur Imperia ex consensu multitudinis originem habuere. Nasci enim illa immediatè à Deo, ut in rebus humanis nihil sit, *quod vel secundæ causæ ferre queat nomen*, quomodo post & ante alios *Grafwinkeli* operose disputat, incondita sententia est, *in tract. de jur. Maj. c. 1. & 2. nec non vernac. tract. de summâ potest. Ordd. Holl.*

D 3

28. Nam

28. Nam ratio nimis manifesta in contrarium est, ut ex *suprà* dictis intelligi potuit. Etiam inde, si non quæque res ipsa convincit; quod populus, si velit, imperii facultatem ipse retineat, nec in unum vel paucos conferre cogatur.

29. Quæ autem è sacris literis ab illo proferuntur, ea vel allegorice detorta, vel à speciali *Theocratia* populi Hebræi petita, vel nihil aliud indicant quam ipsi Gentiles loquuntur, *ὡς δὲ Διὸς βασιλῆος Ἀβὶ Φοῦε sunt Reges*. Pluribus illam sententiam refellit Puffendorf. l. 7. de jur. Nat. c. 3. n. 7.

30. Prorsus enim nihil certius est, quam Imperium esse *ἀπὸ ἀνθρώπων, ab hominibus institutum*, ut Petrus Apostolus docet in *epist.* 2. c. 2. §. 13. cui minime contradicit Paulus ad Rom. XIII. Imperium civitatis à Deo esse docens.

31. Hoc etiam confirmat historia Saelis electi, apud Samuelem *lib. 1. cap. 8.*

32. Populus Hebræorum immediatè à Deo gubernatus erat sub Judicibus, qui non à populo imperare jubebantur, sed à Deo inspirati mittebantur. Postea Regem petierunt, quod Deus ita interpretatus est; ut se *desistui*, suumque imperium, quod erat immediatum, respici; Populumque se regiminis statuendi auctorem ferre declararet *d. 1. c. 8.*

33. Sed omitti non debet hæc observatio; non semper expressam populi voluntatem in stabilienda potestate Reipubl. intervenire; sæpe *tacitam lapsu temporis introductam*, ut in plerisque *Aristocratia*, nominatim iis quæ sunt in *Beleicis nationibus*, usu venisse manifestum est.

34. Talem potestatis originem non minus esse voluntariam, quam quæ fit uno actu, in *capite de præscriptione ju-*

rium S. P. videbimus. Et si *Grafwinkeliu* inde suum jus immediatè divinum in *Ordines Hollandiæ* derivet.

35. Sed verum est, illam è tacito consensu Imperii acquisitionem, plerumque *simpliciter esse constitutam*, ac ita planè integrèque supremam; quia leges & exceptiones speciali voluntate sanciantur, ut latius alibi videbimus.

36. Postremo loco non possum heic omittere verba Hermogeniani in l. 5. de *Just. & jur.* quando sic ait; *Ex jure Gentium introducta sunt bella, discretæ gentes, regna condita, dominia distincta, agris termini positi, ædificia collocata, commercium, emptiones &c. obligationes institutæ.*

37. Videtur his verbis ortus civitatum historicè & philosophicè eleganter demonstratos: Hoc enim vult Hermogenianus; *Primum in orbe verum hominum fuisse, statum belli, quo gentes nullo imperio coercita necessario confinguntur.* Cujus evitandæ causâ qui ab eodem ultimo progenitore nati erant, aut aliter consenserant, in gentes nationesque semet ipsos seceverunt.

38. Cum autem ita nondum pares essent confusioni vitandæ, vel malis hominibus profligandis Imperia stabiliverunt, & regnâ quidem omnium primo. Exinde dominiorum distinctionem paci conservandæ necessariam & jam inchoatam perfecerunt atque stabiliverunt, maxime in rebus mobilibus.

39. Serius agros terminis fixis partiti sunt, cum diu more Nomadum, ut Patriarcharum tempore, vixissent. Neque prius ædificia collocare necesse fuit; atque tum demum commercia certâ ratione commodo suo exercere potuerunt. Ita se planè res habuerunt.

Civitas, de cuius jure quærimus, definiatur; Cætus perfectus familia-
rum juris fruendi vitæque sibi sufficientis
gratiâ, sub eodem summo imperio, sociatus.
Dix. l. 1. Digress. cap. 13.

tate haberi; quia sane est Respublica & multitudo, licet absque territorio, quæ habet ordinem parendi & imperandi, sub unâ Summâ potestate mediisque magistratibus, quemadmodum *in loco* videbimus.

7. *Vitaque sibi sufficiente gratia.* Id
rursus ex Aristotele d. loc. ζῆς πλεί-
στα καὶ ἀνθρώπων, qualis extra civitatem
in solitud. : si bella maxime abessent,
haberi nequit.

9. Ex eadem ἀπορία colligit Aristoteles, servos ad communionem civitatis non pertinere, quia τὸ δούλον, ἢ ἀνθρώπου, *servilis conditio minime beata*; sed omnino poenitendae conditionis est.

10. Quod tamen non impedit, quominus *despotica imperia*, in quibus herili potestati homines subjiciuntur, rectè *Civitates* dicantur, ut disputavimus contra Grotium *lib. I. Digress. cap. 15.*

II. Separanda enim illa servitus publica videtur à privata, quæ singulos homi-
nes

4. *Familiarum*, quoniam ex his proximè componitur Civitas, ita sicut Aristoteles Civitatem vocat, *κοινωνία τῶν πολιτῶν καὶ τῶν ζώοντων*. *Communitatem domesticam & familiarum*, 3. *polit. c. 6.*

5. An autem sine familiis non potest esse civitas? Negat Bodinus *d. cap. 2.* Difficulus sane posset; nullo tamen posse modo non dixerim; Videtur enim & Roma civitas fuisse priusquam matrimonio, sine quibus non est familia, potiretur, & sunt coloniz, in quibus generatio advenarum non habet successum vitalem, quæ si viris submissis perpetuentur, civitates esse poterunt. Nec mihi absurdum videtur, clerum Romanensem, qui non habet familias, pro civi-

nes actionesque singulares constringit.

12. Publica & universalis illa tam graviter singulis non incumbit, ut *universitatem* penitus excludat, civiliterque *miseros* faciat.

13. Potius, ubicumque multitudo est, *juris fruendi causa* sub eodem imperio *sociata*, ibi civitas omnino statuenda est.

14. Sunt qui juris & imperii mentionem in *Civitate* finiendâ fieri nolunt, quoniam illis verbis respectus ad *Rempubl.* contineatur, à qua *Civitas* abstractenda sit. *Arniseus lib. 1. polit. cap. 6.*

15. Differre equidem à *Civitate* *Rempubl.* ut animam à corpore fatemur. *Seneca 1. de clem. 4. Isocr. in panathen.* Sed in corpore vivi hominis describendo, quid vetat dici, animatum id esse? Tantumdem est dictu, civitatem sub certo imperio agere, sine quo civitas nulla esse potest. *plur. vid. in d. lib. 1. Digress. c. 15.*

16. Denique, est in definitione, *summo imperio*. Quale si non sit, nec civitas per se, sed alterius civitatis pars constituitur, etsi forte conformationem distinctam habere videatur.

17. Porro *respublica* dicitur *universus ordo civitatis*, consistens in *regimine summi potestatis & subjectione reliquorum, per medios Magistratus.* *Aristot. 3. polit. cap. 6.*

18. Unde liquet, *Rempubl.* differre à *Civitate*; vel ut concentum à chordis, vel ut animam à corpore. *Plutarch. de trib. form. Reip. Seneca & Isocr. d. loc.* ubi *universi & singuli quærentur*, ut in corpore *prudentia*.

19. Ubicumque igitur talis ordo, ibi civitas existit, atque ac corpus, ubicumque anima est. Ubi plures ejusmodi ordines, ibi & plures civitates ac *Respublicæ* intelliguntur.

20. Proinde *Helvetiorum* atque *Bel-*

garum, per me licet addas, *Germanorum*, Imperia, non singulas sed plures constituunt civitates.

21. Cujusmodi *foederati*, si quod habeant commune legatorum concilium, ut sunt apud *Belgas Ordines dicti Generales*, id non est unum omnium caput, sed plura capita representat; Nec verè cunctis civitatibus imperat, sed imperata singularum communiter exequitur.

22. Unde tamen argui non potest, *generales ejusmodi consensu* dignitatis estimatione singulis civitatibus non præferri, ut præcipua *Belgarum* nationum contendit.

23. Nam quia Legati suas quique civitates representant, omniumque representatio præ singulis excellit, *omnium* Consensus dignitate singulis præferendus videtur; dignitas, inquam, potestate salvâ & exceptâ.

24. Porro neque una est *Civitas*, ubi unum quidem caput, sed non unum corpus; penes unum quidem est *summa potestas*, sed non eadem subordinatio potestatum inferiorum.

25. Hinc *Hispaniarum* & *Magnæ Britanniae* Imperia non una sed multiplicia habenda sunt.

26. Quare ejusmodi Reges & Tyranni & simul Principes justè esse queunt, quod *Belgæ Philippo II.* accidisse interpretantur.

27. Potest idem quoque Princeps liber ac summus; alioque respectu alteri esse subiectus, ut crebro accidit.

28. At divisio unius corporis in *diversa membra*, seu coetus diversos, non facit civitates, sed jurisdictiones diversas, ut pleraque regna in provincias; sive singulae ordines populi & instituta juris habent distincta, ut in *Galliâ*, sive secus, ut in *Angliâ*; distribuuntur.

CAP. III.

De fundamento & efficacia Imperii, quæ primum è Naturâ status Democratici indagatur.

Diversæ hypotheses. Summa distinctio Imperii repetita. De Obligatione Imperii violenti. Transitus ad voluntarium. Difficultas quæstionis de jure summi Imperii. Pro fundamento positum, in Imperiis voluntariis Imperantes habere tantum juris, quantum cives in eos transferre voluerunt. Huic contrariam esse Hobbesii *imprimis*, tantum habere juris Imperantes, quantum cives in eos transferre potuerunt, nihilque ab iis posse reservari, quia post unionem voluntatis omnium, subiecti non sint unum quid neque personæ instar. Judicium hujus rei indagatur è Natura status Democratici, ut qui proxime ad statum naturalem accedat. Formam ejus esse, fœdus, in hoc, ut majoris partis voluntas sit omnium voluntas, quod locum habere in omnibus rebus: Etiam quæ adversus singulos duræ vel iniquæ sint. Proponuntur exceptiones quædam.

EX definitione Reipublicæ liquet, ordinem Civitatis, adeoque totam Juris Publici disciplinam consistere in jure imperantium atque eorum qui subiecti sunt.

2. Quæ cujusmodi sint & quomodo pariter consistere debeant, non est disquisitionis.

3. Dum alii potestatem imperantium in infinitum extendentes, genus humanum libidini paucorum, ut mancipia, imò ut bruta animalia, tanquam jure, subjiçunt.

4. Nec enim aliter Hobbes populos erga Rectores suos, vult esse animatos, quam greges & armenta sunt erga suos duces, *decivæ. 12. in pr. & passim.*

5. Placet hanc comparisonem illustrare verbis Xenophontis in *pr. Cyropæd.*

6. *Πολλοὶ δὲ αἱ ἀρχαί, inquit, αἷμα ἀνθρώπων εἰς τοὺς ἀρχαίους τι εἶναι ἀνέχουσιν ὡς τοὺς κτηνάρχους εἰς τοὺς κτήνη. Vadamus greges,*

quò illos ducunt Pastores; abstinent iis à quibus hi ipsos arcent, fructumque inserunt, qui ex ipsis promittuntur, patiuntur ita frui Pastores, sicut ipsi voluerint.

7. *Pergit; ἔτι τοῖσιν ἀρχαῖς πᾶσι τοῖς ἀρχαῖς ὁ νόμος ἐστὶν ὅτι τὸ νόμος, ἀλλὰ καὶ καλὸν περὶ εἶναι πᾶσι ἀλλοῖς ἢ τοῖς ἀρχαῖς πᾶσι αὐτοῖς καὶ ἀφελαιμένοις ὑπὸ αὐτοῖς. Ἀλλὰ καὶ διὰ τὸν νόμον καὶ τοὺς ἀρχαίους τῶν νόμων δὲ αἱ ἀρχαὶ ἀρχαὶ αὐτοῖς ἐπιχειρήσας. Id est; Neque tamen ullum gregem unquam vidimus in pastorem suum insurgentem, sed difficiliore sunt omnibus aliis, quam Imperantibus suis, à quibus & reguntur & quibus fructum præbent. Homines verò in neminem magis insurgunt, quam in eos qui Imperium in ipsos suscipiunt.*

8. Atqui homines si deponerent notitiam boni & mali, æque manlueti forent ac oves & hoves; ad quem modum Hobbes eos formare laborat.

9. Alii, Imperantes nihil aliud quam ministros populorum, sic etiam loquuntur,

E

tur, reputantes, in hoc sunt, ut levissimo momento status civitatum ordinesque inter se periculose committant. *Jun. Brut. D. Albus. & alii.*

10. Paucis curæ fuit ita rationes inire, ut inter abruptam civium contumaciam & effrenem dominandi licentiam, medium iter periculum utrinque vacuum, aut minus infestum reperitur.

11. Summam Imperii differentiam esse in violentum & voluntarium, antea diximus. Illud etiam; jure Gentium, quo victus in victoris potestatem quoad se bonaque sua redigitur; imo & jure naturæ, si victus causam bello præbuerit, esse justum, jam diximus & amplius in loco de belli jure videbimus, & satis constat.

12. Quamdiu victor solâ vi & terrore victos continet, ambo in statu bellimant & omnia invicem licent. Ubi verò, nlerumque fit, in fidem recepti sunt & victi nlerumque victoris agnoverunt, siquidem pactiones quædam speciales initæ sint, has esse servandas, non ubi-tatur.

13. Si non serventur, quid juris? An, ut hi quibus fides non servatur, in priorem statum, qui fuit belli, revertantur & resistendi facultas detur; an, ut accipienda sit obligatio, sicut inter dominum & servum, ut ille quidem fiat perfidus, sed hic tamen ejus dominio non subducatur? Hujus rei decisio pertinet ad locum de Tyrannide inferiorem.

14. Si tamen vel in ditione, vel postea nullæ conditiones initæ fuerint, manet jas victoriæ & subjectio illorum qui fidem dederunt, ejusdem latitudinis & tenoris, idque non modo si expresse ad obedientiam se obligaverint; sed etiam tacite passi in ordinem Reipubl. se redigi; sicut etiam in voluntariis Imperiis ple-risque subjectiones è tacitâ obligatione nasci; jam dictum & amplius dicitur.

15. Quemadmodum & victor æquè tacite adhæc se obligare videtur, ne hostiliter agat cum victis, aut si hoc modo cum iis agendum putet, intelligat, illis quoque reditum ad statum belli esse datum; nec minus perfidiæ adversus subiectos, reum se constituit.

16. Major aliquanto in voluntariis Imperiis est difficultas, cujus sane propositi, diversissimis hominum sententiis, arduum & anceps esse judicium, post multam ac attentam meditationem lectionemque eorum, quæ ab aliis hac de re copiosissimè scripta sunt, eriamnum fateor, nec aliud quam indagandi partes habeo polliceri.

17. Diximus antea, Civitatis constitutionem nihil aliud esse, quam *recessum à statu Naturali*. Neque aliam ejus causam esse, *post Deum*, quam voluntatem singulorum omniumque *conventionem*, quod utrunque multi hodie secus trahant, pro certissimo habendum, jamque demonstratum & inferius patebit.

18. Unde liquere videtur, *in cujusque civili potestate fuisse* (loquimur, si hoc opus est *de imperiis non violentis*) *modum statuere*, quantum *liberalibus* recedere vellent.

19. Tantumque juris in Imperantes fuisse translatum, *quantum populus in eos, transferre voluit*.

20. Quem alii nunquam alienare jus suum, sed exercitium duntaxat in Rectores suos, singulos aut plures transferre docent.

21. At *Hobbes* ex eodem principio colligit, cives, qui imperium simpliciter transfulerunt, tantum juris in Imperantes transfuisse, *quantum potuerunt*; ut nihil exemerint. *cap. 6. §. 13.*

22. Nec quidem potuerint eximere; Eò quod per unionem imperii omnium voluntas una sit facta, in quâ nulla queat esse collisio vel discrepantia voluntatis.

23. Et

23. Et quia populus, imperio ad unum hominem vel concilium delato, *desit esse unum quid*, desit esse corpus, nec personam amplius repræsentat, sed nihil quam singuli, & dissoluta est multitudo. Unde nec ullum jus, *quod est qualitas personæ competens*, populo post imperium translatum tribui possit. *d. cap. 6. pr. & in not.*

24. Huic è diametro sunt oppositi, quibus ita visum est, *jura majestatis adeo universæ consociationi esse propria, ut etiam si illa se his velit abdicare, eaque in alium transferre & alienare, nequaquam tamen id possit, non magis quam vitam suam, qua quis fruitur, alii communicare potest*, ut loquitur D. Althufius Præfat. *polit. & cap. 9. cap. 18. c. 19. c. 24. c. 38.*

25. Nos, ut fundamentum naturamque hujus rei clarè deregamus, primo statum Imperii, *qui minime à Naturali recedat*, considerabimus, qui est *Democratice*, in quo jus imperandi penes populum est universum.

26. Quem naturalem dicimus maxime, non quòd ante monarchiam ab hominibus è statu naturæ digressus fundatus fuerit, *quod Historici negant*: Sed quia minus in eo quam in cæteris, homines à libertate & æqualitate Naturali recedunt.

27. Forma ejus est, *foedus omnium cum omnibus, cujus summa in hoc consistit, ut quæ consensu majoris partis statuuntur, ea cunctos obligent*. Idque in perpetuum, quia norunt, quo tempore ab imperio communi recesserint, neminem salutis suæ fore certum, omniaque pessum itura; quod eos minime velle manifestum est.

28. Plurium suffragiorum prærogativa ideo necessaria est, quod alioqui publicis consiliis exitus nullus dari posset. Scilicet ita, *ut quod plures voluerint, hos omnes & singuli velle censeantur*;

neque minus id ipsum totius populi voluntas est.

29. Exemplo sit Romana vetus Respubl. ejusque comitia centuriata. Populus suffragia per centurias ferebat; erant autem centuriæ *centum nonaginta duæ*, vel sexta classe, quæ non habebat centurias, annumeratà, *nonaginta tres*. Ex his, quando *nonaginta octo* centuriæ, quæ primam classem efficiebant, consenserant, reliquæ non rogabantur.

30. Quis poterant clariùs indicare, *majoris partis scitum esse totius populi voluntatem*, quam, ne expectando quidem, ut minor pars suam animi sententiam declararet? *Dionys. Halicarn. lib. 7. à princ.*

31. In ejusmodi consensionem populi libertatem custodire volentes facile descendunt, *si quidem omnium in fœdere democratico conditio, spes & ratio par est*; Nec quisquam magis se superatum iri, quam alios superaturum præsumere potest.

32. Neque dubium, quin fœderati, suum illum consensum de omnibus rebus, quæ ad salutem utilitatemque communem ullo modo pertinent, intellectum velint. *Etiamsi contingat, ut saluti commodisque paucorum aliquid adversetur*; Salva enim res communis esse non posset, *si ratio ejus non vinceret utilitatem privatam*.

33. Aded, *ut ne vitæ quidem rebusque singulorum propriis, boni communis causâ, parvi velle videantur*. In hoc enim pulcherrima generis humani consensus relucet; ut tanto quisque melior civis reputetur, quanto libentius vitam opesque pro patriâ suâ exponit. *vid. Gros. lib. 1. cap. 4. n. 7.*

34. Proinde tali casu eveniente, tum ei, in quem sors incumbit, non sit injuria, quod absque suo merito pariatum malum; *in hoc enim cum aliis consensit*, Proinde nec resistere illi, populo per plura consentienti licebit.

35. Nec quicquam refert, quod ad vim obligandi attinet, *utrum rectius, an pejus major pars sentiat*; alioqui lis super hoc judicio rem identidem ad primam reduceret confusionem, quam ut omnium malorum maximum cives super omnia vitare voluerunt.

36. Nec quidem aliud dicendum, *etsi malitia in parte majori adversus aliquos appareat*, quod in popularibus Imperiis sæpius usu venit: Nam, si antequam id alicui contingeret, rogarentur, an tali casu cuiquam eveniente, vellent Imperium commune solvi, *non cunctarentur patientiam præferre & inculcare*; cum vix unquam alioqui turbandæ societatis causa deesse posset.

37. Proinde, quod *in thesi* quisque censuit esse faciendum, id *in hypothesi* nemo improbare potest, eaque ratione *petalismi & ostracismi* veterum Rerum-publicarum, quæ fuerunt *Exilia Status*, ut sic loquar, defenduntur.

38. Idem est fundamentum regulæ, quod res iudicata pro veritate habeatur, & quod Magistratus etiam cum iniquè decernunt, jus dicunt; eò quod omnes & singuli cives ad hoc se obligaverint, ut sententiis sive æquis sive iniquis, à quibus provocatio non daretur, parent; cum alioqui nullus finis litium esset. Idem est in omnibus regnantium imperiis. *l. jus. II. n. de Just & J.*

39. Verum enimvero non est hæc obligatio suprà omnem exceptionem. Quidenim, *siccoisione factâ*, pars major id ageret palam, ut reliquos non modo superarent semper (quod in rebus mediis ferendum) sed etiam *visâ bonisque pro lubitu exuerent*, dicendum videretur, pauciores pluribus resistere posse.

40. Neque enim consenserunt, in id, quod civitate constitutâ, unice evitare voluerunt, & quod scopum societatis in perpetuum everteret.

41. Is autem non fuit alius, quam ut quisque sub præsidio publico vitæ bonis, que securè frueretur, neque plus ex eo jure delibaretur, quam ratio societatis, sine qua singuli subsistere nequeunt, identidem postularer.

42. Imò forte an nec singuli plane, *si qui ad mortem manifestâ injuriâ, per vim, sine ordine suffragiorum & judicii* vocarentur, vi primæ consensionis ad ferendum tenerentur.

43. Enimvero ingentis boni communis causa, *posse extendi obligationem expressam usque ad mortis impatientiam*, ut est lex de statione non deferendâ, ratio juris idonea, quæ prohibeat, nulla profertur.

44. Sed cum à morte homines efficacissime abhorreant, non potest dici, quod primi conditores civitatis, commune foedus, quo pars minor populi tenetur eo quod plures volunt, ad mortem sine ullâ causâ & ordine judicii ferendam, durare voluerint, quâ de re *vid. Grot. d. lib. I. C. 4. n. 7.*

45. Enimvero, ut detrimentum bonis alicujus itatum causam foederis rumpendi ac ad promiscuum redeundi bellum præbeat, id auctores Reipubl. nullo modo voluisse manifestum est.

46. Concludimus igitur, in *Democratia*, sive populari Imperio singulos teneri ad ferendas totius populi injurias, quâ de re vide *sect. 8. c. 4. hujus libri*. exceptis illis casibus, qui commemorati sunt.

47. Tu dices, idque memini esse obiectum; *pars minor potest semper contendere, aliquem ex illis casibus exceptis esse commissum*, eoque prætextu vis illius foederis semper enervari poteris.

48. Respondeo; *Vana in omnes opinioniones versari possunt*, ut Livius. Nos id agimus, ut sano judicio termini statuatur, non ut detorsiones malignæ exclu-

excludantur, quod nulla ratio præstare potest.

49. Exceptiones autem istæ duæ pertinent ad res & actiones externas, quæ solum ad Legem pertinent: Nam Legislator, ut Cicero dixit, res non animadvertit, nisi quatenus eas manu tenere possit.

50. Proinde sententias animorum ad Imperium civitatis & majoris partis consensum non pertinere manifestum est.

51. Multo minus ea, quæ Deus specialiter præcepit, sive digito suo inscul-

pta cordibus, sive in literis sacris expressa fuerint, de quibus etiam *alibi* dicendum.

52. Concedendum etiam, sine dubio, quod civibus, societatis præsentis poenitentibus, inde subducere sese & in alias terras conferre liceat; quâdere *inferius* agitur.

53. Postremò sciendum, hætenus à nobis de fœdere civitatis simpliciter contracto agi. Nam si conditiones adjectæ fuerint speciales, his omnino standum, ut *inferius* demonstrabitur.

C A P. IV.

Dati fœdus inter Imperantes & subiectos, rursus ex naturâ status Democratici, contra Hobbesium demonstratur.

Queritur, an Imperantes injuriam perfidiamque adversus subiectos committere possint. Hobbes negat; hac ratione, quod nulla fœderis obligatione teneantur, eò, quod civitas pactione singulorum cum singulis, non cum majori parte vel cum Imperantibus constet. Quod refellitur inductione fœderis, quo Democratia constituitur, in quâ se omnes & singuli obligant, in eum maxime casum, quo ipsi in majori parte adeoque inter imperantes sint futuri, idque pluribus firmatur, & concluditur, esse in Democratia duplici respectu, obligationem; Inter singulos cives uno, alteroque inter eos, qui in majori parte sunt, cum inferioribus. Majorem tamen partem nullâ re obligari, quàm eo quod tacitè sit exceptum, de quo *cap. præced.* & quod expresse in stipulationem sit deductum.

Plane ex illis sequitur; Civitatem, id est, majorem populi partem, adversus singulos fieri posse ream injuriæ. Primo ratione naturali; Quod is qui sine causâ aliquem opprimit & spoliât, rem facit dictamini rectæ rationis contrariam: Quod dictamen cum jus sit & homines obliget, ut antea demonstratum est, non potest quod contra illud instituitur, non esse injuria.

2. Nec tantum injuriæ, sed etiam perfidiæ ream major pars adversus minorem se constituere potest.

3. Quod enim mentem fidemque pacti egreditur, non potest non *perfidia* vocari; Respublica autem per conventionem de vitâ bonisque omnium defendendis constituitur, quæ conventio tam violari quam servari potest.

4. Idque bifariam, primo *conscientiâ*

tenus; Quatenus qui maligne consulunt, pacti fidem non servant; quod in omnibus injuste factis aliquomodo verum est.

5. Rursus cum effectu nullitatis, si terminos potestatis ab aliis acceptæ egrediantur, quod de casibus modo exceptis intelligendum. Nec enim quicquid perperam consulitur, ipso jure nullum esse multis rebus exploratum est.

6. Hobbes dicit; non esse pactum inter pauciores & plures, quatenus hi corpus constituunt, *Sed inter singulos cum singulis*. Ideoque plures, cum singuli non sint, sed jus omnium prærogativa suffragiorum nacti, haudquaquam ex pacto teneri. *Hobbes cap. 5. §. 7. & cap. 7. §. 7. & §. 12.*

7. Imò non posse voluntari singulorum quicquam tribui, post fœdus de servando plurium placito, ita fere demonstrat.

8. Fœdus democraticum hujusmodi est; Singuli cives, alter ab altero tacite stipulantur hoc modo; *Quod pars major populi statuet, ei tu pariturum esse respondes? Spondeo; Et tu vicissim? Spondes similiter;* sic totus populus conjungitur, ejusque tempore conjunctionis, adhuc nulla pars major existit. *d. cap. 7. n. 7.*

9. Quod igitur placita plurium tenent, ejus rei quisque pro se auctor est; Inde quicquid plures statuunt, hoc ipse quilibet statuere intelligitur; proinde, si quid durius sit decretum, sibi quisque id imputer, tam contra se quam adversus alios; sane pactum, *inquam*, quod pars major, quæ non fuit tempore pacti, nullum inivit, id nec violari ab illa posse concludit.

10. Ad hæc, nostra sic est ratio; Pactum illud singulorum cum singulis, iniri hæc mente, ut in defensionem communem, quam sibi propositam habent pacificenter; valeat; *id quod nemo negat.*

Quæ conditio non minus quam pactum ipsum à singulis servari debet; Quatenus *publicæ utilitatis, quæ sæpe contra singulos est*, ratio permittit.

11. Non est dubium autem, quin omnes in reciproca stipulatione ac sponcione, cum in primis casum spectaverint, quo ferè unice obligationis usus erat futurus, nempe, *quo ad suffragia de rebus communibus multitudo vocaretur.*

12. Dum itur ad suffragia, nemo in superiore numero est, qui non ex pacto reliquis singulis teneatur, & quidem in eum maxime eventum, *si plurium numero ipsum esse contingat.*

13. Ubi nemo obligationis est expertus, ibi universos obligari oportet; vinculum enim personale fidei, quo omnes obstricti sunt, *prætextu universitatis*, eludi nulla juris ratio permittit.

14. Præterea non est dubium, quin, cum populus de salute communi ageret, singuli se singulis obligaverint, *ut quantum in quoque esset, bono communi operam darent.*

15. Cujus pacti cum expertus nemo fuerit, necessum est, universos illo quoque teneri, adeoque & hos qui numero in suffragiis identidem sunt superiores.

16. Tu dices; Ergo qui sunt in parte majore, tenentur cæteris perfidiæ, *quoties perversè consulunt*, & sic majoris partis consensio perfidiæ prætextu semper eludetur. Sed tenendum hæc, quod est in Arte Juris notissimum; Est jus quoddam externum, quod obligat ad patientiam, etsi cum ejus qui superior est in obligatione, malitiæ sit conjunctum, quale jus habet Pater in liberos, magistratus in cives; quale etiam ex prævio consensu, in hoc fœdere demonstravimus *cap. præ n. 34 & seq.*

17. Committitur igitur perfidia bifariam I. Quoties pars major in alios malignè consulit injuriis tralatiis, ac hæc perfidi-

perfidia non habet effectum rumpendi fœderis, ut *antea dictum*, sed obligat ad patientiam. II. Quando malitia in exceptis casibus *suprà* enumeratis committitur, in quibus datur facultas resistendi.

18. Quod si nulla fœderis ratio inter plures, qui consentiunt & reliquos esset, scire cuperem, quid impediret, *quominus major pars suo consensu dissolvere posset Rempublicam*, quod non esse in eorum potestate, docet ipse *Hobbesius*, idque vi fœderis primitivi. *cap. 6. §. 20.*

19. Proinde, cum manifestum sit, obligationem duas requirere partes, apparet eas in exercitio *Democratia* esse, partem majorem idem sentientem (et si *quà pars major antea non sint obligati*) & reliquos numero inferiores.

20. Ex his palam sit, eos, qui prætextu numeri prævalentis, latrocinium exercent, rectè perfidos injuriosque in *democratia* dici. Proinde nec quenquam eorum, qui numero inferiores sunt, in talem casum ex sponsione suâ teneri.

21. Verum tamen extra species *suprà* collocatas nullum aliud exceptionis specimen, quo pars minor se pluribus opponere queat, agnoscere licet, nisi quis *populum in eandem confusionem*, quam, Republicâ contractâ, vitare voluit, recidere velit, qua de *re præcedenti capite* actum.

22. Nisi quod de *rebus divinis* propria consideratio est, de quâ suo loco agitur.

23. Adde; Nisi & diserte initio constitutæ Reipubl. *aliæ res sint expressæ*, in quibus prærogativa suffragiorum non obtineret, ut jam monuimus.

24. Quod tamen in democratico Statu raro solet fieri. Quia præter populum, nullus hic alius ordo est, adversus quem multitudo præmunire se cupiat.

25. Tamen et si, ne singulorum populi ordinum jura mutantur aut violentur à Magistratibus, id etiam in popularibus imperiis excipi solet atque conducit.

CAP. V.

Quo probatur, idem quod pars major potest in democratiâ, etiam posse Optimates in Aristocratiâ & Principes simpliciter constitutos.

Constituitur hypothesis populi democratice gubernati ac tædio confusionis uni vel paucis Imperium deferentis. Eo ipso, quod definit populus vel le congregari & facultatem regendi civitatem transfert, non posse fieri, quin potestas eorum, in quos illa facultas translata est, sit eadem; quæ transferentium fuit, quia surrogatum habet naturam sui surrogati; & jura translata nihil quam situm & personas mutant. Utique si nihil sit dictum, ex quo possit intelligi, populum ministerio duntaxat eorum, quos constituit in certis minoribus negotiis uti voluisse, in qua specie non jus Imperii sed modus administrandi mutatur. Imperio igitur simpliciter translato, Singulos vel Paucos nihil habere superius, ne totum quidem populum, quia in Democratiâ pars major sine dubio absolute superior est: Idque pluribus firmatur. Quin posse populum se dedere paucis vel uni in servitutem, quod tamen in dubio non præsumi. Denique, mutua subjectio populi & Imperantium refutatur.

Cæterum, popularia Imperia, in primis majora, omnibus seculis plena confusionis & turbarum fuere. Quas ut evitarent, pleræque gentes jus imperii certis hominibus, iisque vel singulis vel paucis concedere maluerunt. Unde *Aristocratiæ*, aut plerumque *Monarchiæ*.

2. Non est hujus Artis disputare, utra sit præstantior; hoc ad eam scientiam, quæ docet, *quid ex usu sit*, id est, *Politicam*, pertinet. Enimvero non cunctabimur adferri summo Theologo *Calvino*, qui in Institutione sua, ut omnes formas laudat, beatos tamen iudicat populos, quibus *Aristocratiâ* frui licet: Nec tamen ideo vim *monarchiæ* oportet eos infringere, quibus sub principatu contigit nasci.

3. Rogatum quoque volumus lectorem, ut iudicium suum de nostra sen-

tentiâ tantisper suspendat, donec universum hujus quæstionis tractatum per-spexerit, & ultima cum prioribus exacte contulerit: animadvertet, non adulari nos regnantibus, nec adversari populorum libertati, qui prudenter suis rebus consulere in animos induxerunt.

4. Sic igitur pergimus, inquam; Jus quod populus in Democratiâ habuit, hoc omne Paucis, sive optimatibus, (in his primo subsistemus) simpliciter Reipublicæ impositis detulisse, dedisse intelliguntur: Ipsorum autem Imperium in consensu plurium consistebat, ut modò intelleximus.

5. Unde sic est statuendum; quicquid pars major populi potest in Democratiâ, id etiam posse Rectores optimates, simpliciter, à populo, constitutos aut receptos.

6. Quod

6. Quod cum pro fundamento eorum, quæ sæpe dicuntur, habendum sit, est quod bene observetur. Essentia, inquam, popularis imperii consistit in voluntate atque consensu majoris partis, cui pars minor *identidem* subjicitur.

7. Ne quis cavillerur, Totum populum esse majori parte superiorem. Imperium enim in populari Statu non nisi in prærogativâ majoris partis *identidem* suffragiis detectâ consistit.

8. Sed pertæsus discordiarum populus, quibus in democratia est obnoxius, definit velle certare suffragiis: & Imperium ita sæpe defert aliis, ut *multitudo sibi nihil reservet, neque de summâ Republica amplius arbitretur*, aut in eum finem conventus agat, vel ephoros constituat.

9. Quæ res argumento est, *illum abdicasse semet Imperio*, amisâ ratione unicâ exercendi juris sui; nam potentia quæ nunquam in actum deducitur, non est *facultas*.

10. Ideo tales populi non possunt dici mandasse juris sui exercitium optimatibus, quod, si male consulant pro lubitu, vel adimere aut circumscribere possint.

11. Hoc enim usu venit in democratia, ubi populus Imperium retinet, partesque minores & quotidianas magistratibus exercendas committit, ipse vero & *κρείων* & jus summum in suis conventibus sibi reservat, actu, non tantum primo, sed etiam secundo.

12. Imperii simpliciter in optimates translati exemplum est in Republicâ Venetâ, *ubi suprema potestas Nobilium est*, aut *Magni Senatus*, cum olim totius populi fuerit.

13. Populus ibi nunquam convenit, vel de rebus ad Rempubl. spectantibus consultitur. Nihil magis in Hollandiâ, ubi Senatus urbium omne jus habet, plebes nunquam publica, nisi per seditionem, tractant.

14. Addam agri quoque nostri exemplum in Frisiis, ubi *ἀρχοντες* jus est penes certorum prædiorum dominos, qui numerus quidem ingens, longe tamen minor pars populi est. Factum id voluntate scilicet tacitâ populi; nec enim vis unquam iis adhibita; populus autem totus in utraque Republica nunquam universus de publicis rebus convenit.

15. Hoc igitur jus ita & amissum & abdicatum, non potest alibi esse, quam penes eos, quibus id populus cessit datumque voluit, *expresse, vel tacite*, scilicet videndo & experiendo.

16. Nec omnino illud jus aut minus aut majus esse potest, *quam fuit apud multitudinem* prærogativa suffragiorum ad Imperii vim discretam.

17. Ubi enim esset, si non apud ordinem, quem populus sibi substituit, *simpliciter*? potuit enim limitare potestatem optimatium, siquidem ita in animum induxerit suum.

18. Proinde hoc loco monita duo, limitandi causâ, prætereunda non sunt.

19. Primum, quod jam diximus, translationem illam Imperii non semper adeò liquide claroque multitudinis consensu fieri; Sed *patientiam* sæpius & taciturnitatem longi temporis *pro consensu* haberi, ut aliquoties dictum & dicetur amplius.

20. Dein, argumentum juris, quod à *Democratia* ducitur ad *Aristocratiam*, locum habere, quoties in translatione imperii nihil secus exprimitur, quod an omnino & quo pacto fieri possit *brevi videbimus*.

21. Hæc ita in Optimatibus Rerumpublicarum obtinere; quod populo tacite aut expresse regimen abdicante, quicquid Proceres agunt, id omnis populus agere videatur, non est valde controversum.

22. Sed juris ratio postulat æquè, ut si

populus *Rege simpliciter constituto*, ut olim Romani Lege Regiâ, nuper etiam Dani, nihil juris sibi pactus, nec animum conveniendi deliberandique de Republ. reservet, seipsum abdicasse regimine, totumque jus suum in Regem transtulisse dicatur.

23. Nam alienatio & translatio facultatis in unum, an plures, non potest habere diverſam juris rationem.

24. Hinc jam sponte colligitur, Falsum esse, quod *populus universus semper suis Principibus superior sit*, aut Rex sit quidem singulis major, at minor universis.

25. Nam ut pars major populi nullam supra se potestatem agnoscat, ita Principes (sub quibus & optimates comprehendendo) *simpliciter* recepti nihil habent superius; cavillo de *toto populo*, qui sit *majori parte superior*, jam antea remoto.

26. Hæc de voluntariis, ne jam de violentis & jure belli fundatis Imperiis loquamur. Talia enim non modo imperium absolutum, sed & dominium in bona & corpora civium complectuntur, ut *in loco vidimus & porro videbimus*.

27. Sed nos fundamentum Imperii, quod originem à voluntate populorum habuit, heic indagamus.

28. De magni numeri optimatibus adeo mirum insolensque non videtur, eos habere totum jus universi populi, idque pati possunt, qui in Regni hanc consequentiam negant.

29. Atqui in paucis & singulis, evidenter eadem est ratio, videlicet, translatione summæ potestatis in illos simpliciter facta, ut nos supponimus.

30. Quod si quis Imperium putet, esse rem talem, quæ alienari nequeat, is cogitet, etiam fieri posse, uti *populus se volens in publicam servitutem dedat*, omniaque imperantibus, bona quoque & corpora sua permittat. Idque à populis totis, aliquando fuisse factum hi-

storix testantur, ut probat *Grot. lib. 1. c. 3. n. 8.*

31. Siquidem singulos homines hanc suimet habere potestatem jure Hebræo & Romano constat. *Exod. 31. v. 9. §. servi autem Inst. de jur. person.* Ergo etiam populus universus è singulis constans.

32. Imò ex iisdem docemur, *effegentes, quæ molliori imperio haberi neque possint nec optent.* *Justin. lib. 38. c. 2. Tacit. 33. annal. c. 34. vid. Grot. d. loc.*

33. At tamen id facile largimur, in universum æstimanti, non esse præsumendum, quod *populus sui iuris, ultimo servitio mancipare se voluerit*, verùm hoc palam liquere debet.

34. Quippè *Libertatem* corporum & *patrimonia* familiarum illos citra communis honi causam, imperio exempta voluisse, dubitari non debet; Cujus enim servandi causâ Imperium stabiliverunt, id Imperio quærendo abdicare voluisse credi non possunt.

35. Sed Imperio simpliciter uni vel paucis concessio, summam & absolutam potestatem non modo in singulos sed etiam super universos, exceptâ libertate personarum & dominio rerum, esse delatam, certi juris esse videtur, ut dictum, sub eâ limitatione, *quam antea collocavimus*.

36. Ejusmodi vim Imperii, quæ & singuli & universi constringantur, in *Democratia* contra minorem numerum nemo negat, nec *inquam*, in ejusmodi civitatibus Aristocraticis, ubi ingens numerus Imperantium habetur, velut hodie *Venetis & in Frisiis*.

37. Nemo dubitat (*liceat hoc repetere*) quin magnus Patriciorum Senatus *Venetis* idem jus habeat, quod olim major populi pars habebat, cum civitas democraticè regeretur.

38. In agro *Frisiæ*, totius populi jus est

est penes dominos veterum prædiorum; nec quisquam dubitat, quin id quod isti domini prædiorum de publicis rebus statuerint, eandem vim habeat, cum eo quod major pars totius populi, collatis suffragiis, statuere possit. Idque in omnibus, inquam, civitatibus usu venit, ubi jus æquum imperii penes magnam multitudinem est, etsi in terminis Aristocraticis.

39. Sed qui summam rerum pauci vel imprimis Singuli tenent, hi controversiam patiuntur. Quod argumento est, invidiâ insolentiâque parendi magis, quam juris ratione plerisque hominum agitari in contrarium.

40. Quippe vinculum obligationis in omni genere civitatis, quæ simpliciter instituta est, eodem modo se habere, jam validè, ni fallor, demonstravimus.

41. Prorsus enim, quod fœdus in Democratia singuli cum singulis ineunt civēs, quo se parti majori spondent parituros, id in diversis formis super placitis principum & optimatum tacitè saltem fieri id palam esse jam, existimamus.

42. Nec omninò aliter populus suum finem adsequeretur, quem fuisse docuimus, ut voluntas omnium, quod ad publicas res, una fieret, adeoque Imperantium voluntas, singulorum è populo & totius populi voluntas censeretur.

43. Multi, pauci, an singuli sint, quibus se parituros spondent, nihil ad summam obligationis conferre, vel ex eâ detrahere potest.

44. Quin, inquam, ubi jus suum singuli transtulerunt, manifestum est, quod ipsi semet potestate privaverint. Exceptis, iterum, illis, quæ tacite, de quibus supra, aut expresse Imperio submittere noluerunt.

45. Qui aliter sentiunt, populumque semper jure suis Rectoribus superiorem esse volunt, Imperio simpliciter constituto; potestatem illi tribuunt, Imperan-

tibus non modo semper novas præscribendi leges, sed etiam ad rationes reddendas compellendi in eosque animadvertendi, removendi, puniendi, tanquam malos ministros.

46. Sed cum ejusmodi res sine motu violento fieri non possint, iidem auctores statuere debent, populos habere jus ita insurgendi in suos Rectores, & seditiones à majori saltem populi parte factas esse juris, saltem externi, causa licet iniqua tumultus.

47. Dominus enim seu bene, seu male jure suo utatur, justamen suum exercet, nec si malè consulat, ulli facit injuriam, quod invito illo suas res pervertit.

48. Sicut Tribunitiæ seditiones Romæ omnes hujus externi juris fuerunt; & si quis alius populus, Romano licet minime gravitate par, omnia misceat: cum Respublica in ejus manu & arbitrio, Rectores autem ministri sunt, à populo dependentes, quicquid agant, nihil quam jus suum, utcumque male, exercebunt.

49. Quod non modò in se pervertit, sed etiam populorum à democratiâ recedentium opinioni contrarium esse, nemo rerum humanarum prudens negaverit.

50. Porro ex eodem fundamento sententia illorum evertitur, qui mutam subjectionem inter populum & imperantes existere volunt. Ita, ut populus universus rectè imperantibus parere debeat; principes autem malè imperantes populo subjiciantur.

51. Quod in thesi atque in Imperio nullis conditionibus limitato falsissimum, omnisque confusionis flabellum esse potest; quippe, controversiis omni die futuris, utrum bene, an male res publica geratur, quæ nec judice alio quam ferro decidi posset. vid. Guot. lib. 1. cap. 3. §. 9.

52. Tale erat imperium caltrentie tumultus.

multuarium ad Trojam, quod Ajax, Achilles, cæterique Heroës volebant, & quorum Achilles, de regno Agamemnonis & Menelai sic loquitur;

Καὶ ὅτι Ἀγαμέμνων ἢ μὲν ἡρώων καλῶς

Πεισέμεθ' ἔχει δὲ μὴ καλῶς, ὃ πεισέμεθα. id est, eodem metro,

Et nos Atridis, si quidem bene imperent, Parebimus; sin minus, non parebimus.

Euripid. Iphigen. Aul. v. 927.

C A P. V I.

Quo rationes contra Summam Potestatem examinantur.

Contraria sententia exponitur. Primum argumentum, quod constituens necessario sit superior constituto, & alterum, quod Reges sint propter subditos, ideoque inferiores, refellitur, ut & Tertium à voluntate præsumptâ populi & quartum à naturâ mandati, aliaque nonnulla D. Althusii, & Junii Bruti, è sacris, ubi de fœdere Dei & populi Hebraici agitur, petitis. Non sequi, populum pro delictis Regum judicio divino esse obnoxium, etsi occasione illorum affligatur.

BEne igitur habet illud Tertulliani, Imperatorem esse hominem à Deo secundum eoque solo minorem, & Optatus Milevitamus; Super Imperatorem non nisi solus Deus est, qui fecit Imperatorem lib. adv. Parm.

2. Quod tamen non obstat, quominus Imperium sit κατὰ ἀνθρώπους, humana creatio, ut ex Petro antea probavimus.

3. Nec enim populi Romani voluntas, qui omne suum jus in Imperatorem transtulit, à causâ Imperatoriæ Potestatis excludi potest; etli alienato jure suo, desit esse superior, adeoque solus Deus, ut antea suprâ populum, nunc supra Imperatorem est.

4. Qui aliter sentiunt, hoc tenent; Populum semper esse plenum omnis Imperii & potestatis Dominum, cujus liberrima dispositio, proprietas & usufructus ad corpus confociatum, id est, ad populum totum pertineat. Principis autem non esse parem cum populo potestatem, sed longe minorem & inferiorem, quæ ex Regni,

id est, populi arbitrio & præscripto pendeat, ut mandatarii, sunt verba D. Althusii d. cap. 19. n. 12. & 13.

5. Argumenta, quibus utuntur, varia sunt. Primum & palmarium, quod qui alium constituit, superior sit constituto, neutiquam universale est.

6. Fallit enim in his, quæ primo voluntatis, postea sunt necessitatis, ut in eo, qui se domino sponte mancipat, omnique die in matrimonio videmus, quo mulier eligens virum, non desinit inferior esse electo, idemque in adolescentibus curatores suos eligentibus l. 2. §. 4. & sequ. n. de His qui pet. tut. & curat.

7. Nihilo firmiorem illud argumentum, habet sequelam, Reges sunt propter subditos, ergo sunt superiores; Brut. vind. contr. tyr. qu. 3. Quod vel pupilli & tutoris exemplo, apparet ex eorum genere esse, quæ sæpe, non quæ semper obtinent.

8. Atqui Apostolus eodem argumento utitur, ut probet mulieris subjectionem

nem infra virum 1. *ad Corinth.* xi. Sed non tam probat exinde rem alioqui dubiam; quam mulieribus hanc rationem inculcat, ut intelligant, habere se causam æquo animo ferendi jugum, quod eis natura & institutio divina imponit.

9. Tertium argumentum; *Potestas imperantium pendet atque profecta est à voluntate populi, quæ non præsumitur hæc esse, ut universi unius imperio subjiciantur d. tract. & quæst. 3. Resp.* Quæstio voluntatis non debet admitti, quando de facto constat. Populus, qui transtulit imperium, jus omne suum abdicavit, idque dedit optimatibus aut Regi; hoc autem erat ejusmodi, ut omnes teneret; non potest igitur queri, an fecerit, quod factum esse videmus.

10. Imo voluntas è verbis colligi debet; hæc ubi indefinita sunt, voluntatem quoque universalem oportet accipiamus. Quod si respicias ad ea, quæ *cap. 1 & 3. b. n. sect.* à nobis dicta sunt, intelliges, ne quidem præsumptæ voluntatis causas in eâ parte deesse, quam nos tuemur.

11. Firmius esset argumentum, si probare possent, quod supponere videntur, imo præ se ferunt ita; Imperium esse rem inalienabilem. Sed cum ipsa libertas, quæ est maxime naturalis facultas, & dominium rerum jure Gentium alienari possit, quor Imperium, salvâ libertate & proprietate rerum, alienari non possit, nihil profectur.

12. Quarto loco, alii volunt, *Mandati obligationem inter populum & Imperantes intercedere, quo fiat, ut hi tanquam mandatarii teneantur ad rationes suæ administrationis reddendas populo mandatori, sicut differit D. Althusius Profocer meus. cap. 19. Polit. n. 12. & passim.*

13. Verum, an secus hoc sit, pendet ex eo quod populus egit; Quominus

enim mandare possit, dubium non est: Sed tum manet *Democratia*, id est, *populare Imperium*, modo tantum administrandi variatum.

14. Si vero det & transferat suum jus, nec ipse ullòs disponendi actus circa ea, quæ dedit, retineat, res loquitur esse alienationem. Nec aliter *Aristocrata* vel *Principatus* formari potest.

15. Non ubicunque Electio & constitutio voluntaria Rectoris celebratur, ibi intervenire mandati obligationem, maritalis & Curatoria potestas abundè significant.

16. Imo verò, sæpe, ubi imperium simpliciter defertur, nullum pactum inter Imperantes & subiectos initur, proinde nec mandatum: sed tum foedus, quo subiecti ad obsequium obligati sunt, est compromissum inter singulos cives, non inter hos & imperantes, ut ex iis quæ in *cap. 3. & 4. b. sect.* exposita sunt, intelligi potest.

17. Sed hoc à *mandato* argumentum pluribus in *Dissert. de Jur. Imperii*, quæ in calce hujus libri subjicietur, persequemur.

18. Utuntur adhuc alio argumento. *Quem quis repræsentat, is hoc est inferior. Optimates & Reges populum repræsentant.* Sed prius dicere deberent, quid esset repræsentatio, terminus arbitrarior. Sumitur à Jurisctis pro substitutione in locum & in jus alterius; plerumque ita, ut in eum qui subit & repræsentat alium, jus prioris sit translatum, sicut heres repræsentat defunctum, emptor auctorem suum.

19. Ita Imperator Romanus repræsentat populum, cujus omne jus habet in se translatum; etsi verum est, mandatarios & legatos etiam vulgo dici repræsentare delegantes; Terminus igitur hic nihil decidit; à natura negotii dependet, quod in Imperio simpliciter delato

non esse mandati, sed alienationis, antea demonstratum est

20. Pergunt; *Per absolutam potestatem tollitur Justitia, qua sublata, regna fiunt latrocinia & perfringuntur repagula, quibus obsecrata est humana societas, sunt verba D. Althusii Polit. c. 19 n. 10.* Ad hæc primo sic est habendum, Absolutam potestatem esse necessario in democratiis, veluti Romæ ac Athenis, & in Aristocratiis laxioribus, ut est apud Venetos & Belgas; ubi tamen illa incommoda non reperiuntur: uti nec in omnibus Monarchiis absolutæ potestatis, ut sub Augusto, Vespasiano, Tito, Nerva, Trajano, Hadriano, Antoninis aliisque Romanis Imperatoribus, qui æquè absolutæ potestatis fuerunt ac alii jure suo abusi.

21. Præterea, hæc ad prudentiam pertinet objectio, cujus à jure separata ratio est. Aliud enim est quærere, quæ sit optima Reipubl. forma, & aliud, quæ sit facultas Imperii. Laudamus populos, qui non omne jus in imperantes transferunt; qui transfulerunt factò, iis jure non licet nobis reservare jus, quod volentes amiserunt.

22. D. Althusius. *Talis potestas absoluta non respicit utilitatem & salutem subditorum, sed voluptatem privatam.* Quod negatur, scilicet adsumptum. Non desunt populi, qui absolutam potestatem elegerunt, ut remedium bellorum civilium & confusæ administrationis; sicut Hebræi olim tædio insolentiæ filiorum Samuelis, & Romani lege Regia, & nostro tempore Dani, liberè satis.

23. Prudentissime an illi fegerint, alia rursus quæstio fuerit. Non derogat absoluta potestas officio Imperantium pio & recto. Etsi periculum tyrannidis illic in proclivi esse fatemur; ut in mixto & obnoxio imperio periculum à dissensionibus & à bellis civilibus.

24. Pergunt; *Nullum unquam regnum, nulla unquam Respubl. instituta fundataque fuit, nisi ultro citroque habito initoque contractu, pactisque inter subditos & futurum eorum principem conventis & obligatione mutua constitutâ, quam utrique religiose conservarent, & qua violata, potestas illa evanesceret ac tolleretur, verba D. Althusii d. cap. 19. n. 15.*

25. Responsio est negatio facti. Primo enim pleræque Aristocratix, quibus idem jus est, quod Regnis, sine tali mutua & speciali conventionione sunt constitutæ; quemadmodum nullæ tales in hodiernis Venetorum & Belgarum Rebuspublicis, quæ Optimatum jure reguntur, extant. Nec etiam in regnis simpliciter constitutis, ut populus Romanus in Augustum transtulit omne jus suum l. 1. π. de const. Princ. idque Dani nuper imitati sunt, absque ullis conditionibus aut conventionione speciali, translationem Juris universi limitante. Ubi extant ejusmodi conventioniones, ut in Germaniâ, in Angliâ & alibi, illic eas inanes esse non debere, foremur.

26. Instat D. Althusius, *Quod si vero populus seu Resp. omne suum jus & imperium in Summum Magistratum contulit, ut dicitur in l. 1. π. de Constit. Princ. aut summam illi potestatem, siue omni reservatione, vel exceptione & conditione dedit, tum verba generalia secundum subjectam materiam accipimus, ita, ut qualis est natura Imperii seu principatus, talis etiam istorum verborum generalium sit interpretatio. Natura verò magistratus & Imperii est, ut utilitatem subditorum, non Imperantis commodum respiciat, & secundum rectam rationem & justitiam administret Respubl.*

27. Non opus est, ut solliciti sint hujus sententiæ Auctores de interpretatione Imperii simpliciter delati; Sola mandati quod etiam, simpliciter & cum libera po-

ri potestate defertur, hypothesis, quam in omni constitutione Imperii supponunt, sufficit ad redigendos Imperantes, semper à populo dependentes, in ordinem & ad rationes reddendas compellendos.

28. Quod si alienationem esse concedant, nemo negat, Imperantes teneri ad commoda subjectorum curanda, jusque delictum bene exercendum. Sed non ideo qui jus suum alienavit, alterum quem dominum fecit, ad rationem juris sui reddendam adigere potest, vel eo privare, si male etiam contra se exerceat.

29. Plus valoris inesse videtur petito è sacris literis argumento; Ubi foederis inter populos & Reges longe alia quam nos collocavimus, ratio esse videatur.

30. Foedus esse (ponit ita Junius Brutus in *quæst. 2.*) *inter Deum, populum & Regem, quod futuri sint populus Dei. Cujus sanctio sit, si perseveraveritis in malitia, tam vos quam Rex vester peribitis. 2 Reg. cap. xi. v. 17. & 2 Chron. xxiii. v. 16. 1 Sam. c. 12. v. 16. 17. & ult.*

31. Duos hic esse volunt reos promittendi, qui in solidum singuli obligentur, Regem & populum, *ut de duobus reis nota Juris est doctrina tit. 4. & Inst. de duobus reis*; nempe Universalitate hominum unius personæ vicem sustinentes.

32. Regem igitur, si populus legem Dei violat, teneri ad hanc promissionem integrè præstandam. Proinde ad cogendum quoque populum, uti stet promisso, puniendumque, si qui fidem rumpere sint ausi.

33. Quod si negligat Rex, ita juris esse, *ut ipse culpa totius Israelis teneatur*; quippe inter duos reos ita leges dictare, factum alterius ut alteri noceat *l. pen. x. de duobus reis.*

34. Sic populum quoque, deficientem

tem Regem quasi è fugâ retrahere & coercere debere, *eodem ratione.*

35. Ni faciat, fore uti populum delicta Regis luere oporteat, ut contigerit in perfidia Saulis adversus Gibeonitas, & Davidis in censu populi aliisque similibus. *lib. 2. Samuel. cap. 8. & ult.*

36. Qui ad promittendum, is etiam tenetur ad præstandum; qui ad hoc, is ad media quoque jus habet. Absurdum fore, si populus ad præstanda luendaque Regis facinora teneatur & impedire illa non possit; *cum ultra id quod potest, nemo teneatur.*

37. Ad hæc nos ita; Mirum videri, quod Samuel populum non cohortatus sit, ut foedus cum Deo initum adversus Saulum exequeretur. *Quod quidem facere debuisset*, si plebes tanta sub pœnâ ad hoc ipsum teneretur. Miram videri stultitiam Davidis, qui Regem impium, cum posset, tollere sit veritus.

38. Plane id verum est; populum vi foederis cum Deo pacti, non debuisset Regibus obediuntiam, in tantum, *ut contra leges ipsius delinquerent.* Sed nihil profertur, quare populus debendi reus in solidum fuisse dicendus sit.

39. Quippe in delictis contra leges admissis, obligatio ad pœnam non egreditur personas delinquentium. Quæ tam juris divini quam naturalis & civilis notissima regula est. *Deuterou. 24. v. 16. Exech. 18. v. 10. 11. Reg. 14. v. 6. 11. Chron. 15. v. 5.*

40. In juris quoque disciplinâ inauditum est, duos reos in maleficiis per conventionem expressam constitui; Accidit quidem, ut plures ex eodem delicto in solidum teneantur; sed hoc singuli suo facto, non paciscendo vel promittendo contrahere solent aut possunt, quod Brutum istum jurisprudentiæ gnarum fugere non potuit.

41. Idem, utrumque correorum vult obligare;

obligatum fuisse in solidum, si per ipsum flaret, quominus alter foedus servaret, neque cogeret deficientem ad fidem servandam; At hoc perinde impingit in juris principia: Nam duo correi suo nomine singuli in solidum tenentur, sine respectu ad alterius negligentiam vel perfidiam.

42. Atqui tamen & ipse ita statuit, iniquum fore, populum ex delicto regis teneri, si nihil ei negligentiae possit imputari; Proinde vult eum teneri, si Regem ad foedus servandum cogere neglexerit. Imo si populus esset Correi, teneretur etiam directe, sine respectu ad negligentiam in Rege compellendo: nam sic est nota juris doctrina, correos teneri singulos in solidum, sine relatione ad alterius factum vel culpam. Hoc igitur argumento est, rationem à correis debendi petitam heic infeliciter applicari.

43. Imo vero, Juris ratio dicitur, quod in contractu à pluribus inito, nunquam aliter quam pro parte virili actio in singulos nascatur; *Nisi, expresse quilibet in solidum se voluerit obligatum*; Quod in foedere Dei cum Israël non legitur esse conventum.

44. Sane obligatio foederis quemque non tantum pro se, sed & pro iis, quos habebat in potestate, devinciebat; Quatenus ipsorum neglectus argui posset.

45. Unde parentes pro liberis, domini pro servis, Reges & Magistratus pro subjectis merito tenebantur; Scilicet si non omni modo, etiam manu & vi suorum impietatem cohibuissent.

46. Non, quod ex illorum delictis, sed ex proprio peccato, conniventem exitiabilis, contra officii sui rationem, tenerentur.

47. Non eadem ratio vicissim liberos pro parentibus; servos pro dominis; subjectos pro imperantibus faciebat obnoxios; Eò quod vi & armis adversus

eos, quorum ipsi in potestate erant, experti non essent: Siquidem ipsa res loquitur, diversam utrinque esse officii rationem.

48. Præterea, videtur esse verius, Populum in fontem, ob peccata Regum fuisse puniunt, id nusquam probari. Nam vix est, ut in exemplis modo projectis, & si quæ alia publicæ administrationis delicta in plebem expiata sunt, subjecti se non participes, etiam committendo, fecerint. *Grot. lib. 1. c. 2. §. 10 in fin.*

49. Quanquam, si maleficia publica eorum quos sibi rectores impoluerunt, temporalibus malis in populum redundarent, id ab hominibus injustum censeretur vix posset; Cum hoc more nec non jure Gentium omni die fiat & exerceatur, ut facta Imperantium Civitas præstet.

50. Sed nihil vetat respondere, pestem atque famem, fuisse mala, quibus Deo placuit ad populum suum visitare, propter alia peccata, quorum materia non defuit; ut necesse non sit, dicere, populum Israëlisse meritum Regis, quod is maleficio personali suo contraxerat.

51. Cum autem populi afflictio Imperantes maxime lædat, executio poenæ adversus populum facta per occasionem delicti à Rege commissi, non potest non haberi pro parte poenæ Regi intentatæ: quemadmodum mala liberorum etiam post obitum Parentum, poenæ loco, respectu defunctorum, haberi possunt. Etenim *φαινοται*, inquit *Aristot. ai τῶν ἀπογόνων τὸ καὶ τοῖς κειμένοις συμβαίνει* π. Videntur enim casus posterorum ad prospera vel adversa mortuorum pertinere. I. ad Nicom. c. 11.

52. Quid vero tandem? Populus ob male consultata Regum & optimatum bellis affligitur; Ergo se consiliis publicis ingerere, neu quid perperam fiat, interce-

edere potest, manu quoque & vi ar-
? Pulchram mehercle jurispruden-
! theologicum an sit, ut illi volunt,
viderint.

Nonne & David obnoxium se-
ilo, ob adulterium & homicidium
negat, quando *soli Deo se peccasse*
terur. *Psalm. 51. v. 6.* Negat id
Coccejus *add. v. 6.* & miratur, fuisse
ines doctos, qui ex his verbis ita
gerint. Etsi ille rationem reddens,

David se Deo peccasse dicat, non
cet, cur reduplicando *Tibi, tibi*
לך לך ingeminet.

Certe in his verbis, nihil se ex
dignitate præcipuum habere apud
n, evidenter indicat; nec id agit,
Regiam sublimitatem suam extollat,
cè Coccejus, quasi dicere volue-
Nemo hominum me judicare potest,
לעם & קהלם, Judex ipse supre-
nulli obnoxius. Id enim instituto
itatis ejus minime conveniret. Sed
s, accipe *Tibi peccavi, tibi so-*
quid prodest mihi, quod Rex sum?
gravius deliqui; Si ab hominibus
puniendus, aliquâ parte satisfac-

rem: nunc ira tua tremenda mihi tota in-
cumbit. Pars humiliationis est, quod
regis characteris oblitus eique renun-
tians, se Deo soli, sine exceptione,
subjicit ac insinuat.

55. Ex suprâ dictis abunde liquet; In-
ter Magistratus præcipuos & ex plebe
singulos, quod ad subjectionis legem in
Imperio simpliciter constituto attinet,
nihil esse discriminis, secus ac *Politici &*
Theologi plures volunt.

56. Qui non satis animadverterunt,
Magistratus esse ministros Summæ pote-
statis, ab illis suum jus adeptos & perpetuo
dependentes; Ut imperium in po-
pulum jussu Potestatis Summæ; sed ad-
versus hanc ipsam, non nisi parendi ob-
ligationem habeant.

67. Melius alii distinguunt inter Ma-
gistratus *Regis & Regni*, ut hi sint, qui ab
ordinibus populi in partem imperii rece-
ptis, mandatum conservandi jus suum
acceperint, quales *Ephori* Spartz, Se-
natores regni in *Polonia*; In quibus gen-
tibus non esse Regiam Potestatem sim-
pliciter delatam, quæ est nostra hypo-
thesis, sæpius indicatum est.

C A P. VII.

Quo superior sententia confirmatur aut illustratur, ex jure Romano &
litteris sacris.

Argumentum probationis ex jure Rom. positum, primò in *l. 1. r. d.*
nstit. Princ. ubi, populus omne suum jus in Principem contu-
lum, cum quo dicta aliorum è veteribus collata, item de Regulâ,
ad Princeps sit Legibus solutus. Additur è Sacris argumentum ju-
Regii à Samuele expositi. *l. 1. Sam. cap. 8.* De cujus interpretatio-
differitur.

cet his rationibus ex sanâ philoso-
phia petitis, subjungere probatio-
nentia superioris ex jure Roma-

no & è sacra scriptum, quæ sunt duæ
præcipuæ auctoritates, quibus in hoc
genere liceat uti.

G

2. Sum-

2. Summa probationis ex jure Romano petita, est in verbis Ulpiani l. 1. *de Constit. Princ.* Unde ita colligimus; *Princeps Romanus tantum potestatis habuit in populum & res Imperii, quantum populus ipsemet antea tenuit & exercuit; Atqui populus Romanus, ante translatum in Cæsares imperium, habuit Liberam nullique subjectam potestatem; Proinde non potest fieri, quin etiam Princeps aequè postea Liberam & absolutam nullique subjectam potestatem habuerit.*

3. Prima positio fundata est in ipsis Ulpiani verbis; *Populus ei & in eum omne suum imperium & potestatem contulit. d. l. 1.*

4. Ambigunt Interpretes, quo pacto hæc verba, *ei & in eum* sint accipienda, quibusdam volentibus, in iis esse reduplicationem ejusdem sensus, majoris efficacis causa, stylo curiali Romano non insolitam; ut translatio Imperii in principem facta fortius intelligatur. Alii verba *in eum* accipiunt pro *in se*, quemadmodum Theophilus *καὶ ἑαυτῷ* & plerique interpretes arbitrantur, pari sensu quo Seneca *Epist. 14.* dixit, *Singuli, quibus potestas populi & in populum data est.*

5. Utram interpretationem ut veriorē præferre oporteat, necesse non est heic eam litem faciamus nostram, quoniam utrovis sensu, argumentum nostrum robur suum obtinet; *populus omne suum imperium & potestatem contulit in principem* Quod idem Justinianus adfirmat in §. *sed & quod principi* 6. *Inst. de jur. nat. gent. & civ. l. 1. §. 6. C. de Vet. jur. enucl.*

6. Non ignoramus esse, qui hujusmodi translationem in Principes Romanos unquam esse factam negent, eamque rem à Justiniani ministris falso esse proditam & per *ἰωβλημῶν*, Ulpiani verbis in *d. l. 1.* esse adjectam. Sed hæc exce-

ptio à nobis copiosè refutata est in *part. 1. Digress. l. 1. c. 16. & seqq.* Nec aliud ab Historicis veteribus esse traditum, quam à Jētis, satis apparet, ex his inter alia locis. *Dion. lib. 50.*

7. Cæsares *παῖς καὶ βασιλείας ἔχοντες* (ἐξελθόντες), omni regia potestate præditi sunt, et si τὸ κατὰ τὴν ἀρχὴν φερόμενον, nominis invidiam detrectarunt. Idem *lib. 60.* Senatus P. Q. R. Claudio *ἐψηφίσαντο αὐτὸν καὶ θεῶν δόξαν καὶ λαοῦ καὶ τῶν νόμων*, decreverunt ei Imperium, per se & in leges; verè summam potestatem, ut ὅσα βούλοιτο ποιεῖν, faceret quicquid vellet, καὶ πᾶσι ὅσα αὐτῷ βούλοιτο μὴ πείθεσθαι; Nec faceret quod nollet. Quæ nihil est aliud quam potestas Libera & absoluta. *Omnis potestas in unum collata* apud Tacitum 1. *Histor. 1.* *Jus arbitriumque omnium rerum*, Sueton. *Cal. c. 14.* *Πολίτευς καὶ ἐκείνης κατὰ τὴν φύσιν;* *Pacis & belli dominus est factus Augustus*, Strab. *lib. ult. in fin.* Nec ulla parte plus est, quod Juris auctores legi Regiæ adscribunt; et si nomen Regiæ legis serius esse repertum & de principibus Romæ prædicatum concedimus, Populi tamen voluntas absque Senatus consulto & lege non potuit edi vel promulgari.

8. Porro, Altera positio superioris argumenti, quod *populus antea liberam & absolutam potestatem habuerit*, tam evidens est, ut probationis non indigeat; nam sicut quilibet privatus, *liber est arbiter & moderator rerum suarum* l. 21. *C. Mandat.* habens perfecte liberam de se suisque rebus disponendi potestatem, ita populus universus de universitate rerum suarum eandem habet arbitrii & disponendi libertatem.

9. Nec est in mundo, qui actiones liberi populi (nam talem ponimus nullius alterius potestati subjectum) impedire vel coarctare possit: Proinde nihil est quod conclusionem impedire queat, *Princeps Romanus habuit liberam & abso-*

absolutam nullique subjectam potesta-

Hæ rationes ex jure Romano recte ratione propositæ sacris etiam convenient; passim enim in veteroque testamento sparsa videmus de obsequio Regibus & Potestati præstando, non tantum bonis & ; sed etiam duris & difficilibus, *Epist. 1. cap. 2. vers. 18.* nec usquam rationes occurrunt aut exceptiones, ut liceat civibus, se opponere dirigentibus, eandemque veterum temporum fuisse disciplinam *Gronov. lib. 1. de jur. b. & p. c. 3.* pressè habuit.

Nec adeo nefas sit dicere, Principes simpliciter constitutos habere jus, potestatem sibi delatam, singulos male mulctandi, quin etiam onisque spoliandi, ex autoritate, licet hoc *Isa. 10. v. 12.*, portendit multis videatur; *Non ut injuriosæ insolentia principum, bona justorum vel nefarie esse desinant, sed quia obliquantur ad patientiam, nec ideo principum imperio subducere vel resistere possint.*

Probatio scilicet, est ex loco vulg. *ib. 1. Sam. cap. 8. vers. 9. & 11.* qui, que decantatus & variè explicitus, eo magni plerisque momenti vir, heic tamen omitti non potest. Israhel, qui adhuc gubernatus manu divina per Prophetas Judices cœlitus inspiratos, cœperat infestare & averfari illud invisibile sceus, quod mente solâ venerari poterat. non petere vicinarum gentium exanimam induxerunt, eaque grammeli non sine convitio frequentissimas creaverunt; nam ille gnarus, um è religione poteretur, & me, ne Deus populum suum desereret, citationi restitit, donec à Deo jube-

retur iis morem gerere; quod factururus, jussu Dei proposuit universo populo, quæ potestas Regis, quem sibi postulabant, esset futura; *hoc erit, inquit Samuel, jus regis, qui vobis imperitabit, eripiet vobis filias & agros vestros ac dabit servis suis, ac iraporro.*

13. Jam dixi, quale jus ibi sit intelligendum, non æquumque regis officium, quod longè aliter describitur in Deuteronomio, *Cap. 17. v. 14. & seq.* sed consuetudo dominationis, quæ tamen juris effectum haberet in subjectos imperio, quatenus eos obligaret, ut diximus, ad patientiæ legem.

14. Nam alterutrum necesse est; Aut Samuel hanc regis potestatem exposuit, ut populus sciret, quid patiendum foret, aut hac mente fuit, ut animaret ac instrueret eos ad oppositionem.

15. Sed posterius a scopo, quem in hoc textu habuit, alienum est; id enim egit, ut populum, si potis esset, a rege petendo abstergeret, quod assequi non poterat, si præmonuisset eum, quid a rege non esset ferendum; sed ad illum finem pertinebat, docere, quid patiendum foret. Quia ipsa verba manifesto præ se ferunt hunc sensum, *hoc erit jus Regis.*

16. Satis constat, interpretes esse, qui hunc locum aliter reddiderint, quam vetus interpres Latinus; vix aliâ ratione, quam ex hac præconcepâ sententiâ, quod *populus universus, semper & indistincte Rege sit superior*; proinde quod totus populus, ad injurias regis patientes non teneatur.

17. Verba textus *vers. 9. 11. & seq.* *וְהָיָה כִּי יִשְׁמַע ה' בְּקוֹל שָׁמוּעַ* duod Lxx. verterunt hoc modo, *Τὸ δικαίωμα τῆς βασιλείας, ἐκ βασιλεύοντι ἐπ' αὐτοῖς.* & deinde *וְהָיָה כִּי יִשְׁמַע ה'* Hoc erit jus &c. Ita vetus Interpres latinus omnesque antiqui, *τὸ δικαίωμα τῆς βασιλείας* reddunt,

dunt, *jus Regis*, ut & Lutherus das
recht des Konings.

18. Sed recentiores p'erique in alia
omnia eunt, non sine gravi ratione,
quam Sixtinus Amama in *antibarbaro*
biblico & ex eo Interpretes Belgæ ad d.
locum exponunt.

19. Si hoc *jus regis* esset, quod illic à
Samuele exponitur, ajunt, *eripiet vobis*
filias & agros vestros & dabit servis suis,
Achabus non peccasset, cum Nabotho
vineam suam auferret.

20. Ideo vertunt Tremellius, *Ratio*
Regis, Scaliger 1. *epist.* 15. *Modus Regu*.
Belgæ recentes, (nam antiqui sequun-
tur Lutherum) *de wijsse des Konings* /
etiam Piscator *des Konings wijsse*.
Diodatus in Italica versione, *la maniera*,
Anglus *the manner*, Genevenses *le trai-*
tement. De Valera tamen Hispanus e-
tiam reformatus habet *el juizio*, & in
notis *el derecho*, quod utrumque *jus* signi-
ficat, at cum aliquo discrimine; quem
admodum *δικαίωμα* potest intelligi cum
aliquo discrimine *δικαίον*, ut *δικαίωμα* sit
jus acquisitum.

21. Notum est, *jus* significare vel re-
gulam æqui & boni, & hoc est, *τι δικαίον*,
vel facultatem inde derivatam, quæ com-
parata est ad aliquid jure habendum vel a-
gen- tum; hæc est *δικαίωμα*, ut *jus patriæ*,
jus dominicæ potestatis. Quod dominus
facit, ex herili vel Pater ex patria potesta-
te, id jure facit & hoc *jus* ejus dicitur, *δι-*
καίωμα, inquam, sed non omne *δικαίωμα*
est *δικαίον*. non omne *jus* alicui compe-
tens, in hypothesi justum est.

22. Cum Pater filium nil mali meri-
tum verberat, *jus* habet ita faciendi &
filius id pati debet; sit inter patrem &
filium *δικαίωμα*, non est *δικαίον*, non
convenit æquo & bono. Quando *Præ-*
tor jus dicit, hoc habet effectum indi-
stincte, sive æquum sive iniquum sit, sem-
per est *δικαίωμα* Victoris, etiam judicis,

non tamen est *δικαίον* l. 11. ff. de *Just. &*
Jur. hæc etiam antea innuimus.

23. Ergo nihil opus est, ut à celebriori
significatione vocis *δικαίωμα*, quæ *jus* signi-
ficat, tam usu quam etymologia, abea-
mus; quali notum facere vellemus ci-
vibus, eos non teneri ad perpetuen-
das regum injurias; sicut profecto mi-
nime tenentur, si Principes nullum
jus agendi violenter cum subjectis suis
haberent.

24. Quin si loca, in quibus *δικαίωμα*
aliud sensum habere dicitur, inspicias,
videbis in iis sensum ejusmodi esse, qui
notet modum *præscriptum* & obsequen-
dum, à lege non alienum, ac inde civili
translatione derivatum.

25. Enimvero jam liquet, nullius mo-
menti esse objectionem, quæ ab exemplo
Achabi adversus *Nabothum* similibusque
desumitur. Quippe *jus* illud Regium,
quod diximus, non tollit impietatem di-
ritatemque facientium injurias, sed tan-
tum *obligat ad patientiam* cives.

26. Idque Samuel Hebræis ob oculos
posuit, explicando, cujusmodi jugo se
subjicerent; Propheta non derogat his-
ce verbis ul o modo legibus à Deo præ-
scriptis officio Regum, qui secundum
suam voluntatem populo essent præfutu-
ri; sed docet, eos ita animos inducere
oportere, ut scirent non modo paren-
dum esse *τοῖς ἀγαθοῖς καὶ τιμωρίαις, ἀλλὰ καὶ*
τοῖς πονηροῖς, non tantum bonis & æquis
sed etiam iniquis, ut Petrus *epist.* 1. cap.
2. v. 18.

27. Equidem si hac mente non fue-
rit Samuel, hoc fore *jus Regium*, quod
commemorabat, oportet ejus fuisse con-
siliū, ut indicaret, *jus* fore populo,
se Regibus talia facientibus opponendi,
quod, ut diximus, instituto ejus adver-
sabat.

28. Denique, nulla ratio suadet, ut
Prophetam ad universum populum verba
facien-

ntem credamus aliter usum esse ver-
quam fere semper usurpatur, idque
usmodi occasione, quæ nihil mi-
quam lusum in verbis ambiguis fe-
t.

9. Duplex igitur est Jus Regium,
um spectat ad populum, ejusque of-
m in parendo patiendoque compre-
lit. Alterum præscribitur in *cap. 17.*
Jeronomii v. 15. & seqq. ac comple-
r officium boni piique Regis in im-
ndo adeoque pertinet ad ipsum Re-
qualis Homericus Rex:

Οὐδ' ὁδὸς δὲ, ἔσται μὲν ὑποτίγῃ τῷ
κρίτει

ὅτι πρὸς πῖλῳ ἐλάσῃ, ὅδ' ἢ εἰπὼν
ὅδ' ἔσται, ἢ ἢ ὅδ' ἔσται, ἢ ἢ ἔσται.

qualis apud veteres divus regnabat U-
lysses,

ui nulli civi dicto factore nocebat;
ilicet, hoc hominem Dis immortalibus æquat.

10. Non utimur tamen sententiâ re-
orum Grotii Interpretum, Ziegleri,
cleri, Hénningii & aliorum, qui
contenti illo jure injusto, sed quod
ger ad patientiam, ex eâ quam Gro-
tius interpretatur; statuunt illud
Regium esse verum & solidum jus,
minus ac quilibet dominus habet in
igâ donatione, vel alius quilibet in
s suis abutendis, quod eî non re-
& laudabiliter fiat, ex jure tamen
& perfectio fit.

Hujus rei dijudicatio pendet ex
quod infra demonstrabitur, utrum
le imperium ex voluntate populi
litici constitutum sit, an Regium
rie dictum.

Inter has enim species, hoc inte-
quod in despotico sive herili Im-
Monarcha sit dominus & subjectis
ut servis; in Regio, intelligun-

tur Rector & cives, qui libertatem per-
sonarum & proprietatem rerum habent
salvas & imperio exceptas, quæ in do-
minatu utræque Monarchis expositæ
sunt.

33. Quomodo Turcæ & Persæ o-
mnesque Orientis Imperatores, indicta
causâ, cives necare bonisque spoliare pos-
sunt, nec in eâ re potestatis suæ limites
excedere creduntur, secus ac in Regnis
civilibus, et si liberæ & absolutæ pote-
statis, obtinet.

34. Cum autem in Imperiis Christia-
norum, et si absolutis, non herile, verum
civile jus obtineat; sequitur, Imperantes
extra causam publicæ utilitatis veram
non fictam, res & personas civium nul-
lo modo lædere posse, tamen si privatis
resistendi facultatem ob ejusmodi ex-
cessum non dari, dictum sit antea & di-
cendum sit *infra*.

35. Nec aliter ab Israëlitis consul-
tum fuisse putamus. Populus enim re-
cens libertatis, suâ vanitate & odio fi-
liorum Samuelis, Theocratix pertæsus,
ita quidem regnari volebat, ut servire ta-
men non cuperet; quemadmodum, Sa-
lomone præsertim mortuo, & aliâs sem-
per eximie demonstrarunt.

36. Verum est, illos petiisse Regem
ad instar vicinorum, qui despotico o-
mnes Imperio regebantur: sed non qui
in genere Monarchico cæteris æquari
voluerunt, etiam in speciem Monarchiæ
ab ipsorum ingenio alienissimam con-
senferunt.

37. Teneamus igitur, Prophetam ad
deterrendos Hebræos, instituta Regum
Asiaticorum illis proposuisse, quæ juri
quidem recto & bono adversa, tamen
ipso ad passivam, quæ dicitur, obedi-
entiam essent obligatura, non ad jus aliquod
verum Regibus impiis tribuendum.

C A P. VIII.

Continens monita quædam ad usum præcedentis disputationis.

Sæculum hoc imprimis esse monarchicum & despoticum; libertatem vero pretiosam & auream, proinde summâ curâ custodiendam. Si transferendum sit imperium in Optimates, dandam esse operam, ut ea sit Aristocratia laxa potius quam Oligarchica. Potestatem regnantium in Aristocratia solere absolutiorem esse, quam in Regno. Imperia dura, licet populum obligent ad patientiam, non tamen desinere esse injusta; quin etiam infirma. Quotquot prudentes sunt Principes, eos sibi ipsis leges dicere, ut auctoritati suæ consulant.

Quanquam in hac Arte non agimus de iis quæ ex usu, sed de his quæ juris sunt, monita tamen nonnulla de superiori sententia, cautionis ergo, collocanda videntur, tam de eo quod utilitas imperantium subditorumque videtur exigere, quam de ratione juris, quâ jus Imperii absolutum temperari possit.

2. Quod hoc seculo vel maxime necessarium, quatenus Principes in id quasi conspirasse videntur, ut & liberos populos subigant, & sibi subiectos omni jure, quod adversus summum Imperium acquisiverunt, excutere, & ad ultimam servitutis patientiam adigere possint.

3. Videndum etiam, ne Doctores Imperantibus adulari potius quam veritati stare videantur, cujus rei causam nos quidem eo longius habemus, quo in gente vetustissimæ libertati suetâ omnique principatus, jam à centum & quod excedit annis ignarâ, vivimus.

4. Ergo omnium primo faciendum est populis liberis, ut cogitent, quam res cara sit ac pretiosa libertas, quantoque oneri periculoque se supponant, qui voluntati suæ circa communium rerum administrationem renuntiant aliorumque arbitrio se suæque ita committunt, ut quilibet injurias propriâ voluntatis lege

pati cogantur; Proinde, quantâ cum sollicitudine constantique pro libertate vigilare, laborare, denique, si opus sit, depugnare debeant.

5. Quod si regimen popolare commodo publico adversum sit, ut fere contingit, operæ pretium est, animum advertere, ut Aristocratia quam proximè ad Democratiam accedens constituatur, modusque administrandi sic adtemperetur, ut inter licentiam Procerum & confusionem multitudinis mediâ viâ procedatur, quod ut difficile, sic non esse & adu-
vatum, exempla tam nostri quam superiorum temporum fecere fidem.

6. Enimvero non debent ignorare populi, sicut potestas optimatum ex lege delati Imperii, non differt à potestate Monarchicâ, sic etiam modum administrandi plerumque intentiorem & absolutiorem esse in Aristocratia, quam Monarchia.

7. Quia Reges multa cum Proceribus communicare solent & sæpe coguntur, Optimates cum plebe nihil communicant, sed plebis voluntatem suo arbitrio liberè valideque complectuntur: hoc saltem interest, quod periculum tyrannidis in Aristocratia minus sit quam in unius Imperio.

8. Proin-

3. Proinde plebi, antequam se exuant libertatis, sollicitè videndum, quo jura sui ordinis contra optimatum dominationem stabilire debeant, ne postea rationibus opus sit, ut olim Romanis venit.

Quippe, non modò in regnis hæc æstio de vigore summæ potestatis titilatur; sed & in Aristocratiis, vel time; sicuti superioribus annis, etiam in ciniis vidimus. Optimatibus æque nam absolutamque potestatem adicriquam ullus Monarcha postulet, ut ere licet in laudato *alias tract. Graßkelii de summâ Potestate Ord. Holliæ.*

o. Nec ferendi sunt, qui de jure utantes, Reges quidem esse volunt datarios populi, optimates autem utulum repræsentantes totumque jus habentes considerant.

1. Nam aut Imperium in se democraest, modusque administrandi dunt aristocraticus; aut forma Reipubl. in sese Aristocratica. Si prius, optes tantum sunt Magistratus, hoc veri populorum ministri; si postelatio Imperii non potest aliam nem habere quam in Principatu; enim ratio fert, ut quicquam interquoad efficaciam juris, inter translatam, quæ fit in unam Personam, & in unum fit Collegium.

Quo autem majus est in Monarquâ quam in Aristocratiâ periculum tydis, eò magis intentos oportet esse hos, obsepiendæ viæ, qua Principes annidem & arbitrariam potestatem in vel obrepere possint; non modo bus, quas vocant, fundamentalibus, tiam mediis vivis ad impediendum, od Principibus jure veritum est, iacto sibi arrogant ac usurpent.

Quando quidem si in tali statu sint ipes, ut si velint, Leges & jura po-

pulorum invadere & obterere possint, statuendum est, hoc ipso esse futurum, ut id etiam velint. Nam in Republ. nihil verius est eâ Regula, quam vetus schola negabat, *A posse ad Esse valet consequentia.*

14. Quomodo autem hoc satagendum sit, non est hic edisserendi locus. Id equidem satis constat, omnium usu seculorum; ubi militia perpetua & numerosa mercenaria est in manu & pendet à nutu unius, ibi leges & jura vel libertates Ordinum Populique non esse unius assis; non sane pluris, quam velit is, cujus est potestas armorum; de cujus voluntate quid præsumendum sit, ingenii humani indoles & consuetudo, quam Thucydides esse dixit, *ἐὶ δὲ ἀεὶ τῆς ἀρχῆς; dominari quibus prævalet*, dubitare non finit. Quomodo autem militaris unius potestas impedienda sit, est *ἐκείνη πολιτικὴ*, non juridicum.

15. Neque tamen opus est adici, quemadmodum in omni juris disciplinâ regnant exceptiones, si qui forte Principes armorum compotes intra terminos potestatis sibi delatæ se religiose contineant, eos tanto majori laude esse dignos, quo res illa magis excedit ingenii humani consuetudinem.

16. Porro, ubi hæc prudentia deficit, illic etsi jus habeant Imperantes pauci vel singuli simpliciter à populis constituti, sic agendi cum civibus, ut hi ad patientiam obligentur, etiam ubi *δυσὺλως* & inique ab illis imperetur, certum tamen & jam antea dictum est, imperia talium Principum nihilominus esse injusta & sæpe detestanda.

17. Quando enim jus pro bono & æquo sumitur, vel pro eo quod Rex facere debet ex præscripto Dei, tunc ille nihil minus quam *jus inique agendi habet*, ut *suprà aliquoties dictum & huic quæsito applicitum est.*

18. Quod

18. Quod si Principes libidinem dominandi officio suo laudisque reputationi præferant, cogitandum illis est, *plerumque etiam populos ita animatos esse, ut legem patientiæ, cui submittere se deberent, adspernari, quam flagitia dominationis ferre malint.*

19. Idcirco non tantum animo, sed etiam securitati auctoritatisque suæ melius consulunt Principes, qui *jus suum eo quod decet Majestatem suam publicoque expediat, metiuntur*; quomodo Imperatores in l. 4. C. de Legibus, cum dixissent, *dignam esse vocem Majestate regnantis legibus alligatum se profiteri*; subjungunt; etenim, *de auctoritate juris, nostra pendet auctoritas.*

20. Hinc Romani Principes, quamquam omne jus populi & in populum habuerint, ut modo intelleximus, verique legibus fuerint soluti, tamen non modo legibus se vivere profitentur passim; sed parum abest, quin etiam jura condant, quibus ipsi Principes subiecti sint aut esse videantur, adeo ut Rescripta Principum, juri publico privatoque contraria ab omnibus iudicibus refutari præcipiant l. 7. C. de Precib. Imp. off. l. un. C. Quand. Imp. int. pop. &c. Toroque jure iparâ leguntur ea, quæ Princeps facere non posse dicitur, eo quod ordinarii juris rationibus refragentur.

21. Non tantum igitur prudentiæ, sed & juris est, ne Princeps ex fortuna sua licentiam tantum usurpet suæque solius utilitati studeat, cum ad hoc sit constitutus, *ὅτι ἐκ τῶν τοῦ ἀρχόντος ἐκείνου, ut, qui elegerunt eum bene beatèque agant, Socrates apud Xenoph. lib. 3. res-*

morab. à pr. Idem exigit divinæ voluntatis auctoritas loco antea citato. Denter. 17. v. 19. & seqq.

22. Concludimus, illius demum Principis magnitudinem fundatam stabilemque esse, quam omnes tam supra se esse, quam pro se sciunt, ut Seneca 1. de clem. c. 3. idque non modo respectu Dei, qui Reges tam diu regnatos promittit, quam diu jus & fas custodient; sed etiam ratione populorum, qui raro in eo statu, cujus ipsos pœnitet, acquiescunt, jugumque, ubi facultas detur, excutere testinant, quod Principes mali ut expectare debent, ita nec ægre ferendi causam habent. Quo sensu capiendum, quod Thomas Morus olim elegantibus jambis complexus est;

Quicumque multis viris unus præest,

Hoc debet his, quibus præest.

Præesse debet neutiquam diutius,

Hi quam volunt, quibus præest.

Quid impotentes Principes superbiunt

Quod imperant precario!

23. Idque non modo in legitimis sed etiam in absolutissimis, imo in *berilibus* Imperiis eodem modo se habere verissimum & exemplorum usu notissimum est; quomodo hujus seculi anno XLVIII. Musius, id est, summus Pontifex Constantinopolitanus Ibrahim Imperatori diem dixit, ut rationem actionum suarum redderet, *ad quod, exigente populo, Principes tenerentur.* Et cum Imperator eum contemneret, non dubitavit alio decreto pronuntiare, illum excidisse Imperio & tanquam privatum posse puniri, quemadmodum punitus est, referente Rigasio in Histor. Turc. ad annum 1648.

S E C T I O I I I

De Summa Potestate Reipubl.

CAP. I.

De summæ potestatis definitione & differentiâ.

nibus summa potestas cum Grotio. Divisio Majestatis in Realem & Personalem, Delegantem & Delegatam refellitur, eò quod potestas summa non nisi una esse possit: ideoque, si delegantes acta delegatorum infirmare queant, penes hos esse Majestatem; si non possint, esse penes solos delegatos. Summam Potestatem non obligare ipsum, à habet Summam potestatem.

Ultitudo, quæ nulli subjecta,
coit in Civitatem, si quod impe-
ndat, hoc esse *summum*, sponte

Neque enim Imperium extra Ci-
uitatem habet superiorem, ubi ipsa mul-
titudine nullum talem agnouerat. Nec in-
de potest dici Imperium habere
iam superius sine contradictione.

Quominus tamen certæ Imperan-
cesionæ aliquo modo superiores
queant, si difertefititaconstitu-
rifihi vetat.

iterest autem plurimum, scire per-
quid sit Summa potestas, quam
Majestatem vocant, et qualiter ve-
quibus hæc vox notat amplitudi-
dignitatem.

sed hodie Theologi, Politici, & Ju-
dices summam Reip. potestatem hac
signant, καὶ ἔχουσιν, sicut & olim
Julia Majestatis usurpata videtur.

fracti hanc potestatem τὴν ἀρχὴν
tem excellenter, vel τὴν κρείσσειν πρᾶ-
ξιν. Aristoteles κρείσσειν ἀρχαί; Do-
ctus potestatem. Philo, μάλιστα τὴν ἀρ-
χὴν τοῦτο Imperium. Dion Cassius,
οὗτος; ἀντιπροσέχειν ἀρχαί; quasi dice-
re quo ipse unus potest quod vult.

7. Sed definitione opus est, quam *μετὰ τὴν ἀπορίαν* *ἡ ἀπορία* *ἡ ἀπορία*, *magnam ad sequentia momentum habere*, docet optimus docendi magister Aristoteles.

8. *Dehniatur cum Grotio, Facultas moralis regendi civitatem, cujus acta nullius humane voluntatis arbitrio infirmari possunt. lib. 1. c. 3. §. 6. in pr.*

9. Differentiæ hujus argumento pleræque difficilia *Questionum*, circa hoc caput moveri solita, suis quæque locis conficiemus.

10. Hoc omnium primo ex eâ constat, fieri non posse, ut Summa Potestas ipsa Legibus à se latis, iustam quam observationem voluntariâ, teneatur, quia nemo se ipsum sibi obligare vel coegere potest, nec populus totus quâ talis, nec optimates pariter (singulos enim teneri palam est) neque Rex verè *αὐτοκράτωρ*; quâ de re dixi latius in *Eunom. Rom. ad l. 31. π. de Legibus*, & mox etiam hec prefuius.

11. Dividitur à multis in *Majestatem Realem* atque *Personalem*, quarum illa universo corpori civitatis, hæc paucis vel uni Imperantibus conveniat.

12. Sed vitiosam hanc esse divisionem
putamus; quoniam, si Majestas sit jus
Summum, fieri nequit, ut duplex sit.

non magis quam in una linea dentur duæ summitates.

13. Nisi compositam aut mixtam statuamus Rempublicam; sed tales nullas esse vel paucas *alibi* Videbimus, & si daretur talis, ibi duplex quidem esset Majestas personalis, realis nulla posset applicari.

14. Præterea in *Democratia* nemo, opinor, dicet, esse duplicem Majestatem, perinde nec erit ejusmodi in cæteris Reip. formis; quippe, vim Imperii non esse aliam in statu populari quam in concilio paucorum, vel personis Regum, *supra* demonstravimus.

15. Potest quidem fieri, ut optimatus aut principi aliquid detractum vel circumscriptum ordinique diverso datum sit; verum hoc, inquam, ad divisionem Majestatis personalis, non ad distinctionem Realis & personalis referendum.

16. Sed hæc partitio bene convenit eorum sententiæ, qui populum semper retinere proprietatem summæ Potestatis, & Rectores nihil quam exercitium & executivam habere potestatem sentiunt, de quibus sæpe dictum. Hi enim proprietatem illam vocant Majestatem realem; alteram personalem. At cum Majestas non vere Summam potestatem, sed dignitatem potius & amplitudinem ministerii significat; unde vocabulorum quidem proprietas extra usum Artis alioqui non aberrat.

17. Nihilo melior est distinctio Majestatis in *delegantem* & *delegatam*. Nam si illi, qui delegant Imperantes, horum acta possunt infirmare, nec hi sine eorum mandato quicquam summæ rei statuere queant; planum est, quod delegantes non transfulerint, sed retinuerint summam potestatem legatosque habeant ut ministros, sicut Ordines *Hollandiæ* Legatos suos ad comitia; qui manifesto nihil sunt aliud quam *Mandatarii*.

18. Si infirmare illa nequeant, palam est, quod delegantes potestatem summam re habere desierint; proinde, quod *transfulerunt*, hoc ipsis non recte amplius adscribitur.

19. Ejus rei exemplum præbet *Frisia*, ubi populus suos Legatos mittit ad Comititia, cum plena potestate statuendi quod ipsis è *Republ.* videtur, sine specialibus mandatis, sine rationum redditione vel ut populus Acta delegatorum suorum infirmare queat. Ex quibus rebus esse factam translationem, annuam duntaxat, evidenter colligitur.

20. Scilicet, auctores harum divisionum tenent, in populo universo semper, ut dixi, residere summam potestatem. Quod cum ratione supra aliquoties improbavimus, adeoque & divisiones illas rejici consentaneum est.

21. Plane *SUMMAM potestatem* esse unicam duntaxat in qualibet civitate, dictum necessarium est. Unde Patres à summo Numine pluralitatem validissime contra paganos removerunt; Ea quippe *Summi* conditio est, ait *Tertullianus*, ut nihil aliud adequet, nedum superet.

22. Quod si plures summæ potestates darentur, ab his imperata sæpe contraria, ut res humanæ sunt, proficisci oporteret; quæ res everteret *obligationem* & *coactionem*, quæ sunt effecta summæ potestatis; nisi vim obligandi amitteret altera; quæ re non modo summa, sed etiam potestas esse desineret.

23. Enimvero esse Reges, cum quibus optimates aut populi summam potestatem participant, verum est; sed ea res minime duas summas potestates efficit; verum Rex & Ordines in unionem summæ potestatis, *plures quidem*, sed non ut plures concurrunt.

24. Non minus liquido constat è definitione Summæ Potestatis supra scriptæ, neminem eam habere vel exercere posse

in semetipsum; sicut implicat contradictionem, ut quisquam se ipsum sibi obligare, vel se ipsum cogere possit. Enimvero potest Summa Potestas obligare; primo quidem exteris Nature & Gentium sine omni du- dein etiam civibus, in his, quæ non Summa Potestas, sed jure tralatitio- ahit, ut in emendo, vendendo, do conducendo, mutuum accipien- solvendo quod debet & similibus. ibus se obligare censetur potestas, ratum; convenitur etiam & con- atur, ipse, quod magis est, nomi- in semetipsum.

Nec tamen inde sequitur, Principi- tabere potestatem in se ipsum; quia nisi volens ad exequendam obliga- n conveniri, Invitus nequaquam : At potestas in invitum est, Hæc tio non nisi ex consensu & submit- voluntaria. Summa Potestas habet vim coactivam, nec esset Potestas, sed huic, inquam, ti non est usus in Principe adversus m.

Ne quidem in populari Imperio a potestas se ipsam obligat sibi ipsi. In potestas universorum vel majori- tis, nihil habet commune cum o- one singulorum, sed differunt ut s unius in alterum. Singuli sub Po- sunt; Ipsa potestas summa sub po- non magis est, quam esse potest. Non est igitur, ut accurate lo- sit Cujacius privati juris interpres is in lib. 15. observ. cap. 30. ita scri- Quin imo ut populus ipse suis legibus tur, ita Princeps, cui & in quem omne suum imperium contulerat. Adeo ut potestas Principis & in Principem esset.

Populum intellexit universum, im aliter hic suum jus in Principi- antulit. Ut autem universo po-

pulo sit potestas in universum populum, implicat contradictionem; non magis quam ut potestas Principis sit in ipsum Principem, ad coactionis, inquam, effectum adversus invitum, sine quâ fa- cultate nulla potestas in civitate intelligi potest.

30. Textus juris civilis, quem Cu- jacius adducit, quo pacto potestatem Principis in Principem acceperit, indi- cat. Est autem *lex quarta C. de Legibus*; ubi Theodosius & Valentinianus; *digna vox est maiestatem regnantis, ajunt, legibus alligatum se Principem profiteri*. Et mox: *Et revera majus Imperio est, submittere Legibus Principatum*. De submissione voluntariâ, de potestate, quæ coactionis est, nullo modo loquuntur. Prin- ceptus igitur est Princeps sui ipsius; ut quilibet vir bonus potestatem in se ipsum habet: consensu & inductione volunta- tis, non adversus invitum; ut res ipsa loquitur.

31. Parum igitur accurate in iis ver- bis, ad juris publici rationem instituisse Cujacium, liquido patet; quando obli- gationem Principis ex ejus liberâ volun- tate pendentem trahit ad infringendam Juris publici positionem, quâ Princeps Legibus solutus esse dicitur: Contra quam ipsi Principes connectunt, dum se vivere Legibus, attamen Legibus so- lutos esse profitentur §. ult. Inst. Quib. mod. testam. infirmantur. Plinius ad Tra- jahum, *Ipsæ te legibus subieciisti*, in eun- dem sensum, *panezyr*. Quâ re cum non fiat, ut Acta Principis alterius humanæ voluntatis arbitrio, subiecta sint, aut infirmari queant, non esse eam potesta- tem civiliter dictam, manifestum est.

32. Non desunt tamen, qui adhuc Populum & Principem in se ipsos verè potestatem habere & Cujacium accurate locutum esse contendunt; Hi nobis in- culcant *notissimam distinctionem Populi*

Leges in Comitibus ferentis, & populi in quotidianis actibus eas observantis. Item, Principis, quâ Principis, & Principis quâ hominis privati. Explicite superius quid repetamus? Populus unita voluntate Legem ferens est Civitas: Observatio fit à singulis, quæ sunt diversæ personæ. Nam Civitas, habet jus personæ. Universus populus non obstringitur iis legibus, quibus obrogare, derogare, quas abrogare totas, quibus solvere se aliosque pro lubitu potest. Quod perpetuo ab alicujus voluntate penderet, id nullo sensu humano potestati civiliter sumptæ potest esse subiectum.

33. Sed, ajunt, *quid usitatus etiam hodie in Romanensi Ecclesia, quando agitur de Infallibilitate Papæ, quàm Papam, quâ Papam, non posse; At quâ Innocentium posse errare.* Ne distinctionis illius ineptiam arguamus, quid hæc instantia ad rem pertineat, non video; quandoquidem non negamus, eum, qui munus publicum gerit, duobus adspici lateribus, privato & publico, eoque respectu diversos habere effectus: Sed non ideo potestatem in se ipsum verè & actu habet, nec se ipsum cogere dici potest, si ne quâ facultate, Potestas hujus loci non habet intellectum.

34. Etiam Grotius in partes vocatur, qui distinguat inter dominum, quod populus habeat ad modum privatorum; & quod populo, ut populo competit, quod nemini, credo, in mentem venit unquam negare discrimen; sed nec hoc ad Potestatem in semet ipsum competentem plus facit, quam Papa, non ut Papa, sed ut Innocentius errans.

35. Sed magis ad rem pertinent hæc verba Grotii, quæ obijciuntur. *Non desinit debere pecuniam populus, Rege sibi*

imposito, quam liber debebat. Est enim idem populus, & dominium retinet eorum; quæ populi fuerant, imo & IMPERIUM in se retinet: quanquam jam non exercendum à Corpore, sed à Capite. Agnoscimus, etiam in loco quem citant dissentientes, non extant, verba Grotii; Agnoscimus Imperium semper esse populi, non habentis alienigenam dominum; & esse hoc in eundem populum, non in diversum. Corona Galliarum est populi Gallici, & jus ejus in populum Galliarum; non Hispaniarum & Germaniarum. Corpus civitatis semper habet omne jus Civitatis, quamdiu ab Exteris non subigitur. Plane sicut dos manet proprium mulieris patrimonium, etiam maritus, constante matrimonio sit dominus dotis, ut Jurisdicti utrumque docent.

46. Sed heic & apud Cujacium agitur de potestate obligandi per leges & subiectione coactivâ, quæ est propria Legum & Summæ potestatis in Republicam. quam ipse Grotius ita modò finivit, ut duas in ea personas Imperantis & subiecti distincte agnoscat. Denique, Potestas, ubi de jure imperandi & parendi, obligandi & cogendi agitur, à jure exercendi imperii non potest separari.

37. Cujacius Principem suis legibus subiectum & obligatum, non solum esse ponit; Legis virtutes sunt, Imperare, vetare, permittere, punire l. 7. r. de legib. has virtutes Principi in se, in Principem, vel populo universo in universum populum competere, tam palam contradictorium est, quam in definitione potestatis & obligationis duæ partes & personæ distinctæ necessario collocandæ sunt.

38. Atque inde quæ præterea in hanc rem proferuntur, unice pendent.

C A P. III.

Continens monita de aliis Imperii differentiis.

Imperii in Civitate non mutari ex formâ Reipubl. nec quidem herili ut civili modo imperandi, licet efficacia in illo sit major. Differentiam patrimonialis & quasi fructuarii Imperii nobiles quidem habere effectus, jus tamen summum non variare. Esse despotica regna, quæ non sint patrimonialia, & civilia, quæ in patrimonio habentur. Contra summam potestatem in regno quasi fructuario esse posse. Objectio ex natura ususfructus & proprietatis petita solvitur. Non mutari jus imperii ex eo, quod invitis aut volentibus sit impositum: siquidem ex voluntate civium æque absolutum condi potest ac vi bellicâ. Male definitioni summæ potestatis inferi, ut perpetua sit: temporarium æque summum esse posse. Denique, ex magnitudine aut parvitate nominumque distinctionibus & titulis nullam juris nasci diversitatem. Postremo, Legem de approbandis in senatu Regum decretis, iisdemque in jus vocandis, per se non tollere summitatem Imperii.

Unde qui ex aliis quoque rebus differentiam summæ potestatis colligunt.

Primo, non desunt, qui interesse aut plurimum, quâ formâ Reipubl. tas gubernetur, *monarchica* vel plurimum imperio, & in monarchia, sit ne *politicum* an *civile* Regnum.

Sit ne *patrimoniale*, an quasi fructuarii, populoque volente an invito institutum.

Utrum eligantur, an *successione* deant Imperantes, *temporalis* an *perpetua* sit potestas.

Nonnullis quoque *parvitate* vel magnitudine civitatum jus summum imperisum est variari; denique, *nomen* illorumque species hominum judicia præstringunt.

6. Nos ex illis omnibus nihil ad summam Imperii tollendam, augendam, minuendam facere paucis indicabimus.

7. Nam quod ob formam regiminis, politicorum aliqui, minorem potestatem in *Democratia* putant, hoc adeo falsum est, ut mensura juris optimè ex illâ formâ capiatur, sicut modò demonstravimus.

8. Ex adverso, quod alii monarchas ut à populo præfectos, minoris faciunt, populi verò ut *avseuxes* imperantis jus majus in democratiâ intelligunt, hoc perinde superius refutatum.

9. Certum igitur esto, quod modus imperandi varius speciem, jus & vim imperii minime variet.

10. Plus discriminis inter heriles five Despoticas & civiliores monarchias consistere videtur. *Heriles* vocantur, ubi Imperantes sunt domini corporum atque bonorum. *Civiles*, ubi Imperium Reipubl. salvam relinquit libertatem personarum & proprietatem bonorum.

11. Sed tenendum, in hoc capite

H 3

non

coëat, manente tamen discrimine populi victoris & subacti.

42. Tale *Mamaluccorum* fuit Imperium initio superioris seculi à *Selymo* Turca extinctum. Illi *Ægyptum* & *Syriam* arctissimo servitio continebant, suos Reges ipsi eligebant.

43. Turci quoque Imperii inirium non fuit aliud, quanquam hodie vix potest discerni potestas Imperatoris in originarios Turcas & subactas gentes.

44. Eodem pertinent uniones Galliarum, quibus acquisitas bello regiones in unum idemque Regni corpus adjungere solent.

45. Quin & Romani Imperatores in populum & Italiam civile, super Provincias herile Regnum habuere, quâ de re *Sigon. lib. de jure civ. Rom. Ital. & Provinc.*

46. Plerique Politici in definitione Majestatis requirunt, ut perpetua sit potestas; quasi temporarium Imperium non esset summum; sed hoc à philosophiâ & juris ratione alienum putamus.

47. Quippe natura rerum moralium non à tempore, sed ab effectis æstimatur, qui possunt iidem esse in brevi ac in longiori tempore; quo facit, quod nec in Jure Civili temporis adjectio vim naturamque dominii aut obligationis alioqui mutat, quâ de re *dix. ad π. de eo quod cert. loc. in fin.*

48. Æque igitur summam absolutamque potestatem habent Rectores annui Civitatum quàm perpetui. Exemplum in Dictatore; qui fuit ἀντοκρατορ ἢ ἀντιπρίντος ὡς αἱ βύβαι ἢ παρθεῖν; absolute nullique subiectæ potestatis, in omnibus quæ vellet aut ageret: Πολίτης ἐστὶν ἀρχὴς ἢ παντίς ἀνα παρὰ κράτος κύριος. Pacis & belli omniumque aliarum dominus rerum, Πάσις ἔχειν ὅς ἐστι τὸ κυριεύειν. Omnes infra se leges habens, ut docet *Dionys. Halicarn. in lib. 5. Hist.* Sed erat temporaria

potestas, sex mensium aut brevior, rarò longioris spatii. Quod autem postea semel ac iterum à Dictatore populus est provocatus, id facti non juris fuisse, ex ipsâ quæ rem narrat, historia manifestum est.

49. Ceterum, vera est hæc positio, non modo de singulis, ut erant Romæ dictatores, sed etiam de ordinibus liberarum nationum supremis, quorum personæ quotannis mutantur, ut heic in *Frisiâ*, observandum est.

50. Talibus enim nihilo minus juris quam Senatus *Venetorum*, utcumque perpetuo, adscribi oportet; nisi quatenus legibus cujusque Reipubl. fundamentalibus aliter sit cautum.

51. Magnitudinem parvitatemque civitatum nihil facere ad diversitatem summæ Imperii, modo superiorem non habeant, facilius intelligitur, nisi quod enormis quandoque differentia distrahat hominum judicia.

52. Aded ut *Ragusam* Illyrici & *Genavam* Allobrogum urbes, principatusque Aractionum iisque minore *Ithacam* *Ulyssis* olim, æquè summam habere potestatem, acque Turcarum Gallorumque vasta Imperia, gravatè existiment.

53. Majestatis tamen vox, licet usu populari summæ potestati adæquata, tamen id ex usu antiquo retinuit, ut simul dignitatem amplitudinemque requirat majorem, quam ut nimis exilibus populis & civitatibus congruat.

54. Postremò, sæpius evenire docent historiæ, ut nomina summæ potestati consueta tribuantur iis, qui rem nullo modo habent, quod de Regibus *Laconicis* & *Germanis* olim, hodieque de *Polonis*, ipsique, pene dixerim, *Cæsaribus*, ne de *Venetorum* aut *Genuensium* Ducibus loquar, affirmari potest.

55. Inter vocabula, quorum ambiguitate luditur, est *Principis* in latini sermonis usu,

quod apud veteres non summum sed
significat, ait Grotius in *lib. de I.
circa sacra cap. 3.* Ut injuriam fa-
eidem Grotio, qui verba ejus in
Antiq. Reip. Batav. quibus Ordi-
Hollandiæ scribit, ejurato Rege
aniæ, Rempubl. non sine Principatu
tituisse, respectu præfecturæ Prin-
Arausionensi delatæ; sic accipiunt,
auctor sibi contradixisset, cum
Præfectum Ordinibus Hollan-
ratione præfecturæ suæ, conten-
se subjectum, nec habere jus illud
pendenter ab Ordinibus.

Ex adverso, non pauci Summæ
tatis, quam occupant, invidiam
laribus verborum imitamentis de-
nt, sicut docent nuncupationes
ipsum & Imperatorum Romæ, no-
neque in Anglia *Prosectorum*; alia-
libi terrarum.

Denique, summam potestatem e-
ter aut tolli aut minui putant multi.
in Regno constitutum est, ut de
Principis non aliter valeant, quam
quo Senatu recognita & approbata

58. At hoc ejusmodi est, quod sæpe
fallit, cum plerumque magis id pruden-
tiæ quam juris sit institutum; non ut in-
de vis Imperii pendeat, sed ne Principes
à supplicantiis decipiantur, velut in *l.
unic. C. Quando Imper. Gros. lib. 1. c. 3. §.*
18. In Galliâ Senatus Parisiensis sive
Parlamentum habet hoc jus, quod Edi-
cta Regum non valeant; nisi re cogni-
ta: Quod Senatui tribuere jus Edicta
Regis improbandi magnâ voce ab ipso
Senatu adseveratum est, anno adhuc
præsentis seculi XLVII. & XLVIII.
Sed Reges jampridem hoc jus, si un-
quam, ut est credibile, tale fuerit, sub-
egerunt, eoque sine dubio Grotius spe-
ctat in *d. loca.*

59. Denique, nihilo magis variatur
summa potestas, exinde, quod qui ha-
bent illam, ob privatas causas in jus vo-
cari soleant; cum id fiat ex voluntariâ
submissione in illis rebus, quas Impe-
rantes, non ut capita Reipubl. sed ut
membra societatis civilis contrahunt, ve-
luti quando emunt, vendunt, locant,
conducunt, mutuum sumunt, ac ita in
cæteris, de quo & ante dictum.

18. Quod si Principes libidinem dominandi officio suo laudisque reputationi præferant; cogitandum illis est, *plerumque etiam populos ita animatos esse, ut legem patientie, cui submittere se deberent, adspiciant, quam flagitia dominationis ferre malint.*

19. Idcirco non tantum animo, sed etiam securitati auctoritatique suæ melius consulunt Principes, qui *jus suum eo quod decet Majestatem suam publicoque expediat, metiuntur*; quomodo Imperatores in l. 4. C. de Legibus, cum dixissent, *dignam esse vocem Majestate regnantis legibus alligatum se profiteri*; subjungunt; etenim, *de auctoritate juris, nostra pendet auctoritas.*

20. Hinc Romani Principes, quamquam omne jus populi & in populum habuerint, ut modo intelleximus, verique legibus fuerint soluti, tamen non modo legibus se vivere profitentur *passim*; sed parum abest, quin etiam jura condant, quibus ipsi Principes subiecti sint aut esse videantur, adeo ut Rescripta Principum, juri publico privatoque contraria ab omnibus iudicibus refutari præcipiant l. 7. C. de Precib. Imp. off. l. un. C. Quand. Imp. int. pup. &c. Totoque jure sparsim leguntur ea, quæ Princeps facere non posse dicitur, eo quod ordinarii juris rationibus refragentur.

21. Non tantum igitur prudentiæ, sed & juris est, ne Princeps ex fortuna sua licentiam tantum usurpes suæque solius utilitati studeat, cum ad hoc sit constitutus, *ita ut ille qui in regnum est, ut, qui elegerunt eum bene beatæque agant, Socrates apud Xenoph. lib. 3. me-*

morab. à pr. Idem exigit divinæ voluntatis auctoritas loco antea citato. Deuter. 17. v. 19. & seqq.

22. Concludimus, illius demum Principis magnitudinem fundatam stabilemque esse, quam omnes tam supra se esse, quam pro se sciunt, ut Seneca l. de clem. c. 3. idque non modo respectu Dei, qui Reges tam diu regnatos promittit, quamdiu jus & fas custodient; sed etiam ratione populorum, qui raro in eo statu, cujus ipsos poenitet, acquiescunt, jugumque, ubi facultas detur, excutere festinant, quod Principes mali ut expectare debent, ita nec ægre ferendi causam habent. Quo sensu capiendum, quod Thomas Morus olim elegantibus jambis complexus est;

*Quicumque multu vir viris unus præest,
Hoc debet his, quibus præest.*

Præesse debet neutiquam diutius,

Hi quam volunt, quibus præest.

*Quid impotentes Principes superbiunt
Quod imperant precario!*

23. Idque non modo in legitimis sed etiam in absolutissimis, imo in *berilibus* Imperiis eodem modo se habere verissimum & exemplorum usu notissimum est; quomodo hujus seculi anno XI. VIIII. *Musinus*, id est, summus Pontifex Constantinopolitanus *Ibrahim* Imperatori diem dixit, ut rationem actionum suarum redderet, ad quod, exigente populo, Principes tenerentur. Et cum Imperator eum contemneret, non dubitavit alio decreto pronuntiare, illum excidisse Imperio & tanquam privatum posse puniri, quemadmodum punitus est, referente *Rigal* in *Histor. Turc.* ad annum 1648.

S E C T I O I I I.

De Summa Potestate Reipubl.

C A P. I.

De summæ potestatis definitione & differentiâ.

aitur summa potestas cum Grotio. Divisio Majestatis in Realem & Personalem, Delegantem & Delegatam refellitur, eò quod potestas summa non nisi una esse possit: ideoque, si delegantes acta delegatorum infirmare queant, penes hos esse Majestatem; si non possint, esse penes solos delegatos. Summam Potestatem non obligare ipsum, à habet Summam potestatem.

Ultitudo, quæ nulli subiecta, coit in Civitatem, si quod Impe-

7. Sed definitione opus est, quam *magnum ad se-quentia momentum habere*, docet optimus docendi magister Aristoteles.

Neque enim Imperium extra Ci-
vitatem habet superiorem, ubi ipsa mul-
tum nullum talem agnoverat. Nec in-
te potest dici Imperium habere
quam superius sine contradictione.

8. Definatur cum Grotio, *Facultas moralis regendi civitatem, cujus acta nul-
lus humana voluntatis arbitrio infirmari possunt. lib. 1. c. 3. §. 6. in pr.*

Quominus tamen certæ Imperan-
tes personæ aliquo modo superiores
esse queant, si diserte sit ita constitu-
tum nihil vetat.

9. Differentiæ hujus argumento ple-
raque difficilia Questionum, circa hoc
caput moveri solita, suis quæque locis
conficiemus.

Interest autem plurimum, scire per-
quid sit Summa potestas, quam
Majestatem vocant, et si aliter ve-
rius, quibus hæc vox notat amplitudi-
nem dignitatem.

10. Hoc omnium primo ex eâ constat,
fieri non posse, ut Summa Potestas ipsa
Legibus à se latis, aliter quam observatio-
ne voluntariâ, teneatur; quia nemo se
ipsum sibi obligare vel cogere potest, nec
populus totus quâ talis, nec optimates
pariter (singulos enim teneri palam est)
neque Rex vere *αὐτοκράτωρ*; quâ de re
dixi latius in *Eunom. Rom. ad l. 31. π. de
Legibus*, & mox etiam hec pressius.

ed hodie Theologi, Politici, & Ju-
sulti *summam Reip. potestatem* hac
designant, *αὐτὴ ἡ ἐξουσία*, sicut & olim
Julia Majestatis usurpata viderur.

11. Dividitur à multis in Majestatem
Realem atque Personalem, quarum illa
universo corpori civitatis, hæc paucis
vel uni Imperantibus conveniat.

Græci hanc potestatem *τὴν ἀρχήν*
atem excellenter, vel *τὴν κύριον πρᾶ-
ξιν*. Aristoteles *νομίας ἀρχὴν*; Do-
ctem potestatem. Philo, *μὲν δὲ τὸ
maximum Imperium*. Dion Cassius,
ἀρχὴν; *αὐτοκρατορίαν ἀρχήν*; quasi dice-
is quo ipse unus potest quod vult.

12. Sed vitiosam hanc esse divisionem
putamus; quoniam, si Majestas sit jus
Summum, fieri nequit, ut duplex sit,
non

H

non

non magis quam in una linea dentur duæ summitates.

13. Nisi compositam aut mixtam statuamus Rempublicam; sed tales nullas esse vel paucas *alibi* Videbimus, & si daretur talis, ibi duplex quidem esset majestas personalis, realis nulla posset applicari.

14. Præterea in *Democratiâ* nemo, opinor, dicet, esse duplicem Majestatem, perinde nec erit ejusmodi in cæteris Reip. formis; quippe, vim Imperii non esse aliam in statu populari quam in concilio paucorum, vel personis Regum, *supra* demonstravimus.

15. Potest quidem fieri, ut optimatus aut principi aliquid detractum vel circumscriptum ordinique diverso datum sit; verum hoc, inquam, ad divisionem Majestatis personalis, non ad distinctionem Realis & personalis referendum.

16. Sed hæc partitio bene convenit eorum sententiæ, qui populum semper retinere proprietatem summæ Potestatis, & Rectores nihil quam exercitium & executivam habere potestatem sentiunt, de quibus sæpe dictum. Hæc enim proprietatem illam vocant Majestatem realem; alteram personalem. At tum Majestas non vere Summam potestatem, sed dignitatem potius & amplitudinem ministerii significat; unde vocabulorum quidem proprietas extra usum Artis aliqui non aberrat.

17. Nihilo melior est distinctio Majestatis in *delegantem* & *delegatam*. Nam si illi, qui delegant Imperantes, horum acta possunt infirmare, nec hi sine eorum mandatu quicquam summæ rei statuere queant; planum est, quod delegantes non transfulerint, sed retinuerint summam potestatem legatosque habeant ut ministros, sicut Ordines *Hollandiæ* Legatos suos ad comitia; qui manifesto nihil sunt aliud quam *Mandatarii*.

18. Si infirmare illa nequeant, palam est, quod delegantes potestatem summam re habere desierint; proinde, quod *transfulerunt*, hoc ipsis non recte amplius adscribitur.

19. Ejus rei exemplum præbet *Frisia*, ubi populus suos Legatos mittit ad Comitia, cum plena potestate statuendi quod ipsis è *Republ.* videretur, sine specialibus mandatis, sine rationum redditione vel ut populus Acta delegatorum suorum infirmare queat. Ex quibus rebus esse factam translationem, annuam duntaxat, evidenter colligitur.

20. Scilicet, auctores harum divisionum tenent, in populo universo semper, ut dixi, residere summam potestatem. Quod cum ratione supra aliquoties improbavimus, adeoque & divisiones illas rejici consentaneum est.

21. Plane *SUMMAM potestatem* esse unicam duntaxat in qualibet civitate, dictu necessarium est. Unde Patres à summo Numine pluralitatem validissime contra paganos removerunt; Ea quippe *Summi* conditio est, ait Tertullianus, ut nihil aliud adequetur, nedum superet.

22. Quod si plures summæ potestates darentur, ab his imperata sæpe contraria, ut res humanæ sunt, proficisci deberet; quæ res everteret obligationem & coactionem, quæ sunt effecta summæ potestatis; nisi vim obligandi amitteret altera; quæ re non modo summa, sed etiam potestas esse desineret.

23. Enimvero esse Reges, cum quibus optimates aut populi summam potestatem participant, verum est; sed ea res minime duas summas potestates efficit; verum Rex & Ordines in unionem summæ potestatis, *plures quidem, sed non ut plures* concurrunt.

24. Non minus liquido constat è definitione Summæ Potestatis supra scriptæ, neminem eam habere vel exercere posse

posse in semet ipsum; sicut implicat contradictionem, ut quisquam seipsum sibi ipsi obligare, vel se ipsum cogere possit.

25. Enimvero potest Summa Potestas se aliis obligare; primo quidem exteris jure Naturæ & Gentium sine omni dubio; dein etiam civibus, in his, quæ non ut Summa Potestas, sed jure tralatitio contrahit, ut in emendo, vendendo, locando conducendo, mutuum accipiendo, solvendo quod debet & similibus. In quibus se obligare censetur potestas, ut privatum; convenitur etiam & condemnatur, ipse, quod magis est, nomine suo in semet ipsum.

26. Nec tamen inde sequitur, Principem habere potestatem in seipsum; quia non nisi volens ad exequendam obligationem conveniri, Invitus nequaquam potest: At potestas in invitum est, hæc obligatio non nisi ex consensu & submissione voluntaria. Summa Potestas habet vim coactivam, nec aliter esset Potestas, sed huic, inquam, facultati non est usus in Principe adversus seipsum.

27. Ne quidem in populari Imperio Summa potestas se ipsam obligat sibi ipsi. Ibi enim potestas universorum vel majoris partis, nihil habet commune cum obligatione singulorum, sed differunt ut facultas unius in alterum. Singuli sub Potestate sunt; Ipsa potestas summa sub potestate non magis est, quam esse potest.

28. Non est igitur, ut accuratè loquutus sit Cujacius privati juris interpres summus in lib. 15. observ. cap. 30. ita scribens, *Quin imo ut populus ipse suis legibus tenebatur, ita Princeps, cui & in quem populus omne suum imperium contulerat.* Et mox; *Aded ut potestas Principis & in ipsum Principem esset.*

29. Populum intellexit universum, nec enim aliter hic suum jus in Principem transtulit. Ut autem universo po-

pulo sit potestas in universum populum, implicat contradictionem; non magis quam ut potestas Principis sit in ipsum Principem. ad coactionis, inquam, effectum adversus invitum, sine quâ facultate nulla potestas in civitate intelligi potest.

30. Textus juris civilis, quem Cujacius adducit, quo pacto potestatem Principis in Principem acceperit, indicat. Est autem *lex quarta C. de Legibus*; ubi Theodosius & Valentinianus; *digna vox est majestate regnantis, ajunt, legibus alligatum se Principem profiteri.* Et mox: *Et revera majus Imperio est, submittere Legibus Principatum.* De submissione voluntariâ, de potestate, quæ coactionis est, nullo modo loquuntur. Princeps igitur est Princeps sui ipsius, ut quilibet vir bonus potestatem in seipsum habet: consensu & inductione voluntatis, non adversus invitum; ut res ipsa loquitur.

31. Parum igitur accuratè in iis verbis, ad juris publici rationem instituisse Cujacium, liquido patet; quando obligationem Principis ex ejus liberâ voluntate pendentem trahit ad infringendam Juris publici positionem, quâ Princeps Legibus solutus esse dicitur: Contra quam ipsi Principes connectunt, dum se vivere Legibus, attamen Legibus solutos esse profitentur §. ult. *Inst. Quib. mod. testam. infirmantur.* Plinius ad Trajanum, *Ipse se legibus subjecisti*, in eundem sensum, *panegy.* Quâ re cum non fiat, ut Acta Principis alterius humanæ voluntatis arbitrio; subjecta sint, aut infirmari queant, non esse eam potestatem civiliter dictam, manifestum est.

32. Non desunt tamen, qui adhuc Populum & Principem in se ipsos verè potestatem habere & Cujacium accurate locutum esse contendunt; Hi nobis inculcant *notissimam distinctionem Populi*

Leges in Comitibus ferentis, & populi in quotidianis actibus eas observantis. Item, Principis, quâ Principis, & Principis quâ hominis privati. Explicata superius quid repetamus? Populus unita voluntate Legem ferens est Civitas: Observatio fit à singulis, quæ sunt diversæ personæ. Nam Civitas, habet jus personæ. Universus populus non obstringitur iis legibus, quibus obrogare, derogare, quas abrogare totas, quibus solvere se aliosque prohibere potest. Quod perpetuo ab alicujus voluntate pendet, id nullo sensu humano potestati civiliter sumptæ potest esse subiectum.

33. Sed, ajunt, *quid usitatus etiam hodie in Romanensi Ecclesia, quando agitur de Infallibilitate Papæ, quàm Papam, quâ Papam, non posse; At quâ Innocentium posse errare.* Ne distinctionis illius ineptiam arguamus, quid hæc instantia ad rem pertineat, non video; quandoquidem non negamus, eum, qui munus publicum gerit, duobus adspici lateribus, privato & publico, eoque respectu diversos habere effectus: Sed non ideo potestatem in se ipsum verè & actu habet, nec se ipsum cogere dici potest, si ne quâ facultate, Potestas hujus loci non habet intellectum.

34. Etiam Grotius in partes vocatur, qui distinguat *inter dominium, quod populus habeat ad modum privatorum; & quod populo, ut populo competis*, quod nemini, credo, in mentem venit unquam negare discrimen; sed nec hoc ad Potestatem in semet ipsum competentem plus facit, quam Papa, non ut Papa, sed ut Innocentius errans.

35. Sed magis ad rem pertinent hæc verba Grotii, quæ obijciuntur. *Non desinit debere pecuniam populus, Rege sibi*

imposito, quam liber debebat. Est enim idem populus, & dominium retinet eorum; quæ populi fuerant, imo & IMPERIUM in se retinet: quanquam jam non exercendum à Corpore, sed à Capite. Agnoscimus, etsi in loco quem citant dissentientes, non extent, verba Grotii; Agnoscimus Imperium semper esse populi, non habentis alienigenam dominum; & esse hoc in eundem populum, non in diversum. Corona Galliarum est populi Gallici, & jus ejus in populum Galliarum; non Hispaniarum & Germaniarum. Corpus civitatis semper habet omne jus Civitatis, quamdiu ab Exteris non subigitur. Plane sicut dos manet proprium mulieris patrimonium, etsi maritus, constante matrimonio sit dominus dotis, ut Juriscti utrumque docent.

46. Sed heic & apud Cujacium agitur de potestate obligandi per leges & subiectione coactivâ, quæ est propria Legum & Summæ potestatis in Republ. quam ipse Grotius ita modò finivit, ut duas in ea personas Imperantis & subiecti distincte agnoscat. Denique, Potestas, ubi de jure imperandi & parendi, obligandi & cogendi agitur, à jure exercendi imperii non potest separari.

37. Cujacius Principem suis legibus subiectum & obligatum, non solum esse ponit; Legis virtutes sunt, Imperare, verare, permittere, punire l. 7. c. de legib. has virtutes Principi in se, in Principem, vel populo universo in universum populum competere, tam palam contradictorium est, quam in definitione potestatis & obligationis duæ partes & personæ distinctæ necessario collocandæ sunt.

38. Atque inde quæ præterea in hanc rem proferuntur, unice pendunt.

C A P. II.

Continens monita de aliis Imperii differentiis.

Jus Imperii in Civitate non mutari ex formâ Reipubl. nec quidem herili aut civili modo imperandi, licet efficacia in illo sit major. Differentiam patrimonialis & quasi fructuarii Imperii nobiles quidem habere effectus; jus tamen summum non variare. Esse despotica regna, quæ non sint patrimonialia, & civilia, quæ in patrimonio habentur. Contra summam potestatem in regno quasi fructuario esse posse. Objectio ex natura ususfructus & proprietatis petita solvitur. Non mutari jus Imperii ex eo, quod invitis aut volentibus sit impositum: siquidem ex voluntate civium æque absolutum condi potest ac vi bellicâ. Male definitioni summæ potestatis inferi, ut perpetua sit: temporarium æque summum esse posse. Denique, ex magnitudine aut parvitate nominumque distinctionibus & titulis nullam juris nasci diversitatem. Postremo, Legem de approbandis in senatu Regum decretis, iisdemque in jus vocandis, per se non tollere summitatem Imperii.

Sunt qui ex aliis quoque rebus differentiam summæ potestatis colligunt.

2. Primo, non desunt, qui interesse putant plurimum, quâ formâ Reipubl. civitas gubernetur, *monarchica* vel plurium imperio, & in monarchia, sit ne *despoticum* an *civile* Regnum.

3. Sit ne *patrimoniale*, an quasi *fructuarium*, populoque volente an invito constitutum.

4. Utrum *eligantur*, an *successione* gaudeant Imperantes, *temporalis* an *perpetua* sit potestas.

5. Nonnullis quoque *parvitate* vel magnitudine civitatum jus summum imperii visum est variari; denique, *nomina* titularumque species hominum judicia sæpe præstringunt.

6. Nos ex illis omnibus nihil ad summitatem Imperii tollendam, augendam, vel minuendam facere paucis indicabimus.

7. Nam quod ob formam regiminis; politicorum aliqui, minorem potestatem in *Democratia* putant, hoc aded falsum est, ut mensura juris optimè ex illâ formâ capiatur, sicut modò demonstravimus.

8. Ex adverso, quod alii monarchas ut à populo præfectos, minoris faciunt, populi verò ut *absolutus* imperantis jus majus in democratiâ intelligunt, hoc perinde superius refutatum.

9. Certum igitur esto, quod modus imperandi varius speciem, jus & vim imperii minime variet.

10. Plus discriminis inter heriles five Despoticas & civiliores monarchias consistere videtur. *Heriles* vocantur, ubi Imperantes sunt domini corporum atque bonorum: *Civiles*, ubi Imperium Reipubl. salvam relinquit libertatem personarum & proprietatem bonorum.

11. Sed tenendum, in hoc capite non

non quæri, de majori minorique efficacia imperii; verum, an unum præ altero magis minusve *summum* sit imperium, quod *hic* negatur.

12. Dabimus loco rationis exemplum; Patris in liberos potestas jure Gentium & civili aliquantò minor habetur quam dominorum super servos; patria tamen potestas æquè est summa & absoluta quam Dominica potestas.

13. Atqui Reges veri à *Despotis* non multò secus quam ab heris parentes differre videntur, ut *postea* videbimus.

14. Adde, quod utrobique acta publica imperandi, quæ est *nota Summitatis*, irrita fieri non possunt; utrobique voluntas Imperantium, Civitatis voluntas intelligitur.

15. Duntaxat, jus externum Dominatus ad res & corpora privatorum indistinctè extenditur. Quod in regno non aliter quam ex causa utilitatis communis, non pro libitu Imperantium juris esse intelligitur.

16. Tertia differentia *patrimonialis* & *quasi fructuarii* Imperii à quibuidam cum præcedente confundi solet.

17. Scilicet, *Patrimoniale* vocatur Imperium, quod inter vivos & mortis causâ potest alienari: *Fructuarium*, imperanti solummodo ad vitam competit, sine libertate alienandi.

18. Quidam regna despotica statuunt eadem esse cum *Patrimonialibus*, Civilia verò cuncta esse fructuaria; Verum hoc est ex eorum genere, quæ ut plurimum, non quæ semper vera sunt; Cum nihil vetet, herilia Imperia quasi per modum *ususfructus* teneri.

19. Ita, ut alienandi tam inter vivos quam post mortem potestas ultimo cuique Imperanti negetur. Quod fere unicuique hujus differentia nomen con- stituit.

20. Exemplum est in præsentia *Turci-*

co Dominatu, qui licet *dominatus* sit, justamen alienandi aut successionem pro libitu Imperatorum mutandi ignorat.

21. E contrario, *civilia regna in patrimonio haberi posse*, liquet ex pluribus modicis per Europam Principatibus, qui superiorem non habentes, hoc jure tenentur; etsi in majoribus Imperiis raro id usu venire experientia testatur.

22. Differentiam hanc patrimonialis & fructuarii Imperii ab *Hobbesio* & omnibus, qui vim Imperii infinitè intendunt, nec populo aut singulis quicquam relinquunt, explodi manifestum est.

23. Quippe, qui subiectos indistinctè pro servis habent, & regnantibus potestatem de successionem quovis modo disponendi semper adscribunt. *Qua de re nobis alibi locus erit dicendi, ut & de reliquo discrimine regni & dominatus.*

24. Sed de ultimâ distinctione scrupulus restat. dices enim, *ubi datur ususfructus, ibi penes alium proprietas existit*, quod jus haud dubie majus est.

25. Proinde secundum hanc distinctionem, *ususfructus* Majestatis Imperantibus, *proprietas* populo tribui videtur; Quod in damnatam modo divisionem summæ potestatis, qua Realis aut personalis dicitur, incideret, atque populum rursus superiorem Imperantibus efficeret.

26. Verum nos *quasi fructuarium*, non vere usufructuarium illud Imperium, quod patrimoniali opponitur, esse diximus.

27. Quatenus usufructum imitatur in hoc, quod nihil juris *ultra vitæ terminos* producit, nec alienationem inter vivos permittit, ut Fideicommissa.

28. Forte rectius comparari posset cum *dominio revocabili*, quale est mariti in prædio dotali, heredis fiduciarii ex Senatusconsulto *Trebelliano* in rebus post mortem restituendis; Nam illis tempore domi-

dominii sui plene liberèque de rebus illis disponunt, *excepta alienandi potestate*, nec ulli, ratione juris & disponendi facultatis, obnoxii sunt.

29. Quin si maximè maneamus in terminis *Ususfructus*, ne quidem inde quicquam potest colligi naturæ Summæ Potestatis adversum. Fructuarius enim facit in Re quicquid vult; *modò substantiam relinquat saluam*; Neque proprietarius impedire vel infirmare quicquam ab illo gestum cum hoc temperamento, potest.

30. Ergo, si tu ponas Regem habentem imperium quasi per modum ususfructus, & proprietatem penes populum statuas, ideo tamen Rex non statuitur obnoxius populo; duntaxat, si salvam præstet regni *substantiam*, ut ita loquamur, id est, fundamentalem constitutionem.

31. Ita satisfactum huic difficultati. Est etiam quod opponitur alteri speciei, quam diximus, *Regni Patrimonialis*; Neque enim liberi homines, quales sunt cives, in patrimonio cuiusquam sano sensu dici videntur: Scilicet *non esse in patrimonio non de ipsius hominibus, sed de jure imperandi illis, non quà singuli, sed quatenus sunt populus, prædicatur.* *vid. Grot. l. 1. c. 3. §. 12.*

32. Præterea diximus, nihil variari summam potestatem ex eo, quod *volente invitove* populo stabilia sit; ejus rei rationem supra habes insinuatam *scilicet*. 2. cap. 1. ubi diximus, Non minus consensu & foedere populi, quam bello jus imperandi summum acquiri posse & omni tempore acquiri.

33. Verum quidem est, quod plerique victores herile & patrimoniale jus in subjectos occupent; attamen hoc diversam summæ potestatis speciem non inferre *môdo* audivimus.

34. Fundamentum autem obsequii, quo populus armis subactus, victori im-

perium jure suo exercenti obstringitur, inferius explicabitur.

35. Præterea, nec *electionis successio- nisque* differentia juris rationem, respectu summæ potestatis mutari *suprà dictis* consentaneum est & facile probatur.

36. Etenim Successiva Imperia, quæ quidem voluntaria sunt, initium ab *Electio- ne* habuere. Nec plane aliud est successio, quam juris initio ab eligentibus statuti continuatio. *Grot. d. cap. §. 13. sub fin.*

37. Verum quidem est, quod leges tempore electionis præscriptæ à successivis Imperantibus vetustate & dominandi artibus ut plurimum obsolescant. At hoc *ad politicam*, non ad juris disciplinam spectat.

38. Fere etiam usu venit, ut cum *Electivum* Imperium, uno actu mutatur in *Successivum*, fiat etiam mutatio *Legitimi* in *Absolutum* Imperium, ut factum vidimus apud *Danos*, qui Aristocratiam cum Principatu electivo mutarunt in Monarchiam successivam & absolutam, ut dicere occupavimus. Sed hoc non esse ab Electionis aut Successionis ingenio, verum unice à voluntate eorum qui Imperium constituunt, pendere, docet Electio Pontificum Romanorum & Principum Episcoporum, qui utcumque Electivi, tam sunt absoluti quam ulli Successores.

39. Cæterum, hanc observationem ad voluntaria non ad violenta Imperia pertinere, res ipsa loquitur; siquidem electionis libertatem in his Imperiis cessare manifestum est, quatenus utriusque sunt violenta.

40. Dantur enim, partim violenta Imperia, partim voluntaria, idque tamen etiam in unitate Reipublicæ.

41. Nempe, si quis populus, Regem habens à se creatum, aliam gentem subigat, inque idem cum illâ corpus civitatis coeat,

coëat, manente tamen discrimine populi victoris & subacti.

42. Tale *Mamaluorum* fuit Imperium initio superioris seculi à *Selymo* Turca extinctum. Illi Ægyptum & Syriam arctissimo servitio continebant, suos Reges ipsi eligebant.

43. Turcici quoque Imperii initium non fuit aliud, quamquam hodie vix potest discerni potestas Imperatoris in originarios Turcas & subactas gentes.

44. Eodem pertinent uniones Galliarum, quibus acquisitas bello regiones in unum idemque Regni corpus adungere solent.

45. Quin & Romani Imperatores in populum & Italian civile, super Provincias herile Regnum habuere, quâ de re *Sigon. lib. de jure civ. Rom. Ital. & Provinc.*

46. Plerique Politici in definitione Majestatis requirunt, ut perpetua sit potestas; quasi temporarium Imperium non esset summum; sed hoc à philosophiâ & juris ratione alienum putamus.

47. Quippe natura rerum moralium non à tempore, sed ab effectibus aestimatur, qui possunt iidem esse in brevi ac in longiori tempore; quo facit, quod nec in Jure Civili temporis adjectio vim naturamque dominii aut obligationis alioqui mutat, quâ de re *dix. ad x. de eo quod cert. loc. in fin.*

48. Æque igitur summam absolutamque potestatem habent Rectores annui Civitatum quam perpetui. Exemplum in Dictatore; qui fuit *ἀποκρίτωρ* & *ἀποκρίτης* in *ἡ πόλις* & *πρωτεύς*; absolute nullique subiecte potestatis, in omnibus quas vellet aut ageret: *Πολίτου ἀποκρίτης* & *πρωτεύς* ἀπὸ τοῦ *πρωτεύω* & *πρωτεύς*, Pacis & belli omniumque aliarum dominus rerum, *Πάσης ἑξ ἑκαστῆς ἐκαστῆς τὰς ἐκείνης*. Omnes infra se leges habens, ut docet *Dionys. Halicarn. in lib. 5. Hist.* Sed erat temporaria

potestas, sex mensium aut brevior, raro longioris spatii. Quod autem postea semel ac iterum à Dictatore populus est provocatus, id facti non juris fuisse, ex ipsâ quæ rem narrat, historia manifestum est.

49. Ceterum, vera est hæc positio, non modo de singulis, ut erant Romæ dictatores, sed etiam de ordinibus liberarum nationum supremis, quorum personæ quotannis mutantur, ut heic in *Frissâ*, observandum est.

50. Talibus enim nihilo minus juris quam Senatui *Venetorum*, utcumque perpetuo, adscribi oportet; nisi quatenus legibus cujusque Reipubl. fundamentalibus aliter sit cautum.

51. Magnitudinem parvitatemque civitatum nihil facere ad diversitatem summi Imperii, modo superiorem non habeant, facilius intelligitur, nisi quod enormis quandoque differentia distringat hominum judicia.

52. Aded ut *Ragusam* Illyrici & *Genavam* Allobrogum urbes, principatusque Araucionum iisque minorem *Ithacam* *Ulyssis* olim, æquæ summam habere potestatem, atque Turcarum Gallorumque vasta Imperia, gravatè existiment.

53. *Majestatis* tamen vox, licet usu populari summæ potestati adæquata, tamen id ex usu antiquo retinuit, ut simul dignitatem amplitudinemque requirat majorem, quam ut nimis exilibus populis & civitatibus congruat.

54. Postremò, sæpius evenire docent historię, ut nomina summæ potestati consueta tribuantur iis, qui rem nullo modo habent, quod de Regibus *Laconicis* & *Germanis* olim, hodieque de *Polonis*; ipsique, pene dixerim, *Cesaribus*, ne de *Venetorum* aut *Genuensium* Ducibus loquar, affirmari potest.

55. Inter vocabula, quorum ambiguitate luditur, est *Principis* in latini sermonis usu,

quod apud veteres non summum sed
significat, ait Grotius in *lib. de I.*
circa sacra cap. 3. Ut injuriat fa-
eidem Grotio, qui verba ejus in
Antiq. Reip. Batav. quibus Ordi-
Hollandiæ scribit, ejurato Rege
anix, Rempubl. non sine Principatu
tituisse, respectu præfecturæ Prin-
Arausidenſi delatæ; sic accipiunt,
auctor sibi contradixisset, cum
Præfectum Ordinibus Hollan-
ratione præfecturæ suæ, conten-
ſſe subjectum, nec habere jus illud
pendenter ab Ordinibus.

Ex aduerso, non pauci Summæ
tatis, quam occupant, invidiam
laribus verborum imitamentis de-
at, sicut docent nuncupationes
ipsum & Imperatorum Romæ, no-
neque in Anglia *Proteſtorum*; alia-
libi terrarum.

Denique, summam potestatem e-
ter aut tolli aut minui putant multi.
n Regno constitutum est, ut de
Principis non aliter valeant, quam
i quo Senatu recognita & approbata

58. At hoc ejusmodi est, quod sæpe
fallit, cum plerumque magis id pruden-
tiæ quam juris sit institutum; non ut in-
de vis Imperii pendeat, sed ne Principes
à supplicantibus decipiantur, velut in *l.*
unic. C. Quando Imper. Gros. lib. 1. c. 3. §.
18. In Galliâ Senatus Parisiensis sive
Parlamentum habet hoc jus, quod Edi-
cta Regum non valeant; nisi re cogni-
ta: Quod Senatui tribuere jus Edicta
Regis improbandi magnâ voce ab ipso
Senatu adseveratum est, anno adhuc
præsentis sæculi XLVII. & XLVIII.
Sed Reges jam pridem hoc jus, si un-
quam, ut est credibile, tale fuerit, sub-
egerunt, eoque sine dubio Grotius spe-
ctat in *d. loca.*

59. Denique, nihilo magis variatur
summa potestas, exinde, quod qui ha-
bent illam, ob privatas causas in jus vo-
cari soleant; cum id fiat ex voluntariâ
submissione in illis rebus, quas Impe-
rantes, non ut capita Reipubl. sed ut
membra societatis civilis contrahunt, ve-
luti quando emunt, vendunt, locant,
conducunt, mutuum sumunt, ac ita in
ceteris, de quo & ante dictum.

CAP. III.

Quatenus summa potestas per fœdera mutetur.

Minores populos conjungi vel per unionem civitatis, vel per fœdus actum, quo etsi cuncta belli & pacis, quæque ad defensionem necessaria, communicentur, summum tamen jus omnium illæsum manere posse, quod exemplis probatur. Perimi tamen singulorum jus Summum, quatenus plurium suffragia pauciores sequi coguntur. Idem juris esse in fœdere inæquali, etsi unus populus majestatem alterius observare debeat, imo etsi judicia quædam à superiore in fœdere, super alios exerceantur, quod tamen non licet aut universis sociis aut uni superiori, nisi quatenus expresse convenerit, at si provocandi jus detur civibus singulorum, per hoc definire summam esse potestatem. Quod autem ipsi socii ab reliquis cogi & plecti, quod tributa, milites exigi possint, non officere summæ potestati; denique, & eos qui victi ad tributum adiunguntur, etiam vasallos, posse habere summam potestatem.

Parvitas civitatis adeò nihil detrahit juri summæ potestatis, ut non alibi magis doctrinâ ejus conspicua sit, quam ubi singulis urbibus Imperia terminantur.

2. Veteres sane de *Civitate* agentes hanc simplicissimam explicare solent; denique, per Europam ante Macedonum & Romanorum arma vix aliæ societates publicæ extabant.

3. Athenæ, Sparta, Sicyon, Argos, Corinthus, Thebæ, Roma & quicquid alibi clarum fuit, hoc exemplo gubernabantur.

4. Nec ulla res æque *Philippo* Macedoni adversus Græcos, *Romanis* contra Italos, & in Hispanis Gallicisque bellis, quam hæc minuta populorum divisio, profuit.

5. Dein per victorias, aut, suadente utilitate, consensu factum est, ut in majora corpora plures populi coalescerent, quod vel per unionem civitatis

vel per modum fœderis arcti contingere solet.

6. Prior ratio extinguit summam potestatem, ita, ut qui prius imperabant, nunc imperata faciant; nam quæ antea fuerant civitates, jam membra majoris civitatis factæ nihil aliud quam subjecti corporis parem constituunt, idque, tam in plurium quam Unius imperio ex æquo obtinere certum est.

7. Fœderis arctioris, ubi tamen non fiat *οἰκισμοῖς πολιτείας*, plurium confusio civitatum in unam; varix sunt species; quarum nulla summam potestatem lædit.

8. In universum, est vel æquale vel inæquale fœdus. Æquale, non officere summæ potestati per se patet; saltem restringit libertatem faciendi quod velis in ea re, de quâ convenit, quod etiam in naturali plenissimâque libertate potest fieri.

9. Ita fœdus Amphictyonicum, quod universæ Græciæ unum in publicis causis tribu-

bunal statuebat, singulis Græciæ ci-
tatibus non ademisse potestatem sum-
mam extra controversiam esse, liquet
*Ubb. Emm. de Græc. vet. tom. 3. de con-
Amphict.*

10. Sed fœdus Ætolicarum & Achai-
rum nationum videtur unam fecisse
pluribus Rempublicam, ut ex *Poly-
o* colligi potest. *lib. 2. c. 38. Justin. l. 1.
3. c. 1. Ubb. Emm. d. tom. 3. de Rep. Æt.
Ach.*

11. Potest autem belli & pacis, con-
tributionum omniumque rerum ad com-
munem defensionem pertinentium com-
munio haberi, salva singulorum socio-
rum potestate summâ.

12. Etsi cunctis partibus integra non
sit; nam in iis, quæ communia sunt
acta, & in quibus cœventium suffragia
numerantur, singuli non habent pote-
statem, sed omnes pariter.

13. Attamen omnia, in quibus sen-
tentia non prævalent numero, manent
singulorum, & sic nihil detrahunt Ma-
jestati.

14. Exemplum præbet Respublica
Belgarum unita, quæ scedere *Trajectino*
arctissime quidem est conjuncta, verum
salvâ singularum Provinciarum summâ
potestate, quâ de re videatur *Grotius*
de antiq. Reipub. Batav.

15. Exceptis duntaxat iis rebus, quæ
ex fœdere ad universitatem sociorum sive
Ordines Generales, quos vocant, delata
sunt, quæ non singuli, verum omnes
pariter exercent, ut tamen quasdam
præcipuas facultates, prærogativæ nu-
meri suffragiorum exemerint.

16. Idem in Helvetica Gente non
carer dubio, quando ibi aliquanto mi-
nor ac in Belgis fœderatis nationum est
conjunctio.

17. In Imperio sive Regno Germa-
niæ magis alia species quam res est. Spe-
ciem diversam facit, quod Germanifœ-

deris sui Principi nomen Cæsaris, Im-
peratoris; Augusti, quæ verba implent
auditum ideâ summæ potestatis, adscri-
bunt, eundemque omnibus Majestatis
imitamentis prosequuntur.

18. Sed qui norunt, moralium & ma-
xime juridicarum rerum naturam ab ef-
fectis æstimari, Principesque & civitates
Germaniæ liberas, vident omnibus fere
Summæ potestatis juribus independen-
ter à Cæsaris arbitrio uti: Denique, mem-
bra Germanici Imperii nullo modotam
arctè inter se constringi, quam sunt Bel-
giæ Nationes unitæ; non dubitant,
quin Germania sit corpus fœderatum in
plures Summas potestates distinctum
potius, quam una Civitas.

19. Proinde, quam Jurisconsulti Ger-
mani vocant *Superioritatem Territoria-
lem*, hanc modo porius quam specie à
Summa potestate Reipubl. discrepare,
facile animadvertet, qui verborum &
rerum discrimina novit.

20. Utcunque *majestatis* voce nun-
quam se honorari patiantur, quando ne
Regibus quidem exteris hanc appella-
tionem impertiuntur, ut Imperatori
suo illud *ἀξιώμα* per excellentiam soli
vinditent.

21. De fœdere inæquali plus est du-
bit; inprimis distinguendum, utrum
onus transitorium, an permanens alter-
utri imponatur.

22. Nam si qua præstatio, ratione
sumptuum belli redimendæve injuriæ
quæ *transit*, uni præ altero injungatur,
id palam est, non officere juri Maje-
statis.

23. Nec quidem si convenerit, ut
populus unus *comiter alterius principis po-
puli*ve *majestatem* conservet.

24. Hoc enim adjicitur, ut intelliga-
tur, alterum principem populumve ra-
tione dignitatis esse superiorem, non
quod libertati summæque alterius pote-
stati

statiquicquam decedat, quemadmodum clientes nostros intelligimus liberos esse, tametsi neque autoritate neque dignitate nobis pares sint. *l. 7. §. 1. π. de Captiv. & possim.*

25. Quin imò etsi convenerit, ut apud commune foederatorum concilium vel eum qui in foedere superior est, cives singularum civitatum certis ex causis rei fiant damnatique puniantur, id nec ipsum potestati summæ adversari docet *Proculus Ierus in d. l. vii.* Nam & in æquali foedere potestas decidendi sociis reliquis, aut certis personis, ex pacto deferri potest.

26. Sed absque conventionem, nec unus sociorum nec commune concilium, cui administratio rerum ad foedus pertinentium committitur, jus dicere possunt de capite fortunisque hominum, qui sunt in singulis civitatibus.

27. Nisi constat, eos, qui præsunt civitati nolle in suos, qui contra foedus deliquerunt, animadvertere, imò illos recipere in publicam protectionem.

28. Tunc enim socios habere jus, ejusmodi maleficos, ut hostes capere & damnatos punire, non quidem imperii sed magis jure belli dicendum videtur; si, inquam, manifestum sit delictum & contra foedus esse admissum; alioquin hoc obtentu jura sociorum, conspiratione plurium è sociis, violari possent.

29. Hæc permelicer, applicentur iis quæ Grotius in *Apologia sua* pro Magistratibus abrogatis *Hollandiæ* scripsit adversus acta reliquarum Provinciarum, anno CIO. IDCXVIII.

30. Non decidimus, utrum justa fuerit causa Proceres Batavos cogendi, quod Grotius negat; Sed thesin negamus; Ordines *Generales* nullo modo illos cogere potuisse; Siquidem eisdem, unâ cum ipsis Batavis, alios è sociis non semel, ex causâ non servati Foederis, vi co-

gisse, memorie proditum est. Idem de executione factâ in *Hollandiæ* Proceres anno MDCI. existimandum. Facti questionem non attingimus; Juris disceptatio est hujus loci.

31. Observandum est etiam, posse fieri, ut tales socii certo respectu le habeant ad instar unius civitatis; scilicet, in ejusmodi ditionibus, quas jure belli communiter partes per commune concilium regunt.

32. Adeo, ut in his plurium consensus pro omnium voluntate, sicut in unâ Republ. sit, absolute habeatur: Exemplum habetur in territorio *Ordd. Generalium*, quod consistit in partibus *Brabantiae* *Flandriae*que bello quaesitis.

33. Verum enim vero, si provocandi facultas daretur civibus sociorum adversus acta suorum Imperantium ad aliquem ex Foederatis, vel commune concilium, per ejusmodi conditionem foederis manifestò læderetur summa potestas.

34. Proinde ubi summa potestas salva est, ibi provocatio ad Collegium commune sociorum in singulis foederatorum Provinciis, nullo modo admitenda, ut luculenter disputant Ordines *Frisiæ* in epistola ad *Ordd. Generales*, quæ extat apud *Aissemâ lib. 8. ad ann. 1628.* Quin iidem criminis læsæ Majestatis reos Edicto publico declaraverunt eos, qui de regimine publico *Frisiæ*, Querelas ad Ordines *Generales* detulerant anno MDCXXXVIII.

35. Aliud est, si Ordines summi unius sociæ civitatis, de rebus inter se controversis ad commune concilium ex pacto rem deferre cogantur, ut *Groningane & Omlandia* apud nos Provincie accidit, quæ hæc lege se Foederi communi adjunxit, ut controversiæ inter Civitatem & Agrarios ab Ordinibus Generalibus deciderentur.

36. Quin

6. Quin etiam cogi & plecti potest a civitas, quæ legibus fœderis satis faciat; quæ res adeo non tollit summæ potestatis, ut nequidem fœdus quale constituat.

7. Siquidem aliter fieri nequit in statum, quo sunt fœderati, quam iter alterum promissis non stantem e armis compellat; cuius rei nequitia inter *Provincias Belgii fœderatas* exempla defunt.

8. Quid vero, si superior in fœderis habeat indicendi reliquis exercitiis, exigendi pro arbitratu tributum, atores citandi cogendique ad solum?

9. Ne hæc quidem pro defensione muni ex pacto concessa summam statem tollunt, sicut ratio & exemplum docent. Nam inter Græcos Sparta Athenæ Principes reliquorum sibi eratorum, ea jura tenebant, & inferiores in fœdere populi sine dubio summæque potestatis erant. d. dispar ratio *Drentinæ* gentis, apud esse videtur.

10. Quin etiam qui bello victus cor victori solvere annum tributum perpetuum, is eâ re non amittit

summam potestatem, quia pecuniaria præstatio non impedit, quo minus is qui tributum solvit, omnia Imperandi acta libere in subiectos exerceat, neque defunt illustria præsentis & aliorum temporum exempla.

41. Eâdem ratione adhuc fortius dicendum, nequidem feudalia Imperia, *etsi habeant quem dominum appellent, cui servitia præstent*, minime tamen jus summæ potestatis hoc ipso habere desinere, modo qui subditi sunt vasallo, jus provocandi ad dominum non habeant.

42. Nam *servitia* quæ dicuntur, nihil ferè sunt aliud quam officia exhibendi se in armis pro domino, quorum præstatio nullo etiam modo impedit facultatem ita imperandi suis, ut acta infirmari non possint.

43. Sufficit enim ad jus summæ potestatis, quod subditi cujusque nihil altius aut majus habent, cui parere debeant; hoc enim ipsis *summum* est, quo altius ascendere nequeunt.

44. Quippe ratio imperandi atque parendi intra fines cujusque civitatis liberæ continetur. Grotius *lib. 1. cap. 3. §. 21. & seqq.*

CAP. IV.

De fundamento imminuenda Majestatis seu summae potestatis.

Repetitur, Imperio Civitatis simpliciter constituto, excipi patientiam mortis indubie violentæ ac injustæ, & instituti perpetui, in bona civium pro lubricine grassandi, præter ea quæ specialiter in quaque Republ. eximuntur, quod maxime in Monarchiis fieri; utrumque ratione probatur. Contra niti Hobbesium, eò quod populus ad Imperium stabiliendum congregatus, multo minus, post stabilitum dissipatus, non habeat jus corporis aut universitatis, nec proinde capax sit juris personalis acquirendi, quod refellitur ab effectu, qui est, delatio Imperii per actum unum voluntatis, quam unitatem etiam illic esse, ubi populus per oppida vicossve dispersus Imperantes constituit. Conventu populi dissoluto, manere tamen effectum exceptionis Imperio adjectæ, tam per modum nullitatis actuum, qui contra fiunt, quam, quia societas Civitatis post digressionem civium à comitiis, universitatis jus conservat, quod exemplo Democratiæ comprobatur, adeo ut Imperantibus in his quæ concessa illis non sunt, impune non pareatur. Quæstionem, an expediat hoc civitatibus, à juris quæsito alienam videri. Hobbesiana alia refutantur.

MAjestatem adhuc suo fixam fastigio secuti sumus, nec quicquam ei subduximus, præter licentiam continuo instituto in personas & bona subsectorum grassandi: vimque manifestam vitæ civium more latronis inferendam *sect. 2. c. 3. §. 39. De rebus ad secreta animorum & sacra pertinentibus infra dicturi.*

2. Probavimus pridem, in Democratiâ minorem populi partem non obligari ad patiendum illa extrema, quæ excipimus; unde ex fundamento sepius collocato idem in paucorum vel Regali Imperio statuendum intelligitur.

3. Dictum insuper, in DEMOCRATIA posse, ubi populus velit, excipi

plura, in quibus prærogativa numeri suffragantium cesset.

4. Sed ob æqualitatem ibi, cessante metu invidiæque, populus raro vel nunquam singularia exceptionum à se ipso stipulatur.

5. In Aristocraticis civitatibus pleræque cautiones sunt pro securitate Optimatum, quam hi callide vocant *Liberatatem*.

6. Cum fere plebs in illis adductus quam in ipsis *principatibus* habeatur, in quibus tyrannidis intolerantia in eminentiores maxime redundat, optimatum artes ad plebem premendam unice paratæ sunt.

7. Ideoque non minore curâ plebs operam dare debet, ut leges condantur, quibus

quibus optimatum potestas restringatur, cuique ordinis iura conserventur, quam Proceres id agere solent in regnis condendis; Sed plebs id agit frequentius per seditiones; quam per leges in tempore statutas, ut Historia Romana luculeptè docet.

8. Verum in *Monarchiis* præsertim, conspicuæ sunt leges, quibus principis potestati subinde nonnihil eximatur, quæ res displicet mirificè *Hobbessio* cunctique Regnantium adulatoribus. *Hobb. cap. 6. de Cive.*

9. Idcirco ille vehementer adnuitur, ut nec sanà ratione id fieri posse, cum ratione evincat.

10. Non negat equidem posse fieri, ut populus Optimatibus & hi Regibus verè sint superiores, si constet id actum esse, ut hi tantum essent Magistratus & Ministri, & ordo stabilitus sit, quo Rectores ad rationes reddendas cogerentur, ut olim Sparta fuerunt Ephori, in Arragonia Iustitiæ Magistratus; Quomodo in Imperio Germanorum, in regno Polonorum & alibi se res habet cum phylarchis.

11. Sed ubi Summa potestas verè in optimates vel Reges translata fuit, ibi quid reservatum intelligi, vel referri posse, cum rationis & Philosophiæ utilioris obtentu negat.

12. Verum utitur iisdem rationibus, ac *suprà* refutavimus; cum inter populum ac Imperantes foedus intercedere rationesque speciales iniri posse demonstravimus; exemplo quidem à Deçratiâ sumpro, sed quod ad reliquas states & Imperia extendatur.

13. Imò in *Monarchiâ* Imperantes ex toto subditis fieri posse quodammodo cios, ratio clarior quam in *Democratiâ* docere potest.

14. Nam in populo universo partes us contrahentes in eodem ipso po-

pulo, penes quem est imperium, sunt quærendæ.

15. At in regno, fieri potest, ut pars una contrahentium è subjectis conter; alteram Imperans ipse constituat: Nec enim semper Imperia per modum contractus, sæpe compromisso civium fundari ex *suprà* dictis intelligi potuit. Idem in *Dissert. de Imperio* ad calcem hujus libri adjiciendo explicatur.

16. Sed audiamus adhuc instantiam *Hobbessii*; Negat, subjectos ut unum posse considerari, ideoque ex pacto jus quod est personale, habere non posse; Non sunt unum, ait, quandiu sunt congregati. Multo minus, postquam dissoluti quilibet ad sua dilapsi sunt; maxime, si nullum tempus, quo cives rursus conveniant, sit constitutum; sicut in *Angliâ* fit, ad quam ille tantum & ubique respicit ac alludit.

17. Ratio, quare ne tum quidem, ubi convenere, *personam* repræsentent, *suprà* est insinuata *cap. 9. §. 15.* ubi dictum, quod cives singuli pactum cum singulis habeant, *se facturos quod Imperantes iusserint.*

18. Sed hæc ratio non valet ad probandum, quod populus nullo modo faciat unitatem; nec enim illud pactum singulare, quo singuli cives inter se tenentur, excludit unionem pacti universalis. Imò intercedere talem, rei ipsius, ni fallor, evidentia declarat, quam ita demonstramus.

19. Delatio Imperii à populo in Regem fit uno actu. Nec enim à singulis ullus, opinor, Rex unquam immediate fidem accepit.

20. Primò quidem suffragia viritum colliguntur; Sed ex collectis unum fit decretum; Ubi actus & voluntates infinitæ singulares in unum compinguntur, ibi manifesto fit unum quid multis.

21. Exem-

21. Exemplo sit Servius Tullius, qui dolo regnum adeptus, rebus bene gestis, civiumque studio fretus, ausus est ferre ad populum, vellēt juberent ne se regnare, Tantoque consensu, quanto haud quicquam ante se alius, Rex est declaratus, *sunt verba Livii, Lib. 1.*

22. More comitorum Romanorum, Curiae vel Centuriae populi in suffragia misse fuerunt. Quod major pars sciverat, id pro lege promulgatum est. Atque ita populus persona factus est, sive, personalem respectum induit, antequam Rex constitueretur.

23. Pari modo L. Flaccus Interrex de Silla tulit, ut omnia quaecunque ille fecisset, essent rata. Cic. orat. 3. pro Tull. A quā verbis potius quam re discrepabat lex vetus Imperii, quae Caesarum potestati juris praetextum circumdedit, quam Jcti Legem Regiam dixeret, de qua alias plena manu egimus in lib. 1. Digress. cap. 16. & seqq.

24. Populi decretum, Lex appellatur. Legem nihil esse aliud quam communem Reipubl. sponsonem, *ἐμφορικήν ὑπόμνησιν*, foedus universale, dixeret sapientes l. 2. π. de Legib. ubi Demofthenes.

25. Qui vult, qui decernit, qui agit, qui jus transfert, numquid ille jus acquirere non possit? qui totum uno actu à se alienat, an ille, quominus partem retineat, si res, de qua agitur, recipiat divisionem, impediri possit?

26. Ita jam constat, Populum principi vel optimatibus Imperium deferentem esse unum aliquid, esse personae instar jurisque tam retinendi quam statuendi capacem, sicut in jure civili notum est, universitates idem jus habere, idemque pati quod habent & patiuntur singuli. Tit. π. Quod Cuj. univers. nom. & de Libert. universit.

27. Quid si nunquam populus in u-

num conveniat, sed per oppida, territoria, per pagos dispersus Imperantes constituat, *ut apud nos in Frisia, inquam, annui Imperantes eliguntur?* nihilominus unum esse, ac jus personae habere statuendum est.

28. Cum enim ex plurium consensu ubique concludatur & omnium conclusiones in unum jungantur, jurisratio nihil ex situ locorum mutatur.

29. Quid autem politicae considerationis sit in hoc instituto, non est hujus loci explicare; nihil sane ad compescendas seditiones utilius; nihil ad oligarchicas artes fovendas opportunius esse, docet ratio & experientia.

30. Superest querendum, possitne populus aliquid juris retinere dici, postquam Imperio constituto, simpliciter, dissipatus est; Et quidem nullo tempore praestituto, quo rursus eum convenire, oporteat, ut sit ubique per Europam, dimissis regnorum populorumque ordinibus.

31. Hobbes in d. cap. 6. negat, -ed quod dissoluta multitudo non sit universitas neque corpus hominum, sed singulitantum; Atqui nec hoc, inquit, est actum neque fieri potest, ut singuli jure universis quaesito uti praesumant.

32. Id quidem concesserim, si quis populus non omne jus Imperii transferre cupiat, eum rectius sibi consulere, si tempus certum rursus conveniendi statuit; aut potius, si relinquat aliquam potestatem conservandae libertatis, ut in regnis quibusdam legitimis olim factum accepimus, in Spartano, exempli gratia, & Arragonio.

33. Tamen etsi nihil ejusmodi extet, populusque post leges imperii dictas resolute difflexerit, adhuc tamen jus, quod in constitutione imperii populo quaesitum est, durare suoque effectu non cedere putamus.

34. Nam

34. Nam etsi tali casu non sit qui actum Regem impedire possit, ne contra leges fundamentales agat, Acta Regis in vitium nullitatis incidere possunt, ut, inquam, ipso jure nullum sit, quod ab eo gestum fuerit.

35. Quamvis etiam populus non sit uno loco congregatus, manet tamen *communione juris & fœderis sociata multitudo*, à quâ nihil vetat aliquid juris retineri.

36. Cui accedit, quod pactiones illæ, quibus imperium fuit limitatum, contrariæ sunt in eum casum, ut conventu populi dissoluto, in regimine exercendo usum effectumque haberent.

37. Item, quod conditio obligationis simpliciter initæ hæc est, ut perpetua sit, tam civili jure, quam Gentium & ratione Naturali.

38. Quid Hobbes ad hæc? Vult leges, si quæ Imperio per conventionem adjectæ sint, hac mente, ut populus ad sua digressus secundum eas regatur, confestim amittere vim suam, neque Principem eas violantem ullius esse reum injuriæ; Quod nî fallum sit, ratio ipsa fallitur.

39. Id quod docetur evidentius atque illustratur ex specimine Democratiæ; Nam in popularibus imperiis, post habitum de publicis negotiis conventum, omnes dilabuntur, administratione rerum Magistratibus commissa, quibus nemo ex universo populo in iis, de quibus imperium habent, parere non debet.

40. Sæpe etiam plebs dissolvitur, ut nullum conveniendi tempus certum constituitur, quod Romæ & Athenarum exemplis notissimum est; Ergone tu dixeris, illos populos nihil interea juris habuisse? Imperium quibus omne & ipsa *Democratia*, sicut erat, salva mansit?

41. Quod si Imperium totum in eo statu retineant, nihil est causæ, quare

non æque partem, salvâ juris ratione, servare possint.

42. Opponitur: *In eâ specie non transfertur Imperium à populo in Magistratus, sed hi à populo, ut ministri potestatis, quam ipsi tenent, constituuntur; nos autem heic agimus de translatione imperii.*

43. Imo verò, id nunc agitur, ut queramus, an populus dilapsus & segregatus adhuc capax sit juris retinendi; hoc exemplo democratico probatur, non instituiamus comparisonem Regis & Magistratum; sufficit hoc sequi, populum diffuentem & separatim jus quod non transtulit, retinere, quia totum, si nihil transtulerit, in eo statu retinere potest actuque retinet.

44. Videlicet, cum ita disputamus, supponitur, populum expressè quædam jura Majestatis sibi reservasse; si nihil quam pollicitatio quædam facta sit à Principe, tenetur quidem ille populo, non aliter, ut videtur, quam paterfamilias, qui aliquid uxori, liberis, servis suis promiserit, obligatur, quâ de re sub titulo *de promissis summæ Potestatis*.

45. Verum instatur adhuc; *Obligatio extinguitur, ubi persona cui debetur, deficit, ubi nemo est, qui exerceat jus partesque exigendi occupet; atqui id tum evenit, quando populus stabilito Imperio, dissolvitur absque certo ordine redeundi in unum; Neque enim singulis vel paucis facultas resistendi Imperio summo, sine summa consensione; per-mitti potest.*

46. Accedit, quod nec ulli competit facultas convocandi populum, invito eo, qui tenet Imperium; Ob eandem summi periculi rationem.

47. Quod si populi conventus agi non possit, nihil quoque decerni potest adversus Regem, licet terminos delatæ sibi potestatis egrediatur; ideoque res loquitur, solidum Imperium, etsi non ita dela-

tum Regi, per consequentiam ei ad crescere & advolvi.

48. Illustratur hoc simili, quod desumitur à testamento, ubi testator ex parte assis heredem scripsit, neque ex reliquâ hereditate quenquam nominavit; tunc enim heredem ex parte institutum haberi pro herede ex assie constat, §. 5. *et* 7. *Inst. de hered. instit.* propter regulam, quod nemo pro parte testatus pro parte intestatus decedere possit *l. 7. ff. de R. 7.*

49. Ita & princeps, cui pro parte Imperium est delatum, non expresso, à quo & quomodo reliquum teneri debeat, in solidum Reipublicæ impositus videtur.

50. Quia præsumptio, quod populus minime voluerit pro parte regi & pro parte non regi, validior est, quam quod testator partim testatus partim intestatus decedere noluerit.

51. Responsionis loco, exemplum proponemus. Populus Romanus Decemviris summam Reipubl. potestatem ad annum dederat, legum ferendarum causâ, sicut narrat Pomponius in *l. 2. §. 24. et d. O. 7.* Quare cum potestatem sibi prorogarent, ut ipsi & factio sua perpetuo Rempublicam occupatam retinerent, quæro, an jure populus ei se tunc opposuerit? Nulli, opinor, id dubium est; Atqui populus erat separatus, nemo præter Decemviros imperium, nemo jus populi convocandi habebat. Exercuit tamen plebs tota suum jus & statum Reipubl. amissum recuperavit, ut iterum *Pomponius*, *quasi rem certi juris*, memorat.

52. Si dicas, non habuisse Decemviros imperium diutius quam datum erat, regeram; nec principem, cui partes imperii non omnes datæ sunt, Imperium hætenus habere, si jura, quæ nunquam ei data sunt, exercent; adeo ut is nihilo magis supra privatum sit,

quam monarcha temporarius spatium suum emensus, aut is qui extra territorium jus dicere præsumit. *l. ult. et d. Jurisdic.*

53. Ex his facile apparet, quam falsum sit, quod tradit Hobbes in *d. cap. 6. §. 17. sub fin.* Populo sine tempore locoque repetendi conventus digresso, si interea temporis det alicui potestatem puniendi eos, qui leges transgrediuntur, eam necessario esse *absolutam*; ut vel ex democraticis, quæ modo adduximus exemplis, perspicue patet.

54. Quin etsi non modo non soleat, sed etiam non possit populus aut ingens optimatum numerus convenire, nisi à certis Magistratibus convocetur, hostamen Magistratus idcirco habere summam Potestatem, aut Populum vel majorem illum Numerum desinere illam habere, nullo modo dicendum est, quemadmodum exemplis Romæ aliisque veteribus & Præsenti Frisiz nostræ liquet.

55. Proinde res ed deducitur, ut statuendum sit, cuiuslibet corpori civium, imò & singulis eorum, quibus primævum eligendi jus fuit, in tempore & loco, facultatem competere, exigendi ab Imperantibus, ne usurpent quod nunquam iis datum atque delatum fuit. An & resistendi facultas contra vim ex eadem juris necessitate sequatur, *alibi* expendemus.

56. Parata erit objectio; videri hanc rem periculosam & exitialem civitati; verum hæc ratio valet hætenus, ne in dubio populum tranquillitati communi adversa voluisse credamus, non ut ea quæ diserte constituit, hoc argumento subvertantur.

57. Omnino enim alia juris, alia prudentiæ quæstio habenda; Juris est, ut cuique de suis rebus pro lubitu dispendere liceat. Prudentiæ est, expendere, profit, an noceat sibi; juris id non interest;

teret; modo nulli alii iniquam inferat conditionem. Heic de jure queritur; quid ex usu sit, politici judicare debent.

58. Atqui liberum fuisse populo, deferre & non deferre & quantum imperii deferre vellet, id & *Hobbesio* confesum & ratione exploratum est.

59. Tu qui putas, principibus fas & integrum esse, jura sibi expressè negata invadere, neutrquam secuturis inde in commodis sententiam tuam liberabis.

60. Plane & *Grotius* summæ potestatis acerrimus vindex, haud secus docet, quam Principem partes Imperii non datas sibi vindicantem, hætenus privatum esse, nec cives ei ad obsequium esse obstrictos, l. 1. cap. 4. §. 13.

61. Denique, nec ita periculis obsepta est sententia nostra, quin obviam illis iri ac anteverti possit: Remedio non tantum prudentia, qualia excogitare politicorum est, sed & juri consentaneo.

62. Nam ut populus in democratiâ, ordinatis magistratibus, ad sua rediens tacite mandat, ut si quid supra illorum ministerium in Re communi occurrat, civium conventus ab ipsis indicatur, sicut *Athenis* ac *Romæ* fieri solebat;

63. Prorsus ita populus statuens Principem, sed quædam jura sibi reservans, tacite hoc ipso stipulari intelligitur, ut, si quid ad hæc pertinens sit agendum, Populare concilium indicatur, siquidem electio sit populi.

64. Nam hoc ultrò intelligitur, si Proceres eligant, vel jus soli ad comitia veniendi habeant, de his ea quæ dicta sunt, intelligenda. Idem juris est, si non omnis populus, sed ordo aliquis aut immobilium possessores, sicut in *Frisiâ*, jus constituendi plures imperantes, annuos vel perpetuos in Republ. habeant.

65. In delectu jurium, quæ populi aut optimates sibi reservare debeant, summa opus esse prudentiâ, non est,

quod moneamus; Præcipui ex illis momenti esse jus condendi Leges easdem, quæ abolendi facile constet.

66. Sed vis longè maxima & architectonica est in his duobus; in jure exigendi pecunias à civibus, per tributa & vectigalia; & in jure conscribendi & habendi milites perpetuos ac mercenarios. Ubi hæc duo jura non valide sunt obsepta Principibus, ibi quicquid est Legum fundamentalium sensum evanidum & elusorium fieri, bene doctæ sunt gentes, etsi nunquam satis edoctæ.

67. Bene consulunt, qui certos & statos Ordinem populi Procerumque conventus convocacione non simpliciter à Principum arbitrio dependente, constituunt. Etsi enim jus populi ab eâ re non pendet, ut *Hobbes* argutatur, ad executionem tamen Legum fundamentalium, id efficacissimum esse, non est dubitandum.

68. Acquiescamus igitur in hac *Hobbesiana*; Populum esse unum quid, eique jus aliquod rectè adscribi, quamvis nec congregatus sit, neque sciat tempus futuri conventus.

69. Quia manet obligatio, qua mutuis pactis se pridem junxerant. Et quia naturaliter, quicumque jus ex pacto commune cum pluribus habent, æqualiter id, seu conveniant, sive non, habere censentur.

70. Præterea, teneamus quod populus totusque totus, paucis vel uni imperium deferre possit. Non modò per fœdus mutuum, quo singuli à reliquis stipulantur iisque spondeant obsequium se paucis unive præstituros.

71. Sed & fœdere *ἀνάδισσιν* inter populum totum, vel qui jus populi habeant, veluti partem unam, & Imperantes, ut alteram partem.

72. Priore sensu nullum quidem est vinculum obligationis inter populum & Imperan-

Imperantes, sed inter singulos. At nihilo secus acta Imperantium præter & extra id, quod ipsis compromisso populi delatum fuit, ipso jure nulla sunt.

73. Quemadmodum arbiter compromisso electus hoc ipso non obligatur partibus, sed hæ tenentur acquiescere in eo quod Arbiter, siue æquum siue iniquum, dixerit *l. 27. §. 2. π. de Recept. qui arbit. recep.* Quod si tamen arbiter compromissi terminos excesserit, quod hætenus statuit, ipso jure nullum est *l. non distinguemus 32. §. de officio 15. π. eod. tit.* Jam in altero respectu, quo Imperium per conventionem inter Populum & Rectores constitutum fuit, duos esse foederatos, nullum est dubium.

74. Tandem aded, populum, etiam dissoluro conventu, retinere facultatem ejus juris, quod congregatus acquisivit vel actu habebat, dicendum est.

75. Nec minus verissimum esse, quod imperantes nullo modo plus obtineant, quam ex voluntate eorum qui imperium dederint. Et hæc quidem ex iis quæ dicta sunt, apparent.

76. Quare iterum negamus Hobbesio, in omni civitate aliquem esse hominem vel concilium, qui quodve potentiam in cives singulos jure habeat tantam, quam tam extra civitatem unusquisque habet in semet ipsum. *c. 6. §. 13. in pr.*

77. Cum enim collatio illius juris pendeat ab eorum voluntate, nihil est causæ, cur non ita animum inducere possint, ut aliquanto minus potentia translatum velint; Quatenus defensionis communi vitandæque confusioni sufficere arbitrentur.

78. Instat ille; Si potestas imperantium limitatur, necesse est, ut id fiat à majori potestate. Hæc vel sine limite est, vel iterum cohibetur ab aliâ majore. Et sic tandem ad potestatem sine limite deveniuntur. *ibid.*

79. Respondeo ad primam positionem; Si intelligit potestatem in Republ. jam ordinata, negamus, Limitationem inde proficisci debere: nos enim aut accessimus eam à conventionem singulorum, per quam Civitas fundata est; ita ut limitatio præcesserit Rempublicam, sicut dictum; Aut si populus jam pridem coactus in civitatem, imperium transtulerit, limitatio est ab illo populo, qui fuit major potestas, quam tunc erat is cui imperium offerebant, idque ad hanc rem sufficiebat.

80. Verum Translato imperio, non manet illa potestas major; limite posito, definit esse potestas, & Imperium, sicut fundatum est, unica manet potestas, limite circumscripta. Quem limitem si Rex manifesto egreditur, catenus non est Rex.

81. Hinc liquet, non esse necesse, ut progrediamur ad ejusmodi potestatem in Republ. infinitam, qualem sibi fingit Hobbes; siquidem causa limitans ante & extra formam Reip. collocari potest ac debet.

82. Addamus exemplum, ut videamus, an res facultatem usumque habeat. Rex constitutus est hac lege initio dicta, ne jus habeat indicendi tributa, nisi maximo populi comitio. Hujusmodi Rex habet vere summam potestatem, sed non integram. Si tributa solus indicat, Imperium ejus hætenus est ipso jure nullum, nec quisquam ei hac parte parere debet. Nec incognita sunt regna, ubi sic juris est & ubi adhuc quidem ita servatur.

83. Res igitur huc redit, ultimum potentia consistere in singulis, qui sui met ipsi jus in infinitum habent. Potentia civitatis, ex universis eorum voluntatibus conflata est, quas aliter ac aliter habere se posse diversitas Rerum publ. demonstrat.

C A P;

C A P. V.

De Legibus Fundamentalibus.

Imperantes simpliciter constitutos Legibus cunctis esse solutos, tam quoad directionem quam coactionem, quatenus in illis ad civilem obedientiam obligatio vertitur; at obligatione, quæ est juris Naturæ, Gentium & Divini haud dubie teneri, ut & fundamentalibus. Quæ sint tales. Non esse instituta, quæ tacite in omni Imperio excepta intelliguntur, sed esse constitutiones, quæ in fundando Imperio instar conditionum adjiciuntur. Illarum potestas. Quando tollant, quando minuant vel restringant summam potestatem. Jura majestatis in una civitate penes diversos communicative non separatim consistere posse, ubi, an dentur Resp. mixtæ. Quid juris sit, ubi Imperantes salvis Legibus fundamentalibus, nullis tamen expressis, sunt constituti. Legem; ut controversiæ Publicæ inter Principem & ordines populi per arbitros terminentur, videri tollere summam potestatem. Etiam stabilito Imperio, communi Imperantium & subditorum consensu expresso vel tacito, per præscriptionem temporis immemorialis, oriri posse jura fundamentalia. Privilegia civibus indulta non esse fundamentalia, nisi forsitan vetustate cebrisque stipulationibus vim utrinque obligatoriam acceperint: quo modo aliqua Imperia è despoticis civilia sint facta. Quale sit genus obligationis è Legibus fundamentalibus.

DE cantatius nihil est, quam *Principem Legibus esse solutum*, quæ est regula Juris Romani, verum ab omnibus politicis & juris publici scriptoribus adoptata, ex l. 31. *π. de Legibus*.

2. Nec tamen æquè utquam variant interpretationes, de quibus vide, sis, Virum Cl. Ant. Matthæum *disp. 1. ad Pandectas*.

3. Nos in eo, qui habet summam potestatem, seu Populo toto, sive Optimatibus, seu Principe simpliciter constitutis, qualis erat Romanus ex formulâ Legis Regiæ Princeps, nullam agnoscimus exceptionem.

4. Proinde cunctis legibus eum solvi, nec ullâ omnino Principem teneri arbi-

tratur. Ne quidem illis (sine invidia dictum) quæ sanciant ea quæ jure naturæ, Gentium & Divino præcipiuntur.

5. Non quod adversus illa jura Princeps haud æque peccet ac privatus, sed quia legum vis consistit in necessitate civilis obedientiæ l. 7. *π. de Legibus*. Quam non cadere in summam potestatem voces ipsæ, nedum Principia pridem posita, sponte docent.

6. Proinde aliud est quærere, num iste homo qui principatu potitur, jure naturæ, gentium divinoque teneatur; Aliud, num *Princeps qua talis*, legibus sit solutus. Vide tamen super hoc articulo, quod scripsimus in *sect. 3. c. 1. n. 18. & seqq.*

K 3

7. Jura

7. Jura ejus personam obligant, ea vi quam efficere possunt; Nempe ut & Deo & hominum illis, quibuscum in statu naturali agit, quales sunt omnes exteri, devinciatur.

8. A quibus & cogi & ob delicta puniri potest; quoniam illis non est Princeps, & jus puniendi est etiam naturale, sicut Grotius in *C. de panis lib. 2.* docet.

9. At eorum respectu, qui ut Principem eum agnoscunt, ista jura nullam adversus eum vim exercere possunt.

10. Qui enim cogi potest, is vel superiorem vel parem duntaxat habeat oportet. Quorum neutrum de populo toto, vel Principe simpliciter constituto prædicari potest, ut vox ipsa *summa* potestatis ultro significat.

11. Ne quidem excepimus Leges Imperii *fundamentales*, quibus alioqui Principes teneri volunt. Non quod hoc negemus, sed quia in principatu simpliciter constituto nullæ præsumi possunt.

12. Nihil audimus jactari frequentius, nihil videmus intelligi rarius quam *leges fundamentales*, ut non immerito notat Hobbes alicubi in *Leviathano*.

13. Nos legis vocabulo primum considerato, submovemus ab hoc termino proprie accepto, *quicquid actu non est constitutum. Legem oportet esse latam & lectam, ut vere pro lege possit haberi.*

14. Positivas igitur Leges, quæ dicuntur, proprie ad hanc classem referendas putamus. Unde, quæ in voluntariis Imperiis tacite excepta intelliguntur, ea non nisi analogice *fundamentales Leges* appellari videntur.

15. Si quis tamen legis vocem, ut potest fieri, tam latè malit extendere, ut omne jus appelleret Legem, non repugnemus, quominus *leges fundamentales* duorum generum esse dicantur; quædam expresse, quædam tacite constituta.

16. Ad tacite intellectas leges præter

ea, quæ *suprà* tacite in omni Imperio excepta intelliguntur, referemus sequentia. I. Salvam civibus libertatem personarum rerumque suarum dominium esse debere. *

17. II. Imperantem nihil posse de Imperio ultra terminos vitæ statuere, nisi id habeat in patrimonio.

18. III. Civitatem in partes subjectivas non distrahendā, id est, ex una civitate non fieri duas, aut alterum alterius membrum esse faciendum.

19. IV. Mares feminis, primogenitos minoribus natu in regnis successivis & non patrimonialibus esse præferendos, quæque similia *superius* exposita, vel adhuc explicanda sunt.

20. Expressæ leges fundamentales ut sciamus quæ sint, præmittemus, *Fundamenti* verbum id significare, quo tota structura nititur, & quod primò omnium ponitur, ut cuius *supra* planum est.

21. Leges igitur fundamentales erunt proprie, *Constitutiones, quæ in fundando Imperio ante plenam ejus translationem stabiliuntur, ut juxta eas Respublica exercetur.*

22. Jus habere populum tales statuendi copiosè demonstratum est, in *cap. præced.* etiam Imperantes illi teneri jam dubio caret; Siquidem plus juris quam acceperint, exercere eos non posse, ex iis quæ disputata sunt, irrefragabile esse liquet.

23. Tollant autem vel minuant Leges Fundamentales Summam Potestatem, an arctius duntaxat faciant ejus exercitium, ex qualitate sententiæque singularum est colligendum.

24. Tollitur vel potius communicatur cum aliis & quia communicatur, idè tollitur in Principe, Summa Potestas, si constitutum sit, ut *nihil possit in iuribus imperandi maximus, sine assensu Senatus vel Ordinum populi.*

25. Spe-

25. Species illa quidem est societatis, sed qui socium, is habet parem; Qui habet parem, ille summus esse desinit.

26. Nec aded minus juridicum aut philosophicum quam popolare est, quod dicitur; socium habere, id est, dominum habere.

27. Quod si illud non in universum, verum de certis capitibus, ut plerumque fit, statutum fuerit, tum non tolli sed minui summam potestatem, rationi consentaneum est.

28. Nam ubi unum Imperii jus, quod ad summam Rempublicam spectet, si ve unum ex majoribus Majestatis juri- bus Principi relinquatur, obnoxium nul- li, dicemus, ibi summam esse potesta- tem, etiam si non integram.

29. Ejusmodi porro communicatio- nem totius vel pro parte majestatis posse fieri, ex ratione sæpius memorata cla- rum & experientiâ certum est, in ipso *Cæsare Germanico*, Rege *Poloniæ* aliisque ad hodiernum usque diem evidentibus exemplis.

30. Si talem intelligunt mixturam, qui de Republ. mixtâ loquuntur, non est quod negemus, eam & existere & diu consistere posse; sed multi fingunt mixturam, quæ mihi non videtur in moralem facultatem unius regendæ ci- vilitatis coalescere posse.

31. Scilicet hoc modo, ut integra Majestatis jura inter ordines diversos di- stribuantur, quædam uti Princeps, ali- qua primores, alia populus habeat, sin- gulique sua jura, alii aliis non obnoxii, teneant & usurpent.

32. Excederet hoc notissimos Rei- publicæ terminos, ac nescio quod mon- strum repræsentaret.

33. Evanesceret comparatio concen- tus cum chordis aut animæ cum corpo- re, quam *supra* civitati & Reipubl. ac- commodavimus.

34. Nec plane una sed omnino tri- plex foret majestas; tres enim potesta- tes liquido & simpliciter summæ in ea specie consistenterent.

25. Cæterum, non raro contingit, Imperium Uni vel paucis sub hac con- ditione deferri, ut salvæ sint *leges fun- damentales*, nec tamen *ullæ conditiones exprimantur*, cujus rei vel hæc *Frisia* dare possit exemplum, quæ suis Rectori- bus annuam defert Summam potesta- tem, *salvis legibus fundamentalibus*: qua- rum tamen nullum corpus reperitur.

36. Sed talis adjectio fit, vel ab initio, vel in civitate jam pridem constituta; Si talia verba usurpentur in fundatione no- væ civitatis, non apparet, quo pacto id genus adjectio effectum habere queat; proinde nullius monenti & ab initio & in futurum esse oportet.

37. Haud secus, ac si testator heredem scripsisset, sub conditione, quam omni- nõ servari velit, nec tamen expresse- rit. Ut enim mortuus nihil præscribere po- test, ita nec populus Imperio simplici- ter translato; utpote qui tunc pro civili- ter mortuo, quatenus utique est popu- lus, haberi debeat.

38. Si quis tamen eo casu vim ali- quam hisce verbis inesse velit, is per le- ges fundamentales intelligere posset ea, quæ in omnibus imperiis voluntariis *su- pra* diximus esse tacite excepta, *sect. 2. c. 3. & n. 15. b. r.*

39. Verum enimverò si pridem con- stituta Civitas novum alicui deferens imperium, ita stipuletur, quod crebrius accidit, non perinde nulla ac inutilis promissio videbitur.

40. Intelligentur enim ea fundamen- ta civitatis, quæ tunc sunt, integra & immota relictum iri.

41. Item eas leges, quæ prioribus Imperantibus aut expresse impositæ, aut sine controversiâ observatæ fuerunt.

42. Deni-

42. Denique, partes civitatis *integran- tes*, ut ita loquar, *non ministrantes*, eaque collegia, quæ exercitium subordinatum habent juri Majestatis, fore inconcussa.

43. Conventus ordinum populi, Magistratum in urbibus, jurisdictionum in agris minime submotum iri.

44. Non tamen, ut modus exercendi ista aliaque jura in ejusmodi Collegiis, omniaque capita moris olim observati pro *fundamentalibus* habenda sint; Modo ne tota tollantur, aut jura, in quibus vis & essentia illorum consistit, adimantur vel mutantur.

45. Ejusmodi autem fundamentalia pacta seu tacita sive expressa, non tollunt neque minuunt summam potestatem.

46. Populus enim defert liberam administrationem Reipublicæ illius, quæ in præsentem existit.

47. In quâ, si nihil aliud convenerit, minime cuncta imperii jura pro lubitu exercere prohibetur. Manente duntaxat eadem constitutione subjectivâ Civitatis & subintellectis semper exceptionibus, quas in omnibus Imperiis tacite reperiri diximus.

48. Quid verò, si novus Princeps receptus sit à populo pridem formato, sub hac lege, ut jura & libertates, quæ competunt, servet, *deque coortis controversis inter se & ordines populi, tertium patiatur judicem*? Qua conditione Frisii Carolum V. Cæsarem pro domino receperunt, ut legere est apud *Winfemium hystor. vernac.* ad ann. 1515. ubi ipsum *instrumentum extat.*

49. Parum abest, quin ejusmodi Principatus non sit verè Summæ Potestatis, siquidem huic *naturaliter* competit, *esse judicem in propriâ causâ.*

50. Nempe ut *Naturaliter*, non sit simplici jure naturæ, sed necessario, & secundum naturam potestatis, quæ su-

prema est, quemadmodum Jureconsulti dicunt, *naturaliter* opponi inter se hæc duo; testatum ac intestatum mori. l. 7. §. de R. J.

51. Enimverò quod Princeps se tertio ut arbitro submittit, id nihil quidem officit Majestati, non magis quàm privatorum libertatem minuit, quod aliquando in arbitros compromittunt.

52. Sed pactum ejusmodi inde ab initio adjectum imponit necessitatem: Et quidem talem, ut acta Principis infirmari hoc modo posse videantur, quod est *essentiale* summæ aut non summæ potestatis.

53. Sane causam armorum *Frisii* contra *Hispanos* hoc pactum sine dubio præbere potuit evidentem. Quia satis constat, *Philippum* Regem æquos arbitros sæpius imploratum defugere perseverasse.

54. Existimamus porro & eas leges, quæ firmato pridem Imperio, per modum solennis conventionis, inter imperantes & subjectos legitimè stabilitæ sunt, *hac mente*, ut pro *fundamentalibus* habeantur, utrimque esse obligatorias.

55. Cujusmodi illa fuit, quam dixere magnam chartam apud Anglos, cujus firmandæ modum valde notabilem sub *Henrico III.* Polydorus Vergilius & *Bakerus* in *ejus vitâ* referunt. Sancita erat devotione carminis horrendi in eorum, qui pactis non starent, capita: Charta legebatur, Rege cum Proceribus erectis, faces manibus ardentes tenentibus, quas carmine perlecto, in terram projecerunt, iisque fumantibus exclamabant; *Sic extinguatur, ita foveat, qui fidem non servabit.*

56. Denique eandem vim habere putamus instituta Reipublicæ ad summam Imperii & jura ordinum spectantia, quæ longo usu tacitoque consensu Imperantium & subjectorum indubitato recepta sint,

57. Nam

57. Nam & jura Majestatis præscriptione temporis acquiri vel mutari posse videbimus *in loco*.

58. Ratio, quare conventiones solennes inter Regem populumque vel proceres ita possint iniri, ut utrimque vim obligandi habeant, atque ut populo, jus inde contra Principem acquiratur, pendet ex iis, quæ *superius* disputata sunt.

59. Scilicet, populum considerari posse ut Universitatem juris capacem, etiam quando sub imperio est; Quod si verum est, nihil causæ fuerit, quare jus novum per liberam consensionem cum Imperantibus, acquirere nequeat.

60. An autem populus ab invitis Principibus novi quid exigere possit, haudquaquam temere adfirmandum videtur; sed hoc *inferius* excutietur.

61. At imprimis cavendum, ne *Privilegia*, quibusdam civibus aut Reipubl. membris liberaliter & ex gratiâ Principum indulta, cum legibus Reipubl. fundamentalibus confundantur; siquidem in his nulla conventio vim obligationis utrimque firmat, ideoque solo honestatis, nullò necessitatis, vinculo largitorem obstringunt.

62. Quo pertinet, quod Ludovicus XII. Galliarum Rex, Genuensibus in poenam rebellionis, omnes suas Leges, quibus ut fundamentalibus nitebantur, jure belli ademit, easdemque postmodum tanquam privilegia, suo arbitratu restituit, ut auctor est *Guicciardinus in lib. 8. Histor. Ital.*

63. Quare monitos velim eos, qui de justitia armorum nostratium adversus *Hispanos* loquuntur, ne meritum causæ in violatione privilegiorum, ut loqui amant, statuere velint.

64. Nisi enim leges fundamentales palam violatas docere queamus, solâ possessione libertatis contenti esse debemus.

65. Enimvero non verba sed res expendimus, & proinde sententiam eorum, qui de violatis privilegiis in causâ *Belgicâ* loquuntur, non reprehendimus; sed in recto usu verborum sæpe rationum momenta includuntur.

66. Neque tamen id à jure abhorret, *Privilegia*, quæ vetustate populique stipulationibus ac novis Imperantium promissionibus iterata sunt, aliquando vim legum utrimque obligantium adipisci, quod omnium fere Gentium usu probari videtur.

67. Quin etiam Herilia Imperia quandoque in civilia hoc modo fuisse mutata videmus, sicut in Angliâ factum videtur à *Guilielmo Normandi* temporibus; siquidem is jure belli regno potitus eodem jure *divulsi*, ut libitum fuit, id exercuit.

68. Idemque à posteris æquè exerceri potuit, nisi crebra jurium largitione ac indulgentia solennique confirmatione sensim ab antiquo rigore, cui pares non erant, recessissent.

69. Cæterum, conventiones non cum toto populo, verum certis hominum ordinibus initæ minimè pro *fundamentalibus* habendæ sunt; At hic articulus pertinet *ad caput de promissis* summarum potestatum, *de quibus inferius*.

70. Obligatio, quæ ex fundamentalibus oritur legibus, haud alia esse potest quam Naturalis, quæ & juris Gentium dicitur; siquidem in eos qui habent summam potestatem vis civilium sanctionum intendi non potest, *quoniam hæc ab summâ potestate subjectis præscribuntur*. In nostra autem specie duo contrahentes, hætenus pares, intelliguntur.

71. Sed naturalis obligatio est duplex, una efficax, altera inefficax; Prior ita vocatur, quæ conscientiam debitoris afficit solam, alterique nullum jus exigendi tribuit, cujusmodi est obligatio domini &c

ni & patris aliquid promittentium servo liberisque suis, item obligatio ad remunerandum, ut docet Jētus in l. 25. §. 6. *π. de Hered. pet.*

72. Obligatio Naturalis efficax est, quæ non modo debitorem promissorem tenet, sed etiam creditori seu stipulatori jus exigendi exequendique tribuit; & talis oritur e conventionibus initis inter eos, qui se non habent ut subjecti & Imperantes, vel qui eidem summæ potestati non sunt subjecti. Proinde etiam ex legibus hujusmodi fundamentalibus inter Regem populumque sancitis.

73. Prioris generis obligatio, quæ est inefficax, oritur etiam e privilegiis & promissionibus à summâ potestate factis & indultis; nam tales, et si juratæ non dant exigendi exequendique jus iis quibus aliquid concessum vel promissum est, exemplo fervorum, liberorum & uxorum adversus dominos, Patres, maritos.

74. Ejusdem generis sunt etiam Pacta generalia cum regnantibus aut regnantur, quæ nihil quam officium boni Regis expriment; veluti, se populum defensuros, cuique jus & justitiam, viduabus & orphanis quoque administraturos, denique facturos omnia quæ bonum amantemque Principem facere oportet, qualis in solutissimis quoque regnis præstari solent.

75. Leges, quæ fundamentales appellantur, debent esse *speciales*, & nominatim aliquid derogare de juribus Majestatis, ita ut facultas ea, sicut imperantes velint, exercendi tollatur; ac insuper, inquam, debent esse conventotius populi vel maximæ partis ejus, aut eorum qui populum repræsentant, quia pars minor in civitate rebusque imperii non habet jus personæ.

76. Ex his potest existimari de eo, quod Cardinalis Perronius in sermonibus

à Pitbois editis referebat; se intellexisse ex iis, qui conventus *Reformatorum* in Galliâ frequentabant, eos pro regulâ tenere certâ, Regem cum illis uti debere *jure Gentium*, quatenus bello gesto & pace factâ conditiones partibus suis stabiles impetraverant.

77. Nam si conditiones Ediētis Regis concessæ *Reformatu* irrevocabiles erant armisque vindicari possent, non simpliciter privilegia, sed leges fundamentales esse debebant, quarum, ut diximus, obligatio naturalis, sive juris Gentium est. *Ex jure civili summa Potestas in his quæ ad Imperium pertinent, necessitate nullâ potest obstringi, quia non habet; à quo cogatur.*

78. Sed opinio, prægebat ista Cardinalis, quod sub jure Gentium vivant in Galliâ, *Reformati* bene valideque executitur; siquidem omni die in bonis & in corporibus violantur, adeoque tractantur injustè, qu' ils trouveroient, peut-être, moins de barbarie chez les Cannibales, que parmi leurs propres concitoyens, hoc est, ut forte minus barbarica inhumanitatis reperirent, inter populos hominum voratores, quàm inter cives proprios. Hæc ante quinquaginta annos homo Cardinalis; quid his diebus diceret non Cardinalis!

79. Porro, ut in viam redeamus, quando ejusmodi sunt leges fundamentales, quæ communicationem summæ potestatis in quibusdam duntaxat juribus inferunt, tum Imperantes non desinunt habere summam potestatem.

80. Nam et si populo jus ex iis legibus quæsitum affirmemus, non ideo superiorem Principe constituimus. Possunt enim actus esse nulli ipso jure, ad quod superior alius non requiritur.

81. Quin id ipsum in despoticis Imperiis, quæ sine controversia sunt summa, locum habere potest, Persarum Rex haud

hunc dubitè talis erat; Qui tamen adversus leges cum proceribus regni semel stabilitas nihil agere, decernere poterat, ut *Historia Danielis indicat.*

82. Sed ubi Rex nihil omnino absque Senatu procerum vel populari, in majoribus rebus decernere potest, ibi parum abeat, quin Aristocratia obtineat. Talis

hodie sine dubio *Dux Venetorum*, nescio an & *Rex Poloniae*, & Imperator *Romano Germanicus* est. Proinde adversum eos civilis legum obligatio valere posse videtur.

83. Cæterum, de executione Legum fundamentalium & quatenus restituere liceat, Inferius tractabitur.

CAP. VI.

De Iuribus Majestatis majoribus.

Divisio jurium Majestatis in majora & minora. Primum, jus gladii. id esse duplex, vitæ & necis in cives, belli in externos. Prius ut discreper à mero Imperio. In civili Republ. non esse jus Imperanti, quoniam indicta causa necandi, nisi in extremo periculo. Ad hoc jus vitæ ac necis etiam asyla referri. De jure belli. Alterum jus Majestatis de pace ineundi. De foederibus, eorum differentia à sponcionibus. Jus mittendi Legatos. Tributa exigendi & vectigalia: idque male inter minora referri. De dominio eminente: ut differat à ratione status. De jure Legum condendarum, ubi & de statutis municipalibus. De creandis Magistratibus, eos nihilo plus juris adversus summam potestatem habere quam privatos. De judiciis & de summâ provocatione.

Sed cujusmodi Leges sint fundamentales, id in quaque Republicâ considerandum est. Hæc nostra universalis disciplina Summam Potestatem simpliciter spectat. Cujus proinde jura singula & nomina, in quibus exercitum ejus continetur, ordine recensebimus.

1. Vocantur & Regalia, voce latius in præ & alicubi prærogative Regiæ, ut Anglia; quatenus ea voce quælibet præcipua & excellentia significantur. Quæ à jure primæ classis Romanæ, quæ sola plures haberet centurias & iustitia quam relique pariter omnes, prius æta, conservans, legem cæteris quomodo præscribat.

2. Jura Majestatis, id est, Summæ

potestatis vulgo non male in majora & minora dividuntur. ab illis incipiemus.

4. Principio certum est, quia non tantum ob æmorem societatis, sed etiam ad tuitionem vitæ bonorumque Civitates constitutæ sunt, sine gladii potestate nullum haberi posse Rempublicam. Eamque tam ad coercendos maleficos in civitate pertinere, quam ad propulsandam vim externam.

5. Unde duplex jus Majestatis oritur. Primum vitæ ac necis, alterum juri belli.

6. A priori discrepat merum Imperium: quod est jus animadvertendi in facinorosos, jure Magistratus, (licet ita loqui per Jeros) quod est ministerium summæ potestatis, competens.

L 2

7. Sed

7. Sed huic imperio non adest facultas proscribendi homines sine judicio, nec dandi veniam reis aut damnatis; Quod sub jure vitæ necisque omnino continetur.

8. Illud verò potest quidem semper, *varò tamen debet exercere Summa potestas*. At quando debeat, hoc ad caput de judiciis pertinet.

9. In civili Imperio licet absoluto, vita quidem nulli quam causâ cognitâ, jure potest auferri; Nisi forte secus ratio & periculum Reipublicæ postulet, neque res moram cognitionis ferat.

10. Cujusmodi Regiâ manu, quæ in paratâ executione consistat, non posse Rempublicam carere, Dictatura satis apud Romanos ostendit.

11. Judicium vero de ratione illâ necessitatis repentinæ ad Imperantes pertinet; ut tamen si quæ vis aut cædes, causâ non cognitâ, committatur, heic tamen cesset præsumptio, *quâ res judicata pro veritate habetur*; causam oportet esse liquidam & manifestam.

12. Denique, si quem Princeps more latronis invadat, is nec jure cæsus videtur. Quia nec in populari Imperio pars major eo modo quenquam sine injuriâ opprimere potest, *ut diximus pridem*.

13. Quid autem in ejusmodi casu liceat invasis, *infra* in loco communi differemus.

14. Non est etiam, ut putemus, Ordine cognitionis servato, manifestas oppressiones & injurias vim juris induere, sicut historia *Achabi* & *Nabothi* loquitur.

15. Porro ad jus vitæ necisque refertur constitutio locorum *asylorum*, quibus supplices contra vim privatam publicamque protegentur.

16. Cum enim eâ resistatur vigor judiciorum, palam est, excedere hoc institutum, potestatem Magistratum. At

quatenus justa sit eorum usurpatio, id *alibi* tractandum.

17. Altera pars juris gladii adversus vim externam comparata est. Diverfos enim populos inter se uti conditione status naturalis; Eumque recte dici *statum belli* haud gravate concessimus *Hobbesio*.

18. Quatenus contentiones facillime inter homines nullo judici subjectos oriuntur: Neque alio exitu, si convenire nequeant, quam decernente ferro, terminari possunt. Quod pertinet celebre dictum, *Ubi judicia desinunt, ibi incipere bella*.

19. Cum autem universæ Civitatis morum & discrimen hæc res contineat, clarum est, non posse id aliter quam ab eo *qui jus totius habet*, exerceri. Quod omnium populorum juriumque consensu maximo traditur.

20. Quatenus autem cum Magistratibus hæc potestas armorum communicari possit, *ut & reliqua jura bellorum, peculiari loco* trademus.

21. Heic enim simplici enumeratione juxta ac demonstratione, *enr ad summam potestatem quæque jura pertineant*, defungemur.

22. Proinde, cujus est bellum decernere, ejusdem est sine dubio, pactiones, quibus bellum finitur, id est, *Pacem* contrahere. In Democratia sine controversiâ id est majoris populi partis, alibi optimatum; Consequenter Regis in statu verè Monarchico.

23. Modo rex ille jus habeat non impeditum per ætatem aut amentiam, vel denique captivitatem. Non enim credibile est à populo Imperium ea lege delatum esse, ut etiam à non libero exercetur.

24. Eadem præsumptio est de exilio Regis; nisi voluntaria & plene libera sit absentia. Sed hæc limitationes cunctis juribus

juribus summæ potestatis videntur esse communes.

25. Paci adsimulantur *foedera*, quæ sunt reliquæ conventiones diversorum populorum principumve inter sese.

26. Nam cum obligatio, nisi in personam cadere nequeat, & civitates per eos qui potestatem summam habent, *personæ* fiant, manifestum est, jus *foederis* pangendi ad hanc classem, esse referendum.

27. Hinc oritur differentia inter *sponsiones* & *foedera*, quorum illæ sunt conventiones absque mandato initæ à ministris summæ potestatis, de rebus ad ipsam pertinentibus, qualis *Caudina pax* & *sponsio Lutatiana*, quas ideo populus ratas non habuit. Liv. l. 9. à pr. *Polyb. lib. 3. cap. 5.*

28. Hisce cohæret jus mittendi Legatos, quorum ministerio *foedera* contrahuntur; Quales cum hoc effectu, ut *ure Gentium sancti habeantur*, nullis uam qui vere habent Majestatem, mittere licet.

29. Nam in reliquos, qui mittuntur, iis qui subditi sunt aliis, leges civiles lent. Quia plus juris delegatis quam legantibus, qui leges accipiant, adhiberi non potest.

30. Atque hæc ad defensionem civitatis pertinent, quo etiam refertur jus *tributa* & *vestigalia* exigendi, quod liti inter minora Majestatis jura refertur.

31. Adcò perperam, ut nullum in ni Republ. pluris faciendum sit; Nec d manifestius *exterior* absolute potestatis habeatur.

32. Nullum quoque frenum populi eant esse adductius, nullum efficacius remedium, ad continendos in officio principes, quam si hoc jus saltem ex se sibi met reservent; Quando non is in Republ. quam in privatis fa-

miliis, *pecunia cuncta servire* compertum est.

33. Imperio alioqui civitatis simpliciter delato, nihil est cautæ, quare non hoc etiam jus libere translatum videatur in Optimates aut Principes.

34. Siquidem adeo necessarium ad tutelam civitatis instrumentum, nullo modo ab Imperantibus separari potest, nisi id expresse liqueat esse factum.

35. Non moramur, quòd prudentissimis visum est scriptoribus, nulli Principum in terris licere ab invito civibus exigere pecunias, dictum *Comminet*.

36. Habent hanc hypothesin, quod proprietas bonorum in Civilibus Imperiis relicta sit privatis; verum hoc non prohibet, quominus Imperantes singulis pecunias imperare possint.

37. Nam & Civitati aliquod dominium in bona civium tribuitur, quod privata quidem dominia non tollit, sed tamen eminet supra illa.

38. Unde à Grotio non absurde *Dominium eminens* vocatur; Cujus hæc vis est, ut ad Imperantes (verba Senecæ) potestas omnium, ad singulos proprietates pertineat. Seneca 7. de benefic. 4.

39. Idque merito in numero jurium Majestatis collocatur; Fundamentum habens in consensu eorum qui constituunt civitatem.

40. Quos omnes ita velle manifestum est, ut si contingat, Reipubl. utilitatem non posse custodiri, sine incommodo damnove privatorum, utilitas Publica privaræ præferatur.

41. Quod cum maximi sit momenti modumque ordinariæ potestatis transcendat, consentaneum est, à nemine quam ab eo; qui summum habet imperium, esse exercendum.

42. In quem singuli ex pacto cum singulis inito hoc jus transtulerunt, ut omnium atque singulorum rebus pro com-

muni bono, *in vitu etiam singulis*, uteretur.

43. Adeoque voluntatem Imperantium quisque sicut in aliis, ita hac in re pro sua voluntate reputare debet, *ut ex principiis dudum positis* recordamur.

44. Hinc est, quod injuria non fit civibus, quando res suas non modo vendere, sed & sine pretio illis quandoque cedere coguntur: Sic tamen ut Respublica cum primum poterit, ad restituendum teneatur.

45. Quia certum est, populos quam minimo singulorum damno illud eminens dominium fundare voluisse.

46. *Etiam hinc est, quod aliquando cives pro Republicâ certo exitio exponere liceat, cujus rei speciale principium sub fin. cap. 2. collocatum est.*

47. Denique, ex hac ratione defenduntur innumeræ leges, quæ duritiam & iniquitatem, *contra singulos, utilitate publicâ rependunt.*

48. Imo efficiunt, ne sit iniquum, quod seposito consensu ac foedere civium, foret iniquissimum. Nam quod ipse quilibet facere intelligitur, in eo factam sibi injuriam nemo queri potest.

49. Ita liquet responsio, quæ occurrendum sit illis, qui statuentibus aliquid licitum fieri ob utilitatem publicam, quod in se ac simplicitate naturæ iniquum est, obijciunt dictum Apostolicum, *non esse faciendam mala, ut inde eveniat bonum.* Volenti enim non fit injuria.

50. Cæterum, *Eminens* hoc, inquam, *Dominium* vocatur, quia non tollit, sed limitat ac gubernat dominia privatorum.

51. Alii potestatem extraordinariam dicunt, non tam male quam odiose, quia sub hoc titulo flagitia dominationis latere creduntur.

52. Denique, *Rationem Status* huc plerique trahunt. Sed hujus appellatio

patet latius; *Æque enim adversus externos ac in cives exercetur.*

53. Dominium autem eminens ad solos qui cuique Imperio subiecti sunt, spectat.

54. Fuerunt jura, quæ ad *tutelam Civitatis* pertinent, aut illuc referuntur. Sequuntur, quæ ad internam *administrationem* requiruntur.

55. Tale omnium primo *jus est Legum condendarum.* Quibus cum tota Reipubl. conformatio insit, palam est, à nullo, quam qui habet summam potestatem, eas posse proficisci.

56. Non igitur plebes olim Romæ, non Senatus, non Prætores, non Juri auctores Legum esse potuerunt.

57. Sed in libertate solus populus fuit *Καὶ πᾶσι τοῖς νόμοις supremus legis conditor*, ait Theoph. Postmodum Imperatores Cæsares.

58. Nisi quatenus summa potestas vim obligandi illis addere voluit, ut factum in plebiscitis lege Hortensia, in Senatus-Consultis à Principibus Romanis, quæ de *re dix. in lib. 1. Digress. cap. 2. & 3.*

59. *Municipia* quoque, id est, Civitates majori subiectæ imperio, nihil contra jus commune illius Imperii statuere possunt.

60. Nisi consensu summæ potestatis, ita, ut Ejus voluntate jus illud semper abrogari possit *l. 9. π. ad L. Rhod. l. 3. §. 5. π. de Sepulchr. viol.*

61. Sed jura Provinciarum, quæ superiore non agnoscunt, & quæ *municipalia* sæpius nuncupantur, vere tamen sunt Leges.

62. Sux porro, non alienæ Potestatis Lege quemque teneri res ipsa loquitur.

63. Unde Jus Romanum hodie nullos obligat; Nisi quatenus à liberis Europæ populis libere receptum est.

64. Cujus rei auspiciu Lotharii Cæsaris

faris memoriae adeo non exprobramus cum *Lipso*, ut nihil salubrius, si haecenus subsistisset posteritas, ullius principis extet factum. Sed hæc aliò spectant.

65. Legislatoria potestas jus quoque Leges interpretandi & mutandi continet, nisi sint fundamentales. *Æquitas* etiam illa, quæ est *mitigatio juris scripti legum sanctionibus contraria*, solus est Majestatis, quia vim continet mutandi *l. 1. l. ult. C. de Legib.*

66. Sic etiam jus dandi privilegia, tam singulis personarum, quam certis hominum ordinibus, ut mulieribus, minoribus, fisco &c. non est diversæ facultatis à Legislatoriâ.

67. Res etiam loquitur, Summam Potestatem sibi ipsi non ferre legem, non totum Populum in Democritiâ, quâ Torum, nec eos qui jus populi integrum aut simpliciter delatum, ut aliàs dictum, habent. *l. per. v. de Recept. qui arb.*

68. Legis enim virtutes sunt, *Imperare, vetare, punire*, quas nemo in se ipsum habet. Nec ideo quæ Leges v. gr. patrimoniorum successiones regunt, ad Summæ Potestatis successionem pertinent, ut de Jure *Devolutionis* in Brabantia vicinisque regionibus, adversus Gallicas *pretensiones* *Stokmannus* aliique demonstrarunt.

69. Legum Ministri sunt *Magistratus*, ut Cicero dixit, etsi vulgus, Reges vocet *Magistratus* summos, contra *Latina vocis usum*, ait rectè *Grotius de jur. S. P. circa sacra c. 1.* nam Romanis, pergit, *Magistratus*, minorum Potestatum nomen est. Per hoc autem cum universus & republ. ordo exerceatur, non possunt aliunde *Magistratus*, quam à summa potestate proficisci.

70. Unde sequitur, adversus eum qui habet summam potestatem, nibilo plus juris habere *Magistratus*, quam infimum

quemque civium; Quemadmodum dispensator aut ordinarius in Familiis privatis æquæ sunt servi quam *mediastini* aut *vicarii*.

71. Proinde eos, Qui Regem exorbitantem non à quibusvis è plebe, sed à præcipuis Magistratibus in ordinem redigi posse arbitrantur, errare necessum est.

72. Id enim à nullo potest fieri, quam ab eo, cui jure fundamentali id liquet esse commissum, ut *precedenti capite probatum est*.

73. Cujus est creare Magistratus, ejusdem est, abrogare & revocare, multo magis limitare & circumscribere eorum potestatem; quâ de re cum cæteris ad *Magistratus & Leges* pertinentibus in *lib. 111. adhuc erit agendi locus*.

74. *Judicia* pertinent quidem maxime ad jus privatum. Sed constitutio & ordinatio illorum sine dubio est juris publici ac Majestatis.

75. Imò hac causa Principes maximè ab antiquissimis populis constitutos fuisse accepimus, qua de re vid. *Plutarch. in Demetr. ubi de facto Demetrii libellos supplices in profluentem projicientis*.

76. Etsi vero pleraque judicia per judices ut ministros summæ potestatis expediantur, *Summa* tamen *Provocatio* salva semper est ad illam; Sive appellandi, seu *Supplicationis* vel *Revisionis* aliòve titulo.

77. Item, jus avocandi certas causas ad cognitionem Principis; quo quidem rarius utuntur boni Principes, separari tamen penitus à summâ potestate nequit.

78. Denique, jus *Comitia* indicendi solvendique est in Monarchia jus Majestatis.

79. Nam in Regno, ubi comitiorum facultas aliter quam jussu Principis exercetur, ibi certum est, Imperantis potestatem non esse absolutam.

80. In;

80. In plurium Imperio jus Comitatus indicendi Summæ Potestatis esse nequit; Quoniam ibi in Comitibus ipsa potestas summa residet.

81. Ideoque nihil ibi quam ministerium

est; etsi per artes politicas fiat aliquando Magisterium; At de his non agimus.

82. Quæ plura de hisce juribus eorumque æconomia dicenda sunt, ad partem Operum ultimam reservantur.

C A P. VII.

De Juribus Majestatis minoribus.

Divisio jurium majestatis minorum, quod vel utilitatem vel dignitatem spectent. & quæ ad hanc pertinent, rursus subdividuntur, quod vel in publicis collationibus, vel in privatis dispositionibus consistant. Prioris generis esse jus creandi magistratus inferiores, nobiles, equites, etiam comites, principes ac duces; ratione redditâ, cur eorum creatio ad majora non pertineat. Item creandi Doctores, comites palatinos & notarios, concedendi nundinas & ferias. Dispensationis privatæ sunt, jus legitimandi liberos, famam restituendi, veniam ætatis largiendi, solennia Legum remittendi, debitoribus inducias dandi, onus fideicommissi bonis auferendi, res minorum sine decreto alienandi &c. Quæ ad utilitatem spectant, hæc sunt; Jus monetæ cudendæ, confiscandi bona damnatorum & mulctandi, successiones conferendi indignis, bona vacantia occupandi, item res derelictas, velut thesauros; haud tamen jure, bona naufragorum; sed & jus venandi, constituendi gabellas, portuaria, ripatica, angarias, parangarias, armandias & repressalias &c.

Minora Majestatis jura sunt, quæ ad functiones Reipubl. inferiores levioresque referuntur, nec tamen Magistratibus committi solent.

2. Hæc ita dispertimur, ut vel ad potestatem, vel ad utilitatem Imperantium spectent.

3. Quæ prioris sunt generis, ea vel in conferendis honoribus juribusque publicis, aut in privatis dispositionibus consistunt.

4. Ad primam classem referamus primo, jus creandi Magistratus minores, qui per oppida & agros juri dicundo præstant.

5. Jus creandi Patricios, Nobiles Equitesque. Ut nobilium ordini Duces quoque, Principes, Comites, Barones aliosque Germanicæ originis titulos accenseamus.

6. Quos quidem creandi jus mirabatur non nemo, ad minora Majestatis à nobis referri.

6. Sed ratio constat, quod ad Imperii explicationem hæc res directè non pertineat. Verum hoc sine illis tam summum quam integrum facile esse queat.

8. Si quis tamen ita faciendum putet, ut jus conferendi illustres nobilitatis gradus ad majora, ceteros ad minora Majestatis

jestatis jura referendum putet, nihil est quod refragemur.

9. Largiri facultatem docendi Artes studiorum publicèque exercendi, id ubique etiam Summæ Potestatis habetur.

10. Adeo, ut Doctores auctoritate eorum, qui superiorem agnoscunt, creati jure & ornamentis huic ordini debitis minime fruantur.

11. Ita necesse non videtur, jus concedendi Academijs huic numero adiacere. Quando in iis vix quicquam Majestatis proprium, præter istud jus conferendi honores studiorum, cum effectu tam latè diffuso, reperitur.

12. Tamen ita fieri solet, ut Academijs sive Universitatibus studiorum constituere, jurebus Majestatis adscribatur, nec satis est causæ, quare ab hoc more loquendi recedamus.

13. Præterea homines constituere, qui Legitimare natos contra præcepta legum, & creare Tabelliones aliaque jussu summæ potestatis facere possint, quales in Germania *Palatini* Comites dicuntur, id haud dubiè Majestatis est.

14. Nec ideo tamen minus ipsum jus ordinandi scribas, quorum fide instrumenta pro publicis à populo judicibusque habeantur, (*Notarios* vocant) ad potestatem summam referri debet.

15. Solent quidem hæc modica jura plerumque per inferiores potestates exerceri, sed origo juris & modus exercendi separatas habent rationes, ut cap. seq. videbimus.

16. Denique & ad hunc ordinem pertinet jus constituendi celebriores mercatus, quos *Nundinas* vocamus.

17. Cum enim privilegii vis non uno sensu in illis contineatur, patet, ad summam quoque potestatem id esse referendum.

18. Sed minores peculiariæque nundinas nihil vetat à Magistratibus ordinari.

19. At in his tunc ea, quæ Nundinis alioqui tribuuntur, velut immunitas ab executione judiciali similiæque obtinere non possunt: Quia sistere aut impedire vigorem juris publici est supra Magistratum.

20. Ex eadem ratione constat, jus indicendi *Ferias*, quibus judicia intermittantur, esse Majestatis.

21. Sequuntur ea, quorum effectus in dispositionibus atque dispensationibus inter privatos locum habentibus consistit.

22. Etenim sæpe fit, ut ordo legum ob circumstantias æquitatis haud ita præcisè custodiri possit: Quod tamen Magistratus, qui sunt ministri Legum, facere debent.

23. Proinde iis, qui extra matrimonium sunt nati, jus dare Legitimorum, id cum excedat manifestos ordinariæ jurisdictionis terminos, pertinet ad Majestatem.

24. Sive id per rescriptum identidem fiat, seu lex à Principe lata modum, quo id immèdiatè peragatur, præscribat, cujusmodi modos Græci Imperatores, Subsequens matrimonium & Curia oblationem tradiderunt l. 3. 4. & l. 9. C. de Natur. lib.

25. Similiter jus restituendi natalibus, aureosve donandi annulos, quibus libertini homines fiebant ingenui, priscis Romanis pro jure Majestatis habetur.

26. Eos qui infamia sunt notati, causis non redditis, integræ existimationi restituere, id etiam Principis opus est.

27. Nam Magistratus & Judices non nisi per in integrum restitutionem, certas ob causas, id facere possunt.

28. Præterea adolescentes potestati curatorum subtrahere, *veniaque aetatis* data, rebus suis antetempus lege constitutum præficere, hoc est supra ministerium legum, adeoque Majestatis l. 3. in

M

pr. π. de

pr. r. de Minor. t. t. C. de Huqui ven. et. impetr.

29. Eodem pertinet, concedere alicui, ut sine solennibus, quatenus testandi jus non habeat, *Testamentum* celebret, quod utique Legum ministri permittere non possunt.

30. Sed concedere, ut testamentum absque solennibus conditum vim & effectum habeat, id ne Princeps quidem potest.

31. Quia sic heredibus ab intestato jus suum imperfecto testamento stabilium interverteret, quod extra usum Domini eminentis jure facere non potest.

32. Sufflaminare & differre jura hominum quodminus aliquando possit, etiam contra ordinem legum; nihil impedimento est.

33. Huc pertinet potestas debitoribus inducias dandi moratorias, quinquenales, aut non multo longiores, aliasve dilatorias exceptiones, non peremptorias, nec quicquam aliud quo vires principalis negotii exhauriantur, ut sapienter rescripsit Imp. Constantinus in *l. 2. C. de Presib. Imp. off.*

34. Item judicis sui jurisdictioni aliquem eximere, judicetque dare *extraordinarios*; id manifeste summi Imperii est.

34. Quemadmodum & bona fidei commissio subjecta hoc onere liberare; quia commodum posteritati hac ratione subtrahitur; nemo alius quam qui habeat summam potestatem supraque leges sit evectus, facere potest.

35. Sed an licet hoc omnino Summæ Potestati? Si verum est, ut modo diximus, Eam non posse cuiquam jus auferre suum? Jus questitum certè non potest; jus futurum, maxime eorum, qui necdum sunt nati, potest aliquando præcidere graves ob causas, quales in

fideicommissis, maxime dividuis, sæpè se produnt. *Vide Grot. l. 2. c. 4. §. 10.*

36. Denique, res immobiles pupillorum atque minorum permittere alienari, citra causam necessitatis, *posito quod hoc Lex prohibuit sit*, est etiam Majestatis.

37. Poterant plura recenseri ex Romanis & aliarum gentium institutis; Sed reliqua ex hisce dijudicari possunt.

38. Superest, ut ea quæ ad utilitatem Imperantium pertinent, breviter videamus. Inter quæ primo loco jus *monetæ eudendæ* meritò refertur.

39. Quæ in re quando commercii omnique civitatis ratio summa vertitur, palam est, id nulli quam Summæ Potestati, vel cui illa hoc commiserit, licere oportere.

40. Jus publicandi *bona damnatorum* eaque in *fiscum* vel ærarium condendi sine dubio est Majestatis. Quia nec *fiscum* habere dicitur, quam qui universæ Civitati præest, ideoque municipiis negatur. *l. 10. r. Ad Municipal.*

41. Idem est de multis poenarumque compendiis, tametsi hæc non raro Magistratibus minoribus applicentur. Sed lucra successionum, quæ ut indignis auferuntur, in solum *fiscum* rediguntur, tam jure Romano quam moribus Gentium.

42. Præterea pleræque nationes suis Principibus ea quæ Nullius erant privati, concesserunt.

43. Quæ cum jure Naturæ occupantium fieri deberent, vi Legis, id est, communi consensu, adeoque justè, Dominio singulorum subducta fuerunt.

44. Talia sunt bona vacantia, quæ dicuntur, eorum qui sine herede decesserunt.

45. Agri inculti aut deserti, omniaque proderelictis habita, inter quæ thesauri pro parte vel toti,

46. De-

46. Denique, feræ bestiæ, volucres, pisces omnique animalia quæ cælo, quæ mari atque terrâ continentur.

47. Quanquam alii jus illorum ad Majestatem referri nolunt; nos contra putamus.

48. Hæc enim communia omnium esse desinere non possunt, nisi omnes & singuli de jure tuo in gratiam unius vel paucorum decedant.

49. Atqui omnes cives nunquam suum jus pariter, nisi in eum qui toti præest civitati, transferunt. *Grot. lib. 2. cap. 8. §. 4.*

50. Secundum hæc ad Principem pertinent argenti & auri venæ, terræ visceribus reconditæ, quæ etiam sua natura Nullius in Dominio sunt, nec non redditus salinarum.

51. Denique, per Europam ita frequenter obtinet, ut bona naufragorum ejecta ad littora, cujusque Principis fisco tota vel pro parte acquirantur.

52. Sed non quicquid seculum vocatur, id juris esse dicendum est; Quod enim jus habet Fiscus in aliena calamitate, ut de retam luctuosa compendium ceteris? *l. 1. C. de Naufrag.*

53. Nequidem eminens vis legis, de qua satis alioqui constat, huc potest applicari, sicut alia non pauca adversus singulos iniqua, publicæ utilitatis respectu hoc clypeo defenduntur.

54. Constat enim pleraque naufragia teros affligere, in quos illa vis legis aut omnium eminentis non habet locum.

55. Quare cum populus totus, vel quam privatus nullum jus habeat, res naufragas in suum agrum delatas aut à seertas diripiendi;

56. Sequitur, neque per Legem, quæ civium consensu & jure eorum transit, tale jus populo vel principi rectè tribui.

7. Partem tamen rerum aut certam

quasi præstationem vectigalis pro defensione & auxilio, quod Potestatis loci, Dominis rerum impertitur, exigi, id ut sit, à jure & æquitate non abhorret.

58. Amplius, adversus eas gentes, quæ jus fisci contra naufragos avare exercent, fas esse eodem jure uti, dicat regula juris Gentium, *Quod quisque juris in alterum statuerit, ut ipse eodem jure utatur.*

59. Denique, ad hanc classem jurium Majestatis referuntur etiam modica vectigalia.

60. Qualia à Feudorum interpretibus teloneæ seu *gabellæ*, portoria vel *portuaria* & *ripatica* dicuntur.

61. Sed viæ publicæ, quas & *Regias* vocant, *portus*, *flumina* publica, non tantum huc spectant, quod attinet ad vectigalia, quæ ibi colliguntur, sed etiam, quia protectione supremoque dominio ad Principem pertinent.

62. Memorant illi & *Angarias* & *Parangarias*, quæ videntur fuisse onera præstandi currus & jumenta ad publicos cursus veteribus usitatos, hodie *jus postarum* dixeris; quod tamen non, ut olim, provincialibus imponitur.

63. Ab his distinguuntur plaustrorum naviumque præstationes; ad transvehendos milites, arma, sarcinas, impedimenta exercituum aliaque onera portanda.

64. Hæc & si qua sunt alia, fere sunt quæ Regalia appellantur, in constitutione *Friderici de Regalibus*. 2. F. 56.

65. Tamen & *Armandiæ*, & jus muniendi, & *jus Repressaliarum* ad hunc ordinem referri possunt.

66. Quippe neminem armamentaria, quomodo *Armandiæ* interpretantur, neminem arces munitas; nisi Summa Potestas, aut cui specialiter ab illa permissum fuerit, habere posse, ratio Imperii manifestò dicitur.

M 2

67. De

67. De *Repressaliis* multo magis; Nam concedere civi, ut alterius Imperii quemlibet civem, eo quod ipse id antea passus est. depraedari queat, hoc quidem proxime ad bellum accedit, ut *alibi plenus.*

68. Enumeratione atque probatione,

quot & quæ singula sunt jura Majestatis, quatenus huic instituto opus est, defuncti videmur.

69. Inquirendum est, an & quatenus hæc jura ab Imperantibus alienari vel quando communicari possint, aut alienata vel communicata præsumantur.

C A P. VIII.

De alienatione & exercitio jurium Majestatis.

Majora Majestatis jura non posse transferri inrevocabiliter & independenter, salvo Imperio; sed in quos hæc jura ita transferuntur, eos hæcenus summam habere potestatem. Ne quidem exercitium juris ullius majoris in totum posse conferri, sed Imperantes id quod est ultimum retinere semper. Quatenus belli jus transferri soleat aut non, item pacis & Legum & creandi Magistratus & res judicandi. Minora majestatis jura facilius tota transferri. Quid juris habeat is, cui generaliter vices Summæ Potestatis sunt delegatæ.

Quod Jura Majestatis vulgò dicuntur *incommunicabilia*, recto sensu capiendum; scilicet, quod communicari nequeant cum his qui imperio subditi sunt, ac uti salva & integra maneat *summa potestas* in eo, qui jura quædam cum aliis communicat; Nam qui locum accipit, is hæcenus verè *summus* esse definit.

1. Multò fortius illo respectu dicendum, quod in totum jura Majestatis alienari nequeant: Tametsi exercitium aliis committi possit.

3. Nam quod de Deo Tertullianus, *Imperium summæ dominationis penes unum, officia ejus penes multos esse*, suo modo non male ad Supremos populorum Rectores transtuleris. *Apolog. c. 24.*

4. Quod igitur jura Majestatis alienari, cum aliis communicari non posse diximus, eo non pertinet, ut Regem vel Optimates, alios in partem Imperii accipere posse negemus: Sed quod Rex & Summa Potestas, quæ talis manens, illa

jura cum aliis communicare vel alienare non posse intelligatur.

5. Proinde, quando Magistratibus, Curis, Præfectis jura quædam Majestatis demandantur, cum eorum respectu maneat Summa Potestas, ipsa jura non transferuntur, sed exercitium duntaxat, idque sibi semper obnoxium committit aliis Principes.

6. Quare si quem Præfectum, Legatum aut Locum, ut *ajunt*, Tenentem constituat Summa Potestas, cui det jura quædam Majestatis, ea semper ut ministeria, *dependent* ab ipso, qui habet Summam Potestatem, concedere intelligitur.

7. Et si in conferendis juribus illis dictum sit, ea *privative* concedi, conferri, dari: Id enim cum respectu ad alios magistratus aut collegia, non ad excludendum Ipsum, qui habet *Majestatem*, indubitato capiendum.

8. Hic semper exercitium ejusmodi jurium.

lorum Magistratibus injunctorum moderabitur, rectèque an locus exerceatur, judicare potest & debet.

§. 9. Sed duas Potestates Summas in unâ
Divinitate constituere, quod fit, si ullum jus
de jectatis independenter ab aliquo præ-
fecto vel collegio exerceatur, tam est ab-
sonum, ut ad hoc absurdum evitandum
apienda sit ejusmodi, quam verba ferre
deant, non viciosa interpretatio.

10. Quinetiam in iplo exercitio Prædictis aut Magistratibus deferendo, discrimen majorum minorumque jurium, rectè discernas, animadverri potest.

11. Nam majora ne quidem exercitio
nus in totum aliis committi solent;
in semper quod est ultimum in illis
so usu sibi reseruet Princeps, aut qui-
nquo habet Majestatem.

12. Non inficiamur equidem, posse
iam in totum transferri exercitium ali-
jus à maximis juribus; verum semper
vocabiliter & *dependent*, ut ita lo-
quamur.

13. Quod ira rursus comparatione
uminiſ, ſalvâ religione, illuſtratur ver-
ſ Hieronymi. Deum ſolum, ait, natura-
er eſſe & immortalẽ & verum; ceteros
angelos homineſque immortalitatem &
riſatem ex illius largitione conſequi; cum
ad ſit, verum eſſe & habere quid per-
net, aliud in poteſtate donantiſ eſſe quod
beaſ. in epiſt. ad Tit. in pr.

14. Arque hujus dependentie hic est
effectus, quod Summa Potestas, ex
erium illud, quoties lubet, revocare
potest.

15. Nam, ut dictum, si quid independens à Summa Potestate in eadem Re-
ol. existeret, hæc esset altera Potest. s;
a Summum & independens non dif-
unt. Id autem est ex iis, quæ in unâ
itate fieri non possunt. Nam ea est
mi conditio, ut nihil illud adequet,
tulliani dictum.

16. Neque vis Imperii in obligatione
& coactione consistens, ubi plures sum-
mi forent, explicari posset; Nam ut
Chrysostomus, *το κράτος πολέμου ἐστίν. Ἐ-
ξ ὁμοιοῦτος πugnare facit. Regnum in se di-
visum dissipabitur.*

17. Proinde, qui magna illa jura sic exercitio tota habent, ut revocari nequeant, illi magis proprietatem & jus summum habere intelliguntur.

18. Quia competit illis definitio sum-
mae potestatis, quod acta illorum infirma-
ri nequeant; quod diversam supponit
Rempubl.

19. Tales sunt, quibus in feudum
jura majora conceduntur. Nam & va-
sallus rectè tribui summam potestatem
ante hac probavimus.

20. Exemplum non modò præbet
Rex Neapolitanus, quia Pontifice jura
Majestatis accipit, sed & Principes, ut
videtur, Imperii Germanici.

21. Qui quatenus irrevocabiliter & inretractabiliter jura Majestatis obtinent, summâ potestate non immeritò præditi esse dicuntur.

23. Non obstante, quod Imperato-
rem, Dominum suum clementissimum,
se verò Sacri Imperii Fideles appellant.

23. Scilicet ratione feudi, atque ita ut omnino integram eos non habere Majestatem concedamus: Quæ aliquo modo ex his quæ *suprà* de foedere *sect.* 3. c. 2. diximus, judicari possunt.

24. *Aestimari quoque ex his potest, illius vulgati axiomatis valor, quod tantum Dux, Marchio, Comes, vel Civitas in suo principatu vel territorio possit, quantum Imperator in suo Imperio.*

25. Nam in his juribus, quæ singuli Principes sine retractatione usurpant, nullam habent concurrentem potestatem.

26. Nec eorum respectu, in quibus
Imperatori & Imperio sunt obnoxii,
M 3 sed

sed in his est subordinatio, non concurrentis potestatis.

27. Si qua concurrentia dentur Imperia, quibus duo vel plures in una ditione pro indiviso impent, quos vocant *condominos*, ea est species *maxime* *privata*, quæ à nobis suo loco explicabitur.

28. Atque hæc nonnisi de Imperiis quæ separatam habent constitutionem, non in eisdem civitatibus, intelligenda.

29. Cæterum, in simplicibus, quæ unum corpus animamque representant, civitatibus, nullum ex Majestatis juribus, quæ majora dicuntur, nec quidem ex reliquis, vim Imperii explicantibus, in totum aliis concedi potest; Nisi revocabiliter, inquam, & sub lege reddendi rationes.

30. Nec quidem ita, ut exercitium aliis competat *argumentum*, hoc est, *independenter*, quia semper summa potestas *argumentum*, id quod est ultimum & excellentissimum in illis, sibi reservat; rationique repugnat, ut Magistratus, qui nihil est aliud quam minister summæ potestatis, ullius juris sibi commissi vel proprietatem vel exercitium habeat *independenter*.

31. Ita Magistratibus Curiiisque merum Imperium, sive potestas gladii, ad animadvertendum in facinorosos permitti potest ac solet.

32. At semper potestas summa, si velit, habet jus advocandi causas vel ignoscendi damnatis, adeoque retinet jus vitæ & necis, quod transferre, salva quidem seipsâ, hoc est, Summâ Potestate illâsâ, non potest.

33. Idque perinde in plurius ac unius Imperio, locum habere certum est. Et si in illis, ubi plus Leges valent, rarius usurpetur.

34. Quod si Rex verè amiserit eam potestatem architectonicam, ut sane fie-

ri potest, intelligitur, eum hos, quibus ita tenetur, in partem Imperii accepisse, quemadmodum in Angliâ Rex in quibusdam causis ignoscendi & dispensandi jus non habere creditur, & hætenus societatem Imperii cum Parlamento habere videtur.

35. Noli tamen credere, quod ubique Summa Potestas certum ordinem petendi remissiones & dispensationes præscribit, huic immutabiliter adstrictus sit, ut, si velit, aliter statuere nec possit.

36. Nam in dubio talis prudentiæ & ordinis causâ, non ad minuendum jus suum à Summis Potestatibus constituuntur; quemadmodum Imperatores Romani varia id genus instituta in Corpore Juris sanciverunt, de quibus in *tit. C. de Mandat. Princ. de Precibus Imp. off. in l. un. C. Quand. int. pup. l. 3. C. de Legib. & passim*.

37. Belli jus in externos raro ulla ex parte Magistratibus committitur; Nisi res moram consulendi Summam Potestatem non patiatur, & periculum evidens subitis armis occupari possit, ut fecit *L. Pinarius Ennæ* in Sicilia, apud *Livyum lib. 24. cap. 37.*

38. Quandoque tamen in Imperio latè patente Potestates inferiores possunt habere jus inchoandi bellum atque gerendi, nomine scilicet ejus, qui summam habet potestatem, cui rationem ipsi rerum gestarum reddere debent; hujusmodi jus datum est Gubernatoribus *Indiarum* à Regibus Hispaniæ & Lusitanorum.

39. Nostræ etiam Societates Indicæ ab Ordinibus Belgarum hanc potestatem acceperunt, non tanquam Magistratus, sed ut Rectores Imperii subordinari, quale sub alio sole cœloque possident.

40. Alioqui, si Princeps negligere malit injurias Reipubl. aut privatis factas,

Quas, nemini licet eas armis ulcisci, nec adversus externos nec contra cives.

41. Ergo nec Repressalæ, ab iis qui passi sunt injuriam licet gravissimam, injussu Summæ Potestatis exerceri debent, siquidem hæ non modo præludia belli, sed & ipsæ, bella esse videntur.

42. Hinc Cicero, qui in *Philippicis* *Brutos Cassiumque*, non expectato populi mandato, arma in *Antonios ac Dolabellam* capientes tam magnifice defendit, causæ potius servire, quam jure disputare censendus est, ut quidem *Grozius* existimat; vix enim est, ut præsumptioni voluntatis in tam gravi causâ locus esse videatur. Quanquam rati habitione, quod minus jure fuit inchoatum, sine dubio convalescere potest.

43. Atqui *Ciceronem* ita ego ex audio, tam fidenter libertatis adsertores apud Senatum Populumque defendentem, ut eorum rati habitionem, in rebus optimo publico institutis impetraret.

44. Nec scio, an reprehendendus sit idem *Tullius*, ad vindices libertatis scribens, non esse quod expectarent Senatus auctoritatem Populique jussum, qui nec in tanta rerum confusione ac impunitate gladiatorum haberi, nec è tantis marium terrarumque distantibus spatii expectari posset, *lib. x. epist. 16. ad Plancum lib. xi. epist. 7. ad Brut. lib. 12. ep. 7. ad Cassium*, ubi non dissimulat, Senatum Populumque in eadem fuisse sententiâ.

45. Porro, jus foedera pacemque ineundi, & tributa exigendi, dominiique eminentis, nec non Leges ferendi, creandique Magistratus majores, cum subordinatis potestatibus nunquam per omnia communicantur.

46. Hinc civitates municipales statuta quidem faciunt, Leges verò nequaquam ab his & ab omnibus qui summa potestate destituuntur, condi possunt, ut *alio loco videbimus*.

47. A talibus etiam Magistratus minores facile, non perinde majores constitui solent: Aut si fiat, ea potestas semper revocabilis est.

48. Quam autem stulte & periculose Summa Potestas hoc jus totum vel majori ex parte mandat aliis, ad politicos pertinet ut commonefaciant.

49. Hoc verò & ad Jurisconsultos, quod pauci potentiores in plurimum Imperio factionibus mutuis officia Magistratum & Imperia partientes, æquè in Majestatem, quam si id faciant in principatu, delinquere possint; utique si privata conspiratione tali modo inter se coeant; Nam si ex Imperantibus sint qui sic agere atque pacisci instituunt, oligarchica duntaxat industria vocatur.

50. Nisi in longius tempus quam delatum ipsis est Imperium, coeant. Hactenus enim & privati sunt & tanto minus illa parte juris habent, quanto iis, quorum est primævum jus imperii, plus à præsentis potentis præjudicii metuitur.

51. Præter quod nullum enormius in fundamenta civitatis commissum extat, quam actus summæ potentis ultra tempus dati Imperii producere.

52. Quid de facultate res judicandi statuemus? Hæc facilius videri posset in Magistratus Curiasque sæpe tota transferri.

53. Sed tenendum, quod potestas creandi iudices supremos semper manet penes Summam Potestatem; Nec usquam fit, ut Princeps omnino se exuat potestate res judicandas avocandi; Magistratus vel iudices nunquam debent esse *avidi*, ut loquitur *Mæcenas orat. ad Aug. apud Dion. lib. 53*.

54. Proinde, quando Summa Potestas civilem criminalemque jurisdictionem, declarat, se omnimodo in alium transferre, non est hoc ita capiendum, quasi privatio ad ipsum Principem referatur,

ratur, sed ad alios præter eum, qui summam potestatem habet *adherens, ut superius dictum.*

55. Quod autem attinet ad minora Majestatis jura, quominus pleraque eorum inrevocabiliter, aut in perpetuum cum inferioribus potestatibus communicentur, ratio juris non obstat; Unde & in feudum concedi possunt illis, qui vere manent subditi.

56. Sunt tamen ex illis, quæ difficulter aut nullo modo communicantur. Qualia quæ majoribus cohererent aut affinia sunt, ut de *Repressaliis* dictum. & de his quæ ad judiciorum ordinem mutandum pertinent.

57. Jus quoque majora *nobilitatis* insignia largiendi, nec non *fiscum* habendi, quæque similia, sunt hujus Naturæ.

58. Sed aliquid ad fiscum pertinens facilius in totum alienari potest.

59. Quæritur dignum & hujus loci est, si Princeps aut Summam Potestatem habens Legatum sive *Vicarium*, aut plures constituat toto Imperio vel certis locis, neque diserte nominatimve dixerit, *quænam ejus potestas futura sit*; vel exprimatur nonnulla; sed species generali clausula obsignet, quod frequenter usu venit; quænam facultas ejusmodi mandato contineatur.

60. Potest haud dubie talis *Vicarius* facere quicquid expresse mandatis est comprehensum, quod jam dictum neque dictu opus est.

61. Potest atque debet exequi omnia decreta Summæ potestatis, quæ hac sine ad eum mitti solent.

62. Disponere de omnibus, quæ in administratione Reipubl. secundum ordinem Lege constitutum adiduo occurrunt; Quæ gratiâ id genus *Vicarii* potissimum constituuntur.

63. Eiusdem est, distribuere functiones Reipubl. ordinarias & inferiores; majores ipsa Potestas Summa sibi reservat, *ut dictum supra.*

64. Porro officium ejus est compellere omnes, ut Legibus ordinique antea constituto districtè pareant.

65. Sed in his, quæ excedunt modum quotidianæ administrationis, nihil novi à vicariis sine speciali mandato vel magnâ necessitate constitui potest.

66. Ne quidem exercere potest ullum ex ejusmodi juribus *Majestatis*, quæ non in continuatione exercitii, sed actu singulari consistunt, Velut est remittere delinquentibus poenam, evocare causas à judicibus ordinariis.

67. Nisi id ei datum fuerit specialiter, aut coherereat ordinario alicujus juris, quod ei sine dubio competat, exercitio.

68. Vicarius enim nihil est quam Magistratus, Et Magistratus est Minister summæ potestatis ac Legis, *ut sæpius dictum.*

69. Atqui continuare functiones jurium Majestatis, quæ in ordinario exercitio veruntur, hoc est, Ministerium.

70. Sed actus extraordinarios summæ Imperii motu proprio instituere, hoc est *subregnum* & *Magisterium*. Exemplis abstinemus, inter explicandum daturi.

C A P. IX.

De præscriptione jurium Majestatis.

Status controversiæ, an diversi ordines ejusdem civitatis contra se invicem jura majestatis per præscriptionem acquirere possint. Quod affirm. modò præscribens id faciat proprio nomine animoque sibi habendi. Hinc nullos magistratus aut judices contra Principem præscribere posse; hoc tamen effectu posse, ut subditi parere debeant, donec à Principe secus præcipiatur. Sed Principem, cui jura Majestatis non omnia data sunt, posse ea, quæ defunt, acquirere per præscriptionem; populum quoque aut optimates jura eodem modo Principi subducere & sibi met acquirere posse. Utrumque rationibus probatur.

Vidimus, ut summa jura in totum vel exercitio tenus transferantur. Sed modus alienandi unus, *Præscriptio* superest.

2. De qua primò omnium quæritur, habeatne locum respectu Summæ potestatis; An, inquam, ex solo usu longi aut longissimi temporis, jura Summæ Potestatis acquiri possint.

3. Eam quæstionem nos hic non tantum, de Principibus aut Populis diversis, sed etiam de ordinibus ejusdem populi diversis; etiam, & maxime de Imperantibus atque subjectis intelligimus.

4. Leges civiles de *Usucapionibus & Præscriptionibus* heic non habent locum, ne quidem in eodem Imperio, quatenus utique à jure Gentium discrepant; non obstit. ita quod habet Sieglerus ad Grot. 2. 4.

5. Nam si usquam verum, Majestatem Legibus esse solutam, id sine dubio in iis, quæ Summam Potestatem quætalem spectant, obtinere oportet.

6. Ratio juris Gentium heic sola valet, Secundum quam putamus, etiam in summi juribus Imperii locum esse præscriptioni, adeoque secundum jus Gentium ea quæ de jure Civili forte proferemus,

intellecta volumus; Præeunte Grotio lib. 2. de J. B. & P. c. 4.

7. Semper autem adesse debet requisitum præscriptionis fundamentale, ut usu ac quasi possessio illorum jurium nomine proprio animoque sibi habendi ab eo, qui in præscriptione se fundat, habita & exercita fuerit, secundum id, quod Imp. Valens & Valentinianus convenienter juri Gentium rescripserunt in l. 2. C. de Præscript. 30. vel 40. ann.

8. Alioqui nunquam initium habere potuit; quippe, cum Usucapio dominium sine animo domini per rerum naturam adiacere non possit, ut est notissima quoque doctrina Jurisconsultorum, in omni acquisitione domini animus domini adesse oportere.

9. Quare nulli Magistratus, seu singuli seu collegia Magistratuum vel judicum, quætales, quicquam juris hoc titulo adversus Summam potestatem adserere sibi possunt. Quia clarum est, illos nihil agere quam nomine jussuque Potestatis Supremæ, atque ut ejus Ministros.

10. Unde nihilo magis contra Principem præscribere possunt, quam hi, quorum ministerio in retinendâ possessione privatim utimur; ut coloni & inquilini

quilini adversus quemque nostrum, id est, dominos suos usucapere nequeunt, etsi per centum annos ipsi ac antecessores eorum fundos ut coloni habuerint.

11. Proinde, si quid tempore, *quantumvis immemoriali*, à Potestatibus inferioribus usurpatum fuerit, hoc semper ab eo, qui summum habet imperium, absque injuria tolli potest.

12. Quod tamen non impedit, quominus contra *multitudinem subjectam* jus illud præscriptionis, quod Magistratus longo usu acquisiverunt, vim suam obtineat, etsi nihilejusmodi à Summâ potestate habeant in mandatis.

13. Ita, ut Magistratus & judices quod illo titulo decernunt & exequuntur, hoc jure facere censeantur.

14. Tu dices: Quare heic iterum non obstat ratio *superius* exposita, quod Magistratus nihil suo juri per præscriptionem addere possunt, eò quod *ut ministri*, non suo nomine agant; Responsio est, hunc qualitatis defectum impedire, ne quid adversus Summam Potestatem, *cujus ministri sunt*, usucapere possint, non etiam obitare adversus inferiores, quorum utique ministri non sunt.

15. His nihil relinquitur quam præsumptio, quod augmentum illud potestatis usurpatum à magistratibus non aliter ab iis exerceatur, quàm ex *tacitâ summi Principis voluntate* consentuque; siquidem illo vidente vel sciente, Magistratus jurisdictionem suam exercent.

16. Ita se res habet respectu Magistratum; Quæstio est, an Rex, cui Imperium non totum *populus detulit*, *usu temporis integrum Imperium acquirere possit*.

17. Vicissim, an *Rex liber & absolutus* quædam jura *usu contrario populi vel optimatum amittere queat*. Utrumque adfirmamus.

18. *Hobbes*, cujus principia hoc adspernantur, nos jam nihil moratur; Nec

illi; qui Principem indistinctè faciunt populi Ministrum.

19. Utraque destructa sententia pati debet, ut & populus capax sit acquirendi, & Princeps nomine suo, non tanquam minister, agere dicatur.

20. Scilicet, *Hobbesii* hæc est hypothesis à nobis eradicata, quod populus, Imperio constituto, sit dissoluta multitudo, non gerens qualitatem personæ, nec ideo characterem præscriptionis ulle modo recipiens.

21. At *Junius Brutus*, *D. Althusius*, alique homines clari, Principes tantum habent ut Ministros & mandatarios populi; proinde nec hi ullum præscriptionis initium adversus populum facere possent, secundum commune requiritum præscriptionis & usucapionis *antea collocatum*. Utramque sententiam ante hæc refutavimus, priorem *sect. 2. c. 3. & sequ.* posteriorem *cap. 6.*

22. Quid autem; si quis Princeps Legibus sit subjectus, qualem Latini vere proprièque dicerent *Principem*, id est, *Præmarium*; an is summam absolutamque potestatem præscriptione temporis acquirere posset? Arbitror adhuc posse, quia nil verat, cum induere animum absoluti Imperantis, quod *hactenus* sufficit.

23. Quemadmodum colonus & emphyteuta nostri, si per longum tempus rem suo nomine tanquam domini, non ut coloni & emphyteutæ tenuerint, neque mercedem solverint, haud dubie usucapere possunt.

24. Et vasallum contra dominum suum eadem ratione, ex feudo prædium liberum, *modò servitia non præstiterit*, acquirere posse, consentiunt Doctores, ut probavimus in *vindictis Amelandicis* *cap. 9. & 10.*

25. Hoc est, quod de ratione *superius* allegatâ tenendum est, ministros præscri-

ſcribere non poſſe; *videlicet*, quādiu ſe gerunt ut *miniſtros atque ſubjectos*; ubi verò illum animum excuſſerint, idque verbis factiſve palam teſtati fuerint, nihil amplius obſtat, quominus uſucapionem incipere & abſolvere queant. *d. tract. ubi exemplum.*

26. Populus etiam aut concilium optimatum, *quia juscorporis ſive univerſitatis habet*, poſſunt ita animos inducere, ut Regem, licet ab initio cum verè ſummā liberāque poteſtate conſtitutum, deinceps in quibusdam aut plerisque negotiis nolint facere quicquam ſine ſuo conſenſu; Proinde ut ipſi concurrentem cum Rege poteſtatem adepti, hætenus non ut ſubjecti per omnia, ſed ut pares conſiderentur.

27. Perſonæ igitur, de quibus heic quæritur, ſunt in terminis ſatis habilibus, ut præſcriptio illis applicari queat; Modo *juſtitia cauſe*, qua omnis uſucapio nititur, juriſum Summæ Poteſtatis convenire videatur, de qua conſequenter videndum.

28. Fundamentum uſucapionis & præſcriptionis eſt *præſumpta dereliſtio*, aut *negligentia* domini rem ſuam non requiſcentis, aut juſ non exercentis. Quibus accedit ratio, in quā maxima humani generis utilitas vertitur, *Ut cauſa litium aliquo tandem ſine terminentur*, quæ de re pluribus egimus *in prælect. ad tit. Inſt. de Uſucapion.* Tu vide, ſis, Grotium *d. lib. 2. cap. 4. de Jur. B. & P.*

29. Jam vero præſumptio dereliſtionis facile in populum, qui jura quædam in Imperio deferendo excepit, cadere poſſe videtur; Vel ob tædium confuſionis, quæ ſæpe de conflictu Principis Ordinumque populi ſolet oriri: Vel quia publicarum rerum adminiſtratio ſæpius ex morā vel diſſidio non leve diſpendium capit, ubi Summa Poteſtas communiter à diverſis ordinibus exercetur.

30. Præſumptio quoque neglectus in multitudine proclivis eſt; Cum, quia nihil ſit crebrius, quam ut *ſegnius expediant commiſſa negotia plures*; Tum, quia ſingulis in promptu eſt, privatam Principum gratiam adulando mereri & re publica prodita, ſubreperere ad honores & commoda domeſtica.

31. Denique, tertia ratio *de utilitate finiendarum* litium nuſquam validior quam heic videtur; ſiquidem nihil favorabilius eſt, quam litigia de jure Imperii aliquando finiri.

32. Ne bella civilia, quibus nihil gravius, quæque neſciunt alium uberioſorem fontem, æterna ex immortalibus rixis fiant. vid. Grot. *d. cap. 4. §. 6.*

33. Suffragatur experientia plurium in Europâ Imperiorum, *Francici nominatim*, Quod hodie perfectum *κατασταλεις* ſive *pleni liberique Regni* ſpecimen eſſe creditur.

34. Cum tempore *Hugonis Pariſienſis*, cujus præſentes Reges ſtirps ſunt, haud adductius, quam nunc Germania regitur, *ut hiſtoria loquitur*, gubernata ſit.

35. Tam enormis Mutatio nullo quam præſcriptionis jure niti videtur, hoc eſt, populi procerumque *dereliſtione*, mutuoque conſenſu vel *patientia* manifeſta.

36. Jam eadem rationes contra Reges ipſos, qui longo tempore quibusdam juriſum haud liberè ſunt uſi, præſumi poſſunt.

37. Dereliſtio inde, quod ſæpe contingit, ut Principes non bellicoſi intelligant & experiantur, *in vitis populi Ordinibus ægorrime ſe rem publicam gerere poſſe*; Proinde, quod malint requirere conſenſum, quam cum perpetuis coluſtari difficultatibus.

38. Neglectus, etſi rarior, vel ex ſocordia, quæ ferè magnam fortunam comitatur, venit, aut ex propoſito Principum Heroicorum, quos id operam aliquando

quando dedisse constat, ut scepra legibus submitterent, quod institutum fuisse legimus *Servii Tullii*, *Marci Philosophi*, *Helvii Pertinacis* ac *Ælii Trajani Cæsarum*.

39. Metus bellorum ex eadem causâ, quam modo in populo monstravimus, colligi potest; Etiam vero metus ab æmulis & competitoribus sæpe dominantes subegit, ut remissius ac indulgentius cum populis agerent atque agere perseverarent, quemadmodum *Angliæ historiam legenti frequenter occurret*, post *Gulielmum Conquestorem*.

40. Non negamus, has præsumptiones contrariâ probatione vel fortiori præsumptione posse removeri; nempe, si probatio liqueat è verbis factisque in contrarium, testandi jurisque servandi causâ ab alterutrâ parte interpositis.

41. Modò talia sint, ut ad notitiam ejus, ad quem res pertinet, dicta factaque pervenerint; Etiam ut specialia sint; nam infinita protestatio de juribus Imperii non minuendis, qualem *Imperator Romano-Germanicus* præsefert, nihil ad interrumpendam singulorum, qui olim sub Imperio fuere, præscriptionem efficit.

42. Præsumptio fortior ex metu aliove justo impedimento oppositionis non factæ, adversus usucapiones illegitimas desumitur.

43. Sed verba & facta, è quibus ejusmodi præsumptiones desumuntur, evidentia esse debent; nam hujusmodi argumenta in dubio adversus præscriptionem temporis obtinere non possunt; Verùm ad impediendam illam, probationes perfectæ requiruntur.

44. Ratio est, quia præscriptio tribuit jus non modo perfectum, sed etiam ad quietem salutemque humani generis necessarium, quod temere subvertendum non est; factaque non præsumuntur, sed probari debent, ut *Jæti, ratione naturali præcunte, docent*.

45. Denique, si præsumptio contrariâ sumatur à metu, quo is qui de jure amisso queritur, ab interrumpenda præscriptione deterritus sit, dicemus, verisimile non esse, metum per tantum temporis spatium, quod hæc præscriptio requirit, duravisse; quin potius in patientiam voluntariam abiisse videbitur.

46. Qua autem ratione, Præscriptio nondum natis præjudicet, explicantem Vide *Grotium lib. 2. cap. 7. n. 10*.

47. Cæterum, qui totum civitatis Imperium, invito populo, invasere, an & hi & quo pacto longi temporis beneficio legitimum imperandi jus consequi possint, inferius videndum.

48. Unum hoc loco superest, quantum temporis ad implendam præscriptionem requiratur. Et quidem quod memoriam hominum excedit, sive id centum annorum, sive, ut verius videtur, non paulo minus sit, haud dubiè in omnem casum sufficit. Quandoquidem longius pro conditione mortalitatis, dari non potest.

49. Sed & si præsumptio non vergat in contrarium, generationis humanæ intervallum, quod tertiam facit seculi partem, admitti posset. Suffragantibus autem circumstantiis, quibus judicia voluntatis adfirmantur, non est dubium, quin & brevior, decem vel viginti annorum decursus, satis haberi queat. Tu vide sis, *Grotium d. cap. 4*.

50. Hoc tamen spatium inter immemorabile & brevius interesse videtur, quod in illo non requiritur bonum initium, cum id negata memoriâ tollatur; In brevioribus bona fides requiri videtur, ut rectè *Canones*, etiam *alter Jus Civile. Dix. Vind. Amel. c. xi. n. 7*.

51. Sed quantumcunque sit spatium implendæ præscriptioni sufficiens, id esse debet continuum; alioqui interrumpitur præscriptio, jure non minus Gentium quam civili.

CAP.

S E C T I O I V.

De Ecclesia.

C A P. I.

De Universitatibus Dei.

Jus aliquod sacrorum pertinere etiam ad Imperantes. Quid quantumve, id controversum. Genus humanum in duas universitates distributum, invisibilem & publicam. Priorem esse Universitatem prædestinatorum: Alteram, vel Civitatem vel Ecclesiam. Finis utriusque. Quale genus hominum civitates condiderit, quale genus in Ecclesias confluxerit. Neutram universitatem esse generalem totius mundi, neque talem existere posse. Ecclesiam per intervalla temporum fuisse corruptam & reformatam. A Christo universalem esse factam, non tamen uno visibili corpore. Fundamentalis constitutio & regimen Ecclesiarum particularium. Ut plurimum accedere aliquam mixturam ex Imperio Civitatis.

INter jura Majestatis majora Politici omnes & juris publici Scriptores referunt *jus rerum Sacrarum*. Adeo, ut & summam faciant divisionem illorum jurium, in *Civilia & Ecclesiastica*.

2. Quod etiam Justinianus Imp. vel potius *Ulpianus* velle videtur, quando jus publicum consistere ait, in *Sacerdotibus & Magistratibus*, hoc est, officiis illorum; quippe, cum plura dari jura singularia nescire non potuerit Jurisconsultus in *l. 1. §. 2. π. de Just.*

3. De jure sacrorum adhuc agere distulimus, quia rectius post cuncta Civilis Imperii jura, quicquid ejus est, securum videbatur.

4. Esse aliquod jus sacrorum penes eum, qui summum tenet Imperium civitatis, fere inter scriptores convenit & probatur à Grotio in *cap. 1. de Jur. S. Pot. circa sacra n. 7.* cujus auctoritate nos alioqui in hac disputatione

non utemur, ut dicenda satis indicabunt.

5. Dictat id Ratio, quæ in omnium oculos incurrit, eo quod absque aliquo jure circa sacra, Reipublicæ Imperium & quies gentium nullo modo teneri posset, sicut historia omnium gentium, *Pontificumque Romanorum*, & hujus seculi *Protestantium* abunde probaverunt.

6. Sunt enim multi Ecclesiæ antistites, qui *nisi parent, terre bunt: multitudine melius parente vatibus, quam ducibus.* Et οὐ θεὸς τὴν δόξαν ἐκείνην ποιεῖ ἀνὰ τοὺς ἀνθρώπους. Qui in sacris novant, etiam fere *leges & instituta civitatis mutant.*

7. Quæ ratio multos in omni antiquitate Principes movit, ut non modo imperium in sacrorum ministros; sed etiam in functiones sacerdotum occuparent; quod per se non videtur esse majus nefas, quam fuit sacerdotibus Judæorum, quod Imperium Reip. post captivitatem Ba-

bylonicam exercuerunt, & quod Episcopi hodieque frequenter etiam Principes suorum populorum sunt.

8. Tamen verius est, eam esse Pastoralis Ecclesiae muneris gravitatem, ut civilium officiorum molestiam nullo modo admittat, praesertim Summae Potestatis, quā nullum magis distrahit animos curis, idque Paulus 2. *ad Timoth. 2. v. 4.* & antiqui Canones Apostolici disertè prohibent.

9. Esse tamen oportet aliquod jus Imperii in Sacris, neque de eo dubitatur. Sed quānam illius juris capita, quinam sint limites, intricatissima disputatio est; ad quam explicandam, paulo res altius inde ab initio repetenda videtur.

10. E sacris literis constat, omnis in mundo potestatis auctorem conditoremque esse Deum; qui totum genus humanum inde ab initio habuit divitum in duas universitatum species, quarum altera *invisibilis & occulta*, visibilis atque publica est altera.

11. Prior est universa multitudo eorum, qui *destinati & electi sunt ad gloriosam vitam futuri seculi*, iidemque in hac vita fere humiles nulloque praediti splendore degunt, non multipotentes, non multi divites, nobiles, sapientes; totia amore Dei bonaque ventura intenti.

12. Hos Deus in illa parvitate vult continere, quo in tempore majus sit *in aeternum* gloriae ipsius, cum ineffabiles divitias bonitatis suae in illos tennes effundet, & divites inanes destituet.

13. Hi communione ejusdem spei gratiaeque junguntur, & pariter in unum corpus, sub capite suo, CHRISTO DEI, coalescunt, nullo tamen loco palam congregantur. Atque hoc sensu de Ecclesia, *Johannes Hus* olim rectissime dixit, eam nihil esse aliud, quam *Universitatem praedestinatorum*, quam definitio-

nem *Lutherus* in comitiis Vormatiensibus suam fecit atque defendit, ut narrat *Sleidanus*. *Christus* autem is est, ad quem *omnia visibilia* se referunt; Ideoque & in ejus gratiam universitatis altera species, quam publicam diximus, & secundum ipsum, in gratiam electorum ejus, est comparata.

14. Universitates istae publicae duorum generum sunt; *Civitates & Ecclesiae*; Priorēs ob usus & commoda hujus vitae; Posteriores ob cultum Dei in communitate exercendum instituuntur.

15. Utraque electis erat necessaria; nam extra civitates, *ubi nihil quam bellum est*, non poterant tranquille secureque vivere Deoque vacare; & absque ordine Ecclesiae non poterat verbum Dei praedicari, nec communio mysteriorum exerceri, neque mutuis hortamentis solatiisque fidei consortes excitari.

16. Reliqua, praeter electos, multitudo vel civili modestia in aequitatem composita, vel insolentes, ambitiosi, rapaces, viriumque fiducia feroces fuere, venatores fortes, magni nominis Heroes. *cap. 6. Genes. v. 4. & cap. 10. v. 9.*

17. Cumque pravorum semper copia sit major, inprimis ubi licentia animantur, non est dubium, quin horum promptissimi Civitatum imperia, jam ante diluvium, sibi arrogaverint.

18. Nam quod alii omnibus istis seculis, homines *patrum* fam. auctoritate putant fuisse contentos, sine regnis, non habet speciem veri, si quis violentiam, ambitionem, celebritatem, quae gigantibus illis antiquissimis adscribitur, cum naturā hominum usuque temporum sequentium comparet; quibus semper ita moris, si non juris fuit, *ut potentior imbecilliorē ad imperata facienda cogeret.*

19. Horum ferocia Deus est usus, ad compellendos homines in ordinatas societates concedere, quas illi potentes, si fru-

si fructu ambitionis suæ gaudere vellent, instituere debuerunt, ut videlicet electi sub earum umbrâ latere atque hoc mortale ævum transigere possent; tamen & in universum divina sapientia dignum erat, ut *ne ferarum more sparsi infestique homines viverent*, ipsorumque natura illuc etiam inclinaret, quemadmodum antea dictum est.

20. Universalis civitas, vel ecclesiastica congregatio totius mundi nec fuit unquam, neque coalescere, saltem, *ut res sunt hominum*, durare non posset; at in singulis Civitatibus, ubi Electi Dei reperiiebantur, conventus celebrati & Ecclesiæ constitutæ sunt, in quibus nomen Dei invocaretur, cujus rei primus auctor Sethus laudatur. *cap. 4. Gen. in fin.*

21. Necesse quidem non fuit, ut tales congressus secundum civitates, suâ gratiâ, distinguerentur; sed tamen, ut diversis gigantum imperiis subiecti homines in magnos coetus convenirent, neque ferri ab imperantibus neque tuto vel commodè fieri poterat.

22. Igitur hi conventus fuere particulares; *Catholica*, id est, *universalis Ecclesia totius terræ non potuit esse, nisi invisibilis illa*, quæ non externo adspectu hominibus, sed communionem secreta Deo, corporis instar unius, cognita fuit ac est etiamnum.

23. Ad externam Ecclesiam confluxerunt omnes, qui promissionibus vitæ melioris auscultantes *studium religionis induerunt*; quanquam animi voluntas sanctissimo instituto usquequaque non responderet.

24. Hinc factum, ut tali colluvie Ecclesia suprâ modum repleta, Deus per intervalla, malis eradicatis, bonos se creverit, ad exiguum sæpe numerum redactos, ut factum ætate prima, immisso diluvio, *redactaque intra Noachi familiam Ecclesiâ*.

25. Qua deinceps auctâ cum genere humano, iterumque tota corrupta, coetus Ecclesiæ familiis Patriarcharum conclusus fuit, quibus in Gentem *Hebræorum* propagatis, stetit intra eam *Ecclesia*, donec impietate sua obruta per *Asiam* dissipata est.

26. Restituta denuo è captivitate *Chaldaica* lapsu temporum tam mirificè deformata est in moribus & doctrina, ut *Servatorem suum in tempore venientem non agnoverit*.

27. Quo deinde per omnes Gentes manifestato & prædicato Evangelio, Ecclesia diffusa rursus eisdem manes, invalescente passim impietate, passa est.

28. Quo factum, ut sensim in *Asia & Oriente* lacris coetibus extinctis, denique in Europam tanta corruptio invaserit, ut tandem *in ultimum occidentem & septentrionem Ecclesia tenax veritatis contracta fuerit*.

29. Esse porro vinculum commune coelestis gratiæ, quo fideles, totius terræ junguntur, idque sola mente percipi, jam dictum est; cujus multitudinis regimen *Christus* sibi servat, nec ejus hac parte *vicarius universalis* in mundo est, aut ullo modo, ut videtur, esse potest.

30. Corpus etiam visibile totius mundi fidelium uno regimine externo junctum à Christo Apostoliive non est constitutum, nec, *ut antea dictum*, in tanta imperiorum diversitate commodè haberi potest.

31. Vult tamen Deus, ut fideles in corpora coetusque coeant, ea, qua diximus, gratia: eumque in finem excitat homines idoneos, quos aut ipse mittit, *instinctu insolito*, vel à coetu fidelium eligi *aliterve* constitui curat, ut voluntatem suam in ejusmodi conventibus prædicent, verbumque revelatum interpretentur.

32. Vult etiam Deus, ut ab his corporibus

poribus segregentur, qui male de rebus sacris sentiunt, aut vitâ professioni non respondent, quibus ideo reliqui & maxime præcones declarant, eos non posse participes esse signorum gratiæ & unionis sacræ.

33. Hæc in cœtibus illis institui possunt, etiam insciis & invitis Rectoribus cujusque civitatis, ex canone Apostolorum, *quod Deo magis sit obediendum quam hominibus.*

34. Sed quoniam administratio illa variis modis haberi potest, fere ita accidit, ut quæque Ecclesia peculiaribus institutis suo commodo & arbitrato utatur, in quibus auctoritate Civitatis, in qua degit, carere non potest.

35. Rectores quoque civitatis sæpe se Ecclesiis aggregant; unde fit, ut aliquando dubitetur, quomodo *Civitas & Ecclesia* erga se invicem habeant & nunquid alteri in alteram alteriusve res, juris & inspectionis sit comparatum; quæ de re non parvus est conflictus utriusque sortis hominum Politicorum & Ecclesiasticorum.

36. Cæterum, ex prædictis & ex scriptis Evangelicis manifestum est, Ecclesiam visibilem, corpusque, id est, multitudinem Deo servientium, Imperio Civitatis esse subjectam, neque per se constituere *Statum*, ut hæc hodie vox sumitur.

37. Tametsi quo minus æquè latè pateat

quam Civitas & Respublica, vel Regnum, per se quidem nihil obstat, sicut olim usu venit in populo Hebræorum, postquam is in Terra *Chanaan* à Deo collocatus & stabilitus erat.

38. Qui etiam, populo in duas Civitates & Regna divulso, potuit & debuit una manere Ecclesia, Religione sic constituta, ut nonnisi apud Hierosolyma celebrari posset; eaque unitas, etiam diffusâ per omnes Orbis partes gente, duravit, quamdiu vinculum unitatis, Templum, stabat.

39. Sed tali præscripto certi loci, per missionem Christi cessante, vix est, ut una in diversis statibus esse queat Ecclesia.

40. Ne quidem in diversis urbibus ejusdem Reipublicæ; accidentalitamen non essentiali, ut ita loquar, impedimento, quia certe in diversis pagis unam sæpe videmus Ecclesiam.

41. Conjunctio plurium Ecclesiarum sub uno homine vel collegio Rectore, sive in eodem sive in diversis Statibus, quam sit difficilis, Hebræicæ exemplum, ubi ordinatione divina erat necessaria, demonstrat.

42. Sub Evangelio cum non præcipiatur à Deo talis plurium cœtuum in locis diversis conjunctio, ea pendet à conventionem, quam, ut arbitrariam, videri subjectam legibus & Imperio cujusque vel plurium Rerump. è sequentibus patebit.

C A P. II.

De Testamento Dei, quo jus Ecclesiæ fundatum est.

Transitus. Quid Testamentum, qua voce designetur in sacris. Διαθήκη significare dispositionem tam inter vivos, quàm ultimam voluntatem. Testamentum sine mortis respectu nullum intelligi. Dispositionem Patris Dei, quâ Filio dedit electos in hereditatem, non esse Testamentum. Removentur objectiones. Refelluntur alia Testamentorum Dei specimina. Deum Abrahamo non fecisse testamentum. Nec in deserto Sinaitico Testamentum esse factum, remotis objectionibus. Non esse, nisi unicum in verbo Dei Testamentum, Christi morituri. Testamentum vetus & novum specie non differre: Sed vetus esse clausum & mysticum; Novum esse idem apertum & clarum. E Testamento Christi hereditatem credentibus, sine ulla conditione & absque fœdere, deferri.

NE de jure summarum potestatum circa Ecclesiam, illotis, quod agunt, manibus, in opere juridico versari videamur, de fundamento deque statu Ecclesiæ, secundum fœdus & testamentum Dei, quod in sacris literis traditum est, aliquanto latius, quam alioquifert hujus instituti modus, agendum videtur.

2. Auctoritatem, præter eam quæ est Scripturæ sacræ, nullam sequemur, & Summa dicendorum hæc erit; Unum modo esse Testamentum, unumque fœdus, quo jus Ecclesiæ veræ & invisibilis fundetur: Etiam vero visibilis & externæ, quæ non potest habere jus verum ab invisibili distinctum apud Deum: plura testamenta, diversa fœdera Dei cum hominibus qui tradunt, eos suo arbitratu, non ex usu sacræ Scripturæ loqui, ordine justo demonstrare conabimur.

3. Primo, quodnam sit unum illud Testamentum, quo jus Ecclesiæ nititur, ejusque historiam & eventum quæremus. Dein alia quæ vulgo jactantur, non esse Testamenta probabitur.

4. Prius ut ordine fiat, quid sit Testa-

mentum & quâ voce designetur in sacris, explicandum est. Enimvero quid per Testamentum usu generis humani intelligatur, ex iis est, de quibus minime dubitatur. Est nihil aliud quam *Declaratio de eo quod aliquis post mortem suam fieri velit*. Nam sine mentione mortis nullum esse Testamenti usum, nec sine mortis eventu ullum esse Testamenti effectum, tenent omnes populi, tenet Auctor ad Hebræos cap. 9. v. 16. Ὁ πῦρ Διαθήκης, ἡν ἀνάγκη ἐπὶ τῷ Διατάκῃ: Ubi testamentum, ibi Testatoris mortem intervenire necesse est.

5. Sed Testamenti vox, utpote latīna, non extat in sacris paginis: ubique vocabulum διαθήκη in hunc usum adhibetur. Hæc autem vox etymologia & usu recepto significat *dispositionem*, ἀδιατάκην, dispono.

6. Quod verbum & inde derivata διαθήκη est commune nomen actibus inter vivos & ultimis voluntatibus, ut probat Budæus in illis vocibus, etsi frequentiore significato testari & testamentum significant.

O

7. Duplicem

7. Duplicem autem notationem illam in sacris etiam exerceri, ut tam foedus quam testamentum dicat, notum est ac observatum à Belgis Interpretibus *ad Galat. 3. n. 58.* Unde, cum sæpe dubium sit, uter sensus cuique loco sit proprius, forte nihil erraverit, qui ubique, *dispono & dispositio* vertat, ut verus interpret apud Lucam *c. 22. v. 29.* bis reddit τὸ ἀγαθὸν *dispono & δίδωμι disposuit*, ibidemque Belgæ bis *verobinere*.

8. Διαθήκῃ πατρὸς, id est, *Testamentum*, sine dubio condidit CHRISTUS Dominus, ut docet Apostolus *in d. ad Hebr. loco*, quo Electos à patre sibi datos instituit heredes cœlestium honorum, quibus post mortem suam potirentur; cujusmodi dispositionis facultatem à Patre suo inde ab æterno consecutus erat, quemadmodum ipse declarat *d. cap. 22. Luc. v. 29.* Καὶ ἀγαθὸν ὑμῖν, καὶ δίδωμι μοι ὁ πατὴρ μου τὸν βασιλεῖον: *Et ego vobis concedo, dispono, sicut Pater mihi disposuit regnum.*

9. De hac dispositione, quâ Christus reliquit electis hereditatem regni cœlorum, nulla dubitatio est, quin sit *Testamentum*, ἀγαθὸν αἰωνίῳ αἰώνι, *dispositio sanguinis æterni*, *ad Hebr. ult.* quæ morte τὸ ἀγαθόν, *Testatoris*, effectum accepit *c. 9.* Sed an dispositio Patris, quâ is filio mediatori electos dedit atque cessit, Testamentum sano sensu vocari possit, quæri ur.

10. Vulgo ita statuunt, sed errore loquendi manifesto; nam Testamentum esse non potest, sine morte Testatoris *d. c. 9. ad Hebr. v. 16.* cui in illâ dispositione Patris nullum esse locum nimis clarum est. Donatio illa facta fuit conventionem, *Pete à me & dabo, Psalm. 2.* quod est idem cum eo, quod in stipulationibus frequentatur, *Dabis? dabo;* Quibus accedit, quod illa dispositio Patris est *consilium pacis inter ipsum & Virum*, cui no-

mon est *Germen, Zachar. 6.* Adeoque est donatio conventionalis, sequuta post conventionem & expromissionem filii de solutione pro peccatis hominum facienda; quæ toto genere discrepat à Testamento.

11. Hæc liquida veritas habet objectionem unam & alteram; De Christo mediatore traditum est, *ὁ Ἰησοῦς κληρονομῇ πάντων*, quem constituit heredem omnium, cujus hereditatis partem esse constat, electos, *ad Hebr. 1. v. 2.* Atqui heredis constitutio est ipsum Testamentum. Respondeo, Constitutio heredis *post mortem*, est testamentum: Sed in regnis usus est frequens, ut Pater filium suum vivum in possessionem regni mittat, eumque ita heredem sine testamento constituat, quemadmodum heic, ut humano more loquamur, est factum.

12. Altera objectio è Christi verbis supra eductis petitur; Καὶ διαθήκην ὑμῖν, καὶ δίδωμι μοι ὁ πατὴρ μου βασιλείαν. *Ego vobis, ita vertunt, testamento relinquo regnum, sicut Pater meus idem mihi testamento reliquit.* Nam à Christo relictum id esse fidelibus per testamentum vidimus; Patris autem dispositio similis alteri esse dicitur. At hæc objectio pridem occupata est observatione, quod ἀγαθὸν est commune verbum ultimis voluntatibus & actibus inter vivos. Qualis autem in quoque loco significetur, è natura negotii, de quo identidem agitur, colligendum: quam heic esse talem, ut patris declaratio, Testamentum dici nequeat, demonstratum est.

13. Satisfaciendum adhuc est objectioni, qua *Electi* dicuntur esse *coheredes Christi*, *ad Rom. 8. v. 16.* Unde non Christus, sed Deus Pater sit Testator, cujus ille sit heres primus & Electi per illum coheredes. Hæc res haberet speciem, si nomen heredis nonnisi è Testamento fluere; Sed Christus est heres à vivo.

à vivo Patre factus, ut demonstravimus; hic electos ad consortium hereditatis sibi datæ per testamentum suum vocavit. Ita sunt coheredes, ac non è communi Testamento, quod tantum à morituro conditum atque relictum est.

14. Alii declarationes Dei *μυστηριώδεις* in quibus *Θεὸς ὁμιλεῖ τῷ ἑκλέκτῳ*, *invocabilis Dei voluntas* erga electos continetur, *Testamenta* vocare gaudent; inutili & incivili translatione vocis contra scripturæ sacræ & totius humani generis usum, contra & unici à Christo conditi Testamenti naturam, quod hoc modo involvitur & obscuratur.

15. Quinque vel sex species Testamentorum, in divinis hac ratione distinguui videmus. I. Testamentum commune, quo Christo & fidelibus eadem hereditas deferatur. II. Testamentum Patris, quo Filio dederit peccatores in hereditatem. III. Testamentum Christi, quo fidelibus antiquis declaraverit & promiserit regnū cœlorum. IV. Testamentum, quo Abrahamus hereditatem terræ Chanaënensis accepit. V. Testamentum Sinaiticum, super eadem terra Ghanaânis. VI. Testamentum post mortem Christi.

16. Primam & secundam Testamenti speciem esse nullam antea demonstravimus; cum nihil sint quam declaratio irrevocabilis aut Conventio. Tres sequentes species alii sub unâ *Veteris Testamenti* appellatione comprehendunt, cujus manifestationem vel à lapsu vel à tempore Abrahami, vel à Sanctione Sinaitica repetunt. Nos primo, nullum fuisse Testamentum in Abrahami gratiam conditum; nec apud *Sinai* quicquam Testamenti simile esse factum, neque fideles antiquos è Testamento, quod ab uno Christo morituri testamento diversum sit, esse vocatos, probabimus.

17. In historia *Abrahami* nullum occurrere Testamentum à simplici narra-

tione, quæ est *Genes. xv.* clare patet, ubi nihil quam Actus inter vivos & Contractus duorum, id est, *Fœdus* memoratur, omnibusque circumstantiis describitur. Verba textus *vers. 18.* *In illa die percussit Jehova fœdus cum Abrahamo.* Perpetratum fuit, promissione & acceptance, quas refert textus, quæ sunt fœderis; in testamento hæc duo concurrere non possunt; cum sit Unius voluntas. Accedit confirmatio solennis per *sectionem victimæ* in fœderibus usitatæ, nunquam in testamentis; quam Deo visum fuit adhibere in gratiam *Abrahami*, fidemque ejus consignandam. Ne dicam, à morte Testantis & promittentis, cessionem terræ *Chanaan* non fuisse suspensam, quoad Testamenti perfectionem requiri, Apostolus auctor est.

18. Quæ postea ad eundem *Abrahamum* ejusque filium & nepotem repetitæ sunt promissiones, nunquam per modum testamenti, ex parte vel in totum, semper, ut contractus & fœderis utrimque obligantis formulæ celebratæ sunt, ut *Genes. 17. v. 10.* ubi; *Hoc est meum fœdus inter te & inter me & inter semen tuum;* nemo testator ita loquitur aut loqui potest.

19. Apud *Sinai* montem in omnibus actis & dictis inter Deum ac populum Mosemque mediatorem, nulla quoque Testamenti vestigia reperiuntur, omnia per modum fœderis ab initio ad finem usque transacta fuisse, tam clare patet, quam quod est *ἐν πρῶτοις*, *Exod. 19. & 24.* adjectis quoque legibus, quarum observantiam Deus per Mosem stipulatus est, populus ad contractum fœderis rite perficiendum spondit *d. r. 19. v. 5. & c. 24.* accedente ratione tralatitia, quod mors ibi nulla Testatoris intervenerit.

20. Tu dicis; victimæ mortem figuraverunt, earumque; mascotio formam testamenti implevit. Responsio est, victimas

non ad formas Testamenti, sed foederis pertinere; sicut in foedere Abrahami, quod vidimus, hunc usum habuerunt. Idem heic iterum praeiterunt, ut ipse Moses auctor est, dicendo; *Hic est sanguis Foederis, quod Deus vobiscum fecit, super omnibus hisce verbis.* Nota 1. Foedus. 2. Vobiscum. 3. Super istis verbis, quae clare concepta fuerunt hoc modo, *spondes? spondeo;* Adeo ut cuncta rem inter duos actam demonstrent.

21. Quod autem alii juxta foedus & foederum repetitiones singula Testamenti collocant, vel diverso respectu eadem Foedera & Testamenta intelligunt, non modo *ἑτεροί*, Scripturis incognitum, sed etiam *ἀλλοι* rationi adversum est. *Foedus* enim & *Testamentum* nunquam pari passu ambulant, neque simul formari possunt; quia Foedus nonnisi duorum, & Testamentum aliter quam unius voluntate nullo modo constitui potest, idque *post mortem*, cum foedus sit actus inter vivos.

22. Ex his omnibus evidentissime colligitur, voluntatem aeternam Filii Dei, hereditatem caeli electis à patre sibi datis, per & post mortem suam in tempore obeundam destinantis, esse *unicum* & *immutabile Testamentum*, praeter quod nullum aliud à Deo in sacris literis invenitur esse conditum Testamentum, aut ultimae voluntatis species.

23. Quid ergo fiet de Testamenti divisione *veteris & Novi*? Idem quod Professores Leidenses citati ab H. Bornbeekio, *Inst. Theol. t. 8. n. 2.* ubi, *Duo Testamenti dicuntur, non per divisionem generis in species, sed subiecti secundum accidentia; quia res eadem specie & substantiâ variatur, secundum diversam aeternitatem rationem & administrationis modum, tam ex parte Dei, quam ex parte hominum.* Statuunt igitur, unum esse Testamentum duplici modo distinctum, quo-

rum unius respectu *Vetus*, altero *Novum* dicitur (de sententia Pauli ad Gal. 3. v. 24. 26. & v. 15. in cap. sequ. videbimus *infra*) auctor ad Hebr. c. 9.

24. Summa horum modorum est; quod Testamentum Christi primo clausum & Secretum, deinde fuit apertum: Primo & olim obscure cognitum nec nisi per typos significatum, dein palam & clare detectum & praedicatum. Non male convenit huc, quod Leo Imperator Testamentum clausum vocat, *Διαθηκὴν ἐν μυστηρίῳ κειμένην, in mysterio situm;* Aliter *Σύστασιν τῶν μυστικῶν ἀποκρύφωτον, Compositionem mysticis constantem figuretionibus:* Nov. LXIX. Sententiam veritatis Testamenti describit, *ἀχνυμένην ὡς πνεῦμα καὶ τὸ τοιοῦτον ἀναφύουσαν ὡς ψυχήν, quasi nubem expansam, intelligendi vim auferentem, ἀπὸ τῶν ἐν τοῖς λόγοις ἀποκρύφωτον, propter obscuritatem in sermonibus,* qui de sententia Testamenti clausi feruntur: Nov. XLII. Quae obscuritas apertio cognitoque Testamento evanescit atque in lucem claram vertitur. Haec veteris novique, ut dicitur, Testamenti naturae, licet aliud agat Leo, exacte conveniunt.

25. Qui habent Testamentum in manibus, cujus executores à Testatore constituti sunt, defuncto illo hac vitâ, Testamentum aperiunt & publici juris faciunt. Idem, heredes reddunt certiores institutionis factae, & si nulla conditio prius implenda, illis imposita reperitur, statim illis copiam faciunt hereditatis adeundae; monitis tamen iisdem heredibus, id agendum esse, ut Testamentum omnemque Testatoris voluntatem exacte impleant; alioqui fore ut tanquam indigni bonis priventur. Quae de re stipulatio quoque & re promissio inter Executores testamenti & heredes fieri possunt. Etsi enim Testamentum à contractu sit alienum, & jus è Testamento, sine ullo contractu

tractu, heredi acquiratur, quominus tamen super executione Testamenti Contractu inest, nihil impedimento est.

26. Christus Dominus morri propinquus Executores Testamenti sui constituit Apostolos & Evangelistas, quibus illud tradidit, ut post mortem suam publicarent, & ubique gentium denuntiarent, credentibus in ipsum delatam esse hereditatem regni eorum. sine ulla conditione, nisi ut adirent hereditatem sibi delatam, hoc est, *Credere* & præcepta Testamenti implerent.

27. Cavendum heic est ab errore loquendi, quo fides & observantia præceptorum Testamenti, pro Conditione delatæ hereditatis habentur: A qui Condicio nihil est aliud, quam *Adjectio casus collati in futurum, à cujus eventu aliquid suspenditur.* Talem non esse hereditatis

aditionem neque præcepta Testamenti, nec quicquam suspendere jus credentium, quominus incontinenti aseat & acquirant hereditatem satis constat; etsi verum est, eos ad servanda Testamenti præcepta teneri; sed hic est effectus hereditatis acquiratæ, non conditio acquirendæ. Et fides non magis est conditio successionis, quam acceptatio beneficii est conditio donationis.

28. Cæterum, Stipulatio & repromissio, quæ prædicatores novi Testamenti heredes ad servanda Testatoris præcepta obtrungunt, habent quidem similitudinem fœderis, sed non pertinent ad deferendum vel acquirendum jus hereditarium, nec ideo Fœdus ullum, post obitum à Testatore mortem, ad hereditatem acquirendam celebratum est, quemadmodum plenius in *cap. seq.*

C A P. III.

De Fœdere Dei cum Ecclesiâ.

Juxta Testamentum Christi unicum, fuisse & unicum fœdus ejusdem cum Ecclesiâ, adhibitum, antequam Testamentum esset apertum & vim haberet, ut bona Testamenti ante mortem Testatoris cum fidelibus antiquis communicarentur, cum hi aliter quam per antedecanas promissiones ante apertas tabulas bona Testamenti participare non possent. Igitur per fœdus illud cum Patribus initum, Testamentum esse ~~consequens~~ præconfirmatum in Christum; hanc esse doctrinam Pauli ad *Gal. c. 3.* Fœdus igitur nihil fuisse quam ~~consequens~~ anticipationem Testamenti per promissiones. Ejusque speciem esse unam, declarationes & repetitiones esse diversas, quarum momenta explicantur.

Sicut unum modo Testamentum Dei in Sacris invenitur, ita nec Fœdus esse, nisi unum Dei cum Ecclesiâ, hoc capite demonstrabimus.

2. Est autem Fœdus, *Conventio publica cum effectu duratura.* Conventio est

duorum vel plurium in idem placitum consensus. Publica dicitur, ut Fœdus à privatorum conventionibus, sicut ab iis est diversum, distinguatur. Cum effectu duratura, quia contractus etsi publici, de rebus & actionibus transitorios, Fœdera

non sunt nec ita appellantur. Atque hæc definitio κατ' ἀρχαίαν, bene convenit fœderi inter Deum & Ecclesiam.

3. Non posse *Fœdus & Testamentum* pariter celebrari, jam dictum & probatum est. Proinde, qui è Testamento hereditate potiuntur, mortuo Testatore, nihil Fœderis egent, cum jus succedendi è voluntate solius Testatoris oriatur, additioque hereditatis etiam fiat solius voluntate heredis, sine fœdere; nisi ad executionem præceptorum Testamenti aliquid instar fœderis adhibeatur, ut jam dictum cap. præced. & inferius repetetur.

4. Fœdus igitur Dei cum Ecclesiâ initum est ante mortem Testatoris, ut fideles antiqui cœlestium bonorum, quæ ante obitum Testatoris è Testamento capere non poterant, participes redderentur, ut docet Auctor ad Hebræos a. 9. v. 16. Διαθήκη ἥ ἐν τῷ νεκρῷ βεβαιώσατο, Testamentum morte vires accipit, ἔτι μὲν ζῶντος ἡ δὲ ἐν τῷ νεκρῷ βεβαιώσατο, siquidem vivente Testatore, nondum valet.

5. Cum igitur Christus mediator secundum cessionem à Deo Patre sibi factam. Electis hereditatem cœlestium bonorum Testamento suo reliquisset, idemque fideles ante destinatum mortis suæ tempus viventes, eorundem bonorum consortes reddere vellet, Testamenti sententiam illis obscurius, & multiplici figurarum umbrâ significavit.

6. At quia vis Testamenti ante mortem suam illis applicari non poterat, ejus effectum omnemque fructum per promissiones acceptatas, id est, conventionem atque Fœdus illis repræsentavit, cum relatione tamen ad mortem suam ejusque virtutem. Ut intelligerent, se partem suam bonorum hereditariorum, ratione Testamenti morte aliquando confirmandi, præcipere eoque κληρονόμοι & ἱπποκύριοι, heredes promissionis testamentarie facti sunt,

7. In hunc usum Fœdus Dei cum vestitis fidelibus esse contractum primo ex eo quod diximus, adtribuitur; Facti sunt heredes cœlestium bonorum; non poterant id fieri propria directaque vi Testamenti ante mortem Testatoris, ut Paulus docet. Ergo per fœdus, id est, promissiones acceptatas, quæ cum iis, ut satis constat, interpolitæ sunt, id oportet consecuti fuerint.

8. Docet hoc ipsum Paulus Apostolus ad Gal. 3. v. 15. & seqq. ubi primo ponit Διαθήκην ἀπὸ τοῦ κυρίου καὶ τοῦ πατρὸς, Testamentum hominis confirmatum, de quo prædicat, quod nemo illud ἀπὸ τοῦ κυρίου ἢ ἀπὸ τοῦ πατρὸς, infirmare vel in eo quicquam mutare possit. Testamentum veritimus, non Fœdus, ut alii, interque eos Belgæ, qui tamen fatentur etiam posse verti Testamentum.

9. Sed hoc isti loco unice convenire; patet inde, quod Διαθήκη dispositio, κεκυρωμένη confirmata, ἔτι ἐδίδε ἀπὸ τοῦ κυρίου, cui nemo derogare potest, manifesto sit eadem cum Διαθήκῃ ἐν τῷ νεκρῷ βεβαιώσατο cum Testamento morte confirmato, quod nullam recipit mutationem, de quo ad Hebr. 9.

10. Fœdus autem, sicut omnes actus inter vivos, statim est firmum, & semper infirmari potest, eodem quo firmatum est modo. Ergo Διαθήκη, ἔτι ἐδίδε ἀπὸ τοῦ κυρίου ἢ ἀπὸ τοῦ πατρὸς, quam nemo infirmare, vel mutare potest, non fœdus, sed Testamentum sit oportet apud Paulum.

11. Positioni de Testamento morte confirmato subjicit Paulus versu 16. τὰ δ' Ἀβραάμ ἡρῆσαν αἱ ἀπαγγελίαι, Sed Abrahamo factæ sunt promissiones, siquidem Διαθήκην κεκυρωμένην, Testamentum confirmatum ἐν τῷ νεκρῷ βεβαιώσατο, morte Christi validum, Abrahamo tot seculis ante Christum Testatorem mortuum convenire non poterat.

12. Inde versu 17 deducit Apostolus Διαθήκην ἀπὸ τοῦ κυρίου καὶ τοῦ πατρὸς, Testamentum a Deo Patre & Filio, & seqq.

12. Testamentum præconfirmatum à Deo in Christum. Fœdus non recipit antecessam confirmationem, sed hoc vires è præsentis capit, statim ac utrimque conventum est. Testamentum vero diu ante mortem factum, vires demum inde post mortem capit, nec prius valet, *μη ποτε ισχύει*, nisi promissione Testatoris in antecessum confirmetur. Res jubet, ut hic locus paulo pressius educatur.

13. Scopus Apostoli est in d. c. 3. demonstrare, quod salus non ex operibus legis, sed ex gratiâ per fidem donetur: 2. 6. & seqq. idque tam ante quam post Christum, neque legem posse justificare peccatorem v. 11. &c. quia nos subicit maledictioni, à quâ Christus, maledictio pro nobis factus, nos liberavit. Hoc comparatione Testamenti ab homine conditi illustrat & probat.

14. Ἀλλὰ ποῖ, inquit, καὶ ἐν θανάτῳ, secundum hominem loquor; Testamentum, cujus dona sunt meræ gratiæ, confirmatum mutari non potest: v. 25. Sed Abrahamo promissiones dictæ sunt, per quas Testamentum fuit præconfirmatum in Christum, id est, virtute mortis Christi futuræ: Ac ita per fœdus sive promissiones acceptatas Testamentum representatur, hoc est, vis Testamenti in antecessum Abrahamo præstat.

15. Sicut igitur, pergit, Testamentum est immutabile, sic idem præconfirmatum æque est inrevocabile; cum eundem per fœdus ἀκυρώσις effectum præstet, ac si esset, *κακυρώσις*, confirmatum morte; nec ideo per legem diu postea sequutam fuit abrogatum, quia mansit Testamentum. Si esset fœdus sine respectu ad casum mortis, per legem & novum fœdus abrogari potuisset, uti semper contractus posteriores inter easdem partes derogant prioribus; Sed Testamentum morte stabilitum, vel pactis ut ad statum mortis se refert, antici-

patum, nullos admittit terminos habiles mutationis.

16. Tales igitur fuere promissiones Abrahamo factæ, ut è Testamento morte Christi confirmando vires acceperint mereque gratiæ essent, ac ita immutabiles, ut per legem sequutam non receperint aliam qualitatem, idque est *ὡς ἐν ἰσχύει δι᾽ αὐτῶν*, quod demonstrare volebat Apostolus.

17. Dicendum igitur, Testamentum Christi æternum, quod semper unum & immutabile, meræque est gratiæ, habere duas ἀσθενείας, dispositiones, *κίρωσις* & ἀκυρώσις, confirmationem & præconfirmationem. Confirmatio facta est, inquam, morte Christi Testatoris.

18. Præconfirmatio facta est antea, πάλαι, cum Testamentum suis necdum viribus subsisteret, idque per Fœdus, sive Promissiones sese referentes ad mortem & tempus confirmationis, cujus vis hoc modo retractata fuit *εἰς ἀπλότῳ ἔστιν ἐν πλείονι ἀσθενείᾳ ὁ θεός, ad redemptionem transgressionum sub priori dispositione commissarum. Hebr. 9.*

19. Sed prior illa dispositio ἀκυρώσις, sua præstantia multis modis cedit posteriori. Promissiones fuerunt obscuræ, cærimoniis & typis adumbratæ, fidelibus ad aperturam Testamenti anhelantibus molestissimæ ac insolerandæ, ut Petrus in oratione Synodali loquitur *Act. 15.* Posterior autem dispositio claram lucem ex ipsa Testamenti aperti Lectione, Prædicatione, gaudiumque perfectum *τὸ πᾶσι πεπληρωμένον*, ut Christus dominus ait, exhibuit. Denique, hæ sunt *εἰς δύο ἀσθενείας*, duæ dispositiones, quarum una servitutem, altera libertatem parit *Gal. 4. v. 24. & 26.*

20. Sed Fœdus illud ἀκυρώσις, quo Testamenti vis ante mortem Testatoris antiquis Fidelibus representata est, quæ fuit *πάλαι ἀσθενεία*, vetus dispositio; cum aliquo-

aliquoties repetita fuerit, plenius & per partes explicanda videtur, ut probemus semper idem unumque fœdus *αἰώνιος*, Testamenti vim representans fuisse atque mansisse, neque Testamentum ab illo quod morte Christi firmatum est, usquam diversum reperiri, sed idem esse *αἰώνιος* *ἡ διαθήκη*, ante confirmationem per promissiones, cum eo quod postea *κατεργάσθη* morte constabilitum est.

21. Præcipuæ partes & momenta hujus antedecanæ confirmationis in summa tribus intervallis distinguuntur. I. Ab Adamo ad Abrahamum. II. Ab hoc ad Moysen. III. Exinde ad ipsam Testatoris *ἀνάστασιν*, adventum & apparitionem in Terris. Quibus spatiis incipit & finitur *ἡ παλαιὰ διαθήκη*, vetus dispositio, quam alii serius auspicantur.

22. Initium *αἰώνιας* & primi intervalli est declaratio Domini in Paradiso; de semine mulieris caput serpentis contrituro & de calcaneo seminis à serpente vicissim conterendo.

23. In quibus verbis implicitam fuisse remissionem peccatorum & passionem dominicam, vitæque donum æternæ per Testamentum, omniaque à primis fidelibus esse percepta credimus, idque sacrificandi instituto *κατὰ τὴν μυστηριώδη τέχνην*, mystico more, ut Leo Cæsar de testamento clauso loquitur in Nov. 69. inde à primis temporibus adumbratum fuit.

24. Cum Noacho deinceps fœdus initum traditur Gen. 6. de ingressu in Arcam, arcendoque diluvio, quibus reconciliatio cum Deo facta supponitur, nulla tamen expressa promissio de summa hereditatis universæ ante Abrahamum facta proponitur, sed *αἰχλὺς καὶ ἀσπίς*, caligo & obscuritas, ut Leo rursus de occulto testamento loquitur, in editione verborum *προεγγινύται* præconfirmantium vim mortis Christi & testamenti apparet.

25. Non est tamen, ut diximus, dubium, quin *plus indicatum & intellectum quam scriptum fuerit*, tantumque de sententia testamenti fidelibus innoverit, quantum us ad salutem fide consequendam erat necessarium, nec de illorum consensu ac ad stipulatione dubitari ipsa res & eventus patitur, nec Petri Apostoli testimonium de Christo hominibus in tempore diluvii concionato. 1. Petr. 3. 19. &c.

26. Quatenus igitur à sacris literis constet, hoc tempus habuit dispositionem *αἰώνιας*, per pollicitationes, sine dubio tamen acceptatas, adeoque per *tacitum fœdus*, sacrificandi ritu sancitum. Intellexerunt, se Deum amisisse per peccatum, eum se recuperaturos ex gratia per Christum mortuum. Hanc vim mortis sibi promissione representari, id est, in antecessum dari; nam hoc significat *representare* Latine. Mors Christi fuit etiam *representata* sacrificiis alio sensu, ut apparet; Atque hæc fuit dispositio primi temporis, *per fœdus*, inquam, *tacitum*.

27. Clarior & luculentior fuit *αἰώνιας*, antecedens confirmatio facta Abrahamo, qui tandem accepit directam promissionem de summa rei; Proinde ab illo demum *αἱ ἐπαγγελίαι* promissiones ab Apostolo deducuntur, *αἷς ἐσθὶς αὐτῶν αἰώνιος ἡλικίαν*, per quas Evangelium anticipatum illi fuit propositum. τὸ *αἰώνιον* respondet τῷ *αἰώνιῳ*. Nam sicut *πρὸς κέρως*, simplicem confirmationem sequitur Evangelium, ita *τὸ αἰώνιον*, præconfirmationem, præevangelium.

28. Verba præevangelii ad Abrahamum laudat Apostolus hæc; *ὅτι ἐν σοὶ εὐλογηθήσονται πάντες τὸ ἔθνος*, in te benedicentur omnes populi, d. v. 8. quæ promissio in semine ejus, *ἐν Ἰσραὴλ*, impleta fuit, hoc est, in Christo. Ac ita benedictiones & promissiones illas fuisse spiritua-

spirituales, fide ab Abrahamo perceptum fuit & à Paulo inculcatur.

29. Sed mos Dei est, *firmandæ fidei res adhibere terrestres*, quod imprimis τὰ πρῶτα (i. Testamenti clausi & mystici) καὶ κινήματα, ut Leo nolter ait, conveniebat, quo fidem rerum maximarum palpabilius præsumerent.

30. Ideò Deus promissionem terræ *Chanaan*, in qua tunc erat & quam calcabat *Abrahamus*, ut hypothecam benedictionis suæ adjunxit, & super utrâque promissione, alterâ principali, alterâ accessoriâ fœdus cum illo pepigit, ac solenniter, non sine sanguine, tam in sacrificiis quam circumcissione confirmavit; ne unquam obliviscerentur, promissiones ab iis acceptatas, esse πρὸ πρῶτον *præconfirmationem* testamenti sanguine conditoris adhuc implendi. Ita facti sunt heredes testamentarii per promissiones, κληρονομοὶ τῆς ἐπαγγελίας.

31. Ultima *πρῶτον*, *præconfirmatio* Testamenti per ministerium Moysi in deserto administrata est, prolixius & lusculentius quam prius, ut fuert *ἱεροτελεστία*, solennis *renovatio* fœderis cum Patribus initi, primò quidem ad repræsentandam Testamenti vim per ritum proximè ad mortem Christi accedentem effusione & *adpersione sanguinis*, quo jus ad hereditatem coelestem acquirendum erat, ut legitur *Exod. 24.*

32. Accessit tum per Moysen, hypotheca sive pignus promissionis idem quod Abrahamo datum fuerat, terræ *Chanaan*, quæ nullo modo fuit materia Testamenti, ut antea demonstratum, nec quidem fœderis separati; sed pars & accessio fœderis, quo gratia fructusque Testamenti cum verè credentibus communicaretur, ut intelligerent tam certo hereditatem coeli sibi præstitum iri, quam in illâ terra sedium positione stabilirentur.

33. Ex his jam satis constat, jus here-

ditatis coelestis, per Testamentum morte Christi confirmatum fidelibus acquiri, tam veteribus quam novis: Sed veteres ad Testamenti fructum sine fœdere non potuisse admitti, quo Testamentum, ipsorum bonæ *πρῶτον*, antea confirmatum est. Novis post mortem Testatoris nullâ *πρῶτον* antecedentem confirmatione Testamenti, nec adeò fœdere opus fuisse: Cum nihil ad acquirendam hereditatem quam *aditio*, quæ est fides, requiratur.

34. Unde sic est habendum; post obitum Filii Dei Testatoris mortem, non fuisse locum *novo fœderi*, cujus vi Deus uteretur, ad jus vitæ æternæ dandum Electis. Nec adeo in sacris literis ullum Fœdus inter Christum dominum & Fideles, ad hereditatem ex ejus Testamento adeundam inveniri. Veteres fuerunt *ἐπαγγελίας κληρονομοί*, *Promissionis heredes*, ut vocantur ad *Galatas* & ad *Hebræos*. Post Christum nihil ejusmodi, sed *πατέρας, πλείους, τῶν ἐκ ἡμῶν*: *manifestatio, consummatio, rei veritas*, non *promissio ingeminatur*. *Rom. 6. v. 25. & sequ. 2. Ad Timoth. 1: 9. ad Tit. 1. 2. &c.*

35. Sed finiamus hanc disputationem, ubi quid inde nobis sedeat, denuo breviter collegerimus. Summa hæc est, *Pactum Dei Patris & Filii liberationem generis humani esse constitutam*. Christum, juxta illud Pactum, electos fecisse heredes *ignaros in sanguine æterni testamenti*, quod cum jus nullum nisi post vetam sanguinis effusionem tribueret, Testator Deus antiquis promisit, se bona hereditaria, vi sanguinis sui effundendi, ipsis antea esse daturum.

36. Et quia nondum hereditatem adire seque pro heredibus gerere poterant, hoc officium per re-promissiones ac ita per *fœdus* ab illis exegit, per leges eos adstrinxit, circumcissione & terræ *Chanaan* pignore. *cerimoniisque res promissas*

missas adambavit, atque ut obligationes gratiæ erant generales, ita sigillis, pignoribus, umbris, omnibus Deum profitentibus eorumque liberis uni permittit.

37. Aliud testamentum, præter æternum istud, putamus Deum fecisse nullum, nec fœdas aliud quam quod testamenti vim præoccuparet. Defuncto

Testatore, cecidisse diem successionis, id omnibus populis esse denunciatum, hereditatem promiscue oblatam, à credentibus vi gratiosi testamenti per fidem, sine ulla pactione vel exactione prævia, esse acquisitam; In exercitio juris delati & acquisiti, fœderis aliquid instar inter Deum & fideles intercedere, ut explicitum dedimus.

C A P. I V.

Quo rationes quædam adversus unitatem Testamenti & Fœderis refelluntur.

Removetur objectio duplex à discrimine Testamenti humani atque divini petita, à pr. Tertia removetur objectio ex, ad *Hebr. c. 8. v. 6. 9.*; quo probetur dari duo Testamenta: Quæ per instantiam à divisione fœderis novi & veteris renovatur objectio, refellitur. Denique satisfit objectioni à recepta doctrinâ, quod omnino etiam Fœdus novum detur, idque distinctione fœderis in acquirendo & exercendo jure hereditario adstructâ. Subjicitur consertim hujus doctrinæ confirmatio.

Etsi objectiones quædam obiter remotæ sunt in superioribus, omittendæ tamen non videntur, quæ motæ sunt ab amicis aliis. Nostrum fundamentum est in eo, quod Testamentum sine mortis, quæ tantum una fuit, interventu, nullum sit, & quod fideles ante Christi mortem testamenti bona participare non potuerint, nisi per fœdus & æquæ præcedentem confirmationem, quod etiam unicum fuit.

2. Objectum est ita, eruditè; Inter hominum & Dei testamenta hoc interesse, quod ad humani testamenti valorem mors requiratur, ut mutationis metus auferatur, cujusmodi mutatio in Divino Testamento propter antecedentem promissionis & jurisjurandi fidem metuenda non fuerit. Unde sequatur, etsi Testamentum Christi ante mortem ejus non valuerit, ob defectum causæ meritorie, fuisse tamen an-

tea validum, quatenus certum erat, nunquam mutatum iri; propter quam certitudinem nullâ fuerit opus æquæ præcedentis.

3. Responsio ad hanc objectionem sponte se prodit; cum argumentum ejus sit petitio principii. Unde enim certum fuit, ante mortem Christi, Testamentum ejus nunquam mutatum iri. Ex antecedente promissione jurisque jurandi fide, quam sequuta est acceptatio; ut ipsa suggerit objectio. Atqui antecedens promissio est ipsa æquæ præcedentis, quæ dedit vim Testamento ante mortem Testatoris, id est, Fœdus, eâ gratiâ inter Christum & fideles antiquos initum, ut Testamenti fructu, antequam possent è Testamento, gauderent.

4. Quod de jurejurando in objectionem dictum est, referri quoque potest ad Patris adseverationem Filio promittentis hereditariam possessionem & materiam Testa-

Testamenti condendi, quæ promissio considerari potest, ut extendens se ad fideles tam novos quam veteres: Unde nihil inter eos hac parte sit differentia.

5. Respondetur, promissionem Patris nullo modo tollere vel occupare Filii Testamentum: Sed hoc illi niti: Nec ideo derogat promissio Patris naturæ filialis Testamenti, quæ hæc est, ut post mortem Testantis demum valeat, ante mortem vero non nisi per foedus vel actum missionis in possessionem, quam Testator vivus, velut heredi filio imperitur, valere possit.

6. Fuit alia objectio in hanc sententiam; Malè à naturâ Testamenti humani ad Divinum duci argumentum; quando in humanis hereditas morte Testatoris vacua soli cedit heredi, in divinis heredes societatem bonorum post mortem Testatoris cum ipso redivivo habent: Quod magis est absolum, quam si heredes societatem bonorum ex Testamento ante mortem Testatoris cum ipso habere dicantur: ut ideo nihil opus sit *περὶ τῆς κοινωνίας* insistere, in commento.

7. Responsio est: I. Diversitatem aliquam à posteriori, non arguere diversitatem planè separatam, à priori. II. Comparisonem humani cum divino Testamenti, auctore Apostolo fieri, tam ad Galatas quam ad Hebræos; quæ non vitatur è diversitate viarum, extra usum & scopum comparisonis. Est plane ea diversitas heic loci, quâ Testator homo, mortuus hereditate non gaudet, secus ac Christus Testator, redivivus. Sed hæc diversitas in modo fruendi bonis acquisitis, nihil mutat jus primo deferendi hereditatem, quod Apostolus ipse docet Hebr. 9. à morte pendere, idemque ad Galatas bona Testamenti cum Veteribus vi foederis esse communicata demonstrat.

8. Plane, sufficit, mortem fuisse ne-

cessariam ad delationem hereditatis, si-ve ad meritoriam causam, ut in divino, si-ve, ut conditionem sine qua non quam vocant, in humano Testamento. Quod constat, heredes non potuisse habere jus è Testamento ante mortem Testatoris, nisi ex præviâ confirmatione, per promissiones foederis, aut missionem in possessionem bonorum à vivo Testatore, cum respectu & virtute Testamenti ac mortis suæ, factam. Ut etiam hac viâ necessitas *περὶ τῆς κοινωνίας* & foederis unice maneat.

9. Sed fortior objectio nasci videitur ex epistolâ ad Hebr. c. 8. v. 6. & seqq. ubi duo Testamenta eo modo describuntur, ut plane diversa videantur. Vocantur, *πρῶτον καὶ δεύτερον διαθήκην*; primum & secundum Testamentum. Hoc vocatur *πρῶτον*, molius, *πρῶτον*, novum, non factum secundum id quod cum Patribus erat factum v. 9. idque prius *πρωτοδική*, obsoletum fecit, v. ult.

10. Idem ad Galatas cap. 4. v. 24. Hæc sunt duo Testamenta, *ἡ δὲ διαθήκη, ἡ πρώτη καὶ ἡ δεύτερη*, Unum à monte Sinai, & quæ sequuntur. Idem est apud Ieremiam c. 31. v. 31. nisi quod ibi de duobus foederibus, pari sensu. E quibus omnino dicendum videtur, esse duo Testamenta vel foedera specie diversa, de quibus illic agitur. Materiam quoque de-terioris & mellioris, prius de Terrâ Chanaan, ut pignore cœlestium bonorum; Alterum de bonis ipsis cœlestibus unice & directè conceptum.

11. Ad hæc nostra sic est ratio. *Διαθήκη*, esse dispositionem voluntatis, unius vel duorum, antea probatum est. Priorem dispositionem, tam quæ apud montem Sinai repetita, quam prius facta erat, non fuisse Testamentum, sed *foedus*, evidenter & plane demonstravimus. A Græcis tamen veteris instrumenti interpretibus *Διαθήκη* vocatur. Etiam hæc

verba Gen. 15. *percussis cum eo fœdus*, quod est inter duos actum, quæ sic in Hebraico verbotenus sonant, כח אר כח ארם Græci LXX. verterunt *disposuit cum Abrahamo diathecæ*.

12. At hac voce *Testamentum*, æquè, imò frequentius significatur; Imprimis in novo Instrumento, ubi *dispositio*, quæ fuit olim fœdus, est jam verè Testamentum. Non potuit igitur aliter Græcè, quam ut id quod cum Veteribus & cum novis fidelibus actum, unâ eademque voce διαθήκη exprimeretur, manente in rebus eâ diversitate, quam Deus illis impressit, ut olim esset fœdus, hodie sit Testamentum.

13. Ergo δὲ διαθήκη, sunt duæ dispositiones, quas Deus super iisdem bonis, diverso tempore modoque fidelibus administravit; Ut verò Testamentum utraque dicatur, nec res, inquam, fert, nec in textibus objectis indicatur; non utique sanguinis effusio, quam in priorē dispositione adhibitam Moyses refert & Apostolus observat Hebr. 9. peculiare Testamentum arguit, quia Moyses diferte sanguinem fœderis inter duos contracti appellat: Et Apostolus ideo sanguinem respersum monet, ut hæc dispositio mortem Testatoris typicè repræsentaret.

14. Nullo modo etiam liquet, materiam utriusque dispositionis esse diversam. Probatum est antea, cum Patribus & cum Abrahamo fœdus initum esse super bonis Testamenti adhuc clausi, cujus sententia illis obscurè significata est; factam esse προκήρυξιν, confirmationem præcedentem testamenti, cujus accessio fuit, pignus terræ Chanaanis; minime hoc quidem fœdus novum; non magis quam hypotheca humanis contractibus adjici solita per se negotium facit. Διαθήκη προκήρυξις καὶ Χείρις, ad Gal. 3. Præcon-

firmatio, Testamenti in Christum, non potuit esse de aliis bonis, quam in ipso Testamento comprehensis, & post mortem Testantis, palam factis.

15. Hæc uti cum Abrahamo inita erat, ita renovata est apud Sinai, ἱκαναί-
νται, inquit Apostolus d. ad Hebr. 9. cap. Proinde nihil illic in summa, quam cum Abrahamo gestum fuerat, actum est vel agi potuit; major saltem adhibita solennitas & major intentio servitutis cærimonialis, quo respectu Apostolus ἱκαναί-
ται Sinaiticum per excellentiam novo Testamento opposuit.

16. Alioqui nihil est certius, quam dispositionem veterem, sive Testamentum vetus esse æqualem omni tempori, quo clausæ fuere Testamenti tabulæ, id est, à primâ in Paradiso promissione. Fuit enim hæc statim προκήρυξις, sive confirmatio antecedanea Testamenti morte implendi; quod hoc θανάτου περιποίησις, morte Testatoris obitâ, cederet, sic ἀπαλλαγῇ-
σιν ἡ ἐν τῇ προκήρυξιν διαθήκῃ ἐπαγγελία, in liberationem à peccato sub veteri dispositione commissis d. cap. 9. ad Hebr. v. 15. E quibus verbis rectè pridem comprobatum est, τὴν πρώτην διαθήκην, primam dispositionem, sive Testamentum Vetus, æquè latè patere, quam patet retro, virtus salutaris mortis Christi, id est, ad primam usque peccati originem.

17. Quod autem recentior dispositio, sive Testamentum novum, à veteri tam insigniter distinguitur eique tam notabiliter à Prophetis & Apostolis præfertur, id non speciei, sed gradus & modi arguit diversitatem: Quod iterum melius quam à Paulo suggesta ratione demonstrari non potest.

18. Docet hic Galatas cap. 4. inter Veres & novos fideles ejusdem hereditatis participes, id interesse, quod inter heredem puerum & adultum, cujus utriusque jus est idem; sed infans quod ad

ad sensum fruitionis nihil à servo discrepat; regitur, manuducitur, cogitur, ut servus. Cum primum adoleverit, heredem se dominumque esse intelligit, libertate gaudet plenâque possessione, fruitione, gaudio truitur, ac ita posterior status ejus priore tanto præstantior & excellentior, quanto libertas servitio præstat & præcellit, habetur.

19. Parem ait esse rationem veterum novorumque fidelium. Veteres tanquam infantes, etsi heredes, vi testamenti promissionibus anticipati, *ἐπεὶ τὰ πικρία τῆς τοῦ αἰῶνος ἀδελυγμῶν ἦσαν*, sub elementis mundi, id est, terrâ Chanaânis, esculentis, potulentis, carnibus, aquis omnique caerimoniarum mole *redacti erant in servitutem*.

20. Habebant pædagogum & quasi dominum, qui tanquam pueros & servos manuduceret ac custodiret; qui custos & pædagogus erat Lex, ut docet *cap. seq.* Paulus, *ἐπεὶ νόμοι ἡμετέροις ἐγκυκλιζόμενοι*, sub lege custodiebamur *inclusi*. *Ὁ νόμος παιδαγωγὸς ἡμῶν ἦν ἵνα εἰς Χριστὸν*; Lex pædagogus erat noster ad Christum.

21. Cohibebat eos, ne in peccata ruerent, convincebat eos peccatorum commissorum, inculcabat maledictionem non servantibus, eoque spectabant fulmina, tonitrua, omniisque terribilis apparatus in sanctione Legis adhibitus.

22. Atque ita *servorum instar*, coarctati, compressi, cum nihil opis in Legge, nihil ibi quam onera, minas & diras, *statuta non bona*, offenderent, ad Christum adigebantur, ut sub molestissimo jugo ad tempus impleri testamenti anhelantes, ægerrimè bona, quæ multò facilius, hæreditate per mortem Testatoris delatâ, contingunt, adipiscerentur.

23. Sic igitur peccatorum causâ accessit fœderi Lex, *τὸν νόμον ἡμετέρον ἵνα*

πληρώσῃ τὸ νόμον, Gal. 3. v. 19. locupletissimo sensu, universo; etsi ad peccatum *μωχολαγίας* nullum habeat peculiarem respectum; *Adjectum est promissioni custos & commentariensis*, cujus est *φρεσὶν & συγκληῖται*, custodire & concludere. Lex, inquam, ad usque tempus aperti testamenti, quo & aperta custodia libertatque proclamata fuit ac præstita, cum plena perfectâque lætitiâ & plenius effusâ gratiâ notitiâque veritatis & vi spiritus sancti.

24. Ex his evidenter liquet, nihil de præstantiâ dispositionis novæ suprâ antiquam esse dictum, quod hac differentia non comprehendatur. Et tamen sicut heredis pueri ac adulti jus idem, eadem facultas est, idem utrique in Testamento addicitur & inculcatur, hoc solo discrimine, quod puer jus suum obscurius intelligit, eoque minus libere pleneque fruitur; Ita veteribus & novis fidelibus eadem facultas delata, denunziata & inculcata est; Bona testamenti promissionibus ad mortem Testatoris spectantibus confirmata, fuerunt eadem, quæ post aperturam Testamenti heredibus præstita ab iisque percepta sunt.

25. Sed aperto Testamento, necesse non est, adhiberi ulla imitamenta, quibus implendi testamenti modus instar umbræ ob oculos figuretur, neque opus est prægustatione terrestrium bonorum, quibus ipsa bona ecclesiastica sine circuitu prægustanda offeruntur; nihilo magis pædagogo & custode dominove, qui nos ad Christum quasi procul adhuc lemotum & occultatum, adigat atque constringat; cum ipse Dominus communionem sui, quæ est bonum aperti testamenti maximum, realiter offerat ac præstet; cessante difficultate ad eum per tot obstacula quæ fuerant, eundi, quæ cum pauci olim percurrerent, multis in medio cursu resistan-

di pedemque struendi præbuerant causam.

26. Directa verò isthæc gratia longè abundantius in corda hominum immissa non modò τὸ ἡμέτερον & Χριστοῦ παρακλῆσις ἐν αὐτοῖς, letitiam Christi plenam in iis excitavit, Joh. 17. Sed & spiritum notitiæ, fiduciæ, amoris Dei, adedque ἐν υἱοθεσίᾳ, adoptionis in filios, in quâ sunt omnia hereditatis jura, latissime plenissimeque in eorum corda effudit, ut factum esse juxta vaticinium *Jeremie cap. 31. v. 31.* testatur Apostolus ad *Hebræos 8. v. 9. & 10.* Ex quibus omnibus manifestum est, diversitatem utriusque Dispositionis antiquæ & novæ esse talem, ut ei bene conveniat, quicquid Apostolus *d. loco* de utraq; dispositione collocat, sine specifica tamen; sufficiente & apparente solâ modali differentiâ.

27. Vulgatum ad hanc sententiam esse præjudicium è recepta Veteris & Novi Fœderis, item Veteris & Novi Testamenti distinctione, è quibus saltem duplex fœdus & duo Testamenta dari, sit indubitatum, non ignoramus; At jam quo pacto novæ veteris appellatio modi non speciei diversitatem inferat, è Lugdunensium institutione Professorum, exposuimus.

28. Revera, quod vetus est, *Fœderis*; quod novum, *Testamenti* voce designandum erat. Sed quia Græci uno vocabulo διαθήκη, dispositionis, Testamentum & Fœdus exprimunt; hinc & Veteri & Novæ διαθήκη. Latini utramque vocem adscripserunt, ac inde tam Veteris & Novi Fœderis quàm Testamenti fluxit appellatio: cum tamen Fœdus & Testamentum, id est, unius & duorum voluntas simul consistere nequeant, actusque diversi & oppositi generis contineant.

29. Scimus, hanc rem vulgo ita explicari; ut dispositiones Dei, quatenus

ipsius voluntate solâ constant, Testamenta sint; Eædem fœdera fiant, quando consensus & repromissio hominis accedit: Sed jam pridem ostendimus, non quamlibet unius declarationem, sed morituri, super eo quod post mortem suam fieri velit, esse Testamentum usu humani generis & Dei in verbo suo; tale verò esse unicum duntaxat, probavimus: ut & hoc; Testamenti jus Fœdere non indigere, nec id in successione Testamentaria usu venire, nisi ex post facto, quod dicunt, in executione Testamenti; Proinde illam translationem Testamenti in fœdus ad acquirendum jus hereditatis cœlestis, negamus esse Scripturariam, vel convenire negotii naturæ: exactè consideratæ.

30. Præterea, si dispositio unius Dei est illa voluntas æterna de salute Electorum, hæc est, una & immutabilis, non vetus & nova. Si vero per illam dispositionem intelligitur declaratio in tempore hominibus facta, hæc sine acceptance nihil perficit nec ab eâ separari potest; Juncta autem cum illâ, contractus est & Fœdus, nec Testamenti rationem seorsim habere potest.

31. Difficilius forte quam quod de Testamento diximus, admissum iri videtur, quod nostra tenet sententia; juxta Christi Domini mortem apertumque Testamentum, non esse locum *Fœderis*; nec adeo dari *Fœdus Novum*, quo jus cœlestis hereditatis fidelibus delatum vel acquisitum sit.

32. Hujus rei ratio & probatio reddita est sub *fin. cap. præced.* desinens in hac observatione, quod ad delationem & acquisitionem juris hereditarii, fœdus necessarium fuerit, antequam Testamentum valeret: Post illud impletum morte Testatoris, aditionem hereditatis incontinenti per fidem committi, nec amplius usum aut locum esse fœderi *ad jus heredi-*

hereditatis acquirendum: sed nihil quam lætū apertī Testamenti delatæque hereditatis nūciū resonare per orbem terrarū.

33. Mihi nihil adhuc oblatum est, quo vel Testamentum ullum, ante Christum, apertum; vel post illum, Fœdus contractum doceatur; quo, inquam, postea, largitionem salutis nostræ per modum conventionis & fœderis disponi statuendum sit, quemadmodum id vulgò concipitur, quasi Testator ab herede aliquid exigeret & stipularetur, quo præmissō, hereditatem ei relinqueret. Formula talis stipulationis & promissionis nusquam, credo; reperitur, nisi in modo exequendi, & administrandi juris testamentarii.

34. Videndum igitur, ne non faciendum sit, ut per consequentiam fœderum cum veteribus, in subsidium atque ad anticipandum testamenti effectum initiorum, fœderalem hanc viam adhuc insitamus, postquam dies testamentariæ successionis liquidissimè cessit, & hæreditas morte Testatoris delata cunctis adire volentibus, i. e. credentibus oblata fuit; adeoque, ne non utendum sit hac ἀνυπολόγια, ut Fœdus antiquum pro testamento, & exitum testamenti pro fœdere novo accipiamus.

35. Nam et si de utroque recte dicatur, illud esse viam Domini in servando peccatore diversis temporibus initam, verum tamen non sit, Fœdus & Testamentum per omnia pari passu ambulare, atque ubi testamentum est, ibi simul esse Fœdus intelligi.

36. Hæc verba, Crede & vires, quam formulam Fœderis post mortem Christi esse volunt, sit potius cohortatio ad acquirendam hæreditatem modò delatam, quasi dictum esset, Ad hæreditatem & in æternum eā spernis atque potieris, eaque facultas & voluntas adeundi

cum spiritu novo, est ipsum testamenti apertū bonum: quod de vetustis temporibus dici non potuit; utpote, quibus illud jus nondum cesserat, verum per promissiones actusque inter vivos longe molestiori & obscuriore modo representandum fuit, atque representatum ac anticipatum est.

37. Denique, promissionibus & repromissionibus negotium salutis apud veteres actum & peractum fuit; Επαγγελίαι, promissiones ubique de Patribus usurpantur, φανέρωσις, πλείωσις; τὸ ἰσχυρὸν αἰμαίν, manifestatio, consummatio, res & eventus promissionum, temporibus Christi constanter & perpetuò adscribuntur, Rom. 6. v. 23. & seq. 2 Tim. 1. 9. & seq. Tit. 1. v. 2. &c.

38. Tu dices, novum Testamentum sit novum Fœdus, quando accedit Lex Christi, jugum ejus, cum promissione vitæ & salutis ad obediētes, detestatio autem & horrenda iudicii comminatio adversus eos qui non credunt in Christum, non amant illum nec obediunt ejus imperiis: dum hæc in mundo ubique prædicantur ac proponuntur, cum pignoribus sacri Baptismi & Coenæ; dum hæc credentes amplectuntur & accipiunt, tum fœdus contractum intelligitur.

39. Ad hæc ratio sic est; In præceptis Christi, quid est quod testamento non cohæreat hæredisque officio non æquè ac promissioni inter vivos conveniat? Comminationes factæ non credentibus, quid aliud sunt quam exheredationes? quæ non minus quam hæredis institutio sunt pars testamenti, & diris ac fulminibus, etiam à parentibus contra filios non obediētes emissis comparantur, vimque dicuntur habere quasi condemnationis ad mortem; adeoque videndum, ne quicquam in illis sit, quod contractum, fœdus, aut conventionem inferat. Sacramenta verò ab ipso Domino

Domino Jesu Testamento novo adscribuntur, ejusque sigilla sunt. Quod autem & pignora vocantur, inde non sequitur *se Fœdus*, cui accedant: Nam pignora non minus testamentis, quam contractibus adjici possunt.

40. Denique, itatenemus, delationem & acquisitionem juris hereditarii, vi mortis Christi directe, sine fœdere, ut positum est, committi, nec observantiam testamenti propriè Contractum esse appellandum. Nec conditionem ullam heredibus in Testamento *Jesu Christi* proponi, cum ipse conditionem salutis acquirendæ unicam, quæ est perfecta obedientia, prius impleverit, & nos *duplex gratis, τῇ αὐτῇ χάριτι, per illius gratiam servemur*.

41. Conditionalis institutio non facit heredes, sed hereditatis delationem suspendit ab eventu & à præstatione facti alicujus, quod de efficacia mortis Christi neminem dicturum puto. Nec adeo repetemus quod jam constat, *fidem non esse conditionem institutionis*, sed additionem hereditatis, necessariam quidem, at non magis conditionem, quam extensio manus est conditio eleemosynæ acquirendæ.

42. Verum enimvero non est nobis animus, negare fœderis usum & appellationem in novâ dispositione testamenti aperti; modo non *ad delationem & acquisitionem juris hereditarii*, quæ fit unice à Testamento morte Christi confirmato, sed *ad exequendum* illud, ac *administrandum* refert contenti sumus; neque tantum id inter executores testamenti & heredes professos atque præsumptos, ut *suprà* dictum; concedimus; verum etiam inter Deum animamque fidelem, non, ut olim, scilicet, *conditum*, sed *usu exercitum*.

43. Est enim pro fus immane discrimen inter hæredes Christi Domini at-

que hæredes hominum Testatorum, in primis in eo consistens; quod hi post impletum testamentum mortui sunt & manent, quibuscum nec cogitationes nec verba commutari possunt; cum noster coelestis auctor hæreditatis revixerit & in coelos ad dextram Patris sui erectus, inde nos verbo suo instruat, spiritu suo gubernet ac adjuvet, ut ad finem usque nos dignè pro hæredibus geramus & tandem illic simus, ubi ipse nunc est. *Job. 17. 24.*

44. Quod cum nonnisi post obitum ex hac vitâ, infinitis difficultatibus obseptâ, futurum sit, illum divinâ potentia scientiæque ubique præsentem adsiduo contemplamur, ejus opem imploramus, lapsus nostros confitemur, emendationem promittimus, ejusque Patri per ipsum nos humillime commendamus; atque nos totos ejus amoris obsequioque dedimus ac devovemus: ille nos recipit suæque receptionis, per testimonium Spiritus Sancti, certiores reddit.

45. Hoc esse, *obligare* semet, etiam fœdus inire, si quis ita velit, non recusamus: imo si quis exercitium fidei, perpetuum *συνάλλαγμα* dicere velit, *commutationem promissionum & repromissionum adfiduam*, id æque facile concedemus.

46. Sed jus totum pendet à Testamento & à morte Testatoris, sine ulla fœderis mixturâ; verum actualis dominii acquisitio ejusque exercitium, adeoque testamentarii juris *executio* fœderali modo administratur, tam inter Deum, inquam, & animam, quam inter executores Testamenti & Confessores, quo pertinet *ὑποπαρὴ τῆ ὁμολογίας ἡμῶν εἰς τὸ ἰσχυρίσθαι*. Obsequium confessionis nostræ secundum Evangelium. 2 Cor. 9. 13. non tantum, inquam, externe, sed etiam respectu Dei ipsius animæque hereditatem cernentis. *Jerem. 31. v. 33.*

47. Qua

47. Quæ restamen non est, inquam, quando testamentum nondum valebat & impedimento, quominus omnem delati & acquisiti juris hæreditarii causam beneficio testamenti, sine pactione fœderis, acceptam feramus; secus ac olim

quando testamentum nondum valebat & à subsidiariis promissionibus ac fœderibus ad exitum futurum testamenti se referentibus, necesse erat petere spem salutis.

C A P. V.

Fœderis & Testamenti jus reverà non discrepare, pressius, etiam remotis objectionibus aliis, demonstratur, & natura sponsionis à Christo factæ explicatur.

Distinctione celebri inter *νόμον* & *ἀφῆκεν* statui specificum, non modale duntaxat inter N. & V. Testamentum, discrimen. Sed probatur, antiquos fideles æquè perfectè liberatos fuisse reatu peccatorum, quam post obitum Christi, Novos. Removetur objectio à naturâ sponsionis, quasi illa supponat, debitorem adhuc ipso jure obligatum ante Solutionem. Probatur esse genus sponsionis, quod debitorem perfectè liberat, etiam ante solutionem, quæ sit Expromissio; cujus proprietas & vis huic rei applicatur. Respondetur ad loca Scripturæ, quibus Veteres adhuc fuisse obligatos, probari videtur. Removenturea; quæ applicationi Expromissionis hac parte objiciuntur.

U Num modo fœdus unumque Testamentum esse, quo jus Ecclesiæ fundatum sit, copiose demonstratum est. Fœdus idem veteribus præstitisse quod Testamentum novis fidelibus, nec aliud quam anticipatam Testamenti vim in Fœdere fuisse, pariter adstruximus. Discrimen in modo, in gradu charitatis & infrequentiore, nec non languidiore Spiritus sancti effusione, denique in œconomia cærimoniali postmodum abolitâ constituisse: Jus veterum fidelium per fœdus, idem reverà fuisse, quod novis è Testamento sit, inquam, abunde comprobatum est.

2. Haud ita pridem non paulo secus institutum est cœptumque doceri adseveratè, Remissionem debitorum è peccatis quæ fidelibus in antiquo fœdere tribuitur, non fuisse liberationem perfectam, quia

tunc necdum erat facta solutio, per quam Deo Creditori verè satisfieri potuerit, utpote, quæ demum à Christo passo præstita sit. Hanc quoque naturam Sponsionis esse, quam filius Dei ab initio præstitit, ut ille quidem Fidejussor soluturus esset, ipsa tamen debiti obligatio peccatoribus, tanquam principalibus, & originariis debitoribus adhuc incumbere.

3. Proinde Veteris Testamenti peccata Deum magis præterisse & dissimulasse, respectu Solutionis futuræ, quam abolevisse penitus & extincta voluisse: Nec aliter potuisse fieri. Unde celebris distinctio inter *ἀφῆκεν*, remissionem absolutam, & *νόμον*, præteritionem, hanc veteri, illam novo Testamento convenire statuunt. Quâ de re superioribus annis tam crebro disputatum est, ut nihil tri-

Q

hil tritius. Heic tamen loci novares videri, neque sane omitti potest.

4. Si verum est, quod antea probavimus, Foedus antiquum nihil fuisse, quam *παράκλησις* & vim Testamenti anticipatam, idemque Veteribus vi mortis futuræ, mediis promissionibus, exhibuisse, quod mors ipsa apertique Testamenti sententia novis dedit Fidelibus, fieri non potest, ut illa vocabulorum *Παράκλησις* & *Ἀφίξις* distinctio reale discrimen habeat.

5. Si potest etiam doceri, veteribus adscribi plenam & absolutam à peccatis atque reatu liberationem, non minus efficaciter, quàm de novi Testamenti temporibus prædicetur, ultro corrui illa distinctio. Nos illa brevissimè collocabimus.

6. David sui temporis fidelibus *ἀφίξις* adscribit *Psf. 32.* ubi Græci Interpp. *ἀφίξις* πᾶς ἀμαρτίας, οὐ λογιζήσῃ, non imputari. *Ἐξαλειφθήσῃ*, Expungi, extingui. *Ῥανιδήσῃ* ὑπό τῷ ὑψόφῳ, expurgari hyssopo, *ὡς τὰ λευκαθήσῃ* ὑπὲρ χιόνα, ut nive Candidiores fiant; quod David de se occasione poenitentiae, propter adulterium & eadem actæ, adeoque in usu historico temporis ante Christum adfirmat *Psf. 51.* Idem *ἰλασµὸν* ἀπὸ τοῦ κυρίου ἡμεῶν δυνάµει, αὐτῷ, Expiationem apud Dominum propter nomen ejus, id est, Messiam memorat *Psf. 103.* Christus etiam Dominus ante solutionem à se peractam, non semel *ἀφίξις* remissa, abolita peccata ponit, ut *Luce vii. 47.* Quare & justificatio simplex veteribus adscribitur *Rom. 4 v. 3. Jacob 2. v. 22.*

7. Vix est, ut efficaciora dicta significandæ remissioni plenissimæ in N. T. monstrari queant. Proinde, cum peccata veterum fidelium propter Christum penitus extincta fuisse liqueat, nullus locus superiori distinctioni relinquitur.

8. Sed diverſa sententia verbosior est.

Necesse videtur, ut rationes ejus videamus & removeamus. Primo, non parvam speciem & *ἰσχυρὸν* huicce opinioni dedit, consideratio sponſionis & solutionis nondum factæ ante Christi mortem. Quâ fieri videtur, ut aliter se res habere nequiverit; quàm quod ante solutionem à Sponsore factam ipſo jure debitum peccatoribus adhuc incubuerit, etſi Deus pater se jus suum, Sponsoris fide contentus, non executurum declarasset. Ac ita præteritionem, *παράλειψιν*, peccatorum à Sponsore Veteribus impetratam; *Ἀφίξις*, remissionem novis credentibus ab eodem solutione peractâ fuisse præstitam.

9. Neque profecto hæc res aliter explicari posset, si tantum una Sponſionis species daretur, quâ quis ita alienæ obligationi accedat eamque in se recipiat, ut principalis Debitor adhuc obligatus maneat; cujusmodi sponſio, Fidejussio & *Adpromissio* vocatur à Jurisperitis.

10. Sed est aliud Sponſionis genus, quod vocatur *Expromissio* & *Delegatio*, quâ sponſor alienam obligationem ita in se recipit & transfert, ut primus debitor plane perfectèque liberetur, ejusque obligatio citra & ante solutionem penitus aboleatur & extinguatur, quemadmodum à nobis in *Tract. de Fæder. & Testam. exercit. 5.* antea citato copiose demonstratum est: & Sponſor ille vocatur *Expromissor*, etiam Reus pro alio datus; qui non tantum ab alio delegari, sed etiam se ipsum delegare dicitur, *d. Exercit. th. 8.*

11. Quamvis autem Debitor ab omni jure Creditoris per *Expromissionem* liberetur, verum tamen est, jus Creditoris manere integrum, adversus Sponsorem sive novum Reum. Ut, si quod habeat chirographum primi debitoris, id agnitum à novo Reo vigorem suum retineat adversus *Expromissorem*, in quem aut statim, aut tempore

• pore constituto competit exactio & executio.

12. Solutione autem factâ, quanquam Liberationi debitoris pristini, quæ pridem absoluta fuerat, nihil adjiciatur, hoc tamen novi accedit, quod *Substantia* debiti omnino perimitur & chirographum restituitur, aut aboletur. Quo fit, ut debitor etiam majore lætitiâ quàm prius efferatur, jure quidem eodem, sed evidentiâ majore liberationis, imprimis si antea nonnisi obscure Sponsionis acceptatæ certior factus fuerit.

13. Maxime autem evidens differentia inter statum Reiliberati, ante & post solutionem Sponsoris, quod ad sensum & externam speciem, tunc apparet, quando, scilicet, Debitor liberatus, ante solutionem infans, & post solutionem adultus fuit. Quamdiu erat *infans*, non intelligebat, se liberatum esse, regebatur ut servus; Adultus vidit lytrum antea promissum solvi pro sese, eoque demum læto nuntio exultat plenèque felicitatem suam agnoscit, quam vix antea capiebat; etsi ad jus ipsius liberationis tum reverà nihil accesserit.

14. Ita sublata est difficultas à naturâ Sponsionis. Etiam objectio *capite præced.* mota, quod duæ sint *diathecæ*, vetus & nova, melior & deterior; cujus rei sensus & heic & ibi satis est declaratus. Sed videamus, an loca Scripturæ singularia & adhuc intacta non inferant plus quam modale discrimen: Hæc enim etsi vulgariata tamen omiati non possunt.

15. Ad *Roman. c. 3. v. 23.* scriptum est, Deum proposuisse Christum *ἡγιασμένοι, διὰ τοῦ παριζου ἢ παραχρησάμενοι*, propitiatorium per remissionem, an *præteritionem* peccatorum antea commissorum.

16. Non est quod dicamus, hæc verba, non nisi ad peccata præterita quorumvis fidelium pertinere, nec ad tempus

ante Christum esse restringenda, licet in verbis forte nihil sit huic sensui contrarium. Sed relinquamus hoc suo loco.

17. Vocabulum autem *παρισυς* idem esse quod *ἀφίς* pridem à græcæ linguæ peritis probatum est. Nec enim à *παριμι*, quod significat *prætereo*, sed à *παρίμιμι* remitto derivatur. Si quis urgeat, τῷ παρίμιμι aliquando *prætermittere* significari, in quem sensum verba Xenophontis ex Budæo proferuntur, *μηδὲν παραίμιμι εἰς τὴν ἀγορὰν*, neminem transmittere ad arcem, unde non sit alienum deducere τὸν παρίμι, id quidem per me & per interpretationem, quam sequi malim, fieri licet.

18. Ita enim illa vox non simplicem denotaret omissionem aut dissimulationem, sed transmissionem motivam, *de loco ad locum*; vel, si de hominibus agatur, *de personâ in personam*; cujusmodi transmissionem exacte convenire nostræ expromissionis instituto, è superioribus dictis manifestum est; ut pote, per quam debitum ab originali debitore transmittitur atque transfertur in Sponsorem: Eoque sensu nemo negabit, veteribus competere *παρίμι*, per quam liberatio plena perfecta que & solutioni æqualis committitur.

19. Sunt, qui hoc ipsum per Hebraismum in sacris literis frequentem, quo Deus dicitur, *transire facere* peccata, videlicet à peccatore in mediatorém, significari intelligunt, quod suo merito relinquemus; etsi res sit verissima. Enimvero id utique abunde liquet, illum Pauli locum minime factum esse, ut vim ἀφίσεως pro antiquis fidelibus tot locis adstructam auferre posse videatur.

20. Ex eadem expromissionis naturâ potest responderi ad ἀνοχὴν tolerantiam, quæ temporibus antiquis, ut volunt, ex eodem Pauli ad Romanos loco, adscribitur; si tamen, quod mihi non liquet,

ibi temporum sit oppositio, & non simplex indulgentia Dei, adversus quoslibet electos, nondum fide mediatorem amplexos, prædicatur.

21. Sed demus, *ἀρχή*, fuisse veteribus peculiarem, quænam evidentior esse potest *ἀρχή*, quam quod Deus pro debitore criminali, quem totum exigere & excutere, meritaque poenæ subicere poterat, ejus loco suum filium intervenire totamque in se recipere patitur obligationem; quod denique & cum illis ante chirographum solutione peremptum, per gratuitas promissiones, bona cœlestia communicavit?

22. Atque hæc est *ἀρχή*, qua Deus usus est, cum adversus omnes electos, tum specialiter erga vetustos fideles: etiam adversus omnes, inquam; Fuit enim hæc divina bonitas, cum peccatores solvendo, nisi æternis poenis, nullo modo essemus; tam inexpectatam clementiæ, salva justitia sua, rationem iniire, qua Filius infinita divinæ personæ dignitate, transitorio supplicio; temporis infinitatem, cui nos eramus obnoxii, adæquaret.

23. Hæc, inquam, sive *ἀρχή* sive *πρόσπον*, atque bonitas inest in Expromissione, qua simul divinæ justitiæ, consensu Dei Creditoris atque Sponsoris, quod toties dictum, plenissime satisfactum est.

23. Plus forte Valoris est in argumento, quod è Paulo ad *Hebr.* 10. v. 18. peti solet; *ὅπου ἄφεσις ἁμαρτιῶν ἐστὶν ἡ προσφορά τοῦ σώματος ἁμαρτίας*, Ubi est remissio peccatorum, sive perfecta liberatio, ibi nullus est locus oblationi pro peccatis: Atqui ante Christum fuit oblatio. Ergo non fuit tum remissio sive perfecta liberatio.

24. Responsio simplex est; dictum illud Apostoli verissimum esse, de remissione ac abolitione debiti ipsius, quod ante solutionem Sponsoris adhuc erat

integrum, supereratque chirographum debiti, quo peccator erat obstrictus, & quod solutione demum corporali peremptum esse constat. Quamdiu igitur supererat obligatio & chirographum debitoris, *usum habebat oblatio*, quæ nihil erat aliud quam typica representatio mortis Christi; ipsum debitum abolituræ & instrumentum obligationis rescissuræ.

25. Quod recte perceptum nullam relinquit difficultatem in eo loco, qui tractat de hac inductione & abolitione chirographi. Est locus Pauli ad *Coloss.* cap. 2. v. 14.

26. *Ἐκατέψατο, ἡμεῖς ἡμῶν χειρὶ γράφον τῆς δόξης, ὃ ἡμεῖς ὑπογράψαμεν ὑμῖν, καὶ αὐτὴ ἔκειτο ἐν τῷ μυστήρι, προστάσσας ὑμῖν τὸ πᾶν.* Cum delevisset chirographum præceptorum contra nos, quod nobis erat adversum, cruci adfixum sustulit illud è medio.

27. Delevit per sanguinem, quod erat pretium solutionis.

28. Chirographum præceptorum, quod est Confessio delictorum, in exercitio cærimoniarum præscripto.

29. Contra nos, in nostrum nomen ac onus conceptum.

30. Quod nobis erat adversum, quod poenam continebat, quam ob peccata commissa nos fatebamur esse meritos.

31. Si quis *ὑπογράψας* velit ita vertere, *subadversum*; quia non directe contrarium fuerit, haud repugno; Sed necesse non est, neque verbi usus adeo id inferat, quam etymologia videtur. Chirographum ut conceptum fuit, ita planè adversum erat nobis; et si vim suam contra nos pridem amiserat.

32. Sustulit è medio, post solutionem sibi traditum abstulit è manibus sui Patris, ut promiserat.

33. Adfixum cruci, quemadmodum obita in cruce morte demonstravit, omnibusque

nibusque deletum chirographum quasi ob oculos posuit.

34. Veteres in cœrimoniis occupati fideles, sic animos induxerint suos: Hæc dogmata ritusque molesti commonefaciunt nos chirographi extantis in nostrum nomen, quo fatemur nos esse meritos mortem; quod Sponsor, in se poenâ jam recepta, auferet aliquando è medio. Beati, qui videbunt hoc in tempore, deletum oculis quæ suis expositum!

35. Causæ fuisse abunde, quæ Deus hanc chirographi commonefactionem quotidie Vereribus, etsi vim ejus contra sese amplius non valere crederent, inculcari voluerit, ex iis quæ suprà commemorata sunt, observari potest. Scilicet, eadem quæ legis universæ ratio fuit, ut pædagogus esset ad Christum.

36. Quid opus est addere de verbis Pauli, *ὅτι ἐξ ἔργων νόμος ἵσταται, καὶ κατὰ ἐργὰ ἵσταται. Quotquot ex operibus Legis sunt, sub execratione sunt: ad Gal. 7. v. 10.* Quasi Patres antiqui diris subjecti fuissent. Quis enim non videt, hoc de iis qui ex operibus Legis justificationem quærent, non de fidelibus Ver. Testamenti esse dictum. Qui cum Legi nunquam per omnia satisfaciunt, diris ejus, quatenus fide in Christum illis non eximuntur, sunt obnoxii, ut clarum è textu.

37. Hæc omnia nituntur eo quod diximus. Sponsionem Christi non fuisse fidejussionem sed expromissionem; quæ personas debitorum vi obligationis perfectè liberavit, ipsum vero debitum & Chirographum obligationis ad solutionem usque relinquebat integrum.

38. Adplicationem hujus doctrinæ quominus facere liceat, opponunt aliqui, talem expromissionem non habere locum in pœnis corporalibus delictorum sed in illis reatum manere, donec solutio corporaliter fiat.

39. Est equidem verum, jure Civili,

non probaram esse regulam, ut *quisque membrorum suorum dominus* esse dicatur, deque suo corpore vitæque, more contractuum, disponat: Sed jure gentium pro patria, parentibus, liberis & conjugibus aut amicis, se ad mortem cruciatumque corporis obligare, non modò non incognitum, sed etiam laudabilibus exemplis celebratum est.

40. Eaque res in filio Dei, cujus ad hypothesein hæc disputatio pertinet, minus habet dubii; quod in eo cesset regula juris, quod Dominus membrorum vitæque suæ nemo dicitur; Christus enim *ἐχὼ ἐξουσίαν τοῦ σώματος αὐτοῦ, habet potestatem de corpore vitæque suâ disponendi. Job x. 18.*

41. Necesse non erit, ut removeamus obsecutionem jam præoccupatam; quæ delegationem sive *expromissionem*, per quam omne jus creditoris tollitur, non nisi debitoris voluntate fieri excipiunt: Christi verò sponsionem ignavis peccatoribus esse commissam.

42. Nam præter quod hæc objectio fidejussioni, cui illi non contradicunt, æque adversatur, probavimus *suprà*, nihil ob stare, quominus & *delegatio* fiat ignaro debitore, quemadmodum Christus dominus se patri suo pro genere humano, sine ipsius concursu, præbuisse manifestus est.

43. Non licet adhuc dimittere instantiam adversus hunc liberationis effectum, ante solutionem, cujus modo meminimus, & qua Viros Cll. uti videmus; Consensu partium fieri posse dicunt, ut pecuniarium debitum eo modo aboleatur, *Sed quod oritur ex maleficio, ex rigore justitiæ, ante solutionem poenæ non posse relaxari.*

44. Qui sic instituunt, primò nihil proferunt, cur ita ponant, & cur expromissio, quæ vim solutionis habet, non subsistat, ubicunque valet solutio, quam

quam illi pro delictis alienis fieri posse concedunt.

45. Statuunt, inquam, Christum potuisse jure pro nobis *solvere*, *spondere*; per solutionem poenæ pro alio factam, jus Creditoris & obligationem ex delicto æquè aboleri, quam debitum pecuniæ; non negant, hoc à voluntate Creditoris ejusdemque judicis pependisse; eundem id agere potuisse, ut sponzor vel fidejussor statim solveret, quo liberatio mox ob oculos foret. Igitur sola dilatio restat, quæ liberatio perfecta in expromissione Christi possit impediri, per quam tamen nihil in ratione juris & justitiæ mutari certum est.

46. Mora solutionis equidem non mutat reatum, nec eximit obligationi debitorem, ubi nulla sit novi rei substitutio; sed qui *hanc* concedit, male connectit, si effectum rei a partium voluntate retro posse operari neget; ut Liberatio per solutionem, suo tempore consensu creditoris & sponzoris facta, vi voluntatis ejus effectum in antecessum

habeat, per actum solutioni æquipollentem.

47. Est & alia objectio minoris subtilitatis; Si Christus in se debitum ante solutionem plane transtulisset, fore ut secuta solutio non pro nobis, verum pro ipso, qui jam solus debitor erat, præstita videretur.

48. Est cavillatio responsionem *vix* requirens: Sponzor post expromissionem manet reus pro alio datus, & in hac qualitate non sub nomine, convenitur à creditore, hoc modo; *Quando tu pro Cajo te reum constituisti, ajo, teolvere debere quod pro Cajo spondidisti*; nec aliter condemnatur.

49. Æque parum ad rem facit, quod in expromissione, dicitur solutio deficere posse, ob inopiam sponzoris, secus ac in sponione Christi. Quis enim negat, manere diveritatem, quæ est in terminis & accidentibus rerum humanarum; ac in proprietatibus divinis, quod toties dictum est? præter quod hæc objectio non expromissioni, sed cuilibet sponioni adversatur.

CAP. VI.

De Satisfactione CHRISTI.

Ufus observationis de propria significatione Satisfactionis. Quinque diversi sensus Satisfactionis, in negotio Salutis humanæ. Unum esse reatum, quo sumitur pro expletione justitiæ divinæ præcipientis & punientis. Hanc significationem à Grotio in libro de Satisfactione non esse adsertam. Sed eum urgere satisfactionem, qua Christus solverit minus quam debitum erat. Mortem fidelium temporalem nihil detrahere plenitudini satisfactionis. Objectionem esse vulgarem, sed difficile; quomodo cum plena satisfactione concurrere possit gratuita remissio. De quâ & Grotiana sententia prolixius agitur, ut de Æquitate Dei erga peccatores.

IN doctrina de Liberationibus vox Satisfactionis usitata est, de quâ nonnulla venerunt in mentem, quæ supra dictis cohærere, nec observationis indigna videantur.

2. Quæ autem à nobis de proprietate vocabuli in Jurisprudencia, & nisi fallor, in omni lingua veterum Latinorum, proferentur, nolo quidquam usui Scholæ recentioris Theologicæ præjudicare, quod nec periculum esse, ne fiat, opinor: Verum cautiones, quas inde supeditabimus, spero tales fore, quæ nec ipsis inutiles Theologis existimentur; præsertim, quando mihi quidem non constat, adhuc ulli subolevisse, quo pacto vocis hujus prætextu Grotius noster (ut civilis sapientiæ præstantissimum auctorem ita appello) in optimâ causâ prævaricatus videatur.

3. Primo omnium satis constat, Theologos orthodoxos per satisfactionem Christi intelligere, plenam expletionem justitiæ divinæ, cum præcipientis tum punientis, quam Christus pro homine peccatore Patri suo præstiterit, juxta illud Pauli; *ὁ Θεὸς ἡμῶν τὴν*

ἀποκρίσιν ἐκ τῆς σαρκὸς υἱοῦ, ἵνα τὸ δικαίωμα τοῦ νόμου πληρωθῇ ἐν ἡμῖν: Deus condempnavit peccatum in carne filii sui, ut jus legis in nobis impleretur.

4. Videamus, an Satisfactionis vocabulum hujus vim significationis eo modo exprimat, ut nullâ cautione intellectu ejus adhibendo opus sit futurum. De Jurisconsultorum usu latino vocis hujus diverso, pauca testimonia producemus, cum veniâ Lectoris, ita re postulante.

5. Cajus in l. 1. §. π. *Qui satisfacere cog.* Satisfacere dicimur ei, cujus desiderium implemus. Ulpianus in l. 9. §. 3. π. *De Pignor. act.* Satisfactum accipimus, quemadmodum voluit Creditor, licet non sit solum, sive fidejussoribus, sive reo dato, sive pretio aliquo, vel nuda conventionione; & generaliter dicendum est, quoties recedere voluit Creditor à jure suo, si, ut ipse voluit, sibi cavuit, videri ei satisfactum. Marcianus in l. 5. §. 2. π. *Quib. mod. pign. vel hypoth. solv.* Si convenerit, ut pro hypothecâ fidejussor detur & datus sit, satisfactum videbitur. Labeo l. 14. *cod. tit.* Mercedis nomine fidejussorem à colono

accepisti; *satisfactum tibi videri existimo.* Marcianus iterum in l. 49. §. 1. de Solution. Si acceptum latum sit, solutionis quidem verbum non proficiet, sed satisfactionis sufficit. Plura, si necesse fuerit, in promptu sunt, quæ proferantur.

6. Creditori ex delicto dicitur etiam *verberibus satisfieri & satisfactum esse*, apud Ulpianum in l. 17. §. 4. §. 1. de Injur. & in l. pen. Si ex nox. caus. ag. ubi, *verberibus de injuriâ satisfiit*, plane ut Cicero lib. 3. Verr. Satisfacere ait, *esse tantum facere*, quantum satis sit irato ad vindictam; quod etiam aliquando fit excusatione & deprecatione, quomodo Catullum, refert Suetonius, Cæsari de carmine famoso *Satisfecisse*, *visâ ejus cap. 73.*

7. Hinc Pontificii *Satisfactionem* vocant pœnitentiæ partem, juxta contritionem & Confessionem: non quod satisfactionem velint esse plenam expletionem justitiæ divinæ, quam Christo, ni fallor, adscribere videri volunt; Sed pro officio & præstatione peccatoris, quam in meriti aliquam partem nihilominus adiciunt.

8. Ex his intelligitur, quando *satisfactionis* Vocabulum de salute generis humani per Christum administrata usurpatur, ex usu Latino & juridico, non tantum significari posse veram & proprie dictam solutionem, sed varias admodum species aliis alias efficaciores. Primò igitur, cui verè & corporaliter solvitur id ipsum quod debetur, huic etiam satisfiit, quomodo *satisfacere judicato dixi*, opinor; Scævola in l. 4 §. 1. d. Pact. & hic sensus Christo passio adscriptus sine dubio rectus & orthodoxus est.

9. II. Qui solvit pretio aliquo dato, non quod totum debitum exhiat, si tamen creditor contentus est, ille *satisfacit* d. l. 9 §. 3 d. Pign. act. Et hic est sensus, quo Grotius utitur, in rem suam, ut mox videbimus.

10. III. Qui nihil corporaliter solvit; verum dat rem aliam sive expromissorem, qui totum in se debitum recipiat solus, ille *satisfacit*, d. §. 3. hoc sensu fidelibus antiquis esse consultum superiori dissertatione probavimus.

11. IV. Qui dat fidejussorem juxta se obligatum, ut ipse, inquam, obligatus maneat, ille *satisfacit*, *ibid.* quo sensu qui *propter* *Christum* opponunt *apici*, Christum pro veteribus *satisfecisse* interpretantur.

12. V. Qui acceptum tulit debitum, post conventionem de non petendo, ei rectè *satisfactum* dicitur, d. l. 49. quæ est ratio liberationis Socinianæ.

13. Ex his, inquam, patet, orthodoxos non tantum rectè dicere, Christum *satisfecisse*, eo quod solvit obedientiæ pœnæque debitum, quo peccator erat obstrictus; sed etiam quod *expromisit* pro Veteribus ante solutionem corporaliter factam.

14. Eos etiam, qui intelligunt, Christum fuisse *fidejussorem* veterum, manente reatu, donec fiat solutio, rectè dicere Christum *satisfecisse*. Quin & Socinianos, dum volunt, peccatores sola Dei voluntate liberali esse liberatos, eamque Christum acceptilationem impetrasse, & implevisse voluntatem Patris sui, in ejus executione administranda, tam Latine quam juridice posse dicere, quod Christum pro peccatis hominum *satisfecerit*.

15. Enimverò Socinianos ab hac disputatione satis removimus, eo quod necessitatem explendæ justitiæ divinæ pro nostri institutione demonstravimus; De fidejussionis, an expromissionis hypothesi nihil etiam quod nunc repetatur, post superiores disputationes, superest.

16. Sed hoc nemo non fatebitur, opus esse, ut *satisfactionis* vocabulum diferte limitetur, caveaturque, ne quid aliud

aliud ei, quam expletio divinæ justitiæ secundum legis exactitudinem, per veram solutionem aut ejus expromissionem, ante diem solutionis cedentem, intelligatur.

17. Quod hæc cautio minus usquequam sit observata, facilius Theologis, quam Grotio Jurisconsulto, ignoverim, qui in libro tantopere laudato de Satisfactione contra Socinum scripto, hanc satisfactionis laxiorem significationem nimis, ut videtur, cupide sectatur, nec unquam suum lectorem de periculo ambiguitatis illius admonitum, imbuat doctrina, quæ si orthodoxam exprimit sententiam, fallor ego vehementer, et si falli me cupiam.

18. Est enim & nisi hæc sententia; Christum liberasse nos. *aliquid pretii dando*, minime quod toti debito secundum legis rigorem æquale, sed quo Deus Pater contentus fuerit, qui reliquum remisit, hoc est, *dimiseris* sine expletione, quod sit *aliquid*, id est, missum facere, ut docet pag. 66. edit. Londin. 1661. Loca ipsa proferemus. Docet Satisfactionem Christi in eo constituisse, quod Christus morte sua *MOVERIT DEUM*, ut nos à pœnâ liberaret, hanc esse causam redemptionis cap. 8. à pr. Lytrum quod solvit est tale, quo *MOVETUR* quisquam, ut aliquem incommodo aliquem affecturus eo liberari patiatur id. cap. p. 161. edit. Lond. in fin. *aliquid esse*, quod liberator *SIMILE QUIDDAM* subit ei malo, quod ei immutat, quod liberatur pag. 165. in fin. Ab hoc debito liberationem nobis Christus impetravit *ALIQUID DANDO*, pag. 177. Sic intelligit, Christum satisfecisse, quod impetraverit ut ira Dei placata, ille nobis sit reconciliatus, pag. 120. 129. Expiatio à croce facta Deum *MOVET* ad remittendum p. 214. *Vice nostra Christum esse mortuum*, hoc est, *propter Christum esse mor-*

tuum, nos fuisse morituros; quæ videlicet est causa *sine qua non*, ut loquimur. Denique, Satisfactionem Christi dictam esse, *quia solvit aliud quam quod est in obligatione* d. p. 120. nusquam de expletione legali divinæ justitiæ quicquam reperitur.

19. Scimus, alios id libenter adopsisse, ut admoneant frequentes, solutionem Christi non esse proprie dictam solutionem, eo quod alius quam verus debitor solvit, atque aliud pro alio solutum est: Sed ego longe malim retinere proprietatem solutionis, quam dubietatem satisfactionis, et si vocabulum hoc non improbatum.

20. Non desinit, inquam, solutio esse vere talis, & propria, quanquam alius pro alio, nec non aliud pro alio solvitur. Justinianus, *Tollitur autem omnis obligatio solutione ejus, quod debetur: vel si quis consentiente creditore, aliud pro alio solvat, nec interest, quis solvat, utrum ipse qui debet, an alius pro eo. Liberatur enim & alio solvente; sive sciente, sive ignorante debitore, vel invito eo, solutio fiat. pr. Inst. Quib. mod. toll. obl. Idem est in l. 17. C. de Solution. Quare et si vere diceretur, Christum aliud pro alio solvisse, non desineret tamen esse vera solutio, modo id quod solvitur, expleat obligationem.*

21. Sed rutilius & rectius, opinor, dicemus, Christum non solvisse aliud pro alio. Peccator debebat pœnam mortis, Christus luit eam pœnam. Peccator pœnam debebat infinitam, Christus eam luit. Diversitas in ratione infiniti non sustulit æqualitatem quantitatis, quæ ad veram & proprie dictam solutionem sufficit l. 1. in pr. n. d. Contrab. empt. Verb. æqualitate quantitatis: junct. l. 65. §. 1. n. d. V. O. & d. l. 17. C. de Solut.

22. Non est aliud, inquam, pro alio, quando in alia forma solvitur, modo in eadem quantitate solvatur. Pœna

R

omnis

omnis æstimatio delicti est l. 41. d. *Pæn.* Diversitas personarum in generibus pœnæ nullam inducit varietatem, in iisdem delictis l. 2. π. d. *Term. mor.* l. 4. §. 2. π. de *Stellion.* l. 28. §. ult. π. de *Pæn.* Quantitas tamen æstimationis semper tenet justam proportionem delicti & pœnæ, quod explet veram solutionem. dd. ll.

23. Idem & emptionis, quæ pretio facta sit. & passim de Liberatione per Christum inculcatur, efficacia dictat. Nusquam enim major exactitudo æqualitatis inter rem & pretium, quod solvitur, quam in emptione venditione conspicitur: *ἡγορηθητι τιμῆς Pretio empti estis* 1 Cor. 2d.

24. At heic id non agimus, ut expletionem justitiæ divinæ, quam præsupponimus, vindicemus: Sed fallaciam in voce & ex vocis usu demonstrare in animo erat. Pariterque obicem ponere multorum, ut dicere fas sit, imprudentiæ, qui Grotianis rationibus, contra Socinianos, omnia tribuunt.

25. In eundem tamen Grotij scrupulum impingunt, qui Christum promorte Naturali fidelium, quatenus hæc est pœna peccati, atque adhuc superest, satisfecisse negant: Ajunt enim non esse opus, ut satisfactio omnem delicti & pœnæ materiam exhauriat, si modo à Deo Patre pro sufficiente accipiatur. Verum hæc respondet à significatione Pœnæ latiori & stricta. Nam proprie pœna est, *vindicta peccati*, quo sensu mors fidelium non est pœna, sed transitus ad vitam meliorem. Sed pœna etiam exigitur ab eo qui vindictam non vult, ad emendationem atque ad exemplum, ut *alibi* dictum & dicendum est. Hoc sensu mors fidelium omnesque eorum adhibitiones etiamnum pœnæ sunt. In satisfactionis autem doctrina prior & stricta pœnæ Significatio sola usum habet, eamque mors Christi sine dubio consumplit. E-

mendationis & exempli pœnæ ad satisfactionem non pertinent, ideoque nihil hactenus plenissimæ satisfactioni per mortem fidelium adhuc manentem detrahitur.

26. Hæc tam liquida tantique veritas momenti difficultatem habet tralatitias neque minus ideo difficilis objectionis, quo pacto cum plenissima expletione justitiæ Divinæ consistere possit, quod nos *δωρεῖν, τῇ ὁ ἡμεῖς ἐκείνῃ. gratis solumque Dei gratia servati dicimur*, in sacris literis passim

27. Grotius in satisfactione, quæ non explet debitum, invenire potest concursum *ἡ χάρις* & gratificandi & solvendi, sed talem nobis admittere religio est, nec cavillationibus Socinianis illa refellendis, sufficit; quia semper instare possunt, ut facit Crellius, liberalitatem gratiamque gratuitam ubique effusis verbis prædicatam non ferre solutionem vel præstationem ullius rei, ad remissionem, ex parte vel in totum promerendam.

28. Primum & proximum, quod heic in mentem venire queat & proferrī solet, est hoc; Quod Deus, cui peccator homo erat obligatus, hunc impune dimiserit, aliumpque reum debitorem, à quo solutio fieret, admiserit, ad quod scilicet, non tenebatur.

29. Quæ res ita quidem verissime adfirmatur; sed & hoc confitendum est, illam præteritionem & substitutionem novi debitoris, à gratuita liberalique remissione valde esse alienam; quia nihilominus illa tendit ad solutionem & expletionem juris, quod Creditori competit, exacte perpetrandam, cui opponitur donatio & liberalitatis exercitio.

30. Creditor quidem ipsa declarat se non esse morosum, nec incommode debitoris, qui non est solvendo, gaudere. Sed tamen dum sibi præcise vult solvi totum quod debetur, hoc ipso liberalem

beralem gratuitamque præferre remissionem, videndum est, ne non satis cum natura negotii convenire videatur.

31. Doctissimi Viri ad hoc ita instituant, ut distinguant inter obligationem *realem & personalem*. Illam, hoc est, crimen & poenam esse sublatam, per spon- sionem & solutionem Christi; hanc, qua- tenus debitor in sua persona luere debe- bat, à Deo gratis, sine ulla satisfactione esse remissam; ut hoc modo pure & ab- solute dici queat, peccatorem ab obliga- tione sua gratuito esse liberatum.

32. Sensus haud dubie pius & ortho- doxus est in hac responsione; Sed in- commodum loquendi, quod pars obli- gationis altera sine satisfactione sit aboli- ta, si non sit necessarium, magis est ut evitandum videatur.

33. Atqui obligatio tantummodo per- sonalis est, nec fieri potest, ut res obli- getur, aut realis sit obligatio, quæ est *jus, quo persona obstringitur, necessitate obediendi vel faciendi*.

34. Equidem in obligationem deduci tam res quam facta personalia verum est: qui non dedit vel fecit, quod dare vel facere debuit; obligatus est ad poenam lege vel conventionis sancitam: qua præ- stita, debitor omni vinculo obligatio- nis, quod est merè personale, solutus & liberatus est, sine ullo vestigio *non obligationis*, quâ persona ejus ad rem ob- stricta fuit.

35. Unde apparet, Distinctionem obligationis realis & personalis tam alie- nam esse à significatione verbi, quam à natura negotii; nec adeo dicendum vi- deri, quod homo peccator ulla specie obligationis, ex parte vel tota liberatus sit, absque plena satisfactione & solu- tione.

36. Qui tamen hac distinctione gau- dent, habent instantiam, ut ita loquar, ad ejus approbationem demonstrandam.

Dicunt, *aliquid remansisse, quod à pec- catore in sponso rem non potuit transferri; modum scilicet poenæ peccatoribus ipsis in- fligendæ, quo respectu fuerit locus remis- sioni ex mera liberalitate*.

37. Sed responsio recta & plana sit hujusmodi; Modum istum poenæ debi- tori infligendæ esse ipsam obligationem personæ debitoris incumbentem, præ- ter quam alia obligatio nulla fuit, & quam solutione debito æquali aut expromissione pari per sponso rem facta, per- emptoriè extinctam esse jam pridem de- monstravimus. Hæc igitur necdum suf- fecerint.

38. Sed explicetur adhuc prius, no- dus, quem Socinus & Grotius, *dispa- ri tamen consilio*, nec tunc; utrum Deus in hoc negotio ut *Creditor, an ut iudex*, denique, an ut *supremus Rector* sit con- siderandus, qua de re non nihil occupa- tum est antea; sed res pleniorẽ mere- tur expositionem.

39. Socinus, Deum habere jus cre- ditoris facile concedit, imo postulat, quò inde gratuitam remissionem sine Sa- tisfactione deducat. Grotius eam *im- ratione poenæ in Deo locum habere ne- gat*, tam ut Socino melius obstruat, quam ut *dispensationi*, qua minus ex- actum statuit à Christo quam fuit debi- tum, si recte puto, locum faceret. Hæc enim Rectori potius quam Cre- ditori convenit.

40. Hac re explicita, dabimus ope- ram, ut quomodo plenissimam Satisfa- ctionem & gratuitam remissionem jux- ta se positas in executione salutis huma- næ, ab omni obscuritatis nubecula libe- ram concipiamus, pro nostro captu, explicetur.

41. Ravenspergerus in *Censura libri Grotiani de satisfactione*, ad iam qui- dem interpretationem, qua justitiæ di- vine expletio tam notabiliter imminui- tur,

tur, ambiguitate receptæ vocis, vulgo transmissâ aut ignorata deceptus; nihil observat.

42. Verum, quod *Grotius* Deum ut Creditorem negat spectandum, sed ut Rectorem unice vult considerari, hoc animalvertit, Deumque triplicem habere *xiñ*, Creditoris, Judicis & Principis contendit.

43. Quod ad *Judicis à Principe* summo distincti personam attinet, plus rationis habere videtur *Vossius* Pater, in *apologia pro Grotio*, cum Deus ut *Judex* seorsum à *Rectore àvñdññ*, qui summam potestatem habeat, nullo modo intelligi queat, nec in eo *Grotium* aliud voluisse, contendit *Vossius*, quam bonâ fide occupare *Socini* argumentum, qui nihil ob stare demonstrat, quominus Creditor Deus obligationem totam debitori gratis per acceptilationem remittat, ut cuique liberum est jure suo uti vel non uti; secus ac dicendum esse liquet, si Deus idem ut *Rector* & *Justitiæ* *Vindex* adspiciatur.

44. Sed existimo, non posse facultatem *Creditoris* magis à Deo quam *Rectoris* in hoc negotio abesse, *Rectoris* qui simul sit *Judex àvñdññ*, absolute summus; quales sunt omnes, qui habent verè Summam & absolutam potestatem.

45. Rationes sunt hæc; Creditor est, cui ex qualibet causa debetur, ut ipse *Grotius* ex juris ratione definit: Atqui Deo ab homine debetur ex causa peccati, ut oratio *Dominica* & diversa *Scripturæ* loca testantur.

46. II. Ubi locum habet solutio, ibi est Creditor & Debitor; Nam solutio nihil est aliud, quam præstatio ejus quod debetur facta Creditori. At in hac causâ solutioni fuisse locum, nemo præter *Socinum* negat.

47. III. Satisfactio supponit Creditorem, ut ex locis suprâ ex jure collocatis

videmus. Hic est Satisfactio. Ergo Creditorem, cui satisfactum est, intelligi oportet.

48. IV. Qui habet chirographum obligationis adversus debitorem, is est Creditoris loco; Atqui Deus habuit chirographum obligationis adversus hominem peccatorem *Col. 2. 14*. Ergo.

49. *Grotius* in eo totus est, ut probet, creditorem in delictis alio sensu dici non posse, quam respectu ejus, quod ipsi abest à patrimonio. Propriè debiti & crediti causam ad patrimonium spectare non est quod negetur: Verum ut debitoris appellatio ad delicta pœnasque eorum extenditur; ita Creditoris, quod ei correspondet, vocabulum, eodem similiter produci potest & debet; *Gajus lib. 1. ad Edictum; Creditorum appellatione non hi tantum accipiuntur, qui pecuniam crediderunt, sed omnes quibus ex qualibet causâ debetur l. 11. d. V. S.* Ita cui verberibus satisfiit, cum aliter solvi non potest, vel *Læsus* non cupit, eum jus creditoris, ut antea dictum est, habere necessarium dictum est.

50. Sed *Grotius*, notandum est, inquit, vocem debere, non semper notare relationem inter duas personas: sæpe enim debeo hoc facere, nihil aliud est, quam convenit hoc à me fieri, sine respectu ad alteram personam. Ita debeo penam, id est, dignus sum penâ & pati eam teneor, absolute, non autem relate ad hunc aut illum. Ideo perinde est, in quâ *Republ. sub quo Rectore aliquis penas delicti luat; æquè enim apud omnes liberabitur: quod non ita procederes, si, ut aliarum rerum, ita pena certus extaret Creditor. cap. 2. pag. 64.* Ad hæc, nostra sic ratio est;

51. De usu vocis *dependi* absoluto, non est quod litigemus, cum in hac hypothefi non illa vox simpliciter & sola, verum & solutionis, & satisfactionis vocabula respectu Dei, usurpentur; quin &

quin & Deus ipse Creditor statuitur; debita vestra apud Dominum Deum vestrum 2 Chron. 28. 2. debitores coram facie tua Ezr. 9. 15. Nec aliud frequentius Christo domino comparationis argumentum placuit, quam quod à Deo ut creditore adversus hominem debitorem, peti- tum est, ad hanc relationem demon- strandam. *Matth. 18. 23. & seqq. Luc. 7. 41. xvi. 5. 7.*

52. Verum est, jure Gentium, de- linquentes ubique puniri posse, quod objicit Grotius: At hæc hypothesis Dei atque peccatoris, non recipit compara- tionem Oeconomix diversarum gen- tium, sed cum unius ejusdemque civi- tatis jure conferri debet: Unius enim Rector Deus est humani generis; atque ubi una est Summa Potestas, ibi unam quoque civitatem esse notissima politi- corum est doctrina.

53. Atqui in una Republica cives ob- ligantur Rectori summo ad poenam, & Fiscus habet jus Creditoris, non tan- tum in *multis*, id est, pecuniariis poenis, sed etiam in corporalibus, quando qui non habet in ære, luit in pelle, *quod agunt*; quin etiam cum ab initio poena corpori infligitur, ea nomine Rectoris, ut debita exigitur, & tanquam jus ejus consideratur. Unde hodieque Procura- tores Generales jus ejus qui Summam Potestatem habet, exequi dicuntur, ac ita loquuntur, in suis *processibus* causarum criminalium.

54. Quin etiam, ex conventionem, de- linquentes obligati esse videntur; qua- tenus in legem peccant, ad cujus obser- vantiam omnes cives pacto obstricti in- telliguntur, quemadmodum in Lege 1. *de Legibus*. Papinianus legem vocat *communem Reip* id est, civium sponsonem & simul delictorum coercitionem; eoque pertinet Aristotelica divisio contra- ctuum in voluntarios & involuntarios,

quæ sunt delicta, ut explicat Aristoteles lib. 5. *Nicomach. c. 2.*

55. Nihil autem notius est, quam è contractibus obligationem, constituere tam Creditorem quam debitorem, quod idcirco etiam in homine respectu Dei locum eo magis habebit, quo notius est, eum scedere saltem tacito, ad observan- tiam præceptorum Dei, quod *scelus ope- rum* vocatur, fuisse devinctum.

56. Hinc liquet responsio ad hoc Gro- tii; *Si Deus est creditor, ratione poenæ, debet id esse vel ratione juris, quod ex re- bus ipsis nascitur, aut ex jure constituto* pag. 61. Sed neutrum dici posse conten- dit. Imo ex re ipsa nascitur, inquam, i. e. consensu, quo Legis observantiam pec- cator recepit, ne de supremi dominii suæque subjectionis justissimam peccato- ris conscientia loquamur.

57. Et quidem hætenus satis perspi- cue, Deum in exactione poenæ non modo Rectoris, sed etiam jus Credito- ris habere demonstratum est; quæ tamen in re, me non invito fiet, si Grotius non tam re ipsa, quam verbis ab hac senten- tia dissidere compertus fuerit.

58. Nam aliquoties ingeminat, Deum non esse *proprie* Creditorem in poenis exigendis, quod ultro concessimus; Ut quemadmodum contractus & obligatio- nis vocabula in delictis capitalibus im- proprie usurpantur; ita Creditoris & debitoris appellatio hic etiam sit impropria & analogica, ut in apologis Christi do- mini; sic jus Dei comparatione pecuniæ debiti, non nisi improprie & analogi- cè, nec idè minus efficaciter sumptum videri, haud gravatè concedimus.

59. Propius ad veritatem accedere videtur, quod habet in his verbis; *In- terim non negamus, Deum, qui peccata punit, vel impunita dimittit, recte dici partem offensam: Sed punire aut impuni- tum dimittere, ei tribui, quæ pars offensa* est,

est, negamus. Notissimum enim est, posse aliquid de aliquo dici, quod ei non conveniat, qua tali.

60. Hactenus bene; quod Deum, qui peccata punit aut remittit, habere duplicem personam & jus offensæ partis atque Rectoris, concedit. Sed non habet rationem negandi, quominus idem qua creditor est, poenam exigere, qua Rector eam infligere dicatur.

61. Bene etiam habet, quod ad objectionem, non posse Deum esse idoneum judicem *in propria causa*. Grotius Responder: eam regulam non habere locum in summis Rectoribus; tamen Reges & Principes in terris altro se judicibus submitunt in his, quæ tanquam membra Communitatis gesserunt; idque ideo, ut privati à contractibus cum illis incundis, minus absterreantur; cuiusmodi cautioni non esse locum in Deo, res ipsa loquitur, eaque de re jam *superius aliquid est collocatum*.

62. Quamquam autem illo modo dissensus minor esse videatur, nihil tamen opus fuisse puro tam prolixa disputatione, ad evincendum, quod Deus in puniendo vel remittendo non habeat *in* Creditoris, quæ nullo modo excludi potest, ubi solutionis, satisfactionis, debiti appellatio, quæ Creditoris relationem necessario supponunt, frequenter.

63. Et quicquid Socinus urgere potest à naturâ Crediti, nos conjunctione Judicialis officii supremi atque iustissimi, cum jure personæ Creditoris, æque valide obtinemus, quam Grotius, excludendo jus Creditoris consequi posse videatur.

64. Ne dicam, haud procul abesse, quin Grotius à jure aut similitudine crediti *ex* *negatione* nitium se aversisse videatur, ne doctrinam Satisfactionis ad rigorem justitiæ expleticis, quo jus Crediti pertinet, referre cogeretur: cum

ipsi in animo esset, eam ad Laxitatem attributricis seu distributivæ justitiæ, quæ Rectoris est propria, redigere; quapropter & Rectorem quàm Judicem plerumque dicere mavult.

65. Orthodoxi longe tutius, Deum quali Creditorem & exactorem debiti, simulque ut justum judicem, quod adinet ad *Satisfactionis* articulum, considerant; cui plenissima Redemptoris solutio & juris legalis expletio melius & validius, quam soli Rectoris officio applicari posse manifestum est.

66. Secundum hoc Rectoris officium, à Creditoris ratione penitus separatum, Grotius actum Dei in accipienda Satisfactione, considerat *in cap. 3.* ut relaxationem, sive dispensationem, quam definit, *actum Superioris, quo legis manentis obligatio, circa quasdam personas aut res tollitur*; quatenus non esse universaliter & simpliciter necessarium docet, ut puniatur quisvis peccator poenâ tali, *quæ culpæ respondeat, nihilque obstare, quominus Lex hoc ipsum imperans sit relaxabilis*.

67. Quæ cum præcedentibus ex ipso productis, de Satisfactione, per quam *Aliud*, per quam simile quid datur, præstat, satis indicant, quorum hæc rendant, Scilicet *ad destructionem solutionis vere & satisfactionis expleticis*. Quæ, si jus creditoris cum officio Judicis supremi conjunctum teneamus, longe validius & evidentius urgeri & custodiri potest, quemadmodum eam honori divine Christi quæ Domini gloriæ expedit urgeri atque custodiri.

68. Speramus etiam, ex hac conjunctione Creditoris & supremi judicis consideratione, facilius explicari posse, quibus *aut* ille sit Dei, quo poenam pro nobis, qui eternam debemus, à Christo temporariam exigere contentus fuerit, utrum is actus fuerit interpretatio

immo

immutatur, secundum equitatem. an dispensatio sive relaxatio Legis, & qualis: nam derogationem Legis non esse, facile inter orthodoxos convenerit. Hæc res cum ex Jure petita sit, etiam heic scorsim expendi meretur.

69. Qui judicant, hanc fuisse explanationem Legis *per interpretationem*, hoc fere modo instituunt. *Præterea*, id est, *Aequitas*, aliter *interpretatur*, utraque voce Aristoteli aliisque in hoc sensu cognita, nihil est aliud, quam *interpretatio* *verborum* *quæ in lege continentur*; *Emendatio legis*, quatenus ob generalitatem verborum defectu laborat. 5. ad Nicom. 10. Lex divina dicitur, *Qui facies præcepta legis, vita æterna fruetur: Qui non faciet, morietur.*

70. Hæc generalia verba, dubium relinquant, ajunt, utrum ipse qui vivet, præcepta Legis perfecte implere debeat, an vero alterius obedientia pro illo sufficere possit.

71. Est etiam dubium, ita pergunt, an necesse sit, ipsum qui non servat legis præcepta, mori, an vero alius pro illo morte defungi possit. Genus mortis etiam non est expressum, sitne temporarium, an necessario æternæ durationis esse debeat.

72. In hac generalitate, Deum *immutabilem* sive *immutabilem*, *equitatis* adhibuisse judicium, ut statuerit, sufficere si alius legis obedientiam impleteret; alius morte fungeretur, & quidem temporariâ; modo talis esset, ut iram Dei ferre infinitæ divinitate personæ, temporis infinitatem pensare posset.

73. Grotius hujusmodi æquitatis interpretationem hic locum habere negat: *Nam*, inquit, *ea interpretatio ostendit, aliquod factum aut personam, sub Legis obligatione nunquam fuisse comprehensam: At vero omnes homines (quippe conclusi sub peccatum Rom. 11: 32. Gal. 3: 22.) etiam hi, qui liberantur, natura sunt fi-*

lii ira Eph. 2: 3. hoc est, obligati Legis sanctione.

74. Ut hæc Grotii *interpretatio* intelligatur, sciendum est, *Æquitatem* oppositi stricto juri, *non æquidivinitatem*, quod Aristoteles vocat, & est *captatio verborum Legis ad rigorem menti Legislatoris contrarium*. Cicero in orat. pro Cæcina, vocat hoc jus *scriptum*, *jus summum*, *jus callidum & versutum*. Jus scriptum sequi calumniatoris est, inquit, at *boni judicii*, *voluntatem Scriptoris*, eamque rem diversis exemplis illustrat. Edictum Prætoris est, pro vi *dejectis*, ut restituantur; verba duntaxat ei, qui *præcepit de superiore loco sit actus*, conveniunt, mens Prætoris *omnem vim* notat. Item *Actio* est, ait, in præsentem Actorem his verbis; *Quandoquidem te in jure conspicio, Hac actione Appius ille cæcus uti non posses, si verba &c.*

75. De sanctione pœnali exemplum est in lege; *qua cædi hominis pœna capitis imposita est*. Quid si moderamen inculpatæ Tutelæ in cæde committenda servatum sit? Verba Legis hunc quoque tenent: sed ex mente legis auctoris, ille ne quidem ab initio sub pœna capitali comprehensus fuit.

76. Hujusmodi *Æquitas* est propria judicis l. 8. C. de Judic. qui non debet leges *quæ non sunt æquidivinitatem* accurate leges inspicere: ut inde *non æquidivinitatem* exequitum juris rigorem eliciat: sed verba legis duriora secundum mentem & sententiam Legislatoris flectere ad humanitatem; hæc ratione, quod ipse legis Auctor eo modo legem interpretaturus esset.

77. Sed quando mens legis est indubitata, verum sententia Legis est dura & sanctio iniqua; tum judicis partes cessant, & solus qui Summam Potestatem habet, inter æquitatem & jus scriptum discernere Legitque duritiam moderari potest

potest *l. 1. C. de Legib.* Hanc ultimam æquitatis speciem non habere locum, in expiatione generis humani, satis indubio loco positum est, cum legem Divinam, quæ poena mortis peccatori adstricta fuit, duritiæ nefas sit arguere.

78. Speciem alteram, cum inferat positionem, quod legis Auctorem, de cuius supplicio agitur, sub poena Legis complecti noluerit, heic etiam non habere locum, Grotio concedendum videtur, quatenus peccatorem ipsum mortem esse meritum sine dubio constat.

79. Præterea, non est tam obscura mens Legis divinæ, ut si iudex à Principe, Legis auctore, delegatus secundum eam sententiam ferre deberet, ambigere posset, utrum alterius obedientia peccatorem à poenâ inobedientiæ liberare posset, an alio se ad poenam offerente, maleficii reus dimitti posset.

80. Iudex sanè reddendæ rationi subiectus verba legis, delinquenti poenam imponentis, ita non potuisset interpretari, ut alium, quam qui deliquerat, puniret; præsertim, si pars offensa desideraret, ut animo suo poenâ ipsius delinquentis satisfaceret, quomodo loquitur Papinianus in *l. 6. §. 1. ff. de Serv. expor.* Rectè igitur Grotius, interpretationem *per imitatioem*, secundum æquitatem, heic locum habere negat.

81. Ipse igitur ponit hac parte locum habere *Dispensationem*, quod est Juris Pontificii vocabulum, quo illi in Satisfactionibus poenitentia relaxandis utuntur: in Jure civili ut vox, ita res ipsa ignota esse videtur. Nam Cæsares non tantum iudices secundum leges judicare, sed & ipsi ex earum præscripto jus dicere volunt *l. 4. §. 1. 10. C. de Legib.*

82. Quicquid Principi placuit, Legi quidem habere vigorem constat; at hoc in rebus novis aut veteribus sentis inter-

pretandis, non exemptionibus propagandis exercent.

83. Quod si in potestate Principis, relaxare legum rigorem, esse dicamus, quod negare non est animus; id tamen huic divino salutis negotio applicare non licet; quando satis constat & superius approbatum est, Christum *non dimisisse & vixisse, jus omne legis implevisse & implere debuissse.*

84. Proinde, non est fas hanc rem explicare ex ejusmodi facultate dispensandi, quæ poena fuerit admissa, *quæ delicto non respondeat*, ut loquitur Grotius, & qui legunt ejus vestigia.

85. Quid tu igitur, dicat aliquis, proferes melius; si nec abrogatio, nec derogatio, nec obrogatio, nec subrogatio Legis, neque dispensatio *minus Legis non implens*, ut rursus *è jure*, neque tandem interpretatio *per imitatioem*, secundum aliquam æquitatis speciem, in hoc actu divinæ justitiæ verietur? Nihil è longinquo, nihil quam ex ipsis causæ visceribus petam: vel potius quod aliquoties insinuatum est, repetam.

86. Ista omnia interpretamenta Deum ut Judicem aut Rectorem solummodo considerant. Conjungendum est jus Creditoris, à quo est *avox*, *facilitas* alium admittendi Reum, per quem sibi plene cum indulgentiâ moræ ad solvendum, ac utriusque per eundem *Judicem* applicatione satisfiat.

87. Utrumque esse in potestate Creditoris, alium admittere Reum & indulgere moram temporis est manifestum; nec minus, in neutrà quicquam esse, quod juris implementum vigoremque justitiæ minuat.

88. Æquitas est judicis supremi vel inferioris, Dispensatio Rectoris absoluti: Neutra sanctissimo negotio potest applicari. In novatione à Creditore admittitæ supremique Judicis officio approbatâ,

bata, concurrat & ἡ δικαιοσύνη ἡ ἰσότης πλὴν-
 παθῶν, *jus legis impletum & præteritio pri-*
mi debitoris, sine ullo justitiæ & satisfac-
tionis decremento, in qua proinde vi-
detur acquiescendum.

89. Sed longo satis intervallo recessi-
 mus ab eo, quod erat propoluitum, ut
 exponeremus, quo pacto cum plena Sa-
 tisfactione justitiæ Legalis Divinæ con-
 ciliari possit ἡ δικαιοσύνη τοῦ θεοῦ κατὰ τὴν ἐξουσίαν.
Quod gratis gratiæque Dei gratuita ser-
vati dicimur.

90. Quandoquidem explicatio divi-
 ni actus circa dimissionem peccatoris,
 quam è jure Creditoris officioque Judi-
 cis supremi accessivimus, nullatenus
 sufficit, anteaque dictum à nobis; Cre-
 ditorem, qui hætenus facilitatem de-
 monstravit suam, ut alium pro alio sol-
 ventem admitteret, hac lege tamen, ut
 novus Reus sibi ad ultimum quadran-
 tem usque satisfaceret, ac solveret quod
 debebatur, longè magnificentiùs, quam
 par est, loqui; si præ se ferat, se de-
 bitori pristino ἀποδοῦναι τὴν ἀντὶ τῆς χάριτος, *gra-*
tis gratiæque gratuita remisisse debitum.

91. Laudetur ejus benignitas, quod
 jus suum contra personam debitoris,
 secus ac pro vigore justitiæ potuisset,
 non sit executus, verum potius ab unico
 suo Filio pretium, quo non potuit esse
 majus & infinitius, exigere, quàm pec-
 catorem meritis adficere suppliciiis in ani-
 mum induxerit.

92. Ingens equidem & incredibilis
 bonitas: sed pariter immota & inflexibi-
 lis justitiæ, supra quam dici potest, nota-
 bile argumentum, quod obligationem
 debitoris, quæ persona ejus obstricta erat,
 nullo alio modo, quàm verà, quàm pro-
 prià debitoque adæquatà solutione, vel
 ejus expromissione tolli perimique vo-
 luerit; cui rei, in quasunque nos verta-
 mus partes, remissio, condonatio, meræ-
 que liberalitatis exercitio non potest non
 diversari.

93. Quid ergo? dic, Remissionem
 gratuitam & liberalitatem absolutam,
 quæ prædicatur & adscribitur Deo, non
 esse querendam in personâ Patris Dei
 & Creditoris infiniti debiti, cum rela-
 tione ad peccatorem eundemque debi-
 torem: Sed aliunde, duplici respectu.

94. Primo in CONSILIO PACIS;
 quo Deus Pater & Filius, aditipulante
 Spiritu Sancto, id egit, egerunt, ut
 homo reus obligatione peccati *gratis,*
gratiæque gratuita, sine ullâ præstatio-
 ne, quam ipsi inter se constituerent,
 liberaretur.

95. Placet hoc uno alteroque simili
 illustrare; Si duo pluresve, quorum u-
 nus creditor, aut etiam omnes inæqua-
 libus summis, amicum ære alieno pres-
 sum cum minimè solvendo sit, libera-
 tum velint; ejusque debitum compen-
 sationibus & præstationibus mutuis inter
 sese extinguant, ignaro debitore, eique
 deinde significant, ipsum esse liberatum,
 nihil ob stare opinor, quominus ille *grati-*
is gratiæque gratuita liberatus sit; etsi
 obligatio ejus veris realibusque præsta-
 tionibus, inter socios beneficii extincta
 fuerit.

96. Vel pone patrem Creditorem &
 ejus filium, quos leges pro uno habent,
 miseratione debitoris in extrêmis angu-
 stiis constituti, rationem liberandi ejus
 hoc modo inire; ut filius de suo peculio
 satisfaciat & plenè solvat creditori Patri,
 idque vel præsentis solutione, vel fide
 solutionis futuræ habitâ, ignorante de-
 bitore; constituatur.

97. Si pater deinde Creditor ac Fi-
 lius debitorem faciant certiorum, tale
 consilium à se esse initum, quo ipse nul-
 la re datâ vel præstitâ, liberaretur i-
 gnorans, existimo, nullam in hac specie
 difficultatem esse, quin & vera solutio
 sit, quam Filius Patri pro persona debi-
 toris atque reatu præstiterit, & quin hoc
 S Con-

Consilium Patris Filiique meræ liberalitatis ac miserationis specimen, ut est, sic etiam appelletur.

98. Non opus est applicatione tam præsentis apologi. Consilium Pacis & ratio illius exequendi EST INTER ILLOS DUOS; modus extinguendi obligationem non eget conscientia debitoris. ILLI DUO, ut res fert, hoc administrant; Debitor ipse CONSILIUM illud unice, ut beneficium, ut gratiosum & inexpectatissimum misericordiae specimen considerare, magnificare potest.

99. Ad patrem solum se convertens, ut remissionem concipere gratuitam res non patitur, ita peccati odium justitiaeque vim inflexibilem, misericordiam & *φιλανθρωπίαν* adorat, quod ut utrique locum faceret, unigeniti Filii sanguinem in solutionis pretium accipere non dedignatus sit.

100. Ad Filium se convertens solum, Mens fidelis, heic nihil usquequaque,

præter bonitatem, misericordiam, & morem, liberalitatem gratuitamque remissionem invenit, amplectitur & admiratur.

101. Atque hic est alter ille modus; quo gratuitam remissionem liberalemque gratiam adversus peccatorem demonstrari posse liquidissimum ac omnibus in conspicuo est. Dominum JESUM esse illum, *is ipse israelitarum princeps & salvator, qui omnia nostra peccata nobis condonavit*, sacrae litterae passim declarant; Qui nos sanguine suo, tanquam pretio dato, emit ac comparavit sibi que proprios fecit; ac ita nobis liberalissimus REDEMPTOR est factus.

102. Quando autem & hoc vocabulum è media Jurisprudentiâ usque populari, quæ sunt res perpetuo conjunctæ, petiit, non videtur committendum, quin etiam de Redemptione non nihil in medium proferatur.

C A P. VII.

De Redemptione.

Emptionis venditionis similitudinem non semper in sacris habere adæquatam analogiam; habere tamen eam in Redemptione generis humani. Emptionis, redemptionis, & lytri significatio propria & qualis ea in sacris literis. Grotium aliter instituentem non fuisse imitandum. Deo Patri, non Diabolo solum esse lytrum. Instantiæ Crellii remotæ. Emptionis substantialia in negotio salutis demonstrantur. Remotæ objectiones. Et Grotius iterum notatus. Aliæ Responsiones Patrum testimoniis illustratæ. Inde novum argumentum pro liberatione perfectâ veterum fidelium deducitur.

ENimvero non semper emptionis venditionis vocabulum in usu sacrarum literarum exhibere contractus hujus substantialia, verum sæpe notare

quamlibet mancipationem & acquisitionem, cum v. gr. *peccato* dicitur homo *venditus*, non est recusandum.

2. Sed in ratione salutis humani generis,

neris, tam crebro, tam signate institutum emptionis & lytri commemoratur, ut non posset non videri species quædam *ἀπογοργίου*, si emptionis venditionis substantialia, quæ dicuntur, more comparationis, heic non invenirentur.

3. Emptionem rotunde prædicat Apostolus de peccatoribus servatis 1. ad Corinthios 6. v. 20. *ἡμεῖς ἀγοράσθημεν τιμῇ*, *Empti estis pretio*. Emere est aliquid pro certo pretio *ἀγορά*, id est, meum tacere; Idcirco additur ibi, *nos corpore & animo Dei esse*, *ἡμεῖς ἀγοράσθημεν τῷ κυρίῳ*, Domini ex emptione nostri. 2. Petr. 2. 1. Ex eodem fundamento docet in eadem epistola, fideles pretio *emptos* à Christo, non esse quod hominum servi fiant, verum illi soli *emptos*, ut domino, se mancipatos intelligere debere. 1 Cor. 7. v. 23.

4. Frequentius aliqui τὸ λυτῆρις ἀντιλαμβάνονται usurpatur, quod est *redimere*; & hoc in propriâ significatione de hominibus sumptum, denotat; aliquem è manibus hostis aut Domini, pretio dato, liberare: nisi quis adhuc magis propriè *redimere* idem esse velit, quod *iterum emere*, ut servus alienatus hoc sensu à domino *redemptus* dicitur ab Ulpiano in l. 9. §. *servus* 16. ff. de Hered. insti.

5. Quo spectarunt haud dubiè, si qui ex Patribus, ut refert, Socinus, dixerint, fideles è gentibus à Christo *emptos*, ex Judæis ab eodem esse *redemptos*. Non opus est, ut probem, liberatos ab hostibus & ex servitute Latine ac juridice *redemptos* dici, quando nihil est notius & tritius.

6. Ne de lytro quidem, post tam frequentes hominum doctorum probationes, id agere sustineo, ut ostendam, nihil hoc aliud esse, quam, ut Ulpianus ait, *quantitatem redemptionis*, in l. 15. ff. de Captiv. Est igitur *redemptio personæ*, ita propriè sumpta, species emptionis, atque ita fit, ut verum pretium, quo

servus aut captivus æstimatur, prior domino hostive præstetur.

7. Hanc esse propriam lytri & redemptionis significationem inter omnes constat. Quare autem Theologi quidam eximii videntes eam urgeri à Socino, negent esse propriè dictam redemptionem, è captivitate & servitute, quam Christus obivit, minus animadverto, quam cur Grotius eam defugiat.

8. Nam is, cum neget solutionem veram & plenam à Christo esse factam, cavendam sibi emptionis & redemptionis, in qua pretium rei æquale exigitur, comparisonem intellexit. Hinc in Cap. viii. sæpe laudati libri, Nos, ait, ideo causam redemptionis esse mortem Christi diximus, quod eâ Deum moverit, ut nos à pœnâ liberaret. Cur non ideo, quod pretium ad nos liberandos è servitute, persolverit, quo modo passim sacræ loquuntur Litteræ?

9. An quia designari non possit, cui pretium sit solutum, ut vult Socinus? Cui vero id alii quam Creditori Deo solveretur, cui aliter satisfactum dici nequit; cui se Christus obtulit. Ephes. 5. 2. qui per peccatum factus erat hostis (hic autem lytrum accipit) & nos filii ire, quam Christus pro nobis tulit. Gal. 3. 13. 14. 14?

10. Diabolus etiam erat hostis & dominus, nosque ejus & peccati mancipia; Sed à Deo summo Domino iustissimâ vindicta illi traditi eramus; eoque sensu ab illo redempti quoque dicimur; ne propterea Socinus & Crellius, si vera sit redemptio, pretium Diabolo solutum esse oportere cavillentur; etsi Patrum quosdam illuc, urgendo veram pretii solutionem, adactos fuisse prædicet Socinus.

11. Origenes ita quidem in Epist. ad Rom. l. 2. c. 2. Si ergo pretio empti sumus, inquit, ab aliquo sine dubio empti sumus.

cujus eramus servi; qui & pretium poposcit, quod voluit, ut de potestate demitteret, quos tenebat: tenebat autem nos Diabolus, cui distracti fueramus peccatis nostris. Poposcit ergo pretium nostrum, sanguinem Christi. Sed Gregor. Nazian. Orat. 42. ubi magnum hoc quaesitum ποδαῖς παραβύβων, multis neglectum, sibi λίαν ἑστιαζόμενον nimis sollicitè excussum, sic tamen determinat, ut Deo Patri in oeconomia Personarum solutum pretium esse dicendum sit.

12. Tortori custodibusque pistrini, quales erant Diaboli, non debetur lytrum. Sed domino qui captivos tradidit; constringendos, donec ad libellam usque solutum fuerit.

13. Instat Crellius: Deum non esse eum, qui captivos nos tenuerit, & cui pretium ad nos liberandos fuerit persolutum, inde perspicuum est: quod ipsemet redemptionem hanc fecerit ac procuravit, & pretium illud, quod pro nobis datum erat, impenderit, ἐκ ἐμῆς λύτης τῷ λαῷ αὐτοῦ; qui fecit lytrum populo suo, Luc. 1. 68. Quasi non saepe & inter homines fiat, ut hostis aut herus, qui servum iratus in pistrinum tradidit, ad molam (vere molam peccati circumagit animalis homo) placatum adversus eum animum induat, eique viam querendi suum lytrum ultro aperiat.

14. Exemplum leges nostrae evidentissimum praebent in servo ex peculio suo redempto l. 4. pr. & §. 1. ff. de Manumiss. Hoc peculium est totum domini, peccatus conniventiam servus, qui nihil suum habere potest, id exerceat, d. l. 4. Quando igitur, tantum industriam parimoniamque sua collegit, ut pretium sui inde solvere possit, haec est vera redemptio; servusque talis dicitur suis nummis redemptus, d. l. 4, in pr. l. 38. §. 4. d. Pan. & tamen dominus in rei veritate facit illud impendium ac ipse redemptionem

procurat, quod nec Algerienses aut Tunetani hodie recusant; si quis servus industriam negotiandi, cujus copiam ipsi aliquando faciunt, tantum colligere possit, ut pretio redemptionis adaequando sufficiat.

15. Ex his quoque solvitur alia Crellii instantia, cum ait; Christus; quantus fuit, Dei fuit; ideoque nihil Deo dare potuit, quod Dei non fuisset. Servus enim nihil proprium habere possit, verum ipse cum rebus suis domini sit totus, suis tamen nummis redemptus dicitur, sicut cum nos ipsos Dei esse totos, omnemque terram cum plenitudine sua Dei esse constet, tamen & nos & res nostras Deo tradimus, veteresque ei suas fruges & pecudes obtulisse manifestum est. Praeter quod falsum postulatum est, Christum, quantus fuit, totum in Patris suae ditione fuisse, etiam alterius naturae praestantioris respectu.

16. Diversa ab his est objectio Crellii & Ostorodii, quod nemo simul emptor & venditor esse, rem tradere & acquirere possit; verum quod servus redemptus in potestate ejus, a quo venditur, esse desinat: Atqui homines à Christo redempti, Deo mancipati sunt, ἡμεῖς τῷ Θεῷ ἡμεῖς, emisisti nos Deo, Apoc. 5. 8. Ergo non à Deo empti per Christum. Certe eodem respectu non possunt illa subsistere, ut à manibus Dei, Deo simus empti. Sed hujus quoque difficultatis resolutio ex institutis veterum peti potest. Vicarius servus in jure Rom. passim occurrit, quem Theophilus paraphrastæ Græcas Institutionum Juris, vocat, ut est, εἰς τὴν εἰρήνην, servi servum, in §. Cum autem Inst. Quod cum eo qui in al. & in §. si quis ancillas l. de Legat. Glossarium græcum eodem sensu διὰ δόλον. Etiam Josephus Potipharis servus dispensator, traditus in custodiam & servitutem commentariensi, potuisset

fuiſſet redimi è ſervitute ſervi; ut eo-
dem loco apud priſtinum dominum eſ-
ſet, ſi Potiphari de crimine præſumpto
ſatiſfactum fuiſſet.

17. Nos etiam ante peccatum corpo-
ribus animiſque Dei fuimus, dein Dia-
bolo traditi in ſervitutem, ſed Deo ſub-
jectam, peccati: per ſatiſfactionem Fi-
lii Dei, in priorem locum reſtituti ſu-
mus, non tantum ut ſervi, ſed etiam li-
beri adoptione facti. Nec ita quæquam
implicitum eſt in eo, quod è manibus
Dei ut Domini ſupremi, ex ſervitute
vicaria Diaboli redempti pariterque ei
reſtituti ſumus.

18. Ex his puto ſatiſſiquere, nullam
fuiſſe neceſſitatem negandi proprietatem
redemptionis, quæ fit pretio captivi
aut ſervi, domo perſoluto, ut quibus-
dam viſum fuit, nec, quibus noſtrum ni-
hil pridem placuit, habuiſſe rationem,
hoc argumento probandi, terminos Ju-
ris in ſcriptura uſurpato, inde non re-
cipere explicationem.

19. Nec adeo comparatione in alie-
num ſenſum uſos eſſe Scriptores ſacros,
quando nos emptos pretio ſanguinis
Chriſti dixerunt: quandoquidem *ſub-
ſtantialia*, quæ jure Gentium Emptioni
Venditioni ineſſe dicuntur, in hac com-
paratione reperiuntur. Ea ſunt Conſen-
ſus, Merx, & Pretium.

20. Conſenſus in hac emptione eſt
evidens; Pactum Patris & Filii ſuper re-
demptione generis humani, de quo ſu-
perius actum eſt. Merx ſunt electi; Pre-
tium, ſanguis Chriſti.

21. Jam ſi quis opponat, homines non
eſſe res venales, pretium emptionis ven-
ditionis, non niſi in pecunia numeratâ
conſiſtere; is in id quod ſæpe diximus,
impingeret; comparationes ſemper re-
linquere diverſitatem inter res ſignifi-
catas & inter res analogiæ adhibitas.

22. Emptionis, pretii, ſolutionis,

captivitatis, vinculorum, ſimileſque lo-
cutiones ex humano populari uſu ad res
ſimiles divinas eſſe tranſlatas, nemo ne-
gare poteſt. Crediti, Debiti, Sponſio-
nis, Solutioniſque vocabula ne quidem
delictis, ut inter homines, ſine compa-
rationis modo, adſcribuntur. Hoc con-
ſiderandum eſt, in uno tertio analogia
concurrat, an omnes termini rerum
comparatarum convenient.

23. Quando quis *ſub peccato venditus*
dicitur, analogia in ſolo mancipationis
effectu conſiſtit: Sed quando Chriſtus
nos emiſſe dicitur, idque *pretio ſoluto*,
ſecundum præviam *conventionem*, ibi
non modo effectus acquisitionis, ſed
ipſa contractus ſubſtantia non minus
evidens, quam in propriâ emptione ven-
ditiōe perſpicitur.

24. Nec ideo quod Socinus meta-
phoram ſuam redemptionis enervat ac
evanidam reddit, neceſſe fuit, per re-
demptionem designare *liberationem ali-
cujus à quovis incommodo*, quaſi, ne ſci-
cet, cogi videamur, tranſlationem &
tropum concedere. Metaphoræ non im-
minuunt rerum ſignificationes, ſæpius
intendunt ac evidentiores faciunt, ut
panis, potus, manducationis, corporis,
captivitatis, pignorum, ſigillorum,
pluriumque ſimilium rerum appellatio-
nes indicant paſſim.

25. Non fuit igitur faciendum, ut
Grotium, qui per lytrum intelligit, *rem
aut factum quodvis, quo myceſetur quiſ-
piam, ut aliquem incommodo aliqui affe-
cturus, eo liberari patiatur*, imitarentur
Theologi, potius quam Paulum, qui
dicit eſſe *multos in hunc modum, pretium,
quo empti ſunt peccatores*.

26. Quibus verbis etſi impropriis,
æqualitas ſatiſfactionis expletricis longe
melius, quam Grotianis propriis, quæ
ad aliquid aliud, ad ſimile quid præſtitum
tendunt, declaratur.

27. Ille declinandas putavit locutiones, quibus vera & plena solutio exprimeretur; nos vero quicquid ad veritatem fidemque plenæ satisfactionis demonstrandam pertinet, enixe retinendum existimamus.

28. Nec tamen, etsi translationem tropicam agnoscimus, longius à proprietate redemptionis quam res exigit, recedemus. Ideo ad objectionem, quod homo non potest esse merx emptionis, respondere licet; sane etiam homines unque vendi posse, videlicet servos, quales eramus electi.

29. Ad alteram instantiam, quod pretium emptionis in pecuniâ consistat, respondetur, verissimam esse, jure Gentium, sententiam illorum, qui nihil obesse statuunt emptionis naturæ, quod pretium in aliis rebus, quam in pecuniâ numeratâ constituatur; modo tale sit pretium, quod rei valorem, aut in pœnis quod delicti meritum exæquet; etsi recentior Jurisprudentia maluerit hanc vocare permutationem, quæ prorsus ejusdem juris regulis consistit ejusdemque est efficaciæ cum venditione; quare & Origenes in *Matth. 16. tract. 11.* Redemptionem nostram vocat *Communtationem*.

30. Ex his jam facile constat, quid ad Crellii dilemma sit reponendum; *Vel proprie, inquit, accipitur vox lytri & pretii, vel improprie. Si proprie, alicui proprie persolutum est hoc pretium, & nulli quidem alii quam Deo, cui satisfactio præstita à Grotio dicitur. Unde consequitur, Deum id etiam accepisse. Ex pretio autem improprie dicto, proprie dicta solutio, quæ hic intelligenda foret, colligi haudquaquam potest.*

31. Forensia vocabula de rebus divinis sine aliqua improprietate non possunt usurpari; Sed utcunque impropria, non desinunt efficacissima analogiâ, rerum si-

gnificatarum demonstrare naturam, ut in hoc negotio *supra* comprobatur est: tamen improprietas hic adeo proxime ad rem ipsam accedat, ut nihil interesse videatur.

32. Ita Basilii in hoc articulo *homiliæ in Psalm. 48.* Εἰς τὴν οὐρανὸν πᾶσι τοῖς ἁγίοις, ὁ ἰδὼν εἰς τὸ πᾶν λυτρώσας τὸν ἄνθρωπον. *Una res inventa est, omnibus dignitate equalis, quæ data est in pretium redemptionis animarum nostrarum.* Augustinus in *Psal. 95.* Tenebantur homines captivi sub diabolo, & demonibus serviebant; Sed redempti sunt à captivitate. Vendere enim se potuerunt. Venit redemptor & dedit pretium, fudit sanguinem suum & emit orbem terrarum. *Quæritis, quidemerit, videte quid dederit, & invenite, quidemerit. Sanguis Christi pretium est. Tanti quid valet? quid nisi totus orbis, quid nisi omnes gentes?*

33. Tamen autem proximè ad ipsius pretii dati proprietatem sacræ locutiones accedunt, ut nobis *nihil subterfugiendum sit, quominus etiam esse, cui solum sit pretium, concedatur; quâ incommodi consequentiâ, quæ orthodoxam sententiam urgere se posse callidi homines arbitrantur, id nullius esse momenti, jam demonstratum est.*

34. Denique, si verum est, comparationem Emptionis & Redemptionis, cum Liberatione generis humani per Christum factâ, sacris literis commemoratam, per omnia convenire cum Emptione venditione jure Gentium usitatâ; facile nobis venia dabitur, inde novum petentibus argumentum, quo non esse faciendum probemus, ut loca Scripturæ sacræ, quæ vetustis fidelibus remissa peccata fuisse tradunt, ita accipiamus, ut minus plenè perfectæque liberati esse dicantur, quam qui post solutionem Christi Redemptoris fide illius satisfactionem amplexi sunt.

35. Quia

35. Quia pendet & profluit hoc argumentum è natura Emptionis Venditionis, quam habet inter Gentes & quam modo expositam dedimus, visum fuit, ejus hoc loco subijcere deductionem.

36. Emptio venditio quemadmodum in præcedenti Exercitatione diximus, perficitur solo consensu, simulatque de merce pretioque convenit, *quamvis nondum pretium numeratum sit*, ait Justinianus ex vetustis Juris auctoribus *pr. Inst. de Empt. Vend.* Sed dominium rei venditæ non alter transfertur, quam per traditionem.

37. Verum ad hanc dominii translationem requiritur, ut emptor venditori pretium solverit, vel alio modo ei *satisfecerit*, velut *expromissore* aut pignore dato. Quod quamquam cavetur ex lege XII. Tabularum, rectè tamen dicitur, & *jure gentium*, id est, *jure naturali id effici*, inquit Cæsar Justinianus; atque venditor id semper agere creditur, ut sine pretio merci conveniente, dominium rei suæ amittere nolit.

38. Proinde, quotiens is qui vendit, *fidem emptoris secutus fuerit*, dicendum est, statim rem emptoris fieri, simulatque tradita fuerit, etsi pretione nondum soluto, quemadmodum docet Imperator in §. *Venditæ vero*, *juncto §. præ. Inst. de Rev. divis.* Sic igitur est ratio juris Gentium. Quando consensus de merce pretioque perfectus est, si venditor emptori fidem habuerit de pretio, (cujus rei liquidissimum signum habetur, si terminus solutioni sit adjectus) tum vendita res & tradita æquè plene redempta videtur & transit in dominium emptoris, æque perfectè, inquam, ante ac post solum pretium.

39. Applicemus hoc bonè cum venia. Deus mediator emit electos antea servos, à Patre suo; sic enim est compara-

tio, quæ Spiritus sanctus ipsemet utitur; quorum pars ei tradita fuit ante solum pretium, verum fide habità de pretio, terminoque solutioni adjecto.

40. Dico, quod pretium aliquamdiu non fuit solum; id non obstat, quominus ea pars emptorum fidelium, quæ ante solutionem tradita fuit emptori Christo, æque plene perfectèque redempta; servitioque Christi acquisita fuerit, quam qui post solutionem fuisse: Fides habita de pretio plenissime pro solutione cessit.

41. Emptos fuisse veteres à Christo mediatore, nemo negat; liberatos atque traditos fuisse eisdem redemptori nemo negat; fidem de solutione pretii Christo habitam fuisse à Patre nemo negat. Natura emptionis venditionis id infert, ut eo modo ante solutionem traditi emptique servi & redempti, æquè perfectè cedant in dominium *redemptoris* & à servitute priore liberentur, quam si pretium fuisset exsolutum.

42. Etsi conscientia redemptionis in illis servis, quibus ignaris, venditio facta minusque forte perspicue significata fuerit, in altero casu dejectior & intricatior, quàm solutione palam facta esse potuerit; quod in electis antiqui fœderis cum recentioribus comparatis ita sese habuisse apud omnes in confessio habetur.

43. Cum igitur hæc sit notissima proprietas emptionis & venditionis nihilque sit in literis divinis, quod eam emptioni per Christum factæ, quam eandem literæ ponunt, convenire veter, rectè hujus appellationis argumento probasse videmur, quod fideles utriusque temporis antiqui & novi, per emptionem Christi eodem jure meritoque redempti & liberati fuerint.

44. Sed nimis longa fuit digressio: Redeamus ad institutum pressius.

C A P.

CAP. VIII.

De Ecclesiâ Visibili externâ.

Causa Ecclesiæ Visibilis, externæ. Quatenus qui in hac reperiuntur; nec ad invisibilem pertinent, jus habeant à mystico jure distinctum; tam ante quam post Christum. Differentia inter utriusque temporis Ecclesiam externam & earum excommunicationes. Causa deformitatis Ecclesiæ externæ eamque emendandi ratio. An, separare se oporteat ob vitia Ecclesiæ. Catholicam sive Universalem externam non dari Ecclesiam, quæ corpus unum externum efficiat; nec esse caput unum Ecclesiæ universalis externæ. Non esse divinitus institutam subordinationem Ecclesiarum, vel prærogativam plurium in pauciores. Causa illius subordinationis & prærogativæ, quæ passim invaluit; Imperium Civitatis & Consensus. Ubi hæ causæ cessent, ibi statum Ecclesiarum esse independentem. In singulis Ecclesiis particularibus jus statuendi de rebus arbitrariis esse penes universos, nisi jus hoc in unum vel paucos transferant.

IUS Ecclesiæ invisibilis, quæ est unum corpus sub capite Christo, è Testamento ejusdem fundatum, præviâ conventionem inter Deum Patrem & Filium atque Spiritum Sanctum fidelibus esse præbitum, supra intelleximus.

2. Sed ipsa quidem Testamenti dispositio occulta fuit, donec à morte Testatoris, prædicatione per orbem Terrarum factâ, cunctis gentibus expolita & ejus bona cum credentibus communicata sunt.

3. Idem ante mortem Testatoris per *Fædus*, sive promissiones acceptatas, administratum fuisse demonstravimus.

4. Hæ promissiones sive *Fædus illud* primo, & deinceps Evangelii prædicatione visibilem externamque produxerunt Ecclesiam; quâ comprehensi sunt omnes, qui prædicationi Fæderis aut delatæ hereditatis cœlestis fidem habuerunt, vel habere se professi sunt; quem-

admodum in cap. 1. huj. sect. expositum est.

5. Sicut autem fœdus & prædicatione ad ipsam Testamenti dispositionem se referebant, nec ab illa discrepabant, ita nemo eorum, qui se confessorum numero aggregabant, quicquam juris ad bona Testamenti habere poterat, quam si verâ fide membrum invisibilis Ecclesiæ fieret, legibusque fœderis & Testamenti satisfaceret.

6. Quæ res tamen impedire non potuit, quin simulatores, nec unquam membra corporis mystici futuri, res externas & signa gratiæ, sine fructu spirituali, participarent. Et quia promissio cœlestis hereditatis etiam ad liberos pertinebat; eum his quoque signa gratiæ externa, quales fuere olim circumcisio, communicabantur, salvo divinæ destinationis, quid de illis aliquando futurum esset, arcano.

7. Idem

7. Idem de jure hereditario in terram Chanaan, statuendum videtur; cum illa, sicut antea demonstratum est, non fuerit materia Fœderis distincti, sed pignus & typus hereditatis cœlestis, quo bona spiritualia validius & palpabilius illis, pro disciplina illorum temporum hominumque rudium, inculcarentur.

8. Inde patet, inquam, non habuisse verum & proprium jus in Terram Chanaan ejusve partem, eos, qui ad ipsam Hereditatem cœlestem, viâ quâ ibant, pervenire non poterant; etsi ab externa illius Terræ communione; quamdiu Ecclesiâ externâ non ejicerentur, arceri non poterant.

9. Nam quia, sicut probatum est, ex cap. xv. *Geneseos*, illa terra solummodo fuit hypothecaria accessio Fœderis, quod Deus cum Abrahamo de bonis cœlestibus iniverat, fieri non potuit, ut Pignoris, quo Contractus inter Deum & Abrahamum erat obliquatus, obligatio, latius quam ipse contractus principalis pateret, usumque ab illo separatum haberet.

10. Prædicatione Evangelii congregata Ecclesiâ externa habuit similiter fideles veros & simulatores, quibus antequam dejecti & exclusi sint à Communionem Sacrorum, externa signa Gratiæ, etsi ad ipsa bona signis illis adumbrata nullum jus haberent, nihilo magis negari possunt, quam improbis Israëlitis usus terræ Chanaanis negabatur.

11. Differentia tamen inter externam veterem & novam Ecclesiam, est hæc inter alia; quod nova nullum habet pignus Terræ vel terrestrium bonorum, neque tali indiget, eo quod novis fidelibus datum est pignus longe nobilius Spiritus Sancti in cordibus illorum, abundantius effusi, & quo res ipsa sine typis & umbris, apertotestamento, illis panditur & exhibetur.

12. Hinc sequitur, Exclusionem ab

Ecclesiâ veterem secum tulisse excommunicationem à jure civitatis & bonorum quæ erant in terra Chanaan; cujusmodi nihil est in Exclusionem ab Ecclesiâ, quæ sit inter Christianos, secus ac olim erat *Τὸ ἀποκλεισθῆναι ἀπὸ τῆς ἐκκλησίας*; etsi in quibusdam locis, nominatim in Angliâ, non longe hodieque inderecedunt.

13. Quanto etiam clarior est aperta Testamenti & evidentior effusio gratiæ cœlestis in fideles, post *ἀποκλεισθῆναι* Servatoris, tanto majorem quoque peritiam, clariorem scientiam & demonstrationem spiritus efficaciorum in his qui novæ Ecclesiæ dant nomen, esse debere, quam in iis qui veteri aggregati fuerunt, consentaneum est.

14. Nec admittendos ad eam, non modo qui doctrinam Evangelii & fidei professionem vita moribusque prostituunt, sed nec eos qui civiliter utrumque viventes, è statu naturæ tamen ad interiorem cum Deo conjunctionem ducti non sunt, etsi fidem profiteantur ac intelligant, indubitarum est.

15. Sed quia facultas, illa manimatorum constitutionem discernendi, non nisi è dictis & factis, ut ad exclusionem sufficiat, exerceri potest, usu venit; ut genus illud posterius ab Ecclesiâ externâ difficulter excludi queat, nec unquam satis, ne quidem in primævâ Ecclesiâ discerni potuerit.

16. Nam ut potestas Episcopis & Pastoribus hanc rem suo arbitratu & secreta æstimatione judicandi fiat, neque periculum dominationis, nec ipsorum sæpe Pastorum imperitia spiritualis permittit.

17. Per quam causam usu venit, ut externa Ecclesiæ constitutio mirificam ubique deformitatem contraxerit, quæ neque per Reformationem superioris sæculi, qua dominatio magis quàm spiritualis imperitia Præsulum sublata est, cessavit.

T

18. Nec

18. Nec adeo spes videtur affulgere plenæ hac parte emendationis, nisi quando visum fuerit Deo, majorem in populos nomen ejus professos effundere copiam Spiritus sancti, cujus rei sperandæ locum vaticinia sacra multis facere videntur.

19. Quamdiu hoc non fit, & inter ipsos Pastores plerique à cultu interioris & novi hominis alieni cernuntur, neque sperari neque fieri potest, ut omnes vel major pars eorum, qui ad externam Ecclesiam confluunt, regeniti sint, & vere membra mystici corporis Christi reperiuntur.

20. Nec etiam, si verè pii Pastores quoddam inter confessores fidei cognoscant, in quibus existiment, non habitare spiritum Christi, quemadmodum, qui Deum in spiritu & veritate colunt, colloquiis & conversatione aliorum, non difficulter homines verè pios à naturalibus discernere possunt; tamen si illos ita convincere nequeant, ut aliis, ad quos eadem cognitio pertinet, idem liqueat, non habent jus illos ab externa communione signisque gratiæ, ut antea dictum, excludendi, habetque locum hæcenus, quod dici solet, *de occultis non judicat Ecclesia*.

21. Idque ita inde ab ipsorum ævo Apostolorum videtur observatum fuisse, quatenus ex eorum qui pariter aditabantur, numero, & è statu Ecclesiarum illius temporis, in Actis etiam & Epistolis sacris exposito, non obscure colligi potest.

22. Etsi quanto Rectores Ecclesiarum peritiores viarum Domini tum fuerunt, quam deinceps, & quanto major erat vis spiritus in Ecclesiis effusa, quam est hodie, tanto minor erat disparitas inter membra Ecclesiæ externæ & invisibilis, tum temporis, quam his diebus, ut è notis quas habemus in sacris literis, & quas

ex attenta consideratione confessorum hujus temporis animadvertere licet, intelligi potest.

23. Quamvis autem Rectorum imperitiam & oscitantiam hac parte nemo excusare potest, si tamen illorum vel majoris in Ecclesiâ partis culpâ indigni ad externos cœtus admittantur, qui sunt ejusdem congregationis & errorem agnoscunt, ideo ab Ecclesiæ communione separare se non tenentur, imo nec debent.

24. Quia peccata vel indignorum fratrum vel eorum à quibus admissi sunt, aliis imputari non possunt; si quidem nullo dicto vel facto talem admissionem probaverint, vel eorum vitia participaverint.

25. Nam quod eisdem cœtus frequentant eademque symbola gratiæ celestis uno loco & tempore percipiunt, non fit ideo, quia probant id quod prohibere non potuerunt; sed quia præceptum Dei est, ut mortem Domini annuncient, donec ipse veniat.

26. Neque plus aut arctius ad me pertinet, quod in eodem templo indigni admittuntur, quam quod in aliis aliorum locorum Ecclesiis idem fiat; quia totum Ecclesiæ corpus est unum, neque magis illis quam his operam meam adhibui, sed in utroque eadem mihi facultas fuit.

27. Sane, si possum me aggregare cœtui, qui hac parte sanctius & levius consulit, huic me, si facultas detur, potius adjungere tenebor; ne dignos, & indignos admittere mihi prope indifferens haberi videatur.

28. Nec tamen ita cœtus, qui veritatem Dei præstent, ideo quod disciplina remissior & dissolutior habetur, rectè negemus, externas esse Ecclesias: etenim magnam hac parte latitudinem dari vel Ecclesiæ septem Apocalypticæ doceant, neque

inque gradus perfectionis speciem vasisse potest.

29. Adeo, ut si contingat, in aliquo fœtu numerofo, pauciffimos esse veros fideles, si tamen verbum Dei purè in eo prædicetur & liceat ibi Deum colere & celebrare, quemadmodum ipse præcepit, huic se aggregare in eoque commorari licere statuumdum fit.

30. Quippe, communio sanctorum & sacrorum est qualitas mystici corporis Christi, nec nisi ad verà ejus membra pertinet, in quibus orditur & definit, neque verò impeditur ab iis qui corporibus adfunt, animis non junguntur; secundum id quod vulgo & rectè dicitur; *utile per inutile non vitiatur*.

31. Verum est, extare præceptum *de non edendo cum falsis fratribus*; sed hoc primo de apertè improbis, non de quibusvis inregenis accipiendum; dein de tali societate menſe, quam quis adſectet, vel quæ ab ipſo dependeat, non quæ penitus ab alieno pendeat arbitrio.

32. Communio externa ſacrorum aliter, quam in coetu Eccleſiæ haberi non poteſt, quam improborum admiſſio piis intercipere non debet, cum verà communio nonnulli inter verè fideles committatur.

33. Duntaxat admiſſis talibus, quorum impietas probari poteſt, faciendum videri piis, quibus id grave eſt, ut hi ad quos ea cognitio pertinet, officii ſui decore commoneſcant, judiciumque piorum non ludantium proſanationem ſacrorum, exiſtat. Quo facto, rem Deo committant, nec, quod homines perverſè conſulunt, ipſos arcere debet à Deo in conventu nomen ejus ite proſitentium celebrando.

34. Quia iter conſulunt, ſequæ ab Eccleſiæ non exquiſitæ diſciplinæ utentibus, eſſi in doctrina cum ipſis conſentientibus, ſegregant, ut & apud eos moris ve-

riſque regenis colligant, experiendo ſe rem humano conſilio majorem, quæ divinitus *apud* & vires arcanas expectat, occupare ſentiunt, nec in propoſito ſuo durant.

35. Eſſi autem Inviſibilis Eccleſiæ in univerſo mundo ſit unum corpus, quod eſt *Univerſitatis prædeſtinatorum*, verè Catholica Eccleſia, ut ex Huſſi ore ſuprà intelleximus; ejusmodi tamen unitatem externæ Eccleſiæ à Chriſto eſſe fundatam, non liquet, nec ea res, ut jam ſuprà indicavimus, habet facultatem.

36. Talis unio conſtitui non poterat, ſine Imperio unius Præſulis ſut collegii ſuper omnes Eccleſias, cujuſmodi poteſtatem ſi Chriſtus Dominus ad ſe re præſentandum in Terris, extare voluiſſet, non eſt dubium, quin verbis, ut erat momentum rei, maxime clariſ & præcipientibus uſus fuiſſet.

37. Qualia nullo modo ſunt ea, quibus uſus legitur ad *Petrum* Apoſtolum, quando laudat ejus confeſſionem de perſonâ officioque ſuo, cum mentione *Petræ*, cui illam adſimilat. Nec etiam ea, quibus ſemel iterumque Paſtoris partes illi demandat: Unde principatum in Eccleſiis Petro vindicare, vel Petri juſin Episcopum Romanum transferre, utrumque maniſeſta veritatis & prætextus inopia laborat.

38. Nihil etiam ſimile prodit uſus Apoſtolorum & Eccleſiæ primævæ, quicquid de habitatione vel Episcopatu Petri apud Romanos, qui miſiſicè ab Actis Paulinis alienus eſt, ſtatuendum fuerit.

39. Habuerunt Apoſtoli miſſionem & Spiritum ab ipſius ore Chriſti, ad omnes gentes: Unde auctoritas illis authentica vivis & mortuis, quod attinet ad ſcripta quæ reliquerunt: ſed Auctoritatis hujus ſucceſſores nullos habuerunt.

40. Verum conventus, particulares, cum

cum ordine certo docendi & regendi, passim con siderunt, quorum aliis in alios fuisse Imperium, vel è multis factam fuisse Universitatem, in qua pauciores voluntatem plurium sequi deberent, ex instituto & tempore Apostolorum, præteritus, quod de ipsorum auctoritate prædictis diximus, minime liquet.

41. Subordinatio Ecclesiarum, quæ nunc passim obtinet, è duplici causa fluxisse videtur; E Consensu membrorum & ab Imperio Civitatis. Consensus habuit usum, antequam Rectores civitatum Fidem præsterentur, quemadmodum ante Constantini Magni tempora jam late stabilita fuit.

42. Ratio illam introducendi duplex imprimis fuit. Utilitas colendi fovendique consensum Fidei & disciplinæ per omnes Ecclesias, & persuasio Christianis populis insinuata. Ecclesiam visibilem æque debere esse corpus uno sub imperio Unicum, quam est invisibilis Ecclesia sub Capite Christo.

43. Quæ res effecit, ut Imperium illud Ecclesiasticum sub uno capite, per universum orbem terrarum propugnaretur & conjungeretur. Quod omnem suam vim & efficaciam habet ex inveterata persuasione populorum, illam esse constitutionem divinam.

44. Altera causa subordinationis manifesta est in his locis, ubi illa credulitas Populorum recepta non est, quemadmodum un venit, in hodiernis Prote stantium Ecclesiis; qui Subordinationem suam haud aliunde quam ab Imperio accipiunt.

45. Idque ab opposito statu patet evidenter, in locis, ubi Imperium cum Ecclesiæ ordinatione non concurrat, eo quod vel improbet confessionem, ut in Ecclesiis sub Cruce, quas vocant, vel ubi Imperium discordat, ut in *Frisia Orientali*: Omnes enim istæ Ecclesiæ

sine ulla subordinatione vel Universitatis conformatione in naturali *Independen-tismo* non adfectato consistunt.

46. Unaquæque de suis rebus ita quemadmodum in timore Domini & ex animi sui sententia putat faciendum, consulit, nec una vel plures super alias quicquam juris aut imperii habent, salvâ conjunctione animorum & consensione fidei quam proficiuntur.

47. Quam ut omni meliore modo colant & foveant, non est inutile, conventus aliquos etiam statos celebrare, per legatos; in quibus be mutuo horrentur & commonefaciant; quales habent Reformati in ea quam dixi *Frisia Orientali*, sed abique vinculo necessitatis; ut Ecclesiæ, quæ nolunt iis vel interesse vel auscultare, nullo modo ad hoc teneantur.

48. Quod si per conventionem mutuum leges aliquas fiant, iisque se submittant, *obligantur* equidem, sed animis & dictis tantum, nulla *coactionis* facultate compirata.

49. In singulis etiam Ecclesiis particularibus, deliberandi & concludendi jus de rebus arbitrariis est penes omnia membra, salvâ Presbyteris facultate denuntiandi promissiones obedientibus & minas retractoribus, secundum Evangelium.

50. Ut tamen etiam ex consensu, vitandæ confusionis, si velint, jus omnium in paucos, vel in unum, quod attinet ad ea quæ sacriliter præscripta non sunt, deferre queant. De his enim iplis nulla conventio, nulla renuntiatio vel translatio fieri potest.

51. Denique, singulis Ecclesiis competit jus Universitatis, quod ad res attinet externas, si modo in Civitate non sunt prohibita: Tales enim jus *Personæ civilis*, quam præferunt Universitates, habere non posse manifestum est, quâ de re in loco de *Universitatibus lib. 2. agendum*.

S E C T I O V.

De Jure Summæ Potestatis circa sacra.

C A P. I.

*E variis opinionibus de Jure Summæ Potestatis in Ecclesiam, una eligitur;
& de Episcopatu Constantini Magni.*

De Jure Summæ Potestatis in Ecclesiam varias agitari opiniones. Primam esse Pontificiorum sententiam, qui totum hoc jus Papæ subji-
ciunt. Alteram eorum, qui Presbyterius omnia vindicant. Tertiam
distinguere inter jus Ecclesiæ internum & externum, quasi ex mente
Constantini M. Quartam Eraftianorum, qui nihil quam confessionem
fidei Ecclesiasticis concedunt, potestatem omnem Imperio adscribunt.
Quintam Hobbesii, à quo nullum jus sacrum, nisi Imperio civili
subjacens agnoscitur. Ex his media, quæ est tertia opinio, præfer-
tur. Episcopatus Constantini M. Vera expositio, discrepans à vulgari,
traditur ex Luf. bio, probaturque, nihil eum esse, quam officium Prin-
cipis in convertendis ad fidem pietatemque civibus extra Ecclesiam,
hortatu, Legibus, exemplo.

Postquam jus Ecclesiæ Invisibilis ex
fœdere & Testamento Christi domi-
ni, latius quam fortè necesse fuit, & sta-
tum Ecclesiæ externæ in se consideratæ,
quod latius sit, exposuimus; sequitur, ut
quomodo se habeat Ecclesia Visibilis re-
spectu Civitat'is, sub cujus Imperio de-
git, & quid huic juris in illam sit com-
paratum, videamus; Aliquid enim id
esse oportere, jam antea demonstravi-
mus.

2. Et quidem diversas sententias, pri-
mam, ut quæque minimum juris tribuit
Summæ Potestati in Ecclesiam, tum eas
quæ plurimum ei vindicant, proponen-
mus.

3. Qui magnum Præfulem Romanum
colunt, hi sic omnia ad Ecclesiam spe-
ctantia pedibus ejus subjiiciunt, ut Im-

perantibus nihil relinquant, nec in his quæ
à Deo præscripta sunt: nec quidem in
regimine Ecclesiarum externo; adeo, ut
non pauci etiam Principes ipsos eorum-
que imperium Pontifici submittant.

4. Alii totum jus sacrorum pendere
docent à collegiis Presbyterorum, tam
quæ sunt in singulis Ecclesiis particulari-
bus, quam quæ colliguntur è pluribus,
sive una seu diversis subordinationis gra-
dibus, secundum Classes & Synodos,
quæ vocantur.

5. Et ex horum sententia Imperantes
vix aliter quam à fidelibus singuli, aut
omnino extranei ab hisce reputantur.

6. Nisi, quod defensionem Ecclesiæ
& executionem eorum, quæ Presbyteri
decreverunt, quatenus manum requirunt,
Imperio civili committunt.

T 3

7. Ipsæ

7. Ipsas quoque nonnulli Imperantium actiones in Reipubl. administratione censuræ Presbyteriorum committunt. Atque hi sunt, quos in Anglia & in Scotia vocant à re ipsâ *Presbyterianos*.

8. Enimvero hæc sententia à priori in terminis quidem, & in eo, quod Pontifici jus toto orbe tribuitur, satis latè discrepat; Genere tamen doctrinæ, quæ ad hunc locum pertineat, quatenus utraque civili Imperio fere tantundem relinquit, haud magnopere ab alterâ abhorret: Nempe, sicut Aristocratica potestas particularis differt à Monarchiâ Universalî.

9. Sunt alii hujus, ut videtur, classis secundæ, qui Presbyteria repudiant, & singulis Ecclesiis omne jus sacrorum vindicant, ita ut omnia membra congregationis id pariter exercent, *independenter* à Classibus & Synodis. Hi sunt, quos *Independentes*, & recentiori nomine *Congregationales* vocarunt, qui forte propius ad *tertiam* quæ sequitur, quam ad Presbytericam opinionem referri videntur.

10. Porro *Tertia* est eorum sententia, qui *internum* Ecclesiæ & sacrorum jus civili potestati negant; *Externam* verò administrationem ab illâ dependere eique subiacere volunt.

11. Hujus autor sententiæ *Constantinus Magnus* laudatur, cujus hac de re convivalem ad Episcopos sermonem memorat Eusebius *l. 4. de Vitâ Constantinî M. c. 24.*

12. *Quartò*, sunt, qui confessionem fidei nudam & solam Ecclesiæ concedunt, sed potestatem animadversionemque, vel audientiam foris se exercentem nullo modo, *nisi à Majestate dependentem*.

13. Proinde potestatem ejiciendi e communione *Ecclesiæ* & arcendi à sacris, quam prior sententia sub interinis comprehendit, similiaque, negant Ec-

clesiasticis, utique ubi Magistratus sunt Christiani.

14. Tales ab *Erasmo* Helvetio, qui Medicus & Senator Ecclesiasticus superiore seculo fuit Heidelbergæ, vocantur *Erasiani*; quorum secta à *Colemano* Londinenſi Concionatore in Anglia renovata turbas ibi, & in Scotiâ dedit, ut dixi *Hitor. Civ. rom. 3. sect. 9 c. 4. n. 5.*

15. Denique *Hobbes*, & si qui sunt *Hobbesiani*, quicquid religionis aut juris Ecclesiastici in hoc mundo esse queat, id omne ad Imperium Civitatis pertinere contendunt.

16. Ipsum quoque jus (& hoc vel inprimis) statuendi de dogmatibus fidei Christianæ; Nulla re excepta, nisi hac una, *quod Jesus sit Christus Dei*.

17. Reliqua credendi capita, quæ in Ecclesiis proponuntur, *non esse fidei, sed obedientiæ*. In quibus si erraret, Imperantes non subiecti rationem reddere debeant. *Hobb. de Civ. cap. 18. §. 6. & 14.*

18. Ex his sententiis eligere aliquam aut improbare, ei, qui in universum excusari mallet, juris duntaxat scientiam professo, grave & anceps neque temerè tentandum videtur.

19. Faciendum tamen est, quando & operis institutum & exempla aliorum & necessitas refutandi pernitiōsa principia, id nobis imponunt; Si quid errati obrepit, veniam Jurisconsulti haud gravè speremus.

20. Extrema vitabimus, sequemur *ut* ex omnibus mediam, loco tertiam, quæ Constantino Magno adscribitur, sano sensu intellectam.

21. Neque enim adhuc satis explicitum videtur, quomodo *Constantinus* suam distinctionem *intra & extra Ecclesiam* sunt, intellexerit, quod operæ pretium est indagare.

22. Eusebius loco superius citato narrat, Constantinum lege vetuisse, idola poni in templis, in eoque totum fuisse, uti posset *οἱ πάντες ἀνθρώποι ἑκαστοὶ κατὰ τὸν ἑαυτοῦ νόμον*, omnes homines facere religiosos. In eum finem iussit omnes, qui in Imperio Romano essent, celebrare dies, quibus nomen à Christo inditum esset; et, etiam Sabbathum, in memoriam eorum, quæ Christus illis diebus egisset, imprimis vero salutiferam diem lucis live Solis, omneque dies Christo cognominis appellavit *κυριακὴς*, dies Dominicos. Milites quoque suos docuit, oculis, manibus ad eorum elatis (quo habitu le ipsum in nummis, qui hodieque supersunt, effingi voluit) preces Deo & Christo dicere, quarum formulam ipse concepit illque prævit, ut apud Eusebium videre licet; denique festis diebus *πᾶσι τῶν ἁγίων ἐκείνων ἀγαθῶν* Deas *ἰσοφωροῦντας* spectant; totis animi & corporis viribus sacros cultus exercebat.

23. His præmissis, ita pergit Eusebius, *Ἐξήντη ἀνθρώποις ἀντίς ἐν ἑαυτοῖς ποτὶ δὲ ξυνῶν ἐκείνων, λόγῳ ἀφῆκεν, ὡς ἀκούειν ἀντίς ἐν ἑαυτοῖς*. Hinc non immerito ipse in convivio recipiens aliquando Episcopos, adseruit, se quoque Episcopum esse, *οἱ δὲ πρὸς αὐτοῖς εἶπον ῥήματα ἰσὺ ἡμετέρας ἀκούειν*; his fere ipsis verbis nobis audientibus, utens, *Ἀλλ' οὐκ ἔστιν ἡμεῖς ἐκείνοι τὸ ἐκκλησίας, ἰσὺ δὲ τῶν ἐκείνων Θεοῦ καὶ Χριστοῦ*. *Ἰπποκρίτης δὲ αὐτοῖς*: Sed vos quidem eorum, qui vel quæ sunt in Ecclesia, ego verò eorum qui, vel quæ, sunt extra Ecclesiam, Episcopus à Deo constitutus esse videor.

24. Addit Eusebius, *ὡς βλῆναι δὲν τῶν λόγων Ἀγριούρου*, τῆς ἀρχιεπισκοπῆς ἐκείνης ἱστορίας, περιηγουμένης. *ὁμοίως δὲ ἡ δυνάμις, τῇ ἰουδαϊκῇ μυριάδι* B. 100. Secundum hæc dicta, cogitans quid facto opus esset, ut episcopum se gessit erga omnes subiectos,

impellens eos, quantum poterat, ut religionem vitam instituerent.

25. Ex his palam est, quomodo Constantinus suum Episcopatum iis quidem verbis acceperit, scilicet, de officio boni Principis in convertendis ad resipiscendam, fidem pietatemque civibus suis, extra Ecclesiam, hortatu, legibus, exemplo.

26. Non igitur de his quæ penitus extra Ecclesiam & ab hac aliena sunt, ut volunt, qui jus Principum circa sacra nullum agnoscunt; neque de actionibus externis duntaxat, ut *τις ἐν τῇ ἐκκλησίᾳ*, sint animi sensa, quæ non sint materia Imperii, ut Grotius vult in d. tract. c. 3.

27. Neque tandem de regimine Ecclesiæ externo, sicut vulgo putant & putavit Cl. Velsius in erudito libello de Episcopatu Constantini Magni; nec etiam contra Paganos solos, ut destrueret eos, sicut Perronius Cardinalis in sermonibus Pitheæus, loquitur, pour les détruire, comme l'Empereur dit nommément, ut Caesar nominatim loquitur, inquit; Ubi? Non usus est illis verbis, neque similibus, etsi verum est, idololatriam ab eo fuisse abolitam.

28. Magis est igitur, ut Eusebio, qui sermoni interfuit occasionemque huius dicti scivit, de mente Constantini credamus. Prorsus ut eodem modo suum acceperit Episcopatum, quo Imp. Theodosius & Honorius in Epist. ad Marcel. ubi; Neque enim aliud aut belli laboribus agimus, aut pacis consiliis ordinamus, nisi ut verum Dei cultum orbis nostri plebs devota custodiat. Et Augustinus; In hoc, ait, Reges, sicut eis divinitus præcipitur, Deo serviunt, in quantum Reges sunt; si in regno suo bona iubeant, mala prohibeant, non solum quæ pertinent ad humanam societatem, verum etiam quæ pertinent ad divinam religionem. contr. Crescent. lib. 3. c. 51.

C A P. II.

Sententia electa de jure sacrorum confirmatur & explicatur.

Nihilominus tenendam esse distinctionem inter jus regendi Ecclesiam internum & externum, in hunc modum, ut ea quæ Deus determinavit & ad suum judicium immediate pertinere voluit, Imperio civili non subjaceant, secus ac illa, quæ aliter ac aliter se habere possunt. Immutabilia Dei præcepta esse vel naturalia vel revelata. Illa dictamine rationis rectæ, hæc autem dictamine Spiritus Sancti, quod è sacris probatur, indubitata fieri; quorum neutrum imperiis subjectum esse humanis. Ratio Vedelii pro jure Summæ Potestatis in Ecclesiam improbata.

ETI si vero Constantinus Episcopatum suum iis verbis ita non intellexerit, ut regimen externum Ecclesiæ significarent, nihilo secus tamen id ipsum sibi competere semper alias sensit, neque destitit ipso actu exercere, quem admodum vel sola Concilii Nicæni historia, quæque deinde secuta sunt, edocere possunt.

2. Ejusmodi autem regimen externum ad summam potestatem pertinere, probamus hac ratione; Quod summa Potestas omnia rerum hominumque (de actionibus, non de animi sententiis loquimur) in civitate, suo Imperio complectitur, ut jam pridem demonstravimus, *exceptis iis, quæ vel nominatim à deferentibus imperium ei subducta sunt, vel quæ Deus specialiter ab hominibus exegit, & immediatè suo solius tribunali addixit.*

3. Cujus generis non omnia, quæ ad Ecclesiam pertinent & ab Ecclesiasticis aguntur, esse, clarum & indubitatum est; quia multa aliter esse possunt, sicut ipsæ actusque alibi sunt, alibi non sunt, alibi sunt aliter, sine controversiâ.

4. Quæ autem Deus sine medio &

expresse postulat, ea non posse aliter se habere manifestum est, siquidem *necessaria sunt*; quod autem *neesse est*, ejusmodi est, ut sine eo res *neesse* possit.

5. Igitur has positiones, quod omnia in Civitate, præsertim quæ ad universos spectant, summæ potestati absolute consideratæ subjiçiantur, ita ut juberi prohiberi que possint; & rursum, quod ea, quæ Deus necessario exigit suæque cognitioni sine medio reservat, humanis imperiis mutari nequeant, facile, puto, impetrabimus.

6. Scilicet eo sensu, quo Ambrosius, *Ea quæ divina sunt, inquit, Imperatoria potestati subiecta non sunt.* T. 3. ad Marcellin. soc. epist. utrumque membrum Bohemicæ Confessio Ecclesiæ expressit art. XVI. *Verbo Dei præcipitur, ut omnia Summis Potestatibus per omnia subdantur, in his tamen quæ DEO eiusque VERBO NON ADVERSANTUR.*

7. Hæc tamen defugimus limitationem quorundam; Nisi quædam externa ejusmodi sint, ut interna quoque Ecclesiæ jura involvant aut impendant. Nam talia magis est, ut pro internis & immutabilibus habenda sint. Exempla pro-

ferri

fieri non vidimus, si qua sint, ea vel hac interpretatione vel è sequentibus occupatum iri confidimus.

8. Quod autem multa sint talia in Ecclesiasticis, quæ aliter aliterque se habere queant, ut verbo Dei non adversentur, ex *infra* dicendis manifestum fiet, eaque omnia Imperio Civitatis, eo quo diximus argumento, sub ista limitatione tamen, subjecta videntur.

9. Nec utimur eâ ratione, quâ D. Vedelius in *d. tract. de Episc. Const. M. passim*, alique vulgò utuntur; quod Potestates Christianæ plerumque sint Ecclesiæ membra, & quidem præcipua; Nam agimus de jure, quod Summæ Potestati, quâ tali, adeoque etiam infideli competit.

10. Ecclesiæ Membro, utcunque præcipuo, quatenus pars totius est, nihil juris quam è consensu Ecclesiæ adscribi potest. Eminentia posset quidem esse ratio suasoria & probabilis, ad ejusmodi jus è consensu acquirendum, sed per se nihil ad eam rem confert.

11. His consentaneum est, non morari nos argumentum, quod alii obijciunt; Si potestas Civitatis habet regimen Ecclesiæ, oportet hoc habeat, vel ut Potestas, vel ut membrum Ecclesiæ; non priore sensu, ajunt, quia tunc etiam infidelibus adscribendum esset, quod absurdum rentur; non posteriore, propter rationem modo à nobis collocatam.

12. Jam diximus, externum regimen Ecclesiæ pertinere ad Summam Potestatem, sive Principem quâ talem, etsi ab Ecclesia alienum, vel infidelem, aut mulierem vel infantem; nec absurdi imputationem extimescimus, ut ex sequentibus intelligetur.

13. Nunc sufficit dixisse, jus illud externum esse partem, ut in scholis loquuntur, potentialem summi Imperii, nec ab eo separabilem; proinde, cum

hoc ipsum infidelibus, feminis, infantibus competere possit, nihil insolens dixerit, qui jus illud Ecclesiasticum iisdem tribuit.

14. Rarò equidem usu venit, ut Imperantes à fide alieni se rebus Ecclesiæ, quam pro tali non agnoscunt, misceant; Si tamen ita instituant, ut sæpe fit in Ecclesiis quæ permittuntur, etsi non probentur, idem jus illis quod ejusdem fidei Regnantibus competit, esse tribuendum, ratio dicat.

15. Adeo ut Patriarcha Græcus ex ordine Clericorum ejusdem nationis, à Turcico Imperatore constitutus, pro illegitimo non magis sit habendus, quam qui olim à Christianis Imperatoribus electi fuerant; & Synodi Gallicanæ quondam à Rege Pontificio Reformatis concessæ nihilo minus habuere juris, quam qui à Principibus aut Ordinibus Reformati alibi convocatæ fuerunt.

16. Porro ad approbationem sententiæ, quam suscepimus, duæ res explanandæ sunt. Prima, quænam sint ea, quæ Deus necessariò exigit, suoque tantum judicio vult esse obnoxia.

17. Dein, quæ res ad sacra pertinentes, non sint ejus naturæ, verum abesse aut diversimode se habere queant.

18. Necessaria Dei præcepta sunt vel naturalia vel revelata. Naturalia, de quibus actum *sect. 1. cap. 2.* sunt ea videlicet, quæ necessitatem aut turpitudinem habent moralem.

19. Nam ejus rei discretionem non habemus ex solâ informatione vel exemplis aliorum, ut quidam inutiliter volunt (*respice ad sect. 1. cap. 2. n. 14. & seqq.*) sed Deus cordibus nostris, quod indubitato sentire queamus, eam inpressit.

20. Hoc est, *ὅτι τὰ ἐν νόμῳ ποιεῖται, ἕκαστος ἐν νόμῳ ἑαυτοῦ ἐν ταῖς ἀρεταῖς, περὶ naturam facere quæ legis sunt; opus legis inscriptum cordibus.* Οὐ θεὸς ἀνθρώποις ἐπιτίθει νόμον, Deus

σι, *Deus ipsis manifestavit*, quæ omnia Paulus de gentibus adserit, 1. & 2. *ad Rom.*

21. Et Plato, novisse hoc discrimen *ἐν τῷ γενέσθαι ἡμῶν ἱκανῶς*, quemque nostrum simulacratum, id est, simulacrativa ratione uti potest *lib. 8. de Legib.* adfirmat. Et Plurarchus, *ταυτὶς ἐστὶν ἡ ποῦς Θεῷ, καὶ τῷ πεισθῆναι λόγῳ*, Idem est, *Deum & rationem sequi*, quod de necessariis naturæ præceptis accipiendum; nam in probabilibus fallit.

22. Necessaria igitur naturæ præcepta, conscientiam generis humani ita obstringunt, ut imperio Civitatis nullam mutationem recipere possint, obstante majori Imperio divino.

23. Ita Rex Ægypti obstetricibus imperabat, Hebræorum infantes masculos interficere; Non paruerunt, *quia Deum timebant*, additur ratio: Juse enim Naturæ & ejus auctor Deus hominem scilicet innocentem neci dare vetabant.

24. Sequuntur Revelata Dei præcepta; & hæc sunt, quæ Deus benignè, salva justitiâ suâ, ad salutem corrupti & perditionem generis humani, *per filium suum* procurandam, ministerio Prophetarum & Apostolorum manifestavit, & *sacris utriusque fœderis libris comprehensa voluit.*

25. Quorum capita credimus à Deo esse, non ex auctoritate cœtus præsentis fidelium, quem *Ecclesiam* vocamus; Neque ex historicâ fide miraculorum, quibus olim in terris eadem obsignata leguntur.

26. Quoniam efficacia rationum illarum fundamento auctoritatis humanæ carere non potest, in eamque resolvitur, ita, ut credulitas magis quam certa fides esse videatur.

27. Neque etiam solis nitimur indicibus & argumentis veritatem sanctimoniamque Scripturæ ita persuadentibus,

ut naturali quoque rationi convincendæ sufficere possint.

28. Nam etsi reverà talis *φωτιστικὴ εἰς πίστιν συνείδησις*, demonstrativa vis ad omnem conscientiam, ut Apostolus ait, 2. *Cor. 5. 2.* insita sit mysteriis Christianæ confessionis, cujus quoque rejectæ poenas dabunt reprobi, tanquam *αἰετολόγητοι*, 1. *ad Rom. 20.* certum tamen est, quod sola ratione naturali in rebus fidei, fidere non liceat, 1. *ad Corinth. 2. v. 14.* cum rationes istæ tot dubiis & cavillationibus impiorum obnoxie sint, ut amplius aliquid opus sit ad plenam certitudinem, quam *πληροφορία* sacræ literæ vocant, animis inradicandam.

29. Quid ergo tandem? Quod Hobbes cum supercilio negat *c. 18 §. 5. & 14.* id nos adlerere, quatenus Christiani sumus, non est quod pudeat, nec verebimur, ne idcirco *Apostatae rationis*, ut ille amat loqui, esse videamur.

30. Si dixerimus, Largiri Deum vere credentibus *testimonium Spiritus sui*, quod de veritate eorum quæ sacris literis ad salutem suam necessaria continentur, certè, intimæque *πληροφορία* sint adieverati.

31. Illa est *ἀποδείξις πνεύματος καὶ δυνάμειος*, demonstratio spiritus & potentie. *τὸ πνεῦμα ὃ ἐστὶν ἡμεῖς, ἵνα ἰδῶμεν, &c.* Spiritus qui a Deo est, per quem intelligamus quæ a Deo sunt &c. *ἡ Θεὸς ἡμῶν ἀπεκάλυψε διὰ τὸ πνεῦμα αὐτοῦ, quæ Deus nobis detexit per spiritum suum*; eamque facultatem Paulus opponit *πρὸς πειθὺς καὶ διδασκαλίας ἀνθρώπων σοφίας λόγους*. Persuasoriis & eruditis humanæ sapientiæ rationibus; 1. *ad Corinth. 2. v. 4 9. 12. 13.*

32. *Αὐτὸ τὸ πνεῦμα συμμετρεῖ τὸ πνεῦμα ἡμῶν*, Ipse spiritus suum testimonium jungit spiritui nostro, *ep. ad Rom. 8. 16.* Qualis spiritus? *ὃς ὁ κρείττονος, Ἀββᾶ τὸ πνεῦμα*, dixerat *v. 15. & Gal. 4. 6.* per quem vociferamur, *Abbâ Pater*, quod non est ratiocinationis, sed *ἡμεῖς*, ut sic

sic loquar. Hoc est *sigillum & pignus* fidei, quam sequitur *ἀπὸ τοῦ ἐν ᾧ μεδέσμενος ἐσθλασθήσεται*, *pignus per quod, cum credideratis, obsignati estis: 1 ad Ephes. 13. 14.* Omnia convenienter promissioni Servatoris ad finem mundi duraturæ. *Joh. 14. v. 26. & 16. v. 13.*

33. Ex quibus liquet, esse illam de qua loquuntur Dominus & Apostolus, ejusmodi gratiam, quæ non saltem commitetur & adjuvet naturalem judicii vim, ut capita fidei rectè apprehendat; *quod tamen omnino quoque præstat.*

34. Sed insuper, quæ a rationali demonstratione ac apprehensione, nec non à rectæ conscientiae gaudio plane & perspicue diversa totoque genere distincta ac evidenter sine medio mentibus affusa est.

35. De quâ Calvinus loquitur, cum ita scribit, *Unde statuimus, fidei notitiam certitudine magis quam apprehensione constare.* Et paulo ante, Johannes testatur, inquit, fideles scire, se esse filios Dei, & sane certò sciunt; *sed divinæ veritatis persuasionem confirmati magis, quam rationali demonstratione edocti lib. 3. Inst. c. 2. §. 14.* non quod ratiocinationem scripturis convenientem summus ipse ratiocinator excludat, verum quod hac sola, fidei certitudinem absolvi non putet.

36. Plura id genus undique proferri possent, si dubium esset, Christum non ira deseruisse gregem suum, ut cum eo prorsus non communicet amplius occultas, mirabiles, ineffabiles & veras in corde revelationes, sicut olim *Synodus Arausica*, apud *Voss. de Pelag. in præf.* loquebatur.

37. Frustra exceperis, quod imaginarium esse queat hoc testimonium; siquidem & *ἀπὸ τοῦ καιροῦ* ad tempus, nec verè credentibus aliquid ejusmodi evenire dicitur.

38. Cum enim consistat testimonium illud in *πληροφωρία*, id est, certitudine

animique persuasionem penetrantissimâ, scrupulus de veritate fallaciæ non cadit in illos.

39. Præter quod minime desunt rationes, quibus ludibria meptium passionisque animi ferventiore motu spirituum animalium concitatae, vel imposturæ geniorum à sanctis motibus discerni queant.

40. Enimvero ad alios hujus rei argumento convincendos hanc observationem non esse idoneam, facile conceditur: neque pro se quisquam hodie ulterius eam extendere posse videtur, quam ad summam salutis per Christum partæ inque sacris perspicue traditæ; quod ad divinitatem totius scripturæ cuilibet conscientiae adprobandum amoliendumque enthusiasmum sufficit.

41. *Ἀλλὰ τίς μὴ ἐλπίσκει;* *Quorsum hæc nobis?* Ad id quod propositum erat; si certitudo Scripturæ Sacræ & summa credendorum divinitus præscripta, in cordibus nostris efficaci testimonio Dei obfignetur, palam est, *fidem nullo quam solius Dei judicio imperioque esse subjectam.*

42. Idque non modo quod ad illam summam regulam attinet, *Jesus est Christus Dei*, ut *Hobbes* vult, sed respectu omnium quæ in scriptura traduntur; siquidem ea Deum habet auctorem, qui omnem suam voluntatem à singulis fidelibus vult percipi & impleri; quod hi certo norunt, etsi non *omnia singulaque pari certitudine perspiciant.*

43. In universum igitur, quicquid ad internum jus conscientiae pertinet, seu naturale sive revelatum, cum immediate subditum sit Deo, ipsius duntaxat iussio prohibitioque in illis spectari debet; ideoque nulli Imperio Civili vel Ecclesiastico quicquam juris est in illis vel prohibendis vel augendis vel mutandis.

44. Hoc etiam post alios dicitur *Confessio Belgica*, dum ait, *Cuncti homines*
V 2

nes, cujuscunque sint dignitatis vel conditionis ac status, Legitimis Magistratibus subjeti debent & eis in omnibus obsequi & obedire **QUÆ VERBO DEI NON REPUGNANT.**

45. Plane si hoc regimen internum Christi, quo ipse caput singula mem-

bra corporis sui mystici verbo & spiritu regit, ab externo, quod homines vario arbitratu instituunt, bene discerneretur, non toties Papa vel Presbyteria pro Imperio Regis Jesu spirituali, suas constitutiones arbitrarias inculcarent.

C A P. I I I.

Quo usus sententia prioris exponitur.

Quæ ex naturalibus, præcepta, sint immutabilia honestate morali, quæque satis conscientiam edocere. Ex sacris propriè dictis, primo, confessionem fidei ad intrinsecum jus conscientia pertingere, quæque ad cultum Dei præterea spectant; jus quoque Clavium & Doctores statuendi. Circa illa tamen omnia, verti jus civilis Potestatis; modo, quæ divinitus præscripta, non mutantur; specialiter, quid faciendum, si de capitibus fidei non conveniat. Modum gubernandi Ecclesias videri externum, proinde imperio subiectum; idem forte de electione Pastorum, sub cautionibus certis. Personas & res Ecclesiasticorum non eximi Imperio civitatis. Bona tamen ecclesiarum alienari non posse ab imperantibus. Quid juris habeat Princeps, qui à civibus suis, in rebus sacris dissentit.

Pertinet igitur sine dubio ad jus illud internum *Confessio Fidei*, quæ ex sacris literis petenda est, & cujus ratio soli Deo debetur: Quam proinde Imperium civile nec imperare nec prohibere potest, ut *Religio imperari non potest*, *Cossiod. lib. 2. ep. 27.* Bernhardus, *Suadenda fides non imperanda. serm. 66. in Cant.*

2. Huic cohæret *facultas exercendi Convensus fidelium*, eo numero, qui ad excitandam religionem credentiumque communionem sit necessarius; cum ejus rei præceptum à Deo in verbo suo expressum extet, atque à fidelibus semper, invitis etiam Potestatibus mundi, hæc facultas exercita fuerit.

3. Eodem spectat judicium de fugiendo illorum consortio, qui fictam fidei adseverationem morum improbitate de-

4. Nam ratio unionis inter fideles & metus contagionis è peccatis ad internum jus conscientia pertinet, & à Christo Apostolisque passim inculcatur.

5. Hinc sequitur, *jus clavium* quod dicitur, esse mere ecclesiasticum, & à coetu fidelium contra cujuslibet homines conditionis, sibi aggregatos, recte exerceri; non tantum denuntiando minas & promissiones Evangelicas, sed etiam excludendo indignos à communione Sacrorum.

6. Non quod juris aliquid coactivi; vel jurisdictionem, ut volunt, Confessorialem habeant à Potestate Reipubl. independentem, sed quatenus se illis duntaxat, quos sciunt esse pollutos, subducunt ipsique separationem illam inquant.

7. Quam

7. Quam ad rem necessum est, competere *Ecclesiæ* aliquod jus cognoscendi de moribus, & consequenter eosdem coelestium rerum gratiâ pronuntiandi indignos.

8. Idque etiam ratione doctrinæ; non quod eam alii imperare queant, sed denuntiare possunt dissentientibus, se non posse cum illis habere cultum eundem & signa communis gratiæ, quamdiu ita sentire se profitentur, ut in summam doctrinæ salutaris impingere videantur.

9. Denique, Doctores sibi & Rectores, qui in omni cœtu sunt necessarii, præponere possunt *Ecclesiæ*, sicut eos præposuerunt sibi Apostolicæ, non volentibus etiam Imperatoribus civitatis, in quâ degebant.

10. Primos ipse Christus Dominus speciali mandato instructos misit, ad omnes populos, qui rursus alios singulis locis constituerunt aut creari curaverunt, adhibitis etiam ritibus certis, quibus surrogatio missionis primæ & divinæ ordinationis auctoritas adumbrata fuit, idque manu illorum, qui prius eo modo constituti fuissent.

11. Res tamen hæc adeo necessariius non est, ut tametsi in aliquo cœtu fidelium non possit haberi talis surrogatio per ejusmodi manum, *Ecclesia* tamen, quæ est cœtus quilibet in nomine Domini congregatus, debeat esse destituta Pastoribus; ac ideo qui Spiritu & dotibus ad pascendum & docendum necessariis instructus ab illo cœtu adscitus est, quominus pro Pastore vel Doctore legitimo habeatur, nihil ob stare videtur, & firmat promissio Domini Jesu, in medio cujuslibet fidelium congregationis sese adfuturum.

12. Hæc, inquam, omnia, ignaris quoque & invitis Imperantibus, fieri posse consentaneum est, sicut ab Apostolis primitque Christianis ex mandato

Domini contra voluntatem Imperatorum instituta sunt.

13. Quamvis autem hæc & similia *Ecclesiæ* ab Imperantibus adimi & interdici nequeant, inde tamen non sequitur, nullas in his rebus esse partes Summæ Potestatis, quæ est in quaque Republicâ.

14. Nam generaliter verum est, Summas Potestates habere jus exercendi quoslibet actus jurisdictionis imperii que in suos cives & eorum actiones, omniaque dirigendi, quæ ad constituendum augendumque Dei cultum pertinent; modo nihil, inquam, derogent iis, quæ à Deo determinata sunt.

15. Ut per partes eamus, primò; quod ad fidei Confessionem attinet, si hæc Imperantibus ad animum pertinet, jus habent ea quæ vero cultui Numini adversantur, impediendi & puniendi. Sic Ezechias amovit excelsa, fregit statuas, excidit lucos, ipsum etiam serpentem æneum à Mose factum, cui adolebatur, comminuit. 2 Reg. 18. Josias comburi jussit idolis consecrata, lucum incendit, altaria & excelsa idololatrica destruxit. 2 Reg. 23. Nebuchodonozor membratim discerpi jussit eos, qui Hebræorum Deo maledicerent, Dan. 3:29.

16. Nec tantum in Atheos & Idololatrias animadvertere possunt, sed & omnes qui evidenter secus, quam fert publicus *Ecclesiæ* consensus, docere instituunt, cohibendi atque coercendi jus habere videntur. Quemadmodum recepto in *Ecclesiâ* Sacrosanctæ Trinitatis dogmate, Imperatores, ne quis de eâ publice contendere audeat, sanciverunt, tit. C. de Summâ Trinit. & fid. Cathol. & ut nemo de eâ publice contendere audeat.

17. Quod si de consensu *Ecclesiæ*, super aliquo dogmate, dubitetur, partes utrimque, ad silentium, vel ad certos terminos de controversiis adigi posse videntur.

videntur; utique ad tempus & per modum *provisionis* quam vocant: Divisiones interim molientibus poenâ pro modo commissi statutâ.

18. Donec decisio ab iis qui numero in Ecclesia prævalent, interponatur; siquidem in hoc mundo alius controversiarum exitus non datur. Sed judicandi per se de rebus divinis facultatem, proque suo judicio imperandi Ecclesiis earumque Doctoribus, quo pacto capita Religionis controversa tractare debeant, habere non videntur; Quicquid hac de re prolixè Grotius in *suo tractatu* contendat, c. 6. & *seqq.*

19. Nam hæc res pertinet ad ipsam Fidei Confessionem, quæ ad verum jus internum à Potestate civili alienissimum pertinet: addito, quod antea diximus; Christiano Magistratui (vocis usu ad Summam Potestatem producto) non plus competere quam Magistratui infideli, cui sane tale jus congruere non potest.

20. Porro, juxta consensum Ecclesiæ, Potestas edicta condere & leges, quibus concordia servetur, ipsique Ecclesiæ Doctores pareant, præscribere potest.

21. Convictis aut consensu reliquorum superatis separatique, tantum libertatis seorsim dabit, quantum expedire judicabit; Quæ res ad conscientiam cæterorum, quibus integra causa manet, spectare non videtur.

22. Quod si inferiores publicæ quieræ non sint adversi, nec apertè blasphemi, poenis nec corporalibus neque pecuniariis mulctari posse videntur.

23. Nec quidem ob cœtus modicos sacrorum causâ duntaxat celebratos; nisi contra Schismaticos secus videatur; maxime, si discrimen adeo modicum sit, ut contumaciæ quàm religioni res prior videatur.

24. Alioqui jus celebrandi sacrorum

communione & divini cultus, Civili Potestati non esse obnoxium *antea diximus.*

25. Quemadmodum nec est Censura & animadversio morum atque doctrinæ; unde nec Appellandi facultas ad Summam Potestatem harum rerum causâ datur, cum appellatio supponat Imperii subordinationem.

26. Quod tamen non impedit, quominus Imperanti advertere liceat, ne quid enormitatis hac occasione committatur, neve sub prætextu religionis aut censuræ factiones inimicitiaque exerceantur.

27. Præterea, modus & tempus aliaque circumstantiæ exercendi illa jura, hoc est, edendi confessionem fidei, instituendi conventus atque censuram, adeoque tota ratio gubernandi cœtus credentium, non est ita proprius Ecclesiæ, ut Summæ Potestati hac parte nihil juris aut inspectionis sit comparatum.

28. Huc spectant Leges, quæ Baptismi ac Sacræ communionis canonem elata voce, ut à populo exaudiat, pronuntiari jubent: *Nov. 137. c. 6.* Quæ ventant, sacra mysteria in privatis domibus peragi: *Nov. 58 & 131. c. 8.* Ne laici Litanias, id est, supplicationes publicas, nisi præsentibus Clericis, celebrent: *Nov. 123. c. 32.* Ne Presbyter fiat minor annis xxx. *d. Nov. c. 13.* Ne quis Episcopus absit ab Ecclesia sua, nisi Summæ Potestatis consensu, & ne sic quidem diutius anno: *d. Nov. c. 9.* & id genus alia *passim.*

29. Denique, in omnibus hæc potestas Civilis exerceri potest, quæcunque consensu Christianorum, salva religione fideique concordia, sacrisque literis *aliter ac aliter habere se possunt.*

30. Infinita enim sunt, de quibus in literis sacris nihil per omnia certum & immutabile constitutum legitur. Quæ autem

autem in illis primitus obtinuisse leguntur, hodie pleraque nunquam exacte servantur.

31. Inter quæ est, regiminis Ecclesiastici ratio, quæ hætenus à Summa Potestate præscribi posse videtur; quatenus nihil à Domino prohibitum instituitur, ut *toties dictum*.

32. Multo magis in consiliis & conciliis Præfulum, Legatos Reipubl. adesse, tam juris quam politices ratio permittit & sæpe numero postulat.

33. Proinde & illis, quæ ad jus externum spectant, à collegiis Presbyterorum ad Potestatem civilem appellari posse manifestum est.

34. Facultas eligendi *Doctores* rectius quidem omnino cœtui fidelium ipsi tota relinquitur: Nec tamen ad internum & inleparabile jus conscientiæ referendum videtur.

35. Modo non admittantur, quam qui à peritis rerum sacrarum idonei ad docendum sint judicati; Omnibusque potestas conquerendi refutandique libera detur.

36. Quibus servatis, conscientiæ satis consuli nec absurdum vel impium esse videtur, jus eligendi ab Imperantibus immediate vel per alios exerceri.

37. Sicut enim hæc res certo modo in sacris literis definita non extat, ita nec eodem modo à populis Christianis observata fuit: nec enim populus semper universus eligit, sæpe à certis Patronis sunt electiones, alicubi à paucis Aristocraticæ; quod non tantum modo, sed etiam specie à populari electione discrepat. Et si enim Senatus Ecclesiastici repræsentare dicantur Ecclesias totas, illa tamen repræsentatio in plerisque populis non includit dependentiam à populo, cujus idcirco jus in Senatum private collatum est.

38. Quod hoc aliisque modis immu-

tari potest, hoc ad ea quæ divinitus præscripta ac immutabilia sint, referri non potest.

39. Si tamen usquam, heic verum est, quod antea occupavimus, usu venire posse, ut ejusmodi sint merita circumstantiarum, quibus jura specialiter non determinata divinitus, eo modo à Potestatibus Reipubl. tractentur & obtrudantur, ut per consequentiam in perfectam prohibendi rationem incidant, ipsumque jus *essentialiter*, ut loquimur, Ecclesiæ competens evertant. Cujus rei à prudenti dijudicatione singularium dependet existimatio.

40. Jam si ipsum eligendi jus, positis illis temperamentis & requisitis, penes civitatis Rectores esse potest; jus approbandi personas electas facilius ab iisdem exerceri potest: Et quidem sicut electio fit ab iis, quibus id jus competit, non redditur rationibus; ita nec causæ quicquam esse videtur, quare nec approbatio, quæ est pars ab electione decerpta, eodem modo fieri possit.

41. Cæterum, Personas & bona Ecclesiasticorum Imperio civili nullo jure subduci, extra controversiam collocamus; Ut & publicis *præstationibus* ac *pænis* propter commissâ Legum sine dubio sunt subjecti.

42. Etiam ut ob malos mores, causâ cognitâ, non tantum stipendio, quod è publico capiunt, sed & munere docendi certo & stato loco privari possint, non æque charactere & jure prædicandi verbum Dei.

43. Unde quibus certo loco interdictum est concionari aut agere, hos non prohiberi Evangelium alibi in eodem licet Imperio prædicare, statuendum est.

44. Bona quoque Ecclesiæ in usus Reipubl. Potestates convertere non possunt; Nihil magis quam res cujusque privati.

45. Quia

45. Quia Ecclesiam esse coetum à Civitate distinctum, secus ac vult *Hobbes*, nobis indubitatum est, & ex dictis jam liquet.

46. Quatenus tamen Respublica & Ecclesia aliter servari nequit, aut ob causas valde pias, alienari possunt; Quoniam ad tales usus illa bona vel maxime comparata esse videntur.

47. Bona autem corruptæ Ecclesiæ, modo Christianæ, dicata, licet addito fine *supersticioso*, fuisse & manere Ecclesiastica, et si professio religionis emendata fuerit, dicendum putamus.

48. Proinde nec in hoc casu talia bona ab Imperantibus distrahi vel in usus profanos converti possunt, sed vitio ordinationis sublato, in religiosos usus pioque converti debent, qua de re locus agendi *inferius* occurret.

49. Cæterum, quando facienda sit alienatio, si unquam facienda, ejus rei civile judicium est, neque per se, id Ecclesia potest decernere, cujus membra tantum habent usumfructum eorum bonorum.

50. Si quoque Princeps *universum* hoc suum jus externum in aliud Collegium aliamve personam singularem Episcopi, Superintendentis aliove titulo transferre velit, exercitio tenus, potest equidem; modo nihil ei tribuat, quod à corpore credentium separari non posse diximus.

51. Ex his & quæ similia sunt, potest colligi, quoniam sensu Principes *Capita Ecclesiarum* dici queant; Solum jus externum huic titulo; si bonus est, facultatem tribuat, oportet; quo rectius omnino Principes abstinent, quemadmodum in Anglia cum *Wilhelmus* Rex ibi nuper inauguratus est, abolitum fuisse accepimus.

52. Cæterum, esse liberum Summis Potestatibus, dissidere à cultu recepto, non minus quam privatis, res ipsa loquitur.

53. Nec ideo cives Principi aut Optimatibus obsequium negare possunt, quod de sacris aliter quam prævalens populi sui multitudo sentiat.

54. Quod tamen lege fundamentali aliter constitui posse, sicut in Anglia & Scotia nuper constitutum est, dubitari non potest.

55. Quin imo jus habere Summas Potestates, symmictis suis publicum cultus exercitium permittendi, *in universum quidem*, indubitatum videtur.

56. Quin & jus prohibendi aliter sentientibus, ne publicos solennesque conventus habeant, ne majoris corporis unionem stabili regimine forment, habere videntur.

57. Sed ne omnino convenient, ne Doctores ullos habeant, ne libros legant, ne Deum suo more colant, id abicisse prohiberi nequit.

58. Quoniam hæc res sine medio pertinent ad necessariam conscientię administrationem, quæ non est subjecta Imperio.

59. Multo minus externis poenis ob hæc novissima sævire licet, quia sanctio, quæ pars legis est, non potest habere locum, ubi lex ipsa cessat.

60. Sed interdicere civitate heterodoxos, salvis vitæ atque fortunis, si expedire judicet, cum posse existimaverim. Quoniam hoc præmunimenti adversus propagationem potius, quam supplicii rationem habere potest.

61. Etiam ut effectus aliqui juris publici illis præcludantur, velut, ne munera publica singuli, ne cærus eorum è testamentis capiant, similiaque, decernere nihil vetat; cum his rebus fides & cultus Dei non prohibeatur.

62. Excedunt hunc modum Juris Romani sanctiones, non in eo quod hæreticis adimunt privilegia Religioni concessa *l. 1. C. de Hæret.* nec quidem in hoc,

in hoc; quod nulla ipsis loca publica ad exercendos cultus permittunt, sed ea Catholicis donant l. 3. eod. Verum quod omnes eorum conventus sub gravissimis mæltis prohibent l. 3. §. 1. eod. Quod omni commercio illis inter vivos & mortis causa interdicitur l. 4. §. 2. & seqq. eod.

63. Imo hæresin faciunt crimen publicum, etiam mortis supplicio subji- ciendum, saltem de Manichæis & Do- natistis d. l. 4. & 5. eod.

64. Communes autem hæreticos etiam nimis rigide distinguunt, dum ita statuunt; Hæreticorum vocabulo continen- tur, & latè adversus eos sanctionibus suc- cumbere debent, qui vel levi argumento à iudicio Catholica religionis & tramite de- cessi fuerint deviare l. 2. §. 1. eod. tit. Quid ex ratione juris Publici verè faciat hæreticum, videbimus alibi an definiri possit.

65. Ex his omnibus judicare licet, utrùm Ecclesiæ Præsulibus competat Legislatio, competat jurisdictio circa sa- cra; an Summæ Potestati illud potius tri-

buendum. Posterius affirmatur, quate- nus nihil (*hoc toties repetendum*) in his quæ à Deo præfixa sunt, mutatur.

66. De rebus intrinsecus ad sacra per- tinentibus, nemo mortalishabet jus fe- rendi leges, quia in hisce jus ligandi con- scientias Deus sibi soli reservat; denun- tiatione, quæ ministerium est, commis- sâ duntaxat Verbi Ministris.

67. Tamen etiam *de rebus*, quæ aliter habere se possunt & cir- ca ordinem rerum sacrarum utiles sunt, Ecclesiastici rectè canones faciunt; quo- rum ea vis est, quam præstare queant cœ- tus, qui *divinam* *coactivâ* facultate ca- rent, ita ut proprie vim obligandi à po- testate civili accipere debeant, à qua etiam abrogari possunt.

68. Quænamadmodum & reliqua Ec- clesiis usurpata, quæ ad similitudinem jurisdictionis aut legislationis accedunt, haberi videntur ex speciali, aut generali delegatione summæ Potestatis, *sicut ex principio hujus doctrina semel stabilita*, colligi potest.

CAP. IV.

De monitiis quibusdam & cautionibus prioris sententia.

Jus Summæ Potestatis circa Sacra triplici modo variatum : pro bono & æquo ; pro jure, quod est deterius ; pro eo quod tantum obligat ad patientiam, & hoc quousque se extendat. Intelligendum autem illud & omne jus sacrorum de Potestate vere summâ & sine præjudicio Legis Reipubl. fundamentalis. In seditiosos gravius consulendum. Non distingui in hujus juris exercitio, inter rectè vel secus sentientes de sacris ; tamen ad apertè impias opiniones vel ad blasphemos non extendendum, sed hos gravius coercendos. Ubicunque major numerus suffragiorum pauciores obligat, illam esse potestatem externam & à Civili Potestate dependentem.

Precedentis Capitis positiones magni momenti paucis verbis complectuntur, rationibus singularum à fundamentis ab initio adstructis & connexionem rerum pendentibus.

2. Sed observandæ sunt cautiones quædam, ad rigorem quarundam positionum, qui forte quibusdam inesse videbitur, vel si quid *alicubi* desit, supplendum.

3. Primo, repetenda est in memoriam distinctio Juris in *capite primo* collocata, quod Jus non modo significet bonum & æquum, sed etiam facultatem ad aliquid habendum vel agendum, etsi non recte semper exerceatur, quod fit bifariam.

4. Potest enim aliquis exercere suum jus male quidem, sed ita tamen, ut nulli faciat injuriam, vel quod suum est auferat, qualis est qui prodige donat & luum jactat.

5. Potest etiam fieri, ut aliquis alteri faciat injuriam & tamen jus habeat habitenus, ut illum obliget ad ferendum vel patiendum, quomodo pater jus habet filium nihil mali meritum verberandi, ut is reverberare non debeat.

6. Triplex ille juris usus in hac etiam

materia de jure Summæ Potestatis circa Sacra discerni potest. Nam quod Ezechias, quod Josias, quod Constantinus, quod Carolus Magnus aliique religiosi Principes circa res sacras egerunt, ad primi sensus exempla referendum nemo negabit.

7. Rursum, quando Summæ Potestates errantibus sectis prærogativam dignitatis in publico & solenni cultu, in præmiis & commodis externis tribuunt, hoc est quidem jus quo uti possunt, sed male sumptum & exercitum ; nihil tamen suum auferunt orthodoxis, quia tales externæ prærogativæ à Deo Ecclesiis necessariò addictæ non sunt.

8. Si Potestas Summa nolit Ecclesiæ concedere certam methodum habendi Consistoria vel Classes aut Synodos, nec electionem Pastorum & Doctorum suorum, sed ipsis præponat quos velit aut certis hominum ordinibus id permittat, servato quem supra diximus modo, jus quidem hoc est, sed ejus generis, quod secundo loco posuimus.

9. Si verò *Potestas Summa* res suas Ecclesiis adimat ejusque bona in usus profanos

fibis convertat, hoc quidem est ejusmodi jus, quod Ecclesiam obliget ad patientiam; sed tamen injuriam facit Ecclesiae & auferit ei quod plene perfectèque ipsius est.

10. Quod magis est, si Summa Potestas Confessores veritatis opprimat & suppliciis persequatur, equidem facit injuriam Ecclesiae, nec tamen hætenus non habet jus, quo Christiani fideles ad patientiam teneantur.

11. Ita Petrum Christus, ita Petrus alios instituit, non esse gladio contra persecutiones utendum; fugere, dolere, flere, gémere permittit, *aliter nec debet nec possum resistere*, ait Ambrosius *advers. Aut. Masib. xxvi. 25. 1 Petr. 11. 19.* Nec aliter notissima veterum Christianorum disciplina talit.

12. Vocat hanc Petrus *Gratiam*, pati mala propter conscientiam; d. v. 19. quia Deus hanc humilitatem & patientiam tuam Spirituali gratia remuneratur: Cum ex adverso, qui armis veritatem defendunt, ferociam à Christi Spiritu valde alienam, quin & feritatem animis induere soleant.

13. Secunda admonitio, prioris erit limitatio; Quæ de Jure Sacrorum & de non resistendo Potestati Reipubl. diximus, ea de Potestate verè Summâ, non de Principibus, qui magis primi quam Summi sunt, neque de his qui cum Ordinibus populi Imperium pariter habent atque exercent, accipienda sunt.

14. Nec etiam præjudicant ei, quod in quique Republ. Lege fundamentali de Religione receptum & constitutum esse queat.

15. Quominus enim qui partem Imperii, vel Legum, quæ fundamentales dicuntur, custodiam habent, jus suum æquè pro Religione, quam pro aliis facultatibus exercent, non obita illa humilitas & patientia à Christo inculcata Senatoribus suis.

16. Nec enim de nihilo est, quod idem juxta simplicitatem columbæ, viperinam commendat prudentiam, ut quisque jure sibi comparato, ad amolendas quoque religionis causæ factas injurias, uti possit; quemadmodum Paulus Apostolus aliquoties haud segniter instituit.

17. Sequens admonitio est, de seditionis, qui vere sint tales, prætextu vel defensionis vel zeli in causâ religionis demonstrati; modo hæc calumnia, quemadmodum sæpe fit, non impingatur sinceris & intrepidis veritatis & pietatis confessoribus.

18. Quominus autem qui vere seditionis, sacro prætextu, rei fuerint, poena seditionis imposita teneantur & adfici possint, nulla dubitandi ratio est.

19. Monendum & hoc; Quemadmodum in jure civitatis circa Sacra non distinguimus, cujus sententiæ de Fide sint hi, qui tenent Summam Potestatem, ita quod ad externi juris effectus atinet, non distingui, utrum cives, contra quos Summa Potestas illud suum jus exercet, recte vel secus de Fide sentiant.

20. Atque ideo Pontificios Rectores idem jus habere in Ecclesiis Protestantibus, quod Principes aut Optimates Protestantium habent in Ecclesiis Pontificiorum, aliasque diversum ab his qui præsent civitati, de sacris sentientes, omnino statuendum est.

21. Etsi enim proprium jus ad veritatis confessores ullo modo coarctandos, nullum esse potest, quia tamen hoc incertum, & quæque Summa Potestas est Judex in causâ suorum & propria, non potest ea res à veritate vel falsitate sententiarum suspendi.

22. Quare etiam Orthodoxi æquo animo ferre debent, aberrantibus in fide Superioribus suis eadem, quæ Orthodoxi Reges & Principes in errantes exercent,

ercent, & rursus Hi non debent in er-
rantes usurpare plus juris, quam *supra*
Potestati civili in Ecclesiam competere
diximus.

23. Quod tamen in infinitum extendi
non debet, ut etiam ad eos qui Deum e-
jusque verbum & Christum agnoscetes,
ad sententias tamen unanimiter à Chri-
stianis damnatas & impias descunt.

24. Talibus enim non modo civitate,
ne veniant, interdici potest, sed etiam
dum ibi sunt, omnibus sacrorum causâ
conventibus, idque multis aut corpo-
ralibus pœnis, vel exilio saltem, inter-
dici potest.

25. Maxime, si audaciam & impu-
dentiam addant impietati, adeoque blas-
phemi sint, quos Deus in verbo suo pu-
niri voluit; nec Magistratus, ut fieri vi-
demus, civilis commodi causâ illos ferre
deberent.

26. Quo respectu *Calvinus* de Serveto
scripsit, eum sola *modestia* ultimum sup-
plicium redimere potuisse; si, ut alius in
quâdam Curia impietatis accusatus, nihil
aliud præ se tulisset, quam se *simplicitate*
cordis sui ita credere de Christo Domino
& Spiritu Sancto, quemadmodum Ser-
vetus & Socinus præverunt.

27. Qui enim hoc modo loquuntur,
pro *blasphemis* haberi non possunt, etsi
tales sint eorum sententiæ, quas doceri
nullo modo permittendum sit.

28. Multo minus ad Atheismum defi-
cientes vel unicam modo Substantiam ag-
noscetes, ferendi videbantur. Etsi huc-
usque libertatis nimia studium in qui-
busdam locis indulgentiam provexit.

29. Sed ratio juris divini & humani
flagitabat, ut contra ejusmodi defecto-
res, vetus severitas supplicii non modo
corporalis, sed etiam quæ jure Dei sta-
uitur, capitalis exerceretur.

30. Postremo velim hoc mihi, ad eo-
rum quæ dicta sunt & sequentur adstru-

tionem, concedi: quod, ubicunque
pluralitas suffragiorum valet ad obligan-
dos pauciores, illa potestas sit externa,
ideoque dependens à Potestate Civili
Suprema.

31. Nam in his, quæ Deus præscri-
psit & certo modo definivit, non potest
habere locum prærogativa suffragiorum,
sed quisque tenetur ad rationem con-
scientiæ & obedienciæ suæ hac parte
Deo reddendam.

32. Tu dices; inde non sequitur, quod
pluralitas suffragiorum in rebus à Deo
non definitis à Summa Potestate pen-
deat, cum possit oriri & orta videatur à
Consensu Ecclesiarum.

33. Verius enim est, Ecclesiam in ex-
ternis non habere plus juris, quam te-
net Universitas Summæ Potestati subje-
cta, nec hæstenu plus juri habere, quam
aliud ullum corpus aut Collegium habere
potest, ut Jcti docent & habebimus in
loco.

34. Unde sequitur, Consistoria, Clas-
ses & Synodos, sine consensu Summæ
Potestatis, nec constitui nec haberi aut
exerceri posse; quia vis eorum in præ-
rogativâ numeri prævalentis & obliga-
tione pauciorum ad parendum pluribus,
consistit, ne de coactione, quæ tota ci-
vilis est, dicam.

35. Instantia moveri potest ab Ecclesiis
independentibus, quales primum sunt
omnes, ut antea diximus, in quibus ob-
tinet pluralitas suffragiorum, & tamen
non egent consensu Summæ Potestatis.

36. Respondetur, in externis & à
Deo non præscriptis etiam tales Ecclesias
nihil esse quam Universitas, ac ita
Summæ Potestati subjectas. In Spiritua-
libus autem pluralitas suffragiorum nul-
lius conscientiam obligare potest ad fa-
ciendum; Ad patiendum potest.

37. Postremo, respondebimus ad ratio-
nem, quæ sæpius objecta est; per hanc
concessio-

concessionem Summæ potestati in Ecclesiasticis externis factam, impediri Emendationem Ecclesiæ tantopere necessariam; cujus ne quidem initium fieri posse, quamdiu ipsa non habet manus libera Ecclesiæ, queruntur.

38. Ad hanc objectionem mea hic est ratio. Precipuum emendationis officium veritari in exemplis & hortamentis ad pietatem & sanctitatem, quæ parte nihil impedimenti à Politicis expectandum est.

39. Quæ verò præceptis & facultate

coactiva Reformatio elaboratur, in animis à sanctitate alienis, ad quam Politicæ auctoritate opus esse potest, hac communicatione potestatis externæ minime tollitur.

40. Imo si maximè Ecclesiæ libertate gaudere desideras, uti nunc quidem se res habet, magis ad augendam potentiam quam ad mores suos reformandos cum adhibitu esse Præsules, multa probabile reddit experientia. De vero Reformationis Ecclesiasticæ principio, alii adhuc agetur.

C A P. V.

Quo refelluntur diverse opiniones in excessu peccantes.

Ex eo, quod antea dictum, sub Imperio Civitatis comprehendi omnia; quæ divinitus non sunt determinata, evincitur, Pontifici Romano in externis nihil esse juris perfecti, neque Presbyteriis. An Censura Ecclesiastica possit exerceri in rebus ad regimen Civitatis spectantibus, quod affirmatur, sed caute. I examinantur rationes eorum, qui plus juris Ecclesiæ in Rectores Civitatis esse volunt.

EX fundamento distinctionis inter externum internumque regimen Ecclesiæ, quam ut caput superioris doctrinæ ponimus, patet, quid de reliquis, à mediis recedentibus sententiis, existimandum sit.

1. Cavendam esse, tanquam scopulum hanc positionem, quod in una civitate sint duæ Potestates sibi mutuo non subiectæ, quæ jus habeant, externas civium actiones regendi; quando nihil dissolvendo Regimini paratus est, ut è supra dictis & re ipsa facile constat.

3. Exceptio semper, quod Deus aut cordibus hominum inculpsit, aut in verbo suo præscripsit: cujus obligatio supra humanæ potestatis imperia tantum eminet, quantum Deus est supra ipsos Imperantes.

4. Idque sine metu confictus in civi-

tate; quia Deus sua præcepta non modo cum passiva obedientia conjunxit, sed hæc etiam à Regimine civili toto genere distant.

5. Si vero circa Ecclesiam non pauca vertantur, quæ Imperio Civitatis subduci nequeant, quemadmodum probavimus; Perperam earum rerum potestatis sive coactivæ sive obligativæ duntaxat, alii extra Civitatem constituto adscribitur.

6. Quare Pontifex Romanus, si maxime etiam vicarius regni, quod Christus habet in terris, ut nimium procul abest à vero, tamen nihil haberet juris, nisi in his quæ Deus suo solius judicio addidit, & quæ ad regimen animarum per verbum & Spiritum, pertinent.

7. At jus Imperii nullo modo neque directè neque per consequentiam, concessit.

cesso licet illo vicariatu, adficere posset; quia toto genere diversum est ab his quæ Deus certo modo præscripsit nec aliter habere se possunt.

8. Atque adeo in omnibus iis, quæ præcedenti capite enumeravimus, Imperio cujusque Reip. obnoxius esset, nedum ut cives vinculo subjectionis, quod immani temeritate audet, cujusvis prætextu rationis, exsolvere posset.

9. Quare quicumque in terris homo se contenderet habere jus delegatum in ejusmodi rebus à Deo præscriptis & limitatis, ille tamen non defineret, in cæteris, quæ dispositioni Imperantium relicta sunt, cujusque Imperii Rectoribus esse subiectus.

10. Sed hujus rei argumentum constat immensa disputatione, quâ dudum alii plenissime demonstrarunt; in iis quæ Deus præscripsit & expressit, nullum esse vicarium Imperantem in mundo, sed denuntiandi ministerium hætenus Verbi Praconibus esse demandatum. In his vero quæ Deus indefinita reliquit, Papa non potest habere plus juris, quam singuli Imperantes ei concedere volunt; quorum sanè consensu illius in Ecclesiasticis Imperium hætenus legitimum fieri posse, de jure quidem non est dubitandum.

11. Ergo sufficit, quod supra ostendimus, universalem Ecclesiam visibilem totius terræ nullam unquam fuisse nec esse; proinde nec ejus Praefectum in mundo dari posse, nisi ex ejusmodi consensu singulorum.

12. Propius à verò abest altera sententia de Presbyteriis, quorum saluberrimus est usus; Modo non nimium ad ipsa quoque jura Imperii potestates eorum, obtentu regendi conscientias, extendatur; Cujus rei specimen in Belgicâ Leicesterano tempore, neque minus postea, luculentum habuimus in magna BRITANNIA.

13. Certum est, nihilo plus juris habere Presbyteria, quam ipse cœtus credentium, à quo jus suum, ad curanda, quæ à multitudine commodè administrari nequeunt, adipisci debet, habet.

14. Proinde cuncta, quæ Summæ Potestati circa ipsam Ecclesiam competere diximus, eadem sine dubio adversus Presbyteria institui possunt.

15. Imo stabilis & legitimus ordo; habendi Consistoria, exercendiaudientiam & disciplinam lege certi Collegii, omnemque Ecclesiam gubernandi, sine veniâ & auctoritate Summæ Potestatis, constitui atque teneri non potest; multo minus D.œcesium Provinciarumque conventus generales.

16. Quia talis ordo non potest probari nominatim à Deo imperatus & Ecclesiarum esse præscriptus; unde manet sub iis, quæ à dispositione Summæ Potestatis pendent, modumque ab ejus arbitrio accipiunt.

17. Ad hujus igitur sententiæ excessum referemus eos, qui negant, Imperantibus in ejusmodi rebus quicquam negotii esse cum Ecclesiâ; qui vim putant sibi fieri, cum legati politici conventibus eorum interlunt; quando Summæ Potestates decreta Synodalia negant esse Leges, nisi à se confirmentur; qui gloriæ sibi reputant, quod imperia Potestatum, de non concionando certis locis & temporibus, audent contemnere; qui se ingerunt in consilia Principum, bellicæ & pacis negotia suæ quoque censuræ esse putant, & id genus alia multa, nimis usu atque opinionum conficta nota.

18. Quâ tamen in re non est, ut intactum relinquere possimus argumentum Censuræ Ecclesiasticæ, quæ tam late patere videtur, quam materia peccandi, cui nihil exemptum, ex iis, quæ causam præbere queant, inam Dei membris Ecclesiæ

clesiæ denunciandi & pertinaciam confortio abstinendi.

19. Unde fuit Excommunicatio, & inde tanquam ex fonte derivata est omnis Pontificum Romanorum, & inter Protestantes, potestas Presbyteriorum, vel contentio de illa: Quamvis hæc equidem comparationis cum Papâ causâ nullo modo nominata velimus.

20. Non est tam facilis, dialectica ad illam objectionem responsio, quam est improbare consequentiam inde profluentem; quod Papâ vel Presbyteri hoc modo se possunt & sepe soliti suntingere in omnia civilium Potestatum consilia & actiones ad regimen publicum spectantes. Sed ita habendum est.

21. Primo de fundamentis antea positâ statui debet, Presbyteria, Classes, Synodos, vel ullum hominem aut corpus alios representans, quâ tale, nihil juris habere contra Summas Potestates, à quibus dependet vel dependent, ut *supra* demonstratum est.

22. Sed verbi divini Ministri habent jus denunciandi minas Dei contra peccatores Ecclesiæ membra, non modo ut videtur, ob Privata, sed etiam ob publica maleficia; nusquam enim distinguitur; sub hac cautione.

23. Si delicta sint manifesta & indubitata: Nam in dubio pro Summa Potestate præsumendum; nec inquisitio vel examen in negotia Re. publ. Presbyteris aut ullis non Re. toribus permitti potest.

24. Et quia pro manifestis reprehenduntur, quæ omnino delicta non sunt. tutius Sacrorum Ministri illa censurâ omnino abstinere videntur.

25. Quæmadmodum in Belgio usu venit, initâ cum Hispanis pace Monasteriensi, quam aliqui concionatores publice, ut perfidam in Gallos & impiam detestabantur; quod extante palam fecere Gallico & pace contraria manife-

stum videretur; cum tamen optimo jure defendi potuerit, ut *alibi* demonstratum est *Hist. Civ. tom. 3. l. 1. sect. 5. n. 3. & sect. 7. c. 7.* ac etiam *in hoc opere* comprobabitur.

26. Si vere manifestum ac indubitatum sit, non modo jus denunciandi Principibus iram Dei, sed etiam ut abstineant externis sacris, id inquam, denunciandi scilicet facultas Presbyteris negari non potest; quâ ratione factum illud notum *Ambrosii* contra *Theodosium* defendi posse videtur.

27. Modo absit omnis conatus Presbyteriorum, miscendi se Regimini publico, detrahendive quicquam juri vel auctoritati Imperantium, nedum solvendi populum obsequii lege, duntaxat passivi, nequidem in iis ipsis rebus, quas improban; contra quam Papa sibi arrogat, nec Presbyteria semper caverunt.

28. Nam jus illud denunciandi est mere cœleste, à tenore politici regiminis alienissimum, quod ideo, Imperantes licet impie aliquando agant, Presbyteri quovis modo tueri & populis simul obedientiam inculcare debent.

29. Ex his intelligitur, Ecclesias independentes quæ dicuntur, non habentes Consistoria, Classes & Synodos, hac in parte à cæteris non discrepare; quando diximus omnes, adversus Summas Potestates, aliud nihil habere juris, quam quod Christus Verbi sui ministris & licet clesiæ membris immediate mandavit, denunciandi & evitandi communionem peccatorum.

30. Sed majorem esse Ecclesiæ potestatem in ipsas Potestates Summas probari solet, primo ex illo communi dicto, *Imperatorem esse intra Ecclesiam, non supra*, quod Grotius verum esse ait de Ecclesia Catholica, id est, Inviolabili, quæ sub uno capite terreno nunquam fuit, nunquam erit, *Th. de Imp. S. P. circa sacra. cap. 4. n. 3.*

à Deo missos & spiritu ejus indutos habuisse plus juris, antea diximus, ut eorum declarationes haberent necessitatem in rebus à Deo specialiter non definitis. Quo pertinet illud Pauli, *Ἐγὼ λέγω, ὡς* & *ἐκείνους, non Dominus, sed ego dico* 1. ad Corint. VII. 12. *Δοκίμει ἑαυτὸν ἵνα ᾖ ὁ Θεὸς ἰσχύει.* *Pate autem & me spiritum Dei habere, &c. ult.*

C A P. V I.

Quo refelluntur sententiae in defectu peccantes.

Sententia Erastianorum, Censurae vim, Ecclesiae negantium refellit, & Hobbessii rationes, quod omne Religionis negotium ad Imperantes spectet, refutantur: ubi & de causâ Fidei supernaturali & de methodo Philosophandi Hobbessianâ, obiter.

Superfunt duae posteriores sententiae, in defectu laborantes, quarum prior est eorum, quos *Erastianos* dicunt, qui Ecclesiae nihil juris quam docendi officium, sine ullo vigore disciplinae aut animadversione, concedunt. In qua sententia quid desideretur, ex his quae superius dicta sunt, intelligi potest.

2. Jusenim praeccludendi à communione fidelium, eos, qui de fide male opinantur doctrinaeque professionem moribus prostituunt, credentium cœtui non posse negari, nec consequenter ejusmodi causas cognoscendi, existimamus.

3. Nihil equidem coactionis, tantum jus evitandi & abstinendi esse penes Ecclesiam ultro concedimus; sed audientiae, notionis & pronuntiandi jus sine consultatione salvaque Ecclesiae integritate ab illa facultate excludi non potest.

4. Quin dolendum, quod hæc res, etiam ubi in usu est, pene redacta sit ad imitamentum civilis censurae, quâ homines inter terminos vulgaris modestiae, tolerabili atque modo, contineantur.

5. In cæteris Irastiani fere eadem tradunt, quae nostra sententia tenet, scilicet omnia quae à Deo praescripta non sunt, esse in dependentia civili. Adde quae dicta *supra*.

6. Sequitur, quinta *Hobbessii* senten-

tia, qui omnem sacrorum & religionis causam Imperio subijcit; Quae etsi facilius cæteris, improbetur, est tamen operae pretium audire aliquas hominis subtilissimi habiti, rationes.

7. Has ego potissimum tres reperio; quarum primam ipsius verbis collocamus ex Cap. 19. de Cræe, §. 18.

Tantum juris civis in Imperantes transulerunt, quantum potuerunt.

Atque potuerunt transferre jus decernendi modum, quo Deus honorandus sit.

Ergo & transulerunt.

8. Sed propositionem hujus argumenti saepe refutavimus: Nec minus adsumptionem esse falsam, ex his quae dicta sunt, apparet.

9. Siquidem modus Dei honorandi in sacris literis à Deo praescriptus est; qui nullo humanae voluntatis arbitrio mutari potest.

10. Quo autem facilius inferat, Deicolendi modum esse humani arbitramenti, his verbis in rationem alteram se effundit; *Sanctitatem & fidem non supernaturaliter hominibus inspirari, sed studio & ratione naturali duntaxat acquiri* cap. 12. §. 6.

11. Quae de re sectione sequenti dicturis haud opus est heic latius egredi; Nihil quod

si quod opus est Cautione, ne quis putet, hæc male à nobis imputari *Hobbesio*, quoniam in locis citatis agat de *regno naturæ*. Verum si cui hoc incidat, is ad sequentia respiciat, ubi idem *Hobbes* iudicium de supernaturalibus & verbo revelato fidemque & sanctitatem naturæ viribus tribuit, ac à ratione pendere docet.

12. Item quod *Cap. 16. §. 16.* jus admittendi libros sacros pro verbo Dei, jus interpretandi scripturas ab auctoritate Regum in veteri Testamento pependisse contendit, idemque de his qui Christianis imperant, modo sint Christiani, tradit in *Cap. 17. §. 17. & 18.*

13. Ex quibus palam est, eum nihil hac parte diversi ponere inter statum Naturæ & revelationis; sed duntaxat, quod vult, hoc eum probare per partes.

14. Quin imo contrariam opinionem inter fundamenta seditionum periculossima refert, Auctoresque illius, suavi convicio, Apostatarum Rationis increpat.

15. Hinc colligit, in causa fidei, ut in aliis omnibus institutis, quæ sunt ipsius, si quid certi ab universa civitate servandum, hoc à summo Imperio esse præscribendum.

16. Ad hæc autem, nostra sic est ratio; Non esse admodum in homine Christiani nominis insolentem hanc animi sententiam neque raram, licet indignam.

17. Nec est quod miremur ita colligentem, si fides & sanctitas supernaturaliter hominibus infundatur, nihil esse curi, cur non sis propheta quisquis vere Christianus est; etsi in hac consequentiâ nihil non sit verum.

18. Mirari potius liceat, quamobrem *Hobbes* caput summum doctrinæ sacræ, quod *Iesus sis Christus Dei*, ab Imperio civili exceptum voluerit.

19. Nam si fides naturali studio dun-

taxat acquiritur, hoc ipsum, in quo summa fidei consistit, ex eadem causa proficisci oportet.

20. Quicquid autem à cuiusque ratione & arbitrio pender, hoc in Potestatem civitatis vult esse translatum. Quid nimirum hæc credulitas, an aliquis & quis sit *Christus celestis*?

21. Scilicet, pudor eum retinuit, ut saltem non traderet, populum cogi posse ab Imperantibus ad Muhamedismum. Quod tamen ex ejus doctrina tam clarescitur, quam quod est manifestissimum.

22. Unum obiter, ad id, quod idem *Hobbes* urget, sententiam de causâ fidei & sanctitatis supernaturali, hoc scilicet incommodo; si vera esset, inquit, non video, quare rationem fidei nostræ reddere juberemur, aut quare non unusquisque, quid faciendum sibi sit, ex propria potius inspiratione, quam ex præceptis Imperantium aut rectâ ratione æstimaret.

23. Facillima ad ineptam objectionem responsio est; Scilicet rationem minime excludi ab his, qui in rebus fidei necessariis lumen spirituale prædicant; Neque enim dogmata, quæ ratione non perceperint, sibi dicunt revelari.

24. Proinde nihil ex illis est, cuius non rationem reddere possint & debeant à scripturis, apud eos qui in divinitate scripturæ acquiescunt. Obsignatio & persuasio spiritualis nihil ad alios pertinet; sed ejus lapis lydius hic est, si cum literis sacris conveniat.

25. Quod autem ad faciendâ fugiendâque attinet, ex communi dictamine rationis, ea maxime ad honestatem moralem adeoque ad dictamen rationis spectant; Quæ tamen nihilo magis ad nutum Imperantium mutari posse diximus renitente quamlibet incassum *Hobbesio*.

26. Quem nunc videmus, quo fine in operis initio dixerit, nihil esse fas & nefas,

infat, bonum aut scelerum, nisi quatenus à Lege civili pro tali habetur, ut cap. 3. notavimus.

27. Scilicet, ut non modo conscientiam in revelatis, sed etiam in naturalibus Imperio Civili subiceret.

28. Postremo, tertio ex Hobbesianis rationi paucis faciendum satis; Scilicet, ex nostra sententiâ duplex in unâ Civitate Imperium statui.

29. A quibus contingat more humani ingenii, contrarios canones, præcepta contraria populo injungi.

30. Existimamus. si termini à nobis antea positi & stabiliti custodiantur, quam minimum ab hoc incommodo periculi futurum.

31. Nihil quippe in iis Ecclesiæ adscribitur, quod Imperium coarctare possit, imo huic etiam contra illam forte plus adscripimus, quam boni Principes & Potestates utendum arbitrentur. Nec metuenda collisio præceptorum, modo Imperantes in jus Dei non invadant.

32. Neque nos resistendi facultatem populo ob religionem pressodamus, nisi quatenus jure communi, quod in sect. 2. c. 3. dictum & inferius dicitur, competere possit.

33. Est Hobbes suamque doctrinam arthetismi nota tam bene liberet, quam nostra seditionis absolvi potest.

34. Incidit adhuc unum axioma Hobbesianum, quod ex supra dictis solviquidem poterat, evolutum tamen non est, monitumque dignum videtur, ut ad jus Summæ Potestatis universæ pertinet.

35. *Cognitionem de bono & malo spectare ad singulos, seditiosa, inquit, oratio est.* Cap. 12. §. 1. Anibi explicatus, & quidem, ait, illa quæ rebellionum causa fuit, quæ docetur, Imperata Regum iusta esse injusta sint, cognitionem ad privatos pertinere? vid. cap. 6. n. 9. c. 11. n. 6. in fin. Levitar. Cap. 13. 29.

36. Si de consiliis publicæ administrationis loqueretur, parum abest, quin admitti posset, imperata Regum exequenda civibus esse, non interpretanda.

37. Idem de iis, quæ per facultatem domini eminentis aut voluntate civitatis mutari & ex nefariis licita fieri possunt, judicandum.

38. Sed in universum, ut Hobbes postulat, intellecta sententia, ne exceptis quidem moraliter necessariis aut voluntati divinæ repugnantibus, intolerabilis est.

39. Utrique, si de turpitudine meritis, quæ causæ manifesto constet; Nam alioqui in dubio pro Civitate præsumendum esse facile conceditur, quamadmodum de causis belli à Republ. suscepti, de quibus vid. Grot. l. 2. c. 26. §. 3. & 4.

40. At ille nullam admittit exceptionem, quod nobis admittere religio est.

41. Commentum, quod honestum & turpe, bonum & malum sit juris civilis, pridem refutavimus.

42. Nec alterum ei prodest figmentum, esse illud peccatum non obediens, sed imperantis.

43. Aliter Scriptura & notissima generis humani conscientia dicat, ut refutatione sit indignum.

44. Quicquid autem diximus de iis quæ à Deo præscripta non sunt in verbo suo, vel in cordibus hominum, esse videlicet illa Imperio Civitatis obnoxia, de anteriorum sententiis minime, verum de actionibus externis intellecta volumus.

45. Enimvero cogitationes ne quidem de rebus naturalibus & indifferentibus ad Imperantes ulla modo pertinere possunt, verum declarationes & expositiones ejusmodi sententiarum publicæ prohiberi possunt, iisque in rederctis parandum est à civibus; est libertas moderata in hoc genere laudabilis est.

46. Ista sunt, quæ Hobbes se non differere,

serere, sed computare, sed demonstrare scribit, aliosque juris & politices magistros omnium seculorum in alia omnia descendentes vehementer contemnit.

47. *Quasi nemo eorum qui hanc materiam tractarunt, commodum sit docendi principio; se filium rationis invenisse, ait, in ipsis dubidandi tenebris, unde se gloriatur in lucem evasisse clarissimam. Ita scribit in præfat. tractat. de civis & in epist. dedicat.*

48. At ex his tenebris quam lucem eduxerit, videmus, Rempubl. adeo immanem, ut monstrum potius quam Civitas videatur; Porrentolius quam illud hominis fuit, ex cujus latere alius homo enascebatur; cum quo ille Regnum, in quo populus aliquid juris retinet, *alicubi comparandum censet.*

49. Aut ego vehementer fallor, aut dicam ei grandem scriberent dubitationis magistri, *maximus & summus*, vel in eo, quod minime vacuus præjudicii ad meditationes suas accesserit.

50. Dum haud obscure nec uno loco indicat, indignatione atrocium in *Angliâ* & in *Scotia* turbarum, quibus speciem juris Brutina & nimis presbyterica dogmata neotericis crebre adoptata circumdabant, se ad alia omnia excogitanda fuisse compulsam.

51. Id uti ageret, ne unquam populus justam adversus Reges belligerendi causam habere posse diceretur. Quod se consecuturum desperabar, si quicquam publici privatiue, sacri aut profani Summæ potestati subtraxisset.

52. Proinde in omni meditationis cursu hanc secutus videtur, *cynosuram*,

ut Imperantium potestatem ubique faceret infinitam.

53. Quod cum repugnare consensui gentium & communi rationi videret, principis opus sibi fore animadvertit in utilitatis, quæ præjudicio adstructa habuimus.

54. Cum autem Religio plurimum ad Summam Rempubl. habeat momenti, præcipuum operæ pretium in eo tore putavit, si quam longissimè à Principis adhuc inter Christianos traditis recederet.

55. Non conveniebat ejus hypothesi, Pontificiorum sententia, qui principium auctoritatis Sacræ Scripturæ fideique Christianæ referunt ad Ecclesiam; si quidem ita Potestas à Rectore Civitatis in causâ Religionis, quæ tantos cietero populorum motus, diversa statuitur.

56. Non poterat etiam placere supernaturalis causa persuasionis de Religione, quia sic homines latam nimis materiam Regnantium imperiis divinam opponendi auctoritatem, & provocandi ad illud Apostolicum, Deo magis obediendum esse, quam hominibus, haberent.

57. Denique nec à Rationis dictamine summa Religionis & auctoritatis, si omnem contradicendi materiam civibus hac parte, præcidere veller, collocari poterat; cum ille fons effusa libertatis, infinitæ regnantium Potestatis adversissimæ futurus esset. Ergo novam, ut vidimus, omniumque revera absurdissimam inivit rationem.

58. Quâ re factum est, ut nobis hic locus aliquanto latius exequendus videretur.

SECTIONO VI.

De Principio cognoscendi divinitatem Sacre Scripturæ & fidei Christianæ.

CAP. I.

Quo status controversiæ, quæ est hac de re, formatur.

Connexio cum præcedentibus. Quod Fides non habeat causam vel notam in animis credentium supernaturalem, hoc esse, *περὶ τῆς ψυχῆς* omnium, qui fundamenta Christianismi convellere student. Contrariam opinionem fuisse communem in Ecclesiâ Reformatâ, ante novam ratiocinandi methodum. Occasio & historia disputationis hæc de re, quæ causam dedie huic digressioni, ejusque termini. Quam connexionem hæc habeant cum doctrinâ de Jure Civitatis. Comparatio *Pajonismi* novæ in Galliâ doctrinæ, cum oppositâ nobis sententiâ. Quomodo in Belgium transierit & quo pacto ibi habita sit.

Persuasionem de Fide Christianâ non esse præscripta vel arbitraria humani, sed Dei solius imperio subjectam, inter alia inde *supra* evicimus; quod immediate ex instinctu divino generetur, & simili immediato Spiritus Sancti testimonio in fidelium cordibus obfignetur.

2. *Hobbes* autem ut refelleret hanc persuasionem, quod Fides imperio Summarum potestatum subjecta non sit, omnium primo faciendum putavit, ut sententiam de immediata infusione celesti, quæ causa sit Fidei & de Testimonio Spiritus illam Fidem obfignantis refelleret ac inderet, quæ de re *superius* ceptum in hunc locum plenius examen contulimus.

3. Haud temere quicumque Christianæ fidei mysteria & Scripturæ sacre auctoritatem convellere studuerunt, hinc ab annis quinquaginta, aliunde initium duxere, quam ut veterem de immediatâ Spiritus Sancti operatione, tam in generandâ quam in obfignandâ fide, doctrinam

subverterent ac eluderent, ut post *Hobbesium* instituit *Spinoza* in præfat. *Tract. Theol. Polit. & Auctor præfat. in Op. ej. postum* alitque deinde plures, etiam inter Protestantibus ipsosque Reformatos.

4. Quorum alioquin hæc est notissima doctrina, magno consensu à principibus Reformationis tradita & inculcata; *Fidem in his qui verbum Dei perceperrunt, effici virtute Spiritus Sancti in cordibus Electorum immediatè produci, eamque productam evidente Spiritus Sancti testimonio confirmari.*

5. Quod tamen ejusmodi esse, ut minime *per se* ab *autismo*, nec nisi ab expertis intelligi possit, literæ Dei, ut *infra* videbimus, testantur. Unde factum, ut paulatim ingeniosissimi quique, verbis quidem primorum Reformationis auctorum institerint usque sint, interpretationes vero dederint tam obscuras & vagas, ut rem plerisque suspectam redditam postremo totam negandam putaverint.

6. Quos inter in Gallia novissimè fuit Ludovicus Pajonus Aurelianensis Ecclesiæ Minister, multæ vir eruditionis & acuminis in disputando, ut adversus Pontificios sæpe & in hac ipsa controversia abunde probavit, ut colligere datum est, & commentario ejus MS. quem Synodo Gallicanæ exhibitum aliquando inspicienti mihi dedit Nobilis & Reverendus Theologus D. de Hauteclair, Theologiæ in nostrâ Academia Professor dignissimus.

7. Pajoni igitur hypotheses præcipuæ fuerunt hæc, I. Mentem hominis, ut patet rationalem, non posse moveri, nisi impressione rationali.

8. II. Illos, qui præter Rationem aliquid operationis extraordinariæ, in mente credentium agnoscunt, esse enthusiastas.

9. III. Corruptionem hominis & impotentiam ad recipiendam fidem, esse habituales acquisitam, quæ suo sensu originali quidem dici potest, verum tamen sanabili sit, vi rationum & motivorum, ut loquitur, quibus mens nostra moveatur & excitetur. Cl. Spinethius Eleuc. Controv. pag. 285.

10. Denique, in hoc omnia desinunt, Impotentiam credendi Evangelio esse à delictis, præjudiciis & adfectibus, quibus vitii auxilio divino detentis, vim mentis puram & nitidam cogitationibus sufficere delæctatis, ad accipiendam rerum divinarum persuasionem, per attentam ratiocinandi methodum. Immediatas autem Spiritus operationes cessare jam penitus, nec adeo mentes hominum amplius adici remediare.

11. Hanc sententiam apud Belgas increbuisse vidimus, ab eo tempore, quo in Theologum potius meth. ratiocinandi e Principia universæ divinationis ad visionem certitudinis æque inaliabilis, quam Deus est verax & fallendi nescius.

12. Proinde sic esse habendum; Ve-

ritatem Religionis Christianæ aliter quam methodo ratiocinandi adstruere non possit; Tali, videlicet, quæ docet, omnibus exui præjudiciis, dubitare de omnibus, rerumque ideis bene ac attentè inter se collatis & comparatis, & dubitationum tenebris evadere in lucem claram, & induere conscientiam liquidissimæ veritatis, ut noster Hobbes prævire in præfat. de Crue.

13. Cum autem persuasio de divinitate Sacræ Scripturæ cum primâ veritate Religionis Christianæ conjuncta sit, tandem non dubitare visum est, Auctoritatem Scripturæ Sacræ quod ad ejus agnitionem attinet, unice pendere ab eadem methodo ratiocinandi.

14. Hæc res inprimis agitata est hinc ab annis fere triginta, occasione dissertationis, cujus inscriptio fuit; *Philosophia Scripturæ interpres*; quam inter alios refellit Vir Clarissimus, ita, ut non minus clare & dierte immediatas Spiritus Sancti operationes in mentibus fidelium dari negaret, quam is quem refutabar, nec minus veterani Theologi in ipsum, quam in adversarium ejus invehentur.

15. Dehinc usu venit propius ad nos, ut in quidam disputatione Inaugurali, propositæ fu-rint hæc theses; *Divinitas Scripturæ, quæ omnis ejus auctoritas nititur, aliunde, quam ex Ratione, adstrui non potest.*

16. Unde colligebatur, esse flagitium erroris, ita putare, Si ratio aliud quid nobis diceret, quam Scriptura, huic, videlicet Scripturæ, potius esse credendum.

17. Addebatur usus rei. Si quis bene servet methodum ratiocinandi, huic licere sive Philosophus & de cætero in utraque autem atque diu miris, frecto hac certissima regula, Veritati se se perceptam nullam veritatem fore contrariam; modo in his, quæ ad salutem necessaria sunt, ob reverentiam S. Scripturæ, si quid in ea veritatis

ritati per Rationem repertæ, contrarium inesse videretur, *examen repetitur.*

18. In has positiones, cum mea, per occasionem, Oppositio impacta fuisset, atque Par lectionum Theologorum doctissimi Viri suas fecissent, redactus sum ad eam necessitatem, ut sententiam, quæ adhuc magis orthodoxa erat habitata, contrailorum rationes, tueri oportuerit.

19. Quæ in re, ut invidiam alienæ professionis invasæ amoverem, ita consulendum putavi, ut positiones meas in *libris de Jure Civitatis* adversus Hobbesium hac de re collocaras, & ex parte *superius* repetitis, mutatis mutandis exciperem, & presenti quæstioni applicarem, donec ulterius provectâ disputatione, liber de *Ratione Scripturæ*que singularis in eam rem editus est in lucem.

20. Quod jam olim in hisce libris de *Jure Civitatis* compendio scriptis, usu venit tractari, quod ad refutanda Hobbesii noxia principia non potest omitti, spero Lectori non displiciturum, si in hac iteratâ & ampliori Editione eorundem librorum, plenius exequamur.

21. Non paulo tamen brevius, quam Hobbes in *libro de Contractu* u, excurret in res Theologicas, cujus adeo exemplo hanc Digressionem apud æquum Lectorem facile me tuiturum existimavi.

22. De ipsâ re, primo sententiam à nobis defensam, mox eam, quæ ab aliis adstructa fuit, collocabimus, dein nostram probabimus & oppositam refellimus, omnia breviter & perspicuè; remisso Lectore, si cui libet, ad librum eâ de re scriptum & designatum.

23. Nos tenemus, divinitatem Scripturæ sacræ & simul Veritatem fidei Christianæ persuaderi Auditoribus electis, vi Spiritus Sancti mentibus speciali

gratiâ cælitus adfusa, juxtaque verbum illis infusâ.

24. Auditionem & Rationem esse causas instrumentales, sine quibus peritatio non ledeat animis, sed instrumenti modum non obitare, quominus efficiens causa fidei, cœlestis immediata sit ac irresistibilis, etiam voluntaria & cum ratione conjuncta.

25. Diximus adhuc, fidem animis receptam Testimonio Spiritus Sancti in fidelibus obsignari, idque Testimonium à fide ratione percepta realiter esse diversum atque discretum.

26. Dissidentes, qui methodum dubitandi & per omnium rerum dubitationes, conscientiam certitudinis infallibilem colligendi hac etiam in re sequuntur, Deum ita faciunt auctorem fidei, ut Ratio sit unicum principium cognoscendi divinitatem Sacræ Scripturæ & quæcum ea conjuncta est, veritatis Christianæ. Rationem dicunt esse oculum, qui est Principium visionis unius; Scripturam sicutam quasi Telescopium, quo detegimus & adsequimur eas quæ visus per se non adsequeretur.

27. In mente nihil esse, quam ratiocinationem, nec aliud quicquam in eâ dari posse contendunt; Sed causalitatem cœlestem esse voluntatem Dei. & Decretum, quo sic homo ratiocinetur, ut è dubitatione, collectione & comparatione idearum concludat, divinitatem scripturæ & veritatem fidei Christianæ.

28. Testimonium verò, quos nos fidem ratione perceptam obsignari diximus, & quod ab Ratiocinatione verè & actu distinctum esse putamus, è verbo Dei, id illi omnino negant, & fidenter enthusiasticum esse declarant.

29. Præterea, sicut iidem, quam Pajono supra habuimus, hypothesebus indigent; ita non cessarunt, easdem in adstructione sententiæ suæ, licet occultius

tius

tius aliquando proferre atque connectere cum suis positionibus, quas alioquin, ut in *prædicto libro sect. 3. c. 9. & seqq.* demonstratum est, stabilire non potuissent.

30. Quamquam autem hujus rei disceptatio parum nos jucundis inflixerit commissionibus, quominus tamen hanc hypothesein derelinquere, & eandem in

hoc loco penitus omittere possimus, religio facit, altoque animo, quod dicere fas sit, concepta veritatis conscientia.

31. Si cui volupe non sit, animum his rebus in institutione Doctrinæ civilis advertere, suo arbitrato ad sequentem Sectionem, transire potest. Videamus igitur rem ipsam, *non minus egi musque.*

CAP. II.

Quæ verum Principium cognoscendi divinitatem Sacræ Scripturæ & veritatem Religionis Christianæ, probatur esse Lumen infusum à Ratiocinatione distinctum.

Principium cognoscendi divinitatem S. Scripturæ, esse Revelationem internam Spiritus S. probatur è primis Reformationis auctoribus, è Patribus, è Cartesio, & imprimis ex ipsis Sacris literis, maxime è Paulo 1. *Corinth. 2.* qui locus inducitur ad explicationem, variis argumentis inde deductis; revelationem illam internam à Ratione esse distinctam, idque aliorum collatione locorum illustratur & confirmatur.

Est equidem ex interioribus Theologie capitibus hic articulus, ejusmodi tamen, ut omnes Christianos ejus bene certos esse oporteat. Ideoque & alias hæc res à nostri ordinis hominibus tractata fuit, & ad refellendas Hobbessii rationes hic est necessaria. Quid autem est illud Principium?

2. Est id, ex quo *uniquè nostrum constat, Scripturam Sacram, quam habemus, esse verè divinam.* Hoc enim est propriè Quæsitum hujus loci; non quodnam sit principium earum veritatum, quæ in Scripturâ continentur, quod ipsam esse Scripturam non negatur; utique in his quæ Ratio sine Scriptura nullo modo scire poterat.

3. Pertinet igitur Quæsitio, non tantum ad angula Religionis capita, quam ad Summam fidei Christianæ & cognitionem

divinitatis Sacræ Scripturæ in universum. Ut tamen certum sit, quæsitioem de ipsis Fidei capitibus ab illo quæsito separari non posse. Nam qui per rationem inquirere vult, an Scriptura sit divina, non debet subsistere in notis quibusdam generalibus è stylo & à Scriptoribus delumptis, & quibusdam rebus in ea contentis, ut sunt miracula & vaticinia; sed omnia, saltem præcipua dogmata excutere debet, an ea sint ejusmodi, ut Deo & ratione digna videri queant. Sed maneamus in priori Quæsitio; quodnam sit principium cognoscendi divinitatem S. Scripturæ.

4. Ponamus igitur illud Principium; Est nihil aliud, quam *Revelatio interna Spiritus Sancti, qui fideles per interiorem assensum docet in verbis suis, inque efficaciter per suadet, ut firmiter credant, Scripturam.*

venus in libris Prophetis & Apostolicis, esse verè & indubitato verbum Dei.

5. Utraque Thesis constat verbis Polani in lib. 1. *Synagm.* c. 16. qui in hac re consentientes habet omnes primævæ Reformationis auctores, nominatim & præ cæteris Calvinum, ut in d. libro sect. 2. demonstratum est, quæ huc omnia transcribere nihil attinet.

6. Idem Patres magno consensu; Basilii in Psalm. 115. Πίστις, inquit, ἡ ἐκείνη ἔστι λογικὴ μέθοδος τῷ ψυχῇ ἐκ συγκριτικῆς ἐν ἡλικίᾳ. Πίστις οὖν ἡ χαρισματικὴ ἀνέγχεαι, ἀλλὰ ἡ τοῖς ἁγίοις ἐν αἰσθητικῇ ἐκφρασίᾳ. Fides quæ supra methodum ratiocinandi trahit animum ad consensum; fides, quæ non geometricis demonstrationibus, sed efficacibus Spiritus sancti operationibus ingenerata est. Idem ex Chrysostomo & Justino Martyre conversionis suæ historiam memorante d. loco ostendimus.

7. His auctoritatibus unum addam ex recentioribus Cartesium, qui receptam inter omnes Christianos hac parte sententiam sequutus, cum alibi, tum Respons. 2. ita scribit; Ratio formalis propter quam fidei assensimur, consistit in Lumine quodam interno, quo à Deo supernaturaliter illustrati, confidimus, ea quæ credenda proponuntur, ab ipso esse revelata, & fieri plane non posse, ut ille mentiatur: Quod omni Naturæ lumine cernitur, & sæpe etiam, propter lumen gratiæ, evidentius.

8. Hæc est illa vis Spiritus, quem Christus à Patre suo mittendum & omnia suos electos edocturum promittit Job. xiv. 16. oppositus carni & sanguini, id est, naturæ & rationi naturali, ut idem Dominus ad Petrum, cui à Patre suo inditam affirmabat notitiam sui.

9. Hæc est illa trahendi vis, sine qua Christus ipse prædicans verbum, fidem facere non poterat, Εὐὺ μὴ ὁ πνεῦμα ἁγίου

αὐτῷ. Nisi pater illum traheret, & mentem aperiret ad spiritualia clausam Act. xvi. 14. Hujusmodi immediatam operationem, cum adflatu ignoti ortus, sed validissimi effectus adferit Dominus Job. III. 8.

10. Hæc est eruditio ἐκ ἀνδρείου τοῦ πνεῦματος, in demonstratione spiritus & potentia, quam fidelibus ὁ Θεὸς ἀπεκάλυψε διὰ τὸ πνεῦμα αὐτῷ, ἵνα εἰδῶμεν, detexit Deus per spiritum suum, ut cognoscamus 1. Corinth. 2.

11. Unde autem ille Spiritus, estne aliquid in homine novi, an verò fuit in mente, prius; ut saltem detectus videatur? Imo accepimus illum, inquit Apostolus, in cordibus nostris d. c. 2. v. 12. Ἐκτίσθη δὲ ὁ Θεὸς τὸ πνεῦμα ὃ ἐν αὐτῷ εἰς τὴν καρδίαν. Emisit Deus spiritum filii sui in corda fidelium Ad Gal. iv. 6.

12. Illum Spiritum emissum sicut Christus opponit carni & sanguini, sic Apostolus eum spiritui hominis opponit, quem etiam vocat Spiritum mundi d. c. 2. v. 10. & manifesto docet, Spiritum illum emissum & in solis fidelibus habitantem aliquid esse distinctum à spiritu hominis, eique superadditum d. c. 2. v. 10.

13. Spiritus autem hominis sine dubio est Ratio, sive mens rationalis, ὃ ἐν αὐτῷ, ipsi congenitus, qui novit ea quæ sunt id homine, vers. 11. id est, qui cogitat & scit quod cogitat: hoc autem esse mentem, nemo negabit.

14. Jam satis ita clare; sed res planè meretur, ut aliquantò pressius demonstramus, spiritum cordibus fidelium à Deo immissum, esse facultatem fidelibus infusam, ab ipsa mente diversam, etsi in mentem agar & vim suam exerat atque exerceat. Rationes quibus id evidentissimum est, sunt hæc;

15. Quæ diversis nominibus in eodem homine discernuntur, ac inter sese Z. opponun-

opponuntur, ea sunt in rei veritate diversa; Spiritus sanctus in corde fidelibus missus diverso nomine separatur à mente, eique opponitur. Ergo.

16. Major est evidens, ex eo, quod nomina reperta sunt ad res significandas. Potest quidem una res habere diversa nomina; sed cum duo nomina sibi mutuo opponuntur, non potest fieri, quin res iis significatæ sint diversæ.

17. Minor est in d. v. 11. & 12. Τὸ πνεῦμα ἡ ἀληθεία τὸ ἐν εὐσέει, Spiritus hominis, qui est in ipso. Καὶ τὸ πνεῦμα ἡ ἐκ Θεοῦ, & Spiritus qui est ex Deo, quem esse in eodem homine docet illic, & liquet ex eo quod additur, ἡ ἐκ εὐσέει, ut cognoscamus v. 12.

18. II. Argumentum: Quod est in homine quovis per se, hoc differt realiter ab eo, quod certis hominibus immititur. Atqui, spiritum Dei accipiunt in corda immissum Fideles: Mens autem seu spiritus hominis est in omnibus per se; & Jam ostendimus *suprà* utramque propositionem.

19. III. Argum. Spiritus, qui in eodem homine diversos habent effectus & diversas res cognoscunt, i. li, quæ spiritus & realiter à se invicem differunt. Atqui Spiritus hominis sive mens & Spiritus Dei diversas res cognoscunt. Ergo.

20. Major patet, quia cognoscere proprium est Spiritus, & proinde ubi diversi sunt cognoscentes, ibi Spiritus oportet esse diversos. Minor est in d. cap. 4. v. 10. 11. & 12. jam expositi.

21. IV. Argum. Quorum unus alterum reddit certiore, unus alteri contestatur, hi plane diversi sunt; quod est ejusmodi, ut aliter concipi nequeat. Atqui vera est adsumptio, Ergo.

22. Probatur adsumptio è d. v. 12. ἡ ἐκ Θεοῦ ἡ ἀληθεία τὸ ἐν εὐσέει, ἡ ἐκ Θεοῦ ἡ ἀληθεία τὸ ἐν εὐσέει. Accipimus Spiritum, qui ex Deo est, immissum in

corda nostra; *superius*, ut cognoscamus ea, quæ Deus nobis largitus est. Cognitionem illam à mente percipi, non negabunt; sed habet illam mens à spiritu, qui à Deo menti additus est, ut textus loquitur.

23. Idem probatur ex ad Romanos 8! Τὸ πνεῦμα ὁ ἀλάβετο σὺν ἡμῶν τὸ πνεῦμα ἡμῶν. Spiritus quem accepimus, contestatur Spiritui nostro v. 16. Sunt duo Spiritus, quorum alter cum altero cogitationes communicat.

24. Hinc qui unum modo Spiritum; id est, mentem solum habet, vocatur ψυχικός, animalis; quia nihil habet quam ψυχήν, animam rationalem.

25. Qui vero alterum accepit Spiritum menti suæ adjunctum & superadditum, πνευματικός, appellatur ab Apostolo d. cap. 2. v. 14 15 Nec veremur aburdi imputationem, ex eo, quod duo Principia cognoscendi in uno homine fideliter intelligimus, ab his qui mentem nihil aliud quam cogitationem esse dicunt.

26. Non magis quam à Theologis Reformatis, quorum primicerius hoc modo loquitur. *Verbum Dei non facit fidem in cordibus hominum, nisi idem Spiritus, qui loquutus est per os Prophetarum, intret in corda nostra.* Calvin. 1. Inst. c. 7 n. 4.

27. Atque hoc est internum Lumen, de quo passim sacræ literæ & Interpp. Ethinc Fidelis ὁ ἀληθής, totus, quantus, ab Apostolo trifariam designatur, à spiritu, mente, corpore, ἡλικαὶ ἡμῶν ὁλοπλήρως, ut sanctificet vos integros, τὸ πνεῦμα, καὶ τὴν ψυχὴν καὶ τὸ σῶμα, Spiritum, mentem & corpus 1 Thessal. ult. v. 29. quod vereor ne pro monstro haberent, à nobis dictum, Rationales.

28. Inde refellitur sententia Wolzogenii, in tract. contra libr. de Philos. Scriptis. interpr. quæ nunc est eadem Virorum Clarissimorum. Internum lumen, verba Wolzogenii, nil potest utique aliud esse quam Mens expurgata, quæ diverso squalore pec-

tati affectibus scilicet & præjudiciis, ut alias loquitur, jam instar speculi recipis distinctissime rerum objectarum imagines. Quam sententiam alter Cl. virorum, sicut olim erat, merito falsam esse probavit in libro contra W. & è duplici fidelium spiritu ex Paulo evidenter refellitur.

39. Hoc lumen internum Johannes Apostolus vocat *χρῆσμα ἀπὸ τοῦ ἁγίου*. Unitatem à sancto, *ὅτι καὶ ἡμεῖς ὁδοῦμεν πᾶσι*, quod habetis, & vobis omnia Ep. 1. c. 2. v. 27. Et mox, *τὸ χρῆσμα ὁ ἰλασθεὶς ἀπ' αὐτοῦ, μὴν ἐὶ ὑμῖν, καὶ ὃ χρῆμα ἔχει, ἡμεῖς ὑμῶν διδάσκω*. Unitio quam accepistis ea manet in vobis, nec opus est, ut quisquam vos doceat. Pergit: *Το αὐτὸ χρῆσμα διδάσκει ὑμᾶς, καὶ πᾶσι καὶ ἀληθεῖς ἐσιν*. Eadem unitio docet vos de omnibus, & est vera. vers. 27.

30. Habet igitur unctio illa vim docendi, & est principium cognoscendi, quo vult Apostolus uti Fideles, adversus eos, qui in errorem illos inducerent. Ταῦτα ἔγραψα ὑμῖν καὶ τὸ πλανῶνται ὑμεῖς. Hæc scripsi de his, qui vos in errores inducunt.

31. Atque hisce dictis satis conveniens est, quod supra è Cartesio protulimus, Lumen illud internum omni naturæ lumine certius est, & sæpe etiam evidentius. Cui dicto & simplicitati Apostolicæ utinam Sectatores ejus, postquam in Ecclesiis nostris tantum fecere numerum, stare voluissent; neque se illis, qui ex diverso principio & negatione luminis illius Supernaturalis, à Ratiocinatione distincti, pleraque fidei mysteris eluserunt, aggregassent.

C A P. III.

Quo probatur: Rationem non esse Principium cognoscendi divinitatem S. Scripturæ.

Ponitur, & limitatur, antithesis, quod Ratio sit unicum in sacris cognoscendi Principium. Rationem intelligi, ut est in homine; hanc vero esse corruptam; Proinde non posse principium esse cognoscendi in sacris, quod iterum è Paulo probatur: vel qui sic statuunt, eos mentem statuere oportere in facultatibus suis incorruptam. Auctores verbi nunquam provocare vel remittere auditores suos ad Rationem; quod fieret, si Ratio esset principium. Quin rationes turbare magis animas fideles. Nec qui Ratione præ cæteris excellunt, primos esse in fide Christi amplectenda, sed contra magis; quod iterum à naturâ Principii alienum sit; idque iterum è Paulo & Justino Martyre illustratur.

EX his, quæ dicta sunt, evidentissime patet, illius dicti falsitas; Divinitatem Scripturæ Sacræ aliunde non constare quam ex Ratione: Transeamus ad destructionem sententiæ huic suppositæ, quæ Ratio dicitur esse Principium & quidem unicum cognoscendi divinitatem Sacræ Scripturæ; Ut hæc aliunde nullo modo aditui possit.

2. Si hoc tantum vellent, non posse in disputando cum aliis, usque persuadendo divinitatem Scripturæ, aliunde quam à ratione peti argumenta; non esset quo illis adversaremur.

3. Sed hoc repudiant, & diserte nec aliis nec sibi de Scripturæ divinitate constare posse, aliunde quam ex Ratione, contendunt, idque vult altera propo-

tio; Si quid Scriptura diverſum à Ratione dicteſet, illam huic non eſſe præferendam; nec poſſe præferri ſine flagitio, ut loquitur theſis Virorum Cl.

4. Quomodo autem Ratio ſumatur, etſi id minime dubium ſit, tamen ut monendum ſit, faciunt auctores novi. Nam ſe non niſi de Ratione rectâ verâque loqui, non de corruptâ, quod vocabulum de Ratione, non niſi contradiſtoriæ, prædicari poſſit, proteſtantur.

5. Nos per Rationem intelligimus, vim percipiendi & judicandi de rebus per proprias rerum ideas; ipſorum verbis haftenus utimur, ita ſicut illa facultas eſt in mente humanâ, poſt lapſum primorum Parentum.

6. Nec aliter illi poſſunt; Etenim, quando agunt de principio cognoscendi, ex quo nobis aliſque de Scripturæ divinitate conſtare queat, manifeſtum eſt, eos Rationem non ſumere in abſtracto, ſed ut eſt in quovis homine, quales nunc alma natura producit.

7. At hi ſunt omnes corrupti, non tantum in corpore, ſed in mente vel maxime, id eſt, in ejus facultatibus, quæ cæcæ & mutæ ſunt in ſacris, ut ſtatim videbimus.

8. Sed illi corruptionem mentis non conſtituunt in ejus facultatibus, ſed in tranſverſario affectuum præjudicio, adeoque in actibus & habitu inde contracto; quam corruptionem ſi recte mens attendat ac intendat ſe, detur evitare vel ſuperare; maxime divino adſpirante auxilio, quod hætenus agnoſcunt; ut tamen menti, id eſt, facultatibus ejus nihil accedat, aut adfundatur ullo adſlatu immediato.

9. Proinde ſic oportet omnes ſtatuerè, quemadmodum inſtituunt, qui Rationem principium cognoscendi divinitatem Scripturæ faciunt, Rationem, id eſt, vim mentis percipiendi & judicandi vo-

lendique non eſſe corruptam in ſua facultate; Alioqui dicere non poſſent, Quod corruptum & cæcum & mortuum eſt in ſpiritualibus, eſſe principium cognoscendi divinitatem Scripturæ Sacræ.

10. Ideo nobis id primi argumenti loco eſt. Quod ineptum, cæcum & mortuum eſt in ſpiritualibus, id non poſſe eſſe principium cognoscendi res divinas. Atqui mens hominis, ſive Ratio ſicut in eo nunc eſt, in ſpiritualibus inepta, cæca & mortua eſt. Ergo.

11. Nota ſunt loca, e quibus cæcitas & impotentia hominis in ſpiritualibus probatur: Princeps eſt ille Pauli 1. ad Corinth. 1. v. 14. *ψυχὴς ἀνθρώπου*, inquit, *Animalis, mentalis homo.* Quis? *Qui nihil habet ei præter naturam & animam, quam Spiritum hominis*, id eſt, mentem ratione præditam, ut dixerat v. 11.

12. Quid ille? *ὁ ἀπὸ τοῦ πνεύματος*, non recipit ea quæ Spiritus Dei ſunt, nec ea poſſe cognoscere. Ne putes, eum duntaxat recipere non poſſe ſpiritualia, propter adfectus & præjudicia, vel actum & uſum pravum. Non poſſe, non habet illam facultatem.

13. Quid ita? Jam dixerat, *Τὰ τοῦ Θεοῦ οὐδεὶς ᾔδει, εἰ μὴ τὸ πνεῦμα τοῦ Θεοῦ.* Res divinas nemo cognoscit, niſi Spiritus Dei; quem illi non acceperunt; Sunt duæ facultates oppoſitæ, Spiritus hominis & Spiritus Dei; quod hic docet, ille non novit, nec ſcire poſſe, quia ſolus Dei Spiritus, quem fideles acceperunt, illa cognoscere poſſe.

14. Fruſtra igitur hunc locum detorqueant & pervertunt, qui pati non poſſunt, ut mens humana dicatur in ſuis facultatibus percipiendi, judicandi & volendi eſſe corrupta; Nihil clarius eſt inde, quam opus eſſe novo principio cognoscendi, priuſquam homo ſola mente rationali præditus ſpiritualia cognoscere queat.

15. Hinc fit, ut sint ἀνθρώποι μωροί, res spirituales ei stultæ videantur; quia spiritus hominis, id est, Ratio non est facta ad spiritualia; Non potest adsequi id, quod solus Dei spiritus ἐν πνεύματι, fidelibus detexit, iterum Paulus 2. 10.

16. Ita summus Ratiocinator Calvinus hunc locum ἀποφασίζει. *Animalis homo non potest percipere ea quæ Spiritus Dei sunt. Quem vocat animale? Nempe, qui naturæ lumine nititur. Quid ista? An quia per ignaviam negligit? Imo etiam si enitatur, nihil potest, quia scilicet spiritualiter judicantur. Quid istud significat? quia humana perspicacia penitus abscondita per solam spiritus revelationem patefiunt, adeo ut pro stultitiâ ducantur ubi Spiritus Dei non elucet. Et mox. Quid volumus? Pronunciat Apostolus infatuatam à Deo sapientiam huius mundi & nos scilicet acumen ei tribuimus, quod ad Deum & celestis regni adyta penetrare possit? Facessat à nobis tanta recordia. lib. 2. Inst. c. 2. n. 20.*

17. Hoc igitur primum contra principium Rationis in Sacris argumentum, dat locum alteri; Quod hæc sententia, de non aliunde, quemadmodum ostendimus, egeat ista hypothese fundamento Christianæ Religionis adversâ, mentem in facultate ratiocinandi adhuc esse integram; nec nisi in affectibus & præjudiciis adeoque in usu & actu & habitu inde producto consistere corruptionem.

18. Quæ interpretatione, sola pars hominis bruta, quæ carne & sanguine constat, infecta labe primævâ statuitur, eâ parte, quæ maxime hominem facit, intactâ, & Imputationis peccati originalis ratio tollitur.

19. Cum satius foret, si labes in utraq; hominem constituyente parte non federit æquabiliter, ita ponere, viscera cursumque sanguinis & spirituum ani-

malium, unde fere affectus, nihilo secus se habere nunc, quam in creatione prima, sed mentis imperium, quæ corporis ad honorem amoremque Dei servitio uti deberet, esse diminutum, iudicio in sacris atque spiritualibus extincto & intermortuo.

20. Quod si mens hominis in ipsa ratiocinandi facultate corrupta sit, manifestum est, eam non esse principium cognoscendi res sacras. Atqui Prius est certissimum Christianæ Religionis fundamentum, inquam. Ergo plana consequentia. Idque Sequens & tertium est argumentum.

21. Quartum alienis verbis collocabimus; Ad quod principium Deus nusquam nos remittit in Verbo suo, quo etiam Christus ejusque Apostoli in confutandis falsis dogmatibus nunquam usi sunt; id principium Fidei & Religionis Christianæ esse nequit. Atqui ad Rationem humanam nunquam nos remittit Deus, nunquam etiam Christus ejusque Apostoli eo usi sunt. Major evidens est per se, quia dogmata Fidei & Religionis non traduntur aut adseruntur absque veris propriisque principiis. Veritas minoris confirmatur secundum utrumque membrum, ex omnibus divinis revelationibus in utroque Testamento, quibus Deus doctrinam Religionis hominibus patefecit. Verba Altingii Theol. elench. Pag. 37.

22. Idem Calvinus; Summa, inquit, Scripturæ probatio passim à Dei loquentis personâ sumitur; non jactant Prophetæ & Apostoli acumen suum neque insistant rationibus l. 1. Inst. c. 7. Rursus; Adeo autem hæc, consternatur & deficit humana perspicacia, ut primus in domini schola proficiendi gradus sit, ab eâ deficere; nam eâ, cum oblecto velamine impedimur, quominus adsequamur Dei mysteria, quæ non revelantur nisi parvulus. lib. 3. c. 2. n. 14.

23. Hæc nos ad quintum manu deducunt argumentum, quod verbis Basilii

hac de re agentis comprehensum sic habet; Οἱ λογισμοὶ ἐξ ὁμοιωμάτων τῶν αἰσθητικῶν καὶ ὁρμητικῶν, καὶ ἀποδείξεων ἐπὶ τοῦ αἰσθητικοῦ, ἔχουσιν, ἀλλὰ τὸν αἰσθητικὸν ποιεῖται, παραστῆσαι μᾶλλον καὶ ζήτησιν ἀληθείας καὶ ἀποδείξεως πᾶσι. *Ratiocinationes infirmos animos quatiunt & turbant, nec quicquam eorum, quæ dicunt perspicue demonstrare possunt, sed contrarium efficiunt, perturbando magis & caligine atque dubitatione multâ implendo.* ad 1 Corinth. cap. 2.

24. Rationem hujus rei supra ex Apostolo intelleximus, quod nulla sit inter Rationem & spiritualia proportio vel convenientia. Calvinus inde, *Scripturam demonstrationibus aut rationibus subjici fas non est. Iterum. Præpostere faciunt, qui disputando contendunt, tollendam scripturæ fidem adstruere.* lib. 1. Inst. c. 7. n. 5.

25. Sexti argumenti loco, prudens lector non neget hoc esse posse, petium ex absurdo, quod Rationales nostri nullo modo defugiunt; Inter principium cognoscendi res naturales & artificiales fideique mysteria nihil esse diversi in homine. Nec aliud esse principium, quo Inregeneriti veritates divinas percipiunt, quam quo vere fideles easdem cognoscunt, quod ad principium, inquam, cognitionis & persuasionis attinet. Etsi enim ipsis hac parte nihil absurdi, nihil quod gloriæ Dei sit adversum, inesse videatur, secus tamen omnes verè pios in animum inducere certum & compertum est, atque è supra dictis infraque dictis intelligitur.

26. Septimum argumentum rursus ejusdem supra laudati verbis addemus; *Si ratio humana est principium Religionis Christianæ, qui perspicaciâ & acumine ingenii & iudicii accuratatione excellunt, Religionem Christianam facilius capient, cupidius amplectentur, plenius intelligent constantiusque retinebunt. Consequens est fal-*

sum, repugnans Scripturæ & experientia. Ergo. Henric. Alting. d. loco.

27. Hujus rei locuples auctor est Paulus in 1. ad Corinth. c. 1. & 2. ubi de gratiâ agit, ἐν ἐκκλησίᾳ τοῦ Θεοῦ καὶ πάντι λόγῳ καὶ πάντῃ γνῶσι, quod locupletati erant in omni ratione & omni cognitione v. 5. c. 1. Sed quali? Ἀποδείχθη τῶν ἀποκαλύψεων τοῦ Χριστοῦ, Acceptâ foris, hoc enim est, ἀποδείχθη, revelatione Jesu Christi; Non usum se ἐπερχομένη λόγῳ ἢ σοφίᾳ, neque σοφίᾳ ἀνθρώπων σοφίᾳ λόγου, non excellentibus & suasoritis humanæ sapientiæ rationibus, quas provocat & rejicit; Πῶ σοφός, πῶ συζητῶν; Ubi Sapiens, ubi disputator?

28. Quid ita Paule? Quid ni provocas sapientes, ut vim Rationis experiantur? An nescis, dari methodum rationandi, qua per connexionem simplicium perceptionum argumentorumque rationalium, pervenire liceat ad tam certam rerum sacrarum scientiam, ut hominem nullo modo fallere possit? Accusares fallacias, temeritatem & ἀνορθόδοξον ratio- cinandi, diligentiam attentionemque justam exigeres. Tu vero. Εἰ μὴ ἔσται ἡ σοφία τοῦ κόσμου ἐξ ὁλοῦ. Deus sapientiam hujus mundi infatuavit. Executi sumus hunc locum pluribus in d. tract. de Concurf. Rat. & S. Script. pag. 64. Alia passim occurrunt disconvenientiam humanæ sapientiæ & Evangelii significantia, & quam pauci sapientes mundi & acuti ratiocinatores illam amplexi fuerint, ex ore Christi & Apostolorum.

29. Idem ex Ecclesiæ & omnis Christianismi historiâ constat; quanto quisque sapientior, etsi nullam odii proprii causam habens, inter gentiles fuit, tanto à doctrina Crucis alieniores fuisse, ut è Taciti, Plinii, Marci Aurelii, Juliani, merito inter doctissimos habiti, & plerisque Philosophis animadversum fuit.

30. Est locus insignis hac de re apud Justinum Martyrem, qui se adhuc philosophum & à Fide Christi alienum in-
cidisse narrat apud Iherosolymis, in senem
venerabilem, cum quo in disputatio-
nem de Deo & veritate delapsus præ se
ferebat, Τὸ λόγος ἡγεμονία πάντων: Ra-
tionem omnium imperatricem. Δὲ ἔτι, in-
quit, πάντες ἀπὸ παιδείας φιλοσοφίας καὶ τῆς μα-
θητικῆς ἀπὸ πρῶτον ἀγνοῶντες, καὶ δὲ λοιπὸν δι-
πύοντες καὶ τριπύοντες. Quare cuilibet homini fa-
ciendum est, ut Philosophetur, idque ma-
ximum & pretiosissimum ducat, reliqua
secundo & tertio loco existimet.

31. Si veritas aliunde quam ex Ra-
tione adstrui nequeat, adsentiri debuif-
set ille senex, nec aliud inculcare prin-
cipium; Ille vero post alia; Εἴρη, in-
quit, δὲ οὐκ ἐπὶ πάντων φασὶν ἀποκρίσθαι
πύλας, καὶ ἢ οὐκ ἔστιν, ἢ δὲ οὐκ ἔστιν ἡ
ἐν μὲν τῷ Θεῷ δὲ οὐκ ἔστιν, καὶ ὁ Χριστὸς δὲ οὐκ
ἔστι. Precare tibi, inquit, ante omnia lucis
aperiri portas: Nec enim ab ulla hac in-
telligi vel judicari possunt, quam quibus
Deus & Christus ejus id dederint. Re-
plicat Justinus; non posse illud esse al-
liud, quam τὸ εὐρυμύκη, mentis lumen,
Plane ut Auctores nostri in cap. I. bu-
jus sectionis.

32. At senex eum ad scripta Prophe-
tarum & Apostolorum remittit, ut ta-
men ne heic quidem Rationem tanquam
principium judicandi commender; Οὐ
γὰρ καὶ ἀποδείκνυσθαι, inquit, πανταχῶς τὰς
ἀποδείξεις, ἀπὸ ἀποδείξεως πάντος ἀποδείξεως, Nec
enim cum demonstratione sua scripta com-
posuerunt, utpote quæ superarent omnem
demonstrationem. Næ ille Senex ingen-
tem calumniam dicam scripserit, hac au-
dita positione, qua sibi placet. Si quis
Rationi scripturam Sacram præferat, eum
erroris se reum facere flagitiosi. Secun-
dum illorum hypothesein illum senem
hoc modo loqui oportuisset; (detur ve-
ra huic ἀποκρίσις.)

33. Bene habet ὁ Justinus, quod Ratio-
nem rectam ut ducem & Imperatricem se-
qui paratus es; neque nos eam defugimus,
neque divinarum veritates ex aliis principiis
approbamus aut exploramus: verum est,
habere nos revelationes sacris quibusdam
scriptis comprehensas; sed harum divini-
tatem, à quâ pendet omnisciarum auctori-
tas, aliunde quam à Ratione adstrui non
posse fatemur; nec contendimus, ut tu quic-
quam in animum inducas credere, quod
non Ratio tibi dicet esse rectum & verum,
& si quid eveniat tibi proponi, quod Ra-
tio secus dicet, inde à principio tibi iam
prædico, noli scripta sacra, quæ tibi pro-
ponantur, Rationi præferre. Saltem hæc
observa; exactam ratiocinandi methodum
institue, libera te præjudiciis, excute se-
gnitatem; noli quicquam rebus tribuere vel
negare, quod eis tribuendum vel negandum
esse, nunquam animadvertisti. Inprimis
caræ tantum errandi flagitium committas,
ut si quid ex ideis rerum adseverate colle-
geris, illis esse tribuendum vel negandum,
id ipsum deinde neges eisdem rebus esse tri-
buendum vel negandum, aut dubites, an-
tribuendum vel negandum sit. Hoc in scri-
pturæ sanctæ gratiam facere, tam valide
improbatur apud nos, ut etiam gradus ad
eam culpam fieri absque flagitio non posse
merito censeatur; sed ita firmiter apud
animum tuum constitue, non posse verum
esse quod Rationi contrariatur, nec quod
Rationi convenit iisdem literis sacris ad-
versari posse. Proinde, si modo attendas
rectamque viam meditandi institueris, de
auctoritate scripturæ jubeo te esse securum.
Nihil aliud à te stipulor, nihil omnino
cautionis postulo, quam ut in his, quæ ad
salutem necessaria sunt, eam servas sacræ
scripturæ reverentiam, ut si quid in illis
suspicere contrarium his, quæ tu vera pu-
tes, novo & quam fieri potest accuratis-
simo examini ea subicias; cæterum, quæ
recta Ratio tibi persuasuerit, de illorum ve-
ritate

ritate carere nunquam dubitare tibi venias in inuentem; si modo legitime colligas rationes, in utramvis autem omnino licebit otiose dormias. Hæc ab iis quæ dixit de *discrepantia*, cum his conferantur licet.

34. Sed tempus est, ut sententiam Christianæ Religioni necessariam verèque fundamentalem, objectionibus, præter & post eas, quæ ab Hobbesio moræ & in cap. ult. sectionis præcedentis occupatæ sunt, liberemus.

CAP. IV.

Quæ objectiones adversus priorem; & fundamenta posterioris sententiæ remouentur?

Obiectio de confusione, quæ sit in orthodoxâ sententiâ, inducitur & refellitur. Etiam, quod à Prædicato Fidei desumitur, quo dicitur Rationalis. Plerumque methodum ratiocinandi in primis conversionibus abfuisse, non semper; & inesse divinitatis notas Verbo ad persuadendum sufficientes, sed Rationem solam in transversum agi, nec piis simplicibus in ratione sola satis esse prælidii, contra dubitationes & tentationes. Nec acerrimos ratiocinandi magistros hac viâ ad fidem solidam Evangelio habendam adduci solere, quod exemplis abundè constet. Respondetur bifariam ad argumentum, è characteribus divinitatis verbo Dei impressis, quasi illorum collectio sit via ratiocinandi & unum Principium. Solam voluntatem sive decretum Dei, quod homo sit crediturus, non sufficere ad lumen supernaturale, quod Sacra Scriptura Fidelibus adscribit, adferendum.

Quemadmodum, qui Rationem faciunt principium cognoscendi divinitatem Sacræ Scripturæ & rerum in ea traditarum, præter injuriam quam faciunt Verbo & Spiritui sancto, incidunt in incommodum arbitrarie interpretationis, quam in literas sacras inferunt, neque necessitati infinitis impiorum cavillis, quo nihil inutilius, respondendi implicant; ita Patroni Rationis omnium Imperatrici, ita ut Justinus loquebatur, nullius rei magis orthodoxos, quam obsecratis hac parte coarguunt.

2. Neque prius hæc opinio, de Ratione quasi Principio res sacras judicandi, antehac Socinianis propria & à Remonstrantibus adoptata petripuit in Ec-

clesiam Reformatam, quàm è dubitandi tenebris emerfit illa vis ratiocinandi, quæ tam certa & infallibilis quam Deus est verax, esse gaudet, ejusque usus in Theologia, quod auctor ejus enixe prohibuerat, obtinere coepit.

3. Primum Confusionis argumentum petunt ex eorum dictis, *quia fide non opus esse ratione*, qui fidem prævenire scribunt rationem, quomodo D. Heidanus, sed dubitandi methodum necdum initiatus, loquebatur, *fascic. diss. Socin. II. §. 4.* Item Calvinus, *Talis est hæc persuasio*, inquit, Fides, *quæ rationes non requirit* l. 1. c. 7. n. 5. Alibi Unde statim, *Fidei notitiam certitudine magis, quam apprehensione consistere*. Quod

Quod explicat; Dum persuasum habet, quod non capit, plus ipsa persuasionis certitudine intelligit, quam si humanum aliquid suâ capacitate persiperet l. 3. c. 2. n. 14.

4. Jam olim hoc confusionis argumentum notavit Abelgardus Pariliensis Magister, cujus ingenium ut *in eodem* describit Bernardus *epist.* 190. Is explicans Sapientis dictum: *Qui credit cito, levis est corde; Cito credere, inquit, est adhibere fidem ante rationem.* Quod de naturalibus verissimum, in spiritualibus sæpe falsum esse ex suprà dictis manifestum est.

5. Etiam è modo & momento conversionum, quæ prædicationibus Apostolorum commissæ leguntur. Nam si Ratio est principium cognoscendi divinitatem verbi, oportet, Auditorem vel lectorem primo dubitare, res perceptas inter se & cum ideis innatis attentè conferre, rationes in diversum tendentes diu multumque perpendere, & tandem omnibus maturè examinatis, ubi ad visionem clarè & distinctè perceptionis enisus fuerit, concludere, neque prius assentiri.

6. Idque in mysteriis abstrusissimis de naturâ Dei unius & trini, cum humana naturâ conjuncti, duram pauperiem omniaque mala in terris perpassi, à cruce suspensi, à morte resuscitati, in celos sublatis. Judæum oportet examinare vaticinia de Messia, nunquid inde liqueat, Messiam esse *messiah*. Si prius quam hæc, pro rei momento accuratissime examinaverit, ad sensum præbeat, in leges impingit & ratiocinandi flagitium, si credimus Duumviris, Rationem esse unum credendi Principium, committit.

7. Tu verò cum hac methodo comparatis, conversionem trium millium per concionem Petri, Lydiæ porphyropolæ, Commentariensis apud Philippos, alia-

que sine numero. Nihil simile reperies: majestas & fulgor verbi prædicati, mentes eorum ita perculit ac penetravit, & sacra lux eum in modum iis adfulsit, ut occupata profligataque ratiocinandi, deliberandi, eligendique cura & nube dubitationum, evidentius atque efficacius Dei verbo ad sensum fuerint, quam ulla idearum connexione & argumentorum delectu consequi & efficere potuissent.

8. Subacti illa experimentorum evidentiâ Dissidentibus, compendium aliquod ratiocinandi in simplicioribus agnoscere videntur, ut omnino tamen Rationem illis principium esse contendant. Sed aut leges ratiocinandi, quas figunt & inculcant, non esse necessarias fateri illos oportet; aut certe in illis simplicibus, qui non obierunt illam methodum, non fuit ejusmodi perceptio veritatis, cujus ratiocinatio principium dici queat, sed credulitas quædam & festinata persuasio.

9. Nec tamen ideo, quod est secundum illorum idemque *Pajoni argumentum*, Spiritum Dei, ut in bruta, sic in fideles, veluti in lapides operatum fuisse statuiamus. Spiritus Dei effusus in illorum corda facit, ut spiritus hominis sive mens consensum præbeat adsertionibus prædicatis, sine methodo dubitandi & ratiocinandi, quæ, ubi Ratio est principium, nullo modo negligi potest.

10. Spiritus Dei efficit sæpe claram & distinctam perceptionem, *sine prævio examine rationali*, quod adesse oportet, ubi ex ratione concludendum est; plane ut ipsum Cartesium suprà audivimus in sacris agnoscentem; quem illi scilicet, aut heic cæpitasse, vel lumen supernaturale, sine methodo, evidentius quam rationale, metu offensæ in nova institutione, Vulgo dare voluisse, quod eripere non poterat, arbitrantur.

11. Nec aliter accipienda quæ *suprà* ex Orthodoxis habuimus, de *Certitudine Fidei* oppositâ *Apprehensioni*, & de *persuasione ejus quod non capit* Fidelis. *Cognitionem cum vocamus Fidem*, ait Calvinus, non intelligimus *comprehensionem*, qualis esse solet earum rerum, quæ sub humanum sensum cadunt l. 3. c. 2. n. 14. quæ per collationes & concatenationes multarum perceptionum simplicium & rationalium argumentorum, desinant in claram visionem luminis naturalis: Nec his quidem negatur esse locus in sacris, negatur esse locus ut principis, negatur unicè, nec aliunde constare posse de divinitate verbi, ut volunt illi.

12. Habent tamen instantiam, quæ & tertii vicem *argumenti* tener, Religionem Christianam esse *Rationalem*, λογικὴν, ut Apostolus, ad Rom. xi 1. 1. à qua proinde Ratiocinationem ejusque methodum exactam alienare, deforme fit & injurium in Auctorem Rationis & Scripturæ; in quo argumento valde se jactant & increpant discrepantes.

13. Sed quod ad Pauli locum attinet, huic facile satisficeo, quod ille Rationalem qualitatem religioni Christianæ adseruit, comparatæ cum religione Mosai- cæ, quæ externo & carnali apparatu sic erat involuta, ut rationalis qualitas in ea vix appareret.

14. Tum verò procul est, ut à cognitione divinitatis S. Scripturæ, alienemus rationem aut Ratiocinationem, vel illam sustinere non posse credamus exactissimam ratiocinandi methodum; sed negamus eam à principio semper & necessario adhibendam, aut Spiritus sancti lumen sine illa methodo, credentem non posse reddere certum & certissimum absque ulla dubitationis nubecula.

15. Neque tamen negandum, Conversiones, unquam fieri per viam Ratiocinandi; quemadmodum de Berceensi-

bus in *Actis* relatum est, eos inquisivisse diligenter in ea, quæ Apostoli proferebant, multosque tales, sola vi spiritus Sancti ante ratiocinandi methodum ad credendum non abreptos, sed mediis rationibus inductos: haud tamen aliter, quam adspirante spiritu sancto mentisque eorum ad accipiendas rationes aperiente, dicendum est. Cave tamen hos solos veram accepisse fidem, reliquos inde ab initio verbum ipsis expositum pleno assensu amplexos, temere credidisse putare.

16. Et si deinceps & ex post facto non est dubium, quin edocta mens eorum Lumine supernaturali, rationem Fidei & Salutis humani generis à Christo procuratæ, cum admiratione divinæ sapientię plenissime perpexerit, eamque Viam, quæ Rationi non illuminatæ *μεγαλεια*, Stultitia videbatur, maxime rationalem Deoque dignam judicaverit; Ut conque Christus & Apostoli ad hanc Rationis convenientiam nullibi provocare comperti sint.

17. Hæc tamen non obstant, quominus ejusmodi *κατήχησις*, sive notæ in Sacra Scriptura & Verbo inde prædicato e-luceant, quæ omnibus conscientiis testatam facere queant ejus divinitatem & Evangelii prædicati veritatem; quo pertinet locus Apostoli, Rationalibus nostris palmarius 2. Corint. 4. 2. *ἡ φανερὴ ὡς ἡ ἀληθεία συνίστησι ταυτὸς ὁθι πᾶσι συνείδησι αὐτοῦ*, manifestatione veritatis accomodatantes nos ad omnem conscientiam hominum. Qui locus potest facere Quartam objectionem.

18. Responsio occupata est, Inesse revelatio Dei verbo ejusmodi vim veritatis, quæ ad arguendas refragantium conscientias eosque reddendos *διανοητάς* & convincendos sufficiat. Ut tamen æquè certum sit, illa *κατήχησις* notæque verbi esse ejusmodi, ut *ψυχῶς*, mere homo-

ratio-

rationalis sine spiritu Dei illis ad fidem moveri non possit, verum sibi relictus in alia omnia discessurus sit.

19. Constat etiam, illas notas divinitatis tot cavillis & objectionibus ex Ratione depromptis impeti & involvi, ut si auditores pii & simplices nihil in cordibus suis habeant, quam methodum rationandi, ab hac ipsa in transversum agerentur, minimeque in ea satis praeclarii in tentationibus & angustiis spiritualibus haberent.

20. Quando palam est, etiam acutissimos ratiocinandi magistros, qui hanc ipsam methodum sacris adhibere docent, ab ea quam de verbi divinitate persuasivam ab ineunte ætate habuerunt, sæpe dimoveri, & ejus contemptum, diligentia ratiocinandi, quicquid dissimulent, animis suis induere, ut exemplis patet manifestis & non manifestis.

21. Ex hisce quid de quinta objectione sit habendum, intelligi potest. Ajunt enim & notas divinitatis, quæ in verbo & Scriptura ab Apostolis & Prophetis editæ reperiuntur, esse totidem *medios terminos*, quibus auditor adsumptis, inde ratiocinatur & concludit, scripturam esse divinam, hoc modo; *In quâ oratione vel scripturâ reperiuntur notæ divinitatis Verbi infallibiliter arguentes, illam oportet esse divinam. Atqui in verbo scripturisque apostolicis reperiuntur tales notæ. Ergo verbum & scripturam illam oportet esse à Deo*: Parique argumento quicquid in illis traditur: Et sic ratiocinatio est principium.

22. Hoc argumentum nonnullis maxime placuit, atque in eo toti fuere; postquam Socios, qui Rationem non modo Principium divinitatis Scripturæ, sed & ipsarum quæ in eis continentur rerum, esse docent, hætenus in speciem magis quam re ipsa deferendos putarunt.

23. Responsio ad argumentum illud est duplex. Prima, non esse eadem, cum dicitur; *Scripturæ divinitas aliunde quam ex Ratione constare non potest*, cum hac positione; *Divinitas Scripturæ non potest aliunde quam ex characteribus divinitatis, quos ipse Deus Scripturis impressit, constare*. Nam characteres isti non sunt notionis insitæ menti, unde ratiocinatio ducitur; sed quali fulgura, quibus tanquam propriis radiis ad convictionem omnis conscientiæ, Scriptura coruscat, quemadmodum recte ab aliis ad hanc instantiam pridem responsum fuit.

24. Fere ut subulcis usu venit, quibus Angeli natum Messiam denuntiarunt. An his etiam Ratio fuit principium? Ita scilicet; *Quod angeli dicunt, hoc est verum. Atqui puerum hunc esse Messiam Angeli dicunt. Ergo, verum est. Nugæ. Fiat tamen ita; sed an ita pergent? Quam rem Angeli nuntiant, hanc nos collatis rationibus ac ideis clare & distinctè percipimus?* Apage, ubi nihil fuit, quam *Τὸ πῶς γὰρ οἷς*, verbum editum & intellectum cum gaudio Spiritus sancti *Luc. 2. v. 15. 20*. Si Rationales audivissent, primo dicta illa cum ideis menti insitis & cum vaticiniis Prophetarum conferre debuissent, ne quid ante rationem.

25. Altera sit hæc responsio; Non posse mentem hominis, ut nunc est, in facultatibus suis corruptam, ita suas cogitationes inducere, ut illis quæ laudantur notis, etiam tales revera sint, infallibilem putet inesse demonstrationem, *quod verbum sit divinum*; cum istæ notæ sint eadem cum re ipsa. Unde multo plures hominibus sola ratione utentibus objectiones & difficultates cavillaroriæ, quam notæ veritatis à piis inde colliguntur.

26. Absit, ut valori istarum notarum detrahatur; sed ut sola rationalis inde collectio exceptionibus & objectionibus

argutis & infinitis, simplices auditorum vel lectorum animas, nihil quam attentionem suam adhibentes, ad *magis populus*, id est, plenissimam & liquidissimam persuasionem, qualis est Fides, adducere possit, rei ipsius evidentia & experientia refellit.

27. Optimum argumentum est ab eventu vaticiniorum. Sed quam nec illud ad infallibilem demonstrationem in piis, qui sola vi rationis utantur, sufficiat, his ultimis temporibus quibus huic parti Scripturæ plus operæ quam aliquot seculis datum est, compertum fuit, dum totidem systemata explicationum, quot interpretes prodierunt; ut multo simus incertiores quam dudum.

28. Nequidem miracula quæ leguntur in sacris perpetrata, nunc infallibile præbent argumentum, quia nituntur fide Relationum in Scriptura extantium, quæ proinde requirunt idem principium cognoscendi veritatem, quod ad Scripturæ divinitatem est necessarium.

29. Efficaciora fuerunt in eos quibus coram edebantur, sed tamen ne in hos quidem valuisse quod satis esset ad *magis populus*, Christus ipse toties ingeminavit, quoties neminem nisi tractum à Patre suo, nisi cui is veritatem detegeret, credere posse professus est.

30. Quid de reliquis gnomismatis? Hæc à Viro docto novissime ita recensentur. I. quod in Scriptura revelatum sit, quomodo Peccator modo *magis* cum Deo possit reconciliari, quod nullus homo excogitare potuisset.

31. Atqui hoc illud ipsum est, quod Theologus è multis unus (nomini parco) Reformatæ Pastor Ecclesiæ ab inerte creditum ætate; per Ratiocinationem amiserat, nec nisi in ultimo vitæ articulo singulari spiritus S. gratiâ in animum inducere potuerat. Idem est, quod hi, quibus hæc opera & omne studium

est, ut Religionem Christianam cum Ratione per omnia concilient, maxime repudiant & Rationi repugnare subtiliter demonstrant, merique Rationalibus facile persuadent.

32. Idem de secundo Viri docti argumento tenendum: In qua Scriptura talia de Deo revelata sunt, quæ humano ingenio excogitari non poterant, veluti est doctrina de Trinitate, hanc oportet esse divinam. Atqui. Ergo.

33. Hocce, quod Rationales, ut specimen repugnantiae cum Ratione perpetuo objiciunt, argumentum erit, unde argumentum evincendi divinitatem Sacrae Scripturæ petatur apud negantes?

34. III. quam ponit Nota Vir Rev. de Vaticiniis, examinata est.

35. IV. Nota; Quia Deus ipse cum Mose ceterisque Prophetis loquutus est, incidit in eandem circumstantiam, quæ de miraculis modo relata est.

36. V. Nota; Simplicitas, & integritas Scriptorum, qui facta quæ scribunt, comminisci non potuissent, hæc facit, ut moralia ab illis sincere dictata putent Rationales: In rebus abstrusis hoc illis præjudicium est in contrarium.

37. Plane ut hæc & similia magni valoris sint apud animos à spiritu sancti lumine jam præventos, id quidem fatendum; sed ad eos qui sola Ratione, sicut, inquam, ea nunc est in homine disposita, procedunt in rebus examinandis, minime sufficiunt ad convictionem & liquidam persuasionem; absterrent magis, & *magis* stultitia videntur, ut Apostolus & res ac usus docent.

38. Longe præ cunctis rationibus confirmat fideles validius, illud *magis*, per quod omnia norunt, *Unctio celestis* & contestatio Spiritus Dei innuata menti, quam supra ex Paulo & ex Johanne percepimus; quæ facit, ut illæ notæ, sint quod esse videntur. & animos

animos intima clarissimâque luce perfundant.

39. Neque verò immediata vis illa luminis infusi absolvitur Decreto scilicet & Voluntate divina, quæ velit & decernat, ut homo tales & tales ineat cogitationes; ut tamen in mente nihil sit aliud quam collectio rationalium argumentorum, nec aliud in eâ statui possit absque enthusiasmo, ut Viri Cll. inculant.

40. Non opus est repeti quæ protulimus, & ad hæc refutanda sufficiunt; Nec repetam quod ultro patet, hac interpretatione, mentem in suis facultatibus æque statui incorruptam, quam ab his, qui corruptionem in usu & actu & habitu acquisito constituunt. Quia Ratio sic etiam, ut est in homine jam corrupto, statuitur enixè, principium cognoscendi divinitatem verbi; quod, si in suis facultatibus corrupta & cæca sit, nullo modo esse potest *sine novo principio*.

41. Enthusiasmi notam à nobis amoliri necesse tunc erit, cum negabitur, quod adhuc factum non est, sententiam nostram esse communem veterum Reformatorum, quos ut confusionis, hodierni universæ dubitationis magistri insimu-

lent, enthusiastas tamen adhuc fuisse nemo dixit; neque dicendum putabit, qui nos Spiritus Sancti motus, nonnisi verbo Dei consentaneos, & secundum illud omnes motuum species, virtutes & qualitates examinandas censere cognoverit.

42. Destructa satis est hæc positio; *Quod divinitas S. Scripturæ aliunde quam ex Ratione cognosci vel adstrui nequeat*. Unde Altera, quod si Ratio nobis aliud quam Scriptura dictaret, huic non esset potius credendum, corruit; quæ manifeste nititur hac hypothese, quod Ratio æquè in homine certa sit, quam Scriptura, si modo recte inducatur; quod iterum præ se fert alias hypotheses duas convellendo factas Christianismo, *Rationem in suis facultatibus adhuc esse incorruptam*, de qua diximus; & Veritates in Scriptura traditas ad rationis normam examinandas, nec aliter quam si cum illâ conveniant, esse admittendas; quod est thema Socinianum, Scripturam Philosophiæ subjiciens & plerisque mysticis subvertendis comparatum. Sed nos in priore quæsito, de principio cognoscendi divinitatem S. Scripturæ subistemus.

CAP. V.

De Testimonio obfignante Fidem receptam.

Inter conversiones factas ad fidem veram in primâ Euangelii prædicatione repentinas & eas quæ post receptam in orbe fidem traditiones rationales committuntur, esse discrimen modi, non rei ipsius, ut alii aliis evidentius lumen supernaturale à ratione discernant. Fidem persuasam & animi conscientia acceptam Testimonio Spiritus S. in verè fidelibus obfignari & oppignorari solere, idque sigillum & pignus à Fide rationali bene esse distinctum, è variis Scripturæ locis inducitur & probatur, secundum diversos conversionum modos. Pertinere id etiam ad cognitionem, exemplo mysterii, de cibo & potu carnis & sanguinis Christi probatur. Exponuntur aliæ quædam operationes Spiritus S. in animis fidelium *Pignoris & Testimonii* usum exhibentes, & removetur exceptio.

QUæ de causâ supernaturali Fidem producente *suprà* demonstravimus, hypothelin maxime Pagani ad fidem conversi, quales in primâ Euangelii prædicatione, requirunt, in quâ persuasio de veritate & divinitate verbi plerumque cum generatione novi hominis conjuncta fuit.

2. Qui sic convertébantur, in his quidem fides non fuit sine ratione; sed principium credendi non fuisse Rationem, ex eo liquidissime patebat, quod plerumque fides methodum ratiocinandi & exactam argumentorum comparisonem præveniebat, ut tamen verissima & liquidissima Fides esset.

3. Hi verò deinde cœlitus persuasi, introspicientes in mysteria fidei, dignam in illis Deo sapientiam adeoque cum ipsa ratione verâ convenientiam, soli Rationi, ut est in homine corrupto, impenetrabilem agnoscebant; ac ita visionem & conscientiam discriminis inter Ratiocinationem & tractionem Spiritus Sancti evidentem habebant.

4. In cæteris, qui post accuratum exa-

men & collationem argumentorum ad Fidem traducebantur, adfuit equidem illa vis eadem supernaturalis, nec defuit ejus à Ratiocinatione differentiæ conscientia; verum minus evidenti temporis ordine discreta vel foris apparens.

5. Recepta per orbem fide Christianâ, persuasio de verbi divinitate in plerisque, sine ratiocinatione & sine speciali gratiâ cœlesti, traditione Parentum & institutione præcipientium, sedit animis hominum; cui dein Ratiocinatio in multis iterum sine salvificâ (ne de tralatitiâ dicamus) Spiritus Sancti gratia accessit, ac ita Fidem historicam & rationalem adstruxit.

6. Sunt, quos misericors Deus è statu Naturæ per efficaciam Spiritus sui ad interiorem cum Christo, & per hunc cum se ipso conjunctionem traductos, novâ simul luce tam notabiliter perfundit, ut differentiam Ratiocinationis ab illo Lamine supernaturali clarissime persentiscant.

7. Hujusmodi supervenientem Spiritus Dei operationem & illuminationem interi-

inſcriptione hujus Rubricæ, de Teſtimonio fidem receptam obſignante & pignoriſſante, intelleximus, eique non modo, in his, quibus poſt fidem Rayone vel inſtitutione ſola perceptam ſupervenit, ſed etiam iis qui primitus à Spiritu Sancto rapiuntur ad fidem ante citraque ratiocinationem evenire, conſtat è ſacris; Idque nunc ut probemus, faciendum eſt.

8. Non loquemur de prodigioſa Spiritus S. immiſſione, quæ facta eſt in Apoſtolos & ab illis converſos, qui vel ſtatim vel aliquandiu poſt fidem acceptam ejuſmodi Spiritu extraordinario, quem non viſum fuit Deo in Eccleſia eſſe perpetuum, donabantur; ſed loquimur de communicatione Teſtimonii, quod ad finem uſque mundi duraturum eſſet in Fidelibus, juxta promiſſionem Chriſti *Job.* 14. & 15. *in ſcram mōd' ūmōn eīſ t' aiōnā, ut vobīſcum maneat in æternum*, quod nulli niſi verè fideles cognituri eſſent *v. 17.*

9. De hoc Paulus ita, *ὁ δὲ θεὸς ἡμῶν οὐ μὴν εἰς χεῖρ' ἡμῶν, οὐδὲ εἰς σφραγισμὸν ἡμῶν, ἀλλ' ἐν ἀρραβῶναις τοῦ πνεύματος ἐν τοῖς καρδίαις ἡμῶν. Qui ſtabilivit & unxit nos vobīſcum, Deus eſt. Qui nos etiam obſignavit & ſpiritus ſui pignus dedit in cordibus noſtris* 2 Corinth. 1. v. 21.

10. Conferamus cum hoc loco alterum ad *Ephes.* 1. v. 13. *Ἐν ᾧ καὶ ὑμεῖς ἀκούσαντες τὸ λόγον τῆς ἀληθείας, ἐν ᾧ καὶ πιστεύσαντες ἐς φραγισμὸν; Ἐν τῷ πνεύματι τῷ ἀπαγγελίας τῷ ἀγίῳ, ὃς ἐστὶν ἀρραβὼν τῆς κληρονομίας ἡμῶν. In quo, Chriſto, poſtquam audiviſtiſti ſermonem veritatis, in quo poſtquam credidiſtiſti, ſigillo obſignati eſtiſti: Scil. Spiritu Sancto vobis promiſſo, qui eſt pignus hereditatis noſtræ.*

11. Duæ res heic à Paulo, re & temporibus diſtinguuntur, Acquiſitio fidei, & ejus obſignatio atque oppigneratio. Prima pars eſt in verbis, *ἀκούσαντες, πιστεύσαντες; Poſtquam audiviſtiſti, credidiſtiſti.*

Item *ὁ βίβλων καὶ χεῖρας ἡμῶν εἰς χεῖρ';* Priora dicta rem ſimpliciter, hæc modum & cauſam exprimunt, *fundationem & unctionem*, quæ fides à Sp. S. mentibus indita fuit.

12. Hac ipſa re commiſſa & collocata, ſequitur obſignatio in verbis, *ἐν τῷ σφραγισμῷ, ἐν φραγισμῷ.* Item oppignoratio, *ἀλλ' ἐν ἀρραβῶναις, ὃς ἐστὶν ἀρραβὼν &c.* comparatione deſumpta à negotiis contractis & eorum confirmatione per ſigilla & hypothecæ vel pignora in manus tradita, ſicut fert uſuſ hominum atque rerum quotidianus.

13. In emptionibus venditionibus, locationibus conductionibus, Stipulationibus, Mutuo, Donationibus, & ſimilibus ipſæ Conventiones ita differunt & diſtinguuntur à ſigillis atque pignoriſſibus, ut hæc ſæpius abſint aut poſtea ſubjungantur; Nec aliter in iſtis Pauli locis ordo verborum & analogia comparationis fert.

14. Ex bene dictis Marci Tullii eſt; nihil tam furioſum videri, quam verbis uti diverſis ſine diſtincto ſenſu; cujus rei exemplum videre licet in examine epiſtolæ Cæſaris ad ipſum, in his verbis; *Ut tuo conſilio, gratiâ, dignitate, ope uti poſſim: Operæ pretium eſt animadvertere, quomodo ſingula verba ſcrutetur, non ut hodiè quis in literis complementa civilitatis continentibus, quales erant iſtæ, verba negligentius effuſa putaret; nullam ſyllabam ſine proprio ſenſu fruſtra ab homine cordato ſtatuit eſſe poſitam* lib. 9. ad *Att. ep. xii. & ſeq.*

15. Nos autem Apoſtolum; ut volunt, qui nullum Spiritus S. teſtimonium à fide rationali diſtinctum agnoſcunt; in re graviſſimâ fidei, ſigilli, pignoriſſis vocibus ſine diſtinctis ſenſibus uti credamus? Sufficiat Scriptura, Verbum, Ratio illuminata, καχεσμεν ad Fidem accipiendam, quis tamen diceret, ſigillura

sigillum, quod imprimitur, pignus quod superadditur, à verbo & à Scriptura expressè intellectum non esse distinctum?

16. Sed qui hæc confundunt, præter quod ista & similia loca dictis inanibus eludunt, clarius, quinam & quales sint isti motus & quomodo à ratiocinatione discrepent, ab adferentibus exigunt. Si volunt clarius, quam in literis sacris expressum legitur, non habent rationem. Ibi vero Servator ait, ut modo intelleximus, *neminem eos motus scire posse, quam qui habet & sentit, Joh. 14. v. 17.* Paulus eos appellat *ἀνοήτους, ἄνευ νοῦ*, à nemine, quam à sentiente dijudicari. Calvinus noster, *omnes quidem pios illos ex- periri, sed longe infra justam rei explanationem verba subsidere* 1. Inst. 7. §. 5.

17. Discrimen equidem à Ratiocinatione perspicuum est in his, qui prædicatione verbi sine methodo rationali fidem amplexi, dein per Ratiocinationem illuminatam mysteria veritatis ita perspiciunt, ut eadem Spiritus efficaciam, quæ primum eos sine exactitudine disputandi, adflaverat, magis magisque confirmetur, in eaque longe validius acquiescant, quam solâ ratione freri facere potuissent; ut quæ vis in amplectenda fide prius illos adfecerat; hæc in retinenda & confirmanda, testimoniū loco sit efficacissimi.

18. Eo sensu Johannes unionem Spiritus in utrumque usum conjungit. *καὶ τὸ κλεινὸν εὐδαίμων ἀπ' αὐτοῦ ἐν τῷ πιστεῖ καὶ ἐν τῷ ἔργῳ ἔστιν, ὡς καὶ ἐν τῇ διδασκῇ.* Unctio, quam ab illo accepistis, in vobis manet, nec opus est vobis, à quoquam doceri 1. Joh. 2. v. 37. Quæ unctio inde à principio vim luminis præbuit, ea deinde testimoniū vel sigilli & pignoris usum præstare dicitur, eamque solam Johannes sufficere statuit ad municiendos fideles adversus seductorum cavillationes.

19. Eiusdem subsequentis testimoniū virtus evidens hodieque est in omnibus, qui vulgari institutione & ratiocinatione, dum adhuc erant in statu Naturæ, de verbi fideique divinitate ac veritate persuasi, dein Spiritu Dei vivifico induti Christoque devoti, mirificam exinde luminis in dijudicatione Spiritualium rerum accessionem, non modo in amore zeloque, sed etiam in interiore notitia veritatis ac mysteriorum experiuntur: Quod ut per omnem Christianæ pietatis doctrinam liquidissime diffusum est, ita placet uno illustrare exemplo.

20. Verba Christi, quibus *carnem suam esse vere potum*, non modo brevibus peremptoriisque verbis in institutione Sacræ Coenæ, verum etiam fusius & *περὶ τροφῆς*, imprimis in cap. vi. Joh. docet, per rationem solam nemo unquam rectè satis interpretabitur.

21. Pontificii *verbum* quidem hætenus ut *principium* lequuti, cum manducationem corporis Christi spiritualement non perciperent, interpretationem crassam & Christo indignam prodiderunt, nec penitus hanc imperitiam spiritualement exuere, qui transmutatione materiali rejecta, corpoream tamen presentiam amittere nequeunt. Nec quid illi fortasse, qui nil nisi tropum aut figuram in Christi verbis agnoscunt. Denique, nec usus Spiritualis vel attentionis hac parte satis esse videtur in hisce, qui manducare corpus Christi nihil aliud esse volunt quam uno verbo, in Christum credere; qui forte nec à proximè præcedente sententia recedunt.

22. Non posse quidem aliam fingi manducationem, quam quæ per fidem exercetur, fatendum & concedendum est: At nihilominus pro certo habendum, non omnia quæ per fidem fiunt, aliud nihil esse quam *in Christum credere*. Spes, charitas est per fidem, gemitus ineffa-

ineffabiles, & omnis habitatio Spiritus in fidelibus est per fidem, nectamen in illis omnibus nihil est aliud, quam uno verbo, *credere in Christum*.

22. Sed Calvinus hac de re scripta legenti non imperito ejusdem conscientiae, hoc inter alia exemplo patebit, quod in illo mirifice Lectori non impari passim ob oculos versatur; incredibile esse, quantum homini ratiocinatori, qualis ille prae multis aliis fuit insignis, è spirituali intimaque rerum salutarium experientia lucis suboriatur.

23. Adeo, nec ille demonstrare, nec aliis sine pari experientia persuadere potuisset, manducationem corporis & potationem sanguinis Christi esse rem exhibitam verèque non figuratè praestitam, cujus anima fidelis penitus fiat particeps, ut ipsius virtute in vitam Spiritualem vegetetur; non tantum, quatenus est sermo Dei aeternus, sed etiam eo, quod descendendo è coelis, vim istam in carnem indutam diffudit, ut inde vitae communicatio ad nos promanet, & sic ejus caro vere cibus & sanguis ejus verè fiat potus, quibus in vitam aeternam fideles educuntur.

24. Sacramentum quidem coenae non facit, ut Christus tum primum incipiat esse panis & potus vitae; sed dum per symbola revocat in memoriam, se panem & potum vitae esse factum, simul istius panis ac potus gustum & saporem praebet suis, ac ut vim utriusque alimenti sentiant, arcana virtute sua perficit, quàm se pasci & vivificari, saepe cum imo medullas ipsas penetrante sensu divinae bonitatis atque gustu praesente effectoque non transitorio, sed robur in futurum animumque addente, persentiscunt.

25. Nec Calvinus hac ratione mediam inter Lutherum & Svinglium insistere viam in mentem venisset, neque piis haec interpretatio sedere potuisset, si

nullum quam rationis lumen in his veritatibus indagandis & dijudicandis sequuti fuissent. Nec quisquam ejus manducationis interno sapore non percepto, aliter in animum inducere potest, quàm verum esse, quod Pontificii tenent, illusionem inanis argutiae, nil nisi verborum sonos dantem, à Calvinus esse excogitaram.

26. Praeter hunc gustum adhuc in verbo Dei duas excellentes Spiritus sancti operationes à Rationali certitudine fidei, quae per eam obsignatur & oppignoratur, distinctas invenimus, quarum altera vocatur à Paulo *τὸ ὑιοθετικὸν πνεῦμα* *spiritus adoptionis*, alteram vocat Petrus *ἡ χαρὰ τῆς ἐκκλησίας καὶ διδασκαλίας* *exultationem gaudii ineffabilis & glorificationis*; quae ut verbis distinctis exprimuntur, ita motu quoque & sensu non tantum consolationis, sed & maxime certitudinis fidei (de rebus ad salutem necessariis loquimur) in animis fidelium differunt; etsi quadantenus concurrere non posse non sit statuendum.

27. Ob signationis & pignorationis usum conjungimus, & tamen distinguimus, quia Spiritui sancto conjunctim & rursus distinctè visum fuit eas efferre, sicut intelleximus; propterea quod eodem fere motu sensuque filios Dei afficiunt, verum *figilla* dicuntur, quatenus *τοῖς πιστεύουσιν*, *iis qui credidero*, ferme in suis initiis immittuntur, quemadmodum figilla inde statim à principio, vel haud diu postea solent actis inprimi: *pignora* vocantur, quatenus eorum viva memoria vel repetitio gratiosa certitudinem inconcussam fidei acceptae, cui tanquam pignori dato tantisper incumbant, fidelibus praestant.

28. De Spiritu adoptionis habemus duo loca Pauli Apostoli *ad Romanos*, c. 8. & *ad Galatas* c. 4. quae utcumque satis nota, non erit inutile denuo conferri.

ἔλαβεν πνεῦμα υἱοθείας, accepisti spiritum adoptionis, ait ad Romanos. Ad Galatas, ὅτι δι' ἡμῶν, ἐκπαύλας ὁ Θεός; τὸ πνεῦμα ὃ ἐν ἡμῶν αὐτῶν εἰς ἡμᾶς κληθεὶς ἡμᾶς. Quoniam filii estis, emisit Deus spiritum sui filii in corda vestra; Utroque loco facit oppositionem hujus status & spiritus filialis adversus statum & spiritum servitutis, quæ sub lege fuit, cujus differentia explicatio non est hujus loci. Hoc magis ad rem presentem pertinet, quod ait, quoniam estis filii; supponit, eos esse filios, facti sunt tales per fidem, cujus gnari sunt per fidei receptæ conscientiam, dicamus, rationalem illuminatam. Insuper emisit Deus hunc suum spiritum filialem, qui hoc liquidius eos edoceret; ut exinde jam statim notitia & certitudo duplex intelligatur; una, quæ est ex collectione Fidei rationali; altera, quæ est ab hoc spiritu in eum finem ἐκπαύλας, specialiter scilicet, εἰς τὴν κληθεὶς in corda foris emisso.

29. Notabilis idem ex effectis elucet, ἐν ᾧ κληθεὶς, ἀλλὰ ὁ πατήρ, in quo spiritu vociferamur, ἀλλὰ ὁ πατήρ, sunt verba in græco exotice vernacule ὁ πατήρ, ex qua exquirat ad significandam efficacius illam Θεὸς βίω, illam vim supernaturalem, quæ cum indicibili tenerrime fiduciaque infantili tum mentibus adfunditur; ut deficientibus verbis, erumpant in suavissimam compellationem atque in amplexum desinant. Nec mora, quin tam blande citatus ille Pater amoris sui sensum πάντες ἐκτρέφοντες ὅτι omnem vim mentis superantem benignissimè reflectat animisque eorum infuset. Atque hæc est ejusdem spiritus responsio: Ἀλλὰ τὸ πνεῦμα, Spiritus idem, qui clamaverat, ἀλλὰ πατήρ, συμπαροῦνται ὅτι ἐν ἡμῶν τίκται Θεὸς; reflexus scilicet contestatur, nos esse filios Dei; non vocemissā, de qua nihil in verbo hactenus, &

quā nihil opus; verum sensu penetrantissimo acceptatæ nuncupationis paternæ, cum certitudine fiduciaque mirificā conjunctæ, ne tralatitiam & rationalem fiduciam hic animo concipiamus intelligi. Nulla tamen hec ἑκπαύλας, nulla mentis alienatio: quid enim? Συμπαροῦνται τὸ πνεῦμα τὸ ἐν ἡμῶν κληθεὶς, Contestatur Spiritus, ille qui clamabat, Spiritui nostro.

30. Sunt igitur duo Spiritus in actu & in operatione distincti, mutuoque se adficientes apud fidelem, ne Paulus idem ad Corinthios adfirmans à se ipso discrepet, ὁ κληθεὶς, vociferans, ita se ipsum deporat Sp. S. καὶ ὁ ἡμῶν, & spiritus noster, qui hoc persentit, hoc sibimet applicat, & dum intentus verbo rationibusque fidei, tam excellenti gratiæ divinæ sensu fruitur, supra omnes dubitationum nubes evecta, sigillum illud veritatis impressum sibi, pignoris vice complectitur atque custodit. Si quis hac Revelatione, qualis optimo jure dicitur, fidelis postea tanquam principio velit uti ad alias veritates salvificas, (nam extra negotium salutis id non extendimus aut urgemus) colligendas, fieri potest oprime, neque fiet hoc per modum naturalium perceptionum, vel idearum comparisonem atque connexionem, quam mens suā naturali facultate componit, ut nostri Patroni solummodo fieri volunt, sed immediate ē testimonio Spiritus sancti; quemadmodum Paulus in dicto à Romanos loco instituit, cap. 8. v. 16. 17. E contestatione Spiritus, quod sumus filii Dei, colligit ita immediate, Εἰ δὲ τίκται, ἐν ἀποκατάστασι, ἢ filii, ergo heredes. Atque ita videmus, dari quoque principium veritatis explorandæ diverſum à Ratione rectā, idque Spiritum adoptionis prestare validius quam ulla Ratiocinatio connectere atque persuadere possit.

31. HÆC de Spiritu adoptionis è duobus illis locis καὶ πῶς, verbotenus & ὁραματικῶς ad oculum pro modulo hujus instituti demonstrata sunt. Altera Spiritus sancti operatio in cordibus fidelium, è qua juxta consolationem de statu proprio, fidei cernitudo absque Ratiocinatione confirmatur; est *Exultatio gaudii ineffabilis & glorificati*, de quâ plenæ sunt literæ Dei; sed non occurrebant vivaciora verba quam sunt hæc Petri, 1. Pet. 1. 7. 8. ἵνα τὸ δοκίμιον ὑμῶν τὸ πίπας ὁρῶν ἐν ἀπακαλύψει Ἰησοῦ Χριστοῦ, ὃν οὐκ εἶδότες ἀγαπήσατε, εἰς ὃν ἀρετὴ μὴ ὁρώμενης, ἀγαπησάμενοι χαρὰ ἀνεκλάλητον καὶ διδοῦσα ἑαυτὴν. Ut probatio fidei vestra reperiatur in detectione J. C. quem non videntes, sed credentes, exsultatis gaudio ineffabili & glorificato. Το δοκίμιον πίπας, est probatio per ignem persecutionum, in quarum medio sustinentur per fidem absque visione; sed ejus loco immittitur à Spiritu sancto gaudium ineffabile, in eoque exultatio glorificata.

32. Non habetur hic, infundi à Spiritu sancto? At Gal. 5. 22. Rom. 15. 13. ἐν καρπῷ τῷ πνεύματος ἡ χαρὰ; Gaudium est fructus Spiritus sancti. δύναμις πνεύματος ἡ ἀγάπη; Potentia Spiritus sancti. Unde ἀγαλλίασις exultatio in medio luctu, ut in vers. 6. λυπηθῆντες ἀγαλλιάμενοι, Tristitia affecti exultatis? idque ἀνεκλάλητον χαρὰ ineffabili lætitia; ne putes effectum esse naturaliter ortum è consideratione immensi boni, quod fide apprehenditur. Hoc quidem erigere & firmare potest animum ad constantiam in adversis præstandam: at ipso actu exultationem indicibilis gaudii in medio mœrore, sæpe nulla consolationis expectatione, non præstat; divinitus illud, immediatum sit oportet, imprimis, si cogites διδοῦσα ἑαυτὴν χαρὰν; gaudium non simpliciter gloriosum, sed ut vox habet, glorificatum, elatum, affusum gloria; quatenus

Spiritus eos velut in sublime raptos luce sua Cælesti (à corporeis tamen oculis aliena) circumspendet, verba Cl: *Witsii* acon. fœd. 3. 11. 44. Cujusmodi adfusiones repentinas non modo sæpe martyres in tormentis aut eorum expectatione, sed & alii fideles in maximis animorum angustiis haud rarò experiuntur.

33. Nam ita fere se præbet hac parte Spiritus, quo majus sit τὸ ἀπεργασθῆναι, hujus gloriosæ exultationis, ut cum mens fidelis quassata tentationibus, dubitationibus & derelictione spiritali, ruentibus super ipsam ratiociniis suis, perdere sese & absorberi videtur, intenta verbo salutifero operique Dei unius & trini in negotio salutis, atque à JESU tenuissimo quasi filo pendens, ut runc aliquando derepente mersum tenebris animum occupet lux & indicibilis lætitia quâ velut in cœlum raptus mirifice ad Deum laudandum & glorificandum excitatur, attollitur, inflammatur, impletur laude gloriaque Dei, non jam credens aut Ratione percipiens, quod præ hac luce tenebrosum & nauci est, sed videns & palpans id de quo Rationes non potuerant eum reddere securum aut animo tranquillum. Simul clarius infinito quam capiat ulla Ratio, sentiens, vim cœlestis beatitudinis atque lætitiæ omnem, in Deo laudando & glorificando exorsum neque consumptum iri.

34. Sed verissime dicitur hæc ἀγαλλίασις, id quod est in hac vitâ, exultatio, quam brevi actu vox indicat transmitti, atque ita plerumque paucis momentis absolvitur, & in pacem animi que serenissimam tranquillitatem definit, atque transfunditur. Non est ea tum proprie facultas τὸ κραζέειν Ἀββὰ ὁ πατήρ, neque momentum, quo dicit arida mens, se repente melle medullæque pasci; licet utrumque fiat aliàs & multò sæpius usu veniat, quam hujusmodi exultatione

glorificata, ut ariditas spiritus sic subito in abundantiam mutetur. Sed in hac exultatione, lætitia ineffabilis & plena gloriæ sic rapit & occupat omnem mentis & cogitationum facultatem, ut nullam dubitandi speciem recipiat, nubeculamque admitrat nullam; nec unquam evidentius, ejusdem Petri sententiæ vis & τὸ ὄντως apparet, qua fideles ait τὸ θείας φύσεως ἕνωσιν ἔχουσιν, *Divina participes naturæ fieri*, ep. 2. c. 1. v. 4. quam in his momentis; attamen semper hætenus αἰδῶ ἰκνύσται, *sine mentis ullâ alienatione*, bene dum sibi & proprio spiritui constant.

35. Hæc Petri verbis insunt, ita experti hodieque testantur, & modo semel ea frui contigerit, ejus viva semperque recens & præsens memoria sigilli atque pignoris usum, circa τὸ δακτύλιον τὸ πῖγμα, quod Petrus appellat, non modo consolationis ergo, sed & maximè, inquam, circa veritates fidei suavissime solidissimèque præstat; tempore quidem Petri sæpius & copiosius, ut nunc res & funesta loquitur experientia, satistamen adhuc dum frequenter & evidenter (ut qui animas perite tractant, adfirmare non cessant) ad omnem animi dubitationem, quæ adversus Rationes sæpe moventur, auferendam: Maxime, quoniam hoc u-

trumque sigillum Spiritus adoptionis & Exultationis glorificatæ, temporalibus & defectibus à Spiritu, cum quibus τὸ δῶρον τὸ μέλλοντος αἰῶνος, *dona futuri seculi* & superficialia gaudia quandoque communicantur, nusquam adscribantur, quo majorem ejus consolationem atque certitudinem esse consentaneum est.

36. Non habuimus in hoc capite rationem eorum, qui pignus & Sigillum Spiritus sancti, de quo Scriptores sacros *suprà* loquentes audivimus, ajunt esse Virtutes & opera fidei receptæ consentanea; quia satis è verbis superiuseductis liquet, Pignus & sigillum illud omnino esse distinctum à virtutibus & bonis operibus; Quia virtutes non sunt aut dicuntur, ipse Spiritus; sed fructus ejus & sequela: Pignus autem & sigillum, de quibus priora loquuntur loca, sunt & vocantur ipse Spiritus Sanctus d. cap. 1. ad Ephes. 3. ἵσθι ὅτι ὁ πνεῦμα καὶ τὸ πῖγμα. De virtutibus ac bonis operibus inde loco diverso Apostolus in cap. 2. agere instituit. Pignus & sigillum, de quo loquitur immediatè mentibus adhibitum designatur; ut plane diversi generis sit à virtutibus & bonis operibus, è quibus alioqui argumentum ad demonstrandam probitatem fidei, rectè peti non ignoramus.

C A P. VI.

In quo occupantur adhuc objectiones quædam, & locus concluditur.

Quam varie pro temporibus se habuerit hæc doctrina de lumine testimonioque Spiritus Sancti. Obsectio, quod operationes Spiritus, quas pii præferant, sint è motu sanguinis & imaginibus cerebro impressis, remouetur; & demonstratur, eos motus sæpius euidenter absque ullâ collectione prævia & sine ideis antea impressis oriri. Remouetur & hæc obsectio, quod isti motus laudati non tam sint informationis & doctrinæ, quam consolationis. Limitationes quædam & cautiones sententiæ orthodoxæ adjiciuntur. Denique, in fundamentum ejus, quod Rationales adfirmant, non posse aliud apud hominis conscientiam esse, quam Rationem, inquiritur.

Non dubito, quin haud desint, qui me cucurbitas pingere, quam talia Tractatui *de Jure Civitatis* inserere malent. Sed hi velim credant, esse rationes, quare id ita consulendum fuerit, & si respiciant ad finem præcedentis initiumque præsentis sectionis, nihil ab operis argumento alienum, nisi forte modus expectationem superet, esse commissum videbunt: In modo autem extendendi locum Theologicum in hac arte usu venientem, cum Hobbes longe sit hac parte prolixior, nihil habere nos excusandum, maxime si genus utriusque comparetur, æquus lector, facile arbitrabitur.

2. Sufficit nobis, animi nostri constare sententiam, nec pudet magistri; etsi quæ protulimus ab hujus temporis non modo philosophiâ, sed etiam forte prævalente Theologiâ satis aliena visum iri non ignoramus.

3. Primi Reformatores de Testimonio Spiritus Sancti, pro divinitate Sacræ Scripturæ, tam diserte & signate loquuntur, ut ejus à Ratione differentiam non modo è sacris literis hausisse, verum e-

tiam usu vivâque experienciâ percepisse manifesti sint, eaque in multis ad extrema usque tempora duravit accuratio.

4. Non pauci deinceps eandem sequuti disciplinam eodem quidem modo loqui perseverarunt, ut tamen longè minus *αὐθαί*, & signatè de operationibus immediatis agere visi sint, nec fere aliud quàm ipsos terminos & hypotheses, quas Pontificiis & auctoritati Ecclesiæ opponerent, præferre soliti fuerint.

5. Qui nostro tempore novam dubitandi & ratiocinandi methodum ad literas sacras produxere, *τῆς καθόλου λόγους*, ut Aristoteles ait, *καὶ ἀπὸ τῶν*, generalia ista vana crediderunt, neque plane quicquam in homine præter Spiritum hominis, id est, mentem & Rationem cunctis hominibus inditam inesse statuerunt: Solitique nihil pro vero habere, nisi quod clare & distincte perciperent, veteres Theologorum loquendi modos, de Testimonio Spiritus S: missos fecerunt, & Rationem pro unico Principio cognoscendi in sacris habere ceperunt.

6. Hactenus quidem jure meritoque;
Bb 3 nihil

nihil quam Spiritum hominis λαβόντες, quod nullum aliud cognoscendi principium agnoscendum putarunt. Proinde quid aliud fieri poterat, quam ut scripturam eo modo interpretarentur, ut nihil quod ipsi non sentiunt, in ullo mortali inesse contenderent, & alium in piis habitantem Spiritum laudantes fidenter *enthusiastae* pronuntiarent?

7. Fit hoc convenienter ei, quod nunc evertendis plerisque Fidei mysteriis, quorum hoc è minimis non est; adhibetur, ut præjudicia claræ & distinctæ perceptionis, quæ certissime nihil in se quam Rationem percipiunt, Sacræ scripturæ interpretationes occupent, prævertant atque pervertant.

8. Sed ajunt, illos motus piorum, qui Spiritui Sancto quasi illis adfusi tribuuntur, aliud nihil esse, quam vivaciores sanguinis & Spirituum animalium impetus & eruptiones, quos illi opinionis errore pro immediatis Spiritus Sancti operationibus accipiant ac imaginentur, quemadmodum vis imaginum cerebro impressarum juncta subitis spirituum & sanguinis motibus, hominum credulitatem mirificè potest & solet adficere, ne quid de subtiliore mali genii concursu dicatur.

9. Nec id quidem negat quisquam, etiam in religionis exercitio multis usu venire modis. Nec tamen ideo, quod aut imaginationes aut imposturæ hominum geniorumque, similitudine motuum divinorum fallunt, veritati adeo in sacris literis testatæ præjudicandum; nec quod simulatores aut fanatici insaniunt vel sibi aliisve imponunt, ideo vera solatia verè piis & sanæ mentis Dei cultoribus subtrahenda fuerint.

10. Quanquam etiam Spiritus Dei, sicut mentem, id est, Spiritum hominis, quod Paulus docet, certiores facit, ita ministerio spirituum animalium, quæ

menti serviunt, utitur ad affectus se dignos in homine excitandos; nulla causa tamen est, ideo negandi, causam eorum motuum esse à Spiritu Dei immediate, ut literæ Sacræ de gemitibus καλῶς aliisque adfirmant.

11. Modo adsint notæ, quæ certe non desunt, quibus veri Spiritus divini motus à spuriis discerni queunt; si non aliter quam ad exitus fidei ac intentis verbo animis eveniant, nec quicquam in iis quam literis Dei bene conveniens & ad ejus gloriam pertinens exhibeatur.

12. Si quis tamen adhuc inde non liquere contendat *immediatissimum*, nec aliud in illis motibus inesse, quam effectum meditationis verbi dudum percepti, cum rationali collectione & collatione idearum sive imaginum in memoriâ inde præexistentium, vi voluntatis sive decreti divini factâ, nec adeo nihil hætenus inesse putet in homine quam Rationem & affectus, is sic habeat.

13. Præcipuos & excellentiores illorum motuum, de quibus in *cap. præcedenti* actum, sæpius evenire piis, evidenter absque ulla collectione præcedenti, nec *ideis* in mente versantibus aliis, quam diversis aut contrariis. Plerumque enim incogitantibus, in *maximis humiliationibus & angustiis* nihil tale præstolantibus offeruntur, ut omnes qui hac de re scribunt & loquuntur, adfirmant, nominatim Interpretes Belgæ ad *cap. 8. Rom. v. 15. n. 19.* & nos supra ex Apostolo demonstravimus. Adde Cl. Spanhem *Theol. elencht. ubi contra Rational &c.* Cl. Wits *in dissert. Epist. huj. argum. n. 7. & seqq.* Præter quod experti non temere dicent, ipsum genus & sensum, ab adfectibus & passione mentis à Spiritibus animalibus ortis differre evidenter & clarissime.

14. Sed videndum, ne non ἀνευλογιστῶς insimuletur, quod nos ea quæ consolation-

solationis esse videntur; ad quæstionem de principio cognoscendi, retulimus; cum alia informationis, alia consolationis usum in hoc genere motuum extraordinario obtinere videantur.

15. Ad hanc objectionem nostra sic est ratio. Pertinere ea primò ad refellendum, quod dissentientes volunt; nihil esse vel dari posse apud animum hominis quam rationem: Secundo ad id, quod dicunt, Scripturæ divinitatem aliunde, quam ex ratione constare non posse, quod non tantum à principio, sed etiam ex eo quod postea fit, aliter intelligi potest & supra demonstratum est.

16. Ex eo videlicet, quod etsi motus isti Spirituales immediati, consolationis usum præbeant maximum, tamen etiam intentis verbo salutifero anxiiisque animabus oblari & exhiberi, Auctorem Deum ita loquantur & laudent; ut de veritate fidei, quam conceperunt & divinitate verbi, quod intellexerunt fideles, nullo modo ambigere possint; adeò ut veritatibus ipsis certius & validius cognoscendis & dubitationibus à ratione maloque genio objectis hæc quoque figilla & pignora plurimum conferre manifestum sit; eodem modo, quo figilla & pignora nihil quidem addunt novi rerum gestarum notitiæ, sed earum tamen fidem valide confirmant & addunt securitatem.

17. Unde simul intelligi potest, ejusmodi alloquia & testificationes Spiritus S. piis mentibus factas, posse quidem illis adfundere & augere certitudinem de Scripturæ divinitate & veritate Christianæ religionis universæ; sed non posse eandem certitudine singulis capitibus, nisi quatenus ad salutem necessaria sunt, aut singularem locorum interpretationibus, vel exquisitis difficultatibus applicari.

18. Quanquam hoc esse remotum à facultate Spiritus Dei, vel eam partem operationum ejus hodie penitus ab Ec-

clesiâ vel fidelium conscientiis esse alienatam, nihil opus est statuere; sed excedit nostræ disputationis terminos; utique non esse ad talia facile descendendum, res ipsa & evidentia periculi satis declarat.

19. Denique totum hoc de immediatis Spiritus S. illuminationibus & contestationibus, ad alios convincendos vel edocendos non pertinere, sed ad conscientias eorum quibus eveniunt, instruendas & confirmandas duntaxat utiles esse, res etiam ultro loquitur; nec adeo illas impedimento esse, quominus quisque rationem Fidei suæ reddat iis, quibus eam reddere debet, jam antea demonstratum est.

20. Nescio, an nova de natura mentis, quod nihil quam *Cogitatio* sit, opinio, dederit occasionem huic indigno Christianismo Sententiæ, nihil hominis conscientiam adficere posse, nullum posse dari principium cognoscendi quam Rationem cunctis hominibus communem; ut toties adfirmari videmus ab his, qui non contenti dicere, quod nihil sit in homine quàm tali quam ratio, sed etiam quod nihil aliud esse possit ingeminant.

21. Si dicerent, illas adfusiones immediatas, si quæ sint, etiam esse cogitationes, & sic à mente quæ cogitatio sit, non discrepare, consequentiam tamen non obtinerent: non magis quam sequeretur, menti à corpore separatæ & tanto arctius cum Deo conjunctæ, nihil accedere novæ virtutis & facultatis; quemadmodum mens præcipuis & excellentioribus Spiritus S. adfusionibus, ad illum statum, qui mentium erit separatarum, quam proxime accedit; nec aliis contingunt, quam qui mentes à corporalibus & naturalium rerum ideis abductas habeant quam longissimè.

22. Facilius in eam quis opinionem concederet, non posse aliud esse in hominis

minis conscientia quam Rationem, supponere, non nisi unam esse Cogitationem; sic enim certè non posset alia esse cogitatio, quam quæ cunctis hominibus est communis: Cum quæ hypothese bene congruit id, quo, sine thesi illa priori nihil est verius, & quod illi juxta priorem thesin inculcant, *omnia esse plena Dei*.

23. Sed non magis id agimus, ut cuiquam negatas imputemus consecutiones, quam opinionem, quæ tam bene cum illa Sequela convenit, ut subvertendo Christianismo comparatam, detestamur; dum eandem ab his qui sacram Scripturam ludibrio habent, omnium primo adoptari & propagari videmus.

24. Sicut etiam ex hoc principio viam paratam esse videmus, in dubium vocandi atque negandi sanctissima fidei nostræ mysteria; cujus specimina deinceps ha-

buiumus, & juxta quæ tandem ita prævaluit reputatio periculi ex hac Thesi de Ratione solâ *adstruente* divinitatis S. Scripturæ, ut cum prius verbis ambiguis à Synodo tam vernacula quam exotica notata fuisset, disertè in alia Synodo Belgicâ condemnata sit, anno MDCXCII.

25. Quod superest, hoc operam demus, idque Deum rogemus ut fiat, quo per viam abnegationis virium rationisquæ naturalium & devotionis nostri, peccato mortui, nos regimini Spiritus Sancti ejusque operationibus idoneos & opportunos exhibeamus. Ita futurum est, ut discrimen utriusque Spiritus, Hominis & Dei, in ipsa veritatum cognitione, liquidò percipiamus, nec opus sit, clarissima Scripturæ loca super hoc fundamento Christianæ Religionis eludere, studioque philosophiæ *peripateticæ*.

SECTIO VII.

De formis Reipubl. & de Monarchiâ.

C A P. I.

De tribus Reipubl. formis.

Tres dari formas civitatis. Earum quæ sit præstantissima; quæstionem esse politicam. Obiter tamen pro Aristocratiâ & quidem laxiore disputatur, hac, imprimis ratione; quod in eâ liberrimum imperium sine periculo Tyrannidis & confusionis haberi posse videatur &c.

Actum est adhuc de Imperio Civitatis, sine respectu ad certam Reipubl. formam; cujus diversitas ad Summitatem Imperii, vel jura Summæ Potestatis nihil propriè confert. Verum tamen in singulis jura quædam propria sunt *consideranda*, quæ nonnisi distinctione Rerumpubl. juxta formas suas præmissa, collocari & intelligi possunt.

2. Unde pendeat distinctio formalis; ut ita loquar, Rerumpublicarum, à Politicis, ad quos hæc Quæstio propriè pertinet, variè disquiritur. Optima ratio esse videtur, quæ ab Imperantium numero petita, jam olim prævaluisse videtur.

3. Nam cunctas nationes & urbes populus aut primores aut singuli regunt. *Delecta*

Defecta ex his &c constituta Reipubl. forma laudari facilius quam evenire; Vel si evenierit, haud diuturna esse potest: scribit Tacit. lib. 4. annal. c. 33.

4. Nempe, si jura Majestatis ita inter diversos ordines distribuuntur; ut sua singuli non obstricti relictis seorsim exerceant, quæ de re agendum inferius.

5. Tres igitur sunt formæ civitatis, *Monarchia, Aristocratia, Democratia*; nisi addere placeat, Timocratiam, de quibus ordine agemus. Quæ autem ex his formis Reipublicæ sit præstantissima, disputare Politicorum est.

6. Forte in universum, nihil, quod singulis applicari queat Civitatibus, determinari potest; Quando quæ forma uni populo saluberrima videtur, ea sæpius alteri anceps aut gravis cit.

7. Scilicet, præstantiam non ex nobilitate aliæ excellentia, sed ex solâ *subjectionum utilitate* metiendam esse, ratio suadet.

8. Ut & illud; non esse querendum, quæ sit perfectissima; ut omnibus careat vitiis, sed quæ incommodu laboris minus gravibus & crebris, Reipublicæ forma.

9. Ita sine præjudicio faciendæ applicationis ad singulas in hypothesi civitates, videtur nobis Optimatum, merito præferri posse; Videlicet, eo sensu, quo supra Calvinus Theologus auctoritatem laudavimus, quam habes in lib. 4. *Instit. Christ. Relig. cap. 21. n. 2.*

10. Scilicet non quamlibet, sed ita constitutam Aristocratiam eligeremus, in qua nemo sit ex populo, qui non in tempore & in loco secundum ordinem Legis, Imperantium numero aggregari possit.

11. Insuper, ut non nimis exigua sit ille numerus, sed pro magnitudine Civitatis amplior, quam restitior. Rationem adducimus, quam tunc novam dicere possis.

12. Quia, quanto quæque civitas absolutius imperat, cum periculo quam minimo tyrannidis & seditionum, tanto Respublica præstantior habenda est. Hoc autem non de ejusmodi *Aristocratiâ*, quam modo descripsimus, adhiandum putamus.

13. Absolutam potestatem; duobus illis incommodis liberatam, Civitati salutarem esse, neminem recte æstimantem censeo negatorum.

14. Quippe, cum ad expeditam efficacemque rei communis administrationem, quæ sine dubio utilissima est, nihil quàm soluta impeditis agendi libertas, sit convenientius.

15. Eadem ad potentiam foris exercendam non minus efficax & utilis est; quo pertinet, quod Cardinalis Mazzarinius in epistolis suis postumis, scribit, in colloquio Pyrenaico sibi & Ludovico de Haro Hispaniæ Regis ministro primo, in eo convenisse, agentibus de Angliis, qui tum Protectores subiato, Rempubl. liberam moliebantur; Hanc bene stabilitam centuplo terribiliorem, idque sine exaggeratione, futuram, quàm Angliæ sub regno fuerat aut foret.

16. Quod et si paradoxum, non eget alio ad fidem faciendam argumento, quàm quod à Republ. Belgica sumere licet, Quæ sub Regibus nullo numero habita est in Europa; libera facta longe maximum in orbis terrarum rebus habuit momentum, adeo ut pacis & belli vices toto orbe Christianis ab ejus motu vel quiete, novissimis imprimis temporibus, pependisse videantur.

17. Sed in Regnis ideo, cordationibus populis displicet absoluta potestas, quia tam proclivis inde lapsus in tyrannidem est, ut à multis, et si perperam, pro ipsa Tyrannide habeatur.

18. Sed hoc periculum, in *Aristocratiâ*, ubi aliorum bonitas rectissimè alio-

rum refrenat, nullum aut perexiguum est.

19. Quò pertinet, quod Cicero, collegium Consulatus, etsi duorum saltem, ita singulorum impotentiam cohibuisse testatur, ut præter *Marium & Cinna*, denique *Pisonem & Gabinium*, nunquam mali Consules ambo extiterint; etsi de *Pisone* plus affectui quam judicio tribuisse videatur, ut ex *inorat. contr. L. Pis.* junctâ *Philippicâ primâ*, ubi laus *Pisonis*, liquet.

20. Decemviros aut Triumviros Romæ, Triginta Viros *Athenis*, non est quod mihi quisquam objectet. Extraordinariæ enim illæ potestates fuere, quas ratio & experientia testatur imprimis esse periculi plenas.

21. Præterea, in regniâ absoluta potestas suum finem haud perinde semper adsequitur. Quia populi & proceres sæpe Dominantes in exercitio *avaritiæ* suæ turbant, neque pati possunt, ut ab nutu unius omnia pendere videantur.

22. At in laxiore optimatum Imperio, non videmus ægre ferre populum, omnia cum liberâ potestate agi ab his, quibus Summa Imperii suo jure competit.

23. Aut si ægritudo non absit, motus tamen & destructio civitatis non facile contingit: Quia præcipui è populo, quorum ductu seditiones oriri debent, sunt vel participes Imperii vel futuri sperantur.

24. Quæ ratio est, quod nec de ho-

noribus tam facile tumultus nascuntur; ut in veteribus Rebus publ. ubi plebs & patricii perpetua familiarum non discreti, seorsim ad honores, altero ordine excluso, grassabantur.

25. Denique, facilius credunt populi, à se ipsis gestum videri, quod est actum ab his, qui ex ordinibus cunctis sui que medio ad Imperium evecti sunt.

26. Adeò, ut non pauci *Democratiam* formam jure primævo esse putent, quando Imperantes è populo promiscue sumuntur, quod tamen erroneum esse videbimus in loco.

27. Exempli fidem, si quis posulet; dabimus civitatem *Penestorum*, dabimus & Patriam & plerasque Belgarum civitates, in quibus est Aristocratia, sed admodum laxa, quæque specie Democratiz fallere possit, neque paucos taliter exteros & indigenas.

28. Haud temere alioqui sunt, qui arbitrantur in Imperio enormiter magno, quale fuit Romanum ultimis temporibus, vix aliter pacem, quam sub Unius imperio posse servari.

29. Sed hujus rei disputationem pleniorẽ, quæ non tam juris quam prudentiæ rationibus constat, à Politicis petendam reliquemus; etiam hanc considerationem, quod in medicis Imperiis plurimum potestas bene procedit, in magnis populis laborat ibique sere monarchiâ opus sit. Videamus singulas Species.

C A P. II.

De Monarchiâ & Condominis.

Spēciem primam Reip. esse Monarchiam, sive Regnum, à quo distinctum non videri Condominatum, cum plures in eodem Imperio singuli summam habent potestatem; quia pro plurium Imperio id haberi non potest, cum non sit collegium, nec pauciores plurium sententias sequi cogantur. Variæ Condominatus species aut magis modi enumerantur. Esse inter eos, quando Regina Virum Imperii facit participem, quod tamen in voluntario Imperio sine consensu populi fieri non posse. Quot modis uxor Imperatrix maritum habere possit. An femina Summis Imperiis rectè admoveantur.

Monarchiam esse unius imperium solo satis vocabuli argumento constat. Quod tamen ita præcile captari nolim, ut quotiescunque *plures in uno regno Domini exsistere*; toties Reipubl. formam mutari statuas, ut

2. Neque enim rectè existimaturus videtur, qui in Romano Imperio, si quando plures Augusti fuere, Principatum esse desisse contendat.

3. Cum enim longius illa societas Imperantium ab *Aristocratiâ* quam à *Monarchiâ* distet, consentaneum est, ut ab ea specie, cui proxima est, appellatio petatur.

4. Ita *Lacedæmoniis* duo Reges fuerunt idque Regnum vocabatur, nec non verum fuisset Regnum, si potestas vere summa fuisset. Præterquod extraordinariusque, ut ita loquar, *accidentarius*, ille plurium concursus plerumque sanè habetur.

5. Unde formas speculiares *Dyarchias* aut *Triarchias* in Artem introducere nec congrueret neque expediret; tamen si fatendum, *Monarchiæ* vocabulum tunc esse minus commodum.

6. Accedit, quod isti *Condomini*, ut hi, vel his similes à Germanis *Jētis* appellantur, non constituunt *Collegium*,

adeoque nec unus plurium sententiam sequi compellitur.

7. Nam ut hoc juris sit, opus est pacto. Condomini autem Imperium civitatis habent eodem jure, quo plures eandem rem sine tractatu societatis prò indiviso tenent.

8. Quo casu notum est, quemque liberum suæ partis arbitrium, nec reliquorum consensui obnoxium retinere jus suum l. 26. x. *Comm. divid.*

9. Ex quo apparet, quam sit fragile & anceps hoc genus Imperii, quoties vere summum est, ut fuit apud Romanos, cum duo tresve simul imperaverunt.

10. Nam ubi superior potestas penes populum ac senatum residet, ibi salubre institutum videtur esse, duos quam unum præficere summæ Reipublicæ; Quod exemplo Spartanorum Romanæque civitatis in Consulibus egregie approbatum est.

11. In exiguis quoque jurisdictionibus, sicut plerumque accidit in Germania, hoc genus communionis periculo magis quam incommodo caret.

12. Alioqui in magnis summisque Imperiis, oportet Condominos alterumve ex illis summa moderatione vel indu-

stia prædictos esse, veluti *Marcus* cum *Vero* comparatus fuit; Aut Imperium in partes subjectivas dividi necesse foret.

13. Quod vel ita fieri potest, ut secundum administrationem duntaxat partitio fiat, quod fecere *Dioletianus* & *Maximianus*. Vel ut Civitates omnino distinctæ constituantur, sicut postea Imperium Romanum in orientale & occidentale discessit; quanquam hi tum desinunt esse Condomini, & tantisper singuli, verèque monarchæ sunt.

14. Vices quoque imperandi constitui possent: Aut si nihil horum, tum fieri debet, quod *Pyrrhus* ad filios suos; regnaturum dicebat eum, cujus acutior foret gladius, teste *Plutarcho* in ejus vita.

15. Quomodo *Caracalla* & *Geta*, fratres, cum viam concordie divisionisque frustra tentassent, dirempti teguntur; *Geta* per fratrem in sinu matris *Julie* confosso; cum quidem illud divisionis consilium in Orientale & Occidentale, de quo fratres deliberaverant, magno nisu turbasset, oblato corpore suo, ut id prius partirentur, filiis ea de re serio cum amicis agentibus, narrante *Herodiano*, lib. 4.

16. Porro Condomini sunt, primo Hereditate, cum in ditione patrimoniali plures liberi pariter succedunt, idque ab intestato, vel dispositione ultimi regnantis, ubi hoc ius Principibus competit.

17. Secundo, electione, quando plures cum summa potestate singuli constituuntur, eaque vel est à populo, vel à Principe Collegam adsciscente, ut in Imperio Romano sæpius accidit.

18. Vel denique mixto jure, ubi primogenitura quidem obtinet, sed primogenitus ad regnandum ineptior à Proceribus aut à populo extra ordinem fratrem aliumve collegam accipit, ut his diebus usu venit in *Moscovitis*.

19. Etiam, etsi diversa ratione mixtura, apud Anglos & Scotos, ubi *Wilhelmus* & *Maria* singuli summam potestatem in solidum acceperunt, jure quidem electionis, successorio tamen hæc præcui.

20. Habent, inquam, singuli summam potestatem; in hoc quippe diversitas hujus regiminis à *polyarchia* consistit, quod optimates, ut universas, Imperium accipiunt; Unde singuli pro subjectis habentur, & sunt revera numero subditorum.

21. Quod de Condominiis istis nullo modo intelligi potest. Proinde cum ab *Aristocratiâ* sint prorsus alieni, non est, quod aliò quom ad Regnum referantur.

22. Operet igitur in Electione diversè exprimatur, singulos soro Augustos: Nam Imperio simpliciter pluribus delato, non singulis, sed ut universi summa potestas delata intelligitur; velut *Decemviris* Legum condendarum, & *Triumviris* Reipubl. constituendæ causa, utrisque apud Romanos.

23. Eadem fere species per feminæ regnatricis nuptias contingit, Quando maritus ut particeps & collega imperandi adsciscitur; Quomodo *Ferdinandus Arragonius* cum *Elisabethæ Castellaniæ* fuit conjunctus.

24. Quod tamen non aliter quam populo consentiente in regnis voluntariis fieri potest: Excedit enim id notissimos Voluntatis, qua delatum est Imperium certæ familiæ, terminos, & quidem magis quam si Princeps post mortem de imperio disponat.

25. Multo fortius dicendum, populi consensum esse necessarium, si Regina se exercitio Imperii exere totumque viro committere velit. Utroque enim casu Vir summam potestatem vere consequitur, illic ut socius, heic etiam solus.

26. Quanquam utroque casu revocabili, sub conditione morientis ante ipsum

ipsum Conjugis. Maritus enim ubi esse desit, jus quoque tanquam marito delatum finiri consentaneum est.

27. Cujusmodi tamen conditio temporalis non impedit, quominus Imperium æque sit Summum, ac si perpetuum foret, quemadmodum antea diximus *sect. 3. c. 2. n. 40.*

28. Cæterum, potestas maritalis, quæ juris Gentium fertur, in priore casu, vix est ut effectum habere possit; Nisi quatenus mulier, etsi jus imperandi non abdicaverit, administratione tamen, honore contenta sponte abstineat, ut fere *Elisabeth Philippi* juncta *Alberto* in Belgis.

29. Aliquando Condominatus ita ab initio constituitur, ut actus primus & signatus utriusque sit in solidum, actus secundus & exercitus apud unum: quod singulari exemplo placuit in *Anglia*, ut Rex præfens habeat solus facultatem Summæ Potestatis, eandem Regina, dum Rex abest, sola jure proprio teneat.

30. Multo evidentius cessat matrimonii Lex, cum Regina totum & jus & exercitium Imperii sola reservat, nec aliud quam Regis titulum viro impertitur. Quomodo *Johannæ Neapolitanæ*, & forsitan *Mariæ Britannæ* suos maritos habuerunt, utique *Scotica*; Nam de *Maria Angliæ* paulo aliter videtur.

31. Tali casu, maritus non dispari jure utitur, quam *Augustus* apud principem Romanum, estque subditus uxoris suæ Vir, quod aliquando male cedit iis, ut *Andrea Neapolitano* & *Henrico Stuarto*, qui uterque ab uxoribus non modo regia potestate privati, sed & medio vitæ sunt sublatis, si fides *Historiæ* dix. *Hist. civ. tom. 1. ad ann. 1250. c. 3. & tom. 2. ann. 1588. c. 13. n. 4.*

32. Sed est ne juris, ut *Feminae* Summis Imperiis admoveantur, quas Deus & homines ab omni publica administratione tam in Ecclesia, quam in Republ. voluit exclusas, & quas naturalis pudor ac infirmitas ad parendum potius quam ad imperandum creasse videtur?

33. Respondeo, Jus Naturæ & Gentium non excludere feminas simpliciter ab omni Imperio, ut apparet in matribus-familiarum, quæ in liberos & servos utcumque magno numero, habent potestatem, item in pagos ditionesque hereditarias; sed ubi cum viris concurrunt, cæteris paribus, excluduntur, ut in imperiis Domuum, viris existentibus, & Magistratibus, ad quos viri semper haberi possunt. Eodem modo in Summis Imperiis, postponuntur viris, cæteris paribus. His in familia regnatrice deficientibus, non excluduntur, nisi lege positiva.

CAP. III.

De Speciebus Monarchiæ, ubi de Dominatu & Imperio violento.

Regnum heroicum, Æsymneticum, Laconicum, non esse distinctas regni species, quod ad juris rationem attinet. Nonnisi duas esse tales, Regnum, *ἡγεμονία* & Dominatum, *ἀριστοκρατία*. Definitio utriusque & differentia. Possesse & justum esse Dominatum. Quo jure subditi bello victi ad obsequium obligentur. Nullâ in re Despotas videri populis obligatos, nisi, ne totam perdant civitatem.

Species *Monarchiæ* plures numerant *Sext Aristotele* Politici, sed plerasque ad juris diversitatem non pertinentes. *Aristot. l. 3. polit. s. 10. & 11.*

2. Nam *Heroicum Imperium*, quoad regnum evehuntur hi, quos spectata inter bonos moderatio & valoris ac virtutis reputatio commendat, quales initio rerum hominumque Reges esse creatos volunt antiqui, jure potestatis nihil ab reliquis discrepat.

3. Nihil magis *Æsymneticum regnum*, quando ad tempus aliquis summæ Reipubl. præficitur. Quia pridem ostendimus, durationem temporis non variare speciem summæ potestatis, modo acta imperantium intra suum tempus infirmari nequeant.

4. Quare & *Dictatores* magis est, ut nos pro *Monarchis* habeamus, non minus quam *Decemviro* pro *Aristocratia* summâ; quanquam eorum potestas non semper integra conservata est, partim facilitate ipsorum, partim importunitate populi, ut diximus *sect. 3. c. 2. n. 47.*

5. *Legitimum Regnum*, quod *Legibus* subiectum & *Spartanæ civitatis* exemplo *Laconicum* dicitur, tale denotat est nomine tenus, reverâ constituit *Aristocratiam*.

6. Non quia Reges erant duo, sed

quia domi magis *Præfides Senatus*, foris nihil quam *Duces belli* erant. Prorsus ut hodie dux *Venetorum*, aut potius, ut *Arausioenses* in *Belgio* *Principes*.

7. Quâ comparatione liquet obiter, ejusmodi *Ducatus* quamvis perpetuos, cum libertate populari vel *Aristocratica* non male convenire, posito habili situ *Reipublicæ*; nam est etiam, ubi res secus evadit.

8. Nobis igitur plures *Monarchiæ* non sunt considerandæ, quam hæc duæ, *Regnum* & *Dominatus*, sive *Imperium*, ut *Aristoteles*, loquitur *ἡγεμονία* aut *βασιλεία*.

9. *Regnum* verum & plenum est, ubi *Princeps* habet summam & liberam potestatem, faciendi in civitate quod e re communi videbitur, *salvâ tamen civium libertate & proprietate rerum*.

10. Plane de his illa obînia prædicare licet, quæ *superius* de efficacia *Imperii* voluntarii & simpliciter delati, denique de jure summæ potestatis nullis legibus obfesso fuisse disputavimus.

11. Existere igitur hanc regni speciem putamus, ubicunque potestas civitatis uni homini sine modo, sine conditionibus, voluntate civium simpliciter defertur.

12. Quemadmodum *Lege Regiâ* in *Cæsa-*

Cæsares Romanos, ut Jurisconsulti tradunt in l. 1. *de Constit. Princ.* & nostro tempore Danicum regnum ex electivo & legitimo factum est absolutum & arbitrium Solenni Ordinum populi consensu.

13. Nec aliter hodieque regnum Francorum haberi videmus, præscriptione tamen magis quam jure primævo, quod etiam fuisse legitimum docuit Hottomanus in Franco Gallia.

14. Cæterum, promissio Regum, quod juste imperaturi sint, nihil juris addit civibus, ex quo potestas regnantium mutetur aut restringatur, sed hoc Speciale & exceptum esse oportet; Generalis ejusmodi promissio regnantium animos duntaxat obstringit, ut ante-hac demonstratum est.

15. *Dominatus* finitur, quod sit Imperium, quo Princeps sibi subjectis, ut paterfamilias servis imperat, omniumque, tam quod ad res quam corpora attingat, Dominus existens, actiones publicas ad suam præcipue utilitatem dirigit.

16. Differentiam ejus à Regno ex definitione triplicem colligimus. Primam, quod *proprietas bonorum, quæ singuli possident, ad Imperantes pertineat.*

17. Alterum, quod *personæ subditorum dominio Principis ita subjectæ sunt, ut servitio illarum uti, deque vita ac nece disponere possit; Idque promissæ, arbitrariæ potestate, causæque etiam indici.*

18. Non quod vitæ immerentem justè exuere possit, secundum id quod justitiæ ratio *intrinsecus* dicat: Sed quod ex causâ jure Gentium valida habeat *externam* ita agendi facultatem, de quo discrimine juris diximus in *sect. 2. c. 1. n. 14. & sect. 2. c. 3. n. 11. & seqq.*

19. Ex his tertia resultat differentia, à fine diverso petita, qui est in Regno

civili originaliter, *utilitas subditorum*; Quoniam illa sine commodo Imperantium obtineri non potest.

20. In *Dominatu* originalis scopus Imperii stabilitas, est *utilitas Regnantis*. Quæ nec ipsa tamen absque commodo subditorum potest custodiri.

21. Ex his reliquæ differentiæ, inter Dominum & Rectorem, servos ac cives, de quibus *Claudius* ad Meherdatem apud *Tacitum*, 12. *annal. c. 11.* quæque similia, per se intelliguntur.

22. Causam hujusmodi Imperiorum primam vix aut rædò, nec tamen nunquam esse, *Voluntatem liberam* populorum, sed plerumque vim aut necessitatem diximus, *d. cap. 3. n. 11. &c.*

23. Nec tamen pro injustis habenda esse id genus Imperia ibidem probavimus: Si vel iusto bello vel deditione voluntaria tali formâ constituentur.

24. Non magis quam privata servitus ex hac causâ olim injusta fuit, quam scimus niti ratione suppeditatâ à *Iustiniano* in §. 3. *Inst. de jur. Pers.* scilicet ab ipsa servorum etymologia, quos ait appellatos à *servando*, quia cum victores bello captos occidere possent, eos *servant* ad serviendum, quod multò magis ei facere licet; eodem argumento, quo *Cicero* scripsit, *non esse injustum spoliare, quos occidere justum nec inonestum est, lib. 3. off.*

25. Et quidem Dominantibus ratio sui juris ita satis constat. Etiam subiectos, qui se necessitate subacti dediderunt, ex pacto ad parendum, eò modo teneri manifestum est.

26. Sed an bello victi, & quo jure hi in tantum obligentur, & an status belli adhuc duret illis, quando sub stabilem dominatum sunt redacti, quæri potest.

27. Plerumque superfluum facit hoc quæsitum mos omnium victorum, qui nihil

nihil prius habent quam pacatos armis in verba sua adigere, fidemque stipulari.

28. Aut si nullam expresse promissionem fieri contingat, quando victor partem dediticis, armaque & vis praesens utrinque cessant, ita ut populus gaudeat sub certo jubendi parentique ordine vitam bonisque frui; non est dubium, quin ex re ipsa consensus eorum ad obsequium satis eluceat, quanquam jus dominantis omnino sit evidenter per promissionem diserte factum.

29. Promittere autem videntur, se tantum potestatis Domino concessuros, quantum ipsi jus Gentium & belli tribuit, si pactis nihil derogetur. Atqui haec sine controversia est libera rerum hominumque potestas. *Grot. lib. 3. cap. 7. & 8.*

30. Cui se libenter subicere intelliguntur, ut praesenti vitae bonorumque jacturae eximantur. Qui proinde actus cum sit voluntarius, non potest non obligare promittentes.

31. Quippe cum certum sit, eum qui vi metuque injusto coactus promittit, naturaliter teneri, quatenus voluntas cogitur nequit; ut tamen verum sit, aequè naturaliter, metus injusti auctorem, teneri ad alterum obligatione rursus liberandum.

32. Quod si justus fuerit metus, ut in bello supponimus, nihil est, quod aut nasci obligationem impediat, aut infirmari natam requirat.

33. Quippe, Jure Gentium in bello ex causa licet injusta orto, si modo externa oblenis belli requisita adiacent, justam intelligi causam, quod ad externos obligationis effectus attinet, institutum est, ut docet *Grot. in l. 3. c. 19. §. 11. de Jure B. & P.*

34. Non audimus igitur illos, qui Principes hoc hehil Imperio utentes indistinctè Tyrannos appellant.

35. Nec qui tradunt ita; victorem Principem posse quidem delere vel dissipare populos: si autem forma Civitatis conjunctos sibi obligatos retinere velit, esse quod juri armorum renuntiet, populoque non nisi liberè consentienti imperet; Proinde jus idem patitur, quod in voluntariis Imperiis, illi cunctis Principibus incumbere docent.

36. Nobis ratio dissentienti constat, ea quae exposita est, omniumque seculorum exemplis firmatur. *vide, sis, Grotium d. lib. 3. c. 7. & 8.*

37. Porro talis olim notissima Persarum & Suetæ Dominis Syriæ totiusque Orientis consuetudo fuit. Nec aliter hodie omnes ab ultimis Sinenfibus ad usque Russos in Europam, populi à Despotis suis administrantur, idemque in Africa; omniique Barbarie servatur.

38. Quae res cum in iidem gentibus ab omni seculorum memoria pari tenore servata fuerit, ut oblatum quoque remissius Imperium provisse legantur, parum abest, quin Aristotelis sententia de servitute sive aptitudine ad serviendum naturali, quam antehac indicavimus, vera & evidenter exemplis confirmata sit, ac ita dominatus in illis gentibus, etiam cunctis potè, propriè populorum voluntate niti videatur.

39. An & Israëlitarum petentes ab Samuele Regem ejusmodi, qualem habebant vicinae gentes, sua quoque voluntate se Dominatui submisisse videntur, quemadmodum ex oratione Samuelis, qua illos erudit de jure Regis, qualem petierant, intelligi possit? Equidem in ea cernuntur duo ~~elementa~~ despotici Imperii, dominium in personas, accipientes filios & filias israel, atque in res, agrorum, &c. Attamen de voluntate populi istius aliter existimandum esse probavimus in sect. 2. c. 7. sub fin.

40. Quem

40. Quemadmodum & hoc satis constat, Labefactatâ Regum potentia post Salomonis excessum, non tenuisse Reges Judæ eandem potestatem, in longitudinem.

41. Tu dices, nihilne igitur tales dominos suis civibus promittere intelligimus, ut nunquam juris externi ratione, Imperio abuti possint?

42. Existimo, præter quod in præfenti, cum in statu belli fuerunt, incolumitatem pollicentur, eos ad universæ quoque multitudinis salutem in perpetuum procurandam esse obligatos.

43. Proinde, si tam immanem ostendant animum, ut ad omnium perniciem contendant; tum verè perfidi atque tyranni dicantur; Natura enim negotii, quod geritur, constituendæ civitatis,

sine hac, tacita duntaxat, obligatione consistere non potest.

44. Cæterum, haud temere patrisfamilias in definitione posita est comparatio: Siquidem hujus in servos & in liberos potestas evidenter Regni & Dominatus differentiam exhibere videtur, utique sicut Patria potestas jure gentium & recentiori jure Romano comparata est.

45. Habet Paterfamilias in utrosque tam liberos quam servos vere & æquè summam Potestatem; Sed in servos insuper habet dominium tam Personarum quam rerum. Liberi sunt liberi personis, ut vendi nequeant, & res habent à Paternis distinctas.

46. Denique finis Patriæ potestatis in utilitate reherorum; Dominicæ in utilitate herili consistit.

C A P. IV.

De causis constituendi Monarchiam.

Modos deferendi regnum ordinariorum, Electionem esse & successionem; & hanc in patrimonialibus solam. De voluntariis quaeritur, si nihil sit dictum, utrum præsumatur, electivum esse, an successivum Imperium. Prius contra Hobbesium affirmatur. Argumenta in utramque partem ventilantur; Concluditur, hoc argum. Successio aut ex Lege fit, aut expressâ vel tacitâ voluntate defuncti. Lex nulla heic esse potest, quia casum ponimus, quo nihil sit dictum. Voluntas ultimi defuncti in patrimonialibus quidem regnat imperiis, in voluntariis nullo modo; cum ibi voluntas fundatorum attendatur, hoc est, primæva populorum. Adde; si in dubio, est successivum intestati imperium, poterit etiam testamento de eo disponi; si hoc, tum inter vivos alienari: Atqui hoc absurdè de imperio libere à populis statuto affirmatur. Ergo.

Post species Monarchiæ sequuntur Priores duo sunt, *Electio & Successio*. Extraordinarii perinde duo, Matrimonium, & jus belli.

D d

2. De

2. De jure belli & matrimonio dictum quod satis sit, *in superioribus*; de Sorte nihil quidem, sed hæc rarissime in usu est, aut pro electione fungitur, ut olim apud Persas in Dario Hystaspide.

3. Utrum autem imperia melius per electionem, an per successionem deferantur, id à Politicis disquirendum.

4. Verum sitne Imperium aliquod Electivum, an Successivum; & penes quem sit eligendi facultas, ea juris est quæstio, in hypothetamen potius quam præceptis generalibus determinanda.

5. Plane, origine cujusque civitatis inspectâ, *nullum non Regnum ex voluntate populi ortum, fuit electivum.*

6. Sed diversitas electionis & successionis deinceps orta est, cum quædam ex Imperiis ita sunt delata Principibus, ut identidem sedes vacua per *electionem* repleretur; Quædam ita, ut successio secundum ordinem certum propinqui sanguinis ab uno in alium devolveretur, ex præscripto Legis.

7. Hanc quidam vocant Electionis speciem; quomodo Althusius in *Polit. suæ* c. 19. n. 78. & *segg.* qui negant ullum dari Imperium jure familiæ hereditarium sed totum à populo dependens, quod & in Angliâ multi opinantur.

8. Si dicerent, Successionem esse nihil quam Electionis primævæ continuationem; nihil errarent. At si jus imperii nunquam à populis alienari velint, res redit ad statum disputationis *suprà* aliquoties peractæ.

9. Quâ per Electionem, ipsum jus Imperii independentem alienari posse probavimus, ad vitam, vel etiam pro heredibus; quæ tunc est Successio non amplius à primis eligentibus dependens, sed familiæ propria, per actum alienationis.

10. Planè quominus etiam successio

possit ita constitui, ut successores inferiores populo & Ephoris habeant potestatem, dubitare non patitur aut ratio, aut exemplum Lacedæmoniorum & similia passim.

11. Aliter è diametro instituunt, qui Imperium immediate à Deo esse volunt. Hi negant, Imperium ullo modo à voluntate populi pendere, nec à civibus quicquam juris ad Imperantes manare, nec adeo causam monarchiæ aut ullius in civitate Potestatis esse populum, quos inter D. Sieglerus ad Grotium *lib. 1. c. 3. & c. 4.* Et hi dictum Petri Apostoli à nobis aliquoties adductum, quod Imperium sit *non a hominibus, humanæ creationis*, interpretantur, quod sit hominibus proprium, vel ratione causæ instrumentalis, quia per homines exercetur.

12. Utuntur argumento è sacris, de potestate solvendi, ligandi & administrandi Sacramenta, quæ ministro Ecclesiæ competit. Quemadmodum igitur populus eligendo Pastorem non confert potestatem illam nec conferre potest, quia non habet eam ipse, nihilque agit, quam ut personam electam Potestati à Deo immediate proficiscenti applicet; Sic etiam populus, quando eligit Regem, non confert potestatem imperandi, sed personam electam producit eamque adhibet exercitio Potestatis illi à Deo immediate conferendæ vel collatæ.

13. *Nec sequitur*, ita pergit Sieglerus, *homines ab initio sponte adducti in Societatem civilem coierunt, & ex hoc ortum habuit potestas civilis. Ergo talis potestas origine est humana: Sic enim perinde liceret argumentari; Adam & Eva sponte adducti coierunt in matrimonium. Ergo matrimonium institutione non est divinum.*

14. Sed ego ita existimo, rerum moralium & civilium naturam maximè ab effectis

effectis æstimandam. Si Deus certam Imperii formam & tenorem; cuius limites excedere non liceat populis, præscripserit, electionem personæ fatemur ejus juris vim infringere non magis posse, quam coetus fidelium potest auferre jus ligandi & solvendi suis pastoribus, aut uxor viro principatum domus invito addimere potest.

15. Sed hoc de Imperio Civitatis à Deo non legimus esse determinatum; hætenus quidem, debere aliquem esse ordinem imperandi atque parendi, cui omnis anima debeat esse subjecta; non tamen qualis & quanta in ejus ordine esse debeat; nec quominus Imperium populus retineat, si id expedire judicet, Deus intercessit: multo minus quo partem aliquam Imperii reservaret, unquam prohibuit; quod de ministerio Ecclesiæ institutoque matrimonii nullo modo adfirmare licet.

16. Tutior igitur inter has extremitates est media via; Nec populos à causæ secundæ Jure in Imperiis condendis excludi posse; Nec eos semper Rectoribus suis esse superiores. Sed Imperium simpliciter delatum censerem vere & inrevocabiliter esse alienatum; cui deferentes, non modo singuli, sed & universi subji-ciuntur, idque vel certis legibus vel absolute, ad vitam, vel etiam in heredes: ut prior species electiva, posterior successoria sit. In illa Imperium identidem Rege mortuo, relabatur ad populum; In hac nonnisi ordine Successorum extincto.

17. Cæterum, in *patrimonialibus* Imperiis non voluntas populi aut Lex, verum sola voluntas expressa vel tacita postremi Regnantis in Imperio propagando spectatur: Prorsus ut quisque privatus jure Gentium de suo patrimonio disponit.

18. Idem in plerisque herilibus, quæ

fere simul sunt patrimonialia; dicendum; nisi quod aliquando Lex quoque in illis ordinem præscribit, ut jam *supra* innuimus.

19. Sed in voluntariis merito dubites, quid juris sit, si populus Regem simpliciter constituerit, non expresse, *Electivum* in posterum, an *successivum* foret Imperium; utrius conditionis sit futurum, quemadmodum Romæ species illa fuit & in Regibus & in Cæsaribus, juxta hypothesein Legis Regiæ.

20. *Hobbes* non dubitat adfirmare, successorium non modo, sed absolute hereditarium illud Regnum esse habendum *de cive cap. 7. §. 14. & cap. 9. §. 13. & seqq.* Adeo ut cuilibet Imperanti suo arbitrio successorem declarare liceat.

21. Idque etiam tunc vult obtinere, cum populus diserte Imperantes ad tempus & ad vitam duntaxat suam constituit, Tempus tamen locumque non præfinit, quo rursus eligendi causâ convenire deberet.

22. Nobis hoc improbandum videtur, & quidem ad posterius primo respondemus. Esse quidem factum illud imprudentissimè, statumque illius Imperii lubricum esse fatemur.

23. Sed casus, quando Imperium uni vel pluribus est delatum, nulla surrogationis mentione facta, bifariam considerari potest; Aut enim imperio delato, tempus adjectum est, vel certi spatii, vel ad vitam, aut nullum tempus adjicitur.

24. Certo tempore præfinito, putamus hanc esse rationem: quod populus foedere civitatis, cuius perpetua est obligatio, conjunctus, unique Imperium sui *ad tempus* deferens, hoc ipso tacite, at valide stipulatur, *ut antequam tempus exspiret, Imperantes comitia de Imperio habeant.* Quod si negligat facere præsens Rector, acta quidem Imperii, quæ post

post lapsum temporis exercet, ipso jure nullius momenti sunt, eamque ad vim nulla potestate superioris opus est.

25. Neque vero tunc adhuc populum in statu naturali esse dicemus, *quia manet fœdus æternum civitatis*, quod omnes singulique contraxerunt.

26. Sed quilibet civium jus habebit populum vocandi, deque his, quæ ad salutem communem pertinent referendi, ut olim Romæ factum à *Virginio & Icilio* contra Decemviros, apud *Liv. lib. 3.*

27. Idemque necessarium dictum est, ubi ad vitam Imperium uni delatum est, *nullo in antecessum ordine conveniendi præfinito.*

28. Nam tunc à Rege non potest exigi, ut is ante mortem suam populum hac gratia convocat, propter incertum vitæ humanæ & periculum designandi successoris, quod *Elisabeth Anglæ* tantumdem esse dicebat, ac involvere se vivum linteo mortuali.

29. Quanquam tamen rectius faciet talis Princeps, si in tempore successoris designari sibi curet, ex *Hobbesii* vel potius Naturali regula, *de reddendo bono pro bono.*

30. Falsum igitur liquet esse, quod Rex, cui diserte ad tempus vel ad vitam datum est regnum, id tunc sibi retinere, aut alium pro lubitu surrogare possit, quando cum definitione temporis & vitæ constitutum est.

31. Regem post annos expressos, vel in tempore, post mortem nihil juris habiturum, & ejusmodi conditionem privare Principes jure faciendi contrarium *abunde probatum est.*

32. Secundum hæc, cogitandum, an id liceat Principi, cui simpliciter data est summa potestas, nulla futuræ Electionis aut successionis lege stabilita, non adjecto quoque, ad tempus vel ad vitam; Sitne tunc, inquam, *electivum an successivum* Regnum, haud levis dubitatio est.

33. Argumenta pro successione haud

spernenda se offerunt. Populus Regem creans exiit se Imperio totumque jus suum transfert in illum; utique ubi nihil excepit, præter id, cujus gratia civitatem condidit, scilicet incolumitatem, *eo sensu, quo pridem diximus.*

34. Atqui dispositio de successione, à libertate dominioque rerum, quibus salvis, incolumes sumus, evidenter aliena est. Quid obstat igitur, quominus & hæc potestas in principem simpliciter constitutum translata dicatur?

35. Jam, si de præsumpta voluntate judicandum, quid faciendum sit, ubi expressa nulla est; quid proclivius ad credendum est, quam populum, qui radio suæ potestatis regnum instituit, nolle rem ad statum priorem reduci, quod tamen fieri oportet, si Rege mortuo alium sint electuri?

36. Præsumtio est anticipatio judicii, ex eo quod plerumque fit in similibus, præsentis cuique negotio applicata, *ut fœti tradunt.*

37. Plerisque autem populis, qui regnantur, placuisse videmus *successionem*; Proinde & hanc in dubio nostri casus, populum in conspectu habuisse præsumendum videtur.

38. Quibus addere licet ea, quæ de salubritate ordinis successorii, præ incertitudine & *anxia* Electionis a politicis cumulantur.

39. In diversam tamen partem inclinat sententia, prævalente hac ratione; Quod in dubio, si *electivum* non sit Imperium, non modo oporteret *successivum* ad liberos esse proximique sanguinis respectu, sed & absolute *hereditarium*; Ut ultimus Princeps testamento quoque extraneum surrogare possit: Imò ut & vivus Imperium in quemlibet alium transferre valeat.

40. Nam quod est Hereditarium, æque testamento quam ab intestato potest ordinari

ordinari, & de quo licet ultimâ voluntate constituere; de eo non minus facultas inter vivos disponendi competit.

41. Hæc ita coherere, nemo juris gnarus negaverit, nec quidem Philosophus. Hereditarium enim nihil est, nisi quod perfectè proprium est, sicuti non modo Jurisconsulti, sed etiam Plutarchus docet in *vita Solonis*, ubi narrat Athenis olim non viguisse jus testandi; Solonem id iis dedisse, Quæ re factum, est *ἐπὶ τῷ νόμῳ*; Plutarchi, ut fecerit *τὸ πρῶτον* *καὶ κατὰ τὸ ἔργον*, uti quisque Dominus ac arbiter rei suæ perfectus fieret. Atqui vis perfecti Dominii maxime consistit in facultate alienandi. *Aristot. lib. 5. Rhetor. c. 5. ἐξ ὧν εἶπεν*, inquit, *ὅτι αὐτὸς ὁ νόμος ὁρίζεται*; definitio Dominii est, ubi penes ipsum est alienandi potestas.

42. Jam vero, ut ejusmodi libera alienatio competat Imperantibus, quibus Imperium simpliciter voluntate populi delatum est, utcumque *Hobbesio* indubitatum sit, nobis minime, de voluntario, inquam, Regno, concedendum videtur.

43. Non, (per partes ibimus) ut Rex Imperium suum vivus transferat in alium; Quia tantum id juris habet, quod datum est ipsi: Populus autem dedit jus imperandi, à quo alienandi potestas toto genere diversa est. Populus ipsi dedit jus imperandi, non alii. Proinde ut ipse non habet, nisi quod po-

pulus dedit, manifestum est, nec alteri plus competere posse.

44. Jam si vendere vel donare suum regnum vivus, simpliciter electus Princeps non potest, clarum est, ne testamento quidem disponere posse. Nam & hæc est donatio quam maxime, secundum memoratam Plutarchi notissimamque Juris sententiam.

45. Si testamento extraneis relinquere nequeat successionem, dicimus, nec ab intestato ad sanguine proximos, ab ipso posse devolvi.

46. Quoniam hæc fundamentum suum habet in absoluta proprietate defuncti, cui potestas ad sit alienandi. Item in præsumpta ejusdem voluntate, quæ successio illis datur, quibus eam defunctus, nisi mors prævenisset, daturus fuisse creditur. *Dix. in prælect. ad Nov. 118. lib. 3. in pr. Instir.*

47. Proinde, cui expressa voluntatis declaratio negatur, hujus tacita vim nullam habere potest.

48. Plane, ejusmodi successio, qualis in plerisque regnis voluntariis obtinet, ut ad sanguine proximos ordine certo deferatur, ea Legem expressam manifesto requirit.

49. Ideo talis in nostrâ hypothesi, ubi nihil de successione dictum, nullo modo obtinere potest. Rationes oppositæ ex his quæ modo & pridem sunt dicta, facile refelli possunt.

C A P. V.

De Electione Monarchica.

Jus eligendi competere originaliter iis, quorum Imperium fuit primævum, vel quibus eorum jus datum est, expresse, vel per præscriptionem, quâ maximè Electores Germanos niti videri, & Cardinales, qui Pontifici dant vere summam potestatem in urbem Romam subjectasque ditiones. Inde sequi, Imperatorem nihil habere juris in illam urbem cum annexis: nec proinde ad Pontificis creationem requiri illius consensum, nec Imperatori faciendo, Pontificis voluntatem. Species electionis à latitudine eligendorum desumptas vix usum habere. De modo & effectu electionis. Possesse populum, Rege mortuo, mutare formam Reipubl. Quæritur, an & hoc liceat, cum jus eligendi contulit in certas personas: Distinguitur, utrum in hos ut ministros, an veluti jus proprium translata sit eligendi facultas.

Igitur Electivi & Successivi Regni differentia principem unum imperio vitæ jam functum præsupponit; siquidem originaliter nullum non regnum ab electione habet ortum suum, ut præced. capite diximus.

2. Porro jus eligendi, sive surrogandi Principem in vacuam sedem, naturaliter iis competit, quorum jus imperii primævum est: Adeoque penes eos, quibus populus suum jus concessit.

3. Sive identidem Legatos ad eam rem constituent, vitandæ confusionis causâ; Sive jus hoc in perpetuum certo hominum ordini dederint, qui hac parte loco universitatis fungerentur.

4. Veluti possessoribus immobilium rerum, ut in Frisia; vel Nobilibus, ut in Polonia, denique certis Principibus, ut in Germania, Aut Præsulibus, ut in conclavi Pontificio.

5. Sic tamen, ut immemorialis temporum usus, sæpe pro tacito omnium consensu fungatur, quo fundamento niti videtur jus Electorum Germanicorum;

nec enim satis constat, unde horum numerus & facultas originem habeat, nisi quod paulo ante annum à Nato Christo millesimum, id institutum coepisse videatur; quâ de re novissime ex Abbate Stadiensi Mainburgius *decad. de l'Empir. l. 2.*

6. Eodem fundamento præscriptionis, si non & expressa populi voluntate, sacerdotes Cardinales Pontifici Romano dant summam potestatem.

7. Quod cum usu tot seculorum in vim juris externi invaluerit, clarum est, nullum hodie principem, præter Papam, habere imperium populi Romani & ditionum ei subjectarum.

8. Quod tamen non impedit, quominus Imperator Romano Germanicus in reliquas extra Germaniam Civitates, quæ se pari jure præscriptionis non exemerant, antiquum jus retineat.

9. Quandoquidem à pluribus seculis Germanorum Genti jus hoc quæsitum fuit, ut Reges ipsorum, Imperatores Occidentis essent.

10. Sed ut plerique populi ope præscriptio-

scriptionis, sui juris facti sunt, ita id ipsi, inquam, Romanæ civitati accidit; cæteris, quibus id non contigit, (hi quidem extra Germaniam sunt pauci) subiectis Imperatori manentibus.

11. Jam facile constat, qua ratione Romanenses negent, Cæsaribus esse jus creandi vel confirmandi Pontifices; Et victissim, cur *Cæsares Romani Germanorum*, spernant Pontificem jûs sibi arrogantem approbandi Imperatorem, quatenus extrâ Germaniam Romano præsit Imperio.

12. Nam quatenus ille Rex est Germaniæ, nihilo meliorem juris habet prætextum Pontifex, quam adversus Regem Francorum aut Britannorum.

13. Cæterum, quod alii per Germaniam Præsules sunt etiam Principes, ejus rei non tam à populis origo, quam à Carolo Magno repetitur. Ita Cranz. 1. *Sax.* 23. Scip. Gent. *de Regal.* §. 25. & 26. Grotius in *lib. de jure summ. pot. circa sacra* Ottonibus hoc institutum adscribit *cap. 10. n. 28.*

14. Institutum hoc, ratione præsentis utilitatis, ut feræ gentes sacerdotali Imperio mitescerent, haud inutile; attamen fatendum est, synceritatem & humilitatem Christianismi, lapsu temporis inde non parvam labem contraxisse; nec enim cum institutis Christi illa conjunctio liqui & gladii idoneo modo conciliari posse videtur.

15. Vulgo tres electionum species memorantur; quarum prima intra certam familiam, cujus tamen exemplum habeo nullum, altera ad nationem unam restringatur, tertia nullo termino circumscripta sit.

16. Hujus autem posterioris generis Electio quælibet, simpliciter instituta, esse intelligitur: Limitationes diserte exceptæ probari debent. Alioquin ex usu potius, & facti quam juris esse videntur electiones intra certam familiam aut gen-

ris ambitum factæ: ut plerumque videmus Electiones etiam illimitatas haud facile egredi familiam ultimi Regis defuncti; quæ res tamen diversum in jure modum non infert.

17. Sed & aliæ limitationes non desunt, qualis in diplomate sive *aureâ bullâ* CAROLI IV. ne infra *Baronum* dignitatem *Cæsarea* electio demittatur, & ad Germanos restringatur, ut Electores apud Sleidanum *lib. 1.*

18. Sed in *Polonia* nemo eligi prohibetur, nec in *Conclavi* nationes discerni ulla Lege sancitum, & exempla sunt in contrarium; Tametsi Pontifices *ferè Italiani*, ob politicas rationes creentur; sed jus non est ita præcisum; exempla quoque non desunt in secus.

19. In eligendo secundum prærogativam numeri, concludendum esse res loquitur, nec enim alius datur exitus: Numerus autem præsentium inirit; absentium ratio haberi non potest, neque solet; Quin etiam, an potabilis sit pluralitas non attenditur, nisi quid specialiter convenerit aut constitutum sit, quomodo in conclavi Romano duas præsentium partes consentire oportet.

20. Effectum electio secundum majorem suffragantium numerum habet, nisi quid Leges certi præscribant: ut in electione Pontificis duas partes consentire oportere diximus; sive id per *scrutinium*, ut loquuntur, sive per adorationem fiat.

21. De valore electionis, quæ per vim metumque fiat, in *capite de tyrannide* agetur, nisi quatenus in articulo de Dominatu ex parte jam diximus.

22. Est autem, vacante regno, tam libera electio, ut etiam non eligere possint Regem aliamque Reipubl. formam introducere. Nempe, si totus populus aut omnes optimates eligendi facultatem exercent, non si in alios transferunt.

23. Hos enim nihil aliud posse dicemus;

CAP. III.

De Speciebus Monarchiæ, ubi de Dominatu & Imperio violento.

Regnum heroicum, Æsymneticum, Laconicum, non esse distinctas regni species, quod ad juris rationem attinet. Nonnisi duas esse tales, Regnum, *πυρβασιλις* & Dominatum, *κυβεραις*. Definitio utriusque & differentia. Posse & justum esse Dominatum. Quo jure subditi bello victi ad obsequium obligentur. Nullâ in re Despotas videri populis obligatos, nisi, ne totam perdant civitatem.

Species *Monarchiæ* plures numerant *Sex Aristotele* Politici, sed plerasque ad juris diversitatem non pertinentes. *Aristot. l. 3. polit. c. 10. & 11.*

2. Nam *Heroicum* Imperium, quo ad regnum evehuntur hi, quos spectata inter bonos moderatio & valoris ac virtutis reputatio commendat, quales initio rerum hominumque Reges esse creatos volunt antiqui, jure potestatis nihil ab reliquis discrepat.

3. Nihil magis *Æsymneticum* regnum, quando ad tempus aliquis summæ Reipubl. præficitur. Quia pridem ostendimus, durationem temporis non variare speciem summæ potestatis, modo acta imperantium intra suum tempus infirmari nequeant.

4. Quare & *Dictatores* magis est, ut nos pro *Monarchis* habeamus, non minus quam *Decemviros* pro *Aristocratia* summâ; quanquam eorum potestas non semper integra conservata est, partim facilitate ipsorum, partim importunitate populi, ut diximus *sect. 3. c. 2.*

5. *Legitimum* Regnum, quod Legibus subjectum & *Spartanæ* civitatis exemplo *Laconicum* dicitur, tale duntaxat est nomine tenus, reverâ constituit *Aristocratiam*.

6. Non quia Reges erant duo, sed

quia domi magis Præsides Senatus, foris nihil quam Duces belli erant. Prorsus ut hodie dux Venetorum, aut potius, ut *Arausionenses* in Belgio Principes.

7. Quâ comparatione liquet obiter, ejusmodi Ducatus quamvis perpetuos, cum libertate populari vel Aristocratica non male convenire, posito habili situ Reipublicæ; nam est etiam, ubi res secus evadit.

8. Nobis igitur plures *Monarchiæ* non sunt considerandæ, quam hæ duæ, *Regnum & Dominatus*, sive Imperium, ut *Aristoteles*, loquitur *πυρβασιλις* aut *κυβεραις*.

9. *Regnum* verum & plenum est, ubi Princeps habet summam & liberam potestatem, faciendi in civitate quod e re communi videbitur, *salvâ tamen civium libertate & proprietate rerum*.

10. Plane de his illa omnia prædicare licet, quæ *superius* de efficacia Imperii voluntarii & simpliciter delati, denique de jure summæ potestatis nullis legibus obfesso fuisse disputavimus.

11. Existere igitur hanc regni speciem putamus, ubicunque potestas civitatis uni homini sine modo, sine conditionibus, voluntate civium simpliciter deferatur.

12. Quemadmodum Lege Regiâ in Cæsa-

Cæsares Romanos, ut Jurisconsulti tradunt *in l. 1. §. de Constit. Princ.* & nostro tempore Danicum regnum ex electivo & legitimo factum est absolutum & arbitrarium Solenni Ordinum populi consensu.

13. Nec aliter hodieque regnum Francorum haberi videmus, præscriptione tamen magis quam jure primætyo, quod etiam fuisse legitimum docuit Hottomanus in Franco Gallia.

14. Cæterum, promissio Regum, quod juste imperaturi sint, nihil juris addit civibus, ex quo potestas regnantium mutetur aut restringatur, sed hoc Speciale & exceptum esse oportet; Generalis ejusmodi promissio regnantium animos duntaxat obstringit, ut ante-hac demonstratum est.

15. Dominatus finitur, quod sit Imperium, quo Princeps sibi subiectis, ut paterfamilias servis imperat, omniumque, tam quod ad res quam corpora attingat, Dominus existens, actiones publicas ad suam præcipue utilitatem dirigit.

16. Differentiam ejus à Regno ex definitione triplicem colligimus. Primam, quod *proprietas bonorum, quæ singuli possident, ad Imperantes pertineat.*

17. Alterum, quod *personæ subditorum dominio Principis ita subiectæ sunt, ut servitio illarum uti, deque vita ac nece disponere possit; Idque promiscue, arbitraria potestate, causaque etiam indicta.*

18. Non quod vitâ immerentem justè exuere possit, secundum id quod justitiæ ratio *intrinseca* dicat: Sed quod ex causâ jure Gentium valida habeat *externam* ita agendi facultatem, de quo discrimine juris diximus *in sect. 2. c. 1. n. 14. & sect. 2. c. 3. n. 11. & seqq.*

19. Ex his tertia resultat differentia, à sine diverso petita, qui est in Regno

civili originaliter, *utilitas subiectorum; Quamquam illa sine commodo Imperantium obtineri non potest.*

20. In Dominatu originalis scopus Imperii stabilit, est *utilitas Regnantis.* Quæ nec ipsa tamen absque commodo subiectorum potest custodiri.

21. Ex his reliquæ differentiæ, inter Dominum & Rectorem, servos ac cives, de quibus *Claudius* ad Meherdatem apud *Tacitum*, 12. *annal. c. 11.* quæque similia, per se intelliguntur.

22. Causam hujusmodi Imperiorum primam vix aut raro, nec tamen nunquam esse, *Voluntatem liberam* populo- rum, sed plerumque vim aut necessitatem diximus, *d. cap. 3. n. 11. &c.*

23. Nec tamen pro injustis habenda esse id genus Imperia ibidem probavimus: Si vel justo bello vel deditione voluntaria tali formâ constituentur.

24. Non magis quam privata servitus ex hac causâ olim injuria fuit, quam sci- mus niti ratione suppeditatâ à Justiniano *in §. 3. Inst. de jur. Pers.* scilicet ab ipsa servorum etymologia, quos ait appellatos à *servando*, quia cum victores bello captos occidere possent, eos *servant* ad serviendum, quod multò magis ei facere licet; eodem argumento, quo *Cicerò* scripsit, *non esse injustum spoliare, quos occidere justum nec inonestum est, lib. 3. off.*

25. Et quidem Dominantibus ratio sui juris ita satis constat. Etiam subiectos, qui se necessitate subacti dediderunt, ex pacto adparendum, eo modo teneri manifestum est.

26. Sed an victi, & quo jure hi in tantum obligentur, & an status belli adhuc duret illis, quando sub stabilem dominatum sunt redacti, quæri potest.

27. Plerumque superfluum facit hoc quæsitum mos omnium victorum, qui nihil

nihil prius habent quam pacatos armis in verba sua adigere, fidemque stipulari.

28. Aut si nullam expresse promissionem fieri contingat, quando victor pacem dediticulis, armaque & vis praesens utrinque cessant, ita ut populus gaudeat sub certo jubendi parendique ordine vitæ bonisque frui; non est dubium, quin ex re ipsa consensus eorum ad obsequium satis elucescat, quanquam jus dominantis omnino sit evidentius per promissionem diserte factam.

29. Promittere autem videntur, se tantum potestatis Domino concessuros, quantum ipsi jus Gentium & belli tribuit, si pactis nihil derogetur. Atqui hæc sine controversia est libera rerum hominumque potestas. *Grot. lib. 3. cap. 7. §. 8.*

30. Cui se libenter subicere intelliguntur, ut præsentis vitæ bonorumque iacturæ eximantur. Qui proinde actus cum sit voluntarius, non potest non obligare promittentes.

31. Quippe cum certum sit, eum qui vi metuque injusto coactus promittit, naturaliter teneri, quatenus voluntas cogi nequit; ut tamen verum sit, æquè naturaliter, metus injusti auctorem, teneri ad alterum obligatione rursus liberandum.

32. Quod si justus fuerit metus, ut in bello supponimus, nihil est, quod aut nasci obligationem impediat, aut infirmari natam requirat.

33. Quippe, Jure Gentium in bello ex causa licet injusta orto, si mox externa solennis belli requisita adint, justam intelligi causam, quod ad externos obligationis effectus attinet, in dubitatum est, ut docet *Grot. in l. 3. c. 19. §. 11. de Jure B. & P.*

34. Non audimus igitur illos, qui Principes hoc hostili Imperio urentes indistinctè Tyrannos appellant.

35. Nec qui tradunt ita; victorem Principem posse quidem delere vel dissipare populos: si autem formâ Civitatis conjunctos sibi que obligatos retinere velit, esse quod juri armorum renuntiet, populoque nonnisi libere consentienti imperet; Proinde jus idem patiatur, quod in voluntariis Imperiis, illi cunctis Principibus incumbere docent.

36. Nobis ratio dissentienti constat; ea quæ exposita est, omniumque seculorum exemplis firmatur. *vide, sit, Grotium d. lib. 3. c. 7. §. 8.*

37. Porro talis olim notissima Persarum & Suetæ Dominis Syriæ totiusque Orientis consuetudo fuit. Nec aliter hodie omnes ab ultimis Sincensibus ad usque Russos in Europam, populi à Despotis suis administrantur, idemque in Africa; omni que Barbarie servatur.

38. Quæ res cum in illis gentibus ab omni seculorum memoria pariter notè servata fuerit, ut oblatum quoque remissus Imperium sprevisse legantur, parum abest, quin *Aristoteli* sententia de servitute sive aptitudine ad serviendum naturali, quam antehac indicavimus, vera & evidentissimis exemplis confirmata sit, ac ita dominatus in illis gentibus, etiam *in his quæ, propria populo rum voluntate niti videatur.*

39. An & Israëlites petentes ab Samsuele Rêgem ejusmodi, qualem habebant vicinæ gentes, sua quoque voluntate se Dominatui submississe videntur, quemadmodum ex oratione *Samuelis*, qua illos erudit de jure Regis, qualem petierant, intelligi possit? Equidem in ea cernuntur duo *vestigia* despotici Imperii, dominium in personas, accipientes filios & filias vestras, atque in res, agros vestros, &c. Attamen de voluntate populi istius aliter existimandum esse probavimus in *sect. 2. c. 7. sub fin.*

40. Quem

40. Quemadmodum & hoc satis constat, Labefactatâ Regum potentia post Salomonis excessum, non tenuisse Reges Judæ eandem potestatem, in longitudo.

41. Tu dices, nihilne igitur tales dominos suis civibus promittere intelligimus, ut nunquam juris externi ratione, Imperio abuti possint?

42. Existimo, præter quod in præsentia, cum in statu belli fuerunt, incolumitatem pollicentur, eos ad universæ quoque multitudinis salutem in perpetuum procurandam esse obligatos.

43. Proinde, sitam immanem ostendant animum, ut ad omnium perniciem contendant; tum verè peridi atque tyranni dicantur; Natura enim negotii, quod geritur, constituendæ civitatis,

sine hac, tacita duntaxat; obligatione consistere non potest.

44. Cæterum, haud temere patrisfamilias in definitione posita est comparatio: Siquidem hujus in servos & in liberos potestas evidenter Regni & Dominatus differentiam exhibere videtur, utique sicut Patria potestas jure gentium & recentiori jure Romano comparata est.

45. Habet Paterfamilias in utrosque tam liberos quam servos verè & æquè summam Potestatem; Sed in servos insuper habet dominium tam Personarum quam rerum. Liberi sunt liberi personis, ut vendi nequeant, & res habent à Paternis distinctas.

46. Denique finis Patriæ potestatis in utilitate reherorum; Dominicæ in utilitate herili consistit.

C A P. IV.

De causis constituendi Monarchiam.

Modos deferendi regnum ordinaris, Electionem esse & successionem, & hanc in patrimonialibus solam. De voluntariis quæritur, si nihil sit dictum, utrum præsumatur, electivum esse, an successivum Imperium. Prius, contrà Hobbesium affirmatur. Argumenta in utramque partem ventilantur; Concluditur, hoc argum; Successio aut ex Lege fit, aut expressâ vel tacitâ voluntate defuncti. Lex nulla hec esse potest, quia casum ponimus, quo nihil sit dictum. Voluntas ultimi defuncti in patrimonialibus quidem regnat imperiis, in voluntariis nullo modo; cum ibi voluntas fundatorum attendatur, hoc est, primæva populorum. Adde; si in dubio, est successivum intestati imperium, poterit etiam testamento de eo disponi; si hoc, tum intervivos alienari: Atqui hoc absurdè de imperio libere à populis statuto affirmatur. Ergo.

Post species Monarchiæ sequuntur Priores duo sunt, *Electio* & *Successio*. Ex modi, quibus Regna acquiruntur. traordinarii perinde duo, Matrimonium, & jus belli.

D d

2. De

2. De jure belli & matrimonio dictum quod satis sit, *in superioribus*; de Sorte nihil quidem, sed hæc rarissime in usu est, aut pro electione fungitur, ut olim apud Persas in Dario Hyftaspide.

3. Utrum autem imperia melius per electionem, an per successionem deferantur, id à Politicis disquirendum.

4. Verum sitne Imperium aliquod Electivum, an Successivum; & penes quem sit eligendi facultas, ea juris est quæstio, in hypothefi tamen potius quam præceptis generalibus determinanda.

5. Plane, origine cujusque civitatis inspectâ, *nullum non Regnum ex voluntate populi ortum, fuit electivum.*

6. Sed diversitas electionis & successionis deinceps orta est, cum quædam ex Imperiis ita sunt delata Principibus, ut identidem sedes vacua per *electionem* repleretur; Quædam ita, ut successio secundum ordinem certum propinquis sanguinis ab uno in alium devolveretur, ex præscripto Legis.

7. Hanc quidam vocant Electionis speciem; quomodo Althusius in *Polit. suâ* c. 19. n. 78. & seqq. qui negant ullum dari Imperium jure familiæ hereditarium sed totum à populo dependens, quod & in Angliâ multi opinantur.

8. Si dicerent, Successionem esse nihil quam Electionis primævæ continuationem; nihil errarent. At si jus imperii nunquam à populis alienari velint, res redit ad statum disputationis *suprà* aliquoties peractæ.

9. Quâ per Electionem, ipsum jus Imperii independentè alienari posse probavimus, ad vitam, vel etiam pro heredibus; quæ tunc est Successio non amplius à primis eligentibus dependens, sed familiæ propria, per actum alienationis.

10. Planè quominus etiam successio

possit ita constitui, ut successores inferiores populo & Ephoris habeant potestatem, dubitare non patitur aut ratio; aut exemplum Lacedæmoniorum & similia passim.

11. Aliter è diametro instituunt, qui Imperium immediate à Deo esse volunt. Hi negant, Imperium ullo modo à voluntate populi pendere, nec à civibus quicquam juris ad Imperantes manare, nec adeo causam monarchiæ aut ullius in civitate Potestatis esse populum, quos inter D. Sieglerus ad Grotium *lib. 1. c. 3. & c. 4.* Et hi dictum Petri Apostoli à nobis aliquoties adductum, quod Imperium sit *transmissum, humane creationis*, interpretantur, quod sit hominibus proprium, vel ratione causæ instrumentalis, quia per homines exercetur.

12. Utuntur argumento è sacris, de potestate solvendi, ligandi & administrandi Sacramenta, quæ ministro Ecclesiæ competit. Quemadmodum igitur populus eligendo Pastorem non confert potestatem illam nec conferre potest, quia non habet eam ipse, nihilque agit, quam ut personam electam Potestati à Deo immediatè proficiscenti applicet; Sic etiam populus, quando eligit Regem, non confert potestatem imperandi, sed personam electam producit eamque adhibet exercitio Potestatis illi à Deo immediatè conferendæ vel collatæ.

13. Nec sequitur, ita pergit Sieglerus, *homines ab initio sponte adducti in Societatem civilem coierunt, & ex hoc ortum habuit potestas civilis. Ergo talis potestas origine est humana: Sic enim perinde liceret argumentari; Adam & Eva sponte adducti coierunt in matrimonium. Ergo matrimonium institutione non est divinum.*

14. Sed ego ita existimo, rerum moralium & civilium naturam maximè ab effectis

effectis æstimandam. Si Deus certam Imperii formam & tenorem; cuius limites excedere non liceat populis, præscripserit, electionem personæ sateatur ejus juris vim infringere non magis posse, quam cætes fidelium potest auferre jus ligandi & solvendi suis pastoribus, aut uxor viro principatum domus invito adiungere potest.

15. Sed hoc de Imperio Civitatis à Deo non legimus esse determinatum; hætenus quidem, debere aliquem esse ordinem imperandi atque parendi, cui omnis anima debeat esse subiecta; non tamen qualis & quanta in ejus ordine esse debeat; nec quominus Imperium populus retineat, si id expedire iudicet, Deus intercessit: multo minus quo partem aliquam Imperii reservaret, unquam prohibuit; quod de ministerio Ecclesiæ institutoque matrimogli nullo modo adfirmare licet.

16. Tutor igitur inter has extremitates est media via; Nec populos à causæ secundæ Jure in Imperiis condendis excludi posse; Nec eos semper Rectoribus suis esse superiores. Sed Imperium simpliciter delatum censei vere & inrevocabiliter esse alienatum; cui deferentes, non modo singuli, sed & universi subji-ciuntur, idque vel certis legibus vel absolute, ad vitam, vel etiam in heredes: ut prior species electiva, posterior successoria sit. In illa Imperium identidem Rege mortuo, relabitur ad populum; In hac nonnisi ordine Successorum extincto.

17. Cæterum, in *patrimonialibus* Imperiis non voluntas populi aut Lex, verum sola voluntas expressa vel tacita postremi Regnantis in Imperio propagando spectatur: Prorsus ut quisque privatus jure Gentium de suo patrimonio disponit.

18. Idem in plerisque herilibus, quæ

fere simul sunt patrimonialia; dicendum; nisi quod aliquando Lex quoque in illis ordinem præscribit, ut jam supra innuimus.

19. Sed in voluntariis merito dubites, quid juris sit, si populus Regem simpliciter constituerit, non expresso, *Electivum* in posterum, an *successivum* foret Imperium; utrius conditionis sit futurum, quemadmodum Romæ species illa fuit & in Regibus & in Cæsaribus, juxta hypothesin Legis Regiæ.

20. *Hobbes* non dubitat adfirmare; successorium non modo, sed absolute hereditarium illud Regnum esse habendum *de cive cap. 7. §. 14. & cap. 9. §. 13. & seqq.* Adeo ut cuilibet Imperanti suo arbitrio successorem declarare liceat.

21. Idque etiam tunc vult obtinere, cum populus diserte Imperantes ad tempus & ad vitam duntaxat suam constituit, Tempus tamen locumque non præfinit, quo rursus eligendi causâ convenire deberet.

22. Nobis hoc improbandum videtur, & quidem ad posterius primo respondemus. Esse quidem factum illud imprudentissimè, statumque illius Imperii lubricum esse fateamur.

23. Sed casus, quando Imperium uni vel pluribus est delatum, nulla surrogationis mentione facta, bifariam considerari potest; Aut enim imperio delato, tempus adjectum est, vel certispatii, vel ad vitam, aut nullum tempus adjicitur.

24. Certo tempore præfinito, putamus hanc esse rationem: quod populus feedere civitatis, cuius perpetua est obligatio, conjunctus, unique Imperium sui *ad tempus* deferens, hoc ipso tacite, at valide stipulatur, *ut antequam tempus expiret, Imperantes comitia de Imperio habeant.* Quod si negligat facere præsens Rector, acta quidem Imperii, quæ post

post lapsum temporis exercet, ipso jure nullius momenti sunt, eamque ad vim nulla potestate superiori opus est.

25. Neque vero tunc adhuc populum in statu naturali esse dicemus, *quia manet fœdus æternum civitatis*, quod omnes singulique contraxerunt.

26. Sed quilibet civium jus habebit populum vocandi, deque his, quæ ad salutem communem pertinent referendi, ut olim Romæ factum à *Virginio & Icilio* contra Decemvros, apud *Liv. lib. 3.*

27. Idemque necessarium dictu est, ubi ad vitam, Imperium uni delatum est, *nullo in antecessum ordine conveniendi præfinito.*

28. Nam tunc à Rege non potest exigi, ut is ante mortem suam populum hac gratia convocet, propter incertum vitæ humanæ & periculum designandi successoris, quod *Elisabeth Angla* tantundem esse dicebat, ac involvere se vivum linteo mortuali.

29. Quanquam tamen rectius faciet talis Princeps, si in tempore successorē designari sibi curet, ex *Hobbesii* vel potius *Naturali regula, de reddendo bono pro bono.*

30. Falsum igitur liquet esse, quod Rex, cui diserte ad tempus vel ad vitam datum est regnum, id aut sibi retinere, aut alium pro lubitu surrogare possit, quando cum definitione temporis & vitæ constitutum est.

31. Regem post annos expressos, vel in tempore, post mortem nihil juris habiturum, & ejusmodi conditionem privare Principes jure faciendi contrarium *abunde probatum est.*

32. Secundum hæc, cogitandum, an id liceat Principi, cui simpliciter data est summa potestas, nulla futuræ Electionis aut successionis lege stabilita, non adjecto quoque, ad tempus vel ad vitam; Sitne tum, inquam, *electivum an successivum* Regnum, haud levis dubitatio est.

33. Argumenta pro successione haud

spernenda se offerunt. Populus Regem creans exuit se Imperio totumque jus suum transfert in illum; utique ubi nihil excepit, præter id, cujus gratia civitatem condidit, scilicet incolumitatem, eo sensu, quo pridem diximus.

34. Atqui dispositio de successione, à libertate dominioque rerum, quibus salvus, incolumes sumus, evidenter aliena est. Quid obstat igitur, quominus & hæc potestas in principem simpliciter constitutum translata dicatur?

35. Jam, si de præsumpta voluntate judicandum, quid faciendum sit, ubi expressa nulla est; quid proclivius ad credendum est, quam populum, qui tandem suæ potestatis regnum instituit, nolle rem ad statum priorem reduci, quod tamen fieri oportet, si Rege mortuo alium sint electuri?

36. Præsumptio est anticipatio judicii, ex eo quod plerumque fit in similibus, præsentī cuique negotio applicata, *ut fœti tradunt.*

37. Plerisque autem populis, qui regnantur, placuisse videmus *successionem*; Proinde & hanc in dubio nostri casus, populum in conspectu habuisse præsumendum videtur.

38. Quibus addere licet ea, quæ de salubritate ordinis successorii, præ incertitudine & *ambiguitate* Electionis à politicis cumulantur.

39. In diversam tamen partem inclinat sententia, prævalente hac ratione; Quod in dubio, si *electivum* non sit Imperium, non modo oporteret *successivum* ad liberos esse proximique sanguinis respectu, sed & absolute *hereditarium*; Ut ultimus Princeps testamento quoque extraneum surrogare possit: Imò ut & vivus Imperium in quemlibet alium transferre valeat.

40. Nam quod est Hereditarium, æque testamento quam ab intestato potest ordinari

ordinari, & de quo licet ultimâ voluntate constituere; de eo non minus facultas inter vivos disponendi competit.

41. Hæc ita cohærere, nemo juris gnarus negaverit, nec quidem Philosophus. Hæreditarium enim nihil est, nisi quod perfectè proprium est, sicuti non modo Jurisconsulti, sed etiam Plutarchus docet in *vita Solonis*, ubi narrat Athenis olim non viguisse jus testandi; Solonem id iis dedisse, Qua re factum, est *ἡ κληρονομία*; Plutarchi, ut fecerit *πᾶσι τοῖς ἰσότητος*, uti quisque Dominus ac arbiter rei suæ perfectus fieret. Atqui vis perfecti Domini maxime consistit in facultate alienandi. *Aristot. lib. 5. Rhetor. c. 5. ὅτι δὲ τὸ ἐξῆς*, inquit, *ὅταν ἂν αὐτῷ πᾶσι δυνάμει*; definitio Domini est, ubi penes ipsum est alienandi potestas.

42. Jam vero, ut ejusmodi libera alienatio competat Imperantibus, quibus Imperium simpliciter voluntate populi delatum est, utcunque *Hobbesio* indubitatum sit, nobis minime, de voluntario, inquam, Regno, concedendum videtur.

43. Non, (per partes ibimus) ut Rex Imperium suum vivus transferat in alium; Quia tantum id juris habet, quod datum est ipsi: Populus autem dedit jus imperandi, à quo alienandi potestas toto genere diversa est. Populus ipsi dedit jus imperandi, non alii. Proinde ut ipse non habet, nisi quod po-

pulus dedit, manifestum est, nec alteri plus competere posse.

44. Jam si vendere vel donare suum regnum vivus, simpliciter electus Princeps non potest, clarum est, ne testamento quidem disponere posse. Nam & hæc est donatio quam maxime, secundum memoratam Plutarchi notissimamque Juris sententiam.

45. Si testamento extraneis relinquere nequeat successionem, dicimus, nec ab intestato ad sanguine proximos, ab ipso posse devolvi.

46. Quoniam hæc fundamentum suum habet in absoluta proprietate defuncti, cui potestas adsit alienandi. Item in præsumpta ejusdem voluntate, quâ successio illis datur, quibus eam defunctus, nisi mors prævenisset, daturus fuisse creditur. *Dix. in prælect. ad Nov. 118. lib. 3. in pr. Instit.*

47. Proinde, cui expressa voluntatis declaratio negatur, hujus tacita vim nullam habere potest.

48. Plane, ejusmodi successio, qualis in plerisque regnis voluntariis obtinet, ut ad sanguine proximos ordine certo deferatur, ea Legem expressam manifesto requirit.

49. Ideo talis in nostrâ hypothesi, ubi nihil de successione dictum, nullo modo obtinere potest. Rationes oppositæ ex his quæ modo & pridem sunt dicta, facile refelli possunt.

C A P. V.

De Electione Monarchica.

Jus eligendi competere originaliter iis, quorum Imperium fuit primævum, vel quibus eorum jus datum est, expresse, vel per præscriptionem, quâ maximè Electores Germanos niti videri, & Cardinales, qui Pontifici dant vere summam potestatem in urbem Romam subjectasque ditiones. Inde sequi, Imperatorem nihil habere juris in illam urbem cum annexis: nec proinde ad Pontificis creationem requiri illius consensum, nec Imperatori faciendo, Pontificis voluntatem. Species electionis à latitudine eligendorum desumptas vix usum habere. De modo & effectu electionis. Possè populum, Rege mortuo, mutare formam Reipubl. Quæritur, an & hoc liceat, cum jus eligendi contulit in certas personas: Distinguitur, utrum in hos ut ministros, an veluti jus proprium translata sit eligendi facultas.

Igitur Electivi & Successivi Regni differentia principem unum imperio vitæ jam functum præsupponit; siquidem originaliter nullum non regnum ab electione habet ortum suum, ut præced. capite diximus.

2. Porro jus eligendi, sive surrogandi Principem in vacuam sedem, naturaliter iis competit, quorum jus imperii primævum est: Adeoque penes eos, quibus populus suum jus concessit.

3. Sive identidem Legatos ad eam rem constituent, vitandæ confusionis causâ; Sive jus hoc in perpetuum certo hominum ordini dederint, qui hac parte loco universitatis fungerentur.

4. Veluti possessoribus immobilium rerum, ut in Frisia; vel Nobilibus, ut in Polonia, denique certis Principibus, ut in Germania, Aut Præsulibus, ut in conclavi Pontificio.

5. Sic tamen, ut immemorialis temporum usus, sæpe pro tacito omnium consensu fungatur, quo fundamento niti videtur jus Electorum Germanicorum;

nec enim satis constat, unde horum numerus & facultas originem habeat, nisi quod paulo ante annum à Nato Christo millesimum, id institutum cœpisse videatur; quâ de re novissime ex Abbate Stadiensi Mainburgius *decad. de l'Empir. l. 2.*

6. Eodem fundamento præscriptionis, si non & expressa populi voluntate, sacerdotes Cardinales Pontifici Romano dant summam potestatem.

7. Quod cum usu tot seculorum in vim juris externi invaluerit, clarum est, nullum hodie principem, præter Papam, habere imperium populi Romani & ditionum ei subjectarum.

8. Quod tamen non impedit, quominus Imperator Romano Germanicus in reliquis extra Germaniam Civitates, quæ se pari jure præscriptionis non exemerant, antiquum jus retineat.

9. Quandoquidem à pluribus seculis Germanorum Genti jus hoc quæsitum fuit, ut Reges ipsorum, Imperatores Occidentis essent.

10. Sed ut plerique populi ope præscriptio-

scriptionis, sui juris facti sunt, ita id ipsi, inquam, Romanæ civitati accidit; cæteris, quibus id non contigit, (hi quidem extra Germaniam sunt pauci) subiectis Imperatori manentibus.

11. Jam facile constat, qua ratione Romanenses negent, Cæsaribus esse jus creandi vel confirmandi Pontifices; Et vicissim, cur *Cæsares Romani Germanorum*, spernant Pontificem jûs sibi arrogantiem approbandi Imperatorem, quatenus extra Germaniam Romano præsit Imperio.

12. Nam quatenus ille Rex est Germaniæ, nihilo meliorem juris habet prætextum Pontifex, quam adversus Regem Francorum aut Britannorum.

13. Cæterum, quod alii per Germaniam Præsules sunt etiam Principes, ejus rei non tam à populis origo, quam à Carolo Magno repetitur. Ita Cranz. 1. Sax. 23. Scip. Gent. de Regal. §. 25. & 26. Grotius in lib. de jure summ. pot. circa sacra Ottonibus hoc institutum adscribit cap. 10. n. 27.

14. Institutum hoc, ratione præsentis utilitatis, ut feræ gentes sacerdotali Imperio mitescerent, haud inutile; attamen fatendum est, synceritatem & humilitatem Christianismi, lapsu temporis inde non parvam labem contraxisse; nec enim cum institutis Christi illa conjunctio litui & gladii idoneo modo conciliari posse videtur.

15. Vulgo tres electionum species memorantur; quarum prima intra certam familiam, cujus tamen exemplum habeo nullum, altera ad nationem unam restringatur, tertia nullo termino circumscripta sit.

16. Hujus autem posterioris generis Electio quælibet, simpliciter instituta, esse intelligitur: Limitationes diserte exceptæ probari debent. Alioquin ex usu potius, & facti quam juris esse videntur electiones intra certam familiam aut gen-

tis ambitum factæ: ut plerumque videmus. Electiones etiam illimitatas haud facile egredi familiam ultimi Regis defuncti; quæ res tamen diversum in jure modum non infert.

17. Sed & aliæ limitationes non desunt, qualis in diplomate sive *aurea bulla* CAROLI IV. ne infra *Baronum* dignitatem *Cæsarea* electio demittatur, & ad Germanos restringatur, ut Electores apud Sleidanum lib. 1.

18. Sed in *Polonia* nemo eligi prohibetur, nec in *Conclavi* nationes discerni ulla Lege sancitum, & exempla sunt in contrarium; Tametsi Pontifices fere *Itali*, ob politicas rationes creentur; sed jus non est ita præcisum; exempla quoque non desunt in secus.

19. In eligendo secundum prærogativam numeri, concludendum esse res loquitur, nec enim alius datur exitus: Numerus autem præsentium initur; absentium ratio haberi non potest, neque solet; Quin etiam, an notabilis sit pluralitas non attenditur, nisi quid specialiter convenerit aut constitutum sit, quomodo in conclavi Romano duas præsentium partes consentire oportet.

20. Effectum electio secundum majorem suffragantium numerum habet, nisi quid Leges certi præscribant: ut in electione Pontificis duas partes consentire oportere diximus; sive id per *scrutinium*, ut loquuntur, sive per adorationem fiat.

21. De valore electionis, quæ per vim metumque fiat, in capite de tyrannide agetur, nisi quatenus in articulo de Dominatu ex parte jam diximus.

22. Est autem, vacante regno, tam libera electio, ut etiam non eligere possint Regem aliamque Reipubl. formam introducere. Nempe, si totus populus aut omnes optimates eligendi facultatem exercent, non si in alios transtulerint.

23. Hos enim nihil aliud posse dicemus;

mus, quàm quod ipsis commissum, scilicet, replere sedem vacantem.

24. Sed potest difficile quæsitum videri, an Populus aut Optimates jure eligendi perpetuo in certos homines translato, vacante regno mutandi libertatem retinere censeantur.

25. Nam & Electores privare potestate sua, & rursus, extincto sine successore eo, qui summam habuit potestatem, populum vel Optimates sui juris haud esse, durum videtur.

26. Quod si populus, ut heic primò videtur, suæ potestatis sit, facultatem deregimino Civitatis libere disponendi, cum ea necessario conjunctam esse dixeris.

27. Sed ratio postulat, ut eo casu dicamus, fœdere civitatis ordinem Imperii non minus stabilitum esse, quam Legge de successione lata; propemodum, ut in *Aristocratia*, ubi jus surrogandi Imperantes in loca demortuorum est apud superstites.

28. Voluit populus, Rege mortuo, non referri ad se de electione, adeoque jure, Convenit hac gratia celebrandi semet ipsum privavit.

29. Idque ex naturâ pacti, quod singuli cives cum singulis habent, ut *supra copiose dictum*, pro æterno ac immutabili habendum.

30. Nisi constet, ex verbis, quibus delatum est jus eligendi, vel re ipsa naturaque Reipubl. *Electores* nihil esse quam ministros, quo casu quid juris sit *ultra intelligitur*.

31. Porro, etiam in Successivis Imperiis, quæ voluntaria sunt, locus fit electioni, post defectum familiæ regnatricis, non æquè per abdicationem ultimi imperantis.

32. Quid si Rex imperium committat, hoc est, suis factis vel tyrannide causam præbeat, ipsum Regni jure privandi, an Successores ejus pariter jure

suo cadunt? Respondetur; in Regniis simpliciter hereditariis electioni fit locus, quia Successores ibi suum jus ab antecessore quod periit, acquirere debent: In Successione lineali quæ dicitur, secus est; quoniam ibi jus succedendi non ab ultimo Imperante, sed à Legge primævâ descendit.

33. At in patrimonialibus Regniis Electioni locus non fit, defectu familiæ Regiæ, si modo ultimus successorem sibi surrogaverit: Quo non facto, dicendum est, Electioni locum fieri.

34. Populus enim serviens, Domino absque successore extincto, non potest non esse liber, consequenter habet facultatem faciendi quod libet.

35. Pacta Gentilitia, quibus unâ deficiente familiâ, succedit alia, in Imperiis summis Patrimonialibus per se valida sunt. In voluntariis non aliter quam populo proceribusve consentientibus, ut è principiiis instituti nostri dudum expressis constat.

36. Denique, in iis qui Superiorem agnoscunt, hujusce requiritur consensus, ut in Germania, Imperatoris; maxime, quia ditiones feudales, deficiente omni vasallorum sanguine, Imperatori aut aliis feudorum dominis acquiruntur. *Sleidan. lib. 1. histor. German. in capitul. Carol. V.*

37. Proinde jus habet idem Imperator ejusmodi in fiscum redactas ditiones aliis iterum concedere jure Principatus liberi, qualem alii Germaniæ Principes in suos populos habent, & præcedentes qui defecere Principes aut Comites obtinuerunt; aut Cæsar in iis, tantum juris sibi reservare potest, quantum videtur; ut pote, quæ ipsi pleno jure sunt acquisitæ.

38. Sed liberis populis, sive singulares civitates, sive integræ nationes sint, Imperator nullo modo dominos imponere

nere potest; nisi ex voluntate populorum.

39. Sicut olim *Frisi* aliquoties in ditionem concessi à Cæsaribus, exteris Principibus, eos semper recusarunt, freti libertate à Carolo Magno vel do-

nata vel exinde constanter usurpata; donec ultro *Saxonem Albertum* introduxerunt. Nec diversa ratio esse videtur Orientalium Frisiorum; Quorum idcirco Imperiorum initia pro voluntariis habenda sunt.

CAP. VI.

De jure Successionis hereditariæ.

Successionem regnorum esse duplicem, hereditariam & institutivam. Illam ex testamento, vel ab intestato. Harum priorem expressâ, posteriorem tacitâ ultimi regnantis voluntate niti. Locum esse hereditariæ successionis in patrimonialibus imperiis. In his posse patrem, cui velit ex liberis, vel extraneo relinquere successionem, sine deductione Legitimæ, modo hæc aliunde præstetur. Ab intestato regnum deferri illis, quos defunctus habuit carissimos, quales in dubio proximi sanguine præsumuntur. Videri tamen, quod defunctus Rex, ubi nihil dixerit, regnum voluerit esse individuum, ob diversas rationes; Inde sequi, matres feminis, primos posterioribus natu præferendos, licet grandiores ante regnum acquisitum sint nati. Dissentire in quibusdam ex hisce Grotium. Fratres secundo genitos non videri in ejusmodi regnis præferendos nepotibus primogenitorum, sed junioribus. Naturales liberos excludi, non adoptivos. Paulò secus videri, de modicis principatibus, qui magis ad exhibitionem vitæ Illustris, quam ad subsistendum per se in statu belli, pertinent. De repræsentatione & ejus effectu; differentiâque patrimonialis & Herilis Imperii.

IN Electione, mortuis Regibus, Interregnum exercitationem summæ potestatis interruptit. In Successione personam Imperantis, non Majestas deficit, quia successio sine ullo humano facto sequentis gradus Principis solo imponit. Quo sensu dictum est, Reges in ejusmodi Imperiis non mori.

2. Idque non modo verum est de actu primo, sed etiam de actu secundo & exercitio Summæ potestatis, quem proinde à solennitate inaugurationis, ut interre-

gno opus sit, non pendere, certa res est. Et sicubi in Regnis successivis, ut nuper factum vidimus, in gente, quæ gloriatur successionem bis mille annorum, ea lex imponatur successoribus; ne quid potestatis, ante jusjurandum solenniter præstitum, exercent, hi postulatam ingens Imperio & juri successionis injungunt.

3. Sed de ordine succedendi multiplex consideratio est. Summam statui-mus differentiam inter patrimonialia & institutiva seu voluntaria regna; intellige-

E c

gelibe.

gelibere voluntaria, non ubi deditio facta est, quando necessitas elicit voluntatem de qua dictum sect. 2. cap. 1. Talia enim magis patrimonialia sunt, utique deditio simpliciter facta, ut in d. loco.

4. Porro in patrimonialibus est Successio *Hereditaria*, quæ transit eodem modo, quo hereditates privatæ, hoc est, per expressam ultimi decessoris dispositionem, quæ *Testamentum* est, vel ex tacita ejusdem voluntate, quæ est fundamentum *successionis ab intestato*.

5. *Hobbes* origine quidem modoque constituendi differre concedit illas species Imperii, *patrimonialis & voluntaria*; at semel constitutas habere omnes eandem proprietates & idem utrobique succedendi jus esse contendit, *locis antea citatis*.

6. Sed hæc judicatio pendet ex iis, quæ pridem disputata sunt; utrum populus deferens Imperium, transtulisse, quicquid *potuit*, aut quicquid *voluit*, intelligatur. Si prius, necessaria est *Hobbesi* in hoc articulo sententia. Sed voluntatis consequentia, quam nos probavimus, evidentem discriminis causam suggerit.

7. Patrimonialia igitur Regna (voce regni pro omni Monarchiâ sumptâ) pendunt unice ab arbitrio & dispositione Dominantium, qui quovis tempore rerum potiuntur; Idque tam inter vivos quam mortis causâ.

8. Adeo ut Imperia ejusmodi populorum, aliis donari, vendi, similibusque modis cedi possint; cujus rei exempla nec in sacris neque in profanis desunt historiis.

9. Impremis testamento relinqui potest successor, aut ex liberis unus, citra ætatis, aut à cognatis sine propinquitatis privilegio, vel extraneus amicus, quemadmodum testator sibi populo suo expedire judicat; quo jure *Ptolomæus Primus* de *Ægypto*, *Malanissa*

& *Eumenes* aliique de suis olim regnis disposuerunt.

10. Neque heic liberis querela inofficiosa voluntatis, aut detractio certæ portionis, quæque civili jure id genus remedia ob æquitatem à lege introducta fuere, competunt.

11. Summa potestas ejusmodi Legum commentis minimè subjacet, quamquam naturalis alimentorum ratio in istis quoque valet; sed huic facile absque Imperii sectione satisfieri potest, ut sit omni die in individuis ditionibus, per pecunias aut fructus terrarum, quæ sub eodem Imperio manent.

12. Ab intestato viget in patrimonialibus præsumpta defuncti voluntas; quam proinde hic unice oportet attendi. Aliarum gentium scitis, diversi sæpe respectus æquitatisque interpretationes obtrinent, velut, unde bona venerunt, illuc ut revertantur & similes.

13. Hic talia non æstimantur, nisi quatenus conjectura de voluntate ex iis colligi possit; sanguinis propinquitate tacitam ultimi possessoris voluntatem efficacius arguente, quam grati animi respectu; et si aliter velle videatur *Grotius in lib. 2. c. 7. n. 9.*

14. Præsumptio gratitudinis, quæ in ultimo possessore fuerit, imbecillior est, quam ut ab intestato quicquam mutare possit. Efficacissima ratio naturæque ingenii humani convenientissima est, ut propinquitas sanguinis, ubi nihil expressæ voluntatis extat, mensura sit affectionis, quemadmodum *Romano* jure scimus esse consultum.

15. Unde consequi videtur, eos, qui æque sunt sanguine propinqui, pariter succedere in regnum, & si convenire nequeant, æqualiter id esse pariendum.

16. Idque sine discrimine sexus; quam *ἰσότητος* Natura in hereditatibus, quæ à liberâ dispositione domini pendet,

pēdēt, interprete jure Romano, ignorat. Naturæ accusatores appellantur à Justiniano, qui discrimen illud ad consequentiam juris urgent. l. 4. C. de lib. præ.

17. Quare, si mortuus sit Dominus Imperii patrimonialis, cujus ab ipsius arbitrio pependit dispositio, sine ultimâ voluntate, non habetur dubium, quin dividuum sit Imperium, adeoque dividenda sint inter primò & postea gentios, inter mares & feminas, naturales & adoptatos, quoniam & hi perinde jure privato vocantur & habent voluntatem defunctorum; nisi aliud more gentis receptum aut à defuncto præceptum sit.

18. Prærogativam autem marium & primogenituram non aliter ibi valere docet eadem ratio, quam si Imperium expresse individuum sit factum.

19. Planè in Comitibus & Baronatibus, ut dicuntur, aliisque modicis ditionibus, quæ aut superiorem habent, aut sub umbrâ aliorum degunt, sic observari docet experientia, idemque evincit ratio manifesta, quod in iis nihil aliud quam affectio paterna vel consanguinea spectetur.

20. Cujusmodi exemplum habemus ob oculos in *Amelandiâ* Frisiz litori prætexa, parvi insulæ momenti, sed tamen independentis imperii, quæ jure patrimoniali habetur, nec alio modo quam bona cujusque patris familias, vendi potest; in quolibet autem heredes sanguine proximos transmitti solet, ut à nobis in *vindictis Amelandicis* demonstratum est.

21. Neque dici potest, quamobrem plus in ejusmodi ditionibus spectari deberet; quatenus exigui & subordinati principatus magis ad exhibendum principalis vitæ cultum, quam ad subsistendum in statu belli contra alias Civitates, sunt comparati.

22. Sed videndum, ne non difficile sit,

eandem in omnibus Imperiis quæ est in privatis Patrimoniis, rationem sustinere, maximè in his quæ Summa nec aliis obnoxia neque spernendæ sunt potentie.

23. In illis modicis, inquam, ut & quibusvis hereditariis, simplicitas naturæ, remoto sexus ac ætatis discrimine, prævalet; idcirco quia respondent debiro alimentorum, quibus parentes ex necessitate juris naturæ adversus omnes ex æquo liberos obligantur.

24. Cui accedit ratio, quod in illis nihil est, unde præsumptio de voluntate decessoris colligatur, præter animum paternum & sanguinis caritatem, quæ omnes æque propinquos pari honore, in universum, haberi postulat.

25. Sed in Imperiis Summis & majoribus, considerandus imprimis est amor Principum erga subiectos. Qui tantò major in patrimoniali quam diverso Imperio esse solet, quantò tenerius avita ac hereditaria bona, præ usufructuariis aut fideicommissariis amamus.

26. Adde, si liber, talatitium *Hobbesii* juris Naturæ principium, de non reddendo malo pro bono, quod longe majus est in majoribus regnis, quam in modicis ditionibus.

27. Id enim frequentissima omnium temporum experientiâ testatur est, haud temere ullum gravius malum populis evenire posse, quam est concursus successorum in ejusmodi Regnis.

28. Unde vel divisio, id est, prope certa destructio civitatis, aut afflictio duntaxat gravissima & prope inevitabilis, expectanda.

29. In quod ferale minimeque obscurum discrimen, quis in dubio præsumat, Regem voluisse populum, à quo tot tantaque commoda percepit, præcipitatum? Maxime, cum id disertè adversetur desiderio, quod habet, de Imperio in familiâ suâ conservando.

E c 2

30. Juxta

30. Juxta quod, patrem horrescere oporteat omen tragicum, cujus meminit Euripides in *Phanissis*;

Θιελω σιδερω δινγε Αλαχων τιδη, &c.

Fratres acuto regnum ferro dividant.

quod è concursu successionis confusæ prope necessario, ut sunt æmulationes regnorum, sequeretur.

31. Adde, quod jus primogenituræ & prerogativa, usu generis humani invaluerit, adeo quidem ut Principes qui hunc ordinem in Imperiis quoque patrimonialibus expressâ voluntate mutant, *contra jus Gentium* decernere dicantur, quomodo Justinus de Ptolomæo loquitur *lib. 16. cap. 2.*

32. Quare, si nihil esset dictum à Ptolomæo Patre, nemo dubitasset, quin Ptolomæo Cerauno majori filio potius debita fuisset Successio, quam minori Philadelpho; Jus autem primogenituræ supponit individuum regnum.

33. Porro, quod ad obligationem naturalem, per quam alimenta debentur, attinet, huic aliunde potest satisfieri, quemadmodum antea diximus. Institutum in hanc rem salubre multis in regnis obtinet, ut redditus certæ partis, *sub obsequio primogeniti Imperantis*, posthabito concedatur, quod barbarè *Appennagium* appellatur.

34. Enimvero, si *expressa* de patrimoniali regno ultimi Imperantis *dispositio* extet, illa cunctas superat præsumptiones, quæ tamen ideo non tolluntur in casu intestati.

35. Verum in testamento potest ita institui divisio, ut incommoda, quæ alioquin è promiscua successione fratrumque divisione orirentur, prudenti consilio testatoris præveniantur & cohibeantur.

36. Inducimus igitur in animum, ut putemus, Imperium Patrimoniale, quousque nihil à rege defuncto vel more jam

recepto expressum est, in *partibus subiectivis*, hoc est, in terris non recipere mutationem, sed manere unum & conjunctum, etsi à Grotio non tam contra quam nihil hoc super articulo sit collocatum in *d. cap. 7. lib. 2.*

37. Quo præmissis & præsupposito, facili consequentiâ intelligimus, mares potiore loco habendos esse, quam feminas, & inter mares primogenitos esse præferendos.

38. Eo quod hi valore sexus & judicii maturitate videntur aptiores, aut citius futuri sperantur, ad sustinendum grave cuncta regendi onus.

39. An aliter Grotius, quando ait, *in regnis patrimonialibus, si dictum sit, ne dividatur regnum, nec cui cedere debeat expressum sit, ut quisque natu est maximus, mas aut femina regnum habebit d. cap. 7. n. 13?*

40. Est quidem hæc ratio pro feminâ primogenitâ, quod hæc jus individuum in spe succedendi consistens occupaverit. Sed in regno hereditario nullo est jus potentiale successoris, Rege vivo; ut est in lineali successione, vi Legis: heic enim à voluntate expressâ vel tacita ultimi possessoris omne jus pendet; ultimum autem Regem in dubio, suppositâ individuitate, marem feminæ prælatum voluisse, non potest dubitari.

41. Nisi forte Grotius mares & feminas non comparet in illis verbis, ut femina primogenita mari præferatur, sed ut primogenitum marem, vel si mas non sit, tum feminam primogenitam vocari velit.

42. Porro, eadem ratio docet, filios ante regnum acquisitum natos haud minus habere juris, quam qui postea sunt geniti; quâ de re olim toties magnis animis certatum fuisse legimus.

43. Cum enim Patria sola voluntas spectetur, eaque non pendeat à tempore acquisiti

requisiti regni, sed æqualis sit erga omnes liberos, primogenitum simpliciter in regno individuo vocari consentaneum est: quemadmodum in aliorum successionibus bonorum, tempus acquisitionis non attenditur.

44. Magis inexpectatum videtur, quod placet quibusdam, fratres secundo genitos nepotibus à primogenito ætate minoribus esse præferendos; in regnis Patrimonialibus, de quibus hic agimus.

45. Quid ni enim hic obtineat representatio, sive subdolo liberorum in vicem parentum, per quam nepotes ex filio primogenito in locum Patris emergunt?

46. Quippe, cum illa maxime sit naturalis, ideoque in Rege mortuo præsumenda, quemadmodum in aliis hereditatibus obtinet. Quid, enim hac parte recedere jubet ab analogia privatarum successionum, quam cum patrimonialibus regnis antea comparari vidimus?

47. Opponitur; in privatis successionibus, qualis etiam hæc est, Representatio non plus efficit; quam ut nepos filio, quod ad gradum adinet, æquiparetur; quæ æquatione factâ, qui habent jusejulem gradus, omnes equaliter ad bona vocantur, quod secus in regnis individuis & in jure primogenituræ se habeat.

48. Eo quod Ætatis ratio sit mere personalis, quæ ad liberos ex simplici ratione naturali non transit, sed opus est dispositione positiva, ad ejusmodi jus personaletribuendum successoribus; cui accedit, quod idem sit contra fundamentum præsumptæ defuncti voluntatis, quæ sumitur ab ætate, ad aptitudinem regnandi.

49. Priusquam respondeam; oportet obiter observemus, eos, qui terribus amant latine loqui, jus quo liberi in locum parentum mortuorum surrogantur, non

appellare *Representationem*; quod hoc vocabulo, apud veteres nihil significetur, quam alicujus rei in antecessum exhibitio. Ita Cicero, se Tyroni suo diem libertatis promissæ *representaturum* scribit, hoc est, ut alias loquimur, anticipaturum. *xvi. epist. 14.* Temporis medicinam ratione *representare*, id est, præsumere solatia, quæ tempus alioquin adferret. *v. epist. 16.* Ita Jetti *passim*, referente Brissonio *de V. S.*

50. Nec aliter temere apud antiquiores. Sequiore seculo deflexum est ad usum, grammaticæ forte magis congruum, ut *representare* significaret iterum sistere, præsentem reddere; quomodo Diocletianus & Maximianus, pro frutmento *representare* oleum dixerunt in *l. 7. C. de Rer. permut.* Idem *Representare se*, pro sui præsentiam facere *l. 8. C. Quom. & quand. Jud.* Et quod propius ad usum hujus seculi, Alexander *Representare jus* in aliquo loco dicit Magistratum in *l. 1. C. Ubi caus. stat.*

51. His exemplis aliquanto commodius liberi dicuntur *representare* suum Patrem mortuum, id est, iterum quasi præsentem sistere & exhibere jus atque personam ejus, efficacissimo sensu; quem proinde quominus sine hæsitacione sequamur, nihil obstat.

42. Jam, quod Representatio nihil quam adæquationem gradus efficiat in hereditariis successionibus, aliter liquet in eo; quod fratris germani liberi cum fratre defuncti uterino concurrentes, representando patrem suum, non modo huic adæquantur gradu, sed eundem etiam excludunt. Et, si nihil aliud quam adæquatio gradus fieret, nepos primogeniti unicuique, concurrens cum filiis secundo geniti pluribus, in hereditate divisibili, non haberet plus quam unus ex his obtinere posset, quod verum non est; cum solus tantundem, ac plures filii

filiis secundi fratris simul, accipiat, idque è præsumpta voluntate defuncti.

53. Magis igitur est, ut cum repræsentatio in regnis hereditariis non excludatur, primogeniti filius ab avo in locum Patris affectu præsumpto substitutus videatur; etsi in eo cesset præsumptio majoris aptitudinis ob ætatem. Hæc enim præsumptio non potest tollere jus perfectum repræsentationis.

54. Cum eadem tacita voluntate consentit, quod liberi absque justo suscepti matrimonio, non admittuntur, quia vel ideo Rex non videtur eorum matrem in uxorem duxisse, quod illam liberosque justo affectu non prosequeretur.

55. Quod secus, scilicet, est, ubi vel legitimatio vel sufficiens voluntatis actus intercessit, aut nulla inter legitimas uxores concubinaque differentia fuit defuncto, ut *Dominus Turcorum* post *Bajazetem*, cum ejus uxor nimis contumeliose à *Temirlano* habita fuisset, observatum est.

56. Adoptivi tamen liberi, quos expressè defunctus pro filiis adscivit, ex illa clara voluntate, non alio jure quam reliqui naturales liberi, videntur habendi; adeoque & *filiabus* præferuntur.

57. Nam postremò etiam hi, quando potioris sexus liberi defuncti, præ cognatis remotioribus successio debetur, quia sine dubio major affectus patris erga suam prolem est, quam respectu cognatorum; nec enim ille judicium de aptitudine ad imperandum comparasse videtur extra suam domum.

58. Hæc ita in regnis *patrimonialibus*, secundum probabilem defuncti voluntatem, quæ sola in iis spectari potest, si nihil cautum sit, habere se videntur.

59. Quod, si constet, Regnum esse & alias fuisse dividuum, jam non hærebimus, quin liberi omnes majores,

juniores, masculi, feminae, adoptati, (non tamen nothi) & secundum eos, reliqui agnati aut cognati secundum gradus prærogativam, sint admittendi, ut *Grot. d. cap. 7. n. 12.*

60. Patrimonialis igitur & Hereditaria Successio hactenus est eadem; Patrimonium enim & hereditas non differunt; *Patrimonium tibi gratulor*; ad Curationem Cicero post mortem Patris ejus. Idem; *Liberis nostris satis amplum patrimonium relinquemus*; *Pro dom. Fratres commune patrimonium dividerunt l. 38. n. Famil. ercisc.*

61. Salvo tamen hoc discrimine, quod Patrimonialis Successio pendeat à voluntate primi Imperantis; licet deur etiam hereditaria, quæ pender à voluntate populi vel superioris, ut *infra* videbimus.

62. Oportet autem hic denuo observetur, aliud esse Patrimoniale, & aliud Herile imperium. Multæ enim ditiones sunt patrimoniales, in quibus admodum est modica potestas imperantium, ut in nostra *Amelandiæ*: non pauca etiam sunt Herilia, in quibus nec alienandi neque testandi potestas obtinet, adeoque ubi non est hereditaria, sed *institutiva* successio.

63. Cujusmodi est Turcicum Imperium, In quo cum hoc seculo *Amurathes* Imperator fecisset Testamentum solenniter confirmatum & à ministris primariis juratum, quo fratrem *Ibrahimum* excludebat, hoc tamen minime ratum est habitum, ut retulimus in *Histor. Civ. ad ann. 1640. in cap. rer. Turcic.*

64. Quin aliquando usu venit, ut herilia regna sint Electiva, quale fuit Imperium Mamaluccorum in Syria & Ægypto, quod Selymus Turca destruxit, ut diximus, *Histor. Civ. tom. 2. l. 1. sect. 3. c. 11.* Tantum adest, ut herilia cum patrimonialibus eadem sint, vel cum illis semper conveniant.

C A P. VII.

De Successione institutivâ.

Successionem institutivam esse, quæ ex voluntate populorum originem habet, eamque esse vel simpliciter hereditariam, vel linealem. In illâ, multo magis in hac, fere eandem nasci præsumptiones, quæ sunt in patrimonialibus, ex tacita ultimorum intentione regnantium. I. Non esse dividendam civitatem, quia nihil publicæ quieti exitiabilius. II. Ut mares & primogeniti præferantur, etiam qui ante regnum patri delatum sint nati, nepos quoque primogeniti filio secundo licet majori, non æquè, ut Successio ster intra descendentes primi Imperantis, secus ac Grotius; Id esse proprium Successioni lineali, cujus à Priore differentia exponitur. In hac etiam filium ex Patre nondum Rege natum præferri nato post regnum acquisitum. Quid si delatum sit Imperium Tali & filiis ex eo nascituris? Neptem ex filio præferri ex filiâ nepoti, & filiam fratris sororis, filio; nisi feminis exclusis: quo cauto, natos etiam ex feminis censei exclusos. Liberos illegitimos nec non adoptivos ab hoc loco esse alienos. Cessare hic testamenti factionem, proinde & exheredationis effectum, quin & abdicationis, quia non pendet hoc jus succedendi à facto ultimi possessoris, sed a lege primæva. Ortâ de successore controversiâ, nullum esse judicem, quam ferrum, nisi forte populum per modum interpretationis.

Fuit Hereditaria & arbitraria Successio, sequitur *Institutiva*, quæ defertur secundum voluntatem ac institutum ejus qui primum Imperium fundavit, sive populus fuerit, sive major Princeps, qui Imperium in alium contulit, ut sunt domini feudalium regnorum, in quibus ideo simplex hæreditaria successio & testamentaria communiter non obtinet *cap. 1. in pr. de success. feud.*

2. Plane, quominus voluntaria aut ab alio constituta Imperia sint etiam hereditaria, si hoc modo constituta fuerint, nihil vetat; quia possunt etiam esse patrimonialia, quibus hereditaria successio propria est, ut intelleximus.

3. Quid enim vetat, quominus qui in alium confert Imperium, id ita transferat, ut accipiens hoc etiam vendere deque eo testari possit, quemadmodum in Feudis aliquando usu venit: Et, si populus ita, Imperium sui in alios conferre velit, potest hoc æque facere, quam se ipsum in servitutem dare posse. jam pridem demonstravimus.

4. Quid autem juris sit, quando populus imperium simpliciter alicui derulit, quod Romæ factum, non expresso, electivum, an successivum sit futurum, superius probatum est; videri tunc esse electivum.

5. Quid si delatum sit alicui jure hereditario;

reditatio, sive pro se & heredibus Imperium? Verbis equidem Patrimoniale videri posset, quia quod alicui pro se & heredibus relinquatur in testamentis, ejusmodi habetur: sed ex negotii naturâ & præsumptâ populi voluntate, potestas alienandi atque testandi de regno voluntario non videtur esse delata.

6. Ex eadem præsumptâ voluntate condentium Imperium, eadem fere nasci videntur conclusiones, quas modo ex tacita defunctorum regnantium voluntate collegimus in patrimonialibus.

7. Primò, non esse dividendam Civitatem; quia populus id sui ipsius causâ multo fortius, quam Rex ob amorem populi, pacemque familiæ, voluisse videtur.

8. Secundum hoc, ut alii ne vocentur, quam qui ex iusto sunt nati matrimonio, tam ratione præcedenti capite laudatâ, quam quod extra matrimonium nati, sanguinis incerti habentur.

9. Tertium ponit Grotius, ut Successio stet intra eos, qui descendunt à primo Rege: Quod in terminis regni simpliciter hereditarii, sive pro illo & heredibus ejus, constituto, ut Grotius ponit, in d. cap. 7. n. 14. & seq. verborum proprietas nullo modo fert; Ut scilicet hereditarii appellatio non tantum ad cognatos, sed etiam ad solos descendentes restringeretur. Idem mox iterum occurret.

10. Sed hoc tuto ponere licet IV. quod mares feminis in pari jure sanguinis præferantur; deficientibus demum viris, sequior sexus admittatur, ob eandem rationem.

11. V. Ut primogenitus solus his qui postea sunt nati, anteponatur, propter rationes etiam suprâ collocatas, in regno patrimoniali.

12. Quod nepos è Primogenito natus licet minor, præferendus sit filio secundo ge-

nito ætate majori, jure representationis; Hanc enim in Successione constitutâ, ut simpliciter hereditaria vel successiva sit, habere locum, dubitari non potest.

13. VI. Quod ordo Successionis alii quando transire potest ad eos, qui non sint de sanguine primi Imperantis, uti sæpe contingit, posteros alicujus habere cognatos heredes, ab illo alienos.

14. Aliter Grotius, qui in Regnis ex voluntate hereditariis statuit, præludendum esse, quod constituentes voluerint, ut Successio stet intra eos, qui à Primo Rege descendunt, eo quod hæc ob nobilitatem electa censeatur, quâ finitâ, regnum redire debeat ad populum d. lib. 2. c. 7. n. 15.

15. Sed hæc præsumptio infirmior est, quam ut jus hereditarium, quod habent proximi heredes cujusque regnantis, superare queat. Nam qui regem ita constituit, ut successionem hereditario jure deferat, si maxime Testamentarios heredes exclusisse videatur, alios tamen consanguineos, peremptorie vocasse non potest negari, quod & in Feudis obtinet.

16. Quippe restrictio, ut heredum appellatio, primo ad consanguineos, dein etiam ad descendentes, sine ulla horum speciali mentione, restringatur, id profecto est vim verbis inferre manifestam.

17. Cæterum, illa Grotii positio videtur esse propria Successioni, quam Linealem vocant, secundum quam non proximi Regis quâ tales, sed qui à lege designati & dispositi sunt, vocantur.

18. VII. Huic hereditariæ & institutivæ successioni proprium, in quo discrepat à patrimoniali, sit, quod exheredatio in eo fieri non potest, quia non profisciscitur, neque pender à Regis sed à populi voluntate, nec adeo testamenti super regno faciendi jus, unde facultas exheredandi pender, tribuit.

19. Deni-

19. Denique, & hoc est peculiare, quod etsi regnum hoc sit *Hereditas*, tamen à privata hereditate diversum sit; ideoque licet illa non adeatur, regnum tamen ab herede acquiri possit; quemadmodum in bonis feudilibus, emphyteuticis & fideicommissariis usu venit, ut etiam docet Grotius *d. c. 7. n. 19.*

20. Positiones præcedentes etiam omnes locum habent in illâ Successione, quam *Linealem* vocari diximus, quæ à lege, secundum certam succedentium *lineam* ordinatur; excepto, quod diximus, Successionem hereditariam ad tales etiam heredes pervenire, qui non sunt orti ab imperante primo, cum *Linealis* ad solos ab ipso descendentes pertineat.

21. Præcipuum, quo hæc species à priori differt, est igitur, quod simplex hereditaria Successio ordinem suum accipit ab ultimo imperante, neque Successor quicquam juris habeat, nisi per hujus mortem. Sed in lineali, quamquam Lex effectum succedendi, non nisi Vacuo regno, cui libet proximo tribuit, jus tamen *potentiale*, quod Grotius vocat, etiam prius, etiam remotioribus addicit Successoribus.

22. Hinc quæri potest, non modo de lineali, sed de quâvis hereditaria successione; An etiam filius ante regnum quæsitum Patri natus habeat succedendi jus, quemadmodum de patrimoniali Successione diximus. Ratio dubitandi, quod in successione patrimoniali, sola Patris voluntas spectatur, quæ non est minor erga filium antea, quam postea natus: Verum in regnis, ubi Legis dispositio regit Successiones, potest dici, quod jus successionis nequeat incipere, nisi positis succedendi terminis habilibus, qui non sunt in filio antea tempus regni à Patre quæsi nato.

23. Hanc rationem suggestit Dema-

ratus exsul rex Spartanus Xerxi apud Herodot. ejusmodi cum fratre Artabazane litem agitante; quæ & apud Lacedæmonios vim juris habuit, plenæque sunt hoc genere exemplorum historiz.

24. Verum illa ratio non est idonea ad hanc diversitatem inferendam. Nam si tunc, ubi successio primum constituitur, jam natus sit filius, ut accidit in imperiis recens acquisitis, clarum est, eam maxime designari per filium, qui fuit in conspectu.

25. Nisi forte dictum fuit, imperium dari *Tali & filiis ex eo nascituris*, quo argumento nixum fuisse Ludovicum Sforzam adversus Galeatium fratrem, in controversia ducatus Mediolanensis, refert Grotius *d. c. 7. n. 29.* quod pro exemplo bonum est, pro historia non æquæ. Nam Ludovicus Galeatio & ejus filio se prætulit eo, quod ipse haberet investituram à Maximiliano Cæsare, quam Pater & frater & fratris filius omnino neglexissent; addito, quod ipse natus esset Patri jam Duci, Galeatius antea; quæ ratio fuit utraque in literis investituræ Cæsareæ, ut auctor est Guicardin. *lib. 1. de bell. Ital.* qui de *Nascituris* nihil.

26. Quod si de filiis, longiori à lege lata tempore natis, antequam ordo successionis ad Parentes eorum pertigisset, quæretur, pro his adhuc evidentior est ratio; quia talis filius ante regnum Patri actu delatum, jus illud potentiale, quod in lineali successione versatur, acquisiverat, ante filium, qui post regnum à Patre acquisitum natus est, cui idcirco antefereendus est.

27. Sicut in patrimoniali & hereditario idem fit jure representationis, ut demonstratum est, quod non habet locum præcisè, quo tempore liberi nascuntur, sed omni tempore vitæ: Nec enim minus fuit filius is qui adoleverat, cum

F f

Pater

Pater Rex fieret, quam *in purpura natus* & regius infans.

28. Denique & in lineali successione minus est dubii, quin nepos è primogenito; licet ætate filio secundo minor, huic tamen præferatur; Quoniam filius primogenitus, patre vivo mortuus, jus quo tum spem habebat præcipuam, quodque jus *potentiale* diximus, ad suam prolem transmissit.

29. Sed an non obstat heic, ratio minoris aptitudinis ad regnandum, ex impari ætate, & an non hæc, respectu populi, validior est quam in Rege, qui jus Patrimoniale transfert in posteros suos?

30. Non videtur, quia vis expressæ sanctionis validior est, quam illa præsumptio esse queat; Lex vocat filium primogeniti sine discrimine, cujus ætatis sit; quia semel successionem in universum stabilire volens, ob exquisitos casus, nullam varietatem recipere potuit.

31. Tunc enim successorum ordinationem expressæ tacitæque ultimorum Imperantium voluntati committere debuisset; quod ne fieret, successionis ordinem definivit.

32. Unde, nec primogenitum, etsi longe ad res gerendas ineptiorem, modo non furiosum aut mente captum, ordo Legis prætervehitur.

33. Hæc in lineali successione nullam habere difficultatem, fatetur Grotius; In hereditariis, seu patrimonialibus sive institutivis, modo individua sint, ita existimat, *Representationem* nihil facere quam *æquationem gradus*; Ideoque majorem natu, sive is nepos è primogenito, sive, quod plerumque usu venit, sit filius secundo genitus, esse præferendum; quod cur nobis minus sedeat, in fine *cap. præced.* ostendimus.

34. Secundum hæc, fratris majoris filius vel filia, secundo genitum fra-

trem antecedit, imo & nepos vel neptis illius, adeoque in infinitum hoc valebit.

35. Neptis quoque *ex filio* præferenda erit nepoti ex filia, quia filius filia prælatus fuisset, suamque spem ad prolem suam transmissit; filia, quæ nihil habuit nihil suo gnato tradere potuit.

36. Lex quidem mares etiam præfert, & prætulit in hoc casu filium filia; sed jure in filium stabiliro, inter illius liberos, si utriusque sexus extent, idem discrimen servat; si verò filias tantum reliquerit, hæc jus à Patre transmissum retinent; Nepos ex filia nihil habere potest, quia mater ejus nihil juris habuit, & lex non potest retrò operari per saltum, ut relictæ nepte ex filio, recurrat ad nepotem ex filia; Ideoque feminis tantum repertis, in his subsistit, nec retrò currere potest.

37. Eadem ratione, filia fratris potiori jure, quam filius sororis utetur, ac ita in cæteris.

38. Ultrò autem intelligitur, hujusmodi successionem, in iis obtinere populis, ubi feminæ non penitus excluduntur, sed ubi maribus duntaxat posthabentur, ut in plerisque Christianorum regnis usus & juris est.

39. Quo casu etiam, ubi Lex viros produxit ad solium, si postea pares gradu deficiant, retrocedit ad feminas, potius quam ad agnatos diversæ lineæ pergat.

40. Id enim extra controversiam collocamus, nihil ob stare, quominus *femina ad imperia populorum*, salvâ juris Gentium ratione, positis causis habilibus, *exsolli possint*, quâ de re diximus in *cap. 2. huj. sect. in fin.*

41. Utrum rectius prudentiusque penitus excludantur, quam in subsidium, deficientibus masculis, vocentur, Politicorum disputatio est, de quâ rationes & exem-

& exempla in utramque partem Historia suppeditat.

42. Nec de nihilo observatum fuit, nullas gentes plus à feminis esse perpervas, quam quæ maxime gloriantur, eas penitus ab se à successione regnorum, exclusas esse, quod nominatim de Galis animadversum est.

43. Porro, ubi omnino excluduntur, quæ successio linealis agnatica vocatur, ibi non modo cognati remotiores illas præcedunt, sed ne feminæ quidem, deficiente omni sanguinis lineâ, admittuntur, expressâ prohibitione omnem tacitæ voluntatis excludente præsumptionem.

44. Quod ipsum in maribus ortis è feminis haud dubie statuendum, quia Successio est ordo continuus, qui per saltum ferri nequit, obstante regula, ubi excludens te excluditur, multo magis tu excluderis.

45. Atque is ordo lege stabilitus, quo jus potentiale certæ lineæ quæsitum est, ne quidem à populo toro, vel Proceribus immutari potest; cum ille suum jus etiam in futurum alienaverit, ne quidem si ultimus Rex suum adhibeat consensum; quia dispositio ipsius neque viventis neque mortis causâ, in talibus imperiis quicquam mutare potest, ut sæpe demonstratum est. Exempla quæ in diversum non desunt, facti non juris esse, vis veritatis imperat, ut statuamus. vid. quæ dix. Hist. Civ. tom. 2. l. 1. sect. 1. c. 5. n. 3.

46. Sed discrimen hereditariæ & linealis in regno voluntario Successionis plerumque ex usu & interpretatione populi superveniente magis colligitur, quam ut lege certa ab initio declaratur, ut in Franciæ regno manifestum est. Quippe ibi lex Salica quæ dicitur, nudum fere nomen est, cum de eâ nihil constet, quam quod Salii olim Francis juncti solos mares ad hereditates privatas vocaverint. In regno an obvi nuerit,

non fuit decusum ante mortem Ludovici Huttini, anno Chr. 1316. & an linealis esset, paucis annis postea. Dix. in hist. Civ. tom. 1. ad d. ann. cap. 5.

47. Jam de naturalibus spuriiisque liberis nemò dubitat, quin æque ab institutiva quam ab hereditaria successione penitus arceantur; alimentorum quæstio à jure publico aliena est.

48. Adoptivos in patrimonialibus solâ defuncti Regis voluntate sat ipso actu declaratâ vocari diximus, quæ cum in voluntariis regnis cesset, nullum in his locum dari adoptatis manifestum est.

49. Jam non est quod moneatur, Regibus in hujusmodi Imperiis non esse jus faciendi testamenti, quo successio nis ordo mutetur, ut jam expositum est, ac ultro liquet.

50. Proinde exheredationem, nec ob ingratitudinem licet atrocissimam, fieri posse cum effectu, tam in hereditariâ quam in lineali successione, uti jam diximus. Nec abdicatio principis cum præjudicio posteritatis fieri potest in lineali, quoniam jus ei Lege quæsitum, non ab regnante profectum est.

51. Sed in hereditariâ simplici, regno tamen voluntario, quia jus heredis à defuncto in proximum venire debet, qui tempore mortis nihil habuit, is nec in heredem quicquam transmittere potest. Idem de derelictione judicandum.

52. Caterum, controversiâ de successione ortâ, non potest alius esse iudex quam Ferrum, utique cum decidenti potestate, quæ succumbentem obliget ad parendum.

53. Populus enim, quandiu stirps familiæ regnatricis superest, omni jurisdictione manet exutus; Neque superstes princeps ultra vitæ suæ terminos quicquam de Imperio disponere potest.

54. Quanquam si compromittere velint, nullum rectius arbitrum, quam Regem

gem vivum, eove mortuo, populum vel primores eligere possunt.

55. In Imperiis, ordine successivo non bene stabilitis expedit & solet fieri, ut Reges filios suos vivi curent vel successores declarari, vel etiam pro Regibus agnosci atque inaugurari.

56. Successores declarantur vel simpliciter, vel cum titulo Summæ Potestati proximo, quomodo Cæsares in Imperio veteri Romano sub Antoninis & postea, distincti ab Augustis, in hodierno Imperio Reges Romanorum declarantur.

57. Quando Reges fiunt vivis Patri-

bus, tum vel Imperii *College* adsciscuntur, ut Severus Antoninum filium per modum Condominatus, auctoritate dispari, potestate pari; vel Pater se jure imperii abdicat, ut filius eo solusporiatur, quod factum à Ptolomæo Lagi in Philadelphum filium, cui pater in ipso actu inaugurationis apparuit, *officium regis filio inter satellites exhibens*, ut Justinus l. 16. c. 2.

58. Si quis tamen dicat, populum non quidem per modum jurisdictionis, sed interpretationis in causâ dubiâ litem decidere posse, quoniam jus *ad hereditatem* legis conditæ ab illo profectum est, non admodum refragemur.

C A P. VIII.

De Tutelis Regis.

Tutores Regii an habeant summam potestatem. Quotuplex sit hæc Tutela, & quis eam statuere possit. Legis dispositionem per Testamentum heic non posse mutari. Quando Tutela finiat, & an detur Cura regia, ubi & de jure Devolutionis obiter.

Porro, si Principem, cui successio debetur, infantem aut furiosum esse contingat, palam est, TUTOREM ei esse dandum, vel Curatorem, qui & Protector & Regens *alicubi* appellatur, cujus rei tractatus ad hunc locum pertinet.

2. Ille Tutor, Regens aut Protector cum habeat facultatem juris, cujus Acta nemo infirmare queat, *summam quoque potestatem habere dicendus* est, sed exercitio tantum, proprietate penes pupillum manente.

3. Deferre tutelam nemo alius, quam is, cujus primævum jus fuit imperandi, potest. Quippe, cum præsens Rex nullum habeat animi judicium, nec defunctus habuerit potestatem faciendi quicquam in tempus post mortem suam.

4. Ergo cum Tutelæ privæ sint Te-

stamentariæ, Legitimæ & Dativæ, prior rem speciem in Regnis, populorum voluntate constitutis, secundum ea quæ sæpe dicta sunt, non posse locum habere palam est, quia Testamenti factionem in hujusmodi regnis omnino cessare constat.

5. Loquimur de non patrimonialibus; nam in regnis, quæ jure patrimonii habentur, non est dubium, quin Rex moriturus Tutorem constituere, vel ejus dispositione cessante, propinqui aliquem eligere possint.

6. Si qua in regnis voluntariis exempla tutoris à Patre dati extent, ea commendationis tantum habuere vim, quomodo & de successione ipsâ multi Reges testati leguntur, at *sæpius absque effectu*. Exemplum notabile dedimus in

Hist.

Hist. Civ. ad ann. Chr. 1642. cap. 3. & 4. de tutelari dispositione Ludovici XIII. Galliarum Regis, quæ in magno Senatu Parisiensi irrita facta est, aliaque passim extant.

7. Voluntas populi aut per Legem fundamentalem, aut hac deficiente, per expressam declarationem significatur.

8. Per quam potest fieri, ut non unus, sed plures constituantur Tutores, qui per modum universitatis aristocraticum, teneant iussumum; unolice præside statuto, cui nomen Tutoris aut *Protektoris* vel simile detur.

9. Cujusmodi tutelæ administratio in Angliâ, commendante *Henrico VIII.* super *Eduardum* puerum, constituta fuit; ubi consentaneum erat, cum cui nomen Tutoris dabatur, qui & capite mulcatus est, non habuisse potestatem Summam. *Baker. in Edu. VI.*

10. Causas Tutelæ diximus esse ætatem puerilem & dementiam, cum qua Leges merito comparant prodigiam sive insaniam morum, quæ præditi, licet mentis compotes videantur, furiosum tamen exitum faciunt; qua ratione vel prætextu nuper usos vidimus Lusitanos in amovendo Rege suo.

11. Tutela pubertate finitur: Inde olim adolescentes in suam Tutelam venire dicebantur, nec Curatores accipiebant, nisi causâ cognitâ, propter furorem, vel amentiam. A Marci Philosophi tempore adolescentes non redditis causis, sub Curatoribus esse coeperunt usque ad ætatem xxv. annorum, quo posteri demum compleri virilem vigorem arbitrati sunt.

12. In Regnis frequenter reditum est ad veterem morem, ut post pubertatem adolescentes in suam tutelam venire censentur; Et quidem ut annus incœptus

pro completo habeatur, quomodo in Gallia & alibi frequentè observatur, ut anno xiiii. decurso, Reges majores declarantur. Alibi, ut in Germaniâ, placuit annorum ætas xviii, ut cuique populo visum fuit.

13. Ratio, quæ minoris ætatis Cura non ubique recepta sit æqualiter, est major ad regimen publicum maturitas & prudentia requiratur, est politica, quæ ut sæpe fit, iudicium parit effectum; scilicet, periculum è longiori regimine Tutelari pro ipsis Adolescentibus; neque minus ad evitandum turbas, quæ frequenter adversus alienæ potestatis exercitium moventur.

14. Ex his omnibus abunde liquet; jura privata, quæ cuique patrifamilias jus liberè disponendi super pecuniâ tutelæ rei suæ largiuntur, *l. 120. r. d. V. S.* ad jus publicum Civitatis non esse producenda.

15. Proinde nec tutelæ Electorales ex Aureo Diplomate, quo fratres defunctorum vocantur, ultimâ voluntate mutari posse videntur, quâ dere *dix. part. 1. lib. 3. Digress. cap. 5.* & in notis ad *lib. 1. Hist. Civ. tom. 1. c. 2. verb. Tutel. & omne jus Reg.*

16. Aliter olim disputarunt Marquardus Freherus & Dionysius Gotsfredus pro testamento Friderici IV. Electoris Palatini, qui excluso Philippo Wilhelmo Neoburgico, ad quem ex Imperii *Legè* pertinebat Tutela, vocaverat Johannem Bipontinum; Reformati libenter assentiti sunt Frehero & Gotsfredo, quos inter D. Wissenbachius noster ad *Inst. de Tut. n. 20* magis quod partium in Palatinatu intererat, quam ex solido vero, ut probant Tuiden. & Perez. ad *T. C. de Tutel. vel cur. illustr.*

17. Nihilo magis jura intestati legitimæque successionum devolutiones de patrimonii vel de feudis privatis constitu-

tutas sine magno errore ad summa Imperia transferre licet.

18. Quò sine dubio pertinent *commissa secundarum nuptiarum*, quibus *alicubi*, bona, quæ parentes sub finem prioris matrimonii habuere, *post transitum ad secunda vota*, liberis *primi conjugii* acquiruntur, usufructu duntaxat à parentibus retento, qui, mortuis illis, cum proprietate consolidatur.

19. Non pertinere ad Imperia, hæc similiaque statuta vel uno clarum est argumento, quod à Summâ Potestate proficiantur, ut subjectos ad parendum, non ut ipsos obligent imperantes, de quibus insanum est cogitare, quod secundis nuptiis Imperio semet ipsos privare voluerint. *vid. Grot. lib. 2. cap. 4. §. 12.*

20. Proinde, ubi maxime *jus illud Devolutionis* obtinet; nihil tamen hærendum, quin filius secundi, filia pri-

oris matrimonii sit in Imperio præferendus; quâ de re superioribus annis inter Hispanos & Gallos armis & libris acerrimè certatum est.

21. Non defugimus alioquin id quod Grotius in *d. cap. 7. n. xi.* statuit; in dubio, *quoties expressiora voluntatis indicia nulla sunt, credi, quemque id de sua successione statuisse, quod Lex aut mos habet populi, non tantum ex vi imperii, sed ex conjecturâ, quæ etiam in eos valet, quorum in manu est summum Imperium. Nam & hi probabiliter creduntur in rebus suis æquissimum judicasse, quod aut legibus sauxerunt ipsi, aut moribus probant; in quibus de nullo ipsorum damno agitur: Quod damnum in illo Devolutionis instituto quàm maxime agebatur; ideoque ad hoc, ejus loci argumentum minime pertinet. Enimvero illis verbis hoc caput non incommode claudemus.*

SECTIO

S E C T I O V I I I.

De Plurium Imperio.

C A P. I.

De Jure Aristocratico.

Plurium Imperium esse duplex, Aristocraticum & Democraticum. Definitio Aristocratiae. De numero imperantium in hac republ. nihil dari certum, modo sit longè pars minor populi, licet aliquot millia. Modum continuandi Aristocratiam esse vel successivum aut electivum. Refutantur, qui Democratiam esse volunt, ubicunque omnis generis ordinisque homines surrogari possunt, aut ubi populus deficientes optimates supplet. Discrimen hinc pendere, utrum acta imperantium infirmari queant vel non, sed utrum perpetua an temporaria sit potestas, nihil referre ad specificam differentiam. Igitur annuos optimates, qui jus habent faciendi quod è Republ. videbitur salvis legibus fundamentalibus, verè summam habere potestatem; quā proinde careant hi, qui illos delegaverunt. Non posse tamen illos transferre jus summum, nec unum quidem ex juribus Majestatis, nec ullum imperii actum ultra suum tempus exercere. Non teneri verò ad reddendas rationes delegantibus suis. Plusculum de illa specie Aristocratiae, ubi possessores immobilium habent jus constituendi annuos optimates. An optimates Imperium alienare vel formam Reipubl. mutare possint.

Fuit Monarchia, Unius Imperium. Quod à pluribus tenetur, est vel Aristocraticum vel Democraticum.

2. *Aristocratia*, cum summa potestas est penes *Optimates*, hoc est, minorem & eminentiorem populi partem.

3. *Democratia*, quando jus summum Imperii à populo non transfertur, sed ab eo retinetur in summa, administratio tantum per Magistratus exercetur, ad instar Aristocratiae.

4. Numeri Imperantium in hac forma Civitatis magna est latitudo, ut definiri

nullo modo possit, nisi quod subjectam civium partem longe oporteat esse majorem.

5. Est ubi *Decem viri*, *Triginta*, *Quadringenta Viri*, plus minus; fuit ubi *Centium*, *Quadringenti*, mille vel plures sunt, ut apud Venetos & Frisios.

6. Imo in *Polonia*, ubi jus summum est apud Nobiles quinquaginta & quod excedit, numero millium, formam esse aristocraticam, necessarium dictu videtur.

7. Quia cæterorum incolarum multitudo, quos etiam communi nomine ci-
ves

ves licet rusticos, dici posse non est dubium, immenso numerosior est, & *Nobiles* utique *Optimates* sunt.

8. Hinc ubi jus supremum est penes dominos insignium prædiorum, licet aliquot millia forsitan hominum efficiant, quia tamen plebs sine terris immenso major est, ejusmodi Rempubl. dicimus *Aristocraticam*, ut in *Frisiâ* nostra. Nisi quartam Reipubl. formam quæ sit *Timocratiæ*, statuere placeat, quæ de re *inferius* agendum.

9. Fatendum interim, quò major est Imperantium numerus, eò propius ad *Democratiam* similitudinem accedi, ut forte plus inter quasdam *Aristocracias*, quam inter aliqua *optimatum* & popularia intersit Imperia.

10. Quæ res efficit, ut multi pro *Democratia* accipiant ejusmodi Respublicas, quæ accuratè æstimatæ sunt *Aristocratiæ*.

11. Nimirum, potest fere, ut Regnum, dividi *Aristocratia* in Successoriam & Electivam, plerumque quod ad singulas attinet personas, non etiam universos; tamen ad universos quoque, ut in *Frisiâ* universi quotannis mutantur Imperantes substituti.

12. *Successiva*, ubi dignitas optimatum est hereditaria, ut summa Reipubl. concilia nulli quam è certis familiis nato ingredi liceat, quod *Poloni*, *Veneti* alique servant.

13. *Electiva*, quando in locum deficientium, alii ex eminentioribus civitatis per suffragia surrogantur, ut in *Belgicis* obtinet.

14. Errant autem sine dubio, qui *Democratiam* esse volunt, quando cuiusvis generis & ordinis homines; nemine excluso, surrogari possunt.

15. Nam et si nullus ordo hominum à capacitatis electiois excludatur, tamen ubi per ætatem verum est, summam po-

testatem esse penes partem longe minorem, ibi certum est dari *Aristocratiam*, ut ex supra dictis colligi potuit.

16. Perinde atque Regno nihil deest, ex eo, quod quilibet ad illud eveni possint, neque minus est *Monarchia*, qui ex omnibus, quam qui de paucis fuit eligendus.

17. Electio *Aristocratica* dupliciter habetur; Aut enim ipsi *Optimates* jus habent loca deficientia suo arbitratu, ut fit in *Hollandiâ*, supplendi, aut populus totus ejusve Præcipui novos identidem Senatores eligunt, ut heic in *Frisiâ*.

18. Illam sunt qui *Aristocratiam* veram, hanc qui in se spectatam volunt esse *Democratiam*, modum duntaxat ad ministrandi *Aristocraticum* videri.

19. Sed arbitror, esse distinguendum, juxta principium toties positum, utrum acta electorum Procerum à populo dependant, ab eoque infirmari possint, an omnino sint rata.

20. Si acta, gesta illorum rationibus reddendis, abolitioni aut animadversioni subiecta sint, concedemus, fundamentum Imperii esse *Democraticum*.

21. Verum si plena & irrevocabilis potestas illis tribuatur, nulla ratio est, quare dicendum sit, electionem populi magis impedire *Aristocratiam* appellationem, quam *Monarchiam*, ubi multitudo eligit Regem; siquidem utrobique eligentes omni potestate se ipsos abdicarunt.

22. Hæc distinctio firmior videtur; quam quæ alii utuntur, inter potestatem optimatum *temporariam* & *perpetuam*.

23. Si temporaria, volunt; proprietatem Imperii manere penes populum, nihil vero quam usum & exercitium esse penes illos ad tempus optimates.

24. Equidem si nihil ab hac disputatione penderet, quam quo nomine sit expremmen tum jus illud, quo populus Imperium affectum habet, in casum temporis

poris elapsi, quæstio exigui foret momenti.

25. Sed illi volunt, temporarios Optimates nihil esse quam magistratus, id est, *ministros* adeoque ad rationes reddendas esse obligatos. Unde patet, hoc quæsitum in utramque partem Summæ Potestati essentiale videri.

26. Etiam *Hobbes* ita; Si populus, electis Imperantibus ad vitam aut certum tempus, decretum prius fecerit de conveniendo, post tempus imperii elapsum, rursus ad diem locumque certum; quod tunc medio tempore Summum Imperium in populo ut domino, usus autem in Proceribus temporariis fuerit. *tract. de Cive cap. 7. §. 14. & cap. 9. §. 13. & seqq.*

27. Nos hujus doctrinæ nullum agnoscimus effectum, neque putamus quicquam posse proferri, quod minus in potestate sit optimatum temporalium quam perpetuorum.

28. Proinde ex his terminis differentiam Summæ potestatis inferre, ut antea improbavimus, ita nihil adhuc causæ videmus, cur sit faciendum. *vid. supr. sect. 3. cap. 2. n. 46.*

29. Diximus ibi, rerum civilium naturam ab effectis æstimari, quæ à tempore non recipiunt diversitatem; sed qui facere possunt idem, alius ad tempus alius in perpetuum, illis idem juris oportere adscribi.

30. Scimus, *dominium revocabile* dari, ut mariti in dote & heredis fiduciarum, qui forte non omnia possunt quæ domini irrevocabiles; *quatenus ad restituendum tenentur.*

31. Sed hoc discrimen in Imperiis non habet facultatem; siquidem nulla re plus valent, *inquam*, perpetui, dum vivunt, quam temporarii, dum regimen eorum durat, Imperantes, *dum durat*, *inquam*.

32. Aut si hæc differentia in Impe-

riis obtinere debet, sic erit accipienda; quod, sicut maritus in dotali, vel fiduciarius in re fideicommissaria nihil facere possunt, quod impediatur restitutionem suo tempore faciendam, ita Regnantes temporarii prohibeantur facere quicquam, ad corrumpendam restitutionem Imperii sibi commissi: Atqui id ipsum prohibetur & his, quibus Imperium *perpetuo*, hoc est, ad vitam delatum est.

33. Cæterum, si quis illud jus, quo Imperium ad populum reverti debet, proprietatem velit appellare, ut in Jure quandoque, matrimonio adhuc consistente, *dominium* dotis, quod viri est, ad mulierem pertinere dicitur *analogicè*, id quidem concedi potest.

34. Sed Imperium accuratè loquendo ab jure quod populus interim retinet, est diversum, *ut ex definitione Summæ Potestatis constat.*

35. Neque prorsus in specie aliud est jus, quod populus retinet, quando Imperium desert ad certum tempus, durante eo tempore; quam est jus populi, quod retinet in omnibus Imperiis voluntariis, etiam regnis successivis, in quibus aliquando jus summæ potestatis ad populum redire potest.

36. Porro eadem ratione, quæ ex *Democratia*, fit *Aristocratia* per translationem juris supremi in minorem numerum, fit etiam ex *Aristocratia* laxa & diffusa, status *Aristocraticus* strictior, sicut in agro *Frisia*; ubi jus summum competens dominis veterum prædiorum facit Aristocratiam, latè quidem patentem, sed juxta *superius* dicta, tamen *Aristocratiam*, id est, minoris numeri potestatem in populum universum.

37. Ab his autem quotannis creantur *Optimates LXXXII. plenæ potestatis, quibus datur jus intra annum vertentem faciendi quicquid è Republica videbitur, nul-*

G g

lã re

lure excepta, nisi, ut Leges Reipubl. fundamentales servantur, & paucis quibusdam aliis capitibus specialiter expressis.

38. Postremū repetamus oportet, heic, quod in *sect. 2. cap. 5.* & aliis sæpe demonstratum est, Optimates æquē jus habere delatum à populo sui juris, quam Reges & Principes.

39. Proinde in Imperio simpliciter delato, illos aut posse vel non posse, quicquid Monarchis ex jure sibi delato facultatis esse vel non esse diximus.

40. Ex quā sequi videtur, Optimates non posse Summam Potestatem in alium transferre, non magis quam Reges id facere posse *suprà* vidimus.

41. Quod tamen cum ab usu alienum esse constet, exemplis, videndum, an non optimates magno numero, in Reipubl. ubi totus populus in diversas civitates & regiones diffusus nunquam coit & difficillime coire potest, considerari queant ita, ut jus omne populi de imperio quovis modo disponendi complectantur.

42. Quomodo scire si Poloni Nobiles regnum ex electivo & legitimo facere vellent hereditarium, nemo dubitaret, quin id facere possent; nec si possesores Immobilium in Frisia principa-

tum erigere vellent: nam Legatos ad Comitia, id ibi vel in Polonia facere posse nullo modo statuendum est.

43. Nec de magno quidem Senatu Veneto, licet ibi plebs facilius convocari posset, dubium sit, quin si vellent speciem Ducatus in regnum mutare, suo jure id facere posse crederentur.

44. Quemadmodum ne in Hollandia quidem dubitatum est, cum Rectores omnium Civitatum, populis inconsultis, Principi Wilhelmo seniori Summam Potestatem detulissent, quin id jure factum videretur; etsi dialectica juris ratio, quam diximus, & quæ Optimatibus non tribuit plus juris quam Monarchis simpliciter constitutis, in diversum tendat.

45. Est tamen considerandum, inquam, an non optimatibus hac parte tacito populorum consensu plus quam Principibus datum videatur, maxime, si magno sint numero; Quasi præsumptione populari, quod ejusmodi Optimates hac potestate minus facile sint abuturi quam Principes, & quod in magno Optimatum numero ipsiorum & validior sit totius populi representatio, quam in singulis Imperantibus.

C A P. II.

De Republica annui Imperii, qualis in Frisîa.

Aristocratiam magni numeri annuam, esse raram. Jus annui regiminis in Frisîa vere supremum esse, sub exceptione legum fundamentalium. Interpretatio hujus exceptionis & consequentia. Juris & prudentiæ hac parte diversa ratio. Populû aut delegantes in tali specie non esse superiores delegatis intra suum tempus, ab iisque non posse animadverti vel abdicari. Remota objectio à naturâ mandati, qua tales delegati constituuntur. Examen ejusmodi mandatorum. Status talis Reipubl. in fine cujusque anni.

Momentum hujus rei non minus quàm in Patriam affectus exigit, ut heic paululum substituamus, & quantum ratio instituti nostri nihil quam jus publicum universale ferat, non est tamen, ut hoc genus summi Imperii Annui, quod est rarum & juris inusitati, attamen salubris temperamenti plenum est, silentio transmittamus.

2. Summam juris ejus delati annuis Rectoribus esse diximus, facultatem statuendi & agendi quicquid è Republ. ipsis videbitur: quibus verbis inesse perfectum & supremum jus regendi Civitatem, ex eo quod superius in sect. 3. c. 1. de summâ potestate diximus, evidenter liquet; siquidem & hoc ipsum est in formula Legis Regiæ, quâ Cæsares olim arbitrium Reipubl. acceperunt.

3. Maximè, cum lecti optimates nostri de rebus propositis ad Delegantes, priusquam decernant, referre non cogantur, nec eorum acta deinde retractari possint, quod apud nos, post annum hujus seculi xxi. constanter obtinuit.

4. Ex principiis dudum in capite de summâ potestate & seqq. titulusque præcedente firmatis, clarum & certum est, ejusmodi annuos Imperantes æquè habere summam potestatem in suo tempo-

re, quàm Rex Galliarum habeat; non obstante, quod eliguntur, quod delegantur, quod annui sunt, & quæ præterea pridem ostendimus Summæ potestati non adversari.

5. Quocirca Delegantes summâ potestate tam oportet careant, quam populos Gallorum, eâ carere palam est.

6. Nisi, quod Leges fundamentales hic in Frisîa, inquam, præscribuntur, quas tamen non tollere summam Imperii, ita simpliciter exceptas, diximus jam supra sect. 3. c. 5.

7. Quæ autem sint Leges fundamentales, & quales, ubi nullæ sunt expressæ, intelligantur, in loco generali dicere occupavimus. *ibid.*

8. Applicanda similiter huc esse, quæ de voluntariis Imperiis supra diximus, quatenus termini habiles conveniunt, ultrò intelligitur.

9. Proinde ejusmodi annuales Imperantes jus suum in alios transferre non possunt, neque præficere Reipubl. aut unum principem aut plures, qui cum summâ potestate suas vices per certa temporum spatia gerant.

10. Sed legati ab illis constituti, eo jure præditi erunt; quale supra vicariis supremæ potestatis adscripsimus pag. 166.

G g 2

11. Ne-

11. Neque in sequentem annum suo loco Imperantes, neque vicarios, ordinare possunt.

12. Nec partes Reipublicæ alienare tam *potentiales*, id est, jura Majestatis, quam *Subjectivas*, sive membra civitatis possunt.

13. Quod si ultra tempus sibi præscriptum exerceant Imperium, acta illorum ipso jure nulla erunt. & cuilibet civi non parere licebit.

14. Tamen si populus nullum alium constituerit ordinem, rursus, anno elapso, conveniendi, quàm ipsis, aut vicariis illorum convocantibus.

15. Non obstante, quod *Hobbes* in hac specie Aristocratix, Imperium tempore ac intentione infinitum esse disputaret, ex suis principiis *sæpius expositis*.

16. Secundum hæc, non possunt annui Rectores decernere, quid juris sequentium annorum Imperantes exercere debeant: aut si decreverint, nullius id momenti esse videtur.

17. Multo minus præscribere possunt, quid populum secuturis annis noviter eligendis optimatibus mandare oporteat; aut si præscribant, populi tamē vel primores, qui Annuos Regentes eligunt, suo arbitrato hæcenus uti posse videntur.

18. Ne dicam, eos, qui sub conditione reddendi rationes referendique de gravioribus causis electi sunt, statuere non posse, nec relationem neque rationes, aut nunc aut in posterum esse reddendas.

19. Siquidem, hoc obrento, Optimates delegari sunt absoluti Imperantes, & universa Reipubl. forma convertitur; quod non esse in eorum potestate multo clarius est, quam quod in jure privato traditur, neminem sibi ipsi causam possessionis mutare posse. l. 19. §. 1. ff. de Acq. poss.

20. Quod si eveniat, ut aliquid in futurum circa fundamentalia mutandum videatur, in iis locis, ubi Rectores sunt electi, hac lege, *ne quid in fundamentalibus mutent*, juris est, ut hoc ad populi conventus primum referatur, per libera suffragia decidendum.

21. Quamquam sæpe salubrius est populis, nihil habere, quam jus eligendi, atque satius sit, ut electi absolutam exerceant potestatem; aliquando etiam ipsis eligentibus præscribere queant, in posterum quid facere debeant.

22. Scilicet multæ plebes amplius habent jus quam expediat ipsis, ut de *Groningana* civitate scribit *Grotius* in *Hist. Aelg.* ad ann. 1594. Quicquid tamen de utilitate sit, ad juris rationem inde nullo modo licet argumentari.

23. Nam hac ratione possis evincere & ipsos Optimates imperium in unum posse, nec non debere transferre; obtentu, quod hoc sit utilius, id quod tamen neutiquam licere *probavimus*.

24. Adeo diversæ rationes sunt facultatis ac utilitatis, juris atque prudentiæ, Politicæ & hujus Artis, in quâ versamur. Atque hæc è principiis superius collocatis deducuntur.

25. Ex iisdem judicari potest & illud, quod *repetimus*; populum, durante annuo Imperio, non esse Electis superiorem; Nec ullam penes eos esse majestatem, quia nihil circa Summæ potestatis jura faciunt aut facere possunt.

26. Idcirco inter res novas & usurpationes *Leicestrianas* observatum fuit à Patribus nostris, quod is aliquando literas de rebus summæ Reipubl. ad Nobiles & Prædarios, qui potestatem delegandi habent, non ad Legatos Plenipotentiarios, qui dicuntur, miserit, instinctu quorundam res novas molientium, et si tunc jure meliori, quam nunc id fieri potuerit.

27. Interim

27. Interim nihil verat, eosdem Delegates quosque suis locis, jure suo, disponere de aliis rebus particularibus ad summam Republ. non pertinentibus, ut sic apud nos omni die.

28. Præterea manifestum ex prædictis est, Optimates, nec omnes nec singulos, prius aut post annum teneri suis Delegantibus ad rationem reddendam ejus, quod à se dictum factumve fuerit, in Republ. juxta alios regenda; multo minus, eos idcirco pœnæ vel animadversioni Delegantium esse obnoxios, nisi ob delicta publicorum judiciorum ordine legitimo.

29. An etiam Delegati Delegantibus inviti intra annum revocari sive abdicari possunt? Affirmant Ordines Frisæ, congregati Sæcæ in sua deductione publicata d. 16. Novembr. 1672. fol. 13. quod ego fateor, me non intelligere, qui conveniat cum hoc Principio, quod Respublica pro certo habet; Legatos *Plenipotentiariorum* habere summam potestatem.

30. Sanè repugnat hoc omnibus iis, quæ de naturâ Summæ potestatis antehac disputavimus: neque mihi constat, id unquam accidisse, nec credo quinquam in locum talis *Plenipotentiariorum* à delegantibus suis abdicari unquam esse admissum; quin late nimis pateret ac perverse cederet illa praxis; si mutatis partium viribus & studiis, legati ad comitia semel approbati atque recepti pro lubitu delegantium ante suum tempus revocari possent. Fas igitur sit, heic *invenire* & suspendere judicium.

31. Tu dices, Quid sitales legati per Mandatum constituti, nec aliud quam Procuratores sint? cujusmodi apud nos sine dubio esse videntur, cum ipsi codicilli potestatis eorum, *Procuraciones* & ipsi vernaculâ voce appellentur ejusmodi, quæ tam procuratores quam *Plenipotentiariorum* significat?

32. Sed non hac in resola contingit; ut, mutatis rebus, nomina mancant. Olim, cum legati ad Committes majores momenti referre debebant ad delegantes suos, aliterque acta decretaque eorum non valerent, re vera nihil erant quam Procuratores & mandatarii; sed postquam libera potestas iis est data, statuendi quod è Republ. videatur, sine relatione ad Committentes suos facienda, sine ratihabitione eorundem expectanda, facti sunt verè *diversissimi* & *Plenipotentiariorum*, quemadmodum loquuntur; nomina tamen ipsorum literarumque, per quas constituuntur, eadem quæ prius fuerant, ut amat fieri, manserunt.

33. Cum autem super electione *Procuratorum* sive *legatorum* istorum ad *Committas* studiis partium sæpe contendatur, opus est aliquam personam vel collegi plurimum personarum, à qua vel quo literæ mandati sive plenæ potestatis singulorum legatorum examinentur probenturque, vel improbentur; Quod arbitrium maximi esse momenti res ipsa loquitur.

34. Nec tamen ideo tale collegium eo temporis articulo habet summam potestatem, vel ei quicquam detrahit *alibi* existenti; non magis quam *Censores Romani* illam habuere, quibus erat jus movendi Senatû & in Cæritum tabulas redigendi quos è primoribus aut à populo vellent, eosque ita jure summi in Republ. suffragii privandi.

35. Ubinam igitur est Summâ potestas eo tempore, quo veteres legati tempus suum finierunt & novi necdum stabiliti sunt? Non potest alibi esse quam penes multitudinem delegantium.

36. Nam sicut Republicam, in qua populus ejusmodi annuos Optimates absolutos, sine referendi rationesque reddendi lege constituit, esse diximus Aristocraticam.

37. Ita quoque certum est, eandem quor;

quotannis ad naturam conditionemque Democraticam necessario relabi.

38. Quæ res ne confusionem *patrimonialis* pariat, utilissime ad continuandum præsentem statum, maxime in Civitate per varias urbes dicecesesque diffusi instituitur, ne universus populus in unum conveniat, quo conspiratio & mutandi libido frangatur.

39. Fit etiam, ut ejusmodi *Aristocratia* non resolvatur in *Democratiam*, sed, ut antea monuimus, in laxiorem

Aristocratiam; quod evenire putamus, ubi jus eligendi annuos optimates, est penes immobilium aut omnium aut certarum rerum possessores, sicut, inquam, apud nos obtinet.

40. Nam quia pars reliqua populi longe numero maxima & præcipua est, quia non minus cives sine dubio omnes habendi sunt, non potest fieri, quin & originalis illa Reipubl. constitutio sit *Aristocratica*, sicut prædiximus.

C A P. III.

De Aristocratia patrimoniali.

Formæ regiminis, quæ jus summi Imperii prædiorum Dominis addicit, *patrimonialis*. Ejus causam esse voluntatem populi saltem tacitam. Jus hoc Imperii, esse patrimoniale aristocraticum, Inseparabile a prædiis. Effecta quædam singularia potestatis ejus exponuntur. Esse quidem hoc jus patrimoniale, non tamen Despoticum. Usus hujus juris, non proprietatem, scorsim à fundis ad tempus posse transferri. Ratio emendandi enormitatem hujus formæ, respectu peregrinorum, seminarum, puerorum, mente captorum. Excludi ab eo hæreticos improbiore; an etiam infames, Quæritur.

Regna quædam dari patrimonialia, quæ sunt in patrimonio dominantium; Quædam institutiva, quæ ab aliorum, quam qui habent imperia, voluntate pendent, jam pridem demonstravimus.

2. Sed dari tales *Aristocratias*, credo apud omnes Historicos & juris publici privatique Scriptores inauditum esse; maxime si addam, esse quandam regiminis Optimatum formam, quæ *usus Imperii* tribuit dominis prædiorum sine discrimine marium, seminarum, peregrinorum, incolarum, puberum, impuberum: sapientum & mente captorum, quæque similes in regimentis puerorum differentie servantur.

3. Quia tamen Patria nostra & quædam vicinæ gentes suum regimen hoc modo custodiunt & experiuntur salutariæ, detur nobis venia paucis etiam hæc de re agendi.

4. Causa, per quam possessores immobilium hoc patrimoniale jus sunt adepti, quoniam de jure bellialiove involuntario non constat, proxime à voluntate populi repetenda videtur, saltem tacita, ubi à tempore immemoriali hoc jus constanter adeoque per præscriptionem exercitum est.

5. Quæ præsumptione de voluntate reliquorum civium acrius adjuvatur, si nulli è populo facilius comparandi genus prædiorum.

prædia, quibus suffragii jus coheret, *præcludatur*; quæ species ut proximè ad Democratiam accedit, ita quam maxime volentibus populis instituta videtur.

6. Hoc jus rectè dici *Majestatem* non est quod negemus, siue cuncti possessores actu regimen obeant & ad Comitia vocentur, siue Rempubl. per delegatos, de quibus *cap. præced. actum*, administrent.

7. Nam & tunc jus summæ potestatis originaliter est *penes dominos prædiorum*, ac etiam actu, quovis tempore, quo novos eligunt Imperantes, ideoque nec est, quod hoc pro exemplo Majestatis realis, quam non agnoscimus, ut *suprà. sect. 3. cap. 1.* probavimus, habeatur.

8. Utique sic juris est, quando reliquus populus non congregatur, nec ad summos Imperii actus pariter admittitur; quemadmodum nisi per seditionem, in Frisia nunquam fieri solere constat.

8. Denique illam speciem juris imperandi esse *patrimonialem Aristocraticam* res ipsa loquitur, quia omnes & singuli, at pars longè minor populi, jus hoc habent in patrimonio, pari scilicet jure, quo prædia habentur.

10. Ita, ut testamento & ab intestato, nec minus inter vivos unà cum prædiis transferri possit omnique die transferatur.

11. Non tamen absque prædiis, vel ut seorsim ab ullo, nisi quatenus est prædii dominus aut domini hac parte jus habet, exerceri possit.

12. Impensè enim Reipubl. interest, immotum esse illum ordinem, cum separato à rebus jure suffragii, confusio inde enormis oriretur.

13. Jam quod est in singulorum proprio jure, hoc quoque in patrimonio universorum esse oportet; liquidem universitas è singulis componitur, & jus omnium in unum coalescit.

14. Unde sequitur, illos immobilium possessores habere facultatem, jus verum summæ potestatis in alios pauciores transferendi.

15. Quod in Regnis quasi fructuariis non licere *pridem*, & in Aristocratiis esse dubium antea diximus; nec proinde paucioribus, in quos, ab immobilium possessoribus regimen transfertur, idem juris esse *simpliciter*, antea dictis *conveniens est*.

16. Huic consentaneum est, hos solos habere jus mutandi formam Reipublicæ, Imperiumque in Principem ordine successorio aut electivo transferendi; dominos, inquam, ipsos prædiorum hoc facere posse manifestum est.

17. Potestas denique alienandi partem territorii aut patrimonium populi, illis duntaxat, non legatis eorum competere videtur: siquidem hisce non plus quam Principibus summa cum potestate constitutis licet, quibus id genus alienationibus interdictum esse *nota res ac antea dictum est*.

18. Cavè autem putes, ex eo, quod nos hoc genus Imperii diximus esse patrimoniale, sequi dominos prædiorum, uti posse jure despotico siue herili adversus reliquos Civitatis *confortes*, ex illo jure patrimoniali, tametsi facilis harum rerum sit conjunctio, Patrimonialis, inquam & herilis Imperii.

19. Namque dari patrimonialia Imperia, quæ civilia tamen sint, hoc est, in quibus libertas & bonorum proprietas singulis salvæ maneat diximus antea *sect. 3. c. 2. n. 20. & seqq. & in fin. sect. 7.*

20. Nunc addimus, Imperia quædam libere voluntaria posse fieri *patrimonialia*, si populus ita expresse constituat, vel immemoriali temporis usu ita sine controversiâ obtinuerit, quemadmodum apud nos haud dubie invaluit.

21. Sed

21. Sed hoc nullo modo consequitur; Populus voluit jus imperandi esse in plena proprietate Regnantium: ergo & libertate suorum corporum dominioque rerum semet ipsos privare voluerunt.

22. Quod ipsum omni scrupulo caret, ubi usus longi ævi & indubitata juris observantia, civilem regiminis æqualemque formam, agnoscit & monstrat, ut *rursus apud nos antiquissima libertatis possessio loquitur.*

23. Quemadmodum & è contra, usus omnium temporum servitutem subjæctæ civium partis arguere posset, qualis forsitan in rusticis Polonorum elucescit, qui libertate Reipubl. quæ est in ipso regno, vix aliqua ex parte frui videntur.

24. Aliud igitur est querere, quid & quantum juris sit translatum, aliud quo modo habendum. Ad modum pertinet, temporarium an perpetuum, revocabile sit, an irrevocabile, fructuarium an patrimoniale sit illud, de quo agitur, Imperium.

25. Quare, si maxime in patrimonio sit jus Imperii, si tamen *invisis non sit* impositum atque deinceps ita exercitum, mensuram aliunde, quam à conjecturâ voluntatis accipere non potest.

26. Cæterum, quia Domini prædiorum jus illud suffragii non simpliciter, sed quatenus prædiis coheret, habent in patrimonio, certum est, quod seorsim illud alienare, vel à fundis separare non possint.

27. Quomines tamen usum juris pro tempore aut ad vitam in alium, qui respectu ejusdem prædii in Comitibus admittatur, transferant, nihil ob stare videtur; Idque tam per testamentum quam inter vivos fieri potest.

28. Multo potius dicendum, quod prædia sub hac lege, ut venditor jus suffragii, dum viveret, retineat, vendere liceat.

29. Nam quod aliqui juris est, de publicis rebus, ut pote extra commercium positis, non licere nec in ultimâ voluntate neque per contractum dispo-
nere, id heic cessare puto.

30. Quoniam illa prohibitio habet hanc rationem, quod unusquisque de eo quod ad se pertinet, obligare se & dispo-
nere possit; privati autem in publicis nihil habeant proprii; quæ res in hoc jure, de quo nunc agimus, contra se habet, cum hoc sit tam cuique proprium, quam res ipse sunt in dominio.

31. Denique, usufructu talium bonorum constituto, jus suffragii non penes Dominum, sed apud fructuarium & est & esse debet; quod tamen, si non haberet rationem patrimoniale nec esset alienabile, fieri non posset.

32. Jus hoc quando agitur de certo negotio in Reipubl. terminando, vendi non posse vel præstinari, communis ratio adversus sordes corruptionesque in regiminis civitatum stabilitate, singulos ultra commonefacit.

33. Etiam Publica utilitas sæpius exigit, ut adversus oligarchicas artes illa potestas transferendi jus suffragii in alios, legibus aut prohibeatur aut restringatur, quemadmodum ex usu cujusque Reipubl. fuerit.

34. Postremo, reflectendum paulisper ad id, quod in principio diximus, esse in hac forma regiminis quædam singularia, vehementer abhorrantia ab usu aliarum gentium, quæ Imperio multorum utuntur, scilicet quod *femine, pueri, mento capti, ceteri*, licet nunquam litus Frisicum viderint, Regiminis publici hac ratione participes fieri possunt.

35. Nec enormitas illa legibus cohibita vel restricta fuit à majoribus; siquidem prædia, quibus suffragia cohererent, æque libere possent alienari, tam per ultimas voluntates (licet hæc à vicinis si-

nili formâ utentibus coerceantur, quam inter vivos, ac aliz res quæ sunt in patrimonio.

36. Sed hoc incommodum respectu exterorum quidem, numero & administrandi modo obtegitur, in pueris & mente captis per Curatores qui cives sunt, emendatur; feminas admitti inter tot millia virorum, non potest insolens videri, si quis cogitet, in regnis aliquando solas admitti; maximè, cum hec administrationis nullo modo participes fiant.

37. Cæterum, quia Religio est vinculum, quo animi civium Reipubl. efficacissimè conjunguntur, aut alienantur ab eâ, Lege cautum est merito, ne quis eo jure gaudeat, nisi qui Religionis publicè receptæ confessor aut amator sit, cujus usus maxime adversus Pontificios viget, qui zelo prædominantis in Euro-

pâ superstitionis acrius in dissentientes animantur, cupidique mutationis & avariæ creduntur.

38. De infamibus quid juris erit? Lex quidem nulla de illis extat; sed consequentia juris communis excludere eos videtur, quia dignitatibus & honorariis civium juribus privantur l. 2. C. de Dignitat. Proinde nec habent infames jus comitionum, sicut Romæ, qui in Cæritum tabulas redacti erant, eo carebant.

39. Atqui conventus omnium totâ Provinciam suffragantium nihil est aliud, quam maximum populi Comitium: In quo si quis ipse non habeat jus sistendi se ferendique suffragium, multo minus id absens per nuntium aut per literas facere potest; quod tamen apud nos commodo suffragantium, usu receptum est. His de rebus iterum in cap. sequ. aliquid occurret.

C A P. IV.

De Democratia.

Democratiz vis & comparatio Imperii cum Arbitris. Definitio & divisio Democratiz in resolutam atque restrictam, Illius exempla Romæ & Athenis fuisse, hujus generis videri pleraque hodierna. Nullam tamen in Belgio Democratiam esse videri. Quid juris, si populus ab his, quibus id mandatum erat, non convocetur. Esse Democratias, ubi jus suffragii sit penes peregrinos, feminas, infantes, furiosos, furdos, mutos, cæcos, infames; qua de re exemplum. Denique de modo ineundi suffragia & censendi, quibus suffragandi jus competat.

Quæ ultimo loco à Politicis collocatur, *Democratia* superest; quamquam proxime ad statum naturæ primæ accedit, ideoque omnium primò ejus naturam in exemplum Imperii, quod ubique gentium obtinet, atque in argumentum juris, quod Imperio univer-

so tribuendum sit, à nobis proposita fuit in sect. 2.

2. Cujusmodi autem hoc sit, cum antea abunde expositum est, tum à Cicerone declaratur, in verbis, in oratione pro Plancio. Est enim conditio liberorum populorum præcipueque hujus Principis populi

H h

puli & omnium gentium Domini atque victoris, posse suffragium vel dare, vel detrachere quod velit cuique. Nostrum autem, qui in hac tempestate populi jactantur ac fluctibus, ferre modice populi voluntates, allicere alienas, retinere parvas, placare turbatas; honores si magni non putemus; non servire populo; sin eos expectamus, non defatigari supplicando.

3. Hoc Cicero, qui alioqui minime erat *disponens*, sed Aristocratiae quantum poterat, studebat; quippe eadem oratione, paulo antè, de populo dixerat, eum non delectu aliquo aut sapientiâ duci ad judicandum, sed impetu nonnunquam & quâdam etiam temeritate; non est enim consilium in vulgo, non ratio, non discrimen, non diligentia &c.

4. Tamen illam potestatem æquo animo ferunt homines à majore parte populi; Quid vetat igitur, quominus id eodem animo accipiatur ab his, quibus idem jus delatum est, quod antea penes populum fuit?

5. Pertinet hoc ad ea, quæ *sect. 2. cap. 3. & seqq.* disputata sunt; Quibus illustrandis velim adhuc observari; Constitutionem Imperantium eleganter comparari posse cum Arbitris, qui bifariam decidendis causis eliguntur, ab his qui liberam potestatem de suis rebus habent, ut vel pronuntient quid ipsis æquum videatur, quo ita partes concilient; vel ut causam liberi instar judicii decident. Priore casu ipsi eligentes manent Domini atque arbitri rerum suarum, nec obligantur dictis iudicioque electorum, nisi quatenus expedire sibi iudicent.

6. Posteriore casu intelliguntur omnium jus abdicasse, adeoque stare debent sententiâ Arbitrorum receptorum, siue æquum siue iniquum sit, quod hi pronuntiaverint *l. 27. §. 2. de Recept. qui arbitr. recep.* idque vi *compromissi*,

quo litigantes inter se obligati sunt & promiserunt alter alteri, se staturos eo, quod arbiter dixerit. inter compromittentes & arbitrum nulla est obligatio, quæ vim tribuat sententiæ, sed tantum quatenus arbitrium receperunt *l. 11. §. 2. & passim d. tit.* Cæterum, omnis potestas Arbitrorum pendet à compromisso; cujus limites si excesserint, nullius momenti est, quod egerint *l. 22. §. 15. r. eod.*

7. Conferantur hæc cum iis, quæ supra toties de Imperio collocavimus. Homines extra Imperium in statu belli, ut litigantes, constituti, compromisso generali recipiunt Imperantem; cui dant rerum suarum arbitrium, promittentes se staturos iis, quæ Ille decrevit. Proinde contenti esse debent eo, quod is dixerit, fecerit; æquum, iniquum nihil interest: at si Arbiter Reipubl. fines compromissi excesserit, jam nihil est, quod agit; si, inquam, disponat de rebus suo arbitrio non commissis.

8. Est hoc, igitur, uti vox indicat; *in §. d. iura negr. & c.* populi Imperium, ut Aristocratia, *id est* optimatum potestas; populus autem universos cives aut partem saltem maximam significat.

9. Nam etsi sæx infimæ plebis à jure comitiorum alicubi excluderetur, sicut olim, ut videtur, Romæ factum, sextâ classe populi constitutâ, cujus qui erant, proletarii & capite censi dicebantur, quæ de re *dix. lib. 4. Digress. cap. 32.* non ideo *Democratia* esse desineret, ubi duntaxat pars major civium Imperii compos haberetur.

10. Sed distingui potest, quod ad modum administrandi *Democratia*, in laxam vel restrictam.

11. Laxam siue Resolutam dicimus; quando universus populus ad concionem vocatus omnia summæ potestatis jura saltem majores, secundum plurimum sententias

comitia exercet atque disponit, ut *Athenis* in Ecclesiis, *Romæ* in Comitibus.

12. Hæc, cum ferè navis in mari vasto fluctuantis sit instar, duobus quasi anchoris teneri firmarique debet, Senatu & Magistratibus.

13. Ut per *Senatum* ea quæ populus decrevit, quæque ad fidem in Republi. occurrunt, neque in universum à populo decerni possunt, expediantur.

14. *Magistratus*, ut functiones ordinariæ & inferiores ad ordinem civitatis necessariae per eos administrantur.

15. Restricta Democratia hoc solo ab altera differt; quod rarius convocatur populus, & plura senatui ac magistratibus committuntur, cujusmodi nunc fere sunt, quæ habentur, populares civitates per Germaniam ac alibi.

16. At in Belgis nullam cognovimus *Democratiam* proprie dictam; nisi quod municipales quædam urbes membra majorum Provinciarum, regimen suum ad instar democratici exercere videntur.

17. Cæterum, In utraque specie democratiae populus retinet facultatem infirmandi acta senatus & magistratuum, eosque gravius in Rempubl. delinquentes puniendi.

18. Nam si nihil quam jus constituendi Senatores & Magistratus, et si quotannis, sit penes populum, electi verò absolutam in suo tempore potestatem habent, hanc non esse *Democratiam*, præcedenti capite probavimus.

19. Jus conveniendi competit ipso jure, si populus certum tempus locumque ad id præfiniverit; alioquin, ubi convocatus fuerit.

20. Jus convocandi est penes eos, quibus id populus, dum erat congregatus; faciendum commisit, ut *Romæ* magistratibus majoribus, ex auctoritate Senatus, de qua dix. lib. 1. Digress.

21. Si ab his convocatio, ubi respo-

stulat, non fiat, nemo quidem alius habet jus comitia indicendi; Sed acta, quæ non vocato sunt populo, & tamen ab illo dependent, sunt ipso jure nulla.

22. Si perseverent non vocare, idque datâ operâ, vel per discordiam, non est dubium, quin populus ultro convenire, initiumque à quolibet fieri possit, ut jam pridem diximus.

23. Idem de illis judicandum *Aristocratiis*, quæ in numero admodum magno consistunt, de quibus ante paulo egimus; & de quibus omnia, mutatis mutandis, quæ de populari Imperio tradidimus, intelligi debent.

24. Ergo ubi certum tempus ad convocandos nobiles aut proprietarios jure suffragii præditos, veluti quotannis, iis *Kalendis*, locis certis, statutum est; illi possunt convenire, tametsi ab his quibus convocatio mandata erat, conventus non sint indicti; maxime si tum novi Imperantes creandi, neque receptum sit interregnum.

25. Casu quoque ejusmodi extraordinario, Magistratus, qui alioqui jus convocandi non habent, id exercere possent; quatenus omnes Rempubl. præstare debent incolumem.

26. Nec aliud juris erit in ipsis annis Imperantibus; si contingeret eos ab his, quibus id commissum erat, non vocari.

27. Cæterum, in *Democratiâ* certum est, jus suffragii non dari quam civibus, puberibus, masculis, honestis, non peregrinis, pueris non feminis, nec infamibus personis; nec etiam alii pro aliis nomine procuratorio suffragari possunt.

28. Eademque moribus ac legibus cunctarum gentium in *Aristocratiis*, imo & comitiis populi vel optimatum, quæ in regnis habentur, obtinere notissimum est.

29. Ratio quoque juris in promptu est, quæ civium duntaxat suffragia admittit, peregrinos excludit, tamen si bona in solo Reipubl. habeant, *quippe unio civitatis vinculo personalis obligationis, non sive bonorum continetur.*

30. Impuberes satis remouentur, quia nullum est eorum animi iudicium, ut & omnes illi, quibus hæc ratio convenit.

31. Feminae idcirco, quoniam à cunctis virilibus officiis, ubi virorum copia est, maximèque à coetibus publicis, vecundiâ sexus naturali, arcentur.

32. Infames quoque à publicis functionibus suo merito excluduntur, ut dictum modo & in *sine præced. capitis.*

33. Procuraciones autem in publicis suffragiis receptæ non sunt; quia nemo potest alii jus dare, quam de his quæ habet in patrimonio, quale non est jus suffragii; denique publica utilitas postulat, ut ad quem res tanta pertinet, quilibet ipse per se negotio interfit.

34. Tamen esse *Aristocratiæ* haud procul à *Democratiis* recedentes, in quibus peregrini, feminae, infantes, furiosi, prodigi, surdi, muti, cæci, infantes, quique suis rebus ipsi superesse nequeunt, jus suffragii saltem per alios exercent, *præcedenti capite* expositum est.

35. Poterant hæc contra rationem juris per abusionem artesque politicorum eo modo recepta videri, quo facilior ad ambitum via sterneretur:

36. Sed nec à jure hæc abhorre in ejusmodi Imperiis, ubi jus suffragii datum est possessoribus immobilium, facit id quod antea diximus, esse illud jus in patrimonio singulorum.

37. Ex quo sequitur, unumquemque de illo jure disponere posse, quatenus nihil publico adversum instituit.

38. Hoc autem nihil aliud postulare videtur, quam ut is qui nomine cujusque prædii jus suffragii immediatè exercet,

fit civis, habilisque ad publicas functiones obeundas.

39. Suffragatorem autem statuendi facultatem quilibet habet, eadem ratione quâ patrimonii administrandi, potestatem exercet.

40. Proinde peregrini & feminae per se, infantes, furiosi quibusque bonis interdictum, per tutores curatoresque suos statuere possunt, qui pro suis prædii sententiam dicant.

41. Juri publico enim satisfit, inquam, si is qui summum jus imperii liberâ potestate (nam talem substitutionem intelligimus) exercet, habeat ea requisita, quæ juris & Reipublicæ ratio adesse flagitet.

42. Sed ut peregrini immediatè vel præsentibus, aut per literas nominationem constituent Imperantes aliaque jura exercent in eâ Republica, ubi non sunt cives, *hoc notissimos juris publici terminos egreditur.*

43. Quin & ipsum illud jus substituendi alios, summâ cum ratione poterat illis negari, non minus quam iis aufertur, qui ob diversam cultus divini professionem haud perinde cum Republicâ conjuncti videntur.

44. De feminis alia ratio est; neque enim illis quicquam ob stare videtur, quam quod in publico virorum coetu indecorum sit, illas conspici.

45. Quo impedimento per substitutionem civis idonei sublato, nihil est causæ, quare suum jus patrimoniale exercere non debeant.

46. Quin, ubi receptum est, ut qui jus suffragii habent, id per literas edere & declarare possint, *ut apud nos fit*, ibi feminis tam hoc jus exercere, quam easdem in monarchia imperare fas est.

47. Nempe, ut nuptæ, quatenus hæc res est patrimonialis maritali potestati subesse intelligantur, quemadmodum & reliquæ

relliqui omnes qui sub curatoribus degunt, per eos suum jus sine medio & sine dubio exercere possunt, etsi non sint immobilium Possessores.

48. Quatenus, iterum hæc res est patrimonialis; quâ in re discrepat à regnis, in quibus feminae sub viris non sunt. Hæc igitur res propriè ad Aristocratiam Patrimoniale spectat.

49. Cæterum, in democratia simpliciter constituta, civium suffragia sine discrimine personarum numerari consentaneum est, ut apud Romanos in tabellis, apud Athenienses in ostracis sive testis observabant.

50. Aliquando ad tædium computationis evitandum, ex adpectu, præpollens multitudo colligebatur, quod etiam Romæ in Senatu fiebat, quando pedibus in alia & alia Senatores ibant. Alias è dispari clamore dissentientium, discessus partium in diversas campi partes aut colles fiebat, ut olim Spartæ factum fuisse accepimus. *Ubbi Emmius Græc. vet. part. 3. de Republ. Lacædemon.*

51. Etiam ubi de consensu majoris populi patris liquet, reliquorum suffragatio sisti potest, ut Romæ ex Servii Tullii instituto, post ordinatas classes & centurias fieri solitum est.

52. Quibus & hoc Arcanum Aristocraticum inerat, quod vilior pars populi raro interrogabatur, quia secundum centurias numerus inibatur, in quarum prioribus erant primores, & cum hæc majore numero consensissent, rarissime ad sequentes classes descendebatur: erat autem in primâ classe pars dimidia centuriarum. *Liv. l. 1. Dionys. Halic. lib. 4.*

53. Eadem arte factum, ut pars quoque minima populi jus majoris obtineret; siquidem inferiores centuriæ longe plura capita quam primæ continebant, & numerus centuriarum, non hominum advertebatur.

54. Nec tamen ideo forma Imperii mutabatur, quia reliquarum jus erat idem, licet eluderetur; & in comitiis diversigenis, eadem artes haud perinde obtinebant.

55. Jus erat & Romæ Censoribus, male meritos civium in *Censuræ* tabulas redigendi, id est, jure suffragii privandi, ut & prætereundi Senatores adeoque senatu arcendi, ut superius dictum.

56. Ex quo liquet, non ob stare naturæ status DEMOCRATICI, nec consequenter Aristocratia latè diffusæ, quod Magistratibus certis jus sit examinandi judicandique, an & quinam jus habeant ferendi suffragium, quive legitime sint electi à populo, ut Imperium Reipubl. temporarium exercerent.

57. Verum summâ prudentiâ in hoc negotio provisum est à Romanis, ut qui exercebant hanc facultatem judicandi, quinam civium suffragia ferre deberent, vel non, remoti essent ab eo quod intererat ipsorum, adeoque nec Imperii, quoad exercitum, participes forent.

58. Satis enim constat, Censuram fuisse quidem honoris reputatione maximam, sed potestate exiguam, ab Imperio & jurisdictione ambituque remotam, & quasi complementum coronamque reliquorum magistratuum, iis tantum qui cæteris Reipubl. functionibus erant defuncti, solitam deferri, *Plutarch. vitâ Crassi.*

59. Si ad hoc exemplum jus examinandi suffragia populi vel primorum magni numeri comparatum esset, equidem occasiones querelarum hoc respectu, quas nunc in Rebusp. liberis frequenter audivimus, bono ingenti publico præciderentur.

60. Si quæ præterea differentia popularium Imperiorum traduntur, ex admodum administrandi potius quàm ad juris rationem pertinere videntur.

C. A. P. V.

De Timocratia, sive de Regimine Censuali.

Democratiam esse ex omnibus Rebuspubl. absolutè independentem, secus ac reliquas; etiam Timocratiam, cujus ab Aristocratiâ & Democratia differentia & omnis ratio exponitur. Esse eam duplicem, alterâ specie propius ad Aristocratiam, alterâ ad Democratiam accedente. Utraque exemplis illustratur. Quæ sit Imperii Timocratici potestas.

Theophilus Interpres Græcus Institutionum Justiniani, agens de speciebus Juris, quæ secundum formam Reipubl. variant, populum vocat *νομοφύλας*, *Conditorem Legis absolutissimum lib. 1. tit. 2.* utpote, qui solus suum jus ab alio non habet, sed à quo jus in alios Rectores proficiscitur.

2. Ex quo manifestum est, ut alias probavimus, eos qui omne jus populi habent, seu singulos seu plures, verè absolutam habere potestatem.

3. Talis etiam esse videtur, quam non possumus hic præterire, quamque Aristoteles quartam Reipubl. formam vocat *Τιμοκρατία* *Timocratiam*, *τὸν δὲ νόμον τῶν ἀρχῶν*, *Imperium à censibus*. Ubi non quilibet è populo, sed qui censi sunt & censum præstant, habent Rempubl. quos vulgo in Belgis *Capitalistas* vocant. Democratiam vero Aristoteles vocat *πολιτεία* *excessum & corruptionem Timocratiae*.

4. Hæc sententia habet hanc rationem; quod ita fere eveniat, ut talis civitas in se ipsam ruat, in qua omnes indigenæ, homines liberi, imperii sint participes, maxime, si latè pateat ac in plures urbes & pagos diffusa sit Respublica.

5. Unde vix est, ut ullus populus adeo democraticè regatur, ubi non vilior plebs à publico concilio submoveatur, admittis tantum qui opibus aut honestate no-

tabiliores sunt: quod utrumque *provo-* catur ac inde *Timocratia*.

6. Cum autem apud omnes alios nuper & olim Juris publici Scriptores, *Democratia* tertiam faciat Reipubl. speciem, & tamen dari Timocratias non sit dubium, quæri potest sitne Democratia illa species, an Aristocratiis adnumeranda.

7. Si verum est, quod nos antea posuimus, Differentiam Rerumpubl. à numero imperantium æstimandam, sequitur, si numerus censitorum sit minor quam proletariorum, dicendam esse Aristocratiam; si major, esse Democratiam.

8. Sed mihi non videtur absurdum, in minore numero tantam esse latitudinem, ut duæ species inde civiliter formari queant; *Aristocratia*, si non major sit numerus, quam ut *Senatus* inde constitui possit; *Timocratia*, si jus actuale imperii & Summæ Potestatis, tot penes sit homines, ut ad Senatum exhibendum sit conditus; qualis est species Nobilium in Poloniâ, vel possessorum Soli in Frisia.

9. Quo sensu *Timocratia* tamen speciem à Democratia diversam occupat; quæ demum hæc est; quando totus populus omnesque numero civium habitati concurrunt ad jus & exercitium Summæ potestatis, quo jure fuit Ecclesia, sive Concio Atheniensis.

10. Hæc

10. Hæc enim ex Lege Solonis de Senatus actis judicabat, leges antiquas recognoscebat, novas, resciferente, jubebat, bella decernebat & pace fitebat, magistratus majores & belli duces terræ marique creabat, foedera inibat, Legatos etiam mittebat; civitatem exteris dabat, etiam judicia de quibusdam criminibus, maxime de quibus certæ Leges non erant latæ, exercebat.

11. Sed & Timocratia subtilius distinguipotest, quod vel *jure* sitialis, vel *modo* duntaxat administrandi. Prioris exemplum Poloni & Frisi, ut demonstravimus, exhibent; Posterioris specimen Romæ fuit, ex instituto Servii Tullii & Fabii Maximi.

12. Servius hoc modo instituit; populum partitus est in sex classes, singulisque suas dedit centurias admodum disparis numeri: Nam prima classis, quæ ditissimos cives tenebat, numero pauciores, ut sit, divisa erat in centurias *xcviii*. Quatuor sequentes opibus gradatim inferiores omnino habebant centurias *xciv*. Sexta classis unica erat centuria, hominum numero facile reliquas omnes adæquans aut superans, sed absque censu; Suffragia juxta centurias ferebant. Ergo consentientibus primæ classis centuriis, hæc jure suffragiorum cæteris prævalebat. Ultima verò, civium, inquam numero pauperiorum, partem dimidiam omnis populi continens, verbo tenus unum è *cxciii*. suffragiis habebat, sed nunquam id exercebat; quia cum major pars rogata consenserat, reliquæ non rogabantur.

13. Hæc res, ejectis Regibus, Rempubl. Romanam ad instar Timocratiae redegit, modo tamen potius & arte quam jure, nec aliter quam in Comitiiis

centuriatis; donec Fabius Max. idem in tributis Comitiiis effecit, redactâ omni multitudine viliori in quatuor tribus urbibus; honestioribus qui non faciebant majorem numerum, unam & triginta tribus occupantibus, ut probatum est à nobis in *part. 2. Digress. l. 1. c. 10.*

14. Si quis ternario Rerump. numero contentus quartam non putet recipiendam, hanc quidem Timocratiae speciem Romanam, referat licet ad Democratiam: Priorem vero, quæ Polonorum & Frisiæ exemplis demonstrata est, ad Aristocratiam. Etsi nihil, inquam, vetat, illam pro quartâ reputare formâ.

15. De causâ Timocratici Imperii, si quæretur, ubi non constat de vi & bello, oportet eam statuere voluntariam: Proinde, quod subjecta populi pars in subjectionem sui consenserit, aut expresse, ut Romæ per Legem Fabiam; aut tacite, ut in Frisia factum videmus.

16. Quicquid igitur de voluntario Imperio simpliciter dictum est, & quicquid ejusmodi Imperantibus licet in subiectos, ac his vicissim in illos; id de talibus Imperiis Timocraticis, eadem ratione prædicandum videtur.

17. Quemadmodum, si Timocratia suum initium à vi & armis habeat, ut de Polonis dicendum videretur, idem illic universitati Nobilium in populum subiectum competit juris, quod Dominantibus in populos armis devictos licere intelligitur, quæ de re *superius* actum & agendum adhuc *inferius*.

11. Quanquam autem in voluntariis Imperiis alienandi jus non competit Imperantibus, quæ tamen ratio hac de re militat in laxioribus Aristocratiiis, ea se validius prodit in utroque genere Timocratiae. Diximus in *fin. c. 3. sect. præced.*

CAP. VI.

De mixtâ rursus & violentâ Republ.

Mixtam Rempubl. ubi plures sint ordines, singuli habentes summam potestatem, non dari. Quæ sententia rationibus confirmatur & objectionibus liberatur. Observationes de speciebus mixturæ tali similibus, attamen diversis.

EXplicitæ sunt tres vel iv. formæ Rempublicarum. Multi quartam vel v. speciem inculcant, quam mixtam appellant.

2. At nos suprâ aliquoties indicavimus, Respublicas proprie, id est, ex diversis formis mixtas nec esse nec unquam fuisse videri, neque civiliter dari posse, vel antehac extitisse, propriè & ex vero sumptis.

3. Tali utique mixtura, qualem dissidentes describunt, ut jura summæ potestatis quædam Regi, quædam paucis, quædam omnibus seorsim adtribuuntur, sunt verba Arnisei de mixta Republ. agentis. *System. Polit. cap. 6. sect. 1. n. 38. 39.*

4. Adhuc expectamus, dum talis Respubl. plures habens Reipubl. formas specie diversas, ex omni seculorum memoriâ nobis monstretur, quæ extiterit vel ætatem ferre potuerit.

5. Atque in ea sententia fuisse Tacitum antehac è verbis ejus probavimus; Ad cujus approbationem rectumque intellectum & interpretationem hujus sententiæ, quædam adhuc rationes & observationes collocandæ sunt.

6. Rationes sunt; Quod Civitas & Imperium ita differunt, ut Corpus atque mens in homine; quemadmodum suprâ demonstratum est; Proinde sicut unus homo non magis potest habere plures mentes quam plura corpora, sic etiam una Civitas non potest habere nisi unum Imperium sive summam potestatem.

7. Atqui in populo, ubi diversa jura Summæ potestatis sunt penes diversas personas exercenda seorsim, ibi diversa dari Imperia Summasque Potestates non potest negari.

8. II. Summum non potest esse, nisi quod unicum. Cum primum enim duo Summa statuuntur, de neutro dici potest id esse summum, ut dicere occupavimus in *sect. 3. c. 1. sub fin.*

9. Unde & alia ratio, quæ hic usum habeat. III. Quod fieri non posset, quin personæ vel ordines diversi seorsim exercentes jura sua, quandoque pugnantiâ populo imperarent; unde confusio in ordine imperandi & cogendi necessaria.

10. Nee juvat exceptio, quod è diversis juribus non sit periculum edi imperia diversa; Sunt enim imperandi jura sic inter se connexa, ut unum sine alterius contactu explicari non possit.

11. Quæ est, IV. ratio quamobrem ejusmodi mixtura, quæ diversa jura seorsim penes diversos collocat homines aut ordines, non habeat facultatem.

12. Accedit experientia, quæ nondum ejusmodi mixturæ, quod ego putem, exemplum dedit, usum ejus & rationem adseverans; etsi multæ sint species, quæ similitudine aliquâ minus peritis imponere possint.

13. Nam & in *Condominatu*, de quo suprâ diximus, duo Summa Imperia videri possent; nisi in loco demonstratum

stratum esset, unam esse potestatem, quæ à duobus in solidum tenetur; plane ut obligatio, cujus duo rei debendi vel stipulandi sunt, una duntaxat est in usu Juris.

14. Spectetiam sit, ut in una Republ. diversi Ordines jura quædam Summæ Potestatis pariter exercent, quæ tunc omnes simul habent eandem potestatis speciem; quemadmodum in Anglia jus indicendi tributa ferendique Leges.

15. Aliquando etiam usu venit, ut omnia jura Majestatis majora simul à Rege & ab Optimatibus habeantur, exercentur, ut in Polonia; in quibus exenplis non est etiam quod negetur, dari mixturam; sed non ejus generis, de qua hic loquimur.

16. Ratione quoque administrationis multifariam misceri civitates, ejusque rei speciem plerisque imposuisse, ut Spartæ, Romæ ac alibi propriè mixtas fuisse Respubl. putarent, pro certo habendum, qua de re *dix. lib. 1. Digress. cap. 3.*

17. Sed nec ratum, ut diversæ urbes regionesque diversa utentes forma regiminis in unam coeant civitatem, eadem retenta diversitate regiminum, nec ideo tamen mixturam faciant; quia summa Imperii, non singulæ partes considerandæ sunt, ut in Frisia aliquæ civitates democraticæ, rursus aliquæ aristocraticæ, ut Optimatum more, summen regiminis Aristocraticæ est, ut plures populi sub

diversis regimentis, non planè in unam civitatem, sed in fœdus arctum conveniant, quædam tamen jura communiter exercent, *sub uno principe fœderis*, sicut *alias* diximus.

19. Cujusmodi & hodiernam Imperii Germanici constitutionem esse, non poterit negare, qui consideret, omnia Majestatis jura plenamque *πρωβασιλείαν* à Germanis Principibus in suos populos, nec minus in externos jura belli & pacis, liberè citraque veniam Imperatoris exerceri, ut *alias* dictum & dicendum.

20. Non est tamen fortean, ut præcise negari queat, posse fieri, ut unum aliquod alterumve jus Majestatis ab Imperio verè dividi & decidi queat, uniusque personæ vel ordini seorsim adtribuat; Id enim in minoribus Majestatis juribus non habet dubium; cur magis in ejusmodi aliquo jure majori, quod conflictum notabilem in Civitate non faciat; Ut si Judicia de vita bonisque civium dentur alicui Ordini independenti, ut alicubi juris esse, duntaxat ita disputari novimus?

21. & quidam gente vicinâ populi & primores habent jus tributa indicendi, sine Principe suo, quod est notabile mixturæ specimen; at ejusmodi, ut simul indicer ejus periculum, & quantum stare non posset ejusmodi Regimen, si non vi externa fulciretur.

C A P. V I.

De Imperiis Involuntariis.

De Imperiis coactis primò remissive, Esse ea justa vel injusta. Utraque vel quoad formam talia, vel etiam quoad causam. Non semper ex victoria belli, Dominatum sive Herile Imperium nasci. Dari quoque Imperia mixta, partim violenta & ex parte voluntaria.

HActenus de Imperiis voluntariis, Sequuntur Involuntaria. Verum antehac etiam de involuntariis & violentis actum, *sect. 2. cap. 1.* de quibus aliquin heic demum locus erat agendi.

2. Probatum obiter in loco prædicto, violenta Imperia non semper esse injusta. Possunt enim esse justa vel inde ab initio vel ex post facto. Ab initio justa sunt ratione formæ tantum, vel etiam ratione causæ.

3. Priore modo justa sunt Imperia, quæ imponuntur bello solenni, quod scilicet illatum est ab his, qui jus belli inter se habent, modoque jure Gentium recepto geruntur. Quomodo etiam bella tribuunt effecta juris vitæ necis, & Imperii in victos, sine discrimine causæ bonæ an malæ, ut docet Grotius *Lib. 3. cap. 3. de jur. Bel. & Pac.*

4. Sed videndum, ne non distinguendum sit, inter jus victoriæ adversus Regem & contra populum subiectum acquisitæ, ut posteriore solummodo usu, jure belli Imperium acquiri videatur; quomodo si intelligi voluerint in Anglia nuper, qui Imperium jure belli non posse acquiri contenderunt, hac ratione freti videantur; quod Rege victo, non populo, Imperium ab hunc, unde venit, relabitur: A quo victor id absque novo bello, non nisi consensu, habere possit. Quomodo Wilhelmus Normannus Haraldum Regem bello petiit, non

Anglorum gentem directè; & clarius nuper Wilhelmus Arausionensis, Jacobum, à quo populus causam separaverat suam.

5. At hoc quidem exemplum in hanc rem justum equidem, sed valde rarum est; plerumque enim populus cum Rege causam habet conjunctam, ut historia de Wilhelmo Normanno adfirmat, ac ita fere semper usu venit; Nisi quando gens aliqua sub alienigena domino agit invitata, quod accidit Africanis, Gilihero cum Vandalis suis à Justiniano victis.

6. An ejusmodi casibus, voluntarium sit Imperium, à populi consensu profectum, an jure belli fundatum, dubitari potest. Pro hypothesi, quod Imperium sit proprietate populi & Reges ejus voluntarii, ut quidam volunt, dicendum esset, quo contra populum opus esse bello, & quo victorem non aliter quam è populi voluntate ac consensu Imperium; quia licet Regi priori corona fuisset erepta, cum hæc tamen ejus propria non fuisset, plus è victoria quam ille habuerat, juris acquiri non potuit. Sed Imperium priori ademptum exercitio, manebat ejus proprium, cujus & antea fuerat, ipsius, inquam, populi.

7. Sed in hypothesi, quæ populus Coronam in Regem ejusque Familiam alienavit, videri posset hoc jus perfectum regni acquisiti jure belli, ultimo Regi & consequenter ejus heredibus esse ademptum;

ptum; quod etiam verum est, si regnum patrimoniale sit; verum si usufructuarium fuerit, ut pleraque sunt à populi voluntate profecta, jus regni cum persona Regis finitur, & ipso jure vel redit ad populum, vel ad eos, quibus post ultimum possessorem id à populo delatum fuit.

8. Plane, si quis armis invadens alienum regnum, id se non occupandi Imperii, sed auxilii oppressis ferendi animo facere declaret, etsi pretextus ab intentione fere in actionibus hominum discrepent; tamen si victoria sub hoc titulo parata sit, is neque jus belli adversus Regem, etsi pulsum, nec adversus populum obtendere potest; quia nemo plus juris habet, quam habere se velle professus est, secretis animorum inductionibus nullum juris externi effectum tribuentibus.

9. Ceterum, quando Possessor regni & populus Invasori communibus armis, ut fere usu venit, restiterunt, unaque victoria subacti sunt, Imperium victoris, jure Gentium, quale vult, in eo fundatum est, ut probat Grotius *lib. 3. de jur. B. & P. c. 8.* non modo si victor incontinenti, sine ulla pactione suum jus exerceat, quo casu status belli reciprocos durat; sed etiam, si consensu declarato populus, victoris Imperio se submittat; cui per voluntatem populi tantum detrahitur vel temperamenti adjicitur, quantum pactis specialibus hic est stipulatus.

10. Si nullæ conditiones excipiantur, illa voluntas nihil est aliud, quam belli jus agnitum, quomodo dedititii apud Romanos se habuerunt, idque similiter obtinet, si quando nullam populus edit voluntatem; sed positis armis imperio victoris illum in gratiam & protectionem suam recipientis, se tacite submitte, fere uti jam diximus *sect. 2. cap. 3. n. 12. & seqq.*

11. Atque hæc ita se habent, etiam si ne discrimine causæ belli, justum an injustum sit, modo requisita juris Gentium habeat, ut docet Grotius in *lib. 3. de jur. B. & P. c. 3. & seqq.* Quod tamen non impedit, quominus vere justa sint quædam Imperia jure belli fundata.

12. Sic enim ratione Causæ, justa sunt Imperia, quæ imponuntur victis bello, quod ipsi vel Imperantes eorum meruerant. Cum enim tales liceat occidere, non est dubium, quin sub Imperio jure merito contineantur.

13. Injusta autem ratione formæ sunt, quæ jure victoriæ usurpantur ab his, qui jus belli gerendi non habent, vel qui solennia bellorum requisita, secundum jus Gentium, non servant. *De his sequenti capite loquemur, ubi de tyrannis, titulo talibus, agetur.*

14. Injusta ratione causæ quæ sint, ultro intelligitur; quando bellum quidem solenne fuit, quo victor Imperium quæsit, verum sine causâ justificata adversus eos, qui Imperio subjiiciuntur.

15. Modus Imperii est in arbitrio victoris, ratione sæpe dictâ, quæ est à majore ad minus; Si victor habet jus occidendi, habet quoque jus servandi ad serviendum §. 2. *Inst. de Jur. Person.* sed vide quæ modo diximus & in *sect. 2. c. 3. n. 11. & seqq.*

16. Neque tamen semper ex jure belli initioque violento Imperium herile, quod Dominatum supra diximus, oritur. Sæpe generositas & mansuetudo victoris nihil quam civile obsequium exigat; sæpe nihil aliud vult prudentia. Sic *populo Romano melius visum, amicos quam servos quærere tutiusque rati sunt violentibus quam coactis imperitare, sunt verba Taciti in Agric.*

17. Denique sunt imperia, quæ mixtam habent causam, ut exposuimus in *præd. sect. 2. c. 1. & seqq.* quando vi metuque,

metuque; voluntas elicitur, eaque vis antea ab Imperante novo, aut aliunde infertur.

18. Ab illa, cum Populus armis ad deditioem, certis conditionibus, faciendam compellitur, ita ut in ditionem victoris transeat, vi quidem coactus, sed tamen vi pacti.

19. *Aliunde*, quando populus armis externis aut intestinis eò redigitur, ut exitum è malis suis, nisi Dominum alienigenam recipiendo, non reperiatur, sicut olim Campani à Samnitibus pressi, quorum *præd. loco* meminimus; nec multo aliter Frisii & Groningani Carolum V. & certis quidem legibus hi, quas Campani nullas stipulati leguntur.

20. Quod jam ad vinculum obligationis attinet, id in hisce postremis speciebus, ubi deditio non ultimâ vi, sed

medio pacto perpetrata est, non habet difficultatem; de prioribus quod satis est, diximus supra *sect. 1. c. 3. n. 11. & seqq.* Nisi quod ibi indecisum reliquimus id quæsitum; Si Imperantes per deditioem vi bellicâ expressam certas dederint conditiones, an his non servatis, populus ad statum belli redire possit. Quod minime esse dicendum, facile constat inductione exemplorum, quæ magnâ sunt copiâ, populorum, qui se dedentes aliquid stipulati sunt: quos pactis non servatis, Imperio eximi, si quis dicendum putet, mirificæ auctor confusionis fuerit. Habent igitur eandem vim, quam promissiones Summarum Potestatum habent erga partem sui populi, ut obligent Imperantes in conscientiâ, non ut jus executionis dent stipulatoribus; quâ de re in *cap. 5. sect. sequ.*

S E C T I O IX.

De Corruptione & interitu Summa Potestatis.

C A P. I.

De Tyrannide Usurpationis.

Tyrannidem esse Triplicem, titulo tantum, qui Pisistratismus, exercitio tantum seu Neronismus, & ex utroque mixtum Phalarismus. Rex de facto, an idem sit, quod Usurpator. Quinam verè sint titulo tyranni & quomodo tales esse definant. Numquid juris Imperata illorum habeant, & quid adversum eos liceat.

Dicamus aliquando de Tyrannide, quæ post omnes Reipublicæ species & jura sequi debet, cum sit *Corruptio Reipubl. cujuslibet rectæ*, quod tamen ita nolim accipi, ut quælibet corruptio Tyrannis vocetur. Sic enim sola *perfecta* Reipubl. quæ nulla est in mundo,

non esset Tyrannis, cum, ut alias è Platone diximus, olim hodieque, *ἐπὶ πάντων καὶ ἀνθρώπων καὶ θηρίων*, omnes civitates male administrantur.

2. Proinde Oligarchia certè, quæ est corruptio Aristocratiz, non statim est Tyrannis; cum vix ullus aut plane nul-

lus

Ius detur optimatum Status, in quo non fiant coitiones, quibus potestas ad paucos redigatur.

3. Ita non statim, ubi Princeps utilitates suas à populi sui rationibus dividit, suisque potius commodis quam utilitati publicæ servit, statim pro Tyranno habendus. Quotus enim quisque Principum in mundo ejus culpæ foret expers?

4. Nec alio forte sensu *Alphonsus* Rex, Sapiens vocatus, bonos Reges dixisse fertur esse tam paucos, ut illorum nomina uni annulo inscribi possint.

5. Sed de omni hoc negotio, maximi in hac arte momenti, videndum accuratius; Usus hujus vocis strictè de Monarchis, latius & à nobis de quavis, inquam, Republ. usurpatur.

6. Est verò duplex Tyrannis, alia titulo sive Usurpationis; alia in Exercitio quæ dicitur, nisi & mixtam dicere velis, titulo simul & exercitio.

7. Primam *Pisistratissimum*, alteram *Neronissimum*, tertiam *Phalarissimum* à celeberrimis singulorum exemplorum auctoribus appellare licet.

8. Tyranni titulo, aliter Invasores & Usurpatores dicuntur. Et hoc quidem vocabulum arbitrarii usus à Politicis in hanc rem trahitur, cum Jurisperitis usurpatio sit usucapionis interruptio *l. 2. π. de Usucap. & Usurp.* Sed hæc fit jure vel vi. Et ab hac specie transit in hunc usum, ut quidem videtur.

9. Sunt igitur Usurpatores, qui Imperium civitatis nullo jure tenent, seu singuli sive plures, ut Romæ *Decemviri*, post leges XII. latas, Athenis aliquando & Quadringenti viri.

10. Nam triginta, quos dicunt, tyranni, huc non pertinent, etsi eorum exemplum crebrius in hanc rem vulgò citatur; nam hi justam causam, jure victoriæ à Lacedæmonius constituti habuerunt,

ideoque Tyranni exercitio fuerunt. *Plutarch. in Lysand.*

11. Est ubi distinguunt inter Regem de jure & de facto talem. Et quidem de facto Rex idem cum Usurpatore sive titulari Tyranno multis esse videtur; At hoc non æquè verum, quam quod de jure Rex, etiam Legitimus Rex sit.

12. Quid apud Anglos, ubi hæc inventa est distinctio, sit Rex de facto, patebit exemplo. Henricus VII. ducta in uxorem Elizabethæ Eduardi I. filia, regnum ejus nomine adire nolebat, etsi id populus mallet, ne magis Reginae maritus quam Rex videretur. Suo non audebat, quia minus erat popolare jus Lancasterie domus, ex qua ipse erat, præ Eboracensi, unde erat uxor. Jure belli quoque non audebat uti, licet Antecessorem suum prælio vicisset. Sumisit igitur diadema, nullam juris speciem præferens. Et ne hoc vim Imperii dissolveret, Legem ferri curavit, quæ Regi ab Ordinibus agnito & coronato regiamque dignitatem de facto possidenti parere jubet. *Verulam. in Henr. VII.*

13. Quæ Lege non stabilitur Usurpator neque supponitur Tyrannus titulo, sed inquiri prohibetur in jus Regnantis publice constituti & agniti, ut inde civium obedientia suspendatur. Et hæc res in Anglia nuper rursus habuit usum notabilem, non ab omnibus eodem modo acceptum.

14. Nos teneamus, Usurpatores & Tyrannos esse qui regnum nullo jure tenent, qui Regnum injustum tenent, cujus indolem & dotes si tenerent ambitiosi principes, minus multi id appetent;

*Bellum lachrymasque metumque
Cognatumque nefas injusti munera regni.*
apud Pap. St. *Theb. 4.*

15. Nullo autem jure videntur Imperium habere, quid, *inviti in*, quorum
1 i 3 est ve-

est verum jus imperandi, de quo *superius* actum, tenent, sive is populus, sive optimates, aut unus sit.

16. Proinde sicubi, expulso Rege vero, consensum licet amplissimum à populo Invasor impetraverit, tamen non desinit esse tyrannus, ut nostra memoria apud Anglos usu venit in *Cromwellio*.

17. Sed in populari Imperio, ubi consensum invasor à civibus impetrat, exinde legitimus incipit esse Princeps, quod à *Gelone Syracusis*, à *Servio Tullio Romæ* factum. *Diodor. Sicul. lib. 11. c.*

26. *Liv. lib. 1.*

18. Sed qui cives ad consentiendum vi aperta & terrore presenti adigit, is invitis adhuc imperat, nec desinit esse tyrannus, ut Romæ de Triumviratu constat, nisi jusjurandum sit interpositum, quo qui obstricti sunt, non habere de metu exceptionem probat *Grot. l. 3. c.*

19. *n. 5. & 6.*

19. Non idem, quod de vi aperta, censendum, quando populus civem unum adeo videns potentem, ut, si velit, omnes cogere possit, imperium illi defert, antequam vim faciat, ut populus Romanus in Augustum ab Actiaca victoria reducem, quâ de re diximus in *lib. 1. Digress. cap. 17.*

20. Similiter, si vis primum adhibita, dein tolerabili Imperio diu populus acquieverit, nec penes alium sit verum jus imperandi, videtur etiam è tacito consensu desinere esse Invasio.

21. Nihil enim causæ est, quare non heic etiam præscriptio temporis locum habere debeat; cum in eâ, quæ longissimi & immemorialis est temporis, non requiratur titulus aut bonum initium, ut docent Jurisconsulti.

22. Quippe non minus verisimile est, populum haud velle in æternum fluctuare statum Imperii, quam privati creduntur, dominia nolle semper esse incerta,

quæ est ratio usucapionis & præscriptionis rerum, quæ sunt in patrimonio.

23. Cæterum, Invasor quæ talis, non potest obligare cives ad obsequium, neque valent ejus præcepta, nisi quatenus sine extremâ confusione ordo jubendi parendique non potest everti.

24. Tum enim is, ad quem pertinet jus imperii, malle præsumendus est, ut tyranno pareatur, quam ut universa civitas gravissimo afficiatur incommodo, vel præceps in exitium ruat.

25. Violentum alioqui & notorium Invasorem vim adhuc continuantem cuivis ut hostem publicum interficere licet. Neque minus ubi vim defuit adhibere, jussu videlicet ejus, ad quem jure pertinet imperium.

26. Nam si ille usurpationi acquiescere, quam bellum civile subire malit, injusta videtur habenda cædes tyranni. Ideoque probandum non videtur, quod Brutus & reliqui conjurati apud Lucanum gloriantur.

Detrahimus dominos urbi servire potestate.

27. Aliter deinde Brutus idem Epist. ad Ciceron. defendens se, quod Antonios hostilis animi in Rempubl. manifestos, pro civibus habendos scripserat, id à se iustissime factum ait, & pergit; *Quod enim nondum Senatus censuit, nec populus Rom. jussit, id arroganter non præjudico neque trabo ad arbitrium meum.* Quo jure igitur Cæsarem occiderunt ipse sociique, cui senatus solenniter fidem dederat, quem populus amabat ut quem maxime? rogare licuisset eundem Brutum.

28. Si tamen Lex præexistat, ut eum, qui externum aliquod inque oculos incurrens factum commiserit, hunc liceat occidere, velut qui satellites habuerit, qui arcem occupaverit; eam Legem non expectato jussu, exequi fas est, quo jure

tyran-

tyrannicidis olim statuae atque coronae decretae leguntur.

29. Ceterum, in Invasoribus mores non distinguuntur, adeoque juris ratio est eadem, seu Pisistratus, qui nulli injuriam fecit & quem Cæsar imitatus est,

ut in vitâ utriusque Plutarchus, seu Phalaris civitati incumbat, adeoque clementissimus & humanissimus invasor atque tyrannus est titulo, quam qui cædibus & rapinis grassatur.

C A P. II.

De Tyrannide in exercitio.

Exercitio tyrannus quis; ejusque definitio ex Aristotele. Paraphrasis ejus Heinssiana notatur & sententia Philosophi illustratur exemplis. Non tamen congruere definitionem illam omnibus Imperiis. Proinde alia definitio traditur & exponitur, conveniens omnibus formis Reipubl.

Sequitur Tyrannis in exercitio. Quando Rectores jure constituti, potestatem suam ita exercent, ut hoc nomen mereantur, qualis Nero, Caligula, & alii plures.

2. Quatenus id verò fiat, locus aliquanto difficilior est, non modo quatenam vere talis dicenda sit Tyrannis, verum etiam quid adversus eam juris competat.

3. Aristoteles describit Tyrannum, quod sit *Μοναρχία αὐτοκρατορία*, αὐτὸς τὸ σπένδει αὐτὸς οὐκ ὑποκρίνεται, ἀλλὰ μὴ αὐτὸς τὸ δέσποει. Unius Imperium, quod ad suam ipsius, non ad subjectorum utilitatem in invitos exercetur, quod est oppositum veri Regis officio, qui civium causâ, sicut omnis potestas, constitutus est. lib. 4. polit. cap. 10. sub fin.

4. Debere in Invitos esse tyrannidem sæpe dictum est, ultroque intelligitur, αὐτὸς ὁ ἴδιος ἀποκρίνεται τὸν νόμον; Nemo enim volens ejusmodi ferre imperium, ait idem Philosophus; Quippe volentibus, si qui tales reperiantur, non fieret injuria.

5. Daniel Heinssius in Paraphrasi d. cap. 10. verba definitionis ita explicat, non tam ad eorum quibus imperat, quam ad suam utilitatem. Velim abesse illud,

tam, quam; nec enim est in Græco, nec convenire videtur; quia propria Imperantis atque subjectorum utilitas simpliciter, positive non comparative opponuntur, ἁπλῶς non συγκριτικῶς specie non gradu.

6. Si enim pro tyrannis habendi sint, qui magni quærent suam quam civium utilitatem, quotus quisque Regum & Principum tyrannidis absolvi posset! ut à princip. cap. præced. observatum est.

7. Erit igitur Tyrannus Aristotelicus, qui omnia dirigit ad propriam utilitatem, populi vero commoda penitus negligit aut evertit, cujusmodi Neronis institutum erat, cum Præfecto inculcasset; hoc agamus, ne quisquam quicquam habeat, ut Suetonius narrat.

8. Multo magis, si quis exitium populi totius quærat; modo sanus homo illuc insanire venire possit, ut serio velit, quod Caligula optabat, universus populus ut unam cervicem haberet, quam unico ictu præcidere posset, apud eundem Suetonium in vitâ.

9. Quare in Imperio summo simpliciter delato Tyrannis erit, ejusmodi institutum, quale nec in Democratiâ serendum

dum

dum à minore populi parte diximus, velut si pars major, coitione facta, id agat, ut reliquos omni modo vitâ, fortunâve suis evertat. *Sect. 2. c. 3.*

10. Verum hæc definitio non convenit, nisi hypothefi Summæ Potestatis simpliciter delatæ. Opus est descriptione generali, quæ omnis generis Imperio tam limitato quam absoluto, plurimum & unius Potestati congruat; et si de monarchiâ, id nomen imprimis usurpetur, ibique potissimum usu veniat, quo sensu verum est, Regnum & Tyrannidem differre, velut virtutem vitiumque; laudem ac vituperium; adeoque *ἡ βασιλεία*; æque latè patere quam regnum ait. *Arist. l. 4. Polit. cap. 10.*

11. Denique, pro nostro instituto Tyrannum exercitio vocabimus, qui terminos summæ potestatis sibi jure delatæ notoriè & præfractè egreditur.

12. Summam in tyrannide propriè dictâ potestatem supponimus; siquidem ejusdem generis cum singulis Imperii formis, quæ summæ intelliguntur, esse debet, nec aliter Philosophus *id. cap. 10.*

13. Igitur, qui potestatem summam nullâ sibi ex parte delatam exercet, eum titulo potius quam exercitio tyrannum existimamus, velut si dux Venetorum *ἡνὶ δὲ δὴν* regnare vellet.

14. Si quis tamen ejusmodi Principes, cujusmodi olim erant *Spartani*, & sunt hodie *Poloni* Reges, suprà Leges se evahentes, malit *hujus generis* nuncupare tyrannos; potest ad suo sensu fieri.

15. Ex his jam sponte sequitur, quid sint tyranni exercitio tituloque simul, scilicet, qui, cum nullum jus imperandi habeant, tamen Imperium, quod usurpant, impotenter acerbèque tractant, ut factum à Phalaride Agrigenti.

16. *Terminus potestatis*, habetur in definitione. Imperium deferri simplex aut

limitatum, pridem intelleximus. Quod simpliciter delatum est, non habet terminos expressos, nec tamen est infinitum; quinam limites ejus tacitè intelligantur, *suprà* exposuimus.

17. Proinde qui illa quæ in omni Imperio tacitè excepta diximus, notoriè & præfractè violant, hos potestatis sibi delatæ terminos excedere & esse tyrannos, si modò excessus non sit contra singulos vel paucos; ut modo de Nerone & Caligula diximus, est statuendum.

18. Secundum hos, qui potestatem, summam quidem, at non integram vel lege fundamentali limitatam acceperunt, his esse terminos suos, liquet, & posse ejusmodi terminos Imperantibus poni, positosque servandos esse, quin eos qui illos egrediuntur, nihil agere atque abuti potestate suâ, sæpius & copiose demonstravimus.

19. Tamen sicut unus actus non facit habitum, nec una hirundo ver adfert, ita nec quilibet actus Imperantium notam tyrannidis imponit; sed opus est crebris actibus iisque indubitatis & violentis, ut Imperantes pro Tyrannis haberi possint. hoc est; quod in definitione collocatum est, *notoriè* atque *præfractè*.

20. Quicunque igitur nondum à commissis adversus Leges Fundamentales desistere, neque cautionem in futurum melius consulendi recusant, nec emendationis spem consumulerunt, hos pro tyrannis habere non licet.

21. Atque ex his jam constat, in Imperio simpliciter delato, Rectores multum improbitatis exercere posse, priusquam pro Tyrannis haberi queant; secus ac hi, quorum potestas Legibus est limitata, qui hoc nomen & jus incurrere possunt; etiam, quando respectu aliorum, absolute imperantium, pro moderatis haberi posse viderentur.

C A P. III.

De jure resistendi Tyrannis in exercitio, vel tyrannicè agentibus.

Adversus Tyrannum superius descriptum, quid liceat subjectis, ratione & exemplis docetur; distincte tamen; esse enim aliud juris in eo, qui non habet summam potestatem, aut non integram; atque in eo, cui Imperium sine exceptione delatum est; examinantur Barclaji & Grotii sententiæ. Distinctio proponitur & ab objectis adseritur: semper tamen ejusmodi personæ Principis parcendum. De tyranno ex Aristotelis sententiâ, ejusque usu & executione.

QUOD Aristoteles de viro bono aberrante dixit, ἀδυνάμει, ἀδυνάμει, ἀδυνάμει, lib. 5. ad Nicom. c. 6. id de actionibus Imperantium, contra jus sibi delatum institutis usurpare licet; sæpe eos tyrannicè quidem agere, non esse tamen tyrannos, quamdiu non apparet, eos id agere præfractè.

2. Quatenus tamen antea probatum est, acta, quæ fiunt contra jus Imperantibus delatum, ipso jure nullæ esse, superest videndum, an singulis è populo jus illis resistendi comperat, ut ex nullitate actuum consequi videretur?

3. Quoniam Imperantes, manifesto excedentes potestatis suæ terminos, privati sunt & pro talibus habendi; quibus ideo vim opponi non sit à ratione alienum.

4. Verum Salutis publicæ discrimen non semper admittit dialecticas conclusiones, adeoque ut singulis detur illa facultas resistendi, sola Nullitatis ratio efficere non potest.

5. Potest enim fieri, ut nullitas, acquiescente eo, cui jus contra compasatum est, effectus aliquos valoris habeat, ut de testamento, quod ob præteritionem filii familias ipso jure nullum est, traditur à Jētis, id ipso acquiescente ex bono & æquo sustineri in l. 17. π. de Injust. rupt. test.

6. Proinde, quoties hac de re quæritur, omnium primò, videndum penes quem sit jus supremum.

7. Sane ubi unus tali principatu fungitur, ut regimen infra leges habeat, ibi jus summum necessario est penes Senatū aut Populi concilium.

8. Si hoc præsens & sui potens acta ejusmodi Principis aliorumve parem vim habentium tacitè adspiciat, pro consentiente haberi debet; unde quod illegitimum erat, hoc modo legitimum & obligat subjectos.

9. Ex quo liquet, concilium illud, si potestate suâ velit uti, jus habere cohibendi illos, qui principale regimen in absolutum convertere satagunt.

10. Quominus autem hoc semper faciant, rationes equidem esse possunt, verum politice magis. Nam de jure non debet omitti tale Concilium, quominus sententiam suam & officium Principis cordatè significant & demonstrent.

11. Quod si tamen is, inconsultâ vi & manu fretus pertendat, neque à Senatu in ordinem redigi possit, idque notorium sit, jam nihil hærendum, quin singulis è populo resistendi facultas jure comperat.

12. Nam quid singuli vel plures valeant

K k

leant aut quid expediat, servire, an pugnare, facti magis & politices quam juris est.

13. Idem statuendum, si Rex summam quidem sed integram non habeat potestatem, verum qualdam Imperii partes una cum Senatu aut popularibus delegatis exercere debeat, idque facere adspernetur.

14. Quomodo cum *Dux Albae*, nomine *Philippi* Regis, decimam à *Belgis*, Ordinibus quibusdam invitis, exigeret, idque manifestum esset, haud injuria singuli cives, clausis officinis, exactoribus restiterunt.

15. Nec alia ratione potest defendi, quod in plerisque civitatibus defectio ab *Hispanis ex plebe* initium habuerit.

16. Quia satis constabat, pleraque ~~antiquissimas~~ *Hispanicæ* facinora, reclamantibus populorum Ordinibus institui, nec minus certum erat, jure fundamentali id omnino esse prohibitum.

17. Collocatur tamen longius hæc res extra controversiam, si Regis electioni *Lex commissoria* adjiciatur, ut si Rex non fervet jura fundamentalia, populus omni vinculo obsequii solvatur, ut de veteribus *Brabantis* fertur & *Poloni* hodieque stipulari solent.

18. Idem est, si in delatione Imperii sit dictum, ut certo eventu Regi resisti possit; cujusmodi pacta populi adversus Regem habere posse effectum naturalem, contra *Hobbesium supra* demonstratum est.

19. Quin etsi nullus sit optimatum senatus aut populi concilium, tamen, si verum est, sicut est, Regem, quatenus ei delatum non est, nec habere jus Imperii, sed hætenus esse privatum, sequitur. Imperatis ejus, quæ non *du hic* excedunt potestatem concessam, posse resisti.

20. Ni fiat, quod *suprà* faciendum disputavimus, ut si quid istius generis

occurrat, convocentur hi, quorum fuit primævum jus Imperii.

21. Utique tamen semper, casu necessitatis inopinæ excepto, qui etiam in simplici Magistratum officio exceptus intelligitur, quomodo olim *Epaminondas* & *Pelopidas*, etiam Imperium in exercitum diutius quam ipsis à Thebani erat concessum, retinuisse, se defenderunt. *Cornel. Nep. in vit. Epaminond*

22. Scimus hoc prætextu necessitatis Imperantes abuti posse atque solere; sed ideo non cessat esse juris, quod veræ æstimatione, legi certæ subijci non potest.

23. Necessitas autem rigide accipienda est, ut sit ejusmodi casu, sine quo nec esse possit, ut aliter consulatur; nam hoc demum *necesse* dicendum est.

24. Ideo vix est, ut dubium esse queat, utrum necessitas, ordinem juris negligere, vel secus: nec utique tunc in dubio dicendum, Regem cui modus *Legis* præscriptus est, judicem & arbitrum illius esse necessitatis: magis videtur, hoc arbitrium ad eos, quorum consensus requiritur, pertinere.

25. Et hæc quidem, ubi jura Majestatis non omnia absolute sunt penes Imperantes.

26. Imperio autem simpliciter delato; consentaneum est, nullam resistendi facultatem subjectis dari, nec ob publicas neque privatas ob causas.

27. Infinitatem tamen *Hobbesianam* sana ratio averfatur, quæ de re non habemus quod addamus iis, quæ *superius* copiose disputata fuerunt.

28. Idem exempla antiquissimorum temporum evincunt, quæ suos Reges simpliciter sine anxii stipulationibus constituebant, nec tamen furias tyrannorum in infinitum perpetiendas crediderunt; tametsi in hujusmodi exemplis meritum hujus disputationis non collocemus.

29. *Barclajus* ipse, quem ut Regii Imperii

perii fortissimum Assertorem laudat Grotius l. 1. c. 4. §. 7. *vers. Barclajus*, huc tamen descendit, disputans contra Monarchomachos, maxime, adversus Brutum *ὑπερβαλόμενος*, ut si Rex verè hostili animo in totius populi exitium feratur, non modo resisti illi queat, sed & regnum amittat. lib. 3. *advers. Monarchom.* c. 8. & lib. 6. cap. 23 & 24.

30. Verum id haud facile continget in Rege mentis compote, nisi pluribus populis imperans in gratiam unius, alterum velit perditum, ut colonias ibi faciat; quod *Philippo II. Belgis* irato, atroci murmure majores nostri imputaverunt.

31. Largitur & resistendi facultatem *Barclajus* populo toti vel insigni ejus parti, adversus sævitiam Regis immanem.

32. Grotius autem vix aut nihil aliqui cedens *Barclajo* in patrocinio Regum, idem singulis civibus ad vitæ suæ tutelam concedit, utique jure naturæ & veteri divino, haud perinde *Evangelico* d. cap. 4 §. 7.

33. Quod si verum, ut debet, est, id quod *suprà* diximus, non esse in novo fœdere severiorem morum disciplinam, ac in veteri fuerat, introductam; hæc differentia non potest admitti.

34. Mihi non abs re videtur; dicendum, aliud juris esse, cum Rex ordine legitimo ad disceptationem juris factique civem vocat innocentem & damnat; aliud, cum sine medio illum injuste opprimere & occidere parat, quomodo *Saul Davidem* apud larès transfigere conatus, dein more latronis persequi non destitit.

35. Sed judiciali ordini vim opponendam non esse, licet potestates eâ abutantur, parum abest, quin primitivo fœdere civitatis constitutum videatur.

36. Adeo, ut ne manifestâ quidem

innocentiâ, licet propositum iniquum Imperantis haud obscurum sit, vis & arma judiciis opponi posse videantur.

37. Quia præviderunt populi, hoc concesso, nunquam prætextu turbandi judicia defuturos.

38. Sed ut ad libidinem vel fortuitam Imperantium iram inauditos trucidare fas sit, id nullâ ratione in voluntariis Imperiis consensu civitatis potest dici constitutum.

39. In violento Dominatu jus quidem externum ita faciendi Despotæ comparatum est, ut *suprà* docuimus, quemadmodum dominus in servos jus vitæ & necis, sine respectu ad causam, habet, ubi id lege non restringitur; sicut *Romæ* jure novo consultum fuit. §. *ult. Inst. de Husui sui vel al. jur.*

40. Verum nulla tamen adeo valida obligatio est, quæ quenkumque ad mortis sine ulla ratione vel submissione præviâ, patientiam obstringat, ut ipsemet *Hobbes* fateretur.

41. Quare nec *David* adhuc privatus (nam unctio in antecessum à *Samuele* facta non exemerat eum, vivo *Saule*, numero subjectorum) non dubitavit se componere ad resistendum, etsi *Saul* jus absoluti Imperii in suos, ut omnes *Orientis Reges*, obtineret.

42. Idemque de *Machabæis*, qui Antiocho ut *Alexandri Magni* successoribus absolutoque Imperatori serviebant, ut videtur, existimandum est.

43. Unde, cur idem Christianis contra immanem sævitiam non liceat, veluti *Gallis*, postquam ex *laniena Lutetianâ* aliisque constitit, hoc agi, ut omnes *Reformati* jugularentur, difficile dictu est.

44. Vel quod non multo secus est, quando Rex sine judicio magnam civium partem bello invadit, omnique cruciatu vexat, ut eos adigat ad hoc, quod imperandi

perandi jus non habet; quomodo nuper in Gallia consultum est.

45. *Grotius* Christianis eam facultatem quam veteribus largitur, quosdam secutus, non concedit; citato Patrum & Servatoris nostri exemplo, qui Petrum iussit gladium recondere, quod Petrus idem omnibus imitandum inculcat. *Epist. 1. cap. 4. v. 12. & seqq.*

46. Sed præter quod Judæi & Procurator *Pilatus* speciem ordinemque iudicii, quæ de rediximus, servarunt, notum est etiam, Christum Dominum nonuisse ullo modo remorari id quod fieri debere toties prædixerat.

47. Esse enim vero laude & admiratione dignos, qui malunt injuriam & mortem pati, quam armis oppositis sanguinem fundere, non est negandum.

47. Quomodo veterum Christianorum miro & heroico certamine ad martyrii gloriam festinantium exempla videntur accipienda.

48. Ideo tamen eos omnes indiscretè damnare, qui ultimo necessitatis præsidio renunciare noluerunt, prædurum videtur.

49. Maximè, si hoc temperamento sint usi, ut personæ ejus, qui summam haberet potestatem, parcerent, quod & *David* sedulo fecit, & juris ratio facendum distat.

50. Quia, licet primæva civium consensio moderamen extremæ tutelæ admiserit, non ideo civitatem, ut sublato Imperio contingeret, dissolvi voluerunt,

quod cum ultimum malorum sit, ob minus malum evitandum committi non debet, nec quidem ex Lege caritatis fas esse videtur.

51. Jam quod vitæ servandæ causâ, ex naturâ fœderis, quo civitas constat, juris est, id propter bona resque alias (nisi forte pudicitiam) non videtur concedendum, ut occupavimus dicere *sect. 2. c. 3.*

52. Præterea, doctrinam Aristotelis huc applicabimus, quâ Tyrannidem ille definivit ita, ut à nobis expositum est in *cap. præced.* secundum quæ, si quis Rex id agat, ut omnia dirigat ad libidinem utilitatemque suam solius, idque multiplici experientiâ palam sit, omnibusque tentatis remediis, nulla spes super sit emendationis, & Rempublicam pessum ire sit indubitatum, nihil in eâ sententiâ videmus iniqui aut absurdi, quæ resistendi facultatem tribuit subiectis.

53. Et quanquam, ubi certè constat rem ita se habere, initium resistendi à quovis fieri potest & Magistratus nihilo plus habere juris quam infimos civium adversus Summam potestatem, *alias diximus*; at tamen rectius & tutius hoc casu principium à summis Magistratibus fieri videtur.

54. Eo quod sanius eorum hac de causâ sit iudicium, & quod minore confusione res geri possit ab illis, ut factum à *Bruto* contra *Tarquinium*, à *Galbâ* adversus *Neronem*, à *Wilhelmo Arausionensi* contra *Philippum II.*

C A P. IV.

De jure puniendi Tyrannos.

Tyrannos Usurpatores cum non habeant Summam Potestatem sine dubio posse puniri. Tyrannos exercitio, tunc, quando commiserunt, ut Imperio exciderint. Qui utroque sensu Tyranni sunt, hos indistincte posse puniri. Jus puniendi competere iis, ad quos Imperium, amoto præsentis Rectore, competit; etiam Magistratibus summis. Modum pœnæ in Usurpatores esse, non modò exilium, sed & mortem ordinariæ executionis vel subitam ex insidiis. De pœna Tyrannorum Exercitio variè cautèque differitur.

Hoc caput, etsi ancipitis plenam periculi doctrinam continens, omitteri non potest. Absolvemus id autem his articulis I. an Tyranni omninò puniri. II. à quibus & III. quâ pœnâ mulitari possint.

2. Prima Quæstio super Tyrannistitulo qui dicuntur, sive Usurpatoribus ex parte jam in cap. 1. definita est, ubi promiscuè de modo resistendi & puniendi illos, actum fuit.

3. Punendi facultas alioqui sequitur resistendi actum. His enim tyrannus in statum adduci potest, ut puniri queat; etsi ex jure resistendi non sequitur jus puniendi, cum sæpe fiat, ut resistere liceat ei, quem punire non licet.

4. Tyrannos igitur titulo, qui totum Imperium invaserunt, in potestatem redactos quominus punire fas sit, pro modo commissi, non dubitatur; committunt enim crimen læsæ Majestatis, sive perduellionis, cujus est gravissima pœna, tam si à libero populo vel ab optimatibus, quam à Rege legitimo Imperium usurpent.

5. De Tyrannis in exercitio difficillima Quæstio habetur. Quæ difficultas magis exinde, quod ignoretur quis sit Tyrannus, quam applicatione juris ad

hypothesin veri Tyranni, orta videtur.

6. Enimvero jus resistendi, de quo capite superiori egimus, hac parte non semper in iisdem terminis juri puniendi respondet.

7. Nam resistere licet quibusdam injustis & violentis regnantium actibus, ut *suprà* intelleximus, etsi non ideo statim Tyranni sint.

8. Pubere tamen non alios quam perfectè Tyrannos licet; quia dum adhuc Rex est & manet, nulla in eum Jurisdictio, quæ ad pœnam infligendam in civitate requiritur, competit.

9. Hujus igitur loci jus, ex eo quod præcedenti capite dictum, fuit, ut sciamus, quando Imperantes è causâ Tyrannidis, tales esse desinant; quo casu existente, quominus puniri queant, juris quidem expletorii non obstat ratio; dignitatis & attributricis prudentiæ diversa potest esse consideratio; de qua tamen hic non agimus.

10. Amittitur autem Imperium, si commissus sit casus, cui Lex commissoria fuit adjecta, vel si & aliàs potestatis suæ terminos notoriè & prætracte egrediatur.

11. Nam si hoc evidenter constet,

K k 3

adeo

adèd ut spes emendationis civiliter nulla sit, eo casu vel Rectores excidere potestate sua, vel terminos illos frustra positos esse oporteret.

12. Idcirco tali casu existente, pœnam aliquam adversus ejusmodi Imperio functos decerni posse, ratio dicitur.

13. Multo magis id quidem, si Rectores simpliciter constituti hostilem erga cives suos animum induant totumque Rectoris officium omni immanitate pervertant.

14. Atque his ita de Tyrannis *titulo* sive usurpatione simul & exercitio seorsim collocatis, nihil hærendum, quid de Usurpatoribus efferis & cruentis statuendum sit.

15. Superest, ut qui pœnam exigere possint, videamus; quod et si invidiosissimum tamen nec omitti potest. Deusequidem hoc officium frequenter occupavit, ut in sacris legimus; eoque ultore si defungi liceret, contenti forent Tyranni, qui hunc solum agnoscere gaudent.

16. Jus Dei, vicarius ejus in terris Pontifex Romanus sæpe sibi & verbis arrogavit & facto exercuit, prætextu excommunicationis, cujus sequela sit, interdictio communionis cum principe devoto facta omnibus Christianis ei subiectis, quæ vinculum obligationis in imperando & parendo fidemque mutuam tolleret.

17. Sed jam pridem edocti sumus, Vicariatum Christi, quem Pontifex sibi arrogat, siquidem ei deberetur; consistere in exclusione *ἡ ἵου ἡ ἐκκλησίας*, à mysticis sacris, cum quibus nihil habet commune Civilis Potestas; siquidem & infidelibus in Imperio constitutis obsequium nihilo secus debetur. Neque Christus ejusmodi potentie cau à in mundum se venisse declaravit, aut in Apostolos suos tale quicquam contulit unquam.

18. Ex suprà dictis intelligi datum est,

Tyrannum, hoc ipso quod definit habere jus Summæ Potestatis & incipit esse privatorum loco, fieri subiectum iis, ad quos, ipso amoto, pertinet Imperium; Unde hos oportet esse eos, à quibus pœnæ exigi possint.

19. Secundum hos eandem potestatem habere videntur, qui gravissimis criminibus coercendis & Judiciis publicis sunt præpositi.

20. Igitur Usurpatores alienorum regnorum à veris Regibus; & Invasores liberorum populorum ab his suum jus vindicantibus plecti posse, inquam, non est dubium.

21. Possunt etiam à Senatu vel summis Magistratibus tam Usurpatores, quam Tyranni exercitio animadverti, sicut à Romano Senatu, damnatus est Nero.

22. Scilicet, Tyrannidis commissum esse debere manifestum ac indubitatum, & personam Tyranni in potestate, res ipsa & superius dicta loquuntur: Alioqui res non tam jurisdictionis quàm belli est & in dubio pro Imperantibus præsumemus.

23. Privatis non esse permittendum hoc puniendi arbitrium, nisi quo antea modo circa Tyrannos titulo, dum adhuc in vi flagrante versentur, vel si Lex in certa quædam facta tyrannica singulos armet, omnino statuendum est.

24. Superest de genere modoque pœnæ tyrannis infligendæ, consideratio, qua parte distinguendum est iterum inter Usurpatores sive titulo Tyrannos & exercitio tales.

25. Abdicatio sive dejectio ab usu imperii in tyrannis Titulo sive usurpatoribus pœnæ loco haberi non potest, cum nihil suum amittant, et si aliquando populos vel Principes pro rerum suarum statu hætenus fuisse contentos accepimus, ut cum Pisistratidis actum Athenis.

26. Exsilium publicatis aut etiam salvis patrimoniis sæpe Usurpatoribus irrogatum;

patum; quominus tamen poena mortis iisdem infligatur nihil obstat, maxime si usurpationi saevitiam atque injusta facta addiderint, ac ita simul titulo atque exercitio tyranni fuerint.

27. Plane, ut juris ratio de mortis poena dubitare non sinit, ita prudentia & politica consideratio saepe aliud suadet; etsi nos hic de jure quaerimus; secundum quod usurpatio est perduellio, si res inter ejusdem Reipubl. consortes agatur.

28. In qua hypothese nihil vetat, ordinaria jurisdictione, cognitione modoque in executione uti, quomodo Solon adversus Usurpatores procedi voluit, ut testis est Plutarchus.

29. Verum si id tuto fieri nequeat, ut plerumque usu venit, non abhorret à ratione juris, vi subita invadere & opprimere Invasorem, quomodo Jojada Sacerdos jure & nomine Regis pueri aviam hujus Athalias oppressit ac interfecit. 2 Chron. 23.

30. Eadem ratione Percussorem Invasori immittere licebit, ut veteres arbitrati sunt, etiam ubi leges non erant id facientes, quemadmodum post Solonem non fuerunt Athenis; ubi tamen Harmodius & Aristogiton hoc nomine tantopere laudati sunt, ut dissentire vix licuerit.

31. Quod si tamen bellum sit inter Regem verum & Invasorem, non videtur recedendum à communi jure Gentium, quo immissiones percussorum & propinationes veneni, utcumque simplici jure Naturae permixtae adversus eos qui mortem meruerunt, in bello prohibita sunt, ut Grotius probat l. 3. c. 4. n. 25. seq.

32. Quod ad tyrannum exercitio rursus attinet, difficilior est articulus. Multi negant ullo modo poenam in eum competere, quia de re Bodinus ita; *Quod si monarchia quaedam est summa*, inquit,

Unius potestate constituta, qualis est Francorum, Hispanorum, Anglorum, Sotorum, Turcarum, Tartarorum, Persarum, Indorum, & omnium pene Asiae & Africae Imperiorum, ibi reges sine controversia jura omnia Majestatis habent, nec singulis civibus nec universis fas est summi Principis vitam, famam aut fortunas in discrimen vocare; etiamsi omni scelerum ac flagitiorum, quae in Tyrannos ante convenire diximus, turpitudine infamis esset. lib. 2. de Republ. c. 5.

33. Huic per omnia de jure non possumus adlentiri. In facto haeret omnis difficultas, an aliquis Princeps verè sit Tyrannus; quod ubi constet, ratio nostra superius exposita vult, eum definire summam habere Potestatem & privati loco habendum, ideoque nec omni poenae eximendum.

34. Nec recedimus à definitione Tyranni, quod sit is, qui notoriè & praefractè egreditur potestatis sibi delatae terminos; quos semper esse aliquos in loco demonstravimus.

35. Bodinus Imperia voluntaria & violenta Francorum, Turcarum; Anglorum & Periarum malè confundit; etsi haec tenus sane conveniunt, quod in omnibus, si Imperantes se ut hostes populi gerant, Rectores esse desinant.

36. Præterea in voluntariis, si notoriè & praefractè ea quae tacite in Imperiis simpliciter delatis excepta diximus antea, adversus omnes vel majorem aut notabilem populi partem instituunt, dicendum est, tyrannidem committi & poenae esse locum.

37. Nam si non nisi contra singulos vel paucos vim faciant, ob ea quae imperto excepta sunt, etsi jus resistendi datur illis paucis vel singulis, non est tamen adhuc, quod pro tyrannis habeantur.

38. Similiter alienatio totius Imperii vel subjectio, quod idem, infra aliam potestatem.

potestatem, si fiat præfracte ad effectum, pro tyrannide habenda fuerit; non æque partis alicujus alienatio, tametsi hæc etiam ipso jure nulla sit.

39. In imperiis majore quidem parte Summis, ac tamen limitatis, si Imperantes aperte violenterque in eo sint, ut Leges fundamentales evertant, commissam videri tyrannidem, antea probavimus.

40. De genere modoque poenæ in his exercitiis tyrannis, quicquam statuere peremptoriè, res est difficilis & periculosa in primis.

41. Nam & in proclivi abusus est veræ doctrinæ, nec usquam juridicæ & politicæ rationes, facultatis & dignitatis respectus magis configere & sibi mutuo officere videntur.

42. Quibus fit, ut in hypothese, Regem in judicium adducere & ad causam cogere dicendam, denique subeundam condemnationem atque poenam, absurdum videatur.

43. Nec ullum magis in promptu Bodinus argumentum habet; *Quod ad judicium attinet*, inquit, *nulla Magistratibus ac multo minus privatis in summum Principem potestas est; cum non solum ab ejus unius omnia omnium imperia pendeant, sed etiam eo præsentem Magistratum & Collegiorum omnium potestas conquiescat. Subditis igitur Principem jure rogare aut in jus vocare; judiciumque de vitâ famâ ac statu illius constituere si nefas est; si denique nulla clienti in patronum, servo in dominum jurisdictio est, quoniam modo manus intentare Tyranno licet?*

44. E contra juridicè procedit hoc argumentum. Si poena potest irrogari Tyrannis, ut posse vidimus oportet judicium de illis posse celebrari. Et tamen cum tyrannorum exempla punitorum non desint, judicii tamen exemplum adhuc inauditum est. Nam quod nostro tempore vidimus actum, non fuit in Tyrannum;

fuit in Regem, qui ut excessus & errores aliquos obierit, tyrannidem nullo modo commiserat. Et tamen si maxime excessus illi fundamentales & præfracti fuissent ad notam usque tyrannidis, indignatio tamen hominum major fuisset ob processum judicalem & manum carnificis, quam si clam fuisset necatus.

45. Sed non hic solus est casus, quo grave sit oculis, quod disputando sustineri potest; & quo Dignitatis respectus à juris merito difficulter separari possit, ut olim Mariæ Scotorum Reginæ judicialis executio in expiabilem Elizabethæ creavit invidiam, præ quam mors claudina fecisset; Et tamen Burlegus Jctus in ejus Consilio contra Leicestrium Comitum venenum suadentem sanctè protestatus est, urgens judicium; rectè pro jurisconsulto; politicè rectius alter. Etiam Johannes Suetiæ Rex amotum quasi ob tyrannidem Ericum fratrem condemnavit quidem, at tamen judicio abstinuit & venenum dedit.

26. Perinde, quod Senatus Romanus in Neronem decrevit, non fuit judicium, sed decretum quasi in re notoria; tametsi causæ cognitio juridice ne quidem in maximè notoriis omitti possit.

47. Tenendum igitur, juridice Tyrannos, qui verè sint tales, judicio posse condemnari; politicè rectè consuli, ut oculis multitudinis parcatur.

48. Bodini autem vis argumenti ex his quæ pridem posuimus, Tyrannum definere esse Potestatem, eumque ipso jure, si commissum tyrannidis sit indubitatum, fieri privatum, satis labefactatur.

48. Videndum, ne adhuc obster, quod antea diximus, Regis personæ parcendum, etsi vis contra eum justa sit: Quod est verum, si casus extet, quo singulis vel paucis resistendi facultas competit, non etiam ubi Tyrannis in universum perpetrata extat.

49. Non

49. Non spernimus equidem aliud ejusdem Bodini argumentum. O quanta sit Tyrannorum multitudo, inquit, si Tyrannos subditis occidere liceat, quam multi innocentes ac optimi Principes suorum conspiratione perituri! ut parum absit, quin tutius videatur populis, malos Principes, ita ut tempestates vel iram Numinis ferre, quam bello civili vindicare libertatem.

50. At non semper ab utilitate pendet juris consecutio, neque certæ rationes probabilibus evertuntur: Nec veritati rerum vitiis hominum aut detorsione calumniantium præjudicatur.

51. Sed qua tandem poena utendum in Tyrannos? Magnam ut commissorum, ita poenarum varietatem esse oportet. Si intestabilis sævitia & immanitas fuerit, ut miseratione dignitatis præteritæ consumptæ, nihil quam homo & sceleritas in conspectu sit, vix est ut ullum mortis supplicium videatur esse nefarium, ne quidem quod in Neronem placuisse constat & quidem genus indignissimum, quo vilissimus quisque mactari solebat, ut verberibus exanimatum corpus securi percuteretur, vel etiam ut virgis ad mortem capite furcæ inserto cæderetur, ut Suetonius refert.

52. Nec possumus admittere exce-

ptionem Bodini, qui negat Neronem habuisse jus summæ potestatis & Imperatores Romanos tantum fuisse primores contendit. Aliter à nobis probatum in sect. 2. c. 7. & luculentius in lib. 1. Digress. c. 16. & seqq.

53. Magis tamen laudemus eos, qui dejectione & exilio Tyrannorum contenti fuere; quomodo Athenienses in Pisistratidas, Romani in Tarquinius consuluerunt, vel carcere perpetuo, quod Suecis in Ericum superiore seculo placuit.

54. Si non propter immanitatem, sed ob institutum violandi Leges fundamentales decretorium & pertinax, in tyrannidem incidisse judicati sint, non videtur ultra abrogationem potestatis procedendum, quomodo novissimè in Scotia expressè verbis, in Angliâ tacite atque re ipsa decretum videmus.

55. Nisi, quod exilium vel custodia perpetua, securitatis causa accedere solet & fere necessaria est. Quando post Cyrum non constat, ullum Regem in potestatem redactum, Imperio, salva libertate, fuisse dejectum, nisi quod nuper eo modo in magna Britannia vidimus consultum.

56. Sed de amissione Summæ Potestatis locus adhuc inferius occurret.

C A P. V.

De Fide & perfidia Summarum Potestatum in contractibus.

Hoc capite agi de conventionibus, quibus Summæ Potestates jam constitutæ obligentur. Teneri illas cunctis promissionibus naturaliter: civiliter per se nunquam, sed tantum si velint, quod præsumi in contractibus privatis. In jus tamen vocari & judicari ne tum quidem posse, nisi voluntariè certis iudicibus se submittant, quo præsupposito, nec naturaliter absolute, neque civiliter, eos posse negare solutionem sine manifestâ injuriâ. Conventionibus quæ regimen civitatis spectant, jure Naturæ principem duntaxat teneri: consensum in civilem obligationem heic non præsumi. An restitutio in integrum contra effectum naturalis obligationis in executione, tam respectu exterorum, quam ipsius populi aut certæ populi partis detur. Quomodo successores teneantur, per distinctionem explicatur. Et quid jus-jurandum promissionibus addat.

TYrannidem committi factis, quæ constitutioni Summæ Potestatis & fundamentis Imperii adversentur, è superioribus intellectum est: At sæpe fit, ut perfidia Regnantium sine Tyrannide committatur.

2. Quod ut intelligatur, videndum paucis, quid de illis conventionibus, quibus non defertur aut minuitur Imperium, sed quæ postea contrahuntur, & quibus nullum jus Summæ Potestatis aufertur, vel cum alio communicatur, sit habendum. Cum enim vis obligationis, quæ necessitate adstringit, à superiore, vel saltem à pari proficisci debeat, & per ejusmodi conventiones, quibus nemo in participium imperii vocatur, Rectores nulla parte desinant habere Summam Potestatem; merito, qui talis obligatio justum habere possit effectum, dubitatur.

3. Jure Naturali Gentiumque regnantes obligari satis est clarum, quia nihil præ ceteris habent mortalibus quam jus certi populi, qui cum ipse legibus na-

turæ totiusque humani generis institutis teneatur, Imperantes iisdem teneri necessum est.

4. Jam promissiones expressæ de jure in alium transferendo pleneque acceptæ sine dubio vim habent obligandi naturalem, jusque perfectum alteri contrahenti tribuunt, ut bene probat *Grotius lib. 2. c. 11. de jur. Bell. & Pac.* & nos alibi adstruemus.

5. At civili vinculo, contractus summarum Potestatum per se nunquam obstringuntur, seu cum subditis imperio, five cum exteris incantur.

6. Non, si cum civibus contraxerint, quia obligatio est juris vinculum, quod necessitate obstringit secundum jura civitatis; Atqui Summam potestatem non posse cogi, & omni jure civili solutam esse, jam toties dictum est; Cum exteris autem non sunt termini habiles civilis obligationis, quia non sunt ejusdem civitatis.

7. *Per se*, inquam; nam ex natura negotii & circumstantiis, præsumptio nasci

nasce potest, quod secundum jus civile, prout est in loco, partes sive ejusdem sive diversi imperii agere voluerint.

8. Quod de privatis Regnantium conventionibus, ut sunt emptiones venditiones, locationes conductiones, stipulationes, transactiones similesque, omnino statuendum.

9. Quoniam tales actus non à Rege qua Rege, sed quasi ab alio quovis instituuntur, adeoque, ut est membrum *Communitatis*, quod & ipsius utilitas postulat, quia nemo alioqui cum Principibus contrahere veller.

10. Hinc Imperantes ex emptione sine pretio, locatione sine mercede, pacto nudo ex hypothese juris Romani, nec agere nec conveniri possunt.

11. Perinde ex testamento imperfecto ut non cogitur Princeps solvere legata, ita nec ipse de tali quicquam petere potest. §. ult. *Inst. Quib. mod. testam. infirm.*

12. Imo & Leges municipales cujusque loci, in quo contractus celebratur, æquè in Principibus ac in aliis servabuntur.

13. Possunt tamen exprimere in antecessum, se illis Legibus nolle teneri; quomodo, si Rex faciat ipse *testamentum sine solennibus*, aut *emphyteusim sine scripturâ*, ubi Lex eam requirit.

14. Etsi vero Leges heic obligationem actionemque adversus Summas Potestates producant, coactio tamen sequi non potest adversus eos, quatenus, à quo cogantur, nemo existit, nisi quod *exterioris belli jus comparatum sit*.

15. Hoc ut evitent, simul & æquitas ac utilitas impulit Principes, ut tam à subditis quam ab reliquis conveniri se apud certos judices patiantur, cum alioquin ipsi in suâ causâ judices esse possent, quia neminem habent superiorem.

16. Porro, in illis tribunalibus, iisdem juris remediis, quibus alii cives utuntur, se tueri, neque plus ulla parte privilegii arrogare sibi possunt aut debent.

17. Neque planè satisfactionem negare postulantibus, nisi petant *restitutionem in integrum*, ex iisdem causis, è quibus alii cives eam jure communi impetrare possunt.

18. Quia tamen hæc sunt submissione, non ex amissione Summæ Potestatis; sciendum est, Imperantes, sicut reliqua suis subjectis, sic etiam ea, quorum ipsi debitores sunt, justâ ex causâ adimere posse.

19. Primo, in poenam admissi, publicatione omnium vel partis bonorum factâ, vel etiam *illius specialiter*, quo Ipsa Delinquenti obstricta est, quod tamen ut invidiæ plenum ut evitetur operanda est.

20. Potius id fiat ex probabili causâ domini eminentis, ob utilitatem magnam vel necessitatem Reipubl. modo tali prætextu non tegantur iniquitates & calumniæ.

21. Si quid tale fiat, & generaliter, quoties sine delicto creditoris, aut sine extremâ Reipubl. necessitate obligationi se subducit Princeps, tenetur ad reparandum damnum.

22. Proinde sic etiam, si solâ utilitatis publicæ ratione, res unius è civibus publicatæ fuerint; nam etsi hac causâ, Domini eminentis aliquis usus esse queat, tamen aliâ viâ patientibus indeterminatam Respubl. præstare debet.

23. Quod enim aliàs dictum est, singulos jura sua publicæ utilitati submisisse rebusque suis renuntiasse videri, idque libero civium consensu sancitum esse, non potest accipi, nisi sub conditione quàm minimum lædendi singulos & reducendæ æqualitatis inter cives, quatenus fieri potest.

L. 1.2

24. Proin-

leant aut quid expediat, servire, an pugnare, facti magis & politices quam juris est.

13. Idem statuendum, si Rex summam quidem sed integram non habeat potestatem, verum quasdam Imperii partes una cum Senatu aut popularibus delegatis exercere debeat, idque facere adsperneretur.

14. Quomodo cum *Dux Alba*, nomine *Philippi* Regis, decimam à *Belgis*, Ordinibus quibusdam invitis, exigeret, idque manifestum esset, haud injuria singuli cives, clausis officinis, exactoribus restiterunt.

15. Nec alia ratione potest defendi, quod in plerisque civitatibus defectio ab *Hispanis ex plebe* initium habuerit.

16. Quia satis constabat, pleraque *autotopias* Hispanicæ facinora, reclamationibus populorum Ordinibus institui, nec minus certum erat, jure fundamentalid omnino esse prohibitum.

17. Collocatur tamen longius hæc res extra controversiam, si Regis electioni *Lex commissoria* adjiciatur, ut si Rex non servet jura fundamentalia, populus omni vinculo obsequii solvatur, ut de veteribus *Brabantis* fertur & *Poloni* hodieque stipulari solent.

18. Idem est, si in delatione Imperii sit dictum, ut certo eventu Regi resisti possit; cujusmodi pacta populi adversus Regem habere posse effectum naturalem, contra *Hobbesium supra* demonstratum est.

19. Quin etsi nullus sit optimatum senatus aut populi concilium, tamen, si verum est, sicut est, Regem, quatenus ei delatum non est, nec habere jus Imperii, sed hætenus esse privatum, sequitur. Imperatis ejus, quæ non *du* *bie* excedunt potestatem concessam, posse resisti.

20. Ni fiat, quod *suprà* faciendum disputavimus, ut si quid istius generis

occurrat, convocentur hi, quorum fuit primævum jus Imperii.

21. Utique tamen semper, casu necessitatis inopinæ excepto, qui etiam in simplici Magistratum officio exceptus intelligitur, quomodo olim *Epaminondas* & *Pelopidas*, etsi Imperium in exercitum diutius quam ipsis à Thebanis erat concessum, retinuisent, se defenderunt. *Cornel. Nep. in vit. Epaminond.*

22. Scimus hoc prætextu necessitatis Imperantes abuti posse atque solere; sed ideo non cessat esse juris, quod veræ æstimatione, legi certæ subjici non potest.

23. Necessitas autem rigidè accipienda est, ut sit ejusmodi casu, sine quo *nec esse* possit, ut aliter consulatur; nam hoc demum *necesse* dicendum est.

24. Ideo vix est, ut dubium esse queat, utrum necessitas, ordinem juris negligere, vel secus: nec utique sane in dubio dicendum, Regem cui modus *Legis* præscriptus est, judicem & arbitrum illius esse necessitatis: magis videtur, hoc arbitrium ad eos, quorum consensus requiritur, pertinere.

25. Et hæc quidem, ubi jura Majestatis non omnia absolute sunt penes Imperantes.

26. Imperio autem *simpliciter* delato; consentaneum est, nullam resistendi facultatem subjectis dari, nec ob publicas neque privatas ob causas.

27. Infinitatem tamen *Hobbesianam* sana ratio averfatur, quæ de re non habemus quod addamus iis, quæ *superius* copiosè disputata fuerunt.

28. Idem exempla antiquissimorum temporum evincunt, quæ suos Reges simpliciter sine anxius stipulationibus constituebant, nec tamen furias tyrannorum in infinitum perpetiendas crediderunt; tamen in hujusmodi exemplis meritum hujus disputationis non collocemus.

29. *Barclajus* ipse, quem ut Regi Imperii

perii fortissimum Assertorem laudat Grotius l. 1. c. 4. §. 7. *vers. Barclajus*, huc tamen descendit, disputans contra Monarchomachos, maxime, adversus Brutum *ὑπερβολικῶς*, ut si Rex verè hostili animo in totius populi exitium feratur, non modo resisti illi queat, sed & regnum amittat. lib. 3. *advers. Monarchom.* c. 8. & lib. 6. cap. 23 & 24.

30. Verum id haud facile continget in Rege mentis compote, nisi pluribus populis imperans in gratiam unius, alterum velit perditum, ut colonias ibi faciat; quod *Philippo II. Belgis* irato, atroci murmure majores nostri imputaverunt.

31. Largitur & resistendi facultatem *Barclajus* populo toti vel insigni ejus parti, adversus sævitiam Regis immanem.

32. Grotius autem vix aut nihil aliqui cedens *Barclajo* in patrocinio Regum, idem singulis civibus ad vitæ suæ tutelam concedit, utique jure naturæ & veteri divino, haud perinde *Evangelico* d. cap. 4 §. 7.

33. Quod si verum, ut debet, est, id quod *suprà* diximus, non esse in novo fœdere severiorem morum disciplinam, ac in veteri fuerat, introductam; hæc differentia non potest admitti.

34. Mihi non abs re videtur; dicendum, aliud juris esse, cum Rex ordine legitimo ad disceptationem juris factique civem vocat innocentem & damnat; aliud, cum sine medio illum injuste opprimere & occidere parat, quomodo *Saul Davidem* apud larès transfigere conatus, dein more latronis persequi non destitit.

35. Sed judiciali ordini vim opponendam non esse, licet potestates eâ abutantur, parum abest, quin primitivo fœdere civitatis constitutum videatur.

36. Adeo, ut ne manifestâ quidem

innocentiâ, licet propositum iniquum Imperantis haud obscurum sit, vis & arma judiciis opponi posse videantur.

37. Quia præviderunt populi, hoc concesso, nunquam prætextu turbandi judicia defuturos.

38. Sed ut ad libidinem vel fortuitam Imperantium iram inauditos trucidare fas sit, id nullâ ratione in voluntariis Imperiis consensu civitatis potest dici constitutum.

39. In violento Dominatu jus quidem externum ita faciendi Despotæ comparatum est, ut *suprà* docuimus, quemadmodum dominus in servos jus vitæ & necis, sine respectu ad causam, habet, ubi id lege non restringitur; sicut *Romæ* jure novo consultum fuit. §. ult. *Inst. de His qui sui vel al. jur.*

40. Verum nulla tamen adeo valida obligatio est, quæ quenkumque ad mortis sine ulla ratione vel submissione præviâ, patientiam obstringat, ut ipsemet *Hobbes* faretur.

41. Quare nec *David* adhuc privatus (nam unctio in antecessum à *Samuele* facta non exemerat eum, vivo *Saule*, numero subjectorum) non dubitavit se componere ad resistendum, etsi *Saul* jus absoluti Imperii in suos, ut omnes *Orientis Reges*, obtineret.

42. Idemque de *Machabæis*, qui *Antiochus* ut *Alexandri Magni* successoribus absolutoque Imperatori serviebant, ut videtur, existimandum est.

43. Unde, cur idem Christianis contra immanem sævitiam non liceat, veluti *Gallis*, postquam ex *laniena Lute-tianâ* aliisque constiterat, hoc agi, ut omnes *Reformati* jugularentur, difficile dictu est.

44. Vel quod non multo secus est, quando Rex sine judicio magnam civium partem bello invadit, omnique cruciatu vexat, ut eos adigat ad hoc, quod imperandi

perandi jus non habet; quomodo nuper in Gallia consultum est.

45. *Grotius* Christianis eam facultatem quam veteribus largitur, quosdam secutus, non concedit; citato Patrum & Servatoris nostri exemplo, qui Petrum iussit gladium recondere, quod Petrus idem omnibus imitandum inculcat. *Epist. 1. cap. 4. v. 12. & seqq.*

46. Sed præter quod Judæi & Procurator *Pilatus* speciem ordinemque iudicii, quæ de re diximus, servarunt, notum est etiam, Christum Dominum noluisse ullo modo remorari id quod fieri debere toties prædixerat.

47. Esse enim vero laude & admiratione dignos, qui malunt injuriam & mortem pati, quam armis oppositis sanguinem fundere, non est negandum.

47. Quomodo veterum Christianorum miro & heroico certamine ad martyrii gloriam festinantium exempla videntur accipienda.

48. Ideo tamen eos omnes indiscretè damnare, qui ultimo necessitatis præsidio renunciare noluerunt, prædurum videtur.

49. Maxime, si hoc temperamento sint usi, ut personæ ejus, qui summam haberet potestatem, parcerent, quod & *David* sedulo fecit, & juris ratio faciendum dicitur.

50. Quia, licet primæva civium consensio moderamen extremæ tutelæ admitterit, non ideo civitatem, ut sublato Imperio contingeret, dissolvi voluerunt,

quod cum ultimum malorum sit, ob minus malum evitandum committi non debet, nec quidem ex Lege caritatis fas esse videtur.

51. Jam quod vitæ servandæ causâ, ex naturâ foederis, quo civitas constat, juris est, id propter bonaresque alias (nisi forte pudicitiam) non videtur concedendum, ut occupavimus dicere *sect. 2. c. 3.*

52. Præterea, doctrinam Aristotelis huc applicabimus, quæ Tyrannidem ille definivit ita, ut à nobis expositum est in *cap. præced.* secundum quæ, si quis Rex id agat, ut omnia dirigat ad libidinem utilitatemque suam solius, idque multiplici experienciâ palam sit; omnibusque tentatis remediis, nulla spes super sit emendationis, & Rempublicam pessum ire sit indubitatum, nihil in eâ sententiâ videmus iniqui aut absurdi, quæ resistendi facultatem tribuit subjectis.

53. Et quanquam, ubi certò constat rem ita se habere, initium resistendi à quovis fieri potest & Magistratus nihilo plus habere juris quam infimos civium adversus Summam potestatem, *alias diximus*; at tamen rectius & tutius hoc casu principium à summis Magistratibus fieri videtur.

54. Eo quod sanius eorum hac de causâ sit iudicium, & quod minore confusione res geri possit ab illis, ut factum à *Bruto* contra *Tarquinium*, à *Galbâ* adversus *Neronem*, à *Wilhelmo Arausionensi* contra *Philippum II.*

C A P. IV.

De jure puniendi Tyrannos.

Tyrannos Usurpatores cum non habeant Summam Potestatem sine dubio posse puniri. Tyrannos exercitio, tunc, quando commiserunt, ut Imperio exciderint. Qui utroque sensu Tyranni sunt, hos indistincte posse puniri. Jus puniendi competere iis, ad quos Imperium, amoto præsentis Rectore, competit; etiam Magistratibus summis. Modum pœnæ in Usurpatores esse, non modò exilium, sed & mortem ordinariæ executionis vel subitam ex insidiis. De pœna Tyrannorum Exercitio variè cautèque differitur.

Hoc caput, etsi ancipitis plenam periculi doctrinam continens, omitti non potest. Absolvemus id autem his articulis I. an Tyranni omninò puniri. II. à quibus & III. quâ pœnâ mul-
tari possint.

2. Prima Quæstio super Tyrannis *titulo* qui dicuntur, sive Usurpatoribus ex parte jam in *cap.* 1. definita est, ubi promiscuè de modo resistendi & puniendi illos, actum fuit.

3. Punendi facultas alioqui sequitur resistendi actum. His enim tyrannus in statum adduci potest, ut puniri queat; etsi ex jure resistendi non sequitur jus puniendi, cum sæpe fiat, ut resistere liceat ei, quem punire non licet.

4. Tyrannos igitur titulo, qui totum Imperium invaserunt, in potestatem re-
ductos quominus punire fas sit, pro modo commissi, non dubitatur; commit-
tunt enim crimen læsæ Majestatis, sive perduellionis, cujus est gravissima pœ-
na, tam si à libero populo vel ab opti-
matibus, quam à Rege legitimo Impe-
rium usurpent.

5. De Tyrannis in exercitio difficillima Quæstio habetur. Quæ difficultas magis exinde, quod ignoretur quis sit Tyrannus, quam applicatione juris ad

hypothesein veri Tyranni, orta vide-
tur.

6. Enimvero jus resistendi, de quo *capite superiori* egimus, hac parte non semper in iisdem terminis juri puniendi respondet.

7. Nam resistere licet quibusdam in-
justis & violentis regnantium actibus, ut *suprà* intelleximus, etsi non ideo sta-
tim Tyranni sint.

8. Pubere tamen non aliosquam per-
fectè Tyrannos licet; quia dum adhuc
Rex est & manet, nulla in eum Juris-
dictio, quæ ad pœnam infligendam in
civitate requiritur, competit.

9. Hujus igitur loci jus, ex eo quod
præcedenti capite dictum, fuit, ut scia-
mus, quando Imperantes è causâ Ty-
rannidis, tales esse desinant; quo casu
existente, quominus puniri queant, juris
quidem expletorii non obstat ratio; dig-
nitatis & attributricis prudentiæ diversa
potest esse consideratio; de qua tamen
hic non agimus.

10. Amittitur autem Imperium, si
commissus sit casus, cui Lex commis-
soria fuit adjecta, vel si & aliàs pote-
statis suæ terminos notoriè & prætracte
egrediatur.

11. Nam si hoc evidenter constet,

adeo ut spes emendationis civiliter nulla sit, eo casu vel Rectores excidere potestate sua, vel terminos illos frustra positos esse oporteret.

12. Idcirco tali casu existente, pœnam aliquam adversus ejusmodi Imperio functos decerni posse, ratio dicitur.

13. Multo magis id quidem, si Rectores simpliciter constituti hostilem erga cives suos animum induant totumque Rectoris officium omni immanitate pervertant.

14. Atque his ita de Tyrannis *titulo* sive usurpatione simul & exercitio seorsim collocatis, nihil hærendum, quid de Usurpatoribus efferis & cruentis statuendum sit.

15. Superest, ut qui pœnam exigere possint, videamus; quod etsi invidiosissimum tamen nec omitti potest. Deusequidem hoc officium frequenter occupavit, ut in sacris legimus; eoque ultoresi defungi liceret, contenti forent Tyranni, qui hunc solum agnoscere gaudent.

16. Jus Dei, vicarius ejus in terris Pontifex Romanus sæpe sibi & verbis arrogavit & facto exercuit, prætextu excommunicationis, cujus sequela sit, interdictio communionis cum principe devoto facta omnibus Christianis ei subiectis, quæ vinculum obligationis in imperando & parendo fidemque mutuam tolleret.

17. Sed jam pridem edocti sumus, Vicariatum Christi, quem Pontifex sibi arrogat, siquidem ei deberetur; consistere in exclusione *ἡ τῶν ἐκκλησιαστικῶν, ἀ μυστηρίῳ* sacris, cum quibus nihil habet commune Civilis Potestas; siquidem & infidelibus in Imperio constitutis obsequium nihilo secus debetur. Neque Christus ejusmodi potentie cau à in mundum se venisse declaravit, aut in Apostolos suos tale quicquam contulit unquam.

18. Ex supra dictis intelligi datum est,

Tyrannum, hoc ipso quod definit habere jus Summæ Potestatis & incipit esse privatorum loco, fieri subjectum iis, ad quos, ipso amoto, pertinet Imperium; Unde hos oportet esse eos, à quibus pœnæ exigi possint.

19. Secundum hos eandem potestatem habere videntur, qui gravissimis criminibus opercendis & Judiciis publicis sunt præpositi.

20. Igitur Usurpatores alienorum regnorum à veris Regibus; & Invasores liberorum populorum ab his suum jus vindicantibus plecti posse, inquam, non est dubium.

21. Possunt etiam à Senatu vel summis Magistratibus tam Usurpatores, quam Tyranni exercitio animadverti, sicut à Romano Senatu, damnatus est Nero.

22. Scilicet, Tyrannidis commissum esse debere manifestum ac indubitatum, & personam Tyranni in potestate, res ipsa & superius dicta loquuntur: Alioqui res non tam jurisdictionis quàm belli est & in dubio pro Imperantibus præsumemus.

23. Privatis non esse permittendum hoc puniendi arbitrium, nisi quo antea modo circa Tyrannos titulo, dum adhuc in vi flagrante versentur, vel si Lex in certa quædam facta tyrannica singulos armet, omnino statuendum est.

24. Superest de genere modoque pœnæ tyrannis infligendæ, consideratio, qua parte distinguendum est iterum inter Usurpatores sive titulo Tyrannos & exercitio tales.

25. Abdicatio sive dejectio ab usu imperii in tyrannis Titulo sive usurpatoribus pœnæ loco haberi non potest, cum nihil suum amittant, et si aliquando populos vel Principes pro rerum suarum statu hætenus fuisse contentos accepimus, ut cum Pisistratidis actum Athenis.

26. Exilium publicatis aut etiam salvis patrimoniis sæpe Usurpatoribus irrogatum;

ratum; quominus tamen poena mortis iisdem infligatur nihil obstat, maxime si usurpationi sævitiam aliaque injusta facta addiderint, ac ita simul titulo atque exercitio tyranni fuerint.

27. Plane, ut juris ratio de mortis poena dubitare non sinit, ita prudentia & politica consideratio sæpe aliud suadet; etsi nos hic de jure quærimus; secundum quod usurpatio est perduellio, si res inter ejusdem Reipubl. consortes agatur.

28. In qua hypothefi nihil vetat, ordinaria jurisdictione, cognitione modoque in executione uti, quomodo Solon adversus Usurpatores procedi voluit, ut testis est Plutarchus.

29. Verum si id tuto fieri nequeat, ut plerumque usu venit, non abhorret à ratione juris, vi subita invadere & opprimere Invasorem, quomodo Jojada Sacerdos jure & nomine Regis pueri aviam hujus Athalias oppressit ac interfecit. 2 Chron. 23.

30. Eadem ratione Percussorem Invasori immittere licebit, ut veteres arbitrati sunt, etiam ubi leges non erant id sancientes, quemadmodum post Solonem non fuerunt Athenis; ubi tamen Harmodius & Aristogiton hoc nomine tantopere laudati sunt, ut dissentire vix licuerit.

31. Quod si tamen bellum sit inter Regem verum & Invasorem, non videtur recedendum à communi jure Gentium, quò immisiones percussorum & propinationes veneni, utcunque simplici jure Naturæ permixtæ adversus eos qui mortem meruerunt, in bello prohibita sunt, ut Grotius probat l. 3. c. 4. n. 35. seq.

32. Quod ad tyrannum exercitio rursus attinet, difficilior est articulus. Multi negant ullo modo poenam in eum competere, quâ de re Bodinus ita; *Quod si monarchia quedam est summa, inquit,*

Unius potestate constituta, qualis est Francorum, Hispanorum, Anglorum, Scotorum, Turcarum, Tartarorum, Persarum, Indorum, & omnium pene Asiae & Africa Imperiorum, ibi reges sine controversiâ jura omnia Majestatis habent, nec singulis civibus nec universis fas est summi Principis vitam, famam aut fortunas in discrimen vocare; etiamsi omni scelerum ac flagitiorum, quæ in Tyrannos ante convenire diximus, turpitudine infamius esset. lib. 2. de Republ. c. 5.

33. Huic per omnia de jure non possumus adlentiri. In facto hæret omnis difficultas, an aliquis Princeps verè sit Tyrannus; quod ubi constet, ratio nostra superius exposita vult, eum delineare summam habere Potestatem & privati loco habendum, ideoque nec omni poenæ eximendum.

34. Nec recedimus à definitione Tyranni, quod sit is, qui notoriè & præfractè egreditur potestatis sibi delatæ terminos; quos semper esse aliquos in loco demonstravimus.

35. Bodinus Imperia voluntaria & violenta Francorum, Turcarum; Anglorum & Persarum malè confundit; etsi hætenus sane conveniunt, quod in omnibus, si Imperantes se ut hostes populi gerant, Rectores esse definant.

36. Præterea in voluntariis, si notoriè & præfractè ea quæ tacite in Imperiis simpliciter delatis excepta diximus antea, adversus omnes vel majorem aut notabilem populi partem instituant, dicendum est, tyrannidem committi & poenæ esse locum.

37. Nam si nonnisi contra singulos vel paucos vim faciant, ob ea quæ imperio excepta sunt, etsi jus resistendi datur illis paucis vel singulis, non est tamen adhuc, quod pro tyrannis habeantur.

38. Similiter alienatio totius Imperii vel subjectio, quod idem, infra aliam potest.

potestatem, si fiat præfracte ad effectum, pro tyrannide habenda fuerit; non æquè partis alicujus alienatio, tametsi hæc etiam ipso jure nulla sit.

39. In imperiis majore quidem parte Summis, ac tamen limitatis, si Imperantes aperte violenterque in eo sint, ut Leges fundamentales evertant, commissam videri tyrannidem, antea probavimus.

40. De genere modoque poenæ in his exercitiis tyrannis, quicquam statuere peremptoriè, res est difficilis & periculosa in primis.

41. Nam & in proclivi abusus est veræ doctrinæ, nec usquam juridicæ & politicæ rationes, facultatis & dignitatis respectus magis configere & sibi mutuo officere videntur.

42. Quibus sit, ut in hypothese, Regem in judicium adducere & ad causam cogere dicendam, denique subeundam condemnationem atque poenam, absurdum videatur.

43. Nec ullum magis in promptu Bodinus argumentum habet; *Quod ad judicium attinet*, inquit, *nulla Magistratibus ac multo minus privatis in summum Principem potestas est; cum non solum ab ejus unius omnia omnium imperia pendeant, sed etiam eo præsentem Magistratum & Collegiorum omnium potestas conquiescat. Subditis igitur Principem jure rogare aut in jus vocare; judiciumque de vitâ famâ ac statu illius constituere si nefas est; si denique nulla clienti in patronum, servo in dominum jurisdictio est, quonam modo manus intentare Tyranno licet?*

44. E contra juridicè procedit hoc argumentum. Si poena potest irrogari Tyrannis, ut posse vidimus oportet judicium de illis posse celebrari. Et tamen cum tyrannorum exempla punitorum non defint, judicii tamen exemplum adhuc inauditum est. Nam quod nostro tempore vidimus actum, non fuit in Tyrannum;

fuit in Regem, qui ut excessus & errores aliquos obierit, tyrannidem nullo modo commiserat. Et tamen si maxime excessus illi fundamentales & præfracti fuissent ad notam usque tyrannidis, indignatio tamen hominum major fuisset ob processum judiciale & manum carnificis, quam si clam fuisset necatus.

45. Sed non hic solus est casus, quo grave sit oculis, quod disputando sustineri potest; & quo Dignitatis respectus à juris merito difficulter separari possit, ut olim Mariæ Scotorum Reginae judicialis executio inexpressibilem Elizabethæ creavit invidiam, præ quam mors claudina destina fecisset; Et tamen Burlegus, factus in ejus Consilio contra Leicestrium Comitum venenum suadentem sanctè protestatus est, urgens judicium; rectè pro jurisconsulto; politicè rectius alter. Etiam Johannes Suetiæ Rex amotum quasi ob tyrannidem Ericum fratrem condemnavit quidem, ac tamen judicio abstinuit & venenum dedit.

26. Perinde, quod Senatus Romanus in Neronem decrevit, non fuit judicium, sed decretum quasi in re notoria; tametsi causæ cognitio juridice ne quidem in maximè notoriis omitti possit.

47. Tenendum igitur, juridice Tyrannos, qui verè iniqui tales, judicio posse condemnari; politicè rectè consuli, ut oculis multitudinis parcatur.

48. Bodini autem vis argumenti ex his quæ pridem posuimus, Tyrannum desinere esse Potestatem, eumque ipso jure, si commissum tyrannidis sit indubitatum, fieri privatum, satis labefactatur.

48. Videndum, ne adhuc obstat, quod antea diximus, Regis personæ parcendum, etsi vis contra eum justa sit: Quod est verum, si casus extet, quo singulis vel paucis resistendi facultas competit, non etiam ubi Tyrannis in universum perpetrata extat.

49. Non

49. Non spernimus equidem aliud ejusdem Bodini argumentum. O quanta sit Tyrannorum multitudo, inquit, si Tyrannos subditis occidere liceat, quam multi innocentes ac optimi Principes suorum conspiratione perituri! ut parum absit, quin tutius videatur populis, malos Principes, ita ut tempestates vel iram Numinis ferre, quam bello civili vindicare libertatem.

50. At non semper ab utilitate pendet juris consecutio, neque certæ rationes probabilibus evertuntur: Nec veritati rerum vitiis hominum aut detorsione calumniantium præjudicatur.

51. Sed qua tandem poena utendum in Tyrannos? Magnam ut commissorum, ita poenarum varietatem esse oportet. Si intestabilis sævitia & immanitas fuerit, ut miseratione dignitatis præteritæ consumptæ, nihil quam homo & sceleritas in conspectu sit, vix est ut ullum mortis supplicium videatur esse nefarium, ne quidem quod in Neronem placuisse constat & quidem genus indignissimum, quo vilissimus quisque mactari solebat, ut verberibus exanimatum corpus securi percuteretur, ve etiam ut virgis ad mortem capite furcæ inserto caderetur, ut Suetonius refert.

52. Nec possumus admittere exce-

ptionem Bodini, qui negat Neronem habuisse jus summæ potestatis & Imperatores Romanos tantum fuisse primores contendit. Aliter à nobis probatum in sect. 2. c. 7. & luculentius in lib. 1. Digress. c. 16. & seqq.

53. Magis tamen laudemus eos, qui dejectione & exilio Tyrannorum contenti fuere; quomodo Athenienses in Pisistratidas, Romani in Tarquinius consuluerunt, vel carcere perpetuo, quod Suecis in Ericum superiore seculo placuit.

54. Si non propter immanitatem, sed ob institutum violandi Leges fundamentales decretorium & pertinax, in tyrannidem incidisse judicati sint, non videtur ultra abrogationem potestatis procedendum, quomodo novissimè in Scotia expressè verbis, in Angliâ tacite atque re ipsa decretum videmus.

55. Nisi, quod exilium vel custodia perpetua, securitatis causa accedere solet & fere necessaria est. Quando post Cyrum non constat, ullum Regem in potestatem redactum, Imperio, salva libertate, fuisse dejectum, nisi quod nuper eo modo in magna Britannia vidimus consultum.

56. Sed de amissione Summæ Potestatis locus adhuc inferius occurret.

C A P. V.

De Fide & perfidia Summarum Potestatum in contractibus.

Hoc capite agi de conventionibus, quibus Summæ Potestates jam constitutæ obligentur. Teneri illas cunctis promissionibus naturaliter: civiliter per se nunquam, sed tantum si velint, quod præsumi in contractibus privatis. In jus tamen vocari & judicari ne tum quidem posse, nisi voluntariè certis iudicibus se submittant, quo præsupposito, nec naturaliter absolute, neque civiliter, eos posse negare solutionem sine manifestâ injuriâ. Conventionibus quæ regimen civitatis spectant, jure Naturæ principem duntaxat teneri: consensum in civilem obligationem heic non præsumi. An restitutio in integrum contra effectum naturalis obligationis in executione, tam respectu exterorum, quam ipsius populi aut certæ populi partis detur. Quomodo successores teneantur, per distinctionem explicatur. Et quid jus-jurandum promissionibus addat.

TYrannidem committi factis, quæ constitutioni Summæ Potestatis & fundamentis Imperii adversentur, è superioribus intellectum est: At sæpe fit, ut perfidia Regnantium sine Tyrannide committatur.

2. Quod ut intelligatur, videntur paucis, quid de illis conventionibus, quibus non defertur aut minuitur Imperium, sed quæ postea contrahuntur, & quibus nullum jus Summæ Potestatis aufertur, vel cum alio communicatur, sit habendum. Cum enim vis obligationis, quæ necessitate adstringit, à superiore, vel saltem à pari proficisci debeat, & per ejusmodi conventiones, quibus nemo in participium imperii vocatur, Rectores nulla parte desinant habere Summam Potestatem; merito, quæ talis obligatio justum habere possit effectum, dubitatur.

3. Jure Naturali Gentiumque regnantes obligari satis est clarum, quia nihil præ ceteris habent mortalibus quam jus certi populi, qui cum ipse legibus na-

turæ totiusque humani generis institutis teneatur, Imperantes iisdem teneri necessum est.

4. Jam promissiones expressæ de jure in alium transferendo pleneque acceptæ sine dubio vim habent obligandi naturalem, jusque perfectum alteri contractenti tribuunt, ut bene probat *Grotius lib. 2. c. 11. de jur. Bell. & Pac.* & nos alibi adstruimus.

5. At civili vinculo, contractus summarum Potestatum per se nunquam obstringuntur, seu cum subditis imperio, five cum exteris ineantur.

6. Non, si cum civibus contraxerint, quia obligatio est juris vinculum, quod necessitate obstringit secundum jura civitatis; Atqui Summam potestatem non posse cogi, & omni jure civili solutam esse, jam toties dictum est; Cum exteris autem non sunt termini habiles civilis obligationis, quia non sunt ejusdem civitatis.

7. Per se, inquam; nam ex natura negotii & circumstantiis, præsumptio nasci

nasci potest, quod secundum jus civile, prout est in loco, partes sive ejusdem sive diversi imperii agere voluerint.

8. Quod de privatis Regnantium conventionibus, ut sunt emptiones venditiones, locationes conductiones, stipulationes, transactiones similesque, omnino statuendum.

9. Quoniam tales actus non à Rege qua Rege, sed quasi ab alio quovis instituuntur, adeoque, ut est membrum *Communitatis*; quod & ipsius utilitas postulat, quia nemo alioqui cum Principibus contrahere vellet.

10. Hinc Imperantes ex emptione sine pretio, locatione sine mercede, pacto nudo ex hypothese juris Romani, nec agere nec conveniri possunt.

11. Perinde ex testamento imperfecto ut non cogitur Princeps solvere legata, ita nec ipse de tali quicquam petere potest. §. ult. *Inst. Quib. mod. testam. infirm.*

12. Imo & Leges municipales cujusque loci, in quo contractus celebratur, æquè in Principibus ac in aliis servabuntur.

13. Possunt tamen exprimere in antecessum, se illis Legibus nolle teneri; quomodo, si Rex faciat ipse *testamentum sine solennibus*, aut *emphyteusim sine scriptura*, ubi Lex eam requirit.

14. Et si vero Leges hec obligationem actionemque adversus Summas Potestates producant, coactio tamen sequi non potest adversus eos, quatenus, à quo cogantur, nemo existit, nisi quod *externi belli jure comparatum sit*.

15. Hoc ut evitent, simul & æquitas ac utilitas impulit Principes, ut tam à subditis quam ab reliquis conveniri se apud certos judices patiantur, cum alioquin ipsi in sua causa judices esse possent, quia neminem habent superiorem.

16. Porro, in illis tribunalibus, iisdem juris remediis, quibus alii cives utuntur, se tueri, neque plus ulla parte privilegii arrogare sibi possunt aut debent.

17. Neque planè satisfactionem negare postulantibus, nisi petant *restitutionem in integrum*, ex iisdem causis, è quibus alii cives eam jure communi impetrare possunt.

18. Quia tamen hæc sunt submissione, non ex amissione Summæ Potestatis; sciendum est, Imperantes, sicut reliqua suis subjectis, sic etiam ea, quorum ipsi debitores sunt, justà ex causâ adimere posse.

19. Primo, in poenam admissi, publicatione omnium vel partis bonorum factâ, vel etiam *illius specialiter*, quo Ipsa Delinquenti obstricta est, quod tamen ut invidiæ plenum ut evitetur opera danda est.

20. Potius id fiat ex probabili causâ domini eminentis, ob utilitatem magnam vel necessitatem Reipubl. modo tali prætextu non tegantur iniquitates & calumniæ.

21. Si quid tale fiat, & generaliter, quoties sine delicto creditoris, aut sine extremâ Reipubl. necessitate obligationi se subducit Princeps, tenetur ad reparandum damnum.

22. Proinde sic etiam, si solâ utilitatis publicæ ratione, res unius è civibus publicatæ fuerint; nam et si hac causâ, Domini eminentis aliquis usus esse queat, tamen aliâ viâ patientibus indemnitatem Reipubl. præstare debet.

23. Quod enim *aliàs* dictum est, singulos jura sua publicæ utilitati submisisse rebusque suis renuntiasse videri, idque libero civium consensu sancitum esse, non potest accipi, nisi sub conditione quàm minimum lædendi singulos & reducendæ æqualitatis inter cives, quatenus fieri potest.

L 1.2

24. Proin-

24. Proinde, si privatorum agrum munitio in securitatem publicam occupandi sint, nulla est causa, cur non pretium boni viri arbitratu vel statim vel deinde solvendum sit; etsi quibusdam in his & similibus dissentire visum est.

25. Immo si contra agant Imperantes, faciunt quod illi, qui pro lubitu cives spoliant, quo casu quid juris aut patientiæ competat, *superius* dictum est.

26. Paulo diversa est ratio conventionum de rebus ad summam potestatem pertinentibus initarum, quas Reges non ut membra, sed ut capita civitatis, aut ut civitates ipsæ contrahunt.

27. In his palam est, non habere locum Leges civiles, quoniam illæ consistunt in imperando, cogendo, quod non cadit in Summam Potestatem; proinde nulla exinde quam ex præsumptione voluntatis oriri potest obligatio.

28. Porro ab hac naturali obligatione Princeps in ejusmodi negotiis semet in integrum restituere, propter causas jure civili proditas, non potest, ut contra Bodinum *Grotius* rectè statuit l. 2. c. 14. *in pr.*

29. Quia restitutio in integrum à superiori Potestate proficisci debet, qualem non dari supra potestatem, quæ est Summa, res ipsa declarat, et si aliter Bodinus *lib. 1. c. 8.*

30. Rem tamen fere eodem in effectu recidere oportet, uti Regibus per modum exceptionum, quæ sunt juris Gentium, pro sint causæ justæ, propter quas obligatio naturaliter resolvi nequeat, ut sunt dolus malus, metus injustus, *haud perinde ætas*, nisi quid Rex pupillus suo motu, sine Tutoris consilioque, pueriliter egerit.

31. Atque eo modo conciliari possunt hac in re discrepantes hominum doctorum opiniones, qui frequentes hac parte discedunt à Grotio; quemadmo-

dum & mores populorum interpretamur, qui viam restitutionis in integrum ignorant, ut ad eundem effectum per modum actionis aut exceptionis homines ducant.

32. Quod autem quæritur, an exceptio metus, doli, ætatis habeat locum in legibus regnorum fundamentalibus; dicendum, habere, si à Rege pridem simpliciter constituto ejusmodi promissiones eliciantur metu, dolo, ætatis lubrico: In Imperiis novis aut electivis vix est ut Quæstio locum habere queat.

33. Quid statuendum, si promissiones jurejurando firmatæ fuerint, in loco proprio de *juramentis* considerandum, & mox aliquid subjiciemus.

34. Hoc vero è prædictis ultro intelligitur, An & quatenus recte sit dictum, *Principum contractus esse leges*. Respectu eorum qui cum iis contraxerunt, id nullo modo verum esse palam est; nisi ipsas conventiones, quibus imperio se quis alieno subijcit, contractus appellare velit, ut sunt reverà. Vel etiam, quibus leges fundamentales statuuntur; Tales enim hæc sunt leges, quæ non minus ipsos Principes quam Populum Procereque ligant ac obligant.

35. Reliqui contractus tribuunt jus illis, qui cum Principe contraxerunt in ipsos, quod à vi legis est alienissimum. Respectu tertii tamen fieri potest, ut contractus aliquam Legis vim habeant, quatenus executio contractuum ad cives aliquando pertinet, ut usu venit in locationibus vestigalium initis cum publicanis.

36. Porro effectus obligationis illius, quam diximus, naturalis, quis sit, respectu exterorum, facile dictum est; nam ubi desinunt *judicia*, ibi incipiunt *bella*.

37. Quid etiam, si cum toto populo initus sit contractus, eâ mente, ut in *legem*

legem abeat fundamentalem, sit juris, perinde diximus in *sect. 3. c. 5.*

38. Nam si tacite longoque usu contrario potest recedere Princeps à jure suo, nihil est causæ, quare non idem uno actu & expressâ voluntate fieri possit.

39. Quod autem sponte & liberaliter per modum PRIVILEGII, (secus in donationibus propriè dictis) conceditur, id contrario privilegio tolli potest, uti *Lex lege contrariâ potest abrogari*, quâ de re vide quæ dix. d. cap. 5. n. 60.

40. In cæteris cum populo initis contractibus super rebus ad majestatem spectantibus, (*non tamen, quibus ipsum jus aliquod Majestatis tollatur*) idem sine dubio juris est, quod modo de privatis negotiis per se consideratis tradidimus.

41. Scil. ut naturalis inde nascatur obligatio eaque efficacissima, & jus perfectum populo acquiratur, ita ut contra quam conventum est, Imperantes facere non possint.

42. Sed ut leges civiles ad hos contractus non producantur, ita nec tribunal aut judicium datur ullum, in quo de hisce controversiis disceptetur; quin si tale tribunal daretur, hoc ipso desineret esse summa Potestas.

43. Qui sunt in statu naturali, his licet obligationem Naturalem armis exequi; sed populus sub Imperium redactus longissime ab eo statu remotus est.

44. Quare si pactis stare nolint Imperantes, ratio cogendi illos, nulla datur subjectis; nisi quatenus hi in societatem Imperii, saltem pro parte, recepti sunt.

45. Proinde, si Rex *ἀντιστοιχῶς* civilibus armis cum populo vel ejus parte colluctatus, pacem certis pactiōibus iniverit, easque jure-jurando quoque firmaverit, tenetur quidem omni modo, gravissimeque perjurus est, nisi sit conventus.

46. Si tamen stare nolit, dabiturne ad arma regressus? Nulla quidem juris ratio id populo permittit, nisi in partem imperii recepto.

47. Quod si populus in Regem absolutum extra causas, in capitulo de tyrannide expositas, arma ceperit, superatoque conditiones extorserit, non videtur Rex ad eas servandas cum effectu obligatus.

48. Quia metus injusti auctor, ut alias dictum, tenetur ad eum quem coegit, obligatione, quâ summo jure & directe obstrictus est, liberandum.

49. Hæc est ratio, quod omnes qui in suos Principes insurgunt & sapiunt, post arma capta nunquam ei se fidunt; quia norunt, Principes, non modo se non putare obligatos, sed etiam nihil ultioni prævertere, si possint; quod Angliæ Ordines in Edicto publico, quominus pactiōi se cum Rege victo committerent, aperte præ se tulerunt.

50. Contractus optimatum inter se de jure Imperii valent equidem & pariunt obligationem naturalem; sed ut quælibet conventiones contrario partium consensu tolluntur, ita quominus ab his contractibus, etsi jurejurando firmatis, communiter abire possint, nihil obstat, ut in Hollandia factum anno hujus seculi 1. xxi. de separanda civili & militari præfectura Provinciæ. Plane, si ci-
vices in Regno vel Aristocratia pactum conventum de Republ. iniverint, juratum, vel secus, ut in Angliâ & Scotia ante annos fere quinquaginta factum, id ipso jure nullum esse, ratio manifesta docet; quia jus publicum pactis privatorum mutari vel adfici non potest l. 38. π. de Pactis.

51. Hæc de obligatione Rectorum, & qui cum illis contrahunt. Civitatem ex illis teneri satis inde constat; quod Summa Potestas est ipsa Civitas, ut sæpius dictum.

dictum. An etiam populi tenentur è contractibus cum tertio initis, ab his qui invaserunt Imperium? Qui respondent *decisionem esse difficilem*, magis ad difficultatem discernendi Invasores à Rectoribus legitimis & quando desinunt esse Invasores, quam ad ipsius Quæsitum meritum respicere videntur.

52. Nemo enim juris gnarus dubitare potest, quin populus non teneatur eorum contractibus, qui nullum jus imperandi habent, quos privatorum loco de jure habendos pridem ostendimus, nec dubitat Grotius in lib. 2. c. 14. n. ult. secus ac alii qui ad illum commentati sunt.

53. Videamus de successoribus, quomodo hi ex contractibus teneantur.

54. Notum est, jure naturæ haud minus quam civili, obligationem, quæ ex conventionibus est, transire ad heredes.

55. Sed hoc ideo, quia qualitas heredis ex tacita vel expressâ defuncti voluntate deduci solet; *tacitâ*, cum successio ab intestato defertur, *expressâ* vi testamenti.

56. Quam in regnis voluntariis utramque secus se habere, ex iis quæ *supra* de successione dicta sunt, intelligitur.

57. Nam ibi successores non accipiunt suum jus ab eo, qui proxime decessit, sed à populo, qui voluntatem suam *Legge perpetuâ semel stabilivit*.

58. Nihilo secus dicendum, successores Regum, etiam ex contractibus teneri, sed cum distinctione.

59. Rex enim habet & *Patrimonium peculiare* & *Regnum*, quæ post mortem diversa relinquit, tam ubi hereditaria quam institutiva viget successio.

60. Regnum quid sit, per se intelligitur; *Patrimonium* peculiare est omne id, quod vel ante imperium delatum habuit, aut aliunde ei advenit, vel tempore imperii lucratus est, atque à ratio-

nibus publicis seorsim habuit. In jure Romano vocantur *res dominicæ*, *res Cæsaris*.

61. Hæc etiam in hereditariis Imperiis à regno separata sunt, quia, ut *supra* disputavimus, hoc Rex plerumque manere vult unitum & in unum devolvendum, *quemadmodum & in voluntariis*, non æquè privatum peculium.

62. Nisi quatenus aliter diserte constitutum est, quemadmodum in regno Francorum, res dominicæ, sive bona quæ Valerii, quæ Borbonii Principes ante regnum quæsitum habebant, statim atque regno admoti sunt, ad Coronæ jus uniuntur & coalescunt.

63. Alioqui patrimonium defertur ab intestato ad omnes in pari sanguinis gradu constitutos, *qui proinde pariter defunctum representant*, ac ita omnes pro hereditariis partibus è privatis illius contractibus obligantur.

64. Proinde qui Regno potitur, si is partem de patrimonio tulerit, pro virili etiam tenetur; sin exclusus vel sponte abstinuerit, æris quoque alieni omniumque præstationum liber est.

65. Sed obligationes, quæ propter Rempublicam initæ sunt, tenent omnino successorem, non ut heredem, sed ut caput civitatis, imo ut ipsam civitatem.

66. Hæc enim absolutè considerata, ut omnes cætus uniti, facultatem habet obligandi se ipsam, idque jus in alium transferre potest.

67. Transtulit autem in summos Imperantes, qui personam Civitatis constituunt, ejusque jus omne & integrum exercent.

68. Limitant hoc tamen gravissimi scriptores, ut procedat, *si acta Regum decessorum habeant probabilem rationem*, non si ratione careant probabili. Grot. l. 2. c. 14. §. 13.

69. Pror-

69. Prorsus ut de administratoribus Civitatum jure Romano proditum est, valere contractus, si res in utilitatem civitatis versa sit, valere transactiones ab illis factas in rebus dubiis, non si quod indubitato debeat remiserint; & de tutore, cum Domini loco haberi, cum rem administrat, non cum pupillum spoliat. l. 28. §. 1. *π. de Pact. l. 22. C. eod. l. 7. §. 3. Pro empt.*

70. Nos intelligimus, si quid turpe aut manifesto absurdum planeque stultum contraxerit Rex, aut deciderit, quod in ipsius potestate non erat, ut si partem regni alienaverit, id non esse in terminis habilibus propagandæ obligationis ad successores.

71. Verba tamen *probabilis rationis* nimis laxa videntur, magisque exempla tutorum & administratorum, qui legibus tenentur.

72. Etenim Imperantes supremi possunt omnia facere, quæ Civitas ipsa potest, si non egrediantur terminos potestatis sibi delatæ; & civitas potest quicquid Dominus & quilibet arbiter rerum suarum, qui pro libitu de rebus suis disponit, tenereturque, tam si male quam si bene rem gesserit, veluti si prodigas fecerit donationes.

73. Plane, quod à Summâ Potestate populo imperatum, non haberet vim eos obligandi; id neque per contractum in obligationem deductum poterit obstringere cives: sed è contrâ, quod vim adversus illos parendi haberet, id cum in potestate Regnantium

sit, valebit, utique etiam, ubi per conventionem alii jus inde comparatum fuerit.

74. Sed de jurejurando Promissionibus Summarum Potestatum adjici solito, non est hoc loco prætereundum; quod aliqui putant, inde multum accedere ad ætitudinem obligationis, id magis esse, ut ita se non habeat; Erga Deum equidem rectè, sed hominum respectu jusjurandum nihil mutare potest.

75. Nam vel adjectum est legibus Imperii fundamentalibus, vel aliis publici privatique juris constitutionibus & conventionibus. Prioribus tenentur Rectores omnimodo, etiam vi coactivâ, idque sine jurejurando, non minus quam jurati; quoniam per has leges excepta sunt, in quibus non haberent jus Summæ Potestatis, ideoque eorum respectu videntur & revera sunt privati, ut supra in cap. de legibus Imp. fundamentalibus dictum est.

76. Si jusjurandum aliis legibus accesserit, tenentur quidem Rectores Civitatis, ut tamen æquè tenerentur è simplici promissione; nisi quod jam perjurii crimen erga Deum accedit. Verum tamen quia promissio circa res, quæ non spectant ipsum jus Summæ Potestatis, non facit, ut desierint esse omnibus superiores, apparet, vim coactivam super ejusmodi legibus aut conventionibus non sequi ex jurejurando, sed notam perfidiæ & impietatis sequi è sprete religione, quâ de re dix. in Eunom. Rom. ad l. 31. de Legib.

CAP. VI.

Quibus modis Summa Potestas finitur.

Modi recensentur decem indubitati, amotâ prius falsâ opinione; Mors, tempus imperio præfinitum, præscriptio, abdicatio, derelictio, existentia conditionis commissoriæ, felonja, animus imperantis hostilis, jus belli, unio. Modos, de quibus dubitari queat, esse, captivitatem, alienationem, subjectionem infra alium factam, negligentiam, bellum contra cives, regno necdum delato, gestum.

Absolutis, quæ pro hujus instituti ratione de juribus summæ potestatis suppetebant, non erit abs re *modos* percurrere, *quibus finitur Summa Potestas*; in quod omnis methodica definitio oratio atque tractatus.

2. Quo loco prius amovenda est ab hac Arte eorum sententia, qui libertatem esse volunt rem meræ facultatis, quam semper populis, si possint, repetere liceat ac Imperium excutere; quod sane est verum in Imperiis voluntariis, si Rectores nihil sint quam Mandatarii.

3. Sed quia nos pridem ostendimus, Imperium simpliciter delatum esse Alienationem, quod pressius in calce hujus libri demonstrabitur; id autem quod est alienatum sine nova causâ repeti non potest, sequitur in Imperiis voluntariis id ita non procedere.

4. Nec etiam in violentis seu jure belli fundatis Imperiis illa sententia valet, nisi quatenus adhuc in statu belli partes consistunt: nam si illo finito, intervenit pactio, ut fere usu venit, saltem tacita, exinde jus quæsitum victori auferri non potest. vide Grotium *lib. 2. c. 4. n. 14.*

5. Finitur autem vel unâ cum civitate tota, vel consistente reliquo corpore, sola extinguitur. De illo casu postmodum in loco agetur.

6. Primus igitur, quo sola Majestas finitur; modus est Mors, cunctarum ultimæ lineæ rerum; est enim Potestas summa, facultas personalis. *suprà sect. 3. cap. 1.*

7. Idque non tantum in Electivis, sed etiam in regnis maxime & immediate Successivis, utcunque receptum ibi sit dictum, *Reges non mori*: Hanc enim patet esse fictionem ejus generis, quod Jurisconsulti Suo heredi adscribunt, in quem potius continuari quam transferri dominium, ut nulla videatur Successio fuisse, tradunt *l. 11. §. de lib. & postb.* Quod etiam multarum gentium leges de ipsâ possessione receperunt, ubi dictum usus Gallicani obtinet. *Le mors Saisit le vis.*

8. Secundò, finitur *Tempore*, quod ab his, quorum est primævum jus imperandi, paucis vel uni præfigitur; postquam *suprà* obtinuimus, temporariam non desinere esse vere summam potestatem.

9. Tertiò, *Præscriptione*, cujus, ut alias & in tempore præcipua vis est, eaque duobus modis exercetur; primo si Rex verus populo, vel Proceribus subiciatur, aut populus liber proceresque suum jus Summæ Potestatis amittant, & manente eodem corpore civitatis, Principi

cipi subiciantur, quâ de reditum *sect.*
3. *cap. ult.*

10. II. Si populi vel Principes, qui partem alicujus Imperii fecerant, huic se subducant, nec id amplius agnoscant, sed libertate palam utantur, ejusque usum & quasi possessionem à tempore immemoriali contiguaverint. Idem est, quando Rex aliquis alienam dirichem sine justo titulo occupat & longissimo tempore possidet, quo casu prioris domini Summa Potestas finitur.

11. Nam & in his casibus præscriptionem duntaxat *immemorialem* habere locum, iisdem rationibus evincitur, quæ de priore casu prolatae sunt in *d. cap. ult.* & confirmantur à Grotio *lib. 2. c. 4.* Etiam à nobis in *vindicis Amelandicis: cap. 8. 9. 10.*

12. Modo etiam in eo casu, quo populus aut princeps aliquis ita se alieno imperio subducit, ut novum Reip. corpus seorsim constituit, animum independentiæ palam præ se tulerit. Idem in omni usucapione & præscriptione requiri, non modo Jurisperiti docent, sed etiam res ipsa loquitur; quia sine animo sibi habendi nulla acquisitio perfici vel inchoari potest *l. 2. C. de Præscript. xxx. vel xl. ann.*

13. Immemorialem autem possessionem, non respectu memoriæ literarum; cujusmodi nulla, nisi apud gentes literarum expertes, dari queat; sed nimirum, recordationis hominum præsentis generationis, intelligendam esse, non opus esset moneri, nisi quosdam ejusmodi opinionis errore ineptiisse animadversum esset. Temporis autem ejus spatium non est certo definitum; utique maximum esse trium *milliæ*, id est, centum annorum, convenit inter Juris publici privatique Scriptores.

14. Sed in iis casibus, quibus præscriptio tendit ad diversum corpus Rei-

publ. constituendum, facilior & frequentior quam in eadem civitate solet esse *protestatio*, qua jussum qui possessione carent, reservant; cui fini aprissima est usurpatio continua nominis & titulorum, quam Principes haud facile negligunt.

15. Modo usurpatio illa specialis sit. Nam generalis hac parte non sufficit, qualis est, Imperatoris Romani, dum se ait, semper Augustum, id est, Amplificatorem Imperii; quomodo Germani vocabulum Augusti interpretantur.

16. Non sufficiunt etiam ad interrumpendam Præscriptionem, Declarationes per modum conventionis inter Imperantem & Ordines suos; quales sunt *Capitulationes* Cæsareæ, quas aliqui in hunc finem adducunt; Conventionum vis ad tertium non pertinet, quâ de rediximus in *Vindic. Ameland. Cap. xi.*

17. Quartò, finitur S. Potestas *abdicatione*, quando Rex Imperium deponit, sive reddat populo Rempubl. ut *Servius Tullius* voluit, ut *Augustus* simulavit, ut perpetuus Dictator *Sylla* fecit; seu transferat in alium, ut *Diocletianus* & *Maximianus*, nec non *Carolus Cæsar V.* & *Christina Suetiæ*.

18. Sed an hoc ipso, quod abdicavit, etiam sit subjectus vel subiecta? Non potest aliter; quia non est in civitate medium inter Imperantes & subjectos, etsi Magistratus aliquo sensu medii inter Rectores & privatos appellentur.

19. Quid si pactus vel pacta sit independentiam, ut *Christina Suetiæ*? Hoc quidem vim suam habebit, eorum à quibus id est pacta, respectu. Æque enim singuli imperio eximi possunt ac urbes aut pagi intra terminos Imperii alicujus siti, sicut olim *Ivetor* ense regnum, vel hodie principatus *Araucionum* in Gallia.

20. Sed extra fines Imperii, in quo ejusmodi Pactum intercessit, nullam

Juris effectum habere potest, quia pactum non egreditur paciscentium personas. Proinde, quod alibi Ex-regibus ejusmodi honos, ut nulli subjectis haberetur, id humanitatis & indulgentiæ, non juris est, in quo sit vinculum necessitatis.

21. An autem qui in aliquâ civitate Summam habet potestatem, si in alieno territorio versetur, ejus jurisdictioni subiectus sit, diversi loci quæstio est.

22. Quintò, si Rex Imperium *pro derelicto* habeat, vel reversa deferat atque destituat; hæc enim nihil aliud quam tacita abdicatio est.

23. Derelictionem oportere esse voluntariam, ipsa res loquitur. Proinde, qui iusto vel injusto metu commotus se regno suo populoque subduxit, hunc abdicationis aut derelictionis reum arguere non licet. At oportet etiam hoc animo fiat; quod quis amplius Rex esse nolit; nam si abeat è regno peregrinandi, belligerandi aut novi regni suscipiendi causâ, abdicasse vel dereliquisse dici non potest; ne quidem *Henricus* Poloniæ Rex eo quod è Poloniâ aufugit, ut Franciæ regnum susciperet; quia tamen Rex manere voluit & nomen Regis Poloniæ per omnem vitam præ se tulit.

24. An vero Poloni ob ejusmodi abitum cum animo, ut videbatur, non redeundi, ut est ibi Respubl. justam illum regno privandi causam non habuerint, alia Quæstio fuerit.

25. Sextò, finitur Summa Potestas, existentia conditionis, ad quam delatum est Imperium, ut si lex commissoria regis electioni adjecta sit; ubi hoc vel illud Rex admisit, fore uti jure suo cadat.

26. Septimò, per *feloniam* amittitur feudale regnum, id est, grave delictum vassalli adversus Dominum: posse enim in feudo summam esse potestatem jam dudum probavimus.

27. Octavò, si Rex *hostilem animum* contra populum suum induat, aut aliter Tyrannidem committat, excedendo notorie & præfracte terminos Potestatis sibi jure delatæ, quæ dere *suprà* diximus, Imperium haud dubie perdit.

28. Denique, nonò, *jure belli* summa potestas auferri potest & solet, quia victor in devicto jure Gentium, ejusmodi vult, Imperium adipisci.

29. Decimus finientis Majestatis modus est, unio cum aliâ majore civitate; nam tunc, ut *suprà dictum est*, civitas, quæ prius ipsa per se habebat summam potestatem, fit membrum majoris Imperii & pars corporis subiecta, quomodo in Gallia majores provinciæ *Normandia, Britannia, Aquitania, Delfinatus, Provincia* aliæque majestatem amiserunt.

30. Secundum hæc aliqui sunt modi, de quibus *ambigi* potest, tollant, an non tollant summam potestatem.

31. Inter quos tamen non referimus Voluntatem populi; quæ regiam vel optimatium potestatem semper abrogari posse volunt; qui Rectores nil nisi mandatarios populorum esse volunt, quam sententiam esse falsam, post ea quæ à nobis dicta sunt alias, probare supervacuum est.

32. De *captivitate* primum, quæ est aut erat olim mors civilis; utique ex hypothese servitutis antiquæ; dicendum videbatur, summo jure amitti Regnum; sed *postliminio*, quod est juris Gentium, restitui: at inter eos populos qui servitutis rigore non utuntur, exercitium amittitur, jus ipsum retinetur, sicut in Gallia Rege Johanne & Francisco captis, illo apud *Pictaviam*, hoc apud *Parisiam*, accidit.

33. *Alienatione* aut *sub electione* regni in alium aut sub alio facta à Rege, jus Majestatis amitti tradit *Barclajus l. 4. c. 16. con-*

7. 16. *contr. Monarchem.* à Grotio reprehensus, eò quod talis actus sit ipso jure nullus, cujus proinde nullus esse queat effectus, nisi ut populus alienationem vel subjectionem Regi executuro virensistat, ut Angli adversus Johannem, qui se Pontifici vasallum addixerat, fecerunt. *Grot. lib. 1. cap. 4. §. 10.*

34. Equidem in regno patrimoniali non potest esse vera *Barclai* sententia, si modo loquatur de illo. In voluntario tunc erit vera, ubi alienationem Rex jam sit executus & traditione impleverit; nam Rex novus non est Rex, eoque excusso, nihil est causæ, cur venditor sit restituendus in locum quem dereliquit.

35. Verum ob nudum alienandi conatum, etsi contractus sit perfectus, non posse Regem spoliari Imperio, prorsus cum Grotio statuendum est, nec etiam, si duntaxat alii se submiserit: sed ultra nullitatem justamque impediendi causam non videtur procedendum; nec enim ulla causa liquet, cur plus decerni debeat, quam ne conatus sortiatur effectum.

36. Quanquam exempla non desunt efficaciora; Veluti *Johannis Balioli* in Scotia, & *Caroli Lotbaringi*, in Gallia, quibus hoc imputatum fuit ad juris regii commissionem, *Buchanan. Histor. Scot. lib. 8. Reg. 95. Mezeray compend. Histor. Gall. regn. Hug. Capeti. Joh. de Serres ibidem;* qui sic ea de re; *Ainsi par cet hommage & reconnaissance il avoit comme quitté tout le droit, qu'il pourroit prétendre à la Couronne de France.*

37. Id est, per illud homagium & subjectionem omne jus, quod in Gallia Coronam præferre poterat, quasi dereliquerat. Atqui non Galliarum regnum, sed Lotharingiarum Ducatum duntaxat ab Orhone Cæsare agnoverat. Quid hoc ad commissum regni Gallicani?

38. Potest etiam quæri, an per negligentiam Rex cadat Imperio, ut Franci in ultimis *Merovingiorum* servarunt. De facto nil frequentius est. De jure tamen non videtur; sed si per eam civitas & Imperium periclitetur, dicendum est, populum aut optimates Regi aliquos adungere posse, qui pro conservatione totius, quod primum civitatis fundamentum, invigilent, haud tamen ultra quam postulet necessitas, ut jam diximus, in loco suo.

39. Idem juris est, si Rex incidat in furorem, ut *Carolus VI. Galliarum*.

40. Sæpe quæritum est, an quod Rex ante regnum initum hostis regni fuisset, hinc in successivo Imperio amittat jus Regni, quomodo Galli *Carolus Lotbaringum* hac etiam causâ excludere, non *Ludovicum Aurelianensem*, in quo brevi murmure parem causam transmiserunt *Guicardin. lib. 4. de Bell. Ital. sub fin.*

41. Quod fuit justius; nam juris ratio minime commissum regni ob illam causam infert; modo non maneat hostis, ubi regnum ipsi delatum fuerit.

42. Hinc jus stirpis *Capetingiarum*, nobilis Galliarum historicus, niti inquit, *benedictione divinâ & possessione continuâ*, cui præteritio *Caroli* prioris locum fecerat, *Serresius* in regno *Hugonis Capeti*, ubi, *Cette Election estant esté autorisée par la benediction de Dieu, qui en a maintenue la possession en la posterité successive de Capet &c.* perinde acsi diceret; *usurpatione felici & longissimo tempore.*

43. Rem tamen aliter accipit *Hottomannus* in *Franco-Gallia*, qui id factum docet ab universo corpore populi *Franco-Gallici*, quemadmodum adversus priorem stirpem *Merovingiam* decretum fuerat. Cujus facti ratio inde pendet, utrum potestas Regia tum vere Successiva fuerit *non successiva*, an verò *non successiva* & populo subjecta.

44. Quomodo nunc in Gallia se res habent, inde ab aliquot seculis, omnibus constar; neque jam à Gallis ulla ratio mutationum illarum, quam quæstio in verbis *Serresii* reddi possët; nequë tum quidem olim quod ad successionem attinet; aliter se res habuisse videtur.

CAP. VII.

De fine vel duratione Romani Imperii, ad Grotium lib. 2. c. 9. n. xi.

Proponitur Quæstio, cujus hodie sint ea, quæ olim Romani Imperii fuerunt. Varietas opinionum ea de re, ex Peckio & hujus sententia ipsius absurda satis. Removentur à quæsito ea quæ jure belli, derelictione vel præscriptione populo Romano subducta sunt. Imperium Romanum non esse quidem translatum ad Germanos, sed tamen Regem à Germanis electum ipso jure fieri ac esse Imperatorem Romanum. Populum Romanum esse nunc eundem, qui fuit olim, Grotio conceditur; verum inde non sequi, illum idem jus habere quod olim, siquidem eligendi jus Imperatorem suum transtulit in Germanos. Olim jus eligendi Imperatoris fuisse penes S. P. Q. R. conceditur: qui nec Constitutione Antonini defuit esse princeps gentium populus. Verum hoc jus principale communicatum fuisse cum novâ Româ sive Constantino-poli. Nec Imperatorum electionem, secus ac Grotius, ibi factam, à populi Romani approbatione pependisse. Per Herulos & Gothos omne jus antiquum populo Romano fuisse ademptum; nec à Græcis, qui deinde Romam ceperunt, veterem principatum illi esse restitutum nec postliminio esse recuperatum. Populum Romanum à Græcis non videri jure descivisse, quod hi feminæ imperium detulissent: Nec imaginum fracturam, nec imbecillitatem fuisse causam ab illis deficiendi justam. Jus eligendi Carolum Magnum, nullo alio jure habuisse populum Rom. quam belli. Non liquere, quod electio Caroli M. fuerit personalis. Certè Imperium Romanum illi delatum, fuisse distinctum à regno Francorum & Longobardiæ, nec quicquam tribuisse Carolo suprâ titulum, præterid, quod jam Pontifex habet jure supremo, etsi dein Italiæ sive Longobardiæ regnum Imperio sit adnexum, haud tamen cum eo confusum: nec ideo subiectum fuisse populo Romano. Sed hunc, translato in Germanos eligendi jure, non retinuisse pro se vel Papâ jus confirmandi electum à Germanis Imperatorem, sed nihil habuisse, quam ritum inaugurandi. Male à Grotio jus regni Italiæ acquiri ab Imperatore, statui, per approbationem Pontificis, nômie populi

puli Rom. cum Italiæ regnum nunquam à Papâ vel urbe Roma dependerit, post invasionem Longobardicam: denique, Imperatori Romano post usurpationes Pontificias nihil superesse quam titulum majestatis Romanæ. Pontificem non habere jus tribuendi investituras in regno Italiæ, vacante Imperio. Nec eundem esse vicarium vel posse vicarium constituere, Imperatore mortuo vel mente defecto, secus ac Grotius, qui in his præ studio adulandi Papæ minus valide instituit.

PRo mantissâ, placet addere disputatiunculam de Fine vel duratione Imperii, quod populus Rom. habet habuitve nunc aut olim, quâ de re prolixius quam solet, de rebus singularibus, & tamen minus solide, nisi valde fallor, agit Grotius, in loco supra scripto: quem heic exhibere & aliquid instar commentarii, cum ad hujus maximè sectionis materiam pertineret, addere vitum fuit.

2. Nobis admodum est & illa questio, inquit, apud Historicos & Jurisconsultos, de his quæ Romani Imperii fuerunt, cujus nunc sint. Non est igitur hæc de urbe Româ, sed de omni Romanorum imperio, quod olim fuit, questio, quam Grotius movet.

3. Multi ea nunc esse volunt, Germanici sive regni, ut olim vocabatur, sive Imperii; utro autem nomine appelles, ad rem non refert. An igitur de nihilo est, quod Imperator se vocat distinctè in Edictis & nummis cûlis, Electum Romanorum Imperatorem, Regem Germaniæ &c? Quin etiam differunt regionibus: Nam imperium se refert ad urbem Romam & Italiam, Regnum ad Germaniam. Et si verum est, in concreto Germaniæ Regem etiam dici Imperatorem, respectu Germaniæ, & hanc vocari Imperium; sed abstractione civili differunt omninò.

4. Est sane vetus questio apud Juris interpretes, an Imperator hodieque sit dominus mundi. quam illi questionem

deduxerunt in centum opinionum myriadas; verba sunt Peckii ad l. 9. d. L. Rhod. de jact. inter quas sane, de retralitiâ multæ satis ineptæ sunt opiniones.

5. Haud facile tamen dixerim, an ulla sit absurdior, quam Peckius ipse in eodem loco adseruit his verbis: Ego sane, inquit, in eorum sententiam transco, qui Imperatorem respectu universalis regiminis, de jure, Mundi dominum esse declarant; & quamvis alia ad Particulares Principes pertineant, Universitas tamen de jure ad Augustum solum. Igitur etsi diversa regna diversi Reges obtineant, tamen omnes, nisi speciali Privilegio exempti, reperiuntur, Imperatori non secus subesse, quam Pontifici Cardinales ceterique Ecclesiastici ordinis videntur.

6. Qui de jure publico scribunt, imperiti juris privati, non possunt evitare, quin aliquando impingant; Non putarem, juris privati interpretes, quos inter Peckius eminet, juri publico non deditos, tam enormiter evagari posse, quam usu venit in hac expositione Peckio, cujus singula refellere nec opus est nec liber.

7. Quid enim infanlius, quam Imperatorem Romano Germanicum habere nunc idem jus propriè, quod Augustus olim habuit non sine ingenti hyperbole.

8. Bene Grotius, Quæstionem infinitè in suprâ dictis propositam, infer us limitat, ut excipiantur ea, quæ pæctio-

nibus aut derelicti occupatione, aut victoria jure in aliorum populorum imperium concesserunt, ideoque de his tantum loquitur, quæ adhuc hodie sub Imperio Romano comprehenduntur.

9. Hæc igitur ipsa pertinere ad Imperium Germanicum, negat Grotius, contra eos, qui nescio, inquit, quam surrogationem hujus Imperii in locum illius sibi confugunt, cum tamen notum satis sit, Germaniam magnam, id est, trans-rhenaniam, totam maximâ temporis parte fuisse extra complexum Romani imperii.

10. Veritatem hujus facti historia adseverat. Sed cum surrogatio nihil hac parte sit aliud quam translatio juris, quid obstat, quominus hæc fieri possit in alium populum? Quare populus Romanus suum jus in Germanos transferre non potuit, æque ac alius privatus in alium privatum juristranslationem committit? Et si hoc fieri possit, ut certè potest, diversitas Imperiorum non impedit surrogationem Imperii Germanici in locum & jus Romani.

11. Verum tamen est, quod Grotius subjungit: *Mihi non præsumenda videtur, ait, mutatio aut translatio, nisi certis documentis probetur.* Modo non urgeat aliquod instrumentum transferendi jus Imperii speciale, quod heic scilicet, deesse fateatur Historia.

12. Videndum, ne non sufficiat, quod Grotius *infra* collocat, *populo Romano placuisse, quo certius præsidium haberet, Regem non proprium sibi sumere, sed eum, quem Germani fecissent*, quod ipsum etsi nullo speciali documento sit consignatum, tamen esse factum constat, & usu plurium seculorum est confirmatum.

13. Hoc decretum, si forte Romanum Imperium non faciebat partem regni Germanici, tamen illud Regibus Germaniæ subiciebat, imperii jure simpli-

citer constituti, & efficiebat, ut ea quæ ad Imperium populi Romani pertinerent, Germaniæ Regibus essent subiecta.

14. Unde patet, Grotium non male contendere, populi Romani Imperium non esse translatum ad Germanos, neque Germanicum Imperium Romano furrogatum esse; verum tamen jus imperiumque populi Romani translatum esse ad Germaniæ Reges: quicumque à Germanis eligerentur, ut hoc ipso forent Imperatores Romani.

15. Pergit Grotius; *Quare & populum Rom. eundem esse dico, qui olim fuit, quamquam extraneorum accessione admixtum & imperium penes eum mansisse, tanquam penes corpus, in quo esset acquireret.* Identitas, ut sic loquar, populi Romani potest concedi, secundum philosophiam Alpheni in l. lxxvi. *¶. de judic.* Etiam Imperium penes eum ut corpus remansisse concedi potest, subjective; sed non animam, formaliter, quo sensu fuit apud Reges Germanorum.

16. *Nam quæ olim, Grotius, jure potuit facere populus Romanus, antequam Imperatores Romani regnarent, idem faciendi jus habuit, ut quisque Imperator mortuus erat, alio nondum existente.* Electivum scilicet Imperium fuisse Romanum statuit, in quo jus summum, mortuo cui delatum id fuerat, redierit ad populum.

17. Inde videtur velle, quod hodieque populus Rom. Imperatore mortuo in Germania, si velit alium creare sibi Imperatorem, id faciendi jus habeat. Id enim vult connexio cum prior periodo, quæ populum Romanum idem jus hodieque habere dixerat, quod olim Quirites habuerunt.

18. Quod ita sustineri poterat, si nihil juris à populo Romano in Germanos translatum fuisset: Sed existimo, si decre-

decretum, quod Grotius agnoscit, de habendis iisdem Regibus quos Germani haberent, Romanum Imperium non facit partem Regni Germanorum; saltem his tale jus tribuere, quo Romanum Imperatorem eligere possint, electusque Rex ab ipsis, sit ipso jure simul Imperator Romanus, quod satis in confesso habetur.

19. A qui hoc sufficit ad impediendum, ne populus Romanus, Imperatore mortuo, quicquam de novo Imperatore eligendo statuere possit; siquidem hoc jus alienavit, eamque alienationem senatus factam tot seculorum decursu firmatam approbavit; cui interim subjectionem, qua ipse populus Romanus Germaniae Regi aut Imperatori suo, verâ submissione addictus erat, sustulerit & deleverit; quam usurpationem Grotius in hoc loco, & ratione quæ sequitur, juris prætextu induere velle videtur.

20. Grotius; Imo & electio Imperatoris ad populum pertinebat, & aliquoties a populo per se, aut per Senatum facta est: Quæ autem à Legionibus modo his, modo illis fiebant electiones, non erant ratae ex jure legionum (nam in vago nomine jus certum esse non poterat) sed ex approbatione populi.

21. Hæc ad statum veteris Romæ spectant, quæ ad questionem propositam, cujus nunc de jure sit Imperium urbis Romæ ejusque ditionum, nihil faciunt, ut in progressu videbimus; Tantum eo pertinent, ut probetur, populum Romanum eundem esse idemque jus habere, quod Roma vetus olim habuit. Prius jam concessimus, Posterius inde non sequitur; non magis quam ut idem homo semper idem jus habere dicatur.

22. Cum his non pugnat, quod Antonini constitutione, quotquot in orbe Romano sunt, cives Romani effecti sunt. Hæc re populum non debuisse eundem populum esse, nec amisisse jus suum in ditiones subjectas fieri licet.

23. Consecuti enim sunt ea Constitutione subjecti Romani Imperii, ea jura, quæ olim habebant Coloniae & municipia & provincia togata, ut & honorum participes essent & jure Quiritium userentur. Nihil hic est, quod concedere non liceat, sine detrimento sententiæ nostræ, quod hodiè ditiones, quæ de populi Romani imperio supersunt, ad Reges Germaniæ pertineant, ut jam diximus & amplius patebit. Egimus hac de re in Eunom. Rom. ad l. 17. & de Stat. bom.

24. Pergit: Non ut in aliis populis, itidem ut in populo Rom. sors imperii esset: quod facere in potestate Imperatorum non fuit, qui habendi Imperii modum ac causam mutare non poterant. Propius ad controversiam accedit, an per Constitutionem Antonini in l. 17. & de Stat. bom. qua omnes qui sunt in orbe Romano facti sunt cives Romani; jus Imperii subjective considerati, per universum orbem Rom. æquabiliter sit diffusum, an vero manserit orbis Reipubl. in urbe Romæ, reliquis gentibus ut subjectis Imperii membris secundum suâ discrimina consideratis, ut antea res se habuerat; quod est verius; cum Antonini Constitutio, sicut omnis jurisprudentiæ corpus, non tam ad juris publici, quam ad privati juris rationes facta & comparata fuerit.

25. Nec quod Imperatores postea Constantinopoli quam Roma habitare maluerunt, de jure populi Rom. quicquam imminuit. Si nihil aliud mutationis à Constantino M. introductum fuerit, quam quod locum habitationis, Romæ transtulit Byzantium, hæc sola res in jure Reipubl. nihil mutare potuit. Sed omne jus quo Roma præcelluit, cum Byzantio, una cum nomine; quippe nova Romæ dicta; communicavit, quod & effectum habuit & secutis temporibus observatum est; dubio.

dubioque procul & ab initio cum S. P. Q. R. consensu factum, vel dein ab eodem approbatum. Hujusmodi communicatio juris, quod ad summam Rempubl. pertinebat, & quo re ipsa Constantinopolis exinde Romam exsuperavit, non potuit, quin de facto non tantum, sed etiam de jure Civitati Rom. detraxerit.

26. Grotius; *Sed tunc quoque electionem factam à parte sui, quæ Constantinopoli habitabat, unde Byzantinos Quirites vocat Claudianus, ratam populus totus habuit, jurisque sui monumentum non tenuit servavit in urbis sue prerogativâ.* Primo adverte, Grotium agnoscere communicationem juris quod habuit Roma, factam cum Byzantio, sive Constantinopoli, etiam in ipso Consulatu, quæ non potest non esse juris diminutio, nisi quis hoc capter

Πάντων τῶν πολιτῶν,

Præstat pars una duabus.

27. Illam potius nota captionem logicastro quam gravi Jurisfcto dignam, quod populum Rom. vocat unum totum, cujus Byzantini pars fuerint; ita, ut quicquid Constantinopolitani agerent, id populus qui Romæ erat, agere censeretur, utique id ratum habere deberet, ante quam valere posset.

28. Quid nugamur? Duo populi fuerunt, qui Romæ & qui Constantinopoli erat, neque hæc, ab illo tempore subiecta fuit Romæ, nec unius hujus colonia. Fuit nova Roma, par antiquæ, ut in omnibus, ita iisdem elogiis ornata, quibus Roma vetus. Constantinopolis *Æterna urbs Nov. 23. de præd. cruit. Sacratissima urbs l. 7. C. de Advoc. divers. jud. l. 30. C. de Donat. Regia urbs l. 25. C. de Nupt. §. ult. Inst. de Satisfac. ubi etiam caput omnium civitatum & nova Roma inquam, l. 4. C. de oper. publ. Socrat. hist. Eccl. l. 3. c. 8.*

29. Neque verum est, Electionem

Constantinopoli factam non valuisse; nisi per ratihabitionem populi Romæ habitantis. Hic sua functus sit electionis parte, vel potius alterius præjudicium sequi solita est: Quando enim Imperatorem Constantinopoli creatum agnoscere detestavit populus Romæ? Fuerit hoc facti; quanquam ego non dubito, quin & juris, stabilito in Græciâ Imperio, sit habitum, ut Imperator Constantinopoli electus Romæ quoque Cæsar & Augustus esset: Utrique par jus cum esset Constantinopoleos, Roma hujus partes occupare vel justificare non potuit.

30. Non agnoscimus igitur sequentia Grotii; *Quare jus omne, quod hi, qui Constantinopoli habitabant, ad eligendum Imperatorem Romanum habere poterant, pendebat à voluntate populi Romani.* Nec enim de jure, id ulla vel ratione vel auctoritate probat; de facto contrarium obtinuisse palam est in Historiâ.

31. Grotius; *Et cum illi, Græcos intelligit, contra mentem ac morem populi Romani, femina Irenes subissent imperium, ut alias causas omittamus.* Ingenitem saltum committit heic Grotius, à statu Imperii, quem stabilivit Constantinus Magnus cum Byzantii, tum Romæ, ad id tempus quo Carolus Magnus à Romanis electus Imperator, quod fuit Irene regnante apud Græcos.

32. Nam interea temporis immane quot & quantas mutationes populus Romanus & urbs olim domina gentium subiit! Primo rex Odoacer cum suis Herulis & Turcilingis Italiam invasit, Urbem occupavit & omne jus Imperii quod habuerat, belli jure illi ademit & extinxit. Hunc iterum Gothi expulerunt & regno per integrum fere seculum Romæ potiti sunt.

33. An tunc etiam vetus Imperii jus populo Romano mansisse Grotius contendit?

tendit, ut idem populus idemque jus semper habuisse dicendus sit? Id quidem ab ipsius institutione fuerit alienissimum, quæ docuit, hoc esse jus belli, ut victor imperet victis utilibet, & populus liber, victus victoris servus & subjectus fiat.

33. Quod si jus Imperii, quod olim Roma sola, dein juxta Constantinopolin pariter habuit, per Gothicam & Herulicam servitutem amiserit; quæram, quando & quomodo jus amissum recuperaverit? Nam quod semel est extinctum sine novâ causâ reviviscere non potest, ut Jurisconsulti, non minus quam philosophi naturales intelligunt.

34. Pulsi deinde sunt Gothi à Justiniano & ejus successoribus, Græcis Imperatoribus, viribus Græcorum, sive Orientalis Imperii, cujus sedes erat Constantinopolis, & Roma rursus Imperio adjuncta est Romano, quod dicebatur, non jam amplius à populo veteris Romæ, quæ serviebat, nec fons erat Imperii, quo ipsa plane carebat, nec isti nomen dare poterat Imperio; sed hoc à novâ Roma tum fuit petendum; jure veteris Romæ penitus, inquam, extincto.

35. Necverò postliminii jus datur populo à majori imperio vi bellica abstracto & dein recuperato, nisi per novum novi victoris decretum, quâ de re in *capite de postliminio* pressius agetur; & habuimus exemplum recens Belgæ, cum quædam nationes fœderatæ à Gallis subactæ, armis recuperatæ, primo ita sunt habitæ, quasi bello captæ; dein speciali decreto in fœdus denuo receptæ sunt.

36. Sed Græci Imperatores Romanos tam liberaliter non habuerunt: nunquam aliter quam subjectis usi sunt, jure victoriæ & odio æmulantium nationum; Tantum abest, ut veterem excellentiam juris & Imperii pridem amissam illis restituerint. Mansit igitur amissum

jus istud & Roma ab illo tempore nihil fuit aliud quam municipium majoris Imperii.

37. Unde igitur hoc, quod Grotius subjicit; *merito populus Romanus illam concessionem sive expressam sive tacitam revocavit, & per se Imperatorem elegit, Carolum Magnum*. Qui jus suum ante aliquot sæcula amiserat, nec unquam ullo juris actu restitutionem in integrum acceperat, quam ille concessionem expressam vel tacitam in victorem dominumque suum jure belli factam conferre potuit, aut revocare collatam?

38. Imo si victor populus, qui fuit Constantinopolitanus, à quo Gothi ereptus & Imperio iterum subditus erat, in animum induceret, Irenæ feminæ parere, quod usu venit sub finem sæculi *viii*, quid hoc ad populum, qui nihil amplius ad Electionem conferebat, qui imperia à Constantinopoli accipiebat, veteremque præcellentiam inde jam olim perdididerat? Non poterat recusare communem cum dominante civitate fortunam atque parendi Legem.

39. Verum si hæc ita sunt, ut à nobis disputatur, quo jure Carolus Magnus à Romanis Imperator electus dicetur? Si enim populus Rom. Imperatoribus Constantinopolitanis ita subjectus fuit, ut ipse nec amplius esset Princeps populus, sed pars subjectarum gentium, ex quo libertate à barbaris capta exciderat, nec à Græcis Imperatoribus antiquo principatui restitutus erat, non apparet, quo jure se Græcis subducere aliumque Imperatorem creare potuerit.

40. Grotius alias dari causas indicat; quæ sint, non exposuit. Pontifices præ se tulerunt *εὐνοκλασίαν*, cum Leo Imper. circa annum *x. m. cccxxi*. cepisset imagines è templis ejicere, quo tempore Gregorius II. & III. Papæ Leonem videntes in Græcia & in Asiâ satis occupatum, &

patum, & opibus Longobardorum, qui Græcis æmulierant, confisi, non modo Synodales Græcorum canones de verito cultu imaginum abolere de testarique & auctores excommunicare, sed ipsam quoque Romam cum suis dependentiis Leonis & Græcorum imperio, rebellionefacta, subducere sunt ausi & sustinuerunt.

41. Hanc causam à Græcis deficienti fuisse justam, Grotius ipse, credo, non contenderet; nec quod præterea allegatur, Græcos non fuisse pares tuendæ Romæ contra Longobardos, & Saracenos; opus fuisse potentiore patrocinio. Prætexus hi sunt, quos Romanis nequidem periclitari visum est.

42. Nihil reperio, quam belli quaecunque jus, idem quo aliæ gentes ab Imperio Romano defecerunt. Etenim est verum, Romanos per annos sexaginta & amplius fuisse in statu belli cum Græcis, usurpata *imperio* & libertate, quam & ad extremum usque, Græcis invitis, retinuerunt: Quo autem jure defecerant à Græcis Imperatoribus, eodem jure novum sibi Imperatorem adsciverunt. *Ac voce primi civis*, ita pergit Grotius, *id est, Episcopi sui (quomodo & in Judaicâ Republ. rege non existente, prima erat summi Pontificis persona,) pronuntiarunt.*

43. Satis pellucet animus, quo Grotius in hunc locum digressus sit, adulandi Pontificiis gratiâ: Quid enim simile habuit jus Pontificis Judaici, ex instituto post captivitatem Babilonicam in gente stabilita, Sacrorum & Reipublicæ Præsidis, cum Pontifice Romano? Ubinam liquet, illo tempore, populum Romanum, Episcopo suo dedisse principem locum in Republ.? Episcopi sui ductu & ministerio tunc usi sunt, ex more illius & sequentium seculorum, adhibendi vocem manumque sacramentibus inaugurationum.

44. *Fuit autem hæc electio personalis in Carolum Magnum & quosdam ejus successores.* Velim hoc probetur; Nam Ludovicus quidem Pius à Patre Carolo in Comitibus Francorum Aquisgrani congregatis, declaratus est Imperator & collega Patris, sine ulla Pontificis aut populi Rom. interventione, quod constat, nec auctoritate vel approbatione requisitâ. Inter successores quidem varix fuere contentiones, quas Pontifex inauguratione festinatâ, sæpe decidit aut prævenit, facto magis quam jure. Sed primam Imperii in Carolo constitutionem verisimilius est fuisse successivam. Et si ab hac re meritum quaesiti principalis factis est alienum. Magis ad eam pertinet, quod sequitur.

45. *Qui ipsius Imperii, quod habebant in Francos, ut & in Longobardos, à jure Imperii in Romanos, ut novâ causâ quaesito, sollicitè distinxerunt.* Et merito, quia pridem illas ditiones, antequam Imperatores salutati essent, obtinuerant.

46. Unde patet, quantum sit, quod populus Romanus Carolo tum dare potuerit; Germaniam & Galliam jure regni Francici tenebat, Italiam jure victoriæ Longobardicæ. Exarehatum Ravennensem, qui nunc Romania dicitur, dederat ipse Pontificibus. Extimam Italiæ partem, quæ nunc est regnum Neapolitanum, Græci adhuc tenebant.

47. Nihil igitur extra urbem accepit illâ creatione Imperatoriâ, præter *ælium* nominis, ut Imperator Romanorum diceretur; cujus populi gloria vetus & memoria potentiae pristinae adhuc aures hominum implebat opinione Majestatis, etsi tam res quam jus omne suum pari jure belli, quo creverat, jam funditus amisisset.

48. Imperium certè in urbem ejusque territorium, quod Patrimonium S. Petri appellatur, ipsumque, opinor, Exarchatum

archatum Ravennensem jure *directo* illa delatione consequutus est; nec enim aliter donationes Pontifici factæ, quam salvo jure Supremi dominii, quod tum quidem Pontifices adhuc potestate seculari præ se non ferebant, intelligi possunt.

49. Enimverò Longobardiæ regnum, à Carolo seorsim nomine regni Italiæ tunc & deinceps habitum est; siquidem eodem tempore, quo Carolus Magnus Imperator Romanorum proclamatus est, filius ejus Pipinus Italiæ Rex inauguratus fuit. Postea cum Imperatoriâ dignitate junctum fuit, ne penitus inane fieret, Imperium, Galliâ & Germaniâ inde aliquantisper alienatis; donec ab Othone conjunctio Germanica commissâ fuit: quâ de re sic ait Grotius.

50. Postea diviso Francorum populo in Occidentalem, qui Galliam nunc obtinet, & Orientalem, qui Germaniam sive Alemanniam tenet (duo Francorum regna vocat *Frisingensis*) cum populus Francorum Orientalis eligendo sibi Reges facere cepisset (nam & ad id tempus Francorum regum successio quasi agnatica, non tam à jure certo, quam à populi suffragiis pendebat) placuit populo Romano, quo certius præsidium haberet, Regem non proprium, sibi sumere, sed eum quem Germani fecissent.

51. His de facto nihil habemus ad verum, sed collectio Grotiana meritò displicet; populus Romanus, ita instituit, semper fuit idem, nec aliud hodie quam fuit olim, jus habuit. Olim Imperatore mortuo, sui juris erat & de Imperio disponere poterat; Ideo & deinceps idem facere potuit, hodieque potest, adeoque in promptu est ratio, justificandi usurpationes Pontificum seculares contra Cæsares, ipsumque Imperium quâ tale Pontifici subjiendum.

52. Quam non idem jus populo Ro-

mano semper fuerit, demonstratum est *suprà*; quod decretum de agnoscendo ut Imperatore quem Germani Regem elegerint, fuerit actus alienandi jus Imperatorem creandi perpetuum; similiter dictum, eaque est in dubio natura obligationis, ut perpetua sit; denique verba hujus pactionis, ut à Grotio ipso relata sunt, translationem juris eligendi Imperatorem in Proceres Germaniæ, manifesto præ se ferunt: nec enim decretum fuit *μὴ πῶλ' ὀφείη*, populi Romani, sed conventio inter Imperatorem atque Germanos & Romanos, ut Historia declarat, etsi instrumentum & verba specialia non extant.

53. Quod si populus Romanus, aut qui potestatem ejus postea nactus est, Pontifex, eam facultatem semper revocare potuissent, aut singulis Imperatoribus, si displicerent, obsequium negare, fuisset illa quidem absurda & elusoria concessio; præter quod ipsius Grotii verbis contraria, quæ non de singulis, sed de universo jure eligendi concepta sunt; placuisse, uti, quem Germani Regem sumissent, is etiam suus Imperator esset: quod ipsum eventus efficaciter demonstravit; siquidem consensus gentium haud aliunde, quam ab hoc instituto, fastigium Imperiale Cæsareum Germanis proprium fecit.

54. Nisi quod Grotius addit; *Ita tamen*, ut jus sibi aliquod probande vel improbande electionis, quantum scilicet ea res ad se pertinebat, retineret. Jus aliquod, incertitudinis nota; cum, si vere jus probandi & improbandi fuisset, id diserte reservatum oportuisset. Præsertim, cum per illud tantum non adimeretur facultas, quæ delata fuerat. Probandi jus aliquod reservatum fuisse, ut appareret, non esse Romanum Imperium regni Germanici partem, non est abs re; sed improbandi facultas Germanicam electionem

tionem ludibrio exponebat, si præcipuum dignitatis fastigium suo Imperio adimeretur. Et Pontifices tum necdum eo provecsti fuerunt arrogantiae, ut cum ab Orthonibus Pontificum approbatio dependisset, ac ab illis aliquoties exercita sit improbatio; eodem tempore (nam ad hanc ætatem hujus rei origo referitur) ausi sint stipulari, ut ipsis competeret jus Imperatores approbandi vel improbandi. Si quid unquam ejusmodi, Cæsarum alicui impositum fuerit, id, ut alia nonnulla quibusdam exiis, indigna Majestate Augusta, leguntur extorta, transitoridm fuit, neque in facultatem convaluit, cum semper à Germanis ista Pontificum Arrogantia, de jure & de facto refutata fuerit.

55. Credo, quicquid ejus est, resoluti in solennem coronationis actum, de quo Grotius porro; *Hæc quoque approbatio per Episcopum edici & solenniter testata fieri peculiari coronatione solebat.* Hanc Pontifices Romanos impertiri solitos esse Imperatoribus usque ad Maximilianum I satis constat. Sed ut hic, & post Carolum V. omnes Imperatores illam coronationem neglexerunt, eoque nihilo minus Cæsares Romani fuere, qui coronæ capiendæ causâ Romam profecti erant; ita clarum est, Actum illum coronationis nihil fuisse quam ritum inaugurationis, sine quâ jus Regium habet integritatem suam, non minus quam si maximâ pompâ coronatio celebrata fuisset.

56. *Quare ex electione septem Principum, qui Germaniæ corpus referunt, qui electus est, jus habet imperandi Germanis, secundum eorum mores: Ex approbatione verò populi Romani fit idem Rex, aut Imperator Romanus, aut ut Historici sepe loquuntur, Rex regni Italici.* Cui bono igitur decretum illud, quo ipse refert, placuisse populo Romano, & quod satis

usu venisse constat, Germanis Imperatoribus ipsis id agentibus & in ipsorum gratiam; ut quem Germani Regem elegerissent, hic Imperator Romanorum esset; si non vi electionis Germanicæ juxta illud decretum, incontinenti Imperator Romanus fieret.

57. Negandum adeo, quod electus Germaniæ Rex fiat Imperator Romanus, vi approbationis à populo Rom. id est, à Pontifice faciendæ: fit Imperator Romanus virtute decreti illius perpetui & electionis secundum illud in Germaniâ factæ; quemadmodum ratio exigit & usus tot seculorum probavit.

58. Quod autem Imperatoris Romani & Regis Italiæ jus unum idemque statuit esse, non fit etiam accurate. Nam quo tempore Carolus Magnus Imperator est salutus, Regnum Italiæ, quod fuerat Longobardorum, Carolus jam pridem tenebat, idque nunquam à Pontifice populoque Romano protectum, ab eorum confirmatione nullo modo pendere potuit: sed Imperium, quod illi Carolo tribuerunt, in urbe Româ ejusque territorio Latino consistebat; quod dein usurpatione & præscriptione, vel potius impotentia Cæsarum Germanicorum, Imperatorio juri penitus subtraxerunt.

59. Verum quidem est, Caroli Magni posteros deinde regnum Italiæ cum Imperatorio nomine conjunxisse; verum idcirco jus regni illius in populum Romanum, à quo diu fuerat amissum, non contulerunt, ut Grotius hic loci falso supponit.

60. Prorsus hodieque jus Imperii Romani à regno Germanico & Italico sive Longobardico distinctum, nihil habet materiæ, quam ab urbe Româ & patri-monio ejus ~~derivare~~; Quod ipsum quia penitus Imperatoribus sublatum est, apparet, nihil de Imperio reliquum esse, quam quod ipsi Imperatores Carolini cum

cum eo conjunxerunt, & quod Otho Magnus deinde acquisivit, jure belli ademptum Berengario: quod proinde non habent Germani à Romanis aut à Pontifice, neque per vetus illud decretum, neque multo minus per singulares confirmationes, quæ penitus sunt commentitiæ.

61. Ex quibus apparet, quid quantumque sit in his verbis Grotii: *Atque eo titulo, approbationis scilicet Pontificiæ, sub se habet quæcunque populi Rom. fuerunt, neque pactionibus aut derelicti occupatione, aut victoriæ jure in aliorum populorum imperium concesserunt.* Quam modicum hoc sit, demonstravimus, & hoc ipsum modicum non habet Imperator titulo confirmationis identidem renovatæ, sed ex vetere æternoque decreto, habendi pro Imperatore Regem à Germanis electum, ut toties dictum est.

62. Pergit Grotius; *Unde illud quoque intelligi facile potest, quo jure Episcopus Romanus, vacante Imperio, investituras tribuat feudorum Imperii Romani, quia scilicet in populo Rom. tali tempore libero, primas obtinet.* Huc omnia redeunt, Episcopo Romano ut consulatur; Huic enim placere voluit Grotius in hoc quidem articulo juris non levis momenti, contra veras solidasque juris & Historiæ rationes; vix enim est ut aliter ab homine doctissimo sed cum Pontificiis syncretizante, liceat ita loqui, tam male coherens accipi possit disputatio.

63. Quod attinet ad investituras vacante Imperio tribuendas novis Imperii vasallis in regno Italiæ (nam de hoc intelligendus est Grotius, quia in urbe Roma & ditione subjecta Imperator Romanus nihilo plus juris habet aut exercet hodie, quam Luætiæ Parisiorum & per Insulam Franciæ), non videtur eas Pontifex ullo jure sibi vindicare, quia regnum Italiæ à populo Rom. non dependet, nec unquam post invasionem

Longobardorum ab ea dependit; unde nec ad Papam, ut primam urbis personam, quomodo Grotius loquitur, id est, Principem, dispositio de partibus ejus regni spectare potest. Jus enim Vicarii, quo Palatinus & Saxo præditi sunt in Germaniâ; nunquam in Pontificem, quod ad Italiam attinet, translatum est; etsi Grotius in notis, Papæ jus cum illorum vicariatu comparat.

64. Hinc evanescit, quod Grotius subjungit his verbis; *Solent autem quæ sunt corporis alicujus, per primam personam, corporis nomine, expediri.* Nec enim corpus Romanæ civitatis jus regni Italiæ à Longobardis jure belli ademptum unquam recuperavit; unde nec primæ ejus personæ quocunque prætextu adscribi potest.

65. Quid autem de primâ persona nugetur Grotius, conferens Papam cum primatæ Poloniæ Archiepiscopo Gnesnensi, qui vacante regno sedeat in throno? quasi Episcopo Romano idem jus competat. Nam ad regnum Italiæ nihil attinet ille; In urbe vero eique subjecto territorio non primæ personæ jus accessitum è Polonia & Judæa, quemadmodum Grotius instituit, sed verum jus Principis & Regis habet atque exercet.

66. Idèò inde à pluribus seculis, si regnum Italiæ ab urbe Româ dependet, Papa non vicarius Imperatoris, sed jure suo Rex est regni Italiæ, & Imperator nihil habet quam dignitatis ætæ, adhuc reliquum in opinione gentium ab eccellente memoria populi Romani.

67. Sed, ut dictum, Italiæ regnum ab Imperio populi Rom. separatum, & cum eo deinde quidem conjunctum, non tamen confusum fuit; ut Papa ejus feuda minimè conferre possit, absque speciali concessione Imperatorum aut populorum, quæ nunquam facta legitur; quem-

admodum de vicariatu Saxonis & Palatini factum videmus.

68. Quis igitur est Vicarius, dicat aliquis, dum vacat Imperium in regno Italiæ? Nihil profertur, quare necesse sit, aliquem statuere Vicarium, ubi nemo constitutus legitur, non magis quam in principatu Pontificis Romani, vacante sede, Vicarius est quisquam.

69. Iterum quæritur, quo jure Rex Germaniæ sit pariter regni Italici Rex; si decretum æternum Populi Romani, quo placuit, Imperatorem suum esse, quem Germani Regem suum elegissent, ad regnum Italiæ non pertinet?

70. Respondetur, id esse clarum è tacita populorum, qui regnum Italiæ constituunt ac indubitato consensu, qui per tot secula nunquam id egere post Othones, à quibus pleno jure redacti sunt in potestatem, ut alium Regem quam eum quem elegissent Germani, haberent.

71. Sequuntur ultima Grotii verba; *Neque vero male Cynus & Ramerius tra-*

didere, si Imperator Romanus morbo aut captivitate impediretur, fungi Imperio, posse et vicarium dari ab ipso populo Romano. Nugatoria quæstio, pari decisione; nam in Germania dandi jus Vicarii nequidem ipse Pontifex jure populi Romani vindicabit; in regno Italiæ nemo in ipsum hoc jus contulit, nec id ab Urbe Roma dependet. In hac autem ipsa non laborabunt de Vicario Imperatori dando; à cujus imperio ipsum non minus quam Galliæ aut Poloniæ Regem excluderunt.

72. Et hæc quidem hætenus ad locum Grotii, natalem; magis studio in Pontificem Romanum, quod nisi plurimum fallor, ejus judicio præstrinxit; quam soliditate collectionis juridicæ vel historicæ; qui tamen propter auctoritatem viri & momentum negotii, silentio neutiquam transmittendus videbatur. Qui plura cupit, videat Limnæum *addit. ad jus publ. tom. 5. ad lib. 1. c. 4. n. 24.* & Commentatores Grotianos *ad h. loc.*

S E C T I O X.

Exhibens Dissertationem de Imperio.

Sine vi, à populo sui juris, constituto, primum editam anno MDCLXXXIX. adversus Orationem ejusdem inscriptionis, habitam Franekeræ in Templo Academico, Kalendis Juniis ejusdem anni, quâ rationes Auctoris in *Lib. 1. Sect. 2. & 3. de Jure Civitatis* expositæ, primum oppugnatae fuerant.

C A P. I.

Constitutio Quæstionis & de Origine Imperii Voluntarii.

Incertitudo Quæstionis de Imperio, ut non male dictum sit, fidei magis eam esse quàm doctrinæ. Occasio præsentis disputationis, contra sententiam, quod Imperium simpliciter constitutum primitus & unice à natura Mandati sit arcessendum. Ampliationem, quod pacto deinde plus juris in Imperantes sit translatum, esse irritam; quia pacta semper detrahunt Imperio simpliciter constituto. Ne quidem pactum successionis si accedat, augere jus Imperii simpliciter delati, quia successio tantum est continuatio Imperii primum delati. Si Imperium mandati jure censcatur, Imperium Regi semper abrogari posse. Non esse improbandam Hobbesii positionem; statum naturalem esse statum belli, facto, non jure scilicet. Ad hunc evitandum, opus fuisse unionem civitatis perpetuâ & indissolubili, qualis non est à mandato.

Disputationes de Jure Imperii, quod non à vi bellica, sed à voluntate liberi & sui juris populi originem habuit, nostro sæculo à clarissimis ingeniis apitata, his diebus, occasione motuum Britannicorum, denique incaluerunt.

2. Nec abs re forte quis ita existimaverit, inanem hujus rei esse disputationem; quando Recnantes ubique tantum juris habere creduntur, quantum manu completi & viribus exequi possunt, ut

hic fere unicus sit Arbiter hujus Quæstionis.

3. Præsertim, quando tam immanis est diversitas opinionum, ut cum omnium singulorumque rationes examina-veris, incertior sis multò quam pridem.

4. Non displicuit adeo institutum cujusdam ex Angliâ scripti, quod publico nomine, vero an prætexto, prodiit his debus, narrans eò rem disputando esse redactam,

redactam, ut fidei potius quam doctrinae Quæstio videatur.

5. Proinde sibi esse propositum, agebat, exemplis rem conficere, ut quod *Britanni* fecerunt, id jure factum videri, approbetur iis Populis, qui exempla duntaxat ab ipsis edita refellere nequeant.

6. Non est tamen hæc omni ratione destituta res, & quanquam victoriæ ratio non redditur, causam tamen quisque suæ causæ præterit; quin nec parum in animis populorum momenti habet juris conscientia.

7. Quanquam enim mortalium res factio magis quam jure constant, ita tamen non sedit humano generi, jus in viribus & potentiâ consistere, quod Hobbes & Spinoza volunt.

8. Cujus rei ratio quanquam satis educta & demonstrata fuit in *lib. 1. de jure Civitatis*, nova tamen occasio nata est, de naturâ summi Imperii, propriâ agendi dissertatione, quâ si nonnulla ex his quæ alibi collocata sunt, repeti videntur, in summâ tamen hac parte non metuimus offensam vel tædium Lectoris.

9. Duæ sunt opiniones summæ, de efficaciâ Imperii non violenti, altera quæ *Principibus*, altera quæ *Populo* infinitam potestatem tribuit.

10. Prior duplici viâ procedit, unâ, quæ potestatem Imperantium à Deo immediate arcessit; alterâ, quæ populum in Reges omnia, quæ transferre potuit, transtulisse contendit.

11. Sed hanc, uti nunc est, paulisper missam faciemus. Utrique ejus membro satisfacimus in loco, & refutavimus utramque hypothesin. Ut tamen causæ voluntatis humanæ singulari modo supermineat divina voluntas, quæ submissione voluntariam hominum, sine quâ civitates ipsique homines salvi esse

nequeunt, auctoritatis suæ religione sacrosanctam facit.

12. Posterior sententia, Potestatem supremam semper & in omni Republica populi esse commemorat; idque nunc quasi jure suo postulat ab iis, qui successu Anglicano gaudent, nec illa consilia laudare non audent.

13. Angli tamen diigenter id agunt, ne hoc jure suum Regem nuper expulisse videantur; quando se Regi Imperium non abrogasse, sed hunc illo se abdicasse videri voluerunt, idque decreto publico enixe persecuti sunt.

14. Quo magis nescio quam gratiam ab illis inituri sint, qui se *Britannicam methodum* aliter quam *Miltonianis* rationibus tueri posse desperant.

15. Meo loco jam pridem factum est; ut cum hæc pars juris, cuius est, eam tractare Quæstionem, mihi commissa fuisset, curæ habuerim, ut Auditores mei intelligerent, non opus esse ad effrenam dominandi licentiam intra juris cancellos coercendam, ut omnis Imperii vis aboleatur.

16. Quod parum aut nihil abest, quin è sententiâ, quæ statuit, Imperantes nihil esse quam populi procuratores Mandatarios, fiat.

17. Procul habeo causas ægre ferendi, quod adversus rationes meas, quibus inter impotentiam tyrannidis & insolentiam plebis mediam viâ curatè indagaveram, apud Academiam nostram disputari declamarique videmus & audimus.

18. Nam etsi id actum fuerit, ut rationes mihi propriæ refellerentur, quia tamen est problema tralatitium, ineptus sim, id si ullo modo succensendum putem.

19. Quin gaudeo potius, occasionem mea pressius examinandi exponendique veritatem liquidius, esse datam.

20. Quod

20. Quod quidem plane faciendum mihi fuit, ne primum caput Artis, quam fere quotannis vivâ voce tradimus, indefensum in loco destituisse videamur.

21. Modo æque faciles habeamus eos, qui hanc ipsam disquisitionem inchoaverunt, ut ferre queant dissentientes, quorum ipsi rationes primi impugnaverunt.

22. Sententia, quam volunt esse hujus temporis, novissime renovata est his verbis; *Imperium à libero & sui juris populo in Magistratum, Principem aut Regem simpliciter collatum, primitus & unice ex natura Mandati arcessendum; vim autem majorem aliquam esse à Pactis inter populum & Principem initis. In quibus terminis prora & puppis, initium & finis Orationis hac de re scriptæ & habitæ in templo Academiæ Franckeranæ, kalendis Junii MDCLXXXIX. continetur.*

23. Bene habet, quod Collator Imperii statuitur *populus liber & sui juris*, ut vis belli, præcipua & antiquissima Regnorum origo, ab hac disceptatione removeatur.

24. Sed hoc novum est in illa propositione, quod cum Imperii constitutio simpliciter incivitate facta, MANDATO perpetrari dicitur, *vis aliqua major* è Pactis inter populum imperantesque initis proficisci statuitur.

25. Nam quæ Pacta inter populos atque Reges iniri videmus hodie, vel quæ unquam inita fuisse accepimus, omnia pertinent *ad Regiam potestatem limitandam*, ac intra certos terminos coercendam.

26. Qualia certè videmus esse, quæ Germani, Britannorum, Polonorum alique populi olim novissimeque cum suis Regibus iniverunt.

27. Aded, ut si potestas Regia simpliciter delata nihil sit quàm *Mandatum*, pacta nihil esse possint quam circumscriptioes & quasi instructiones mandati

exercendi ac administrandi, ne sit Procurator *cum Liberâ*, quem vocant.

28. Nec mihi venit in mentem, ulla unquam pacta cum Regibus augendi juris eorum causa fuisse inita, nisi per abolitionem pactorum, quibus Summa Potestas prius adstringebatur, ut nostrâ memoriâ factum est in Dania.

29. Si facultatem successionis ad heredes, quæ sæpe venit ex pacto, & naturæ mandati non inest, huc referendam putet, fac cogites, hoc pactum efficere, ut jus delatum vere alienetur; neque mandatum quod morte extinguitur, amplius esse queat; cum translatio in heredes, alienatio in primis liquida & perfecta sit.

30. Præter quod, jus Successionis, utcumque sit alienatio, tamen intentionem augmentumve potestatis præstare non potest; cum solam temporis extensionem adferat.

31. Nam constitutio successionis, nihil est aliud, quam juris primo delati in heredem continuatio.

32. Quod autem successoria Regna plerumque videmus esse liberioris potestatis, non juridicis, sed politicis causis accepto ferendum; eo quod artes & usurpationes regnantium in successivis, facilius quam in Electivis Imperiis intercedunt.

33. Sed jus heredum per se nec majus neque minus est, quam fuit ejus, cui Imperium simpliciter est delatum, quemadmodum & de Magistratibus hereditariis obtinere manifestum est.

34. Unde colligi potest, quam juris & prudentiæ sit inops hæc sententia, *quæ Regiam potestatem simpliciter & sine Pactis delatam, à natura Mandati pendere statuit.*

35. Nam si Regia potestas simpliciter delata, eodem quo constituta est arbitrio revocari & aboleri potest, ut natura Mandati fert & novi Auctores diserte statuunt, *palam est;*

O o

36. Man-

36. Mandatum cum pactis adjectis, ne successorio quidem excluso, plus continere non posse, *quam ut mandatarius semper ab arbitrio mandantis dependeat.*

37. Proinde, si Britanni suum Regem ex Lege Mandati destituerint, ut hujus sententiæ Auctores velle debent, non est recusandum, quominus eadem Lege Mandati, Rex novus, ubi populi visum fuerit, ab re ipsorum administranda curandaque removeri atque dimitti possit.

38. Idque, tamen si Leges Mandati exactè servaverit; sub præstatione *indemnitate*, ratione impenlarum, & *gratiarum actione* pro opera præstita.

39. Nam hanc facultatem inesse mandati obligationi, notissima juris omnium gentium ratio & observatio dicat.

40. Sed absit Omen! credo, ipsos mandati Regalis Patronos esse dicturos.

41. Quamdiu tamen Pacta Britannorum cum Regibus suis *ad augendam potestatem Regiam simpliciter positam inita*, non demonstrantur, Thesi nobis contrariam ita ferre satis est manifestum.

42. Atque hæc ad statum controversiæ. In ipso tractatu Quæstionis occurrit primo adversus *Hobbesum* disputatio de jure *Naturæ*, nobiscum Oratori communis.

43. Nisi quod minimè negandum est, ut visum illi, *Statum naturæ esse statum belli*; hoc est, naturam hominum adeo esse corruptam, ut suos quoque proximos oderint, eosque si prævaleant, spoliare cupiant; adeo ut, si homines sine imperio agant, pax inter eos custodiri nullo modo possit.

44. Et si hæc humanæ naturæ perversitas non juris, ut *Hobbes*, sed injuriæ causa sit; quandoquidem ratio naturalis, utcumque corrupta, in alia omnia concedit.

45. Hunc casum belli promiscui, in quem incidit omnis *Anarchia*, tam ne-

cessario, quam id semper & ubique factum vidimus, *ubi nulla Civitatis erat unitas cum Imperio*, maximum esse malum, cuius sit capax humanum genus, non potest negari & fatentur dissentientes.

46. Idcirco hanc acerrimam hominibus causam extitisse *constituendi civitates*, tam clara res est, quam certum, *anarchia* vitium, nonnisi contrario stabiliendi Imperii instituto posse devitari.

47. Non excluso licet, amore societatis & mutuarum necessitudinum communicatione, rerumque judicandarum necessitate, de quibus Orator prolixè.

48. Quæ bona sine pace & unione Reipubl. haberi non possunt, & cum bello promiscuo pariter amittuntur.

49. Quamobrem *nihil actum erat ab hominibus*, quam diu talem non statuisent *Unionem*, qua statum illum futurum arcere bonæque pacis conservare possent.

50. Proinde nec dissolubilem, *nisi ob mala non minora, quam erat ille status belli* promiscuus, absque Imperio inevitabilis.

51. Hoc populos voluisse tam est dictu necessarium, quam illos *bellum omnium contra omnes* quam maximè averfari manifestum est.

52. Verum enimvero modus formandi talem unionem, *in libero sui iure populo* inde ab initio plane est arbitrarius.

53. Sive Imperium *uni* demandare homini, vel *pluribus* simul, aut *ipsi per se* retinere velint, ut contendit Orator & fateri necessum est.

54. Sed hoc è necessitate unionis illius & cautione necessariâ vitandi statum belli, satis intelligitur, Mandati contractum nullo modo videri potuisse sufficientem; utpote, quod semper in proximâ sit potentia revocationis; quali facta, sublato Imperio, recidit populus incontinenti in statum belli.

55. Et

55. Et sic velim, hoc observetur, Eam qui statuit, Imperium in Principem aut Regem simpliciter constitutum, primitus & unice ex naturâ mandati arcessendum, idem necessario statuere oportere de omnibus Imperiis hodieque simpliciter constitutis.

56. Quippe inter Imperia simpliciter stabilita sine Pactis specialibus, ut sunt pleræque Aristocratæ, sicut hodie ex-

tant, & quæ primitus sine Pactis simpliciter fundata sunt, non potest esse diversitas; quæ sanè a tempore solo proficisci non potest.

57. Nullam igitur vim facimus illorum sententiæ, quando æque illam ad hodiernam, quam ad primæva Imperia simpliciter, inquam, constituta, pertinere diximus, quoniam aliter res intelligi nequit.

CAP. II.

De Jure Imperii Popularis, quale fuit Athenis ac Romæ.

Populos cordatos Imperium sibi retinere solere. Formam popularis Imperii esse pluralitatem suffragiorum in singulis Imperii actibus. Ejus rei effectus. Singulos cives intelligi, renuntiare libertati suæ, in casum, si numero suffragiorum uniantur, sine discrimine juris, an injuriæ; quo spectare obedientiam, vulgo dictam, passivam; quam tamen non patere in infinitum, etsi ad minora mala non possit restringi, quod exemplis illustratur & objectiones quædam remouentur. Relinquere tamen licere Civitatem, si qui male habiti sint. Non ob stare huic sententiæ secessionem plebis Romanæ. Respondetur ad aliam objectionem. Concluditur, in populari omnique Imperio, Magistratus quasi mandato constitui. In exercitio Summæ Potestatis nullam dari speciem Mandati.

Contemplemur omnes Civitatis formas, & videamus, an usquam inveniamus Mandati contractum in Imperio primitus simpliciter constituto; & primo quidem ratione Democratiæ, live Imperii popularis.

2. Primo omnium, In quavis Reipublicæ formâ Summam Potestatem, si modo Summa sit, eandem, quod ad vim ac intentionem ejus attinet, esse oportere, manifestum est.

3. Qualis autem illa vis ac intentio sit, nos viâ quâdam demonstrationis propria indagavimus in Libro I. de Jur. Civitatis, cujus etiam ab Oratore comiter

inrisse, cur nos poenitere debeat, adhuc causam non videmus.

4. Initium facimus à facultate Imperii in civitate Populari, quam proximè à statu naturali longissimeque ab invidia, quæ hominum judicia præteringere solet, abesse manifestum est.

5. Nihil est propius & promptius, quàm ut populus sui compos & generosus ipse retineat Imperii moderamen, nec aliis se committat, summæ memor hominum improbitatis, avaritiæ sævitæque, dum adest licentia.

6. Nec aliter cordatissimi quique populi vel inde ab initio, vel post expe-

rientiam, præcipuis auctoribus Romanis & Atheniensibus, consuluerunt.

7. Modus exercendi regimen popolare ab iisdem est editum, idemque est unicus, qui in multitudine, dari potest; prærogativa numeri **SUFFRAGIORUM** in rebus summis, & **MANDATUM** improprie dictum in minoribus per Magistratus procurandis, quorum jus scilicet à majoris partis voluntate pendet.

8. Effectus conclusionis à majori parte factæ fuit idem, qui est in omni Universitate, quæ certo regimine continetur, ut decretum majoris partis omnium & singulorum voluntas censeatur.

9. Quod tam liquidè in campo Martio fuit observantiæ, ut cum pars major centuriarum consensiebat, reliquæ centuriæ, cum earum voluntas majori parti inesset, ne quidem rogarentur, ut memoriæ prodidit Dionysius Halicarnassensis.

10. Hoc autem ex præviâ submissione & renuntiatione singulorum manasse, tam certum est, quam clarum, quod in libero populo non detur exitus dissensionum, nisi hac viâ, velpugnâ belli.

11. Insignem igitur juris imprudentiam animadvertere licet in his verbis, de unionione liberi populi factâ in civitatem, prolatis; *Colere fœdus & societatem, sui æqualiter conservandi causâ, nec ulli suo juri, in quod erant geniti vel verbis vel animo RENUNTIAYERANT* (pag. 26.)

12. Namque libertas faciendi quod libet, in quam maxime sumus geniti, per fœdus civitatis & imperii popularis, majoris partis arbitrio subicitur, in casum, si quem in minore numero esse contingat, utque tam late patet renuntiatio, quam pene sunt actiones humane.

13. Proinde sine renuntiatione facultatis illius faciendi quod libet, si populo secus videatur, nullam posse constitui Civitatem, manifesta res est.

14. Nec quicquam refert, quod ad vim obligandi attinet, utrum rectius an pejus major pars sentiat; alioqui Lis super hoc judicio rem identidem ad primam redigeret confusionem, quam ut omnium malorum maximum, cives supra omnia vitare voluerunt.

15. Nec aliud dicendum, etsi malitia in parte majori adversus aliquos appareret: Ejus enim injuriæ patientia longe optabilior est, quam bellum aragius, idque singuli, antequam eveniret, rogati, præferre non cunctarentur.

16. Proinde, quod in thesi quisque censuit esse faciendum, id in hypothesi nemo improbare potest.

17. Hoc Cicero dixit his verbis: *Est enim Conditio liberorum populorum, præcipueque hujus Principis populi & omnium gentium domini atque victoris; POSSE SUFFRAGIIS VEL DARE VEL DETRAHERE QUOD VULT CUIQUE.* Nostrum autem, qui in hac tempestate populi jactamur ac fluctibus, est, ferre modicè populi voluntates, alligere alienas, retinere partas, Orat. pro Plancio.

18. Hæc est obedientia, quam vocant Passivam, Oratori nimis exosa, FERRE populi VOLUNTATES & injurias; Nam jus verum populus inique agendo non magis quam Privatus quilibet adsequitur: Et hinc pendet judicium de Petalimis ac Ostracimis antiquorum.

19. Nec tamen in infinitum durat hæc submissio & renuntiatio; non sane, si pars major coitione facta idagat, ut reliquos omnes aut magnam partem vitæ bonisque pro lubitu exuere possint: Id enim non esset minus malum, quam promiscuum bellum.

20. Verum ut vis aut damnum singulis illatum imperii solvendi causam præbeat, id Republ. condirere nullo modo voluisse palam est; salvo tamen moderamini-

deramine inculpatæ tutelæ, contra vim more latronis illatam.

21. Ita enim in animum omnes inducunt; non posse repub. sine magnis injuriarum exemplis haberi, quæ ferenda, eo quod utilitate publicâ contra singulos respondentur, ut de hoc genere Tacitus.

22. Atque ad hujusmodi contentionem submissionemque, populi facile descendunt, quoniam in fœdere Democratico conditio, spes & ratio par est omnium: Nec quicquam magis se superatum iri, quam alios superaturum, præsumere potest.

23. Equidem ab Oratore conceditur, minorem partem utrunque dissentientem ad sequendam majoris partis sententiam teneri, ferenda etiam minora quævis incommoda.

24. Sed majora mala, liberorum abductionem, mancipationem, decimationem gregum, armentorum omniumque proventuum, non esse ferendam.

25. Ad ea sic est ratio. Si pars major in id conspiret, ut minorem partem simul, aut carptim eo modo vexet, affligat & exhauriat, hic casus à nobis jam olim est exceptus, etsi vix facultatem habeat, neque extet, opinor, exemplum.

26. Injurix singulorum paucorumve ferendæ sunt, ut Cicero monet: Est enim hæc conditio & facultas populi ex primævo instituto acquisita, faciendi injurias impune.

27. Nec ideo tantum laudabiliter fecit Aristides & Camillus, quod exilia injusta patienter tulerunt, sed Themistocles & Coriolanus injuriam quoque fecisse judicantur, quod ob limiles injurias, quas pari debuissent, bellum Patriæ intulerunt aut paraverunt.

28. Imo, ajunt dissentientes, nec injurix neque juris iniqui quicquam, major pars Civitatis in minorem habet aut exercere ullâ specie vel colore potest.

29. Imo pars major, addam, agit per-

fide & sceleratè, quis neget? jus tamen ex consensione stabilitum est, propter injurias privatis illatas, Imperium Civitatis non resolvitur, nec vi agendum.

30. Dictum vetus & sanctum est, vim patriæ & parentibus non inferendam. Hoccene tantum de Patriâ parentibusque beneficis accipiemus? Digna res monitu, scilicet! ad duos & iniquos inprimis spectat.

31. Quid opus heic notissimam Juris, quod est bonum & æquum, & juris, quod est, facultas ad aliquid habendum vel agendum, inculcare distinctionem? qui nescit vim ejus, etsi terminos usurpet, temere se talibus immiscet.

32. Sed ajunt; Saltem secedere fas erit. Fugere quominus liceat male habitis, nulla verat ratio. Sed novam per secessionem in iisdem sedibus instituere Remp. contra fœdus unitatis esset, & belli principium inevitabilis.

33. Ajunt; Romana plebs, quum à Senatu, quocum comparata, erat veluti minor, certe inferior civitatis pars, durius tractaretur, secessit plus semel ex sede Patriæ, quod nemo veterum non laudavit. pag. 66.

34. Versamur in hypothesi Popularis Imperii, quale fuit Roma vetus, & hæc verba majorem partem è dignitate metiuntur! Tu dic, Senatus fuit inferior pars, quia numero minor. Auctoritatis aliquid, potestatis nihil habuit, quæ tota fuit populi, ut partis majoris. Denique, nihil aptius in rem nostram, quam specimen illud exempli proferri potest.

35. Superest aliud argumentum: Major, ajunt, pars, si à toto populo separari ac distingui potest, omni populo est inferior; quippe qui semper rescindendi potestatem habet, quicquid major illa pars statuerit.

36. Arguantur & fingunt majorem partem, quali semper eandem, iisdem semper

semper hominibus constantem; etsi ne sic quidem hæc consecutio valeret; nam major pars in se & semper eadem, nunquam subjecta fieri posset.

37. Sed *major pars in singulis decretis cum minore comparanda est, ut ratio Imperii intelligatur*, neque ulterius extendi potest; cum ipsa facultas perpetua penes populum sit, qui Imperium in se habere, saltem actu exercere non potest: sed ratio imperii, inquam, in singulis actibus, decretis & maximè in ultimo quovis decreto elucet.

38. Non quidem est impossibile, ut totus populus, nullo excepto, consentiat; sed quia hoc ut plurimum aliter se habet, ponendum est id, quod fallere non potest, ut decreta populi voluntate majoris partis inita intelligantur. Neque totus populus etsi consentiens plus juris habet, quam major pars; ac ideo nulla inter eos est oppositio.

39. Id vero plusquam manifestum est, partem majorem eventu suffragiorum identidem repertam obligare cæteros, non vi *mandati* ab his accepti, sed per modum renuntiationis & submissio-

nis in hunc eventum à singulis antea factæ.

40. Si qua pacta in antecessum, quæ major pars servare debeat, adjecta sint, hæc servari debere non est dubium; sed de his commodius infra agetur.

41. Non deest equidem Mandati usus aut similis in Imperio populari; Nam Magistratus, quibus administratio Reipubl. quotidiana committitur, per mandatum, vel saltem per jussum constituuntur.

42. Qui proinde semper obnoxii sunt populo ad reddendas rationes, novisque præceptis regi & circumscribi possunt, injurias etiam ferre populi, non secus ac quilibet Privati: Sed hoc ad Summum Reipubl. Imperium, quod est identidem in numero prævalente, nullo modo pertinere, non est quod moneamus.

43. Illud verò, quod Magistratus jussu potius quàm Mandatu constitui diximus, id hanc habet rationem; quod Mandatum sit inter pares, jussus est superioris ad inferiorem, & habet parendi necessitatem; quæ est etiam in muneribus publicis respectu Sum. Potestatis.

C A P. III.

De Imperio Optimatum.

Momentum differentiarum, utrum Imperii causa sit Mandatum, an Alienatio, exhibetur in exemplo Aristocratiae. Cujus potestatem raro Pactis limitari. Si Imperium ex Mandato sit, unam modo esse Reipubl. formam, Democratiam. Plerumque Aristocratias praescriptione temporis atque ita tacite & sine pactis constitui. Posse tamen & expressè, exemplo declaratur; cum actum non esse Mandatum: Jus Aristocratiae lapsu temporis stabilitate demonstratur & explicatur. Si tamen expressè Pacta cum Optimatibus inaequantur; haec & servanda, & quae contra sunt, ipso jure nulla esse.

Verum ejusmodi species popularis Imperii jure modoque administrandi, vix est, ut ulla detur amplius in Mundo: Confusionum tumultuumque experientia Monarchias vel Aristocratias, sive Regna & Optimatum Imperia passim introduxit.

2. Utraque, si de vi bellica non constet, populi voluntate ac consensu expresso vel tacito, post Deum, constituta esse oportet. Tertium enim non datur, nisi tyrannides ponas.

3. Nos de Optimatum potestate, quae proxime à populari civitatis genere abest, primo videbimus; sitne per Mandatum, an per translationem juris irrevocabilem, constituta.

4. Quantum intersit, utrum statuas, ex supra dictis intelligi potest. Nam si Mandatum sit principum Aristocratiae, Populus aut major ejus pars semper est superior Optimatibus Reipubl. praeposita. Hi semper tenentur ad rationes reddendas; semper in ordinem redigi & puniri possunt; Denique, semper iis potestas, etsi ad tempus certum aut ad vitam constituti sunt, adimi potest.

5. Haec enim est notissima Mandati

natura, quod cum totum sit in gratiam mandantis, quicquid de tempore aliisque conditionibus sit adjectum, à Mandantis nutu, qui manet rerum suarum arbiter & moderator, dependet.

6. Non valde acutum esse opus est, ad intelligendum, quantum à Republica petatur hoc imprudentissimo postulato, quod omnis Imperii simpliciter constituti vis & jus petendum sit à Natura Mandati.

7. Nec minuitur insolentia dicti, hac limitatione; quod pactus inter populum & imperantes major aliqua potestas deferri soleat.

8. Quid enim haec limitatio in Regibus valeat, NIHIL scilicet, jam prima capite probatum est.

9. In Aristocratias adhuc minorem habet usum; quia in stabiliendis Aristocratias, praesertim laxioribus, rarius aut pene nullus pactorum usus venit. Nulla sunt in Venetiis, nulla, vel pauca, si qua sunt, in Batavis, in Frisiis & vicinis Nationibus.

10. Singulorum municipiorum sua sunt privilegia; sed totus populus non habere solet pacta cum Proceribus Reipubl. ad uni-

ad universum regimen spectantia, quemadmodum Frisiz populus *nulla habet potestas cum Immoibilium possessoribus*, quos penes est summa potestas.

11. Nihil apparet quam simplex Imperii constitutio, quæ proinde ex Oratoris disciplina, pendet unice ex Lege Mandati neque differt ab Imperio primitus & simpliciter constituto, siquidem nihil ad summam, novi è pactis accessit.

12. Ac ita subjecta est populo, *semper ab eo dependet*, huic reddenda ratio, ab hoc aboleri, mutari, ad mandantes revocari aliisve deferri potest.

13. Hæc non sunt consequentia, quibus adversam opinionem oneramus, sed explicitæ notissimæque Mandati proprietates, quæ hunc titulum audienti ultrò sese offerunt.

14. Si quis autem in his rebus Optimatum Imperio adscribendis nihil incivile reperiat, eum nec hoc movebit, *quod secundum hanc sententiam, una tantum sit Reipubl. species*, DEMOCRATIA, modis administrandi variata.

15. Nam *Democratia est, quando summa potestas est penes totum populum, qui mandat*, vel injungit exercitium sui juris Magistratibus, ut ministris suis. *Mandatum semper relinquit jus ipsum penes Mandantes.*

16. Proinde, si mandatum à populo proficiscatur in Regnis & Aristocratias; *hæc non sunt species oppositæ*, quomodo adhuc creditum est, *Democratia*; sed huic *subordinate*, sive modi illius.

17. Summa Potestas est *Anima Civitatis* eique dat formam; *Si hæc semper est penes populum, non potest aliunde forma Reipubl. quam à populo arceffi.*

18. Quanto rectius Populi jus in Optimates translatum, iisque Summa Potestas, in Aristocratias, *nulli extero subje-ctis*, competere dicitur!

19. Nemo quidem antehac dubitavit,

quin Summa Potestas, ut in Democratia penes populum est, ita in Aristocratia penes *Proceres*, in Regno nullis pactis limitato penes Regem esset; ita finire sunt soliti juris publici intelligentes.

20. Sed qui ad omnia solita pridem nauseare sunt visi, non est mirum, si & alia paradoxa præferant.

21. Cæterum, exempla populorum, quæ Democratiam, habitâ deliberatione & expresso consensu, mutaverint in Aristocratiam, vel hanc primitus constituerint, pauca memorie prodita sunt, adeo ut pleraque sanè à *tacita voluntate repetenda videantur.*

22. Cujus rei hanc egorationem existimo esse; quod plebs libentius paret uni celsò Principi, quam pluribus se paulo majoribus, quibus non facile per specialem voluntatis actum se submittit.

23. Facilius patitur, quando à Demagogis non incitatur in Optimates, ut hi Summam Potestatem exerceant & præscriptione temporis adipiscantur, quo modo Summum jus imperii æque perfecte quam per actum voluntatis expressum acquiri, in capite de *Præscriptione S. P. supra* demonstratum est.

24. Quo casu cum locus non sit Pactis, Imperium simplex & quasi primitus delatum sese conspiciendum præbet.

25. Quominus tamen Aristocratia expresso quoque stabilietur actu, ratio nulla vetat; exempla quoque non desunt; etsi pleraque, ut in Belgis usu venit, è præscriptione longissimi temporis, aut memoriam excedentis, profecta videantur.

26. De Florentinis notabile est, quod cum hi populariter agerent, aliquando suum jus totum in paucos conferre sunt soliti ad tempus & ad certas causas, instat Dictaturæ.

27. Modus

27. Modus, quem deinceps in perpetuam translationem sed involuntaria, similiter observarunt, his verbis describitur à Guiccardino *Hist. Ital. lib. xi.* quæ cum venia Lectoris heic colloco.

28. *Convocato insu la piazza del Palazzo, col suono della campana grossa, il popolo al Parlamento, consentirono, che à circa cinquanta cittadini fusse data sopra le cose publiche la medesima autorità, che haveva tutto il popolo. Chiamano Fiorentini questa potestà così ampla, BALIA; Id est, Convocatus in forum palatii, per sonitum campanæ magnæ, populus ad Comitia, consensit, ut in quinquaginta circiter cives conferretur eadem potestas in res civitatis, quam totus populus habebat. Hanc potestatem adeo amplam vocant Fiorentini *Balia*, quasi projectionem.*

29. Credo nec Oratorem negaturum, si hoc modo liber & sui juris populus optimates in perpetuum civitati præficiat, quin hi verè summam potestatem non ex mandato, quod summo juri repugnat, sed per translationem habeant.

30. Verum ubi de tali translatione non constat, videndum, quid tacitus consensus ferat; Qualis erat fururus, si populus Romanus acquievisset in usurpatione Senatus, post Reges expulsos eique Rempublicam permisisset.

31. Quemadmodum in nostra Patria contigit, post ejuratum Dominum; Summa potestas non nisi ad populum per se redire poterat, nec adeo ad Rectores Civitatum in *Hollandiâ*, nec ad possessores immobilium in *Frisiâ*.

32. Quoniam pauci vel saltem longe minor pars populi non possunt in omnes habere potestatem, nisi vel ex *Consensu*, vel ex *Bello*.

33. Postèrius cum nullum fuerit, quo Proceres plebem subegerint, nihil superest, quam *consensus*, quo summa potestas vacua denuo stabilita fuerit.

34. Quando igitur nihil expressum est, fieri debet, quod unice in rebus humanis fieri potest, ut dubia voluntas & conjecturis & effectis colligatur.

35. Ex his autem manifestum liquet, non strates populos non mandasse tacite, sed abdicasse ab se jus summæ potestatis, ac ita transfuisse in Optimates.

36. Passi enim sunt inde ab initio, Rectores civitatum & Possessores immobilium non expressè ab ipsis constitutos, sine ullis pactis suo arbitratu Rempublicam administrare.

37. Ipsi populi nunquam de publicis rebus in unum convenerunt, ut vel præscriberent optimatibus, vel rationes ab illis exigenter.

38. Existimant quod res erat, ejusmodi conventibus universi populi, bonum publicum retardari, & omnium rerum foveri confusionem.

39. Neque deinceps dubitatum est, quod optimates egissent, perinde habendum, ac si à populo toto id actum fuisset.

40. Ardua quæque pacis & belli negotia ultimis & peremptoriis Procerum decretis constitui & finire, ne tacitis quidem rumoribus unquam sunt questi, idque jam toto seculo continuatum est.

41. Nullus ordo, nulla facultas, nulla potentia totius populi in unum convocandi. Nec ulli unquam fuere tales conventus, nisi per deformes & inanas seditiones.

42. Quas qui jure summæ potestatis, in populo fixæ, factas adseveret, ràm egregius auctor politicus fuerit, quam qui omne Civitatis Imperium è populi mandato arceat.

43. Quod igitur nunquam habet actum exercitum, ei nec actum primum nec adeo juris facultatem adscribere fas est.

44. Atqui jus totius populi majorisve partis

partis apud Frisios & in cæteris nostratibus liberis populis (sive *Provinciis*, ut more sæculi loquar) nullum habet actum exercitum, nec habuit unquam.

55. Ergo nec actus ei primus, qui semper & necessario est in Mandante, potest adscribi.

46. Consequenter, tam sua voluntate nostrates populi jus suum, quod ipsi plurimum prerogativâ exercere potuissent, transtulerunt in Optimates, quam populus Romanus id se nolle facere palam testatus est, quando Senatû Summam Potestatem usurpanti se opposuit, apud Livium lib. 2.

47. Non potest igitur populus *Venetorum*, *Bataavorum*, *Frisiorum* à suis Optimatibus repetere jus quod alienaverunt, quod transtulerunt, & quod repetere iisque adimere possent, si Proceres mandata à populo haberent potestatem.

48. Ne quidem etsi perverse consulant Proceres, etsi publicam rem negligant, majorem sui commodi, ut sit, quam communis rationem habeant, multisque hominibus præter rationem graves & iniqui sint, non est tamen populo jus, arma capiendi atque resistendi.

49. Cum enim nihil sit contestatius & liquidius hodiè, quàm quod olim Plato ad Dionem de sui temporis civitatibus scripsit; *ἐν ταῖς πόλεσιν καὶ πολιτοῦσιν, quod omnes male administrantur*; sententia, quæ mandantis jus Populo, mandarii Regnantibus adscribit, nullum unquam stabile jus parendi imperandique relinqueret.

50. Duntaxat, nisi palam sit, hoc a-

gere Optimates, quod vix fieri potest, ut *hostes se populi sui gerant*, vel data opera civitatem possident; hoc casu cessare foedus civitatis, antea demonstratum est.

51. Quod si populus *certa pacta* cum Optimatibus inierit, inde ab initio vel deinceps, aut si *ad tempus* illos præesse voluerit, non est dubium, quin acta factaque optimatum, post illud tempus, aut contra leges conventionis, *sine ipso jure nulla*.

52. Tantum abest, ut pacta *vim aliquam in arem*, Mandato scilicet Imperii, quod Orator volebat, circumdant.

53. Neque tamen etiam illa pacta conditionesque faciunt, ut delatio Imperii fiat *Mandatum*; verum, ut sit Translatio conditionalis, efficiunt.

54. Hac ratione Decemviri apud Romanos, acceptâ sane potestate summa, verum ad tempus & ad certum finem, elapso tempore vel expleto fine præscripto, nihil erant quàm privati; ut jure Cives, etiam privati illis restiterint.

55. Nec idem adfirmare veretur, si qua Respublica Rectores habeat annuos, cum summa potestate, qui post annum ut Imperantes se gerere perleverent.

56. Ut adeo frustra Decemvirali exemplo in rem suam & mandati probationem utantur Oratores.

57. Verum, ut antea dictum, Pacta vitandæ tyrannidis causa in Optimatum Imperiis adeo pauca sunt, quam rara tyrannidis in *Aristocratibus*, præsertim laxioribus, exempla, memoriæ sunt prodita.

C A P. IV.

De jure Regni simpliciter delati.

Constitutionem Regis sine pactis non habere naturam Mandati, probatur à quatuor Mandati proprietatibus; quæ in tali regno non habent usum. Ergo nihil superesse, quàm ut sit translatio juris & alienatio, Eligentesque fiant subiecti, ut in matrimonio, Tutela Curaque fit. Eam rem esse evidentiorē, si populus aut Ordines nullos habeant statos conventus. Idem sentire populos, quorquor Regum primitus & simpliciter constitutorum potestatem limitant pactis, quod in mandato fieri nihil est necesse, cum Mandatarius semper à mandante Leges accipere possit & debeat. Rursus idem indicare populos, qui ut regnum faciant absolutæ potestatis, nihil aliud agunt, quam ut pacta prius adjecta aboleant; quod Danico exemplo illustratur. Unde conclusio formatur ad subjectionem populi totius in regno simpliciter delato. Denique, jus divinum confertur & explicatur. Et de jurejurando, quod Rectores simpliciter creati præstant.

Sed Imperium Regale, quod jure belli non est fundatum, voluntate populo- rum expressâ plerumque constituitur, id- que vel *simpliciter*, vel cum certis pactis.

2. Quantum interfit, utrum constitutio Regis simplex sit *Mandatum*, an *translatio* juris, quod populus habet, *superius* intellectum est.

3. Nos ita existimamus, *Constitutionem Regis simpliciter factam*, esse *Translationem* juris imperandi totius, quod *habet* populus, aut alioquin optimates; cui *Pacta* tantum *derogant*, quantum in iis *constituitur*.

4. Orator constitutionem Regis simpliciter factam vult esse *Mandatum*; sed *Pactis* fieri, ut quandoque major aliqua potestas regnantibus tribuatur, contentit (*pag. 10.*)

5. Videamus primo de Rege simpliciter constituto, sine ullis pactionibus, quales plerique Orientis Reges olim ho-

dieque habentur, qualis & *Gallia* & *Dania* Rex nuper creatus.

6. Ejusmodi simplicem Regis constitutionem non esse *Mandatum*, probabimus, tam ex natura Mandati, quam ex jure, quod in talibus regnis, omnes in- veniri solentur.

7. Ad naturam Mandati pertinet, primo, quod *Mandans est superior*, Mandatarius *inferior & minister*, ac ita appellan- tur.

8. II. Mandans de singulis rebus Mandatario præscribere potest, & hic non tantum de dolo, sed etiam de culpa ne- gligentiaque tenetur.

9. III. Mandans semper revocare potest *Mandatum*, modo indemnem præstet Mandatarium; non tantum si male res gerat, sed etiam, quoties *Mandator* per se vel per alium res suas administrare mavult.

10. IV. *Mandatum* suâ naturâ non transit

transit in heredem, sed morte semper extinguitur; quia in illo certæ personæ indutria eligitur, cujus æstimatio non semper transit in heredes, idque non modo civili, sed etiam universo jure moribusque Gentium servatur.

11. V. Concessio alicujus juris illi & heredibus ejus facta, nihil est aliud quam alienatio, quæ est Actus, quo jus aliquod de personâ in personam transfertur. Proinde nec magistratus jure hereditario delati, sunt amplius officia demandata, sed munera proprio jure competentia, quæ nec adimi possunt, etsi legibus certis & nomine superioris administrentur.

12. Quippe omnes hæ proprietates non modo in privatis, sed etiam in publicis Procuratoribus, id est, Magistratibus, qui Mandatu vel jussu summæ potestatis constituuntur, ita se habent, ac ita observantur, tam in Democratia quam in aliis civitatibus.

13. Sed in Regibus simpliciter constitutis nullo modo habent usum.

14. Nam I. Reges à populis suis vocantur *Domini Clementissimi*, non tantum à singulis, sed etiam ab universis, nec modo per complementum, ut ajunt, civilitatis, sed etiam *regum natus* & solenniter; populi se appellant, *subjectos fidelissimos*, ut non modo *Dani*, sed etiam *Angli manducæi* congregati.

15. Ita nemo unquam Dominus mandans adversus Mandatarium suum locutus est, aut loqui potest.

16. II. Nunquam populi Regibus simpliciter constitutis de singulis rebus præscribere instituunt; etsi aliquando supplicantes, quod mandantis qualitate repugnat, videas; extremis solummodo violentiis resistere quandoque solent.

17. III. Nullus unquam populus contendit, ut jam postuletur, *jus sibi esse Regi simpliciter constituto abrogare potestatem pro lubitu & pari libertate quæ*

constituit illum, ut naturæ mandati consentaneum esse diximus. Nihil naturæ negotii manifestæque partium voluntati magis est contrarium.

18. Quod si Regnum certis Legibus sit delatum, ut nuper Anglicanum; in cæteris, extra Leges exceptas, aliter habere se non potest, quàm ut primitus & simpliciter constitutum.

19. At si hoc à mandati naturâ sit æstimandum, nihil obstat, quominus Ordines populi, deinde novas leges Regi præscribant, quibus ejus potestas magis magisque restringatur.

20. Quod tamen ita non esse juris, Angli ipsi, quorum disciplina minus quam aliarum gentium à mandatariis opinionibus abhorret, arbitrantur, aliterque observant.

21. Regna primitus & simpliciter delata, pleraque successiva sunt; multo paucioribus electivis: Atqui jus successionis mandati naturæ adversum esse, nihilque liquidius arguere alienationem antea demonstravimus.

22. Ex his omnibus liquet, Regiæ potestatis constitutionem nihilo secus se habere, quàm fert natura cujuscunque potestatis, cui se aliquando volentes, subijciunt.

23. Minor, qui Curatorem; Uxor quæ virum; servus qui Dominum eligit (juris est Hebræi, atque Romani,) quam potestatem voluntate sua fecerunt, ei subiecti sunt, ut eadem se eximere nequeant.

24. Quod si jus Regium non sit ex mandato, sicut inde non esse probavimus, debet esse à translatione juris, quod eligentes habent & quod Regi cesserunt, dederunt.

25. Hoc est evidentius, quando populus, Rege constituto, dilapsus est, ut nunquam redeat, nec ullus ordo, nulla facultas conveniendi & de publicis rebus

bus deliberandi jubendique reservata est.

26. Nullum enim potest evidentius signum esse, quod totum jus suum abdicaverit, idque universum in Regem transtulerit, quam hujusmodi infinita dissolutio.

27. Præsertim si antea, cum juris non parum ipse populus & optimates retinuerent, convenire sine soliti, quemadmodum in *Dania* vidimus factum.

28. Quod enendum ad hanc positionem, Rex nunquam in mandata sibi à populo *Republ.* tantundem juris obtinet, quantum ipse populus; nisi is disertissime ad ei concesserit, & clarissimis verbis induitque locutionibus suum à se jus prorsus & plane in Regem illum transtulerit (pag. 67.)

29. Valde vereor, ut qui sic loquuntur, quid Mandatum sit intelligant, dum à mandato translationem juris, quæ sunt res oppositæ, excipiunt.

30. Verum qui antea Mandatum ita explicuerunt, quod sit, ubi potestas quo arbitrio data est, eodem adimi potest, oportet heic memoria connexionis sint lapsi.

31. Tu potius ita collige; Si Imperium non sit ex mandato, ut demonstratum est; sed ex translatione juris, simplex ejus constitutio est alienatio universalis.

32. Propter hanc regulam; Oratio indefinita æquipollet universali, non minus in populari sermone, quàm in definitionibus Artium.

33. Hoc agnoscunt omnes populi, quibus solenne est, simplicem Regni delationem limitare pactis, & exprimere, quas res Imperio delato velint exceptas.

34. Quod nullius ulus & ineptum foret, si vera esset Oratoris sententia; simplicem Imperii delationem unice à Natura Mandati. Tunc enim nihil proprium haberet Rex, nihil quod excipi opus esset, aut excipi posset, penes eum existeret.

35. *DANI* cum absolutum in Regem suum Imperium totumque jus populi & optimatum nuper in illum transferrent, nihil aliud fecere, quam quod Pacta Legeque Regia potestati præscriptas abolerunt, librumque eorum, Regi tradiderunt, ut testatur oculatus testis *Terlonius* in suis memoriis libus.

36. Argumento; se Pactis sublatis, rem intelligere esse redactam ad statum Imperii primitus & simpliciter constituti, & ad summam sine fine potestatem, nisi quem finem populus & optimates ipsi habuissent.

37. Verba *Terlonii* cum venia Lectoris, etsi peregrina, apponam; *Les États s'assemblerent dans la grande salle du Chateau, ou le Sénateur Trolle presenta au Roy de Dannemarc, de la part de la Noblesse, Le Handfestnung, qui est un livre, que l'on nomme ainsi, ou sont toutes les Loix contraires à la Souveraineté, qui s'alloit établir. Id est, Ordinibus in Aula majore congregatis, Senator Trollius Regi Daniae tradidit librum, cui nomen erat Handfestnung, quia in eo continebantur omnes leges contrarie absolute potestati, quæ erigebant, idque nomine Nobilitatis, urgente imprimis populo, ut satis constat.*

38. Omnis igitur ratio generis humani omnino conspirat in hoc, quod Juris Consulti Romani colligunt ex Lege Regia; Imperio populi simpliciter in Regem vel optimates translato, totum quod populus in se suasque res habuit, jus esse translatum.

39. Atque adeo populum vi suæ voluntatis non posse redire ad bellum, nisi Rex hostis populi sit factus, atque ut talem se gerat, quem calum & in Democratia excepimus.

40. Quod facere intelligitur, si data opera quolibet ex populo perimat, spoliet, vexet;

vexet; in eoque præfractè perseveret, fere ut unus olimalis; Hoc agamus, ait, ne quisquam quicquam habeat.

41. Verum ut linguli ob ejusmodi injurias, *quandiu institutum illud non patet nimis late, nec fit generale*, se armis opponant, non convenit cum natura fœderis, quo Civitas constituitur.

42. Multo minus cum patientia Christi populo imposita; neque cum literis sacris, aut usu veterum Christianorum.

43. Quatenus satis constat, in Dei
litteris nihil esse, quo potestas fiat, ob in-
urias corporis aut bonorum, vel populo
toti aut ejus parti, ob talia quæ non ar-
guant animum hostilem, aut præsentem
Civitatis magnæve partis ejus ruinam,
se Regum actis opponendi armis belli.
De moderamine inculpatæ tutelæ contra
vim more Latronis illatum, antea
diximus, nec est hic agendi locus.

44. De Textu Samuelis *Σὺ δὲ κἀμὲν*
τὸν Ἰσραὴλ, alibi à nobis absoluto, probatum est, nihil opus esse, ut vocem Hebræam aliter quam solito more per *Jus* reddamus; Sed *Jus*, quæ Prætor facit, quando inique decernit, ut Paulus docet in *l. pr. d. Justitia*, obligans scilicet ad patientiam, siue passivam obedientiam; in quam vocem valde ringuntur politici Mandatarii.

45. Novi quidem ad locum istum nihil admodum attulerunt. Nam quod multis verbis populo non fuisse propositum, se Regum injuriis subdicere, sed judicio & ducatum in bellis quaeruisse contendunt, hæc est indubitate mens omnium qui veniunt in civitatem.

46. Sed quia prudentium est scire, quam perversè homines potentia sibi delata soleant uti; secunda consideratio est, quam Samuel iis inculcat, fore ut, si Reges male regnent & injurias committant, idcirco jugum excutere nequeant.

47. Nec id unquam legimus populo

auctores fuisse Prophetas, ne quidem
adversus Reges impientissimos.

48. Nam defectio decem tribuum à Roboamo, unde juris argumentum ducit Orator, iusto quidem Dei iudicio & decreto, sed nullo bono exemplo consiliove, via pervulgata tumultuantis plebis, & ampetrata tyrannidi imminetium perpetrata est.

49. Valde sibi placent dissentientes in eo, quod Prophetam à Deo inspiratum, morem tyrannicum joris nominæ fuisse demonstraturum, minime credendum sit.

50. Ego vero jus esse statuo, per quod filius à Patre, Uxor à Marito, Servus à Domino, Civis à Civitate male habitus, ad *passivam*, fas erit hac voce, opinor, ut, *obedientiam* tenentur.

§1. Ejusque juris Deum Auctorem, atque eundem injuriæ à parte facientis vindicem esse probo, quæ nullo modo pugnare sciunt divini atque humani Juris Consulti.

§2. Definendum igitur in hoc est. Regiam potestatem simpliciter à Populo, nullam Imperii partem excipiente, delatam, non esse Mandatum, sed esse juris quod populus habebat, translationem, ita, ut de Aristocratiis antea intelleximus.

53. Atque ideo de Regibus ita consti-
tutis recte dixeris quod Arxiprius antiquis

ni ad suum Regem, apud *Æschylum*:
ΣΥ ΤΟΙ ΠΟΛΙΣ, ΣΥ ΔΕ ΤΟ ΔΗ' ΜΙΟΝ.

ΠΥΤΑΝΙΣ ΑΚΡΙΤΟΣ ΩΝ.
 TU QUI ES POPULUSTOTA;
 QUE CIVITAS

Q. E. CIVITAS
 JUDEX JUDICIS EXPERS.

Quod hodie nemo de Senatu Veneto,
de Ordinibus Batavorum & possessoribus
Immobiliū in *Frisia*, juxta urbem
Rectores, prædicari nuntium ar-
bitratur. Ergo nec de Regibus insolens
haberi potest.

54. Multi opinantur, Reges simpli-
citer constitutos per jusjurandum, quo
se iura

se jus & justitiam administraturos spondent, arctius obligari.

55. Sed probatum est aliàs, per jurandum non contrahi novam obligationem, sed eam quæ fuit, sanciri, fir-

mioremque non arctiorem fieri, Reges male consulentes fieri perjuros & divinæ vindictæ obnoxios; populos ad resistendum nihilo plus juris quam prius habuerant, adipisci.

C A P. V.

De Contractu Originali & Jure Regni Pactis Limitati.

Sententia illorum, qui negant inter Imperantes & Subjectos ullum dari contractum originalem, nihilque esse quam compromissum inter subjectos, pluribus exponitur. Non probatur tamen, sed in diversum disputatur. Posse Rectores à populo per mandatum constitui, si hoc expressè agatur. Sed mandati hypothesin in Imperio simpliciter delato esse ab re alienam. Dari sane contractum Originalem in Imperio, & hunc esse Cessionem sive Juris sui in alium translationem; In quâ facta etiam simpliciter, exceptiones dari tacitas, cum generales, tum Regno speciales, quæ recensentur. Expressas aliquando tollere, aliquando arctius reddere Imperium. Jus ex illis acquiri, & Leges fundamentales fieri, non modo ex mutuo consensu inde ab initio, sed etiam stabilito Imperio & ex præscriptione. Quando thronus Regni vacare dicatur. An & quo jure successionis ordo interrumpi possit.

Probavimus, delationem Monarchiæ primitus & simpliciter factam non esse à Mandati naturâ arcessendam. De regno Pacti inter populum & Imperantem munito, non est, quo id agamus, ut mandati naturam ei convenire probeamus; quia dissentientes ipsi per Pacta recedi volunt ab originali mandato.

2. Sed tamen ad Imperii simpliciter aut certis pactis constituti naturam pertinet Quæstio, nuper etiam in Angliâ mota, an inter Imperantes atque Subjectos intercedat omnino aliqua Conventio, sive *Contractus*, quo primum fundetur Imperium, unde *originalis* vocetur.

3. Qui negant, hi simplicem Imperii constitutionem per modum *Compromissi*

omnium singulorumque civium inter se considerant.

4. Ne de illis, qui Imperium à Deo, sine medio suprà cives impositum, derivant, loquamur, ut aliàs factum.

5. Quando litigantes metu belli judicari in Arbitrum *compromittunt*, hoc fit mutua conventionione inter ipsos; *Quod Titius de nostra controversia statuet, id tu servaturum te spondes? Et Tu vicissim? Spondeo*, dicitur utrimque. Hoc est compromissum, cujus vi partes stare coguntur Arbitri sententiâ, *sive æqua sive iniquâ*, sine ullo provocationis remedio.

6. Quanquam autem omnis Arbitri potestas ex compromisso veniat, nullus tamen inter litigantes & Arbitrum vertitur *Contractus*, quo hic se bene judicaturum

turum promiserit, sed tantum *Contractus*, quo Arbitrium recepit.

7. Interim, Litigantes certos limites Arbitrio futuro præscribere solent, quos si excedat, ipso jure nullum est, quod facit & jubet; quia potestas ejus unice de compromisso partium pendet.

8. Eodem modo, ajunt, qui illorum sunt moderatiores; Civitatis Imperium metu belli fundatur in reciproca promissione Civium, hujusmodi in *Democratia*; *Quod pars major populi statuet, id tu facere, pari spondes? Spondeo. Et Tu vicissim? Spondes* similiter: sic totus populus conjungitur. In Aristocratia, in Regno: *Quod optimates, quod Rex statuet, imperabit, faciet, ei se paritutum spondes?*

9. Hactenus cives inter se conjuncti sunt; pars major, quæ tum adhuc nulla est, cæterique Imperantes, et si recipiant Imperium, sub lege, certo modo regnandi, eo, quem diximus, nullo tamen contractu tenentur.

10. Si tamen ante receptum Imperium certæ leges regnandi præscribantur, has limitare potestatem regnantis; ut acta contraria sint ipso jure nulla, dictum & certum est.

11. Non quod Leges istæ per modum Contractus eum obligent, sed quia vim habent legum *fundamentalium*, nec plus juris habere possit quam Populus voluit.

12. Sicut epim Arbitræ, qui compromissi limites excedit, nihil quam jus privati, sicut est, in reliquis habet, ita nec Imperantes extra terminos in primæ Imperii constitutione sibi præfixos, aliud quam privati intelliguntur.

13. Jusjurandum, quod fere sequitur imperii delationem, non facit novum cum populo contractum; Imperio jam pridem stabilito, sed obstringere Imperantes Deo, jam diximus, ac ita sancit leges priores, aut officium Imperantis simpliciter constituit.

14. Quin ante præstitum jusjurandum Rex electus aut hereditarius eandem potestatem exercet, quam postea; Nisi aliter expresse cautum sit, ut nuper *Scoti* factum accepimus.

15. Hæc in casu Regni constituti; sic, ubi de contractu inito non constat, haud insubtiliter disceptantur.

16. Imò, in dubio contractus inter Regem populumque, præter acceptationem ejus quod cives inter se compromiserunt, præsumi non posse videtur, quia contractus sunt *facti*, quos ut probari oporteret, præsum non licet.

17. In Democratia non videtur ejusmodi contractui locus esse posse, quia pars major, quæ exercet Imperium, stabilita demum imperio, existet.

18. In Optimatum quoque Republica, vix est ut talis stipulatio interveniat; quia plerumque stabilitur in incertas personas, sicut in exemplo *Bætiæ Florentinæ* superius demonstratum est.

19. Adversus hanc tamen sententiam disputavimus in *lib. 1. de Jure Civit. sect. 2. c. 4.* ubi probatum, in ipsa quoque Democratia dari *fidem* inter Imperantes atque subiectos.

20. Idcirco illos, si non proponant sibi, ut Legem Supremam, populi salutem, perfidiæ reos non modo in Deum, sed in ipsum quoque populum fieri demonstravimus.

21. Sic tamen, ut ab illo foederis articulo separatus sit alius, qui est de Imperio ob injurias imperantium non dissolvendo.

22. Quæ ratione Rectores maleconfulentes sunt quidem perfidi; sed tamen ad injurias regnantium ferendas tenentur subiecti.

23. Nisi ob demonstrationem hostilis in populum animi, vel ob causas specialiter expressas.

24. Tenemus igitur in universum, dari contractum originalem, inter quemlibet po-

bet populum Imperantesque à populo constitutos.

25. Sed contractus ejus partes plerumque multo evidentiores sunt in Regno quam in Aristocratiâ.

27. Qualis sit contractus species, ex re gesta natura; negotii intelligendum est.

28. Plane si populus ita faciendum putet, ut Regem Mandato constituat, quominus ita faciat, nihil magis impedimento est, quam in Magistratibus constituendis.

29. Quin si Magistratibus suis Regum nomen tribuere velint, nec vocis etymologia, nec forsitan exempla deficiant, etsi à more populorum, imprimis Latinorum, id est alienum.

30. Talis Rex Mandatarius fuit Theſeus Athenienſium, ut ipse quidem fateatur apud Euripidem.

Δῖμος δ' ἀνδρῶν, κ' ἄρ' ἔστις

Πολεὺς ἀνδρῶν ἀρχὴ πῶλος.

Hic populus imperat, nec uni

Subiecta civitas tenetur.

31. Hoc autem fit, quando ipse populus jura summæ potestatis sibi reservat, pacis & belli, ferendarum Legum, summam provocationem, creationem Magistratum præcipuorum, & cætera & regni instrumenta.

32. Quando autem populus Regem simpliciter constituit nihilque sibi retinet; si quis tum velit Mandatum concipere, is amat contradictoria, nec potest aliam imperandi formam habere in animo, quam fuit in castris apud Trojam ex sententia Achillis, Ajacis & aliorum; Qui sic Agamemnoni parituros se quatenus bene imperaret; si perperam consuleret, dicto se non fore audientes profitebantur. Verba Euripidis in hanc rem alibi exhibuimus.

33. Hæc omnino est ratio Mandati: Quamdiu placet administratio, continuatur; quando piget, revocatur.

34. Et credo eos, quibus à pueri Civitatis imperium à Mandato pendere visum est, difficulter limites inventuros, quos ultra citraque Rectores simpliciter creati procedere nequeant.

35. Aut enim Mandatum non est, aut à Populi arbitrio, non à Rectorum prudentiâ judicium, bene an male fungantur regimine, dependet.

36. Quam bene autem se talis civitas habitura sit ad pacem, si quis ad intelligendum demonstrationis egeat, cum eo de his rebus disputari non posse, merito quis dixerit.

37. Qualis igitur est contractus? Est cessio & alienatio, cujus titulus Imperium, eaque vel simplex vel limitata pactis & conditionibus.

38. De simplici actum, capite præcedenti, deque eâ tenendum; Etsi nullæ conditiones ei palam adjiciantur, inesse tamen nonnullas ex natura negotii, quod agitur.

39. Præter eas, quibus etiam in Democratiâ locum esse diximus, de animo hostili & de vi more Latronum facta.

40. In voluntariis tacite intelligitur, I. Salvam civibus esse debere libertatem personarum, rerumque suarum Dominium.

41. II. Imperantes non posse alienare civitatem vel ejus partem, Regesque nihil ultra terminos viræ de Imperio statuere posse, & si qua similia.

42. Sed expressa Pacta in Imperiis voluntariis plura vel pauciora sunt, ut quisque populus libertatis suæ providus aut fiduciâ erga Principes securus est.

43. Nam in Aristocratiis, ut sæpe dictum, maxime laxioris numeri, pauca vel nulla sunt, inter populum & Optimates, pacta conditionalia.

44. Utrum autem tollant conditiones Potestatem Summam, an arctius duntaxat exercitium ejus faciant, ex

Q. q

qualita-

qualitate sententiæque singularum est colligendum.

45. Tolli videtur, quando sic constitutum est, ne quicquam Rex in summâ Republ. sine consensu Senatus vel Ordinum populi facere possit.

46. Quo casu, Summa potestas inter populum Procereſve cum Rege communicatur, atque ita omnino in hujus persona definit esse *Summa*, sicut usu venit in *Polonia*.

47. Quod si communicatio non fiat in universum, sed de certis capitibus, ibi non tolli, sed minui summam potestatem, ratio dicitur, ut fit in magna Britannia.

48. Hujusmodi conditiones tribus modis constitui videntur. Aut per modum ferendi leges, inde ab initio, vel prævio consensu Regnantis, vel per præscriptionem.

49. Inde ab initio, per modum Legis, prius quam Regnum constituatur, vel cum postea *thronus vacat*.

50. Vacare thronus dicitur in Electivis regnis, quoties Rege mortuo, novus eligitur, cui novæ conditiones identidem præscribi possunt, ut fit in *Capitulationibus*, quas vocant.

51. In successivis Regnis *vacat thronus*, quando Regia stirps deficit, aut quando successio interruptitur.

52. Quod jure fieri nequit, si verum est, quod probavimus; Imperium à populo esse alienatum; nisi quando *verè* casus existit, quo Respubl. *aliter salva* esse non potest, qui casus est *facti*.

53. Quod si demonstrare voluerint, qui nuper in vicino regno ingeminabant, *Rege opus esse de jure, vel de facto*, & hunc modum posse legitimari; nec ratione neque exemplis, destitui videntur.

54. Quatenus nulla forte gens tam monarchica aut successoria est, in qua plura ejusmodi exempla jurisfacultatem non induerint, sicut bis apud Francos Galliarum usu venit.

55. Non vacante throno, novæ regnandi Leges stabiliri non possunt, nisi Rege consentiente per modum Contractus, quorum obvia sunt exempla, nulumque *περὶ γένεσιν πρῶτον*, quam in Frisia Orientali.

56. Denique, Præscriptione Regna simpliciter delata sæpe fieri conditionata, quemadmodum limitata quandoque simplicia & absoluta sunt, probavimus. in *lib. 1. de jure Civit. cap. 25.*

CAP. VI.

De Sanctione Legum Fundamentalium.

Leges fundamentales habere sanctionem, sive clausulam executoriam, eamque expressam vel tacitam. Quid illæ, quoad effectum, differant. A quo & quomodo fundamentalium executio Legum fieri possit. An violatis illis Legibus, Imperantes excidant jure potestatis suæ, ubi de clausulâ Commissoriâ. Quis sit Tyrannus; eaque res exemplis illustratur, Belgarum & Anglorum.

Conditiones alienationi Summæ potestatis adjectæ, sive per modum Legum, quas Fundamentales vocant, sive per modum paciscendi concipiuntur, *Sanctione* sive clausulâ executoriâ, quæ det illis effectum, confirmantur.

2. Sanctio autem illa est expressa vel tacita. Expressa, quando populus aut Proceres stipulantur, *ut si Rex non servet eas Leges eave pacta, tum cives ad obsequium non teneantur.*

3. Talem Poloni & Hungari suis electionibus adicere sunt soliti, & illi quidem non desierunt; hi novo Regi suo volentes nolentes, eam nuper sub titulo de Edicto Regis Andræ tollendo, remiserunt.

4. Tacita *Sanctio*, quæ verbis non exprimitur, sed ex animo sententiæque partium negotiique naturâ tacite intelligitur.

5. Inter expressam autem & tacitam hoc interest, ut videtur. Vi expressæ sanctionis, singuli cives aut Magnates habent jus opponendi se & resistendi his, quæ contra pacta fundamentalia fiunt.

6. Sicut in Polonia singuli Nobiles habent jus Tribunitium intercedendi & comitia rumpendi, atque in Edicto Regis Andræ continebatur, Rebelles non fore, qui Regum actis contra leges susceptis vim opponerent.

7. Ex tacita sanctione, quam recte dicimus inesse cunctis Imperii pactationibus originariis, duplex effectus oriri videtur, primus & secundarius.

8. Primus est nullitas, quatenus acta Regum Pactis fundamentalibus contraria, sunt ipso jure nulla.

9. Quia Rex potestatem sibi delatam notoriè excedens, hætenus ipso jure sit privatus.

10. Secundarius effectus est, qui inde mediatè oritur, *Jus de facto*, ut ajunt, se opponendi atque resistendi.

11. Hoc singulis non competit, verum his qui pacti sunt, aut parti illorum majori.

12. Nam singuli, qui non pacti sunt, jus universorum occupare non possunt, quibus competit existimare, quando Leges exequi vel pacem præferre velint.

13. Proinde, singuli tenentur *ad obedientiam duntaxat, passivam*, ut ne consentiant, nec faciant quicquam parendi causâ, sed vim duntaxat ne opponant.

14. Quod si tantus sit excessus Legum & tanta vis dominationis, ut nullum sit dubium, quin hi quorum est jus pacti, si possent, opponere se vellent, dicendum est, initium à paucis fieri posse.

15. Rati habitio quoque libera eorum, qui jus pacti habebant, eandem vim heic

loci, quam semper, obtinebit, ut pro Mandato habeatur.

16. Harum rerum evidens usus venit in motibus Belgicis, qui à paucis Proceribus & infimâ plebe, non ab iis quibus ab antiquo jus populi erat, sunt inchoati.

17. Sed postquam de nullitate plurimum à Principe actorum non dubitabatur, nec etiam de animo majoris Procerum partis, ut ex ratihabitione liberima dein approbatum est, acta gesta paucorum legitima sunt.

18. Idem in novissimo Angliæ Scotiæque processu ac eventu curatè observatum esse, palàm animadversum est.

19. Ex his facile colligitur, in Regnis & in Aristocratiis simpliciter constitutis, ubi nulla sunt Pacta originalia, non oriri tale jus primævum aut secundarium; nisi faciant Imperantes contra quod tacitè in omnibus Imperiis excipi *suprà* demonstravimus.

20. Sed an violatis quibusdam pactis originalibus, Imperantes idcirco excidant Regno, si clausula *Commissoria* expresse non sit addita, non facile dictu est.

21. Fit autem clausula *Commissoria*, hoc modo; Si is, in quem rei vel juris aliquid translatum est, non stet pactus; tunc illam rem vel jus illud amissum iri.

22. Satis constat, si pacta contractibus adjecta non servantur; agi ad reparationem, non ad rescissionem contractus.

23. Nam illi plurimum errant, qui inter pacta contractibus adjecta & inter conditiones, à quibus contractus suspenduntur, non distinguunt.

24. Dicendum igitur, jus removen- di Imperantes, non oriri ex violatione quorundam pactorum fundamentalium: sed jus in ordinem illos redigendi.

25. Veruntamen & hoc certum est, tyrannos posse removeri, non tantum

eos qui titulo tales dicuntur, sed etiam qui jure constituti in *exercitium* tyrannidis degenerant.

26. Quid autem sit *Tyrannus*, perplexa disputatio est. Tu nihil errabis, opinor, si dicas; Tyrannum esse in Imperio simpliciter delato, qui *hostilem animum induit adversus suum populum*.

27. Et in Imperio pactis limitato; Qui *jus sibi delatum notorie atque præfractè egreditur, idque exequitur*.

28. Egressus notorius inchoat, executio *præfracta* absolvit tyrannum.

29. Ne quis putet, hoc vocabulum solis convenire *sanguinariis*.

30. Quando igitur Princeps non contentus egredi terminos potestatis sibi delatæ, monitus aut rogatus non desistit, sed iis se nolle teneri demonstrat, in eo- que præfractè perleverat, hunc esse tyrannidis reum & posse removeri, nulla de jure dubitatio est.

31. Hac ratione, Belgarum populi sunt usi, qui plus decennio se intra terminos resistendi continuerunt; antequam Principi suo Imperium abrogarent.

32. Nec id faciendum credidere, nisi postquam in *Præfractè* multiplici experientia constiterat, cujus momenta in decreto *Abrogationis* sollicitè recensuerunt.

33. Ut tamen longi temporis spatio, quod decennio à Juris Consultis finitur, non sit opus, ad colligendam ejus rei certitudinem: præsertim si quis populus Regem suum habeat præsentem, ejusque acta testis oculus inspiciat.

34. Hoc etiam inter tyrannum populi hostem & Pactorum violatorem, interesse, merito statuetur.

35. Ut qui animum erga populum hostilem ultro & ex libidine suscipit eumque demonstrat, is etiam jure possit occidi, adeoque si res ferat, per sententiam damnari, ut factum est in Neronem.

36. Qui

36. Qui vero pacta duntaxat servare præfractè noluit, in hunc poena, Remotio ab Imperio & Cautio, ne redeat, nec humanitatis ratio paritur, ut exemplo Davidis in Saulum rectè probatur.

37. Denique, Personam Principis

extra consequentiam remotionis, male haberi, nec juris neque dignitatis, nec humanitatis ratio paritur, ut exemplo Davidis in Saulum rectè probatur.

C A P. VII.

Comparatio Mandati, à quo Imperium pendere dicitur, cum priore sententiâ.

Non esse Mandatum in Imperiis simpliciter constitutis repetita probatio. Alienationis & mandati differentia exemplis Reipubl. Venetorum, Batavorum, Frisiorum demonstratur. Quid periculi in sententiâ de Imperio Mandatario resideat. Quæ utcunque non imputentur auctoribus hujus sententiæ, populum tamen habentem jus omni Mandantis, Rectores jure suo ad quælibet, etiam iniquas conditiones adigere posse. Comparatio malorum ex opinione, de absolutâ potestate simplicis Imperii & de Mandato. Concluditur.

EX his rebus expositis denuo satis evidenter intelligitur, nullos populos Imperium simpliciter deferentes ita existimare, sese cum Imperantibus suis inire *Mandatum* & hos esse Procuratores suos.

2. Cui bono Leges fundamentales, jura reservata, pacta limitantia Regiam potestatem, ut his violatis potestas Imperantium revocetur; cum Mandata semper revocari possint?

3. Quin satis indicant populi, inquam, in Imperiis etiam primitus constitutis, se excipiendo casus certos, quibus Rectoribus suis negare possint obsequium, ita statuere; quamdiu leges illas servant, non posse iis obsequium à civibus negari, & sic non esse Mandatum.

4. Denique; Mandati & Alienationis discrimen circa Imperium non minus est ob oculos in quibusdam Aristocratias, ut *Venetorum* exemplo jam pridem illustratum est, quàm in singulorum Imperiis.

5. Manifestior quàm in *Venetis*, datur oppositio Mandati & Alienationis in florentissimâ *Batavorum* Republ. ubi Summa Potestas est penes *Ordines*, hoc est, Equites & Civitatum Rectores, verissimâ Aristocratia.

6. Hi per Legatos in unum coeunt, quos esse veros Procuratores & Mandatarios Ordinum, non Ordines ipsos, res ipsa demonstrat.

7. Quia de singulis rebus sibi mandatis, quas egredi nequeant, instruuntur, denique perpetuo à suis Mandatoribus dependent.

8. Sed hi Mandatores iterum non sunt mandatarii populorum, ut ab his ita, quemadmodum Procuratores à suis Mandantibus, dependeant.

9. Cujus enim rei nulli sunt effectus; hanc in civilibus non existere certum est: Nec tamen ulla pacta sunt, quibus majorem aliquam potestatem acceperint Ordines à populo: ut adeo Imperium sit verè simpliciter ac ut primitus constitutum.

Q 9 3

10. Unde

10. Unde igitur, quod à populo non dependit, quod rationes ei reddere non coguntur, quod populus formam regiminis mutare non potest.

11. A Deo, sine medio, voluit Graswinkeli in *Tract. de summâ potest. Ordd. Holl.* & vult Sieglerus in Grotium, volunt alii plures.

12. Sed non est recedendum à doctrinâ Petri Apostoli, quod Imperium sit *utitur dispositioni, humana creatio*; licet ad curam divini moderaminis eximie pertineat.

13. Proinde, si volente & consentiente populo, ut hic est necessarium, inde ab antiquo structum est Imperium, quod populus nullo modo participat; oportet esse simplicem atque inrevocabilem alienationem, à Mandati natura diversissimam.

14. Vi similis Mandati, cum eo, quod est in Batavis, Patrum nostrorum memoria Conventus Ordinum Frisicæ agebantur: Legati erant veri Procuratores & Mandatarii.

15. Nomen idem manet hodieque: Tabulæ quibus instructi ad Comitia mittuntur, vocantur *Procuraciones*, ipsi Procuratores cum liberâ, barbæ, *Plenipotentarii*.

16. Sed accidit, quo nihil in jure frequentius, ut se mutata, nomen idem manserit.

17. Olim à Mandantibus, qui sunt Immobilem possessores & Senatus Urbium, dependebant, ad quos de rebus majoris momenti referebant, nec iis inconsultis, quicquam novi decernere poterant.

18. Deinde, comperto, multitudine mandantium, publica consilia inire, placuit, ut annua potestas independenter & sine relatione, Legatis daretur.

19. A quo tempore constitutio Legatorum fuit, *Translatio juris*, quod ha-

bent Constituentes; ita, ut omne eorum jus ad Rem publ. spectans habeant *Plenipotentarii*, sicjam dicti *in plures*, non ut Mandatarii, sed ut ita loquamur, *Cesarsarii, jus plenum habentes*.

20. Non tamen ultra annale spatium; quo finito, jus eorum sponte finitur: Nihil enim vetat, Translationem juris æquæ fieri ad tempus ac in perpetuum.

21. Non tenentur igitur tales Legati ad rationes reddendas, non possunt ante annum elapsam revocari aut circumscribi, juberi, vetari à constituentibus: quæ facultates sunt inseparabiles à Mandato.

22. Cujus quidem hypothese nihil periculosius aut Imperantium Majestati inimicium & imprimis à juris ratione alienius excogitari potest.

23. Utimum isthuc abunde demonstratum est, & consequentia reliqua res ipsa loquitur.

24. Credendum est equidem obstantibus viris egregiis Dissidentibus, nunquam illos fuisse tumultuanti & seditiosæ plebi, quom faterentur esse *terribilissimam pestem & sentinam Civitatum*.

25. Sed qualiscunque sit populus, et si fœx Romuli, si modo cives & major pars sit, in Mandatore & ejus potestate non distinguuntur mores. Quisque liber est arbiter & moderator suarum rerum, bonus an malus, prudens an imprudens sit, nihil interest.

26. Si populus semper habet supremam potestatem, si Mandator sit Imperantium, hi debent *imperare*, nec ægre ferre, quod à pessimis Dominis pendeant, & repositibus rationes aut summam Imperii non habent negandi causam.

27. Quod igitur Mandati Regalis aut Optimatum Imperii Auctores testantur; nihil sibi cum plebe seditiosâ, neque nunc nec unquam aliâs commercii aut negotii

toti velle, bene habet ac credi fas est.

28. Sed hæc ratio non convenit cum hypothesi Mandati. In Democratia major populi pars, etsi pessime consulat Imperio, potestatem Magistratibus optime meritis abroget omniaque misceat, jure tamen suo, licet injuriam committat, utitur.

29. Idemque juris est, ubique summa Imperii à Mandato populi, quod est fundamentum Democratiae, pendet.

30. Si plus juris habet populus quam ipsi expediat, ut de quadam in Belgis civitate scribit Grotius, hoc ad juris quaestionem non pertinet; non magis quam prodigenta Patrifamilias, cui nemo interdicit, vim domini infringit.

31. Frustrantur Imperantibus vires & copiae, ab Oratoribus, per quas cohibeant tumultuantes; Frustra additur modus; ne sales sint copiae, quibus ipsum populum opprimere & in servitutem redigere queant.

32. Hæc sunt monita prudentiae; Jus mandatarii à voluntate Mandantis populi pendet, qui vel nullas tribuit copias, vel quas tribuit, has iterum, ubi visum fuerit, adimit.

33. Ut nihil sit manifestius, quam motus populi rerum domini & mandatoris, si quando major pars consensit, quicquid etiam moliatur, nullo juris pagulo posse cohiberi.

34. Plane, destitutam ratione & ordine sententiam ratione & ordine velle gubernare, tam est irritum, quam concitare rem ipsam cum philosophia juris est. *Ad id additur, & dicitur.*

35. Ajunt præterea, infinitis modis plura evenisse mala in humanum genus ex eo quod fræna laxantur tyrannidi, quam quod summa potestas populo vindicatur.

36. Sed præter quod Anarchias ma-

la facile vincunt Tyrannidem, velim & mihi vicissim credant Oratores politici, me nunquam fuisse tyrannidi, sed contemnere populos, qui Imperia simpliciter & sine exceptione transferunt in Principes.

37. Laudare me Aristocratas, populosque prædicare beatos, quibus sub optimatibus agere licet, in quibus parum à tyrannide periculi.

38. Aut si regna careri non potest, censeo id agendum esse, ne potestas Regum sit effrenis & nescia legum.

39. Verum ut populi, qui sponte se abdicant Imperio nihilque facultatis reservant, supremam potestatem in Reges & Optimates retinere dicantur, mirer civili judicio præditos homines non animadvertere, quam de alienum à ratione juris & evigilia rei gestæ.

40. Præter quod nondum liquet, res v. gr. Danorum se domi forisque multo pejor habuisse, postquam absoluto, quam dum limitato sunt usi imperio; vel Poloniarum aut Germaniarum populos esse multo beatiores, quam Francogalli ab aliquot seculis egerint.

41. Atque hæc ad explicationem sententiae nostrae & demonstrationem, quam inconconsulta sit contraria, sufficere arbitramur.

42. Ex his quæ Mandatum originale, quod omnibus Imperiis det fundamentum, novissimè adstruxerunt, nihil quod ullam oppositionis speciem haberet, omissum recordamur.

43. Pleraque utrimque concessa transmissimus, qualia cum Oratoribus ingeminare licet: *Utinam ubivis Gentium re ipsa esset, simul Salus populi Suprema Lex, simul declarata ejusdem voluntas & Consensus, Supremum jus!* & id genus alia passim.

44. Atq; hæc est repetita collectio & refutatio rationum, quæ contra nostram de Im-

de Imperio sententiam inde à quinto anno publicatæ fuere, quas incontinenti excepit hæc dissertatio. Jam bis terve Replicatio publicè conducta fuit, quam speravimus tot annis & votis notabilibus nimis dilatam, ante iteratam hujus libri editionem esse prodituram, quo nobis occasio fuisset, rationes, si quæ novæ

allatæ fuissent, suis locis occupandi & refellendi. Nam seorsim, reciprocare serram contentionis super hoc quæsito, cur minus placeat, aliquoties *in loco & in* tempore demonstravimus. Ideo finem ejus disputationis, quicquid in posterum proferatur aut intra veteres minas subsistat, heic esse volumus.

FINIS LIBRI PRIMI



Juris

Juris Publici Universalis

S I V E

DE JURE CIVITATIS;

L I B E R I I.

Qui est de jure eorum, qui subjecti sunt Imperio Civitatis.

S E C T I O I.

De jure Familiae.

C A P. I.

De Jure Personarum universo.

Post Imperium Civitatis sequi de subjectis, eorumque personis aut rebus.
Personas primo considerari cum respectu ante familias. Hoc sensu distinguere homines in natos & nascituros, & his primo suum jus competere. De tempore, quod inter conceptionem & nativitatem sit Legitimum. De certitudine Patris. Differentia juris inter mares & feminas, ubi & de Hermaphrodytis. Differentia majoris & minoris ætatis, item sanorum vel mente captorum &c.

S Cita est admodum comparatio Aristotelis, quæ Civitatem aut esse animalis instar, quod ut ex animo & corpore consistit, ita civitas Imperio & multitudine constituitur lib. 1. Polit. cap. 4.

2. Quemadmodum naturale est corpori, parere animo, sic etiam vult ratio naturalis, ut multitudo pareat imperantibus. Ita Philosophus, κατὰ φύσιν καὶ συμφέρον, τὸ ἀρχαῖον τῷ σώματι ὑπὸ τῇ ψυχῇ, ut Corpus regatur ab animo, secundum naturam & utile est. Τὸ δὲ ἰσὺς ἢ ἀνίσταται, Βλαβερόν πᾶσι. Æqualitas autem vel ut contra

R r

ut contra fiat, utrisque damnosum est, ait
d. cap. 4.

3. Pertinent hæc ad ea, quæ superio-
re libro disputata sunt, nec minus ad ea
quæ nunc aggredimur, ad jus, inquam,
eorum, qui subiecti sunt Imperio.

4. Scilicet, cum duabus omnino partibus constet Civitas, Imperantibus atque Parentibus sive subiectis, absoluto Imperio, res jubet, ut de his qui subiecti sunt, eorumque rebus loquamur, qui in definitione civitatis monstrantur, voce *Familie*.

5. Prius tamen de statu singulorum hominum sive *personarum*, quatenus familiam præcedunt & ad juris rationem pertinent, agendum. Ideo de jure personarum hoc caput inscripimus; et si plura sub hoc titulo comprehenduntur, quam quæ familie respectum præcedant.

6 Personam idem significare, quod hominem semper & rotunde, quod communiter ajunt, vix est ut obtineat. Etli enim Juris Rom. tituli de statu hominum & de jure personarum pro parallelis habeantur, minus tamen latine dicitur *personas*, pro, *tot homines*, arbitror. Nec adeo *Personam* aliter quam cum relatione ad certum statum vel jus aliquod, reperiri existimem.

7. Qui nondum est natus, tamen dicitur homo; *Persona*, quod putem, nusquam. Sic Paulus Jurisconsultus eum qui poculum abortitionis propinavit, ita ut mulier, id est, *mater*, aut homo, id est, *fetus* inde pereat, summo supplicio adficiendum scribit in l. 38. §. 5. *π. de Pan.*

8. Est igitur prima hominum differentia, quod sint vel nati vel nascituri, quorum hi ventres à Jurisconsultis tropice vocantur, etiam postumi; sed hoc discrimine, quod postumi, dum in utero sunt, heredes quidem instituuntur & tutores accipiunt, habito respectu ad u-

sum nativitatís, ut pro jam natis & pro personis habeantur: namque dum in ventre sunt non accipiunt v. gr. tutores, qui dantur personis; sed Curatores, ut juris auctores observant.

9. Sed foetus in utero dicuntur homines, quando sunt animati; prius homines non sunt, etsi vita illis adscribitur: Quando autem animati censeantur, & an mentes à prima generatione foetibus adliant, non est querere, multo minus, decidere nostrum.

10. Sed quicquid hac de re sit, homines dici non posse, priusquam organicum corpus formatum sit, indubitatum est. Quodenim Tertullianus, *Homo est*, ait, etiam qui futurus & qui in semine est, *Apolog.* c. 9. improprie dictum paret, æque ac illud Martialis in masturbatorem.

*Istud, quod digitis, Pontice, perdis;
homo est.*

11. Sed pro homicidio non habetur, si quis foetum antequam formatus sit, abegerit, quo modo plerique Jcti conciliant l. 4. D. de Extroard. crim. quæ crimen abacti parvus exilio temporali punit, cum d. l. 38. §. 5.

12. Est hac de re locus Exodi xxi. v.
22. Si quis percussit mulierem gravidam,
ita ut ejiciatur fœtus ejus, nec tamen sit
exitium, omnino multatur, pœnit impo-
nuntur ei maritus mulieris. Sin autem exi-
tium sit, reddes vitam pro vitâ. Quæ
verba, ut in Hebræo textu sunt, tam
de mulieris, quam de fœtus exitio in-
telligi possunt: Interpretes Græci locum
ita vertunt, ut distinguant inter
fœtum *ἔκτρον*, *ἔκτρον* *ἄνθρωπον*, *ἔκτρον* *ἄνθρωπον*,
fœtum formatum & informem, quo se-
quitur Augustinus in cap. 8. & 9. c. 32.
qu. 2. ubi disputat contra eos, qui vo-
lunt animam esse etræduce.

13. In favorabilibus tamen nihil ve-
cat, etiam si cerui non iam formato, qua-
si jam homini, aliquid juris adscribere,
quomodo

quomodo Juris-consulti inde à primâ conceptione, libertatem foetui quesitam conservari, nec sequutâ matris servitute rursus adimi statuunt, ut docent in *ris. Inst. de Ingen. & alibi.*

14. Secundum hæc, ad juris rationem pertinet, spatium temporis, quod inter conceptionem & nativitatem partus vitalis, minimum & maximum intercedit, quâ in re multum valet auctoritas naturæ interpretum, quos inter laudatur Hippocrates, qui minimum tempus statuit esse mensis septimi, ut refert Paulus in *l. 12. π. de Statu hom.* quod tempus impleatur die centesimo octuagesimo secundo *l. 3. §. ult. π. de suis & legit. hered.* Hippocrates sic ait; *Οἱ ἀπὸ ἐννέα μῶναι γεννῶνται ἐν τῷ ἑβδόμῳ μηνί, καὶ ἐν τῷ ὀγδοῷ μηνί; Septimestres nascuntur, diebus octuaginta duobus & parte diei sequentis.* Prius enim sex menses non sunt impleti, quam major pars diei supra octuagesimum; tertius sit elapsus.

15. Quod tam exactè determinandum, quia vir natus post sextum à nuptiis adimpletis mensem, ex ratione juris agnoscere cogitur; prius non tenetur, etsi de sexto mense, si nullum sequioris extet suspicionis argumentum, ex æquitate iudices indulgere solent, ut à Senatu Grarianopolitano iudicatum refert Autumnus *confer. ad tit. π. de stat. hom.* de aliis alii.

16. Maximum inter conceptionem & partum mulierum tempus est, decem mensium completorum, ut magno generis humani consensu receptum est, etiam à Jurisconsultis, qui nec in hoc termino ad auctoritatem Medicorum, ut refert manifestâ, provocant *l. 3. §. pen. π. de suis & legit. hered. l. pen. C. de postb. hered. inst.* nec aliud à Justiniano jure novissimo constitutum esse, probavimus in *prole. ad tit. π. de Stat. hom.*

17. Exempla rara longioris gestatio-

nis pleraque sunt dubiæ fidei, quemadmodum sane est illud de Principe *Condao*, quem tredecim mensibus post obitum patris natum esse volunt, famâ quæ valde increbuit, adfertâ quonque à Buissono in vita *Turenii*. Deberet præsentis *Condao* esse *prosum*, de quo est editio vulgi, quem tamen ex Historia nonnisi sex à patris obitu mensibus editum esse constat, ut testis est Mezeræus in *Henrico IV.*

18. Quod si vera quædam ejusmodi exempla dentur, & physice rationes supra decem menses eniti possint, ea tamen ejus momenti non sunt, ut Legem infringere vel mutare queant universalem. Τὸ γὰρ ἀπὸ τῆς φύσεως, καὶ τῆς αἰτίας τοῦ γένεσθαι; Quod enim semel aut bis usu venit hoc prætereunt Legumlatores, qui jura constituunt in his, quæ in τῷ πλείονι; plerumque, non quæ ἐν τῷ ὀλίγονι, ex inopinato eveniunt *l. 3. & l. 6. π. de Legibus.*

19. Si quid durius in constitutum esse videatur, quod post decem menses matronæ dehonestentur; longe majus est incommodum, fenestram partibus aperire supponendis & hereditatibus per occulta viduarum stupra caprandis. Valeat hæcenus etiam Taciti dictum, vix ullam esse legem, quæ non exquisitis calibus habeat aliquid ex iniquo, quod utilitate publica contra singulos rependitur.

20. Cujus quisque sit filius aut filia, quod ad genitricem attinet, facile demonstrari potest; de Patre opus est fide implicitâ, quo pertinet Telemachi responsio ad Minervam, se filium Ulyssis esse dicentis.

Μήτηρ ἀπὸ τοῦ πατρὸς ἔστιν ὁρίζουσα, ἀπὸ τῆς φύσεως.

Ὁὖν οὐδὲν, ἢ γὰρ πᾶσι τοῖς πατρὶσι κοινὸν ἀνάγκη.

Mater enimvero me genitum dicit Ulyssis.

R r 2

Aß

*Ast ego qui scirem, quis Patrem no-
veris unquam?*

21. Sed jure Gentium reperta est no-
ta certi Patris, *matrimonium*, quod ta-
men in mulieris fidem resolvitur. Unde
Minerva Telemachum honore paternæ
nobilitatis solatur, hac ratione,

Επει οτι γα Γιος εγειςαις Πατριωτις.

Quoniam talem genuit te Penelopæa.

Quare sicubi gentium matrimonia jure
publico clausa non sunt, ut in pluribus
Indiæ populis, Patres-familiarum non
suz domus, sed fororum liberos, habent
successores bonorum suorum. Sed hu-
jus rei consideratio, quemadmodum &
legitimorum ac illegitimorum distinctio
sequitur & pender ab expositione Fami-
liæ.

22. Hujus loci discrimen adhuc est
inter Mares & Feminas; nam in dichotomiâ subsistere licet, etsi natura quan-
doque producat hermaphrodytum vel
Hermaphrodyten;

*Cui forma duplex, nec femina dici
Nec puer ut possit, neutrumque &
nerumque videtur.*

*Nec duo sunt, ut Ovid. 3. Meta-
morph. 7.*

At quia rara sunt hæc portenta, non vi-
sum fuit operæ pretium, inde tertiam
constituere speciem: Proinde, cum
Ulpiano Juris consulto, satius est dice-
re, *hermaphroditum ejus sexus æstimand-
um, qui in eo prævalet.* Vix enim u-
triusque sexus officio pares sunt, vel si
fuerint, non magis & minus heic oportet
variare Speciem.

23. Etsi autem portenta vocavimus
hermaphrodytos, haud tamen *monstra*
sunt; Hæc enim vocantur, quæ contra
formam humani generis converso more
procreantur, ut loquitur Paulus in l. 14.
de Stat. hom. non humane figure, sed
alterius magis quam humani partus l. 135.
d. V. S. A quibus differunt ostenta, tri-

bus forte manibus aut pedibus prædita l.
31. d. 2. de V. S. quo & Hermaphroditos
referre licet: Vera monstra, si non ha-
beant ejusmodi conformationem, æquæ
rationis indicia colligi possunt, adhibita
cognitione Magistratum è medio
tolluntur. Anton. Matthæ. de Crim. Tit.
de Sicar. c. 1. n. 6. in fin.

24. Differentia sexus laxiorem habet
usum in civitatibus, & quidem multis à
naturæ simplicitate magis quam ab utili-
tate civili abhorrentem. Simplicitas apud
Justinianum Romani Juris, ut nunc
est, conditorem prævaluit, adeo ut is in-
crepet discriminum inter Mares & femi-
nas auctores, tanquam *Naturæ accusa-
tores*, quia non omnes masculos generave-
rit, ut unde plures generarentur, ne exis-
terent l. 4. C. de lib. præst. Qui tamen ef-
fectus differentiarum à Justiniano vitu-
perati, invitâ ipsius erga molliorem se-
xum indulgentiâ, in plerisque populis
renovati & ampliati sunt.

25. Nostræ disciplinæ ratio simplici-
tatem præfert naturalem & Justinianæ-
am; & quæ resular una summa discre-
pancia, quod in his quæ ad dignitatem
spectant, Viri præcellunt; in iis verò
quæ ad infirmitatem, feminæ magis ex-
emptæ sunt. *Quis enim mulierum non mi-
sereatur!* ait uxorius Cæsar in l. ult. C.
Qui pot. in pign.

Γυναικες εσθλ' αδικωτεροι φυν,

*Quid femina sumus? miserrima crea-
tura;*

ait Medæa apud Euripidem.

26. Bene igitur est, quod feminæ ab
omnibus officiis civilibus & publicis re-
motæ sunt, & ideo nec judices esse pos-
sunt, nec magistratus gerere, nec postu-
lare, nec pro aliis intervenire, nec pro-
curatores existere, sed à maribus solis
omnia ista fieri possunt l. 2. d. Reg. Jur.
Etiam in pœnis feminæ mitius habentur
l. 38. §. 2. π. ad L. Jul. de adul. l. 6. pr. ad L.

Jul.

Jul. Pecul. quod tamen ad notabile delictum in gravioribus delictis non erat producendum, ut visum Justiniano, qui poenam capitalem adulteris viris infligi, feminas virgis cæfas monasterio includi, voluit, unde à viris mollioribus cis biennium repeti possent *Nov. 134. c. 10.* Quod miror in gravissimâ Germanorum gente multis locis observari, ut testis est Carpzovius in *Crimin. Quest. 53. n. 27. ex consuet. crim. Car. V. art. 120.* Monasterii loco relegatione substituta, quam vir, si liber, pariter subire potest. Non potest alia talis indulgentiæ, quicquid adferat Carpzovius, ratio reddi, quam quod vir facilius unâ muliere, quam mulier sub uno viro exercere possit *in Phe-niss.* quæ tamen ratio Theodorâ quondam scenicâ, dein Augustâ, quam Cæsare dignior esse videtur.

27. Denique, ad hunc locum pertinet omnium divisio in majores & minores annis. Quousque autem minores intelligantur, non eadem omnium populorum & temporum observatio fuit. Romani veteres eos, qui togam puram sive liberam & virilem acceperant, pro viris habebant cunctisque virilibus officiis in foro militariæque adhibebant. Tempus autem tyrociniatus, sicut appellabant, erat ab anno decimo quinto usque ad decimum octavum; prout tardius aut celerius animi corporisque vigor implebatur, neque tunc amplius erant in tutelâ neque curæ subiciebantur, nisi dementes aut prodigi essent, quemadmodum eâ de re latius actum in *lib. 3. Digress. c. 15.*

28. Postea Marcus Philosophus instituit, ut non modo prodigi & furiosi, sed

omnes adolescentes acciperent Curatores, quibus se subducere non possent ante annum xxv. impletum, quousque minores annis vocabantur; nisi Principis speciali privilegio veniam ætatis impetrassent, puellæ annis xviii, adolescentes xx. annis impletis. *Capitolini in Marc. l. 1. §. 3. de Minor.* atque ab eo tempore minores annis discreti sunt in Impuberes, qui sub tutoribus, & Puberes, qui Curatores habebant, nisi ambo essent in Patriâ potestate.

29. Mores gentium recentiores, etsi novissimam humani moris differentiam frequenter amplexi sunt, in eâ tamen omnes nequaquam subistit; cum plures viginti aut uno amplius annis ætatem majorem sive virilem definiverint.

30. Nec reverâ inde abhorrent, qui minores usque ad annos xxv. censent, quando veniam ætatis largiuntur omnibus frugi adolescentibus, qui viginti annos attigerint & biennio citius puellis veniam desiderantibus.

31. Postremo ad præsentem de personis locum pertinet differentia hominum, quod sint vel sanæ mentis vel insani: quæ non pendet à respectu familiaræ; Sed quia deinceps alia plures hominum differentia nobis occurrent explicandæ, rectius consulturi videmur, si & hanc in eum locum reservemus.

32. De ratione, de natura, dignitate hominum, multa philosophice, & oratorie multa dici poterant, quæ prætervehimur. Pleraque juris habentia relationem, in præcognitis, maxime in capitibus de jure naturæ, dein etiam, ubi de Ecclesiasticis actum, absolvimus.

Nunc igitur ad Familiam transeamus.

C A P. II.

De Familiâ.

Rectene tractatus de Familiâ ad hanc artem pertineat. Quot modis familiæ vox usurpetur. Quid sit hoc loco. Explicatur definitio, & defenditur contra Bodinum & Arnisæum. Constare eam societate triplici, & quatuor personis ad minimum, si perfecta sit. Quis sit maximus familiæ numerus. Ejus imperii diversitas. Imperfecta familia quot modis dicatur.

A Familiâ Aristoteles tractatum *Politicos* auspicatur; quæ ars cum eisdem terminis contineatur, quibus hæc de *jure Civitatis* disciplina; nobis saltem eam partem, quæ de subjectis Reipublicæ membris agit, ab eadem ordiri licebit: Quare autem de Imperio prius agere visum sit, ratio, ni fallor, satis in conspicuo est, neque minus hæc; quod jus familiarum ad juris universi de civitate considerationem vel maximè pertineat.

2. Unde tamen non sequitur, rectè Aristotelem à Bodino reprehensum esse, quod Oeconomicam Artem Xenophonis exemplo à libris de *Republ.* seorsim tractaverit, quasi membra singula ab universi corporis compage divelleret & quasi urbem sine ædificiis construere vellet *d. cap. 4.*

3. Incepit quidem Politica sua, ut liquet & diximus, ab expositione Familiæ; verum non omnia, quæ ad exactam servorum liberorumque educationem; servorum occupationes, bonorum acquisitionem pertinent, in Politicis tractanda putavit. Sed ut disciplinæ quamlibet diversæ, manus tamen sibi mutuo commodant, ita quod de Familiâ non nihil in Politicâ prælibat, Artium diversitati non derogat.

4. Nobis hac parte minus est difficultatis, quia de jure diversorum ordi-

num qui familiam constituunt, solummodo, non de rebus ad utilitatem, quæ est oeconomicæ tractationis, spectantibus, agendum habuimus.

5. Familiam Græci *οἶκος* vel *οἰκία*, id est, domum appellant: at usum ejus variè tam hi, quam Latini accipiunt; origo vocis monstrat, eam primo significare multitudinem *famulorum* sive servorum, qui sunt in ejusdem Patris-familias potestate, quomodo passim *Cicero* & *Jell.*; si tamen non potius famuli à familia dicti, ut *Festus*. I. Pro corpore servorum, qui certi usus gratia pariter habentur, ut grex gladiatorum, apud *Ciceronem* aliosque; item numero servorum vectigalibus colligendis præpositorum, ut in *Edicto Prætoris de Publicanis*. III. Sumitur pro bonis & patrimonio, unde *familiæ emptor* apud *Jell.*. IV. Pro omnibus, qui ab ejusdem ultimi progenitoris sanguine profiscuntur, adeoque, pro gente, sicut familia *Julia*. l. 195. §. ult. π. de *V. S.* V. Pro stirpe peculiaris gentis; duz familiæ clauerunt, *Calvinorum* & *Aenobarborum*, *Suetonius in Ner.* 6. Pro corpore hominum, qui sunt in una domo, ut heic. vid. *Brissou d. V. S. lib 4.*

6. Posteriore sensu definiemus Familiam, hoc modo. Cætus plurium personarum, quæ unius potestate, natura aut jure, quotidiani usus causa, sociatæ sunt.

7. Ge-

7. Genus dicere maluimus *Catum*, quam, ut Bodinus in *lib. 1. de Republ. c. 2. Moderationem*, Arniseus *lib. 4. polit. c. 2. Gubernationem*, exemplo differentie, quæ est inter Civitatem & Rempublicam, quarum hæc est ordo, illa multitudo, ut ipsi docuimus in *lib. 1. cap. 8.*

8. Verum Civitas & Respublica tam re quam verbis eo modo distinguuntur, ut *suprà* vidimus; in Familia simile discrimen, ut verbis inusitatum, ita re ipsa ignotum est.

9. Non quod regimen à personis non differat, sed quia id nusquam familia dicitur; at hæc semper ad personas refertur, etiam à jurisconsultis, à quibus nostra definitio leniter inflexa mutuo sumpta est. *l. 195. §. 2. de Verb. Sig.*

10. Addito tamen fine, quem Aristoteles ait esse, *in τῶν οὐκ ἡμῶν, ἀπὸ τοῦ καθημερινῆς* *lib. 1. Polit. cap. 1.* nam his verbis à collegiis discernitur, quibus & Juridicam Familie definitionem convenire putat Arniseus.

11. Ideo vult addi vocem, *patris familias*, pene frustra; nam qui nescit, quid sit Familia, eum vox *patris familias* certiorum non faciet.

12. Sed differentia ab reliquis collegiis, præter finem, constat inde, quod de illorum essentia non sit, ut sub unius potestate habeantur, neque ut personas contineant tam naturâ quam jure sociatas, quod utrumque est in familie definitione.

13. Personæ jure sociatæ sunt conjuges & servi; *Naturâ*, liberi; ex quibus familia perfecta componitur.

14. Nam quod idem Arniseus, liberos negat esse partem familie, eò quod finis familie sint, non habet rationem. *Arnisei lib. 1. cap. 1. sect. 8. de Republ.*

15. Quia, præter quod partem & finem esse diverso respectu non est absurdum,

videtur proles matrimonii potius quam familie finis esse.

16. Perfecta igitur familia constat triplici conjunctione Patris-familias, cum Uxore, cum Libero, cum servis.

17. Ita & Aristoteles: *ἡ γὰρ οἰκία ἐκ τριῶν ἐστὶν ὁμοῦ, πατρὸς καὶ υἱοῦ καὶ γυναῖκος*, *Πατὴρ καὶ υἱὸς καὶ ἀλλοχὸς*, *Πατὴρ καὶ τέκνα*; Prima & simplicissima membra familie, dominus ac servus, vir & uxor, pater & liberi. *d. lib. 1. Polit. c. 3.*

18. Sunt tria patria, sed quatuor personæ, non pauciores; quia Dominus, Vir, Pater sunt unus paterfamilias. Liberi possunt esse plures, est etiam ubi uxores plures in unitate familie sunt; Deficientie ex his uno, sit imperfecta familia, magis aut minus, prout deficientis membrum magis aut minus est necessarium.

19. Arniseum tres personas duntaxat requirentem, eliminatis liberis, modo notavimus. Bodinus quinque personas ad familiam requirit *lib. 1. cap. 2. à pr.* Patrem ac matremfam. & tres, quæ liberos quæ servos, quod nihilo plus habet rationis; nam servi tres forte requiruntur ad familiam servorum, ut diximus, eam vocem sumi; at hoc sensu nostro familia, id est, *οἶκος*, uno filio filivæ & uno servo ancillayæ contenta est ad perfectionem sui.

20. Numerus Familie, qui maximus esse queat, non est expressus. Sane potest esse major quam aliquando Civitas. Dari enim civitates, quæ non possunt trecenos in armis exhibere, quot, & quod amplius fuit, Abrahamus eduxit adversus reges Mesopotamiæ, palam est. Quadringentos servos sub uno tecto habuit Fundanius præfectus urbi apud Tacitum, qui non absurde scribit, fuisse, *qui nationes servorum haberent.*

21. Porro Aristoteles Imperium Patrisfamilias triplex esse tradit, in *lib. 1. Polit.*

*Polit. cap. 8. διαπολις, βασιλευς, πολι-
της;* Illud in servos, istud in liberos,
hoc in uxorem competens.

22. Ad hanc formam Juris civilis ratio
comparata est. Pater-familias est *Princeps
familie & in domo dominium habet. l. 196.
π. de Verb. signif.* juxta Homericum illud
Aristoteli laudatum, *Ομις δὲν ἱκας
Παῖδων ἢ δ' ἀλόχων. Jus quisque dicit liberis
& conjugibus.*

23. Etiam verò servis; at his quidem
beriliter & duriter; liberis regis, id est,
absolutè quidem, at cum *pietate*, non
cum *atrocitate*, Uxori cum multà *equali-
tatis* observatione; sicut Magistratus a-
gunt in Republicà liberà cum civibus;
hoc enim est *πολιτικόν.*

24. Nec abs re Aristoteles alii que mo-
nent, Familiam videri parvam esse Rem-
publ. ubi sunt Imperans & subiecti, me-
dià uxore, quæ unà cum viro præest do-
mui, etsi infra virum ut principem do-
mus; quemadmodum magistratus medio
loco sunt inter Rectores & cives. Finem
certe regimenque familiæ ad utilitatem
publicam esse dirigendum, quia partes
civitatis integrantes familiæ sunt, ratio
dicat: Nec minor quàm Reipubl. cura
esse debet, ut bene sit familiis; quâ par-
te non est dicere nefas, aliquanto mino-
rem hoc seculo, quam apud cultiores
veterum fuit, adhiberi diligentiam.

25. Cæterum, ea, quam descripsimus,
tripartito composita Familia intelligitur
esse *perfecta*. Non raro autem usu venit,
ut palàm est, aliquam ex enumeratis qua-
tuor personis in domo desiderari, quæ

tum adhuc quidem familia manet ac
vocatur, sed defectu laborans & *imper-
fecta*.

26. Nam primo, si deficiat Servus aut
ancilla, nemo neget, defectum aliquem
ad bene commodeque vivendum in usu
quotidiano, qui est finis familiæ, com-
mitti.

27. Major, imo maxima est imperfe-
ctio in defectu liberorum, quorum gra-
tià vel imprimis instituitur Familia, &
quorum respectu ad Rempubl. plurim-
um confert; imò vix est, ut definitio
Familiæ sine liberis constet, ob verba
jure sociatæ, quæ in liberis solis usum
habeat. Vult tamen usus populorum, ut
societates domesticæ absque liberis, et-
iam familiæ appellentur.

28. Matris-familias defectus addit no-
vam imperfectionem, nempe si fuerit
ac esse deserit: Nam si nulla domum
ducta sit, verum crebris cum servis aut
ancillis eam occupet, hæc, ut societas
domestica sit, Familia ex arte dici non
potest, utcumque latitudo vocabuli ad
hanc quoque significationem adhiberi
possit ac solet.

29. Quod si morte Patris-familias
destituta sit domus, an adhuc erit Fami-
lia? Imperfecta quin sit omnium maxime,
non est dubium; vocabuli tamen usus
adhuc manet, & forte definitio consistere
potest, si jus Patris-familias defuncti,
quantum ad familiæ regimen attinet,
transferatur in Matrem-familias, quod
nec à jure naturæ forsitan abhorre vi-
detur, qua rediximus in *l. 2. Digress. c. 3.*

C A P. III.

De Matrimonio.

Definitio Matrimonii Grotiana improbat. Juris-consultorum præfertur. Quid in ea, *individua*. Polygamiam ne quidem naturali ratione probari. Secundas nuptias omni jure esse licitas, etsi odiosas. Consensum perficere connubium, non deductionem in domum, neque *ἐγγύσιον*. Corporum conjunctio quoad usque in Nuptiis requiratur. Dolus & error quatenus matrimonium faciant irritum. De prohibitione contrahendi nuptias ratione propinquitatis. Communionem bonorum non nisi per Legem stabiliri.

Prima conjunctio, quæ constituit Familiam, fit per Matrimonium, quod *Grotius* ex ratione juris Naturalis & *Mosis* nihil ait esse, quam Cohabitationem maris & feminae, quæ feminam constituat quasi sub oculis & custodia mariti, eamque fide data mari obstringat. *lib. 2. c. 5. n. 8. inf. & n. 9. in pr.*

2. Nescio, quid sibi velit *ἡμιγάμος* hoc commentio definitionis; nisi concubinitium, polygamiam & divortium ejus complexu protegere & velamento juris, saltem naturalis; induere tentet.

3. Magis placent Jurisconsulti, quibus Matrimonium est, *viri ac mulieris conjunctio individua vite consuetudinem continens* §. 1. *Inst. de Patr. Post.*

4. Individua consuetudo significat arctissimum illud consortium corporis, animorum omnisque vite, quod natura & mos Gentium, non minus, quam jus divinum conjugio inesse debere dicat, de quo in l. 1. c. de Rit. nupt.

5. Prorsus nihil est aliud *individuum* consortium, quam conjunctio in carnem unam, quæ non est juris positivi divini, sed ab ipsa origine, negotii naturæ insita fuit à Creatore, quæ dicitur in *Digress. Justinian. lib. 2. cap. 10. & 11.*

6. Sic verbis *individua consuetudo*; major inest efficacia, ad vim matrimonii exprimendam, quam in his quæ *Grotius* ponit, ut *femina sub oculis & custodia viri sit*.

7. Neque placet, quod uxoris ille fidem viro dandam exprimit solum, sine viri mutua fide: multo minus causas, cur id fecit; nequid obesset, quominus viro plures jure naturæ & Hebraico ducere liceat uxores, ut ille quidem existimat.

8. Verius videtur, multitudinem uxorum non posse cum architudine illius consistere, adeoque internæ conjugii naturæ adversari polygamiam, haud obstante peremptoriè, singulari conniventia, qua Deo visum fuit uti adversus Patres veteris Testamenti, ut latius ostendimus in d. lib. 2. *Digress. c. 16.*

9. Secundæ nuptiæ etsi apud veteres minus honoratæ & pene vituperatæ fuerint, tam à Christianis quam à gentibus, ut multis probavimus in *part. 2. Digress. l. 1. c. 14.* sunt tamen legitimæ, tam jure naturæ quam divino; ne de Civili dicam, ut *ibidem* probavimus.

10. Scilicet, etsi hic locus, juxta alios plures, sit ex iis, qui concurrentem Juris publici & privati tractatum recipiunt,

S I

piunt, ea tamen in utroque genere discrepantia manet, atque à nobis servabitur, ut heic ea solummodo quæ Juris naturæ vel gentium sunt, educamus, eaq; à Juris civilis principiis separemus, quod habet utilitatem in ipsa Juris privati disciplinâ.

11. Cæterum, *Polygamia*, quæ *simulanea* dicitur, nec ad eam rem, cui unice interservire debebat, utilis reperitur: Scilicet ad replendam populo civitatem; quatenus compertum est, non tam huc facere gignendi, quam alendi liberos facilitatem.

12. Etenim terræ Muhamedanorum & paganorum, qui pluribus utuntur uxoribus, frequentia hominum cum Christianis populis comparandæ non sunt; sive Divina benedictio, *Crescite & multiplicamini*, irrita reddatur iis, qui non servant primævum institutum; sive ab exhaustis onere domestico familiis, propagatio novarum domuum haud perinde possit administrari.

13. *Consensu* perfici matrimonium, ratio dicat, corporum conjunctio illud implet; mos tamen populorum ita fert, ut solum consensum *sponsalia* vocent; & *Sponfos*, qui tantum consensu matrimonium inierunt, quæ de relatè diximus in lib. 2. *Digression. c. 7. 8. 9.*

14. Etsi autem Concubitus ad implementum magis quam ad essentiam matrimonii pertinet, aptitudo tamen ad concubitum in contrahentibus requiritur; alioqui nullum est matrimonium, si de impotentia constet; ut si vir eunuchus, mulier tam arcta sit, ut mulier fieri nequeat, qualis apud Ulpianum in l. 14. §. 7. d. *Ædil. Ed.*

15. Cum sterilitatem muliere vel frigido non desperatæ facultatis, matrimonium consistit; cum priore simpliciter, quia, si cum tali non licet adsequi *procreationem liberorum*; evitatur tamen *procreatio*; Uri; quem utrum-

que finem Apostolus agnoscit 1. *Cor. 7.* Sed cum frigido non consistit diutius, quàm de impotentia peremptorie constet, cujus rei tempus olim biennio, postea triennio definitum est à Justiniano Nov. 22. c. 6.

16. Quid si partes consentiant? durabit societas & cohabitatio; Quod si ab initio constet impotentia, ne quidem volentibus permittenda videtur copulatio, ut rectè judicatum est à Senatu Parisiensi d. viii. *Januar. 1665*, referente Eruditorum diario.

17. Ne quidem senibus admodum decrepitis, ex ratione Juris Gentium benedictio conjugalispertinenda videtur, ob eandem rationem; maxime si alter adhuc vegetior sit, ut olim Lege Papiæ rectè consultum fuit, etsi remissum in l. 27. C. de Nupt.

18. Sed & meritò plerisque placuit gentibus, ut publico ritu matrimonium celebretur, veluti deductionis in domum apud Romanos; Christianis verò, in coetu publico fidelium copulatio, præviâ publicatione sponsaliorum, si forte aliorum intersit.

19. Horum tamen rituum neglectus nullitatem actus, matrimonio inferre non potest; nisi vi Legis expressæ, quoniam individua consuetudo sine hoc ritu consistit, & multis gentibus istæ ceremoniæ inusitate fuerunt.

20. *Individa vite consuetudo*, quam tenet definitio, non includit communionem bonorum; nec tamen eam penitus excludit; quatenus sine bonis & aliqua communione rerum, individua vite consuetudo haberi non potest.

21. Ergo ut omnium bonorum communio inter conjuges statuatur; opus est *Lege vel pacto*: Sed quatenus ad sustentandam vite consortium requiritur, necessitas illam inferre videtur.

22. Hactenus enim ratio vult, ut singuli

guli contribuunt quod quidem possint, quoniam aliter matrimonium, quod individuum inierunt, consistere non posse intelligunt.

23. Mores gentium hac parte variant, Romani nullam bonorum communione inter conjuges habebant; quædam nationes hodiernæ universam confusione probant, eamque laudat Martialis *lib. 4. Epigramm. in Nigrinâ.*

*Te patrios miscere juvat cum conjugæ
census;*

Gaudentem socio participemque Viro.

Eamque comparisonem idem cum *Eudæ & Alcesti*, quæ morte voluntariâ cum, vel pro viris obitâ, celebrantur, inducit.

24. Placet tamen, ut in omnibus, ira hec quoque medium; ac ideo videntur optimæ Leges eorum populorum, quæ ad quæstum & dispendia restringunt societatem; nam quæ ad substantiam rerum eam producant; matrimonia quasi captatoria reddere videntur.

25. Fuit definitio matrimonii, & quicquid jure Naturæ vel Gentium ad ejus essentiam requiri videtur; quod in duobus consistit: In Consensu & Individuitate, per quam concubinatus à matrimonio distinguitur; etsi Grotius hunc pro vero & rato haberi posse conjugio tradit, quemadmodum in servi atque ancillæ, civis & peregrini conjunctione nihil ad matrimonii naturam desit, si juxta Gentium spectemus *lib. 1. d. jur. b. c. p. c. 5. n. 15.*

26. Sed in contrarium nos vocat, quod in concubinaru dici non potest inesse individua consuetudo, quia procul hinc est illa Societatis ætitudine, quæ in matrimonio desideratur; cum vix ulla quam voluptatis communicatio in concubinato fiat, qui & in eum modum inde ab initio contrahitur, ut pro lubitu ac unius voluntate dissolvi queat, uti

fert usus ac etiam tulit apud Romanos *l. 1. n. de Concubin.* etsi vulgo turpitudini velandæ *matrimonium conscientie*, oppositum publico, appelletur.

27. A concubinaru verò multum discrepat Instar Conjugium, quod vulgò ad *Morganaticam* vocant; iniri solitum à Viris Principibus, qui & amoris & conscientie & dignitati pariter obsequi cupientes, feminas ignobiles ducunt in matrimonium, sine præjudicio liberorum prioris matrimonii vel agnatorum. Tales enim quominus sint vere matres-familiarum, quando nullum matrimonii requisitum deficit, nihil obstat. Vid. Puffendorff. *l. 6. de jur. N. c. 1. §. 36.*

28. Consensus, quod est alterum essentiale Nuptiarum requisitum, debet esse reciprocus, cum aliter non sit consensus. Ideo, quamdiu alter non acceptavit, alterius oblatio revocari potest, non modo sine injustitiâ; sed etiam sine inconstantia, si credimus Grotio *l. 2. c. 11. n. 14. 15.* Sed posterius magis est, ut pendeat à singularibus facti, & à causâ mutationum impulsivâ.

29. Quid si arrha sit data, ut sit? Adhuc videtur revocari posse consensus ab eo, qui arrham dedit: Obligatio enim ante acceptationem non erat perfecta, & arrha quæ tantum est accessio, non potest operari ultra conventionem ipsam: Quod si tam diu expectaverit is qui dedit arrham, donec altera pars acceptationem professâ fuerit, tum quidem frustra revocare conabitur; quâdo re non semel usu venit disputari.

30. Consensum Parentum, in quorum potestate sunt contrahentes, naturalis quidem ratio suadet ut probabile requisitum, non præcipit, ut necessarium, sicut demonstravimus in *l. 2. Digress. c. 15. n. 3.*

31. Consensui adversatur *Invitum*, quod duplex est, per vim & per ignorantiam. Per vim est vel merè invitum

vel mixtum. Illud $\epsilon\iota\ \delta\epsilon\chi\epsilon\iota\ \tau\epsilon\lambda\epsilon\sigma\iota\varsigma$, cujus principium agendi est extra agentem, quando is qui cogitur, nihil ad actionem confert, ut si ab alio impulsus nolente lædam. Hoc genus Inviti in matrimonio non potest habere locum.

32. Mixtum alià quoque dictum est, quod majoris mali metu sit, idque facultatem habet crebram in hac materia. Tales autem nup. iæ, metu v. gr. mortis initæ, simplici jure valent, quia consensus ibi fuit $\mu\epsilon\tau\iota\ \delta\epsilon\lambda\epsilon\tau\epsilon\iota\sigma\mu\epsilon\tau\iota$, cum deliberatione & electione, ut Aristot. docet 3. *ad Nicom.* c. 1. deliberavit enim & elegit nuptias præ malo instante; comparato sensu non valent.

33. Nam is qui metum injustum intulit, eum qui promisso stare nolit, liberare tenetur, etsi in actu illicito versatus fuerit: Adeoque deprehensus in stupro, & vi coactus inire matrimonium, restitutionem implorare potest, quemadmodum Juriscti docent, de fure, qui $\epsilon\iota\ \delta\epsilon\lambda\epsilon\tau\epsilon\iota\sigma\mu\epsilon\tau\iota$ deprehensus pecuniam dare vel promittere coactus fuit, ne detegeretur l. 7. §. 1. π . *Quod met. c. Grot. lib. 2. c. 11. n. 7.*

34. Invitum per ignorantiam contrahitur aut dolo partis alterius, aut temere. Dolus dans causam contractui vel matrimonio ipso jure nullum reddit, vel causam restitutioni præbet; quia promissio fundata in aliqua præsumptione facti, quod factum ita se reverà non habeat, naturaliter nullam habet vim, ut Grotius docet *lib. 2. c. 11. n. 6.* idque sive error dolo procuratus ad essentiam negotii pertineat, an secus, indistinctè, quia consensus deficere intelligitur, ut Grotius *ibidem*.

35. Sed in errore fortuito distinguitur, inter ea quæ necessaria sunt, & quæ abesse possunt. Ad primum genus pertinet error circa personas contrahentium & essentielles conjugii qualitates.

36. Qui aliam pro alia ducit, procul dubio nihil agit, nec tenetur, etsi Patriarcha Jacobus sibi passus est imponi *Genes.* 20. quomodo & alios pudore temeritatis accidit acquiescere in eo quod irritum facere potuissent.

37. Idem est, si faciendæ proli alter ineptus, aut servilis conditionis, aut prohibito gradu sanguinis reperiatur: quæ cum ipsam conjugii facultatem tollant, consensum quoque mutuum sine dubio intervertunt.

38. Sed error absque dolo in rebus ad essentiam matrimonii non spectantibus, non eximit errantem obligationi. Quid si pro virgine duxerit aliquis corruptam? non est utique essentialis error, sed an non repudio causam præbeat, *infra* videbimus.

39. Plane, si per modum conditionis adjecta sint talia, quæ ad essentiam matrimonii non pertineant, hujusmodi conditione tamen deficiente, non est dubium, quin obligatio nulla sit; deficiente videlicet consensu; quatenus generaliter verum est, promissiones sub conditione qualibet factas spem facere duntaxat obligationis, quæ non nisi post existentiam conditionis impletur, ut non minus jure naturæ, quam civili & Canonico cautum est §. 4. *I. de Verb. obl. c. de illis 3. c. super eo §. x. de condit. appof.*

40. Sed hic bene distinguendum est inter conditionem, qua suspenditur obligatio, & modum, quo limitatur & ordinatur usus negotii, qualia multa pactis nuptialibus comprehenduntur, etsi forte per SI, concipiantur, quod è cujusque promissi natura dijudicandum. Talia licet officiant matrimonio, corrumpendo non sufficiunt.

41. Sed laudatum aliquoties requisitum matrimonii, de justa propinquitatis inter contrahentes distantia, suam exegem requirit.

42. Ratio:

42. Rationem juris Naturæ, quæ Nuptiæ per tot cognationis & adfinitatis gradus prohibeantur, quod uti populo-
rum & jure divino observari videmus, solidam assignare, non modo difficile, sed etiam ex iis esse quæ fieri nequeant, haud temere Grotius adfirmat in *lib. 2. c. 5. de jur. b. & p. §. 1. 2.*

43. Plutarchi rationes hac de re in *Quæst. Rom. n. 105.* meliores sunt ad utilitatem juris positivi, quam ad characterem juris naturæ demonstrandum, ut probavimus in *lib. 2. Digress. c. 14.* neque diverſi generis est Rabbinica à Grotio adoptata, ne familiaritas quotidiana cognatorum, nimis crebram stupris & adulteriis occasionem præberet, si nuptiis conglutinari posset *d. cap. 5. §. 13.*

44. Nihil solidius est, quam quod Paulus J. C. Naturale jus & pudor, inquit, in contrahendis matrimoniis, inspicendus est *l. 14. §. 2. n. de Rit. Nupt.* Cujus pudoris ratio quæ in re consistat, varîe philosophantur auctores de jure Naturæ, nec id dicere satis expeditum est. *Humana*, inquit Augustinus, *verecundia generatricem libidinem*, NESCIO QUO MODO, à propinquitate continet *l. 15. de C. D. c. 16. Divina QUADAM providentiâ*, Justin. *§. 11. Inst. de J. N. G.*

45. Insitam esse naturæ humanæ illam aversionem negant, qui nihilejusmodi in jure Naturæ, quæ de re aliàs dictum, agnoscunt; & tamen dum hujus pudoris causas rationales adducunt, parum abest, quin hæc tam sint obscuræ,

ut nihil magnopere, quam insitum naturæ affectum declarent; fere ut nuper in physicis, qui occultas rerum qualitates in scholasticis inrident, nihil nobis aliud quam illud ipsum in *tali & tali* dispositione particularem exponunt.

46. De cognatis ac adfinibus in linea rectâ fere conveniunt Scriptores, horrorem ab ejusmodi nuptiis in naturâ hominum esse talem, ut plenam efficiat eodem jure naturæ prohibitionem; quâ de re Grotius *ibidem* & nos in *d. libr. 2. Digress. c. 14. n. 4.*

47. De collateralibus multi existimant, non esse rationem juris Naturæ necessariam ad prohibitionem, quod etiam Romani juris interpretes sentire videntur in *l. ult. n. de Rit. Nupt.* ubi; *Jure gentium*, inquit, *incestum*, committunt qui ex gradu descendunt vel ascendunt uxorem duxerit: Qui vero ex latere &c. ubi incestus in linea collateralis opponitur incestui juris gentium.

48. Sed nos contrarium in *d. lib. 2. cap. 18. Digressionum*, rationibus & auctoritate probavimus, idemque adversus Grotii sententiam in *capite seq. de gradu* tertio sanguinis duntaxat, tentavimus. Circa adfinitatem gradus secundi & tertii, non idem juris esse videri, quod ad naturale jus attinet, verum prohibitionem hæcenus esse juris positivi, copiose demonstravimus in *cap. 21. & 22. d. libri 2.* quæ huc transferre nihil attinet.

49. An & qualis actio detur è matrimonio, ad *sequentia* reservabimus.

C A P. IV.

*De potestate maritali, jure agendi inter conjuges, modisque
finiendi matrimonii.*

Potestas maritalis, quæ & unde sit, distinctè exponitur. An & quatenus ei renunciari possit; quousque extendi queat aut nequeat. Romanus hac parte mos. Qualis actio inter conjuges detur: & de modis, quibus solvitur Matrimonium.

Diximus, quid sit Matrimonium, & quomodo contrahatur, ut initium det Familæ. Jure societatis & secundum primam naturæ simplicitatem familiæ Imperium feminae pariter cum viro debebatur, ut probavimus *lib. 1. Digest. cap. 3.*

2. Sed quia æqualitas parit rixas, *ut ait Chrysost. ad cap. 4. Ephes.* idcirco viri ob præstantiam sexus prævalet auctoritas, ordinis tamen magis quam subjectionis causâ, ex sententiâ *Aristotelis*, quam supra audivimus.

3. Idque notissimo jure Gentium, monstrante naturali ratione, nec minus jure divino, in tantum invaluit, ut neque Lex neque pactum in diversam partem sine probro valeret; quo scil. vir imperio in uxorem renunciaret, etsi id ipso facto non paucis hominibus claris & in tegris nationibus imputetur.

4. An autem illa sexus præstantia viro imperium in uxorem tam necessario ad dicat, ut id nullo modo aliter se habere posset, haud facile dixerim: quia muliebri in regnis imperium, quod domesticum absorbet, utique *juri* esse creditur. Unde videndum, ne non ex jure Gentium positivo, naturali ratione, quid rectius sit, monstrante, petita videatur.

5. Principatus autem ille Viri super Uxorem pertinet ad ordinem regimenque

familiæ duntaxat. Nam universa cura bonorum, quæ viris hodie plerumque tribuitur, est à jure Civili, cui proinde nihil obstat, quominus renuntietur.

6. Hinc sequitur, illud jus pacto quoque nuptiali amitti posse, quemadmodum mulieres in *Hollandiâ* sæpe stipulantur à viris, ne sub Cura illorum sint. Imo vidi pacta dotalia, in quibus mulier stipulata erat, ut *auctoritas maritalis cessaret*, his ipsis verbis; ratione bonorum scilicet; alioqui contra bonos mores fuisset Pactum, cujusmodi dotalia pacta non valent *l. 5. π. de Pact. dotal.*

7. Tantum abest, ut pares simus eorum sententiæ, qui jus vetus Romanorum Germanorumque, de vitæ necisque potestate in uxores, restitutum cuperent; qua de re *vid. Bodini lib. 1. de Republ. cap. 4.*

8. Nec enim satis causæ habet ille, quomobrem privatæ disciplinæ rigor ad capitalem animadversionem procedere debeat, tanto præsertim periculo à perversitate suspicionum irarumque maritalium: Potius iis adsentiendum, qui ne verbera quidem maritis permittenda putent, quod ipse Cato sacrilegium putabat. *Plutarch. in vit. Cat. Cens.*

9. Quia vix aliter in liberos & servos, quò in officio contineantur, pater dominusque animadvertere possunt; & quoniam ad regimen familiæ plus adversus hos, quam

quàm illos, opus esse videtur: est autem inter hos & uxores evidens discrimen.

10. Nec tamen id eò pertinet, ut maritis præcidatur facultas, indomitam uxorum contumaciam saluari severitate iustaque gravitate privatim coercendi, potius quam ut jurgia domestica seras proferantur, quod merito Bodinus d. cap. 4. vituperat, ac Alcibiadem laudat, qui uxorem id agentem humeris suis à tribunali domum reportavit. Utique, si non sit animus, Præceptorem Alcibiadis Severitatem imitari, tolerantia infinita mulieris insolentia semet efficaciter in patientia exercentem.

11. Quid autem rei, obiter; hoc est? quod Romani jus vitæ necisque in uxores habuisse dicuntur, si verum est quod Plutarchus narrat in *Quæst. Rom.* 30. solitam fuisse apud priores Romanos mulierem nubentem dicere novo marito, *Ubi tu Cajus, ego Cajo*; quæ verba Plutarchus ita interpretatur, *ὅπου σὺ Κάιος, ἐγὼ Κόιοι*. *Ubi tu Dominus & Paterfamilias, ibi ego domina & Materfamilias?* Recentiores autem Romani in Pandectis quid? Peto à te *Dominæ Uxor*, aiebat maritus in l. 41. *impr. π. de Legat. 1. Dominæ sanctissima* in l. 12. §. 1. *π. de ann. Legat.* Sempronie Dominæ meæ l. ult. §. 1. *π. de Aur. & arg. leg. in §. 2.* At uxor ibidem simpliciter scribit, *vir meus*. Et alibi, *Gajum Vistum meum commendo tibi filia* l. 34. §. 7. *π. de Legat. 2.*

12. Scilicet, illud dictionum nuptiale vel erat licentiæ (ponsalitiæ, vel coſpectabat, quod mulier nupta sui juris, nec in potestate viri, civiliter accepta, erat l. 4. *π. de his qui sui vel al. jur.* imperio interim familiæ illæso. Jus autem vitæ necisque posterior ætas sustulit; denique salutationes istæ nuncupationesque honorificæ, civilitatis forte nimie ac adulatoriæ fuerunt, adjuris consequentiam non pertinent.

13. Quanquam autem recte Bodinum intelleximus improbare judicia inter uxorem virumque, non est tamen hoc ita capiendum, quasi cuncta de matrimonio judicia cessarent.

14. Nam primò, quæ inter veteres Romanos obtinebat actio è Sponsu in id quod interest, teste auctore nostr. *Att. l. 4. c. 4.* juri naturæ satis conveniens erat, etiam ad cogendos eos qui recusarent implere matrimonia, non dabatur actio, quia licitum erat dicere, *Conditione tua non utor.*

15. Sed repudiis sublati, an jam non datur actio adversus recusantes implere matrimonium? Non est dubium, & fiunt omni die condemnationes. Sed in executione laboratur. Jure Canonico non placet, ut invitus aliquis aut invita nuptiis, in Ecclesiâ ipso actu celebrandis adigatur c. 17. x. *de Sponsal.* Idque in multis locis servatur, ubi vis executionis consistit in eo quod interest solvendo, impediendoque damnato, ne ad alias nuptias transeat.

16. Sed efficacior exequendi ratio non abhorrètè natura negotii, nec ideo reprehendendi mores eorum, qui condemnatum per Executorem publicum duci jubent in templum, ut ibi solennibus promissionis & Cærimonii defungatur, domumque ducat uxorem invitus vel invitam. Quod si deinde neget *ἑστὸς πῶλον ἵππου*, multæ dictione, vel pignorum capione subigi posse videtur.

17. Quid si pactum adjiciatur Sponsalibus, ne liceat alteri alterum judicio convenire ad implendum matrimonium? Non videtur valere Pactum, quia conditiones matrimonio adversantes illi adjicere, bonis moribus ac utilitati publicæ repugnat l. ult. x. *de Condit. appof. in despons.*

18. Porro, apud Romanos hac parte gravissimi exempli auctores, *de moribus* ut agere liceret inter conjuges, tantum fuit,

fuit, idque ne pactis quidem dotalibus excipi potuit *d. l. 5. π. de Pact. dotal.* Mulier etiam pro extremo sævitæ & prodigentiæ maritalis remedio, auctoritate judicis carere non potest, agendi que jus habet ad petenda alimenta, ut interdicatur ei bonis sævitiæque, sub Legge suæ modestiæ &c. Vir quoque, si uxor apud parentes aliosque latitet, agere potest ad exhibendam uxorem *l. 4. π. de lib. exhib.*

19. Sequuntur modi, quibus Solvitur matrimonium, qui sunt Repudium inter sponfos, Divortium inter conjunctos; etsi hæc vocabula sæpe confunduntur *l. 102. π. de V. S.* Prius mutua partium gratia fieri posse videtur, nec non alterutro graves ob causas renunciantes. *Cap. 5. & cap. 10. x. de Sponsal. cap. 25. x. de jurejur.*

20. Matrimonium partium consensu nullo modi solvi potest; quia non, ut reliqui contractus mere consensuales contrario consensu ad statum infecti possunt redire, sic quoque status prior conjugum eodem modo potest redintegari; quoniam arctissima illa conjunctio, per quam duo in unum coaluerunt, ita comparata est, ut non recipiat separationem neque retractari possit.

21. Ergo ejusmodi oportet esse causas, quæ foedus conjugale penitus destruant, quales duæ esse videntur, Adulterium & Desertio, quæ fit cum animo non revertendi, quam, *malitosam* vocant, ut jure divino cautum. *Matth. 5. v. 32. & cap. 19. v. 9. 1. ad Corinth. 7. v. 17.*

22. Adulterium proprie cum nuptâ committitur, ac ita cum de accusatione poenæque publicæ agitur, accipiendum esse videbimus in loco, probatumque est in *Prælect. ad tit. Inst. de Nupt. n. 5 & ad tit. π. L. Jul. de adult.*

23. Attamen Vinculum conjugii non

modo à muliere, sed etiam à Viro rem cum aliâ soluta habente dirumpitur, quia fides mutua jus in corpora utrique largitur idem *1. ad Corinth. 7. v. 4.* tamen si gravius vir quam uxor suppositione paratus lædatur.

24. Unde licet diversæ delicti species & nomina esse queant atque poenæ, ut multis visum Legislatoribus, *l. 6. §. 2. π. ad l. Jul. de adulter. Levit. 20. v. 10. Deuteron. 22. v. 22.* tamen utraque species matrimonio sufficit dissolvendo *d. cap. 5. & 19. Matth.*

25. Idem efficit malitiosa & obstinata derelictio tecti aut thori, quæ tollit peremptorie omnem *conjugium & conjugium*, non minus naturaliter quam jure divino; etiam thori, inquam, uti nostro tempore Princeps illustris, hoc prætextu divortium novasque nuptias velabat, ut dix. *Prælect. ad π. tit. de Divort. & repud. n. 12.*

26. Si aliter mores femine sint intolerabiles, non ultra quam domo exigi potest. Nec illa se alio modo sævitæ viri opponere, aut luxuriæ suas res subducere potest; quanquam Justinianus, Princeps religiosus, exemplo Mosaico, libellos divortii pro ultima discordantis matrimonii medela permittit *Nov. 140.*

27. Et hæc quidem Jure divino, Juri naturæ, saltem suasio magis consentanea, quam sunt causæ plures in Jure Romano traditæ, de quibus actum *imaginemus* in parte 2. *Digress. lib. 1. c. 18. n. 4. & 5.* etsi non desunt tam Theologi, etiam ex rigidioribus, quam Juriscti, qui hac parte multo sunt remissiores, de quibus in *d. c. 18. & in Prælect. ad tit. π. de divort. & repud.*

28. Diversæ à causis divortii sunt rationes *Nullitatis*, per quas ab initio nullum fuisse conjugium intelligitur, ut est impotentia post experimentum triennale, de quo *superius*; propinqui-

tas sanguinis aut adfinitatis ignorata prius, & quæ præterea matrimonium inde ab initio nullum reddere diximus in cap. præc. & in Praefect. ad π. tit. de Divort. n. 16.

29. De impotentia si dubitetur, quid juris aut consilii in re ancipiti? In foro Pontificio mos est vetus, instituendi visitationem & exigendi specimen congressus, quod institutum impudentissimum graphice describit Robertus lib. 4. Rer. judic. c. 10. multasque rationes, quibus id improbandum sit, adducit; quemadmodum à magno Senatu Parisiensi ante aliquot annos, occasione singularis & illustis eventus, cum inquisitionis morem fuisse prohibitum accepimus. Dix. ad tit. π. de Rit. Nups. sub fin.

30. Sed quæ ratio igitur finiendæ litis super impotentia virili? Si vir neget & res dubia sit, viro potius adfirmanti, quam mulieri neganti credendum videtur: Nisi gravissimæ præsumptiones circumstantiæ faciant, ut mulieri iusjurandum quandoque deferendum videatur.

31. Hoc etiam ad juris publici rationem pertinet. Rescripto Principis, ob exquisitas æquitatis aut publicæ utilitatis causas, rigorem nullitatis posse mitigari, maxime propter temporis diuturnitatem statumque liberorum, ut notabili exemplo Marcus & Verus demonstrant in l. 57. π. de Rit. Nups.

32. Sed hujus loci quæstio est; Si corrupta pro virgine, ab ignorante ducatur (scienti enim nulla querela) utrum

hæc sit Nullitas, vel divortio sit locus, an neutrum? Nullitas, si non hæc conditio adjecta fuerit vel dolo causam dante secus adfirmatum sit, hæc re non committitur. Divortio magis est, ut causa dari videatur; maxime, si res ab initio statim detecta sit: Nam inveteratum conjugium hac causâ difficulter distrahitur Deuteron. 22. v. 21. in Nov. Leon. 93. Dix. latius in Praefect. ad tit. π. de Divort. & repud. n. 17.

33. Hactenus de vero Divortio. Est & aliud instar divortii, quod dicitur, à Mensa & Thoro; propter mariti sævitiam, aut uxoris procaciam intolerabilem, vel utriusque, ut fere usu venit, odium irreconciliabile; Idque vel discessione simplici, vel causâ cognita, iudicis auctoritate fieri solet. Privatim ita, ut apud Homerum Il. 2.

Ἡδὲ καὶ δὴ ἐγγὺς ἦεν αἰχμῶν ἀπὸ τοῦ
Εὐρύου καὶ Φιλότητος, ἔπειτα γὰρ ἰμῖν
ἦν μῦθος:

Inter eos pridem chari communio lecti;
Est consuetudo tristem cessavit ob iram.

34. Sed ut effectum juris habeat illa separatio, causæ cognitione opus est; tentatis prius omnibus & auctoritatis & suadendi remediis: plerumque enim mulierum querelæ sunt, quales in Plauti Menæchm.

Pater, vivere hic non possum, neque
durare ullo modo;

Proin tu me hinc abducas:

idque de vitilitigiis, ut illic à Pare filix inculcatur.

CAP. V.

De Parentibus & Liberis, & de Tutela.

Post conjuges, membra familiæ esse liberos ex justis natis nuptiis; & concubina tamen editos, mediante legitimatione, posse familiæ aggregari, modo mater fuerit, cum qua nuptiæ esse potuissent. Improbatur mos exponendi liberos, aut fame incestuosos necandi. Adoptatos quoque ad familiam pertinere. Patria potestas jure Gentium qualis esse debeat. Refellitur Hobbes, qui jure Naturæ partum, matris in potestate solius esse putat. In nuptiis liberorum, quæ sit patria potestas, quæ in publicis causis & in bona liberorum. Quibus modis patria potestas & regimen Familiæ solvatur; ubi de & Tutelis.

Videntur quidem hæc inprimis ad jus privatum pertinere, sed quia tractatus de Familia, ad civitatem necessarius est; nec ea, nisi partes explicentur, intelligi potest, res jubet, ut obiter hæc delibentur; sed obiter, ut fit, ac quatenus ad jus universale, quod est Naturale vel Gentium, sufficit.

2. Igitur, altera in familia societas orta è priori, inter parentes liberosque ex justis nuptiis natos, intercedit. Nam qui absque matrimonio suscipiuntur, non fiunt membra familiæ, quia deficit principium familiæ, quod conjugium esse vidimus.

3. Hoc igitur qui contraxere, dare debent operam proli multiplicandæ, licet molesta sit futura liberorum multitudo. Proinde vel abortus procurare, vel exponere & necare infantes, jure naturæ, quo *πρὸς*, Prolis amor hominibus inradicatus est, illicitum; sicut primævo conjugii instituto, quod Sacræ literæ produnt, adversum est; haberi oportet.

4. Etsi aliter gentes antiquæ & philosophi, interque eos Aristoteles *lib. 7. polit. c. 16.* ubi expedire docet civitati,

*ἡ πρὸς τὴν πόλιν ὡς πρὸς τὴν πόλιν, multitudinem proli generandæ limitari; quia civitatis incremento non tam servit numerus natorum, quam facultas educandi & elocandi natos & natas. Si Lex vetet expositiones, auctor est ille *περὶ αἰδομένης ἡλικίας καὶ ζῶντος, ἡ ποσειδῶντος τοῦ ἀμβλασίου, autequam factus sit vitalis, abortum procurari.**

5. Sed rectius aliæ Leges, crimen id esse statuunt *l. 38. §. qui abortionis §. π. de Pænis*, levius quidem in principio, necdum animato fœtu; ut illo tamen casu etiam crimen sit, non tantum, si quis partum perfocat, sed etiam, si alimenta denegat *l. 4. π. de Agnosc. & alend. lib. d. §. 5.* convenienter isti Euripidæo, *Ἀπὸ τῆς δ' ἀσπράττουσιν ἡ ψυχὴ τίκται. Cum illis hominibus liberi vita altera, idque donec ætate, vel arte aliqua, cui à Parentibus addicti fuerint, exhibere se possint l. 5. §. 7. π. d. tit. de Agnosc. & alend. lib.*

6. Qui tamen è muliere, cum quâ conjugium esse posset, sunt nati, suppleto defectu, quo à familia removebantur, possunt cum illâ reintegrari. Scilicet, subsequente parentum connubio;

bio, aut, sublato alterutro, per Rescriptum Summæ potestatis, quæ est *Legitimatio*, aggregans illos familiæ, sine præjudicio legitime natorum, & sine effectu Successionis in regna & feuda, de quibus in loco.

7. Sed differentia juris Romani inter eos, qui domi è concubinis & qui foris è furtivo amplexu nascuntur, non est juris gentium, quo sufficit patrem esse certum, ut liberi pro naturalibus & aptis ad legitimandum habeantur.

8. Verum nati è coitu nefario, incestuoso vel adulterino, non sunt in terminis habilibus, ut cum familia parentum unquam coalescant: quia vitium illis obstitans nunquam potest tolli, & turpe videtur eo modo natos familiis aggregare. Quominus tamen Principes speciali rescripto jubeant eos in civitate, effectusque civilibus haberi pro honestis & quasi pro legitime natis, ratio non prohibet, idque fit passim.

9. Sed quod ad eos attinet, qui ex nuptiis sine parentum consensu initis sunt nati; horum status per ratihabitionem avorum ad originalem integritatem reduci potest, qua de re prolixa quæstio juris non est hujus loci. dix. ad tit. π. de Rit. nupt.

10. Neutiquam tamen nefariæ proles abjici alimentisque privari debent, quæ sententia Justiniano, in Nov. 89. cap. ult. minus merito adscribitur, ut in *Prælect. & pr. lib. 111. Inst. exeg. Nov. 118.* demonstratum est; quanquam ut inhonorati in civitate degant, id juris ratio non abnuir, imò postulat.

11. Multò minus ille mos veterum probandus, quo Patribus erat permissum, liberos etiam juste natos tollere aut exponere; quo pertinet *πὶ ὑπορέξει* Atheniensium, *Ἐπει δὲ ποταμὸς ἐκίθηται τὴν ἀσπίδα*, ut Scholiastes Aristoph. *Ran.* quia infantes exponerant in ollis fictili-

bus, quod nec Romanis incognitum fuisse, probavimus 2. *Digress. 5.* et si Justinianus id execratur in Nov. 153. c. 1.

12. Sed ubi Servitus in usu est, ibi nefas non viderur, vendere liberos, si quos parentes ultima pressa paupertate alere non possint, ut Lege Thebanâ atque Romanâ, de liberis recens natis fuit cautum, teste *Æliano lib. 2. var. hist. cap. 7. L. ult. C. de patr. qui fil. distrax.* de quorum locorum collatione notabili diximus in *L. 2. Digress. c. 5.*

13. At in bene constitutis Civitatibus non desunt, neque debent deesse media, per quæ talibus de alimentis prospiciatur.

14. Parentes sane tam extrâ quàm in matrimonio, propter necem liberorum rigidè puniuntur, neque discernendus pater à matre, quod sit aliquo modo, dum mater jure Romano tanquam parricida, pater ut homicida plectitur *L. 1. ad Leg. Pomp. de parricid.*

15. Denique, tædio orbitatis commentum adoptionis repertum & à multis gentibus usurpatum est, quo extranei in nomen & jus liberorum, auctoritate publica, adsciscuntur.

16. Publica auctoritas ad hunc effectum est necessaria, quoniam sine illa jura gentilitia familiarum & successionum, quæ jus liberorum comitantur, privato arbitrio stabiliri non poterant.

17. Quod si illa adhibeatur, non video, quamobrem Adoptio nec hodiè liberorum jura tribuere nequeat, ut plerique tradunt; errore, nisi fallor, infrequentia vel spuria adoptionis, qua privatum adolescentes aliquando pro filiis adscisci dicuntur.

18. In Frisia sane, ubi non magis adoptio quàm alibi frequentatur, dubium tamen non est, quin si accidat, jus liberorum inter vivos & mortis causâ tribuat; quomodo usu venit in illustri

exemplo alibi commemorato, quo jus
etiam successioneis ab intestato, vi adro-
gationis coram Suprema Curia factæ,
acquisitum & exercitum fuit. *Dix. Præ-
leſt. ad tit. Inst. de Adopt. sub fin.*

19. Nam Adrogationis & Adoptionis
diferimen, quod Romanis placuit, ut
qui sui juris sunt, imperio Principis aut
Ordinum liberi populi adrogentur, qui
vero alieni juris sunt, hi per Magistrat-
us adoptari possint; non est juris Gen-
tium; adeoque nihil vetat, utramque
speciem à Magistratibus administrari,
quomodo Frisii in illo visum exemplo,
Gentium magis quàm Romani juris re-
spectu.

20. Forma adoptionis pro more cuiusque populi diversa, sed inter vivos fieri debet; nam quæ testamentæ facta memoratur in Historiis, magis est adsumptio in nomen honoremque familie atque bonorum, quam Adoptio; quia nullum continet respectum patriæ potestatis aut necessitudinis filialis; cum nonnisi post mortem adoptantis usum habere possit, quomodo Julius Dictator nepotem ex sorore Augustum adoptavit, & Augustus ipsam uxorem Liviam

Tacit. l. 5. Ann. in pr. Quæ de re latius actum in lib. 2. Dirress. c. 22. n. 2.

21. Sunt etiam adoptionis imitamenta
quedam, nomen idem, effectum minime
eundem habentia; qualis quæ apud ve-
res Germanos fiebat per capillum & per
arma. Per capillum fiebat adoptio, quo-
tiens ritu solenni Principes, juvenum ce-
sarum incident, quod sumere capi-
llum vocabant, de quo Paulus Diacon-
lib. 6 de gest. Longob. Per Arma, quando
juvenes à manu illustri equos, enses,
clypeos, hastas aliaque belli instrumenta
acciperent, ut est in epistola Theodorici
Gothi, quam refert Olaus Magnus lib.
VIII. a. pr. quomodo & Justinianum
ab Aethalrico Gotho adoptatum memo-

rat Cassiodorus *lib. 1: var.* Nihil aliud
hi ritus fuere, quam solennes belli ini-
tiationes, cum appellatione patrum &
filiorum.

22. Potestas parentum in liberos ejusmodi esse debet, quæ ad regimen familiaris sufficiat, & quidem, ut par est in Civitate, ubi major est potestas prædicta gladio.

23. Proinde, jus vitæ & necis, quod olim Romæ habebant parentes, recte novis constitutionibus aliarumque gentium moribus in medicam coercitionem est mutatum l. un. C. de Emend. prop. l. 3. C. de parr. pot.

24. Merito etiam displicuit Romanis junioribus aliisque populis antiqui iuris Quiritium rigor, ut Patri potestas æque valida & infinita esset in liberos acrat in servos, etiam ut Patri filium vendere liceret, qua de re nos egimus in lib. 2. *Digress.* c. 4. quod tamen in filiabus an habuerit locum, dubitari potest, per ea quæ diximus in parte 2. *Digress.* l. 1. c. 15. n. 6.

25. Sufficit, inquam, parentibus, tantum potestatis, quantum moderandae familiae necessarium est, salva publicae privatique juris & coercitionis differentia; quemadmodum apud Graecos olim Solonis, Praeci, Charondae aliorumque Legibus cautum fuisse, testatur Dionysius in *lib. 2.*

26. Nec quidem ille dubitat, Leges Romanas infirmitatis Græcorum præferre, etiam in iure vitæ neciliq; & graviore coercitione per omnem vitam exercenda; quanquam & naturæ & gentium iure pofitro, mores antiqui Græcorum τῷ νόμῳ, ſeculi præſentis uſus, magis convenire videntur.

27. Cum autem familia Imperium sit penes virum, sequi debuit, ut potestas in liberos, quæ civiles validosque haberet effectus, patri soli permitteretur.

honore interim & obsequio pietatis matri æqualiter præstando.

28. *Hobbes* arguitur, jure naturæ parum esse in potestate matris solius, quia per naturam puerpera prima suo fœtu potitur, verum patriam potestatem esse vel ex pacto matrimonii, vel ex Lege civili. *Tract. de Civ. cap. 3.*

29. Nostra ratio contrâ est, honestatem naturalem exigere, ut mulier se non det pluribus viris, sed sub oculis unius agat eique cohabitaret.

30. Unde ex eadem naturali ratione sequitur, virum qui solus cum muliere semen communicavit, jus in eundem filium rectè sibi vindicare, quia ex iplo est, & dum nascitur fœtus, æque & facilius manum ei injicere potest quam puerpera.

31. Sed ratione generationis dicendum, utrique parenti commune & par jus comparatum esse; prærogativam patris, jure Gentium, naturali ratione quod melius erat monstrante, fuisse introductam. *Dix. in Digress. lib. 2. cap. 3.*

32. Cæterum, jura Patris potestatis tam ad personas liberorum, quam ad res & bona illorum pertinent. *de quib. vid. Gros. lib. 2. cap. 5. §. 1. & seqq.*

33. In personalibus id juris habet pater, ut quamdiu filius aut filia imperfecti est iudicii, per omnia Patris imperio subiectus sit; Etiam quando adolevit; attamen pars manet Paternæ domus, in omnibus quæ ad regimen familiæ spectant, ut in iis filius nihil sine Patris consensu possit, adeo ut pater acta ejus irrita facere queat. In separatum à familia, cessat potestas; sed auctoritas in Parente, reverentia in liberis manet in perpetuum.

34. Quin etiam alia, nonnulla, in quibus liberi, dum adhuc sunt in familia, tenentur quidem parentes revereri & observare, sed facultas perfecta patri in illis competere non potest.

35. Cujus generis videtur esse jure naturæ *Matrimonium*, quod non ad regimen familiæ, sed ad ejus dissolutionem spectat; præter quod gignendi facultas tam propria & cuique singularis esse videtur, ut imperio subijci non possit.

36. Sed ratio summa honestatis & gratitudinis communisque utilitatis plebique Legislatores impulit, ut necessitatem vimque coactivam huic rei adderent; adeo ut divino & Romano aliisque juribus, excepto Canonico, invitis parentibus contractæ nuptiæ nullius momenti censeantur. *pr. & §. 1. Inst. de Nupt. Exod. 22. v. 17. Deuteron. Cap. 7. v. 31. Corinth. 7. v. 36. C. sufficiat cap. 27. qu. 2. Cap. cum causâ x de Rapt.*

37. Plura personalia Romani patris potestati adscribere, veluti, quod inter Patrem & filium nullalis, nulla obligatio existere potest; quod vox patris ut filii, vox filii ut Patris intelligitur *l. 4. π. de Jure §. si quis alii 4. Inde Inutil. stipul. Quæ & similia nituntur hac regulâ; quod Pater & filius una eademque persona esse videntur: Quæ cum sit fictio Legum, positiones inde pendentes ad jus gentium minime pertinent; nisi quatenus eveniat, ut liberi nihil patrimonii adeoque nullam litem aut obligationis materiam à patre suo seorsum habeant.*

38. Cæterum, in causis ad Rempublicam pertinentibus, clarum est, cessare debere patriam potestatem; eaque est regula Juris Romani, Gentium juri contraria *l. 9 π. de his qui sui vel al. jur.*

39. Quanquam olim secus apud Romanos obtinuisse Dionysius auctor est in *lib. 2.* narrans ex Lege Romuleâ de Patria potestate, *Viros Illustres, Summos Magistratus gerentes & conciones pro rostris habentes, senatui quidem adversas, plebi vero gratas, à patribus sæpe detractos & domum abductos fuisse, penarum arbitratu daturus: ita quidem, ut nec*

consules, neque tribuniplebibus, aut ipse populus eos eripere posses. Videtur id omnino facti magis & reverentiae erga Parentes fuisse, quam juris publici & necessarii: quemadmodum diverſi quoque generis exempla, filiorum, qui patres suos Magistratui honorem habere compulerint, apud eosdem Romanos non defunt.

40. Jus in bona liberorum eodem fundamento nititur; sanè, quam diu liberi sunt pars familiae paternae, consentaneum est, fructus redditusque bonorum ei cedere ad familiae sustentationem, ut & lucra illorum, quae ad ipsos à patre profecta sunt.

41. Quae praeterea jure praesertim Romano constituta sunt, ea Legum commenta suo loco non inutilia, sed à jure universali aliena sunt; veluti, quod bona, quae aliunde liberis acquisita sunt, olim Patris etiam propria fuerint, quod recentiori jure Romano, ad analogiam juris Gentium, quam diximus, reformatum est in *tit. C. de Bon. quae lib. & de Bon. matern.* Quod liberi de bonis suis per ultimam voluntatem disponere non possunt, nisi de quibus Lex iis hanc potestatem specialiter dedit *l. pen. C. Qui testam. fac. non poss.* Imo quod pater liberis suis impuberibus heredem in bona adventitia dare queat, in *tit. l. 1. & C. de substit. pupil.*

42. Solvitur patria potestas jure Gentium, non morte tantum, sed & ademptione libertatis & civitatis, aut graviori Emancipatione voluntaria: qui modi jure Romano sunt cogniti *tit. Inst. Quib. mod. solv. patr. pot.*

43. Sed & matrimonio separatâque habitatione, quia tunc ipsi liberi novam conjunctam faciunt. Igitur ætate verius est, non solvi potestatem Jure Gentium, contrà quam nonnullis populis in usu est; modo filius pars maneat paternae domus; tantisper enim imperio Patris

sui, quod ad regimen domus attinet, subjectus manet. Cæterum, Educatio liberorum, etsi maximè in Republ. utilitatis & exactam requirat disciplinam, ab hac Arte tamen aliena, neque tam ad politice quam ad Oeconomicam, quae propriis terminis constat, referenda sit.

44. Quid si pater-familias moriatur, an omnis potestas familiae solvitur? Ita Romanis visum; sed à jure Gentium non videtur abhorrere, ut mater, quae fuit sociæ regiminis, & cui potestas, ordinis saltem causa, utque cederet marito, negata erat, quemadmodum *suprà* intelleximus; ut hæc, inquam, parte defuncto, succedat in Imperium, donec societas domestica manebit.

45. Quà ratione bene consultum est recentiori jure Romano moribusque populorum; quod matres sunt Tutrices Legitimæ liberorum suorum. Quippe Tutela est patriæ potestatis vicaria.

46. Si mater non sit, vel hæc secundo marito se submiserit, aliis Tutoribus committendi sunt adolescentes, donec virilis vigor in illis completus fuerit: qua parte quod Romani inter Tutelam impuberum & Curam puerum distinxerunt, non est juris Gentium, nec ideo ab aliis populis observatur, quando & Græci ipsius juris Romani interpretes *νεβύργος* & *ἀφίλιμος* eodem modo promiscue sumunt, quo Germani *Vogt* & *Wunderjagen*.

47. Jus dandi Tutores primo quidem ad Patres pertinet, non tamen jure Patriæ potestatis, sed per consecutionem disponendi de bonis suis, juxta Legem *xii. Tabularum*, cujus verba constat hujusmodi fuisse; *pater-familias uti super pecuniâ tutelâve rei suæ legasset, ita jus esse*; quo jure quilibet Testatores pupillares heredibus à se institutis, quos volunt, Tutores dare possunt, jure Gentium.

48. Quin etiam jure Romano *l. 4. & de con-*

de confirm. Tut. etsi postmodum à Jurisconsultis introducta est Tutela Testamentaria, Patribus jure potestatis suæ propria, quæ jus in personam & bona liberorum adventitia daret, cujusmodi species excedit terminos juris Gentium.

49. Quando pater aut mater, vel quicumque pupillum heredum scripsit, Tutorem ei non dedit, ratio vult, ut Civitas Patrum vicarios, iis qui se ipsos regere non possunt, constituat; quod vel fieri debet generaliter Lege, vel officio Magistratus.

50. Lege, nulli melius vocari possunt, quam sanguine proximi, cum, propter affectum naturalem, tum ob spem emolumentum à successione, si pupillus moriatur, hoc intuitu, quod Tutela sit onus, ut est revera.

51. Proinde sine discrimine cognatorum & agnatorum, ut Plato in sua Republica quam respectu universalis formavit, instituerat, *ἡμετέρας δὲ καὶ τῶν ἐγγύων τῶνδε καὶ τῶνδε καὶ τῶνδε, Τυτὸρες εἶναι δεῖν* proximos & familiam paternam seu maternam.

52. Quod si ad agnatos solos successio pertineat, ut olim Romæ factum, nunquid & hi soli ad Tutelam vocabuntur? Ita visum Romanis, ob rationem juris, ut illi putant, naturalis, Illic omnis Tutelæ constitui oportere, ubi est emolumentum Successionis. Contrarium placuit Soloni in Legibus Atticis, teste Diogene Laërtio, qui *ἐκ τῆς ἀγνείας καὶ τῆς ἐγγυίας, ἡμετέρας δὲ καὶ τῶν ἐγγύων τῶνδε καὶ τῶνδε καὶ τῶνδε, Τυτὸρες εἶναι δεῖν* inquit, *hoc etiam pulcherrime constituit, ut in legibus, iis qui non sunt agnati & cognati, Ne Tutor fiat is, ad quem post obitum pupillorum, hereditas per-*

veniet; metu insidiarum ab auri sacra fame. Cur tam varie Romanus & Græcus in eodem negotio Legislator, edisseruimus in *part. 1. Digress. cap. 5. n. 2.*

53. Cæterum, modus deferendi Tutelam Legitimam, qui Romanis placuit, ut sine medio & facto hominis, adeoque sine decreto Magistratus, Agnati proximi vocentur ad Tutelam, minime juris Gentium, aut universalis est. Nec Græcis olim, nec hodiernis populis id usitatum est; sed ratio magis vult, Magistratus, qui sunt ministri Legum, ex agnatis maxime idoneum eligere, vel si nemo reperiatur idoneus, hoc onus imponere extraneo. Quæ præterea ad Tutelas & Curationes pertinent, ab hoc loco aliena sunt. Fontes juris Gentium aperire, leviterque educere fundamenta, earum rerum, quæ maximè juris Privati sunt, satis est in hoc quidem Traçatu.

54. Porro per connubia filiorum (nam filix innubunt in alienas familias, unde & capita & fines familiarum dicuntur) propagatur familia, omnesque nominis & cognationis participes, ejusdem familiæ esse dicuntur, *l. 195. §. pen. & ult. ff. de Verb. signif.*

55. Sed cum origo sanguinis ultra memoriam hominum provehitur, desinit agnatio, & eadem stirpe progeniti *gentiles* dicuntur, distributi in diversa familiarum cognomina, licet omnes ultimi progenitoris appellationem retineant, *d. l. 195.*

56. Ita fit progressus à familiis proprie dictis ad agnatos, ab his ad gentes, & gentibus Civitates colliguntur.

CAP. VI.

De Dominis & servis, atque famulis.

Definitio servitutis Grotiana. Præfertur Juris-consultorum, quæ explicatur; ubi de causis justæ servitutis. Solvitur quæstio duplex: an liceat illis, resistere dominis, & an servi fugere possint. Rectene hodie sublata sit Servitus. De famulis hodiernis.

Quanquam servi per se membra Civitatis non sunt, tamen ad familiam sine dubio pertinent, atque ita sunt in Civitate, cujus partem olim magnam Romæ & per omne Imperium aliisque gentibus fecerunt.

2. Quæ de re notabile est, quod Athenæus lib. 6. *Deipnos.* c. 8. scribit, ἡ πόλις ἔσται πάλιν, ὡς καὶ ποτὶς ἔδειξε, ὅταν μὴ εἴη πόλις, ἀλλὰ οὐκ ἔστιν πόλις. Adeo floruisse Corinthiorum civitatem, ut servorum sex & quadraginta myriadas contineret; hoc est, *quadringenta sexaginta millia*: nihil animadvertente Casaubono, qui notat eodem loco Dalecampium, quod narrantem de Masone Phocensi, illum habuisse Mille servos, Athenæum emendasset, legendo *centum*. Quin & Romanos cives fuisse, qui servorum habuerint decem & viginti & plura millia, scribit idem.

3. Servum Grotius definit, hominem, qui perpetuas operas pro alimentis debet, exemplo Chryssippi apud Senecam, qui servum ait esse, perpetuum mercenarium. *Grot. lib. 2. Cap. 5. §. 27. Seneca 7. de benef. 4.*

4. Non malè; nam tales sunt servi, quales apud Erythræos Thraciæ, mulieres, quibus ἡ πόλις ἔσται πάλιν, ὡς καὶ ποτὶς ἔδειξε, ὅταν μὴ εἴη πόλις, ἀλλὰ οὐκ ἔστιν πόλις; cum essent liberæ, victum ibi exercebant serviendo, ut scribit Pausanias in *Achaic. lib. 7.* at non plenè, quia plus ex ratione juris Gentium inesse potest Ser-

vituti, quicquid scilicet dominio rei cujusvis inesse potest, abutendi quoque & perdendi facultas.

5. Unde efficacius Icti, Servitutem esse docent; Constitutionem juris gentium, qua quis dominio alieno contra Naturam subijcitur. §. 1. *Inst. de jur. person.*

6. Contra Naturam, id est, contra statum Naturæ, sive conditionem hominum primævam, non contra jus Naturæ, sive dictamen rectæ rationis.

7. Multæ enim servitutis justæ possunt esse causæ, veluti conventio, cum quis impos sui tuendi se dedit alii defendendum aut alendum; hac lege, ut in ejus potestate sit, & imperata faciat, quod jure Romano & Mosaisco permixtum, §. 4. *Inst. de jur. Person. Exod. 31. v. 6.*

8. Secundò, alimentorum præstatio; Nec enim est iniquum, ut pro alimentis operæ præstentur, ut is qui infantem, verbicaut, expositum aluit, accedente Legis autoritate, eum habeat in dominio. *l. 2. C. de infant. expof.*

9. Tertio jus belli, nam quos occidere honestum est, ut jure belli notissimo constat, eos servare ad serviendum non potest esse inhonestum neque injustum.

10. Quarto, nativitate, cujus ratio non tam est, quia, si domini nollent, liberi è servis non nascerentur, ut Grotius, *l. 2. c. 5. §. 29. & l. 3. c. 7. §. 5.*

11. Sed

11. Sed potius, quia pars sequitur jus totius, & quia foetus à domino, tam ante quam post nativitatem altus est; cui non obstat, quod partus hominis in fructu non est §. *In pecudum* 37. *Inst. de A. R. D.* ejus enim rei diversa ratio est.

12. Denique, propter delictum potest quis justè redigi in servitutem, ut hi qui in metallum vel ad remos, aut ergastulum perpetuum damnantur.

13. Duo præcipue de servis quaeruntur: primum; an & quâ ratione prohibitum illis sit, resistere Dominis? Dein, an jure suo fugere possint.

14. *Hobbes* distinguit, ut si in vinculis aut ergastulis habeantur, non modo fugere illis liceat, sed & resistere, imo occidere dominos. *de Civis cap. 8.*

15. Quod si dominus servum nec vinclum neque inclusum teneat, videritacitum intercedere pactum, quo servus ad parendum patiendumque pro vitæ præmio, quod victorei largitur, se obligaverit, cujusmodi plerumque etiam pactum expressum intercedit.

16. Plane in his qui bello sunt capti, non videtur aliena à ratione hæc distinctio; quin solidius servilis patientiæ fundamentum, quam alii tradunt, suppeditare videtur.

17. Quapropter resistendi facultas ejusmodi servis, justo, id est, solenni bello captis neutiquam danda videtur, idque sine differentia justæ vel injustæ belli suscepi causæ.

18. Neque id tantum externo jure, sed ita, ut animi quoque servorum vi expressæ, vel tacitæ conventionis adficiantur; ut nefas sit occidere eum, à quo, cum haberet jus occidendi, vitam ut spoliū opimum, adepti sunt.

19. Verum ad obligationem non fugiendi, tacita illa conventio sufficere non videtur, maxime ad suos & durante bello; longe enim potentius est recuperan-

dæ libertatis desiderium, quam ut eacitè renuntiaturum videri possit.

20. Cæterum, quamdiu capti bello non recipiuntur in gratiam, sed in vinculis habentur, palam est, nullum pactum expressum vel tacitum inter ipsos atque victorem intercedere. Proinde tum captis omnia, quæ in hostem, licere, non est dubium.

21. Quod si bellum careat solennibus juris Gentium requisitis, non sunt capti, jure servi; proinde nec ejusmodi tacita oritur obligatio, ut in his qui piraticâ aut latrocinio barbarorum capiuntur.

22. Porro, cum his qui ob delictum sunt servi poenæ, nullum initur pactum neque tacitum neque expressum; jus tamen resistendi non habent jure damnati; fugere quominus jure possint, nihil obstat videtur.

23. Voluntaria Servitutis obligatio modum accipit ab expressâ vel tacita voluntate contrahentium. Expressa per se terminatur, tacita in qualibet civitate jus habet idem, quod publice de servis receptum.

24. Sic tamen, ut liberum jus vitæ & necis, haud competat; quia id ex pacto non oritur, sed jure externo tantum valet, quatenus in civitate impune exercetur.

25. Plura de hisce nihil attinet dicere; quia Christiani servitutis usum inter se pridem sustulerunt, iidem infideles armis suis minus infestant, sed innumera illis mancipia ipsi undique suppeditant.

26. Non desunt, qui Servitutis usum inter populos Christianorum ita penitus nollent sublatum; speciosum esse caritatis obtentum, sed inutilem; multam inde colluviem hominum redundasse, quos licentia & egestas ad flagitia aut mendicitatem adigit, qui lege servitii melius tenerentur; dum, ut nunc est,

ministeria familiarum coarctantur, pro-
cacibus ingenuorum operis, *vid. Bur-*
deq. epist. Turc. 3.

27. Adde, credes, servitute sublata,
esse frequentiores, quod Romani in ci-
vilibus bellis experti, quibus non fiebant
servi. *Tacit. lib. 1. hist. c. 44. Plutarch. in*
Orb. & Jc. in l. 21. §. 1. π. de Captiv. &
postlim. rev.

28. Videntur tamen nonnullæ certis
in locis superesse reliquæ servorum, e-
jus generis, quos Latini *adscriptitios* vo-
cant, homines certo fundo colendo ad-
dictos; qui à Gallis *manni mortui*, Ger-
manis, homines *proprii* vocantur; qui
pariter cum fundis vendi possunt, &
quicquid acquirunt, dominis suis acqui-
runt. *vid. tit. C. de Agric. & censit.*

29. Moribus alioquin hodiernis, u-
timur, ut dictum, servis ingenuis, adeò,
ut qui servi ex Indiis aut aliunde huc ad-
ducuntur, statim atque fines nostros at-
tigerunt, ad libertatem proclamare pos-
sint, ut omnium fere gentium in Euro-
pâ Scriptores citati à Groenewegio *ad*
tit. Inst. de jurr. person. testantur.

30. Igitur famuli famulæque non ali-
ter quam ex sua conventionione, secundum

naturam rei quæ agitur, idque ad tem-
pus, sunt obligati. Natura autem negotii,
ad quod se locaverunt, hæc est, ut dili-
genter imperata faciant, operamque se-
dulam dent iis rebus, ad quas se loca-
runt, ita sicut vir prudens definiverit,
idque toto tempore quo suas operas ad-
dixerunt.

31. Et quoniam sunt membra subje-
cta familiarum, nulla fiet illis injuria,
si dicantur è tacita illa conventionione, non
minus obligati ad patientiam, ac liberi
respectu suorum parentum; consequen-
ter non tantum pati debent à dominis
verbera linguæ, sed etiam manus, si ex-
orbitent; nisi mores gentis aliter ferant;
ubi tum, si quando servitii pactique Le-
ges egrediantur, à Magistratu coerceri
possunt.

32. Domini vicissim debent ipsis om-
nia, de quibus inter eos convenit, vi-
ctum & mercedem omniaque humani-
tatis officia, quæ salva subordinatione
status ipsorum, civiliter præstari queant;
nec ante tempus eos, nisi causâ cognita,
dimittere possunt: ni lex aut mos locor-
um aliter ferat, quæ admodum hac par-
te variant.

SECTION II.

De Civibus eorumque differentiis.

CAP. I.

Quid Civis sit, & quomodo definat esse.

Quid sit civis, obscurum esse. Quid sit reverâ explicatur è definitione, probaturque etiam mulieres, filios-famil. rusticos & qui imperii nullo modo participes sunt, esse cives. Etiam qui aliunde orti sedem fortunarum in civitate collocant; licet aliter jure Romano, quo tales incolæ dicuntur.

Qui domi sunt membra familiæ, hos in Republica Cives appellamus.

2. Qui autem verè sint cives, tam obscurum ac aliud in tota hac arte quicquam, esse videtur.

3. Aristoteles pro civibus habere videtur eos tantum, qui imperii & judicii participes sunt; verum magis ad popularia Græcorum instituta, quam ad universam civitatem, ut videtur, respiciens *lib. 3. Polit. cap. 1. in verbus*, Ο ὁμογενὲς ἐν δημοκρατίᾳ μέλει τῶν πολιτῶν. *Is quem diximus, in democratia maxime civis est.*

4. Romani vocabant Civem, qui in urbe habebat tribum, centuriam & jus suffragii, quibus solis inter se jus connubii, successionis & commercii aliaque juris civilis effecta competebant, de quibus *Stgon. de jur. Civ. Rom. lib. 4. C. 1.*

5. Habuerunt tamen & cives ex Latio, & colonos & municipes civibus accensebant, diverso tamen jure singulos, & ab his omnibus provinciales separabant; denique incolas neque cives

neque municipes appellabant, *ut idem Sigonius docet.*

6. Moribus hodiernis, cives illi duntaxat haberi videntur, qui in urbibus habitant, sæpe & ordinis plebei duntaxat; ita, ut neque rusticos neque nobiles civium nuncupatione impertiantur; differentiâ interim civium & incolarum minus exactè servatâ.

7. Nos secundum principia hujus artis universæ, remota nube tot distinctionum, pro civibus habemus, omnes tam mares quam feminas, filios & patres-familiarum, tam nobiles quam plebejos, etiam Duces, Principes & Comites; tam rusticos quam urbanos, tam subjectos quam imperii participes, denique tam incolas quam naturales.

8. Prorsus sensu Papinianæo, secundum quem, constitutione Antonini Caracallæ, omnes qui in orbe Romano erant, præter servos, effecti sunt cives Romani *l. 17. §. de Statu hom.*

9. Definiamus igitur Civem. *hic rhodus, hic saltus!* utique si politicos vulgò consulas. Nihil tamen facilius, nihil certius,

tius, si ad definitionem civitatis dudum collocatam respiciamus.

10. Civis est, *homo liber, qui juris fruendi vitæque feliciter agenda gratiâ, cum aliis, sub eadem summâ potestate, sociatus est.*

11. Et hoc quidem ad Civem in genere constituendum sufficit. Alias excellentiores civium appellationes hæc definitio non implet; imprimis eam, quâ cives intelliguntur, qui civitatem alicujus Imperii Principem incolunt, qualis Roma fuit & sunt hodieque Venetiæ, Florentia, Genua aliæque paucæ; in quibus est fons imperii in reliquis ditiones subjectas.

12. Liberum autem oportet esse Civem, quia servilis conditio, ut jure Gentium constituta est, non recipit terminos habiles civilis societatis, ut probavimus in l. 1. sect. 1. cap. 3. n. 7. & seqq.

13. Quin servus pro re magis in commercio positâ, quam pro personâ habetur. Quamquam naturaliter idem recte Persona dicitur, quatenus est membrum societatis humanæ, l. 2. n. de l. Aquil. Rubr. & tit. Inst. de jur. person.

14. Sed mulieribus tam nuptis, quam solutis nihil obstat, quominus unione & communionem civium, juxta naturam civitatis, comprehendantur; siquidem & sociatæ sunt & jure frui & beatè agere juxta viros cupiunt ac possunt.

15. Etiam *filiis-familiarum* definitio illa convenit, nihil obstante patria potestate; quia constat, hanc in publicis nullum creare præjudicium, sed ad familiæ regimen, quod à Republ. diversum est, referri duntaxat.

16. Jam ulterius liquet, dignitatis differentiam nihil facere ad summum Reipubl. & civitatis characterem, nec habitandi locum, in agris an in urbe sit.

17. Siquidem & Romæ constat ex xxxv. civium, quatuor tantum urbanas,

omnes reliquas fuisse rusticas tribus. Athenienses ante Theseum omnes erant agricolæ, ut Plutarchus auctor est in *Theseo*; denique, in antiquâ Germaniâ nullas urbes, civitates extitisse multas, nota res est. *Tacit. lib. de mor. German.*

18. Quod ne Incolas quidem à Civibus discernimus, multis ab re alienius videbitur; sed incola quis est? tu dices, qui aliunde ortus domicilium sedemque fortunarum in alia civitate collocavit, ut finiunt Romani, à quibus est discrimen civium & incolarum l. 239. §. 2. d. *Verb. Signif.*

19. At hæc ipsa definitio implet manifestò naturam Civitatis; quisenim magis est socius ad juris fruitionem vitæque civiliter beatæ communionem, quam qui sedem fortunarum certo loco stabilivit?

20. Advenæ temporarii recte à civibus distinguuntur, quia nec sunt uniti in eandem societatem, neque id agunt, ut vitam in ea civitate transigant, etsi imperio illius Reipubl. tantisper ubi degunt, subjecti sint; Bodini tamen definitione continentur Advenæ, quæ est ideo vitiosa, quando civis dicitur esse, *homo liber, qui summæ alterius potestati obligatur. lib. 1. de Rep. cap. 6.*

21. Scrupulum movet heic, quod Romanis ita visum est, ut qui civis alicujus civitatis est, ille si aliud transferat domicilium, ibi incola censeatur; at civis seu municeps ibi, unde discessit, talis manere judicetur d. l. 239. §. 2. & l. 29. n. *Ad Municip.* unde & cives & incolas differre necesse fuerit.

22. Sed distinguendus est à Cive Municipiceps. Civis à nobis cum respectu ad universam Rempubl. dicitur, at ita Cives etiam in Imperio Romano erant omnes liberi homines, non peregrini, in universi finibus Imperii, tam incolæ quam originarii l. 17. n. *de Stat. hom.*

Muni-

Municipes cum respectu certæ urbis, quæ subest majori Imperio vocantur, suæ cujusque civitatis cives, ut J.C. in l. 1. π. ad Municipal. Atque in his aliam rationem tenuerunt Jcti, quæ adhuc ad nos non pertinet; nostro igitur sensu non distinguitur civis ab incola, qui habeat animum perpetuo in civitate manendi.

23. Verum oritur hinc alia quæstio; numquid aliquis diversarum civitatum possit esse civis uno eodemque tempore. Negabant Romani, non modo respectu municipiorum ejusdem Imperii, de quibus agit d. l. 29. sed etiam ratione Romanæ civitatis erga populos externos, ut probavimus in lib. 3. Digress. cap. 8.

24. Vera juris Publici Universalis sententia hæc est; In diversis municipiis eidem summæ potestati subjectis, nihil vetat, unum duobus locis civium muneribus oneribusque subjectum haberi, ut jure Rom. qui migrabat, in priore loco tanquam civis seu municipis, in posteriore tanquam incola tenebatur d. l. 29. π. ad Municip.

25. Verum ut unus idemque in diversis Rebus publicis summo Imperio distinctis proprie sit civis, id non habet facultatem, non magis quam ut unum idemque duorum corporum esse queat membrum.

26. Potest quidem civi alterius Reipubl. liberum jus commercii aut aliud civile privilegium concedendo, jus quoque honorarium civitatis dari; ut olim Corinthiis, solentque hodie Veneti & Helvetii exteris quandoque largiri. Sed unio civilis sub obsequio Summæ potestatis nullo modo uni homini duobus locis tribui potest.

27. Atque hoc bene Romani veteres: Nec illi reverâ diversum sentiunt ab eo, quod nos posuimus, neque de municipiis diversis in eodem Imperio, neque

de civibus Imperiorum diversorum. Et enim de his idem in terminis quod à nobis est traditum, affirmantes audivimus. De municipibus urbium variarum, discrepantiam potius in verbis, quam in re ipsâ consistere intelleximus.

28. Quid autem? An civis non habet liberam discedendi facultatem, ita ut vinculo foederis, quo civitati innexus & imperio obnoxius est, solvatur? Hæc acerrima disputatio est, ac fuit olim hodieque, de quâ vid. Arnise. System. polit. cap. 5. sect. 7. & 8.

29. Multi negant; quippe, cum nemo duorum Imperiorum civis esse queat; volunt, eum qui ex una Republ. in aliam se confert, manere civem in priori, incolam in posteriori civitate habendum esse.

30. De municipiis ejusdem Imperii sic esse doctrinam juris Romani jam diximus; at nos prius de ratione juris universalis, & de civibus Reipubl. totius agemus; postea de municipalibus.

31. Qui negant, hoc imprimis fundamento nituntur; Ajunt, non posse originarios Reipubl. cives, suo discessu liberari obligatione civili, quâ & concivibus & summæ potestati obstringuntur; denique, obligationem esse perpetuam, & quod primo voluntatis, id postea necessitatis esse.

32. Hoc certe evidentius patet in herilibus imperiis, ubi jus domini Imperantibus nullo modo adimi potest. Adeoque de his largiemur, quod cives Dominatui subducere se nequeant; ut in adscriptitiis obtinet; idemque de voluntariis statuendum Imperiis, ubi per Legem in antecessum, migratio ex civitate prohibetur, ut de Moschu & de Sinenibus memoriæ proditum est.

33. Sed ubi nihil expressum, multi etiamnum acriter contendunt, ipsius foederis vim, quod æternum est, ita in perpetuum operari, ut cives qui sponte

discedunt, maneant tamen quovis tempore ad reditum obligati, adeoque semper revocari possint.

34. Res inde judicanda est, utrum in primævâ constitutione civitatis id inter contrahentes populos actum censeatur; an non potius fuerit tacita foederis conditio, ut obligatio maneret, dum cohabitatio duraret, eam tamen mutare singulis liberum esset.

35. Hoc enim videri voluisse populos, est ratio quæ suadeat evidens, & quæ dissuadeat nulla magnoperè, quo faciunt quæ habet *Grot. lib. 2. cap. 5. §. 24. ubi, Solet hic illud quari.*

36. Quod enim ad rei familiaris commodum & sæpe necessitatem, efficacissimum est, publico autem nihil præjudicat, hoc nihil est causæ, cur non ex præsumptâ populorum voluntate permisum videatur.

37. Atqui talis est migrandi libertas, ut privatis aliquando summo opere optanda, publico nullum inferat detrimentum; maxime, cum ejusmodi libertas sæpe sit causa majoris frequentiae aliunde redundantis, ut exemplo vicinæ *Hollandiæ* patet, earumque urbium maxime, quæ libertatem veniendi abeundique omnium minime restringunt.

38. Inde autem colligitur, si contra se res habeat, & majore frequentia discessus instituatur, cum jure meritoque impediri.

39. Item, si intempestive aliqui discedere parent, aut cum grande æsalie-

num collatione factâ publice exsolventum, aut belli majus imminet urgetque periculum; nisi videlicet abiteriens offerat id quod interest.

40. Denique, Lege semper potest caveri, ne impostorum discessus aliter quam veniâ publice impetrata institutur, aut præstationes quædam patrimonii abeuntium imponantur.

41. Enimvero qui non depofuerunt animum revertendi, vel de quibus hoc non constat, habentque suas res adhuc in Rep. possunt sub poenâ publicationis bonorum edicto revocari, ut fit.

42. Tales plerique sunt, qui militandi causâ foris operas suas locant, qui proinde revocari possunt. Nisi quatenus obligati sunt his, quorum stipendia faciunt; qui suum jus ideo remittere non coguntur, etsi humanitatis causâ raro negant Patriæ suæ Rectoribus.

43. Sed eorum, quibus stat consilium absentiae perpetuæ, non videntur obstricti esse animi, adeoque nec bonâ vinculo obligationis teneri. *Adde Grot. loco citato.*

44. Omnes igitur incolas, qui sedem fortunarum lareque suos alicubi fixerunt, hos recte *Cives* appellamus.

45. Etsi nec jurejurando nec ullâ promissione devincti, consociatione rati; quatenus sæpe, & originales maxime, nullâ promissione expressâ obligantur, neque etiam allecti, præterquam in urbibus, ibique soli *Patres-familiarum*.

C A P. II.

De Municipibus.

Municeps origine, adoptione & manumissione. Qui alio migrat, eum & loco originis, ut Municipem, & domicilii loco ut Incolam subjectum esse. At ex universali jure publico, quemque ibi civem videri, ubi habitat. Diversis quidem municipiis unius Reipubl. posse aliquem simul esse subjectum, ut cum jure Rom. aliquis est municeps uno, incola simul alio loco, sed diversarum prorsus Rerumpubl. neminem pariter fieri posse civem. Advenas non esse Cives, neque municipes quales. Specialiter & per excellentiam nomen civium quandoque de solis qui Imperii sunt consortes, aut qui urbes; denique vel metropolim incolunt, usurpari. Modi, quibus finiatur jus civitatis & municipii.

Cives cum respectu ad civitatem dicuntur & civitas cum Republ. æquiparatur, municipia autem sunt urbes majori subjectæ imperio, cessante differentia, inter Municipia, colonias & oppida provincialia: Nos heic omnia majoris Imperii membra subjecta, Civitates intelligimus & Municipia vocamus.

2. Eodem modo differt à *Municipe* Civis; hic, qui unitus est cum Republ. ille, qui certo municipio se conjunxit, dictus inde, quod capiendis muneribus in aliqua civitate sit subjectus, ut *supra* dix. ut hoc & præcedens caput coherent.

3. Usus sæculi fert ita, ut hoc genus peculiariter *Cives* dicantur; reliqui Principes, Comites, Nobiles, agricolæ, quique alii sunt hominum ordines suis singuli appellationibus distinguuntur, contra usum veterem & jurirationem.

4. Sed moribus hodiernis, isti etiam urbani, in plerisque imperiis soli fere jurjurando subjectionis & fidelitatis singuli obstringi solent, ad quod tamen reliqui, dum exigatur, æque tenentur.

5. Porro, Municipem apud Romanos

causa facit triplex; Origo, manumissio & adoptio. *d. l. 1. in pr. π. ad Municip.*

6. Origo cujusque à patre æstimatur; ut ubi is fuit municeps, ibi & filius esse dicatur; nisi forte materna origo per modum privilegii præferatur; tunc enim juxta eam municipalis origo censetur. *d. l. 1. §. 2.*

7. Manumissio ad servos pertinebat, qui cives fiebant, cum libertate donabantur; idque vel optimo jure, vel Latino tantum; aliqui prorsus non erant cives, dedititiis seu provincialibus similes, donec hæc discrimina ab Antonino Caracallâ tollerentur, *l. 17. de Stat. hom. & Tit. Cod. de Latin. libert. toll.*

8. Denique, Adoptio municipem faciebat, ut qui pro filio adscitus erat, perinde municeps in loco adoptantis fieret, atque si natus ex eo foret.

9. Tam autem in adoptatis, quam naturalibus liberis non spectabatur locus, quo forte ipsi in lucem erant editi, vel adoptati, sed quo parentes, inquam, jure municipum gaudebant *d. l. 1. §. 2.*

10. Migrare de loco in locum non erat prohibitum; sed qui de suo municipio

pio

prio in aliud transibat, is *Incola* dicebatur, & parere tam his magistratibus apud quos civis fuerat, quam iis, ad quos secesserat, nec tantum municipali jurisdictioni in utroque municipio subjectus erat, verum etiam omnibus publicis muneribus fungi debebat. *l. 29. d. tit.*

11. Enimvero proprietate vocis *Incola* etiam in nova Civitate, dicendus erat municeps, quia muneribus fiebat obnoxius; sed postquam obtinuit, ut suæ quisque civitatis civis municeps diceretur, secundum tres causas prædictas; consequenter hunc oportuit *Incolam* dici.

12. Hæc ita Romanis visa sunt. Atqui ex eo quod de Cive respectu totius Reipublicæ præced. cap. diximus, intelligi potest, eum quem *Incolam* vocant Romani, quique in civitatem receptus ibi munera capit, vere municipem esse:

13. Consequenter ratio vult, eum desinere esse municipem in eo loco, unde discessit; neque proinde subjectum esse duobus Magistratibus, sed ei tantum, sub quo degit.

14. Hæc ita, inquam, si Lege contra non sit cautum; quod haud dubi licet; alioqui ex ratione juris universalis nec locus originis nec nativitatis, sed domicilii tantum tribuit forum & munerum capionem, idque convenienter juri Gentium, quod moribus hodiernis ubique, ni fallor, observatur; ut mutatione domicilii jurisdictionem mutare liceat.

15. Salvis tamen iisdem exceptionibus, quas supra in jure civitatis, ratione totius Reipubl. collocavimus, ut si *interfit* municipii, ad hoc ille, qui discedit, teneatur, nec effusa migratio concedatur.

16. Tamen & in eo differt jus municipale à jure majori civitatis, quod

ratio nulla vetet, municipem esse duobus in locis (manet enim ejusdem corporis ejusdemque Reipubl. membrum) ut, si quis voluntate suâ diversis in urbibus semet instruxerit fortunaque collocaverit, vel jus municipale utrobique, civium privilegiis usus, impetraverit; tunc enim utrique Magistratui parebit, oneraque duplicia ferre debet. *l. 6. §. 2. d. tit. 1. ad Municip.*

17. Ex his liquet, inquam, civium generale nomen esse, pertinens ad omnes eos qui cum Reipubl. sunt uniti; quales tamen non sunt advenæ, homines peregrini, ad tempus in civitate degentes, cum animo se mox aliò recipiendi, sedemque rerum suarum alibi habentes aut destinantes. Illi dum manent in civitate, subditi quidem sunt Imperio & jurisdictioni, sed foedere civitatis non continentur, nec munera capiunt.

18. Est etiam per excellentiam Civium nomen usitatum, de his qui Imperii sunt participes, aut eam incolunt civitatem, in quâ sedes Imperii est, ut tum qui in subjectis habitant civitatibus, municipes dicantur.

19. Sic olim in imperio Romano sese res habuit; Unde discrimen civium, qui optimi juris erant, qui ex Latio, atque Provincialium, qui olim cives non dicebantur. Generaliter ex usu juris publici & respectu totius Imperii, Provinciales quoque cives fuerant, etiam antequam *Antonini* lege tales declarati fuerunt.

20. Rectores municipiorum sive Magistratus municipales etsi à municipibus creantur, jurisdictionis tamen & Potestatis suæ modum habent à Summâ Potestate, quæ fons est omnis in Republicâ Potestatis, non à municipibus.

21. Proinde, si magistratus municipales non habeant Imperium merum, municipi-

nicipes id in eos nullo modo conferre possunt, nec etiam jus imponendi tributa & vectigalia, cum horum collatio sit jus Majestatis.

22. Ergo perperam dicitur, Magistratus municipales repræsentare municipes, & obligari municipium ex eo quod Rectores eorum contraxerunt, quasi quicquid Magistratus egerint, id populus municipalis fecisse judicandus esset; cum ejusmodi repræsentatio sit liberæ duntaxat Reipubl.

23. Quando igitur Magistratus isti, nomine Municipii aliquid instituere, contraxere, videndum est, an ab summâ Potestate jus ita faciendi ac instituendi acceperint; ac ita quod actum & contractum est valebit aut non valebit.

24. Hinc pendet illa Quæstio, an Civitas municipalis teneatur ære alieno à Magistratibus suis contracto. Non tene-ri cives ideo, quod Magistratus ipsum repræsentent, jam diximus. Ergo videndum, utrum hujusmodi jus à Summa Potestate acceperint, an secus.

25. Et, si hæc illis potestas specialiter facta non sit, possunt tamen obligare civitatem, quod ad bona universitatis & municipii propria, quoniam his sunt præpositi.

26. Verum ut Municipipes ad solvendum de suo teneantur, à Magistratibus suis obligari non possunt; quia non habent jus imponendi civibus præstationes pecuniarias, veluti tributa & vectigalia; quæ à Summa Potestate solâ injungi possunt.

27. Qui hoc non potest, is multo minus obligare potest Municipipes, ad

solvendam pecuniam ab ipsis mutuo acceptam

28. Nec quidem hoc possunt ex causâ utilitatis vel necessitatis Municipii. Cum enim pecunias imperare, traditur esse jus Summæ potestatis, id vel maxime de casu necessitatis aut utilitatis intelligendum.

29. Planè, quominus Municipipes de suo pecunias conferant, aut in futurum se obligent ad solvendum, nihil impedimento est; quâ parte tamen qui consensum non præbuere, non tenentur.

30. Quia, ut minor pars majorem sequi debeat, id Imperii est; sed hujusmodi collatio mere patrimonialis est. Latius hac de re dix. *ad tit. π. de Reb. cred. n. 8. & seq.*

31. Denique, Finitur jus civitatis aut municipii non tantum morte, qui modus est tralatitius, sed & libera cujusque voluntate, mutatâ sede rerum, ut aliquoties dictum; nil lex intercedat.

32. Dein, per sententiam, si quis in exilium agatur, aut in opus publicum, vel ad remos damnetur.

33. Discrimen relegationis & deportationis apud Romanos in *l. 4. de Interdict. & releg.* est juris peculiaris: Nam relegati, licet præcipua quædam jura civium, quatenus hi per excellentiam dicuntur, & cujusmodi Romæ multa fuerunt, retinere queant; tamen unione Reipubl. ex qua ejecti sunt, non comprehenduntur.

34. Nec quidem refert, temporale an perpetuum sit exilium, quia quo tempore sunt expulsi, non sunt membra civitatis, neque participes functionum publicarum, neque jurisdictioni subiecti.

C A P. III.

De Civium qualitate & differentia.

Cives 1. esse mares vel feminas; 2. liberos aut servos. 3. Legitimos & illegitimè natos 3. Majores minoresve annis. 4. Sanos aut morbosos, vel mente captos. 5. Hosce rursus quadruplices. 6. Bene aut male moratos. 7. Divites vel pauperes. Horum singulas differentias suos habere effectus.

Qualitas civium ex variis eorum differentis intelligitur.

2. Et quidem primo, distinguuntur in Mares & Feminas: sed juris *diversitas à sexu* dependens in primo hujus sectionis capite fuit exposita, ubi & aliæ quædam hominum differentiæ, sunt occupatæ.

3. Secundo, à statu distinguuntur homines in *liberos & servos*, de quibus similiter dictum.

4. Non est autem hæc tam divisio civium, quam hominum, quia servos satis constat non esse cives: sed hodiè famuli, quibus utimur, ingenui, si aut originales sint, aut animum semper habeant in civitate remanendi, merito inter cives numerantur.

5. Altera à statu petita differentia inter filios & patres familiarum, perinde occupata est in *superioribus*.

6. Habet etiam juris publici effectum differentia Legitime & illegitime natorum; Priores, qui ex justo, tempore suo, nati sunt matrimonio. Illegitimi sunt vel nothi vel spurii. Nothi sive naturales simpliciter dicti, aliter ex ratione juris Gentium quam sit à Romanis, intelligendi sunt.

7. Nam hi solos è concubinâ, quæ cum coelibe vivit uxoris loco, susceptos habent pro naturalibus: è furtivis amplexibus certo licet patre natos vocant spurios, qui *nullum* jus successionis, imo nec petitionem alimentorum habent Nov. LXXXIX.

8. Sed juris universi hæc est ratio, quæ & moribus observatur, ut omnes certo Patre nati pro nothis sive naturalibus habeantur, etsi non è concubina, sed è furtivo amplexu sint editi. Spurii vero vel proptie vel latius accipiuntur.

9. Spurii proprie dicti sunt, *incerto Patre nati* ex meretrice. Latius omnes contra præcepta Legum nati sic appellantur; quales è nuptiis sine consensu Patris, in cujus potestate sunt, contractis suscepti; item adulterini & incestuosi, quos etiam proprio vocabulo Nefarios appellant.

10. De quibus vel maximè capiendum, quod modo de Spuriis diximus, eos ne quidem alendos esse jure Romano, etsi de omnibus illegitimis, præter nothos, id adfirmat Justinianus *d. Nov. 89. c. f.* Id autem quomodo sine absurditatis sævitæque notâ sit accipiendum, diximus in *part. 2. Digress. l. 1. c. 3. n. 5. & in prælect. ad Inst. lib. 3. à pr.*

11. Differentia Juris inter Legitimè & illegitimè natos consistit in successionebus atque honoribus; quibus de rebus, quod satis est, in Juris expositione privati diximus, nisi quod de honoribus heic etiam locus *inferior* dari poterit. Hætenus igitur *Νόμοις ὡς ἔστιν, Lege laborant*, ut *Euripides, male nati*.

12. Præter honoris publici & successionis damnum, Spurii in aliis, civium honestorum numero habentur, nec enim infames

infames aut jure gentium aut civili habentur. Quin verum reperitur, quod apud Euripidem in *Andromache* Peleus ait,

Νόμος τε πολλοὶ γυναικὶς ἀμείνους.

Sæpe Legitimis sunt meliores spurii.

Et alibi;

Ὅτι μὲν μισοῦνται τὸ νόμος, ἢ φύσις δ' ἴση.

Nomen nothorum pejus est, natura par. Vide tamen Deuteron. 23:2.

13. Neque defunt illustria nothorum & spuriorum exempla, quibus natales non obstitere, quominus & gloria belli & honore populorum & jure successionis potirentur, ut Romuli, Cyri, Constantini Magni aliorumque docent historiæ. Quin hodieque Regum Spurii, utcunque successionem non gaudeant, ab aliis tamen præcipuis honoribus minime excluduntur; præter quod nec gentes defunt, in quibus nothi à Legitime natis non distinguuntur, ne quidem in successionibus. *Grot. l. 2. c. 7. n. 1.*

14. Tertio, ab ætate cives dicuntur, majores aut minores annis; punctum dividens hæc intervalla non minus ex ratione naturæ quam exemplo juris Romani & gentium plerarumque est, quinque supra viginti annorum, etsi aliquæ gentes hoc tempus coarctaverint.

15. Juris diversitas hinc oriunda, præter rei familiaris effecta, est, quod majores ad munera functionesque Reipublicæ, haud perinde minores adhibeantur *l. 8. π. de Muner. & honor.*

16. Nam hi propter lubricum ætatis ne suis quidem rebus præsumt, sed curæ aliorum subjiciuntur.

17. Sunt autem hi, puberes vel impuberes, quorum illi magis quod ad res suas, hi etiam quod ad actus personales in curatione habentur; quod discrimen Latini, terminis quoque *Tutela* & *Cura* diversis expresserunt, & regulâ notissima,

Tutor datur personis, Curator rebus; quod tamen *συγκλητικῶς* potius quam *Θελικῶς*, nec *ἀπ' αὐτῶν* accipiendum, ut Cura magis sit propter res; Tutela magis in personas dirigatur.

18. Mulieres jure gentium, majores annis, nullis subjiciuntur Curatoribus, ne quidem nuptæ; nam maritalis potestas longe à Curatoriâ distat: & quod bona uxorum à viris reguntur, hoc juris & instituti civilis est.

19. Cura enim illa, sicut vulgo appellatur, esse non potest; quoniam hæc vel ob ætatem vel ob sexum foret; ob ætatem non est introducta, quia maritalis potestas etiam anus complectitur; neque propter sexum, quia virgines viduæque non sunt in Curâ.

20. Præterea, ætas virilis aut senilis est, habetque suos, etiam juris effectus, quod senes à muneribus Reipubl. excusentur; ad honores, si velint & pares sint, magis admittantur: senectus autem à septuaginta fere annis duci videtur *l. 2. π. de Excusat. l. 3. d. jur. immunit.* Olim sexagenarii vocabantur *deportanti*; id est, honoribus & comitiis impares, quasi à ponte, per quem transitus erat ad ferenda suffragia Romæ, dejiciendique scilicet arbitrio magis vulgi, quam jure publico.

21. Præterea, differunt cives ratione habitus corporum, animorum, disciplinæ, famæ, fortunæ, natalium, artificii, dignitatis, & si qui modi sunt alii respectum ad juris publici rationem habentes.

22. Quod ad corpus, sunt vel sani vel morboſi. Morbus est habitus corporis contra naturam, id est, qui impedit usum earum functionum, propter quas natura nobis sanitatem dedit, five ex intemperie, ut febres, tabes, vel ex conformatione pravâ, ut mutus & cæcus *l. 1. §. 7. & 8. π. de Edil. Ed.*

23. Nisi quis hoc vitium dicere mallet; sed

litices ratio ab ingressu templi Divæ Honoris arcet.

39. Fortuna distinguit cives in divites & pauperes, in viiores & honestiores. Divites, quatenus maxime eorum interest, salvam esse Rempubl. ad re-

gimen honoresque præ pauperibus admittendi sunt, idque olim hodieque passim servatur. Hinc pendet vilium & honestorum oppositio: honesti scilicet hic non ab honestate sed ab honore nuncupatis. §. 4. *Inst. de Publ. jud. & passim.*

C A P. IV.

De Nobilitate.

Octava differentia, Nobiles aut ignobiles. Nobilitatem varie censerī, distinguī ab eā dignitatem Equestrem, item Patriciatum, sive ordinem in Republ. Plebi, ratione publici regiminis, oppositum. Quæ proprie apud Græcos & Romanos Nobilitas, quæ hodie sit, inprimis inter populos Germanicæ originis, qui Monarchicam auctoritatem requirunt. Sed juris rationem velle, ut æque in liberis Rebuspubl. Nobilitas acquiri possit, haud secus ac apud eruditos olim populos. Etiam præscriptione Nobilitatem rectè acquiri. Quod ejus non sit, & quodnam sit fundamentum. In quos propagetur, & quibus modis finiatur; aut quæ officiant Nobilitati &c.

Ratione natalium cives sunt nobiles vel ignobiles, qui ab honestis & vilibus, prope ut genus & species discernuntur.

2. Nobilitas nihil est aliud, quam *Excellentia generis ex claritudine majorum ad posterum propagata.* unde clarum genus, claritudo natalium, pro Nobilitate passim, quo pertinent quæ copiose disserit Tiraquellus *tr. de Nobil. c. 1.*

3. Per hanc autem definitionem à Nobilium ordine separamus eos, qui pro suis tantum personis nobilitate donantur, aut pro Nobilibus habentur, ut aliqui equites aurati quos vocant, & Comites Palatini.

4. Quin omnes, qui creantur nobiles, ipsi quidem ab ista definitione sunt alieni; tales enim à latinis *novi homines* dicuntur; qui passim nobilibus opponuntur apud Ciceronem aliosque; Nobilitas

aliquam vetustatem requirit, adeoque non nisi per traducem & natalibus communicatur.

5. Hinc homo stirpis antiquæ pro nobili, vetustas generis pro nobilitate apud Suetonium, Tacitum & alios. Ita Sallustius *præf. Jug.* homines novos virtute aliquando Nobilitatem antecire. Hinc *imagines* vetustate *fumosa*, nobilitate gloriantibus adscribuntur, de cujus tamen vocabuli sensu est quod observetur, ut diximus in l. 2. *Digr. c. 24. in pr.*

6. Quod, si quis Nobiles recens creatos sub definitione putet esse comprehendendos, quia reverà jus nobilium hi vel maxime habent, definitioni modo positæ addere possit hæc verba, *vel quibusdam specialiter tributa.*

7. Sive illa specialis concessio fiat ob merita, vel favorem Principis, aut pecuniam,

cuniam, vel denique ratione *patrimonii*, quatenus in quibusdam Rebus publ. dantur bona, quorum possessores jure nobilium utuntur fruuntur.

8. Cæterum, ad hunc locum non pertinet consideratio Nobilitatis, ut est ordo Reipubl. sive equestris sive Patriciorum; hoc enim ad regimen civitatis pertinet; heic nihil est aliud quam civilis qualitas in sola honoris supra plebem eminentiâ consistens.

9. Claritudinem illam parentum, unde reputatio Nobilitatis, diversæ gentes aliter atque aliter æstimaverunt.

10. Apud Græcos & Romanos, Nobiles habebantur, quorum progenitores summis in Republ. honoribus præfulserant; qui primi honores meruerant, novi potius quam nobiles dicebantur.

11. Igitur Romæ postquam honores maximi cum plebe communicati sunt, etiam ex plebe nobiles fuerunt, ut de Claudiis constat, qui omnes nobilissimi, pars tamen plebeji censebantur; perinde ac equites ibi plebejos fuisse constat. *Sueton. in Claud. in pr.*

12. Scilicet, Romanus populus in plebem & patricios dividebatur. Sub plebe erant equites; Patriciatus erat gradus major nobilitatis, eorum, qui ex antiquissimis senatoriis familiis oriundi, vel postea numero illarum extra ordinem erant inserti. *Sigon. lib. 2. de jur. civ. Rom. C. 20.*

13. Unde patet, suo magis arbitraturum quam latine loqui inter nostrates, eos, qui ex familiis honoribus clari sunt nati, quod cum nobiles se fette non audeant, modestiæ causa *Patricii* gaudent appellari; quod certe non minus, imo proprietate latini sermonis amplius, quam *Nobilitas*, est; quanquam jure suo istitales & nobiles & patricii poterant vocari; ut statim videbimus.

14. Apud gentes Germanicas, que

per omnem Europam se diffuderunt, Nobilitas ex re militari oritur, accedente Principum auctoramento, qui vel feudum cum titulo nobili, vel præmium nobilitatis per se, aut cum insigni ordinis equestris largiuntur: Unde ad postereros propagatio.

15. Quod tamen ita nolim ad rem militarem restringi, ut causa quor Imperatores & Reges nobilitatem largiantur, non sit etiam *Doctrina. Scientia nobilissimos facit*, habetur in *l. providendum C. de Posul.* Unde sententia crebris Doctorum calculis probata, *Doctores esse Nobiles*, de quâ prolixè agit Tiraquel. *d. tract. de Nobil. c. 5.*

16. Denique, sola monarchiarum auctoritas fons nobilitatis vulgò in universum habetur, adeo ut in populis qui plurium Imperio reguntur, vix ulli Nobiles fieri posse credantur.

17. Sed hæc ratio perperam se habet; dandaque est opera, ut hujus rei doctrina ad exemplum Græcæ Romanæque disciplinæ intelligatur, potius quam ex barbarico instituto, ut de hoc genere nobilitatis non nemo locutus est; quatenus quicquid eruditis populis ignotum ab exteris & incultis receptum est, barbarum solet appellari. *Sciopp. in Scalig. in nos lib. 2. Digress. cap. 24.*

18. Plane, si jus creandi Nobiles sit ex juribus Summæ potestatis, quod nemo negat, manifestum est, illud æquè in plurium quam Singulorum Imperiis posse constitui.

19. Quod si in liberis Rebus publicis feuda talia vel diplomata non distribuuntur, dicendum est, sufficere ad nobilitatem alia argumenta voluntatis eorum, qui summam habent Potestatem.

20. Tale est in Republ. Venetorum jus communionis in Imperio Civitatis, cujus qui participes sunt, eos vocant Patricios eisdemque jure meritoque Nobiles.

21. In

21. In Republicâ, ubi Imperantes seu perpetui sive temporales, ex plebe partim & ex Nobilibus creantur, ut in nostrâ; hi, qui pro Nobilibus in supremo Comitio admittuntur, maxime si hoc sæpius factum, ipsi quidem non sunt proprè nobiles, si prius non fuerunt, sed eorum posterì haud immeritò nobilitatem vindicare sibi possunt; modò opes professioni respondeant, sine quibus hoc decus comparari vix potest; etsi partum custodiri facilius.

22. In cæteris sequemur institutum, quod apud Græcos & Romæ, juris publici fuit, ut Nobiles putemus eos, quorum majores insignia Reipublicæ munia gesserunt. Neque enim ulla ratio proferri potest, quare id minus hodie juris sit, minusve moris esse debeat.

23. Quo autem majores sunt dignitates, eo major quoque nobilitas propagatur, quemadmodum jure Romano alii magistratus sunt *Illustres*, ut præfectus prætorii & urbis, alii *Spestabiles* ut proconsules, denique *Clarissimi* ut prætores; etsi clarissimorum vox aliquando & spectabiles complectatur & Illustres veteribus idem quod Nobiles sint, ut Tiraq. d.C.2. probat; ut distinctiones istæ sint recentioris inventionis, quando Senatores iisdem gradibus & terminis distinguebantur. vid. Patium Isag. ad tit. D. de senator. & nos Eunom. ad l. ult. d. tit.

24. Non quod nati ex illis simpliciter Illustres, Clarissimi, Spestabiles sint (etenim magistratuum hi sunt tituli) sed quia de majoribus genitum esse illustribus, ampliusest; sicut Romæ, qui ex familiis censoriis, consularibus, prætoriiis similibusque orti aliis erant nobiliores.

25. Denique, usu temporis immemorialis cum jura quælibet, etiam Majestatis acquiri possint, nihil est causæ, quare nobilitas eodem modo quæsit

haud perinde legitima censeretur; quasi ex tacitâ voluntate eorum, qui cujusque Reipublicæ tenent Imperium.

26. Et quidem hic modus ideò cæteris validior videtur, quia Nobilitas admodum inepta res est, si reputatio ejus cum populari exultatione minus conveniat, affectataque magis quam credita videatur; præscriptio autem sive usus longissimi temporis in ipsâ populari usurpatione consistit.

27. Huc accedit, quod etiam à Principibus nobilitati non modo censeantur, qui expressis verbis & diplomatibus hoc jus & decus acquisivere, sed etiam tacite nobilitatos censeretur, quos Princeps lateri suo adjungit; unde Comitum decus. Etiam quibus certa armorum insignia gerenda largitur, ut probat Tiraq. d. tract. c. 6. ubi plures vide sis tacitæ nobilitationis species.

28. Quicumque igitur docere possunt, quod à longissimo tempore, ab omnibus habiti & agniti sint pro Nobilibus, etsi nullum initium causamve decoris sui producere possint, tamen optimo jure nobiles se ferunt, atque hoc modo verum est, veteres divitias multos rusticos fecisse ac etiamnum facere Nobiles. Quatenus opes excellendi copiam præbent, ac inde imparium adulatio & nobilitatis usurpatio. Qua de re Euripides in Andr.

ἰαυὴ μίχα

Πλῆτ', λαβὼν τι τῶν ἐν ἰουδαίᾳ ἀνέχ.

Multum valent

Opes, quibus potitus, sit vir nobilis.

Idem in Æolo:

Τὴν δ' ἰουδαίαν πρὸς θεῶν, μὰ μοι λίγα,

Ἐν χερσὶν τὸ ἐνὶ.

Quid per Deos de stirpe jactas nobili?

Hæc in pecuniis sita est.

29. Et quidem præscriptio Nobilitatis non tantum in Populari vel Optimum imperio valet, sed etiam in ipso principatu vel Regno; nempe, si temporis

poris *immemorialis* est, in qua verius est nullum requiri titulum vel scientiam superioris, ut evincit *Tiraquellus d. tract. c. 23.*

30. Scilicet, quatenus in Civitatibus hæc res aliter non est definita legibus; Quid enim si album, sive matricula nobilium familiarum extet? præscriptio non potest ex usu tacito tribuere, quod expressam nominationem requirit.

31. Majoris excellentiæ gradus, ut *Baronum, Comitum, Marchionum, Principum, Ducum*, proprie sunt nomina Potestatum seu summarum sive aliis tam feudi quam civitatis jure subjectarum.

32. Atque ita non nisi per modum successionis propagantur, quod tamen secus in quibusdam gentibus obtinet, ubi plerique titulorum istorum, exemplo Nobilitatis, ad omnes posteros, etsi potestas penes unum maneat, transmittuntur.

33. Ex his jam colligi potest, fundamentum Nobilitatis non consistere in virtute neque fama rerum gestarum, sed esse eam nihil quam hereditariam in civitate honoris prærogativam, quæ tantò major quidem est, quantò cujusque majorum fama virtutum meritorumque celebrior fertur; absque ea tamen perinde haberi potest, ac sæpe honores alii cum dignis & indignis communicantur.

34. Honos virtutum, quique belli & pacis artibus defertur, à reputatione hujus eminentiæ toto genere diversus est, ut frustra sint, qui nobiles esse negant omnes à majorum virtutibus degeneres.

35. Inrerim Nobilitatis initium à virtutibus fama que secundà ut plurimum duci, multisque eam à Summis potestatibus in prænium virtutis tribui, quin & hanc præstantissimam esse nobilitatem, haud regre concedimus.

36. Ut tamen his, quibus auro vendi-

tur Nobilitas, aut favore, sine judicio datur à Principibus, non minus quam isti sint nobiles; perinde ac Prætor æquè fuit *Vatinius* quam *Cato*, Consul tam *Gabinus* quam *Cicero*.

37. Ratio alioqui primitus impulsiva recipiendæ Nobilitatis fuit hæc sine dubio, quod populi sperarent, virtutes eorum qui bene Rempubl. gesserant, imitatu-ros esse, qui nascerentur ab illis.

38. Item, ut eò magis quilibet ad virtutem accenderetur, si intelligeret, se non perituram, verum usque seros nepotes victuram dignitatem esse adepturum.

39. Proinde si primi familiæ conditores potentiam suam insignibus vitiis corruerint, hi quidem verâ æstimatione idonei nobilitatis auctores non sunt aut eam certe non parum dehonestant.

40. Momentum, quod Nobilitas habet in Republicâ, non modò quod ad inania honoris, sed & in functionibus Reipubl. capiendis ignotum est nulli.

41. Quæritur, an & jus aliquod hac parte, Nobilibus competat, quo urgere & exigere possint, ut aliis præferantur, in tantum uti secus, injuria illis fieri dicatur, quod *Catilina* præ se ferebat, ideo civile bellum semovere, quod ipse & socia nobilitas statum dignitatis suæ non obtinerent, in *Epist. ad Catul. apud Salust.*

42. Fuit hæc res in Græcis civitatibus creberrima seditionum materies, sed Ratio est, nobilitatem nihil juris habere proprii & perfecti, nisi ex conventionem civitatis, id est, Lege; citra quam probabiliter tamen aliquod præcipuum illis tribuendum, minime vero ut injuriæ & ultionis causa, si neglecti fuerint, ipsis inde oriatur.

43. Quin & prærogativa illa cedit haud dubie virtutum & doctrinæ meritis, ut *Cicero* passim adversus eos qui

Appie-

Appietatibus, & Lentulitatibus se vendiarent, præ se tulit. Tales Seneca notos potius quam Nobiles vocat; *Qui imagines*, inquit, *in atrio exponunt & nomina familie suæ largo ordine & multis illigata flexurâ in parte primâ ælium collocant, noti magis quam nobiles sunt*, lib. 3. de benef. Unde & hoc colligitur, quod alias constat, insignia Nobilitatis apud veteres fuisse Imagines; quarum loco Germanicæ nationes picturas armorum flexibus illigarunt.

44. Cæterum, in honoranda nobilitate, iustum est, cæteris paribus præferre nobiles, sed eosdem postponere meritis potioribus; plane, ut Franciscum Galliarum Regem servasse vel dictitasse ferunt; quod pluribus honorem ambientibus, primum, quis laude moribusque ad illum aptior, rogabat; nullo notabili discrimine, eum qui nobilitate excelleret, præferendum judicabat.

45. Quis conferat nobilitatem, ex supra dictis constat. Is qui habet summam Potestatem, eamque in posteros propagari, æquè intelleximus. Sed quousque, disputant Jurisperiti. Sunt enim qui simplicem nobilitatem ultra filios non transmitti volunt, per *l. Sed & milites* 8. §. 1. *π. de Excusat. Tut. & l. laudabile* 4. *C. de Advoc. divers. jud.* Sed cum hi textus agant de privilegiis militum & Advocatorum duntaxat, ad nobilitatem male transferuntur.

46. Alii volunt ad pronepotes duntaxat extendi jus nobilitatis, per *l. Divo Marco* 11. *C. de Quest.* Ubi eminentissimorum de non torquendo privilegium ulterius non extenditur. Sed dicendum, illas qualitates eminentissimorum & perfectissimorum, magis ad dignitates quam ad familiam aut genus pertinuisse. Ideoque ab illis ad nobilitatem, quæ generis est, non valere consequentiam. Auctores recenset Tiraque. *d. loco c.* 15. idemque

in *cap. 10.* probat, quod supra diximus, copiosè, nobilitatem quo sit antiquior, hoc esse meliorem.

47. Propagari nobilitatem in liberos etiam adoptivos, ex opinione veterum, non est dubium, ut ex Oratione Ciceronis pro domo suâ apertissime liquet; *Filios adoptivos sequi conditionem statumque Patris adoptivi; ut si hic esset Patricius, adoptatus etiam si plebejus, talis fieret; & è contrario si Pater adoptans esset plebejus, talis quoque filius adoptatus censeretur.* Adoptivi jura cognationis *l. 8. §. 4. π. Unde cognati.* Jura consanguinitatis *l. 43. π. de Adopt.* omniaque familiæ adipiscuntur. *l. 11. §. 2. π. de bon. poss. sec. tab.* inter quæ jus imaginum; Ex imaginibus Nobilitatem fuisse collectam, passim est obvium atque à nobis demonstratum in *lib. 2. Digress. c. 24.*

48. Sed aliter multi, etiam Tiraquellus in *d. tract. c. 15. n. 6.* qui nobilitatem per traducem seminis & sanguinis unice propagari volunt: sine ratione, cum nobilitas naturæ incognita usuque honorum ab hominibus reperta sit, contra quam ingenuitas, quæ medio est à nativitate, quam idcirco non tribuit adoptio *l. ult. π. de Adoption.*

49. Quod autem Spurii & nothi à participatione Nobilitatis alieni sint, non eget multæ probationis, quam tamen confert Tiraquellus in *d. tract. n. 10. & seqq.* ubi rectè monet, secus observari in familiis illustribus Regum & Principum.

50. Qui Legitimati sunt, maxime per subsequens matrimonium, omnes sunt legitimi. Ex eo tamen quod de Adoptione diximus, statuendum, etiam Rescripto Principis, à quo maxime Nobilitas oritur, legitimatos pro Nobilibus esse habendos.

51. Sed an liberi ante quæsitam Patri nobilitatem, Nobiles fiant, magis dubitatur:

Y y

bitatur: Et si nec ratio magis hac parte, quam aliis de Successione dictum est, dubitare patitur; eo quod non modo filius in nativitate suâ patrem repræsentet, verum semper quamdiu filius est, idque firmat *argum. l. 5. §. de Senator. non obstante rursus l. ult. C. de Decurion. in verbis, progeniti filii, antequam Parentes ad filii Patronatum pervenerint, in conditione pristina remaneant.* Alia enim dignitatum, alia Nobilitatis est ratio. Plura Tiraq. *d. c. n. 9. & seqq.* Sæpe etiam usu venit, ut liberi Principum ex impatribus nuptiis, quas vulgo ad *morgénaticam* vocant, gradu Nobilitatis Patri liberisque dignioris matrimonii cedant, quod frequenter usu venit in illustribus Germanorum familiis.

52. Ad collaterales agnatos Nobilitas recens acquisita, non nisi, quæ patrimonialis est, una cum bonis transit, ut recte probat Tiraquellus *d. rr. c. 17.*

53. Sed uxores, quæ maritos habent Nobiles, hujus participare Nobilitatem juris ratio ferre videtur, eo quod mulieres è dignitate maritorum censeantur, illeque unionis ætissimæ effectus est civilis. *L. feminae 8. §. de Senator. L. Cum te & l. ult. ubi, & sensiat ejus fulgorem C. de Nupt. & l. 10. C. de Incol. lib. x. ubi hæc verba, Mulieres honore maritorum erigimus & genere nobilitamus.* Idem expresse, in *l. mulieres C. de dignit. l. xii.* quemadmodum, è contra nuptæ ignobilibus feminæ nobiles, his sunt pares *arg. dd. l.*

54. Quò minus dubii est in liberis Patre nobili, matre patris ignobili, quin hi Nobilium loco habeantur, cum & aliàs in matrimonio Patris conditionem, extra matrimonium Matris, spectari, juris sit *l. 19. §. de Stat. hom. in quam rem plura cumulat Tiraqu. d. rr. c. 18 n. 21.*

55. Non est tamen dubium, quin Nobiliores sint, utroque parente nobi-

li insignes, ut Ovid. *lib. 4. de Ponto, eleg. ult.*

Maternos Cottasque Messalasque paternos

Maxima Nobilitas ingeminata dedit.

Hinc apud Salustium Hyemphali ignobilitatem Jugurthæ, quia materno genere impar erat, despiciebat, *tell. Jugurth. & Antonius* hoc nomine Augusti Nobilitatem insectabatur, quod *materna* origine vilior esset. Xerxes Darii Histaspis filius, Artamini fratri prælatus est, ob maternam Nobilitatem, ex Arosia Cyri filia natus, apud Herodot. idemque inter Demetrium & Perseum interfuisse Livius observat. Adde Tacitum, qui *l. 14. Trebellio Plautio maternam Nobilitatem ex Julia familiâ adscribit.*

56. Neque desunt Gentes, ubi vir feminâ ignobili ductâ, pollucere Nobilitatem dicitur, ut Tacitus iterum *lib. 3. annal. c. 29.* Nec adeo verò Nobilibus ageregetur, qui non insignia ab utroque latere Nobilitatis ostendere possit, quâ de re pluribus agit idem Tiraquellus *c. 19. n. 30. & seqq.*

57. Prærogativa Nobilitatis maximè consistit in honoribus, quibus plebejis & vilioribus præferuntur, quæ de re testimonio cumulare non est hujus loci; fecit id copiose Tiraquellus in *d. tract. c. 20. in pr.* diximus aliquid *suprà.*

58. Ratio autem præferendi Nobilitatem in honoribus, est probabilis duntaxat, non perfecta; ideoque sæpe fit, ut cedere debeant virtutibus & meritis. Aliquando etiam forma Reipubl. talis est, ut Nobilitas parum aut nihil habeat præcæteris.

59. Quæ præterea de Nobilibus prædicantur, quod major illis fides in testimoniis habeatur; quod armati incedere possint & debeant; An cogi possint ad homines suspendendos & similia, de quibus

quibus prolixè Tiraquellus in *cap. 20. d. tract.* neque perpetua, nec ejus momenti sunt, ut nobis prosequenda videantur.

60. Sed majoris momenti est, quod Nobiles in delictis mitius haberi dicuntur. Nam ob quas causas viliores corporali poenâ adficiuntur, ob has honestiorum bona publicantur. §. 5. *I. de publ. jud.* Imo, cum humiles capite puniuntur, altiores deportantur in insulam l. 3. §. *pen. r. ad L. Corn. de Sicar.* Idem in aliis Scriptoribus ubique videas. Stobæus ex Eurip.

Παραίτητον ἀνδρῶν δεινόν, πικρὸν ποινὴν.

Parcite Nobilibus, parcamus Nobilitati

61. Quod tamen non ita accipiendum, quin delicta dentur, in quibus Nobilitas augeat crimen, ut est, prodicionis, fugæ in bello, nec tam in plebrique atrocioribus ipsum poenæ, quam generis poenæ remissionem Nobilitati indulgendam merito quis dixerit; sed quatenus hac causâ poena variari possit, ad caput de Poenis pertinet.

62. Porro, sicut Nobilitas à Summâ Potestate confertur, ita ejusdem decreto ex causâ rursus adimi potest. Verum sola vitæ turpitudine & infamia magis est, ut privilegia Nobilitatis, quibus infamis nullo modo gaudere potest, quam ipsum sanguinis characterem amittat, quem idcirco ad liberos decore viventes pergere statuendum est, et si aliter Tiraquellus *cap. 24.*

63. Paupertate Nobilitatem amitti vir sapiens Euripides statuere videtur. *Phœnissis.*

Πῶς δ' εἴη δεινὸν ἀνὴρ.

Vir Nobilis pauper quid est? nihil.

In *Electra*

Λαμπρόν δ' οὐκ οἷς γὰρ καὶ χαλεπότερον δὲ δὴ

Πῶς, ἵνα δ' εἴη δεινὸν ἀνὴρ.

Qui genere nobiles egent pecuniis

Exinde iure nobilitatis excidunt:

Sed hoc de vulgi, non de prudentium judicio esse verum, idem indicat apud Stob. *serm. 86.*

Ἦν τις ἐν οἴκῳ χρημάτων ἀπορροήματα,

Ἦ δ' ἀγνοία καὶ τὸ γινώσκον ἀπεί.

Es si pecuniâ nostrum genus caret,

Generositas & Nobilis sanguis manet

Sed verum est, quod idem de Nobilibus *serm. 89.*

Πῶς ἔστιν ἐν δὴν ἐμψυχόν τι.

Cum pauperes sunt, amplius non eminent.

Unde à dignitatibus, quæ alioquin à nobilibus geri solent, ferme excluduntur, ut Romæ in Senatoribus, qui censu carebant, observatum fuisse, Tacitus & Suetonius testantur.

64. Ingressus in ordinem religiosum dignitates quidem in Nobilitatem conferri solitas, sed ipsam nobilitatem minimè præcidit; quemadmodum nec Verbi divini ministerium: Et si quod aliqui huic dediti officio, insignia nobilitatis & instrumenta pompæ huic fortunæ convenientia ostentare gaudent, omnem stultitiam superat & se destruit ipsum.

65. Judicandi vero munus neque jus neque dignitatem aut privilegia tollere vel minuire manifestum est; cum etiam Regium sit officium, res judicare, quemadmodum hac causâ primo sunt constituti & optimi quique Principes ad iduo jus dixisse leguntur. *Sueton. Aug. c. 33.*

66. Nec quidem Advocati munus tollere, nec etiam dehonestare Nobilitatem sola probat *Lex, Advocati C. de Advoc. divers. Jud.* quod secus de Procuratoris officio videtur, ut probat Tiraq. *d. tr. c. 30.* qui Medicos *cap. sequ.* prolixè defendit ac adferit etiam Nobilitati: ut de Medicis amplius, quam in toto libro de Nobilitate loquatur.

Y y 2

67. Imo

67. Imo tamen nulla major oppositio quam inter Nobiles & rusticos esse videatur, tamen nec agriculturam officere Nobilitati vetus & constans hominum gravissimorum opinio est; *Omnium rerum, ex quibus aliquid acquiritur, nihil est agriculturâ melius, nihil uberius, nihil dulcius, nihil homine libero dignius, ait Cicero l. 1. off.* Idque pressius antiqui Consules & dictatores ab aratro confirmant, nec etiamnum ab agricultura Nobiles alieni sunt; etsi manus operi non semper admoveant.

Tò δ̄ παρὰ τὴν ἐξουσίαν αὐτῶν.

Nam fodere terram munus servile habetur

68. Sed mercatura Nobilitati magis adversa videtur. Unde Nobiliores natalibus, mercimonium exercere prohibentur *l. 3. C. de Commenc. & mercat.* Inter humiles & abjectas personas referuntur, qui quæve publicis mercimoniis præfuerunt *l. 1. C. de Incest. Nupt.*

69. Sed mercatura nostro seculo, postquam populi & Principes ingens ejus in Republ. momentum animadverterunt, magis honestari cæpit; præsertim in Imperiis Optimatum aut popularibus, Venetorum, Genuensium, Batavorum, quin & in Florentino Principatu, regnisque etiam, ut in Angliâ & alibi; Nec aded mercaturâ Nobilitatem his diebus ubique amitti, dicendum videtur; nisi quæ *ultima* dicitur in *l. ne quis*

C. de dignit. & sordida, quam vocat Cicero l. 1. off.

70. Prævalet omnino tamen in gentibus hæc opinio, quod Mercatura deroget Nobilitati; nisi quod in nonnullis populis pro statu Reipubl. diversum placuerit, ut copiose concludit & probat Tiraquell. *cap. 33. passim & n. 20.*

71. Orta est hæc sententia contra Mercaturam, ut videtur, inde, quod Principes Nobilitatem sibi addictam in armis habere, plebem ut subjectam cum sibi tum Nobilitati habere voluerunt.

72. Quod tamen jampridem contra vertit; postquam Principes mercenariam militiam ex facie hominum, ad vim imperii exercendam, adsciverunt: Exinde enim nobiles ab armis alienati, æque oneribus publicis & rigidiori imperio subiectos habuere quam plebejos.

73. Melior est ratio, quam Honorius & Theodosius præferunt, qui Nobiles, conspicuos & ditiores ideo à commerciis excludunt, ut inter plebejos & negotiatores facilius sit emendi vendendique commercium *l. 3. C. de Commenc.* quâ, nec non inveterata populorum opinione apud ipsos Batavos, in quibus mercatura pridem maximè viguit, antiqua Nobilitas adhuc mercaturam dedignatur. At satis heic nobis. Reliqua plena manu Tiraquellus, & multò plura D. Antonius Matthæus A. F. A. N. in opere exquisito *de Nobilitate*.

C A P. V.

De Diversis Civium Ordinibus.

Antiquissimum genus Civium fuisse agricolas. Dignitate etiam mercatoribus olim potiores habitos. Secus hodie. Ratio differentiarum. Quæstio, an naturaliter liceat in emendo vendendoque se invicem circumscribere, terminatur. De sceneratoribus, & an scenus jure naturæ divinoque sit licitum; Aff. non tamen id quod vulgo Lombardicum vocatur. Mercatores sequi Piscatores & Mechanicos artifices, sed milites ordinem in civitate proprium non constituere; At eruditos omnino, tam qui docent artes studiorum, quam qui faciunt illas. Ubi quid juris hac parte Theologis.

HÆ fere sunt differentiarum ex qualitatibus civium; Dantur & aliæ ex variis vitæ generibus ac professionibus: Unde ordines hominum diversi componuntur.

2. Antiquissimum vitæ genus est *Agricultura*, idem innocentissimum, nec minus Reipubl. utilissimum: ideoque apud præcos omnes populos merito honoratum.

*Cum caperet fasces à curvo Consul a-
ratro*

*Et faceret Patrio rure Senator a-
gros.*

3. Unde & Legibus fovenda tuendaque imprimis, ut à Romanis factum, quod pertinet, quod instrumenta rustica loco pignorum capi & agricolis auferri prohibentur; etsi hoc moribus hodiernis nusquam servatur, utcunque ratio, qua veteres movebantur, apud nos forte non minus obtineat, quam apud illos usu venerat, vid. l. 7. & 8. cum Auth. *Agricult. C. Quæ res pignor. oblig. non poss.*

4. Quominus Imperii in civitatibus Rustici participes habeantur, nulla quidem ratio obstat, idque olim in lauda-

tissimis civitatibus, *Spartâ* exceptâ, obtinuisse, nota res est.

5. Hodiernis temporibus aliter usurpari videmus, ubique penes urbanos aut nobiles summâ consistente rerum: non aliâ ex causâ, quam quod hi, qui opibus & ingenio pollent, agriculturam odio laboris fastidiant, eamque iis relinquunt, qui ad rem nullam, præterquam ad serviendum, sunt apti, quod & *Lycurgo* probatum. *Plutarch. in vit.*

6. Post agricolas, sunt origine Mercatores; illos necessitas, hos utilitas commendat; quando nullâ re compertum est, celerius incrementum & rursus deficere, quam florente vel coarctata mercatura, populos & civitates.

7. Plerique veterum dignitate post agricolas collocant mercatores; an, quia sane apud hos minus simplicitatis & crebræ fraudes ac imposturæ?

8. Ideone & his diebus Nobiles agros, saltem per alios, ipsimet exercent, mercaturæ misceri indecorum existiment? sed hæc ratio aliter constat.

9. Monarchæ ut liberius imperarent plebi arma excutere eaque soli committere Nobilitari curæ habuerunt; atqui à studio.

studio armorum nihil alienius esse constat Mercaturâ.

10. Accedit & ratio coërcendi monopolia, quæ per homines potentes & nobiles facile contraherentur, quamobrem jure Romano cunctis potentioribus mercaturâ interdictum l. 4. §. l. ult. C. de Commercio.

11. Philosophi idcirco illam deteriore loco habere videntur, quod cum simplicitate juris Naturæ minus conveniat, rem eandem minoris emptam vendere pluris; nam in venditionibus, commercia fere consistunt.

12. Fundamentum hujus quæstionis decidendæ petendum est à voluntate contrahentium; His enim consentientibus in eam, quæ arguitur, inæqualitatem, nulla ratio naturalis aut civilis eam reprehendendi superest.

13. Voluntas autem ementium ex indigentia colligitur; prout enim quisque magis aut minus aliqua re indiget, ita pluris aut minoris eam æstimare solet.

14. Sic tamen, ut indigentia respectu singulorum non spectetur, ita ut venditor capiet unius necessitatem, eamque precio enormi circumscribat, sed in universum, quatenus æstimatione communi res quæque censetur.

15. Proinde, non modo tale lucrum, quod simpliciter pensationi laboris operæque respondeat, sed & juxta subitum indigentiae incrementum majus aliquid licite capi potest.

16. Est omnino tacitus ubique gentium & publicus in hanc rem consensus, ut res emptas cum lucro distrahare liceat, quæ generalis consensus in jus Gentium abit, idque frequenter Naturale dicitur; unde Romani Icti, naturaliter licere contrahentibus se invicem circumscribere docent. in l. 16. §. 4. π. de Minor. adde Grotium lib. 2. cap. 12. §. 14.

17. Quamquam monopolia, per quæ

jus vendendi ceteris hominibus, exclusis reliquis, permittitur, ut plurimum esse prohibita, satis hinc intelligatur, quia commercii libertas juris Gentium est.

18. Nihil tamen vetat, quin civitas ob civiles quandoque causas, ea permittere possit, quale fuit monopolium *Joseph* in *Ægypto*, & est *Indica societatis* in *Belgio*.

19. Cæterum, dignitas Mercatorum in liberis Rebus publ. aliquantò major habetur, atque solet apud populos qui regnantur; Quamquam & ibi diversa quam solebat olim, invaluerit existimatio; ut ubi lucrum est, ibi quoque Principes ipsi aggregari mercatoribus non dedignentur.

20. Juxta mercatores censeri cupiunt *Faneratores*, qui pecuniis pro mercede mutuo elocandis suam vitam exorcent, quos alii penitus à civitate vellent ejectos, & *Fœnus* in universum juri Naturæ & divino contrarium judicant: non scilicet ejusmodi fœnus, quod damnum penset illatum aut lucrum cessans, nec quod puniat debitores frustrantes, ut hæc distinximus ad tit. ff. de Usur, sed mere lucrativum.

21. De jure Naturæ nobis certum est; id non prohiberi, siquidem nulla est ratio, cur non ex pecuniâ meâ lucrum immediatè percipere queam, perinde atque ex aliis rebus pecunia comparatis.

22. Jure divino, fundamentum prohibitionis est *Charitas*, cujus Legibus si possit usura non adversari, dicendum, dari quoque usum ejus non nefarium.

23. Atqui ut ab eo qui nostrâ pecuniâ in suum commodum utitur, mercedem capiamus, id non repugnat officio caritatis.

24. Nec audimus *ἡν ὡρα* à se ipso dissentientem, quando sufficere debere ait Legem Hebræis datam, ne à gentilibus suis capiant usuram; cujus cum bona

honestas sit materia, Christianos quoque per illam vult obligari, quippe vocatos ad maiora virtutum specimina. Grot. lib. 2. cap. 12. §. 20. de jur. b. & p. *Alier in introd. jur. Holl.*

25. Nos hanc consequentiam in his quæ mere sunt moralia, licet non necessaria, ut aliis dictum, concedimus; Ejusmodi autem hoc præceptum esse non videri, ex conditione illius populi, agrestis & à commerciis alieni liquet; nam idcirco & aliæ gentes versum interdidisse leguntur; quam alii suis rebus necessariam experiuntur.

26. Præterea, quod morale totum est, id omnibus ex æquo populis congruere oportet; hanc autem de fœnore Legem Deus ipse ad alienigenas noluit extendi, à quibus Judæi fœnus capere jure poruerunt.

27. Quatenus autem Legi dilectionis adverteretur usura, id ex solida & infucata dijudicatione circumstantiarum, quæ in universum terminari nequeunt, cuique colligendum.

28. Nos utrumque eos qui artem & laboris exercent, ob necessitatem tolerandos, ita qui fœneratorium toto vitæ instituto artificium exercent, laudandos minime putamus.

29. Quoniam est mutuum, quod sua natura gratuitum est, non male quandoque fiat usurarium, id tamen extraordinarium juvandique alterius causa, non promiscuè, ut faciunt mensularii, debet fieri.

30. Quemadmodum, etsi bellum sit licitum, non ideo, quibus bellum est Ars, idque agunt, ut conducenti cuius operas suas locent, vitæ genus justum sequi videntur.

31. Plane, qui apud nos trapeziticam exercent, quorum primi è Lombardia oriundi nomen gentis professioni addiderunt, & qui sub pignoribus enor-

me fœnus capiunt, ne quidem, utires haber, ferendi in civitate erant, nisi ipsos Magistratus teneant implicitos; quæ tamen honorifica societas nihil argentariis istis ultra impunitatem tribuere, neque labes Reipublicæ internam rei spoliitatem tollere potest.

32. Mercatoribus jure meliori succenturiantur, qui rem nauticam & Piscatoriam maxime Oceani, quique mechanicas artes exercent; quos à veteribus adspersanter haberi videmus, à Xenophonte in *Oecon* ab Aristot. in *Polis*, tanquam abjectos & nullius pretii homines l. 3. c. 3. & lib. 6. cap. 4.

33. Sed usu discimus in hoc hominum genere, ut his temporibus agunt, esse honestissimos & religiosissimos mortales, qui civitates numero & vestigalibus, Ecclesias quoque vivis & solidis incrementis amplificant.

34. Milites ordinem in civitate proprium constituere non videntur; utique non, si delectu civium habito, identidem bello confecto, ut olim Romæ, dimittantur; tunc enim pars civitatis sunt, non ordo civium pecuniaris.

35. Neque verò, si perpetuis stipendiis modo in prædiis habeantur, ut recenti Romæ; nam qui tum cives ex illis sunt, manent cives jure priori, alienigenæ mercenario servitio civilis unionis non sunt participes.

36. Proinde nec originariis civibus militare ministerium quicquam juris, quo civilis character mutetur, superaddit: quod verò secus apud Romanos obtinuerit, id vitium acpestis, non jus fuit Reipublicæ.

37. Sed qui studiis honestarum artium exercentur, hi optimo merito civilis ordinis censentur: sunt autem in duplici differentia, qui docendis tantum eruditis disciplinis dant operam, & qui

qui faciunt artes, seu praxin earum, ut vulgo loquuntur, exercent.

38. Qui institutionem scientiamque earum artium profitentur, quibus Ecclesiæ & civitates reguntur, & utilissimi humano generi & ab omni seculorum memoria honoratissimi fuerunt; præterquam ubi corruptis moribus præmia virtuti & doctrinæ debita ignavis bonarum artium promiscuè tribuuntur.

39. Qui exercent in Civitate disciplinas, hi quod attinet ad rerum divinarum scientiam, alium locum quam est is, de quo jam loquimur, in Republ. tenent, idemque de Jureconsultis in loco videbimus.

40. Hæc autem observandum, Theologos in plerisque gentibus Reipubl. regendæ in primis admoveri solitos fuisse, apud Hebræos, maxime post *ἀλφει*; apud Romanos Pontifices, ut Cicero *pro domo*. Idem Carolus Magnus instituit, apud Germanos imprimis, ut Episcopi simul essent Principes, quemadmodum adhuc sunt, nec aliis frequentius Reges & Principes utuntur Consiliariis quam Theologis.

41. Nisi quod apud Protestantes id

rarius instituitur, ita persuasos, ne juræ quidem id fieri posse vel debere, quasi id esset *ἀνομιμον* & polypragmosyne à Christo Apostolisque prohibita, quo Pastores animarum se totos huic curæ, quæ totis hominibus occupandis sufficit, dedere possint, & Recte equidem; etsi cupit gratia id instituere principes Reformatantium, haud usquequaque fideliter impleatur: quod tamen juris rationem non mutat.

42. Medicos apud Romanos minus honoratos fuisse, libertinis & servis hæc arte delegata, constat equidem, sed postquam chirurgica & pharmaceutica ab eruditiorē medicina separata est, majore quam apud Græcos olim, honore cœperunt haberi & habentur etiamnum, ut etiam Reipubl. non raro adhibeantur, etsi non ita, ut Juris-consulti, quales.

43. Philosophi apud Veteres multo quam hodiè majori honore habebantur. cum & sacris & legibus condendis omnique disciplinæ adhiberentur, quæ postquam hodiè à Theologis & Jurispræditis occupatæ sint partes, philosophis in civitate parum loci atque momenti relictum est.

S E C T I O I I I.

De jure Universitatum.

C A P. I.

De Universitate, in genere.

Poss singulos, corpora hominum consideranda & Universitates. Definitio illarum difficilis, tentatur tamen, ut & divisio, quod vel singulæ personæ, vel integræ in eas familiæ, cum omnibus rebus conveniant. Definitio alia & accuratior Universitatis, ejusque exegesis. *Tras. 3. m.* prohibita. Regimen Universitatum, cum jure condendi statuta de rebus suæ professionis. Jus personæ Universitatibus competens, etiam in Contractibus & delictis.

QUæ adhuc dicta sunt. ea singulis fere civibus conveniunt; plerumque autem vel plures personæ vel integræ familiæ communis utilitatis causâ in unum conveniunt, quæ Corpora sive Universitates dicuntur.

2. Quid sit Universitas, difficile dictum est, prope ut hic illud Aristotelicum usu veniat, *ut dicitur in 2.º libro 2.º c. 1.º*; nam quia diversissimæ Universitates sunt nature, definitio ægrè, omnibus quæ conveniat, dari potest.

3. Forte facilius negante quam agente teni; Universitas est *Multitudo, communis utilitatis causa, certo regimini ordine sociata, quæ nec sit familia neque Respublica* & licet diximus addit. *Inst. de Acquir. Rer. dom.*

4. Nam quia verba priora definitionis, his quoque conveniunt, nec tamen hæc Universitates sunt hujus generis, nominum separandæ videntur; deficientibus, ut videtur, verbis, quibus aliter hinc in ista illa colligi possit; nisi quid forte statim melius occurrat.

5. Partiemur Universitates, quod vel personæ singulæ, vel integræ familiæ cum omnibus suis rebus conveniant.

6. Corpora, quæ personali tantum unione constant, propter usus civiles aut sacros congregantur.

7. Illi, vel ob mechanicas artes, vel ob studia bonarum artium herberi solent: suntque *Collegia* artificum, & ex adverso *Academix*; nam scholæ & gymnasia per se Universitates non sunt, quia nullo regimine civili continentur.

8. Quæ ob sacra congregantur Universitates, *Ecclesie* dicuntur, quæ utcumque à Republica separatæ sint, membra tamen civitatis esse, negari nequeunt.

9. Universitates, quæ non modò personas, sed & familias domosque complectuntur, sunt vici, pagi, oppida seu municipia, territoria, provinciæ & similes, in quibus priores continentur: Nam dari universitatem in Universitate habet facultatem & vim.

10. De his omnibus in genere statuendum.

Z z

poris *immemorialis*, in qua verius est nullum requiri titulum vel scientiam superioris, ut evincit *Tiraquellus d. tract. c. 23.*

30. Scilicet, quatenus in Civitatibus hæc res aliter non est definita legibus; Quid enim si album, sive matricula nobilium familiarum extet? præscriptio non potest ex usu tacito tribuere, quod expressam nominationem requirit.

31. Majoris excellentiæ gradus, ut *Baronum, Comitum, Marchionum, Principum, Ducum*, proprie sunt nomina Potestatum seu summarum sive aliis tam feudi quam civitatis jure subjectarum.

32. Atque ita non nisi per modum successionis propagantur, quod tamen secus in quibusdam gentibus obtinet, ubi plerique titulorum istorum, exemplo Nobilitatis, ad omnes posteros, etsi potestas penes unum maneat, transmittuntur.

33. Ex his jam colligi potest, fundamentum Nobilitatis non consistere in virtute neque fama rerum gestarum, sed esse eam nihil quam hereditariam in civitate honoris prærogativam, quæ tantò major quidem est, quantò cujusque majorum fama virtutum meritorumque celebrior fertur; absque ea tamen perinde haberi potest, ac sæpe honores alii cum dignis & indignis communicantur.

34. Honos virtutum, qui que belli & pacis artibus defertur, à reputatione hujus eminentiæ toto genere diversus est, ut frustra sint, qui nobiles esse negant omnes à majorum virtutibus degeneres.

35. Interim Nobilitatis initium à virtutibus fama que secundà ut plurimum duci, multisque eam à Summis potestatibus in præmium virtutis tribui, quin & hanc præstantissimam esse nobilitatem, haud ægre concedimus.

36. Ut tamen his, quibus auro vendi-

tur Nobilitas, aut favore, sine judicio datur à Principibus, non minus quam isti sint nobiles; perinde ac Prætor æquè fuit *Vatinius* quam *Cato*, Consul tam *Gabinus* quam *Cicero*.

37. Ratio alioqui primitus impulsiva recipiendæ Nobilitatis fuit hæc sine dubio, quod populi sperarent, virtutes eorum qui bene Rempubl. gesserant, imitatu-ros esse, qui nascerentur ab illis.

38. Item, ut eò magis quilibet ad virtutem accenderetur, si intelligeret, se non perituram, verum usque seros nepotes victuram dignitatem esse adepturum.

39. Proinde si primi familiæ conditores potentiam suam insignibus vitiis corruerint, hi quidem verà æstimatione idonei nobilitatis auctores non sunt aut eam certe non parum dehonestant.

40. Momentum, quod Nobilitas habet in Republica, non modò quod ad inania honoris, sed & in functionibus Reipubl. capiendis ignotum est nulli.

41. Quæritur, an & jus aliquod hac parte, Nobilibus competat, quo urgere & exigere possint, ut aliis præferantur, in tantum uti secus, injuria illis fieri dicatur, quod *Catilina* præ se ferebat, ideo civile bellum semovere, quod ipse & socia nobilitas statum dignitatis suæ non obtinerent, in *Epist. ad Catul. apud Salust.*

42. Fuit hæc res in Græcis civitatibus creberrima seditionum materies, sed Ratio est, nobilitatem nihil juris habere proprii & perfecti, nisi ex conventionem civitatis, id est, Lege; citra quam probabiliter tamen aliquod præcipuum illis tribuendum, minime vero ut injuriæ & ultionis causa, si neglecti fuerint, ipsis inde oriatur.

43. Quin & prærogativa illa cedit haud dubie virtutum & doctrinæ meritis, ut *Cicero* passim adversus eos qui

Appie-

Appietatibus, & Lentulitatibus se vendiarent, præ se tulit. Tales Seneca notos potius quam Nobiles vocat; *Qui imagines*, inquit, *in atrio exponunt & nomina familiae suae largo ordine & multis illigata flexuris in parte primâ aditum collocant, noti magis quam nobiles sunt*, lib. 3. de benef. Unde & hoc colligitur, quod alias constat, insignia Nobilitatis apud veteres fuisse Imagines; quarum loco Germanicæ nationes picturas armorum flexibus illigarunt.

44. Cæterum, in honoranda nobilitate, iustum est, cæteris paribus præferre nobiles, sed eisdem postponere meritis potioribus; plane, ut Franciscum Gallicæ Regem servasse vel dictitasse ferunt; quod pluribus honorem ambientibus, primum, quis laude moribusque ad illum aptior, rogabat; nullo notabili discrimine, cum qui nobilitate excelleret, præferendum iudicabat.

45. Quis conferat nobilitatem, ex supra dictis constat. Is qui habet summam Potestatem, eamque in posteros propagari, æquè intelleximus. Sed quousque, disputant Jurisperiti. Sunt enim qui simplicem nobilitatem ultra filios non transmitti volunt, per *l. Sed & milites* 8. §. 1. *π. de Excusat. Tut. & l. laudabile* 4. *C. de Advoc. divers. jud.* Sed cum hi textus agant de privilegiis militum & Advocatorum duntaxat, ad nobilitatem male transferuntur.

46. Alii volunt ad pronepotes duntaxat extendi jus nobilitatis, per *l. Divo Marco* 11. *C. de Quæst.* Ubi eminentissimum de non torquendo privilegium ulterius non extenditur. Sed dicendum, illas qualitates eminentissimorum & perfectissimorum, magis ad dignitates quam ad familiam aut genus pertinuisse. Ideoque ab illis ad nobilitatem, quæ generis est, non valere consequentiam. Auctores recenset Tiraqu. *d. loco* c. 15. idemque

in cap. 10. probat, quod supra diximus, copiosè, nobilitatem quo sit antiquior, hoc esse meliorem.

47. Propagari nobilitatem in liberos etiam adoptivos, ex opinione veterum, non est dubium, ut ex Oratione Ciceronis pro domo suâ apertissime liquet; *Filios adoptivos sequi conditionem statumque Patris adoptivi; ut si bice esset Patricius, adoptatus etiam si plebejus, talis fieret; & e contrario si Pater adoptans esset plebejus, talis quoque filius adoptatus censeretur.* Adoptivi jura cognationis *l. 8. §. 4. π. Unde cognati.* Jura consanguinitatis *l. 43. π. de Adops.* omniaque familiæ adipiscuntur. *l. 11. §. 2. π. de bon. poss. sec. tab.* inter quæ jus imaginum; Ex imaginibus Nobilitatem fuisse collectam, passim est obvium atque à nobis demonstratum in *lib. 2. Digress. c. 24.*

48. Sed aliter multi, etiam Tiraquellus in *d. tract. c. 15. n. 6.* qui nobilitatem per traducem seminis & sanguinis unicè propagari volunt: sine ratione, cum nobilitas naturæ incognita usuque honorum ab hominibus reperta sit, contra quam ingenuitas, quæ sine medio est à nativitate, quam idcirco non tribuit adoptio *l. ult. π. de Adoption.*

49. Quod autem Spuriæ & nothi à participatione Nobilitatis alieni sint, non eget multæ probationis, quam tamen confert Tiraquellus in *d. tract. n. 10. & seqq.* ubi rectè monet, secus observari in familiis illustribus Regum & Principum.

50. Qui Legitimati sunt, maxime per subsequens matrimonium, omnes sunt legitimi. Ex eo tamen quod de Adoptione diximus, statuendum, etiam Rescripto Principis, à quo maxime Nobilitas oritur, legitimatos pro Nobilibus esse habendos.

51. Sed an liberi ante quæsitam Patri nobilitatem, Nobiles fiant, magis dubitatur:

Y y

bitatur: Etsi nec ratio magis hac parte, quam aliàs de Successione dictum est, dubitare patitur; eo quod non modò filius in natiuitate suã patrem repræsenter, verum semper quamdiu filius est, idque firmat *argum. l. 5. §. de Senator. non ob-*stanterursus *l. ult. C. de Decurion. in ver-*bis, *progeniti filii, antequam Parentes ad fisci Patronatum pervenerint, in con-*ditione pristina remaneant. Alia enim dignitatum, alia Nobilitatis est ratio. Plura Tiraq. *d. c. n. 9. & seqq.* Saepè etiam usu venit, ut liberi Principum ex imparibus nuptiis, quas vulgo ad *morgénati-*cam vocant, gradu Nobilitatis Patri liberisque dignioris matrimonii cedant, quod frequenter usu venit in illustribus Germanorum familiis.

52. Ad collaterales agnatos Nobilitas recens acquisita, non nisi, quæ patrimonialis est, una cum bonis transit, ut recte probat Tiraquellus *d. tr. c. 17.*

53. Sed uxores, quæ maritos habent Nobiles, hujus participare Nobilitatem juris ratio ferre videtur, eo quod mulieres è dignitate maritorum censeantur, illque unionis arctissimæ effectus est civilis. *L. feminæ 8. §. de Senator. L. Cum te & l. ult. ubi; & sentiat ejus fulgorem C. de Nupt. & l. 10. C. de Incol. lib. x. ubi hæc verba; Mulieres honore maritorum erigimus & genere nobilitamus.* Idem expresse, in *l. mulieres C. de dignit. l. xi.* quemadmodum, è contrà nuptæ ignobilibus feminæ nobiles, huius fiunt pares *arg. dd. l.*

54. Quò minus dubii est in liberis Patre nobili, matre natis ignobili, quin hi Nobilium loco habeantur; cum & aliàs in matrimonio Patris conditionem, extra matrimonium Matris, spectari, juris sit *l. 19. §. de Stat. hom. in* quam rem plura cumulat Tiraqu. *d. tr. c. 18 n. 21.*

55. Non est tamen dubium, quin Nobiliores sint, utroque parente nobi-

li insignes, ut Ovid. *lib. 4. de Ponto, eleg. ult.*

Maternos Cottasque Messalasque paternos

Maxima Nobilitas ingeminata deducit.

Hinc apud Salustium Hyempsal ignobilitatem Jugurthæ, quia maternogenere imparerat, despiciebat, *bell. Jugurth. & Antonius* hoc nomine Augusti Nobilitatem insectabatur, quod *materna* origine vilior esset. Xerxes Darii Hittaspis filius, Artamemi fratri prælatus est, ob maternam Nobilitatem, ex Arofsâ Cyri filiâ natus, apud Herodot. idemque inter Demetrium & Perseum interfuisse Livius observat. Adde Tacitum, qui *l. 14. Trebellio Plaurio maternam Nobilitatem* ex Julia familiâ adscribit.

56. Neque desunt Gentes, ubi vir feminâ ignobili ductâ, pollueret Nobilitatem dicitur, ut Tacitus iterum *lib. 3. annal. c. 29.* Nec adeo verò Nobilibus aggregetur, qui non insignia ab utroque latere Nobilitatis ostendere possit, quâ de re pluribus agit idem Tiraquellus *c. 19. n. 30. & seqq.*

57. Prærogativa Nobilitatis maximè consistit in honoribus, quibus plebejis & vilioribus præferuntur, quæ de re testimonia cumulare non est hujus loci; fecit id copiose Tiraquellus in *d. tract. c. 20. in pr.* diximus aliquid *suprà.*

58. Ratio autem præferendi Nobilitatem in honoribus, est probabilis duntaxat, non perfecta; ideoque saepe fit, ut cedere debeant virtutibus & meritis. Aliquando etiam forma Reipubl. talis est, ut Nobilitas parum aut nihil habeat præcæteris.

59. Quæ præterea de Nobilibus prædicantur, quod major illis fides in testimoniis habeatur; quod arma incedere possint & debeant; An cogi possint ad homines suspendendos & similia, de quibus

quibus prolixè Tiraquellus in *cap. 20. d. tract.* neque perpetua, nec ejus momenti sunt, ut nobis prosequenda videantur.

60. Sed majoris momenti est, quod Nobiles in delictis mitius haberi dicuntur. Nam ob quas causas viliores corporali poenâ adficiuntur, ob has honestiorum bona publicantur. §. 5. *I. de publ. jud.* Imo, cum humiles capite puniuntur, altiores deportantur in insulam *l. 3. §. pen. π. ad L. Corn. de Sicar.* Idem in aliis Scriptoribus ubique videas. Stobæus ex Eurip.

Παύροις ἀνδρῶν δόξαν, φειδύμεθα.
Parcite Nobilibus, parcemus Nobilitati

61. Quod tamen non ita accipiendum, quin delicta dentur, in quibus Nobilitas augeat crimen, ut est, prodicionis, fugæ in bello, nec tam in plebiscisque atrocioribus ipsum poenæ, quam generis poenæ remissionem Nobilitati indulgendam merito quis dixerit; sed quatenus hæc causâ poena variari possit, ad caput de Poenis pertinet.

62. Porro, sicut Nobilitas à Summâ Potestate confertur, ita ejusdem decreto ex causa rursus adimi potest. Verum sola vitæ turpitudine & infamia magis est, ut privilegia Nobilitatis, quibus infamis nullo modo gaudere potest, quam ipsum sanguinis characterem amittat, quem idcirco ad liberos decore viventes pergere statuendum est, et sialiter Tiraquellus *cap. 24.*

63. Paupertate Nobilitatem amitti vir sapiens Euripides statuere videtur. *Phœnissis.*

Πῶς δ' ἔστιν δόξης ἀνὴρ.

Vir Nobilis pauper quid est? nihil.

In *Electra*

Λαμπρόν δ' εἰς γὰρ καὶ χρεώσται δὲ δὲ

Πόνητος, ἔστι δ' ἀνὴρ δόξης ἀνὴρ.

Qui genere nobiles egent pecuniis

Exinde jure nobilitas excidunt:

Sed hoc de vulgi, non de prudentium judicio esse verum, idem indicat apud Stob. *serm. 86.*

Ἦν τις ἐν οἴκῳ χρεώσται λαοκράτου;

Ἦ δ' ἀνὴρ καὶ πρὸς γένειον ἀπὸ?

Es si pecuniâ nostrum genus cares,

Generositas & Nobilis sanguis manet

Sed verum est, quod idem de Nobilibus *serm. 89.*

Πόνητος ὄντις ἔστιν ἱμνωῖται ἔτι.

Cum pauperes sunt, amplius non eminent.

Unde à dignitatibus, quæ alioquin à nobilibus geri solent, ferme excluduntur, ut Romæ in Senatoribus, qui censu carebant, observatum fuisse, Tacitus & Suetonius testantur.

64. Ingressus in ordinem religiosum dignitates quidem in Nobilitatem conferri solitas, sed ipsam nobilitatem minimè præcidit; quemadmodum nec Verbi divini ministerium: Et si quod aliqui huic dediti officio, insignia nobilitatis & instrumenta pompæ huic fortunæ convenientia ostentare gaudent, omnem stulticiam superat & se destruit ipsum.

65. Judicandi vero munus neque jus neque dignitatem aut privilegia tollere vel minuire manifestum est; cum etiam Regium sit officium, res judicare, quemadmodum hæc causâ primo sunt constituti & optimi quique Principes ad iduo jus dixisse leguntur. *Sueton. Aug. c. 33.*

66. Nec quidem Advocati munus tollere, nec etiam dehonestare Nobilitatem sola probat Lex, *Advocati C. de Advoc. divers. Jud.* quod secus de Procuratoris officio videtur, ut probat Tiraq. *d. tr. c. 30.* qui Medicos *cap. sequ.* prolixè defendit ac adserit etiam Nobilitati: ut de Medicis amplius, quam in toto libro de Nobilitate loquatur.

Y y 2

67. Imo

67. Imo tamen nulla major oppositio quam inter Nobiles & rusticos esse videatur, tamen nec agriculturam officere Nobilitati vetus & constans hominum gravissimorum opinio est; *Omnium rerum, ex quibus aliquid acquiritur, nihil est agriculturâ melius, nihil uberius, nihil dulcius, nihil homine libero dignius, ait Cicero 1. off.* Idque pressius antiqui Consules & dictatores ab aratro confirmant, nec etiamnum ab agricultura Nobiles alieni sunt; etsi manus operi non semper admoveant.

Τὸ δὲ γὰρ ἐστὶν ἰσχυρὸν αἰτιολογία.

Nam fodere terram munus servile habetur

68. Sed mercatura Nobilitati magis adversa videtur. Unde Nobiliores natalibus, mercimonium exercere prohibentur *l. 3. C. de Commert. & mercat.* Inter humiles & abjectas personas referuntur, qui quæve publicis mercimoniis præfuerunt *l. 1. C. de Incest. Nupt.*

69. Sed mercatura nostro seculo, postquam populi & Principes ingens ejus in Republ. momentum animadverterunt, magis honestari cæpit; præsertim in Imperiis Optimatum aut popularibus, Venetorum, Genuensium, Batavorum, quin & in Florentino Principatu, regnisque etiam, ut in Angliâ & alibi; Nec aded mercaturâ Nobilitatem his diebus ubique amitti, dicendam videtur; nisi quæ *ultima* dicitur in *l. ne quis*

C. de dignit. & sordida, quam vocat Cicero 1. off.

70. Prævalet omnino tamen in gentibus hæc opinio, quod Mercatura deroget Nobilitati; nisi quod in nonnullis populis pro statu Reipubl. divertum placuerit, ut copiose concludit & probat Tiraquell. *cap. 33. passim & n. 20.*

71. Orta est hæc sententia contra Mercaturam, ut videtur, inde, quod Principes Nobilitatem sibi addictam in armis habere; plebem ut subiectam cum sibi tum Nobilitati habere voluerunt.

72. Quod tamen jampridem contra vertit; postquam Principes mercenariam militiam ex sæce hominum, ad vim imperii exercendam, adsciverunt: Exinde enim nobiles ab armis alienati, æque operibus publicis & rigidiori imperio subiectos habuere quam plebejos.

73. Melior est ratio, quam Honorius & Theodosius præferunt, qui Nobiles, conspicuos & ditiores ideo à commerciis excludunt, ut inter plebejos & negotiatores facilius sit emendi vendendique commercium *l. 3. C. de Commert. quâ, nec non inveterata populorum opinione apud ipsos Batavos, in quibus mercatura pridem maximè viguit, antiqua Nobilitas adhuc mercaturam dedignatur. At satis heic nobis. Reliqua plena manu Tiraquellus, & multa plura D. Antonius Matthæus A. F. A. N. in opere exquisito de Nobilitate.*

C A P. V.

De Diversis Civium Ordinibus.

Antiquissimum genus Civium fuisse agricolas. Dignitate etiam mercatoribus olim potiores habitos. Secus hodie. Ratio differentiarum. Quæstio, an naturaliter liceat in emendo vendendoque se invicem circumscribere, terminatur. De sceneratoribus, & an scenus jure naturæ divinoque sit licitum; Aff. non tamen id quod vulgo Lombardicum vocatur. Mercatores sequi Piscatores & Mechanicos artifices, sed milites ordinem in civitate proprium non constituere; At eruditos omnino, tam qui docent artes studiorum, quam qui faciunt illas. Ubi quid juris hac parte Theologis.

HÆ fere sunt differentiarum ex qualitatibus civium; Dantur & aliæ ex variis vitæ generibus ac professionibus: Unde ordines hominum diversi componuntur.

2. Antiquissimum vitæ genus est *Agri-cultura*, idem innocentissimum, nec minus Reipubl. utilissimum: Ideoque apud præscos omnes populos merito honoratum.

Cum caperet fasces à curvo Consul a-ratro

Et faceret Patrio rure Senator a-gros.

3. Unde & Legibus fovenda tuendaque imprimis, ut à Romanis factum, quod pertinet, quod instrumenta rustica loco pignorum capi & agricolis auferri prohibentur; etsi hoc moribus hodiernis nusquam servatur, utcunque ratio, qua veteres movebantur, apud nos forte non minus obrineat, quam apud illos usu venerat, *vid. l. 7. & 8. cum Auth. Agricult. C. Quæ res pignor. oblig. non poss.*

4. Quominus Imperii in civitatibus Rustici participes habeantur, nulla quidem ratio obstat, idque olim in lauda-

tissimis civitatibus, *Spartâ* exceptâ, obtinuisse, nota res est.

5. Hodiernis temporibus aliter usurpari videmus, ubique penes urbanos aut nobiles summâ consistente rerum: non aliâ ex causâ, quam quod hi, qui opibus & ingenio pollent, agriculturam odio laboris fastidiant, eamque iis relinquunt, qui ad rem nullam, præterquam ad serviendum, sunt apti, quod & *Ly-curgo* probatum. *Plutarch. in vit.*

6. Post agricolas, sunt origine Mercatores; illos necessitas, hos utilitas commendat; quando nullâ re compertum est, celerius incrementum & rursus decedere, quam florente vel coarctata mercatura, populos & civitates.

7. Plerique veterum dignitate post agricolas collocant mercatores; an, quia sane apud hos minus simplicitatis & crebræ fraudes ac imposturæ?

8. Ideone & his diebus Nobiles agros, saltem per alios, ipsimet exercent, mercaturæ misceri indecorum existiment? sed hæc ratio aliter constat.

9. Monarchæ ut liberius imperarent plebi arma excutere eaque soli committere Nobilitati curæ habuerunt; atqui à studio

studio armorum nihil alienius esse constat Mercaturâ.

10. Accedit & ratio coërcendi monopolia, quæ per homines potentes & nobiles facile contraherentur, quamobrem jure Romano cunctis potentioribus mercaturâ interdictum l. 4. & l. ult. C. de Commere.

11. Philosopheri idcirco illam deteriore loco habere videntur, quod cum simplicitate juris Naturæ minus conveniat, rem eandem minoris emptam vendere pluris; nam in venditionibus, commercia fere consistunt.

12. Fundamentum hujus quæstionis decidendæ petendum est à voluntate contrahentium; His enim consentientibus in eam, quæ arguitur, inæqualitatem, nulla ratio naturalis aut civilis eam reprehendendi superest.

13. Voluntas autem eminentium ex indigentia colligitur; prout enim quisque magis aut minus aliqua re indiget, ita pluris aut minoris eam æstimare solet.

14. Sic tamen, ut indigentia respectu singulorum non spectetur, ita ut venditor capter unitis necessitatem, eamque precio enormi circumscribat, sed in universum, quatenus æstimatione communi res quæque censetur.

15. Proinde, non modo tale lucrum, quod simpliciter pensationi laboris operæque respondeat, sed & juxta subitum indigentiae incrementum majus aliquid licite capi potest.

16. Est omnino tacitus ubique gentium & publicus in hanc rem consensus, ut res empras cum lucro distrahare liceat, quæ generalis consensus in jus Gentium abit, idque frequenter Naturale dicitur; unde Romani Icti, naturaliter licere contrahentibus se invicem circumfribere docent. in l. 16. §. 4. & de Minor. adde Grotium lib. 2. cap. 12 § 14.

17. Quanquam monopolia, per quæ

jus vendendi certis hominibus, exclusis reliquis, permittitur, ut plurimum esse prohibita, satis hinc intelligatur, quia commercii libertas juris Gentium est.

18. Nihil tamen verat, quin civitas ob civiles quandoque causas, ea permittere possit, quale fuit monopolium Josephi in Ægypto, & est Indice societatis in Belgio.

19. Cæterum, dignitas Mercatorum in liberis Rebus publ. aliquantò major habetur, atque solet apud populos qui regnantur; Quanquam & ibi diversa quam solebat olim, invaluerit existimatio; ut ubi lucrum est, ibi quoque Principes ipsi aggregari mercatoribus non dedignentur.

20. Juxta mercatores censeri cupiunt *Feneratoros*, qui pecuniis pro mercede mutuo elocandis suam vitam exercent, quos alii penitus à civitate vellent ejectos, & Fœnus in univèrsum juri Naturæ & divino contrarium judicant: non scilicet ejusmodi fœnus, quod damnum penset illatum aut lucrum cessans, nec quod puniat debitores frustrantes, ut hæc distinximus ad tit. ff. de Usur, sed mere lucrativum.

21. De jure Naturæ nobis certum est; id non prohiberi, siquidem nulla est ratio, cur non ex pecuniâ meâ lucrum immediatè percipere queam, perinde atque ex aliis rebus pecunia comparatis.

22. Jure divino, fundamentum prohibitionis est *Charitas*, cujus Legibus si possit usura non adversari, dicendum, dari quoque usum ejus non nefarium.

23. Arqui ut ab eo qui nostrâ pecuniâ in suum commodum utitur, mercedem capiamus, id non repugnat officio caritatis.

24. Nec audimus *in usura* à se ipso dissentientem, quando sufficere debere ait Legem Hebræis datam, ne à gentilibus suis capiant usuram; cujus cum bonitas

honestas sit materia, Christianos quoque per illam vult obligari, quippe vocatos ad majora virtutum specimina. Grot. lib. 2. cap. 12. §. 20. de jur. b. & p. *Aliter in introd. jur. Holl.*

25. Nos hanc consequentiam in his quæ mere sunt moralia, nec non necessaria, ut alias dictum, concedimus; Ejusmodi autem hoc præceptum esse non videri, ex conditione illius populi, agrestis & à commerciis alieni liquet; nam idcirco & aliæ gentes versuram interdixisse leguntur; quam alii suis rebus necessariam experiuntur.

26. Præterea, quod morale totum est, id omnibus ex æquo populis congruere oportet; hanc autem de fœnore Legem Deus ipse ad alienigenas noluit extendi, à quibus Judæi fœnus capere jure potuerunt.

27. Quatenus autem Legi dilectionis adversetur usura, id ex solida & infucata dijudicatione circumstantiarum, quæ in universum terminari nequeunt, cuique colligendum.

28. Nos utcumque eos qui artem naturalem exercent, ob necessitatem tolerandos, ita qui fœneratorium toto vitæ instituto artificium exercent, laudandos minime putamus.

29. Quoniam etsi mutuum, quod sua natura gratuitum est, non male quandoque fiat usurarium, id tamen extraordinarium juvandeque alterius causa, non promiscuè, ut faciunt mensularii, debet fieri.

30. Quemadmodum, etsi bellum sit licitum, non ideo, quibus bellum est Ars, idque agunt, ut conducenti cuius operas suas locent, vitæ genus justum sequi videntur.

31. Plane, qui apud nos trapeziticam exercent, quorum primi è Lombardia orifundi normen gentis professioni addiderunt, & qui sub pignoribus enor-

mo fœnus capiunt, ne quidem, ut res habet, ferendi in civitate erant, nisi ipsos Magistratus tenerent implicitos; quæ tamen honorifica societas nihil argentariis istis ultra imponentem tribuere, neque labes Reipublicæ internam rei spurciciem tollere potest.

32. Mercatoribus jure meliori succutiantur, qui rem nauticam & Piscariam maxime Oceani, quique mechanicas artes exercent; quos à veteribus adspersanter haberi videmus, à Xenophonte in *Oecon.* ab Aristot. in *Polit.* tanquam abjectos & nullius pretii homines l. 3. c. 3. & lib. 6. cap. 4.

33. Sed usu discimus in hoc hominum genere, ut his temporibus agant, esse honestissimos & religiosissimos mortales, qui civitates numero & vestigaliibus, Ecclesias quoque vivis & solidis incrementis amplificant.

34. Milites ordinem in civitate proprium constituere non videntur; utique non, si delectu civium habito, identidem bello confecto, ut olim Romæ, dimittantur; tunc enim pars civitatis sunt, non ordo civium peculiaris.

35. Neque verò, si perpetuis stipendiis modo in prædiis habeantur, ut recenti Romæ; nam qui tum cives ex illis sunt, manent cives jure priori, alienigenæ mercenario servitio civilis unionis non sunt participes.

36. Proinde nec originariis civibus militare ministerium quicquam juris, quo civilis character mutetur, superaddit: quod verò fecus apud Romanos obtinuerit, id vitium ac pestis, non jus fuit Reipublicæ.

37. Sed qui studiis honestarum artium exercentur, hi optimo merito civilis ordinis censentur: sunt autem in duplici differentia, qui docendis tantum eruditis disciplinis dant operam, & qui

qui faciunt artes, seu praxinearum, ut vulgo loquuntur, exercent.

38. Qui institutionem scientiamque earum artium profitentur, quibus Ecclesiae & civitates reguntur, & utilissimi humano generi & ab omni seculorum memoria honoratissimi fuerunt; praequam ubi corruptis moribus praemia virtuti & doctrinae debita ignavis bonarum artium promiscue tribuuntur.

39. Qui exercent in Civitate disciplinas, hi quod attinet ad rerum divinarum scientiam, alium locum quam est is, de quo jam loquimur, in Republ. tenent, idemque de Jureconsultis in loco videbimus.

40. Hic autem observandum, Theologos in plerisque gentibus Reipubl. regendae in primis admoveri solitos fuisse, apud Hebraeos, maxime post *exilium*; apud Romanos Pontifices, ut Cicero *pro domo*. Idem Carolus Magnus instituit, apud Germanos imprimis, ut Episcopi simul essent Principes, quemadmodum adhuc sunt, nec aliis frequentius Reges & Principes utuntur Consiliariis quam Theologis.

41. Nisi quod apud Protestantes id

rarior instituitur, ita persuasos, ne jura quidem id fieri posse vel debere, quasi id esset *ἀντιθετικόν* & polypragmolyne à Christo Apostolisque prohibita, quo Pastores animarum se totos huic curae, quae totis hominibus occupandis sufficit, dedere possint, & Recte equidem; etsi cum gratia id instituere principes Reformatium, haud usquequaque fideliter impleatur: quod tamen juris rationem non mutat.

42. Medicos apud Romanos minus honoratos fuisse, libertinis & servis hac arte delegata, constat equidem, sed postquam chirurgica & pharmaceutica ab eruditore medicina separata est, majore quam apud Graecos olim, honore coeperunt haberi & habentur etiamnum, ut etiam Reipubl. non raro adhibeantur; etsi non ita, ut Juris-consulti, quales

43. Philosophi apud Veteres multo quam hodie majori honore habebantur. cum & sacris & legibus condendis omnique disciplinae adhiberentur; quae postquam hodie à Theologis & Jurisperitis occupatae sint partes, philosophi in civitate parum loci atque momenti relictum est.

S E C T I O I I I.

De jure Universitatum.

C A P. I.

De Universitate, in genere.

Post singulos, corpora hominum consideranda & Universitates. Definitio illarum difficilis, tentatur tamen, ut & divisio, quod vel singulæ personæ, vel integræ in eas familiæ, cum omnibus rebus conveniant. Definitio alia & accuratior Universitatis, ejusque exegesis. *Em. gius* prohibita. Regimen Universitatum, cum jure condendi statuta de rebus suæ professionis. Jus personæ Universitatibus competens, etiam in Contractibus & delictis.

QUæ adhuc dicta sunt, ea singulis fere civibus conveniunt; plerumque autem vel plures personæ vel integræ familiæ communis utilitatis causâ in unum conveniunt, quæ Corpora sive Universitates dicuntur.

2. Quid sit Universitas, difficile dictu est, prope ut hic illud Aristotelicum usu veniat, *ἡ δὲ πᾶσι τῶν ἄνθρωπων*; nam quia diversissimæ Universitates sunt nature, definitio ægrè, omnibus quæ conveniat, dari potest.

3. Fortè facilius negante quam agente sensu; Universitas est *Multitudo, communis utilitatis causa, certo regiminis ordine sociata, quæ nec sit familia neque Respublica*; sicut dixerimus ad tit. *Inst. de Acquir. Rer. dom.*

4. Nam quis verba priora definitionis, hic quoque conveniunt, nec tamen hæc Universitates sunt hujus generis, nominatim separandæ videntur; deficientibus, ut videtur, verbis, quibus aliter distinctio illa colligi possit; nisi quid forte statim melius occurrat.

5. Partiemur Universitates, quod vel personæ singulæ, vel integræ familiæ cum omnibus suis rebus conveniant.

6. Corpora, quæ personali tantum unione constant, propter usus civiles aut sacros congregantur.

7. Illi, vel ob mechanicas artes, vel ob studia bonarum artium heberi solent: suntque *Collegia* artificum, & ex adveffo *Academix*; nam scholæ & gymnasia per se Universitates non sunt, quia nullo regimine civili continentur.

8. Quæ ob sacra congregantur Universitates, *Ecclesie* dicuntur, quæ utcumque à Republica separatæ sint, membra tamen civitatis esse, negari nequeunt.

9. Universitates, quæ non modò personas, sed & familias domoque completuntur, sunt vici, pagi, oppida seu municipia, territoria, provinciæ & similes, in quibus priores continentur: Nam dari universitatem in Universitate habet facultatem & usum.

10. De his omnibus in genere statuendum,

tuendum, Nullas jure constitutas videri universitates, nec ullas omnino tolerandas, nisi quæ ab eo qui Summam habet potestatem, aut si minoris momenti sint, ab his qui delegatam à Principe habent potestatem, probatæ vel confirmatæ sint.

11. Ratio, quia prætextu collegiorum, fundamenta seditionum stabiliri possunt; præter quod nihil in civitate majoris momenti sit, quod ab alioquam à summa potestate constitui queat; nec quicquam facile pluris occurrit momenti quam civium in Civitate societates.

12. Unde haud immerito, criminis extra ordinem rei sunt, qui *iracundia* socialitia, collegia formaverint, ut non tantum jure Romano receptum, sed etiam Universali jure Publico statuendum est, *vid. tit. 1. de Corpor & colleg.*

13. Facit, quod in civitatibus, maxime, ubi fundamentum Imperii est Democraticum, Universitates civium, quasi usum habent Curiarum, ut olim populus Romanus in xxx. curias divisus de publicis rebus consulebatur.

14. Forsitan ex his omnibus definiri potest Universitas, paulo concinnius quam modò, *Cetus*, sive corpus *subditorum* alicujus civitatis, *sub certo regimine*, *permissa summa potestate*, *ad utilitatem communem sociatus*.

15. *Cetus* dicimus, quia ipsum corpus civium pro universitate habemus; iterum sprete eorum subtilitate, qui *fermam moderationis* proprie loco generis collocatam vellent, ut vult Arnise. *lib. 1. de Republ. c. 1. sect. 7. n. 2.* tanti putans hac causa reprehendere Platonem, Spensippum, Ulpianum, Bodinum aliosque; prope ambitiosæ nugæ!

16. Dicuntur etiam Societates, & Collegia in *l. 1. 1. Quod cujuscunque univers.* Sed hæc nomina conveniunt etiam ejusmodi cœtibus, qui nullo regimine con-

tinentur; neque rursus satis conveniunt; pagis, oppidis & Provinciis, quæ tamen universitates sunt.

17. Numerus Sociatorum variè se habere potest; minimus omnium, à quo initium capere possit Universitas, habetur, trium personarum *l. 85. n. d. Verb. signif.*

18. *Subditorum*, non civium; siquidem & advenarum temporaria possunt esse collegia & universitates, ut mercatorum, studiosorum, denique Ecclesiæ & Monasteria.

19. *Sub certo regimine*; his verbis constat differentia à Societatibus, quæ non raro pro Universitatibus fallunt, quales Publicanorum & Mercatorum, etsi Romæ quidem publicanis universitates permittæ fuerint, ut indicat Cajus in *l. 1. 1. Quod cujuscunque univers.* non æquè militibus, etsi illis, conferre stipem & semel in mense coire permittitur, at sine regimine peculiari. *l. 1. 1. de colleg. & corpor.* quod nihilo magis hodie publicanis permittendum videretur. Enimvero nomina ne quem decipiant, tenendum, Societates sæpe dici, quæ sunt maxime Universitates, ut *Indica* apud Belgas.

20. Proprietas autem & nota hujus regiminis est, quod alii sunt Imperantes, alii ad parendum tenentur; sive imperans sit unus, vel pauci, vel ex omnibus identidem major pars, adeo ut Universitates ad instar civitatum, tribus formis administrantur.

21. Plerumque penes unum socios, hoc est, pene majorem partem est regimen, ita ut secundum plura suffragia concludatur & minor pars sequi cogatur; nisi aliquid certi hac parte placuerit: Ut in Collegio Cardinalium duas partes præsentium consentire oportet in eligendo Pontifice, quod tamen ad alium locum magis pertinet.

22. Quot

22. Quæ autem ad rem Universitatis spectant, nihil refert, si modo convenerint primæ conditiones. sine dubio & a primæ abdicantur; nisi rursus aliquid ex hac parte sit constitutum, ut apud Romanos receptum fuit, ne pauciores essent quæ partes dicerentur l. 1. c. 4. r. *Quæ in quæque auctoritas.*

23. Habent etiam ejusmodi Universitates arcem communem, & possunt habere Syndicum live actorem. per quem quod communiter agi sitque oporteat. agitur, ut sit, habent & noticiam live aliquid instar jurisdictionis, omnia ad instar Republicæ l. 1. §. 1. *Quæ in quæque auctoritas.*

24. Permissu summæ potestatis, plebique immediate, aliquando per Magistratus sic autem à familia decedunt universitates, quæ non eger consensu publico. Quia à civitate, cujus anima est Summa potestas, nec ante civitatem existit; at quod suprema potestatis permissu sit, hoc eam præexistere supponit.

25. Denique, hæc verba, exercitus terrestres & maritimos, etiam singulas naves bellicas separant ab Universitatibus, quia non permissu, sed nomine & iussu summæ potestatis, inque ministerium ejus ac commodum immediate constituantur.

26. Excludunt etiam hæc verba privatas Universitates, quæ non habent nec non vel decretum permissionis à Summa Potestate, utcumque suam regulam habeant, & docuerentur, & libertate fruerentur, quod discrimen evidenter, à universitatibus hæreticorum & schismaticorum, quæ à publicâ Ecclesia separati sunt, & à nomine Dei colunt, & quorum quædam per consensum tolerantur, & quædam à Civitate abdicata sunt.

27. Quæ sunt posteriori generis, hæc dicuntur & sunt Universitates, non quæ prioris, est adus aliqui à vo-

luntate summæ Potestatis descendentes, unde etiam eas excedantur, quia semper in statu sunt, ut non queant & debeant, adeoque sunt Universitates facti, non juris, ut ita loquamur.

28. Sed an duritiam temporis Universitatum jus illis tribuere non potest? Existimo posse, si nulla prohibeant scientiæ Magistratus præscriptionem interitum pat. ut apud nos Pontificiorum Universitates perpetuo prohibentur & tolerantur, licet tamen præscriptio non currit.

29. Secus ac Anabaptistis, ut videtur, quibus integri tolerantia seculi palam facta jus Universitatis acquisivisse videtur. Quare enim minus hoc jus quam omnia reliqua lapsu temporis acquiri nequeat, ratio nulla reddi potest.

30. Ideoque ejusmodi Universitatibus, jus personæ omnesque civium facultates & standi in judicio & acquirendi bona juraque competere videntur.

31. Ad communem utilitatem, Finis in omni legitimâ universitate necessarius; vox communem recipi diphæm sensum, pro communi sociorum, & publico bono. Utrumque requiritur; neque enim aliter ab Imperantibus hujusmodi corpora permittuntur.

32. Merito igitur Romani Principes veterunt esse *fratres sodalitia*, in quibus commensandi potulum gratia homines conveniebant, meritoque in *Academiis* tam Germanicis, quam Belgicis abdicata sunt collegia *Sancti* & *Nationalia*, quæ suam præcipuum tympotu publicæque discipline evertitionem habebant.

33. Nominatim Ordines Fratræ hanc rem tanti fecerunt, ut solenni Legatione undecim virorum è primariis Reipubl. Collegiis in Academiis amicta, rem utilissimam sæpe etiam videntatam consilio & auctoritate confecerunt, anno MDCXVIII.

34. Regimen universitatibus, quantum ad cujusque moderationem satis est, nec ultra conceditur, ut quam minimum publicæ autoritatis vigori decedat, idque moribus passim obsinet.

35. Porro, quia per regimen suum Universitas ad unitatem redacta est, hinc jus personæ ei rectè adscribitur. Ideoque habet dominium à singulorum dominio separatum, quomodo res Universitatis à rebus singulorum distinctæ sunt, ut docent juris-consulti, in *l. 7. §. 1. π. Quod cui. Univers. l. 9. §. 3. π. Quod met. c. l. 27. d. Rebi. cred. Auth. Nulla Communitas C. de Episc. & Cler.*

36. Scilicet, ipsa Universitas est Persona; ideoque singula Universitatis membra de contractu vel delicto Universitatis non tenentur, utique non quatenus sunt singuli; verum uti concurrunt ad unum corpus cum aliis constitutendum, sic etiam pro sua parte tenentur, modo causa obligationis ita contracta sit, ut Universitas inde valide obligetur.

37. Quo autem hoc fiat, alterutrum necesse fuerit, vel ut omnes & singuli Universitatis consortes voluntatem suam declaraverint, vel, sit Universitas quibusdam jus plenum & absolutum dederit, de omnibus rebus maximis & minimis liberè statuendi; perinde ac si ipsa Universitas & tota consulisset, ita ut ista persona vel istud collegium totam Universitatem repræsentet.

38. Hoc enim in patrimonialibus singulae Universitates suo quidem arbitratu facere possunt; Sed extra Patrimoniales

causas non dari talem in Universitatibus repræsentationem, in loco demonstratum est.

39. Quod attinet ad delicta, cum in illis requiratur dolus proprius, qui non cadit in Universitatem *l. 15. π. de dol. mal.* sequitur, illam ita non posse delinquere, ut singuli è delicto teneantur.

40. Proinde, poena propter delictum Universitatibus singulatim infligi non potest, nisi constet, quis verè delicti participes fuerit. Unde sequitur, si omnes facinus participaverint, ex rigore juris, omnes posse puniri, licet æquitas aliquid temperamenti postulet.

41. Deus lane totas urbes & nationes ob peccata, quibus se inquinaverant, aliquando proscripsit atque delevit. *Deuteronom. xlii. 12. & seq.* Aliàs sortitio vel decimatio instituitur, quæ fuit disciplina militiæ Romanæ, vel Duces & antesignani puniuntur.

42. Tamen & Universitati quæ tali poena rectè imponitur, etsi de auctoribus delicti non constet, quemadmodum populos sæpe suis privilegiis & ornamentis ob seditiones, privatos legimus.

43. Alioqui notissimum in Historia institutum est, puniendi Universitates ita, ut poena paucos adfligat, metus ad omnes perveniat. Rarò fit hoc, quod Minerva apud Homerum *Iliad. 6.* de Jove denuntiat irato;

*Μακρὰ δ' ἔστιν ἡ αἰὶν' ἑταίρων ὄμνη·
Σοῦτες ἰσόντεςque manet promiscuὰ
πάντα*

44. Hæc de Universitate in genere dicta sunt; Transeamus, ad singulas species.

CAP. II.

* De Universitatibus artificum Mechanicorum & Mercatorum.

Differentia Societatum & Universitatum re & nominibus. ubi de Artificibus, Publicanis. Considerationes super usu illarum. De Societatibus Indeis, quo jure teneant Imperia ditionum quas habent foris. jure Summæ Potestatis, an domini duntaxat. De potestate Universitatum res judicandi & statuta condendi.

Secundum partitionem *supra* positam occurrunt primò Universitates, quæ personis tantum, sine respectu rerum & bonorum suarum, continent, idque tam propter usus sacros quam civiles.

2. Ex his primò sunt Artificum & Mercatorum collegia, quatenus hæc regimine certo continentur; nam et si Universitates sint etiam Societates, non qualibet tamen Societate, *supra* Universitates.

3. Cujus rei effectus nobis in hoc elucet, quod in Societate pars minor non cogitur sequi majorem Sociorum partem, sed quod pluribus in re communi placuit, id cuique dissentienti prohibere jus est *l. 28. §. Com. divid.* quod in Universitate secus est, ut antea diximus.

4. Proinde, ubi hæc forma regiminis additur, ut prerogativa suffragiorum valeat, ibi Societatem mutari contingit in Universitatem, quod accidit in artificibus mechanicis, qui plerumque suas habent universitates, ut Romæ habuereultores & navicularii *l. 1. §. Quod cum* *l. 1. §. 1. §. 1. §. 1.* & sunt hodieque omniumque professionum & artificiorum in plerisque civitatibus.

5. Adduntur, ut jam *supra* vidimus in *d. l. 1.* publicani, quorum hodieque Societates sunt plurimæ. Universitates quod sciam, nullæ: nec ut hodie res sunt, expedire judicaretur Reipublicæ genus hominum qui ordine certi regimini au-

diaciam & capacitatem suam auctoritatem majori stabiliunt.

6. Fuerunt etiam apud Romanos Societates eorum, qui argenti & auris dinas atque salinas exercebant, quæ similiter Universitatis jure donatæ sunt & donari possunt hodieque, ubi dentur; sicut & Pileatorum, nihilo secus ac aliorum artificiorum.

7. Denique, Mercatorum Societates hunc negotio accensentur, quæ similiter, ut *supra* diximus, aliquando Universitatis jure donantur, quod tamen haud temere, nec nisi magnâ utilitatis publicæ ratione faciendum.

8. Quia cunctæ Universitates artificum & mercatorum, genus quoddam monopolii exercent, quò alii extra universitates illas ab ejusdem artificii vel mercimonii exercitio excluduntur, quod ut plurimum præponere cedit.

9. Dum sepe peritiores, qui sumptus ad ingressus Collegiorum injunctos ferre nequeunt, suo & aliorum incommodo arcantur à communione victus exercendi aliisque utiliter interveniendi.

10. Quæ ratio facit, ut ubi collegia à Summis Potestatibus concessa non sunt, Magistratuum auctoritas inferiorum, ad creandum illis præjudicium non sufficiat, ut bene recteque in contradictorio scimus esse judicatum.

11. Denique, multi non temere existimant,

stimant, plerumque satius esse, promiscuam Artificibus copiam sui præbere, ut quanto quisque diligentior & peritior est, tanto majore commodo gaudeat, nec Universitatum prærogativa meliores, quod sæpe fit, præcludantur.

12. Multo magis in mercatoribus id observandum, ne Universitatibus stabilitis, promiscui usus libertas, quæ auget hominum industriam & civitatem locupletat, coerceretur.

13. Sunt tamen justæ causæ, propter quas Summa Potestas artificibus & mercatoribus collegia & universitates, cum exclusione aliorum, concedere potest; si quando aliter utilia Reipubl. commercium administrare nequeat; ut in longinquis Indiarum & novi Orbis navigationibus ac commercii usu compertum est.

14. Quarum institutum nuper inchoatum, inter alia plura, id habet singulare, quod, extra territorium ejus Potestatis, à quâ recipiunt auctoritatem, regimen suum extendunt; cum alioquin Universitas sit Corpus hominum in una Civitate, cujus extra limites suas jurisdictio extendi non potest.

15. Tamen, inquam; Indica Societas, quæ est Universitas stabiliti regiminis, habet civitatem, imo Rempubl. & Imperium sub alio sole cæloque: An illud Imperium est Societatis proprium, quatenus, inquam, Imperium est, an Ordinum Fœderatorum? Nam de privato dominio nemo dubitat, quin hoc sit ipsius Societatis proprium.

16. Quid? dices, Universitas subiecta Civitati, quæ Civitas ipsa non est, Civitatem, Rempubl. & Imperium habebit? Cui hoc in mentem veniat? Atqui privarum hominem, ut alii Principi vel Reipubl. subiectum, nihil verat, habere foris Imperium idque independens; quid ni & Universitas, quæ jus habet personæ.

17. Domini Amelandiæ cives sunt Frisii, & tamen imperium ipsorum vicinam insulam ab Ordinibus tam Frisiæ, quam Belgii fœderati agnatum & habitum est independens. Hoc jus Universitatis aliqua Belgarum acquirere possit; haberet eadem jus æquè independens ac illi habuerant, quod proinde non caret facultate civili.

18. Quare distinguendum est: Si Universitas live Indica Societas nihil aliud ab Ordinibus accepit, quam permissionem constituendi & habendi tale corpus, vel si insuper accepit privilegium, ne quis alius e Belgis commercia per Indias exerceat, hæcenus nihil apparet, quod Imperium illis proprium & independens competere non videatur.

19. Non obstante, quod apud Belgas subiecti sunt, atque hæc etiam in jus vocari possunt: Id enim de rebus in Imperio suo foris administratis, non magis habere locum, quam Princeps aliquis in nostro agens territorio, ad rationem sui regiminis forensis reddendam teneatur, quemadmodum de Amelandiæ domino Frisii nunquam exigendum putarunt.

20. Quod si Indica Societas eâ lege constituta sit, ut putō constitutam esse, quod Summa Potestas futura sit penes Ordines Fœderatos, ipsique Socii foris adversus externos Principes Ordinum nomine Fœderatorum unatur, uti constat eos uti, jam rursus dubitari non potest, quin Summa Potestas illius Imperii forensis sit penes Ordines Fœderatos, à quibus etiam Leges & reliqua jura Reipubl. administrandæ acceperunt, & ad quos etiam de rebus apud illos foris judicatis provocari potest.

21. Unde patet, ne quidem illos accepisse Regalia ab Ordinibus Generalibus, quemadmodum vasalli recipere solent, quos vere summam potestatem habere,

22. Quod tamen servitio distinctior, alius
demonstratum est.

23. Porro etiam sic potest, ut in
Municipiis & mercatorum collegia sint in
eius Civitate, uti omnia fore videntur
legibus in eis sit comprehensum, quod
Argumentari, Coloniis, Greening &
alii ubi venire solent.

24. Atque in his locis natus aliquan-
do status Civitatis, ut principum & tri-
butum popularis imperii in quibus
Collegis continetur, pari fere modo,
quo Romæ se rem habuisse cum Curia
inter diximus, & in prænominatis ci-
vitatibus haud ita pridem se res habuit.

25. Porro, collegia artificum & Mer-
catorum habent notam causam ad
institutum suum spectantium, eique cau-
sa resultare dictionem. Imperium tamen
sive facultatem exequendi regulariter
non habent, nisi foris, ubi manus publi-
ca adjuvari non possunt, agant, ut in
longinquis navigationibus, ubi quoque
inter Imperii exercitio privatis Societa-
tibus concedi solet.

26. Jus etiam habent condendi Scat-
ula professioni sine convenientia, dum
ne aliquid ex publico jure corrumpant,
ut aliorum commodis adversentur, cu-
jusmodi sunt quæ ad monopolia spe-
ctant.

27. Quibus accensetur, si artifice-
bus, ne opus ab alio inchoarum al-
ter solvant, aut plus nomine pretii vel

mercedis exigant, quam Lex vel Con-
suetudo permittant, quoque limitat la-
ci laia famas hominibus ingenuis fa-
les. *Pub. lib. C. de Monopolio & contraven-
tione negotiatorum illicita, vel artificum &
galarum & factionibus illicitis.*

28. Aliquando tamen & Republica
est, ut monopoli quiddam genus cer-
tis & legibus permittatur, cum variis ob-
jectis, de quibus Politici, tum idcirco,
quod modum opus sit concordia potes-
tate ad habendam mercaturam, con-
tra monopolium, quod magno cum
periculo & exorbitantia apud Belgas
faciunt.

29. Qui de se disputatum audivimus
apud Anglos, an Rex ipsiusmodi mono-
polium, quod in divitiis commercio cer-
tis partibus marium & mercatorum excludun-
tur concedere possit, et quædam res
ad proprietatem rerum, quæ Imperio
subiecta non sit, pertinent. hoc quidem
Parlamentum auctoritas adhibere solet, sed
est juri contrarietatem, quod huiusmodi
cultus Domini eminentis, quod huiusmodi
Rectores Civitatis, ut ejusmodi privilegia
concedere possint.

30. Ejusmodi universitates, quatenus
suum corpus extra fines civitatis,
cui sunt subiectæ, extendunt, habent
se instar Reipubl. subordinatæ, omnes
Imperii actus velut in civitate exercentes,
qui tamen infirmari ob iniquitatem
prohiberi que possunt.

CAP. III.

De Universitatibus Studiorum.

Scholas triviales non esse Universitates, neque Scholas illustres, quæ dicuntur. Expositio celebris *Auth. Habita*. Illam primo non fuisse, nisi pro peregrinantibus & Legum Professoribus. Ratio quare ita, & quomodo postea res mutata sit. Quid proprie faciat Universitatem in Academicis. Quatenus Studiosi habeant electionem fori.

ETiam studia bonarum Artium suas habent Universitates, adeo ut notum hoc Academicis majoribus singulati modo & per excellentiam adscribatur.

2. Etsi autem hæc appellatio trivialibus & illustribus Scholis negetur, ex usu tamen ejusmodi *Auth.* non sequitur, Universitatis naturam illis nullo modo competere.

3. De Scholis equidem trivialibus haud difficilis responsio est, illas esse quidem Collegia, non esse universitates, quia nullum civile regimen, nulla jurisdictio in illis apparet, nisi iuxta & Disciplinam paedagogorum, jurisditionis & imperii loco habere placeat.

4. Sed gymnasia & illustres Scholæ quæ dicuntur, an sint Universitates, etsi appellatione communi pro talibus non habeantur, haud immerito dubitatur. Res hinc pendet, utrum in illis gymnasia aut Scholis illustribus, sit regimen aliquod aut notio vel jurisdictio, silem de rebus ad professionem earum pertinentibus, an locus.

5. Quia verò per omnes primos illustres scholæ suos habent Rectores & Senatam atque notionem & audientiam de rebus studiorum, hinc statuendum, eas ut plurimum esse habendas pro universitatibus.

6. Duplex igitur omnino est differentia Gymnasiorum & Academicarum,

Quod in his & regimen est certum & ius promovendi studiosos ad honores Facultatum suarum, quorum prius ad ius universitatis, posterus ad hanc rationem minus pertinet.

7. Sed gymnasia & Academicæ, quæ sunt Universitates, ab Imperatore Frederico Barbarossa, non tantum notionem, sed etiam jurisditionem & Imperium in suis acceperunt, in *Auth. Habita C. Ne fil. pro patre*.

8. Sic tamen, ut etiam Academicæ sint, quibus notio de rebus studiorum duntaxat tributa est, quæ & sufficere videtur ad regimen universitati constitutendæ necessarium, ut in collegiis artium, mechanicarum fieri videmus.

9. Sed dignitas liberalium scientiarum præ vulgo aliquid etiam externi decore postulat, præsertim, quia imperiis & profani literarum, superbi insolenti odio erga divinarum artium cultores feruntur, quorum ferenti tonus illustratur mandas, & ad obsequium Deo & potentatibus suis sollicitudinem dicuntur. ut significat de his fortissime Imperator *Fredericus Barbarossæ Auth. Habita*.

10. Quæ cum per se tere communis sint hac parte, & ad hanc usque spectet, argumentum ejus patet, exponeamus. Aut Imp. *Omnia, qui student, eandem peregrinantem, scholaribus & universitatibus dicuntur atque humanitas* L. 1.

Professoribus hoc nostræ pietatis beneficium indulgemus.

11. Rudia fuerunt initia; Non fuit propositum, omne Studiosum nomen in unum corpus redigere, vel municipes locorum, in quibus studia coluntur, suis magistratibus subducere. Peregrinis, *scientiæ causâ exsulibus*, ut infra loquitur, consultum voluit Imperator, dare privilegium fori nullum habentibus, non eximere foro jam pridem subiectos.

12. Neque Professoribus cunctis, sed juris Antecessoribus tantum datur hujus beneficium Legis; *Scholaribus studiorum causâ peregrinantibus, & maximè divinarum atque sacrarum Legum Professoribus*; nihil de Theologis, Medicis aut Philosophis; An igitur hi nihil pertinent ad jus universitatis? nihil quidem ex hac *Auth.* aliud sequentium mores temporum introduxerunt.

13. Non possunt hoc ferre, qui usum ab origine juris minus attente discernunt: Hi Legum Professores *maximè* quidem designari volunt, sed hac voce reliquos *συνζητητικοί* comprehendere putant: quod esset verum, si hoc modo esset Scriptum, *Professoribus, maximè sacrarum Legum.* Sed est ita, Scholaribus & maximè Legum Professoribus.

14. Quod si verbum *maximè*, comparisonem Professorum inferret, quæ ratio tulisset, Legum Professores anteferri Theologis? imprimis cum hæc Constitutio in fronte præferat Episcoporum & Abbatum ante Duces & Judices nomina, qui sanè Theologorum honori non defuissent.

15. Verum à nobis exigitur, ut causam, quam obrem Juris Doctores hic præ Theologis & Philosophis honorarentur, exponamus. Ratio, quare Theologi & Philosophi non sint comprehensi hoc privilegio, hæc est; quia Professoribus Theologiæ sat cautum fuerat Legibus

antiquis & exemptionibus auctoritate Pontificum stabilitis, quemadmodum & Philosophis; quia satis constat, Philosophiæ, non minus quam Theologiæ professionem iis temporibus & diu postea penes solos fuisse Clericos; utraq; Monasteriis fere inclusâ.

16. Quare his Imperatoris privilegio nihil opus fuit, nec uti illo ausi fuissent. Juris Doctores nihil tum privilegii habebant, imò à Pontificibus suppresserantur: Ideoque Imperatori in hoc solenni Conventu apud Roncalias insinuata est supplicatio, ab his qui Pontificum arrogantiam melius refutari non posse videbant, quam per ordinem Summum eruditorum, qui à Cæsarea Majestate dependerent, cum antea omnis doctrinæ professio penes Clericos & in subjectione Pontificum fuisset.

17. Juris autem Doctores paucis ante editionem hujus Constitutionis annis, coeperunt apparere in Italiâ, unde per reliquam Europam propagati sunt.

18. Cum enim in Imperio Occidentali, per invasiones Germanicas omnium Occidentis Provinciarum, Civile jus Romanum, Legibus Gothicis, Longobardicis, Salicis aliisque oppressum fuisset, accidit anno M^cxxxvii. ut exemplar vetus Pandectarum MS. à Pisanis inveniretur, in expugnatione urbis Amalphitanæ, quæ est inditione Neapolitana; quod agnitum à quibusdam non indoctis & servatum Pisisque diu custoditum, dein hac civitate à Florentinis subactâ, jure victoriæ Florentiam translatum est; Ex cujus editione libri mirificum in hominibus eruditis studium excitatum est, ad Artem Juris-prudentiæ propagandam.

19. Pontifices hac ratione subruere videntes præcipuum potentiæ suæ fundamentum, quod erat in omnis Doctrinæ possessione & inscitia reliquorum Ordinum,

num, nihil æquè sua interesse judicant, quam ut hoc juris Romani studium in herbâ, quod ajunt, opprimerent; adeo ut sanctionibus gravissimis, sub pœna excommunicationis; cujus tunc animas hominum timor immanis occupaverat, Jus civile doceri prohibuerint; quâ de re videri potest testimonium Mezeræi Scriptoris Pontificiæ religionis *in regno Philippi Pulchri, cap. de reb. Ecclesiast.*

20. Fridericus igitur Barbarossa, qui hoc tempore viam opponendi se Pontificum usurpationibus & Regalibus Imperii vindicandis ingressus erat, haud segniter animadvertit, nihil ex adverso, suâ magis interesse, quam ut ordo Jurisconsultorum independentem à Pontificibus stabiliretur. Quâ gratiâ sic instituit, ut Juris Studiosi, in primis in Universitates cum suis Doctoribus redigerentur & proprio fori privilegio, tanquam aliquod novum Cleri genus coalescerent, Cæsareâque auctoritatē defenderentur; Id accidit annis xxxi. post inventas Pandectas à Pisanis: nam hæc Authentica tempus editionis habet ann. MCLXVIII. ejusque præsidio Juris studium brevi in Professiones publicas effloruit, signum egregiæ æmulationis attollente *Irnerio*, sive *Wernero*, nam Germanus fuit, Professore Bononiensi.

21. Hoc initium habuerunt Universitates studiorum, quod etiam adfirmat harum rerum sedulus indagator *Contringius differt. Acad. 5.* ita scribens de seculo Chr. XII., quod est Friderici nostri: *Universam Europam duntaxat unicam habuisse Scholam Parisiensem publicam, in quâ rudior quædam philosophia & Theologia, ut tum erant tempora, non male docebantur: Non multo post tempore, pergit, doceri publicè Bononiæ in Italiâ cæpit Jus Civile Justinianæum.*

22. Ab hoc instituto Universitatis Juridicæ, postea compositæ sunt Uni-

versitates reliquæ per Europam, quæ deinde non solos sacrarum Legum, sed omnium Facultatum doctrinæ Professores & Studiosos complexæ sunt; adeo ut nunc Universitates studiorum vere sint universales, omnium Professores & Studiosos Artium comprehendentes, quarum jura qui probare volunt ex hac Authenticâ, vulgarem errant Pragmaticorum opinionem, qui usum & practica temporum ex antiquis legibus probare solent & gaudent.

23. Quid autem juris datum est Professoribus & Studiosis, qui in Universitatem redacti fuerant? Namque docentium & discipulorum cœtus, qui ab omni antiquitate fuere, non esse Universitates, ex iis quæ *superius* dicta sunt, probatum est.

24. Fuit hoc; ut ne Professores & Studiosi foro communi & Jurisdictionibus Magistratuum, in quorum Territoriis agebant, subicerentur, verum ut cœtus illorum haberent peculiare regimen & Rectores judicesque proprios, quæ res facit Universitates, ut toties dictum: cui juri alia quædam sunt addita, libertas eundi commeandique cum rebus & *nuntiis*, id est famulis, *ne quis illis injuriam inferre præsumat*, & quæ præterea à nobis exposita sunt *in Prælect. ad tit. π. de Judic. n. 70. & seqq.*

25. Prærogativa Jurisdictionis ad Universitatem solam spectat, eaque est ejusmodi; *Ut studiosi conveniantur coram Domino vel Magistro suo, vel ipsius Civitatis Episcopo, quibus se hanc jurisdictionem dedisse profitetur Imperator, bujus rei optione datâ Scholaribus, coram utro scilicet conveniri malint, Domino sive Magistro, quæ synonyma sunt, id est, ut nunc fere loquimur, Rectore suo; an vero apud Episcopum.*

26. Numquid etiam habent electionem, utrum apud Magistratum Loci oppida-

oppidanum; an Academicum conveniri velint? Respondeo; non æquè, sed vocati ad Dominum, sive Magistrum aut Rectorem suum, cum heic sit Forum ejus Legitimum, sistere se debent; etsi, cum ad Magistratum urbis vocantur, habeant privilegium.

27. Verum, quid si ad Magistratum urbis vocati, apud hunc judicium suscipere non graventur, an non poterunt huic se tacite submittere? Sine dubio possunt, nemo enim suo privilegio uti cogitur, omnesque licentiam habent, his quæ pro se indulta sunt, renunciare *l. 51. C. de Episc. & Cler.* ubi renuntiationem Fori privilegiati à Clericis factam, statuit esse inrevocabilem, eamque regulam in omnibus ejus generis casibus esse debere constituit.

28. Quod si tacitè privilegium fori omittere possint, expressè quominus id facere queant, obstare potest nihil; nisi lege speciali prohibitum fuerit, ut quidem, Pontifices Clericos submittere se Magistratibus vetuerant *c. si diligens. 12. x. de for. compet.*

29. Factum hoc ab illis, quo separationem Clericorum à reliquo populo facerent evidentiorē, suamque potestatem quàm longissimè remotam à jurisdictione seculari præcisius stabilirent, idque fieri potest, ut alibi consimilis exempla prohibitionis dari constat.

30. Sed ubi nihil tale constitutum est, ibi nulla pars liquidior esse potest, quam hæc renunciandi libertas: Imo, quod magis est, si quis Studiosus nolit esse sub foro privilegiato, sed ordinario contentus sit, nulla ratio est, quæ invitum ad usum privilegii cogat, per *d. l. 51. & communem beneficii naturam l. 69 de R. 7.*

31. Quod si hæc res in Universitate studiorum pariat confusionem, Lege, at à Superiori potestate latâ, caveri po-

test, ne Studiosis id facere liceat; nec tamen idcirco à publicis doctrinæ audientis excludi possunt; à privatis (etsi durum est, municipalibus aut exteris impertiri nolle bonarum artium institutionem) excludi posse videntur; utique si renuntiatio tacta sit in fraudem Universitatis.

32. Plane, qui, dum est subjectus Universitati, contractu vel delicto se obstrinxit, hunc se jurisdictioni Universitatis subducere nullo modo permittendum est, etsi Fridericus hoc casu de electionem Magistri vel Episcopi. Alia est ratio in electione fori oppidani vel Academici.

33. Pluribus ad hanc rem in thesi & nominatim de Academia, cui nos ætatem discendo docendoque impendimus, actum est copiosius in *d. loco. Prælect. tit. de Judic. n. 70. & seqq.*

34. Habent igitur Academiae jurisdictionem, consequenter & Imperium, quod mixtum vocatur, & in executione ac modica coërcitione consistit, sine quâ nulla jurisdictio exerceri, nec juvenis, hac præsertim morum ætate, in officio contineri potest.

35. Cum jurisdictione habent & omnia Academiae, quæ magistratus aliarum Universitatum & urbium in suis exercent, quatenus usum in his inveniunt.

36. Proinde Magistratus oppidorum, in quibus sunt Academiae, nihil juris ulla ex parte in cives Academicos exercere possunt, non magis quam in alterius civitatis incolas.

37. Quippe, diversitas jurisdictionum non pendet à mœnibus aut latifundiis, sed à distinctione juris, quod non minus inter Academicum & urbem sui loci diversum est, quam inter urbes diversissimi situs.

38. Proinde, ineptos se admodum præbent, qui jurisdictionem ideo non com-

petere Academiae cavillantur, quod territorium non habeant; quippe, cum nihil sit clarius, quam jurisdictionem Universitati, quæ ex hominibus constat, adscribi, non glebis & silicibus.

39. Merum Imperium, sive jurisdictionis criminalis, haud aliter ad Academiae pertinet, quam si diserte à Summa potestate concessa sit, *ratione in loco reddenda. Vide l. 1. in pr. ff. de off. ej. cui mand. est. jurisdict.*

40. Cujus auctoritas in Universitatibus studiorum eo magis necessaria est, quod jus conferendi honores artium supremos sit ex minoribus Majestatis, quæ causâ honorati in Academiae ad usum & praxin doctrinarum in omnibus Reipubl. partibus admittuntur.

41. Scholæ tamen illustriores hoc jure destitutæ, generali sensu *Universitates* non male appellantur; quatenus quædam, notione aliqua de rebus ad professionem suam, spectantibus non carent; *sumpta tamen per excellentiam universitate*, ut fit, *hac appellatione non gaudent.*

42. Quid judicandum de Academiae, quæ nihilo plus jurisdictionis habent in Studiosos quam illustres Scholæ, sed honores summos largiuntur? Dicendum

has, nihilo magis esse Universitates: Nec enim privilegium dandi literarios honores facit Universitatem; sed Jurisdictio vel saltem notio.

43. Quare, si tales Academiae Rectorem & Senatum habeant, atque de rebus ad studia spectantibus cognitionem & judicationem, etsi careant facultate coactivâ, sunt tamen Universitates. Si nunquam ibi judicia fiant, nec ulla subjectio sit studiosorum infra suos Magistros, non possunt esse Universitates, ut dictum.

4. Proficisci debet, ut supra diximus, Universitas à Summa Potestate; proinde & Academiae: Quia in re certum est, non advertendum esse, cujus impensis Academiae habeantur, sed quis jura legesque dederit: in quo solo sufficit esse Potestatem summam ad hunc effectum, licet ille, qui fert sumptus, alii sit subjectus.

45. Jurisdictionem Academiae esse penes Rectorem & reliquos juventutis Magistros à *Friderico Caesare in d. Aurb. habitâ* constitutum & ubique receptum est: de reliquo regimine, quod est peculiare Academiae, heic supersedebimus; *Locus communis erit infra de Jurisdictione.*

CAP. IV.

De Universitatibus sacrorum.

Ecclesiæ non male convenire definitionem Universitatis. Ordinem Clericorum sub Pontifice Romano videri Civitatem, & Imperium ejus esse Monarchicum; Removentur objectiones. Etiam Monasteria esse Universitates. An nec inter Protestantes, cœnobîa dari possent Quæritur; & de instituto Labadistarum obiter.

Ecclésiæ quoque inter Universitates posuimus, non eo sensu, quo j. m. pridem diximus *Johannem Hus* rectissime definivisse, teste *Martino Luthe* in *diætâ Vormatiensi apud Sleidanum lib. 3. rer. German.* Ecclesiæ esse *Universitatem prædestinatorum*; nec etiam, cum quemlibet cœtum, qui communionis sacræ causâ, quovis tempore habetur, hoc nomine appellamus, quo sensu in *lib. 1. sect. 4.* habuimus unum caput de Universitatibus Dei.

2. Sed Ecclesiæ hic vocamus Multitudinem credentium Deo, quæ certo loco publicum & stabilem religionis cultum exercet, quam recte Universitatem dici arbitramur, quia definitio superius collocata perspicuè illis convenit.

3. Est enim quævis Ecclesiæ, *cœtus subditorum*, tam civium, quales ut plurimum, quam advenarum & peregrinorum.

4. Habetur *communis utilitatis* gratiâ, quam nos in definitione ad commoda, quæ pecuniariam habent rationem, non restrinximus, cum & Academiis sit diversus utilitatis suæ finis.

5. *Permissu* quoque *summæ potestatis* institui debent Ecclesiæ, quæ sunt Universitates; nam etsi conventus sacrorum causâ, invitis Imperantibus celebrari possint, Universitates tamen ita, cum effectu juris civilis, non sunt.

6. Exempli causa: nullus cœtus potest habere jus & effectus personæ competentes, nisi aliqua civili unionē constet; non potest res acquirere, non vindicare suum jus, non stare in judicio, nisi permissu civilis Imperii stabilitus; non addimus tamen, si probatus sit; etenim publicum permissionis decretum sufficit.

7. Ecclesiæ igitur prohibita non sunt Universitates ex ratione juris publici, nec proinde hereditates aut legata relicta capere, non emere, conducere ullave commercia exercere, multò minus in judicio stare possunt.

8. Quæri potest, an & hoc ejusmodi ecclesiis tribui debeat, quæ publicè tolerantur, cultumque suum libere profitentur, & in corpora conveniunt; improbantur tamen, & pro hæreticis aut schismaticis ab his, qui civitati præsunt, habentur.

9. Dicendum, illis hæcenus jura personarum videri concessa, quatenus ad exercitium liberi cultus necessariò requiritur, non etiam in illis quæ ad *utrumque*, ad meliorem conditionem eorum faciendam pertinent.

10. Possunt igitur emere, conducere domos, in quibus convellant, in quibus suos ministros collocent, aut fundos redditusque alios, ex quibus impensæ necessariæ redundant, comparare; atque in his similibusque habebunt legiti-

mam in judicio standi personam, omnibusque legum beneficiis fruuntur, quamdiu palam tolerantur.

11. Non idem in lucrativis, ut hæreditatibus legatisque vel aliis rebus, quæ ad amplificandam rem illarum faciunt, statuendum viderur, quia, quatenus non apparet eas veniam accepisse, nihilo secus ac illicita collegia confiderantur.

12. Alia res est cum Ecclesiis, quæ per modum conventionis receptæ & stabilitæ, perque omnia juris publici communionē donatæ sunt, ut non modo tres Religiones in Germania, sed & Reformati in Galliis Edicto Nantessiano; quod non ita pridem postquam per singula membra lentis ictibus contusum & laniatum erat, tandem uno ictu præcisum est.

13. Atque hæc obiter; Ultimum in definitione Universitatis Ecclesiæ applicandum est, id quod posuimus, *Regimen certum*, quod in omni Ecclesiastico cœtu haberi nemo ignorat.

14. Quanquam autem regimen ad exercitium potestatis clavium spectans Imperio non subjacet, ut in priore libro vidimus, executio tamen non modò sine ope extraordinaria Potestatis civilis fieri nequit, sed nec ordinaria administratio, quæ per modum judicii simili fieri debet, aliter quam externi juris, adeoque dependens ab Imperio censeretur potest.

15. Plane omnis *hierarchia* sive gubernatio Ecclesiarum, quæ jure divino præscripta non est, haut aliter quam Imperii summi permisso constare potest, *ut præcedente libro comprobavimus.*

16. Unde sequitur, omnia corpora Ecclesiastica esse *Universitates* suo modo civiles (*nam & aliter civilibus opponuntur*) quia civiles personarum habent effectus in rebus acquirendis, in causis judicio persequendis vel suscipiendis, de-

nique in omnibus, quæ non ad internum jus sacrorum à Deo præfinita sunt.

17. Ideo, quod apud nos à Consistoriis ad Classes, à classibus ad Synodos, aut prius ad eorum Legatos provocatur, hoc civile esse apparet, maxime respectu earum rerum, in quibus ultima provocatio ad summam potestatem fieri debet, cui proinde inferiores appellatos, quatales, oportet fuisse subordinatos.

18. Hoc eodem modo se habere in vetustâ subordinatione presbyterorum aliorumque inferiorum, sub episcopis, archiepiscopis seu metropolitanis, denique Patriarchis, sive, ut latini, sub Primatibus, notum, fideque historiæ restatum est, Imperatores ultimam manum Ecclesiasticis imposuisse controversiis; intellige semper ea, quæ supponimus, de rebus externæ administrationis.

19. Postquam verò Pontifex Romanus obtinuit, ut in ejusmodi quoque rebus ad sese ultima fieret Provocatio, per hoc ipsum non modo sibi jus Principum arrogavit, sed universum quoque ordinem Ecclesiasticum Imperio atque Reipublicæ subduxit.

20. Unde sequitur, immensam multitudinem illam hominum Ecclesiasticorum totâ Europa diffusam, qui fide infiniti obsequii Papæ subiecti sunt, *unam constituere Rempublicam, sine territorio*, sub una summa potestate, monarchicâ; nam respectu proprii in Italiâ Imperii Papa nihil discrepat ab aliis Principibus.

21. Sed hoc Imperium Universale Ecclesiasticum nullo quidem jure exercet, nisi quod consensus Principum & populorum causam juris illi præstat inrefragabilem.

22. Esse eam Rempublicam, formæ licet mirificæ, patet ex definitione Reipubl. partibusque ejusdem. Est ibi *summa potestas*, Monarchia Electiva; subiecti non

Si non defunt, immensus numerus; neque medii Magistratus defunt, per quos ordo regiminis exerceatur.

23. Atqui hac triplici conjunctione, Civitatis ordo componitur, quem esse Rempublicam diximus in *lib. 1. sect. 2. cap. 2.* nec est in ulla civitate loci unius, major & arctior *Unio*, quam est inter illum Principem Religionis & subiecta membra.

24. Nec quod territorium non habet, ideo civitas & Respublica definit esse; sicut enim antea de jurisdictione respectu Academicarum diximus, eam non consistere in glebis & in silicibus, verum in hominibus; ita quoque certum, non esse in parietibus Rempublicam, sicut olim *Themistocles*, ac post eum *Pompejus* dixerunt, cum urbem patriam relinquerent, ille civibus, hic senatu abductis.

25. At forte, quomiuus ordo Ecclesiasticus sub Pontifice summo, vere Civitas sit, obstat, quod è familiis non constet, deficiente matrimonio. Proprie quidem dictæ familiæ non sunt, ut apparet; habent tamen imperfectas aut improprie dictas.

26. Quid enim aliud coenobia sunt, quam magnæ familiæ, in quibus neque pater neque mater, licet absque matrimonio, defunt: Qui verò extra monasteria vivunt, habent sanè familias, utcumque suo modo imperfectas.

27. Monasteria alioqui per se *Universitates* sunt & membra magnæ illius Reipublicæ. Quæ etsi vitiis laborent, dicendum tamen quod res est; eorum institutum Civitatibus, in quarum ambitu reperiuntur, valde esse commodum; eò quod præclaram facultatem præbeant, exonerandi familias; quæ res habet fructum inæstimabilem boni publici, neque forsitan malè consultum fuisset; si, ut Ecclesiæ, sic etiam monasteria potius reformata quam abolita fuissent.

28. Tentatum est aliquid in hoc genere à *Johanne Labadiâ*, & post eum à *Petrone Ivono Gallis*, qui primo diversis in locis morati, postremo in Frisiâ sedem fixerunt, hoc instituto, ut coenobium haberent Reformatum sine coelibatu, ad ideam primævi Christianismi, in communione bonorum & regimine certo, tam in sacris, quàm in bioticis stabilito.

29. Nec potuit non cum fructu durare, si cum prudenti œconomia pecuniæ operæque communis, juxta permissionem Reipubl. in quâ degebant, jus Universitatis habuissent, & eos qui semel consenserant, ad Leges receptas obstringere potuissent. Experti sunt, humanas res non ferre multitudinis imperium sine copia juris publici, & sine potestate obligationis, id est, vinculi, per quod aliquâ necessitate confortes obstringantur.

30. Prætextus instituti illius fuit, corruptio immanis Ecclesiarum, quæ totas civitates unâ complectuntur Universitate; quâ fit, ut membra Universitatis ad ejusmodi normam, qualem instituti sanctimonia postulat, exigere nequeant. Unde quidam opinati sunt, operam esse dandam, ne Universitates sacrorum nimis sint numerosæ, quod in Anglia faragunthi, quos vocant *Congregationales*.

31. Nec male *Labadistæ*, si ab hoc proposito sane quam laudabili Ecclesiam reformandi, schismaticum institutum separassent, Ecclesiisque cæteris omnibus, intonante convitio Babelis caractere imputato, repudium non misissent. Absque eo rem forte eò deduxissent, ut ad publici juris communionem admissi legum præsidio se munire potuissent. Enimvero, ut in hanc materiam, superiore libro delibatam, denuo excurramus, præsertim, quia de Reformatione locus adhuc peculiaris occurret, ubi forsitan hujus instituti ratio rursus in æstimationem veniet, committendum non est.

CAP. V.

De Universitatibus familiarum.

Vicos & cohabitationes, quæ nullo peculiari regimine continentur,* non esse Universitates. Urbes distingui in metropoles & inferiores, hasque vel subjectione vel reverentia. Quæ videntur nec tamen sint metropoles. Prærogativa urbis Romæ, quamdiu continuata sit. De territorio & de Provinciâ; Non omnes Universitates videri. Neque Collegia Magistratum aut judicum. An & quatenus ex facto vel contractu Rectorum Universitates teneantur.

Fuerunt Universitates, quæ utcumque sine rebus non habeantur, per se tamen personales sunt, etsi quædam familiæ tanquam accessiones, aliquando personas sequi possunt; quemadmodum in Academicis, Uxores si quæ sint, Studiosorum, vel Professorum atque ministrorum, sub Universitate comprehenduntur, & ejus jurisdictioni subjactæ sunt.

2. Sed hoc usu venit extra ordinem. Universitates, aliæ sunt, quæ principaliter ex familiis cohabitandi causâ institutis componuntur, ut pagi, territoria, oppida, Provinciæ &c.

3. De quibus ex definitione pridem positâ tenendum, quod non aliter sint universitates, quam si aliquo regimine peculiari contineantur.

4. Hinc vici, in quibus nihil est quam vicinitas incolarum, sine ullo magistrato vel rectore proprio, non sunt universitates; etsi forte res quasdam habeant communes earumque respectu agere & conveniri possint, ut personæ: Nam hoc de omnibus, qui rem habent communem, seu cum, seu sine societate, juris est notissimi.

5. Atque in hoc ipso differunt à vicis, *Pagi* (mittimus hic significationem, quâ territoria *Pagi* dicuntur, ut Germani veteres Helvetique in pagos divide-

bantur) quod pagi certo regendi ordine consistant; seu per unum Rectorem vel paucos, aut totius plebis suffragationem is ordo exerceatur.

6. Idem evidentius in Urbibus, quæ absque regimine vix unquam fuere, liquet, tametsi exemplum Capuæ extet Romanis deditæ, & in pœnam defectionis ad Hannibalem, omni facie civitatis privatæ dissolutæque, ut nihil fere quo Universitas dici posset, retineret, ut apud Livium habetur lib. 26.

7. Distingui solent Urbes in *Metropoles* & inferiores, hæ autem vel *subjectione vel reverentiâ*; minores subjectione dicuntur, quando Summa potestas aut originale duntaxat Imperii jus est penes metropolitanos, ut Romæ, Venetiis, Genuæ & apud Florentinos.

8. *Reverentia*, cum reliqua oppida comiter observant metropoleos dignitatem, ut colonie Græcorum & fœderatæ civitates Atheniensium ac Spartanorum, quæ sub ducatu quidem, at sub Imperio nequaquam tenebantur.

9. Falluntur autem, qui *Metropoles* appellant,* omnes magnitudine aut opibus præcellentes, veles, in quibus Principes summæ Reipubl. collegia suas habent sedes, ut *Lutetia* in *Parisiis*, *Londinum*, *Amstelodamum* aliæque similes.

10. Cæ-

10. Cæterum, Coloniarum Græcorum & metropoles non tamen erant Universitates, quam Respublicæ; nec Roma fuit Universitas, quia non habuit conformationem à summâ Imperii distinctam, sed Magistratus Senatusque urbis Romæ indemerant Imperii Universi.

11. An igitur Roma fuit Respublica? per se sola non fuit; nec enim Italia & provinciæ, non erant membra Reipublicæ; neque plus quam una fuit Respublica; caput igitur aut cor Reipublicæ fuit Roma; fons & summa Imperii, *Armorum legumque parens, quæ fudit in omnes Imperium*, penes quam fuit etiam jus eligendi Imperatorem, throno vacante, ut recte Grotius lib. 2. c. 9. n. 11.

12. Hoc jus deinde communicatum fuit cum Byzantio, sive urbe Constantinopolitana, postquam Cæsares hanc incolere coeperunt, & nova Roma dicta est civesque, *Byzantini Quirites*, ut à Claudiano vocantur; neque sublatum est jus veteris Romæ, desit tamen summum esse quod fuerat, quia Constantinopolis paria faciebat.

13. Postremo, jus illud prærogativæ Romanæ penitus extinctum est, Romam primum ab Herulis, dein à Gothis belli jure subactâ, novumque redactâ sub regnum, quo non modo jus illud excellens, sed etiam publica illa libertas communis, quæ fuerat omnium Romani Imperii populorum, amissa fuit.

14. Postea rursus à Græcis Imperatoribus erepta barbaris, rediit quidem ad corpus Imperii, sed Græci illis prærogativam amissam nullo modo restituere; sed imperio subditam suo tenuerunt, ut alias civitates.

15. Non potest igitur concedi Grotio quod statuit, non modo populum Romanum hodieque esse eundem, qui fuit olim, sed etiam imperium penes eum mansisse tanquam penes corpus, in quo

esset ac viveret. d. §. 3. Dix. l. 1. sect. 9. c. ult.

16. Censeo, id esse extinctum jure belli à Barbaris, nec à Græci Imperatoribus deinde restitutum. Ipso jure non potuit reverti, quia quod semel extinctum est sine novâ causâ reviviscere non potest: nec enim postliminium ad talia produci fas est, ut *in loco* videbimus.

17. Cæterum, aliæ non tam matres quam primariæ urbes, quales modò nominatæ, sunt verè membra subjecta, Universitates nostræ definitionis; nihilo plus juris, nisi ex pacto vel speciali privilegio, habentes, quam minimæ quæque civitates.

18. Plures pagi corpus territorii, plures insuper urbes faciunt provincias, neque tamen numerus sufficit, quod dicantur Universitates: Ut enim sint tales, ordinem proprii regiminis, quo connectantur singuli pagi & urbes, requiri certum & antea dictum est.

19. Quare in Despoticis Imperiis Provinciæ, quæ missis ab aula regnatrice Præsidibus & Præfectis immediate gubernantur, sine ullis populi aut Nobilium Ordinibus, Universitates non sunt, verum partes tantum Imperii, limite, non jure distinctæ; quanquam tales regiones è multis universitatibus, ut urbes & pagi, consistunt.

20. Contra, provinciæ majores, quæ regimine certo Summæ potestati subordinato passim continentur, sunt veræ Universitates, quales in Galliâ habentur, Normandiæ, Britannia, Aquitania, Languedociæ, Delphinatus aliæque.

21. Rursus, si qua Respublica è diversis provinciis conflata in unum, non nisi pariter & junctim regatur, peculiari nullo regimine stabilito, singulæ provinciæ universitates non sunt, etsi ordinis causa in concursu regiminis, ut distinctæ, considerentur.

B b b

22. Ex-

22. Exemplum liquet domesticum. In Frisia Urbes xi. partem regiminis quartam constituentes, Universitatem constituere non videntur unam; neque etiam tres pagani tractus, è quibus reliquum corpus Reipubl. componitur: quia non junguntur inter se uno peculiari regimine; quanquam singulæ urbes & singulæ Præturæ sunt Universitates; quam rem ita intelligi, sicut re-

vera se habet, communis utilitatis interest.

23. Denique, Collegia Magistratuum totius Reipublicæ non esse Universitates ex definitione præmissa facile colligitur, quia in universitate requiritur, ut scopus & usus à summa Republ. diversus, & coeuntibus sit peculiaris, quod de collegiis, quibus jura Majestatis exercenda committuntur, adfirmari non potest.

C A P. VI.

De Jure, quo ex facto Universitatis tenentur singuli.

Explicatur diversitas juris, quo Universitas & quo Civitas libera personæ instar habentur. E contractibus eorum, qui regunt Universitates, non aliter has obligari, quam si in rem communem versum sit, aut mandatum intervenierit. An singuli cives conveniri possint è contractu per Rectores universitatis inito, & an hi repræsentent suum populum, an potius summam potestatem.

UNiversitatem habere jus Personæ, dictum est aliquoties, quod tamen videndum, ne non ita capi oporteat, ut de Civitate dictum est aliàs. Quæ res ejus momenti est, ut tamen aliquid eâ de re dictum sit in primo *hujus sect.* capite, paulo tamen pressius repeti mereatur.

2. Scilicet, in Republ. Summa potestas, est Persona civitatis, ita ut quicquid illa facit, contrahit aut delinquit in Imperio exercendo, id civitas tota facere & contrahere videatur; quæ exinde, sine discrimine, versum, an non versum sit in rem publicam, obligata intelligitur.

3. Nam primò in delictis, utique non videtur, quicquid ordo Municipii aut rectores universitatum admiserunt, hoc corpora confociata luere oportere, idque non modo in corporalibus pœnis, sed ne quidem in pecuniariis mulctis statuendum videtur.

4. Imò & de contractibus, nominatim de mutuo, jure Romano proditum est, Civitatem mutui datione posse obligari, si ad utilitatem ejus pecuniæ versæ sunt, alioquin ipsos solos qui contraxerunt, non civitates teneri *l. 27. ff. de Reb. cred.*

5. Intelligitur, hæc dici de Civitatibus, quæ per modum Aristocratico similem gubernantur; nam si Democratiæ instar se habeant, non est dubium, quin aut civitas tota teneatur, si populus sit consultus, aut non teneatur, si inconsulto sit gestum.

6. Ratio autem diversitatis interfectus civitatis & constitutionem Universitatis, obscura non est; siquidem populus liber, Imperio translato, Imperantes ita suo loco statuit, ut nullo remedio se, utique adversus externos, tueri possit.

7. Nam si Imperantes officii limites exerce-

excesserint, ea inter populum & ipsos sit disceptatio. Exteri id quod ob oculos, est sequuntur, *Personam scilicet, totam civitatem representantem.*

8. Quod si tamen Imperium ita sit delatum, ut Imperanti non liceat imponere subjectis tributa, vel imperare pecunias, dicendum est sine dubio, non teneri quoque populum è pecuniis à Principibus mutuo sumptis.

9. Inter Universitatem & eos qui præfunt, nunquam est conventio generalis, & obligatio, per quam hi nomine communionis omnes res gerant; verum potestas Rectorum Universitatis pendet à tenore mandati, quod habent à Summa Potestate, à qua jus suum habet Universitas.

10. Proinde, si pecuniam in rem universitatis non converterint, præfetti tenentur ad damnum Communitati sarcinendum, qualis actio inter supremos Imperantes & subjectos, ut ex principiis libri *precedentis* clarum est, nulla dari potest.

11. Ideo tenentur quidem Universitates è contractibus Rectorum, nomine publico initorum; sed illorum onus, nisi credito in rem verso, in præfectos redundat, apud quos pecunia reledit, vel qui in culpa sunt; Id ubi non liquet, omnes qui administravere, tenebuntur *d. l. 27. §. de reb. cred.*

12. Rectoribus comparantur Administratores rerum, qui non ipsi Universitati, sed rebus ejus præfunt. Si tales mutuum acceperint pecuniam, non aliter obligant Universitatem, quam si creditor doceat, mandatum speciale publicum intervenisse, aut pecuniam in rem communitalis esse veriam: nec aliter modo relata juris Romani sententia capienda videtur. Tu vide, sis, *Joh. à Sande lib. 3. decis. Fris. tit. 2. def. 3. & Prælect. nostras ad tit. §. de Reb. Cred. n. 8. & seqq. & in Ennom. Rom. add. l. 27.*

13. Jam in delictis, quorum ratio mere personalis est, minime dubitatur, quin soli delinquentes ad poenam teneantur: quod si adeo sit populare commissum, ut innocentes discerni nequeant, poena in universitatem, non in singulos exercenda, ademptis juribus aut multa indicta vel dissoluta universitate: Decimationeque graves poenæ, quæ nocentes & innoxii involvuntur, magis ad publicæ utilitatis, quam justitiæ & æquitatis exempla referendæ sunt.

14. Cæterum, ut Universitas à singulis differt, ira res & bona, perinde ac onera singulorum distinguuntur; Nec proinde singuli magis de ære alieno Universitatis, quam hæc ob debita singulorum, tenentur.

15. Quia tamen ex partibus totum componitur, fieri non potest, quin ubi Universitas obligatur, unus ad singula membra redundet.

16. Si quis patriæ more, ut recte Seneca, pecuniam credat, non dicam me illius debitorem, nec cives ad æs alienum portionem suam dabunt, tanquam pro se solventes, sed tanquam pro patria conferentes. *l. 6. de benef. c. 19. in fin. & cap. 20.* Proinde, non bona tantum Universitatis à creditoribus distrahi possunt, verum omnes quoque & singuli, collatione facta, pro communitate persolvere debent.

17. Hoc ita, si Universitas rite sit obligata, quod fieri potest, ita; si vel omnes & singuli consenserint, vel his, qui præfunt Universitati, jus datum sit pecuniam singulis imperandi; quod jus accipere debent à summâ Potestate, vel à consortibus Universitatis.

18. Verum ab his tantum in singulis causis; in universum ejusmodi facultas dari non potest sine Lege, quam Universitas condere nequit: Contribuere identidem de suo non prohibentur cives; at jus indicendi tributum est è Regalibus;

galibus; Universitates suis Rectoribus id dare non possunt.

19. Nec valet heic argumentum, quo alii utuntur; Rectores Universitatum repræsentare suos cives, ita, ut quicquid illi agunt, id omnes singulique cives agere videantur; nam talis repræsentatio tantum habet locum in liberâ Republ. non in eâ, quæ alteri summæ potestati subjecta est.

20. Rectores ejusmodi subjectarum Civitatum, non repræsentant suos cives, nec ab iis modum Præfecturæ suæ habent, verum à Summâ potestate; Proinde quod agunt, non ad mandatum populi, sed Principis exigendum est.

21. Populus ne quidem si velit, augere potest Jurisdictionem potestatemque suorum Rectorum. Exemplo sint Frisæ civitates, quarum Magistratus non habent cognitionem criminum; an cives eam illis tribuere possunt? Nullo modo, neque magis indictionem tributorum.

22. Jam quibus pecunias indicere non licet, hi nec municipales obligare possunt ad solvendam pecuniam, cis aliquod tempus; est enim id ejusdem utrumque facultatis.

23. Quid si major pars obligationem

probaverit, aut pecunias conferre decreverit, an pars minor sequi cogitur? Non videtur; quia pars major civium non potest habere plus juris in pauciores, quam Rectores Universitatis habent in omnes, secundum ea quæ *libro primo sect. 2.* disputata sunt: In his quæ ad regimen Universitatis à summâ potestate stabilitum pertinent, pars major trahit minorem jure collegii; sed extra eos limites cessat illa complexio.

24. Hinc etiam sequitur, Quando Universitas civium consensit, ipsos qui se devinxerunt eorumque heredes teneri; non eos, qui postmodum Universitati aggregati sunt, quia res hæc patrimoniali ratione constat, non vi regiminis publici.

25. Atque hæc omnia valent, etsi pecunia credita in rem civitatis versa sit; Nam hac causâ res communes Universitatis tenentur, non res singulorum. Nemo potest alium obligare, nisi qui hanc potestatem legitimâ causâ acceperit; sane, si qui sint, quorum patrimonio aliquid ex hoc credito accessit, hos teneri, hætenus æquum & certi juris est. Conferantur cum his velim, quæ in Prælect. ad *τ. Juris, Tit. de Reb. cred. exposita* & disputata sunt.

CAP. VII.

De Hierarchiâ Ecclesiæ Romanæ.

Artificium Hierarchiæ Romanæ eximium. Pontificis potestas & electio. Episcoporum ordo triplex; Patriarchæ, Archiepiscopi, Episcopi. Horum officium, Electio, ejusque modi tres. Postulatio Episcoporum. Confirmatio, Consecratio. Translatio. De Archipresbyteris, Archidiaconis, Vicariis & Coadjutoribus; item de Capitulis; de Legatis Pontificis eorumque differentiis, & de Neponismo. De Sacerdotibus & Presbyteris simplicibus, nec non Diaconis aliisque inferioribus sacrorum Ministris. Vita Clericatus prohibitoria. De Canonicis & Monachis. Quot modis hi fiant, de votis & Ordinibus eorum ac Abbatibus. Res Ecclesiasticæ Spirituales, temporales, earumque differentiæ & prohibita alienatio & Immunitates. De peculio Clericorum &c.

Antequam de Universitatibus Sectionem relinquamus, placet Universitatem hierarchiæ Romanæ tam latè per orbem diffusam, ac ita partem juris publici Universalis constituentem, brevi delineare sciagraphiâ: seorsim scilicet, ab Imperio Pontificis, quod is habet in ditionibus sibi subjectis; nullâ re ab aliis separatum Principatibus.

1. Elaboratum est hoc corpus Hierarchicum ingenti hominum eruditorum artificio, primo quidem non advertentibus Civitatum Rectoribus, à Fide adhuc alienis, & dein superstitione ignorantiaque circumventis; ut paterentur Imperium sacri ordinis, quàm latè patet Ecclesia, diffundi, sibi que jus omne Ecclesiasticum arbitrarie moderationis auferri, & in præjudicium Potestatis Civilis, ad unius Monarchæ ab ipsis non dependentis, potentiam stabiliri.

3. Is est Pontifex Romanus, qui vere summam, post Christum, potestatem habet in Ecclesia universali; *de jure æternologimur*; omnes judicat, à nemine judicatur, exceptis Concilio genera-

li (suprà, an infrà quod sit, disputatur) & hæresios causâ. Convocat sane Concilia, præsidet, actaque eorum approbat; Appellatur, omissis mediis, ab omnibus, & sententias fert nulli subjectas appellationi.

4. Eligitur à Cardinalibus & è corpore Cardinalium, qui sunt Senatores Pontificis, & dividuntur in Episcopos, Presbyteros & Diaconos, habitâ ratione titularum & beneficiorum, quibus insigniuntur. In electione soli præsentés habent suffragium, nec aliter electus Papa censetur, *quam duabus præsentium partibus in unum consentientibus*.

5. Monarchiâ Ecclesiæ stabilitâ, opus fuit dignitatibus Ecclesiasticis, ejus Majestati decore subordinatis. In universum Episcopatus vocantur, quorum ordo tripartitus est. I. Patriarcharum, sive Primatum, qui sunt quatuor, *Constantinopolitanus, Alexandrinus, Hierosolymitanus & Antiochenus*, in Oriente omnes; quibus à barbarie oppressis, superest in Occidente tanto majore superior intervallo, Papa Romanus.

6. II. Ordo est Archiepiscoporum, qui sunt integræ Præsules alicujus Provinciae, in sede metropolitana reliquis præsidentes. III. Episcopi simpliciter dicti, qui Civitatibus præsunt frequentioribus & pagis oppidisque circumjectis. Et hi omnes habent jus ligandi & solvendi, altaria consecrandi, purgandi, sacrum chrisma conficiendi, visitandi, Clericos ordinandi, suspendendi, deponendi, item excommunicandi, dispensandi, solennemque poenitentiam imponendi.

7. Constituuntur Episcopi intra tres menses sedis vacantis, idque per *Electiōnem* aut per *postulationem*. Electionetales vocantur, qui canonice ad episcopatum novum habiles sunt. Postulantur, qui electionis non sunt capaces. Eligendi jus est, penes collegium Canonorum ejusdem Ecclesiae, vel ad eos qui pacto, vel privilegio, aut consuetudine jus illud obtinuerunt, ut in Galliâ Reges.

8. Electio Canonica fit tribus modis, *Scrutinio*, *compromisso*, & *inspiratione*, quod discrimen etiam in ipsius Papæ electione servatur. Per scrutinium, quando vota secreto & sigillatim exquisuntur, & juxta prærogativam numeri, electus pronuntiatur, quis sit; nisi notabilis discrepantia sit dignitatis, & numeri exigua, c. 57. de *Elect.* nam si duplo major sit pars consentiens, eo casu nulla reliquorum dignitatis ratio habetur c. *si quando* 9. de *Elect.* in 6.

9. Compromissum, quod rarò usu venit, est, cum eligendi potestas uni vel pluribus idoneis, etiam extra Collegium, viris committitur c. 8. & 30. de *Elect.* Per inspirationem electio fieri dicitur, quando eligentes simul omnes, quasi divino impulsu, in electionem consentiunt c. 42. d. 1. de *Elect.* In Pontifice Maximo id etiam fieri dicitur, per *adorationem*: quando concursu facto, novus rapitur & adoratur Papa. Inspiratio aliquando in

ipso scrutinio usu venire potest, ut accidit in electione Hadriani VI. Quod retulimus in *Hist. Civ. ad ann. 1519.* & c. ult.

10. Postulantur, qui non ob corporis aut animi vitium, sed ob alterius defectum qualitatis eligi nequeant, ut, si minor annis xxx. vel laicus, aut alterius Ecclesiae Episcopus sit, nisi dispensationem Pontificis impetraverit. At si unus sit electus, alius sit postulatus, ille tamen confirmandus est; nisi postulatus duplo majorem suffragiorum numerum habeat c. *scriptum est* x. de *Elect.* quæ res nuper usum habuit memorabilem, inter Clementem Bavarum, & Wilhelmum Furstenbergiam, apud Colonenses.

11. Electus intra mensem ad sensum suum præbere debet, & intra tres menses à superiori impetrare confirmationem à Metropolitano, vel à Pontifice summo, ad quem Electus intra mensem iter facere eique fidelitatem jurare debet c. *cupientes* 16. de *Elect.* in 6. Quare, matrimonium cum Ecclesiâ ratum esse dicitur, & quæ jurisdictionis sunt, acquiruntur, ut potestas judicandi, excommunicandi, & beneficia conferendi, c. *transmissum* 15 in f. c. *nostri* 9. c. *quod sic* 28. §. *præterea* de *Elect.*

12. Sed ut ea, quæ sunt ordinis, faciat, velut ordinare, deponere Clericos, chrisma conficere, virgines benedicere, ecclesias & altaria consecrare, debet Episcopus etiam esse consecratus d. c. 15. & c. *licet* 4. d. *Translat. Episc.* idque citra legitimi causas impedimenti, intra tres à confirmatione menses fieri debet c. 2. dist. 75. per unctiōnem capitis & manuum, chrisma, solennia verba, precesque ab Archiepiscopo & suffraganeis, à tribus ejusdem Provinciae Episcopis, jussu Archiepiscopi. In Abbatibus loco consecrationis est benedictio *Lancelot. 1. Inst. 19.* Pontifex à Cardinali

nalialiquo, maxime Hostiensi consecratur, *can. in nom. dom. dist. 23.* Et Metropolitanus insuper de corpore B. Petri sumere debent pallium, Pastoralis officii plenitudinem designans, quo tantum in solennibus festis utuntur, quod aliis commodare nequeunt, & cum quo sepeliuntur. Summi Pontifices eo semper utuntur. *Lancel. d. lib. 1. tit. xi.*

13. Translatio Episcopi ad aliam Ecclesiam, non nisi Pontificis auctoritate fieri potest *c. 2. de Translat.* Nec Renuntiatio voluntaria, vel permutatio, nisi auctoritate Superioris, ad quem pertinet confirmatio, causâ cognitâ, rectè fit. *Idem. tit. 19.* Denique, non residentes, etsi Cardinales, officio suo privandos esse volunt Canones *c. 2. de Cleric. non resident.* quod usu parum servatur.

14. At habent Episcopi Archidiaconos, à quibus pleraque pro illis administrantur, in externis, maxime ad jurisdictionem spectantibus; Item Archipresbyteros, qui curam illorum in spiritualibus sublevant; imo & Vicarios, qui absentis Episcopi partes obeunt, ut tamen puniendi & à beneficiis amovendi jus, nisi nominatim concessum, non habeant. A vicario appellatur Archiepiscopus; sed ab Archidiacono ipse Episcopus *d. lib. 1. tit. 13. 14. 15.* Erant olim & Corepiscopi, Episcopis adjuncti, & plurium ministeriorum participes, quorum usus est sublatus *can. corepisc. & sequ. dist. 68.* Sed habentur adhuc Coadjutores, qui ægritudine aut fere senio impeditis Episcopis adjunguntur, de Capituli majoris partis consilio & consensu, cum auctoritate Pontificis & cum spe successionis, causâ tamen prius à Pontifice cognitâ *Concil. Trident. c. 7. sess. 25.*

15. Episcopali sede vacante, Capitulum, id est, Coetus Canonici illius Ecclesiæ potestatem & jurisdictionem Episcopi exercent, iis quæ ordinis sunt

exceptis, ad quæ administranda vicinus Episcopus evocatur *c. Suffragan. de Elect.* Novi autem nihil à Capitulo institui potest *c. 2. de Instit.*

16. Omittendi hoc loco non sunt Pontificis Legati, quorum tres sunt species, Legati à latere, legati missi. nati. A latere legati sunt, Cardinales, qui ex senatu Pontificis, quasi à latere ipsius, in provincias mittuntur, eoque modo Pontificem repræsentant, ut omnia, præter excepta solique summo Pontifici reservata, quæ requirunt mandatum speciale, possint. *c. quæ de causâ 9. 2. qu. 5 & c. 4. de off. leg.*

17. Legati missi vocantur, qui non ex ordine Cardinalium, in provincias cum mandato & potestate mittuntur, quorum potestas è tenore mandati, quo constituti sunt, intelligitur *c. fin. dist. 97.* quod etiam de Legatis, qui nati improprie dicuntur, tenendum, ut qui jus Legationis habeant è privilegio vel beneficio possessio *c. 1. de off. legati.*

18. Incogniti sunt magis furi Canonico quam Aula Pontificia, Cardinales Patroni, qui plerumque sunt Nepotes Pontificum, quibus hi, ut primis ministris omnium fere potentibus utuntur; qui omnis Pontificiæ magnitudinis arbitrium, pro moribus, ac ut plurimum insolenter avaræque exercent. Unde sæpe vetitus ille patronatus & Nepotismus, eradicari tamen non potuit.

19. Atque hi omnes sunt altioris ordinis Sacerdotes; sunt & alii inferiores, qui Sacerdotes simpliciter & Presbyteri appellantur, quorum est officium, Sacramenta celebrare; non tamen baptizatos chrismate linire, nec virgines benedicere, nisi mandatu Episcopi; multo minus Ecclesias consecrare, Clericos ordinare, excommunicare, poenitentes publicè recipere, quæ reservata sunt Episcopis *c. quamvis dist. 68. & c. 1. vers. ad Episc. dist. 25.*

20. Sunt

20. Sunt etiam, qui in Sacris constituti, nec tamen propriè Sacerdotes sunt, quales Diaconi & subdiaconi. Diaconorum officium est, Episcopum custodire, Sacerdotibus sacra facientibus adstare, Evangelium prædicare, nec nisi extrema necessitate baptizare, vel Eucharistiam populo erogare *c. constat baptisma 16. de consecrat. dist. 4.* Subdiaconi minoribus adhibentur ministeriis *c. 1. vers. subdiaconos dist. 25.* Utrique tamen per manus impositionem ritu solenni constituuntur, *dist. 23. per tot.*

21. Dantur adhuc inferiores sacrorum ministri, nec in Sacerdotio, nec in sacris constituti, ut Psalmistæ sive Cantores, Ostiarii sive clavigeri, & Custodes, Anagnostæ sive Lectores, Exorcistæ, sive demonum fugatores, & Acoluthi sive pedissequi, lumina accendentes, ferentes, & suggesta parantes.

22. Et hi matrimonium contrahere possunt, ut tamen beneficiis suis eo casu priventur. *c. 1. c. 3. c. 5. de Cler. Conj. cum, qui in superioribus sunt ordinibus, matrimonio penitus abstinere debeant, dist. 26. & 32. per tot.*

23. Atque hi omnes sunt Clerici, per consecrationem ordinati ab Episcopo, vel si minores sint, ab inferiore Prælato; si non prohibeantur ætate, vitio animi vel corporis, aut natalium aliove vinculo. Ætas inhabilis, in ordinibus infimis est infantia, in subdiaconis 18. annorum, Diaconis 20, Sacerdotibus 25, Episcopis 30. annorum. Vitio animi, si furiosus, aut scenicus, aut homicida fuerit, etsi pœnituerit: In aliis criminibus pœnitentia tollit reatum. Ob corporis vitium, luscus ordinari non potest, nec qui se ipsum mutilavit: Denique, illegitime nati arcen ut à Sacerdotiis, ut & bigami, uxore secundâ licet mortuâ. *Lancelot. 1. Inst. 25.*

24. Præter illos omnes, sunt adhuc

alii sacris addicti, tam in laicatu quam in Clericatu constituti, quales sunt Regulares sive Canonici & Monachi. Primi sunt quasi Adseffores aut Consiliarii Episcoporum, in regenda Ecclesia illis adjuncti, fere ut Cardinales Pontifici; ut quemadmodum hi Papam, ita illi Episcopum eligant; ubi Electiones, scilicet Ecclesiastici juris manserunt.

25. Monachi notiores sunt, quam ut definitionis egeant. Fiunt tribus modis, Paterna devotione, suâ Professione, vel emissionem voti. Sed primus modus est conditionalis, si filius pubes factus consenserit. Professio fit, post annum probationis, qui tamen ex causâ, ab biennium vel triennium produci potest, quando quis habitum Religionis, quam elegit, palam solenniter suscipit, promittens hæc tria in summâ; *obedientiam*, & juxta eam propriæ voluntatis abnegationem; *paupertatem*, cum abdicacione proprietatis Universalis, & *Cæstitatem*, cum abstinentiâ à matrimonio & concubinato; contra quæ ne Papa quidem dispensare potest *C. cum ad monasterium 6. & c. in singulis 7. de Stat. monach.* Denique, Voto qui se obligare possunt, tenentur ad Religionem suscipiendam, quam se inituros voverunt animo deliberato & solenniter declarato *c. un. de Voto in 6.* nam si quis simpliciter dixerit, se Monachum velle fieri, non obligatur. *c. 3. de Regular. & Monach.*

26. Ordines monachorum in summa quatuor sunt, à Basilio, Benedicto, Augustino, Francisco, à quibus reliqui ut è fontibus oriuntur, exceptis forte Carthusiensibus; numero fere innumerabili; claustris gregatim comprehensi; sub regimine Abbatis, qui de congregatione monachorum eligitur, etsi multis locis, ut in Gallis, à Principibus constituuntur. Hæc de personis, de quibus

bus plura vidē apud Lancelot. *Inst. Can.* lib. 2.

27. Res Ecclesiæ sunt vel Spirituales, vel Temporales. Prioris generis sunt Sacramenta, item Res sacræ sive Sanctæ & Religiosæ. Sacræ sunt Ecclesiæ, Altaria, Reliquiæ, vasa & vestes sacræ. Religiosas vocant, quæ piis usibus sunt destinatæ, ut sepulchra, cæmeteria, domusque religiosæ, ut monasteria, orphanotrophia, nosophia, Xenodochia & similes.

28. Huc quoque jura sacra pertinent, qualia, præbendæ, jus patronatus, census, exactio, procuratio, canonica portio. Præbendæ, est jus percipiendi redditus Ecclesiastici, ratione divini officii, quo aliquis fungitur; dicitur aliter beneficium & Titulus, quibus sæpe *Personatur* sive dignitas Ecclesiastica major aut minor conjungitur.

29. Quando vacat, fit ejus vel *Collatio*, à Capitulis aut aliis, quibus ex lege vel consuetudine jus hoc datum est, ita, ut singuli singulis fruantur beneficiis C. 8. c. 20. c. 25. de *Præbend.* vel *Institutio*, ab his qui jus patronatus habent, seu clerici sive Laici sunt, id est, jus præsentandi aliquem ad beneficium vacans, ferè cum jure census annui è præbendâ percipiendi c. 2. de *Cens.* quod datur his, qui Ecclesiam fundarunt, ædificarunt, dotaverunt, quod jus ad heredes transit, & ad singulares possessores quoque, una cum bonis, quibus adnexum est. c. 14. de *jur. Patron.* c. un. cod. in 6.

30. Obnoxii sunt Præbendæ adhuc Exactionibus, ex causa justa, extraordinariis c. 10. & 12. de *Censib.* & *exact.* Item, procurationibus, id est, exhibitioni sumptuum, Prælati Ecclesias visitantibus faciendæ c. 6. & c. 12. de *Censib.* & c. Item Canonica portio, quartæ vel etiam ampliori, Prælati decidendæ, Lancelot lib. 2. n. 26. Est ubi Principes, ut in Galliâ, conferunt præben-

das; etiam, ut pro Laicis & militibus, plures & arbitrarie pensiones illis imponantur.

31. Mixtæ res inter Ecclesiasticas & temporales sunt, Decimæ, Primitivæ & Oblationes, ad similitudinem Levitici moris introductæ. Decimæ sunt portiones lucri vel fructuum Deo, id est, Ecclesiæ debite omnibus, qui non sunt exempti; suntque vel prædiales de fructibus, vel personales, de lucris industriarum. Priores debentur Ecclesiæ, sub quâ res sita est; Posteriores, ubi quis sacramenta percipit. Episcopo cujusque Ecclesiæ Quarta decimarum deceditur. Lancelot. d. lib. 2. t. 26. Primitivæ faciunt cum minimum, quadragesimam; cum plurimum, sexagesimam fructuum partem c. 1. de *Decim.* Oblationes sunt, voluntariæ præstationes, quæ Sacerdotibus pro peccatis offeruntur c. 13. quia *Sacerdotes.* 10. Qu. 1.

32. Res merè temporales Ecclesiæ, nihil habent diversæ considerationis à rebus aliorum hominum aut Universitarum, nisi quod alienari non possunt, quâ de re diximus alias; ita, ut sub prohibita alienatione contineatur, Emphyteusos, feudi, hypothecæ & precariæ concessio. Quid est Precaria? reliqua satis nota sunt aliunde; Est contractus cum Ecclesiæ œconomio initus, quo prædium perpetuo, vel ad longum tempus pro certo canone fruendum conceditur, ut tamen de quinquennio in quinquennium renovetur c. 4. *precariæ & sequ.* 10. C. 1. de *Precar.*

33. Clerici præter Monachos, habent quoque Peculium sive Patrimonium proprium, partim è beneficiis Ecclesiasticis, partim è successibus aut donationibus acquisitum. De priori inter vivos disponere, non testari possunt *cap. ult. de Pecul. Cleric.* cap. 9. de *Testam.* Monachi & ipsi Abbates monasterio relinquere

linquere debent *can. 7. quia ingrediens.*
19. 7. 3.

34. Rebus Ecclesiasticis immunitas tribuitur, ab oneribus tributorum aliarumque exactionum, quæ à Potestate seculari imponuntur; nisi magnâ Ecclesiæ & Reipubl. necessitate, consulto Pontifice, in diversum consentiant e.

adversus 7. 6. verum d. Immun. Eccles. Personæ etiam Clericorum à jurisdictione Laicorum & muneribus exempti sunt personalibus *C. non minus 4. de Immun. Eccles.* Et hæc quidem de Universitate Ecclesiæ Romanæ, ex hoc Instituto dicta sufficiant. Plura Lancelot. *lib. 1. c. 2. Instit. Jur. Can.*

SECTION IV.

De Subjectione rerum.

CAP. I.

De significatione & differentiis rerum.

Res cujusque loci, subjectas esse eidem Imperio, cui personæ sunt. Divisio rerum, in corporales & incorporales; rursus illæ mobiles aut immobiles: vel in patrimonio vel extra illud. Quæ extra, vel nunquam in bonis fuerunt, vel esse desierunt. Prioris generis esse res communes, quæ explicantur. Desiisse res ad tempus vel in perpetuum. & Species utralibet enumerantur. Quæ sunt in patrimonio, hæc esse publica vel privata. De publicis agitur, earumque differentia probatur à Communibus & rebus Universitatis &c.

Post homines, qui subjiuntur Imperio, transeamus ad res. Intelligimus autem per res in Jure, ea quæ Græci *ἀντικείμενα* appellant, quæ Aristoteles ait esse, *πάντα ὅσα ἢ ἀέρι καὶ ὕδατι καὶ πυρὶ καὶ γῆνι* 4. ad Nicom. cap. 1. quæ & bona dicimus à beando, unde latine beati, id est, divites. Seneca *epist. 45. Beatum appellant, ad quem pecunia magna confluit* c. 1. controversi. 6. *In solens malum, beata uxor*; Cui, quid aliud quam beatè serviemus?

2. Cum autem propter homines habeantur bona, consentaneum est, eos

qui Imperium habent in personas, eandem in res habere potestatem.

3. Nempe, ut antea diximus, tam proprietates bonorum, quam libertas corporum singulis in civitate, salva intelligitur; Imperium nec non eminens dominium, in singula vim suam extendunt, eo modo, quem in loco explicavimus. Symmachus appositè ad hanc reat, *Omnia regit, sed suum cuique servatis, ad Cælares epist. 54.*

4. De Jure rerum tractatus est maxime Juris privati esse videatur, hic tamen omitti non potest; ut intelligatur, quid Juris in singulas Reipubl. Comparatum

sit;

Et; Eo modo tamen de illis agemus, ut nihil quam quod Juris Gentium est ac Universale, persequamur.

5. Incipiendum est à divisione rerum, quarum prima & simplicissima est, in Corporales & incorporeales; quam quod plerique petunt à philosophis putant, de verbis ferri potest, de significatione non aequè. Philosophi enim res incorporeas vocant Substantias materiam non habentes, de quarum naturâ nobis sola cogitatio constat: quæ substantiam supponit efficacissimam, & à materia penitus remouam.

6. Res incorporeales in Jure sunt Facultates ad aliquid habendum aut agendum, sicut Herilis & Patria potestas, Matrimonium, Agnatio, Tutela, Dominium, Usucapio, Hereditas, Obligatio & Actio, quæ circa res corporeas quidem versantur: sed ipsæ notiones sunt à rebus abstractæ, quâ de re disputationem amoenam exhibuimus inter Wessembeckium & Vinnium. an hæc jura bene dicantur, Entia rationis; quod sunt equidem eo sensu, quo Theophilus interpres Græcus *ad tit. Inst. de obligat.* & alibi sæpe de talibus agens, Est, inquit, *ἡμῶν τὴν νότον διαβασίαν, οὗς aliquod mente comprehensum & abstractum.*

7. Res corporales iterum sunt mobiles vel immobiles; sub illis etiam res se moventes ipsique homines continentur, et si liberos homines significatione rerum eximere solemus; utpote, quibus omnia creata seruiunt. Immobilia sunt res soli.

8. Res, quæ constant pondere, numero & mensura, maxime pecuniâ, duplicem habent proprietatem; sunt enim corporales, quatenus concretari possunt; Incorporealis intelligitur esse quantitas earum, quæ functionem in genere suo recipit, ita ut una, vice alterius absque ulla inæqualitate fungi possit.

9. Utræque tam res mobiles quam immobiles, sunt vel in patrimonio, sive in bonis, vel extra patrimonium. In patrimonio, quarum nomine competit actio non habentibus, & exceptio retinere volentibus, ut JC. in l. 51. d. A.R. D.

10. Quæ sunt extra patrimonium, vel nunquâ in eo fuerunt, vel esse desierunt. Nunquam in eo fuerunt, quæ Communes & nullius dicuntur, & sunt, quarum usus & proprietas cunctis hominibus æqualiter comperit, vi divinæ largitionis, condito & instaurato generi humano fidei Genes. cap. 1. & cap. 9. Dicuntur & Nullius, eo quod peculiari dominio à nemine adhuc sint comprehensæ.

11. Quæ sunt hujus generis, eæ vel sunt tales, ut à quolibet occupari queant, aut penitus domini sunt incapaces.

12. Prioris naturæ sunt omnes res, quæ possessionem & occupationem stabilemque custodiam recipiunt, ut sunt feræ bestię, volucres, pisces, gemmæ, metalla nondum effossa, res derelictæ, aqua profluens, omnesque maris insulæ regionisque desertæ.

13. Ejusmodi res naturali ratione cedunt occupantibus. Etenim postea quam à communione primævâ consensu non minus, quam necessitate humanæ societatis recessum est, constanter receptum fuit, ut, quod unusquisque apprehendit, cum nullius existeret, & quidem cum animo sibi habendi, id ei à nemine citrà injuriam eripi posset. *Vid. Gros. lib. 2. de jur. bell. & pac. cap. 2. §. 2. & lib. 2. jurispr. Holl. cap. 5.*

14. Quod enim aliqui disputant, (Böcklerus comment. ad lib. 2. Gros. cap. 3. §. 2. Strauch de Imder. mar. Joh. Bapt. Burg. lib. 1. de Dom. Reip. Genu. in mar. Lignst.) ea quæ de communione primævâ dicuntur esse fictitia, id demum vere, si quid unquam, fictitium est.

15. Nam si communio sit jus, quo res eadem,

eisdem, plurium pro indiviso propriæ sunt, res loquitur cum creator Deus cunctis mortalibus dedit jus in res hujus inferioris naturæ, nihil potuisse illud esse quam Communione: adeoque penne ridiculæ sunt in contrarium rationes.

16. Neque verò metuendum, eo quod fatemur, in quibusdam rebus statim defuisse communionem, ne nobis ipsi obloquamur; quasi communio ne quidem, ut isti loquuntur, animo concipi possit, eo quod proprietas sit in ipsa possessione.

17. Nam quia factum saltem, id est, occupationem, si non pactum expressum, ante primum à Communionem recessum, requirimus, palam est, mente saltem aliquod jus, ante illud factum, esse concipiendum.

18. Dein, etsi quædam res, incontinenti defierint esse communes, multæ tamen diutissime tales manserunt: neque enim nisi lapsu multi temporis pleraque terrarum occupari potuerunt, quæ nec etiamnum omnes tenentur.

19. Præter quod in animalibus, quæ cælo, quæ mari terraque continentur, in aqua profluente aliisque rebus, non potuerit desinere communio, quia nunquam desinere poterat occupatio singularum; quemadmodum his de rebus disputavimus in *part. 1. Digress. lib. 4. cap. 11. & 12.*

20. Res quæ defierunt esse in patrimonio, cessarunt vel ad tempus, vel in perpetuum. Ad tempus, Res hereditatis jacentis, cujus qui fuit dominus, est mortuus, & novus adhuc non existit, item res pro derelictis habitæ & thesauri. Priores & posteriores quidam negant esse nullius, quia non fiunt occupantium; sed hæc est alia quæstio deinde sequuta.

21. Quæ in perpetuum defierunt esse in patrimonio, recensentur à Jctis hæ

res, Sacræ, Religiosæ & Sanctæ; sed hoc membro divisionis carere nobis licet in hac Arte quidem.

22. Quippe res Sacras Romani dicere, quæ rite per Pontifices Deo sunt consecratæ, nec abludunt recentiores Romani Christiani in §. 8. *Inst. de Rer. div.* à quibus separantur res piis usibus destinatæ, quas alii haud ineptè *quæ sacras* appellantur.

23. Sed res verè sacras in statu renovati scæderis per Christum, esse nullas, cum ratione dicendum; quia consecratio, per quam character aliquis rebus imprimatur, sine dubio ex genere cærimoniarum est, quæ, ut umbræ, per adventum Corporis evanuerunt.

24. Res sanctæ, quas Romani dicere, muri & portæ civitatum, nihil præter superstitionem habent, quo à publicis aut Universitatum rebus separantur.

25. Denique, religiosa loca, *Sepulchra*, præter memoriam humanæ fragilitatis, quam repræsentant, nihil etiam à privato jure domini, separatim continent, cum & in commercio perinde ac aliæ res habeantur; nisi quod apud Pontificios cærimoniis quibusdam sepulchra consecrantur.

26. Res quæ sunt in Patrimonio, dividuntur in publicas & privatas. Publicæ iterum sunt vel tales in specie vel Universitatis: Priores, quæ ad populum liberum spectant, posteriores, quæ ad Universitatem.

27. De prioribus novum videtur; quod in patrimonio esse dicuntur; nam Universitates satis constat eodem jure, quo privati utuntur, uti solere. Sed etiam publicas in Patrimonio esse, probat tam ratio quam usus & auctoritas.

28. Ratio, quia populus liber æquè jus personæ habet, Acquirendo, conservando, amittendo, quam Universitas

& evidentius per suos Rectores ad unitatis facultatem redigitur, quam fit in Universitatibus subordinatis.

29. Usus & auctoritas est à Jurisconsultis Romanis, sat idoneis Latinæ linguæ auctoribus, quos ita sentire & docuisse, probat *lex 14. n. de Acquir. R. Dom.*

30. Hinc pater, quam difficulter hæc scienti, in mentem venire possit, quod nuper Eruditis quibusdam placuit, Res Communes & quæ Publicæ dicuntur, non habere differentiam realem atque stabilem.

31. Nam quæ res evidentius differre possunt, quam quæ in ordinata divisione sibi invicem opponuntur? Res communes sunt extra Patrimonium, Publicæ sunt res in Patrimonio, docente non tantum Jurisprudentiā Romanorum, à *pr. tit. Inst. de Rer. divis.* sed etiam statu juris Gentium manifesto & necessario. Quod ut plenius intelligatur, sic est habendum; Ubi non est dominium, ibi nec in res Imperium dari potest; hoc enim illud præsupponit.

32. In qualibet gente duplex occupatio rerum fit, per fundos & per universitatem, ut exposuimus in prælectione. Justinian. *lib. 2. tit. 1. n. 3.* hæc tempore prior est, & plenam occupatæ regionis inde ab initio continet proprietatem, tam quod ad dominium quam Imperium.

33. Dein per fundos instituitur partitio, quâ singuli cives dominium suæ portionis consequuntur, Imperio apud Universitatem relicto.

34. Flumina tamen & lacus majores omnesque terræ, cultoribus vacuæ & quicquid dominum singularem non recipit, manet in primævo statu, quo cuncta pleno jure fuerant Universitatis.

35. Hinc etiam discimus, quæ res sint, quas *Publicæ* appellamus, sc. qua-

rum proprietas certi alicujus populi est; eæque duplicis sunt generis; Aut enim in occupatione per universitatem substiterunt nec à singulis divisæ sunt, aut ex post facto originem habuerunt.

36. Prioris generis sunt Portus & flumina, Lacus plerique, & loca deserta ac Vacua, aut ab initio ad sustentationem Imperantium vel publicos usus sequestrata.

37. Ex post facto publicum dicitur, quicquid ex collatione singulorum, aliove instituto, proprium liberæ Reipubl. constituitur, ut est ærarium, bona vacantia, fiscalia, & quicquid præterea cujusque in populi patrimonio nascitur.

38. Sed quod de confusione rerum communium & publicarum quibusdam placuisse diximus, id de priori genere publicarum rerum accipiendum est, quâ de re plenius egimus in *parte 2. Digress. l. 2. c. 1.* & de effectu disputationis illius agendum erit inferius.

39. Id verò neminem movere debet, quod etiam res Communes atque Nullius aliquando Publicæ dicuntur; quasi populicæ, quæ sunt omnium populorum: Id enim fere omnibus Juris & usus civilis terminis accidit, ut voces late & improprie, vel strictè & proprie accipiantur, quemadmodum juxta alias rationes, in hanc rem demonstravimus, *d. c. 1. lib. 2. part. 2. Digress.*

40. Denique, res Universitatis sunt, quæ pertinent ad Universitatem quâ talem, non ad singulos, quarum rerum natura potest intelligi ex his, quæ supra de Universitate copiose dicta sunt.

41. Has à publicis esse distinctas, ne quidem hi negant, qui communes & publicas res nullam habere differentiam volunt realem. Attamen res Universitatis, ut sunt theatra, stadia, Curiae, scholæ, vocantur etiam publicæ, tam jure

Civili, quam usu communi l. 17. *π. de V. S.*

42. Sequuntur res privatæ, quæ pertinent ad patrimonia Singulorum, tam corporales, quam incorporales, jure domini vel crediti; sive ut recentior amat loqui Jurisprudentia, *jure quod in Re vel ad Rem dicitur.*

43. Jura in Re sunt hæc, Dominium, & Jus ei proximum, quod pertinent Superficies. Emphyteuses & Feuda. Possessio in plerisque eodem refertur; Dein, Hereditas, Servitus & Pignus. Quæ species quid significant, & quas habeant

proprietates, nondum hujus loci est; deinde videbimus.

44. Sed quod nonnulli inter res corporales & incorporales usu temporum nolunt esse discrimen, non debet hic præteriri. Sublatum esse discrimen, quod nullum magis est naturale, cave credas: sed est verum, in Legibus populorum sæpe fieri, ut patrimonia discernantur, in res mobiles & immobiles: Ubi hoc factum fuerit, ita servari solet, ut incorporalia, veluti Jura & obligationes, Mobilibus accenseantur, quæ de re dix. ad tit. *π. de Rer. Divis.*

C A P. II.

De jure verum corporaliū, maximè earum, quæ nunquam fuerunt in Patrimonio.

Differentia juris publici inter res mobiles & immobiles, ubi de jure Confiscationis. Quid juris in rebus Nullius, ubi de vi & merito Occupationis, specialiter in Mari, de quo discrimen inter Imperium & Dominium rejicitur. &c.

POST rerum differentias, de jure singularum specierum, quatenus ad Juris publici rationem spectare queant, paucis agendum, eodem quo divisæ fuerunt, ordine docendi. Rerum corporaliū divisio, in mobiles & Immobiles, nonnihil etiam momenti, quod ad juris publici causam pertineat, habere videtur.

2. Nam quia mobilia proxime & immediate ad usum personæ spectant, ideo subiacere volunt hæc imperio illius, cui ipsa persona subiecta sit, quocunque loco bona reperiuntur.

3. Adeo ut Princeps, qui bona civis sui propter delictum redigit in fiscum, ea quoque mobilia, quæ sub alterius Imperio latent, jure sibi vindicet.

4. Similiter Leges & Statuta de successione honorum, quæ in locis, ubi quisque civis est, obtinent, iis quoque

in bonis mobilibus scilicet, quæ sub alterius ditione reperiuntur, effectum habere dicuntur.

5. Ac secus in rebus soli, sive immobilibus esse dicendum est; nam hæc cum partem Reipublicæ subiectivam, id est, Territorii constituent, non possunt alterius, quam qui regit eandem civitatem, sequi auctoritatem.

6. Ideo leges de Successionibus, quæ in unâ obtinent Republ. quoad res alibi sitas, ubi diversum jus viget, non posse valere, idemque de confiscationibus.

7. Hæc ita, quod attinet ad res immobiles, solida ratione constant; ut demonstravimus in *prel. ad Pandect. sect. de consuetu Legum divers. n. 14.*

8. Sed in mobilibus haud usquequaque; Nam ut Leges & dispositiones externæ Potestatis, in alio territorio effectum

etiam habeant, non potest, nisi à tacito populorum consensu fieri, communis utilitatis causâ, æque in mobilibus ac immobilibus.

9. Hæc voluntas mutua gentium in Successionibus obtinuit quidem ubique: in his enim ita observatur, ut, quando succedendi ratio locis variat, mobilia deferantur secundum jus domicilii; quia nullum in eo præjudicium, quod ad Potestates aut singulos ex populis in universum pertinet, vertitur.

10. Sed in publicatione bonorum res aliter se habet: Per hanc enim ipsi Principes bona in Fiscum redacta lucrantur, quod ut alius Princeps faciat, nulla Potestas aut Populus in suo territorio de rebus ibi existentibus, etsi mobilibus, facile permittit; saltem ad hoc non tenetur. Nec adeo fit, opinor, ut bona damnatorum, v. gr. in Galliâ, utcumque mobilia, in Hispaniâ redigantur in Fiscum Gallicum; nisi per singularem inauditam indulgentiam.

11. Verum est, Jurisperitos plures aliter statuisse, quos adducit Wissenbachius ad tit. *π. de bon. damnat.* Sed contrarium frequentius usu invaluit, teste Peregrino §. *de jure fisci* l. *n.* 143. & Claro §. *fin. Qu.* 78. *n.* 27. Quod autem Wissenbachius noster rationem hac parte superatam esse putat à Consuetudine, de eo quid opinandum sit, ex his quæ dicta sunt, intelligi potest.

12. Inter res quæ sunt extrapatrimonium, primo loco sunt *Communes*, sive Nullius, quarum alie sunt tales, ut occupationem recipiant, alie secus. Inter eas, quæ apprehensione rediguntur in dominium, sunt feræ bestię, volucres, pisces; Quas certum & notum est, jure Gentium fieri occupantium: Occupatio autem facta censetur, cum res apprehensæ in potestate nostra sunt, custodiæque nostræ coercentur, ut docet Justinianus in §. *feræ d. A. R. D.*

13. Apprehensionem non manu duntaxat vel actu immediate corporali æstimamus; sed instrumentis quoque, velut retibus & laqueis; modo ad sint duo requisita; primum ut instrumentum sit in nostrâ potestate, deinde ut fera ita inclusa sit, inde uti exire nequeat, docente Grotio *lib. 2. c. 8 §. 4.*

14. Proinde, pisces, qui piscinis, & feras, quæ vivariis continentur, occupata esse non dubitatur; sed an obstructio stagni & circumscriptio sylvæ, sint actus sufficientes ad dominium præstantium ambigitur; negavit Nerva filius in l. 3. §. 14. *π. de Acquir. poss.* Adfirmat Grotius in *lib. 2. de jur. b. & p. m. 2.* hac ratione, quod animalia sic inclusa sint, ut exire nequeant.

15. Nerva negat hanc esse inclusionem, piscesque & feras adhuc in naturali sua libertate relictas esse contendit; ideoque, si piscem è tali stagno vel feram ex ejusmodi sylva quis surripit, negaret hoc esse furtum, quod Grotius, scilicet, adfirmat: & videtur hujus, jure Gentium solidior esse ratio; liquidem privati juris sint stagnum & sylva, quod in hac disputatione supponitur; non possunt enim pisces & feræ in naturali suâ libertate esse videri, quibus evagandi facultas interclusa est.

16. Ex his liquet, apprehensionem corporalem præferri fictitiæ atque symbolicæ; quo pertinet inter Andrios & Chalcidenſes quæstio vetus apud Plutarchum *Qu. Gr.* 29. Civis Andrius & Chalcidenſis Acanthum urbem ab hostibus desertam occupaturi, cum Andrius Chalcidenſem adsequi non posset, hastâ in portam eminens infixâ, se priorem in occupatione ferebat, Chalcidenſis urbem prior intraverat. Arbitri litis, ad utrosque urbes pertineret, electi, duo pro Chalcidenſibus, unus pro Andriis pronuntiaverunt. Vicerunt igitur & recte Chal-

Chalcidenses, et si Grotius Andrios vicisse referat, errore memoriae, ut putat. *l. 2. c. 8. §. 6.* Hæc latius expolita sunt in *lib. 4. Digress. cap. 18.*

17. Porro ex natura communium rerum, quæ reperiuntur in aliqua gente, in has certum est, totum populum æquale jus habere, tam in feras, volucres, pisces, quam in metalla thesaurosque subterraneos, qui in territorio ab ipso met occupato deteguntur.

18. Unde clarum, quod communi consensu, id est, per legem, singuli à jure suo recedere, idque in unum vel certas personas transferre possint.

19. Atque hoc est fundamentum, quo jus feras venandi, aucupia, piscationes, metallifodinae, thesauri & similia Principibus aut Proceribus hodierno gentium usu vindicantur, quæ de re diximus in *part. 1. Digress. lib. 4. c. 19. & seqq.*

20. Non tamen id efficere potest Lex, quod vult Grotius *lib. 2. c. 8. n. 4.* ut Principes immediate domini ferarum, etiam ante occupationem, fiant, quia jus illorum non potest esse prius, quam populorum, à quibus illud habent; atqui feræ donec capiantur, manent nullius, tam respectu populorum quam singulorum.

21. Sed hoc potest Lex, ut quicumque aliquam feram capit, hoc faciat, ut minister ejus, in quem populus suum jus commune transtulit; adeoque ut Princeps in ipso occupationis actu, dominio potiatur.

22. Unde non male dicitur, eos qui feram lucri faciendi animo detinent, aliquando furti se obstringere; quod negant, qui sola venatione privatis interdictum, dominis autem ferarum principibus nullo modo adfecta putant; quod inde refellitur, quia ne fortuito quidem feræ capte cedunt occupantibus, sed in publicum deferendæ sunt. Dixi, latius in *lib. 4. Digress. cap. 20. & prælect. ad tit. 2. de A. R. D. n. 7.*

23. Ex his clarum est, quæ res extra territorium cujusque populi vacuæ sunt, eas à nemine, quam per occupationem acquiri posse: occupatas autem ab aliis omnino neminem rectè sibi vindicare.

24. Quare non immerito barbarus Rex Peruanus irritis immanem Pontificis Romani arrogantiam, à quo terras novi orbis, quæ ab indigenis antiquissima possessione tenebantur, Regi Hispaniæ donatas intellexerat.

25. Atque hæc de rebus communibus occupationem recipientibus; supersunt res domini incapaces, cujusmodi esse videntur tam aer quam mare.

26. Nempe, ut distinguantur aquæ marinæ & aeris particulæ ab aere atque mari ipso. Illas enim occupari & in dominium redigi posse, nulla dubitatio est.

27. Sed mare per se totum, vel quoad præcipuas partes, non recipere dominium, cum effectu, ut jus sit Principi vel populo alios prohibere piscari in eo, navigare, aquam haurire, conchas & naufragiorum reliquias colligere, probatur hisce rationibus.

28. Prima, quod in mari cesset ratio; per quam dominia, instinctu studioque pacis & necessitatis ab hominum primis divisa fuere.

29. Nam reliquæ res humanæ inter singulos dividi oportuit. quia non omnes pariter ad usum sui admittebant, & quod suus cuique labor prodesse deberet.

30. At mare commodissime toti humano generi sufficit, nec opera permanentis industriæ, quæ auctores sibi solis vindicare debeant, recipit.

31. Alterum argumentum sit, quod mare propter fluiditatem & vastitatem occupari nequeat. Quæ res, inquam, non recipit possessionem, ea nec domini, jure Gentium, capax est; quia naturalis causa ac iterum effectus domini est,

est, ut res sit in potestate nostra eique insistantur.

32. Sed mare non recipit possessionem, quia possessio est sedium positio & rei detentio; at in mari neque sedes unquam poni, nec ipsum detineri aut custodia coërceri potest.

33. His accedit auctoritas juris Romani, quo mare inter ea refertur, quæ in primævâ communione manserunt, perinde ac feræ bestię. volucres, pisces & terræ desertæ, habentque se, ut ea quæ primùm à naturâ sunt prodita, & in nullius adhuc dominium pervenerunt. §. 12. *Inst. & l. 2. x. d. R. Divis.*

34. Ex his sequitur, jus piscandi, balneas capiendi, in omnes terras navigandi & commercia exercendi, à nullo Principe vel populo jure prohiberi posse.

35. Quæ autem de dominio maris ubique scriptorum leguntur, & ab Seldeno aliisque accumulata sunt, ea non aliter quam de potentiâ rei maritimæ intelligi posse, res ipsa loquitur, & alibi à nobis probatum est, in *lib. 4. Digress. cap. 13. & seqq.*

36. Recipit tamen hæc sententia cautiones aliquas & limitationes.

37. Prima sit, quod & aer & mare sub dominium veniant, quatenus sunt partes & accessiones terræ, quoniam hæcenus requisita veræ occupationis conveniunt.

38. Hinc dicimus, eundem, qui dominus est soli, esse dominum cæli quod supra illud solum est; & qui partem aliquam maris undique suis terris completur, eum hanc partem satis occupasse atque possidere intelligi.

39. Nam ut privatus particulam maris fundo suo immittens, dominium ejus consequitur, uti fecit *Lucullus Neapoli*; sic nihil est cause, cur non Rex aut populus sinum maris occupare queat suis

terris undique comprehensum, ita ut dominio suo perfecte contineantur.

40. Dein, conventionem populorum fieri potest, ut quidam jure & usu certi maris cedant, aliique liberam ejus dominationem permittant; quod scilicet universale jus non mutat.

41. Tertio observandum, fieri quandoque, ut divisio maris instituatur (& divisio aliquam supponit occupationem) non ad possessionem stabilendam, sed ob curam piratas coercendi & securitatem præstandam.

42. Denique, ratione territorii adjacentis, pars vicina maris videtur esse sub Imperio Principis aut populi, qui navigantes è terra pro lubitu cogere potest: tunc enim custodia illius coerceri videtur.

43. Extra has causas, nec dominium neque imperium maris, jure cuicumque competere posse, prædictis rationibus constat.

44. Fuit, cum Imperium facilius quam dominium acquiri posse, idque minus juris continere putavimus *d. cap. 13. lib. 4. Digress. pr. edit.* sed verius est, imperium tribuere potentiam omnium, quæ dominium maris Principi aut Populo tribuere queat; adeoque si jure imperii exteris prohiberi & piscatio & navigatio posset, æque ac introitus in terras, alienigenis, ab eo qui imperat Civitati, potest interdici; non minus scopum suum, qui à nobis dissentiunt, obtinerent Imperio concessio, quam si Dominium maris illis concederemus.

45. Habet quidem Dominium effectus ab Imperio separatos, sed Imperii illa vis est, ut exteris illos domini effectus præcludere possit.

46. Perinde, ac jus in feras omnium quidem est hominum, sed dominus in suo fundo quilibet impedire potest, ne quis illuc ad venandum procedat.

D d d

47. Cre-

47. Credimus igitur, idque è supra dictis patet, eum qui Imperium Maris occupare potest, æque dominium ejus acquirere posse, si velit; Facto enim opus est animique declaratione ad occupationem utriusque perficiendam; sicut Romanos Maris mediterranei imperium occupavisse legimus, eo quod mare suum, τῷ Ῥωμαίων, *Romanum*, γῆν καὶ θάλασσαν sibi ὑπέκκυον, *mare terramque sibi subdidisse scribunt*, ut hæc à Seldeno ipsoque Grotio adducta sunt, de quibus & nos agimus in *lib. 4. Digress. c. 14.*

48. At dominium ab iisdem non fuisse, nec à populo universo, nec à singulis vindicatum, quando mare jure naturali omnium hominum commune tradunt, in §. 1. *Inst. de Rer. Divis.* & passim alibi, certum est, ut Grotius demonstrat in *d. lib. 2. c. 3. n. 9.* & in *Mari libero*, ut hoc repetamus.

49. Sed non adfentior eidem, quod imperium maris facilius quam dominium acquiri posse tradit in §. 13. *ejusdem cap.* Quippe in summâ controversiæ, quatenus hæc ad jus publicum pertinet, sufficit, opinor, Regibus & populis, qui leges aliis populis præscribere volunt, Imperium; dominio magis ad privatos pertinente.

50. Nec committendum, ut ex qui-

bus locis dominium maris probari posse negavimus, ex iisdem Imperium adstrui concedamus, cum per easdem rationes, quibus dominium refellitur, Imperium æquè refutari possit, ut ex iis, quæ *d. c. 14. Digress.* ad Seldeni argumenta respondimus, intelligi potest.

51. Sane, quantum ad occupationem attinet. Nam de consensu vicinorum diversa forte sit ratio; quatenus vicini possunt renuntiare juri suo, quod ipsis in partem aliquam maris sit comparatum, in gratiam alterius vicini, non tantum expressè, verum etiam tacitè, per patientiam temporis immemorialis; si modo alter actus imperii interim usurpaverit: Quo sensu Reipubl. Venetæ imperium in Adriaticum mare vetustate subnixum forte defendi potest.

52. Loca Grotii peculiaria, *d. c. 2. §. 13.* quibus probat, olim foedera fuisse inita, quibus sociis navigare permitteretur, per mare, quod ad alterius partis terram pertineret, quid aliud illa fuisse, quam conventiones de non impediendo transitu per aliquam maris partem? Nam quod mare mediterraneum populi Romani esse dicitur, hoc ad exceptiones concessas referendum est; siquidem mare illud undique terris Romanis comprehensum fuit.

C A P. III.

De jure rerum, quæ in Patrimonio esse desierunt.

De jure rerum hereditariarum, animalium amissorum; rerum pro derelictis habitarum & deperditarum. De jure rerum sacrarum & Ecclesiasticarum; ubi, an hæ mutata religione, alienari, vel in promiscuos usus converti possint, copiose varieque differitur.

Sequuntur res, quæ in Patrimonio esse desierunt, ad tempus vel in perpetuum. Prioris generis Hereditarias; id est, res hereditatis jacentis, nondum aditæ, & res derelictas esse diximus. Illas in præsentis non esse in patrimonio palam est, ideoque nullius dici nil vetat; communes sunt qui esse negant, quia non fiant occupantium, utique res hereditariæ.

2. Atqui in se consideratæ, si maneant tales, eodem loco sunt, quo cæteræ communes, quarum jus Fisco acquiri solet; ubi vero Fiscus jus non est stabilitum in talibus, occupanti cuilibet, utique, si ab herede non adeantur, secus ac plerumque fit, acquiri deberent.

3. Quæcunque enim res à dominis amissæ non transferuntur in alios, hæ in causam primævæ communionis reverti videntur, adeoque fiunt occupantium: Et amittendi causæ vel modi sunt duo, defectus successoris & derelictio, idque tam in rebus animatis quam inanimatis obtinet; extra quam, videlicet, si res ipsæ pereant.

4. An vero in rebus animatis etiam intentio rei dominio subjectæ pro tertiâ causâ amittendi dominium haberi potest? de jure Gentium quidem non videtur. Nec enim homo redactus in Dominium, ex causâ jure Gentium justâ se fugâ domino subducere potest, nisi redierit in patriam jure postliminii, vel ad gentem,

ubi libertas ipso jure competit omnibus & singulis humani generis consortibus, quo casu ipse sibi homo restituitur.

5. Ergo, quod Romani Jurisconsulti dominium in feras omitti volunt, ex eo quod ita è conspectu dominorum, evaserint, ut difficilis earum sit persecutio, quasi libertatem hoc modo amitterent, ad juris amittendi rationem sufficere non videtur.

6. Nam etsi verum esset, quod illi volunt, brutis animalibus competere aliquid analogum rationis & juris, attamen dominis fugæ intentione non magis quam homines subducere se possent; etsi nihil interim certius est, quam feras ejusmodi vagantes jure Gentium fieri capientium,

7. Grotius, rejectâ, quam è Juris Romani auctoribus & nos rejecimus, causam hujus acquisitionis ait esse difficultatem & desperationem recuperandi feram, in domino, sed neque hanc sufficere videri, statim videbimus, *Grot. in lib. 2. c. 8. §. 3.*

8. Dicendum igitur, promiscuam vendendi feras facultatem non recipere discrimen veteris domini, quod in ejusdem generis animalibus infinite vagantibus discerni nequeat. Quæ ratio in hominibus aliisque rebus, quæ facilius discernuntur, aliter se habet, aliterque etiam in ipsis feris, si qua torqui vel crepundiis inscriptam habuerit veteris memoriam domini.

D d d 2

9. Porro;

9. Porro, defectus successoris facit, ut res nullius censcatur, si quis sine herede sit mortuus, adeo ut ex simplici ratione juris Gentium ejusmodi res occupantium fierent: nisi compertum esset, perquam raro id usu venire, ideoque à Magistratibus in usum heredum emergentium, sequestrandasse, ratio dictaret.

10. Quod si planè fiat, ut Successores nulli, quorum facultas jure comparata sit, inveniantur, status communionis, in quam ejusmodi res suâ sponte redigerentur, Lege prævenitur, & dominium addicitur Universitati, vel potius Reipubl: quæ hac parte jus Universitatis habet, hoc est, Fisco; quemadmodum ubique gentium servatur; eodem consensu populorum, quo jus vendendi aliæque facultates communes juri communionis eximuntur.

11. Sequitur Derelictio, quæ est Actus voluntatis, quo dominus res suas abjicit, hoc animo, ne sint amplius in dominio rerum suarum; quod ubi constat, nihil est causæ, quur illæ res non fiant occupantium, nec ad eas Fisci jus produci placuit; haud dubie, quod casus ejusmodi singulares, ipsæque res minoris momenti sunt. Etenim si integra contingeret derelinqui Patrimonia, vel res soli, non est dubium, quin etiam fisco jus eo produceretur.

12. Pro derelictis non esse habenda, quæ amissa sunt casu fortuito, satis constat, etsi in viâ publicâ vel in littoribus inveniantur, nisi discerni nequeant, ut sæpius accidit in gemmis & lapillis, quas vel quos inter res quæ fiunt occupantium, si in littoribus inveniantur, haberi, scriptum est in *l. 3. §. de Rer. divis.*

13. Quid autem, si res amissæ, diu quæsitæ pro desperatis habeantur & quæri desierint? Grotius amissum cen-

feri docet id quod amissum est ita; ut spes recuperandi abjiciatur, ut porcos à lupo raptos, & quæ naufragio amittimus nostra definire Ulpianus ait in *l. 44. §. de A. R. D.* non statim, sed ubi recipi non possunt, id est, ubi nullatallis voluntatis indicia extant *lib. 2. c. 4. n. 5.*

14. Sed Ulpianus in *d. l. 44.* distinguit inter feras, pisces, aves, quæ venando capiuntur & res alias amissas; Prior docet amitti, quando in libertatem naturalem redierunt; in aliis rebus id non procedere, ne quidem ovem à lupo raptam & ablatam, quam dominus, nulla spe recuperandi, non persequitur, ab alio receptam fieri occupantis, sed priori domino reddendam, sub poenâ furti, idque è sententia Pomponii, qui ipse in *l. 8. §. ult. d. Famil. erisc.* id quod à lupo vel aliâ bestia eripitur, manere nostrum, quamdiu non fuerit consumptum; imo idem in gemmâ ab ave transvolante rapta statuitur in *d. l. 44.* de quibus rebus non posse dominum habere civilem recuperandi spem satis evidens est.

15. Nec prorsus usui judiciove communi populorum convenire videtur; ut quicquid amissum, à domino quæri desierit, ut desperatum, inventoris fiat, nec à priore domino repeti possit.

16. Non est tamen negandum, ut temporis in Jure magna vis est; si quid amissum, longo tempore desperatum quæri desierit, utique si in profundo latuerit, olim repertum, inventoris fieri & acquisitum videri.

17. Id ita de rebus naufragis indicat Ulpianus in *d. l. 44.* cum ait, si *quid naufragio amissum sit, non STATIM definire esse nostrum.* Longo tempore elapso, quid juri esse debeat, innuens, quod pertinet, quod Angli nuper res veteris naufragii Hispanienses ingeniosâ industriâ è profundo & scopuloso mari extra-

ctas,

etas, repertenti Legato non restituerunt, neque jure Gentium teneri ad restituendum visi sunt. Adde quæ diximus in *lib. 4. Digress. c. 26. & in Eunom. ad l. 8. §. f.*

18. In universum; Domino rei fortuito amissæ non reperto, quid juris sit inventori, non est expeditum. Egimus ea de re in *lib. 4. Digress. c. 27.* ubi dictis addere velim, si longo tempore Dominus non innotescat, et si proprie termini Usucapionis, ea specie non existant, dominium tamen inventori, secundum ea quæ modo protulimus, addicendum videri.

19. Eodem fundamento nititur acquisitio Thesauri, cujus depositionis domini que memoria non extat. Acquiratur etiam inventori, secundum simplicitatem juris Gentium, quam Romani & qui instituta illorum exacte servant, Frisii sequuntur. Alibi Fisco fere, ut reliquæ res *Nullius*, addicuntur. Plura in hanc rem collocavimus in *d. cap. xxvii. lib. iv. Digressionum.*

20. Hactenus de jure rerum, quæ ad tempus in patrimonio esse desierunt. De rebus in perpetuum exemptis, quæ supra sunt expositæ, Sacræ, sanctæ & religiosæ, quid juris sit, ex ipsa rerum differentia superius exposita colligi potest, non dari consecrationes rerum, nisi in usu sacramentorum fidei, tempore Novi Testamenti; Alias res mobiles ac immobiles consecrandi, usum esse cærimoniale hodieque superstitiosum.

21. Proinde res sacræ omnes sunt Ecclesiastici juris. Et quia Ecclesia jus Universitatis habet, ut supra demonstravimus, hinc bona Ecclesiastica, tam quæ sine medio cultui divino adhibentur, quam quæ ad sumptum, quo res Ecclesiastica sustinetur, præbendum serviunt, habent jus Universitatis, & quidem talis, quæ causam habet perpetuam & salutare.

22. Quare & alienatio sine discrimine juris Romani, quod res sacræ non nisi casibus exquisitæ necessitatis, Ecclesiasticas ob utilitatem alienari permittit, *Nov. 119 & 120.* æquabiliter fieri potest; attamen animo non diminuendi, sed ut Ecclesiæ consulatur ac utilitatis causa.

23. Ex illo principio decidi potest Quæstio magnis animis in Belgio imprimis agitata, medio fere hoc seculo, an Respublica de bonis Ecclesiasticis arbitrato suo disponere, vel in profanos usus ea conferre possit.

24. Non posse, statuendum est, quia nec aliarum Universitatum bona Princeps sibi vindicare potest; Ecclesia autem non minus habet juris, quam civitates & pagi singulæque familiæ habent, quibus relicta bona nullo modo adimi posse, non dubitatur.

25. Idem juris est Monasteriis omnibusque Cœnobiis & ordinibus atque Collegiis sacris, in res olim & nuper ipsis Legatas & acquisitas, ubicunque bona sita sint, etiam in locis, ubi institutum alioquin istorum ordinum non probatur, si modo non sint in statu belli.

26. Quapropter Ordines Pontificii si qua bona vel res sitas habent in ditionibus Protestantium, quominus illis utantur & fruuntur, nihil magis obstat, quam quod singuli Patres familiarem jus rerum in diversis regionibus sitarum non amittunt, sine respectu religionum, quas apud se profitentur; idemque juris viceversa Protestantes habent in ditionibus Pontificiis.

27. Quod si Pontificii res Ecclesiarum Protestantium apud se forte sitas publicare instituunt, idem juris erit his adversus illos, secundum regulam juris Naturalis, *Quod quisque juris in alterum statuerit, ut ipse eodem jure utatur.*

28. Sed religiones in Patriâ prohibitæ tanquam Universitates interdictæ, si do-

mi non possunt habere communia bona; non habent rationem id jus alibi locorum exigendi; quia jus personæ inde ab initio non habent, ac ideo id alioversum diffundere nequeunt, nisi ex speciali indulgentiâ.

29. Cum alioqui jure Gentium Civitates id tacito consensu passim observent, ut jus aliquo loco legitime acquisitum ubique pro legitimo agnoscat, ut loco deinde *proprio* videbimus.

30. Quod igitur jure Romano proditum est, utilitatis causâ res Ecclesiæ vendi posse, locum etiam habeat in ipsis templis & vasis sacrorum; ne de altaribus & donariis dicam; quorum illa, post sacrificium crucis, nulla sunt aut esse debent, hæc sunt Ecclesiæ & in usum pauperum cedunt, quorum gratiâ quominus alienentur, nihil equidem obstat.

31. Proinde, si templa vetustate vel arætitudine Ecclesiæ non sint utilia, quominus, aliis extructis, alienari, in macella vel armamentaria similesque usus promiscuos converti possint, nihil iterum obstat.

32. Quippe cum nihil sint aliud quam loca tuendis coetibus fidelium adversus coeli injurias parata; cum alioqui coetus isti sub dio vel in horreo aut stabulo habiti, æquè sancti sint, quam qui in magnificis templis celebrantur.

33. Bona templorum ab Ecclesiasticis equidem discerni solent, ut plerisque locis à separatis etiam oconomis administrantur; ut tamen hoc, in modo magis quam in juris specie consistat; si templa vel ex opibus Ecclesiæ, vel ab aliis animo donandi Ecclesiæ, structa fuerint.

34. Ex his non difficulter, quid de jure bonorum Ecclesiasticorum, si confessio religionis mutata fuerit, existimandum sit, intelligitur. Et si hæc res superioribus annis ingentem cum in Germaniâ, tum in Belgio controversiam,

nunc aliis subtilioribus oblitteratam excitaverit, modo tacta, sed plenius exequenda.

35. Quæstio considerari potest, tam respectu Reipubl. & Ecclesiæ, quam ratione diversarum in Ecclesiis Confessionum.

36. Mutata Religione, quod sæpe fit etiam verso statu Reipubl. Imperantes fas esse putant, Ecclesiæ bona sibi vindicare & *secularizare*, ut vulgò loquuntur, quasi causa proprietatis ob improbatam Religionis confessionem laborante, juxta rescriptum Honorii & Theodosii, quo sic loquuntur; *omnia loca, quæ sacris error veterum deputavit, nostræ rei jubemus sociari l. 5. C. de Pagan.* indicante rubricâ de gentilium sacris id esse accipiendum.

37. De Christianorum dissensionibus aliter statuendum; per eas non mutari jus Ecclesiæ; ne quidem si in deterius mutata sit confessio; non magis quam personæ aut familiæ suum jus quæsitum ob ejusmodi causas adimitur, utique si fundamenta Christianæ fidei non penitus convellantur.

38. Multo minus Ecclesiæ res publicari possunt, sicubi commendata sit Religio & in melius reformatâ fuerit, quod semper, si Rectores Civitatis habet consentientes, pro certo habetur & in consequentiam juris externi præsumitur.

39. Idque nec aliter se habet, si acquisitiones, per quas illa bona Ecclesiis addictæ sunt, vitio aliquo superstitionis adiectæ fuerint: Nam vitio deterso, manet proprietas Ecclesiæ, & usus superstitionis in alium illi adfinem sed vitio carentem transmutatur, quo pertinet argument. l. xvi. c. de Usufr. Leg.

40. Plane, quominus in defensionem Ecclesiæ & Religionis, bona, quibus Ecclesia carere potest, alinentur, in sumptus belli, ipsius Ecclesiæ voluntate fieri intelligitur, idque ita recte consulitur.

41. Proin-

41. Proinde sine ejusmodi vel necessitate vel evidenti utilitate, Fiscus aut Princeps, vel Respublica de bonis Ecclesiasticis in fraudem Ecclesiæ statuere non potest, nisi juris potius quam libidinis suæ rationem habere voluerint.

42. Quod si Universitates sint aliquæ ad Ecclesiam pertinentes, conformationem tamen habentes separati corporis, ut sunt Monasteria, collegia Regularium five Canonicorum, Ordines sacri equitatus & similia, cum jus personæ, quod est Universitatis, habeant ab Ecclesia distinctum, dominia quoque rerum, quæ ad ejusmodi Universitates pertinent, diversa sunt à dominiis rerum Ecclesiasticarum.

43. Proinde, ut tales Universitates aboleantur, earum quoque jus & dominium extinguere consentaneum est, nec ad Ecclesiam, quæ personam habet distinctam, transferri videtur.

44. Non obstante, quod res semel ad pios usus destinatæ ad profanos converti nequeant; Id enim ut effectum habeat, personam, cui dominium competat, existere oportet: quâ sublata, jus ejus ut maneat, fieri non potest.

45. Melius quidem consultitur, si ad Ecclesiam bona talium collegiorum referantur; sed ut hoc postuletur, jus perfectum, non probabile requiritur.

46. Videntur igitur Rectores Civitatis bona monastica & Canonica, illis corporibus abolitis (quod an jure factum sit, vel secus heic non dilquiritur) in Fiscum redigere posse.

47. Quid si Collegia illa maneant, externa nuncupatione & œconomia, sed usus eorum primævus & authenticus instituto Ecclesiæ & Reipubl. abolutus fuerit, an his antiqua bona conservari debent aut possunt?

48. *Debere* non dixerim, quia sublato usu pristino, desierunt esse quod fuerunt; nisi usus in alium meliorem &

Ecclesiasticum transmutetur; quo casu valet idem jus Universitatis, quod olim fuit, ut de ipsis Ecclesiis, versa confessione, demonstratum est.

42. *Possè* videntur, quia cum illa bona, deficiente personâ ejus fuerunt, in Fiscum redigi possint; eadem ratione cuilibet alii, consequenter etiam hominibus ejusdem nominis, etsi non ejusdem professionis, à Principe concedi possè videntur.

50. Nec obstat, quod à pristinis Autoribus & fundatoribus in usus pios destinata fuerunt: Usus enim & finis solus non efficit statum proprietatis, qui est personæ, à qua pender jus vindicandi vel non alienandi.

51. Quando igitur bona Monasteriorum & Regularium Collegiorum, his exinctis, alienantur, aut in usus promiscuos convertuntur, nemo est, qui illa sibi vindicare possit; utique nec ipsa Ecclesia, quæ distinctum corpus est ab illis, habentibus suum proprium regimen & separatam conformationem, adeoque jus personæ distinctum, ut antea dictum est.

52. Quid si Respubl. mutaverit confessionem fidei, Ecclesiamque suæ religionis fundaverit, manente prioris Ecclesiæ corpore, an hæc sua bona retinebit? Distinguendum reor, utrum prior Ecclesia, cujus sunt bona, post mutatam Imperantium fidem, sit permissa, an prohibita.

53. Si decreto publico permissa sit, existimo bona manere, quemadmodum manent in Germaniâ, ubi Principes religionem mutant, suamque publici juris faciunt; relicta priori in suo statu & regimine. Tunc enim hæc manet corpus & Universitas, & bona sua retinet.

54. Si prohibita sit, ut Pontificiæ ecclesiæ in plerisque Protestantium ditioribus, desinit esse corpus & universitas & omne suum, quod habet, quâ talis, amittit,

mittit, retinetque solummodo id, quod Christus illis dedit, Apostolique usurparunt, etiam invitis Potestatibus mundi.

55. Quid sitoleretur duntaxat, nullo freta publico decreto? Si nulla prohibitio intervenerit, manet quod fuit, & tolerantia vix est *hactenus* ut à permissione distingui possit; ideoque & jura sua retinet. Ut tamen bona Rectorum ejusmodi Ecclesiarum, qui sublatis sunt, publicentur, deficiente personâ, cui jus eorum competeat, ut nunc usu venit in Scotiâ.

56. Cæterum, quod ad res sanctas attinet, quas Romani à sacris dividunt, ut sunt muri & portæ civitatum, hæc

superstitione demptâ, sunt publici juris; non universitatum, id est, civitatum majori imperio subjectarum; quia jus muniendi ad *Armandiam*, quæ dicitur in jure Feudali, id est, armorum & belli jus adeoque ad summam Potestatem pertinet.

57. Religiosæ res, id est, Sepulchra, quæ Romani quoque dominio & commercio exempta voluerunt, præter usum humanitatis & pignorationem futuræ vitæ, nihil habent, quo ab aliis in patrimonio rebus separentur, aut commercio interdican- tur, ut sane venduntur & hereditibus relinquuntur atque alienantur, eodem manente scilicet usu.

C A P. IV.

De rebus Patrimonii publici.

Divisio rerum in publicas & privatas. Publicæ vel tales simpliciter, vel Universitatis. Prioris vel usu esse omnium vel mere publici usus. Inter illas esse flumina, de quorum jure copiose agitur, sub distinctione, fluminis, amnis & alvei; ubi & de jure præscriptionis in publicis rebus. De Ripa, Alluvione & Avulsione. Denique, de Principum bonis tam privatis, quam dominicis, Fiscalibus & Ærario.

S Equuntur res, quæ sunt in patrimonio, quatenus ad ordinem Reipubl. habent relationem. Patrimonium est vel publicum, vel privatum. Publicum est vel propriale, vel Universitatis. Proprie, quod ad Rempubl. liberam pertinet; quam & patrimonium habere, vult ratio & usus Jurisconsultorum in *l. 14. π. de A. R. D.* idque minus inexpectati habet in Universitatibus, quarum res etiam publicæ dicuntur in *l. 17. π. de V. S.* & jure privatorum utuntur *l. 16. eod.*

2. Quid sint Publicæ & Universitatum res *superius* expositum est. heic de jure illorum in ordine civitatis agendum.

Publicas esse duorum generum inde *suprà* constat; vel tales, *quorum usus est omnium*, ut sunt portus & flumina, vel quibus singuli non utuntur, ut fisci res atque ærarii, quod discrimen ab Augusto inventum *λογα μὲν καὶ ἡ ἱεργα*, *verbomâgis*, ut *Dion*, *quam re*, dedimus expositum in *parte 1. Digress. lib. 3. c. 21.*

3. Inter publica prioris generis sunt flumina & portus. Flumina scilicet, perennia; Nam torrentes atque hyemales, qui per æstatem non durant, magis sunt privatorum, per quorum agros currunt, ut traditur in *π. l. 1. §. 2. & seq. De Fluminibus*. At in flumine consideratur Amnis, Alveus,

Alveus, Insula, Ripa, de quibus breviter & distinctè. Primo de universo.

4. Flumen esse inter ea, quæ à populo certam regionem sua ditione complexo, per universitatem occupantur, superius dictum, nec controversum, neque dubium est, quin primarius scopus sit, in usu amnis promiscuo, qui consistat in navigando piscandoque; nam id omnibus suis civibus commune voluerunt esse Romani, sicut in terminis primæ occupationis esse debebat.

5. Quia tamen occupatio illa ab universo populo facta, eidem jus proprietatis præstat, non est dubium, quin populus ejusmodi leges navigando piscandoque imponere possit, quales expedire sibi putat; ideoque vectigal imponere navigantibus, exteros etiam navigando in eo prohibere queat, utique mercaturæ causa; sed transitus innoxios prohibendi jus non habet, multo minus aquam profluentem hauriendi, quod Latona barbaris apud Ovidium exprobrat,

Quid prohibetis aquas? usus communis aquarum est.

6. Piscationibus autem, nedum exteris, etiam suis prohibere potest, quemadmodum à plerisque populis hodie consilium videmus, ut piscandi jus in fluminibus addiderint Fisco; Et si non desint, qui in terminis primæ occupationis ab universo populo factæ substerint, quos inter Frisii nostri; quibus sufficere visum, leges imponere piscationibus, duntaxat generum servandorum causâ requisitas; etsi in portubus eadem libertas non placuerit, in quibus alioquin idem jus ac in fluminibus obtinere consentaneum est, & Romanis legibus obtinet.

7. An verò jus piscandi præscriptionibus subiectum est, ut usu temporis à singulis occupari & in jus privatum re-

digi possit? Non videbatur, exemplo viæ publicæ, quæ usucapione vel præscriptione à privatis acquiri non potest, ut in *π.* sancitum est *l. 2. de Viâ publ. l. 45. de usucap.* Est tamen ubi aliud obtinere videmus.

8. Etenim in Pandectæ Juristraditum est, si quis in fluminis publici diverticulo solus pluribus annis piscatus sit, hunc alterum eodem jure uti posse prohibere, secundum Martianum in *l. 7. de Divers. præscript.* à quo non dissentit Papinianus in *l. 45. d. Usucapion.* Si casum de fluminis diverticulo continues ita, ut priorem casum, accipere, quo præscriptionem loci ædificando in littore occupati non procedere dixerat, si domus interim diruta fuisset, ac ita occupari desisset; proinde si alter piscari desisset, jus prohibendi non haberet.

9. Eodem modo Pagos aliasque universitates apud nos, videmus sibi vindicare piscandi jus in certis lacubus, vel tractu certo fluminis publici; quod jus aliquando in certos prædiorum dominos conferunt, ea lege, uti hi pontibus aut aliis operibus in perpetuum reficiendis teneantur. An hæc nullo jure; vel quo jure fieri dicemus?

10. Distinguendum videtur, inter res & jura publica, quæ possunt esse in Patrimonio singulorum & utilitatem præstant stabilem, atque inter ejusmodi jura, quæ non accipiunt usum patrimoniale singulorum, nec in redditu certæ utilitatis, sed in merâ facultate Reipubl. vel omnium civium & quasi potentia consistunt, ut in prioribus habeat locum præscriptio, non æquè in posterioribus; Loquimur de civibus ejusdem Reipubl.

11. Non habet locum præscriptio in tributis & vectigalibus, quia sunt posterioris generis *l. 6. C. de præscr. 30. ann.* nec in viis publicis, *d. l. 2.* in quibus

E e e

non

non est patrimonialis, sed communis usus iter faciendi & mera facultas civium. Sed quominus piscationum & venationum jura certis in locis præscriptione temporis acquirantur, nihilo magis obstare videtur, quam quod in aliis patrimonialibus causis Princeps longissimi & immemorialis utique temporis præscriptioni non est exemptus, ut docet Grotius in *lib. 2. c. 4. n. 9. & 11.*

12. Jus navigandi in flumine publico simile est viæ publicæ, nec ideo præscriptione temporis auferri potest; ut tamen jus imponendi vectigalia navigantibus, salvum sit Imperantibus, quod rursus ipsum nullâ præscriptione tolli posse diximus.

13. Hactenus de Flumine. Sequitur Alveus, quem esse partem fluminis quod populus occupavit, & ejus esse proprium, utique dum continet amnem, manifestum est. Ergo si flumen alium sibi fecerit alveum veteremque siccum destituerit, ex simplici & directâ juris ratione, derelictus alveus non potest alterius esse, quam populi; Quod enim ex re mea superest, id meum est ejusque vindicandi jus habeo, regula non minus est juris gentium quam civilis; sicut domo diruta, non est dubium, quin area maneat ejusdem, cujus fuit domus.

14. Jure tamen Romano aliter cautum est, quasi ex jure Gentium, ut alveus eorum fiat, qui juxta flumen habent propinqua prædia, ut Justinianus è vetustis Juris auctoribus tradit in §. 23. *I. de A. R. D.* quod non esse conveniens rationi juris Gentium bene demonstrat Grotius *l. 2. c. 8. n. 9.*

15. Duo proferri possunt in diversum. I. quod alveus sit pars adjacentis terræ; unde flumen alveum decerpserit, quem restitutum, illuc, unde separatus fuit, redire oporteat: Sed in universum dici nequit, alveum ab adjacentibus terris esse

detractum, cum ejus rei plerumque memoriam nulla sit, & occupatio fluminis à populo facta præcesserit divisionem per fundos, unde privata dominia & eorum extensio ad alveos adjacentes fluxit.

16. Alterum, quod populus flumen occupasse non videatur, nisi quatenus eo volebatur, id est, quatenus erat flumen & amnis. Ubi desierit esse flumen, desinet quoque populi intentio, alveumque pro derelicto habet, quo non amplius utitur: quo pertinet, quod Celsus filius apud Pomponium in *l. 30. §. 1. d. A. R. D. Cum exsiccatus est*, inquit, *alveus, proximorum sit, quia jam populus eo non utitur.*

17. Hæc ratio bona est, ad probandum, quod populus Romanus alveos derelictos sibi non vindicans, ejus animi fuerit; ut nihil de flumine, quam jus amnis, & quatenus flumen esset, occupare voluerit, ideoque alveum siccum pro derelicto habuerit: sed non efficit, ut talis occupatio restricta, juris Gentium sit, nec impedit, quominus occupatio simpliciter facta, de toto flumine cunctisque ejus partibus accipienda sit.

18. Romanos sub occupatione per Universitatem, solum amnem comprehendisse, liquet etiam inde, quod insulas in fluminibus natas populi esse tradunt, eas deinde, quæ alveo non adherent, sed virgultis aliâve levi materiâ sustentatæ fluctuant neque solum tangunt *l. 65. §. 2. d. A. R. D.*

19. De reliquis insulis in flumine natis alveoque coherentibus, Romani statuunt idem, quod de alveo extincto; illas jure gentium vicinis prædiorum dominis acquiri, quod rationi non magis quam de alveo dictum est, convenire, tam certum est, quam insula pars est alvei, ut Grotius *d. loco* probat & nos in *part. 1. lib. 4. Digress. c. 21.* comprobavimus: idemque Labeo sensit in *l. pen. §. ult. d. A.*

R. D.

R. D. Si id quod in publico innatum aut in edificatum, publicum est, inquit, insula quoque, quæ in publico flumine nata est, publica esse debet, etsi quomodo hæc verba cum aliis juris locis eademque Lege §. 1. convenient, hujus loci non sit, inquirend. Hotomanus quidem legendum putavit, *Non si id quod in publico &c. l. 1. obs. c. ult.*

20. Nec ille solummodo $\frac{1}{2}$ Juris Romani sic sibi non constare cupit, sed nec aliter ita constitui debuisse ratiocinatur. Quia scilicet, insula in flumine publico nata fluvium dilatat, ac vim profluentis contra vicinos agros allidit, eoque tantundem fere in adversa ripâ terræ abradit aut occupat, quantum insula in amne continet ac implet.

21. Verum hæc ratio, sicut inepta non est, ad approbandum jus positivum, & quod Romani non sine causâ tribuerint accolis insulas, in compensationem damni ab iisdem insulis accepti, ita non sufficit evertendo validiori fundamento superius posito, quod domino soli, superficies acquiratur: solum est alveus, à populo occupatus, insula quasi superficies & sane pars ejus, ac ideo causam totius & soli substrati sequitur.

22. Planè, cum occupationis effectus ab animo pendeat occupantis, in eo quod diximus acquiescendum; quod populus non habuerit animum occupandi alveum, sed flumen qua tale, quatenus eo volebat uti. Non videtur etiam insulæ dominium per occupationem primam acquisivisse, eoque ubi desierit esse flumen, desinit etiam intentio populi & effectus occupationis in alveum atque in insulas.

23. Hinc etiam pendet consideratio ripæ. Nam si populus Romanus alveum per se non putavit occupandum, minus id de ripâ propositum habere potuit.

24. Nam si ripa finiatur ita, quod

flumen naturalem cursus sui rigorem tenens continet, ut est in l. 1. §. 2. d. flum. est immediata pars alvei, nec ejus causam sequi non potest; proinde cum alveo toto cedit accolis. Quod si largius accipiat, ut ripa sit, ex quo terra primum à plano vergere incipit usque ad aquam, ut habet Paulus in l. 3. in fin. cod. tit. jam forte magis est pars adjacentis terræ, quam alvei, ac ita plenius & evidentius ad vicinos pertinet: è suppositâ scilicet intentione propriâ populi Romani: Nam ex jure Gentium simplici, ripa vix ab alveo separari potest.

25. Pars ripæ fit, Alluvionis incrementum, ideoque & hoc eandem habet rationem; Ex jure Gentium simplici sequitur ripam & alveum, qui sunt populi; ex intentione populi Romani pertinet ad accolas; etsi jus gentium quoque laudant Jurisconsulti Romani.

26. Quod per avulsionem aliunde vehementiore fluminis impetu adjicitur, manet ejus, cujus antea fuit; quod si non agnoscat, aut reperatur, eandem in exitu habet rationem, quam Alluvio: cujus rei argumentum in Romanis legibus habetur, si pars adjecta sic unita sit cum agro, cui accessit, ut discerni non possit, quo casu dominium magis acquiritur adjacenti terræ, ob præsumptam pristini domini derelictionem, quam quod unio & coalitio per se, causam domini præstare queat. Ideoque id ex instituto magis peculiari quorundam populorum est, quam ex simplicitate juris Gentium, vel potius Naturæ.

27. Nam si de jure Gentium ex usu populorum sit existimandum, fere ita servatur, ut incrementa fluvialia cedant accolis; nisi quod extant exempla notabilium incrementorum, quæ Principes populi sibi vindicaverunt; indicantes ita se jure posse, plerumque nolle sibi vindicare alluviones.

E c c 2

28. Idem

28. Idem fere de maritimis incrementis tenendum: Cum enim litus proprietate sit nullius, non vicinorum, incrementa littoris ad eisdem recto jure non pertinent; sed populi sunt, qui per Universitatem quoque litus occupavit: Ideoque si velit, incrementa sibi vindicare, potest Princeps habens jus populi; quomodo ad Frisiæ nostræ litus incrementum alluvionis Biltanæ Albertus Saxonæ Dux olim Frisiæ Dominus sibi vindicavit, à quo ad Carolum & Philippum Reges, ab illis ad populum Frisiæ rediit.

29. Ipsi etiam Ordines Frisiæ aliquando seriò proscripserunt incrementum alluvionis, quod est in ostio fluminis Eæ; tamen venditio non processit, & manserunt incrementa illa vicinorum, quomodo adhuc habentur; indulgentiâ quam dixi ordinariâ populorum; quæ & præsumitur esse commissa, quando fluminum & maris accolæ non agros habent limitatos, sed usque ad mare vel flumen infinitè possident, ut recte Grotius II. 9. 12.

30. Cæterum, quo pacto & quam evidenter Publicæ res, ita propriè dictæ, à Communibus differant, in *cap. 1. hujus sectionis* expositum est; effectum usumque discretionis illius in hunc locum rejecimus, etsi ex ipsâ divisionis explanatione præsumi potuit.

31. Publicæ res sunt in Patrimonio populi vel Principis, populi jus habentis, comprehensæ sub occupatione per Universitatem; in quo proinde quisque populus habet idem jus, quod habet in suo patrimonio quilibet privatus. Ac ideo sicut privati alios prohibere possunt, ne venandi piscandive causa fundos vel lacus suos ingrediantur, ut etiam si quis id invito domino faciat, injuriarum teneatur *l. 13. inf. d. Injur.* Ita Populi Principesque prohibere possunt externos, ne flumina sua commercii piscandive causâ in-

grediantur: etsi transitus innoxios jure negare nequeant; exemplo terrarum, per quas an idem negari possit, amplius in loco videbimus.

32. Si negare potest ingressus fluviorum & portuum suorum exteris, Princeps ob usus non necessarios, sequitur, eum permissionem ejusmodi legibus ac etiam vectigalibus quæ velit, onerare & limitare posse, quibusdam etiam interdicare, quibusdam concedere posse liberos aditus, suo arbitrato.

33. Nec est aliud in transitu mercaturæ causâ, cum aliis ejusdem fluminis accolis exercendæ. Cum enim quisque jus habeat in fluminis, suo territorio comprehensi partes, etsi innoxius mercaturæ causâ transitus videatur, quem ultra modum operæ vel ejus quod reverâ interest, onerare non possit, terræ adjacentis dominus, validior tamen est prior ratio domini perfecti.

34. Quod jus habet populus in externos, id etiam habet in semetipsum, vel Princeps in cives suos. Proinde cum jus piscandi in portu Fluminibusque cuilibet è populo competat *§. 2. Inf. de Rer. Divis.* potest hoc jus Principi vel Proceribus deferri, ut in usum publicum locetur, ac ita secundi generis publicarum rerum fiat; quomodo in plerisque populis hodie instituitur. Idem de vectigalibus aliisque præstationibus intelligitur.

35. Explicitum est de Publicis rebus, quarum usus suâ natura patet omnibus in Civitate; sequuntur res Principis aut populi, quarum usus non est omnium, sed Reipubl. vel Principis, quâ talis.

36. In Principatu sive Monarchia res principis possunt esse quadruplices; Privatæ, Dominicæ, Fiscales & Æarii. Privatæ res, sunt Principis patrimoniales, quæ ante & citra respectum Principatus ad illos pertinent, quales sub primis Imperatoribus, Res Cæsaris diceban-

cebantur, cum Cæsarum vox adhuc propriæ nuncupationis esset.

37. Hodie plerumque tales cum dominio Regni conjunguntur & uniuntur, ut in Galliâ in primis: Exemplum discrepantiæ tamen evidens est in præsentî Angliæ Rege, qui res suas in Germania, Belgio & alibi sibi seorsum ab Angliæ regno bonis que Regiis servat & disponit.

38. Secundum genus est rerum *Dominicarum*, de quibus est *Rubrica in Cod.* magis ut tamen ibi mentio fiat earum rerum, quam quod describantur. Plerique Interpretes eas appellant privatas Principum res, quod mihi videtur accipiendum, ut Ulpianus in *l. 2. §. 4. Ne quid in loc. publ.* res *Fiscales quasi proprias & privatas ait esse Principis*, quâ *Principis* scilicet, non Patrimoniales.

39. Quid igitur Dominicæ res à patrimonialibus differunt? Non possumus iterum meliore exemplo uti, quam quod est ob oculos, Wilhelmi Angliæ Regis. Res ejus Patrimoniales sunt, quas habuit ante regnum & seorsum à regni opibus tenet: Dominicæ res, quæ in Patrimonio sunt omnium Angliæ Regum.

40. Pari modo res Dominicæ Imperatorum Romanorum, posterioribus imprimis temporibus, fuere bona perpetua & stabilia Principum, non hujus aut illius, sed omnium, unde se aulamque suam exhiberent.

41. Consequenter *Fiscalia* sunt, quæ ex emolumentis ferè causalibus, & maxime per confiscationes acquiruntur. At hæc cum Dominicis sæpe junguntur, cum in jure Romano, tum moribus hodiernis, quomodo apud nos quoque in Frisia res Fiscales cum Dominicis sive dominio conjunctim & eadem Quæsturâ habentur.

42. Jura, quibus bona Fisci acquiruntur, ad rem ejus vel augendam vel

tuendam pertinent. Ad augmentum spectant commissa *vestigalium*, Indignorum, variæ mulctæ, Caduca, Bona vacantia, res nullius & similes *confiscationum* species.

43. Commissa *vestigalium* sunt publicationes mercium & bonorum, de quibus professio *vestigalis* aliorumque onerum publicorum causa facta non est, de quibus Jurisconsulti egunt in *tit. de Vestigal. & Commiss.* unde peti possunt, quæ huc conferri nequeunt. Ipsa *vestigalia* ad *Ærarium* referuntur.

44. Commissa Indignorum, sunt publicationes hereditatum & Legatorum, quæ his quibus relicta sunt & qui se variis ex causis indignos beneficio defuncti reddiderunt, adimuntur & Fiscis vindicantur, de quibus est *tit. in Pandect. de His quæ ut indignis*. Quo etiam referuntur, quæ personis incapacibus, quas Leges capere vetant hereditates & legata, clam relinquuntur: Nam relicta palam incapacibus, habentur pro non scriptis & manent penes heredem, quâ de re dix. ad *tit. π. de His quæ pro non script.* In quibusdam populis hæc indignorum commissa in defuetudinem abierunt; in aliis merito observantur.

45. Mulctæ delictorum frequenter etiam in Fiscum rediguntur, tam omnium, quam tertiæ vel quartæ partis bonorum vel certarum quantitatum, de quibus in loco de Poenis agendum. Justinianus Imperator eas valde præcidit, quando capitis damnatorum bona publicationi subduxit, eaque proximis addixit consanguineis in *Nov. 134. c. ult.*

46. Idem Caduca ab Augusto in Fiscum commodum introducta, scilicet, hereditates & Legata, quæ ante aditam hereditatem, sive ante apertas tabulas, eorum quibus relicta fuerant defecerant, sustulit ac ad heredes transmitti permisit in *l. un. C. de Caduc. toll.*

47. Bona vacántia dicuntur eorum, qui sine heredibus mortui sunt, quod raro quidem accidit; attamen si contingat, Fiscus admittitur, si modo intra quadriennium denuntiata sint bona, quæ de re nos egimus ad *Iust. lib. 3. in pr. ad Nov. 118. sub fin. & ad tit. π. de jure Fisci n. 2.*

48. Res Nullius quæ sint, ut jam pridem intelleximus, ita non repetemus. Sed populi Principibus suis adsignaturi certos redditus, nihil prius invenere, quàm quod sine ullius injuria vel damno dare poterant, Nullius scilicet res, ut sunt Metalli fodinæ, feræ bestiæ, volucres pisces, id est, jus venandi, aucupandi, piscandi, denique naufragorum bona, quæ à nemine vindicarentur; item the-

sauri inventoribus acquirendi. Et si illa secundum usus gentium varios aliter aliterque se habent.

49. Hæc ad augendum Fiscum. Ad conservandas ejus res multiplicia jura & privilegia pertinent, de quibus *ad tit. π. de jure Fisci* actum, & quamvis ad hunc locum pertineant, tamen alibi dicta repetere non sustinet animus.

50. Claudimus igitur hoc caput in *Ærario*, quod maxime constat *Tributis & Vectigalibus*; quorum illa sunt pecuniæ è centu aliisque collectæ patrimonialibus oneribus. Hæc sunt præstationes mercibus, quæ invehuntur & evehuntur, imponi solitæ; è quibus onera pacis & belli omnesque Reipubl. necessitates supplentur & prælidia comparantur.

C A P. V.

De Dominio Rerum.

Rea singulorum haberi, jure quod in Re vel ad Rem dicitur, quæ jura definiuntur. Jus in Re esse perfectum vel imperfectum. Illud esse Dominium. Causæ dominii acquirendi, primo originariæ, Occupatio & Specificatio suo modo, & quædam Species accessionis, ubi de foetura animalium cum Grotio disputatur. Fructuum perceptio. Derivatas acquisitiones esse vel juris vel facti; hujus generis esse Accessionem artificialem, Confusionem & Traditionem; An hæc jure gentium ad dominium requiratur. Acquisitionem juris, fieri per Usucapionem & Præscriptionem; de cujus justitiâ disquiritur, & de requisitis, tam inter diversas gentes, quam inter ejusdem Reipubl. consortes, tam in publicis quam in privatis rebus. Per ultimas quoque voluntates dominia jure, sine facto, transferri, nec aditionem hereditatis jure gentium videri ad dominium acquirendum requiri. De prohibitâ alienatione rerum tam privatarum quàm publicarum.

Post ea quæ publici diximus esse Patrimonii, sequuntur Privata, sive res singulorum; quas ad Juris Privati disciplinam pertinere non est quod moneamus.

Nec est consilii nostri, quod nec habet facultatem, ut terminos Artium confundamus. Nisi detur ratio quædam de illis agendi ab hoc instituto non aliena, quam

quam & Grotius sua methodo preffit; quatenus ad Jus omnium Gentium commune referri possunt.

2. Jus igitur circa res privatas est duplex, unum, quo res tenetur per se, alterum, quo persona tenetur *ad rem* præstandam: quæ differentia sic in hodiernæ institutione Jurisprudentiæ exprimitur, ut prior species appelletur *jus in Re*, altera *jus ad Rem*.

3. Jus in Re, est Facultas homini competens in rem, sine respectu ad ullam personam; cujus vi, manum, ubicunque reperiatur & à quocunque possideatur, rei injicere quis potest. Jus ad Rem est, quo alius nobis tenetur ad aliquid dandum vel faciendum, ex quo ipse vel heres ejus, non alius quilibet, ut ex jure in Re contra quemvis agi potest, tenetur.

4. Juris in Re species variae exponuntur. Videtur distingui posse bifariam, in perfectum & imperfectum. Perfectum jus est Dominium, quod est Facultas, *de aliquâ re perfecte disponendi, aut eam vindicandi, nisi Lex vel Conventio obstat*.

5. Perfecta dispositio consistit in duobus, in liberâ facultate *administrandi & alienandi*, quæ restringitur prohibitione legis, aut conventionem partium; idque pertinet ad caput, de prohibita alienatione, quod est juris privati; nisi quatenus ad publicas & universitatum res extenditur, uti mox videbimus.

6. Causæ, quibus dominium acquiritur, distingui possunt, in originarias & derivativas, cum Grotio *lib. 2. c. 3.* Originaria est divisio & occupatio. Divisionem potuisse locum habere, duntaxat in primâ generis humani conjunctione, scribit ibidem Grotius in *pr. d. c.*

7. Imo & hodie in terris primum detectis & vacuis, vel paludibus, opinor, efficitur. Nam etsi occupatio quædam per

universitatem in talibus præcedere soleat, dominium tamen, quod est singulorum à nemine in eos, quibus singulæ res aut partes assignantur, est derivatum; ideoque originarium esse videtur.

8. Sed præcipuus acquirendi modus originalis, est Occupatio rerum quæ nullius sunt, & si Grotio credimus, hodie non datur alius. Egimus hæc de re, quod satis, ubi de rebus quæ Nullius sunt, tractavimus.

9. Ad hoc genus etiam refertur à Paulo in *l. 3. §. genera 21. d. Acquir. Poss.* Specificatio, *per quam ipsi, ut aliquid in rerum naturâ esset, fecimus*, quo nihil magis originarium esse videtur. Negat id tamen Grotius *d. cap. 3. n. 3.* Ex nihilo enim cum nihil fiat, aut species ait, ex re nostra, aut alienâ, vel ex re nullius fit. Si primum, est continuatio dominii, si posterius est occupatio prius, & dein constitutio dominii; Quod si ex aliena re, fiat nova species, rem vult esse communem, inter materiæ dominum & Specificatorem *d. l. 2. c. 8. n. 19.*

10. Ergo, vel hætenus saltem est modus originalis acquirendi Specificatio, quatenus is qui rem fecit & formam dedit, particeps est dominii. Et si juris Gentium est distinctio à Jurisconsultis veteribus post multam adoptata disputationem; ut, si quis speciem fecerit, quæ reduci non potest ad primam eandemque materiam, hic solus fiat dominus, qui fecit; videtur admittendum, quod Paulus indicat, specificationem esse modum acquirendi originalem.

11. Si videlicet res ad principium suum reduci nequeat, ut navis è ligno, vestis è lanâ. Nec enim ante specificationem fuit navis aut vestis, sed lignum & lanâ. Dominium rei, quæ prius non fuit, Originarium, ut vult Paulus, haberi posse videtur.

12. Evidentius ad originariam Acquisitionem

sitionem referuntur Insulae in mari & in fluminibus natae; priores ad occupationes & res Nullius, de quibus actum; posteriores ad Accessionem referuntur, ut in tractatu de fluminibus dictum. Utræque sine dubio, cum sint res in natura Universi novæ, sunt originales.

13. Alluviones huc etiam pertinent. Etsi enim pleraque ab alienis agris abradantur, quia tamen ignotum est, unde veniat, & bona pars materiæ est ab ipso mari, non possunt ad acquisitionem derivatam referri: quod etiam de foetura animalium dicendum, qui cum antea non extiterint, eorum dominium non potest dici derivatum.

14. Sed quibus acquiratur Foetus jure Gentium, Domino genetricis an genitoris, vel utrique, non otiose quaeritur. Juris Romani prudentes dominum genetricis præferunt solum, idque velut ex jure Gentium; cujus tamen rationi Grotius id negat convenire *lib. 2. cap. 5. n. 29. & cap. 8. n. 8.*

15. Duas habet rationes; primam, quia in multis animantibus patres non minus quam matres foetus curam gerunt, hoc ipso ostenditur, ait, factum utriusque esse communem; alteram, quod de utriusque substantia procreetur. Unde communem colligit esse debere foetum animalium, domino genitoris & genetricis, *ἄμφω ἀπορρέει τὸ γένος*; ut Plurarch. *lib. de prol. amo.*

16. Bene, quod ad affectionem naturalem, cujus ne bruta quidem animalia sint expertia; sed hæc à ratione domini est aliena, quæ materiam æstimabilem requirit. Substantia, quam mas confert, licet ad vim quidem & facultatem procreandi non sit minor, quam quod à genitrice proficiscitur; ad pecuniariam tamen æstimationem, quæ in dominio spectatur, perexigui est momenti; mascula corporis est à ventre, cujus pars & accessio Foetus est; maris semen *τὸ σπέρμα* est

ταί, σπέρμα est, ut physici docent. Hæc plenius in *l. 4. Digress. c. 23. & in Eunom., ad l. 5. §. 2. de R. V.*

17. Propterea eadem ratione, quæ in fructibus agrorum, qui sementem fecit, non fieri dominum, sed eum, cujus est ager, discimus ex §. 32. *Inst. de A. R. D.* Nam & fructuum perceptio ad originariam acquisitionem pertinere videtur. Quæ scilicet is, qui non habet jus in fundo, fructus tamen ex eo perceptos & primum à natura productos facit suos; nam in iis terminis fructuum perceptio intelligitur, pro cultura & cura §. 35. *Inst. de A. R. D.* Nam qui jure soli percipiuntur, magis ad genus derivativum pertinent.

18. Propterea dominus fundum suum vindicans, fructus extantes jure domini vindicat. In fructibus consumptis bene distinguit Grotius, inter fructus rei & fructus industriæ *lib. 2. c. 10. §. 4.* Fructus rei sunt, quos vulgo naturales vocant; & hi dominum rei sequuntur, ait; jure videlicet Accessionis; quatenus quicquid solo imponitur, causam dominiumque fundi sequitur. Verum industriæ fructus, etiam si sine re non procederent, rei tamen non debentur, inquit. *d. loco.*

19. Cuinam igitur causæ debentur hi fructus? Cui vero, nisi ipsi industriæ, hoc est, curæ & culturæ, quam Justinianus ut naturalem rationem laudat in §. 35. *Inst. de R. Divis.* Requisitum vero, sine quo acquisitio non procedit, est bona fides, idque esse juris Universalis, approbatum est in *lib. 4. Digress. cap. 23.* ubi contra dissentientes disputatur.

20. Hæc de originariis acquisitionibus sufficiant. Derivativæ sunt, quibus dominium ab uno in alium transfertur, exque vel facti vel juris esse videntur. Priores, quæ actu & contractu corporali; posteriores, quæ legali operatione commutantur.

21. Facti

21. Facti acquisitiones præcipuæ sunt Adjunctio sive Accessio artificialis, Commixtio sive confusio & Traditio. Adjunctio fit, quando quis alienam rem ita suæ rei adjungit, ut ejus pars fiat; veluti de purpura aliena suo vestimento adtexta, de aliena gemma suo annulo indita, domo vel arbore solo alieno imposita, *similibusque rebus docent Jurisconsulti ad §. 26. l. de Rer. divis.*

22. Has etiam Grotius vocat acquisitiones naturales *facti lib. 2. c. 8. n. 21.* sed alio sensu, quam nos heic Factores acquiri tradimus. Nos per factum intelligimus actum corporalem: Ille factum juri opponit, & negat ex ratione juris Gentium, specificantem aut adjungentem suis, res alienas, harum fieri dominum; quod non habet nullam rationem.

23. Quæ enim factum alterius meum mihi jus & dominium auferat, nihil causæ reddi potest; Nec quidem factio quicquam impedit, annuli vel purpuræ dominium ejusdem manere, cujus fuit, vel ædificantem in alieno habere jus plenum superficiæ, sive domus, sive plantata vel sata sint.

24. Quare, quod ob prævalentiam, aut certis in casibus Lex Romana constituit, ut accessorium suo principali cedat & dominium ejus extinguatur, id naturale non est, sed civile, ad commodius transigenda negotia; natura tamen non repugnante, quia lex habet jus domini dandi. *Grot. d. cap. 8. n. 2.*

25. Sed ubi res non capit alium exitum, ibi dominium pro parte vel intotum transferri vel communicari certum est; & juris naturalis, ut in confusione res docet. *Dix. Eunom. ad l. 23. π. de R. vind.*

26. Confusio & Commixtio, subtiliter quidem ita distinguuntur, ut illa sit liquidorum, hæc aridarum rerum, sed quod ad dominium acquirendum attinet, nullum discrimen recipiunt.

27. Quando enim res diversorum dominorum, voluntate eorum miscentur aut confunduntur, in hoc, ut communes fiant, non est dubium, quin communicentur. At si quando fortuito commixtæ vel confusæ sint, non fiunt communes, nisi ex necessitate eventus, si non recipiant separationem; ut non modo, si duorum vina, vel mulsæ, sed etiam, si duorum farinas vel grana confundi & misceri contigerit, ex ratione juris Gentium dictu necessarium est, etsi paulo aliter Justinianus in §. 26. & 27. *Inst. de Rer. divis.*

28. Sed præcipua species acquisitionis derivatæ corporis est Traditio, per quam Dominium jure Romano & plurium aliarum gentium, tam ante, quam post, atque secundum jus Romanum, ab alio in alium transfertur.

29. Esse tamen hoc juris Naturalis, & instituti necessarii non videtur, per ea quæ Grotius habet in *lib. 2. de j. b. & p. cap. 6. in pr. & §. 1. Cap. 8. §. 25. nec non introduct. jur. Holland. lib. 2. c. 5.* & quæ nos super hac ipsa quæstione collocavimus in *lib. 4. Digress. cap. 8.*

30. Summa huc redit; cum dominium sit *Δικαιον*, ut Theophilus interpres Justiniani Græcus ait, *τὸ κατὰ μὲν βασιλέως*, *Jus mente comprehensum*, nihil vetat, quominus ita sicut omnia jura transferuntur, per declarationem voluntatis ab alio in alium transeat & perfectè acquiratur; Traditio ex simplici ratione Juris Gentium nihil quam possessionem à dominio bene distinctam præstat.

31. Quia tamen satis constat, & ipse Grotius fatetur, Romanos institutum Traditionis ad dominium transferendum ab aliis accepisse gentibus, idemque ferè à populis hodiernis observatur, non est insolens ita dicere: Traditionem esse modum Juris Gentium positivi, quo dominium inter vivos actu corporali trans-

transfertur & possessione confirmatur.

32. Sed ex eo, quod ratione naturali Traditionem non esse necessariam diximus, intelligi potest, dari causas domini proximas, quibus id sine actu vel contractu corporis in alium transferatur, qualis est *Usucapio* & *Præscriptio*; vocibus his promiscue sumptis. Etsi Romanis Jurisconsultis, à quibus reperta sunt, distinguuntur, hoc modo novissime, ut *Usucapio* de corporalibus, *Præscriptio* de rebus incorporalibus usurpetur.

33. Est autem *Usucapio* nihil aliud, quam *Adjectio* domini per possessionem rei alienæ, cum animo sibi habendi, justo tempore continuatam.

34. Prima dubitatio est, an res aliena sine facto & voluntate domini ad alium solo temporis lapsu transire possit; nam bona fides, quæ nihil est quam opinio domini aut titulus possessionis, insinuere possunt invidiam, non præbere causam acquisitionis sufficientem & justam.

35. Fundamentum, quod huic acquirendi modo substernitur, scil; præsumptio derelictionis aut negligentia domini, qui per tantum temporis spatium non inquisiverit in rem suam, non est adæquatum negotio; quia res etiam per usucapionem ignoranti aufertur; etsi nec, ubi esset, rescire potuerit, ut Romano jure cautum *l. un. C. de usucap.* & alibi observatum est.

36. Recurritur ad utilitatem publicam, ne dominia semper in incerto sint. Verum ut hæc objectionem, non esse faciendam mala, ut eveniat bonum, sustinere queant, addenda est ratio, de consensu civium in singulis nationibus, quam in omni obligatione Legum intervenire dictum est alias, vel potius de consensu generis humani; quæ nisi concedimus, acquiescisse illos in gravissimo incommodo, ne lites de rerum dominis ullo tem-

pore finiantur, statuendum est. Quæ ratio juncta cum usu omnium populorum, de justitia præscriptionis & *Usucapionis* ambigere non patitur, ut pluribus demonstrat Grotius in *lib. 2. c. 4.*

37. *Ufus* ejus in hac arte bifariam occurrat, uterque juris gentium; cum is qui juris civilis est, huc non pertinet. Primo inter cives cujusque, sed unius Reipubl. Alter inter populos Principesque diversos.

38. Utrique lateri quæstionis respondet definitio, quæ nihil requirit, quam possessionem justo tempore, cum animo sibi habendi continuatam. Sine tali animo non possit initium fieri acquisitionis, ipsa res loquitur. Proinde, qui possidet cum animo alii rem habendi, ut Colonus, creditor, commodatarius nunquam usucapere potest: animus autem intelligitur declaratus: decretum enim cogitationis adversus alios non valet.

39. Justum autem tempus universo jure Gentium videtur esse, quod hominum memoriam excedit, quod cum longissime sumitur, est Centum annorum, sæpe brevius, ut Jurisconsulti non magis quam ratio definiunt. Grot. *lib. 2. c. 4. n. 7.*

40. Debet etiam hoc tempus esse continuum; quia cum præsumpta derelictione jus præscriptionis nitatur, significatione voluntatis ante tempus in contrarium facta, cessat hæc ratio.

41. Bona fides aut justis probatio tituli, in hac præscriptione, quæ temporis immemoralis est, requiri non potest, quoniam hæc qualitates in hominum memoriâ fundatæ sunt; quæ ut ex viventibus, non ut è monumentis literarum haberi potest, intelligi debet; hoc enim modo nulla sæcula memoriæ hominum subducere se possent.

42. Quod autem in hac præscriptione bona fides titulusque non requirantur; id juxta illam rationem ipse Pontifex, à quo

quo bonæ fidei requisitum Præscriptionibus, etiam ubi jus civile eam neglexit, additum est, declarat in *cap. 1. de Præscript. in 6. Bona fides*, inquit, *non sufficit, sed est necessarius, Titulus, qui possessori causam tribuat præscribendi. Nisi tanti temporis allegetur præscriptio, cujus contrarii memoria non existat.* Quibus verbis quod nonnulli Titulum duntaxat iustum, non bonam fidem remitti volunt, non habet rationem. Præter enim quod bona fides difficulter adesse potest, ubi deficit initium iustum, ut recte Cujac. *ad cap. si diligentur 16. x. de Præscript.* quis non videt, bonam fidem in *d. cap. 1.* supponi, titulum superaddi, ut hujus remissio illam involvat. Ac ita recte Decius *cons. 496. Boer. decis. 12. n. 7.*

43. Per hanc igitur præscriptionem, non modo res singulæ, sed etiam regnationesque majores ab uno populo vel Principe ad alium jure transire possunt & sæpe transierunt, ut probat exemplis & dictis veterum Grotius *d. cap. 4. n. 2.*

44. Sic fuit Præscriptio inter diversas nationes. Alter usus est in hypothese uni-
us ejusdemque Reipubl. In quâ cum inter cives, tum inter Summam Potestatem & subjectos imperio, res verti potest.

45. Cives inter se, quod ad jus Gentium attinet, non possunt alio jure censerî, quàm de imperii hominibus diversum dictum est; sunt enim hæc utriusque pares inter se; verum illi præterea civilibus suæ Reipubl. legibus, de quibus hic non agimus, tenentur.

46. Inter Summas Potestates eique subjectos, quâ tales, hoc est, quatenus subjecti se tales esse fatentur, non potest habere locum præscriptio in ejusmodi rebus, quæ ad Imperii summi naturam pertinent; quia cum illa professione non convenit animus sibi habendi, quem in omni

acquisitione, adeoque & in præscriptione necessarium esse diximus antea, quo pertinet lex 6. C. de Præscr. 30. vel 40. annor.

47. Aliud esse juris in rebus separationem à summo Imperio recipientibus, cum in his animus sibi habendi cum subjectione concurrere possit, ratio docet & Grotius in *d. lib. 2. c. 4. n. 13.*

48. Posse etiam cives & subjectos Imperio alicujus, induere animum & præ se ferre voluntatem, eximendi se imperio, & vel separatim constituendi Dominium, vel Imperii partem in unione Reipubl. occupandi, ac ita jure præscriptionis Summæ potestati sese eximendi in *lib. 1.* cum de præscriptione jurium Majestatis actum est, demonstravimus.

49. Sic igitur Usucapio & Præscriptio dominium & jus plenum interpretatione juris transferunt. Idem faciunt ultimæ voluntates tam de singulis rebus quam de Universitate, quæ est Hereditas.

50. Singulæ res per legata & fideicommissa transferuntur, quibus etiam jure civili Dominium & jus plenum sine actu corporali acquiritur; convenienter juri Gentium, quod ut in actibus inter vivos non requirit ex ratione necessaria Traditionem, ut modo intelleximus, ita in morientium donationibus, quæ naturaliter actum donantis corporalem non recipiunt, eam multo minus admittent.

51. In hereditariis Testamentariis eadem est ratio; in iis autem quæ sine Testamento proximis cognatis interpretatione juris acquiruntur, actus acquirendi corporalis primo auditu excluditur. Possessionis enim, quæ à corpore initium habet, ratio à dominio separata est.

52. Omnes autem istæ acquisitiones, etsi plenum jus ante declarationem acquirentis tribuunt, quo minus tamen repudiari possint, nihil obstat, quod voluntate

tate semel declarata, in aliorum præjudicium retractari non potest, quo pertinet aditio hereditatis & pro herede gestio, quam vocant.

53. Unde, eventu inspecto, isti modi dominium rerum hereditariarum apud Jurisconsultos, demum præstare dicuntur; Et si quominus solâ juris vi & ex voluntate defunctorum, dominium æquè per Universitatem, atque per singulares actus, ut de Legatis iidem Juris auctores tradunt; in heredem transeat, idonea ratio nulla sit.

54. Discrimen etiam, quod inter liberos in potestate Patriâ constitutos, quos excellenter *suos* heredes iidem auctores vocant, ut illi ipso jure demum acquirant hereditatem, hi non aliter quam facto aditionis aut pro herede gerendi, hoc juris positivi, non naturalis aut gentium est; nisi quod Romanum Jus à multis gentibus hodiernis adscitum & quasi commune factum est.

55. Unde, quemadmodum Sui heredes etiam ignorantes hereditarium jus iterum in successores suos transmittunt, etsi hereditatem adierint, vel bonis se miscuerint, ita cum jus perfectum in omnes heredes transeat, eosdem habere jus illud transmissionis immediatæ statuendum est.

56. Unde apud eas Gentes, ubi Jus Romanum pro domestico adoptatum est, heic tamen naturalis ratio tacitè invaluisse videtur, ut non modo liberi omnes, etsi patriâ potestate non comprehensi, sed omnes etiam infantes & mente capti hereditates sibi delatas ad heredes suos, mortui, transmittant; imò parum abest, quin mera subtilitas & iniquus rigor habeatur, heredes eorum, qui juris sibi delati ignorantes erant, à successione excludere, sensimque ad simplicitatem juris naturalis, mores gentium deflexerunt.

57. Etiam hac in re, quod decantatam Juris Civilis doctrinam, quam nemo testatus simul & intestatus mori possedicitur, unanimi fere consensu repudiarunt, utcunque Romani juris conditores, *earum rerum naturaliter esse pugnam statuunt, testatus & intestatus L. 7. π. de Reg. Jur.* quod profecto non de jure naturæ vel gentium, sed ex hypothesi Juris Civilis accipiendum, ea quæ contraria sunt, etsi jure positivo, non posse pariter consistere *naturaliter*.

58. Quod attinet alioqui ad jus Successionis ab intestato, sicut hoc à Romanis ordinatum est, ita nihil ad ordinem rationemque Juris Naturæ propius accedere videtur; ut fluctuationes populorum, qui alias rationes sequuntur, indicant luculenter; ejusque rei illustre specimen Hollandia præbet, quæ singulis fere civitatibus & territoriis diversum hac parte jus servat, tanta omnes cum micatione varietatis, ut memoriam fallat & captionibus occasionem præstet: quare re videatur Grotius *Introduc. lib. 2. 28. part.*

59. Atque his ferè modis, jure Gentium acquiritur Dominium, cujus vim consistere diximus in Administratione & Alienatione, nisi quibus alterutra justas ob causas prohibita fuerit; quo pertinent omnes, qui sub Tutela Curaque sunt; de quibus hic agendi locus non est, etsi causa prohibitionum illarum sine dubio sit ex jure naturali & Gentium, ut qui rebus ipsi præesse nequeunt, aliorum auctoritate regantur.

60. Quibus administratio interdictitur, his æquè alienationem prohiberi consentaneum est: Sed hac parte plures sunt causæ, in favorem personarum maxime, quomodo pupillorum & minorum utilitas fere ubique gentium res eorum quæ à Tutoribus & Curatoribus libere administrantur, immobiles quidem,

dem, sine causa necessitatis ac decreto Magistratus alienari nequeunt. Nam de mobilibus, quæ servando servari possunt, etsi jus Romanum idem statuerit in l. 22. C. de Administr. Tut. usu tamen Gentium nec sine ratione, secus observatur.

61. Quibus Respublicæ & Universitates non immerito comparantur; Respublicæ, inquam, liberæ & municipales: De prioribus apud omnes populos receptum est, ne qui Rempubl. regunt omniaque libere administrant, è potestate sibi à populo suo delatâ, res tamen & bona Reipubl. alienare possint: *Domania* vulgò appellantur, quod in regnis quidem apud omnes Juris publici Scriptores indubitatum est.

62. Nam de popularibus Imperiis nulla ratio prohibendi alienationem subest, quia populus & Respubl. non sunt distinctæ considerationis. At Principes in voluntariis Imperiis (secus in patrimonialibus, ubi nulla prohibitio intellectum habet) tantum usufructu, cum Reipubl. ipsius administrandæ, tum bonorum quoque publicorum gaudet; cuius juri contrariam esse alienandi potestatem res ipsa loquitur.

63. Sed an optimates in Aristocratiâ jus alienandi bona Reipubl. habeant, magis de jure, quam de facto dubitari posse videtur. Nam ubique Optimates eam facultatem suo arbitratu exercere videmus. Nec enim Senatum Venetum, aut Ordines Hollandiæ, qui habent Aristocratiâ, si quid dominiorum Reipubl. alienare velint, populorum suorum adhibere consensum, palam est.

64. De Jure tamen hæc obstat ratio, quod Imperium & administratio Reipubl. non defertur illis alio modo vel jure, quam Regibus simpliciter constitutis, neque plus aut minus valeant quam Principes summâ & absolutâ cum potestate creati, quibus cum hæc alienatio

interdicta sit, unde vel quam ob rem Optimates hac parte plus valeant, haud obvium nec facile dictu videtur.

65. Siquidem in populis, qui de Regnis in Aristocratiâ redacti sunt, occasionem hujus juris inde natam scimus, quod sub Regibus populi jus in Ordinum conventu residebat, quorum consensu, in alienandis Reipubl. bonis sufficiebat; unde remotis Regibus, res in eorum voluntate substat.

66. Etsi reverà tunc ejusmodi accidit mutatio, per quam Summa Potestas, quæ in personâ Regis aut Principis fuerat, ad Proceres pervenit; nisi dicas Regium jus cum universo jure populi in Ordinibus sive Proceribus esse consolidatum, eosque jus populi, quod prius habuerant una cum jure Principatus, retinuisse: quam populorum opinionem adeoque tacitum esse consensum satis ex re ipsâ liquere videtur.

67. In popularibus Imperiis, ubi Rectores à populis constituuntur & jus ultimum Majestatis ab illis adhuc aliquâ parte exercetur, non est dubitandum, quin patrimonium populi sine ejusdem consensu alienari non possit, non magis quam in Principatu.

68. Hæc ita de Rebuspubl. liberis. Bona Civitatum aliarumque Universitatum, quæ non male pupillis comparantur in Jure Romano, non possunt etiam à Rectoribus eadem libertate alienari, quâ administrantur. Sed res eorum sunt duorum generum. Vel enim ad jus Regalium pertinent, vel patrimonialia sunt. Prioris generis sunt portus, flumina, viæ publicæ, muri quoque & portæ Civitatum, quia Jus muniendi & *Armandiæ*, quam vocant Feudales, ad Regalia pertinent, cujusmodi res nullo modo posse alienari, nulla dubitatio est.

69. Quare nec ejusmodi res, ob Universitatis debita, executioni subjectæ sunt,

sunt, nec si qua Civitas bonis cedere velit, etiam portis & muris suis, nedum viis & portibus cedere debet; quemadmodum Civitatem quandam in non ignobili Belgarum provincia consultam à Juris privati magis quam publici peritis, instituisse recorder.

70. Rectius alia civitas eodem incommodo aeris alieni subacta, cum bonis cedere vellet, non modo portas & muros, sed etiam Fora & Pontes, imo Curiam excepit; nec enim hæ res videntur esse patrimoniales, sed ad civitatem, quatenus liberæ membrum Riepubl. constituit, spectant, cujusmodi rebus se absque Summæ potestatis consensu exuere & ad membrum Riepubl. ex-

hibendum ineptam reddere non potest.

71. Sed bona patrimonialia, domus, agri, omniaque redditus stabiles civitati præsentia, ita demum alienari possunt, si consentiant ipsæ Universitates, sive major pars non tam Rectorum, quam Possessorum vel Civium à quibus Rectores constituuntur, vel quibus Universitas eam potestatem nominatim dedit, ut convenienter juri gentium est in *l. ult. C. de vend. rer. civit.* Quod etiam de hypothecis sive oppignorationibus, è quibus alienatio sequi potest & debet, intelligendum esse, ratio vult & Juris civilis sanctio in *l. ult. C. de reb. alien. non alienand. Dix. in Prælect. ad Pandect. Quæ respign. vel hypoth. dari non poss. n. 7. &*

CAP. VI.

De jure Possessionis & reliquis imperfectis jurbus in Re sitis.

Possessio quid & jus possessionis quid ab eâ differat, cum divisione Possessionis. Quomodo hæc acquiratur, amittatur, in heredes an transmittatur. Fideicommissi origo, definitio, divisio & usus. De naturâ Servitutis, Ususfructus & Emphyteuseos. Ad feuda transitus.

Egitur, ex modo instituti, de jure in Re perfectè constituto, quod est *Dominium*; sequuntur imperfecta jura, de quibus non est libera potestas administrandi, alienandi & ad heredes transmittendi; cujusmodi sunt *Fideicommissa*, *Pignora*, *Servitutis*, *Ususfructus*, *Emphyteusis* & similia.

2. Sed antequam illas species attingamus, committi non debet, quin de Possessione, quæ similiter est imperfectum jus, et si in Re non constitutum, post dominium, quatenus ad Juris Gentium & publici Universalis rationem pertinet (evidenter autem ad eam pertinet) breviter agamus. Et quidem Possessionis definitionem facit difficile varietas

& ambiguitas vocabuli, cujus septemplex usum apud Juris auctores exposuimus in *Prælect. ad tit. v. de Acquir. possess.*

3. Ex ratione Juris Universalis, dicendum videtur, Possessionem esse, *Detentionem rei corporalis, cum animo sibi aut alii recte habendi.* Nam et si Coloni, Commodatarii, Creditores, & Ususfructuarii, magis in possessione esse quam possidere dicuntur; quia tamen restent, cum hoc effectu, ut illis ante finem juris, quod in rebus habent, eripi non possint, nihil vetat illis adscribere possessionem.

4. Hoc enim est Jus Possessionis; ad pacem generis humani maxime perti-

nens; ne cui res possessa, priusquam liqueat, alterum habere jus potius, eripiat. Unde nihil decantari, quam possidentes se tueri commodo possessionis, & spoliatum ante omnia restituendum.

5. Jus autem potius, causâ cognitâ vel manifestâ, comparatis omnibus, judicandum, ut etiam colonus, commodatarius & cæteri nomine alieno in possessione commorantes habeant jus potius, non modo præ extraneis, sed etiam præ dominis res suas repetentibus, ante finem juris ad usum aut detentionem illis concessi.

6. Et si enim coloni vel commodarii contra dominos suos, jure civili, non habeant interdicta retinendæ possessionis, implorare tamen possunt officium judicis, si in usu juris sui, ante tempus & sine justâ causâ ab illis turbentur. Creditores autem & usufructuarii non carent etiam prorsus animo sibi habendi, ad tempus vel in certum eventum, si debitum in cujus securitatem pignus est datum, non solvatur: Imo dominus, furti reus est, illis auferendo possessionem, docente Justiniano in §. unde constat. 6. de Oblig. ex del.

7. Secundum hæc, Universalis & juris Gentium est *divisio possessionis in Naturalem & Civilem*, ut illa sit, quando quis tenet rem, cujus scit, se non esse dominum; civilis contra; Sed illa rursus est vel *justa* vel *injusta*; Prior, ut Creditoris, usufructuarii, Coloni & similia. Injusta, *Furum & Prædonum*.

8. Ergo tales etiam jure possessionis, ita ut est, vitiosæ gaudebunt? Gaudent jure Romano *l. ult. d. Acquir. poss. ratione non propria Quiritibus*, sed omnium gentium communis, quæ vult, ne quis suum aliter quam per judicem reposcat, sine discrimine, quo jure possessor rem detineat, ad evitanda bella & pugnas, quæ ex privatis occupatio-

nibus & ademptionibus evitari non possent, quia possessori vim vi repellere licet.

9. Quod si vis major illata resque ablata sit, in eo quod diximus, leges & mores omnium gentium conspirant, *spoliatos ante omnia restituendos*, id est, Antequam utrius sit res in proprietate, discutatur, possessori quod ablatum est in eodem situ restituatur.

10. Ex his apparet, *jus possessionis* esse diversum ab ipsa *possessione*. Nam hæc est detentio, sive actus primus detinendi rem corporalem. Jus possessionis est, facultas illam detentionem conservandi & eripere volentibus resistendi: plane sicut dominium discrepat à jure domini, quod est, administrare, alienare, vindicare; & Servitus à jure servitutis, quod est ire, agere, ac ita in cæteris.

11. Ne quis heic jus possessionis imaginetur, quod latius pateat, quam ipsa possessio; aut extet, ubi possessio non extat. Nec enim jus adipiscendi aut recuperandi possessionem rectè Jus Possessionis simpliciter appellatur; non magis quam jus crediti, quo quis ad dominium consequendum agere potest, jus Domini rectè dixerit.

12. Proinde qui hoc agit, ut possessionem adipiscatur, aut recuperet, illum non agere ex possessione, neque ex jure possessionis, etsi de possessione agat, manifestum est. Agit ex æquitatis jure, quo contendit sibi detentionem rei esse præstandam vel restituendam.

13. Unde perspicuum est, Possessionem non esse ejusmodi jus, quo manum rei, ubicunque sit, injicere possumus; quemadmodum Jus in re constitutum, quod dicitur, antea definitum est, in *cap. 5. n. 3.* ut alibi latius demonstratum est in *prælect. ad tit. Inst. de Interdict.*

14. Possessio igitur ut nostra sit, oportet

portet rem actu detinere, saltem actu primo, inquam; nec enim, ut actu secundo & exercito rei semper incumbamus, aut nobiscum ut testudines, circumferamus, humanarum rerum conditio fert.

15. Sed initium possessionis necessario debet esse ab actuali & corporali detentione, junctâ cum animo sibi habendi, si definitio *suprà* rectè collocata est; nec enim detinere est animo solo concipere detentionem, sed rem in manibus & in potestate habere, ac ideo quod jus Romanum tenet, possessionem *non nisi animo & corpore simul acquiri l. 3. §. 1. π. de Acquir. poss.* ex ipsa rei natura petatum & juri naturæ consentaneum est.

16. Quemadmodum æque rationi communi esse conveniens, ut animo solo per aliorum ministerium retineamus possessionem, haud minus expeditum & jam dici occupatum est.

17. Amissio possessionis quominus animo solo fiat, cum absque animo sibi habendi Possessio non consistat, nihil impedimento est, ut eodem jure Romano, convenienter juri Gentium, obtinet *d. l. 3. §. 6.*

18. Quo pertinet *Constitutum Possessorium*, quando quis, rem tenens & retinens, eam alii se possidere proficitur, quo facto ille fit minister alienæ possessionis, eaque re nihil est hodie frequentius.

19. Unde etiam constat, infantes & furiosos, qui tali animo carent, per se, possessionem acquirere non posse, nisi aut Tutorum aut Curatorum suorum ministerio *l. 1. §. 20. l. 32. §. 2. d. Acquir. poss.* Nec aliam Civitatum esse rationem, per suos Administratores *d. l. 1. §. 23. & sequ.*

20. Quod si tales aut aliorum Procuratores, officii ratione neglecta, diversum induant animum, neque se dominis

suis, verum sibi aliisve se acquirere profiteantur, instrumenti medio deficientes, non potest etiam dominis acquiri possessio *d. l. 1. §. 19. & 20.*

21. Nec aliud in amittendo, juris esse potest; si colonus, inquilinus, Procurator aliisve minister possessionis eam dereliquerit, aut in alium, etsi ignorante domino, transtulerit; cum hic possideat, alterum delisse possidere oportet. Idque non nisi jure positivo seu lege mutari potest, quod novissime factum à Justiniano in *l. ult. C. de Acquir. poss.*

22. Etsi quando minister rem modo dereliquit ab alio non occupatam, quominus eam primus adhuc animo possidere videatur, nihil obstat: Sed ut prioris animus pro possessione habeatur, ubi alius actu possidet, id utique non habet facultatem. Ac ita res est, etsi Juris civilis auctores nonnihil hac parte varient, de quo non est hic locus agendi.

23. Id verò præteriri non potest, ultra positio Juri Gentium melius conveniat; quod *morte possessio extinguatur*, in heredem nullo modo transmittenda; vel *quod in Heredem transeat* absque novo actu occupationis. Prior est Juris Romani; posterior, hodiernarum Gentium, saltem plurium sententia & consuetudo, juxta celebre dictum, sermone Francorum passim cognitum, *Le mort saisit le vif*, Id est, *Mortuus vivum mittit in possessionem.*

24. Sed hæc sola phrasis satis indicat, illam missionem in possessionem viventis à mortuo factam, esse figmentum juris positivi, & cum morte, possidendi actum etiam primum extinguere, novamque detentionem facto heredis inchoandam esse, jure naturali & Gentium.

25. Alioqui possessio consideratur ut jus abstractum, habens consistentiam sine actu saltem primo detentionis, quod ejus

ejus naturæ & definitioni *suprà* collocatæ adversatur.

26. Cæterum, illud jus & commodum possessionis, quo quis habet facultatem tutelæ publicæ, qualiceat ipsi rem detinere eaque frui, quamdiu alius eam jure non evertit, in hac imperfectâ Rerum publicarum constitutione & tarditate ac ambagibus judiciorum, non immerito magni momenti habetur.

27. Cum autem detentio in facto consistat, frequenter usu venit, ut eâ de re, violentæ concertationes oriantur: ac ideo ad publicæ quietis rationem maxime pertinet, de controversiis possessorijs, ne occasio rixis & pugnis detur, imprimis expedire jus dici, quod Legibus populorum diligenter cautum est.

28. Non esse Possessionem eam Jus in re constitutum, antea diximus; Et si, cum circa rem vertatur, in hoc capite omitti non potuit. Sed ex juribus ejus generis imperfectis primum hujus loci, occurrat *Fideicommissum*; quod est, *Onus rei impositum, quo is, cui per ultimam voluntatem, res primo relicta fuit, eam alii restituere debet.*

29. Romanis hæc ratio continuandi ultimas voluntates diu ignorata, sed in mentem venit, occasione personarum incapacium, quibus lege prohibitis capere testamento, hereditates & legata, ministerio alieno relinquebantur, rogando personas jure capaces, ut sibi relicta, aliis restituerent.

30. Sed cum brevi displicuisset hæc exclusio Legum, vindicatis Fisco rebus ita relictis, mansit tamen usus Fideicommissorum, transformatus in modum substitutionis, ita ut post mortem primi heredis aut legatarii, res ad alios perveniret; quod olim in potestate testamentum esse non credebatur, sed hodie perripit in morem & jus gentium, abiitque in varias species.

31. Est enim Fideicommissum Universale vel singulare; Illud de totâ, vel de parte hereditatis, hoc de rebus singulis. Utrumque vel expresse vel tacite relinquitur. In expresse sunt duæ institutiones heredis aut legatarii, quorum ab uno res ad alterum devolvitur. In tacito prohibitio alienandi respectu certorum hominum aut certæ familiæ, à quibus alienatæ res vindicari possunt; adjicitur.

32. Consequenter, Fideicommissum est dividuum vel individuum, perpetuum vel temporarium; de quibus differentiis hæc observatio est *hujus loci.*

33. Cum fideicommissa sint dispositiones in longum, minor est humanæ vis prudentiæ, quam ut omnes casus, è quibus dubia oriri possint, à testantibus prospici possint. Unde nulla fertilior est controversiarum seges, quam Fideicommissarium institutum, imprimis si dividua maximeque si perpetua sint.

34. Quæ res in causâ fuit, ut in mores & jus Gentium valide abierit, quod jure Civili dubium habetur, *Fideicommissa perpetua quarto gradu terminari*: quia merito ad Rempubl. pertinere creditur, ut litigiorum fontes aliquando præcendantur.

35. Quin si perpetua & dividua in rebus singularibus, ut Agris & domibus, condantur, Fideicommissis, res eo sæperedigitur, ut domus collabantur, atque possessiones in summam redigantur incertitudinem; cujus exitus non nisi sublato per rescriptum Principis onere Fideicommissi, deinceps reperiri possit.

36. Unde non immerito dubitari possit, an rationi juris Gentium, publicæque utilitati non esset convenientius, Testandi libertatem intra primam post obitum disponendi facultatem, quæ consistat in jure instituendi heredes legandique, & in casum, si primus, heres non fiat, substituendi, coerceri, quam per-

mittere patri, ut etiam intra pubertatem de bonis filii propriis & cuilibet Testatori, ut de bonis suis in æternum ac in infinitum disponere possit.

37. Prius quidem de Substitutione pupillari quæ dicitur, ut moribus populi Romani arbitrariis introducta fuit, ita plerumque moribus hodiernis Gentium abrogatum videmus. Posterius in pleno viridis observantiæ rigore manet: Imprimis id, quod ad conservationem & splendorem familiarum pertinet, ut sit facultas custodiendi bona vel cuncta, vel notabilia quædam adversus vim sævientis fortunæ vel prodigentis successorum, in usum atque subsidium posteritatis.

38. Hæc de Fideicommissis collocata sufficiant. De Servitutibus rerum minus adhuc præsentis instituti in hunc locum congruit. Digitum intendisse sat erit. Est Servitus nihil aliud, quam *Jus in Re aliena constitutum, quo dominus alicui in nostram utilitatem pati, vel non facere cogitur.*

39. Debetur autem nobis, ratione Rei vel ratione personæ. Unde servitus est realis, vel personalis. Illa, quæ nobis ut possessoribus prædii Rustici vel Urbani competit aliquid juris in prædium vicinum; velut, eundi, agendi, vehundi, aquam ducendi, pecus ad aquam appellendi; nec non immittendi stillicidium vel flumen, prohibendique, ne altius tollat ædificium suum, ne luminibus nostris officiat, & similia.

40. Ex eo, quod talia nobis jure servitutis debentur, intelligimus, neminem ejusmodi jura in alienis rebus, sine causa servitutis acquisitæ, exercere posse; ne quidem innoxie, si quis hanc obtendar, utilitatis causâ; nec quidem si absque incommodo suo re aliena carere nequeat: opus est tamen consensu domini impetrato, cui id excusare vel reculare,

quatenus alieno incommodo jus alterius non impeditur, licet:

41. Nisi Magistratus publicæ utilitatis causâ, vel ne malitiis indulgeatur, partes suas interponat, quo minus agricultura vel commercia impediuntur; aut homines summo jure per injuriam vexentur.

42. Quo pertinet Petronæ Constantinopolitani exemplum, qui structa domo magnifica, viduæ cujusdam lumina penitus obscuraverat, quod sane cum nullam servitutem vicinæ deberet, si modo vicinâ superficie abstineret, ei licebat, per l. 8. C. d. Servitut. l. 9. & l. 14. p. d. Servit. urb. Theophilus tamen Imperator ad eum tulit ægrè, quod per luxum pauperi viduæ insultasse videretur, ut domum destrui, hominemque publice per vicos flagris cædi jussit, ut ex Manasse probavimus & illustravimus in *part. 1. lib. 4. Digress. cap. ult.*

43. Usum Servitutis consistere in Utilitate diximus, eaque vel Rei vel personæ. Proinde servitus est realis aut personalis. Et in priori, quæ per excellentiam Servitutis dicitur, utilitas excedere non potest usum prædii: nec valet, instituta commercii, aut etiam voluptatis causâ l. 8. l. 19. de Servit. l. 5. d. S. R. in fin.

44. Sed an non hæc est positivi juris subtilitas, cum in jure Gentium nihil sit, quod talia ex ipsis prædiis concedi prohibeat? non est tamen ita, sed ad ipsam rei naturam hæc à Juris auctoribus satis presse exacta videntur. Personalis obligatio de quibuslibet rebus non turpibus contrahi potest, sed jus in re, quod rem adficiat eique inhæreat, non nisi rei nature conveniens imponi potest; nec rei quicquam, nisi reale, deberi potest: non voluptuarium, non commerciale; nec quod ejusmodi est, inter rem & rem intercedere potest.

45. Eadem ratio dicitur, naturam Servitutis

virutis in faciendo consistere non posse. siquidem faciendi qualitas in rem, in prædium nullo modo congruere potest: Ideoque & illud ad rei naturam expressum est, servitutis usum in patiendo vel in non faciendo consistere. Si quod faciendi jus rei imponatur, ad hoc persona constituentis ejusque heredes obligantur; prædium ipsum non adscitur, ideoque adversus tertium inde possessorem agi non potest, qua in re servitutis efficacia consistit.

46. Ne quidem in Servitute personali, quales sunt Ususfructus, Usus & Habitatio, faciendi qualitas usu venire potest: Sed quia personæ debetur, & hæc voluptatis atque commercii capax est nihil vetat, emolumentum Ususfructus ad voluntatem quoque & ad commercium adhiberi.

47. Est enim Ususfructus, Percipiendo jus omnis emolumenti ex rebus alienis, cum vitâ finiendum, salva rerum substantiâ. Verum Servitus *Usus* quæ dicitur, ut à Romani Juris auctoribus est prodita, solam continet necessitatem, & à commercio usque voluptuario remotus est: quas Servitutes ita quidem distingui nihil vetat, ex ratione juris Gentium; Attamen vix est, ut eodem jure Gentium positivo, discrimen illud receptum sit; quia determinatio necessitatis illius, ab utilitate reliquâ separatæ, tam lubrica & intricata foret, ut parum absit, quin usugentium Servitus *USUS* ignorata aut improbata sit: Exemplum certe nullum unquam cognovimus.

48. De ususfructus natura participat Emphyteusis & Feudum. Emphyteusis enim, si jus constitutum, à conventionne qua constituitur, separes, ita finiri

potest. *Jus quoddam utendi fruendi re immobili alienâ, sub Lege pensionis annue quam diu illa solvitur, & res tota non interit.* Ita medium jus est, inter Dominium, & usum pro mercede, vel usumfructum gratuitum.

48. Duplex usus, propter quem hoc jus sit introductum, esse videtur. Primus, ut agri inculti, quos Domini solitis conditionibus locare non poterant, jure dominio proximo, & pro modicâ pensione, in perpetuum transferantur.

49. Alter usus, ut, qui rebus suis ipsi commodè superesse non poterant, alios quasi in partem domini, quod utile dictum est, admitterent, ut ratio Mei & Tui illos in re custodienda faceret diligentiores. Quâ causâ Principes & Civitates hujusmodi agros vectigales sive emphyteuticos frequenter exercere videmus.

50. Hæc ita levi manu attingisse sufficit; De pignore, deque Superficie & jure Censitivo quod dicitur, similibusque in Re constitutis juribus, omnino supersedebimus, quia nihil de illis à privati juris rationibus separatim heic collocandum habemus.

51. Sed de *Feudis*, quæ non procul ab Emphyteusi recedunt, hujus disciplinæ ratio postulat, ut latius agamus; Cum enim usus eorum omni Europâ ferre sit Universalis, exceptis Angliâ & Frisiâ; tamen apud nos haud penitus ignorentur; à jure publico Universali, quod est præ manibus, omnino dividi non possunt. Ergo sectionem de illis propriam operæ pretium erit, complecti. Agemus id & breviter & perspicue, ut erit facultas.

S E C T I O V.

De FEUDIS.

C A P. I.

De Feudi definitione, & divisionibus.

Definitio, etymologia & Origo Feudi. Divisio in masculinum & Femininum. Novum & Antiquum. Nobile & ignobile. Ecclesiasticum vel seculare. Corporale aut incorporale. Ligium vel non ligium. Hereditarium, vel ex pacto & providentia. Temporale vel perpetuum. Dividuum vel Individuum, denique proprium vel improprium.

Definitio Feudi sit hujusmodi, *Jus quoddam utendi fruendi re immobilis, ex beneficio domini, sub lege fidei constitutum: Ususfructus vocatur in lib. 2. F. 1. 42. sub f.* Sed improprie, ac ideo dicitur jus quoddam utendi fruendi, quia differt à simplici Ususfructu, per Legem fidei, & quod ad posteros transmittitur.

2. Nomen Feudi est à fide, longobardicè *fede* 2. F. 3. in f. vel à Germanico *Feida*, quod bellum significat, etiam Longobardis, qui fuere Germani. Feuda enim à belli usu originem habent, unde *κτῆματα στρατιωτικά*, *prædia militaria* vocantur hujusmodi Possessiones, apud Harmenopolium 1. *epitom.* 16.

3. Victores enim antiqui agros & prædia jure belli publicata, suis ducibus & militibus in præmium assignabant, ut inde se suosque in armis exhiberent, evocatique dominis suis præsto essent, ad quam originem potius quam ad universam Feudorum naturam pertinet Hottomanni definitio Feudi; quod sit, Clientela militaris, eâ lege contracta, ut cliens pro beneficio accepto, militarem operam præbeat, vicissimque Patronus

suam illi fidem & benevolentiam præstet *disp. Feud. c. 4.*

4. Hoc autem institutum vespertissimi omnium gentium usus. à Germanis, cum pleraque Europæ ditiones occuparent, præ cæteris, & à Longobardis maxime in Italia stabilitum, ibique in disciplinam celebrem redactum est, auctoribus imprimis Gerardo Nigro & Ober-to de Orto, Jurisconsultis & Consulibus Mediolanensibus.

5. Sed usus Feudorum, deinceps, ut fit in rebus humanis, admodum auctus & mira varietate indutus est: Unde variae species, quæ distingui possunt in summâ, quod vel sint ab Origine desumptæ, vel à materiâ, vel à formâ, vel à quibusdam aliis qualitatibus.

6. Ab origine sunt tres divisiones. I. Feudum est masculinum, vel femininum, prout à mare vel à femina primo est acquisitum, et si aliàs femineum est, in quo femina quoque succedunt, c. *nov. pr. 2. feud.* 30. Ei quidem in dubio præsumitur esse masculinum, pro natura fidei & servitorum.

7. II. Feudum est novum & Antiquum.

quum. Novum est, cujus causam acqui-
rens non habet ab alio, sed immediatè à
domino &c à se ipso. Antiquum, cujus
causam quis non habet à se ipso, sed ab
alio, qui primus Feudum acquisivit *c.*
un. vers. novam invest. 2. F. 32. hoc etiam
Paternum dicitur. In dubio, possiden-
te vasallo, præsumitur antiquum.

8. III. Feudum est vel Nobile vel
ignobile. Prius Nobilitate excellit, quod
in dubio præsumitur 2. feud. 10. Ignobile
contra intelligitur. Nobile rursus aut
Regale, vel non Regale vocatur; Illud
quod Summi Principis auctoritate con-
cessum est, cum dignitate regali, voce
latius acceptà, ut non modo Regnum,
sed etiam Electoratus, Ducatus, Prin-
cipatus, Marchionatus, Comitatus &
Baronatus intelligatur. Denique, omnes
qui Capitanei dicuntur, Regale feudum
habere censentur 2. F. 24. *in pr.* Non Re-
gale quid sit, è Contrario intelligitur;
&c hoc qui habent, Valvasores simplici-
ter vocantur. *d. c. 34. in pr.* etsi Valva-
sorum quoque generalis appellatio est 1.
F. 1. *in pr.*

9. Ratione *materiæ* sunt duæ divi-
siones summæ: I. Feudum, est vel Eccle-
siasticum vel Seculare. Ecclesiasticum
variè sumitur, à personis constituentibus
1. F. 1. *in pr.* Ab his, quibus con-
ceditur 2. F. 40. maxime à rebus, in qui-
bus feudum constituitur, si res Ecclesiæ
sint 2. F. 35. plerumque autem illi respec-
tus concurrunt. *dd. II.*

10. II. Feudum est rei corporalis aut
incorporalis, quæ pro immobili habetur;
ne à definitione abludat hæc divisio. Ex-
primitur etiam histerminis, *in Curte vel*
extra Curtem. In *Curte* dicuntur Feuda
jurium rebus coherentium, quæ res
manent ipsæ in *Curte*, sive Palatio con-
cedentis. Extra *Curtem*, sunt Feuda
prædiorum, quæ extra domum conce-
dentis, possessione transferantur in alie-
nas manus 2. F. 51. *in pr.*

11. Feudum in *Curte* dicitur, de *Ca-
merà* vel de *Cavenà*. 2. Feud. 2. §. 1. Illud
est stipendium vasallo à domino concess-
um, è *camerà*, id est, ærario suo; vo-
catur etiam *Soldatæ*, à præstatione so-
lidorum 2. F. 10. *in f.* Hoc vero, præsta-
tio victus è *cavenà*, id est, è cella domi-
ni. Cujac. *ad d. c. 2. §. 1.* Utrumque me-
re gratuitum esse potest, sub lege fidei,
sine ullo onere: Utrumque morte dan-
tis & accipientis finitur *d. c. 10. in f.* Sed
Feudum Habitationis morte solius acci-
pientis finitur 2. F. 105. Verum hæc spe-
cies à naturâ Feudi ordinaria satis notabi-
liter, ut apparet, discrepant.

12. Ratione *formæ*, Feudum est vel
Ligium, vel non ligium. Feudum ligium
est, pro quo vasallus domino fidelitatem
debet, advertius omnes, Deo & Impe-
ratore exceptis 4. Feud. 99. à ligando di-
ctum. Exceptio Imperatoris est in *l. 2.*
F. 1. 55. in f. Etiam Pontificis Romani
2. F. 101. Inde sequitur, Vasallum Li-
gium habere non posse, nisi Imperato-
rem vel Regem aut Principem, qui nul-
lum habet superiorem. Item duobus ne-
minem ligio Feudo teneri posse 2. F. 52.
§. 2. & *c. 99.* ubi tamen id ipsum, per
facultatem Substituti, respectu alterius,
datam, videtur eludi. Quid sit, non
Ligium feudum, ex oppositione colligi
potest.

13. Celebris est divisio Feudi in *Here-
ditarium*, & *ex Pacto* & *providentiâ*. He-
reditarium vocant, in quo transmissionis
ad heredes fit mentio, quam ex disposi-
tione juris communis procedere volunt.
Ex pacto & providentiâ dicitur, in quo
filiorum & sanguinis mentio fit tantum,
ubi successio vadit ex dispositione juris
Feudalis. Sed verius est, hanc divisi-
onem eo sensu non esse accuratam, sed
mentionem heredum in constitutione
Feudi, pro materia subiecta esse intelli-
gendam. Et cum regulariter Adscen-
dentes,

dentes, feminae, cognati, adoptivi, naturales à successione Feudi excludantur, ut *infra* videbimus; heredum vox eo modo quem rei natura fert, capienda videtur, pro filio sive masculo, quod & probatur, 1. F. 13. *vers. Et si clientulus.* 2. F. 34. §. *similiter v. ubi, si habeat* 1. F. 1. §. *cum vero.* 2. F. 18. & 26. §. *fin.* Plane, quominus pactis specialibus Successio Feudi ad juris communis regulam disponatur, nihil impeditenti est, sed eo quem diximus, sensu, Divisio non videtur habere facultatem.

14. Ex aliis qualitatibus, Feudum dividitur I. In temporale & perpetuum. Temporalia primitus erant omnia Feuda, semper ad libitum domini, instar precarii; dein ad annum firma fuere, postea ad vitam, denique ad filios, postremo ad omnes posteros inares continuata sunt 1. F. 1. §. 1. Et sic hodie Feuda pleraque sunt perpetua, exceptis, quae in Curte diximus, & quae specialiter ad tempus, vel ad beneplacitum concessa fuerint.

15. II. Feudum est dividuum vel individuum. Et quidem dividua sunt pleraque, inter eos, qui ad successionem vocantur. Sed Regalia sunt individua 2. F. 55. §. *firmiter vers. Praeterea*, quod consuetudinibus dein ad Regale proprium fuit restrictum; reliquis Principatibus in Germania & Italia dividi so-

litis; quod tamen novissime plerisque familiis illustribus merito displicuit. Aliubi, ut in Hollandia, Feuda generaliter individua sunt, Neostad. *Obs. Feud.* 8. 9. Grot. 2. *Introd.* 41. n. 3. ubi & distinctio Feudi in bonum & malum. Hoc appellant, in quo soli mares primogeniti descendentes admittuntur, absque jure representationis. Feudum bonum vocant, quod non redit ad dominum, quamdiu ullus è cognatis superest, ut Grotius *ibidem*.

16. III. Feudum aliud est Proprium, aliud Improprrium. Illud, quod ad communem Feudorum naturam est conformatum, quod & rectum à multis vocatur; licet alii Rectum dici putent, à causa, quasi Legitimum, & bona fide iustoque titulo quaesitum. Improprrium variae sunt species. Supra habuimus, Feudum è Camera & è Cavena; atque Habitatio- nis. Huc etiam pertinet Feudum Guardiae & Gastaldiae 1. F. 2. Prius est custodia praedii, pro mercede. Alterum, pro- chratio praedii, aequè pro mercede. Utrumque post annum auferri potest 4. *cap.* 2. ibique *Cujas*. Est etiam Feudum Advocatiae, cujus mentio fit. 2. F. 27. §. 5. Utrum verò sit pecuniarium, an praediale non exprimitur; causam designante vocabulo, quod defensionis & patrocinii gratia concedatur.

C A P. II.

De Constitutione Feudi.

A quibus Feudum constitui, à quibus acquiri possit. Quæ in Feudum dari queant, & quid illis cohæreat, ubi de jurisdictione. Causas constituendi esse Pactiones & stipulationes, etiam posse ultimas voluntates. Modum acquirendi esse Investituram, quæ exponitur, & Præscriptionem. De juramento Fidelitatis & de Servitiis.

IN Constitutione Feudorum agendum est de Personis, de rebus & de modis. De personis tam constituentium, quam his quibus Feudum conceditur, videndum. Constituire possunt Feudum novum, omnes qui non prohibentur, & rerum suarum administrationem habent, etiam feminæ, 2. Feud. 3. Plerumque ita, ut constituentes beneficium tribuant vassallis; Sed deinceps invaluit, ut multi sua prædia Principibus deferrent, à quibus eadem rursus in Feudum acciperent, varias ob causas, de quibus ad Hollandiam quod attinet, vid. Grot. 2. Insrad. 41. n. 13. 14. Prohibentur igitur, qui alienare non possunt; siue dominio careant, ut Tutores, Curatores & Procuratores; multo magis, qui nihil juris in re habent; siue pupilli & minores & quicumque sub Curatoribus agunt.

2. Accipere Feudum novum possunt omnes d. c. 3. etiam qui dare prohibentur, ut infantes & furiosi per suos Tutores & Curatores, etiam filii-familiarum; sed hoc ex ratione juris civilis, ita, ut ususfructum Patri suo, jure Patriæ potestatis, acquirant, l. ult. C. de Usufr. Feudum eidem quoque, dum in potestate sunt, acquirere videntur, cum nihil jure Feudali contra statutum reperitur. Infames etiam, recte donantur Feudo, nisi dignitatem habeat conjunctam, per l. 2. C. de Dignit. Neque non Clerici,

modo servitia non imponantur Feudo, quæ ab illis præstari nequeant, aut officia illorum impediunt. d. c. 3.

3. Quin etiam superiores ab inferioribus Feudum accipere possunt, iisque fidem & servitia debere, saltem per substitutum; aded ut Imperator ipse eâ lege teneatur 2. F. 100. Quemadmodum plures alii Reges & Principes, vassalli sunt aliorum, ut ex Historia constar. Quod autem Imperator Romanus Pontifici fidelitatem in d. c. 100. post Deum, ut habetur *ibi*, debere dicitur, id de Spiritualibus, ut Vicario Christi, qualis *in xpo* *in vi*, pro superstitione temporum, est intelligendum.

4. Res, in quibus Feudum constituitur, sunt corporales & immobiles, iisve cohærentes vel æquipollentes, ut sunt jura, Soli rebus adnexa 2. Feud. 1. §. ult. Huc igitur pertinent, fundi, ædificia, sylvæ, horti, metalli alique fodinæ; castra quoque, pagi, urbes, territoria, Provinciæ cum titulis dignitatum. Mobilia scilicet, nisi rebus immobilibus cohæreant, vel iis accedant, in Feudum dari non posse, nisi admodum improprie, inde jam satis liquet.

5. Si queratur de rebus concedenti cum aliis communibus, de rebus alienis, accipientis propriis & generaliter omnibus, quarum alienatio Lege vel testamento, vel denique pactione prævia prohibi-

prohibita est, eas nec in Feudum dari posse, cum hæc etiam species alienationis sit, omnino statuendum est, 2. F. 3. *junctâ l. ult. C. de reb. alien. non alienand.* Neque tamen refragmur iis, qui pari sensu & iisdem casibus, quibus illæ res jure civili possunt vendi, etiam in Feudum dari posse videantur, quod è juris civilis rationibus petendum heic loci explicari non potest.

6. Proinde res alienæ, jure quidem in Feudum dari non possunt 1. Feud. 9. & 2. F. 35. Nisi consentiente possessore, & ejus successoribus. In futurum autem aut in casum, si præsens Possessor sine herede Feudi capace decedat, sine præjudicio ipsius, dum vivat, ejus Feudum à domino in alium conferri posse videtur. 1. F. 27. §. 1. quod tamen in Feudis Ecclesiasticis non procedit, 1. F. 3. & 9. Item 2. F. 25. §. 1. & 35.

7. Accedunt autem rei in Feudum concessæ non solum quæcunque nominatim expressa sunt, verum & alia, quæ rei concessæ necessario coherent. Qua parte quaesitum est, an castra, vel pago cum jurisdictione concessio, Imperium, quoque vasallo concessum intelligatur; quod de Imperio minore sive mixto, non habet dubium, cum sine eo nulla sit jurisdictione 1. ult. π. d. off. ej. cui mand. est jurisd. De majore sive mero Imperio secus est, cum, quia hoc non est jurisdictione, ex usu juris communis, l. 3. π. d. Jurisd. tum quod nulli quam cui specialiter nominatimque datum est, competit l. 1. π. d. off. ej. cui mand.

8. Quæ si adjectum sit, cum omnimoda jurisdictione? Ex ratione juris civilis adhuc idem dicendum l. 16. de Jurisd. Sed cum in usu fori prævaluerit hæc sententia, duas esse Jurisdictionis species, Civilem & criminalem, vox omnimoda non potest habere vim suam, nisi utraque species; quam in forensi tri-

tura sub eâ comprehendunt, adeoque & Merum imperium intelligatur. Quod si Feudum vetus vel castrum, habens jam pridem merum Imperium, alicui detur in Feudum, in hunc, Castrum, sicut est, adeoque merum etiam Imperium transire, non videtur dubitandum.

9. Porro modus Feudi primum constituendi differt à causis, eodem fere sensu, quem in dominio acquirendo Interpretes Juris communis observant; ut causæ sint tituli, quibus Feudi jus acquirendi fundatur; Modus sit Causa proxima, per quam Feudum in actum & in esse, quod ajunt, constituitur. Causæ igitur sunt Pactiones & Stipulationes aliique tractatus, quibus aliquis ad Feudum alteri concedendum obligatur. Quominus etiam in ultimâ voluntate quis heredi suo injungat; ut Feudum alteri concedat, ut de Usufructu, Servitute, Emphyteusi aliisque juribus fieri constat, nihil ob stare potest.

10. Modus, sive causa proxima vocatur Investitura, quæ nihil est aliud, quam solennis Feudi Cessio, ut optime Cujacius, aliquanto melius, opinor, quam ut alij, Contractus, quo id agitur, ut Feudum sit: Obertus de Orto possessionem proprie Investituram, Cessionem illam solennem improprie sic appellari scripsit in lib. 2. tit. 2. & 33. Ut ex ejus sententia; Contractus Feudalis sit causa Feudi constituendi, Investitura modus, quo ipso actu acquiritur vel traditione presenti, vel ejus representatione solenni.

11. Solennitas consistit in hoc, ut adhibeantur testes, minimum duo, qui sint Pares Curie; id est, Convasalli, ab eodem domino Feudum in eadem conditione recognoscetes; qui si abint, expectandi, si desint aut adesse nequeant, extranei testes capiendi sunt 1. F. 26. & 33. Coram quibus Dominus voluntatem

tem suam declaret, simulque possessionem ipsam, vel re feudali non præsentem, corporeum aliquid, ut hastam vasallo, vel ejus Procuratori 2. F. 3. §. 1. in med. & 2. F. 58. §. 2. tradat d. cap. 33. Si talis investitura vel in re præsentis, vel actu solenni non fiat, sed dominus vasallum simpliciter Feudum tenere jubeat, id ultra vitam accipientis non extenditur 1. F. 25. pr. Testes iidem Instrumento adhibentur; Sine quo tamen subsistere Feudum probatur ex 2. F. in pr. vers. nam si instrumentum defecerit.

12. Si de Investitura vel instrumento non constat, at per triginta annos alienum prædium aut territorium quasi jure Feudi, continuo possessum fuerit, ea præscriptione Feudum, non minus quam per investituram acquiritur 2. Feud. 26. §. Si quis per xxv. Ubi additur, si *Servitium domino præstiterit*, quod sufficere videtur, si dominus semel receperit 2. F. 33. vers. *Inde etiam*. Ubi & unius anni præscriptio memoratur, ad fundandam præsumptionem investituræ factæ, si dubitetur, an facta fuerit, quæ contrariis argumentis refelli potest: quibus non extantibus, annalis præscriptio jurejurando vasalli confirmari potest d. c. 33.

13. Præscriptio decem aut viginti annorum, quæ jure Communi res immobiles acquiruntur, in Feudorum Consuetudine recepta non fuit, nec usquam exprimitur, nisi quod in l. 2. Feud. l. 87. longi temporis præscriptio, quæ jure civili est x. vel xx. annorum memoratur; & ex hujus usu juris de triginta annis accipienda videtur. Sed requisita, quæ in præscriptione longi temporis jure communi nota sunt, justus titulus & bona fides, (etsi de titulo magis ambigitur) in præscriptione Feudi triginta annorum adesse debent; nec qui malam habet si-

dem, ullo tempore præscribere potest d. cap. 87. quod ex jure Canonico petatum c. pen. in f. & c. ult. de Præscript. c. literas §. Porro de Restit. Spol.

14. At tamen hæc requisita in præscriptione temporis immemoralis cessare, dictum necessarium est; siquidem qui memoriam initii extare negat, ut facit is, qui in immemoriali præscriptione fundat, non potest ad tituli justis bonæque fidei probationem teneri, quæ de re diximus in *Vindic. Ameland. cap. 8. & seqq.* Rursus tamen animus habendi rem feudi jure, declaratus, est requisitum omnis præscriptionis necessarium: Unde, si res quasi pignus possessa fuerit, præscriptio non procedit; Quid a. juris tum sit, cognosci potest ex c. un. F. 28. cujus interpretatio tamen non est extra controversiam.

15. Investituræ facta, nec prius, tenetur vasallus, ad juramentum Fidelitatis, cujus argumentum est in 2. F. c. 4. & 5. 6. 7. Quod sineget, se præstiturum, Investitura quoque, licet promissa, negari potest d. l. 2. c. 3. in f. & cap. 24. §. 1. præstatur autem per se, vel per procuratorem speciali ad hoc mandato instructum 2. F. 3. §. 1. in med. 2. F. 58. §. 2. vers. *Item Investitura*; qui tamen textus de Investiturâ, non de jurejurando loquuntur: quo tamen usus & communis Dd. sententia hanc substitutionem extendit. Quominus tamen pacto remittatur hoc jusjurandum, nihil obstat, modo fides præstetur, quæ nullo modo abesse potest 2. f. 3. in f.

16. Juramento præstito, vasallus tenetur ad servitia quælibet honesta pro conditione Feudi & personarum, domino vocanti & petenti præstanda 2. F. 26. §. licet vasallis, & c. 28. §. 1. maxime in bello, si oppugnetur dominus, indistinctè bellum inferenti, sub limitatione, nisi aperte injusta belli causa fuerit

H h h

2. F. 28.

2. F. 28. *in pr.* Idque contra omnes, ne fratre quidem filioque & Patre exceptis, nisi feudum vassallus amittere malit *d. c. 28. in f.* Dominus tamen sumptum prorogare debet, extraordinarium, maxime, si foris operam bello navent. 2. F. 107. Possunt etiam mittere substitutos, Vassalli, domino gratos, aut dimidio redditus annui, quem ex feudo percipiunt, defungi 2. F. 55. §. *firmiter* 1. cum quo non satis convenire videtur locus 2. F. 40. *fin. pr.*

17. Servitiorum obligatio pactis restringi potest, ut certum aliquod & determinatum præstetur 2. F. 2. §. *preterea*. Et *cap. 22. in fin.* cujusmodi feudum castrense burgleem / hoffsleem / vocatur; vel convenire potest, ut annua pensio, quod Servitium reale vocant, præstetur, vel denique nullum penitus, quod est Feudum francum, quomodo pleraque hodie feuda concedi Feudista tradit 1. F. 104. cum originalis natura feudi sit, ut vassallus & ejus heredes domino fideliter serviant. 2. F. 2. *in fin.* Ergo tale non est, & nulla servitiorum mentio fit facta; tunc

enim est indeterminatum & generale præ natura feudi, *d. c. 2. in fin.* sed oportet claris investituræ verbis exprimat, liberum à servitiis & francum esse Feudum? Alioquin non potest non retinere naturam suam *d. c. 32.* quod tamen an ita se habeat usu recentiore, postquam pleraque Feuda sine servitiis habentur, juxta *d. c. 104.* merito dubites.

18. A præstandis servitiis, excuset necessitas impedimenti, ab ætate vel pupillari vel senili, scilicet ultra Lxx. annos, vel à morbo, hæctenus, ne in propria personâ dominis præsto sint, Substituti quominus mittantur, etsi de pupillis aliter quidam volunt, nihil obstat 2. F. 26. §. *si quis decesseris*. Paupertas innocens excusat à sumptibus etiam ordinariis, ab ipsis personalibus servitiis non æquè *arg. l. 18. de Oper. Libert.* Ut ipsum dominum ad paupertatem redactum alat Vassallus, nusquam obligatus legitur, nec à libertis qui Patronum alere debent, *l. 5. §. 18. & seqq. d. Agnosc. aut al.* tuto satis arguementere; nisi compensationem servitiorum remissorum huc applices.

C A P. III.

De Usu, Successione, & alienatione Feudi.

Quid juris Feudum tribuat. Successionem Feudi esse Legitimam, non Testamentariam. Feminas regulariter non admitti, nec ad servitia inhabiles, nec illegitimè natos; nec Adscendentes, nec collaterales primi acquirentis. De Prohibitâ testandi & alienandi Feudi potestate. De renovatione investituræ & de Subinfeudatione.

Vidimus, quid sit Feudum, quotumplex, & quo pacto primum constituitur, id quod Novum dicitur. Acquisito vassallus utitur fruitur, jure dominio proximo, quod utile vocatur ab Interpretibus, & omnia complectitur, quæ ex re feudali secundum ejus naturam proveniunt, etiam onera cuncta, non secus

atque de usufructu, ac etiam de Emphyteusi, jure communi constat, quo pertinet etiam Quæstio de thesauro in fundo feudali, aut vectigali invento, quam vid. in *Prælect. ad tit. x. Si ag. vectig.*

2. Regalibus etiam, siquidem specialiter ab eo qui potest dare, concessa fuerint, utitur vassallus, qualis recensentur

2. F. 96.

2. *F. 96.* Quod si Princeps concesserit Feudum, cum omni jure, quod in Castro vel in pago habet ipse, Regalia comprehensa videntur, salvo tamen jure Summæ potestatis. Ideoque Superioritas, quam vocant Territorialis, non competit vasallo, nisi nominatim expressa fuerit, ut ea gaudent Principes & Civitates Imperii Germanici; quod tamen fieri non posse, nisi ab his, qui jure patrimoniali tenent Imperium, vel ipsorum populorum consensu, ex iisque *libro 1. de jure Imperantium & Subditorum dicta sunt*, omnino statuendum est.

3. Agendum de transmissione Feudi ad heredes, quæ sensim recepta fuit, ut Feudum docet in *l. 1. F. c. 1. §. 1. & seqq.* Est autem hæc transmissio, sive Successio Legitima tantum, non Testamentaria *1. Feud. 8. 2. F. 11.* Gradibus expresscripto juris civilis potius, quam Canonici computandis *1. F. 1. §. 4. Verb. secundum usum ab antiquis sapientibus constitutum 2. F. 37. c. 1. in fin.*

4. Primo igitur vocantur Liberi, naturales & legitimi simul, sine discrimine suorum & emancipatorum, in æquales partes, jure tamen post primum gradum representationis *1. F. 8.* salvo etiam jure primogenituræ in feudis individuis & regalibus *2. F. 55. §. 1. vers. præterea*, quod tamen usu in omnibus Feudis regalibus non observari, diximus antea, & in singularibus locis multa singularia vigent, ut de Hollandiâ Grotius *2. Introduct. c. 21.*

5. Filias, utpote servitorum incapaces admitti in Feuda, non placuit, nisi Feudum sit femineum, id est, specialiter dictum fuerit, ut ad eas quoque pertineat *1. F. 1. §. 3.* quo tamen expresso, aliter non admittuntur, quam masculis deficientibus liberis *2. F. 30.* Nisi datum sit Feudum ad certum genus Servitii, quod mulieres æquè obire possint ac viri, quo

casu feminae cum viris, etsi non sint comprehensæ, admittuntur, quemadmodum etiam, si dictum sit, ut feminae sicut viri, admittantur *2. F. 104.* Denique, pacto deinceps & consuetudine in familia vasallorum, quasi tacito domini consensu, id introduci posse receptum est: cum alioqui generaliter ita, ut de primâ constitutione dictum est, accipiantur *2. F. 17. & 51. §. similiter.* Feminas autem semel exclusas, semper intelligi exclusas, neque deinceps admitti, sed ad dominum reverti Feudum traditur in *1. F. 6.* etsi multis id ut durum & iniquum displiceat.

6. Inter mares etiam excluduntur, qui ad Servitia sunt inhabiles, ut Clerici, qui feudum, quod prius habebant, etiam amittunt *2. F. 26. §. clericus verb. hoc ipso. 2. F. 30. V. ex hoc illud. 2. F. 21. & 36.* ubi comparantur cum feminis, mutis & surdis, adeoque ne per substitutum quidem admittuntur. De muto quod feudum amittat, est textus in *1. F. 6. §. ult.* nisi quod de magno feudo alimenta ei relinquuntur; cui è diametro adversantur Obertus & Gerardus alique statuentes, mutum etiam ita natum retinere feudum paternum; saltem de postea facto muto non dubitatur *2. F. 36.* idque magis æquitati est consentaneum.

7. Filius amittit successionem feudi paterni, si nolit esse heres patris sui in allodialibus, id est, non feudalibus bonis, eaque ad agnatos transmittitur, absque necessitate adeundi hereditatem ultimi possessoris, nisi filius, agnatis consentientibus, novam à domino impertraverit investituram *2. c. 45.* Proinde, si filius à Patre justa ex causa sit exheredatus, à feudo quoque exclusus videtur *arg. 1. c. 27. §. 2. vers. præd. mod.* quemadmodum etiam, si Patris culpa vel delicto Feudum sit commissum, ad filium transire non potest *2. c. 26. §. si vasallus culpam.*

8. Filii non ex jure matrimonio sus-

H h h 2

cepti

cepti in Feudo non succedunt, quales adoptivi 2. *Feud. 26. §. Adoptivus*, Et naturales, etsi legitimated *d. c. 26. §. Naturales*, ubi simpliciter ita, nec ulquam aliter scriptum; Etsi multis, delegitimatis per subsequens matrimonium, secus videatur. Nati è matrimonio ad *morgematicam*; id est, quorum mater hac lege ducta est, ne liberi ex illâ nascituri plus quam Pater illis pacto nuptiali adixit, habeant, etiam à Feudis excluduntur 2. *f. 29*. Etsi aliter scriptum est *d. cap. 26. §. Filii nati*; cui inferunt negationem fere omnes.

9. Deficientibus filiis & filiabus, ubi hæc admittuntur, Adscendentes, si forte superstites sint, non vocantur ad successionem Feudi, nec veteris, quod venit ab Adscendentibus, neque novi, quia servitiorum præstatio difficilior in illos cadit 2. *f. 50*. Idem receptum est in Collateralibus primi acquirentis 1. *f. 8. §. ult. & 2. f. 11. §. his vero, vers. quod ita*. Quod ampliatur, etsi duobus fratribus communiter datum sit Feudum 1. *f. 1. §. cum vero, vers. quod etsi communiter*, idque ut usu venerit, ex eodem loco potest animadverti; scilicet quia feudum primo ad libitum, dein ad vitam dari solito, mox ad liberos, & paulatim ac consequenter ad alios agnatos producta fuit successio; ad collaterales primi acquirentis semel præteritos redire non potuit.

10. Pacto tamen convenire potest, ut frater etiam primi acquirentis succedat 1. *f. 8. in fin. c. 14. §. si dari &c. 20*. Si Feudum quoque communi fratrum nomine, vel de utriusque bonis, sciente domino, sit emptum, commune habetur *d. c. 20*. eo nesciente, fructus solummodo communes erunt 2. *f. 12*. Cæterum, collaterales vasalli in vetere Feudo, secundum gradus jure communi cognitos & salvo jure representationis succe-

dunt in infinitum; juxta lineam scilicet masculinam 1. *f. 1. §. 4. 2. 11. 30. 45. 50. & passim*. nisi Feudum sit femineum, quâ derogatum *superius*.

11. Successor autem vasallus intra annum & diem (aut mensem, scriptum est in 1. *f. 22. pr.*) novam petere debet investituram à domino, sicut idem vasallus ad eandem à successore domini petendam teneretur 2. *f. 24. in pr. 2. f. 40. in pr. 2. f. 55. §. Præterea, si quis in feud.* Et si plures sint heredes, singuli ad fidelitatem jurandam tenentur 2. *f. 26. §. omnes filii d. 2. f. 55. §. firmiter vers. præterea*. ut tamen Servitium maneat unum idemque, præstandum vel ab uno, quem elegerint vasalli, si dividi nequeat, vel à singulis pro parte suâ *arg. l. 2. §. 2. vers. non enim de verb. obl.* Proinde, si plures domini sint heredes, uni omnium nomine recipienti, fidelitatem & servitia præstari contentaneum est.

12. Testamentum de Feudis concedere non est permittum 1. *f. 8. pr.* ne quidem ad pias causas, vel Principis indultu; quia jus agnatis quæsitum auferri non potest, non magis quam ulli hominum 1. *2. d. his qui sui vel al. jur.* Hæc ita, nisi aliter Pactis convenierit, ut etiam de Feudo testari liceret, Feudumque simpliciter hereditarium sit factum, expresso, quod ad quoslibet heredes sit transiturum. Nam si heredum mentio simpliciter sit facta, magis est, ut heredes ex providentiâ juris Feudalis intelligantur; etsi verba tam generalia esse queant, ut alienandi adeoque etiam testandi potestas sub illis comprehendatur, ut si concessum sit cum clausula, *quicquid placuerit, faciendi*; vel in quos voluerit, Feudum transferendi; vel quibus dederit. Posset etiam mixtum fieri, cum deficientibus agnatis, testandi & alienandi potestas datur. Sed in dubio non est receden-

cedendum à jure feudali, quod negat disponendi facultatem vassallis; nisi rursus aliter moribus populorum cautum sit, quales non desunt omni Europâ; de Hollandiâ nominatim tradit Grotius 2. *Introduc.* c. 42.

13. Sic olim etiam consuetudine receptum fuit, ut Feudum inter vivos alienare liceret 2. F. 9. donec prohibita sunt alienationes à Lothario in futurum, 2. F. 52. dein à Friderico etiam in præteritum, tam veteris quam novi, tam partis quam totius Feudi, sine ulla temporis præscriptione 2. F. 55. comprehensus sub alienatione cunctis speciebus, quæ sub alienatione prohibita jure communi continentur l. ult. C. de prohib. rer. al. d. cap. 55. Judicio experiri & transigere de Feudo, sine venia domini potest vassallus; modo sine fraude, nec id agatur, ut Feudum in alium transferatur 2. F. 26. §. si vassallus de beneficio, & 2. F. 43. Divisio quoque inter plures Feudi consortes, vel collatio, in unum à pluribus libere fit. 2. F. 50. nisi majoris sit dignitatis 2. F. 55. §. 1. vers. præterea. Plane, quo minus, volente domino, vel si plures sint, omnibus consentientibus, fiat alienatio, nulla lex aut ratio vetat, quod ad dominos quidem attinet. Agnatis enim non præjudicatur, nisi & ipsi consenserint 2. F. 26. §. Titius; quo facto, descendantibus etiam suis, etsi non heredibus præjudicare videntur, non æquè cæteris collateralibus arg. l. 149. d. R. f.

14. Denique, Subinfeudatio, quæ est Translatio feudi pro parte vel totius in alium, sub eadem conditione fidei & servitiorum, vulgo, *ten Achter-leen*/etiam sine domini consensu, non est prohibita; neque Subinfeudato veritum est, alii rursus idem concedere, nec ea res limitem habet, jure Feudali 1. F. 2. *sive vo vel totum, vers. quod & ipsum* 2. F. 26. §. *beneficium*. 2. F. 34. §. *similiter* 2. F. 56. §. *Item sciend. vers. item ead. leg. modo sine fraude & sine pretio* 2. F. 55. in pr. vers. *callidis*, exemplo sublocationis, jure civili l. 6. C. Locat. Proinde, non desinit ex prioris vassalli personâ censi Feudum; ut ne Agnatis, mortuo sine liberis feudi capacibus, primo Vassallo, præjudicetur; nec etiam dominis, Feudo per defectum lineæ vel culpâ finito; quin ut videtur, ne quidem subvassallum ad servitia sibi ingraturum admittere cogitur, etsi aliud olim in usu fuerit d. c. 9. lib. 2. F. in fin. pr. v. *tunc excepto*. Cæterum, Alienatione prohibita, subinfeudationem esse veritam, etsi communiter statuant, à jure tamen prædicto abhorret.

15. Postremò, Investitura in futurum facta, si Feudum ad dominum revertatur, effectum habet, ubi Feudum actu reversum fuerit, ad Investientem vel ejus heredem. In Ecclesiastico ejusmodi Expectativæ jus, cum morte concedentis finitur, & Successor de Feudo ad se reverso pro lubitu constituere potest 2. F. 26. §. *moribus*.

CAP. IV.

De modis finiendi & amittendi Feudum, deque Judicio Feudali.

Casus, quibus sine culpâ Vassalli Feudum finitur, ubi & de Refutatione, Præscriptione. De amissione Feudi per culpam, regula generalis: & casus speciales. Neglectus investituræ. Alienatio, Felonia, ejusque species: Quatenus hanc dominus committat. Quibus actio inde competat; Quis sit Judex in Feudalibus, & specialia hujus judicii.

CUm Feudum sit, Ususfructus quidam, à proprietate separatus, consentaneum est, ut certis modis ad eam revertatur; quod sit vel ob culpam, vel sine culpa vassalli. Quomodo sine culpa finiatur, primò videamus. Intereos casus est princeps, si vassallus sine heredibus feudi capacibus sit mortuus *arg. l. f. c. 1. §. 1. & seqq. & l. pen. C. de Usufr.* Cui mors civilis, sicubi species ejus adhuc usitatæ sint, æquiparatur *d. l. pen.* Ut tamen cesset hic, quod jure civili cautum; Filio mortuo, Ususfructum ad Patrem pertinere, naturâ Feudi, quod non transit ad adscendentes, repugnanter, quod *suprà* demonstratum est.

2. Morte Domini quoque sine heredibus, Feudum esse desinere, & cum directo dominio consolidari, in favorem vassalli, dicendum est; nisi Fiscus hereditatem sibi vindicet, quo casu dominium directum ad ipsum pertinere, quid impediat, ego quidem non video, etsi aliter Vultejus *l. f. 11. n. 7.*

3. Finitur etiam Feudum, contrario consensu eorum, quorum interest, quo pertinet, Refutatio & Remissio Feudi. Et hæc quidem sit à Domino dominium directum vassallo remittente. Refutatio est Feudi à vassallo facta renuntiatio, maxime in manus domini; improprie enim sit, agnatis aliisque, in quos Feudum li-

cite transfertur, quæ non tam refutatio est, quam alienatio *2. f. 14.* Potest autem refutatio fieri, domino quoque invito *2. f. 38.* modo ne fiat intempestive & in fraudem, ad eludenda servitia quædam insignia. Et quidem Feudi novi refutatio sit absolute, solo consensu ejus qui Feudum acquisivit, nisi & agnatorum contemplatione diserte conditum fuerit. Sed antiquum Feudum, cujus ut ita loquar, potentiale jus agnatis jam quæsitum est, illorum præjudicio refutari non potest, quin post mortem refutantis à proximis repetatur *arg. 2. f. 39. in pr.*

4. Tertio, sicut Feudum triginta annorum spatio acquiri diximus, ita ejusdem præscriptione temporis extinguitur, idque bifariam; primo quidem præscriptione libertatis, quæ sit, denegatione fidei & servitorum lapsuque ab eo tempore, triginta annorum. Rursus, si dominus aut quilibet alius Feudum, animo sibi habendi possederit & vassallus non possederit, idque per annos xxx continuatum sit, dubium non est, quin Feudum sit amissum, *argum. l. f. 26. vers. si quis per xxx. l. 3. C. d. Præscr. 30. vel 40. ann.* In casu alienationis, sine domini consensu, à vassallo, factæ nullum esse locum præscriptioni, jam dictum, è *2. f. 40. §. Præterea & 2. f. 55. in pr.*

De modis finiendi, amittendi Feudum, deque Iudicio Feud. 429

In pr. quibus derogatur 2. f. 9. §. pra-
scriptione autem.

5. Rei quoque interitu Feudum in-
terire, dubitari non potest, totali scili-
cet, nam in parte quæ lupereft, ple-
rumque manet; nisi pars reliqua nomen
& naturam totius amiserit, argumento
eorum, quæ de Usufructu finiendo, ju-
re communi traduntur ad §. pen. l. de U-
suf. Denique, per occupationem hosti-
lem in bello solenni, Feudum amittitur,
salvo jure postliminii l. 20. §. 1. d. Cap-
tiv. & postl. rev.

6. Feuda Gardiæ & Castaldiæ dicta,
post annum à domino, quodocunque
voluerit, adimi posse vasallo, dictum &
notum est è 1. f. 2. Sicut & Habitatio-
nis Feudum morte accipientis finitur
2. f. 105. Camera & Cavenæ, sive Sol-
datæ, tam dantis quam accipientis, mor-
te pereunt 2. f. 10. in f. utunque hæ
species Feuda recta appellantur 2. f. 2.
§. si vero vasallus. Id enim ratione causæ
vel tituli, non quod hæc propria Feuda
sint, intelligendum; secus ac nonnul-
lis visum.

7. Sine culpâ, præter hos casus, nec
à domino, nec à Principe quidem adimi
potest Feudum 1. f. 7. nisi ratione domi-
nii Eminentis, de quo alias dictum. Ex-
ceptis etiam, quæ à minoribus domi-
nis in alios transferuntur 1. f. 1. §. ult.
& 15. ubi duo casus subexcipiuntur. Ju-
re recentiori volunt in minoribus, idem
quod in majoribus, esse receptum, 1.
f. 7. in f. quod alii negantes, in d. tit.
7. pro moderni legunt, Mediolani.

8. Sequuntur modi, quibus Feudum
per culpam finitur, intellectis culpæ no-
mine dolo, & latâ culpâ, non leviori
negligentiâ 2. f. 52. §. fin. ubi, si vasallus
non dolo 2. f. 17. c. un. verb. scienter 2. f.
7. c. un. fin. pr. verb. Nunquam factam
scienter. In universum ita proditum est
ab Interpretibus; Ex quibus causis, jure

communi donatio revocatur, & filius
exheredari potest, similibusque & gra-
vioribus, ex iisdem amitti Feudum arg.
lib. 2. f. 24. §. prædictis modis. Nomen
etiam generale tribuunt harum causarum
singulis, Feloniam Longobardis, idem
quod Scelus, Latinis.

9. Inter speciales causas, prima est,
neglectus renovandæ investituræ, Do-
mino aut Vasallo mutato, intra annum &
diem à tempore scientiæ vasalli, peten-
dæ, idque in vetere Feudo 2. f. 24. in pr.
T. 49. pr. T. 54. c. ult. Annus & mensis
habetur 1. f. 22. in pr. Si novum sit Feu-
dum, nec adsit vasallus ad jusjurandum
præstandum, tribus vicibus, decem in-
tervallo dierum, citandus est ad accipien-
dam Investituram; Contumacia, feudi
jacturâ punitur 2. f. 24. §. est & alia,
non exclusâ tamen utrobique justî ex-
cusatione impedimenti 1. f. 22. in pr. Si-
militer Alienatione Feudi à Vasallo fa-
cta, Feudi quoque jus amittitur 2. f. 55.
verb. panâ.

10. Cæteræ causæ magis propriæ ad
Feloniam referuntur: Ut, si Vasallus do-
mino graves injurias intulerit; si ecur-
bitaverit eum, id est, cum ejus uxore,
filiâ, nuru, sorore, nepte rem habuerit,
aut turpiter luserit. Ipsum vel castrum
ejus, domino illic agente, oppugnaverit.
Si quis in periculo vitæ illum deseruerit,
criminis accusaverit, abnegaverit domi-
num, si testimonium adversus eum dixe-
rit, arcanum ejus revelaverit, in jus vo-
catus se non stiterit, servitia requisitus
non præstiterit, si parricidium aut aliud
grave scelus admiserit 1. f. 5. 17. 21. &
2. f. 22. 23. 24. 28. §. ad hæc. T. 37. 39.
in fin. §. 1.

11. III. Ut autem fides & obligatio
Feudi est reciproca, sic etiam Dominum
ob feloniam contra Vasallum, amittere
jus Domini directi, quod dicitur, jure
Feudali proditum est 2. f. 47. Tamen
etiâ

etsi Dominus æquè jus suum quàm Vassallus alienare prohibetur, 2. f. 34. §. *ex eadem Lege* 2. f. 55. §. *firmiter vers. præterea*. Nusquam tamen ob hanc alienationem jure suo cadere dicitur, nec idæque ac in Vassallo, ratio permittit; quia de jure suo disponit, contra legem quidem, sed tamen nulli obnoxio, nec ab alterius beneficio manante; ideoque magis est, ut domini alienatio simpliciter sit nullius momenti, nec vassallus alium dominum agnoscere cogatur, ac ita per consequentiam Feudum quidem finitur; veteri tamen domino, alienatione retractata, subducere se non possit Vassallus, etsi aliter multi sentiunt.

12. Porro propter non petitam Investituram; tempore legitimo vel propter alienationem, invito vel ignaro Domino factam, & generaliter ob quamlibet feloniam, quâ dominus propriæ læditur, Feudum soli domino committitur; ideoque ei soli hoc nomine competit actio, non agnatis vassalli, nec quidem ejus liberis 2. f. 55. *in fin. pr. ubi, & ad Dominum liberè revertatur*.

13. Qui vero sint causarum Feudalium judices, non est in facili, exactè definire. Sed in summâ ita videtur; In Feudis regalibus, Imperatorem vel Regem omnibus superiorem, solum esse Judicem 1. f. 18. 2. f. 34. *in pr.* Inter Vassallos inferiores, Dominum Feudi communem 2. f. 55. §. *ult.* Inter dominum & Vassallum Pares Curiae, de quibus antea, Judices ordinantur d. 2. f. 55. §. *ult.* 2. f. 16. & 39. §. *si inter* 2. f. 22. §. 1. vel qui super illos Iudex est & vocatur Iudex Curtis 1. f. 18. Cæterum, hodiè in plerisque locis Jurisdictio Feudalis certis collegiis demandatur, cujus rei notitia è cujusque Reipubl. legibus petenda est.

14. In processu & ordine judiciali super Feudis, recepta sunt quædam peculia

ria, cujus generis hæc sunt; 1. In judicio Feudali non præstatur juramentum calumniæ, præcipue cum vassallus dominum convenit, ob reverentiam; Dominus vero nec à Vassallo id exigere potest, consequenter 2. f. 33. §. *In quibus*.

15. II. Quod Investitura Feudi novi, non probetur, nisi per Pares Curiae, vel breve testatum ab illis subscriptum 1. f. 4. §. 3. 2. f. 32. De veteri Feudo non est idem proditum; sed hoc per extraneos, modo mares sint, rectè probatur; nam femina non potest esse testis in Feudalibus d. t. 32. *in fin.* Felonia non nisi quinque testibus probatur 2. f. 57.

16. Deficiente probatione, Reus purgare se debet per jusjurandum, cum duodecim sacramentalibus, id est, amicis, qui pariter in ipsius conscientiam jurent 1. f. 10. 26. & 2. f. 33. §. *Et cum*.

17. Et hæc quidem pro hujus institutione sufficiant. E quibus id in universum ad juris publici observationem colligi datur; à Feudorum natura & scopo, qui fuit ab initio, militaris, ut magni Principes semper in promptu haberent exercitum; usu temporum non minus, quam in jure successionis aliisque proprietatibus, longe fuisse recessum: ut hodie nullatere, quam mercenaria, vix usquam Feudalis militia in usu bellorum conspiciatur.

18. Quod non tantum mutationi temporum, cujus maxima vis est in rebus humanis, & usurpationibus vassallorum, otio & libertate gaudendum; sed Principum quoque consilio adscribendum videtur. Qui quod his diebus multo validius & adductius, quam olim, populis suis imperitant, nulli causæ, quam mercenariæ militiæ, effeaciori accepto ferendum est; cum Feudalis olim militia à vassallis immediatè dependeret, cujus rei argumenta sæpius ex usu rerum gestarum in Historia Civili animadvertimus.

SECTION

SECTIO VI.

De Jure in personam.

CAP. I.

De jure in personam, quâ talem, maxime ad pœnam.

Transitus ad Jus in personam, idque vel in personam, quâ talem, ut Pœna vel ad Rem. Species prioris. A superiori id maxime fieri posse, tamen & à pari. Inde quæstio decisa, sitne punire licitum duntaxat, an necessarium. Fines pœnæ quinam. Delicti definitio & proprietates. An & quatenus obligatio; ad Pœnam spectet. Ubi cum D. Puffendorffio disputatur.

Jus privatum esse duplex, in Rem & in Personam, superius declaratum est. Juris in Re species breviter, ut hic usu veniebat, executi sumus: Sequitur jus in Personam, quod iterum distinguitur, ut vel sit in personam quâ talem, vel in personam propter Rem. Utrumque est obligatio; etsi posterius obligationem strictius sumptam peculiariter constituat.

2. Jus, quod in personam quâ talem oritur, est ad subjectionem vel ad pœnam. Subjectio est ex jure Parentum in liberos, dominorum in servos, mariti in uxorem, Civitatis in cives, Universitatis in singula membra, quibus omnibus implicitum est jus personæ subiectæ erga superiorem. Jus Societatis ab his diversum, magis ad jus in personam Reale referendum videtur.

3. Jus parentum in liberos oritur ex generatione, quod ut res loquitur, ita Grotius docet 2. de jur. B. & P. c. 5. in pr. parlendi opera sub generatione comprehensâ, utad Tyndarum Orestes. Eurip.

Πατὴρ ἀπὸ ἱερῆς ἐστὶ ματρὸς, καὶ ὁ υἱὸς πατρὸς.

Pater me seminavit, tua vero me peperit filia:

inquit, quâ ratione *καὶ τὸν υἱὸν ἐμφορῆται τὸ ἄνδρα*, factum utrique parenti communem esse, diximus aliàs à Plutarcho. Sed Orestes patri dat prærogativam, non modo propter sexus præstantiam, ut Grotius, sed etiam ob imparem in generando operam.

Ἐλκετοῦ μὲν ἐν τῷ γένει δὲ καὶ τῷ ἄνδρῳ

Μᾶλλον μὲν ἀνδρὸς καὶ κοινῆς τῆς φύσεως.

Colligebam, inquit, primo generis auctori

Me vindicare magis debere, quam quæ aluerat.

4. Sed non est sollicitudine indaganda ratio, quæ Parentum jus in liberos stabilizat; de quo jam dicere occupavimus in *sect. 1. cap. 1.* supposito inprimis matrimonio, quod liberos in potestate Parentum, maxime Patris, necessariò & sine medio constituit, nec ea dere, post locum illum communem, actum agere libet.

5. Eadem ratio non patitur, ut de jure, quod inter Dominos & servos, maritum & uxorem, Imperantes & cives,

cives, Magistratus & municipales vertitur, hic denuo tractemus; maxime, cum in libro 111. quatenus hæc res ad civitatis administrationem pertinent, eodem loco seorsus oblatura sint.

6. Superest obligatio ad Pœnam, quæ est animadversio maleficii, vel potius, ut è Scholâ Grotius, *malum passionis, quod infligitur ob malum actionis*, à priori facta denominatione; siquidem & omissionis malum pœnam recipere posse non dubitatur. Sed pœna rursus aut mere personalis, aut ad rem comparata est; priore sensu ad hunc locum, altero ad sequentem referendo.

7. Quod si nonnisi à superiore pœna infligi posset, ad articulum de subjectione referri potuisset. At naturaliter etiam à Pari (superiorem viribus eam qui puniat, esse oportere, satis ipsa res loquitur) delinquentibus irrogari posse pœnam, ex eo patet, quod cum licentia & impunitate delictorum genus humanum, etsi nullo imperandi parendique ordine distinctum, consistere non posset: Ac ideo cuilibet humanæ societatis, quam natura constituit, membro, jus in ejus violatores animadvertendi, comparatum esse oportet, sub hac limitatione, si patria non deliquerit, quo pertinet Christi dictum *Job. viii. 7.*

8. Verum Republicâ stabilitâ, jus puniendi non cuilibet viribus prævalenti; sed Potestati summæ vel magistratibus ad hoc constitutis permitti potuit, iisque delatum est, cum alioqui jus puniendi promiscuum bello & armis, quibus evitandis civitates constitutæ, occasionem daret adiduum. Ut tamen etiamnum qui jure sunt Pares, quemadmodum populi & Principes diversi, jus puniendi in alios sibi non subjectos exercere queant; quomodo Rex Galliarum anno hujus seculi LXXII. Belgis fœderatis aliisque deinceps intulit arma,

prætextu illos puniendi, cum nihil equidem deliquissent. At si causa facti subesset, juris causa negari non poterat, etsi non superior, sed par duntaxat iis, quos oppugnabat, erat ille suo jure; de facto enim qui puniendi animum præfert, hunc se viribus superiorem præsumere, manifestum est.

9. Ab illo discrimine, status naturalis & Reipubl. pendet ejus decisio dubii, Punire maleficia, sine tantum ex licitis, ut Grotius vult *l. 2. c. 20. n. 1.* an necessarium. In statu naturali est licitum, quia delinquens meretur equidem pœnam, & puniens utitur jure suo, sed nulla necessitas singulos ad puniendum cogit. In republica quam præmiis & pœnis recte contineri dixit Plato, Princeps aut Judex, maleficiis coercendis præpositus, si delicta relinquit impunita, non facit officium suum, & peccat, utique, si maleficia juri Naturæ, Gentium & divini repugnent, quo pertinent hæc dicta scripturæ sacræ, de maleficiis; *Ne parcat ei oculus tuus. Nemisere re maleficium. Abripies eum ab altari meo Gen. 9. v. 5. & 6. Exod. 21. v. 12. & 14. Lev. 20. v. 4. Lev. 27. v. 29. Num. 35. v. 31. Deut. 13. v. 18 XIV. v. 12. & 13.* Quod analogicè ad Deum ut Judicem bene refertur, demonstratum est in *Lib. 1. sect. 4. cap. 6. sparsim.*

10. Nec temere ita dicat humani generis conscientia, nolle Deum ignoscere maleficiis, ne quidem occultis, sed ignoscentibus imputari crimina, *Levit. 18. v. 25. Esai. 26. v. ult. 1. Reg. 2. v. 31. segq.* Quo pertinet, Melitensium dictum in Paulum à vipera admorsum, *πάντως φαιώς ἐπὶ τὸ ἀσθραπτοῦ ἔσθαι, ἐν Ἀλγασσιντα ἐν τῇ ἡλιόσσης ἢ ἐν τῇ ζῆν ἐν τῇ ἡσπιν.* Proفسus hunc hominem oportet esse homicidam, quem è mari servatum divina vindicta vivere non sinit Plato *lib. ix. de Legib. Ἄνθρωπος δὲ παρτίπτατος μηδὲν ἄλλοι μηδὲν ἄλλοι*
Impunitum

Impunitum omnino neminem ullo modo relinqui oportet sceleratum.

11. Unde videndum, ne non sufficiens enumeratio finium pœnis propositorum sit, quos Grotius è Senecâ 1. de Clement. 22. & Gellio 6. Noct. Att. 14. tres inculcat d. cap. 20. m. 6. & seqq. *Pecatu puniendus tres sunt rationes*, ait Gellius; *Emendatio peccantis: Vindictio læsi: Exemplum in vulgus*. Quibus cessantibus, aut aliâ viâ facultatem habentibus, vel etiam finibus aliis æquè utilibus & necessariis concurrentibus, pœnam remitti posse docet *ἡ μίαν*.

12. Ita cessare Emendationis finem, ubi reus verbis & pœnitentiâ emendatus est. Vindicationem sive reparationem læsi, cum aut verbis satisfactum est, aut benemerita delinquentis ejusve parentum erga partem læsam, delictum æquare videantur. Exempli necessitatem cessare, ubi peccatum paucissimis cognitum sit. Quorum concursu fieri posse, uti vel pœna prorsus exigenda, vel omnino remittenda sit, vel utrumvis fieri possit. Vindictam sane extra causam utilitatis, non esse justam jure naturæ, multò minus Evangelico puniendi causam, fatendum; sed est *ἡ μίαν ἀδελφείας, ex eodem animi morbo, ἡ ἀδελφικότης τῶ ἀδελφεῖ, procedit ultio & prior injuria*, Dion. apud Plutarch. in vit.

13. Rectè, quatenus ad affectum ejus qui læsus est explendum, Ultio adhibetur: sed nemesis & Justitiæ severitas impressâ divinitus humano generi conscientia, maleficia, licet occulta, citraque respectum satisfactionis, ut è suprâ dictis intelligitur, puniri vult, idque latius probatur ab Antonio Matthæo tract. de Crimin. Tit. Quib. mod. crim. extingui. cap. 5. n. 2. Idem firmatur è natura contractus involuntarii, quem in delictis inesse fatentur omnes ex Aristotele, quatenus qui

peccare voluit, eodem actu in id quod peccatum illud consuebatur, consensisse; pœnæque se ipsum subdidisse videtur, ut Juris auctores loquuntur in l. ult. C. ad L. Jul. maj.

14. Atque hæc omnia faciunt, ut Pœna non modò juste possit, verum etiam debeat exigì; quod tamen ita non esse accipiendum, ut Summa Potestas nunquam ignorare possit, infra, ubi de Pœnis, quatenus ad officium administrandæ Reipubl. pertinent, videbimus. Hic tantum de jure partis læsæ & obligatione delinquentis agimus, quo spectat quod de contractu diximus Involuntario.

15. Scilicet, improprie Contractum ita sumi; cum alioqui maleficio opponatur, non est dubium: Quid Contractus proprie dictus, alibi videndum; sed *Crimen* nihil est aliud, quam Factum turpe, quod Legibus punitur. Dicat aliquis, nonne sufficit ad delicti naturam, ut sit factum turpe, quod tantum generis loco ponitur? Non sufficit, quia sanctione legis opus est, ut factum pro delicto habeatur, quo sensu, si Hobbes voluisset, ex lege sola colligendum esse, quid fas, quid nefas, quid honestum aut scelestum sit, non esset tam intolerabilis ejus sententia, quam esse probavimus, in sect. 1. c. 3. n. 4. 13 & 30 & part. 2. Digress. lib. 1. c. 8. n. 10.

16. Si nempe fuisset in ea sententia, quam adversus Grotium tuetur D. Puffendorffius in lib. 2. de jur. N. & G. c. 2. §. 6. & lib. 2. c. 3. §. 4. nullos actus pro illicitis habendos, nisi è legis præcepto, seu civilis, sive naturalis, eo sensu quo vidimus in lib. 1. sect. 1. c. 2. n. 15. & cap. 14. n. 18. quod tamen usque adeo intendi nolim, ut distinctio juris congeniti & positivi, sive in cordibus scripti & ex voluntate divina constituti, quod ille vult, tollatur.

17. Pleraque enim Juris naturalis capita ita esse comparata, ut supposita humani generis creatione, aliter habere se non posse, ab homine intelligi queat, evidens est, nec ab ipso negatur: à quibus alias divini juris constitutiones arbitrarias discrepare, non minus est manifestum est: unde hasce positivas, Priores congenitas & naturales appellare, nihil ob stare debet aut potest.

18. Sed Hobbes ex sola lege civili vult esse colligendum, quid bonum, malum, fas aut nefas sit, quod in Philosophia juris Naturalis falsissimum, in ordine civitatis de æstimatione delicti verum & rectum est. Sicut enim non omne quod honestum, legibus ut necessarium præcipitur, ita nec quicquid est turpe puni-
tur. Plurima hominum conscientiæ & verecundiæ relinquuntur. Ea solummodo sancuntur, quæ civitati conveniunt & obtineri possunt. Ingratitudo nusquam puniatur, ubique improbat, ait Seneca 3. de Clem. c. 7. Idem in Ebrietate aliisque innumeris, quæ tantum odio damnamus & ad vindictas Deos mittimus, ut ibidem Seneca. Hinc meretricia voluptas aptud veteres tolerata fuit. Hinc masturbatio Delictum non est in vulgo cœlibum, Et si Martialis haud de nihilo dicat;

*Scelus est, mihi crede, sed ingens
Quantum vix animo concipis ipse
tuo!*

19. Sed quod delictum vocatur FACTUM, primo requirit hoc monitum. Non esse delictum aliquid mere negativum, quemadmodum de peccato nonnulli arguantur; Factum enim est omnino positivum quid, & à legislatore puniatur, quatenus manu teneri potest, ut Cicero dixit; hoc est, ut extet aliquod corpus delicti gravius aut levius pro modo commissi. Nam si peccari vel delicti, natura in eo statuitur duntaxat,

quod à scopo aberret atque deficiat à perfectione reſtitutionis, cuſus ſit privatio; verum ſit, quod Stoici dicebant; omnia peccata eſſe paria, cum qui multum vel parum aberrat à ſcopo, æque nihil agunt ambo, nec præmio, quod ei tantum qui perſtingit datur, hic magis quam ille potiuntur. Superius occupatum; non modo Commiſſiones, ſed etiam Omiſſiones, in quibus aut dolus aut enormis culpa animadvertitur, etſi rarius, efficere poſſe delictum II. Non conſiſtere delicti naturam in ſolis animi actibus, ſed adſumto actu externo, crimina eſſe intelligenda, ut docent Jurisſti, in l. 225. d. P. S. eoque pertinet eorundem dictum, cogitationis poenam neminem pati l. 18. d. Pen. III. Cogitationem, etſi ad factum proceſſerit, non dare formam delicto, ſi corpus ſive materia facti non conveniat, ut, ſi quis credat, invito domino, ſe rem ejus contrectare, domino autem volente, id fiat, furtum non ſit §. ſed & ſi credat l. de Obl. ex del. Qui cum alienâ uxore cubare ſe putans, ancillam amplectitur eluſus, non eſt adulter, quia non eſt verum, quod alienam uxorem corrupe- rit l. 6. §. 1. x. ad l. Jul. de adult. Etſi coram Deo tales plane rei ſint, tam Furti, quam Adulterii; cum Juris Divini; adde, Philoſophi ſit, crimina mente metiri; Legiſlatoris, quatenus manu rem tenere poſſet, ut Cicero dixit.

20. Hæc aliæque ad poenarum modos & ſpecies pertinentia, in loco de Pœnis & delictis, qui erit in lib. III. ruruſus occurrent. Hic proprie agitur de jure, quod in perſonam delinquentis competit; quod Obligatio dicitur, quam à Juris peritis ita definiri conſtat; Juris vinculum, quo neceſſitate adſtringimur alicujus rei ſolvendæ, ſecundum noſtræ civitatis jura. Nec eſt dubium, quin hæc verba Delicto in Civitate commiſſo non

non male convenient. Quis enim neget, delinquentem necessitate solvendi aliquid adstringi; cum & pœna deberi, lui, solvi dicatur; utpote delicti æstimatione, quomodo appellatur in l. 41. *π. de Pœnis*?

21. Argutatur hac in re, alios argutiæ infimulans D. Puffendorffius lib. 8. de *Jur. Nat. c. 3. n. 4.* Delinquentes ad pœnam teneri, consequenter obligatos esse negans, eo, quod se ipsos pœnis offerre non teneantur, & nemo, nisi volens teneri dicendus sit. Quod cur ita recipiendum sit, nihil idoneum profert. Nam teneri & obligatum esse continet necessitatem, quâ reos criminum obstringi manifestius est, quam quod Aristoteles, omni posteritate consentiente, dixit, esse contractus involuntarios, *οὐκαὶ ἀκούσιον δίκασιν*, quæ, ut involuntaria sint in executione, principio sui, quatenus omnes cives obligare se creduntur ad defendendam, si deliquerint, pœnam, voluntaria esse negari non possunt.

22. Si nolit dicere, quemadmodum instituit §. 5. pœnam deberi maleficis, quo tamen nihil usitatus, Cicero pro *Sext.* Quibus omne supplicium atque omnis jure optimo pœna debetur; eo quod is cui debetur, in debitorem jus habet; ut debitum illud ab ipso exigere possit, ambiguitate verbi abstinere licet, tamen notum sit, deberi aliquid dici, non tantum quod ab alio exigi potest, sed etiam quod fieri & exequi & alii quovis modo tribui oportet: Denique, sic potius ineamus; haud adeo pœnam maleficis deberi, quam hos eam debere, vitacitæ vel expressæ consensionis in Leges Civitatis: quo pertinet, quod apud Tacitum, femina, quæ ignaro domino, se alieno servo miscuit, in *servitutem sui*, quæ est pœna, *consensisse* dicitur, & quod in sacris literis ipsaque oratione dominicâ peccata vocantur debita, quibus adde-

sis, l. 34. de *jur. Fisc. l. ult. C. ad L. Jul. Majest.*

23. Non satis justa ratione Puffendorffius huic receptæ generis humani sententiæ refragatur, eo quod dici nequeat, aliquem directe & immediate in pœnam suam consensisse. Quid opus illud, directe & immediate; An nemo se, nisi directe & immediate, obligare potest? Qui vendit, tenetur ad Evictionem, etsi nihil de illâ dictum sit; non quidem directe & immediate; nihilominus vere quoniam hæc est proprietas venditionis ex jure Gentium, ut venditor præstet, rem habere licere. Cives obligant se mutuo ad leges servandas, expresse vel tacite. Ergo etiam ad sanctionem, quæ jure Gentium est pars Legis & ad pœnam sanctione comprehensam.

24. Excipit Vir Cl. Nemo delictum admittit, quin simul speret, sese latendo aut aliâ ratione pœnam declinaturum, Proinde non consentit. Quasi venditores etiam sæpe non sperent, evictionis præstationem se declinatuuros, invitique ad eam compellantur, idque præcedentem illorum obligationem & consensum everteret. Initium in delictis, maxime priusquam committantur, in casum quo quis reus fiat, est à consensu, cujus vis in executione, per indutam voluntatem contrariam, subverti non potest.

25. Si pœna est in obligatione, cum illa sit vinculum duos colligans, oportet etiam si, qui pœnæ jus exigendæ habeat; quod cur iterum Grotio adfirman- ti lib. 2. c. 20. §. 2. neget Puffendorffius in d. §. 1. justa ratio non est; Ait, Ei qui jus puniendi habet, esse quidem ita faciendi, id est, puniendi jus, sed hunc non esse actum Justitiæ explettricis, quo pœnas refert Grotius; & quo contractus referuntur. Actum justitiæ dici respectu ejus cui inest obligatio, ad aliquid alteri tribuendum, cui facultas sit illud exi-

gendi: quod de maleficio & officio punientis dici non posse arbitratur.

26. Ego in ordine civitatis & juris publici disciplinā nullam in eā re difficultatem reperio. Non potest exerceri Justitia liquidius quā Suum cuique tribuendo, à Magistratu cui jusest ita puniendi maleficos, ut si hoc negligat, evidentissime Justitiam negligat & quidem expletricem. Quid hic deliderat Puffendorffius; cum delinquentes poenam perfectē & adæquatē mereantur, cum & Magistratus ad hoc teneantur, & ipsi delinquentes è prævio consensu in Leges, quo fit, ut hoc ab illis exigi possit, ut poenam pati, luere, solvere debeant?

27. Idem clarius est in privatis delictis, de quibus hi tantum agunt, ad quos commissum pertinet, vel ad damnum sarcendum, vel multas cuique delicto legibus impositas; Etenim has, delinquentes optimo jure debere lætis, & illos his non minus solvere debere, quam hi exigere possunt, ecquis, omni die, quod fit, dubitare queat? In quibusdam locis ipsi, quibus injuria facta est, eam æstimant, Lege præcipiente; quo casu plenum esse debiti & crediti jus, ne Puffendorffius quidem, credo, negabit: Alibi Lex æstimat multas eodem jure, quod inter partes vertitur, exigendas & præstandas.

28. Quin et si poena corporalis infligatur, adhuc, et si minus proprie, jus debiti & crediti vertitur. Nam qui furem deducit ad Præfectum vigilibus, vel ad Præsidem, existimandus est, elegisse

viam, quā rem persequeretur, ait Julianus in l. 56. §. 1. *de Furt.* quemadmodum si quis actionem, quæ ex maleficiis oritur, velit exequi, aut pecuniariter agere, aut extra ordinem ejus rei poenam exercere potest l. ult. d. *Privat. del.* utrovis modo tenetur reus, ad satisfaciendum læso; nam & verberibus satisfieri potest, ait Ulpianus in l. 17. §. 4. *de Injur.* & Papinianus, animo læsi poenā delinquentis satisfieri solere scribit in l. 6. §. 1. *de Serv. expers.*

29. Paulo diversā ratio est in publicis Judiciis, de quibus olim quilibet ex populo, moribus hodiernis Reipubl. Procuratores agere soliti sunt; quatenus omnium interest, delicta puniri: Inter omnes & singulos sponso sive conventio de Legibus servandis ferendisque delictorum poenis inita est, quas ideo ex illo consensu omnes & singulos exigere posse, manifestum est.

30. Illud verò, jus omnium, ubi compertum est, minus à singulis pro vigore publicæ disciplinæ exerceri, Magistratibus, & uniusque potissimum ejus rei Procuratori placuit committi; cui proinde jus exigendi competere, manente eadem obligatione præstandi in delinquentibus, quæ fuit antea, consentaneum est.

31. Quod autem aliquoties in hisce connexionibus dictum est, in Lege Civili Consensum civium verti, quā id ratione constet, & quomodo accipiendum sit, in loco de Legibus, qui *in primis libri sequ.* occurret, videbimus.

C A P. II.

De jure in personam ad Rem comparato, ejusque causâ, & primò de commercio sermonis.

Transitus ad jus & Commercio Sermonis. Mendacium esse prohibitum & vile imprimis. Pertinere prohibitionem ejus ad secundam Decalogi tabulam, & ad læsionem proximi. Qua in re mentiens lædat jus proximi, sine dolo in rebus admissio. Casus ab homine enuntiati falsiloquii, in quibus nulla ejusmodi læsio committitur. An in mendacio sit repugnantia cum naturâ Dei, sine respectu ad jus hominum inter se. Responsum ad argumenta Siegleri & Augustini.

Res privatorum, Jure vel in Re, vel ad Rem, quod dicitur, distinguere communis etsi recentior, ignotaque veteribus, est doctrina. Et de Jure quidem in Re constituto ejusque speciebus in *sect. 4.* quatenus ad hanc Artem spectare videretur, egimus. Jus ad rem, quod dicitur, habet causam, Obligationem, quæ vel est à conventionione, vel delicto, vel è variis causarum figuris. Et ex omnibus oritur jus in personam, non in Rem directè: sed vel in Personam quâ talem, de quo genere egimus in *cap. præced.* vel in personam ob rem, sive ad rem præstandam; Facto etiam sub Re comprehendito, quæ res habet utilitatem pecuniariam. Et hoc est, quod vulgo *jus in rem*, JUS AD REM appellari diximus.

2. Videamus primo de jure in personam, propter, vel Ad rem, è Conventionione oriundo. Conventio est duorum vel plurium in idem placitum consensus. Et hic est vel expressus vel tacitus. Ille sermone vel literis exprimitur; Tacitus è factis colligitur. De expresso consensu, ad quem tacitus exigitur, primo agendum; de quo videtur intelligendus Plato, quando ex Simonide *lib. 1. de Republ.* Justitiam dicit esse, *τὸ ἀλλήν λίσσασθαι, vera dicere*, id est servare fidem,

ut præcipuum, non totum, opinor, Justitiæ officium designaret.

3. Et sane verum dicendi officium è fundamentis humanæ societatis est unum, quo nihil sanctius, expressa imago Rationis, quâ proximè ad Deum accedimus, ejusque donum, ad hoc datum, ut cogitationes suas humanum genus inter se mutuo communicet; quod ideo ex instituto Creatoris sui & Rectoris hujus mundi, ita sibi invicem debent, ut non modo nullum damnum alter alteri mentiando inferat, sed & in ipso orationis commercio illam æqualitatem servant, ut ne aliter verba, quam usus & convenientia cum ratione, cujus interpretationem præferunt, exigit, inter se commutent.

4. Proinde, qui talibus utitur verbis, quæ alio sensu, quam à mente loquentis discrepante summi non possunt, ille mentiri dicitur, quo nullum in sacris & in profanis literis vitium decantatius est. Alii falsiloquium id esse dicunt; Mendacium id tantum appellant, respectu ejus, qui jus habet, ut animi mei sententiam liquido debeat intelligere. Ita Puffend. *L. 4. c. 1. n. 9.* Quam distinctionem ut non spernimus, ita necdum hæc usu venit nobis. Prius igitur hic Falsilo-

Falſiloquium & mendacium promiſcue accipimus; dein res ad illam diſtinctionem nos manuducet.

4. Juxta furioſos, & homicidas ponuntur mendaces *Pſ. 5. v. 7. Prov. 6: 17.* abominabiles Deo *Prov. 12: 22.* Spirans mendacia non evadet, peribit. *xix. 5. 9.* Mendacium pars veteris hominis, abjicienda piis *Eph. 14: 5. Coloff. 3: 9.* Auctor mendacii Diabolus *Joh. 8: 44.* Deus è contra verax *Rom. 3: 4.* qui mentiri non poteſt *Hebr. 6: 18.* Et qui prohibitionem hanc contulit in decalogum, caput ejus *ix.*, adeoque ad tabulam ſecundam; quia verba ſunt inſtituta, ut per ea in aliorum hominum notitiam cogitationes noſtras transmittamus, atque adeo hominibus proprie falſum teſtimonium, id eſt, mendacium dicimus; quia veritatis obſervantiam unuſquiſque proximo ſuo debet, ex obligatione naturalis & divini juris, ut docet Amelius *lib. 5. de Conſc. c. 53. n. 7. c. 12.*

5. Unde liquet, non aliter committi peccatum mendacii, quam ſi juſ proximi ex obligatione, quâ homines erga ſe invicem obſtricti ſunt, lædatur; non quidem ut detrimenti quid alterius patrimonio, incolumitati aut honori inferatur, cujuſmodi aliquid cum falſiloquio plerumque conjunctum, peccati deformitatem auget ac intendit in primis; ſed etſi nulla ſit, quam deceptio in verbis, à mente loquentium ita diverſis, ut ſano ſenſu aliter accipi nequeant, hæc eſt læſio alterius in re ſanctiſſimi inſtituti & ordinationis divinæ; quo reſpectu læditur hoc peccato Majeſtas Dei, qui veritatis auctor & amator talis eſt, ut mentiri non poſſit & imaginem ſuæ veracitatis homini impreſſerit conſervandam: quibus accedit, quod illa deceptio verbalis, etſi in rebus tralatiſſis commiſſa, ſignum eſt animi levis ac impoſtoris, ab

omni candore & ingenuitate alieni; quod & objectum alicui, ſenſibilis injuriæ loco habetur, & exulat à converſatione civili.

6. At hæc omnia ſupponunt formale Mendacii adeſſe, læſionem ſcilicet proximi in commercio ſermonis; cujuſmodi læſio, ne de alio detrimento alteri intentato dicam, ſi nulla committatur, oportet illa vilitas & levitas, illa violatio inſtituti & majeſtatis Dei, & quicquid in mendacio turpe ineſſe demonſtravimus, ceſſet. Si nihil, inquam, in eo reperiatur, quod tabulam Decalogi ſecundam, quæ ad proximum ſe refert, imminuat eique fraudem faciat.

7. Quare, I. Si quis enuntiationes falſas ex ore ſuo proferat ſolus, ſine animo & uſu cum aliis communicandi, hunc non mentiri certum eſt, etſi actus ille poſſit eſſe ineptus & vicioſus, non tam reſpectu ſermonis, quam cogitationis & actus ipſius, ſi nihil ad honorem Dei & uſum rectæ rationis attingat.

8. II. Si quis etiam enuntiet verbis, quod non habet in animo, ad eos qui non habent uſum rationis; cum oratio ſine ratione nulla ſit, ac ideo commercium orationis ſine ratione haberi non poſſit; in eo non eſſe mendacium, quia commercium ſermonis, aut juſ alterius hoc reſpectu non læditur, ſtatuumdum eſt: Unde, ſi quid furioſo, quod ita non eſt, adfirmetur, non magis eſt mendacium, quam fides conventionis & contractus cum illo initi non ſervata, perſidia eſt; eademque ratio erit infantium. Etſi id genus falſiloquia, ſine aliqua ipſorum utilitate, rectius omittuntur, ut ineptiæ ſaltem & nugæ.

9. III. Sequitur, quando res aliter quam ſunt, enuntiantur, apud eos, qui ſiſtionis vel præmoniti, vel ex negotii natura gnari ſunt, non eſſe mendacium, quia non violatur commercium ſermonis, aut juſ alterius

alterius, eo respectu æque manifestum est, ut cum in Apologis, arbores & animalia bruta loqui dicuntur; aut etiam hominibus, ea quæ non egerunt, adscribuntur, eruditionis inde colligendæ causâ. Eodem pertinent fictiones Legum, ut cum Filius in movendâ Querelâ inofficiosi testamenti dicit; ita fingi lege iubente; Patrem suum, cum faceret testamentum, non fuisse sanæ mentis, & id genus alia, quo nomine parum scite Censuram in Artem Juris exercent quidam, ut probavimus in *Eunom. Rom. ad l. 2. π. de Inoff. testam.* modo id fiat, cum aliquo fructu utilitatis aut honestatis publicæ, quod Juris auctores fategerunt.

10. V. Si, non quidem præmonito vel gnaro; sed tamen, re compertâ, consensuro & gratias habituro aliter res, quam est, adferatur; nulla sit ejus læsio, nihil præjudicii hoc respectu creatur, adeoque mendacium non committitur. Eò pertinet Maximi Tyrii dictum, *καὶ ἰατρὸς καὶ κυβερνήτης καὶ ναύκληρος καὶ ἰατρός, καὶ κυβερνήτης καὶ ναύκληρος, καὶ ἰατρός καὶ κυβερνήτης καὶ ναύκληρος*. *Medicus agrotum, Imperator exercitum, & gubernator navigantes decipit absque malo;* rursus sub eadem limitatione boni, & consensus saltem taciti, evidentijs. Exempla passim obvia nihil opus est commemorari.

11. VI. Qui in hoc est, ut societatem humanam nefarie lædat, aliosque contra jus naturæ vexet & opprimat, huic, eo respectu, quo melius id efficiat, non debetur hoc Commercio sermonis & communicatio cogitationum, nec ideo mendacii peccatum in vero dissimulando contra illum committitur. Quo pertinet obstetricum adversus Pharaonem adseveratio, cui quod Deus benedixisse legitur, indigere non videtur illâ distinctione, quæ in sacrum textum majori, ut videtur, subtilitate, quam soliditate infertur. *Exod. 1. 19. 20.*

12. Inde VIII. nec hosti in bello iusto, ferrum & flammam Patriæ nostræ inferenti, cui vitam & opes eripere fas est, nihilo magis hoc respectu, sermonis illud officium & jus commercii, quod cum eo nullum est, debetur; quam et si latius pateat quam prius, aliqui facilius concedunt. Quos inter Zieglerus, qui in cæteris contra Grotium disputans, hac in re, *Non negaverim tamen, inquit, hostem Reipubl. tam gestu & signis, quam confectis sparsisque literis, aut vulgato falso rumore falli licitè posse; quandoquidem ille commercium juris Gentium jam violavit, & per ordinariam juris viam in ordinem redigi non potest, ad Grot. lib. 3. de jur. B. & P. c. 1. §. 17.*

13. IX. Reçtori supremo Reipubl. propter commune vel singulare bonum concedit falsum dicere Plato, eoque refert Grotius adseverationem Salomonis, de scindendo in partes infante, cum animus ei longissimè à tali voluntate abesset, *d. c. 1. n. 15.* Ejusque rei causam referre oporteat, ad tacitum civium consensum, qui omne suum jus, adeoque etiam id quod è promiscuo sermonis commercio singulis debetur, propter utilitatem publicam, in Imperantes suos contulerint.

14. Hæc & similia sicut à nobis absolute non adfirmantur, ita concedi non posse fatemur, si in Falsiloquio sit vitium quod Dei naturæ, sine respectu ad jus proximi, contrarietur; vitium, inquam repugnantia cum natura Dei, abstractum à respectu mutua obligationis hominum inter sese; quod si est ita, quæ magis ad secundam, quam ad primam Decalogi tabulam referatur mendacium, non animadvertimus.

15. Equidem esse Deum veracem, nec esse non posse, quis non agnoscat? æque ac eundem esse justum, nec esse non posse fatentur omnes. Quin et si non exercere justitiam, vel ipsam puni-

toriam, non posse Deum statuamus, ideo tamen non sequitur, non multos Justitiæ actus inter homines circa res, circa vitam illorum, dispensante Deo, aliter aliterque habere se posse, vel etiam sine dispensatione, variantibus objectis, salvâ scilicet Dei justitiâ; quemadmodum falsiloquia, quæ vitio carere putamus inter homines, salvâ Dei veracitate fieri, non est quod dubitemus.

16. Instantiam tamen à Deo, inquam, valde urgent, qui Falsiloquium indistincte damnant. Sieglerus in *d. ad Grotium loco §. 5. At scilicet quid est homini in relatione ad hominem, quidni id liceat Deo erga homines? Et sic est natura mendacii, ut ex circumstantiis in genere licitorum poni possit, quid est, quod Deo id tribuere prohibeat: Vel hinc ergo apparet, eam esse mendacii naturam, ut ne quidem propter circumstantias laudari atque ab hominibus probari queat.*

17. Placet etiâ de re quid Plato dixerit, referre. Τὸ ἐν τοῖς λόγοις ψεῦδος, inquit, ποτὶ καὶ τὸ χεῖρσιμον, ὡς μὴ ἀξιον ἐστὶν μιμεῖσθαι; Ἀλλ' ὅταν εἴη τοῖς πολλοῖς, καὶ ἡ καλὴ φύσις φίλων, ὅταν ἀπὸ μαλίστα, ἢ πρὸς ἀλλοίαν, καὶ πρὸς τὴν ἀρετὴν καὶ τὴν ἀντιθέσιν, ὡς φάσκειν, χεῖρσιμον γίνεσθαι; Mendacium, quod verbis committitur, nunquid aliquando est utile, ut odio dignum non sit? Nonne adversus hostes & eos qui amici vocantur, quando propter furem vel insaniam quandam, aliquid mali aggrediuntur, nonne tunc avertendi causâ, tanquam remedium, utile sit mendacium? lib. 2. de Republ. sub fin. Subjungit deinde, Καὶ ἂν δὲ οὕτως, τὸ θεῶν τὸ ψεῦδος χεῖρσιμον; Qua parte verò habetum rerum vel usum, Deo mendacium est utile? Κομίδι ἄρα ὁ θεὸς ἀπλὸς καὶ ἀδαής ἐν τῷ λόγῳ καὶ ἐν τῷ αὐτοῦ μεταίτησιν, ὅτι ἀλλὰ ἐκπαῖδα, ὅτι καὶ φασπατίας, ὅτι καὶ λόγος, ὅτι καὶ σημήνιον τοῦ πατρὸς, ὅς ἐστιν, ὅς ἐστιν. Plane Deus

simplex & verax opere atque verbis est, nec ipse mutatur, nec alios decipit, neque per visiones, neque verbis neque signis, aut ostentis, nec per vigilias neque per somnia d. loco. Idem summam repetit à princ. lib. 3.

18. Primo quidem, si verum est, quod Plato ait, & quod neminem scio negaturum, Deum neminem vel per signa gestusque in errorem deducere, neque tamen quisquam negat, ex justâ causâ signis ac gestibus aliud præ se ferre, quam sit in mente, licere, quo pertinent stratagemata belli aliaque in sacris & profanis Historiis insipita exempla, argumentum à Deo ad hominem labascere oportet.

19. Plato significat, idque verum est, Deo nec opus esse neque dignum, adhibere signa vel voces, quibus aliud præ se ferat, aliud velit, ut hominibus prodesse queat, sicut ulus venit hominibus ob ignorantiam & impotentiam. Est enim imperfectio in homine tali indigere circuitu, ut alii profit. Quanto unumquodque minorem ab objectis mutationem accipit, tanto perfectius est, ait idem Plato lib. 2. paulo superius. Ἀλλὰ μάλιστ' addit, ὁ θεὸς καὶ τὰ θεῶν πρὸς τὰ δαιμόνια καὶ ἄνθρωποι. Enimvero Deus, inquit, & quicquid est Dei omni ex parte optime & perfectissime se habet. Imperfectionem igitur esse falsiloquium, aliquando innoxium, patet, quale in hominem quidem sine delicto, in Deum cadere non potest.

20. Ex his etiam intelligitur, quo pacto illud celebre dictum Augustini, nullum mendacium non esse peccatum, ne quidem si ob gloriam Dei fiat, accipiendum sit; etiam maxime non concedatur in ejus sententiam rigidior, non admittentis ullum scientis falsiloquium; non esse videlicet, quod Gloriam Dei per se & directè, ejusmodi commentis & ambagibus innoxiiis, quæ tamen imperfectionem

fectionem & infirmitatem continent, sine respectu ad hominum officia inter se, promovere studeamus.

21. Damus etiam Augustino, mendacium non ideo desinere esse peccatum, quia possumus aliquando alicui prodesse mentiundo. Possumus enim & furando alicui prodesse, si pauper, cui palam datur, sentit commodum, & dives, cui clam tollitur, non sentit incommodum. Nec ideo tale furtum quisquam dixerit, non esse peccatum, ut loquitur in *Enchirid. c. 22*. Dives enim habet hoc jus ex Lege naturæ, Gentium & Divina, ne quod proprium ejus est, ipsi auferatur: sed cui falsum persuademus, in casibus *suprà* exceptis, non habet jus, ut verba cum eo commutemus, ejusdem significationis, cujus est nostra mens aut voluntas: ubi hoc jus habet alter, ibi Mendacium esse peccatum intelligimus & dictum est.

22. Idem servit ad hoc; Possumus & adulterando prodesse, inquit, si aliqua, nisi ad hoc ei consentiatur, appareat moritura, & si vixerit, penitendo purganda; nec ideo peccatum negabitur tale adulterium. Nemo dicet, utilitatis causâ licere mentiri, si tam veri copia debetur ei, quicum res est, quam uxorium jus alteri debetur. Instat Augustinus, Si autem merito nobis placet castitas, quid quæso offendit veritas, ut propter alienam utilitatem, illa non violeatur adulterando, & violeatur ista mentiundo? Si violatio veritatis inter homines magis intelligi po-

test sine respectu juris alieni, quam castitas ab adultero sine tali respectu violari potest, argumentum valebit. Sed cum neutra tali respectu carere possit, quid ab adulterio, quod jus alienum indigne violat, argumentemur ad falsiloquium nostræ hypotheseos, in quo nulla ejusmodi juris alieni violatio vertitur?

23. Denique, non ideo mendacium poterit aliquando laudari, quia nonnunquam pro salute quorundam mentiamur, ait ille; Recte; pro salute aliena non est mentiendum; si talis est is, ad quem verba proferuntur, in quo locum habet obligatio illa juris naturalis & divini, ut internas loquentis cogitationes intelligere debeat: Si talis ille non sit, furiosus gladio armatus; aut tyrannus vel latro innocentem ad cædem quærens, huic ego cogitationes meas convenientibus verbis, aperire non teneor; sed verba dare, si ne mente, quibus in furore suo impediatur, jus & fas videtur.

24. Jam, si quis id quod contra obligationem illam naturalis & divini juris profertur, Mendacium, quod inde alienum ac innoxium est Falsiloquium, appellare velit, ut Puffendorfius instituit, nihil refragamur: Quemadmodum si quis ipse verum putans, falsum enuntiet, aut si verba sint ambigua, vel tantummodo reticentiam veri totius vel pro parte contineant; hæc ut à controversia remota, ab aliis perenda relinquimus. *vid. Gros, lib. 3. c. 1. & Ames, d. cap. 53.*

CAP. III.

De Pactis & jurejurando.

Conventio sive Pactum quid. Non obligare pactum, nisi per acceptationem ejus cui promissum est. Requiritur in utroque usus rationis, non æquè deliberatum animi consilium, nisi aliter lege civitatis cautum sit. Non videri opus esse, ut acceptatio innotescat promittenti, sed morte jus acceptandi extingui. Rem promissam in potestate promittentis esse debere, tam rei quam personæ respectu; proinde Curam, turpitudinem, commercii prohibitionem, dationem factumve alterius, nisi mandatum intervenerit, impedire obligationem. Alius pro alio an stipulari vel acceptare possit, disputatur, adversus Grotium. De jurejurando, quid, & an licitum sit. Per se hoc non producere obligationem, nec efficere, ut obligationes valeant. Quid de obligationibus solo jure civili prohibitis hac parte juris sit. Reliqua remissive.

Actus de jure, quod ad rem ex conventionione oritur, quemadmodum supra institutum in antecessum, de præcipuo conventionis instrumento, quod est Sermo, & de commercio illius agendum actumque fuit: nunc ad ipsam Conventionem pergendum.

2. Est autem nihil aliud Conventio, quàm duorum pluriumque ratione utentium, in idem placitum & consensus; aliter Pactum & pactio appellata. Declarationes autem ab una parte factæ non pariunt obligationem, quæ est vinculum inter duos, sed in potestate sunt ejus à quo prolatae sunt, ut impleantur vel mutantur. Quemadmodum in ultimis fit voluntatibus, quæ usque ad supremum vitæ exitum ambulatoriæ esse dicuntur & sunt.

3. Nec valet à naturâ Dei, cujus dictum est *quod dicitur, & est, res immutabilis*, ut ait auctor ad Hebræos, argumentum in contrarium. Est enim infirmitas, mutare consilium, qualis ut ho-

mini sine scelere evenire potest, ita in Deum nullo modo cadit.

4. Conventio igitur non obligat, nisi per translationem juris in alterum factam, quæ non nisi per actum voluntatis, id est, per acceptationem alterius committi potest; nisi quod Lex aliquando supplet actum voluntatis in acquirente, quemadmodum in ultimis voluntatibus accidit, & rogatio præcedens post secutam promissionem sine dubio vim acceptationis habet.

5. In utroque tam promittente, quam acceptante requiritur usus rationis; Unde furiosos, & infantes neque promittere nec acceptare posse manifestum est. Quin et si omnes qui intelligunt quid dicatur aut agatur, è conventionibus teneri videantur, omnium tamen usu gentium paulo major ætas ad efficacem conventionis effectum requiritur, cujus determinatio juris positivi est; quemadmodum eodem jure negatur aliquando effectus obligationi, quæ per ætatem a-

liquis

liquis obstrictus fuerit, quemadmodum de his qui sub Curatoribus agunt, *infra* videbimus.

6. Quidam præter usum rationis, requirunt animum in promittente deliberatum; etiam Grotius ita, *Quod sit*, inquit, *animo non deliberato, id nos quoque ad vim obligandi non credimus pertinere lib. 1. de J. B. & P. c. x. n. 4.* Deliberationem, qualis ad quemlibet actum animi voluntarium, à philosophis requiritur, quem Electio sequitur, si intelligit, bene est. Si vero populariter in promittente requiri putet ejusmodi præviam deliberationem, quâ non nisi bene subductis rationibus, homines ad conventionem accedunt, hoc requisitum incideret in sententiam eorum, qui pacta non aliter obligare putant, quam si bene serid animoque determinato fiant ac interponantur: Temere autem inita non censent esse obligatoria, nec aliter quod jure Romano de nudis Pactis docetur, accipiunt, quâ de re diximus in *Eunomia Rom. ad l. 7. n. de Pact. & in Prælect. ad d. tit. n. 8.*

7. Verius est, eos, qui mentis compotes temere promittunt, bene tamen intelligentes quid agant, nec in facto deceptos, ad servandam fidem datam teneri, ut ipse Grotius probat *l. 2. c. xi. à pr. & esse quod sibi temeritatem suam imputent.* Acceptatione ab altero factâ, jus ei quæsitum est, & promittens stipulatori obnoxius tenetur: Alioquin hoc prætextu quilibet contractus atque alienationes in dubium vocari possent: siquidem in promissione, causa est alienandi & juris in alium transferendi. Docet idem rex sapientissimus in *Proverb. c. 6. Si spondidisti manumque dedisti, illaqueatus es oris tui eloquio & teneris, venisti in manum proximi tui, cui te subicias eique satisfacias oportet.*

8. Si qua tamen Civitas, inutile esse

arbitratur, inter cives suos è quibuslibet conventionibus actiones dari, statuatque in eum finem certam aliquam & solennem formulam, qualis apud Romanos stipulatio fuit, esse requirendam, hanc constitutionem è consensu vel Lege justam fieri posse, non est, quod negemus, eâque ratione quod è pactis nudis jure Romano non datur actio, ut in *dictis locis* probavimus, defendi potest; tamen jure Gentium, quod hodie merito viget, aliter obtinere jam diximus.

9. Cæterum, acceptatio tribuit jus ei, cui promittitur, etsi facta sit absenti; modo contractus inter absentes per leges celebrari queat, nec opus esse videtur, ut acceptatio promissori innotescat, nisi id pactus sit; ne quidem in negotiis reciprocarum obligationis, secus ac vult Grotius *d. cap. xi. n. 15.* Quid enim? si quis addiderit absenti rem certo pretio, & hic coram testibus acceptaverit, an venditor revocare poterit, si poeniteat, ante quam acceptatio ipsi renuntietur? Non habet rationem: Transiit in emptorem jus, si acceptaverit. Acceptavit: tenet igitur obligatio. Ante acceptationem, posse revocari jam dictum est.

10. Si ante acceptationem mortuus sit ille, cui promissio facta fuit, ad heredem ejus nihil transit, quia nihil defuncto acquiritum fuit; jus acceptandi non transit: quia non est jus quæsitum, sed est res meræ facultatis, sive potentie, quæ cum personâ extinguitur. Quid si promissor sit mortuus, an is cui promissum est, acceptare potest? Sane potest; sed & heres promissoris ante acceptationem revocare potest, sicut ipse promissor potuisset.

11. Plane, si plures sint promittentes aut stipulantes, singulos pro partibus obligare & obligari, naturalis juris est; Ut in solidum singuli teneantur, non sit,

nisi per expressam conventionem, quæ fiunt duo correi stipulandi & promittendi; vel quod res sint individuae, ut quædam facta & res incorporales. Eadem ratio est in heredibus ejusdem promissoris aut stipulatoris.

12. Hæc de consensu utriusque vel plurium. Sequitur materia pacti, *in idem placitum*, ut in definitione fuit. Qualitas materiæ expressa non est, neque potuit exprimi ob infinitam varietatem: Sed hoc ultro intelligitur, rem ejusmodi esse oportere, quæ sit in potestate promissoris, quæ deficit, vel ratione personæ; vel rei. Priore sensu quicunque sub Curatoribus agunt, promittendo, cum effectu non obligantur. Et si enim quominus ex conventionione teneantur, qui ratione utuntur, nihil obstat, effectus tamen, qui consistit in alienatione, ab iisdem proficisci non potest, cum hæc auctoritate Curatoris impediatur; quod universo juri convenienter, etiam à Romanis observatum est, *l. 101. §. de Verb. obl. & l. 3. C. de in int. res.*

13. Respectu rei, non valet promissio rerum, non modo impossibile, sed etiam commercio exemptarum, ut sunt res sacræ, sanctæ, religiose, publicæ: liberi homines; sed rerum quæ nullius sunt, aut alienarum promissio, in casum, quo nostræ futuræ sunt, valet; & sic etiam publicarum vel sacrarum, in casum si quando privatæ & nostræ sint futuræ; modo in illâ spe vel destinatione nihil sit turpitudinis, qualis esse videtur in promissione matrimonii futuri, ab eo eâve, qui conjugem nunc habet, tamen etsi aliter, quod mirere Grotius in *lib. 2. c. xi. n. 8. in fin.* Quamquam autem qui promittit res in commercio positas, sed nunc alienas, ad ipsarum præstationem in præsen- non obligatur; si tamen eas pure promiserit, in id

quod interest tenebitur; ad quod si promissio penitus nulla sit, ob defectum commercii, cessantibus omnino terminis habilibus, non tenetur.

14. Ad nullitatem pertinet etiam promissio rerum vel actionum turpium, quas nemo in potestate habere censetur, & unde ne quidem, post rem gestam, oritur obligatio, secus ac Grotius docet in *d. cap. x. n. 9.* argumento ejus, quod Juda egerit, erga Thamarem nurum, cui solvit mercedem stupri *Genes. 38.* Sed unde probat Grotius, si non solvisset, eum fuisse peccaturum? solvit generositatis profanæ causâ, ne veniret in contemptum, ut indicat ipse *vers. 23.* nec facile persuadebit *de peccatis*, eum qui sicario conducto post cædem peractam solvit mercedem promissam, non magis probare factum, quam explere justitiam. Cæterum, quod is qui sine causâ promissit, non tenetur Lege civili, id magis ob præsumptionem turpitudinis, quam quod promissio sola deliberato animo facta non teneat, fieri videtur, ut idem recte *n. 10.*

15. Non est etiam in potestate Promissoris, alium esse daturum quid vel facturum, nisi de se Promissor expresserit, effecturum se, ut aliis det vel faciat: tunc enim nisi id effecerit, in id quod interest tenebitur. Sane qui mandatu alterius promissit, is sine dubio mandantem obligat, siue mandatum generale seu speciale fuerit, etsi Promissor mandati generalis fines excesserit; quatenus mandans eum præficiendo rebus suis, quicquid in iis egerit & promiserit, se ratum esse habiturum tacite recepit; haud tamen ultra scilicet quam res parent, quibus est præpositus, quod in Exercitoribus, Institoribus, etiam in Legatis usum habet.

16. An alius pro alio acceptare alii-ve stipulari possit, quod *jus Romanum* optimus

optimus alioqui juris naturæ interpres negat, in eò Grotius distinguit inter promissionem mihi factam de re dandâ alteri, & inter promissionem in ipsius nomen; cui res danda est, collatam. Si mihi facta est promissio, omisâ inspectione, an mea privatum intersit, quam Jus Rom: introduxit, naturaliter videtur mihi acceptandi jus dari, ad efficiendum, ut ad alterum jus perveniat, si & is acceptet. d. c. xv. §. 18.

17. Atqui Jus Romanum non negat, promissionem mihi factam, ut ego alii dem, valere; sed negat alium alii posse stipulari, hoc modo; *centum Titio dare spondes?* §. alteri 18. l. de Inutil. stipul. l. 38. §. 17. x. d. V. Obl. Addit quidem hanc rationem, quod obligationes sunt inventæ, ut unusquisque acquirat id quod sua interest: sed hæc ratio cessans efficere non potest, ut thesis ignota juri Romano adstruatur, & stipulatio, quâ quis sibi dari stipulatur quod alii det, non valere dicatur: eo quod statuit, alium alii propter illam rationem non posse stipulari. Præter quod, non possit non interesse stipulantis, sibi acquiri quod alii det; si negotium alteri gerat, quo casu habet actionem; si quod donatum ei velit, quo beneficii debitorem accipiat, quod minime remotum est à facultate civilis negotii: Nec adeo sic Juris auctores negant, quod Grotius illis ut negatum imputat, in his verbis, *Nam is sensus juri Naturæ non repugnat, & verbis talis promissionis maxime congruit, neque nihil mea interest, si per me alter beneficium accipiat.* Non sunt hæc revera contra jus Romanum, ut recte etiam observat D. Sieglerus ad hunc Grotii locum. Valet igitur stipulatio tam jure civili quam naturali hoc modo; *Centum mihi dare spondes, quos ego dem Titio?*

18. Pergit Grotius; *Quod si promissio in nomen ejus collata est, cui danda res*

est, distinguendum est, an qui acceptat, speciale mandatum habeat acceptandi, aut ita generale, ut talis acceptatio ei inclusa censeri debeat: an vero non habeat. Ubi mandatum tale antecessit, distinguendum ultra non puto, sitne persona sui juris, nec ne, quod Romanæ leges volunt, sed plane ex tali promissione obligationem perficit. Ego adhuc puto distinguendum, saltem in possessione dominioque rerum; utrum is qui stipulatur, sive acceptat in alterius nomen, ex ejus mandato generali, vel speciali; mandatum illud præferat, an non. Si præferat mandatum, acquirit etiam mandanti, l. 13. x. de Donat. Quod si mandatum non præferat meus Procurator, acceptans pro me; tunc idem, quod ad Promissorem est, ac si deficeret mandatum: quod enim ignoratur, in civilibus habetur, ac si non esset. l. 1. §. 20. x. de Acquir. Poss. Hæc etiam de obligatione acquirenda valeant; etsi paulo secus hac parte jus Romanum l. 49. §. 1. x. de Acquir. Poss.

19. Hoc igitur querendum est, an deficiente mandato, valeat in nomen Tertii Stipulatio, sive acceptatio, in hunc modum, *Centum Titio dare spondes? spondeo.* vel ita; *Titio centum dabo.* Alius præsens subjicit, *accipio pro Titio;* id ignorante, neque prævio mandato. Romani putarunt, ego etiam magis puto, talem promissionem non habere majorem vim, quam si nemo acceptasset, quo casu revocare liceret promissum. Quod enim ego me Titio daturum profiteor, quid hoc ad Tertium, qui in Titium non habet potestatem? Arbitratu meo emisi vocem, in Titii favorem; hanc excipit Cajus aut Sempronius: non contrahitur inde vinculum, quo promissor obligetur promissario. Titius est promissarius; ego promissor; nos duo colligandi sumus, ut vinculum obligationis nascatur: non ego

ego & quilibet alius, cui nihil promisi. Si veniat is qui acceperat, dico; nihil tibi promisi: si veniat Titius, dico, Sum equidem professus me tibi daturum: sed revocavi antequam acceptares, per te vel per ministrum, quod erat liberum facere. Non est hæc subtilitas, est vera rei gestæ historia & consecutio.

20. Grotius duplicem ejusmodi promissionis in aërem factæ, ab eo, ad quem non pertinebat, acceptatæ, statuit esse effectum: primus est, ut promissori revocare promissionem non liceat, antequam is, quem spectet promissio, eam ratam habuerit aut irritam. Hoc jus promissarii (liceat ita loqui cum Grotio) ut ab ejus rati habitatione pendeat promissio, consistere debet in vinculo, quod ipsum & promissorem colliget, quod in hac specie deficere probavimus. Ait Grotius: *si promissor revocet, non facit contra jus proprium alterius, sed contra fidem.* Atqui nos agimus de obligatione, quæ jus proprium alteri tribuit; ubi non est jus proprium alteri quæsitum, ibi non est obligatio. Perfidia quoque non committitur, ubi fides data non est ei, ad quem res pertinet; mutatio consilii & levitas non est statim perfidia.

21. Alter effectus Grotio est, quod is qui acceperat, medio tempore promissum remittere possit, id est, antequam is cui promissio facta fuit, ipso acceptante, eam ratam vel irritam haberet. Sed qui nihil juris acquisivit, ut Grotius ipse fatetur, sibi nec alii, non habet etiam quod remittat. Quid ni verò qualemcunque fidem à me datam, in Tertii nomen, ipse remittere possit, cum nullo pacto illi tertio teneatur; quid hic conqueri potest? Pone casum; Ego dixi, *Titio centum dabo.* Tertius subjecit, *Accipio pro Titio:* cui nullà re tenetur, & qui rem totam ignorat. Si quid ind juris

ortum sit, hoc est penes Tertium acceptantem; nihil adhuc penes Titium. Tertius antequam referat Titio, promissum mihi remittit; quid habet de quo Titius queratur, cui nihil ademptum, nihil quæsitum fuerat?

22. Promissionibus crebro accedit Jusjurandum, quod est, Adseveratio, cum invocatione Numinis in testem, & cum imprecatione nostri: Et si posterior pars, haud expressa licet, ultrò intelligitur, cum, qui Deum invocatur, superiorem citat, habentem *ἐκδίδωμι ὀφθαλμὸν*, vindicem oculum: Quod Mennonitæ nostri, quibus jurare religio est, animadvertentes, cum diu usi essent indulgentiâ legis, quæ permittit iis solâ invocatione numinis in testem, *ἀντὶ τοῦ ὀνόματος*, sine imprecatione defungi, postremo qui ex illis rigidiores sunt, id ipsum repudiarunt; neque plus quam simplices adfirmandi vel negandi formulas à Christo permissas arbitrati sunt. *Matth. V.* Quemadmodum inter ipsos paganos non defuere, qui videntes, nonnullos hominum esse nimis faciles ad jurandum contemptu religionis, in adversam partem se recepere, perquam timidi in Jurando, metu divini numinis, usque ad superstitionem, ut refert Ulpianus in l. 8. *τ. d. Condit. Instit.*

23. Nec est dubium, quin, nonnisi in magni rebus momenti, minimè in tralatiis, aut incertis adhibendum sit jusjurandum. Eaque mens videtur esse Christi domini & Jacobi Apostoli juramenta prohibentium, non ut ex usu judiciorum rerumque maximarum penitus aboleantur; Id enim propositum Servatoris nostri declarantis, se non venisse *καταλῦσαι τὴν νόμον*, abolendi Legem, in quâ olim sancitum esse jusjurandum satis constat, idemque sanctorum exempla in ipsa novi testamenti œconomia abunde refellunt.

24. Idem igitur velle videtur, Christus,

Christus, quod Philo; καὶ μὴν ἐν βίῳ φιλό-
 τῳ ἐν ἀρετῇ τοῦ κατὰ φύσιν ἀνθρώπου, ὅ-
 τως ἀναβῇ ἐν ἰσχύϊ διδασκαλίας, ὡς τὸς
 λόγους ὅρους εἶναι νομιζοῦν. Optimum atque
 utilissimum & rationali naturæ convenien-
 tissimum est; juramento abstinere, atque
 ita se veracitati advesfacere, ut verba pro
 juramento accipiantur. Proinde τὸ ἐν-
 χῶν ὁ ἀνθρώπος ἀποβῆναι ἀπὸ τῶν ἐνδεχόμενων
 ἐν ἀρετῇ τῇ ἐκβάσει, ἔχεται τὸ πῶς, Im-
 perat igitur abstinentiam jurisjurandi de
 contingentibus, sive de his, quæ possunt
 & non possunt fieri & incertum habent e-
 ventus terminum, ut Hierocles.

25. Non est animus omnem exhauri-
 re Jurisjurandi materiam, quod actum
 in *Prælect. d. tit. π. de Jurejur.* Sed hic
 de eo, quod promissionibus accedit,
 agimus. Per se non parit obligationem
 inter homines, quia se refert ad Deum;
 sed conventionem firmat: Quæ si non est
 obligatoria, jusjurandum eam vim inter
 homines addere non potest. Unde pacta
 nuda, quæ jure Romano non obligant,
 eam quoque virtutem non adipiscuntur
 ex jurejurando, ut eodem jure proditum
 est; non quod jurantis conscientiam ob-
 ligari coram Deo negent; sed quia fo-
 rensem inde actionem dari non pro-
 bant, tam ratione jam dicta, quam
 quod usu promiscuo jusjurandum vi-
 lesceat, quæ de re prolixè egimus in
Eupom. Rom. ad l. 7. §. 16. d. Pact. ubi
 & illud, Jusjurandum contra bonos
 mores non valere, quia nec ipsa valet
 obligatio, cui adjicitur, & jusjuran-
 dum non debet esse vinculum iniquita-
 ris. Idem est in impossibilibus, de qui-
 bus omnibus ad Grotium; in *lib. 2. c.*
13. n. 6. & seqq.

24. De his quæ jure Civili solo prohi-
 biti sunt Contractibus, non conveniunt
 Romani & Pontificii Juris auctores.

Utrique sane in eo conveniunt; si
 quis jurando promiserit rem naturali &
 divino jure licitam, sed positivo jure
 prohibitam quidem, attamen in alte-
 rius privati aut Reipubl. præjudicium
 non vergentem, ut is coram Deo te-
 neatur: Sed jus Canonicum vult tale
 jusjurandum etiam habere juris externi
 effectum *cap. 28. x. de Jurejur.* ubi ex-
 emplum, si mulier jurejurando consen-
 serit in alienationem rerum dotialium
 lege civili prohibitam. Item *cap. 2. de*
Pact. in 6. Ubi filia juravit, se dote con-
 tentam, hereditate paternâ abstentu-
 ram; cujusmodi renunciatio Legibus in-
 valida est. Sed Jus Romanum non a-
 gnoscat ejusmodi juramenta in Foro,
l. 5. C. de Legib. idque nec immerito,
 quia sic Leges eluderentur: Qui non est
 idoneus ad contrahendum, ille jurando
 se contra sententiam Legum idoneum
 facere non potest, nec etiam posse debet;
 quæ de re similiter actum, ad *d. l. 7. §. 16.*
d. Pact.

25. Quamvis autem ex jurejurando,
 qua tali, novum jus alteri non acquira-
 tur, promissio tamen. cui adjicitur, in-
 de fit firmior, ut etiam præstari illam ne-
 cesse sit, etsi aliquid promissario, cur
 promittentem liberare debeat, objici po-
 test, quales sunt hostes, impii, latrones
 & tyranni, quæ de re Grotius *d. cap. 13.*
n. 14. & 15. quod tamen vinculum reli-
 gionis cum mere personale sit; heredi-
 bus, quominus contra promissarium,
 juris utantur remediis, non obstat, ut
 idem probat *n. 17.* Quis sit effectus ju-
 risjurandi, quo Reges & alii summam
 potestatem habentes civibus suis obligan-
 tur, aliquoties in loco diximus. Qui-
 bus autem modis conventiones & jus-
 jurandum obligare desinant, alibi com-
 modius explicabitur.

CAP. IV.

De Contractibus.

Differentiæ Pacti & contractus à Grotio & juris civilis Auctoribus prodita ad Artis rationes examinata. Summa Contractuum divisio in Consensuales & Reales. Consensualium primus, Emptio Venditio; ubi, an rem minoris emptam multo pluris vendere, philosophia civilis permittat. Periculum rei venditæ necdum traditæ ad Emptorem ipso jure naturali pertinere. Idem esse analogicè in locatione conductione, quod ad mercedem & usum fructumve rei. In locationibus facti non liberari contrahentem præstatione ejus quod interest, altero invito. In Societate, si nihil convenerit, esse videri Æqualitatem arithmeticam, etsi rerum vel operarum dispar sit collatio. Mandati & Jussus differentia. Mandantem non obligari Tertio, qui cum mandatario contraxit, nisi ex eo quod specialiter actum sit. Ratio non excedendi fines mandati, distincte exposita. Cur Societas & Mandatum, secus ac alii Contractus, morte finiantur. Ad consensuales contractus etiam posse referri Stipulationem, cujus usum adhuc non esse nullum. Quin & Fidejussionem, cujus differentia & materia subjecta, ubi & de obligatione sui ad mortem vel ad cruciatum, exponuntur. Donationem quoque ad hoc genus rectè referri; Nec eam sine Acceptatione donatarii valere; sed de omnibus; etiam futuris bonis, quominus fiat, nihil ob stare. Denique, Transactionem ejusdem esse generis. De contractibus, realibus, imprimis de Mutuo & pactione usuraria breviter. Eodem posse referri Contractus Innominatos.

A Pactis & jurejurando transitus est ad Contractus, de quibus hic etiam nonnihil, quod ad universam eorum considerationem Juris publici ratio postulet, est collocandum. Quale etsi & Grotii institutum fuerit, in d. lib. 2. c. 12. ejus tamen partitiones à methodo juris Romani consulto in philologicum & inexpectatum abeuntes non sequemur; cum ordo Juris Latini æquè sit idoneus ad recipiendas hujus Artis observationes, ad memoriam vero & perspicuitatem aliquanto sit expeditior.

2. Conventio sive, Pactum quid sit; antea dictum est. Ab ea Contractum aliter Grotius, aliter veteres Jurisconsulti distinguunt. Grotius omnes actus alii utiles, extra mere beneficos, contractuum nomine appellari docet d. lib. 2. c. 12. n. 7. minus cautè, ut videtur; nam pacta sive promissiones, quas à Contractibus separarat, & de quibus agit in cap. præced. sunt etiam aliis utiles: Mutuum vero & Commodatum sunt etiam mere benefici, neque tamen non sunt contractus.

3. Juris Romani Auctores differen-

tias

tias habent ejusmodi, quæ non sunt universales aut naturales. Prima est ab effectu; quod è contractibus obligationem & actionem nasci volunt, è Pactis contra; sed hæc è ratione juris gentium universalis æque ad actionem producendam sufficere, quam contractus *supra* nos & Grotius *in pr. c. xi.* plenius probavit, idque moribus omnium gentium, qui maxime ad hanc artem pertinent, aliter observari videmus.

4. Alterum à priori discrimen Juris Romani est; quod contractus habeant vel nomen certum, vel causam; Pacta, nec nomen speciale, nec causam habere dicuntur; ita ut, per causam intelligant dationem vel Factum ab una parte impletam vel impletum. Sic Emptio Venditio, Locatio Conductio, Mutuum, Commodatum, Depositum, Pignus atque plures species habent nomen certum, quo propter usum eorum frequentem opus fuit. Pacta, quæ dando vel faciendo ab una parte consummata sunt, hæc, Causam habere dicuntur, ac inde sunt Contractus Innominati. Specimina liberalitatis, in quibus non essent reciproce præstationes, ut Donatio & Precarium, Romani à contractibus etiam removerunt.

5. Postquam vero iisdem placuit, Pactis nudis, id est, conventionibus, quæ nec habent nomen certum, neque causam, ita, ut diximus, intellectam, actionis effectum non dari, opus fuit illis Obligatione verborum, quam dixere Stipulationem, quæ per solemnem verborum conceptionem Pacti vice fungeretur. Quibus deinceps accessit obligatio litterarum, quæ tenetur is qui ante biennium confessus est chirographo suo, se pecuniam quam reversè non accepit, accepisse, eo solo, quod ita scripsit.

6. Reliquos contractus bifariam differerunt, in Consensuales & Reales.

Nam qui expeditioris erant commercii, his è solo consensu vim obligandi dederunt, quales Emptio, Locatio, Mandatum, Societas. Reliquis, minus forensibus magisque beneficiis, ut sunt Mutuum, Commodatum, Depositum, obligandi vim, non nisi post rei interventum & traditionem dederunt, quibus accessit Pignus, eo quod hoc non esset per se Contractus, sed alterius accessio.

7. Hæc differentias probabilis ratione constitutas esse, non est, quod negemus. Sed nobis ex simplicitate juris universi nulla causa videtur, quamobrem omnes Conventiones, vim obligandi habentes, non sint accensendæ contractibus, idque moribus hodiernis magis observari videtur. Quid enim verat, cum stipulationes sint Contractus, Pacta quæ nihil hodie differunt à stipulationibus, eodem nomine designare? Donatio verò, Transactio, Fidejussio, Constitutum & Precarium à contractibus ipso jure civili tam parum differunt, ut plerumque illis adnumerentur, & vix aliud quam nominis sonus interfit.

8. Sequamur igitur hanc simplicitatem, non rejectâ tamen consensualium & Realium differentiâ Contractuum, quæ & in mores gentium abiisse videtur: iis qui verbales dicuntur ad Pacta, qui à literis appellantur, ad Mutui doctrinam relatis, nec verorum & quasi talium qui dicuntur, denique nec nominatorum & innominatorum spectâ differentia. Ac ita locus præcedentis capituli fuit communis, hic de singulis contractuum speciebus agetur, quatenus, ut dictum, hujus instituti ratio postulat.

9. Consensuales igitur contractus sint, Emptio Venditio, Locatio Conductio, Mandatum, Societas, Donatio, Transactio. In Emptione Venditione scrupulum movet, quod usus & vita ejus consistit in licentiâ rem prius quam compa-

rata fuit, distrahendi; quod Philosophi imo & Juris quidam magistri, censores, ut adversum præcepto Juris naturæ, Alterum non lædendi, reprehendunt. Sed in Eunomiâ Romanâ ad l. 16. §. 4. de Minor. inæqualitatem illam non esse iniquam, nequidem ut jure Romano permittitur, approbavimus, è facito quidem sed indubitato generis humani consensu, præter id quod Grotius ex interiore philosophia depromptum habet in lib. 2. c. xi. n. 26. quibus accedit ratio Juris publici Universalis, ab utilitate maximâ, per quam fit, ut nullâ rema-
gis floreat civitates, quam Commer-
ciis, quorum anima est illud lucrum: Nec quidem limitatio Juris Romani, ne ultra duplum procedat inæqualitas ex l. 2. C. de Resc. vend. hic locum habet; cum illa supponat uniformem æstimationem mercium, nos in commerciis, pretia rerum fluxa & æstimationis incrementum supponimus; cui varietas indigentiz & affectionis hominum certos poni limites non patitur.

10. Venditio consensu perfecta, non tantum parit obligationem, sed ex naturali ratione dominium quoque rei nondum traditæ in emptorem transfert, secundum ea quæ supra diximus, Traditionem ad dominii translationem non requiri, ut late probavimus in Digress. lib. 4. c. 8. n. 2. & inserto ibi tractatu de jure in re & ad rem c. 16. Quod etsi jure Gentium positivo mutatum sit, ut dominium nonnisi post traditionem in Emptorem transire censeatur, tamen periculi ratio, si forte res casu fortuito pereat ante Traditionem, mansit in simplicitate Naturali, etiam Jure Romano; nam periculum re quoque nondum tradita pertinet ad Emptorem; quoniam in rei veritate dominium, Jure naturali in Emptorem est translatum.

11. In Locatione Conductione, quæ

proxima est Emptioni Venditioni, cum nihil quam usus rei transferatur in Conductorem, periculum ipsius rei nonnisi ad Dominum Locatorem spectare potest: Verum sicut usus rei, & merces in ea respondet dominio & pretio, quod vertitur in Venditione, sic etiam periculum usus ita transit in conductorem, ut ille mercedem debeat, etsi usus ipsi fuerit inutilis, nisi vis major foris adveniens æquirati locum faciat; omnino, sicut Emptor pretium debet, etsi res pereat; nisi quod ibi differentia casuum excluditur à causâ dominii infinitâ, secus ac in locatione bene consultum est à Romanis in l. 15. §. 4. c. de Locat. conduci.

12. Ita in Locatione rerum. Si quis factum locaverit, conduxerit, cum non teneri ad factum illud specificè implendum, sed præstando id quod interest in omnibus facti obligationibus, promissorem liberari posse, frequenter à Juris interpretibus proditum est; quod non habet rationem. Quid enim magis à fide quam dederis, servandâ, in faciendo, quam in dando liberare quem possit, non apparet: Etsi verum est, si quis præfracte nolit facere, quod se facturum promissit, eum præcise cogi non posse, tamen à Judice condemnatur ad faciendum; nec enim voluntas absolute cogi potest; sed illa consideratio non impedit, quominus & perfidiz notetur & judicialibus cogendi remediis, veluti pignorum capione, multæ dictione, custodia ad servandam fidem adigi possit; quibus tamen id non efficientibus, rem in exactionem ejus quod interest, oportet equidem definire, sed hoc minime in debitoris facultate positum esse, vel ipsum ab obligatione faciendi quod promissit, liberare, statuendum est; forte ne quidem jure civili, ut probavimus in Prælect. ad tit. Instit. de V. O. n. 5. vers. Quod si promissor.

13. SOCIETATIS fundamentum singulari modo, quæ vel est ab expressâ conventionione, vel à tacitâ, quæ Communio dicitur, est *Æqualitas* lucri & damni inter socios, proportionem, quam vocant, geometricâ, *ὅτι πλεῖον λαμβάνοντες συμβαλλόμενοι πλεῖον, lib. VII. ad Nicom. cap. ult.* Ut qui plus conferunt, etiam plus capiant lucri atque damni: Idque non modo in pecuniariis collationibus, sed etiam in operarum, laboris & periculi præstatione locum habere, vult ratio & docet Grotius *d. lib. 2. c. xii. n. 24.* Sed hujus rei æstimatio nonnisi ex arbitramento boni viri, facta comparatione pecuniæ & operarum, fieri potest; quæ rescum sine facto & prævia conventionione peragi nequeat, si absque ulla conventionione de partibus lucri & damni Societas inita sit, partes videntur esse æquales & viriles, tam respectu collationis operarum, quam pecuniæ, quas contrahentes inter se compensasse videntur; quod etiam ita jure Romano constitutum esse probavimus in prælect. ad *tit. Inst. de Societ.*

14. Sed quia communiones & societates multis obnoxie sunt dissensionibus, ut unus etiam, quod reliqui omnes volunt, impedire queat; ac cujusque facultati id inest, ut res suas ubi velit, sibi seorsim habere liceat, si quem pro ratione pecuniæ operæve suæ poeniteat æqualitatis, is semper ad divisionem aut ad meram conversionem provocare potest: quod adeo est insitum naturæ domini & societatis, metu discordiarum; ut ne quidem pacto convenire posse videatur, ne unquam à Societate recedere liceat; etsi temporalis ejusmodi conventio, tanti non est præjudicii, quin secundum fidem datam consistere possit, ob propinquæ spem reparationis; idque tam juris universi quam Romani, esse videtur.

15. Mandati usus in Jure publico fre-

quens est, à quo Jussum haud immeritò distinguitur. Quippe mandatum est inter eos, qui *manum dant* ex libera utrimque voluntate; Jussum est ab eo qui jubet, id est, *jus habet* imperandi, & est superioris erga inferiorem. Fit autem vel ita, ut is qui jubetur, tantum sit minister & pararius alienæ voluntatis, neque personæ jus separatæ in illo negotio exerceat; vel ut ipse fidem suam apud Tertium, nomine jubentis, interponat. Hoc sensu, modo magis quàm specie discrepat à Mandato; cum ex utroque duplex obligatio nascatur. Una inter mandantem & Mandatarium; Altera inter hunc & eum quicum contrahit aut negotium gerit, qui Tertius est: sed inter mandantem & Tertium nulla vertitur obligatio, quia nihil inter sese egerunt: Nisi mandans Tertio promiserit, se quod mandatarius egerit, ratum esse habiturum, aut perinde, quasi à se gestum esset, haberi velle. Quin etsi hoc generaliter declaraverit; sine mentione certæ personæ, quilibet hanc ejus emissam declarationem acceptare, ac ita cum ipso Mandante vinculum obligationis contrahere potest; quæ res usum habet frequentem, suis locis occurrurum. Sine tali prævia declaratione res ipsa quandoque tacitè id infert, ut ob utilitatem mercaturæ sit, in Exercitoribus & Institoribus, de quibus ad *tit. Inst. de His qui in al. pot.*

16. Mandatarius ad fines Mandati exactè servandos tenetur Mandanti; quos si excefferit, haud dubie illi obligatur in id quod interest; ad implendum verò contractum, ei, cum quo contraxit ex suâ personâ, vel si malit hic, aut aliter fieri nequeat, etiam in id quod interest. Per æquipollens tamen aut quod magis expediat, si mandatum impleverit; minimè dici potest exceffisse fines Mandati; neque etiam, si per substitutum

LII 3

id exe-

id executus sit; modo nihil interfit Mandantis, aut etiam peculiari modo ipsius industria personalis, vel administratio certæ formæ in terminis præscripta non sit; quo pertinet, quod apud Gellium hac de re legitur, *in lib. 1. c. 13.*

17. Cum autem Mandatum, quod semper est gratuitum, amicitiae industræque personalis fiduciâ, quæ ad heredes utriusque partis non transit, ineatur, morte non minus extinguitur, quam Societas, quæ similis fiduciæ personalis respectu contrahitur: Et si aliorum contractuum obligatio, quæ ratione patrimoniali constat, ad heredes transire soleat. Non minus etiam quàm Societas pro lubitu finitur, Mandatum à partibus liberè contrahentibus, re adhuc integrâ, revocari aut renunciari potest; quâ in re differt à Jussu, qui habet necessitatem parendi; verum ubi res integra esse desierit, tam inter ipsos quam ratione Tertii, manet obligatio, ad præstandum id quod convenit, vel si res ita non fieret, ad id quod interest.

18. Inter Consensuales Contractus videtur etiam merito referri Stipulatio; postquam non modo solennitas verborum recentiori jure Justiniani sublata est, sed nihil præter qualemcunque, modo claram voluntatis declarationem, moribus Gentium, requiri coepit. Verum enimverò cum apud Romanos Stipulatio vix alium habuerit usum, quàm ut aliis conventionibus firmandis & quasi obsignandis subjiceretur, quod hodiè supervacuum habetur, dicendum fuerit, nunc quis usus stipulationum ex hodierno jure Gentium superfit. Primo, etsi conventiones hodiè non minus validæ sint, tamen nulla Stipulatio subjiciatur, revera tamen in omnibus fere majoris momenti, Pactionibus & Contractibus subjicitur clausula Stipulationis, quâ partes stipulantur & promittunt reciproce,

quicquid inter eos placuit, hoc se mutuo servaturos, præstituros, quæ nihil est aliud quàm veterum Stipulatio: Etsi nunc ea non sit ejus vis & necessitas, ut obligationis & actionis efficacia inde suspendatur. Præterea, cum ipsæ conventiones quælibet, non habentes aliud nomen, reipsâ nihil differant à Contractibus, Universalis hujus Artis disciplina inde non abhorret; ut quæcunque de rebus licitis conventiones sine rei interventu verbis aut literis inter absentes vel præsentibus contrahuntur, hæc cum vim obligandi habeant, Stipulationes appellantur, ac ita censeo, observemus.

19. Eò pertinet etiam Fidejussio, quâ quis obligat se pro alio, quod sit bifariam, ut vel primus debitor juxta Sponsorem, maneat obligatus, vel is penitus liberetur, & omnis obligatio in Sponsorem transferatur. Prior modus Adpromissio, Fidejussio, Constitutum à Jurisconsultis vocatur. Nam etsi Constitutum à Fidejussione, præter antiquam Stipulationis, quâ hæc, & pacti quo Constitutum fiebat, differentiam; adhuc subtiliter distinguitur, ut demonstravimus in *Prælect. ad tit. 1. de Constit. Pec. n. 3.* Id tamen in hac universali disciplina attendi non potest. Altera Sponsio, quâ primus debitor omnino liberatur, species, Expromissio vocatur; quando quis se reum pro alio & debitorem prioris obligatione peremptâ, constituit; cujus rei usum in ipsâ re Theologicâ vidimus in *lib. 1. sect. 4. cap. 5. n. 10.*

20. Usus & materia Sponsionum tam late, quam Obligationis & Contractus, quorum Accessio sunt, patere videtur: Ac ideo cum nihil obstat, quominus se aliquis ad mortem, ad cruciatum corporis & ad carceres obliget, omnibusque in delictis obligatio & instar contractus (unde Aristotelis *contractus involuntarii*) vertatur,

tur, ratio vult, ut etiam Sponsor & Fidejussor ita se obligans pro patriâ vel pro amicis teneatur, idemque usus Obsidum, & Historia confirmant: Et si in Foro Judiciiisque ordinariis Sponsio ad mortem, cruciatum, carcerem, Exilium recepta non sit, ut diximus in *Prælect. ad Tit. Inst. & π. de Fidejuss.* ratione magis civili, ut ibi probavimus, quam naturali. Non certè eâ, quâ Jurisconsulti, neminem ajunt esse dominum membrorum suorum. Hoc enim nihil indicat aliud, quam vitam & corpus hominis liberi non esse in commercio, nec æstimationi subjectum.

21. A Sponsionis naturâ non est alienus *Adsecurationis* quid dicitur, Contractus, quo quis alienarum mercium in se periculum pro certo præmio recipit; nisi hæc species magis ad Contractus innominatos referenda videatur; utique, si non prius initium habere censeatur, quam præmium sit præstitum & numeratum, ut fere servant Mercatores; Tunc enim magis est Contractus innominatus, ut *infra* demonstrabitur.

22. Quominus etiam Donatio inter Contractus consensuales referatur, ex eâ quam adstruximus, doctrinâ, non est dubitandum, etsi Juris Romani conditores, paulo aliter instituerint; sicutamen, ut Donationem juxta Contractus sæpe recenseant, & discrimen quod superest & suprâ indicavimus, subtile magis quam popolare sit. Verum interim est, quod Donatio quandoque Traditione perficiatur; sed hæc non magis efficit, ne sit consensualis; quam Empio venditio desineret esse talis Contractus, si Traditio incontinenti accederet. Plane quod aliquæ gentes donationem nullo modo valere statuunt, quam si Traditione perfectæ fuerint, unde Gallicæ praxeos dictum circumferitur, *Donner & retenir, ne vaut*, id

mere positivum & ad restringendam donandi libertatem institutum esse oportet, quæ de re dix. in *Prælect. ad tit. π. de Donat. n. 2. in fin. & n. 4.*

23. Ex proprietate Contractus & quidem Consensualis sequitur, non valere donationem, nisi acceptata fuerit à donatario: Consequenter, si donatarius ante acceptationem moriatur, donatio fit caduca, nec ad heredes transmittitur, secundum eâ, quæ de natura Conventionum *præced. capite* diximus, & quæ nec usu Fori hodierno, qui est optimus Juris Gentium positivi interpres, improbantur, ut docet Joh. à Sande *lib. 5. Decis. Præf. tit. 1. def. 1.* Ubi & improbat, quod à nonnullis populis receptum est, ut si Tabellio donatarii nomine, donationem acceptaverit, etsi absque mandato, sub conditione rati habitionis, hæc à donatore revocari non possit, ut de Hollandis suis testatur Grotius *lib. 3. Introd. jur. Holl. cap. 2. n. 21.*

24. Quid quantumque sit donandum, si donator liberam rerum suarum habeat potestatem, ratio non præscribit: Ideoque valet etiam de omnibus bonis, etsi ratione minus probabili facta; Nam prodigæ donationis vitium impingit in probabilitatem, non in facultatem juris; nisi lex illam probabilitatem convertat in necessariam juris prohibitionem, ut factum est à populis, qui donationem omnium bonorum præsentium & futurorum non patiuntur habere necessitatem obligationis, idque sine discrimine causæ justæ an injustæ, quæ de re diximus *ad tit. π. de Donat.* Ubi sicut ex jure Romano docuimus, illam sententiam adstrui non posse; ita nec philosophia civilis obstat magis, infinitæ donationi, quàm heredis institutioni; maximè, si donator usumfructum retineat; quem si forte stipulari negligat, alimenta ipsi à donatario deberi, tam va-

lida gratitudinis & tacitæ obligationis ratio dicat, ut actioni producendæ sufficere debeat.

25. Denique *Transactio* inter consensuales, ex hujus Artis hypothefi, Contractus etiam referenda videtur: Est conventio de lite nondum finita vel quavis *re dubiâ*, dato aliquo vel promisso, vel retento, componenda: cujus maximus favor, ob utilitatem litium finendarum in Republ. esse debet; ut tamen, quod in omni alio contractu requiritur, ne causa vel res inhonesta sit, de quâ contrahitur, hic minime cesset; quo tamen non pertinere Transactionem de Criminibus sanguinis poenam ingerentibus, quatenus hoc tantum agitur, ut aliquis sanguinem suum redimat, defendi potest, ita, quemadmodum jure civili constitutum est, & explicari solet, à nobis etiam explicitum est, *ad tit. x. de Transact. & in Eunom. Rom. ad l. 1. §. 3. x. de Calumniat.*

26. Fuere contractus, ut pro hoc instituto sufficiat, Consensuales. Sequuntur Reales, qui sunt Mutuum, Commodatum, Depositum, Pignus, & si qui ad hoc genus alii referri possint: Omnibus commune est, quod cum non nisi post rei interventum & traditionem perfecti sunt; conventiones super illis initæ, ante traditionem nihil quam pacta nuda sint, cum illo effectu, quem jus Gentium illis tribuit, ut vim actionis in id quod interest, habeant: si quis ex eo quod alius mutuum se daturum, vel depositum accepturum pollicitus erat, damnum passus sit; etsi jus Romanum ejusmodi pactioibus nullam nisi conscientie obligandæ vim tribuisse videatur *l. 30. x. de Reb. cred.*

27. Tribus etiam prioribus commune est, quod sint beneficii, nec ullam recipiant accessionem mercenariam; etsi Mutui naturam hac parte mores Gentium

subegerint, ut nihil frequentius quam usurariam pactioem recipiat. Romani quidem hanc speciem ei circumdederunt, quod non nisi è peculiari conventionem debeat, & Mutui natura maneat intacta benefica: Sed cum stipulatio usuraria non habet aliam, præter Mutuum, causam, non potest negari, quin mutuum illo & omnium populorum jure, sit usurarium. An autem & quatenus usura sit licita, cum alibi, tum hoc ipso *libro. 2. sect. 2. cap. 2. n. 20.* declaratum est, Cætera, quis usuræ sit modus, quibus ex causis debeat & deberi definat, aliaque etsi à Juris universi tractatu usque Reipubl. aliena non sint, hic tamen facile, ne vel de his, vel de Mutuo, Commodato, Precario, Deposito, Pignore latius agi necesse videatur, obtinebimus.

28. Verbo monendum; Ad reales Contractus, videri & illos ex hujus instituti ratione referendos, qui à Jurisperitis Innominati contractus appellantur, utique tales, qui non habent initium, nisi à dando, ut est contractus Do, ut tu des, sive Permutatio; Item Do ut facias, quia non habent formatam Contractus naturam, nisi post dationem ab una parte impletam. Reliqui duo, qui sic exprimuntur, Facio ut des, & Facio ut facias, analogice & latissimo rei significato ad idem genus referri possunt. Sed ut hisce non præjudicatur diversæ Juris civilis methodo, ita speciebus hisce latius explicandis non est hujus instituti ratio comparata.

29. Sed quorsum referemus aded ce-
leerem his diebus *Cambium* quod dicitur, seu Collybium, ut Græci. Contractum innominatum ut appellemus, postquam nihil eo frequentius in hominum commercio esse cepit, non fert ratio, etsi crebro volunt Juris-Consulti. Sed etsi non habet locum aut nomen proprium

prium in methodo Juris Romani, non in hac Arte tamen non dubitabimus inter Contractus referre nominatos. Est revera Mandatum, quo quis alteri mandat, ut tertio numeret pecuniam suo nomine. Plerumque duplex, ut qui pecuniam amico curare vult foris, mercatori mandat, ut is Secundo mandat, amico illi numerare pecuniam. Veteres Latini, pecuniam hac viâ permutari dicebant, quâ de re diximus ad Tit. v. Mandati, sub fin.

30. Posset hic etiam agi de Sponsionibus in fortuitos rerum eventus, quos alii licitos, alii prohibendos arbitrantur; neque res hæc non directè ad institutum præfens & Juris publici disciplinam pertinet. Sed moles rerum & operis coarctandi necessitas hic etiam remissione defungi nos jubet, ad locum ejus proprium in prælect. ad Pandectas Juris Tit. de Aleatoribus n. 5.

CAP. V.

De obligatione à variis Causarum figuris, specialiter ex dominio.

Ad varias causarum figuras primo referendos quasi Contractus, inter quos Negotiorum gestio, quæ ex jure Nat. probatur adversus Grotium. Communione. Indebiti solutionem, Tutelam. Exercitoriam obligationem, de quâ cum Grotio differitur. Huc etiam pertinere Patrum obligationes è contractibus filiorumfam. Locupletationes cum alienâ jacturâ. De quasi delictis remissive. Quo sensu nascatur Obligatio è Dominio & ex juribus in Re cæteris. Inventorem alienæ rei esse obligatum ad restituendum. Quid si dominus non inveniatur, Quid si ille jam pridem de recuperandâ re desperaverit. Obligationem tacitam de restituendâ re Domino, esse validiorem expressâ, de restituenda re non domino. De fructibus rei restituendæ, & de causâ fructus acquirendi à non domino. Emptorem rei alienæ teneri ad restitutionem, non recepto pretio; nec quidem venditori illam restituere posse; sed ipsi domino teneri ex jure Naturæ.

Cum dux sint principes obligationis causæ, Delictum & Contractus, & tamen ea varietas rerum actionumque sit humanarum, ut certis nominibus aut terminis contineri nequeant omnes, hinc Gajus Jctus in lib. 2. *Aureorum*: Obligationes, inquit, aut ex contractu nascuntur, aut ex maleficio, aut proprio quodam jure, *ex variis causarum figuris* l. 1. *supr. v. de O. & A.* ita ut summa causa sit *Æquitas*, cujus infinitæ sunt hypothese.

Unde Paulus Adfessor cum de specie facti, in quâ nihil cum altero actum erat, quaesivisset, an obligatio inde oriretur, *subsisto*, inquit; sed mox, *propius est, ut obligari te existimem, quia bonum & æquum est*. l. 32. d. *Reb. Cred.*

2. Species ad hanc varietatem figurarum pertinentes, quædam propius ad naturam contractuum, quædam ad maleficiorum similitudinem accedunt: Ad Contractus; si quis amici absentis nego-

M m m

tia,

tia, non rogatus administraverit, quæ dicitur Negotiorum gestio, quam ex æquitate naturali non minus quam usu civili introductam esse docet lex 1. *π. de Negot. gest. ubi*; Hoc Edictum necess. &c. *Æquum* enim est, ut & ipse qui gessit, rationem reddat, & amicus eum indemnem præstet. Quo magis miror, à Grotio scriptum, *Negotiorum gestorum actionem, nullum habere eorum fundamentorum, ex quibus natura obligationem inducit. lib. 3. c. 10. n. 2.* quod inconsiderate videri Grotio excidisse, demonstravimus in *Eunom. Rom. ad l. 1. π. de Negot. gest.* Si duo sine conventionione, retamen ita ferente, incidant in *Communione*, ut si duobus eadem res legata vel donata sit, æquitas easdem inter eos præstationes, quæ sunt in Societate, producit, quemadmodum præcedens species haud procul à Mandato distat. Qui pecuniam indebitam, sibi per errorem solutam accepit, æquitate jubente, tenetur ad eam restituendam, non modo si facti, sed etiam, si juris error fuerit; etsi distinctio hac in parte, utrum is qui solvit, de vitando saltem damno, an de captando lucro ceteret, ita, ut lucrum capienti juris error minus proficit, ab Æquitate remota non sit.

3. Inter Tutorem etiam & pupillum, etsi nihil sit gestum, quia Tutela publicum officium est, etiam invitis imponi solitum: Administratio tamen illius officii parit obligationem, quæ Tutor ad reddendas rationes & pupillus ad indemnitatem tenetur, non è contractu, nec utrique è delicto, sed è negotio, quod proprius à Contractu, quam à delicto abest. Denique & Heres, qui adit hereditatem, sibi Testamento vel lege delatam, nihil cum legatariis aut Creditoribus agit: Sed tamen hoc ipso, quod suscipit hereditatem, obligare se videtur ad satisfaciendum Legatariis & credito-

ribus defuncti; etsi quod ad hos ultimos attinet, hac obligatione subsidiaria, cum heres pro ipso defuncto habeatur, non sit opus, quæ de re dabitur *infra dicendi locus.*

4. Huc etiam pertinet Exercitoria & domini præponentis Institorem, Obligatio, quæ tenentur his, qui cum præpositis contraxerunt, haud tamen ultra, quam de rebus, quibus sunt præpositi. Nam hoc ipso, quod eos præposuerunt, videntur eatenus in se recepisse onus obligationum, quas illi in officio contraherent. Sed in hos, qui cum præpositis contraxerunt, non est eadem actio præponentibus, quoniam his applicari non potest alia ratio, quam quod alius per alium, nisi ratione potestatis vel officii, non obligatur: Extranei illi cum præpositis contraxerunt; his igitur sunt obligati, non præponentibus, quos non noverunt; nec ullum extræ eorum factum, quo alii quam ei, quicum egerunt, teneri debeant; quod ita quoque jure civili rectè constitutum est; nisi quod in extremo æquitaris casu, cum præponentes suum à præpositis, quos obligatos habent, adipisci non possunt, in subsidium adversus eos qui cum illis contraxerunt, agere possunt. *l. 2. π. de Inst. act.*

5. Quod autem plures numero præponentes in solidum singuli tenentur, id male Romanis Legibus introductum esse Grotius affirmat, cum id neque naturali æquitati conveniat, quæ satis habet, si pro suis singuli partibus teneantur; nec publice utile sit, cum ita homines ab exercendis navibus absterreantur, si metuunt, ne non ex facto magistri in infinitum teneantur. *lib. 2. cap. xi. n. 13.* De ultima ratione consentimus; sed hæc facit, ut quod Grotius vult, sit juris positivi; naturalis æquitas videtur esse pro jure Romano, quod ita statuit, si exercitores per se plures, na-

vem

verum exerceant, singulos pro suis partibus teneri; Si vero suas rationes & jura in unam personam compingant, quæ pro omnibus uno actu cum aliis contrahat, non possunt ab his contrahentibus exigere, ut hi de eo, quod cum uno pro omnibus in unum conjunctis egerunt, adversus plures agere cogantur. Utilitas mercaturæ fecit, ut ab illa simplicitate rationis evidentissimæ recessum fuerit.

6. Eadem ratio est in Contractibus filiorumfam. ac ut olim fuit, servorum, qui peculiis Parentibus, in quorum potestate sunt, aut ab Heris instructi sunt, ut Patres & domini è contractibus servorum & filiorumfam. teneantur in eam quantitatem, quæ est in peculio, cui liberos & servos præposuerunt: Unde liquet, hanc obligationem non nisi ad peculium, quod ex illorum bonis profectum est, non ad id quod filii aliunde consequuti sunt, pertinere.

7. Quando quis ex alieno factus est locupletior, cum id alteri abest, hæc etiam est justa obligationis causa, modo non ex datione vel facto alieno ad illum justo titulo pervenerit, quo casu ille cui res abest, adversus eum qui in alium id contulit, actionem habet, non interitum. Nisi quod Pater & dominus è contractu servi vel filii-familias locupletiores facti, ob arctitudinem potestatis & conjunctionem personarum, probabili ratione, de in Rem verso tenentur Jure Romano. Sed qui immediate locupletior est factus, Re obligari dicitur: quomodo & reliquæ species obligationum, quæ non habent speciale nomen, sed quas ipsa res & æquitas dictat esse dandas, aperte designantur. Adde Grotium *d. cap. 10. n. 2.*

8. Et istæ quidem species Contractibus sunt adfines: De his quæ ad maleficiorum similitudinem accedunt, locus

est in Jure Civili, de quo nihil habemus singulare, quod hujus sit instituti: Etiam latius patet illa quasi delictorum obligatio, quam ut certis terminis comprehendi possit. Quin, ut hæ species intermediæ contractuum & delictorum varie miscentur, ita quandoque in eodem facto quasi contractum & quasi delictum posse committi, animadvertere licet: Quemadmodum Nautæ, Caupones, Stabularii de rebus in nave, cauponâ, stabulove receptis & furto sublati, tenentur è quasi contractu, recipiendo rem, & è quasi delicto, quod infidis hominibus usi sint. *T. π. Naut. caup. stab.*

9. Ad varias causarum figuras videtur etiam referenda obligatio ex Dominio, de quâ caput proprium habet Grotius, *in lib. 2. c. 10.* & consequenter ex omni jure in Re constituto; quod minus à definitione obligationis, à Jurisconsultis traditâ, quam eorundem usu abhorret. Est enim in omni jure, quod in Re dicitur, maximeque in dominio, vinculum Juris, quo necessitate obstringimur alicujus rei solvendæ, secundum cujusque civitatis Jura. Nam Juris in Re vis à parte domini, aut ejus cui jus est quæsitum spectatur; obligatio respectum habet, ad quos ea res vel lucrum inde pervenit. Recte enim, ad quem res mea pervenit, teneri dicitur, ad eam rem mihi restituendam, non modo repetenti, sed etiam ultro & quidem gratis, etsi non suis impensis, nisi post moram, aut per malam ejus fidem.

10. Quæ Obligatio cum sit universalis, nullam admittit exceptionem personarum. Ideoque male Judei rem à gentili deperditam sibi retinere licere statuunt, & si quid indebitum vel nimium per errorem solverit gentilis, fas ajunt hoc retinere Israëlitam; idque ea ratione, quod jure naturali domino res

suas petenti quidem sed non ultro restituenda sit. Inter ipsos autem aliter esse Juris, ex ratione peculiari nihil attinente ad gentiles, ut tradit Selden. *in lib. 6. ad jur. Nat. & Gent. Hebræor. c. 4.*

11. Verius est, inquam, discretis rerum dominiis, hoc quasi pactum humanæ societatis esse contractum, ut quicumque rem alterius in sua potestate haberet sciens, quantum in se foret, efficeret, ut in domini potestatem veniret, etsi hic quo loco res esset, ignoraret: ideoque nec Usucapione, secundum hanc Humani generis conventionem, aliena res à sciente acquiri potest; etsi pacis & litium minuendarum causâ, immemoriali aut longissimi temporis exceptione injustis etiam detentoribus, ut alias dictum, prodesse placuerit.

12. Proinde, qui rem ab alio deperditam invenit, non tam servare debet Legem Platonis, *α μὴ κερῖδα, μὴ ἀρίστη, Quæ non posuisti, ne tollas, sed τὰ τοῦ κείνου, in loco relinquat. Νομίζω φυλάττειν τοῦ ἰσθίου δαίμονα τὰ τοιαῦτα; Credens Deam Itinerariam talia custodire, ut ille vult in lib. xi. sed tollat & domino restituat gratis; nec enim *μίσσηται* sive *ὑπερταῖ* mercedem inventionis aut indicationis exigere jus est, etsi ultro oblatum, vel promissum accipere nil vetat. Denique, sic rectè Juris Interpretes inculcant, eum qui inventa retinet *νόθος* indicat, aut publicat, se rem non suam invenisse, nihilo secus ac furem teneri; nisi in littore aliove loco, ex quo credibile sit, rem non habere dominum, invenerit, quo casu omiſsa publicatio non potest talem mereri notam.*

13. Si dominus rei non invenitur, cum obligatio restituendi cesseret, plerique Juris Consulti monent, quod inventum fuerit, pauperibus esse donandum: quod juris esse non videtur. Quid enim si dominus diu desideratus aliquan-

do supervenerit? Res sine actu voluntatis ab ejus dominio exire non potuit: Quomodo igitur Inventor jus de eâ disponendi exercere potuit? oportet adeo res apud Inventorem maneat, aut alibi custodiæ mandetur, si res sit ejusmodi, quæ servando servari possit. Nam si durare nequeat, ab Inventore, si velit, consumi potest, aut si malit, id jam magis laudabimus, ut eam det pauperibus.

14. Quid si Dominus, omni spe rem suam recuperandi pridem abjectâ, præter spem, repertam cognoverit, an Inventor & possessor eam, sine ulla temporis exceptione, restituere cogitur? Usucapionis terminos hic non obtinere satis constat, ex iis quæ dicta sunt ad tit. *τ. de Usucap. pro derelict.* Nequidem præscriptionis longissimi temporis, si quidem possessor, qui non habeat animum furandi, dominum adhuc extare crediderit; quia tunc absque animo sibi habendi fuit, sine quo nullum præscriptionis initium fieri posse, docet ratio, non minus naturalis quam Lex civilis in *l. 2. C. de Præscript. 30. vel 40. ann.* Si vero crediderit, non extare dominum, etsi defectus tituli Usucapionem non ferat, præscriptio tamen longissimi temporis impediri non potest.

15. Sed an opus est usucapione, vel præscriptione hoc casu? nonne per desperationem incontinenti perit dominium, ut inventor rem nullo modo restituere cogatur, quemadmodum Grotius? Actum est hac de re superius *sect. 4. cap. 3. n. 13. & seqq. & lib. 4. Digress. cap. 24.* & plenius Eunom. Rom. ad *l. 8. §. ult. τ. Famil. Erisc.* hac summâ; Videri manere dominium, quamdiu res manet & desiderium eam recuperandi: Sed diuturnitate temporis, id ipsum desiderium, unâ cum jure domini obliterari, & rem denuo occupantis fieri, in primis si magno sumptu peculoque res sint recuperatæ:

peratæ: quod latius executi sumus in
dist. Eunomia loco.

16. Obligatio possessoris ad restituendam vero Domino rem suam, etsi tacita, validior est, quam obligatio expressa inter possessorem & non dominum, de restituendo. Quare etsi Depositi, Commodati, vel Mandati sanctissima fides est, ut res deponenti, commodantive petenti restituatur, domino tamen supervenienti, si non dubitetur, potius est reddenda, quo pertinet philosophia Tryphonini in *l. bona fides* 31. *π. Depositi*, & quod diximus in *Eunom. Rom. ad l. 8. §. 1. π. de Negot. gest.*

17. Est autem restituenda res cum fructibus adhuc extantibus, qui dum pendunt, sunt pars & dein accessio rerum, nec potest hac parte distingui inter naturales & industriales, ut visum Grotio *d. cap. 10. n. 4.* Est regula Juris naturæ; Quod ex re mea superest, id meum est ejusque vindicandi jus habeo, *l. 49. π. de R. Vind.* atque ut ipse Grotius ait, qui dominus est rei, idem naturaliter est dominus fructuum rei; Grotium movet ratio hæc, *Industria fructus, etiam si sine re non procederent, rei tamen non debentur*, ait; Quod ad compensationem industriæ attinet, concedimus; petitionem fructuum extantium impensis operæque pretio minui. Sed deducto eo quod bonæ fidei possessori pro industriâ curæ culturæque debetur, reliquum est rei, nec aliter quam rei deberi potest.

18. Res sine mala fide possessoris extincta, hic non tenetur, nisi quatenus inde locupletior est factus, qua de re modo egimus & egit prolixè Grotius *d. c. 10. n. 2.* quod ipsum de fructibus, qui sunt accessiones rei, statuendum, sine distinctione naturalium & industrialium; etsi aliter è quibusdam Juris civilis textibus à nobis disputatum est ad §. 35. *Inst. de A. R. D.* Nam si ob rem ipsam vel extinctam vel

consumptam, non tenetur bonæ fidei possessor, non potest fieri, ut de fructibus rei diversum jus statuatur. Quod autem rei singularis possessorem de fructibus consumptis, ne quidem ut locupletior est, teneri volunt Juris civilis Interpretes, secus ac in Hereditate juris sit, hoc adeo repugnat æquitati Juris Naturæ, ut verius sit, ne quidem ipso jure Romano aliud esse constitutum, ut à nobis demonstratum est in *Prælect. ad d. §. 35.* remotis objectionibus in *parte 2. Digress. lib. 1. c. 4.*

19. Qui sunt in eâ sententiâ, tenent, causam, per quam bonæ fidei Possessor fructus lucratur, esse Bonam fidem; quæ proinde sufficiat ad fructus omnes ei plene acquirendos, ut ne quidem teneatur, quatenus est locupletior. Sed cum bona fides nihil sit aliud quam opinio, quâ quis credit, se esse Dominum rei possessæ, ratio non patitur, ut unius opinio sit causa juris aliis auferendi vel minuendi; opinantem absolvere potest à delicto, non præjudicare tertio. Quod ut fiat, opus est aliqua reali causâ, qua non potest esse justior & perfectior jure Naturæ, quam Juris civilis Auctor Justinianus prædit, Cura & Cultura. *Naturali ratione placuit, fructus quos percepit, ejus esse pro curâ & cultura*, ait in *d. §. 35. l. de A. R. D.* quod plenius adstructum & à discrepantium rationibus vindicatum est, in *parte 1. Digress. lib. 4. c. 23. n. 2 & 3.* Ubi & hoc probatum est, *n. 4.* à ratione naturali alienum esse, quod alii tradunt, consumptionem esse causam acquirendi, cum potius sit effectum acquisitionis. Quæ etsi ad hunc locum & hoc institutum pertinent, alibi tamen exposita non repetemus.

20. De malæ fidei possessore non dubitatur, quin etiam ex facto suo teneatur, si res per culpam ejus perierit, tam de re ipsa, quam de fructibus; adeo ut de

consumptis, etiam non locupletior factus teneatur; imo nec iniquam sibi conditionem inferri jure queri potest, si de non perceptis etiam, quos honeste percipere potuit, teneri dicatur, ut Jure Romano consultum est *l. 33. §. de Rei Vind.* secus ac de bonæ fidei possessore, collocat Grotius *in d. cap. 6.* ut ne quidem de his teneatur fructibus, quos liberaliter in alios contulit; quatenus *in d. cap. 6.* sive remunerationes acceperit, ut Ulpianus rectè in *l. 25. §. 11. d. Hered. pep.* cui nec male Grotius addit, nisi & alioquin, ut cunque fructibus illis non auctus, idem donaturus fuisset. *n. 7.*

21. Vis obligationis ad restituendum Domino, quod ipsius est, non pendet, ut diximus, ex eo, quod cum alio actum gestumve sit; ne quidem si Possessor rem bona fide iustoque titulo, & quidem oneroso emptionis aliove acceperit, etsi pretium solverit; nec quidem negare potest restitutionem, dum sibi pretium refundatur. Est enim prior & potentior obligatio ex dominio cum ipso genere humano prodita, ut quisque societatis humanæ particeps cuique suæ rei, quantum in ipso est, copiam faciat; quod peracta gesta posterius auferri non potest; ac ita bene rescriptum ab Alexandro in *l. 16. C. de Eviction.*

22. An saltem regredi potest Emptor ad venditorem, ut huic rem, pretio recepto, restituat, quo is illam dein vero domino restituat? Ne id quidem; quia ex quo res in emptoris potestate fuit, ipse tenetur ad restituendum, nec alium huic obligationi substituere potest, idque, ni fallor, vult Grotius *in d. cap. 10. n. 10.* Sed venditor etiam re non recepta, tenetur ipsi ad pretium restituendum, non ex hac obligatione domini; sed ex emptionis venditionis natura, quæ est evictionis apud Juris Auctores obligatio.

23. Excipiunt hodie aliquot casus plurium mores populorum; primum, si quid in nundinis comparatum sit. Alter est pro mensulariis, qui publice mutuas exponunt pecunias, sub pignoribus. Tertius, pro pannorum, sive tritarum vestium mercatoribus: quos omnes ita demum teneri volunt ad restituendum, si pretium illis restituatur; verum has exceptiones non esse juris Gentium, sed è privilegio sive jure positivo cujusque civitatis esse receptas, probavimus in *Præf. ad tit. 1. de A. R. D. n. 2.*

24. Hæc omnia, salvis impensis, à possessore deducendis, de quibus ad *tit. 1. de Rei Vind.* dicta, non est quod hic referamus.

CAP. VI.

De jure Ultimarum voluntatum.

Transitus ad Successiones, Quid sit Hereditas, & quibus modis deferatur. Ultimam voluntatem, quâ quis alteri dat jus, nonnisi post mortem suam inchoandum, non videri esse juris naturalis. Sed esse causam ejus rei probabilem in hominum naturâ, quæ dedit occasionem Legibus gentium, ejusmodi potestatem morituris faciendi. Inde Testamenta recte publici juris esse dici. Quia per Legem Dominii vis extenditur, ultra suam activitatem naturalem. Quid sit Testamentum, ubi de Puffendorffii in Grotium notâ. Ad Testamenti naturam, ex ratione juris Gentium, plus non requiri, quam ut certo constet, quod, & quid Testari voluerit defunctus. Esse tamen græves causas populis, qui exquisitas huic rei solennitates præscripserunt. Quibus neglectis, Testamenta non obligare, nequidem hominum conscientias regulariter, ad implendam defuncti voluntatem. Qui possint condere Testamenta. Materia duplex, universalis & singularis. Heredis institutionem jure Naturæ esse liberam; exceptis liberis, ratione alimentorum. Probabili tamen ratione naturali, coarctari illam libertatem. De Substitutione heredum ejusque speciebus; solam vulgarem quæ dicitur, esse naturalem, supposito testandi instituto. De præteritione & Exheredatione, ejusque causis. De singularibus Testamentorum capitibus & de Nuncupativo Testamento.

ETIâ doctrinam de Successionibus magis ad Jus in Re constitutum, quam quod ad Rem dicitur, pertinere diximus *sect. IV. cap. 5. n. 51.* quia tamen ut prima ejus delatio ad posteriorem, ita proxima Hereditatis acquisitio ad Jus in Re solet referri; cum & illic, ubi de hoc Jure fuit actum, vix obiter hanc materiam attigerimus, instituti ratio postulat, ut quid de Successionibus Testamentariis & Intestatis, ad Jus Publici universalis tractatum & Subjectionem rerum politicam faciat, animadvertamus; eadem quæ prius, habita curâ, ne Jus privati ad finitas *ius, ad finitas*, ad transitum diverſi generis nos abripiat, aut in tædiosa repetitione detineat.

2. Hereditas igitur nihil est aliud, quam Universum jus, quod defunctus, cum moreretur, habuit; fere ut Juris-Consulti in *l. 24. d. V. S.* Tantum quod illi dicunt, *Successio in universum jus*; cum obscuritatem interpretationis apud eos faciat, facile heic abesse potest. Jus hic est, facultas ad aliquid habendum aut agendum; ut intelligamus, Hereditatem non esse res ipsas, etsi frequenter ita sumitur, cum v. gr. Hereditatem vendimus; Sed facultatem, qua defuncti res ad nos pertinent, etsi non possideantur, nec adhuc existant, veluti fructus rerum adhuc percipiendi, quos recte partem Hereditatis vocamus, etsi rerum singularum pars non sunt.

3. Dici-

3. Dicitur & Universum Jus, quia Hereditas est *Collo* Hebræum, *Pandecte* quàm Græci dicunt, quo continetur, quicquid in patrimonio est, & quicquid utilitatem præstare potest, tam corporalia quam incorporalia: propria, debita quin & aliena, bona fide possessa, conducta, commodata, pignerata, deposita, quatenus defuncto jus in iis rebus fuit, activum vel passivum, heres enim in eadem qualitate tenetur & alios pari modo devinctos habet.

4. Modi, quibus hereditas defertur, duo feruntur; Testamentum & Lex, ut illud priore loco censeatur; neque Legis ordini, quam deficiente Testamento, locus sit. Hoc quidem ita, quod ad Ordinem bonorum devolvendi à vivis in mortuos attinet. Ipsa enim Successionis determinandæ facultas magis est, ut à Lege sola esse videatur.

5. Possunt equidem viventes naturaliter de bonis suis disponere suo arbitratu, si res aut jus rerum in alium perfectè transferant, ut hoc jus maneat, illis quoque sublati, in perpetuum; sed ut alium suo loco statuunt, qui non nisi post obitum ex hac vitâ jus in bona à se relinquenda sit habiturus, cum ipsorum nulla facultas erit, aut potentia, non habet rationem naturæ, neque multis gentibus usitatum aut probatum est.

6. Sed tamen iusta desiderii causâ, ut homines illam potestatem sibi dari cupiant, ac ideo voluntate communi, id est, Lege civitatis; bene & merito recipitur hoc institutum, ut cuique liberum de bonis suis post mortem quoque disponendi arbitrium præstetur; ut supremæ voluntatis, postquam aliud velle jam non possunt, liber sit stylus, & licitum, quod iterum non redit arbitrium, ut olim Constantinus Imperator edixit ad populum; Ratione magis, inquam, probabili, quâ jus hoc commune stabilia-

tur, quam juris perfecti, & justitiæ expleticis in statu naturali.

7. Intererat etiam publicæ quietis & securitatis hominum in civitate agentium; ne bona mortuorum quasi nullius, cuilibet occupanti cederent; quod naturaliter futurum erat, cum mortuus ipse, nullus esset, nec consanguinei plus quam rationem haberent probabilem, sicut hodieque nihil amplius habent.

8. Enimvero sententiam Auctoris *Nova Jurisprud.* qui vult, ultimarum voluntatum jus niti immortalitate mentium, quæ adhuc vivunt & volunt, & dominia rerum suarum, usufructu tenus, heredibus relinquunt, non examinabimus sed Lectori dijudicandam relinqueamus cum Puffendorffio l. 4. c. 10. n. 4.

9. Postquam igitur visum est cultioribus populis, hucusque domini vim extendere, ut voluntas ejus qui velle nec potest, tum demum ubi ipse non erit amplius, operari incipiat, duæ positiones inde sunt ortæ: Una, testandi potestatem esse Juri publici, ut recte dixit Papinianus in l. 3. *D. qui Testam. fac. pos.* Altera, quod ultima voluntas defuncti præcedat dispositionem Legis, super ordine successionis; nec esse Legi hac parte locum, nisi deficiente Testamento, quod merito Romanis etiam placuit l. 39. *de Acquir. Hered.*

10. Quamquam nec minus verum esse, liquet è supra dictis, hoc ipsum testandi Jus validum & plenum à Lege proficisci, cum ipsa quidem hanc dispositionem occupare potuisset, hereditates simpliciter deferendo liberis aut cognatis defunctorum, absque licentia illum ordinem morandi; maxime, dum in extremis agunt domini rerum, *ὅταν ἀποθνήσκουσιν*, *ὅταν πρὸς τὴν ἐσχάτην ἐκλογὴν ἔλθουσιν*, quando insipienter & corrupte plerique se habent, ut Plato lib. xi. *de LL.* non probans id quod Solon Atheniensibus dederat,

rat, *τὸ κατὰ τὴν ἀρχαίαν, ὅπως αὖ ἐπὶ τῇ τοῦ πατρὸς, de suis rebus, quomodo quisque velit, simpliciter disponere*, quod Romani à Solone transcriptum suis legibus inseruerunt *l. 120. π. de Verb. Signif.*

11. Retenta etiam hæc Positione, quod Lex in summâ quidem cuique patrifamilias dedit potestatem testandi & legandi de rebus suis, ut tamen præscriptum rectæ rationis & publicæ utilitatis observarent; unde regula Jurisprudentiæ, non minus Universali quam civili conveniens; Nemo facere potest, quominus Leges in suo testamento valeant.

12. Est igitur vis illa Dominiæ, Legge adjuvante, plenissima, de qua Plutarchus ait in *Solone*, Eum fecisse, ut *τὰ κτήματα κατὰ τὴν ἐξουσίαν ἔσονται*; bona cuique sua plenissimo jure fierent. Ac ab eo tempore, Lex nihil aliud, quam vicarium defunctis ministerium præbuit, admittendo ad Successionem bonorum, quibus eadefunctus, si morte non præventus esset, relicturus fuisset; ex ejus, inquam, voluntate præsumpta, quemadmodum mox videbimus. Hæc confer sis, cum dictis in *lib. 4. Digres. cap. 29.*

13. Quid sit Testamentum, qui non habemus in animo methodicum de illo Tractatum, necesse non erat dicere, nisi daret occasionem Grotius, cujus nihilo magis hoc erat institutum, qui in *lib. 2. c. 6. n. ult.* sic ait: *Alienatio in mortis eventum, ante eam revocabilis, retento interim jure possidendi ac fruendi, est Testamentum*; contra quam definitionem disputat Puffendorffius in *lib. 4. cap. 10. à pr.* Sed mihi non videtur ibi Grotius, in animo habuisse, definire Testamentum, sed aliquid prædicare de Testamento, quod erat verum; Ejusmodi alienationem esse Testamentum: Sed non hoc ipsum & solum esse Testamentum. In definiendo, nihil est causæ, receden-

di ab exemplo Jurisconsultorum; Proinde verbulo addito, teneas ita: Testamentum est *Voluntatis nostræ juxta sententia, de eo, quod quis post mortem suam, de bonis suis, fieri velit.*

14. Verba hujus definitionis simpliciter accepta non suppeditant discrimen inter Testamentum & Codicillum, quod Romanis posterioribus placuit: Multo minus inferunt tot solennitates, quot ab illis introductæ sunt, diligentiam quam *nimiam & miseram* vocat paterfamilias apud Scævolum in *l. pen. § ult. π. d. Legat. 2.* qui sic arbitratur, habendam esse pro jure legitimo sani hominis voluntatem, quam is animi sui rationem sequutus dictaverit.

15. Et est certum, Jure Gentium simpliciter, nihil amplius ad Testamenti formam valoremque requiri, quam Romani in Testamento militis & in primo codicillo requirendum putarunt; uti constat, *Quod, & quid defunctus testari voluerit*; hoc est, illum serio habuisse in animo supremam condere voluntatem, & voluntatis illius capita liquido constare, vel per scripturam, de qua non dubitetur, vel per testes duos aut tres, & fide dignos, si nuncupata sit voluntas.

16. Attamen nulla res hominum cupiditates magis ad nefaria quæque præcípites agit, quam ditescendi spes, cujus compendium est Successio; quo pertinent *Aquæ Hereditariæ & Pulveres Successorii*, quales superioribus annis in Gallia inclauverunt; item, quod Lex Cornelia de Falsis olim *Testamentaria* dicta est, ut auctor est Justinianus Imperator ex veteribus in *§. 7. Inst. de publ. Jud.*

17. Ubi autem jure publico receptæ sunt, ibi non est dubium, quin eandem vim habeant, quam Leges probabili ratione conditæ habere debent inter homines, eorumque in animos: Ut quibuscunque Testamentis solennitates præ-

scriptæ non sunt adhibitæ, illa non teneant cives inter se, nec ipsas in universam quidem obligent conscientias, ut prolixè à nobis disputatum & demonstratum est, in *lib. 4. Digress. c. 34. & seqq.* quæ de re forte locum in *libro sequenti* agendi occupabimus. Ut tamen ex imperfecto testamento acquiri hereditatem, si nemo jure publico contra nitatur, nihil equidem prohibeat.

18. Jus ultimas voluntates condendi habent, quicunque rerum suarum dominio & administratione potiuntur & voluntatem suam exprimere possunt; nisi Lex, sicut potest, quibusdam hanc facultatem interdixerit: Quod tamen ex ratione juris Gentium non habere causam faciendi omnibus, quos Romana Lex sub prohibitione comprehendit; non certe peregrinis, aut filiis familiarum, de rebus, in quibus Patri nec proprietas nec ususfructus acquiritur.

19. Materia ultimarum voluntatum bifariam dispescitur, in universam & singularem. Illius caput est Heredis institutio; at hæc in legatis aliisque pro lubitu cujusque dispositionibus & præceptis consumitur: Atque in eo, si qua sit Testamenti & Codicilli differentia, consistit. Nam quæ in forma disponendi, Romanis placuit, non est Juris universi, nec ubique observatur.

20. Heredis institutio Jure naturali, supposito testandi instituto, est libera, ut institui possint vel non possint, quos voluerit Testator; modò liberis, si ipsi exhibere se nequeant, de alimentis prospiciatur: Extra quam necessitatem, ad cujus Legem factum procreationis parentem obligat, non nisi probabilis, etsi valde ratio probabilis, addicit liberis hereditatem.

21. Cujusmodi probabilitas cum sit præcipua Legum condendarum materia, recte à plerisque populis provisum

est, ut aliquanto plus inde verteretur in necessitatem; non modo respectu liberorum, quibus certa bonorum portio necessario relinqueretur, sed etiam in favorem parentum & fratrum atque sororum; ne penitus aut infinita libertate exheredari queant; imò & remotioribus alicui cognatis, quod ad partem aliquam bonorum, maxime rerum soli hereditariarum attinet, ita ut cuicque populo visum, consulitur.

22. Institutio Heredis est prima vel secunda, quæ vocatur Substitutio; Cujus è quatuor speciebus jure Romano proditis, una tantum est Juris Naturæ, quando secundus heres vocatur, in casum, si primus heres non fiat, quæ Vulgaris dicitur. Nec enim aliud hæc in effectu est, quam institutio heredis, qui in jus defuncti immediate succedit. Sed pupillaris Substitutio, qua Pater de bonis filii sui impuberis, quem habet in potestate, non à se profectis, arbitratu suo disponit, notissimos Dominii terminos egreditur, & est specimen enormis illius Potestatis, quam Romani Patribus dederunt, aliæ Gentes non probaverunt.

23. Exemplaris, quæ dicitur, habet eandem rationem. Non est quidem absurdum aut incivile, pro liberis, qui ipsi non possunt testari, Parentes ut fungantur: Sed nihil etiam incommodi in hoc erat, quod bona talium liberorum adventitia, proximis eorum consanguineis relinquerentur, ut fit hodie, Substitutione pupillari fere per consuetudinem obsoletâ.

24. De Fideicommissaria Substitutione quid judicandum sit, pro ratione juris Gentium, colligi potest ex his quæ diximus in *sect. 4. cap. 6. n. 28. & seqq.* Quibus addi potest; Si Testamentum, è quo non nisi post mortem loquentis alii jus orietur, excedit terminos naturalis

turalis potentiae, nec sine Lege facultatem habere potest; fideicommissariam Substitutionem, quæ nonnisi post mortem secundi vel tertii heredis alii jus tribuit, duplo triplove longius à simplicitate naturali recedere. Quia tamen ambitio & imperandi in homine voluptas ne vitæ quidem termino finitur, hinc usi venisse videmus, ut Fideicommissariæ Substitutiones in omnium fere gentium mores & jura confertim abierint, ut jam superius dicere occupavimus.

25. Institutioni Heredis opponitur Exheredatio & Præteritio. Sed utraque supponit instituendi necessitatem; privatio enim præsupponit habitum, ut in Scholis loquebantur. Ac ideo non habet usum in consideratione juris Naturæ, nisi respectu liberorum, ratione alimentorum; & dein, quatenus jure Civitatis instituendi necessitas in quibusdam personis est determinata. Personis, inquam; Si enim rebus certis imposita Lex est, ut ad sanguine proximos deferantur, neque de illis testari liceat, exheredatio vel præteritio in illis non habet terminos habiles.

26. Sed quando Lex, inquam, personis consulit, fieri potest, ut ob justas causas exheredentur, quas expedire esse certas, ut novissimo jure Romano bene consultum est. Etsi forte non est rationis necessitatis, quod eodem Jure placuit, ut solæ species ingratitudinis admittantur: magis enim est, ut justæ parentem causæ movere possint, quo familiæ suæ expedire judicet, ut quidam è liberis suis, etsi non male meriti, ab hereditate suâ removeantur: ut, si quidam bonis adventitiis copiosi, alii sint inopes & miserabiles; forte nec id, aut si quid simile sit, procul ab eo recedit, quod vetus Jurisprudencia recepit, nec ultimo Jure sublatum est, ut si parens non ex odio, sed ut liberis consulat, illos exhere-

det, ferenda sit ejus voluntas: Etsi enim hoc proprie de providentiâ consulendi exheredatis cautum sit, ejusmodi tamen extensionem ratio facile dicitur.

27. Sed differentia præteritionis & Exheredationis, ut illa nullitatem pariat, in hac opus sit actu rescissionis, est juris positivi; nec in eventu interest, cum si is, cujus favore nullitas constituta est, acquiescat, æquè effectum habeat voluntas, etiam jure Romano; quam si actio ad rescindendum non moveatur; & imploratio judicis officii ob nullitatem, ab actione rescissoria, nonnisi forma discrepet externâ.

28. Sape, quod Paulus Apostolus de Testamento morte confirmato scribit, ad Galatas & ad Hebræos, quod illi *ἡ διαθήκη*, *ἡ ἡμετέρα*, *ἡ παλαιὰ*, nemo illud mutare vel abolere potest, de Testamento jure facto esse intelligendum, res loquitur. Nam de vitiis vel formæ, ubi certa præscripta est, quemadmodum fere ubique est, vel naturæ, si cum jure naturali vel civili pugnet, querelâ vel nullitatis vel Rescissionis agi licere, non est dubitandum.

29. Præter universam Heredis institutionem, tot singularia Testamentorum, capita sunt, quot rerum genera, de quibus in mentem venit Patrifamilias de morte cogitanti, disponere; modo talia sint, quæ ipsius voluntate solius consistunt. Nam Contractus & plurium conventiones, quæ sunt & vocantur Actus inter vivos, nihil habent commune cum ultimis voluntatibus. Adeo ut donationes mortis causâ, quæ nonnisi à donatario acceptatæ valent, non tam pars sint Testamenti, quam species ultimarum voluntatum distinctæ.

30. Enimvero Codicilli, ut dicere occupavimus, à Testamentis universali jure non habent stabilem differentiam. Nam etsi voluntas ultima, continens

N n n 2

heredis

heredis institutionem, non male Testamentum, & Rerum singularium, Codicillus vocari possit, accidentale tamen hoc magis quam reale discrimen & perpetuum esse videtur. Ut adeo, si quis se Testamentum condere dicens, Heredis institutionem omiserit, tamen utiliter testari & proposito satisfacere credatur, usu Gentium hodierno; etiam quæ Juris Romani disciplinam sequuntur.

31. Cæterum, ultimas voluntates non modo per scripturam, sed etiam viva voce comprehendi posse, jam diximus, ut nuncupatio in primis usum habeat, quando repentina vis morbi non fert scribendi moram. Sed nuncupatione facta, testandi actus absolutus est, & Scriptura, quæ dein adhibetur, usum habet probationis, ut solet in aliis rebus gestis.

32. Et si autem in subvertendis ultimis voluntatibus à causis jure cognitis, Querela nullitatis & Rescissio actionum in effectu parum differant, usuque populorum in executione discerni non soleant; non est tamen quod hac de re Jurisperiti Romani distinxerunt, evanidum ve effectu penitus carens.

33. Nam Testamenta, quæ non sunt condita secundum requisita Lege præscripta, inde ab initio à Judice rejiciuntur, nec ullum producere possunt effectum; nisi quem hi, quorum interest

sponte sibi mutuo præstare velint. Idem juris est in Nullitate, quam Lex ob præteritionem liberorum introduxit; etsi discrimen inter eos qui in potestate sunt vel non sunt, minime sit juris universi, nec hodiè à pluribus observatur. Si cuius ex ejusmodi testamento comparatum sit, is hoc ab invito ne quidem ab initio nec unquam impetrare potest.

34. Sed quæ ex post facto rescinduntur, hæc ab initio, Testamenta valent, & quæ relicta sunt in illis, peti possunt, antequam existat casus & causa, per quam rescindantur, ut sunt ea, quæ per Agnationem posthumorum punguntur; antequam postumus nascatur, vel cum iterum ante Testatorem decessit. Aut cum exheres scriptus deliberat, utrum de Inofficioso Testamento queri velit. Si enim actu Querelam non instituat, Testamentum valet, omnesque habebit effectus adversus eos, qui causam querendi non habent.

35. Postremo; Quod ex voluntate imperfecta ne quidem id, quod jam constat, valere volunt Romani Jurisperiti, ut, si quatuor heredes se nuncupaturum præfatus, cum tres nominasset, defecerit, nemo sit heres l. 25. §. *Qui Testam. fac.* id, etsi subtilitatis positivæ videatur, pro naturali tamen habendum est, ne voluntas inchoata duntaxat vim habeat perfectæ.

C A P. VII.

De Hereditatibus intestato morientium.

Successionis ab intestato regendæ necessitas & diversa populorum hac parte judicia Hollandiæ exemplo declarata. Legem sequi posse, quod velit, principium. Sed testandi libertate civibus permiffâ, consequens fuisse, ut præsumpta voluntas & adfectio defuncti sit principium ordinis intestati; & præsumptionem illam esse pro sanguine proximis. Primo quidem pro liberis, sine discrimine sexus & ætatis, aut potestatis, etiam adoptatis, non tamen spuriiis & nothis, ne quidem respectu matris. Repræsentationem in nepotibus esse ex eâdem voluntate præsumpta. Post liberos vocari parentes, eosque nec abdicari posse, secus ac liberi; posse tamen exheredari, & quidem facilius quam fratres, jure Romano; Quir ita? præferendos esse Parentes fratribus & sororibus, etsi aliter jure Rom. Inter adscendentes ultiores bona magis secundum lineas, quam in capita dividi, sine distinctione, unde bona venerint, quam rationem esse ordinis diversi, non habentis principium à tacitâ voluntate defuncti. Post adscendentes ex simplicitate rationis naturalis sequi reliquos agnatos & cognatos, solâ graduum prærogativâ; cum differentia tamen unius aut utriusque lateris, usque ad fratrum & sororum liberos, quos inter repræsentationem quoque locum habere, licet nulli fratres sororesve supersint. Cognationem illegitimam ne hic quidem admitti. Cur amicitia & conjugalis amor non pariant jus successionis, ubi principium intestati successionis est præsumptus defuncti affectus. Fiscus locus supremus.

Quid juris sit in Successione Imperiorum, priorè libro expositum, non repetemus. Hic de privatis hereditatibus, cum respectu ad Jus publicum Universale quæritur: Si paterfamilias, nullo testamento factò, sit mortuus, non esse è re publica defuncti patrimonium relinquere in statu quo fors id deprehendit, ut nullius sit, hoc est, mortui, quod acerrimis civitatem certaminibus impletet, res ipsa loquitur.

2. Quin cohibitis certaminibus, cum

ne sic quidem fatis constet inter homines, ad quos ex juris ratione bona pertineant; dum alii mares feminis præferendos, & inter illos potiorum primogenitorum causam esse volunt: Liberis autem deficientibus, quidam bona sanguine proximis; alii delatâ velint his, à quorum latere pervenerunt, quemadmodum hæc judiciorum diversitas hodieque varias populorum exhibet consuetudines; opus fuit Legis præscripto, id est, prudentium virorum consulto

N n n 3

ad hanc

ad hanc incertitudinem deterterminandam.

3. Poterat autem Lex, id est, communis civium consensus, suffragio vel ejus eorumve qui jus omnium habebant, arbitrio, talem succedendi ordinem statuere, qui pro cujusque populi sensu proximè ad æquitatem accedere videretur. Quà in re, quam varia sint populorum judicia, si quis compendio nosse velit, Hollandiæ consuetudines hac parte sibi ponat ob oculos, ubi duæ summæ discrepantiæ, ab Artifice Azis & Scabinis nomen habentes, primitus stabilitæ, deinceps in mixtum genus abierunt, unum rursus summum, at dein pro cujusque civitatis & pagi arbitrio desiderioque in eum modum variatum, ut memoriam prope intentam fallat, quam instruit eâ parte Grotius *Introduc. ad Jurispr. Holland. lib. 3. cap. 28.*

4. Sed postquam placuit, civibus dare liberam de bonis post mortem suam disponendi potestatem, ita ut Legis ordo, non nisi deficiente Testamento, locum haberet, consentaneum fuit, ut Lex aliud ne ageret, quam ut defectum ultimæ voluntatis suppleret, iisque deferret successionem, quibus eam defunctus, si viveret, delaturus fuisset, ex ejusdem voluntate præsumpta.

5. Præsumptio voluntatis aliunde melius quam è *πρῶτον*, id est, amore sanguinis, colligi non potuit; cum ita fere sint animati mortales, ut in sanguine suo mortalitatis solatium quærant, nec cuiquam libentius, bona sua, quam propinquis, relicta velint, & in dubio, qui proximus est gradu, idem proximis affectu esse credatur: Ut tamen identidem causâ novi Affectus incidente, diversitas aliqua suboriri possit.

6. Hæc ratio, quæ est Juris Romani, sine dubio proxime convenit hypothese, qua cuique Patri familias à Lege

datur potestas suo arbitratu de bonis suis per ultimam voluntatem disponendi. Cui sanè consentaneum erat, ut si morte præventi nihil expresse declaratum reliquissent, ipsorum tacita voluntas secundum propinquitatem sanguinis eadem Legis indulgentiâ prævaleret.

7. Probabilius, quam aliæ gentes, quæ licet eandem testandi licentiam morituris indulserint, nulla tamen ultimâ voluntate existente, succedendi æquitatem aliunde, quam à præsumpta defunctorum voluntate petierunt, in primis eo spectantes, ut bona illuc unde profecta sunt, reverti curerent.

8. Verum adfectus ratio, licet à sanguine sæpe recedat ad extraneos, & fieri possit, ut proximi odio se quam maximo invicem prosequantur, juxta illud, *οἱ τὴν ἀγάπην ἀλλήλων καὶ τὴν μίσωσιν*, in materia tamen successionis, quæ secundum tacitam defunctorum voluntatem regenda erat, affectus causa merito à necessitudine sanguinis alienari non debuit, cum, quia Lex est generalis, & amat ea quæ plerumque usu veniunt, nec ad singularia attendere solet aut potest; tum quod plerumque tamen, bona, qui proximis succedent, manere malunt in familiis suis, quam per amicos extraneos in alienas transferri domos, quod *καὶ τὸν ἀνθρώπου φύσιν*, morientibus odiosissimum, dixit Pindarus.

9. Primo igitur, cum nihil carius homini sit liberis à se procreatis, ad quos etiam exhibendos se naturaliter teneri sentit, his omnium primo sua bona destinat. Hinc Julianus Imperator, cum dixisset in *Casariis*. *Πᾶσι νόμιμον ἐστὶν ἵνα τοῖς ἀγαπώμενοις, ὧς ὁ νόμος ἀπαγορεύει, τὸν ἕκαστον ἑαυτοῦ ἀφαιρῇ.* Et hoc est, quod omnes optant fieri.

10. Discrimen amoris erga liberos et si parentes sæpe non tralatitium habent, in universum tamen Lex è tacita voluntate nihil

nihil differentiae praesumere potest; ideoque parentes, omnes liberos mares & feminas, primo & post genitos, emancipatos & suos eodem loco & affectu habere creduntur: Unde & par jus omnibus in succedendo.

11. Distinctiones, quae nonnullis placere gentibus, in favorem marium & maxime primogenitorum, suo loco non improbabiles, & ad conservandum decus familiarum pertinentes, à principio Successionis ab intestato, quod diximus, permixtaeque omnibus testandi Libertate, quin & à naturali simplicitate, ad jus positivum & arbitrarie utilitatis rationes deflectunt.

12. Pro liberis adoptatis est eadem ratio adfectus, quae pro naturalibus; siquidem alia gratia, quam ut jure locoque liberorum haberentur, adsciri non sunt: Idcirco Parentibus suis naturalibus, à quorum familia segregati sunt, non habent quo succedant; nisi ex adoptiva domo rursus exierint; tunc enim naturae suae denuo aggregantur.

13. Sed inter liberos è legitimo natos conjugio, & nothos atque Spurius est manifesta differentia, non tantum quatenus spurii incerto patre sunt geniti; sed etiam quod affectus relinquendae successionis non convenit iis, quos ad familiam propagandam non creaverunt, & quos sine dedecoris memoria adspicere non possunt. Ideoque non est, ut quicquam illis liberis, quam alimentorum exhibitio è tacita Parentum voluntate debeatur, quod mores omnium fere gentium sequuntur.

14. Etsi autem Romanis eorumque exemplo aliis pluribus aliter visum est in successione matrum; quod tamen hac parte magis ad certitudinem geniturae, quam ad affectum referentem se ad intentionem propagandi familiam, & relinquendi successionem, spectarunt; in

eo à principio Successionis ab intestato superius collecto abluere, vel potius abhorreere videntur: Cum in matribus ratio adversus nothos & spurios paulo supra collocata non minus evidens sit, quam in genitoribus.

15. In liberis diversorum matrimoniorum, respectu parentum, nulla affectionis diversitas praesumi potest; Ideoque omnes ab intestato communi parentiaequaliter succedunt. Attamen, quia novercalis aut vitricalis consuetudo, sequiorem erga prioris matrimonii liberos affectum generare solet, haud temere fit, ut hac parte Lex à communi principio ordinandae Successionis recedat, & degenerantem illum affectum revocet in contrarium, figendo aliquid pro liberis prioris matrimonii, plus minusve, ut singulis gentibus sedit, praerogativae.

16. Sed quibusdam è liberis ante Parentem mortuis, è quibus nepotes nepotesque supersunt, haec est insita naturae hominum affectio, ut in illis praedefunctos filios filiasque suas libenter sibi repraesentent, hoc est, iterum quasi praesentes sistant, adeoque liberos parentum loco habeant, ament, neque vero per obitum quorundam è liberis suis immaturum, conditionem reliquorum velint immutaram. Unde nihil expeditius, quam ut plures ex eodem filio filiave nepotes defunctum parentem repraesentent; neque plus aut minus universi capiant, quam ille superstes habiturus fuisset: quod est jus Repraesentationis communiter dictum; non inconcinne ad rem, ut alibi indicavimus, exprimendam; etsi forte vox illa veteribus ita non sit cognita Latinis.

17. Secundum liberos, praecipuus erga parentes est amor, & esse debet, ob acceptorum beneficiorum memoriam, & necessitudinem arctissimam. Etsi enim parentibus non debetur filiorum hereditas, propter

propter votum parentum, & naturalem erga filios caritatem, turbato tamen ordine moralitatis, non minus parentibus quam liberis pie relinqui debet, ait Papi-
nianus in l. 15. in pr. π. de Inoff. Testam.

18. Una quoque re, paternum jus filiali præfertur, quod filius abdicari, ac ita, sine exheredatione, tamen si Romanis id inusitatum fuerit, à bonis excludi; pater abdicari non possit, ut observat Aristoteles 8. ad Nicom. 14. Διὸ καὶ δεῖται, inquit, καὶ ἐξ αὐτοῦ οὐκ ἀπείπαδ; Πατὴρ δὲ οὐκ; dicendum igitur, inquit, Patri licere filium abdicare; secus ac filio patrem. Ratione additâ, πῶς γὰρ γινώσκῃ αἱ οὐρεῖλαι τὰ τέκνα. Parentibus enim liberi semper, ait, debetores sunt.

19. Exheredare tamen quominus Patrem filio, gravi ex causâ liceat; ratio ob stare non videtur, sed difficilius quam Patri licet adversus filium, ut videtur, & visum Romano Legislatori; qui cum filium exheredari permittat, ob causas quatuordecim; in Patre duntaxat octo probat; Nec dubitares, eandem esse rationem, quam prævit Aristoteles; nisi de Fratribus esset proditum, illos non nisi tribus de causis exheredari posse, eodem jure Romano: Quibus tamen plus debere fratrem, quam patri filium, dici non potest.

20. Quur igitur pater facilius exheredari potest quam frater? Quia quo tenior est necessitudo sanguinis, eo facilius violatur & exquisitius observari debet. Hoc ut inter fratrem & patrem habet rationem differentiae, ita in filio nihil verat, observantiam, & gratitudinis obligationem majorem, quâ patri obstrictus est, efficere, ut illi plures ingrati-
tutinis causæ imputentur.

21. Cum igitur propinquitas & affectus erga parentes quam erga fratres sit major, ex simplicitate juris Naturæ,

supposito Successionis, quod diximus, principio, Parentes fratribus & sororibus præferendi fuerint, non æquandi, ut Romanis Legibus visum; qui in hoc articulo videntur à communi suo principio deflectere ad diversæ utilitatis rationes, ut juvenes ad nuptias & novas domos excitandas sint instructiores.

22. Secundum analogiam Repræsentationis in descendantibus, quam vidimus; solent homines in affectu animi cum relatione ad statum familiæ & Successionem, in personâ Patris adspicere paternos adscendentes, in Matre maternos: Cui bene consentaneum est, ut successiones in Adscendentibus ulterioris gradus, secundum lineas potius quam secundum capita personarum æstimentur, adeoque paterni & materni adscendentes singuli semissem bonorum auferrant.

23. Idque licet disparis numeri sint; & forsitan ab altero latere nulla venerint ad defunctum bona; quia in hac hypothefi, quam sequimur, in qua ratio succedendi pendet à jure, quod defunctus habuit tempore mortis, & à præsumpto ejus affectu, nihil habet commune, cum visione originis, unde bona venerint; quia tam jus illorum, unde profecta sunt, quam voluntas expressa vel præsumpta inde jam olim cessant, nec amplius quicquam operari possunt.

24. Longe aliter gentes, quibus hæc regula placuit, ut bona redeant illuc, unde venerunt, quæ proinde brevi se redactas esse viderunt ad inhumanam Constitutionem; ut ne parens, altero parente mortuo, superstes filio, huic defuncto succederet; quia scilicet à superstite parente nulla venit ad defunctum hereditas, sed bona vadunt ad cognatos ultiores inter mortuorum lateris; quæ res in hypothefibus fert secum multam duritiem. Et quæ præterea sint in hoc genere succeden-

cedendi, vide sis Grotium *d. cap. 28.*

25. Deficientibus liberis & parentibus, amor & affectus relinquendi bona post mortem, transit ad reliquos sanguine junctos, *vis affectionis per agnationem & proximitatem, & familiam paternam vel maternam.* ut habet Plato *lib. xi. de Republ.* Amor enim non distinguit; et si populis multis visum est, inter agnatos & cognatos interesse oportere, decori familiarum custodiendo.

26. Sed Romani, cum prius ad conferenda in familiis patrimonialia, solos agnatos ad Intestati successionem vocassent, non tulere deinceps incommoda distinctionis illius, & duntaxat adversus cognatos, cui par non fuit posteritas. Ideoque Prætor Edicto suo jam olim cognatos antepositos exclusit, duntaxat post Agnatos vocavit, & postremo res ad simplicitatem affectionis naturalis rediit, ut nihil in successione, quam graduum propinquitatis spectaretur, *Nov. cxviii. c. 4.*

27. Cum autem perspicuum major sit affectio adversus utrumque conjunctos fratres atque sorores, quam erga uterinos & consanguineos, hinc merito Lex utrumque conjunctos & conjunctas, qui germani germanæque vocantur, præfert his, qui ab uno latere sanguinis sunt juncti, licet eadem cum germanis propinquitatem gradus a defuncto distent, ut affectus rationem cæteris prævalere considerationibus.

28. Sed post fratrum liberos memoria noveræ is aut vitæ talis averſationis in hominibus languescit aut obliſcitur, ut exinde duplex vinculum, ab unius cognatione laceris tam notabiliter non distinguitur, ut graduum ordinem & prerogativam superare possit: Ideoque in ulterioribus sola propinquitatis affectionis suffragium meretur, idque populos observare videmus.

29. Hinc etiam prædefunctorum fratrum atque sororum liberi, pari cum fratribus & sororibus ipsis, loco, et si gradu remotiores, habentur; quia sic fert hominum affectus & convetudo *cap. 26.* ut fratrum liberi defunctos quoque parentes repræſentent, eosque pater & avunculi cum tali respectu libenter sibi apud animos suos proponant; quasi parentes de novo vivi & præſentes forent.

30. Verum, quod Lex Romana restringit hanc Repræſentationem, ad casum, si adhuc unus vel una defuncti fratrum aut sororum superſint, recedere videtur ab illa simplici consideratione *cap. 28.* & deſectere ad rationem extrinsecus adſumptam; ſcilicet, repræſentationem, quæ plures in unius mortui locum ſubeunt, quæ est ſucceſſio in ſtipites, amittere terminos habiles, ubi nullus ſtipites ſuperſeſt.

31. Atqui non vetat hæc ratio, quominus in lineâ rectâ plures nepotes, in avi ſucceſſione, parentem ſuum repræſentent, etſi nullus liberorum primi gradus ſuperſit, ut ipſe Romanus Legiſſator poſuit: Ratio autem ab ingenio *cap. 24.* & affectionis erga defunctum in liberis ſuis exhibitum, & repræſentationis, quam ſibi quiſque apud animum ſuum, conferendo, vivos cum mortuis facit, utrobique eſt eadem, ideoque diverſas juris poſitiones producere non poſteſt. Sed ut Repræſentatio in deſcendentibus indiſtinctè habet locum, ita cur in fratrum liberis diverſum obſtineat, ratio non apparet.

32. Sed poſt fratrum liberos affectio ſanguinis non eſt tam valida & præſens, nec memoria defunctorum adeo viva & efficaci, ut hæc magis quam ipſi cognati, in conſpectu defuncti fuiſſe cenſeantur: Idque ſaris evidenti hominum uſu & conſuetudine *cap. 27.* compertum eſſe videtur. Ut exinde lo-

O o o

ſus

lius propinquitatis ejusque graduum in successione computatio valeat: Sine ulla sexus, nativitatis, cognationis aut agnationis differentiâ.

33. Sed matrimonii apud cultiores populos is est honos & ad successionem bonorum comparata relatio: Ut nemo hereditatem ad eos, qui extra matrimonium nati sunt, quamdiu legitime nati sunt, pervenire velle credatur.

34. Idque tam respectu feminarum, quam marium valere videtur. Unde, quod mores populorum, etiam Leges Romanæ, frequenter abeunt; ut in successione feminarum nothi & spurii à Legitimis non discernantur, id à præsumpta defunctorum voluntate non videtur repetendum; sed à certitudine prolium, quæ respectu feminarum est eadem in liberis & propinquis, tam extra quam ex conjugio natis.

35. Si autem præsumpta defuncti intentio, regula Juris naturalis est, in Successionibus intestati; quemadmodum supposito testandi instituto verius esse probavimus, certitudo propinquitatis non absolvit hujus rei momentum; sed & reliqua voluntatis ad successionem pertinentia argumenta in censum veniunt.

36. Nam quod solus amor & benevolentia non sufficiant ad argumentum successionis in bona intestatorum, patet inde, quod nusquam gentium, nequidem jure Romano, quod adfectus rationem imprimis sequitur, Amicitia cum

Patre vel matrefamilias culta defunctis; quinquam ad Hereditatem illorum vocat.

37. Nec quidem Amor conjugalis, etsi ipsum amorem sanguinis, maxime remotioris, longè superat, ut ex duobus hominibus quasi unum faciat, ad hunc effectum valet; quia non solent esse conjuncti affectus isti cum intentione relinquendi bona post mortem; quæ homines ad propinquos & sanguinis sui participes translata, inque familiis suis conservata fere cupiunt, ac ita velle præsumuntur.

38. Conjugalis amor tamen usque adeo non est alienus à respectu bonorum & successionis, ut sanguinis linea deficiente, non præbeat hac in parte voluntatis argumentum. Reliquarum amicitiarum, quæ non habent terminos adeo stabiles, neque fixum principium aut durationis tenorem, prorsus ab hoc effectu & jure successionis alienantur, nec usquam gentium huic emolumento admoventur.

39. Defectis omnibus, qui voluntatem defuncti ad obtinendam successionem, aut suffragium Legis habent atque merentur, Fisco locum esse, non è præsumpto defuncti affectu, sed ex universali Juris publici disciplinâ & consecutione jam diximus in *sect. 4. cap. 4. n. 47* quâ de re in *prælect. ad princ. lib. 3. Inst. à princ. in enarr. Nov. 118. sub finem* egimus. Adde omnino dicta *sect. 4. c. 5. & seqq.*



DE JURE CIVITATIS.

LIBER III.

Qui est de jure Administrandi rem Civitatis.

SECTIO I.

De Summâ initioque Administrationis.

CAP. I.

De inauguratione Imperantium, & arte Legislatoriâ.

Continuatio. Partitio rerum, quæ ad administrationem requiruntur, & Grotio. Nos secuturos ordinem magis historicum, præmissa tamen divisione administrationis, in internam & externam. Primum, quod in civitate constituta sit, esse solennem fidei dationem atque inaugurationem in Regnis: quæ tamen non sit necessaria, neque juris novi quicquam inferre soleat. Stabilito Imperio, primam esse Legum Curam, Difficultas Artis Legislatoriæ. Quis proprie sit Legislator.



Ostquam de jure Imperantium & eorum qui subiecti sunt, singulis libris egimus, superest, ut de *Civitate Administrandi*, quatenus ad juris rationem pertinet, eadem qua coeptum, methodo, persequamur.

2. Partes administrandæ Reipubl. alii

plures, alii pauciores enumerant, Grotius *in lib. 1. c. 3. §. 6.* ita partitur: Qui civitatem regit, eam partim per se, partim per alios regit. Per se autem versatur, aut circa universalia aut circa singularia. Circa Universalia versatur, condendo Leges easque tollendo, tam circa sacra quam circa profana.

3. Singularia, circa quæ versatur, sunt aut directè publica aut privata quidem,

O o o 2

dem, sed quatenus ad publicum ordinantur. Directè publica sunt, vel actiones, ut pacis, belli, foederum facientorum; aut res, ut vectigalia & si quæ his sunt similia; in quibus & Dominium Eminens comprehenditur. Privata sunt, res controversæ inter singulos, quarum disceptatio juris quidem privati est, sed cura & dispositio generalis de illis, ad jus publicum spectat.

4. Quæ per alterum expediuntur, ea per Magistratus, aut per alios geruntur ministros, quales & Legati. Nobis quidem hæc partitio potest suggerere materiam dicendorum, quæ in capite de jurebus Majestatis pleraque sunt occupata, sed obiter. Nunc tamen pro instituti ratione, magis placet ordo simplicior & quasi historicus, hoc tamen supposito; administrationem esse duplicem; aut enim spectat ad internam civitatis constitutionem, vel habet respectum ad externos. De priore prius agendum.

5. Primum post Imperii constitutionem est Inauguratio, quæ est Actus solennis, quo Imperantes initiantur Imperio. Et duas habet partes, ut fit; Stipulationem & Consecrationem. Quicquid autem hujus est, de Jure non necessarium esse, ratio & usus attendenti ad sequentia, facile patebit.

6. Nam constitutio Imperii fit Consensu libero, vel mixto. Consensu libero, fit vel per Compromissum populi, vel per contractum cum Imperantibus electis. Initur Compromissum, quando Cives inter se promittunt & constituunt, se certis Rectoribus esse parituros, idque vel certis limitibus eorum potestati præscriptis, vel sine ullis conditionibus, ut fere in talibus usu venit. Idque perfectum est, ubi primum Imperantes suum consensum declaraverint.

7. Per Contractum inter Imperantes & subjectos; quando hi per consensum

uniti Imperium Electo deferunt; vel simpliciter, vel, ut in talibus usu fere venit, certis conditionibus, quas alter acceperat; ac ita contractus ultro citroque obligatorius initur.

8. Consensum dicimus mixtum, quando non libera fit electio, sed necessitas elicit consensum subjectionis; quæ necessitas est vel ab ipsis Imperantibus, aut aliunde. Ab illis, quando populus armis superatus victori promittit obsequium, quæ de re dictum est in lib. 1. sect. 2. 6. 3. 2. 7. 11. Aliunde, quando populus ab hoste coarctatus, se Tertio mancipat; in patrimonium & obsequium, ut olim Campani se Romanis dediderunt.

9. Omnibus hisce casibus, Inaugurationem esse rem non necessariam, patet inductione specierum. Quippe, in plurium Imperiis, quæ jure parendi ac imperandi à monarchiis non discrepant, Inaugurationes fieri non solent, neque semper in Principatibus; Primo non, ubi per modum compromissi fundatum est unius Imperium, ut Augustus sponte populi Romani, per Legem Regiam quæ dicitur, cum Rempubl. reddere vellet, electus, non etiam actu solenni inauguratus est, ut nec si dem dedisse vel accepisse legitur à populo Rom. secus ac in Daniâ vidimus factum.

10. Imperio ibi quoque per Ordinum Compromissum ex Electivo Hereditario facto, & Legibus soluto, sequuta est Inauguratio; sed nemo dubitat, quin ante solennitatem illam Jus Regium fuerit perfectum, nec quicquam Summæ potestati inde vel accesserit vel decesserit; quemadmodum in regnis Successivis, omnibus satis constat, Principes non cunctari actus Imperii publicos exercere, priusquam inaugurati fuerint, nec quidem in Electivis id ha-

id habet dubium, cujusmodi nuper & in Angliâ vidimus exemplum.

11. Nullumne igitur Juris effectum habet Inauguratio? Nullum habere, dicendum non est. Quid enim si constitutum sit, ne Princeps ullum Imperii actum, ante jusjurandum solenne præstitum, ut nuper in Scotia statutum fuisse accepimus, exerceat? Si quæ leges etiam fundamentales per modum conventionis inter Principem & Ordines populi stabilitæ sint, quas successores jurejurando firmare debeant, ante solennem ejus præstationem, ad plenum Imperii exercitium ut admittantur, exigere non possunt.

12. Sed contractus ut facti sunt, ita probari debent; In dubio magis est, ut Imperium per modum compromissi institutum videatur, quemadmodum aliter in Optimatum Imperiis intelligi vix potest, nec aliter in plerisque successivis, aut quæ ipso jure competunt, obtinet. In quibus aliquando sine præjudicio juris omitti possunt Inaugurationes, quemadmodum Cæsares qui nunc sunt, vi legis æternæ Othonianæ, per electionem ad Regnum Germaniæ factam, sunt etiam Reges Italiæ & Imperatores Romani, sine ullo actu Inaugurationis, quam Austriaci inde à Maximiliano I, Carolo V. excepto, neglexerunt.

13. Proinde, si omitti possunt Actus illi solennes, ut fere antiquis temporibus ignoti fuere; non est verum, quod multis persuasum est; tum inter Imperantes & subjectos novum iniri contractum, quo non modo Cives Principi, sed etiam Principes civibus, aut his quibus jurant, obligantur; quomodo Pontifices Romani inde captarunt argumentum, quod Germaniæ Reges per jusjurandum Inaugurationis, ipsis, ut Christum vel populum Romanum representantibus obligarentur, imo Vasalli fierent, quo per-

tinet notum illud distichon, quod Innocentius Pontifex, ab Inauguratione Lotharii Aulæ parietis inscribere ausus est, Sigonio teste;

*Rex venit ante fores, jurat prius
Urbis honores,*

*Mox homo fit Papa, sumit qua dante
te Coronam.*

14. Nihilo magis inter populos & Principes, nisi id specialiter actum sit, per Inaugurationem novus initur contractus; Sed populus, id ad quod per Electionem aut Jus Successionis jam obligatus erat, hoc solenniter repetit; Princeps sui officii antea suscepti & acquisiti partes jurejurando confirmat, quo nihil novi, quam religio erga Deum, continetur, quæ de re dictum est in lib. 1. sect. 9. cap. 5. n. 74.

15. Nil enim fere Princeps, quam se Jus & Justitiam administraturum populo, Rempublicam & Religionem defensorum; Etiam *alicubi*, Leges & jura præcipua servaturum; ad quæ jam pridem ex officio, quod susceperat, tenebatur, promittit: Populus fidem & obedientiam, ad quam Rectoribus constitutis, vel compromisso inter se, vel contractu cum illis, obligati erant, pollicetur. Vel si fides alicubi sola exprimitur, obedientia, salvis Legibus, quæ constitutæ fuerint, sub illa continetur.

16. Adjunguntur cærimonie quædam & ritus ad venerationem animis populorum incutiendam; quo maxime totus Inaugurationis actus, magis sane quam ad juris argumentum vel adstructionem pertinet, inventi; de quibus hic non est agendi locus. De Homagio, quod Vasalli præstant dominis Feudorum, quod hinc est alienum, egimus in loco suo.

17. Ex dictis illud quidem ultro liquet, Inaugurationis solennia nihil quoque facere ad dignitatis ordinem & jus præcedentiæ, quam vocant, ut quæ ratione

superiori seculo usus est Antonius de Prato, Galliae Cancellarius, in congressu Calerano, Regem Galliae non debere cedere Carolo V. propterea, quod is quidem Imperator electus, sed nondum à Pontifice inauguratus esset, quod è Chassaneo memorat Arumæus in *orat. de Sessionis prerogativa*.

18. Sed hoc cives Imperium stabilientes animadvertere oportet, ut, si Rectoribus suis Imperium simpliciter deferre nolint, legibus inde ab initio fundamentalibus constitutis; his solis rem non committant, sed Ephoros & Nomophylacas, id est, homines Legum custodes Rectoribus adjungant; aut hoc agant, ut ordines populi certis temporibus conveniant, qui de rebus ad salutem publicam & libertatem reservatam pertinentibus agant & decernant; cum alioqui Rectores singuli vel plures nihil habeant potius, quam emancipare se conari vinculis & repagulis absolutæ potestatis.

19. Summâ regendæ Civitatis, quam recentem & legibus inconditam adhuc consideramus, stabilitâ, Rectores, quos simpliciter constitutos jam intelligimus, nihil prius agere debent, quam ut Legibus universam Reipubl. administrationem, inde ab initio complectantur: Ne usu veniat novæ Civitati, quod Romanis accidit, ut primis quidem temporibus manu Regum, id est, arbitraria potestate gubernarentur, donec à Decemviris Leges acceperunt; etsi ne sic quidem aliter quam crebris seditionibus & malorum experimentis ad Stabilem Reipubl. constitutionem pervenerunt.

20. Qui dialecticis sueti sunt argutiis, ac in iis summam ingenii & judicii vim constituunt, rem facilem esse putant, condere Leges, eamque sapientiæ partem, quæ in moribus & Legibus versatur, præ Theoreticâ adspersantur. Ο

σοφιστῶν, inquit Aristoteles, ῥαδιὸς ἐστὶν ἡμῶν τὸ νομοθετεῖν, *Sophista nihil facilius esse putant, quam ferre Leges lib. x. ad Nicom. c. ult. Σωκράτης δὲ τὸν ἰουδαίον τὸν ῥήτορα, ἐνδείκνυται ὡς τὸν ἀγίον.* Obvium enim esse, ex Legibus celebriora colligere & optimas inde excerpere, quemadmodum Decem-viros instituisse legimus Romanos in xii. tabulis condendis.

21. Ex adverso nihil in rebus humanis esse difficilius exempla sapientissimorum, qui his rebus admoti fuerunt, omnium temporum usus docuit; siquidem regulas, quibus infinitæ hominum actiones circa infinita rerum objecta regantur, excogitare, præscribere, sine dubio res est, quæ ad divinæ vim providentiæ quam proximè accedit. Οὐδὲ γὰρ ἡμῶν, inquit iterum Aristoteles: ἐν τῷ συλλεγεμένῳ νόμῳ, ἀλλὰ πρὸς τοὺς ἰουδαίους ἱμάνεις. Neque talis res est, ut è scriptis comparetur, sed opus est usu rerum. Πῶς ὅτι ἐν τῷ νόμῳ νομοθετεῖν γίγνεται αὐτῷ; *Quomodo igitur è Sophistis Legum ferendarum peritus aliquis fieret? Εὐνομία γάρ ἐστι νόμος τῆς πόλεως ὁ ἀδύνατος ἀλλοτρίῳ.* Est verum est, exditos ad eam rem præ cæteris aptiores esse videri.

22. Imprimis summi ad hanc rem momenti sit, nosse populi naturam & naturam omnium civitatis Ordinum inter se relationem, quod non tam generalibus præceptis, de quibus agit Bodinus *lib. 5. Polit. cap. 1.* quam attenta consideratione morum & ingeniorum populi, in quo versamur, rerumque in eo pridem actarum memoria & comparatione status præsentis, acquiritur.

23. Antequam autem ad caput de Legibus progrediamur, sciendum, Voce Legillatoris, plerumque Legis conditorum, qui jus habet sancienti Leges, intelligi; sed revera & Latine, Legillatorem esse eum, qui fert, hoc est, proponit Legem sancendam; ut Magistratus in urbe

Urbe Romanâ, qui Leges à populo condendas illi proponebant, easque ad Comititia ferebant; quo sensu bene dictum est; non Deum sed Moysen fuisse Legislatorem Judæorum; Deum fuisse No-mothetam.

C. A. P. II.

De Legibus.

Ad internam administrationem primo spectare Legem; quæ definitur. Quo sensu dicatur Commune Præceptum. Sponsio Reipubl. & fœdus civium, de Summæ potestatis influxu in Leges, & quatenus ab his, qui illa carent, proficisci possint. Discrepantia Juris Municipalis à Legge propriè dictâ. Honestatis & Rationis in Lege requisitum quid ferat, & quatenus Ratio sit anima Legis. De generalitate Legis & de privilegiis. Virtutes Legis, ubi de permissione, aliter ac Puffendorffius. De San-ctione, sive pœna Legis. Grotii triplex effectus Legis examinatur & declaratur. Differentia Legis perfectæ & imperfectæ. Quod est contra Leges generaliter, ipso jure nullum esse videri. Quid si pœna specia-lis adjecta sit. Jusjurandum Legibus adjectum quid faciat; An in Le-ges injustas aliquando jurare liceat. Legem ad futura spectare; posse tamen aliter. A quo tempore lex incipiat obligare. Tolli Legem ab eo qui jus condendi habet, idque rem sapius exigere. Huc etiam referri Æquitatem, de quâ distinctè agitur. Quid juris, ubi ratio Legis in hypothesi cessat. De Consuetudine vim Legis habente; denique, de Legibus adoptivis.

Nihil igitur prius in Civitate Impe-rio fundata, solet esse, quam Le-gibus ordinare Rempublicam. Proinde non intelligi hoc loco Legem Naturæ, Gentium & Divinam, sed duntaxat Ci-vilem res ipsa loquitur.

2. Hoc modo sumpta Lex definitur, *Commune præceptum Summæ Potestatis ho-nestati conveniens, omnesque Imperio sub-ditos ad parendum obstringens.* Dicitur *Commune præceptum*, quia non de singu-lorum sed universis rebus, non de raro contingentibus, sed de his quæ ut p'uri-mum eveniunt, concipi solet ac debet.

3. Quod tamen vide sis, ut rectè ca-pias, non more Solonis, qui parri-ci-

dio pœnam non posuit, *ἡ δὲ πόλις*; quod non crederet, quenquam fore tam immanem, qui parentem occideret. *Solone sapientius majores nostri*, inquit Ci-cero, *qui cum intelligerent, nihil esse tam sanctum, quod non aliquando violaret au-dacia; supplicium in parricidis singulare excogitarunt.* Orat. pro Rosc. Amer.

4. Non igitur simpliciter, sed com-parate sumendum hoc requisitum; In materia Legi proposita, sanctio ferenda non est secundum id quod raro in eadem materia, sed plerumque usurvenit. Ex-gr. In usucapione potest fieri, ut Do-mino res sua, sine culpâ ipsius, interci-piatur: sed hoc raro accidit: usucapione vero

vero non recepta, plerumque lites anti-
quæ & intricatæ civitatem vexant. Igi-
tur, id quod plerumque fit, præferre
Legislatorem oportet ei, quod rarius ac-
cidit, idque Theophrasti vult dictum in
l. 3. & l. 6. π. de Legibus.

5. Sciendum etiam, quo sensu, Pa-
pinianus Legem vocaverit Sponsionem
Reipubl. in l. 1. π. de Legibus. Directe
quidem spectavit ad morem Democra-
tium urbis Romæ, ubi Leges erant
Rogationes, quas Magistratus faciebant
ad populum, *Velitis, jubetis Quirites?*
populus autem respondebat, *Uti rogas,*
ita jussu esto. Sic erat Sponsio perfecta in-
ter duos, populum & Magistratus.

6. Paulo aliter ab Aristotele Lex vo-
catur: *ὁ μολογία καὶ πῶς πόλις*, sive, ut De-
mosthenes in l. 2. π. de Legib. *συγγένεια καὶ
πῶς πόλις*, *fœdus & conventio civium*, inter
iplos scilicet; quæ singuli cives in Leges
earumque sanctionem consentire viden-
tur; non modo in singulas, ut quæque
fertur, sed etiam in universas; sive con-
siderantur, ut primi auctores ejusmodi
consensionis, sive ex postfacto.

7. Primæ hæc consensionis exemplum
est primum in Atheniensibus, qui cum
Soloni darent potestatem condendi Le-
ges, se prius omnibus; quæ ab illo san-
ciuntur, servandis obstrinxerunt: His
similes sunt, quicunque Unius Imperio
se submitunt. Alterum est Romano-
rum, qui Decem-viris Legum creanda-
rum causâ creatis, primò, se omnes ab
illis faciendas servaturos promiserunt:
Et cum his merito, quicunque se Opti-
matium Imperio submitunt, comparan-
tur. Summa enim potestate jus conden-
di Leges imprimis comprehenditur.

8. Qui vero Civitati pridem consti-
tutæ se aggregant, hi manifesto in Le-
ges ibi receptas consentiunt, quia nec
aliter receptum iri, nec Civitatem alia
ratione salvam manere posse; denique

Leges invenire se, non adferre novas
intelligunt.

9. Hujus rei usus est luculentus in Jure
publico privatoque; maxime in iis, quæ
vocantur in controversiam æquitatis:
nam volenti non fit injuria; Loquimur
autem de læsione patrimoniali, non de
turpitudine morali, quæ nullo consensu
Legitima fieri potest: Proinde, si quæ
lex adversus singulos quandoque durior
videatur: is tamen in quem illa durities
incumbit, non habet conquerendi cau-
sam, quia pridem in id consenserat, ut
si cui tale quid eveniret, esset hoc feren-
dum; sine offensa regulæ Apostolicæ,
non esse facienda mala, ut inde bonum
eveniat: hoc enim de malo turpi in se,
noster consensus de malo tristi, cui se
aliquem subicere nil verat, intelligitur.

10. Non recusat vel removel hanc
pactionis & Legis obligationem Hob-
bes Anglus, ut vidimus in lib. 1. c. 3. n. 4.
Nec habet D. Puffendorffius justam ra-
tionem negandi Leges habere vim pa-
ctionum in lib. 3. de Jur. Nat. & Gent.
c. 6. n. 2. ubi dicta veterum supra lauda-
tis similia. Reprehendit Græcos & ait,
eos in conspectu habuisse domesticas ci-
vitates suas. Atqui Romani non destite-
runt ita loqui, tempore jam adulto Prin-
cipatus, ut Papinianus sub Severo l. 1. π.
de Legib. Id vero fatemur, in eoque de-
sinit Puffendorffii dissensus; Pacti vim,
quæ legis obligatio nititur, immediate
in ipsa legis sanctione non semper ver-
sari, sed in eo quod legislationem præce-
dit, adeoque in primæva constitutione
Imperii, ex quo legum sanctio immédia-
tè fluit, in primis, Cui non potest oppo-
ni præcipuum illius argumentum; quod
inviti etiam Lege tenentur, pacto ne-
quaquam. Nam invitus nemo civitati,
cujus imperium est voluntarium, aggrega-
tatur, aut in eo perseverat.

11. Sequitur in definitione; *Summa
Potestas*

Potestatis, quam ad Legis auctoritatem requiri, ex eo, quod in *lib. 1. sect. 3. cap. 6. n. 55. & seqq.* ubi dicta non repetemus, collocatum est, intelleximus. Proinde regno simpliciter delato, jus hoc ferendi Leges apud Regem, in Aristocratia penes optimates; In mixta suo sensu Republ. apud utrosque pariter est; atque si mixtura plebejum ordinem pariter comprehendat, apud omnes simul hoc jus residet; quemadmodum in Democratia apud universum populum. Quia cum talia Summæ potestatis jura frequenter in Reges aut optimates alienentur, usu tamen sæpe venit, ut jus ferendi Leges, in quo Summa Reipubl. vertitur, vel à populo retineatur, vel sine ejus consensu, nihil novi juris statuatur.

12. Fit etiam aliquando, ut qui Summam Potestatem non habent, Juris tamen introducendi, adeoque Legis condendæ potestatem exerceant; consensu videlicet ejus, qui habet Summam potestatem, quod in primis in Romanâ Reipubl. perspicuum fuit usu & exemplis. Nam etsi plebs absque patriciis seorsim non haberet jus summum Reipubl. tamen ita juris fuit, ut Plebiscita vim Legis haberent, prævio totius populi consensu, per Leges, Valeriam, Publiliam & Hortensiam declarato. Prætores erant tantum magistratus; Sed edicta ab illis promulgata vim legis habuerunt, populo in id consentiente; quod ita compertum esset, jus XII. tabularum egere quibusdam mutationibus & supplementis, ad statum præsentem accommodatis. Quæ causa fuit, ut etiam Sententiæ Interpretum; sive prudentium vim juris obtinerent. Quemadmodum & sub ipsis Cæsaribus, cum penes eos solos esset Summa Potestas, Senatus ex illorum arbitrio Leges condebat; unde Senatum jus facere posse non dubitatur, ut vetere

jam Principatu scripsit Ulpianus in *l. 9. π. de Legibus.*

13. Nec aliter hodieque usu venire videmus, quam ut Magistratibus & Curiis universæ Reipubl. officium administrantibus, in rebus eo pertinentibus jura legesque civibus præscribere liceat, quæ parendi necessitatem in Curia illa versantibus & agentibus injungat.

15. Quando igitur, qui non habent Summam Potestatem, jura condunt, Edicta promulgant, hæc proprie non esse Leges, si Consensu Summæ Potestatis, majores non accipiant vires, inde satis intelligitur. Tales sunt Leges, dictæ à Rectoribus Municipiorum, quæ sunt urbes superiorem agnoscentes, vel etiam integritate majoris Imperii membra, quorum jura vulgo *Statuta*, ut à Legibus optimo jure dictis separentur, appellari solent; etsi non raro hæc voce Leges hodiernæ liberarum gentium, à Romanis Legibus discernuntur, imo & ipsas Leges Imperiales Statuta vocari nihil vetet *l. 3. §. 5. π. de sepulchr. viol.*

15. Rectores illi municipiis à Summâ Potestate præpositi, non modo singulares, sed etiam universas jussiones, imperia & decreta municipibus suis præscribere & promulgare possunt, vi Jurisdictionis, quam à Potestate supremâ acceperunt; sed eorum Edicta, præter causam obligationis, in eo discrepant à Legibus, quod non valeant, si juri communi illius Imperii, cui subsunt, adversentur, quomodo Antoninus Imperator, Legem Rhodiam de re nautica jubet observari, *ὅτι οἱς μὲν πρὸς τὴν ἡμετέραν νόμον ἐκταλίσκται, quatenus nulla Romanarum Legum ei adversatur, in l. ἀλλοιῶν 9. π. de L. Rhod.*

16. Ex quo loco discimus & hoc, usu venire posse, uti Lex aliqua municipalis fiat universalis, adoptione & sanctione Summæ Potestatis, quod ad vim obligandi totius Imperii cives attinet;

ut tamen originalis & authentica qualitas dependentiæ municipalis à summa potestate, maneat, ne quid à Jure prius in Republ. constituto per ejusmodi Statuta mu. etur.

17. Eadem municipalis à Superiori Potestate dependentia facit, ut si aliter federit Principi, aut Rectoribus Universæ Reipubl. jus illud municipale, quod ad commune regimen ejus loci pertinet, mutandum putet, suo arbitratu id facere possit; Imo Leges universæ toto Imperio publicatæ, Statuta municipalia illis adversa tollunt iisve derogant, quemadmodum Hadriani Rescriptum pœnale, de non sepeliendis in civitate cadaveribus, derogare juri municipali, quo permissum id erat in aliqua civitate, tradit Ulpianus in l. 3. §. 5. d. *sepulchr. viol.*

18. Sequitur in definitione Legis, *Honestati conveniens*. Debet enim esse honesta Lex, hoc est, non inhonesta, ut nihil quod necessitati morali & divinis præceptis adversatur, præcipiat. Hoc enim si fiat, vim suam perdit, cives obligandi, quoniam juris Naturæ & divini prior ac superior haud dubie est obligatio.

19. Quod non æque dicendum, si qua Lex dubiæ sit rationis, nec quare ita placuerit, civibus constet; imo ne tum quidem, si contrarium probabilius videatur. Sufficit enim, nihil in Lege necessario morum dictamini contrarium posse reprehendi.

20. Hinc merito prohibent Legumlatores, ne quis in rationem Legis inquireat; nempe ita, ut si ratio non liqueat aut probetur, tum legi obsequium sit negaturus. l. xx & seqq. de Legib. Quo loco recte illud applices *Hobbesianum*, non competere civibus discretionem boni & mali: Quoniam nihil magis ad resolvendam Imperii vim pertineret.

21. Supposita igitur convenientia cum jure divino morali & Naturali, dicendum est, à singulorum judicio non pendere examen rationis, qua Lex nittur: non quod in rationes inquirere non liceat; id enim maxime commendatur; verum ne, si fiat, ut cives interpretari quam exequi malint Leges, multa quæ modo certa sunt, ut ait Neratius, subverterentur l. xxi. r. de LL.

22. Quid sibi vult igitur, dicat aliquis, Rationem esse animam Legis? Æstimatione juris naturalis & gentium valeat regula, valeat sensu quoque civili: Sed tum ratio intelligatur, quæ Legis auctori placuit, non quam ratiocinator excogitet. Illa plerumque recta, tamen si non omnium optima semper, est equidem anima Legis, & verba sunt corpus, quæ à ratione, quâ motus est Legis auctor, animantur, & juxta placitum Summæ Potestatis, effectus suos exercent; ut ubi ratio illa cessat, verba veluti cadaverosa vim obligandi non habeant.

23. Non est heic loci prætereundum, male quosdam ita in animum induxisse, Rationem esse principium cognoscendi cum omnes disciplinas, tum in primis Jurisprudentiam; quod nobis in disputatione de principio cognoscendi divinitatem sacræ Scripturæ, quam executi sumus in lib. I. sect. 6. objectum est. Ostendimus enim in libro de Concurſu Rationis & S. script. sect. 3. imperitè illos confuisse Philosophiam civilem, quam in hisce libris executimus, cum Jurisprudentiâ. Principium cognitionis in illâ sane est Ratio, sed in Jurisprudentia nihil est Ratio, quam instrumentum cognoscendi voluntatem Legislatoris, quæ licet minus Rationi conveniens, quam civilis philosophia dicter, præferenda tamen est ei, quod ratio in abstracto potius præscriberet; Si verò principium esset Ratio, fieri non posset, ut quod ratione præstat,

præstat, ei quod est deterius, postponere; quin flagitium alioquin, ut illi amant loqui, committeretur. Vide sis, quæ in *Eunom. ad l. 21. de Legib.* collocata sunt.

24. Sed redeamus ad definitionem; Dictum adhuc est in definitione, quod Lex omnes Imperio subditos obstringat; non cives duntaxat, quia Legis obligatio à subjectione dependet, quæ continet etiam peregrinos & advenas, ut inferius explicandum occurret. Ubi-
cunque igitur illa summæ potestatis est mens, ut omnes teneantur, ibi vis legis, adeoque Lex est, quacunque forma emittantur; sive ut Edicta, seu rescripta, vel ut epistolæ aut decreta, modo publicè innotescat ea mens Imperantis, ut prudenter constitutum est à Theodosio & Valentiniano in *l. 3. C. de Legib.* qua de re diximus in *Prælect. ad tit. 1. de Constitut. Princ. n. 3.* & in *Eunom. ad l. 1. d. Constitut. Princ.*

25. Personales constitutiones, quæ in gratiam, vel in odium certarum personarum statuuntur, Privilegia dicuntur, quomodo & Cicero in *Orat. pro Dom. Legem Clodiam*, qua in exilium actus fuit, privilegium appellabat; maxime tamen exemptiones à jure communi hoc nomine usurpantur. His quidem æque obligantur omnes, ut respectu personæ privilegiatæ, constitutioni effectum tribuant & tribui patiantur; sed ad alios eodem jure ornandos aut onerandos minime valent.

26. In plurium Imperiis privilegia propter studium æqualitatis rariora sunt, legibus *xii. tabularum* prohibita, in Monarchiis aliquanto frequentiora sunt; videlicet, de his quæ vere sunt talia, loquimur. Enimvero exemptiones, quæ integris hominum ordinibus, ut pupillis, mulieribus, Fisco tribuuntur, etiam privilegia dicantur, diversi tamen generis sunt; quia non singulis, privatisque,

sed universæ civitati concessæ videntur, de quibus actum latius in *Prælect. ad Tit. 1. de Legib.*

27. Sequitur in definitione; *omnesque ei subditos ad parendum obstringens*; hæc est virtus Legis in universum; Sed à Juris consultis Virtutes Legis enumerantur hæ; Imperare, vetare, permittere, punire *l. vii. 1. de Legib.* Imperantur facienda, vetantur contraria, permittuntur licita: & quidem permissio differt à tolerantia: Nam quod permittitur, id Juris habet effectus; Toleratur, quod Lex impune saltem transmittit, ut ebrietatem & ingratitude.

28. Ita Lex Mosaica permisit divortia, Lex Romana concubinatum; sed meretricias libidines idem jus Romanum tolerat, non permittit, ut aliæ civitates ebrietatem, ingratitude aliaque vitia, quæ ubique improbantur, nusquam puniuntur, *Seneca 3. de clem. cap. 7.* Certe enim propter civiles rationes potest aliquid & tolerari & permitti, quod non sit honestum, utique propter necessitatem, haud perinde ob utilitatem; ut tamen pro necessitate habeatur, si permissione minoris vitii majus evitari queat. Nec offenditur hoc casu Regula Apostoli *Rom. 3. v. 8.* non esse faciendam mala, ut inde eveniat bonum; nec enim Legislator eo facit aut probat malum, sed regit ac intra limites coercet, ut Moses divortia, libelli impetratione pro remedio extremo discordiæ proposita.

29. Hanc permittendi virtutem negat esse legalem Puffendorffius in *lib. 1. de J. N. G. c. 6. n. 15.* Nam permissio non est actio legum, inquit, sed actionis negatio. Quæ Lex permittit, eamque præcipit neque vetat, adeoque circa eadem nihil agit. Sed est petitio principii, quod nihil sit medium inter præcipere & vetare: potest aliquis nec vetando, nec præcipiendo, non agere nihil.

hil. Nam dare jus externum super eo, quod alioqui non liceret, non est nihil, ne tamen est vetare vel præcipere, quod in exemplis modo relatis est perspicuum. Non habet adeo rationem Vir Cl. adferendi, quod differentia inter permittere & tolerare, non habent rationem.

30. Suadere, non est virtus Legis; cum parendi necessitatem ejusmodi decreta habere non possint, quales illæ Claudii Cæsaris, ut *uberi vinearum proventu bene dolia picarentur. Nihil æque facere ad viperæ morsum, quam taxi arboris succum. Sueton. in Claud.* Sunt & Romani juris aliquæ admonitoria leges, majoris tamen momenti quam Claudia-næ; sed nec hæ Leges rectè dicuntur, ut est consilium, quod Justinianus suggerit Patribus, substituendi liberis heredem in casum mortis ante pubertatem, dum metuunt, ne substituti filiis insidientur, ut successionem occupent §. 4. *Inst. de Pupill. subst.* adde l. 34. ff. de Legib. l. 24. ff. de Rei vind. Nov. 22. c. ult. in pr.

31. Ultima virtus Legis est, Punire, id est, pœnam constituere in violatores Legum, quæ pars Legis Sanctio dicitur, ut Justinianus docet in §. *sanctæ quoque Inst. de Rer. Divis.* idemque probant exempla, quotquot in vetustis supersunt monumentis, Legum Romanarum. Eaque pars Legis adeo propria fuit, ut quæ sanctione carebat, Lex imperfecta diceretur. Et si non semper pœna specialis imposita fuerit; aliquando nil nisi *improbe factum*, si quis adversus ea fecisset, adjectum esse legimus, ut de Lege Velleja narrat Livius lib. 10. c. 1.

32. Grotius effectum Legis statuit esse triplicem. Primus est obligationis, etiam quod ad animi conscientiam attinet. Secundus effectus est, Pœna, si hæc legi adjuncta sit, eaque ad obligationem patiendi valet, si quando per judicem ex-

igitur, alias minime; nisi quid secus in Lege reperitur. Tertius est rescissio omnium actuum, quæ Legi repugnant, si Lex id exprimat, aut adimat ipsam facultatem, vel quando factum habet in se perpetuam turpitudinem, *Introduc. Iur. Holl. lib. 2. c. 2. à pr.*

33. Obligatio Legis civilis, de qua hoc loco agimus, venit à Summa potestate; Sed unde Superior habet potestatem obligandi conscientiam & voluntatem? cum verissimum sit, *αὐτῶν τῶν ἀλλοτρίων νόμων ἡγεμονία, neminem alienæ voluntatis esse dominum*, ut Epictetus, & omnis Philosophia dicat. Enimvero pœnam à superiore proficisci, facile constat, hoc ipso, quod superior est; sed animi obligatio à sola qualitate Superiori non potest oriri, ut probatum est in lib. 1. sect. 1. cap. 2. n. 18. & seqq. Meretur hic locus seorsim explicari, quod fiet in cap. seqq.

34. Reliqui duo Grotiani effectus; sunt partes Sanctionis, quæ cum perfecta erat, non modo pœnam, sed etiam contra actuum rescissionem continebat, ut Ulpianus docet in *fragm. tit. de Legib.* Aliquando pœnam sine rescissione; vel etiam rescissionem sine alia pœna. Pœnam Lege sancitam, ita sicut expressa fuit, esse irrogandam, non est dubium, & si rescissio simul imperetur, habemus quod liquido sequamur, ut tam pœna quam rescissio locum habeat. De jure obligationis ad pœnam, de quâ in Grotii verbis, actum est à nobis in lib. 2. sect. ult. cap. 1.

35. Si lex simpliciter aliquid prohibeat, sine rescissione vel pœna, Grotius acta contra legem non esse nulla vel rescindenda statuit, eo quod exprimi vult in lege rescissionem ad hunc effectum; duplici tamen exceptione, facultatis alicui ademptæ & perpetuæ turpitudinis.

36. Hæc

36. Hæc sententia non probatur Imperatoribus Theodosio & Valentino in *Constit. Non dubium est* 5. C. de Legib. ubi statuunt, ea quæ Lege prohibentur, si fuerint facta, non solum inutilia, sed proinfectis etiam habenda esse; licet Legislator fieri tantum prohibuerit, nec specialiter dixerit, inutile esse debere quod factum est; sine discrimine rerum perpetua moralitate turpium & civili ratione prohibitarum; nec quidem admissa differentia Actus in suis requisitis illiciti, & cujus facultas alicui adempta sit. Nec videtur hæc ratio Imperatorum; à Jure naturali, vel publico universali abhorreere; Quod enim lex fieri vetat, id factum quominus pro non facto haberi velle videatur, nihil adferri potest.

37. Nisi forte nullitas ad præjudicium non peccantis, sed tertii pertineat, tum respectu tertii quominus actus valeat, nihil obstat: Quemadmodum, si prohibeat Legatum, etsi dictante testatore, sibi adscribere; Si tamen id alii Testator restitui jusserit, huic suum jus salvum manere, bonum & æquum est, ut definitur in l. 14. §. ad l. Corn. de Falsf.

38. Quod si hæc est vis Legis, simpliciter aliquid sine poenâ prohibentis, hujus adjectio, secundum illam Imperatorum sententiam efficere non potest; ut actus contra Legem institutus valeat, nisi poena sit ejusmodi, ut ex ejus usu diversa Legislatoris voluntas intelligi possit; Nam si poenâ locum habente, non possit actus esse nullus, inde necessario colligitur, jubendo certam poenam exigi, Legem supponere actum valere, non etiam nolle, ut actus subsistat: Quæ limitatio à Juris interpretibus tradita, vera quidem est, sed usu parum obvio vel exemplis trito.

32. Civilis distingui posse videtur, utrum Lex ipsum actum directe prohibeat, an prohibitio spectet requisita

quædam ad ipsam actus substantiam non pertinentia. Si prius, dicendum est, Actum non desinere esse nullum, per speciale poenam, nisi talis sit, ut modo designatum est; quæ non possit habere locum, in hypothefi Actus jure subsistentis. Exempli poenæ ad requisita, non ad actum ipsum pertinentis obvia sunt; Matrimonium publice promulgandum & celebrandum est, sub poenâ xlii. Librarum. Non spectat ipsum matrimonium, aut ejus essentiam, sed modum & circumstantias. Rursus, matrimonio incesto aut aliter Legibus interdicto imponitur poena, quod nihil alter ab altero percipere possit lucri, vel beneficii; inde non sequitur, matrimonium jure valere, si poena locum habeat.

40. Novimus aliquando Leges jurejurando fuisse sancitæ, ut Lycurgus Spartanos suos obligavit, & Romæ sæpe factum legimus. Cujus rei nec aliud esse potest effectus, quam quod obligationi jam in eodem vigore sancitæ, ac in eadem latitudine firmatæ religionem Numinis addit; novam inter omnes obligandi vim adferre non potest.

41. Hoc tamen adfert novi Jusjurandum, quod si Leges sint aperte iniquæ & turpes, earum executionem injurati cives pati debeant; etsi facere secundum eas Leges, & actiones suas instituere non possint; hæctenus enim verissimum est illud Apostoli; Deo magis obediendum esse quam hominibus. Ergo nec in ejusmodi Leges jurare, pietas & religio permittere videntur; nisi forte passivæ quam diximus obedientiæ causâ.

42. Atqui Catonem in Leges, quas injustè rogatas putaret, sæpe jurasse, narrat & defendit Cicero, in *Orat. pro Sexto*, ratione reddita; Ne cum Reipubl. nihil prodesset, civi Reipubl. privaret. Credo, quod contra jus & utilitatem Rei publicæ

cæ magis, quam contra honestatem moralem latæ fuerint istæ Leges; vel de patientiâ civili juramentum illud præstitum fuerit: Et si non minus idem Cicero laudat Metelli constantiam, qui in exilium abire, quam jurare maluit in Leges à Saturnino latas.

43. Sed Cato ne quidem exequi decretauit legem Clodiam, qua manifesta Ptolomæo Cyprio Regi injuria fiebat; qui, fretus imperio populi Romani regno paterno atque avito rex amicus pacatus, quietus, nullâ injuriâ commemoratâ, nullis repetitis rebus, cum purpura & sceptro & insignibus regis omnibusque bonis suis publicatus & præconio publico subjectus est; Ad hoc ministerium iniquitatis, eadem Lege Clodiâ delectus Cato rem injustitiæ plenam executus est; Sequutus rationem quam Cicero his verbis exponit; *quoniam illa in Republ. macula regni publicati maneret, quam nemo jam posset eluere: Quod ex malis boni possit in Republ. provenire, id utilius esse, per se conservari, quam per alios.* Non potest civis actiones suas ex præscripto Legis injustæ instituere: Sed quominus, quod is qui habet summam potestatem decrevit, sibi improbatum, exequatur, ut quam minimum inde mali in Rempubl. vel privatos redundet, ei non videtur ob stare boni viri officium.

44. Denique, proprietas Legis, ut omnium præceptorum, est, quod respectu futuri intelligatur, ad præterita non pertineat, nisi casus præteriti temporis diserte exprimantur, quod in terminis habilibus juxta ratione aliquando fieri potest. *l. 22. ff. & l. 7. C. de Leg. l. ult. C. de Pæst. pign. Nov. 115. c. 1. in fin.*

45. Potest tamen fieri, ut tametsi non sit expressum, nova tamen Lex ad veteres & præteritos casus etiam pertineat. Primum, si Lex nova non tam sit dispositiva novi juris, quam declaratoria

juris antiqui, ut in hoc exemplo: Lex est, ut inter Conjuges lucra & damna communicentur; dubitatum, utrum id ipso jure fieret? Nova Lex id determinavit; cujus sententiam non minus ad præterita quam ad futura matrimonia spectare, judicatum est. Idem usu venit, quando nova Lex aliquid facti injungit his, qui antiquo jure utebantur; veluti Lex est lata, quod heres ex beneficio inventarii intra sex menses, rationes reddere & Curatorem bonis petere debeat; hæc etiam ad heredes, qui jam pridem beneficium Inventarii impetraverant, merito pertinere visa est. Extra hujusmodi casus nihil verius est, quàm quod Cicero in Verrem 1. *Cedo mihi*, inquit, *Leges Atinias, Titias, omnes præterea de jure Civili, hoc reperies, in omnibus statui jus, quo post eam Legem populus uteretur.*

46. Porro, Lex habet suam perfectionem statim atque decreta est, etsi non scribatur, ut rhetoræ Lycurgi, cujus inter alia instituta fuit, *non ἔχοντες νόμους ἱερὰς, non ὡς νόμους ἱερὰς, ut tanto fidelius impressa memoriæ; sanctius custodirentur.* Neque verò, ubi maxime scribantur Leges, scriptura ad essentiam illarum refertur. Lex erat, quam populus jusserrat, quam plebs sciverat; cum roganti Legislatori, *Velitis jubeatis Quirites*, responsum erat, *uti Rogas.* Verum est tamen, ut Leges obligent cives, innotescere eas & publicari debere, quod vix aliter commode, quam per scripturam fieri potest. Expedi autem præscribi tempus, ex quo sint valiturae, velut jure novissimo Romano bimestre spatium, antequam poenæ violatarum Legum exerceantur, præfinitum est à Justiniano in Nov. 66. cap. 1.

47. Postremo, quod Juris & Communis ratio dicat, unumquodque tolli eo modo, quo est colligatum, idemque in Legi-

in Legibus obtinet. Voluntas Summæ Potestatis ut Legem facit, ita Legi tollendæ sufficit eadem & sola requiritur, eoque pertinet illud, *Αἰ νόμος ἡσυχίας ἀλλοτρίος ἰσχυρῶς τῷ νόμῳ αὐτοῦ ἐστίν. Constitutiones posteriores prioribus sunt validiores l. ult. π. de Constit. Princ.* sive priores Leges omnino tollant, quod est *abrogare*, sive ex parte, quod est *derogare*; sive aliquid Legi præcedenti adiciatur, quod *subrogare* dicitur; denique; si quid ex priori Lege mutetur, quo est *obrogare*, teste Ulpiano *fragm. tit. 1.*

48. Mutatio temporum hominumque sæpe id officium ejusdem civitatis Rectoribus injungit, quâ de re Apulejus in *Apolog.* paulo crudiori eloquentia; *Nonne vos quotidie, inquit, experimentis illuminantibus tenebras antiquitatis, totam illam veterem & squalentem systemam Legum, novis principum rescriptorum & Edictorum securibus truncatis & cæditis? Nec solummodo magnis temporum intervallis, sed eadem hominum ætate res & usus id sæpe fieri suadent, quomodo ingenuè Justinianus: Οὐ γὰρ ἰσχυρῶς, ἐν τῷ νόμῳ, καὶ αὐτῷ, ἀποπρὸς εἰρημίας, ἀποπρὸς εἰρημίας, τῷ νόμῳ ἡσυχίας καὶ τῷ νόμῳ ἡσυχίας. Nec enim erubescimus, inquit, si quid a nobis melius, quam primò dixerimus, inventum fuerit, id ipsum sancire, novâque emendatione priora cogitata è nostro penu in melius reformare, nec expectare, dum Leges nostra ab aliis corrigantur, Nov. 22. infra. Bene & generosè.*

49. Hujus etiam facultatis est, Æquitatem adhibere Legibus applicandis; sed opus est hac parte, distinctione, quæ hoc loco omitti non debet. Æquitas generaliter ab Aristotele recte vocatur: *Ἐπιείκεια & ἰσότης. Correctio Juris Legalis 5. ad Nicom. 10.* Fit autem hæc

Correctio bifariam; vel cum mens & sententia Legis est liquida ac indubitata, sed dura & aspera; tum Princeps vel qui jus Summæ Potestatis habet, non Juxta aut Interpres, in applicatione ad singulas facti species rigorem mitigare potest. Quâ de re Constantinus Imperator ita rescripsit, *Inter æquitatem Jusque interpositam interpretationem nobis solis & oportet & licet inspicere l. 1. C. de Legib.* Hujus specimen est, quod de Claudio habet Suetonius; *Nec semper præscripta legum sequutus, duritiam lenitatemque multarum, ex bono & æquo, perinde ut afficeretur, moderatus est, c. 14.*

50. Altera species Æquitatis est, quando verba Legis generalia producuntur ad casum, quem Legis auctor probabiliter sub eo comprehendi voluit; quam speciem Aristoteles vocat *ἐπιείκεια νόμου, & ἰσότης ἀπὸ τῆς κατὰ τὴν ἐμμετρίαν. Emendatio Legis, quatenus ob generalitatem verborum defectu laborat. Captare τὴν ἐμμετρίαν verborum est Summum & strictum jus; Excipere casus, ex præsumptâ Legislatoris voluntate, id est Æquitatis; de quâ idem Constantinus & Licinius ita rescripserunt; placuit in omnibus rebus præcipuam esse justitiæ requiritisque quam stricti juris rationem in l. 8. C. de Judic. Sit Lex ejusmodi; Qui sanguinem humanum fundit, ejus sanguis vicissim effundetur. Hujus Legis verba, tenerent etiam illum, qui moderamen inculpatæ Tutelæ servavit, imo, qui ventam fecuit. Æquitatis est, utrumque casum eximere poenæ. De hoc genere Cicero loquitur; Scriptum Jus sequi calumniatoris est, ait, boni Judicis voluntatem. Scriptoris, idque variis exemplis illustrat, in *Orat. pro Cecin.* Et diximus hac de re latius in *lib. 1. Digress. cap. 6.**

51. Quando igitur usu venit, ut Lex in universum æqua & recta, in hypothesi dura videatur, sitamen non dubitetur, quin

quin ille casus sub sanctione comprehendatur; Judex ita dicere cogitur; *Totum id quidem durum est, sed tamen Lex ita scripta est*, quæ est Ulpiani *in l. 12. § 1. π. Qui & à quib. manum.* Princeps secundum merita circumstantiarum aliquid remittere potest, ut Claudius prævit, & Constantinus in *d. l. 1. C. de Legib.* declarat.

52. Quid si ratio Legis in certis casibus Lege comprehensis evidenter cesset, an tunc saltem Judex aliud statuere potest? Videtur ita, secundum illud vulgatum; Cessante ratione Legis, cessat ipsa Lex. Atramen verius est, ob rationem Legis in certis casibus cessantem, non posse Judicem aliud quam Lex jubet, statuere; Principis ad hoc opus rescripto, eumque esse usum Æquitatis à Summâ Potestate implorandæ. Exempli gr. Minor annis *xiv*, non potest facere Testamentum, quia nullum est ejus animi judicium. Detur puer callidior quam alius pubes. Quæritur, an ille possit, hic verò non possit testari. Dicendum est, non obstante rationis diversitate, puberem posse, Impuberem non posse facere Testamentum. Idem multis in jure publico privatoque instantiis illustrari posset: Oportet igitur aliquam partem materiæ Legalis universalem esse, in quâ Ratio fallat, ut isti regulæ usus & locus detur.

53. Et hæc quidem de Legibus, pro modo hujus instituti. Vim quoque Legis habet Consuetudo, sive Jus non scriptum, quod tacito populi consensu vim obligandi accepit *l. xxxi. §. 1. ff. de Legib.* Hujus initium nunquam est à scriptura; siquidem naturalis ejus proprietas est, quod autorem initiumque habeat incertum: sed postquam vigorem suum obtinent mores, & possunt & plerumque solent scribi, ut factum in consuetudinibus Feudorum.

54. Proprie, in popularibus Imperiis viget hæc species, nempe ut sua vi mutatur; neque enim in diversis imperiis populus, qui expressè nullius auctor juris esse potest, sed ipse leges accipit, tacite jus introducere potest. Verum in Monarchiis aut Aristocratiis valet nihilominus consuetudo, ex tacito imperantium consensu, sic tamen ut contrario placito semper abrogari queat.

55. Debet autem, ut consuetudo obtineat, his prædita esse requisitis; ut honesta sit, ut generalis, & certa. Honestas, pari sensu, quo *suprà* de Lege dictum. Generalis, id est, ab universâ Republ. vel potiori parte recepta, perinde ut Lex à toto populo fertur: Quatenus enim pari modo obligant, ab unâ ad alteram rectè argumentamur. Hinc Municipiorum consuetudines eandem habent vim quam Statuta, ut teneant, quatenus juri moribusque Reipubl. non adversantur.

56. Ut de certitudine constet, requiritur longum tempus, & frequentia actuum, quibus recepta fuerit & probata consuetudo. Quantum vero temporis & quales actus esse debeant, à Magistratuum vel judicum arbitrio pendet: modo talia sint, unde, quod satis sit de veritate consuetudinis, constare queat. Adde quæ *scrips. ad tit. π. de Legib.* & quæ inferius per occasionem sequuntur.

57. Quanquam autem alieni Leges Imperii, ad alios non spectant, sæpè tamen usu venit, ut aliorum Statuta populorum ab aliis recipiantur & observentur; præsertim in ejusmodi rebus, quæ alibi maxime in usu, & excultæ fuerint; quemadmodum de re Nauticâ apud Rhodios constat, quorum Leges ideo de re maritimâ ab ipsis Romanis adoptatæ fuerunt, ut superius probatum est, ex *l. 9. π. ad L. Rhod.* idemque à popularis

gulis Hollandiæ vicinis; si non per sanctiones expressas, attamen tacite per consuetudinem, quæ de re dictum in prælectione. ad d. sis. n. de Legib. n. 14.

58. Hinc etiam evenisse videmus, ut Jus Romanum per omnes fere cultiores populos receptum sit, hætenus, ut quæ Statutis Gentium propriis definita non sunt, ea secundum Jus Romanum, quatenus Reipubl. & temporum status non refragatur, decidentur, aut saltem ad svadendum & illustrandum magnam habeant auctoritatem.

59. Postremo loco, nec id, quod maxime pertinet ad caput Administrationis, omittendum erat, Principem

& Rectores Civitatis esse quidem Legibus solutos; sed hoc tamen eos agere, ut ultro se illis submittant: nisi hunc articulum, quod satis est, executi essemus in *hb. 1. sect. 3. cap. 1. n. 29. & seqq.* Id etiam antehac observatum est, non sequi ex eo, quod Leges certa forma ferendæ sunt, nec sine approbatione, vel ut alicubi loquuntur, *verificatione* alicujus Senatus publicantur, penes Imperantes solos non esse potestatem Legillariorum; Quemadmodum Cæsares, Rescripta sua, nisi causâ à Magistratibus cognitâ, effectum habere noluerunt *l. 7. C. de Precib. Imp. off. vid. d. cap. 1. n. 29. & seqq.*

C A P. III.

De obligatione Conscientiæ ex Legibus.

Conscientia an errare possit, ubi de voce. Quid sit Conscientia, & partes ejus. Obligationem Conscientiæ ad solum se referre Deum. Quatenus Naturæ jus conscientiam obliget, accuratius exponitur, & an valeat distinctio inter honestatem & necessitatem juris Naturalis. Non omnia, quæ svadentur ut meliora Jure naturæ, etiam præcipi ut necessaria. Jus Gentium an, & quatenus obliget Conscientiam. Eadem quæstio de jure divino per omnes ejus species exigitur. Quæ sit ratio, quod Lex Civilis obligat conscientiam. An & quatenus hoc juri Naturæ derogare possit. Quantam stragem juri publico inferat hæc positio, quod Lex civilis juri naturæ, quod ad facultates pecuniarias attinet, derogare non possit. Refellitur illa positio, & contrarium probatur. Exemplo id uno alteroque illustratur, & Amesii rationes contrariæ refutantur.

SI conscientia non potest errare, quemadmodum nuper admodum viri docti quidam, primo sibi, credo, dein aliis persuaserunt, frustra occupati sumus in indagandis regulis, quibus regatur & errare prohibeatur. Sed nos sequimur communem generis humani conscientiam, quæ ut errare posse creditur, ita regulis atque

præceptis, ne quid erraret, indigere semper existimata est. Reservatus est hic locus à capite præcedenti seorsim tractandus, idque nunc instituimus. Primo, quid sit Conscientia, videamus.

2. Et quidem si vocabulum, ut primo in Arte loco fieri solet, consideremus: nihil est aliud conscientia, quam Scien-

Q q q

Scientia cum alio, vel nobiscum. Ita adsumere alium in conscientiam, ita Conscire sibi homines omni die dicuntur: Et posterius ad hoc institutum pertinet, ut Conscientia sit, Scientia ejus, quod ipse quilibet apud se cogitat.

3. Nemo enim cogitat sanus homo, nisi cogitare se sciat, nec haecenus errare potest conscientia; sed quando cogitationes errant, ut fieri posse, difficile est negare; qui cogitando errat, habet conscientiam cogitationis errantis; sed non est sibi conscius quod erret; ideo conscientia propriè non errat; sed cogitationes errant, cogitantque adest ac inest conscientia cogitationum erronearum. Si volunt hoc, qui conscientiam errare negant, fiat adfertio; & conscientiam non errare; cogitationes, quarum habemus conscientiam, errare quandoque dicamus.

4. Verum tamen est, quod Conscientia veritatis non sit, nec esse possit erronea, & quod clara & distincta perceptio rei, sicut est, non differat à conscientia veritatis. Si hanc igitur solam vocant Conscientiam, & eos qui cogitando errant, sine conscientia esse statuunt, habemus adfectionem adeo veram, ut fere inepta sit inculcatu; Conscientiam excellenter dictam, quæ veritatis est, errare non posse. Simul autem se & rationes qui hoc tenent, quoties minus valide philosophantur, ut à veritate quam habere se putant, aberrant, sine conscientia esse, teneant, ut quidem videtur, oportet.

5. Sed missis argutiis, quarum interpretationem auctoribus suis relinquimus, rem ipsam cernamus. Non habetis causam recedendi à communi doctrina, secundum quam, Conscientia est Judicium hominis de se suisque actionibus coram Deo. Judicium hoc nihil est aliud, quam Applicatio juris ad fa-

ctum, quod proinde notum esse oportet. Notitia facti solet vocari *conscientia*; Applicatio juris est *Conscriptio*, ut hi termini sunt fere recepti.

6. Facti notitia est vel ipsius, ut in taloquar, corporis facti, vel *Facti* ipsius singularium & circumstantiarum. Utraque ad hoc judicium enixè requiritur, ut Jus applicari possit: quomodo qui patrem suum in bello habet oppositum, ut applicet Jus ad factum, non modo scire debet, hostem esse, verum etiam Patrem esse, quem oppugnat. Qui mulierem corrumpit, solutane sit, an materfamilias, cognoscat oportet, ac ita in similibus.

7. Sed de facto homines errare possunt notius est, quam regula Juris; Facta prudentissimum quemque fallere possunt. De Jure fieri posse, ut homines similiter errent, creberrimæ sapientissimorum hominum disputationes & dubitationes indicant. Ac ita, cum in utraque parte Conscientiæ error usu veniat, difficile dictu est, quomodo Conscientia errare nunquam possit. Nam dicere, Notitiam veram, Judicium verum, solummodo esse Conscientiam, est Claudianum; cum rogatus sententiam in conflictu opinionum, pronuntiaret, secundum eos se sentire, quæ vera dixerant, ut Svetonius auctor est.

8. Nos in hocce Tractatu Facti notitiam supponimus, de Jure præfens institutum est. Et si autem de Lege Civili hic propriè agimus, placeat tamen per omnes Legis & Juris species hoc quaesitum exigere: Est de jure Naturæ, quod satis esse videri queat, actum est in *ib. 1. sect. 1. cap. 2. n. 18. & seqq.* Ubi dicta ad hunc articulum transerre licet.

9. Principium decisionis in hac quaestione, peti debet ex ultimis definitionibus Conscientiæ verbis, CORAM DEO: id est, prout homo Dei judicio subijcitur, ut Amelius loquitur *pr. d. Conscient.*

Cum

Cum enim hoc iudicium sit actus animi, nulli quam Deo cognitus, qui solus est *cordium ἡγεμονία*, scrutator, fieri non potest; ut rationalis creatura cuiquam suarum cogitationum, quam soli Deo, rationem reddere debeat aut possit. Nec ideo, ut aliunde quam à solo Deo rationes & regulæ, quibus animi iudicium teneatur & regatur, proficisci possint.

10. Pertinet etiam ad Quæstionis statum, per obligationem ut sciamus, quid intelligatur; nec id melius quam ex eo, quod Jurisconsulti de obligatione prædicant, explicetur; Est juris *vinculum*, ajunt, Obligatio, quo necessitate quis adstringitur ad aliquid dandum vel faciendum. Agimus hic de eo, quod aliter facere non liceat, quam iudicium illud coram Deo, id est, conscientia dicitur. Hoc est *πρὸς τὸν Θεόν*; quod divinitus etiam gentes noverunt, *ὁ Θεὸς αὐτοῖς ἐπέταξε*; Quod Deus illis notum fecit: ut Paulus 1. ad Rom. *Ἐκ τῆς ἐξουσίας*. Sibi ipsi Lex est conscientia, cui si non pareant, eadem minatur illis poenam. Ad Rom. 2.

11. Sed jus naturæ, dictum est in loco, esse vel præcipiens, vel permittens, vel suadens. Prima species obligat haud dubie conscientiam, ut aliter facere non possit homo, quam ejus regulæ cordibus insculptæ immutabiliter dicant; quæ spreræ reddunt hominem *ἀνυπολόγητον* & *ἀνὸς ὑπεκρίνας*, defensionis expertem & sui ipsius iudicem, ut Apostolus copiose in 1. & 2. ad Rom. docet.

12. Jus permissivum non potest eum, cui facultas datur, obligare; sed alios, ut quolibet jure naturaliter permissio uti patiantur, nec eos impediunt, obligat: Veluti, occupare, in dominium redigere quod nullius est, ratio naturalis permittit, nec alius alium in exercendo hoc jure turbare vel impedire, salva juris & animi conscientia, potest; nemo

tamen ad hoc, ut res nullius occupet suaves faciat, obligatur. Idem est, in moderamine inculpatae Tutelæ, contra vim injustam; quæ ut licet, ita non tenemur ad usum ejus, nisi forte aliorum, quibus tuendis obligari simus, respectu.

13. De jure Naturæ Svasorio major est *ἀναγκάσιος*. Habemus enim præcepta, Christiani nominatim, *τὸ ἀεὶ βαῖναι περὶ πᾶν*, exacte ambulandi; dandum esse operam, ut ubique servemus *τὸ ἵνα κεν ὁ πῶς ἐστὶν ὁ δὲν*, quod decorum est & bene sedeat, fugiendi verò non tantum *ἀνόμιαν*, nefaria, sed etiam *τὰ ἐκ ἀνῆκετα*, incongrua; etiam talia, quæ minus convenient gravitati, ut etiam veter Apostolus *ἐν τῇ πάλαι* Ephes. 5. quæ tantum non virtus est in conversatione civili. Hinc gravissimi homines increpant Jus Canonicum, ob usum distinctionis inter Honestatem & necessitatem moralem; ut hæc obliget, illa saltem commendat faciendæ: Pessimo divorzio honestatem à necessitate separant Canonistæ, ait D. Wittenbach: D. 6. ad Inst. 22. quæ de re dix. in part. 2. Digress. c. 7. n. 4.

14. Verius tamen est, non quicquid laudatur & commendatur, etiam præcipi & necessarium esse videri, neque peccare, qui non adsequitur, quod optimum est. Sunt quæ *κατὰ συνήθειαν*, alia *κατὰ ἀνάγκην* injunguntur; quædam præcipiuntur, quibusdam venia datur, ut Apostolus distinguit 1. Cor. 7. Est quod *ἀδελφοί, ἢ ἕκαστος ὁ ἑαυτοῦ ὡς ὁ Θεὸς ἐντολὴν*. Habeat aliquid improbabile; neque tamen est prohibitum, ait Leo Philosophus in Nov. 24.

15. Ita cælibatum, quo melius Deo vacemus, non obscure commendat Paulus 1. Corinth. 7. negat tamen peccare nubentes, etsi melius faciant contra. Consobrinam vel Sponsam filii in uxorem ducere, non est prohibitum neque peccatum; melius tamen abstinere talibus nuptiis,

nuptiis, pudor, & jus naturale suadet, adeo ut multræ gentes eas enixe prohibuerint. Etiam Romani aliquando de consobrinis, & de sponsa filii semper. At necessarium id esse juris naturæ præceptum, nemo dixerit. Beza quoque, sponsæ filii prohibitionem non dubitat appellare duram, lib. 2. de Polygam.

16. Consilium est Pauli Adlefforis, *In re dubiâ certius & modestius esse abstinere, tamen si non peccet.* quia luter consulit l. 14. § 3. d. Rit. nup. Modo servet *et non exprobandus* cu idip vol, ut bene certus sit apud animi sui conscientiam, ut Paulus Apostolus enixe monet. De comâ, reminimâ, ut loquitur Calvinus, idem Paulus, *et quoniam dicitur, natura docet, inquit, in alijs suis regibus. Simila dicta in, quod comam alere viro sit inhonestum* 1. Cor. 11. oppositè ad mulieris *videtur, decus mulierum in Comâ.* Non tractat eam rem, ut moraliter turpem, aut ubique peccatum, sed deterius esse, comam a viro ali non dissimulat.

17. Quin etiam posse dari circumstantias & occasiones, quibus abstinere talibus, sit præceptum, nec aliter institutum, peccati sit expers, fatendum videtur; sed quicquid natura suadet ut melius, id statim non esse peccatum, vel sola successio ab intestato probat: cognatis enim agnatisve proximis bona relinqui non potest negari, naturæ convenientius esse, quam extraneis, neque tamen, sine peccato aliter decerni posse, quisquam dubitat. Ergo in his est latitudo quadam, *Et iacob dicit, et gratiam vobiscum ipsi existimate,* monet Paulus, *et arguitur iacob, an deceat.* Regula sic est, ut diximus.

18. De Jure Gentium major est dubitandi ratio: Si hoc à jure Naturæ diversum sit, non habet immediatè auctorem Deum. nec ullam Potestatem humanam, quæ cunctas gentes obliget,

cum nemo sit omnium pariter Gentium superior, ac ideo nihil quod vel mediate, vel sine medio conscientiam adficere possit, apparet.

19. Dicendum, pleraque Juris Gentium capita, non esse quidem immediatè à dictamine rationis; sed tam evidenti consecutione tamen inde esse deducta, ut ab eadem auctoritate non immerito derivari possint.

20. Quæ vero inde sunt remotiora magisque positiva, communi populo-rum, maxime quidem Imperantium consensu recepta, satis inde caute mutuantur ad animos singulorum obligandos, ex voluntate, inquam, Rectorum cujusque populi; à quibus instituta paci & utilitati generis humani servientia non minus quam propria cujusque Civitatis scita, expresse vel tacite sancita videntur, præter, quod omnes homines ratione utentes in Jus illud, quemadmodum ejus expositio indicat, in lib. 1. sect. 1. cap. 5. consentire intelliguntur.

21. Sequitur Jus divinum, cujus auctoritatem directè ad obligandam conscientiam pertinere, palam est, modo illa mens sit divini Nomothetæ, ut omnes populi suis legibus tenerentur. Directè universo generi humano jus à Deo datum non legitur, nisi recens condito, & à diluvio instaurato, sed paucis articulis constans; donec postremo per filium Dei factus cautum est.

22. Quæ per Moysen lata sunt Leges, ad Hebræos diriguntur, *Audi Israël;* Attamen quæ sunt ejus sententiae, ut alijs gentibus exactè conveniant, valere debent ad obligandas omnium conscientias, ut sunt decem dicta; si quantum ex capis de Sabbatho; & quæ ad exegesis illorum inter politia reperiuntur, ut de vestitu discrimen sexus indicante præceptum, & similia.

23. Quæ peculiarem ad temporis & gentis

gentis illius disciplinam, pro parte vel in totum habent respectum, quatenus à statu nostri soli & seculi discrepant; ut nostros animos obligent, deficiente Summi præceptoris voluntate, fieri non possit; quod pertinet de asyllis, de peristylis rectorum, aliisque rebus innumeris pecunina; de fœnoribus et am & de poenis delictorum; secundum ea quæ in lib. 1. sect. 1. cap. 5. ubi actum de Jure divino, collocavimus; & quæ singulis locis de cuiusque præcepti naturâ, usu venit, aut veniet observari.

24. Quod Christus Dominus in Evangelio credentibus in se præscripsit, haud dubie omnes singulorum obligat directè conscientias, etsi proponit illi non fuerit, novum condere jus morum: sed vetus repetere & ad principia sua reformare, ejusque veram & spiritualem fidelibus observantiam inculcare voluit. *Matth. 5.*

25. Prophætæ & Apostoli Spiritu licet divino ducti nullam ex se novi juris condendi vel conscientias obligandi auctoritatem habuere; sed interpretari voluntatem Dei revelatam, & collectiones inde ac arbitramenta deducere, quæ novas inferrent positiones. veteri doctrinæ implicitas, id potuerunt. Nec aliter accipiendum videtur illud Pauli, *Exi iis qui sunt in mundo. Ego, non Dominus, edico; Deus est qui iussit mundum. Qui iussit. Censeo & ego, me habere spiritum Dei 1. Cor. vii. 12. & ult.*

26. Transcamus ad Leges civiles, quæ à summa Potestate cuiusque Reipubl. proficiuntur. Et hæc tenus quidem non valent in conscientias nulli humanæ iussioni subiectas; sed in Imperiis voluntariis inde ab initio, vel ex post facto certissima hypothesis est, omnes suo consensu obligatos esse, ad Leges Civitatis sue observandas, ut in libro 1. sect. 2. lib. 2. sect. 6. & in capite præcedenti

copiosè demonstratum est. At servare fidem datam, conscientie officium, & præceptum Dei est, cuius etiam hæc est declarata voluntas, Imperiis Summarum Potestatum esse parendum, à piper, ut Apostolus, *2. Thim. 3. v. 12. & ult. cor. 1. Non modo propter iram & metum pænæ, sed etiam propter conscientiam. Inde, quem civilis potest s in hominum conscientias habeat influxum, in summâ, satis intelligitur.*

27. Sed opus est, hanc rem paulo enucleatius exponi, ad applicationem ejus, quod juris auctores de Lege, quatenus à jure naturæ discrepat, in Arte sua tradunt; quando sic ajunt; *Jus civile est, quod neque in totum à naturali vel gentium recedit, nec per omnia ei servit. Itaque cum aliquid addimus, vel detrahimus juri communi, jura proprium, id est, Civile efformamus, verba sunt Ulpiani è lib. 1. Instit. in l. 6. n. de Just. & Jur.*

28. Atque Jus naturale convenit cum eo jure, quod in foro Conscientiæ attenditur, si frequente consensu, non modo Theologi, sed etiam Jurisconsulti tradiderunt, ut videre licet apud Bachovium ad Tr. 2. disp. 10. th. 5. Vinnium ad §. 3. Inst. de Testam. n. 8. Amel. 3. Conscient. c. 45. n. 10. ubi sic ille; *Nisi igitur jure à Deo, vel in naturâ vel in verbo publicato, constet, dominii titulum esse Legitimum & verum, in foro conscientiæ consistere non potest.*

29. Hujus rei hæc patet usus & obligatio. Sic enim illi statuunt; Qui in Testamento jure Naturæ valido, sed ob requirita juris Civilis vicioso heres, aliquid præstare jussus est, ex animi conscientia tenetur ad hoc præstandum; Qui obligatus est è contractu jure naturæ Legitimo, sed jure civili invalido, tenetur ad implendum, & peccat, si prætextu requisitorum Juris, fidem implere recuset.

30. Proinde mulier, quæ pro aliquo intercessit, tenetur ad solvendum, & non potest se rueri beneficio Senatus-Consulti Vellejani; nec filiusfamilias pecuniâ mutuo sumptâ Senatus-Consulto Macedoniano. Nec minor annis 25. per beneficium restitutionis in integrum, si contractus ab ipso, consulto initus, jure Naturæ sit validus. Nec ullum aded privilegium, quo quis juri ab alio quæsito subducere se queat, illud conscientia, exerceri potest.

31. Ubique enim locum habet Amezii argumentum d. cap. 43. n. 15. *Per hujusmodi contractus, inquit, minus solennes, ex omnium consensu inducitur obligatio juris naturalis: quia sunt per liberam voluntatem, ex consilio deliberato. Sed, ut civile non potest abrogare jus Naturæ. Ergo.*

32. Huic adsumptioni ante omnia satisfaciendum est; & jam occupasse videmur responsum, in cap. proxime antecedente n. 5. & seqq. Ne de jure permittente & suadente naturali dicamus, cui jure civili derogari posse, nemo negat; etiam de Precipiente sciendum, hoc vel circa ea, quæ moraliter in se turpia, nec aliter habere se possunt, veritari; vel circa officium tribuendi suum cuique in facultatibus externis atque pecuniis.

33. De prioribus nihil jure Civili constitui posse, quod hominum Conscientias à jure naturæ avertat, expeditum est, juxta illud immortum Euripidis, canente choro, in *Phœnissis vers.* 821.

Ὅτι τὸ ὁ νόμος ἁπλοῦς ὅπου ἔστιν ἡ ἀρετή.

Quod turpe in se est, id nunquam fiet bonum.

Sed quod Lex circa facultates civium generaliter disponit, ut propter certas rationes & circumstantias, quæ publico expedire judicantur, uni dominium vel jus crediti magis quam alteri

sit comparatum, tamen in simplicitate naturæ aliter obtineret, hoc vel turpe non esse oportet, vel omnium populorum jura necesse fuerit resolvere.

34. Si vero qui tali jure utuntur, conscientie jacturam faciunt, quid fiet de omni Arte usque Jurisprudencie, cujus universum hoc institutum esse vidimus, ut Juri Naturæ modo addata aliquid, modo detrahatur? nonne, dum bonis civium consulere satagit, animabus toxicum parat, & pecuniæ compendium æternæ salutis dispendio permittare docet?

35. Proinde sic habeamus; Dispositiones Legum de patrimonium civium, à simplici jure naturæ diversas & probabili ratione subnixas, habere vim conscientie præstandi securitatem; imo quo magis est, ad earum observantiam conscientias obligandi; perinde ac qui bullibet aliis Summarum Potestatum præceptis, necessitati morali non adversis, obligati sunt cives.

36. Ratio peremptoria pendet à consensione civium in Leges Reipub. cui sunt aggregati, toties adstructis, nec minus à veteribus agnita, quam in ipsius rei naturâ fundata. Quæ consensio ut nihil potest in dictatis Dei moralibus Verbi aut naturæ invertendis, ita de facultatibus pecuniisque disponendi facultatem habet arbitrariam, indubitatam; Cujus rei nulla peior est sequela, quam quod singuli, certis calibus, aliquid damni se passuros recipiunt; In quo nihil adeo illicitum est, ut in omnibus, quæcrista mala dicuntur, eandem voluntariam submissionem fieri posse credamus.

37. Exempla res hęc clarior. Ad evitandas fraudes in Testamentis, placuit, ea non valere, nisi certe solennitates adessent. Ita Romanis visum fuit in Comitio, vel in Campo Martio *non de jure.* In hac constitutione talis conventio est;

Si cui;

Si cuiquam nostrum hereditas in tali testamento imperfecto relinqueretur, is hereditibus ab intestato bona vindicantibus oedit. Si quis heres in tali testamento iustus erit, Legatarum præstare, negare poterit solutionem; neque Legatarius injuriam sibi fieri putabit. Ecquid in eo, quod conscientiam lædat, animadvertitur?

38. Potest equidem heres ab intestato, si velit, hereditatem relinquere scripto heredi, neque ab hoc violari jus conscientie dicemus, si nemine contradicente, hereditatem ex voluntate defuncti retineat. Sed heres Legitimus nibilo magis illud jus lædit, quo utitur, jure quo placuit omnibus ejusmodi existente casu, utendum esse. Neque Testatoris, qui Legatarum sequi tenebatur, voluntas; nec heredis scripti intentio, qui Legi, inquam consenserat, contraria, jus proximi cognati vel ejus conscientiam pervertere potest.

39. Initat Amelius §. 13. d. c. 41. *Solennitas hæc ideo solum præscribitur, in Legibus civilibus, ut obviametur fraudibus & doli, qui in talibus contractibus (quos cum Testamentis, de quibus agit ibi, Theologice confundit) plerumque committi solent: Sed quando constet manifeste de voluntate eorum, quibusmodi contractus fecerunt, etiam si præmissa sit solennitas illa, cessat ratio ista, atque adeo cessat vis juris civilis; quia cessante causa, cessat effectum.*

40. Impingit Amelius in id ipsum, quod præced. capite n. 52. dictum est de regula, *Cessante ratione Legis, cessat ejus vis*. Et probavimus, id equidem esse verum, si ratio cesset in universum, non si in singulis forte casibus cesset. Lex fertur ob rationem certam, quæ plerumque, non semper, obtineat: Lata ob hanc rationem Lex, valet æquabiliter, nec amplius ab illa ratione pendet in singulis

hypothesibus, quod si fieret, nihil ejusmodi legibus fluxius & dissolutius foret.

41. Non potest etiam concedi, quod Amelius §. 16. ponit; *Intentio ipsa juris Civilis est*, inquit, *in ejusmodi contractibus irritandis, tantummodo non adjuvare ipsos in foro externo, vel non dare ipsi actionem, propter commune bonum. Retinquit igitur obligationem omnem ex jure naturæ conjungentem.* Non ita censent juris Auctores, quando jus civile tradunt esse, quod Juri Naturali modo addit, modo detrahit, ut supra intelleximus, eo quo diximus sensu & modo; Si negaret actionem, & conscientiam relinqueret obligatam Jus civile, faceret quod abominati sumus, ut auctor esset bonis consulendi, animam perdendi.

42. Verius est, eum, quis jus naturale de rebus ad patrimonium spectantibus, contra legem sibi notam, urget, verè Ordinationi divinæ resistere, quæ parere jubet Potestatis, in his quæ Deus non vetuit; Nec vetat, Rectores populorum de patrimoniis civium ad utilitatem publicam contra singulos ita disponere, ut huiusmodi & illi aliquid detrimenti imponatur: Ne repetam, eum qui Legem in quam consensit, urget; quis sic usu venit, ut ipsi præjudicium creet, quod alias eidem utile & proximo forte damnosum fuerat; non servare tesseram bonæ conscientiæ.

43. Labitur ergo, quod subjicit Amelius §. 18. *Non potest igitur*, inquit ille, *in ejus favorem Lex irritum facit talem contractum, salvâ conscientia, contra eundem agere, coram iudice, aut petere, ut declaretur irritus aut nullus, si constet ipsi de veritate.* Excipiam potius ego, nili doli ejus, qui Legis auxilio utitur, interveniat. Absque dolo minime recte colligit Amelius. Quid enim? Præter meus heredem instituit extraneum, testamento vitiosè, meâ tamen absque operâ,

operâ, condito; sed quod Testatorem valere vo uisse constat. Dico testamentum nullum & vindico hereditatem mihi jure sanguinis debitam. Hoc salva conscientia non licebit? Magis ille scriptus heres viderit, an salva conscientia opponere se possit juri publico, ratione probabili constituto, retinere volens hereditatem sine causa in Civitate approbata.

44. Eodem fundamento nititur Amelii censura de Usucapione. *Possessio rei alienæ*, in §. 19. invito proprio Domino, quamvis continuata sit, quandiu Leges requirunt, ad prescriptionem vel usucapionem in foro conscientie non confert dominium possessori, non modo si mala sit fidei §. 20. sed etiam, si rem alienam bonâ fide possideat, quia hæc tantum est falsa opinio, quæ justum domini titulum adferre non potest in foro conscientie §. 21.

45. Cum licibus antiquæ originis nihil sit molestius in civitate, populus Romanus sponsione civium inter se facta, eas legelata præcidere volens statuit; Si quis intra tot annos rem suam non vindicasset, actionem non habebit contra bonæ fidei possessorem, sed Res manebit suo loco. Quid vetaret, Quirites, omnes singulosque renuntiare juri suo, in ejusmodi casu, ob publicam utilitatem? Et quis eorum qui renuntiavit, si quis ad-

versus eum hoc jure utatur, juxta præviam conventionem, opponens se, potius actoris quam tuam accusabit conscientiam? Nec est, quod me quicquam exemplum popularis Romanorum Imperii, ad consensum in Leges arguendum, ad sectare putet; eadem ratio, licet mediate, in Aristocratia & in Principatu est, ut lib. 1. sect. 2. demonstravimus.

46. Plane, si malam fidem habuerit possessor, hunc salva conscientia negamus uti posse jure prescriptionis, etiam longissimæ, quam leges ipsi imperiuntur, jure solummodo externo hæcenus, ad litigia immemorialis causæ extinguenda; minime ut furem vel prædonem injustitiæ perfidieque notâ liberent, quod tenendum ad convitium Amelii, quod facit Jurisprudentiæ in §. 20.

47. Quam late fere Jurisprudentia patet, hujus rei observantia se extendit, nec pluribus uti exemplis, hujus instituti ratio patitur; Actum id plenius in Quæstione, an Conscientia è Testamento imperfecto obligetur, quam in parte 1. Digress. lib. 4. cap. 34. & seqq. ad finem libri plena manu tractavimus, aliarumque rerum exempla sparsim in *Ennomia Romanâ* occurrunt. & jam exposita sunt ad l. 7. §. 5. & §. 12. x. de *Pactis*. ac alibi passim.

De Senatu.

3. Prudentes esse debere Senatores,

4. Quot numero esse debeant, ut de facto summa varietas cernitur, ita medium heic quoque, sicut alias plerumque, tutius esse dixeris. Romæ tempore libertatis ultra quingentos fuisse, facile constat, & sub Imperatoribus aliquanto plures, Venetiis mille & amplius

plius. Ex adverso Spartæ nonnisi triginta, & intra hunc numerum Genuenses subsistunt. Rursus apud Hebræos ex instituto divino septuaginta duo; quem numerum si quis ut medium, ideoque præstantiorem considerandum putet, nihil vel rationis, vel auctoritatis causa videtur erraturus.

5. Etsi autem consilii causa Senatus in primis adsciscitur, fieri tamen & potest, & plerumque solet, ut auctoritas & potestas quarundam rerum minoris momenti, & quæ moram ferre nequeunt, illis tribuatur, cujus rei pro forma cujusque Reipubl. variat usus, quemadmodum ex inductione sequentium patebit.

6. Nusquam major Senatum usus & necessitas est, quam in Imperiis popularibus. Ubi, cum populus universus raro conveniat, nec nisi de rebus ad summam Rempubl. spectantibus consuli possit, quotidianæ administrationis ratio curam ad Senatum deducit, ut Pomponius de Republ. Romanâ loquitur, in l. 2. §. 9. *π. de Orig. Jur.*

7. Videamus igitur de Senatu, prius in Democratia, unde pleraque reliquis applicari poterunt. Difficultas & raritas Comitiorum universi populi, cum pleraque Regiminis publici ad Senatum deducatur, non potest fieri, ut per modum Consilii duntaxat illic adhibeatur, sed & potestatem & jus perfectum in iis ab Senatu exerceri consentaneum est, id quæ tam latè plerumque patet, ut multi in dijudicatione talis Reipubl. fallantur, Aristocratas pro Imperiis popularibus accipientes; quem exteros etiam de Romana Republ. erravisse errorem, Polubius alique observarunt.

8. Neque tamen exteri tantum erroris opinione in illâ specie versati sunt; verum in plerisque Civitatibus Democraticis, id operam dant serio Senatus,

quo Summam Potestatem sibi totam vel majori ex parte vindicent, ut creberrima Romæ pluriumque Græciæ Civitatum, quin & hodierna Colonæ, Basileæ, Hamburgi aliorumque exempla populorum demonstrant.

9. Quin ille transitus *εἰς ἀνομιαν*, in ejusmodi Constitutione, tam propè naturalis est, ut nec fieri possit, quin Senatus in se paulatim omnia derivent & popolare jus oblitterent, quemadmodum Democratia fere omnes, nominatim in Hollandia, exoleverunt; nisi populus habeat Magistratus *νομοφύλακες*, Legum & Libertatis custodes, quales Tribuni plebis Romæ fuere: Neque tamen ita graves hac causâ turbas avertere & occupare possunt, potuerunt; quin Senatus non Consilium populi, sed partem Juris supremi & quidem potiore sibi vindicare conaretur.

10. Non dissimilis apparet usus & ratio, si quando Regia potestate abolita, Libertas ad populum redeat. Nam in illo transitu rerum id agere solent Optimates, ut summam potestatem naturaliter ad totum populum pertinentem, ejus injussu usurpent sibi que vindicent, animum minus advertente multitudine, læta satis revolutione rerum & abolitione Tyrannidis; nihil omittente Senatu, quo statum Aristocraticum, persvadeat esse Libertatem; etsi verum sit, optimates ex instituto sibi necessario plebem cohibere pressius, quam Principes soleant.

11. Non neglexit hanc occasionem Senatus Romæ post Regifugium; nec obtentum durare non potuisset, si patricii primores plebi in consortium suæ prærogativæ admittere voluissent, quo ab illis spreto, natæ sunt Tribunitiæ turbæ: Cum in aliis populis, ubi nulli aditus ad honores præcluditur, & Optimates utriusque ordinis in Senatum coopran-

cooptantur, plebs orba ducebus, jure suo facile privetur, ut in plerisque Belgii civitatibus accidisse videmus; Ac ita fiunt à popularibus Imperiis Aristocratiz, jure præscriptionis, de qua diximus in *lib. 1. sect. 3. cap. 9.*

12. Verum quando Jus populi salvum manet, status inter ipsum & Senatum, ut videtur, optimus, qui Romæ pulsis Regibus, post primos motus, est stabilitus, hujusmodi esse videtur, ut in populo potestas, penes Senatum sit auctoritas, hoc sensu; ne quicquam ad populum feratur, nisi auctore, id est, approbante Senatu. Neque tamen Senatus quicquam per se de Summa Republ. decernat, verum hæc unice à populi jussu pendeat. In cæteris autem ad quotidianam Reipubl. administrationem spectantibus, imperia Senatus vim juris obtineant, ut in eadem Civitate Romana servatum est, inde ab eo tempore, quod refert Livius in *lib. 1. c. 17.*

13. In plerisque Civitatibus plures Senatus haberi constat; etsi Roma uno contenta fuit, eoque numeroso, ut intelleximus. Nec probatus est illis mos Græcorum, qui *συνέδριον*, *consilia selecta* habere soliti sunt, in quibus cum arcana Reipubl. tractarentur, tum in primis administratio quotidiana civitatis curaretur. Quomodo Solon Athenis, ubi non minus quam Romæ populare fuit imperium, præter Senatum quadringentorum, instituit *Areopagitarum* è quinquaginta plus minus, nec enim certus fuit numerus, civibus, Consilium. Etsi gravissima sæpe belli & pacis consilia atque disceptationes Senatoriz magis, quam populares, in Ecclesiis universi populi, ventilatas fuisse legimus & miramur, apud *Thucydidem*, *Xenophontem* & *Demosthenem*.

14. Eodem modo Carthaginensibus Democratiâ habentibus, fuit Consilium

illum paucorum, in quo arcana & maxima quæque Reipubl. negotia tractarentur, haud amplius Triginta Procerum, quod *Sanctius* Consilium vocat Livius: At Romanis nihil ejusmodi fuit, nec tulissent id genus senatulos, per quos corrumpi Libertatem Senatoriam arbitrati fuissent.

15. Verum quotquot hodie, vel inde ab aliquot seculis populi Democraticè gubernati sunt, Atticum & Carthaginense potius, quam Romanum hæc parte consilium sequuntur & secuti sunt; prævalente publici commodi necessitate, nimis dissolutæ libertatis studio; quod vergentibus in pejus populi Romani moribus, in parte causarum fuit, quibus libertas & status popularis in ruinam incubuit.

16. Judiciorum tamen causâ Senatum habuere peculiarem & ipsi Romani, quanquam Senatum minime dictum: Sed consilium Centumvirale, tribus è singulis tribus in id selectis, exacte numero quinque supra centum, qui de causis gravioribus, ubi de jure potissimum ambigeretur, cognoscebant; Levioribus & facti quæstionibus ad recuperatores & judices pedaneos ablegatis.

17. Idem frequentius aliæ gentes, ut judicandi causâ senatus habeant, instituerunt; etiam de aliis rebus ad Rempubl. spectantibus, de *Ærario*, de re militari, de Causis maritimis & omni administratione publica; cujusmodi Collegia non tam more Romano, quam ex nostræ definitionis & instituti ratione *Senatus* appellari possunt.

18. Sed quod Collegia Decurionum in municipiis, hoc est, Civitatibus majori subjectis Imperio, vel partem illarum constituentibus, hodie *Senatus* appellantur, non magis cum nostra definitione, quam usu Romanæ linguae consenserit.

19. Jus habent singuli Senatores perpetuum vel temporarium. Inter quæ, etsi notabile discrimen, ut apparet, existat, juris tamen effectus eisdem habere, temporarios, dum funguntur, & perpetuos Senatores, patet ex iis, quæ de Summæ Potestatis hac parte differentiis in loco demonstrata sunt *lib. 1. sect. 3. c. 2. n. 46. & seqq.*

20. Utrum magis expediat Publico vel Summæ Potestati, est *σκήμης πολιτικῆς*. Solon quidem Quadringentos suos voluit esse annuos; Romanis aliter visum. In magno numero parum interest libertatis: In paucioribus & in Magistratibus alia consideratio est, ut deinde videbitur.

21. Denique, nec hoc omittendum; Si populus in multas civitates, uno Imperii vinculo, diffusus, non totus, sed per Legatos ab se constitutos & mandatis instructos, qui omnes populi ordines exhibeant, conveniat, hos Conventus non videri Senatus, sed pro ipsis populis, quos repræsentant, esse habendos; sive Procuratores, ut olim erant, hodieque appellantur in Frisia, sive Nuncii publici, ut in Polonia, vel Status, aut Ordines, quocunque nomine designentur.

22. Hæc quidem, respectu Status Democratici, de Senatu dicta sunt; Sine quo Libere Civitates nullo modo consistere possunt; & cujus, etsi forte minus rectè consulentis auctoritate labefactatâ, Status popularis, instar navis & tempestatibus exposita fluctuat, quemadmodum Athenis compertum est, postquam Pericles Senatus auctoritatem minuisse, idemque Romæ Tribunitii motus, aliaque nostro tempore notabiliter exempla docuerunt.

23. A democratiâ non multum hac parte discrepat Aristocratia laxior, vel Timocratia, de quâ diximus in *lib. 1. sect. 8. cap. 5.* & cujus exemplum ob

oculos est in Poloniâ, ubi cum universus Nobilium conventus habeat Summam Potestatem, Procuratores seu Nuncii, quos ad Comitiam mittunt, non faciunt Senatum, sed exhibent Summam Potestatem: Et alius longe minoris numeri Coetus est, hujus generis, quem Senatum Regni vocant.

24. Sic in Frisia Summum jus Reipubl. est penes Prædiorum Dominos & Curias Urbium, quæ pariter Legatos, sive Procuratores suos ad Comitiam mittunt, in quos, ut est hodie, transferunt annuam sed verè Summam Potestatem. Idcirco ille coetus Legatorum seu Procuratorum Senatus non est; verum ex his aliud Collegium Deputatorum, ut vocantur, ad quotidianam Reipublicæ administrationem delegantur, qui propriè Senatum faciunt, ac ita portæ Consistorii illorum inscriptum est, Senatus Frisiæ. Etsi hoc nomen usu vetere & populari, tam Latine quam vernaculè magis adhæserit *Curie Supremæ*, in quâ res judicantur.

25. Quin nec Senatus appellatio, sicut est in usu communi, magis ad hujus rei, de qua nos hic agimus, quam ad aliarum rerum naturam pertinet; cum etiam coetus, quibus nostra Senatus definitio (cujus tamen non poenitet) minus convenit, nihilo secus eadem voce designentur; quemadmodum accidit Summo Venerorum Senatui, quem penes est verè Summa Potestas Reipubl. quæ ab hujus loci ratione discrepat & aliena est; cum iisdem sint Collegia, quæ Senatus sunt & vocantur, quod ipsum & aliis accidit Optimatum Imperiis; de quo genere universo Collegiorum agere non est hujus loci.

26. Transeamus ad Monarchias, non tam eas, in quibus Principes sunt, id quod Latini veteres hac voce designare solent, Primi dignitate, popularis aut Optimat-

Optimatum Potestatis Executores, ut Spartæ olim, hodieque Venetiis & in Poloniâ, cum hæc specie non differant à Liberis Rebuspublicis. Sed tales, quæ Summam Potestatem Unicuique tribuunt, ut tamen non penitus à libertate populari vel Aristocraticâ recedant, sed in quibus pars juris Ordinibus reservata est.

27. Ejusmodi Civitates rectè consulunt, si potius Senatum Nomophylacum Libertatis custodiæ, ut olim Spartani Ephoros, quam unum hac gratia Magistratum, ut Arragonii quondam habuere, *Iustitiam* dictum, & à Philippo II. sublatum, constituent. Ejusmodi autem Collegia merito Senatus appellantur, adscita ab iis, qui hæcenus aut summam Potestatem, aut partem ejus, vel Societatem habent.

28. Unde sequitur, ipsos populorum aut Optimatum Ordines per Legatos suos in tali principatu congregatos, non esse, quod hic dicimus, Senatum, qui Summæ Potestati inservit & ab ipsâ in Consilium adsciscitur; cum illi ipsam representent, exhibeantque Summam Potestatem, vel ejus partem reservatam, si modo vere talis reservatio facta sit: Nam ubi non sunt tales magistratus aut Senatus stabili, quos diximus; ut fere defunt in Regnis, ubi Ordinum conventus aguntur; ibi causa dubitandi & inquirendi est, an talis Partitio Summæ Potestatis facta sit.

29. Ipsi vero Principes, quos Summam Potestatem sed non integram accepisse constat, etiam suos & proprie dictos solent habere Senatus, vel Consilia, ut magis appellantur, qui vel quæ adsistant illis in exercitio juris supremi, quatenus id ipsis delatum fuit; In quibus hæcenus nihil est diversi à Consiliis, quæ Reges absolutæ potestatis sibi in omnibus & ad omnia adjungunt.

30. Regno igitur vel Principatu simpliciter & absolute constituto, Rex om-

nia regendi onus sibi uni grave sentiens eget adjutore Consilioque. Stupidus, quia per se non sapit; prudens, quod summum sapientiæ argumentum sit, Prudentiorum uti consiliis; quæ nemo adspernatus est, quin cum aliquando poenituerit: Adspernatur autem nemo: quam quod auctoritati suæ putat eo detractum iri, quod aliorum consiliis egeat, stulte; cum nihil æque auctoritati expediat, quam quod cives credunt, se consilio Prudentium, non manu, id est, arbitrariâ potestate gubernari; & exteri, quod rem sibi, cum Principe, qui non impetu, sed consilio regat & regatur, futuram vident.

31. Sunt igitur tales Senatus Adjutores & Consilarii tantum, à nemine, quam à Principe, à quo selecti sunt, dependentes; & in cœtum coacti, *Senatus*, inquam, rectè vocantur. Et si à Romanâ Republ. fuit & durat adhuc mos, Consiliarios Principum ab ipsis adscitos, non vocare Senatum, sed Consilium; Senatus ut cum respectu ad Rempublicam discernuntur, eadem ratione Senatores à Consiliariis separare solemus.

32. Non caret ea res usu in ejusmodi Regnis, ubi populus aut Optimates separatim jus à Principatu tenent, quemadmodum in Poloniâ & olim in Daniâ, ubi Senatores Regni potius quam Regis habentur & appellantur, aut appellati fuerunt: Sed in Regnis absolutis etsi manet distinctio vocum, res tamen non fert aliam, nisi à Rege dependentiam.

33. Verum tamen est, quod illa distinctio vocum aliquando præbet argumentum, quod olim de Jure non fuerit sic: Quemadmodum in Galliâ Senatus Parisinus olim certè non nihil, aut non parum à Regis arbitrio non dependens habuit, idque nec sine interpellatione, postquam Regia vi subacta est, usucapionis aut præscriptionis in con-

trarium, quemadmodum ingenti voce motuque rerum hominumque Parisini Senatores, novissime, præsentis sub Regis ætate minore, contestati sunt.

34. Quærendum est hoc loco, de Conventibus Ordinum in Regnis, quæ Celtica voce *Parlamenta* vocantur; sintne Consilia regnantium, an Senatus regnorum; vel potius repræsentantes Ordines, qui Jus aliquod separatum à potestate regnantium habeant.

35. Decisio pendet à jure delati Imperii, quo simpliciter facto, cum Jus Summæ Potestatis sit omne penes Principem aut Optimates, quemadmodum in *lib. 1. sect. 2.* demonstratum est, *Parlamenta* non possunt aliud esse, quam coetus Consilarii, ad hoc instituti, ut Civium querelæ certius & tutius ad aures Regum perveniant, majorique instantia & efficacia, malorum remedia quærantur.

36. Si verò sint Leges fundamentales, quibus jura quædam Imperii non solis imperantibus, sed una cum Ordinibus exercende sanciantur, jam Ordinum Conventus non simpliciter Consilarii, sed Reipublicæ Senatorii existimandi sunt; Et si propriè loquendo, tum illis non conveniat *Senatus* appellatio aut definitio, quem diximus à Summa Potestate consilii causa adscitum.

37. Et hoc aliquanto evidentius est, si Conventus illi Ordinum, Regibus ipsis antiquiores sint, quemadmodum apud Gallos fuisse Ordinum Generalium consilia docet Hotomannus in *Franco Gallia*, & quemadmodum secus ex historia de Anglis constat, *Parlamenta* diu post occupatum armis belli Regnum, sponte Regum coepisse convocari, primo quidem Procerum, atque Baronum duntaxat; dein cum hi Regibus præscribere velent, etiam populi Legatorum, quorum obnoxiiis votis Procerum potentiam &

insolentiam Reges infringerent; ut potest qui Proceribus obliqui Regiæ auctoritatis prærogativam magis secuturi crederentur, ut ad regnum usque Jacobi I. usu venisse constat.

38. Idem juris, quod Ordinum Conventus nihil sint, quàm magna Consilia, non Senatus Reipublicæ, liquidius inde patet, si non nisi à Regibus convocari, nutuque Regis dissolvi, neque tempus sibi ipsis, quo denuo conventuri sint, definire possint: Ex quo non quidem colligi posse, quod Hobbes vult, ejusmodi Conventus, aut qui ab illis repræsentantur, nihil habere juris, ubi de hoc jure liquet, antea demonstravimus, in *lib. 1. sect. 3. cap. 4.* Attamen in dubio cum de tali jure quæsitum non liquet, hæc dependentia Conventus Ordinum, dependentiam juris arguere videtur.

39. Unde, quantum è Regiæ Majestate petatur ejusmodi postularis, ut Reges certis temporibus illos Conventus indicare oporteat, aut illis aliter convenire fas sit; ut ne semper eosdem, sed novos subinde Legatos, quorum à se non pendeat electio, vocare cogant; vel, ut ne prius eos, quam ipsi consentiant, vel omnibus eorum desideriis satis factum sit, à Rege dimittantur; quantum illa juris contineant, obvium est animadvertere.

40. Quemadmodum & hoc; in magnis populorum Conventibus nunquam deesse, qui numero freti, Jus Imperii ad Legem Mandati exigere, & jura populorum quam proximè ad statum naturalem redigere student, quod gratum populis plerumque Regnantibus infestis, facile per sui similes & late valideque in animos, inprimis accedente temporum adversitate, diffunditur; unde periculosi motus & vicissitudines enormes.

41. Quà re factum videmus, ut qui facultatem habent Principes, ejusmodi magnis

magnis Conventibus libenter superse-
deant, sicut in Galliâ pridem exoleve-
runt; & in Dania cum simplici & here-
ditaria Imperii delatione, mos ille con-
vocandi Ordines populi, nostrâ me-
moriâ, paritor sublatus & extinctus est.
Jure, an injuria id fiat, è constitutione
Imperii & ipsa talium origine Conven-
tuum existimandum est. Nec enim Da-
niæ Regem ad ejusmodi Panegyreis jam
teneri quisquam dixerit; Proinde nec
alios Reges, apud quos satis constat
ejusmodi conventus nihil esse quam
Consilia, non Societates Imperandi; ni-
hil adeo, quam Colloquia, quod fue-
runt ab initio, & quo amplius nihil ha-
bet vox *Parlamentii*.

42. Sed ubi vel inde à principio, vel
dein præscriptione temporis immemo-
riali, Ordines populi Societatem & par-
tem aliquam Imperii acquisiverunt, ibi
Reges, etsi tempus inchoandi finiendi-
que ab illorum arbitrio pendeat, omni-
no Congregationes illas abolere vel o-
mittere non possunt; & Cives habent
jus, intermissiones longiores saltem præ-
cibus interpellandi; præter id quod face-
re possunt, si Principes jura, quæ non-
nisi cum Ordinibus exercere possunt,
soli usurpare instituant, qua de rediximus
in *lib. 1. sect. 3. c. 5. & passim*. Quan-
quam rursus si terminos suæ potestatis
non excedant, ad conventus indicen-
dos, si nihil ea de re Legibus cautum
sit, obstricti non videntur, nec adigi
possunt.

43. Enimvero, tam naturale solitum-
que est magnis Coetibus, si de rebus Im-
perii consulendi sint, adversari actioni-
bus Imperantium. & magnitudo illorum
numerusque tam difficulter subigi vel cir-
cumagi potest, ut quicumque summam
Potestatem simpliciter delatam habent,
vel qui in hoc sunt, ut talem exercent,
quoslibet Senatus magnos, characterem

à Republ. præferentes, si penitus abo-
lere nequeant, à jure publico saltem re-
moveant, & causis privatorum discep-
tandis occupent, adeoque nihil inde
quam Curias Judiciales faciant; ut de
Romano Senatu fecerunt Imperatores,
& de Parisino Francorum Reges, idem-
que de aliis, quicumque potuerunt.

44. Denique, eo res rediit, ut in
plerisque regnis absolutæ potestatis, Se-
natus nihil sint aliud quam Coetus con-
silij causa à Principe adsciti, unice ex
lege nostræ definitionis, qui per se non
habent jurisdictionem aut Imperium ul-
lamve Potestatem, nisi nomine jussu-
que Principis; nec enim Magistratus,
sed Ordo sunt, adeoque nec conclu-
dendi jus è prærogativâ numeri, præ-
sidente Principe, habere possunt: Sed
hic, etsi cum multis, quid fieri debeat,
tractet; quod facturum sit, cum pau-
cissimis, vel secum potius ipse decer-
nere potest, ut Vegetius 3. 26. In
quem usum secretius aliquod, & *Cubi-
culare*, quod vocant, Consilium adhi-
beri solet.

47. Nec quominus id, arbitrato suo
Princeps habeat, & seorsim consulat,
ulla Juris obstat ratio; tametsi quo mi-
nus ejusmodi coetus è Republ. sit, ad-
esse Principi, multa Politici non temere
monent, de quibus videtis Lipsium *lib.*
3. Polit. c. 4. Qui tamen nec ipse, tem-
peramentum respuit; maxime, si dotes
illis consiliariis privatissimis adsint, dig-
næ Senatoribus, Pietas, Fidelitas, Ta-
curnitas, Judicium, Constantia cum
modestia, de quibus Politici ac inter
eos Lipsius *d. lib. 3. Polit. c. 4. & seqq.*
consulantur.

46. Scilicet ad Politicam ista, non
ad Jus Publicum pertinent; nisi quod
juridica illis immixta reperiuntur, ut de
pietate; Numquid aliquando fraudibus
auctorem præbere se possit, Lipsio qui-
dem

dem è tribus unum admittente genus, de quo diximus in *lib. 1. c. 1. n. 16. & seqq.* & id genus alia.

47. Item, An Ecclesiastici inter Consiliarios adhibendi, quos Veneti quidem nullo modo admittunt, vulgato etiam in hanc rem proverbio, *Foras sacrifici*, ob rationem Politicam magis, quia Pontifici Romano creduntur esse obnoxii. De jure dicendum videtur, non esse prohibitum, illos adhiberi, si cura animarum per occupationem civilem non impediatur. Quod requisitum an tollat ipsam facultatem, pendet ab ordine regendi Ecclesias, qui apud Protestantés minime factus ad ejusmodi mixturam, à Pontificiis inde jam olim ita structus est, ut non penitus ab illo concursu abhorreat.

48. At hæc de Senatu unius Civitatis, vel Imperii dicta sufficiant. Possunt etiam plures archè foederati habere communem Senatum temporalem, vel perpetuum, quale fuit olim liberis Græciæ populis concilium Arphictyonicum. Et est hodiè foederatis Belgarum nationibus; qui præter ipsos Sociorum Legatos, habent Senatum Ordinum, aliter Consilium Status. Nec abludit Ordinum Imperii Senatus apud Ratisbonam; nisi forte an hi potius sint, quod dicuntur, Principum & reliquorum *Ordinum* Legati, magis quam Senatus.

49. In quolibet Senatu solet unus esse Præses, vel idem perpetuus, vel ubi libertas major, alii alique per vices, quibus jus est solis referre ad Senatum &

rogare sententias; Et si nec defunt Senatus, ubi partes quidem rogandi sint penes natu vel temporis ordine primum, jus proponendi penes omnes, quod Bodinus ita juris esse debere contendit, ut nimis periculosum putet, uni tantum concedere juris, ut præter eum nemo quicquam ad deliberandum proponere possit, *lib. 3. c. 1.*

50. Si nihil certisancitum fuerit, jus Romani Senatus universale videtur; ut Præsides, qui tum Consules fuerunt, aut Prætores, haberent jus rogandi sententias; At cuique Senatori libertas erat, antequam ad rem propositam responderet, in quamlibet aliam digredi causam, deque ea dicere sententiam, de quâ, si haberet consentientes alios, Senatus-Consultum æquè fieri poterat, quam de re à Consulibus relatâ, uti cum passim, tum ex *Philippicis Ciceronis*, quæ in Senatu quidem habitæ sunt, orationibus constat.

51. Primo rogari sententias, ætate, loco, dignitate priores, ordinarii juris est. Nec tamen improbandus eorum mos Bodino laudatus, qui juniores & ultimos primo loco interrogandos censent itaque usurpant. Tam ne seniorum auctoritate abripiantur, quam ut iudicium ipsi, magis exercere & periclitari discant. In quem finem, præstat etiam ut quisque inde ab initio decisoriè dicat, neque prius Collatio rationum deliberativa instituatur, ut quibusdam in locis fit, apto paucorum auctoritati potius, quam æquabili juris administrationi instituto.

C A P. V.

De Officiis publicis.

Quid sit officium publicum. Munus quid & quotuplex. Muneris & Honoris discrimen. Munera publica, triplicia. Eos qui officia publica gerunt, esse privatos. Honores quid. Dividuntur in Magistratus & Præfecturas seu Curationes. Quid sit Magistratus, quæsitum, & definitum. Reges non esse Magistratus, non magis quam Magistratus sunt Reges, etsi etymologia à neutro abhorreat. Officium Magistratum exponitur, in ordinaria imperandi & judicandi potestate, secundum Leges. Sintne Magistratus, singulæ personæ, an etiam Collegia dentur Magistratum, quod Aff. Divisio Magistratum in majores & minores. Eorum differentia vetus & nova. Rectene Magistratus distinguantur, quod sint Regis aut Regni, latè disquiritur & distincte respondetur. Alio esse Magistratus Regiminis & judiciorum. An rectè dividantur in Civiles, & Ecclesiasticos; Civiles & Militares, quod magis Neg. Divisio in perpetuos & Temporarios; Ad vitam & Hereditarios. Sed jurisdictionem Territorialem non facere Magistratus. Præfecti, Curatores quid, & eorum divisiones. Quatenus eo pertineant Ecclesiarum Rectores, Exercituum Duces, atque de copula civilis & militaris perpetuæ Potestatis periculosâ. De præfecturis Ordinariis & Extraordinariis, & quatenus hæ sint licitæ. De collatione honorum & nundinationibus eorum.

Leges & Senatus ad Summam universamque Rempublicam pertinent. Præter quos, Imperantes, seu populus sit, sive Optimates, vel Reges, Adjutoribus & Ministris, qui officia publica gerant & administrent, indigere manifestum est. Quid est ejusmodi Officium? Est *Munus civile privati hominis, ex quo commodum ad singulos universosque cives, auctoritate publicâ, pervenit, imitatione* Pomponii in l. 239. §. 3. d. V. S.

2. Primò de genere; Munus, à Festo ita finitur: *Munus, inquit, est propriè, quod necessario obimus, Lege, more; imperiove ejus, qui jubendi habet potestatem.* Estque privatum vel publicum.

Illud ex ejus, qui privatim jubendi potestatem habet, auctoritate profiscitur, quo pertinet munus liberti erga Patronum. Publicum est, quod à causâ publica necessario imponitur, & est hujus loci; quod in definitione dictum est, *Munus Civitatis*, quoniam à lege vel Imperio in civitate stabilito, invitis etiam imponitur, *Περγυρίαν καὶ πόλιν* *Negotium à civitate impositum* vocat Dionys. lib. 4.

3. Hæc munera Civitatis, sunt vel munera *οἰκίᾳ*, specialiter dicta, vel Honores. Munera prioris generis, sunt *ministeria publica, sine dignitate*, Honores *cum dignitate*: Quæ non habent dignita-

dignitatem, etsi ad hunc locum proprie non pertinent, omitti tamen non possunt. Dicuntur autem esse trium generum; Personalia, patrimonialia, mixta. Personalia sunt, quæ animi provisione & corporalis laboris intentione exercentur, ad quam speciem non modo referuntur Tutores & Curatores, quibus ex lege vel imperio publico suæ functiones imponuntur, sed etiam kalendarii curationes & quæsturæ municipales, ut Arcadius Charisius tradit in *l. 18. π. de Muner. & Honor.* etsi quæsturæ, uti nunc est, inter honores potius, cum nec utilitate sua careant, habeantur. Sed vigiliæ nocturnæ & ducatus ordinum in civium cohortibus & centuriis, item Diaconatus Ecclesiastici magis est, ut ad hanc classem referantur.

4. Hæc de muneribus sufficient. Nam quæ patrimoniis imposita dicuntur, huc non pertinent; neque mixta, quatenus patrimonialia sunt, & quatenus ad personas spectant, è prioribus intelliguntur. Plenius illa tractantur apud Jure consultos ad Tit. de Munerib. & Honoribus.

5. Ita vidimus, quid sibi velit, *Munus* in definitione officii publici. Dicitur *Munus Civitatis*, sive Reipublicæ; quâ voce removenitur ab officiis *Munera* quorum administratio in privatorum rebus & patrimoniis versatur, ut sunt Tutelæ & Curæ, quas ideo rectè Modestinus negat esse Reipubl. munera *l. 6. §. 15. π. de Excusat. Tut.* etsi quatenus auctoritate publicâ invitis etiam imponuntur, suo sensu *Publica* munera nuncupentur à Justiniano in *pr. Inst. de Excusat. Tut.*

6. Sequitur in definitione Pomponii, *Privati hominis*, quod ad publici juris observationem non est nullius momenti; scilicet, omnes qui officia cujuscunque generis publica gerunt, in se esse privatos, & quanquam privati aliquando Ma-

gistratibus opponuntur *l. si privatus 17. π. Qui & à quib. man. lib.* respectu Civitatis tamen & Principis, à quo officiales æque ac infimi quique dependent, ipsi nihil aliud quam privati censentur. *l. 6. l. 35. π. de jure Risci.* Unde Magistratus contra Summam Potestatem nihilo plus habere juris, quam privati quique teneant, alibi demonstratum est.

7. Reliqua definitionis verba finem publicorum munerum, & originem, quod è fonte Summæ Potestatis profluant, significant, etsi non immediate: quare nec in definitione, de Summâ potestate, sed *auctoritate publica*, designatum est; quia in latitudine tot civitatis officiorum, pleraque ab inferioribus Potestatibus constituuntur.

8. Hactenus, officiorum publicorum definitio, quæ tam munera, quibus nec emolumentum; neque dignitas continetur, quam Honores comprehendit. Et de his porro videndum. Sunt autem Honores, Ministeria publica cum dignitate; ne de emolumento, quod & plerumque adest, requisitum addamus. Sed distinguuntur Honores, ut videtur, in duas species, in *Magistratus & Curationes*.

9. Quid sint sive Præfecturæ sive Magistratus, exacte dicere, satis difficile visum & compertum est Juris Auctoribus, qua de re prolixè Bodinus in *lib. 3. de Rep. c. 3. & 4.* qui nec ita suum Lectorem nimis certum dimittit. Cujacius alioquin optimus definiendi magister, Magistratum ait esse *Personam Publicam*, fere ut Aristoteles, *cui publice judicium & jurisdictio data est; not. ad l. 2. d. Q. 7. §. 10.* Cum tamen Censores & Tribuni plebis maxime sint Magistratus, & jurisdictione careant; Bodinus in *lib. 3. c. 3. in pr.* Magistratus, inquit, est *Officialis qui publicum IMPERIUM habet*, addens, *Parum refert, quibus verbis, si Latina desint,*

defint, utantur, modo rem teneamus; haecenus bene.

10. Sed non placet, quod per Imperium solum, definit Magistratum. Latius enim & in Juris Arte, vel Imperium significat. imatam potestatem, vel amplitudinem magistratuum, principis populi, cum oppositione ad Magistratus municipales, ut in *Prælect. ad tit. x. de Jurisdictione* demonstratum. Atqui nec armata vis Magistratui adæquata est, nec Magistratus municipales ab hac appellatione secludere fas est; præter quod Imperii vox ita excellenter sumpta, rem minus explicat evidenter & *explicat*. Refellendo aliorum dicta, nihil agimus, sed ita nos; Magistratus sunt, *Ministri Summæ Potestatis, ad ejus vices secundum Leges, in quotidiana imperandi & judicandi functione, obeundas ordinaria potestate instructi*.

11. Ministros cum dicimus, ipsam Potestatem Summam ab hac definitione excludimus; etsi vulgus cum qui *το κράτος* Civitatis habet, ipsumque Regem vocat *Summum Magistratum*, contra Latinæ vocis usum: Nam Romanis Magistratus minorum potestatum nomen est, ait Grotius de jure S. P. circa Sacra cap. 1. respectu Regum scilicet; nam alioqui Magistratus etiam majores idem fuisse constat. Cujacius ad §. 14. in l. 2. d. O. J. Etiam *Βασιλεύς*, addit hic, Græcis nunquam dicuntur *Ἀρχαί*. Celsiores sunt Reges Magistratibus. Etiam aliter sæpe Theologi, Politici, usum potius vulgarem quam Romanum secuti.

12. Vox equidem Magistratus si consideretur ab etymologia, nihil habet, quod non Regibus ipsis convenire possit; Quid ni enim magistros populorum, illos appellare liceat? Quemadmodum & Magistratus etymologice Reges vocari possent; à regendo enim nomen iis optime convenire, quis neget? sed ut verba valent usu, ita Reges appellari Magistratus non

magis Latinum est, quàm ut magistratus latine Reges vocentur, quicquid mustei latinitatis magistri nobis perſuadere velint: Plane, quominus aliquis populus summo Magistratui suo nomen Regis adscribere velit, possit, quis veter? ut Sufeten Carthagenensium vocat Regem Cornelius Nepos in *Hannib.* & Samothracas suum Theondā, qui summus erat illis magistratus, Regem appellasse, testis est Livius in lib. 49. c. 3. satis indicans, nomen Regum illis improprie fuisse adscriptum, ut Latini quidem usurpant.

13. Magistratus autem non simpliciter Ministros, sed ministros Summæ Potestatis diximus; cum alioqui ministeria sæpe Magistratibus opponi soleant, ut M. Caro, cum in viatores, actuarios & scribas animadverteret, vos, inquit, vestræ conditionis meminisse, nec vos Magistratus sed ministros esse, cogitare oportuit, apud Plutarch. in *Caton. Utis*. Etsi verum est, Magistratus quasi Magistros, quemadmodum *Ἀρχαί*, ab imperando, esse dictos; & officia magistratuum inferiorum, *magisteria municipalia* vocantur apud Suetonium in *August.* Quin Dictator, qui Summam potestatem habebat, Magister populi dicebatur, ut Festus in verb. *Optimā Lego*. Hæc nihil obstant, quominus veri Magistratus, verè sint Ministri Summæ Potestatis, etiam Populi, Magistri singulorum, minores universis.

14. Ex eo quod *Ministri* sunt Magistratus, sequitur & eorum officia partemque singulas officiorum quæ gerunt, semper à Summa Potestate dependere, eique rationibus reddendis semper esse obnoxios; adeo ut nec præscriptione temporis ei se, vel officia sua partesve eorum subducere possint, quandiu scilicet Magistratus se esse profitentur, quod occupatum est in lib. 1. *sest.* 3. c. 9.

15. Officium igitur Magistratum in

summa est, *vices summæ Potestatis obire*. Nam *ἀντιστοιχῶν*; & actu primo, universum Civitatis regimen ad τὸ νόμιμον, ad eum cui Summa Potestas est delata, pertinet; sed cum omnibus non sufficiat, in magnâ præsertim Civitate, mediis opus fuit Adjutoribus, per quos imperia in subjectos exercerent; quo pertinet, quod Republicam diximus esse Ordinem Civitatis, qui consistat in regimine Summæ Potestatis & subjectione reliquorum, per medios Magistratus *l. 1. sect. 2. c. 2. n. 17*. Unde quo respectu iidem sint Ministri & Magistri, aliquanto patet evidentius quam modo dictum est.

16. *In quotidianâ imperandi & iudicandi functione*: In his enim officium Magistratum, imprimis occupatur. Quippe summa rerum & majora, quæ Majestatis jura dicuntur, Rectores sibi ipsis reservant, de quibus in *lib. 1. sectione 3. c. 6. n. 3*. diximus. Minora, vel etiam executio majorum, & usus eorum particularis ac quotidianus, Magistratibus committitur. De imperando & iudicando plura mox *inferius*.

17. Additum est, *Secundum Leges*, non quod omnes Magistratus à Legibus datos, ut vult Bodinus, & constitutos oporteat; sed quia in rebus administrandis & functionibus suis obeundis Legum præscripta servare debent. Nec ulla melior & certior est nota Majestatis & Magistratum jura, quæ à minoribus, ex illis sæpe notis haud facile separantur, discernendi; quam quod omnia, quæ Ministerii legum terminos egrediuntur, & ab illarum præscripto recedunt, ad jus Summæ Potestatis referri debent; quæ res exemplis è capite de minoribus Majestatis juribus, quod in *lib. 1. sect. 3. c. 7*. habuimus, illustrari potest.

18. Dicuntur Magistratus *Ordinaria* potestate instructi; nam qui extraordi-

narias potestates & Imperia acceperunt, non tam Magistratus sunt, quam ad genus Curatorum, sive, ut hodie loquuntur, *Commissariorum*, de quibus statim agetur, refferri debent, ut Bodinus recte distinguit in *d. lib. 3. c. 2. & 3*.

19. Quod tamen captari nolum, quasi negemus, in Magistratibus ullo sensu potestatem ordinariam & Extraordinariam distingui posse, quemadmodum in Romanis usu venisse constat; qui pleraque suæ potestatis obierunt *ex more*, *propter vim Imperii*, ut Paulus loquitur in *l. 12. §. 1. n. de Judic.* quatenus erant tales Magistratus: Nonnulla facere soliti sunt ex speciali Lege, quæ certis Magistratibus quædam partes, ante ab iis alienæ, committebantur, de quibus agit Ulpianus in *l. 1. in pr. n. de Offic. ej. cui mand. est jurisd.* Nam talia postquam Lege certa recens erant permissa Magistratibus, exindere-cto sensu, ordinaria dici potuerunt; etsi reliquorum, quæ more veteri, hoc ipso, quod Magistratus erant, illis compete- bant, extraordinaria vocari possint & soleant à Juris-consultis.

20. Hæc ad definitionem. Divisiones, rei naturam magis explanabunt, ad quas antequam progrediar, operæ pretium sit quæri, an quod à Bodino aliisque generis loco in definitione collocatum est, *Personam publicam* esse Magistratum, id rectè à nobis sit mutatum; eo quod hodie pleraque Magistratum officia non à singulis hominibus, sed à pluribus in modum Collegii administrantur. Cui scilicet instituto consentaneum est, singula talium membra Collegiorum, non esse Magistratus, sed ipsis Collegiis hanc convenire qualitatem, quemadmodum & nomen illud vulgo iis adscribitur; ut plurium Consulium aut Rectorum Confessus appelletur *Magistratus*, etsi neque hodie desint aliqui Magistratus, qui singuli nomen & potestatem,

tem; quod olim ferè semper usu veniebat, gerunt.

19. Unde notabile discrimen Jurisdictionis, quod apud Romanos singuli Magistratus, majores quidem, in jus vocari non poterant, eo quod potestas major non esset, cui se, vocati sistere cogentur: Cum hodiè singuli Magistratus membra majoris Collegii, huic universo subjecti sint, ac ita in jus vocari possint atque soleant.

21. Divisio Summa Magistratuum est, in majores & minores, qui apud Romanos Auspiciis discernebantur, ut Gellius tradit in *lib. 3. c. 13.* hodiè secundum plus aut minus momenti, quod singulorum functiones habent in Republ. Quæ res tamen apud Romanos non minus formalem effecit differentiam, quam his diebus efficiant. Auspicia nihil erant quam hujus diversitatis, quæ unicè ad rem pertinet, notæ. Summa differentia fuit olim, quod majores habuere vocationem & prehensionem, vel utrumque, ut Consules & Prætores, vel prehensionem tantum, ut Tribuni plebis. Qui neque vocationem neque prehensionem habebant, ut Quæstores ac Ædiles & cæteri, minores erant, docente Gellio *d. lib. 12. c. 12. & 13.* quâ de re nos egimus in *part. 1. Digress. lib. 3. c. 22.*

22. Hic loci non de Romanâ veteri, sed de qualibet agimus Republ. In quibus majores Magistratus vocare licet, qui Summæ Reipubl. vel integris Provinciis præsent; Minores in municipiis & modicis Jurisdictionibus, minorisque momenti functionibus versantur, quorum enumerationem in universum facere non licet, cum alii sint in aliis civitatibus & Imperiis, tam potestate quam nominibus, & dignitatis æstimatione; quæ sæpe major est, ubi potestas est minor, ut Censura in veteri civitate Romanâ, Consulatus sub Imperatoribus.

23. Majores Magistratus in Monarchiis à multis distinguuntur, quod sint vel Imperatoris vel Imperii, Regis aut Regni, idque non uno sensu, pro cujus varietate, probanda vel improbanda distinctio videtur. Nam si Magistratus Regis esse volunt, qui rem illius Aulicam & patrimonialem curant; Regni vero, qui Reipubl. gubernandæ præficiuntur, hujus distinctionis usum non spernimus, si quis *Officiales* ita dividendos putet; nam *Magistratus*, isti Aularum præfecti non sunt, neque appellari solent, ut quidem Magistratus Latine & juridicè accipiuntur. Hoc sensu igitur illa Magistratuum divisio admitti non potest.

24. Præfectis igitur & Ministris Aularum à magistratuum appellatione remotis, videamus de Imperio Principum aut Optimatum simpliciter ipsis delato, an ibi locum habeat hæc distinctio; quod si rerum momenta spectentur, negandum putamus. Eo quod in ejusmodi Imperiis simpliciter fundatis, Summa Potestas, cujus ministri sunt Magistratus, & à quâ omnis inferior potestas derivatur, est penes solos Imperantes. Populus autem omne jus suum transtulit ac alienavit, unde nullos à se dependentes habere potest ministros suæ Potestatis exercendæ.

25. Quin et si in talibus Imperiis usu veniat, quod tamen rarius accidit, ut populus quosdam Magistratus creet, inde tamen non sequitur, hos esse populi Magistratus ab ipso ita dependentes, ut ab Imperantibus, in quos populus Imperium transtulit, non absolute dependeant; quia modus eligendi ad jus imperandi nullo modo pertinet, & populus eo casu, more potius & indulgentiâ Potestatis supremæ, fungi videtur electionibus; aut si jure suo, præfecti tamen & electi ab illis, non possunt habere plus juris, quam præficientes &

eligentes, qui ipsi Imperio subditi sunt, habeant.

26. Apparet hoc in Magistratibus municipiorum majoris Imperii, qui multis in locis, ubi Imperium simpliciter est Aristocraticum aut Monarchicum, à populis eliguntur; neque tamen ideo populum repræsentant, aut quicquam juris ab iisdem accipere intelliguntur, ut jam *precedente libro sect. 3. cap. 6.* demonstravimus.

27. Idem probatur ex eo, quod modus & facultas eligendi, quibusdam in locis, non penes omnem populum, sed penes certos Electores, aut unum etiam Legatum, seu *Locum tenentum*, Æthodib loquuntur, esse videmus: unde tamen nemo dicet, illos Magistratus esse non ejus, qui habet Imperium Civitatis, sed eorum, à quibus electi fuerint.

28. Dixi autem, si res ipsa spectetur, non verba, vel species inanis; quomodo sub primis Cæsaribus Romanis, Magistratus fuere Cæsaris aut populi, origine sumptâ ab exemplo Julii Dictatoris, qui Comititia cum populo divisit, ut quosdam Magistratus ipse designaret, quosdam populus crearet, ut Suetonius testatur; quod sequentes λόγῳ μιμνήσκοντες ἡγήσαντες, non tam re quam verbis imitati adumbraverunt.

29. Nam postquam Lege, quæ Regia dicta est, populus omne suum Imperium & Potestatem in Principes Cæsares transtulit, illud jus creandi Magistratus per populum, nihil quam modus eligendi fuit, & ὁρίζουσας Πολιτείας: qui modus ipse dein fere totus à Tiberio sublatus & abolitus est, comitiis è campo translatis in Curiam, ut Tacitus refert in *lib. 1. Annal. cap. 15.*

30. Mansit tamen etiam postea discrimen Magistratum Cæsaris & populi verbo tenus, quemadmodum fieri videmus, in Juris Arte præsertim, ut remuta-

ta, verborum differentia maneat: Nam Consules, Proconsules, Prætores & Quæstores erant Magistratus populi Romani & tales habiti sunt adhuc sub Imperatoribus. Præfectus Prætorio, Urbi, Præses, erant Cæsarei Magistratus, sicut etiam Provinciæ erant Cæsares aut populi, omnia λόγῳ, non ἡγήσαντες, ut in *Prælect. ad tit. π. de Officiis*, maxime de *Officiis Pro-consulis & Præsidis* expositum est.

31. Hinc quibusdam visum est negare, Præsidem esse Magistratum, Hotom. 6. *observ. 22.* quia legitur aliquando separatim a Magistratu populi Romani, ut ab Ulpiano in *l. 3. §. 1. π. Quod met. c.* ubi, *Magistratus populi Romani, vel provincie Præses.* Cum tamen huic maxime definitio Magistratus conveniat, ut vices Summæ Potestatis gerat; Præses enim habet maximum post Principem imperium *l. 4. π. de Offic. Præs.* Quid autem magis, inquam, ad officium Magistratus pertinet, quam Imperium vice Principis ordinarium exercere, πῶς ἡγεμονίᾳ δὲ ἀρχικώτερον, Imperare vel maxime competit Magistratui, ut Aristot. 4. *Polit. c. 15.* Sed in *d. l. 3. §. 1.* potest etiam intelligi oppositio, quod Magistratus urbani separentur à Provincialibus: In urbe vero populus Romanus est propriè id quod est, in sede dignitatis suæ.

32. Denique, hujus distinctionis usus est in Regnis, ubi non totum Jus in Imperantes translatum est: In his enim possunt esse Magistratus, non tantum ad Jus populi, adversus Regum usurpationes custodiendum, populi nomine constituti, quales olim erant Ephori apud Spartanos, & Justitia, dictus apud Arragonios; Sed etiam qui rebus exequendis & administrandis juribus præpositi sunt, quæ Regi, non nisi pariter cum Ordinibus populi commissa sunt; eodem plane discriminis effectu, quò

Senatus

Senatus Regis & Regni in talibus Imperiis, *præcedenti capite*, distinctos esse diximus, ubi & exempla Polonorum & olim Danorum, in primis etiam in Imperio Romano Germanico & in Britannia magnâ.

33. Transeamus ad alias divisiones Magistratus sunt vel Regiminis vel Judiciorum. Aristoteles addit tertiam speciem l. 3. Pol. 15. *Ἀρχαί, inquit, λατῖον ταύτας, ὅσας ἀποδίδει βασιλευσὶ πὶ πρῶτῳ, καὶ δεύτερῳ, καὶ τρίτῳ, καὶ τετάρτῳ.* Magistratus dicendi sunt omnes, quibuscunque tributum est, jus deliberandi, judicandi & imperandi. Et hoc quidem maxime; Sed revera deliberandi officium est Senatorum, qui sunt diversi à Magistratibus. Omnium maxime qui imperant, Magistratus sunt, ut eundem rectè jam modo adfirmantem audivimus; idque cum usu Romano maxime convenit, à quibus Imperium in primis adscribitur Magistratibus, ut *infra capite* de Imperio videbimus. Dum è contra Judices frequenter Magistratibus opponant l. 2. π. de Reg. Jur. & Magistratus Officium sit, dare judices l. 3. π. de Jurisd. l. 12. §. 1. π. de Judic. Intellige Judices datos & delegatos, qui *Pedanei* dicebantur, *καταδικασταί*. Nam alioqui Magistratus etiam esse Judices, qui jure & potestate sua res judicant, abunde constat, ipso jure Romano l. 1. l. 81. π. de Judic. Rubric. de Reb. auctor. jud. possid.

34. Divisione Magistratum in Civiles & Ecclesiasticos, carere licet; etsi recte intellecta ferri possit; non quod Sacerdotes in ordinem Magistratum cooptamus. Τῶν δὲ (τῶν ἱερῶν) ἱεροῦ καὶ τοῦ πολιτικοῦ ὁρῶντος ἑνός. Sacerdotum ordo aliud quid à Magistratibus Reipubl. est dicendum. Sed quia Summa Potestas Civitatis habet aliquod jus externum in rebus Ecclesiasticis, qui vicibus ejus hac parte funguntur; quominus appellari queant

Magistratus, nihil de jure quidem impedimento fuerit.

35. An etiam in Civiles & Militares admitti potest divisio, ut præfecti Legionum & Tribuni militum sint Magistratus? Ita nos olim, hac ratione, quod cum Imperatoris seu Regiæ Majestatis officium non modo sit, pacis tempore civem regere, sed etiam armis tueri Rempublicam; qui Regias vices hac parte servat & implet, huic Magistratum definitio competere videatur. Imperandi etiam vocabulum ad rem militarem vel maxime pertinet, & Romæ plerosque Magistratus juxta Civilem habuisse militarem potestatem, notissimæ proditum est memoriæ. Sed hoc simul constat, armorum potestatem in illos fuisse collatam Lege Curiatâ, postquam centuriatis comitiis creati fuerant Magistratus, ut hæc qualitas à præfectura belli separata fuerit. Ergo militare ministerium ad præfecturas, de quibus statim agetur, referemus.

36. Dividuntur etiam in Perpetuos & Temporarios. Perpetui, quibus adæquata vitæ termino potestas defertur. Et quid si hereditaria sit? Hæc qualitas excedit equidem notissimos Magistratus limites, quod est ministerium personale, semper à Summâ Potestate profluens & ab eâ dependens. Nec tamen non erit Magistratus, si ordinaria imperandi vel judicandi potestas certæ familiæ; modo non fiat hoc jure Territoriali, quod à proprietate Magistratus omnino remorum est, detur. Nam si ipsa Potestas Summa recipit hereditariam qualitatem, cur vicarius ejus eandem nullo modo capere possit, non habet rationem.

37. Modo, quod est verissimum, teneatur; Successionem nihil aliud esse, quam juris primævi continuationem inheredes, qui nec plus, nec minus habent, quam ei, qui primus illam potestatem

statem acquisivit, à Summâ Potestate concessum fuit. Et si verum est, sicut temporis, cum ubique, tum in Jure potissimum, maxima vis est, ita perpetuas & maxime hereditarias Potestates facile ad incrementa juris eniti. Sed hoc politicæ magis est providentiæ, quam juridicæ disceptionis.

38. Imperia tamen & Potestates, quæ jure territoriali quibusdam familiis hereditario successionis ordine tribuuntur, ut ex instituto Feudali per omnem fere Europam hodie receptum est, Magistratus vocari non possunt; quia Patrimoniale jus à Magistratus definitione toto genere est alienum, nec eam recipit à Summâ potestate dependentiam, qualem expedita facultas regendi civitatem in ministris, ipsius vice fungentibus, requirit. Et si verum tamen est, exercitium illius potestatis subjectum esse Legibus & Imperiis à Summâ Potestate proficiscentibus; ipsosque Judices hereditarios & Territoriales, rationibus illi reddendis obnoxiosos esse; quoniam unitas Reipubl. nullo modo patitur, ut ulla potestas, præter eam, quæ τὸ κοινόν habet, ἀνυπόβητος, nullis subjecta rationibus existat.

39. Quemadmodum & tota Magistratus definitio; quod Minister Summæ Potestatis, quod locum ejus tenet, sive quod vices ejus gerit, indicat, nulli quamlibet maximo Magistratui, jura sibi data, vel ullum delatum competere independentem, ab eo, qui illum constituit & creavit, quâ de re superius in loco de Imperio transactum est.

40. Cæterum, expedit ne temporarios, an vero perpetuos & in primis Hereditarios habere Magistratus aut Præfectos, est, inquam, σκίσημα πολιτικόν, ad utilitatis potius, quam ad juris rationes pertinens, fere independentem; An continuatio temporis, notabile Summæ Pote-

stati, seu Populus, sive optimates, sive Princeps eam teneant, præjudicium creare posset, quod à cujusque Reipubl. & Potestatis consideratione pendet.

41. Sed quia Magistratus à Præfecturis antea separavimus, de his quoque seorsim paucis agendum. Qui functiones honorificas à Magistratuum officiis distinctas obeunt, hi Curatores à Bodino, vel præfecti appellantur, ἐπιμεληται vocat Aristoteles d. l. 4. c. 15. quam facit duplicem ἢ πάντων ἢ πολιτῶν, ἢ κατὰ μέρος; universalem aut particularem. Utraque sacra vel profana; & hæc militaris aut civilis; denique & ordinaria vel extraordinaria dici potest. Videamus singulas species, & an omnes extra confinia Magistratuum maneant, animadvertamus.

42. Ἐπιμεληται, sive Curatio sacra; pertinet ad Rectores Ecclesiarum, qui cum duplex habeant jus, unum à Christo domino ipsis injectum, alterum à Summâ Potestate dependens, neutro tamen respectu Magistratus sunt, ἀλλ' ἰπὸς π. Sed aliquid inde bene diversum, ut supra ex Aristotele audivimus. Quippe Jus internum ἢ ἱερὸν ἢ ἐκκλησιαστικόν, cum à Potestate civili non sit, hinc sponte est alienum. Externum jus ἢ ἱερὸν ἢ ἐκκλησιαστικόν, est quidem à Principe & ejusmodi, ut per alios exerceri possit: At tamen non pertinet ad ordinarium imperandi vel judicandi munus, quod in Magistratus definitione collocatum est.

43. Igitur sacra Curatio, vel est universalis in unâ Rep. ut in Anglia Archiepiscopi Cantuariensis, & in Palatinatu Senatus Ecclesiastici Electoralis, apud nos Synodorum & Delegatorum Synodaliū; vel particularis, Pastorum & Seniorum cujusque Ecclesiæ, vel plurium in Classes congregatarum; quatenus certa forma Contistorialis & Classialis ordinis sine influxu Summæ Potestatis haberi non

non potest. Dicerem, aliquando Jus Ecclesiasticæ & civilis præfecturæ concurrere; sed hoc magis summis Potestatibus, ut in Pontifice Romano & olim in Cæsaribus Romanis, etiam Summis Populi Judaici Sacerdotibus usu venit, quam in præfectis inferioribus: Et si tales fuerint Episcopi in Germania, Saxonibus aliisque recens victis sed indomita tumentibus ferocia populis, à Carolo Magno præpositi; ut mixto Religionibus Imperio facilius advescerent atque mitescerent. Unde postea principatus Episcopales, quibus sola Gentium abundat Germania.

44. Profanæ, ut dictum, Præfecturæ sunt primo, Militares, quæ similiter universales sunt aut particulares. Prioris generis est, *στρατηγία, πολιτοδυσία*, ut Aristoteles, Imperator exercitus, qui licet imperet, non est tamen ordinaria potestas: Nec enim semper habet Exercitus, nec idem semper exercitui præest. Quod si consultum ita fuerit in aliqua civitate, ut idem à Summa potestate perpetuo exercitui præficiatur, difficile dictu est, cur non idem Magistratus sit dicendus: quomodo Præfectus prætorio, qui militibus præerat, sine dubio Magistratus fuit; etsi hic quoque civilem Juris dicendi potestatem conjunctam habuerit, ut Juris auctores in *Tit. D. & C. de Offic. Præf. Præt.* docent.

45. Quemadmodum & Comites Stabuli olim in Anglia & in Gallia, æque pro Magistratibus habiti fuerunt. Idemque Belgæ foederati in suis Præfectis observant: Et hi quidem soli utramque civilem & militarem potestatem adhuc in iisdem ordinariæ & hereditariæ continuarunt. In reliquis omnibus Imperiis jam pridem separatae sunt potestas militaris & civilis, sicut, à Constantino Magno factum in Præfectis Prætorio: Vel

perpetua in milites Imperia penitus extincta, & in extraordinarias præfecturas commutata sunt: quod tentatum aliquando à Belgis ætatem non tulit, adversante nativa Reipubl. constitutione, singulari admodum exemplo.

46. Particulares præfecturæ militares quæ sint, ultro patet, earumque late patet varietas, tam vetere, quam recentiore disciplina; sive aliquis militiæ totius provinciæ cujusdam, majori Imperio; sive Legioni, sive cohortibus, aut etiam centuriis præficiatur; quorum gradus & appellationes hic recensere, nihil ad hanc rem attinet.

47. Quod diximus esse Curationes & præfecturas etiam Ordinarias, vel extraordinarias, minus obvium habet intellectum, de quo Bodinus hoc tenet discrimen, quod Curationes extra ordinem omnes, Magistratus ordinario jure constituuntur. Sed nobis hæc ratio constat, quod Magistratus sint, ut Aristoteles rectè, quibus imperandi & judicandi potestas ordinaria competit; multi autem in Civitate reperiuntur, præfecti & Curatores ordinarii, quibus nec imperium, nec jurisdictio adscribi potest: ut sunt Advocati & Procuratores Fisci, Curatores Ærarii, præter Quæstores, qui Magistratus sunt; Scribæ secretorum, quos amplo satis ministerio Secretarios vocant, & id genus alii innumerabiles, qui nec Imperium nec judicandi potestatem habent, ideoque Magistratum in numero haberi non possunt.

48. Quibus autem Imperium, vel judicandi potestas extra ordinem tribuitur, hi nec ob ordinariæ potestatis defectum Magistratus appellandi sunt; quin nec raro de illis quæritur, an jure constitui possint, quando periculosas ac odiosas ejusmodi creationes haberi, omnium fere temporum & civitatum usu comper-

tum est. Decisio pendet à statu cujusque Reipubl. Legibusque singularum fundamentalibus, quibus si adversentur Extraordinariæ Potestates (contra quas, se bellum gerere Brutus ad Ciceronem scribens, adfirmat) sine dubio improbandæ sunt. Imperio alioquin & Summâ Potestate simpliciter constituta, si non lateant arcana dominationis, quæ sæpe in illis insunt, nihil est, quo videri possint excedere, vel jus populi in Democratiâ, vel optimatum, vel Regum potestatem. Exemplis quæ ubique sunt obvia, abstinemus.

49. Cæterum, Magistratus, Præfectos & Curatores creari ab Imperantibus supremis, ipsa res loquitur & sæpe dictum est, utique majores. Nam quominus inferiores Summa Potestas per Ministros suos creari curet, de jure quidem nihil obstat.

50. Sed digni an indigni, gratis an pretio functionibus suis præficiantur, politicè quidem & interni juris respectu interest multum; sed externâ facultate parum aut nihil refert; nisi quod ministri hac causâ rationibus reddendis atque pœnis sunt obnoxii. Inprimis si pretio nundinentur officia Reipubl. Quod ratio vult, haud minus illicitum esse in plurium Imperiis, ubi dispositio de plerisque Reipubl. muneribus committi solet Collegiis à Summa Potestate delegatis; quam si in Monarchiis idem à ministris fiat. Nec aliud in singulis ejusmodi collegiorum membris obtinet, quam ut sordium convicti, Repetundarum, quomodo hoc Crimen in Jure Romano vocatur, teneantur.

51. Ratio prohibitionis, præter internam turpitudinem, est hæc manifestata; quod cujus rei quisque tantum ordinandæ gratiâ constitutus est, absque proprietate, vel fructu, & usu, de hac pecuniariam utilitatem nullo modo per-

cipere possit: talis autem est sine dubio potestas conferendi in idoneos homines munera Reipubl.

52. Venerim ut hujus rei disputatio non magnam habet difficultatem juris, ita jam pridem illa tempora vivimus, in quibus nulla parte morum evidentius est, corrumpere & corrumpi seculum vocari; quâ de re post tot inrita legum experimenta, valde otiosum ac inutile fuerit queri. *Horatius;*

Quid Tristes querimonia,

Si non supplicio culpa reciditur?

Quid Leges sine moribus

*Vana proficiunt? quis veterem audeat
Refrenare licentiam!*

53. Proinde cum desperata sit hac in parte seculi emendatio, non immerito quæritur, numquid hujus rei tanta sit turpitudine, ut nefas sit, Potestates Summas in usum Aerarii publici convertere pretia Honorum, quæ alioqui certissime vident, à ministris suis occupatum iri; ut quibusdam in locis fieri vidimus & videmus.

54. Dicendum in Thesi, Republicam vehementer quidem hoc instituto dehonestari, & virtuti, cui sæpe comes paupertas, aditum ad honores, quo nihil injustius, præcludi: in hypothesi tamen, si mores adeo sint corrupti, ut sordibus nullo modo privatim abstineri queat, fieri potest, ut nec Civitas peccet, quod publico quæstui Procerum avaritiam eludat. Idque longius extra reprehensionem collocatur, si publica necessitas hac ratione, Patriæ bono & civium levamento consulendum dicet, ut Venetiis aliquoties factum legimus & meminimus.

55. Quin eo res deductæ sunt, ut in plurium Imperiis, ea res optanda magis, quam speranda videatur, prævalente singulorum cupiditate reputationi communis utilitatis; dum semper ut injustum pro-

probetur & jurisjurandi religionibus sancitur, quod flagrantissime exercetur. Si est malum, quod Respublica vendit officia sua, potius quam ut à Ministris vendantur aliena; quemadmodum id esse malum, non potest negari; pertinet ea res ad locum communem de malis necessariis, & de minoribus malis permittendis ad evitanda majora, quod exemplo divortii Judæis ob *οικονομίας* suam permissi, & libelli traditione sanciti, solet & forte potest defendi.

56. Quod tamen eo usque nolim extendere, ut etiam de pecuniâ pro suffragio vel aulicorum in Monarchiâ, vel Regentium singulorum in Polyarchiâ, danda exigendâque Lux feratur, aut actio detur; quanquam ejusmodi Constitutio extat Imperatoris Justiniani in *Tit. C. de Suffragio*; quam Eunomizè difficulter approbare poterimus, ut, ubi nos eo perduxerit ordo, videbimus.

57. An hi, quibus darum est jus, honores & munera publica conferendi, ex pluribus Candidatis haud ineptis omnibus, aliquem minus idoneum ex gratia eligere possint, haud etiam de nihilo quæritur. Non consistit equidem in pun-

cto aptitudinis æstimatio: Et si nulla prægnans utilitatis publicæ ratio secus flagitet, idoneum eligendo, Reipubl. officioque suo satisfacere videntur; Adeoque res pertinet ad locum, de rebus licitis præ magis laudabilibus, licite instituendis.

58. Juris quoque ratio non prohibet; unum civem pluribus officiis & honoribus fungi, modo functionibus omnium par sit implendis. Sed an expediat, honores ita cumulari, Politica quæstio, & arbitrato cujusque civitatis Rectorum terminanda fuerit.

59. Spectant etiam ad Politicam hæc Quæstiones; Utrum senes, an juvenes, divites an pauperes oporteat esse Magistratus, Plebeji cum patriciis, advenæ cum indigenis admittendi. Item quanta potentia cuique Magistratui tribuenda, Perpetuum an temporarium jus illos habere præstet, & id genus alia. Invitos etiam ad Magistratus capiendos cogi posse, ubi res ita postulet, juris ratio dubitare non patitur; Et si hoc sum magis habet in muneribus propriè dictis, quam in honoribus & dignitatibus, quibus raro fit, ut desint homines & Candidati.

CAP. VI.

De Jurisdictione & Imperio.

Potestatem Magistratuum esse duplicem, Jurisdictionem & Imperium. Quæ ut Jure Civili discrepent, in hac Arte conjungenda videri. Quid sit Jurisdictio & ejus homonymia. Definitionis per singula verba expositio. Discrimen ejus à Notione & Audientiâ; & quibus hæc competant. Divisio prima Jurisdictionis, in ordinariam & Extraordinariam, aliter ac Jure Civili, exposita. Secunda divisio in Politicam & Judicalem; Improbatur divisio in Civilem & Ecclesiasticam, etsi ab usu non aliena. III. Divisio, in Universalem & Particularem exponitur. Minus probatur alia in allodiam & Feudalem. Meliorem esse in Personalem & Realem, sive Patrimonialem. Aliâ, in voluntariam & contentiosam: Hæc iterum in Civilem & Criminalem, quæ & Merum Imperium; A quo mixtum quid differat Jure Civili. Guilloti & D. Schotani de Jurisdictionis & Imperii discrimine sententia. Cavendam esse Meri & Summi Imperii confusionem. Divisio Jurisdictionis in propriam & Alienam: & hujus iterum in Mandatam & Prorogatam, earumque expositio & censura. Modi quibus finitur Jurisdictio & Imperium, Mors, Tempus, Abdicatio, Exauctoratio, & quatenus hæc jure fieri possit. Præscriptionem hic non habere locum.

Officio Magistratuum consistere in imperando & in judicando *supra* demonstratum est: Unde potestas eorum duplex, Jurisdictio & Imperium, de quibus apud Juris privati Interpretes, agi quidem solet; At cum materia sit directe publici Juris, hic nihilo magis omitteri potest; eodem à nobis servando temperamento, quod in aliis capitibus parallelis observatum est, ut Juris publici Universalis majorem, quam Civilis Romani rationem habeamus: Etsi quod in eo traditum extat, hic nobis exempli viam, non Legem præscribere possit & debeat.

2. Primo omnium, quod Juris Romani Conditores de Jurisdictione & Im-

perio seorsim agere instituerunt, id nobis & hodiernis populorum moribus usu venire non videtur; sed ut hæc separatio multam in Arte ac interpretatione Juris civilis infert difficultatem, ita conjunctionem nobis hic utiliore & commodiore, denique rei naturæ officioque magistratuum, ut nunc habetur, magis convenientem fore prævidemus.

3. Imperium igitur, ex ratione Juris publici, sic inest Jurisdictioni, ut partem ejus faciat, adeoque Jurisdictio tam latè pateat, quam jus dicentis officium, quod ut Jure Civili insolentius visum iri, non ignoramus; etsi nec desint, qui ipso jure civili, sic esse putant, ut vidimus; in *Ennem. ad l. 3. §. de Jurisd.* sic universali Jure

Jure publico nullam habet difficultatem. Separatio Imperii & Jurisdictionis inde Romanis sedisse videtur; quod olim Magistratus creati centuriatis Comitibus, Imperium, id est, Potestatem armorum lege Curiatâ seorsim accipiebant, ut docet Sigonius 1. de jur. Civ. Rom. c. 21. quod à præfectura exercituum ad quotidianam Magistratum administrationem translatum, eodem modo se non habet in aliis Civitatibus, nec in nostris ullum inter Jurisdictionem & jus dicentis officium discrimen observatur.

4. Definiatur hoc modo Jurisdictio, quod sit *De causis Cognoscendi, judicandi, judicative exequendi potestas*. Separandæ sunt ab hoc sensu, aliæ quædam hujus vocis significationes, ut cum jurisdictio pro Summâ Potestate sumitur, quemadmodum in illo Senecæ 1. de Clem. Quæruant urbes, quæ oriantur, mea jurisdictio est. Sæpe etiam subjectivè sumitur pro regione certâ, quatenus per eam jus dicitur, ut hodie frequentissime fit; etiam Plinius ita, lib. 5. nat. Hist. c. 20. Ab eâ Doris, ait, incipit, sed prius terga & mediterraneas jurisdictiones indicasse conveniat.

5. Per Causas intelligimus hic omnia, de quibus inter homines disceptari potest, non modo quæ ad jus privatum, sed etiam ad publicum spectant, adeoque tam latè patet Causa, quam Magistratus aut jus dicentis officium. Nec enim potest esse Magistratus, cui non jus cognoscendi & decidendi lites ad officium suum pertinentes competat, sive ad patrimonium civium privata, sive ad Ærarium, ad Tributa & vectigalia morumque censuram, aliave rei publicæ vel privatæ negotia spectent.

6. Cognoscendi & judicandi hic non debet restringi ad Tribunal & ordinariam Fori triturationem, quæ est Judicium; nec enim hi soli sunt Magistratus, aut ha-

bent jurisdictionem; sed omnis inquirendi, audiendi, decernendi & cogendi potestas; quam habere Magistratus, tam politicos vulgò dictos, quam juridiciales, hisce verbis intelligitur.

7. Exequendi facultas Jurisdictionem separat à Notione vel Audientiâ, quæ est cognoscendi & judicandi facultas, sine exequendi potestate; qualis erat olim iudicum Pedaneorum, & est hodieque, Delegatorum, qui à Curiis iudicumque Collegiis dantur, ut vel causam cognoscant, partes & testes audiant, omniaque ad causam in *statum visionis*, ut loquuntur, deducendam pertinentia, peragant, Decisione dein à toto Collegio faciendâ; vel etiam ferant sententiam, Executione à collegio toto impetrandâ.

8. Tales etiam sunt Iudices Collegiorum & Universitatum, quæ in Civitate certis hominum ordinibus, ut mercatoribus ac Artificibus conceduntur; qui res utiles ad professionem suam pertinentes judicant, executionem vero à Magistratibus petere debent: quemadmodum & Academiarum Rectores & Domini, quos vocat Fridericus Imperator in *Authent. Habitâ*, qui non habent executionem rerum à se iudicarum, ut res se habet in Gymnasiis, ac etiam in Academiis, quæ totæ à certis Civitatibus pendent, ut in Belgis Ultrajectina; ubi proinde Rectores non sunt Magistratus; secus ac in plerisque Universitatibus Studiorum, in quibus jurisdictio est, cum Imperio penes Rectores & Iudices.

9. Denique, Rectores Ecclesiarum huc etiam pertinent, quibus data est notio, de rebus ad Fidei confessionem & Censuram morum pertinentibus, absque ulla Executione se foras exerente. Justinianus Imperator Ecclesiasticam illam notionem vocat Audientiam.

tiam. Quin etiam privati consentientes, ejusmodi notionem dare possunt Arbitris compromissio electis, qui sententiis ab se pronuntiatis desinunt esse quod fuerunt; Executione ab ordinariis petenda Magistratibus.

10. Satis ad definitionem. Sequatur Divisio, quæ non una se præbet. Summa sit hæc, quod Jurisdictio sit vel Ordinaria, vel extraordinaria. Dicimus ordinariam, non quæ competit Magistratibus quæ talibus, sed etiam quæ ex lege speciali ipsis, ordine tamen perpetuo, competit. Nam quod talia jure Romano ab ordinaria Jurisdictione separantur, jure Gentium hodierno nullum habet usum.

11. Extraordinaria Jurisdictio competit Præfectis, Judicibus extra ordinem à Summâ Potestate constitutis, ut olim erant Dictatores, vel potius Præfecti Urbis, feriis latinis, imo omnes qui forte Judices legebantur; & hodie, quoties id ex usu Reipubl. videtur; et si quam minime frequenter id fieri satius esse, docet usus rerum magister. Sæpe sunt Dominationis, aut factionum prævalentium productiones; ut Senatus tumultuum in Belgio sub duce Albano, & Curia Summa feralis Angliæ anno 1649. aliarque alibi locorum.

12. Utraque species & maximè ordinaria est vel Politica, vel Judicialis. Illa, quæ in rebus ad jus publicum spectantibus, sine forensi strepitu; hæc, quæ in privatis de meo & tuo controversiis & formâ solenni in Foro exercetur. Utraque tamen in causæ cognitionibus, in judicando & exequendo versatur: Illa per Legatos & Præfectos Summæ Potestatis, Reipubl. regimini præpositos; hæc penes Judices, seu singulæ personæ sive collegia sint, ut hodie plerumque usu venit, consistit. In Jure Romano hæc divisio nescitur, cum Jus illud Politica non tractet.

13. Tertia divisio Jurisdictionis fertur, in Civilem & Ecclesiasticam: Sed hanc occupavimus & removimus, eo, quod Ecclesiæ nullum competere Imperium, id est, vim coactivam armatam, sine qua non est Jurisdictio, sed Notionem tantum & Audientiam, intelleximus. Unde, si quis communem loquendi modum sequi malit, & Ecclesiasticam Notionem vocare Jurisdictionem, servare tamen potest & debet, quod in rei veritate est inter has species discrimen. Enimvero si quis excommunicationem, suspensionem, Abdicationem similesque poenas ab Ecclesiis infligi solitas ad Imperium referre velit, arbitrato suo loquatur; cum nihil sint quam sententiæ, quarum executio sine ope Civilis Potestatis, quæ adhibet Imperium, haberi non potest. Ita secundum vera Ecclesiæ jura, lib. 1. sect. 5. expositum est.

14. Sed Pontificiæ Ecclesiæ latè diffusa potentia & independentia fecit, ut hac divisione, forte carere non liceat: Et si tamen & hæc ipsa in Executionibus facti, & quæ ad Imperium proprie dictum pertinent, brachium seculare, quod appellant, implorare cogatur, cum ultra depositionem & excommunicationem, quæ nihil sunt, quam Pronuntiationes & sententiæ, in quibus absolvitur Notio, nihil habeat Ecclesia, quod ultra, per Imperium suum exequi possit. *c. cum non ab hominē x. de Judic.*

15. Sed divisio Jurisdictionis in Universalem, & Particularem est *subjectiva*, respectu territorii. Universalis, quæ per Universum Imperium extenditur, ut est Magistratuum Regni vel majoris Reipubl. tam Politicorum quam Judicialium, quales olim erant Consules, dein Præfecti Prætorio, & quovis in Imperio Magistratus vel Curie totius Regni.

16. Jurisdictio particularis iterum est, vel Provincialis vel municipalis. Provincialis

cialis (voce populariter, non antiquitus latinè acceptâ) quæ per regionem sive partem Imperii majorem patet, qualis erat Præsidum & Proconsulum, & est hodieque Præfectorum cujusque Provincie potestas in Regnis. Municipalis est in singulis Civitatibus majoris Imperii membris, aut etiam in pagis, seu singulis vicis, sive plurium vicorum complexibus & Territoriis. In minoribus Imperiis, quæ vel provinciis vel etiam municipiis carent, hanc puta cessare distinctionem.

17. Non est etiam necessaria divisio Jurisdictionis in Allodiam & Feudalem, vel quam addunt aliqui, Venatoriam sive Forestalem. Si quis in tot partitiones abire vellet, quot sunt in Jurisdictionis materia diversitates, finem vix haberet. Allodialis tamen & Feudalis distinctio satis est generalis & notabilis; etsi pluribus in locis apud easdem Curias habetur, & sicubi Feuda non extent, penitus cessat.

18. Præteriri quoque non oportet divisionem Jurisdictionis in Personalem & Realem sive Patrimoniam, quæ cum Feudis late diffusa in ipsam quoque Allodiam invasit. Sicut enim, ubi Feuda non sunt, hæc quoque Jurisdictio patrimonialis non reperitur, ut, in Anglia & in Frisâ utraque res ignoratur; ita factum videmus, ut Imperatores, Reges & Principes, non modo prædia, sed & majores quandoque ditiones in Feudum erogarent, cum Jurisdictione & Imperio in populos ejusdem ditionis; Ita, ut Vassalli habeant Jurisdictionem in personas & bona civium patrimoniam: quæ perinde potest alienari, & in heredes transferri, ac ipsum Feudum, si tale sit, ut recipiat alienationem.

19. Quæ res, ab Officio Magistratuum, superius definito ministerioque à Summa potestate semper emanante ac ab eo dependente, vehementer aliena, ideoque

à Jure veterum populorum Græciæ & Latinorum penitus abhorret, ita nunc, ubi Feuda non sunt, ut diximus, æquè ignoratur: ubi vero reperitur, ibi tamen ejusmodi Jurisdictio non facit Magistratus, ut præced. cap. jam observatum est.

20. Transeamus ad divisiones, quæ terminis officii Magistratuum melius continetur & Jure Civili notiores sunt. Ita Jurisdictio est, Voluntaria vel Contentiosa. Prior, quæ inter volentes, sine strepitu contradictionum exercetur; quo pertinet Adoptio & Emancipatio Liberatorum, omniaque de quibus cum partes inter se consentiant, volunt tamen habere, vim rei judicatæ: Quâ gratiâ Magistratus adire possunt, volentes certo modo, quem inter se constituere, condemnari, idque dein executionis vim invito scilicet altero ab Imperio Magistratus consequitur.

21. Contentiosa Jurisdictio recte dividitur in Superiorem & inferiorem, hoc est, in Criminalem & Civilem. Criminalis est eadem, quæ à Romani Juris Auctoribus Merum Imperium vocatur, & definitur, Gladii potestas ad animadvertendum in facinorosos l. 3. §. de Jurisdic. Ratio, cur hoc Imperium appelletur Merum, est quidem peculiaris Juri Romano, propter oppositionem ejus, quod Mixtum vocatur; sed tamen in usum Juris Universalis non minus propter rei proprietatem, quam Juris Civilis imitamentum, invaluit, ad hoc; ut à Jurisdictione simpliciter dicta separaretur, nec competat Magistratui quâ tali, nec etiam vi legis, quâ Jurisdictio certæ personæ vel Ordini tribuitur, sed opus est speciali mentione Legis aut constitutionis, vel decreti Summæ Potestatis, quâ Jurisdictio Criminalis aut superior, sive Alta, quam vocant, vel Merum Imperium specialiter exprimitur.

22. Quia,

22. Quia, tametsi Jus vitæ & Necis reverà sit distinctum à Jurisdictione Criminali; cum illud è Juribus Summæ Potestatis sit, comprehendens etiam Jus remittendi poenam mortis, aliamve graviolem, & aliquando sine causæ cognitione, puniendi; est tamen hæc potestas, de capite civium decernendi, & sanguinem effundendi, tanta, momentumque habens adeo prope ad Summam Potestatem accedens, ut nonnisi nominatim expressa, cuiquam data videatur, idque non immerito, ubique receptum videmus.

23. His divisionibus perfuncti; non opus est, de Imperio seorsim ut agamus: Scimus in Jure Latino id esse duplex, unum quod Mixium vocatur, & est potestas adjuncta Jurisdictioni, ad effectum ejus, vi cogendi & coercendi comparata, quod ideo mixtum Romani vocarunt, quia sic inest ordinariæ Jurisdictioni, ut nunquam ab eâ separari possit, & tamen ut facultas à Jurisdictione separata consideretur; quæ res ut multas in Jure Civili subtilitates & controversias parit, ita nobis ad usum & facilitatem hujus doctrinæ admodum prodest, quod Jurisdictio & hoc Imperium, quæ sunt in Jure Latino, res eadem in concreto; pro iisdem ita sumere licet, ut nec unum ab altero definitionibus abstrahi necesse sit; ipsumque merum Imperium idem cum Jurisdictione Criminali statuere liceat.

24. Si quis tamen huic adfuetus distinctioni & proprietati vocum, in hoc sit, ut Jurisdictionem ab Imperio verbis & sensu recepto dividere velit, huic ego commendatam velim interpretationem Guilotti & Schotani, quam ex hypothese juris Romani, in *posit. ad tit. π. de Jurisd.* probare non potuimus: Jurisdictionem esse potestatem cognoscendi & judicandi Jure Magistratus, aut saltem à

Summâ Potestate commisso, tam in Criminalibus, quam in Civilibus. Imperium esse potestatem exequendi judicata, mixtum in civilibus; merum in criminalibus; nam hoc in Imperio Mixto, Jure Civili procedit; sed merum etiam continere de causis cognoscendi & judicandi facultatem, palam est, ex *l. 2. §. 23. π. de O. Jur. l. 6. in pr. π. de Off. Procons. l. 1. §. 4. d. Præf. urb. l. 1. in pr. d. Off. ej. cui mand.* Verum in hac disciplina, quæ non est adstricta terminis Artis Romanæ, nihil est commodius illâ Imperii explicatione, quâ fiat ut à Jurisdictione non distinguatur, quod cur plane faciendum sit, causam nullam videmus.

25. Id vero nec opus est admoneri, male veteres Juris Interpretes, præeunte Bartolo, ad Imperium merum, id est, Jurisdictionem Criminalem, retulisse potestatem ferendi Leges & indicendi vectigalia; quod est enormius, quam Jus vitæ & necis, quod alii multo Bartolistis cultiores errant, non distinguere à Jurisdictione criminali. Utrisque videtur imposuisse *meri vox Imperii*, quod aliquanto facilius cum Jure Summæ Potestatis, quam Jurisdictio criminalis confunditur; ut usu venit plerisque Historiæ Græco-Latinæ Interpretibus, qui Græcas voces *ἀντιμαχία*, *ἀντιμαχία δόχλη*, quibus *πὶ κίβητος* in Republicâ significatur, sæpe per merum Imperium interpretantur.

26. Solet etiam dividi Jurisdictio in propriam & Alienam, & hæc iterum in Mandatam & Prorogatam. Sed qui accuratius loqui velit, has non ut species, sed ut modos, qui accidunt Jurisdictioni, considerabit. Proficiscitur enim omnis Jurisdictio & Imperium à Summâ Potestate, licet modus eligendi & constituendi personas jurisdictione fungentes sit aliquando penes ministros & inferiores.

27. Non

27. Non est Jurisdictio, quæ causam habet, mandatum ipsius Magistratus. Et si hanc vocant Mandatam vulgò Jurisdictionem, quando Magistratus alium rogat, ut is suis vicibus fungatur, etiam privatum. Est enim hic modus exercendi jurisdictionem per substitutum; Ea-que tum Jurisdictio non Mandatarii, sed mandantis est; idque more peculiari Romanorum. Vix enim est, ut his diebus qui Jurisdictionem habet, eam alii privato demandare possit; Substitutiones quidem fiunt Collegarum inter se, verum ut alii non Magistratus in tribunal adscendant & judicant, à secta temporum abhorret, idque juri publico non paulo præ more Romano convenientius est.

28. Magis igitur est, ut omnis Jurisdictio, quemadmodum & Imperium, sit propria Magistratibus, sine facultate mandandi; proprietate sic intellecta, quemadmodum fert natura negotii, non ut proprium dicitur, quod est in patrimonio; Sed quod datum est ab eo, qui jus dandi habet, id est, proprium in hac materia; Proinde, qui jurisdictionem & Imperium habet, à Summâ potestate, non alieno beneficio, hic propriam dicitur habere potestatem. l. 5. §. de Jurisdic.

29. Quod cum æquè de Mero Imperio, sive de Jurisdictione Criminali, quam de civili prædicetur, nimis aberravit à vero hujus rei intellectu Henricus VI. Imperator, qui Bononiæ electus Arbitrator sponsonis inter Azonem & Lotharium Jurisperitos, decidit secundum eum, qui Magistratus merum Imperium habere tantum usu & exercitio, non proprietate contenderat. Nam aut idem de Jurisdictione civili tenendum est, aut si hæc est propria Magistratibus, etiam merum Imp. iidem æque proprium esse oportet; quâ de re pluribus actum in Prælect. ad tit. x. de Jurisdic.

30. Quod attinet ad prorogatam Jurisdictionem, et si nos hanc etiam loquendi & partiendi viam, in Jure Romano sequimur, dicendum tamen quod res est; hanc minime speciem novam facere Jurisdictionis: Sed esse aliquid accedens Jurisdictioni: Quo, consensu partium Jurisdictioni subjiciuntur, qui non erant ei subjecti. Potestas Magistratus eadem manet, nec privati cuiquam possunt tribuere Jurisdictionem, verum se ipsos Judici non suo, cum id è re sua putant, submittere possunt; hac Lege, nequa confusio inde oriatur in Republ. & præsupposito semper, eum, cui se in aliqua causa submittunt, habere jurisdictionem publicam.

31. E quatuor prorogationis speciebus, unam modo Juris publici rationi consentaneam esse arbitramur; Scilicet: quæ de persona ad personam dicitur, cui proprie verba modo collocata conveniunt. Nam quæ de loco ad locum vocatur, qua Magistratus unius loci, jus dicere possit in alio loco, non habet facultatem civilem; nec id modo voluntate privatorum fieri non potest, sed nec ipsorum Magistratuum conventionem; qui non possunt mutare terminos à Summa potestate sibi præscriptos.

32. Neque de Tempore ad Tempus, quam dicunt, magis valet: ut, scilicet, judex ad tempus datus, post tempus ei præscriptum, judicandi potestatem habeat: quia tum Judex est privatus, cui privati Jurisdictionem dare non possunt. Arbitri jus ut habeat, ac ita sententiam dicat, hoc equidem, ut quisque semper arbitris suam rem committere potest, quominus efficiant compromisso, nihil impedimento est.

33. De causa ad Causam, prorogationem plerique concedunt; ut Judex ad unum genus Causarum publicè constitutus, de alio genere jus dicat: Sed

V v v

nec hoc

nec hoc facultatem habere videtur, quia vix fieri potest, quin oriatur inde Confusio. Quid enim? Amstelodami nunquid privati suo consensu facere possunt, ut Judices rerum matrimonialium de hereditate deferta, vel de rebus pupillaribus judicent? Non puto: nihilo magis, quam ut Magistratus merè politici, de quæstionibus, juris privati; aut hi de rebus politicis judicent atque disponant; Vel, ut judices Recuperatores de Criminalibus causis jus dicant; quorum nihil sine confusione publici ordinis institui posset.

34. Sola igitur usum habet Prorogatio personalis, qua quis Foro suo renuntiat seque Judici non suo submittit. Et hæc ipsa vix alium habet usum, quam hoc uno casu; Si Judici supremo patriæ suæ, cui nonnisi per appellationem subiectus erat, se directè primæque instantia subiciat. Nam prorogatio, quæ quis se judici, qui nullam habet in ipsum jurisdictionem, submittit, non habet effectum, nisi in ejus Territorio deprehensus sit; quia consensus privatorum non potest efficere, ut judex prorogatus in alieno territorio actus jurisdictionis exerceat. Atqui ut deprehensus in aliquo loco, ibi iudicio sistere cogatur, id Arresto solo nuncubique locorum instituitur. Quibus rebus fit, ut quicquid de Prorogata Jurisdictione fertur, ad hunc solum, quem diximus, usum restringatur.

35. Sicut autem Jurisdictio & Imperium sunt functiones mere personales à summâ Potestate collatæ, ab eâque dependentes, ita nec aliter quam eo cum respectu finiuntur. Bini modi, quibus finem accipiunt, ad priorem; bini ad posteriorem spectant. Priores sunt, Mors & Tempus præscriptum, si ad vitam data non sit potestas: aut si Jurisdictio non sit hereditaria, vel territorio adnexa, quæ non habet finem, nisi quo ip-

sum amitti solet patrimonium. Tempus in magnis Imperiis usque ad successoris adventum prorogari solet, ut per se, vel per legatos suos iidem Magistratus provincias administrarent, quod Romani servabant l. 10. *π. de off. Proconsul. l. 17. d. off. Præs.*

36. Posteriores modi sunt, Abdicatio & Exauكتورatio. Illa, cum Magistratus ante tempus sponte discedit ab officio; eique renuntiat, quod nonnisi Principis consensu, cum munera publica ut invitis imponuntur, ita ab invitis etiam retineantur, impetrato facere licet. Sic Papinianus Præsidem provinciæ, abdicando se, non amittere imperium scribit in l. *pen. π. de Off. Præs.* quemadmodum olim per populum fiebant abdicaciones l. 2. §. 24. *π. de Orig. Jur.*

37. Exauكتورatio fit vel à Principe, vel à Judice. A Principe, jure Summæ Potestatis, quoties è Republ. videtur, nisi Reipubl. legibus aliter sit cautum; sive generaliter, ne quis officio suo privetur, nisi causâ cognitâ, ut in Galliâ Constitutum fuit, tempore Ludovici XI. etsi hodiè non ita servatum, teste Mezeræo, in *ejus vitâ*; sive ratione talium Magistratuum, qui non tam Regis sunt, quam Regni, ut in Imperiis non absolutis frequenter usu venit. Ubi dubium est, vel ut dubium tollatur, Principes aut Optimates solent adjicere Magistratuum constitutionibus, *ad beneplacitum*. Sed Imperia simpliciter constituta jus hoc, etsi non adjectum, habere, dubitari non potest, ex his quæ in libro 1. de jure Summæ Potestatis adstructa sunt.

38. A Judice, fit exauكتورatio, propter delictum, causâ cognitâ reoque in defensionibus suis audito; quod nec aliter è causâ delicti famosi ab ipso Principe fieri potest; si jus suum ex bono & æquo metiri velit; cum alioqui plus Magistratui adferret præjudicii, quam si jus

si jus patrimoniale ipsi auferret; quâ de re Bodin. 4. de Republ. 4. n. 440.

39. Quod autem jus, Princeps aut summi Rectores habent in officiis ab ipsis immediate conferri solitis, hoc analogicè Potestatibus etiam inferioribus, adversus ea, quæ illorum collationi à Summa Potestate commissa sunt, provocatione salvâ, competit atque tribuendum est, ut docet Sandius noster in *Decis. Pris. def. ultimâ*.

40. Id jam satis liquet, cum Jurisdictio & Imperium sint facultates à Summâ Potestate profluentes & dependentes minimeque patrimoniales; præscriptionem in illis acquirendis aut amittendis non habere locum; cum hæ non nisi rebus ad Patrimonium cujusque pertinentibus applicentur, & in quibus est aptitudo ad animum dominii ab usurpantibus induendum, qui non potest esse in civibus ad jura Summæ Potestatis,

cui se ferunt ut subjectos, acquirenda; quemadmodum ex eo, quod de usucapionibus & præscriptionibus est dictum in *lib. 2. sect. 4. cap. 5. n. 33. 46. & seqq.* intelligi potest.

41. Si totum Magistratus officium Præscriptione non potest acquiri, sequitur, cum sit idem juris in parte quod ad partem, cum toto quod ad rotum, ut in Scholis ajunt; non posse etiam Magistratus vel singulos, vel qui jus idem per modum collegii exercent, officii sui partes augere vel latius extendere, jure præscriptionis, quin Princeps id semper ad antiquos fines revocare possit: etsi verum est, populos, quamdiu Rectores illam usurpationem ferunt, teneri ad parendum Magistratibus, ex præsumptâ Rectorum suorum voluntate, ut jam diximus *ad tit. 11. de Jurisdic. in fin.* quibus jungenda sunt ea, quæ diximus. *ind. cap. 5. n. 33. & seqq.*

S E C T I O II.

De Judiciis.

C A P. I.

Quid sit Judicium, & de Personis Judicium constituentibus.

Fundamentum Reipubl. esse Judicium. An, & quando sibi ipsi jus dicere liceat; An etiam, si Potestas Summa neget Justitiam. Definatur Judicium. Genus exponitur, & quatenus Judicium sit publici juris. De Personis Judicium constituentibus; Quid Judex, & an recte vir bonus dicatur; an imperitus Juris esse possit. Æquitas Judicis. Differentia an Arbitro, & Ætas judicis. Princeps an & quatenus in suâ causâ judex esse possit. De Actore deque Reo. De Procuratoribus & Advocatis, quid sint, & quodnam sit illorum officium, latius expositum. De Arbitris & effectu sententiæ.

Iurisdictionis, de qua novissimè diximus, exercitium maximè consistit in Judicio, quod propriâ sectione tractabimus, ita, ut tamen caput hoc in jure Privato sat notabile sit, heic tamen loci nihil, quam ad Juris publici Universalis disciplinam evidenter pertinens attinamus.

2. Fundamentum quietis publicæ primum & maximum proculdubio est Judicium: Ad hoc enim reperta est sacra Legum reverentia, ut nihil proprio ageretur impulsu, adeoque *us abesset*, ut bene olim Theodoricus Rex apud Cassiodor. *lib. 4. var. epist. 4.* Vim autem Cæsar Philosophus ait esse, quoties quis id quod deberi sibi putat, non per judicem reponit, *l. 13. §. Quod met. caus.* Et summum præceptum, non esse singulis concedendum, quod per Magistratum publice possit fieri, ne occasio sit majoris tumultus faciendi *l. 176. §. d. Reg. Jur.*

3. Exceptâ necessitate, quoties sine

certo periculo, vel damno, judex non potest expectari. Hinc enim inculpatæ tutelæ moderamen omnibus gentium Legibus; ad avertendum vitæ periculum videmus sancitum. Et huc facit, quod debitorem fugientem prehendere, nummosque ei extorquere licet, *l. 10. §. 16. l. pen. in fin. de his quæ in fraud. Pacto* etiam ita constitui potest, ut certo casu liceat alicui jus sibi ipsi dicere, quo facit Pactum *executorium*, de quo Juris Interpretes, & Sandius noster *lib. 1. Decis. Fris. tit. 12. def. 3.* Sed extra hos similesque casus, à Lege judicii, minime recedendum est.

4. Improbanda igitur gentium quarundam vetus consuetudo, quâ dubiæ controversiæ pugnis singularibus dirimebantur. Nec scio, an concedi possit, quod Grotius habet in *lib. 1. de jur. B. & P. cap. 3. n. 2.* cessare judicia sibi que ipsi posse quem jus dicere, *si judicem subditi non audiant, aut judex apertè cognitionem*

tionem rejiceret. Magis enim est, ut ad Superiores Potestates eo casu sit recurrendum, à quibus si remedium non adbeat, ferenda Summæ Potestatis injuria, potius quam ad bellum detur regressus, quod adeò à Grotianis principis non abhorret, ut hoc illi excidisse liceat mirari.

5. Res adeò est sanctissima Judicium, quo ultimum in rebus humanis malorum evitatur, *Bellum*. Proinde, quod iudicis officium Christiano illicitum Christiani homines sentiunt, nimis longè à prudentià Christiana recedit, nec id Christo Domino fuisse propositum demonstravimus in *Eunom. Rom. ad Rub. m. de Judiciis*.

6. Definitur Judicium cum Jurisconsultis, à quibus recedendi causam hac parte non habemus; *Legitima Causa disceptatio, quæ sit apud iudicem, à parte actoris & rei, litis finiendæ gratia*.

7. In omni controversiâ seu causâ, duplex est questio, facti & juris, Facti, an & quo modo aliquid gestum sit; Juris, an recte vel secus, & quid de eo statuendum. Plerumque autem jus & factum in questionibus iudicio ventilatis miscentur, & pari fere passu ambulant; saltem quæ facti sunt, Juris rationes semper habent conjunctas. Disceptatio tam de jure quam de facto pertinet ad jus privatum, quod totum circa iudicia, veluti cardinem suum vertitur. Sed constitutio & ordinatio iudiciorum ad jus publicum merito refertur.

8. Quod Prætores Romani non male discevisse videntur; Namque illi tanquam Magistratus præerant quidem iudiciis & auctoritatem illis præstabant & iudicata exequabantur, sed ad merita causarum cognoscenda alios iudices dabant. Forte & criminalia iudicia, quibus vigor disciplinæ publicæ vindicatur,

hoc respectu publici juris rectè dicuntur; quare & hodie publico nomine per huius procuratores duntaxat vindicantur.

9. Quin imo causæ etiam non criminales dividere licet, in publicas & in privatas; ut priores sint, quæ in controversiis ad Regimen publicum spectantibus, veluti ad Tributa, vectigalia, Commissa, multas, officia publica, de quibus apud Consistoria Principum & Collegia liberos populos Regentium disceptari solet, vertuntur. Privatæ, quoties in foro de Contractibus, Testamentis omnibusque rebus ad meum & Tuum pertinentibus agitur.

10. Sed ad constitutionem iudicii pertinent inprimis, Personæ iudicium constituentes, quæ sunt vel principales, vel minus principales. Priores, Iudex, Actor, Reus, qui sunt in definitione. Posterioris generis sunt, Scribæ, Apparitores, Advocati, Procuratores; de singulis aliquid, ut huius instituti fert ratio, videndum.

11. Iudex ita definiri potest; Vir bonus *Juris & æqui peritus. ad lites decidendas publicè constitutus*. Non desunt, qui minus recte qualitatem viri boni & jurisperiti in Iudice definiendo, commemorari putant; eo quod multi iudices & mali & imperiti reperiantur; quod est verissimum: sed non minus est verum, iudicem esse debere bonum virum & juris æquique peritum; In definitione considerandum, qualis esse debeat & esse præsumatur, non qualis in cute & intus in animo sit. Cui addendum, quod vir bonus sumitur hic civiliter, non excellenter, quales tot viri boni vix sint, quot *Thebarum portæ, vel divitiarum officia Nili*.

12. Vir bonus igitur quilibet Iudex auctoritate publicæ constitutus præsumitur: Jurisperiti qualitas minusquam Viri boni essentialis videtur; quia Iudices multi

multi palam sunt imperiti Juris, quibus illa gratia, Adfessores adjunguntur, tam majores, à quibus ob Nobilitatem studia non exiguntur, quam pluribus in locis minores; ut etiam Legibus popu-
lorum videntur ipsi, inconsultis Jurisperitis: dicere sententias: quo pertinent collegia Scabinorum in quibusdam Germaniæ locis, & *Pensionariorum*, qui dicuntur, in Belgio, quos alibi in publicis duntaxat, alibi in privatis adhiberi moris est.

13. Sed hæc instituta defectum Juris peritiæ in Judicibus, ipsa vel maxime arguunt, ut tamen peritos esse Juris particularis, si ad certum causarum genus dati sint, id hætenus sufficiat; quomodo militares viri & mechanicorum Præfides collegiorum, de rebus ad suas professiones pertinentibus jus dicere solent, cum hodie, tum olim apud Romanos *l. 17. C. de Judic.* Prorsus enim juris peritiâ non potest carere Judicis officium, quod est ita judicare, quemadmodum Legibus & moribus est proditum, ut Justinianus & res ipsa loquitur, *in pr. Inst. de off. Jud.* Nec etiam aliud est commune Judicium, quod expressit Phocylides,

*Μηδιστὶ νόμῳ ἀδίκηματ' ἀνδρῶν ἐλ-
θῆναι.*

*Indoctus nunquam sacrum permittit
Tribunal.*

14. Juris scientiæ, addimus *Æquiperitiâ*; quod significat facultatem interpretandi jus ex præsumptâ legislatoris voluntate, verbis licet in speciem renuentibus; quod esse Judicis officium, docent optimi harum rerum magistri Juris Romani conditores *in l. 8. C. de Judic.* distincte ab officio Principis hac ipsâ parte, quemadmodum *in sect. 1. cap. 2. latius* exposuimus.

15. Ad hanc autem facultatem *Æquiperitiæ* judicialis, duo requiruntur, Intima Juris scripti notitia, ut de eo quod Le-

gislator non expressum intellexerit, menâ existimari possit, & rectum exercitumque in ipsâ naturali æquitate judicium; quam partem innuit Caligula, cum aliquando minaretur, se facturum, ne Jurisconsulti quicquam præter *æquum* haberent de quo responderent; Jure scripto scilicet, abolito, *apud Suetonium in vitâ ejus.*

16. Ultima definitionis verba, Judicem ab Arbitrio, qui est Judex compromissarius, à litigantibus electus, distinguunt, & faciunt, ut Judicis officium sit publicum, ac etiam Magistratus, ut *superiori sectione cap. 4.* demonstratum est: Unde & ætas publicis apta muneribus in Judice requiritur, cujus determinatio specialis, est Juris positivi. In universum *xxx.* fere annorum ætas minima solet esse, qua Judices admittantur, et si nec à minoribus alienum est, quod Jus Romanum agnoscit, à Principe dari posse cujuslibet ætatis judicem, modo non sit minor annis *xviii. l. 57. x. de Re Judic.* Cumque Judices hodiè fere semper à Principe, vel ab eo qui jus Principis habeat, dentur, ætas *xviii.* annorum, ut qua minor esse non possit Judex, intelligenda videtur.

17. Cæteræ qualitates & requisita Judicium, fere communia sunt, cum aliis Magistratibus: Nisi Judicibus sit proprium, quod non modo in causis propriis, sed nec in suorum proximorum causis sententiam dicere possint, ratione manifesta. Qui vero Summam Potestatem habent, quem illi judicem in suis litibus habebunt? Res loquitur, non esse, cui subjiciantur: Ideoque non potest aliter fieri, quin Judices sint in propriis causis, ut Jurisconsulti observant ad *l. 41. d. Hered. Inst.* ut in ista Lege prævit exemplo Tiberius: Idque ita boni Principes semper exercuerunt, ut se legibus alligatos ultro profiterentur *l. 4. C. de L.L.*
Imò

Imò etiam minus sibi, quam privatis indulgerent, ut est specimen in §. ult. Inst.

Quib. mod. Testam. infirm.

18. Quin ut plenius omnis præjudicii species, quæ non potest abesse, ubi quis ipsemet iudex & adversarius est, amoveatur, hodierni Principes & Summæ Potestates rectè consulunt, quod suas causas apud Supremas Curias agi & judicari permittunt, earumque se judicatis submitunt: Scilicet, in negotiis, quæ tanquam membra communis Societatis, non ut Rectores Civitatis cum aliis habent controversa; Sed quatenus sæpe dubium est, cujus generis sint ea, de quibus quæritur, hac parte rursus ipsos oportet esse iudices, quia res non capit alium exitum: sic tamen, ut in dubio rem potius ordinariis delegare iudicibus, quam suo arbitrio vindicare debeant; quo minus cives & exteri à contractibus cum Principibus ineundis absterreantur.

19. Exigit præterea iudicis definitio, ut ad tantam rem necessaria existimatio illæsa atque ut naturales facultates adsint; neque enim surdus aut mutus iudex esse potest; cæcus non facile dabitur, datus tamen quominus remaneat, nihil ob stare videtur, l. 6. §. de Jud. quia cæcitas, animi perspicaciam adjuvat potius quam obtundit: feminas ratio communis arcet à cunctis muneribus publicis.

20. Officium iudicis in genere est, ita judicare, quemadmodum Legibus & moribus est proditum, tam secundum id, quod partes exprefferunt, quam ut ex bono & æquo cujusque negotii natura fert; qua in re non modicam esse latitudinem & differentiam, ut quædam negotia liberam rem hac parte Iudici potestatem, alia magis coarctatam præbeant, usu rerum constat; idque Romani discretionem iudiciorum, quæ stricti Juris & bonæ fidei dixere, sine offensa Justitiæ determinarunt, ut probavimus

in *Eunom. Rom. ad l. 7. §. de Negot. gest.* Inductio autem illius diversitatis & officii Iudicis secundum singulas Iudicii partes, hujus quidem instituti terminos excedit.

21. Non potest tamen omitti Nobilis & vetus quæstio, si iudici aliter de facto constet, quam ex actis & probatis liqueat, utrum juxta suam scientiam, an secundum fidem testium & instrumentorum jus dicere debeat. Imponere necessitatem pronunciandi, quod falsum & iniquum esse novit, id verò durum videtur, neque committendum. Rursus, permittere, ut testes omni exceptione majores præ sua solius scientia spernat, exemplo pravum & noxium foret. Si quidem hoc prætextu; quatenus iudices, etsi debeant esse boni, sæpe malos vel ambiguos esse contingit; infinitæ tegeantur iniquitates.

22. Plane, qui summam habet potestatem, aut qui datus est ita, ut iudicati rationem nullam redditurus (quantum ita vix potest) merito tutoque scientiam suam præfert. Sed quorum sententiæ retractari possunt, his id nullo modo indulgendum; quia iudicati rationem aliis ex conscientia sua reddere nequeunt, neque superior, qui errorem ejus corrigit, aliter de eo quam ex actis arbitrari potest. Standum igitur media opinione; faciendum, ut iudex ea causa se exoneret officio suo, ac inter testes potius auxilio veritatis adsit. Egimus hac de re latius in *Prælect. ad Tit. Inst. de Off. Jud. etiam Eunom. Rom. ad l. 6. §. 1. d. off. Pres.*

23. Quam autem justis & injustis discrimen acre iudicium & ingenii intentionem requirat, quam non sine multa præceptionum memoriâ & subtili applicatione consistat, Romanum jus luculenter docet.

24. Nec tamen hoc in plerisque, à

nate

naturalis juris consecutione, & eo quod cunctis civitatibus conveniat recedere, satis hi probant, qui licet obrectatores Romanæ prudentiæ, optimum illud esse juris Naturalis interpretem fatentur, *Selden. de mar. claus. c. 5. in fin.*

25. Nulla igitur ratione Hobbes doctrinam artis Legalis in advocatis necessariam, in Judice prope supervacuum existimat, Angliæ potius suæ, quam ingenii humani morem negotiorumque perplexam varietatem, ut videtur, considerans.

26. Secundum Judicem, Actor & Reus Judicium principaliter constituunt. Actor est, qui ad judicium provocat, Reus qui provocatur: Aut si res sint ejusmodi, in quibus uterque provocat, is qui primus id occupat, Actoris partes obtinet. Reus à Re dictus est & Rei, quos inter Res est, sive *quorum de Re agitur*, ut Cicero *lib. 2. de Orat.* sive i agat, sive cum illo agatur: Hinc duo Rei Jurisconsultis vocantur; tam qui in solidum singuli Creditores, quam debitorum facti sunt: Verum ut is, *unde petitur*, quomodo Antiqui frequentius loquuntur, Reus appelletur, usu receptum est, tam in civilibus, quam in criminalibus causis.

27. E personis minus principalibus, Scribæ & Apparitores cæterique ministri, nihil hic habent singulare: Sed Procuratores & Advocati, ab hoc loco abesse non possunt. Procuratores proprie nihil sunt aliud, quàm mandatarii, tam ad *Negotia*, quam ad *lites*. Et quidem ubi quisque suam causam per se, in Judicio peragere potest, ibi & procuratorem quemlibet dare potest, ac ita se res apud Romanos habuit. Sed quia res & usus plerisque populos adduxit ad ordinem & tritum Fori, cui vulgus impar confusionem inferret, ubique receptum est, ut Procuratores in Judiciis habeantur pu-

blici, in Jure Romano incogniti, de quibus hic ideo paucis agendum.

28. Ejusmodi Procurator publicus, est *Vir bonus, ordinis Judicialis peritus, auctoritate publicâ, ad lites, ex mandato partium administrandas, constitutus*. Quod vir bonus dicitur, id civiliter accipiendum, & quia talis esse debet officii ratione; quod ut publicum est, ita arcet malos & infames, quales si quis privatim rebus aut litibus suis extra judicium præficere velit, non prohibetur, ut indicat Justinianus Cæsar in *§. ult. Inst. de Exception.*

29. Ordinis judicialis peritum diximus; quoniam hæc præcipua ratio est, cur promiscuum alienas causas procurandi officium, in publicum, ut videmus, sit mutatum; ne judicia, imperitorum hominum strepitu & discursu turbarentur. Idque est *Auctoritate publicâ*; & quidem prævio Examine atque jurejurando, ut merito passim observatur: Addito tamen, *Ex mandato partium*. Publice enim ad universum officii genus admittuntur; In singulis causis non minus quam privati Procuratores, specialis egent mandati; ideoque mandatore mortuo, non possunt in Judicio pergere, nisi novo ab herede mandato instructi.

30. Postremum in definitione est, *Ad lites administrandas*. In hoc enim discrepat ab Advocato Procuratoris officium; quod ille quidem ad Patrocinium voce vel scripto præstandum, hic ad urgendam, ad exitumque moderandam litem adhibeatur; plerumque enim quam minister esse non videtur publicus Procurator, ne quidem post litem contestatam, quod aliter de Procuratore privato constat; Idque nec aliter hodie se habere, verum imprudenter fieri, quod hanc regulam, Procurator est dominus litis, vulgo ad Procuratores, qui sunt hodie, publicos producant, in *Prælect. ad Tit.*

Tit. 5. de Procurat. n. xi. demonstratum est.

31. De officio Procuratorum, quo pluribus hic agamus, instituti ration non patitur: Nisi addere placeat; In dicasteriis inferioribus, & in nonnullis quoque Superioribus, Procuratores etiam habere jus postulandi, id est, Advocatorum munere fungendi; quatenus patrocinii peragendi fiduciam habent. In nonnullis etiam locis Postulare, id est, pro Advocatis fungi necesse iis est; ubi Advocati à Procuratoribus distincti non habentur, sed conjuncta sunt hæc officia: Quod ut ad compendium & sumptus Iudiciorum coarctandos plurimum facit, ita prudenter à quibusdam populis receptum est: Ut tamen crebrius, uti personis, ita partibus agendi distincta, licet conjuncta maneant officia; De Advocatis igitur pauca subjiciantur.

32. Advocatus est, *Vir bonus, juris peritus, à litigantibus rogatus, ut voce vel scripto causam suam Iudici exponat, probet atque ex arte defendat, ad hoc officium publicâ auctoritate admissus. Virum bonum esse oportere, sacrum Justitiæ sacerdotium, quod Jurisconsultis adscribitur, indicat, ut & summa officii advocatorii, à Valente & Valentiniano præscripti, ut patrocinentur, integre, fideliter & modeste l. 6. C. de Postul.*

33. *Jurisperitum* æque esse oportet Advocatum, si præstabit, quod Leo & Anthemius Imperatores de Advocatis prædicant, *ut gloriose vocis confisi munimine, laborantium spem, vitam & postereros defendant l. 14. C. de Advocat. divers. judic.* Quod ne fieret, inde ab aliquot seculis in plerisque Foris provisum est, ne quis admittatur, nisi Illustris alicujus Academiæ testimonio Jurisperiti elogium adeptus. Leo Imperator jurejurando Professorum id olim adfirmandum mandavit in *l. xi. C. de Advoc. divers. ju-*

dicior. Quod an hujus seculi corruptioni hac in parte, pravæque Academiæ æmulationi, quæ hæc elogia fere promiscua & venalia sunt, emendandæ sufficeret, haud facile dixerim: Forsitan utilius fuerit, etsi inutilius Academiis, si, quod Leo fieri præcipit, in *l. ii. C. de Advocat. divers. judic.* Examen apud ipsum Rectorem, sive Fori præsides fiat, quod nunc in Scotiâ faciunt; vel, sicut apud Regiomontanos, in Academiis honorati, rursus apud Forum disputationem publicam subire cogerentur.

34. Definitio habet; *A litigantibus rogatus.* Advocatus ita dictus est, quod à litigantibus advocabatur in consilium, eaque procuratoris ab Advocato notissima differentia est, quod hic mandato constituitur, Advocatus vero precibus aditur; ille dominum, hic magis clientem habet: Utrumque participant honoris aut ministerii imitamentum, qui simul Advocati & Procuratores sunt, ut in multis esse locis, indicavimus.

35. *Causam suam Iudici exponat.* Hoc olim erat Patroni, erga clientem suum, cujusslibet officium. Donec ad Oratores, qui per excellentiam exinde Patroni sunt dicti, qualis Cicero, Hortensius & nobilissimi atque facundissimi quique Romuli nepotum, transit; quo tempore Advocati erant privati reorum amici, ad opem consiliumque advocati, ut seneca apud Terentium & Plautum quandoque se advocatos amicis in foro adesse debere prædicant, à quibus omnibus seorsim, consulebantur Jurisconsulti: Donec eloquentia forensi privatorumque opera advocatorum detrita, Patronorum & Advocatorum munia à Jurisperitis occupata sunt: qui sic habent triplex, ut olim erat, officium, Patronorum, Advocatorum, Jureconsultorum, quibus in multis, ut dixi, Foris accedunt partes Procuratorum. Quod etsi in eum modum

dum compendii causa sit institutum, satis tamen adhuc in ipso compendio plerique reperiunt dispendii.

36. *Ad hoc officium publicâ auctoritate admissus*; Ita receptum est; cum olim quicumque fiduciam eloquentiæ & studiorum habebat; Advocati & Patroni partes obire posset. Sed habetur adhuc in definitione; *voce vel scripto*. Romanos viva voce causas egisse notum est; idem hodièque multis usitatum est populis; sed ineptiæ & confusio rabularum, pluribus locis hac parte ministerium vocis in desuetudinem, ut nonnisi scripto causæ disceptentur, adduxerunt; etsi præstantius & nobilius est verus institutum; modo quod in gravioribus causis fieri solet; præcipua causarum merita literis comprehensa, Judicibus, adstruendæ memoriæ exhibeantur.

37. Officium Advocati tribus hisce præceptis continetur, *ut integrè, modestè, prudenter suis partibus fungatur*. *Integrè*, ne prævaricetur, neve causam sciens malam suscipiat, vel ut talem deprehensam deferat; etsi in quibusdam Foris nihil ab Advocatis exigitur, quàm ut tali casu nihil dicant, aut scribant, quam quod à clientibus nominatim rogabuntur, ut dicant vel scribant; quomodo in Frisiorum Curia Advocati iurejurando adiguntur; quod an salva viri boni tesserà usquequaque liceat, est *ἀνεπισημία*. *Modestia* Advocatorum quid sit, tam erga iudices, quam adversarios, ipsa res loquitur.

38. *Prudentia* Advocati est vel Theoretica, vel Practica. Theoria tres videtur habere partes, Notitiam juris Romani, Municipalis & Doctoralis. Prima in Academiis acquiritur, ut non sola, quæ pars Juris hodieque in usu manet, sed universa discatur Jurisprudentia: majori tamen intentione curaque in

iis quæ observantur, adhibita. Jus Municipale, nonnisi post commune Jus perceptum, partim in Academia, partim in Foro adjungendum; quo etiam Feudale jus referendum, quæ parvo negotio ab his qui Romanum Jus fideliter didicerunt, memoriâ judicioque comprehendendi possunt.

39. Doctoralem scientiam vocamus eam, quæ ex Interpretum lectione tam veterum, quam recentiorum colligitur. Sed cum hæc pars studii Juridici verè sit infinita, modus ei ponendus est, preesseque Advocatus utriusque Juris, civilis & municipalis notitiæ dedat oportet; ex Interpretibus quantum satis est, in dubiis causis, ad auctoritatem positionibus suis addendam petat: Sed fundamentum & Summa doctrinæ sit, LEX & RATIO. Jus Canonicum in iis locis & rebus, in quibus usum habet; ut apud Protestantibus habet rariorem; partem Theoriæ facere, intelligimus.

40. Prudentia, quam Practicam diximus, etiam duplex est; una consistit in applicatione Legum ad singulas facti species; Altera, in usu Fori, quod attinet ad morem procedendi & Artem formulariam, vulgo stylum Curie appellant. Cicero trimembre fecit officium Juris-Consulti pragmaticum; *Respondendi*, quid juris sit in singulis factorum speciebus; in quo est Ars applicandi. *Cavendi*, id est, suggerendi hominibus in omni genere Contractuum & negotiorum, quo partes sibi idoneis cautionibus adversus fraudes & incertos eventus prospicere queant. *Scribendi*, id est, præscribendi formulas actionum & negotiorum.

41. Hæ sunt personæ Judicium constituentes. Sed propter moras & sumptus judiciorum, haud rarè in Arbitros committitur, *qui sunt privati homines, quos partes eligunt, ut litem instar judi-*

eum definiant. Horum omnis potestas *Compromisso* continetur, quod tamen de rebus ad jus publicum pertinentibus, in quibus crimen aut infamia similisve causa vertitur, concipi non potest; sed tantum de his, quæ in dominio & arbitrio sunt privatorum, l. 32. §. 6. de *Arbitr.*

42. Sententia arbitratorum non parit actionem rei judicate, quoniam hæc publicam supponit auctoritatem l. 1. C. *Arbitr.* Imo partes, pendente cognitione arbitrum deferere atque ad iudicem adire possunt, l. 30. *et d. Arbitr.*

43. Utrouque tamen casu, si vel destituant eum, vel pronuntiatio stare nolint, exigi potest, poena compromisso præfixa, d. l. 30. *in fin.* Unde colligi potest; quo pacto hæc inter se consistant; standum esse partibus, Arbitratorum sententiæ, sive æqua, sive iniqua sit, & tamen nullam ex arbitratorum *Laudo*, sic vulgo sententiam Compromissoriam vocant, actionem dari.

44. Provocatio ab arbitro nulla potest fieri; cum, quia partes suo consensu huic beneficio renuntiassent videntur; tum, quia nulla inter arbitrum, qui privatus, & iudicem, subordinatio inferioris ac superioris, quæ in Appellatione requiritur, intercedit.

45. Reductio, quæ sit hodie passim, nec cum juris publici ratione, nec cum naturæ compromissi satis convenire videtur. Non prius, quia cum Appellatio per juris publici rationem hic non habeat usum; Reductio, quæ prorsus hodie ad appellationis similitudinem exercetur, nihilo magis ei convenire potest. Natu-

ra autem Compromissi fert, ut secundum id, quod Arbitrator dixerit, partes transigisse videantur; Transactio autem à nullo superiore retractari potest.

46. Verum, ut è silentio certi temporis, præsumptio, quod partes acquiescant, ac inde actio quasi iudicati nascatur, id habet rationem & usu servatur. l. pen. C. de *Arbitr.*

47. Hoc est singulare, quod cum promissio transeat ad heredes eosque directe obstringat, Compromissum, quod est Promissum duplex & Reciprocum heredes, qui ex causâ, de quâ compromissum fuit, omnino tenentur, non obligat, sed morte compromittentium, ante *laudem homologatum*, ut barbarè loquuntur, id est, sententiam approbatam, finitur l. 27. *et d. Recept. qui Arb.* nequidem jure Canonico *cap. ult. x. de Arbitr.* Cum tamen in iudiciis, ubi nulla conventio vertitur, è tacito consensu heredes validius teneantur, quam ex ipsa causâ, priusquam in iudicium deduceretur, ut Juris consulti docent *ad tit. Inst. §. 1. de perpet. & temp. act.*

48. Cur expressæ conventionis minor sit vis, quam taciti consensûs, ratio esse videtur, quod Compromissum fiat ex fiducia personali, quam habent compromittentes de iudicio & sinceritate Arbitratorum; de quâ forsitan heredes haud æquè sint persuasi; cujusmodi ratione, Mandatum, & Societas, contra naturam aliorum contractuum, ad heredes quoque non transeunt. Sed infra Iudices subiectio est necessaria, non arbitraria, quæ proinde non est tam fragilis.

C A P. II.

Judiciorum species & initia exhibens, ubi de In jus Vocatione & de Arresto.

Divisio Judiciorum in Civilia & Criminalia, Privata & Publica, alio sensu, quam jure Rom. In petitoria & Possessoria, & cæteræ breviter expositæ divisiones. Partes Judicii in summâ esse tres, quarum prima in Jus vocatio; cujus necessitas & modus exponitur. Quinam eximantur omnino & secundum quid. Usus & ratio in Jus vocationis Requisitoria & Edictalis. Arresti etymologia, definitio, divisio & usus. Quo jure nitatur, & an rectius à veteribus neglectum, quam hodie exercitum sit. Forma Arresti quatuor partibus exposita. An neglectâ Intimatione valeat, ex parte saltem. Quando cesset Arrestum; an etiam in res aut pecunias Principum exterorum. Differentiæ in Jus vocationis, è Jure gentium hodierno magis, quam exemplo Iuris Romani. In Jus vocatio generalis quotuplex, & an præjudicet ignorantibus. Effectus in Jus vocationis; utrum hodierno jure Gentium, qui se non sistunt, condemnentur, rectius, an exemplo Romanorum melius inauditis semper defensio pateat: Inter criminales & Civiles causas videri distinguendum. De reliquis in Jus vocationis effectis.

Definitionem *Judicii*, quâ Personæ id constituentes, sunt comprehensæ, sequitur Divisio, in varias species & primo quidem in Civilia & Criminalia: quorum illis ad pecuniarium actoris commodum, His ad publicam animadversionem, hoc est, ad mortem vel cruciatum corporis, aut exilium vel multam fisco applicandam agitur.

2. Horum alia divisio in Privata vel Publica, juris est Romani, non Universalis: Namque hodie, decunctis, ut dictum, criminibus publicæ accusationes instituuntur. Veteres *publica* dicebant, de quibus Leges nominatim erant latæ, & in quibus cuilibet è populo potestas experiundi dabatur, eaque certo solennique ordine moris erat institui, quæ omnia fuisse Romanis *arbitraria*, nec proinde juris communis, satis apparet.

3. Est tamen ratio, quâ divisio in Publicum & Privatum, Juris Universalis disciplinæ accommodari posset; si Publica dicerentur, quæ directè lædunt Rempubl. Privata, quæ singulos in corpore, honore bonisve lædunt. Quo sensu crimina Majestatis, Peculatus, Repetundarum, Residuorum & Ambitus, publica. Homicidii, Adulterii, Falsi, Plagii & similia, privata forent.

4. Civilibus Judiciis frequens, etiam in publicis controversiis, est divisio, in Petitoria & Possessoria. Petitoria, in quibus agitur de jure pleno & perfecto, ut aliquid nobis detur ex obligatione, vel restitatur ex jure domini, aliove in re constituto jure: Possessoria, in quibus agitur ad detentionem rei adipiscendam, retinendam, vel recuperandam. E quibus retinendæ possessionis remedia creberrimi
usus

usus sunt, ut res in *statu*, quo nunc est, relinquatur, quia commodum possessionis inter diversos Principes populosque longe majoris momenti & usus est, quam in Jure privato. Ut adeo maxima pars controversiarum, quæ belli, pacis & induciarum materiam præbent, in possessorio magis quam in Petitório versetur.

5. Quarta Judiciorum differentia sit, quod vel Generalia sint, vel Specialia: Generalia, more juridico, non dialectico, dicuntur, in quibus de multis rebus simul tractatur; Specialia, quæ de singulis & certis rebus agunt. Utraque sunt vel in Rem vel in personam. In Rem, quibus ex jure, quod in Re constitutum est, agitur, adversus quemlibet rei possessorem, ut res vel jus in re nobis restitatur. In personam Judicia diriguntur, quando agitur adversus eos, qui nobis obligati sunt ad dandum vel faciendum, eorumve heredes, non contra Tertium, qui ipse non contraxit nobiscum, neque damnum nobis dedit.

6. Quinta vel VI. divisio est, in Principalia & præparatoria Judicia; Et hæc, quæ aditum parant ad aliud gravius judicium; cujusmodi cum alia, tum maxime possessoria sunt, quæ viam ad Petitória sternunt; et si possessoria tanti sæpe sunt præjudicii, ut petitorium absorbeant.

7. Sequitur ultima Judiciorum partitio, quæ majoris est usus, in Ordinaria & Extraordinaria. Priora dicuntur, in quibus servatur ordo solennis procedendi, & plena causæ cognitio adhibetur. Extraordinaria diversos habent gradus seu species: Nam in Jure non est insolens, gradus, quod Logici negabant, variare speciem. Quam diversitatem, antequam explicemus, partes Ordinarii Judicii commemorandæ videntur; quæ in Summâ vel Essentiales, vel Accidentales sunt. Prioris generis præcipuas esse, in Jus vo-

cationem, Litis contestationem, Cognitionem & Sententiam videbimus.

8. Prima pars Judicii est in Jus Vocatio, quam merito Juris Naturalis, ne quis inauditus condemnatur, imo divini Juris esse tradunt, inde à primo Dei citantis Adamum exemplo: neque tantum in Ordinariis, de quibus hic agimus, sed etiam in extraordinariis maximeque summariis requiritur; etiam in Politicis, in quibus aliquis ordo Judiciali similis servatur, ut si quis absque in jus vocatione damnatus sit, ipso jure nullum sit judicatum vel decretum.

9. Modus in jus vocandi est optimus per Apparitorem, seu viatorem publicum; et si in locis, ubi tota juris dicendi ratio summaria est, nihil vetet, Reum ab ipso Actore vocari: Sed ut hoc fiat per vim, obtorto collo, ut olim Romæ fieri solitum fuisse videtur, excusari facilius, quam defendi potest; quâ de re actum à nobis in *Eunom. Rom. ad l. 18. & 21. c. d. In jus voc.* Nihil est potius, quam ut per ministros publicos, ea res, ut sit, administretur.

10. Ne quis autem se actionesque suas Judicio eximere præsumat, quam paucissimos excipi ab in jus vocatione. Reipubl. interest: adeo, ut ne Magistratus quidem, et si majores, eximendi videantur; et si aliter Romanis visum & usitatum fuit: eo quod ibi maxima jurisdictio penes singulas erat personas; veluti, Consules, aut Prætores, qui cum neminem haberent superiorem, nisi Populum, ad Tribunal nullum vocari poterant. Aliter & rectius hodiè Jurisdictio summa ab integris exercetur Collegiis, quibus singula membra subjiciuntur; etiam, si qui sint Magistratus adhuc, personæ singulares, imo nec ipsi Principes & liberorum populorum Optimates in jus vocari gravantur, ea quâ diximus ratione modoque.

X x x 3

11. Ad

11. Ad domum quod nemini jure Romano in Jus vocatio inferri poterat, d. l. 18. & l. 21. π. de Jus voc. cum illo more minus bene morato, invitos etiam oborto collo ducendi & rapiendi niteretur, id merito nusquam hodie receptum est. Sed quod illo jure vetitum fuit, in Jus vocari privatos, dum iusta mortuo faciunt, dum funus prosequuntur, dum uxores ducunt, qui sacris interfunt, qui in Jure consistunt: d. 2. & sequ. π. de In Jus voc. Cum hæ exceptiones momentaneæ sint, ac humanitatis ratione nitantur, hodieque merito observantur.

12. Nec est ratio, cur modestia veterum, non permittentium patronos & Parentes aliasque venerabiles personas, sine veniâ Prætoris in Jus vocari; ne forte famosis impeterentur actionibus; hodie nobis inepta vel negligenda videatur. Multo minus, ut, ubi adhuc veniâ Prætoris exigitur, ferendi tamen sint liberi, & qui liberorum loco sunt, famosis utentes formulis, ut quibusdam in Foris hodiernis præpostere fieri constat.

13. In Jus vocari neminem posse; nisi quatenus personam standi in Judicio è Legibus acceperit, quæ non est hujus loci res, facile constat. Verum quando qui in Jus vocandus est, foris agit, ut ejus copia haberi non possit, tum vel per requisitionem Magistratum ejus loci, in quo degit, vel per Edictum vocandus est: Et hoc quidem modo fit, si reus incerto loco vagetur, aut Magistratus requisitioni non pareat; eo, quod Jurisdictionem judicis, ad quem vocetur, non putet esse fundatam. Ejus enim rei examen ad judicem requisitum pertinet, ne cives suos temere evocari pariat; in quo stultè negligentes sunt plurium locorum Magistratus. Quod si de Jurisdictione sua Judex requirens aliud sentiat, vocationi per Edictum, quæ & semper immediate fieri potest, locus ac usus superest.

14. Quando autem Judex in homines alieno in territorio agentes habeat jurisdictionem, etsi ex his, quæ in capite sequenti habebimus, pendet, hic tamen obiter præsumendum, at inferius explicandum erit. Fit autem hoc; si judicium apud tribunal Vocantis jam fuerit inchoatum; si res de qua disputatur, in territorio vocantis sita sit; Item, si contraxerit ibidem, & bona in eodem territorio possideat. Submissio verò, quam prorogationem vocant, non sufficere ad in Jus vocationem ejus, qui in alieno agit territorio, ex his quæ in Tit. de Jurisdictione & Imperio dicta sunt, intelligi potest.

15. Sed Arrestum veteribus & Romanis incognitum, nunc in Jure Gentium, tam frequentem & notabilem respectu in Jus vocationis, usum habet, ut in hac universali disciplina tacite nullo modo præteriri possit. Arrestum in duplicem usurpatur sensum, pro decretis intractabilibus & pro jure sistendi. Priore modo, judicare per Arrestum dicuntur Judices, à quibus provocari non potest; Altera hujus loci est significatio. Vocis originem quidam è græcismo repetunt, quasi *Ἀρῆσθαι*, vel *ἀρῆσθαι*. *placitum*, *irrevocabile*; Sed verius est, celticam esse vocem è latino corruptam. *Resister* à *resistere* dicunt illi, pro remanere. Hinc veteres Galli, *Adresster*, facere ut aliquis *resistat*, remaneat, & *Arrestum*, *Adus sistendi*, ne loco se moveat res aut homo: Unde & sententia irrevocabilis, *Arrestum*, quasi res in loco fixa & immota, dicitur.

16. Sed Arrestum, pro jure sistendi figendique certo loco finiri potest ita; *Detentio personæ aut rerum debitoris, facta per Creditorem, auctoritate Magistratus, cum in Jus vocatione conjuncta* Estque vel personale, quo persona, vel Reale, quo res in loco detinetur. Prius, si debitor

debitor in fugâ sit, vel fugæ suspectus, habet summam rationem, ut tum detineatur, per Magistratum; cum & è fuga retrahi & pecunia illi ab ipso Creditore excuti possit. jure Romano l. 10. §. 16. d. *His qua in fraud. Cred.* quæ docet, tam in res, quam in personas hoc casu Arrestum esse licitum & iustum.

17. Verum hodierno jure Gentium positivo; naturale enim non est, ut mox videbimus; receptum est, ut Creditores quilibet, suos debitores advenas & peregrinos in patria suâ inventos, ob solam commoditatem illos in foro suo, non reorunt, & ad molestiam peregre sequendi lites, evitandam, convenire & ad solutionem compellere possint, quod etiam in res & jura debitorum usurpatur ubique fere gentium; ut si creditores resciscant, debitores suos alibi degentes, habere aliquas res, aut jura, vel pecunias sibi debitas, in alieno territorio, judicis imperio illa detineri curare possint; cum hoc effectu, ne restituantur, aut solvantur debitori, priusquam sibi satisfactum sit, & debitor ad judicem, cujus imperio factum est Arrestum, è suâ sede venire cogatur.

18. Si quis roget, quo jure cives alieni Imperii fortuito apud nos reperti, sine causâ Fori mutandi præviâ, per vim ad Forum apud nos eligendum cogantur, nihil proferri posse video, quam philosophiæ Hobbesianæ principium; quod in statu naturali, qualis est liberorum populorum inter se, quisque tantum juris habeat, quantum vult ac potest, & quod unusquisque jus, secundum utilitatem suam, cujus & ipse judex sit, meriatur.

19. Antiqui populi ad æquitatem & utilitatem universam potius, quam cuiusque privatam respicientes, hoc jus,prehendendi sistendique personas & res peregrinantium, captandum non puta-

runt, ut regulam juris naturæ, per quam Actor sequitur forum Rei, perverterent: idque Frius nostri vetustatis imitamento servant; utque inter se: nec aliter adversus peregrinos uterentur; nisi horum consuetudinem Frius ira apud se tractantium, per modum Retorsionis imitari cogerentur, quâ de re Sandius lib. 1. *decif. tit. 17. def. 3.*

20. Forma Arresti quatuor partibus absolvitur: Petitione cum in jus vocatione Imperio Judicis, Intimatione facta debitori, & confirmatione judiciali; quorum si vel unum sit omissum, *merito Arrestum* pro vitioso habetur; et si non desunt, qui putant, Intimatione neglectâ, possessorem rei præclusæ nihilominus teneri; Quod ut dijudicetur, est enim hujus Artis, facti speciem imaginare sis (in Arresto realitantum habere locum Intimationem, quia in personali debitor ipse adest, res loquitur) Creditor intelligit pecuniam debitoris sui peregrini esse penes Tertium, civem suum. Rogat Judicem, ut is velit Tertio imperare, ne pecuniam illam solvat peregrino, antequam sibi sit satisfactum: Judex id imperat; Creditor simul Tertium in jus vocat, ut si velit, opponat se: At peregrinum, ad quem res pertinet, certio-rem non facit, pecuniam ipsius à se esse præclusam, quæ est Intimatio. Tertius se non opponit, confirmatur in judicio Arrestum: Tertius tamen solvit pecuniam peregrino. Creditor Tertium denuo compellat, ut sibi solvat; Is opponit, Tu peregrino non intimasti. Ergo licuit illi solvere. Creditor, hoc nihil ad te; parendum fuit imperio judicis tui. Ratio speciosa, non valet tamen. Verius est, Tertium non teneri, quia Intimatio ad formam Arresti necessariam pertinet; nec enim hoc ideo receptum est, ut pecuniam alterius sine fine detineamus: sed ut nostrum, quod nobis

nobis debetur, facilius per judicem consequamur: cum absque intimatione non possit ad judicem iri, nihilque in tali Arresto sit, quam alterius impedimentum & injuria.

21. Hæc utcumque privati Juris usum contineant, publici tamen rationibus constant, in iisque etiam crebro versantur. Hinc enim quæri potest ac solet, An Principum, populorumve liberorum, res pecuniæque Arresto detineri possint, quod fieri non posse judicavit Suprema Frisiorum Curia, cum privati quidam Arrestum Curiae insinuassent Quæstori Frisiae, ne solveret pecuniam Imperatori Romano Germanico, priusquam sibi satisfactum esset, de obligatione, qua Cæsar ad aliquot Imperialium millia tenebatur, *die VII. Novembris MDCC. LXXXI.* Forteratio magis fuit Politica, quam juridica. Nam Monarchæ in contractibus utuntur jure privatorum, & quo jure nituntur Repressaliæ, eodem id genus Arresta fundari possent. Si quis dicat, Intimationem non posse fieri; potest responderi, hanc esse tantum *certificationem*, non actum Jurisdictionis, quæ in peregrinos nunquam exerceri potest.

22. De Legatis Principum etiam sæpe dubitatum est, an Arresto subjecti sint; quæ de re dabitur inferior agendi locus. Sed cadavera non esse Arresto obnoxia, tametsi nec hoc ubique servatur, merito religionis causâ Lege Romanâ constitutum, juris universalis habendum est. *Nov. 60. c. 1. & Nov. 116. c. 5.* quemadmodum & Studiosis privilegium ab Arrestis indultum legitimus, in *Aust. Habitâ C. Ne fil. pro patre.*

23. Divisio in Jus vocationis, jure Romano nulla esse videtur. At secundum hanc Artem potest dici, quod sit vel Dilatoria, vel peremptoria, quæ jure civili est differentia Citationis post litem contestatam; scilicet Peremptoria est, per

quam defensio perimitur; unde, quid Dilatoria sit, intelligitur. Jure Romano, inquam, hæc divisio ad in jus vocationem non pertinet, quia nemo unquam inaudit illo jure condemnatur: Sed est hæc res jam sine dubio juris gentium universalis, ut contumax etiam non auditus condemnatur; quod etiam utilitate publicâ non minus, quam Romanum æquitate commendatur.

24. Est etiam moris hodierni differentia in Generalem & Specialem Citationem, quam nec ab in jus vocatione distinguunt hodiè. Generalem bifariam in primis accipiunt; primò ad omnes Judicii partes & actus, quod in Foris late patentis Jurisdictionis, magis quam in minoribus territoriis obtinet.

25. Rursus Citatio, sive in Jus vocatio Generalis dicitur, quando omnes aliqujus causæ consortes, vel omnes, quorum interest, aut qui sua interesse putent, non expressis singulorum nominibus, vocantur. Sed est difficile dictu, hujusmodi in jus vocationem generalem, præjudicare causam ignorantie habentibus: ut, si venditores immobilium rerum, prius Edicto vocent omnes, qui jus in ea re sibi vindicaturi sint; Utilitas instituti in hoc consistit, quod si dein emergant, qui jus hypothecæ, vel fideicommissi in rem venditam habeant, excludantur; alioqui talis citatio incassum emissâ foret: Sed ut hac viâ, jus absentium & ignorantium extinguatur, non habet rationem. Et tamen si non fiat, hujusmodi citationis usus admodum coarctatur & fere nullus est. Proinde forte melius consultum sit, ejusmodi Citationes generales non concedi, uti nec apud nos omninò exercentur.

26. Effectus in Jus vocationis est, quod Reus sistens se, causam disceptare cogitur. Si non veniat, pro contumace habetur, & sit missio in possessionem bono-

bonorum ejus, donec eo damno mulcatus ad sit & causam suscipiat. Uterius Jure Romano, quod jam diximus, contra eos, qui vadimonium deseruerunt, & qui se nunquam stitire, non proceditur. At moribus hodiernis, ad sententiam usque res perducitur, ut Romanis quoque visum est faciendum, adversus eos, qui Eremodicium contraxerant, hoc est, qui causam semel in Judicio susceptam deseruissent: Quominus tamen hoc, ipsâ in Jus vocatione spretâ, fiat, nihil ob stare, diximus antea. Sed cum magni res illa sit præjudicii, bene consultum est in Foris hodiernis, quod contumaces non simplici vice, verum ubi spretis aliquot citationibus, obdurato contra jus publicum animo esse creduntur: Quod ipsum tamen, an in Criminalibus obtinere debeat, ob maximum rei momentum, haud immerito dubites: Aut potius non dubites, hac parte Jus civile præferre, quod & in Frisia nostrâ servamus; ne quis omnino inauditus & absens condemnatur, excepto crimine Majestatis, quod moram animadversionis non ferat. *Tit. π. de Requir. abs. & damn.*

27. Reliqui effectus in Jus vocationis sunt, quod perpetuat jurisdictionem, etsi reus deinde fori privilegium adeptus sit; quod in casu duplicis fori operatur præventionem, (quæ in criminalibus *apprehensione*; non *vocatione* committitur) quod rem facit litigiosam, ac idem inalienabilem, quod denique interrumpit Usucapionem & Præscriptionem, quæ præsumptâ scilicet derelictione, vel negligentia, quæ per citationem evanescit, nititur, & si quid amplius in usu gentium obtinet, de quo dicta non repetemus, in *Prælect. ad tit. π. de In jus vocando*.

28. Pendet horum effectuum ratio, quod ad duos quidem priores attinet, à

juris publici disciplinâ, ne jurisdictio Magistratuum eludatur; quod fieret, si quis post in jus vocationem, ad certum Judicem factam, alio se conferens, aut alii se submittens, potestatem ejus, ad quem semel jure vocatus est, impune contemnere posset; cum potius, etsi non adfectata sed necessaria sit migratio, certissime receptum sit, ut citatus, de lite eodem loco persequendâ, judicatoque solvendo cavere cogatur.

29. Eadem in summa ratio est, quod in Jus vocatio præventionem operatur inter duos Judices, habentes communem jurisdictionem, in eandem personam. Cum enim ejus, ad quem primum vocatus est, fundata sit jurisdictio, illa per citationem posteriorem subverti aut eludi non potest. Scilicet, inter ipsos judices, siue Magistratus hæc quæstio vertitur; nam inter partes litigantes hac parte, controversia litis pendens potius moveretur, cujus respectu an post in jus vocationem ad unum judicem factam, reus ad alterum, cui æquè subiectus est, vocari possit, ibique litem contestari cogatur, dubitandi non deest ratio.

30. Et certum est, nullum vel Judici, vel Actori, post in jus vocationem, præjudicium creari posse. Quare, si Judicis ea mutatione, jurisdictio coarctetur, is, quantum ad ipsum attinet, si potest, illud impediendi jus habet: verum hoc ad litigantem non pertinet. Huic igitur, si impense per in jus vocationem priorem factæ, & si quid præterea ipsius inter sit, restituantur, nihil quo se opponat, habere videtur: Ut taceam, litem proprie non pendere videri, nisi post litem contestatam: Hoc enim à juris privati disceptatione propius abest, ideoque petatur licet è d. *Prælect. loco π. 19.*

C A P. III.

Ubi quisque Agere & conveniri debeat.

Quæstionem de Foro judiciali, à rationibus hujus artis pendere. Summa de Foro regula & ejus ratio, eadem, quæ in tota regnat hac Arte: Id est, quatenus exequendi judicati facultas detur. Differentia Fori summa, Domicilii, Rei sitæ, Rei gestæ. Domicilium quid & quotuplex, & quæ causæ ad quamque speciem pertineant, ex publici juris ratione expositum. Regulariter extra forum municipii sui, neminem sistere se cogi; nec ejus uxorem & liberos alibi, quam ipse degit. Possse tamen in diversis locis habere domicilium. Originis locum non tribuere Forum, secus ac jure Rom. Rei sitæ locum, in quibus causis Forum faciat; an, & si reus ibi non reperiatur. Ad locum Rei gestæ spectare contractus, & res certis in locis gestas, haud aliter, quam si Reus ibi reperiatur. Personarum remissiones ibi non habere locum. Delicti locus an causa Fori distincta sit, quatenus id recte sit traditum. Transitus ad extraordinarii causas Fori. De privilegio tam dignitatis, ubi de militibus, Clericis, Studiosis, quam miserationis respectu. De prorogatione, remissive. De connexionione rerum; Reconventionem, quatenus ad hanc Artem spectent. De querela denegatæ Iustitiæ, & de Arrestis remissive.

QUo recte in Jusvocatio fiat, nihil prius est, quam, ut, ubi quis agere, vel conveniri debeat, intelligatur. Quod in Juris privati disciplina curate traditum, ad hanc tamen Artem vel maximè, suo modo pertinet, nec alio quam Juris publici Universalis respectu, & secundum ejus rationes à nobis tractabitur.

2. Ubi quis agere debeat, ex eo pendet, ubi quisque conveniendus sit; nam regula Juris Naturæ & Gentium non minus quam Juris Civilis est, *Aktor sequitur forum Rei*; cujus ratio non tantum est, quod hi, unde petitur, favorabiliores sint, quam petitores; sed quia res alium non capit ulum aut exitum. *Insentio enim petitoris cum sit, ut Reus*

condemnetur, & ad dandum, vel faciendum, vel ad restituendum cogatur, hoc ab alio quam proprio ipsius Magistratu fieri non potest. Nam ad hunc scopum exequendi rem judicatam; ne judicium, ubi hæc facultas jus dicenti desit, reddatur elusorium; omnem hanc doctrinam esse dirigendam, è sequentibus patebit. Adeo, ut nec submissio expressa, sive prorogatio Forum per se faciat, nisi illa cogendi facultas adsit, ut è dictis *præced. capite*, & è sequentibus colligi datur & dabitur.

3. Quoniam autem Actor, is est, à quo nihil præstandum exigitur, sed ob temeritatem actionis institutæ, mereri possit, ut in impensas condemnetur, ideo si non satis in facultatibus habeat, illic,

lie; ubi res agitur, ne iudicium reddat elusorium, merito ad agendum non admittitur, nisi prius cautionem pro litium expensis idoneam præstiterit, quemadmodum & Reus, si peregrinus aut peregre iturus sit, fundatâ in eum iurisdictione, non dimittitur; nisi cautione de iudicato solvendo, præstitâ, integram reliquerit executionis facultatem.

4. Sed ille cogendi & exequendi finis ita iudiciorum ordini præpositus est, ut tamen aliæ rationes æquitatis & negotiorum naturæ, Legislatori in conspectu sint. Ita compertum est, ad tria potissimum loca, redigi posse *Fori competentis*, ut ajunt, doctrinam; Ad locum *Domicilii*, *Rei sitæ*, *Rei Gestæ*, modo reus in hoc posteriore loco sic haberi possit, ut ad præstandum, jure cogi queat; cum alioquin historia rei gestæ nihil ad hanc rem pertineat.

5. Prima & generalis causa *Fori* est *Domicilium*, ubi quis larem rerumque suarum ac fortunarum summam constituit, & ubi finis exequendi facillime obtineri potest. Ergo *Domicilii* ratione, subiectus est quisque vel Imperio totius Reipubl. vel speciali Jurisdictioni. Et huic vel ratione *Provinciæ*, vel certi aliquis loci. Ad sedem Imperii totius Reipubl. vocari possunt omnes, illi Imperio subiecti, in causis quidem ad regimen Reipubl. spectantibus semper, & quoties id Imperantes exigunt extra ordinem.

6. Sed in privatis & judicialibus causis, non aliter, quam si aliquis *Senatus*, aut *Curia* sit, cui per omne Imperium res iudicandi facultas sit data, vel directæ primæque, ut ajunt, instantiâ, vel per viam *Appellationis*. Prioris generis fere sunt causæ *Religionis*, *pacis publicæ*, *Repressaliorum*, *Quæstionum matrimonialium*, *Devirginationum*, *Legis diffamari* & similes, ut in quâque Reipubl. visum est. Etiam causæ crimi-

nales; etsi hæc in quibusdam locis ad singula Municipia spectant. In majoribus etiam Imperiis, quod est *Curia* totius Reipubl. id sæpe tribui solet singularum *Provinciarum Præsidibus* aut *Curiis* superpremis.

7. Reliqua, de quibus non sunt *Leges speciales*, ad singulorum municipiorum tribunalia spectant; nisi quod eminentiores indigenæ, juxta eos, qui non habent fixum certo loco domicilium, ad generale Reipubl. vel provinciæ tribunal vocari possunt aut debent: Nam si in ipsorum favorem id indultum sit, aliò inviti vocari non possunt; quod secus est, si potius in favorem plebis constitutum sit, ut Potentiores ad iudicium Provinciale, ubi minus spectata sit eorum dignitas, citari queant, quemadmodum cum alibi, tum in patria nostrâ juris est, ut *Nobiles* & quicumque supra *municipes* & *agricolas* eminent, ad *Supremum* & commune *Provinciæ Tribunal* vocari possint, in gratiam tenuiorum; quia quanto quisque spectatior est in loco suo, tanto durior adversarius ibi civibus & agricolis habendus est.

8. Verum strictè & proprie, *Domicilium* habet respectum ad municipium cujusque, vel pagum, in quod egit; hac voce, non tam pro una tantum cohabitatione vicove, sed etiam pro majore territorio accepta, ut est Latina significatio, apud Tacitum de Germanis, & Cæsarem de Gallis in pagos divisus. Quisque ad ejus loci, in quo lares suos fixit, tribunal vocari potest; inde verò evocari, nisi causis *Lege proditis*, non potest.

9. Proinde, qui ad tempus in quibusdam locis agunt, fixo alibi domicilio & sede fortunarum suarum, an hi apud diætas suas temporarias conveniri non possunt? Si posse dicas, frustra domicilium esse causam *Fori* statuas: Si non poterunt, videndum, ne res arguat contra;

tra; cum peregrini etiam in locis, ubi reperiuntur, conveniri soleant, & forum eligere cogantur, ubique gentium; juxta regulam decantatam; *Ubi te invenio, ubi te judico.*

10. Distinguendum reor, inter ejusdem Reipublicæ diversa Tribunalia, & diversorum Imperiorum: In his habet locum, ut nunc est usus populorum, Regula citata, quemadmodum ex his, quæ de Arresto in cap. præced. dicta sunt, intelleximus. Sed in eadem Republ. non habet rationem consuetudo, ut diversi municipii civis, alibi repertus, extra forum domicilii sui conveniatur; etsi in quibusdam populis, ubi singulæ civitates habent conformationem, instar Reipublicæ subordinatæ, sicut in Hollandia, novimus aliter observari; sed jure positivo arbitrario, non jure gentium mero & recto: quod cum alibi, tum vim vigoremque suum obtinet in Frisia, ubi certi & noti juris est, quod ordo & summa judiciorum regula dictat; neminem extra forum domicilii, licet alibi repertum, conveniri, nec Arresto ad eligendum alibi Forum posse compelli: Quicquid civitas una Frisorum prima, sibi juris in alias, facto, contradictorie nunquam agnito, sibi quandoque arrogaverit.

11. Porro, Domicilium ita est sedes fortunæ lariumque, ut paterfamilias cum uxore liberisque in eo versetur; domus enim non est sine familia; unde Græci per οἶκος, domum, æque familiam ac ædes intelligunt. Ideo conjuges & liberi, quanquam alibi forte agentes, apud maritos suos parentesque domicilium habere judicantur, ac ita, cum jure Romano, tum moribus obtinet. Quod adeo verum est, ut tametsi mulier à viro discesserit seorsumque habitet, tamen ex mariti domicilio forum fortia-
tur, quia non potest sua procacia mutare jus publicum.

12. Sicut autem eosdem homines diversis aliquando municipiis pariter subjectos esse diximus, in lib. 2. sect. 2. cap. 1. c. 2. n. 16. Ita si quis in duobus locis, ita sese instruxerit, ut sedem fortunarum suarum utrobique collocasse videatur, non est dubium, quin utriusque loci forum sequatur: Imo licet illa minus plena fuerit instructio, si tamen alieni loci civis aut municeps, alibi domicilium elegerit, & jus civitatis aut municipale quaesiverit, quominus ibidem ex sua voluntate universæque submissione forum fortia-
tur, dubium non est.

13. Sed quod Romanis visum est, locum originis etiam tribuere forum, ut Incola tam ex loco Domicilii, quam ejus, unde ortus erat, l. 29. r. ad Municip. Forum haberet, fuit admodum illis speciale, nec rationi juris Gentium, aut Juris publici universalis consentaneum: sed longe satius est, quod ubique receptum videmus, ut domicilium, non origo, jus Fori & subjectionis adferat, quemadmodum in lib. 2. sect. 2. c. 2. n. 10. seqq. occupatum est probari; Quibus hic ratio peculiaris accedit, quod locus originis nihil facit ad coactionis facultatem, quam maxime in hoc capite spectari, inde ab initio demonstravimus.

14. Sequitur altera Fori causa, Locus Rei sitæ, quem priusquam explicemus, tenendum, Domicilii forum esse generale, quod in omnibus judiciis in rem & in personam, Civilibus ac Criminalibus, juxta locum rei sitæ, vel rei gestæ forum præstat, ita ut hæc duo priori subordinentur ac adjungantur, in causis suæ relationis. Nisi quod, ubi de missione in possessionem agitur, res loquatur, hanc rem non nisi in loco rei sitæ confieri posse. Domi alioqui suæ conventus quis habeat recusandi causam? nec usquam expeditior illum cogendi ad judicatum faciendum ratio esse potest.

15. Certe

15. Cæterum, causæ ad locum rei sitæ relationem habentes sunt Actiones in Rem; quæ non contra certas personas nobis obligatas, aut earum heredes, sed in rem ipsam, & quemlibet ejus possessorem diriguntur, ut Imperatores statuerunt in *l. ult. C. Ubi in Rem act.* Quod & moribus in Jus universale transit: Et si veteres Juris Interpretes haud temere vili sint hoc restringere ad res immobiles, quæ proprie in certo loco sunt constitutæ, ut textus ille designat; cum mobilia sint potius sequelæ personalis, nec ad stabilem situs locum se referre videantur.

16. Attamen, heic aliam potius rationem sequimur, quam in foro stabiliendo maximè considerari diximus aliquoties; an in promptu sit, effectum & vim dare in Jus vocationi, cogendis partibus ad obsequium jurisdictionis: quæ facultas æque locum habet in mobilibus, illic, ubi detinentur, quam in rebus soli. Unde, quod in casu Arresti, de rebus etiam mobilibus agi debet, hodieque passim agitur, ubi res detinentur, hoc ad exemplum in Rem actionum, quarum naturam Arresta, sicut hodie recepta sunt, in negotiis quibus applicantur, induunt, receptum est.

17. Nec opus est, ut Reus in loco rei sitæ reperitur: Sed cum juris disputationem effugere non possit, ubi in Rem ejus & præsentem possessionem movetur controversia, sistere se atque tueri debet, modo litis motæ certior fiat, atque citetur, quod vel per requisitionem sui Judicis, vel per Edictum fieri potest, ac solet: Cum enim Actor præsentaneam agendi & exequendi, per suum judicem, habeat facultatem, non est, quod foris adversarium quærat. Quod cum ubique Gentium, moribus & jure receptum sit, facile est animadvertere, non tam ejus unde petitur favo-

rem, quam cogendi facultatem esse causam regulæ, quod *Actor sequitur forum Rei.*

18. Tertia Fori causa loco Rei gestæ adscribitur; juxta domicilium, quod hic etiam concurrere, denuo inculcandum est. Locum autem Contractus non hunc semper, in quo historia rei gestæ ulu venit, sed magis quem contrahentes respexerunt, idque præ se tulerunt, accipiendum esse, ratio dictat, quæ est in tacito partium consensu; quod ibi maxime de jure rei ab se gestæ, ubi cum inter se obligarentur, versati sunt, agi voluerint.

19. Quid autem? An sola partium intentio Fori causam præbere potest, quando ne conventionem quidem expressâ jurisdictionem mutari posse, vidimus in *sect. præced. cap. ult. n. 34.* ubi de prorogatione, sive submissione, probavimus, eam non aliter habere effectum mutandæ jurisdictionis, quam si Reus in territorio Judicis, cui se submitit, reperitur. Scilicet, ita se res omnino, etiam quod ad locum Contractus attinet, habet, ut, ubi quis contraxit, ibi conveniri possit, si reperitur illic, aut bona duntaxat ibidem sita habeat, in quæ missio, si reus in loco contractus se non sistat, fieri queat.

20. Quod autem nonnullis visum est, si reus in loco, ubi contraxit, sistere se nolit, eum illuc à Magistratu suo requisiti esse remittendum, adeò non habet rationem, ut verius sit, judicem requisitum non teneri, ne quidem ex humanitate, civem suum, qui contraxit, aut se alii judici submitit, aliò in jus vocandum permittere, vel imperare, ut eo se conferat; quia plus habet rationis, si ipse juri in suum civem dicundo paratum se profiteatur, quam ut illum foras evocari patiatur.

21. Ad rei gestæ locum retulimus
Y y y 3 etiam

etiam Delictum; Et si, an æque Juris id universalis sit, quam Juris Romani esse creditur, merito dubites. De jure Romano hac parte diximus in *Prælect. ad tit. π. de Judic. n. 57.* eoque satis constat, Reos criminum alibi repertos, ad locum maleficii perpetrati esse remittendos *Nov. 134. c. 5.* quod diversis ejusdem Imperii locis habet facultatem: non æquè in diversis Imperiis; cum inter ea cesset obligandi vis, quâ judices reum à se captum in locum admissi delicti remittere debeant.

21. Unde sic ubique receptum esse videmus, ut criminum rei, quocunque loco reperiuntur, ibi supplicio adfici possint, nec usquam validius obtineat ista regula; *Ubi te invenio, ibi te judico.* Id enim fieri, interest humani generis, ut auctoritatibus & exemplis probat, in usum popularis sententiæ, Sandius noster *lib. 1. tit. 1. def. 6.* Et si verum est, utilitatem exhibendi supplicia, in locis malefactorum admissorum facere, ut mos remittendi reos criminum alibi captos, ad judicem loci, passim ita receptus sit, ut rogantibus haud temere negetur, quo facit ratio *l. 28. §. pen. π. de Pen. Ut & conspectu deterreantur alii ab hisdem facinoribus, & solatio sit cognatis & adfinibus interemptorum; eodem loco pœnâ redditâ, in quo Latrones homicidia fecissent.*

23. Ex his apparet, quo sensu locus delicti causam Fori tribuat, quatenus illi prærogativa remissionis debetur, in eodem quidem Imperio ex necessitate, si Leges Reipubl. ita ferant, (nec enim ubique tales extant, quomodo in Hollandia non tenentur singulæ civitates, quod sciam, illa necessitate) in diversis autem Imperiis, ut dictum, ex humanitate; tam prægnante tamen officii ratione, ut à jure parum abesse videatur.

24. Atque hæ sunt causæ Fori ordi-

nariz. Dantur etiam extraordinariæ; quibus Forum alicui non competens, sit, ut vulgò loquuntur, *Competens*, quarum, ut ad hanc Artem pertinent, hæ sunt species, Prorogatio, Connexio rerum, Reconventio, Denegata Justitia, Arrestum; de singulis aliquid ad hujus disciplinæ modum.

25. Privilegium datur vel dignitatis, vel miserationis causa. Priore respectu Illustres personæ ubique fere sunt privilegiatæ, ut nonnisi ad Supremum, vel certum eminens Judicium vocari possint: Cujusmodi quod jure Romano datum est, non magis hic opus sit exponi, è titulo *C. ubi Senat. vel Clariss.* quam aliarum gentium mores, quorum magna varietas est, recenseri possunt. Sua cuique patriæ instituta facile consent, idemque de Fiscalibus causis intelligendum.

26. In modicis Respublicis, ubi non sunt Illustres, eorum loco Nobiles & civium Excellentiores aliquando funguntur. Et si verum est, eorum jus singulare Fori, esse quidem privilegium semper, quatenus hac voce jus singulare significatur; non esse tamen privilegium, ut hoc jus in favorem alicujus constitutum denotat: Magis enim esse, uti, quod nobiles & civium eminentiores ad Suprema Tribunalia vocari possunt, id in favorem tenuioris fortunæ hominum, & æqualitatis quam dignitatis causâ institutum videatur, antea diximus: Nisi hoc modo servetur, ut Nobiles & Eminentiores ad suos iudices, quibus in ordinariis causis subjecti forent, in jus vocari nequeant; Id enim à dignitatis ratione minus alienum & privilegio proprius esset.

27. Ad causam dignitatis spectat etiam Privilegium Militum, quibus ubique videmus indultum, ne alibi, quam apud Magistros suos, quos propriè Magistratus

stratus non esse, probavimus antea, conveniantur; quod à Romano Jure fluxit in omnium gentium mores, iussufragante varione, de qua noti Satyrici versus, non Satyrici.

Legibus antiquis castrorum, & more Camilli

Servato, miles ne vallum litiget extra,

Et procul à signis: iustissima centurionum

Cognitio est igitur de milite.

Non immeritò tamen hæc multis exceptio placuit, quod in delictis non militaribus, & communem civitatis quietem turbantibus, milites etiam à civili Magistratu coerceri atque puniri possunt; quo respectu ita fere servatur, ut jurisdictio communis habeatur: In quâ prævenientis potior sit conditio, ut ab eo qui prior reum apprehendit, cognitio & animadversio exerceatur: Et si non defunt Respubl. in quibus, Militia separatam fere ordinem constituens, ad suos Magistros ita perrinere judicatur, ut capti à Magistratibus milites, ad ipsos remittendi sint.

28. Pontificum Romanorum potentia fecit, ut & Clerici ordinario & Seculari, quod vocant Foro, subducti proprium habeant Forum Ecclesiæ, de quo notæ sunt Juris Canonici constitutiones, & usus per omnem Europam, quatenus adhuc adorat Papam: etsi jam à Græcis Imperatoribus hujus rei initium factum est, in l. 13. C. de Episcop. Audiens. & l. 33. C. de Episc. & Cler. idque longius proVectum à Justiniano in Nov. 83. N. 123. C. 21. ubi tamen, si jus ab Episcopis non dicatur, res ad judices privatos deferatur, quemadmodum & communia Clericorum delicta iisdem relinquuntur, Ecclesiastica verò Episcopis.

29. Pontifices forum Ecclesiæ tam

proprium Clericis suis esse voluerunt, idque sine distinctione civilium & criminalium causarum, ut ne quidem in singulis causis, eis foro suo renuntiare permiserint c. 8. x. de Judic. Cap. si diligenti, cap. significasti x. de For. comp. quod alioquin omnibus in universum privilegiatis, etiam in Fori causâ, proculdubio licet. l. 51. C. de Episc. & Cler. nisi alterius & maximè Superioris interlit.

30. Non potest negari, quin artificiosissima sit structura magnæ illius Civitatis, quam è tot gentibus, ambitioni flagrantissimæ Regum & Principum subtractam, Imperio Monarchico, exquisitâ independentiâ, Pontifices stabiliverunt. Digna res ingenio eruditæ calliditatis, quâ Principibus & populis superstitione rerumque bonarum ignorantia involutis superbè ac insolenter illuserunt. Et si verum est, quod olim Cicero ad Luccejum scripsit, eum, qui semel verecundiæ fines excessit, oportere graviter esse impudentem, ne quidem id reprehendi potest, quod Renuntiationes fori, quibus ordinis ipsorum dignitas & synceritas, si res crebro ad executionem veniret, notabiliter dehonestata fuisset, interdicendas putarunt.

31. De Jure si quæras, externo, dubium non est, quin jus illud optimum sit, patientiâ & consensu populorum atque Regnantium: Jus vetus & authenticum est quidem, *ἐν πᾶσι τοῖς ἱερατοῦς ἱερατοῦς, ὡς ἐν τοῖς*, *Omnem animam majoribus subjectam oportet esse Potestatibus, ad Rom. 13. v. 1.* Sed hoc nihil impedit, quominus ipsorum consensu populorum, sacer ordo seorsim potius, & cum honoris aliquo hac parte respectu, quàm ut *ἡ πᾶσι δῆμος*, nullo à vulgo discrimine censeatur. Hæc junge sis, iis quæ dicta sunt in lib. 2. sect. 3. cap. 7.

32. De privilegio Studioforum, quod

dedic

dedit iis Fridericus Barbarossa in celebri *Authent. Habitâ C. Ne fil. pro Patre*, quod satis ad hanc rem sit, diximus in *d. lib. 2. c. 3. n. 7. & seqq.* ad cuius Authenticæ Constitutionis exemplum formata est Academia, cui nos ætatem & studia nostra consecravimus, ab Illustribus Frisicæ Ordinibus, Franekeranâ: purius & decentius quam alix plures, quâ de re diximus in *Prælect. ad Tit. π. de Judic. n. 13.* ubi, & insequentibus plura ad hanc rem pertinentia, nec ab hac Arte aliena collocavimus; sed modus est habendus, ne moles, operis, si qua futura sit, gratiam corrumpat.

33. Altera causa Privilegii forensis est *Miseratio*; quo respectu consultum est pupillis, viduabus, diuturno morbo fatigatis, debilibus, aliisque fortunæ injuria Miserebilibus personis, quibus hoc datur favoris, ut adversarios suos ad Comitatum Principis, vel ad Supremam Curiam, prima instantiâ vocare, sed ipsi illuc ita vocari non possint; ut nec sumptibus vexentur, & validum adversus potentiam adversariorum suorum habeant remedium; quod ita constitutum Jure Romano in *l. un. C. Quand. Imp. int. Vid.* durat ubique fere gentium & rationem habet universalem.

34. Quo autem jure, quod de pupillis sancitum est, ad puberes & omnes, qui sub Curatoribus agunt; & quod de viduabus, hoc ad virgines productum sit, aliaque hujus capituli memorabilia, repetere non sustinemus, è prædicto *ad Tit. π. de Judic. loco n. 60.*

35. Hæc igitur de Privilegio Fori dicta sunt: De *Prorogatione*, quæ fit per submissionem alicujus, sub alienâ jurisdictione, quâque Foro quis extraordinario subjicitur, etiam occupatum est agi quod satis huic Arti sit, in *sect. 1. huj. libri cap. 6. n. 34.*

36. Tertiâ Fori extraordinarii cau-

sam diximus, esse *Connexionem rerum*, qua fit, ut litis alicujus consortes, ne continentia causæ dividatur, ad alienum judicem ire cogantur: quod fit quidem bifariam, vel ut ad Tribunal, cui nec mediate nec immediatè subjecti sunt, vocentur; vel ad tale, cui nonnisi per viam provocationis subjiciuntur. Prius tum maximè fit, quando situs rerum facit, ut lis apud certum judicem, tam diversi, quam ejusdem Imperii, quæ ad plures alibi degentes pertinet, inchoata, nonnisi omnibus instantiis in unam conflatis, absolvi possit. Veluti, cum ad hereditatem aliasve res communes dividendas, plures è variis locis socii convocantur; aut unius debitoris, qui solvendo non est, Creditores, ad ejus bona distrahenda conveniunt. Quod denique, possessionis & proprietatis quæstio, super eadem re, ab eodem judice decidi solet, etsi aliter ratio Juris ordinarii ferret, huc referendum est.

37. Alter casus habet terminos ejusdem Imperii; Quoties causa, licet ad situm rei non habeat respectum, contra plures ejusdem consortes, variis sub judiciis inferioribus degentes, movetur. Quia non expedit, singulos reos apud suos judices conveniri, & tot lites, quot sunt homines, diversas agi, datur ubique facultas Actori, omnes ad idem Tribunal, omnibus, etsi mediatè commune, hoc est, ad Supremam vocandi Curiam. Quod cum ita reale & inevitabile non sit, quam est rerum Communium situs & individuitas, sed magis arbitrariæ utilitatis, ideo in diversæ Reipubl. cives non valet; nec hos propterea Magistratus sui prudentiores, evocari patiuntur; qui propter res alibi sitas & actiones in ipsam rem conceptas id nullo modo recusare solent.

38. Quarta causa Fori extraordinarii & *incompetentis*, est *Reconvectio*, quæ dicitur;

clitur; per quam is unde petitur, Actorem peregrinum apud suum Judicem, de quavis alia re, vicissim convenire potest. Cujus rei tanta commoditas & rationis evidentia est, ut nusquam gentium recepta non sit; an tamen usque adeo, quo Justinianus Imperator ejus usum intendit, hodie valeat, ut, si Reus sui judicis tædio, pendente lite, quæ movetur ei ab alio munice, eundem apud suum, domi suæ judicem, si maxime velit, convenire nequeat, ut est in *Nov. xvi. cap. 2.* non habeo dicere.

39. Sed hoc requisitum Reconventionis est hujus loci, quod ita demum fieri possit & debeat, ut nullam in ordine civitatis Judiciorum confusionem pariat; Unde nec in Criminalibus invicem causis, nec in extraordinariis summarisque judiciis, ordinariorum reconventiones judiciorum admittendæ videntur. Plura, quæ ad hanc rem & præcedentem pertinent, *ad Tit. x. quib. caus. ad eund. jud. eatur.* petenda relinquimus.

40. Quinta causa, per quam non competens alicui Forum, fiat ordinarium, & hujus maximè loci, est, *Denegata querela Justitiæ*, facta scilicet à judicibus inferioribus. Quæ causam præbet extra ordinem, vocandi adversarium ad supremum, cui alioquin immediate non erat subjectus, Tribunal. Denegatam autem dicimus Justitiæ, non, quando male administratur: Id enim per Appellandi remedium rescinditur; sed quando Judex inferior officium recusavit suum, nec omnino juris publici copiam facere voluit: Id demum est, denegare Justitiæ.

41. De Arresto, cui ultimum Fori non proprii causam adscripsimus, actum in *cap. 2. hujus sectionis*, in quo demonstratum est, non modo eum, qui repertus est in alieno territorio, per Arrestum cogi posse, ut ibi Forum eligat; quod ut hodie mores seculi sunt, parum abest, quin ordinem Fori competentis non excedat; sed etiam peregrinus, si quando res aut debitum ejus in alieno territorio situm sit, Arresti jure ipsemet è sua Patria, ad locum illius Arresti (nî rem debitumve suum amittere velit) transire, seque ibi Judicio sistere compellatur.

42. Cæterum, in Jus vocatus ad Judicem *incompetentem*, ut loquuntur, cui vel jure communi, vel privilegio subjectus non est, tamen sistere se debet, ut Romanis olim placuit, ratione, ut videtur, universali; ne auctoritatem Magistratus, sive ut illi loquuntur, Majestatem Prætoris sprevisse videatur, quâ de re est *Tit. in x. In jus vocati ut eant*: Non tam utique, ut ibi causam disceptet, quàm rationes, quæ ad fori declinationem serviunt, alleget.

43. Ex ratione tamen Juris publici, non opus est, Exceptionis judicio; quo sæpe fit, ut rejecta exceptione, aliquis sine causa Judici non suo fiat obnoxius, & impensis oneretur, sufficit allegare suas rationes voce scriptove, modesteque protestari, vocationem esse ipso jure nullam, eaque non teneri vocatum. Sed an tutum sit, hac protestatione defungi, politica & facti quæstio fuerit, potentiâ Judicis, domicilio & patrimonio rei conventi, aliisque rationibus æstimanda.

C A P. IV.

De Ordine Judiciorum.

Initio Judicii, tempus deliberandi esse concedendum. De litis contestatione, & usu ac proprietate Exceptionum à Romano jure discrepante. Disceptatio Causæ. Interventiones. Probatio quid & quotuplex. Testes quinam penitus prohibeantur, quinam in certis causis, & quinam admitti minorem fidem mereantur. Invitos plerumque, judiciali testimonio fungi, quibusdam exceptis; quo numero & modo interrogandi, ubi de jurejurando. Attestationes scriptas non habere vim probandi; Extra judicium, neminem cogi ad testimonium perhibendum. De Instrumentis & eorum differentiis. Publica quænam, ubi de Notariis & Protocolis & exemplis authentica vi muniendis. Instrumenta privata fidem an aliquam habeant, ubi de comparatione literarum, de rationibus Artificum & Mercatorum. Præsumptio quid, & effectus earum varius, pro variis illarum speciebus. An adeo confertim & valide cumulari possint, ut plenam faciant probationem. Ordo procedendi in Criminalibus, ubi de Quæstione per tormenta.

Post in jus vocationem, è vestigio reum ad litem urgere contestandam, etsi magis est, ut hic rigor, hodiernis moribus obtineat, incivile videtur. Romani rectius Edi jubebant actionem & instrumenta probationis, ut ex iis rei copiam deliberandi haberent; cedere, an contendere satius foret, in quem usum Justinianus spatium xx. dierum indulgit, quo elapso, respondere cogentur, in *Authent. Offeratur C. de Lit. contest.* quod etsi jure universalis non sit receptum, officio tamen judicis, aliquod deliberandi tempus indulgeri posse atque debere, non est dubitandum.

2. Si reus cedendum haud putet, responsum meditatur, quod pertinet ad litem vel sufflaminandam, vel contestandam. Prius, si vel forum neget esse legitimum aut sibi tutum, vel iudex sit suspectus, aut Procurator non sit jure

datum, aliæve causæ, quomodo adhuc est, non teneatur ad litem contestandam: cujusmodi rationes vocantur, *Exceptiones*, in Foro potius, & in hac Arte universalis, quam jure Romano. Quas antequam lis inchoetur, iudicis interlocutione rejici oportet.

3. Litis autem contestatio committitur, quando quis ad Actoris intentionem ita respondet, ut vel neget, se ullo modo, vel saltem adhuc, esse condemnandum. Qui negat omnino, hic vel ait, se nullo modo teneri, nec obligatum esse penitus: vel, etsi obligatio civilis subest, aliquâ tamen æquitatis ratione, non esse faciendum, ut condemnetur in totum vel in tantum; veluti coactum se, vel dolo inductum esse ad contrahendum, vel pactum esse, ne petatur; eo denique pertinent omnes, quæ in Jure vocantur, *Exceptiones peremptoræ*,

emptoriae. Qui autem adhuc se cum effectu, vel eo, quo convenitur, modo teneri negat, habere dicitur Exceptionem dilatoriam jure Romano: Moribus enim hodiernis, qui magis ad hanc Artem spectant, Exceptiones solummodo vocantur, quibus impeditur litis ingressus, & opponuntur Defensionibus, cujusmodi remedia sunt hoc articulo commemorata.

4. Post litis contestationem, quæ apud Romanos veteres Testato fiebat, unde nomen; sequitur, ulterior disceptatio, per Replicationes, duplicationes, Triplicando, Quadruplicando, Quintuplicando, sextuplicando: Et si ad ambages præcidendas, Quadruplicatio terminus esse solet; in multis etiam Foris, non male, prohibitum est, ultra duplicationem procedere; ad amputandas repetitiones otiosas & supervacuas cavillationes.

5. Interea fiunt etiam sæpius Interventiones, quando alius Reum suscipit defendendum & litem in se transfert, quod nec actor, si caveatur ipsi, recusare potest; item Reconventiones, de quibus in *cap. præced.* actum, & quæ duplex judicium faciunt, sive duas, ut loquuntur, Instantias; quomodo appellantur causæ aliis junctæ, de quibus actione propria disceptari potest.

6. Si partes de facto notabiliter, ut juris inde varietas oriri possit, discrepent, fiunt ab illis, & fieri debent, ut plurimum ad judicis interlocutionem, Probationes per testes & instrumenta. Reprobationes quas vocant, ad probata partis adversæ ultro citroque refutanda; & quicquid amplius ad juris & facti declarationem requiritur, id in Acta redigi, Adversario ventilandum & Judici ad scopum victoriæ obtinendum proponi solet & debet.

7. Probationis scholastica & antiqua

divisio est, in Artificialem & Inartificialem. Artificialis fit per rationes & argumenta è rerum natura & circumstantiis petita. Inartificialis, quæ dicitur, per Testes & instrumenta: & hæc species nomine probationis maxime demonstratur. Alterum genus disceptatione verbali magis perpetratur, ad quam nihil opus est interlocutione Judicis, nec eget expositione nostra. De Testibus & Instrumentis, cum usus eorum æquè in publicis ac in privatis obtineat, paucis agendum.

8. Cum probatio sit Legitima Fides, de re gestâ judici facta, res loquitur, debere Testes esse personas, quarum dicta fidei ejusmodi Legitimam facere possint; ejusmodi qualitas aliis quidem omnino deest, in aliis imbecillior est. Omnino deest, vel in omnibus, vel in certo genere causarum. In omnibus, fidei faciendæ inhabiles sunt, ut res loquitur, dementes, & furiosi; cum quibus prodigi, quibus bonis interdictum est, comparantur. Impuberes etiam, non obstantibus exemplis in contrarium, cujusmodi illustre præbet in *vita Marcelli* Plutarchus. Cum ille Capitolinum stupri filio suo illati accusasset, deficientibus omnino testibus; ita Plutarchus, καὶ μάρτυρες οὐκ ἔστιν ἡ λόγων γὰρ ἡ ἀλήθεια, ἡ δὲ ἐκ μὲν πρὸς τὸ πᾶν, τῇ βουλῇ. Παραγνομήν δὲ ἰδόντες τὸ ἰσχυρὸν καὶ δίκαιον; καὶ μνημονεύοντες αἰτίας καὶ θυμολογίας τὸ αἰδούμενον, ἰδόντες ἄλλαν διαθήκην πικρῆς καὶ πικρῆς καὶ χρεώσεως ἐξῆλθον τὸν καπιτωλῖνον. Cum nullus esset testis eorum quæ dicebantur, visum est Senatui, puerum esse arcessendum. Quo ingresso, cum ruborem ejus & lacrymas & verecundiam infestæ iracundiæ mixtam, nullo alio opus esse rati iudicio, Capitolinum in multam pecuniariam condemnarunt. Bene de pecuniâ: Nam si poena Capitalis irroganda fuisset, credo, magis hæsitassent.

9. Prohibentur adhuc surdi mutique simul,

Z z z 2

simul, & Intestabiles, quibus ob magnitudinem infamiae testimonio interdictum, ut Lenones & scorta publica; quibus quod jure Romano Hæretici & Perduellium libri accensentur, non habet rationem juris universalis nec æquitatem.

10. In quibusdam causis, prohibentur, Surdi, cæci, in iis scilicet, quibus visu vel auditu opus est; Muri, si quod perceperunt, scribere nequeant. Mulieres usu gentium positivo, non ex jure naturæ derivato, in Testamentis; cum ratio in his nihilo magis illas, quam à judiciis excludat. Minores annis xx. in criminalibus jure Romano prohibentur, quod hætenus receptum est, si veritas aliter haberi possit: In criminibus difficilius probationis, magis est ut admittantur, maxime si testes habeant consentientes.

11. Huc etiam pertinet, quod nemo testis esse potest in causâ penitus, aut ex parte propriâ, in quâ lucri vel damni ipsius ratio vertitur, quos inter consortes criminum, haud perinde qui læsi sunt, ubi publicè contra maleficos proceditur; tales enim admitti solent & debent; nisi cum ad id quod sua interest agunt. Nec quidem in articulo Mortis facta declaratio, de proprio facto valet, etsi Theseus apud Euripid. *Hippol* v. 319. vim ejus cum jurejurando comparat.

Ποῖος γὰρ ἔργου κρείττους, ἢ τοῦ λόγου;

Τῆς δὲ οὐ γένοιτ' ἄν, ὥστ' εὖ κίμαι φρονεῖν.

Quodnam potius esset iusjurandum, quæ rationes

Hoc meliores chirographo, uquod te coarguat?

Relicto scilicet, à Phædra & suspensione sui obsignato.

12. Denique, nec patroni vel Advocati & Procuratores in eadem causâ, ne

quidem diversâ instantiâ pro suis mandatoribus aut clientibus admittuntur: Etiam domestici testes prohiberi dicuntur, qui tamen non testis sed necessitudine æstimantur, si talis hæc sit, ut imperium in medio sit, veluti inter parentes & liberos, virum & uxorem. Inter fratres, quamdiu sunt in eadem domo, non videtur esse dispar ratio: Separati, imperio non tenentur; Ideoque frequenter admittuntur, ut & cognati ulteriores, tamen etsi non sint omni exceptione majores. Denique, Amicitia & Inimicitia gravis aut intima prohibet. An & subiectio infra Magistratum aut Principem? non videtur, si nulla testis utilitas privata vertatur; nec quidem ut juramentum subjectionis, quod aliqui volunt, remittatur, cum hoc à testimonii in judicio præstandi causâ prorsus alienum sit, necesse videtur.

13. Quænam sint causæ, propter quas minorem aliqui fidem mereantur, Judicantis officio magis, quam certis regulis comprehensum videtur. Enimvero qui suprà non simpliciter, sed in quibusdam rebus prohibiti sunt, hi in exquisitis magni momenti causis, quarum notitia per alios haberi non potest, admitti solent, non tam si per se consistent, quam si per alios testes validasque præsumptiones adjuventur. Item cognati ulteriores, amicitia inimicitia ve noti tralatitiâ; Infames insigniti, denique viles & sordidiores, χαμερπὲς καὶ ἐπιδηροί, abjecti humique repentes, quos vocat Justinianus in *Nov.* 90. c. 1. Denique, prohibiti absolutè cum rarè producantur, ita ferè usu venit, ut plerique partibus recusati testes admittantur, salvo jure reprobandi, id est, fidem cum bonis rationibus diminuendi.

14. Testimonii perhibendi publicum est officium, ad quod etiam invitos compelli Reipubl. interest, ut tamen excipiantur

pianus personæ proximâ necessitudine conjunctæ his, contra quos producuntur; quod tamen quo usque extendatur, juris est positivi & arbitrarii; Ad quintum usque gradum inclusive, ut ajunt, Romanis id extendere visum *l. 4. §. 5. de Testib.* Quod in Criminalibus summam habet rationem: In civilibus, propinquos ad quintum usque gradum eximere necessitati, copiam veri adversus personas conjunctas faciendi, non caret notabili incommodo. Ideoque à Græcis & Basilicis *lib. 21. tit. 1. add. l. 4.* & in quibusdam Tribunalibus, hæc remissio ad maleficia famosasque duntaxat actiones, non sine magnâ causâ restringi solet. A patronis olim adversus clientes suos non exigebatur testimonium, auctore Gellio *lib. 5. c. 15.* quod ad Patronos causarum extendi solet: Modo veritas aliter constare queat. Nam si ab Advocati conscientia, momentum omnis causæ penderet, ferendum non esset, ut Reus hunc sibi patronum deligendo, probationis copiam adversario interciperet.

15. De numero Testium habemus hoc dictum sacris & profanis scriptoribus usuque populorum approbatum, Unius testimonio non esse credendum. Ex ore duorum vel trium omne constare verum. Et quidem duo, si omni exceptione majores sint, audiuntur; nisi quod pro negotii naturâ atque momento & qualitate personarum, judex aliquando plures requirere posse videatur. Plures verò singulares, qui aliis aliisque locis & temporibus super eodem facto loquuntur, non facile ad fidem faciendam conjunguntur; nisi valde confertim & constanter *omnibus in unum rei finem conspirantibus & concordantibus*, ut ait lex *16. C. de pen.* Uni igitur, licet omni exceptione majori non habetur fides; nec tamen numerus omnimodo prævalet; nec respici oportet ad multitudinem, sed ad

synceram testimoniorum fidem, quæ ex auctoritate quoque & dignitate personarum & rationibus colligitur, ut quibus potius lux veritatis adfuerit, animum advertamus, ut est in *l. 21. d. Testib.*

16. Debent autem jurati esse Testes; injuratis non creditur, quod ut Jure civili cautum *l. 9. l. 18. C. b. r.* ita ubique receptum est. Unde Mennonitæ, quos vocant, saltem qui Deum testem invocare nolunt, quæ de re diximus in *lib. 2. sect. 6. c. 3. n. 22.* re infectâ dimittuntur; alicubi etiam male mulctantur. Sed male, cum religionis causam, licet erroneam, habeant. Cogitandum potius, an non temperamentum aliquod inter invocationem Numinis, ad fidem faciendam & ad leverationem simplicem, præter id quod vulgò adfertur, ut fallaciæ comperti tanquam perjuri puniantur, inveniri possit; quod ipsos in præsentî animos adficiat. Si Mennonitæ, quibus & Sociniani hac parte plures accedunt, adduci possent, ut formulam Quakeris in Angliâ præscriptam sequerentur; *Adfirmo verè, ut in conspectu Dei*, quem admodum Londino scriptum fuit, in Novellis Harlemensibus *die 2. Maj. 1689.* Existimarem, ejusmodi adsertionem juramenti loco in judiciis, haberi posse, ejusque vim & virtutem satis exhibere, secundum ea quæ diximus in *d. c. 3. n. 22.*

17. Quæ præterea, ad doctrinam de Testibus spectant, *περὶ μαρτυρίας* sunt, quam ut huic instituto convenient; nisi quod duæ res adjici merentur. Una, scriptas attestationses, licet *ἀποχρηστικαί*, vel à Testibus dictatas aut subscriptas, non facere fidem in judicio; quia nimis crebro compertum est, illas dissolutè nimis & ambitiosè, nullo judicis examine, nullis adversarii interrogationibus cohibitas vel ad temperatas dari. Altera sit Admonitio, neminem cogi extra judicium, vel ut reum, vel ut testem ad interrogata

privatorum respondere; non modo, si per homines publicos interrogentur, sed ne quidem, si quis ad Judicem, cui subiectus est, aliter, quam si Magistratus aut iudex aliquem ex officio interrogandum putet; Auctoritati enim publicæ obsequendum, quæ cessat in prioribus, quando personæ publicæ, aut ipsi Judices officium singulis, rogati impertiuntur, *mercenarium* quod vocant. Planè, quominus ex magnâ causâ testes in perpetuam rei memoriam, præsentibus iis quorum interest, Magistratibus antelitis contestationem examinentur, ratio non vetat. Modus autem illam rem administrandi, & cætera Testium Examen spectantia juridiciale, petenda sunt è *Pælect. ad Tit. π. de Testibus.*

18. Eadem remissione utemur in capite de Probatione per Scripturam, ubi pauca ad hoc institutum necessaria delibaverimus. Scripturæ quibus Judici intentionis nostræ fit fides, Instrumenta vocantur, *eximie*, tametsi Testes etiam, Judices & causas *instruunt*, unde nomen *l. i. π. de Fid. instrum.* Sunt autem Instrumenta Publica vel Privata. Publica vel strictè & propriè, vel latius & impropriè accipiuntur. Strictè publica sunt, quæ habent Reipubl. auctoramentum, ut sunt tabulæ censuales, apochæ publicarum functionum, quæ dicuntur in Codice Justinianæo, id est, Tributorum & Vestigialium. Acta judiciorum, vel extrajudicialium negotiorum apud officium celebrata. Denique, Negotia privatim contracta, inque scripturam redacta, dein recognita in iudicio, publicoque munita sigillo rectè eodem strictiore sensu publica censentur. Laxius & impropriè instrumenta publica vocantur, quæ à personis publicè ad hoc constitutis, scripta vel confirmata sunt; quibus accensentur Relationes scriptæ personarum, quæ in publicis occupatæ

officiis, de rebus à se gestis vel executioni datis testimonia perhibent. Tales etiam erant olim Argentarii & Tabelliones, qui chartas puras agere dicuntur in *l. 3. C. de Tabular.* quorum à verè publicis in hoc elucet differentia, quod hæc sine Testibus non probant, qui in vere publicis non desiderantur *l. 19. in pr. C. de Testam.*

19. Tabelliones hodiè vocantur Notarii; qui non magis quam Procuratores, in Jure publico cuperent esse *ἀσφάλτοι*; Est igitur Notarius, *Vir bonus, Acta secundum Leges concipere peritus, eamque ad rem publicè constitutus.* Virum bonum esse debere, natura negotii & gentium leges requirunt. De peritia secundum Leges scribendi ut rectè judicetur, examinandi sunt, priusquam admittantur, ut fit. *Publicè constituuntur*, & ab his qui Summam habent Potestatem; Refertur enim jus creandi Tabelliones ad minora jura Majestatis; quia privatis hominibus publicam tribuere potestatem & auctoritatem, Magistratus officium excedit, ut in loco suo dictum est: Ad modum exercendi officium illorum pertinet imprimis institutum habendi Protocolla, quasi *πρωτόκολλα*, quæ Justinianus appellat in *Nov. xv.* licet alio sensu. Nam ibi significant chartas, in quarum capite habentur inscriptiones quædam auctoritatis publicæ. Juxta usum hodiernum, nihil aliud esse debent, quam memoriales scripturæ Tabellionum, quibus in Codice aliquo summa gestorum collocatur; sed usus earum fere talis est; ut ipsa Authentica instrumenta in illis conscribantur & consignentur; unde nonnisi exempla partibus eduntur; Quæ fide manuque Tabellionis munita vim probandi in Judiciis obtinent, semperque recursum ad Authentica præbent: Cujus rei fructus Reipubl. saluberrimus inde constat, quod ubi talia protocolla non

non exercentur à Tabellionibus, maximi quæque momenti negotia, pereunt his quorum interest; quando fortuitis casibus, qui regnant in rebus humanis, Instrumenta amitti contingit, quemadmodum hujus rei in utramque partem experientiâ enixè constat.

20. Cæterum, è descriptione & diversitate Publicorum, quid privata sint instrumenta, facile colligitur. Idcirco differentiam effectus inter has species collocemus, quæ est hæc, quod Publica sola probant; nisi quod pluribus in locis haud immeritò servatur, ut tribus munita testibus, probandi vim habeant. Reliqua chirographa & scripturæ, nec in publico, nec à personis publicis confectæ, nec trium habentes subscriptionem testium, nonnisi adversus eum, à quo scripta sunt, rectè proferuntur. Quo, suam esse, negante manum, comparatio literarum fieri solet, idque jure Romano cautum est, è tali instrumento quod per se vim probandi habeat, aut sane, de quo non dubitetur, quin sit ejus, de quo ambigitur, manus; Ut tamen hæc comparatio nonnisi verisimile præbeat argumentum, tam ex ejusdem Romani, quam Universi Juris ratione, cum, quia aliter scribimus alio tempore, tum, quia *nunquam defuerunt homines, qui ad imitationem alienarum literarum semetipsos maxime exercerent*, ut ait Justinianus in *Præfat. Nov. LXXIII.*

21. Ab hac regula de privatis scripturis una est exceptio, late patens, in mercatoribus & Artificibus promiscuis, quorum Memoria rationales, sive codices rationum habent vim probandi, accedente jurejurando, quod emplastrum æris alieni vocabat olim Laberius, vel morte Scriptoris, ut universali fere per omnem Europam consuetudine receptum est; Institutum à Jure Civili alienissimum, quo perniciosum judicatur, ei

credere scripturæ, qua unusquisque sibi adnotatione privata debitorem constituat *l. 7. C. de Probat.* Sed postquam vetus Nomina contrahendi modus, qui collatis rationibus fiebat, in desuetudinem abiit; nec in mercatura, quæ confertim exercetur, chirographa identidem commutari possunt, publica necessitas hunc morem sane quàm periculosum invexit; non neglectis tamen requisitis, de quibus à nobis actum in *Prælect. ad Tit. 11. de Fid. Instrum. n. 19.* unde & reliqua ad usum probationis per Instrumenta spectantia petantur.

22. Addemus tamen; Authentica sola probare, non exempla, nisi recognita & pro Authenticis habita, consensu partium, quæ privatim ita constituere possunt; Nec quidem si publicè collatio fiat, aliter, quam vocatis ad confirmationem iis, quorum interest, fieri posse videtur: Non magis quam prima confectio & celebratio negotii apud officium publicum, aliter quam prævio partium consensu fieri potest: quâ de re plura notabilia, sed hujus excedentia modum instituti in *d. loco* protulimus.

23. Probationibus exactis, aut tempore, quod legibus aut Judicis arbitrio ad eam rem constitutum est, elapso, Testimonia scripturæque probatoriæ publicantur. Et tum partibus copia fit, Adversariorum probationes, dicta testium, argumenta scripturarum, rationibus aliisve testibus aut instrumentis refutandi, alterique eadem tuendi & salvandi, ut loquuntur. Præsumptiones etiam utrimque urgentur, & quam proxime potest, probationum evidentia admoventur. Exigit hic locus, ut de Præsumptionibus, paucis agatur.

24. Est autem Præsumptio nihil aliud quam *Anticipatio quædam judicii de rebus incertis, ex eo quod plerumque fit, elicta.* Dicitur Anticipatio, quia propriè, ali-

aliquid in antecessum pro vero habere, probabiliter, id est, præsumere: Idemque ad præterita, nobis adhuc incognita, quæ habentur, ac si nondum essent, transfertur. Cujusmodi collectionibus exercita mens hominis, ad ejusmodi facultatem conjiciendi res futuras pervenire potest, ut haud facile decipiatur; quæ divinandi arte se ad amicos Cicero jactat eximie *lib. 6. ad Famil. 6. & alibi*, quemadmodum & Plutarchus ei talem præsumendi Artem adscribit *in vita Ciceronis*. Quæ tamen non impediunt, quominus materia præsumptionum in rebus incertis consistat: Nisi quod lex aliquando in quibusdam factorum speciebus stabiliat præsumptiones, quas in universum habet pro certis. Sic qui adulterii prius accusati turpes amores deinde nuptiis conglutinarunt, pro adulteris habentur *l. 34. C. Ad L. Jul. de Adult.* & id genus alia, contra quæ ne probatio quidem admittitur in contrarium; Et si communiter diutius pro veris non habentur, quam probetur contrarium: Quomodo qui occidit cum gladio, censetur habuisse animum occidendi; qui clave, vel cucumâ in rixâ non videtur illo usus animo *l. 1. §. 3. π. ad L. Cornel. de Sicar.*

25. In universum Præsumptiones, quarum infinitæ sunt species, dividuntur in leviores & fortiores. Illæ suspicionem solummodo movent & judicem quadantenus inclinant, sed per se nullum juris effectum habent. Fortiores onus probandi transferunt in Adversarium: Sed est magna quæstio, an possit esse tantus præsumptionum cumulus & concursus, ut judici fas sit ex animi sui sententiâ, probatum sibi & plenam fidem esse factam, statuere. Videtur hoc modo statuendum; Quando circumstantiæ factum immedia è præcedentes & consequentes ita reum premunt, ut tamen corpus ipsum facti non extet

probatum, sic tamen undique conclusum & coarctatum est, ut ab alio quam à reo perpetratum esse nequeat; certitudine tamen morali, non Phycâ, quæ scilicet ejusmodi sit, ut contrarium plane sit impossibile. Facti species, quibus hæc res illustrari possit, hujus instituti ratio non patitur exponi. Unum est apud Sandum, à gravissima Frisiorum Curia probatum exemplum; Alia duo dedimus in *Prælect. ad Tit. de Probat. n. 3.* Lector addere potest, si placet, librum, qui continet historiam jugulati Comitæ Essexii in carcere Londinensi *die xiii. Julii c1510cl. xxxiii.* ubi præsumptiones ingenti numero accumulatae, factum, quod ipsum nemo vidit, manus alienas ei fuisse illatas, dubium tamen esse non patiuntur: Utique si facta, è quibus colliguntur præsumptiones, ita, ut narrantur, evenerint, quæ de re habitæ inquisitiones nunquam publici juris factæ sunt. Idem super facto illustri cujusdam suppositionis & partus *in Galesia* existimet, qui legit quindecim ea de re præsumptiones, in quadam Declaratione adstructas; quarum facta si probata fuissent, rem vix aliter se habere paterentur, ut specimen Artificialis Probationis efficere posse viderentur.

26. Probationes & præsumptiones, cum Juris rationibus, applicitæ facto tempore legitimo, cujus spatia pro more cujusque Fori variant, exhibita Judici, causam *Visioni* & decisioni maturam exhibent, ut dein sequatur sententia, de qua locum peculiarem habebimus. Ad demus aliquid de ordine Judiciorum Criminalium, prout hic usu veniat.

27. Dictum est aliàs, morem antiquum, admittendi quoslibet ad accusandos Criminum reos, hodiè vix usquam servari; vel quod rarius expediunt commissa negotia plures, & quod pleraque sic impunita manerent delicta, nemine fere

fere fatagente, quod omnibus injungitur; vel quod Christiani populi promiscuam sanguinis exigendi licentiam privatorum officio minus convenire putent. Ergo constitutus est Procurator Publicus Accusator, ut tamen privati non prohibeantur: Ac ideo, si velint, non esse excludendos ab accusandi officio, censent haud temere Viri prudentes, interque eos Ant. Matthæus *de Crimine ad Lib. 48. n. tit. 20. c. 2. n. 2.* inprimis, si Procuratores publici partibus suis defint, ut aliquando Talis, si quis suorum propinquorum deferretur non sine ratione dicebat, non teneri se in sanguinem favire proprium.

28. Delato crimine, si tale sit, ut è vinculis causa dicenda videatur, reus è continenti comprehenditur; Si Reus vi resistat; aut fugiat, an occidi possit, quæritur; & quidem de fugâ, negandum est. Si vim opponat, videtur bellum esse; proinde hoc agendum, ut quovis modo capiatur, in quo tumultu Reus cadens, jure cæsus videbitur.

29. Si crimen non sit ejusmodi, ut certò pœnam corporalem aut relegationis duntaxat infligi oporteat, reus in jus vocatur, ubi tum primo disceptatur, includendus sit carceri, an fidejussoribus committendus. Olim fuit & media via, custodia militaris, in quâ fuit Paulus Apostolus apud se, militi alligatus; aut Magistratuum domi custodiebantur. Menstruum spatium, quod jure Romano recentiori, criminum reis, antequam plane carceri darentur, ad mœstos penates suos componendos, indulgebatur, *l. 2. C. de Custod. & exhib. reor.* hodie nusquam servatur.

30. Carcere clausus celeriter examinandus judicandusque, ne mala mansio pœnæ loco cedat, nec omnino excedendum juris Romani biennium sine gravi causâ. *l. properand. 13. C. de Jud.*

Damnandus verò haud dubienemo, nisi confessus aut indubitatis probationibus evidenter convictus; quæ in re non modo admittendi testes & instrumenta, sed & artificialia argumenta ex circumstantiis facti desumpta, *quæ modo tam clara sint, ut nullum dubitandi locum relinquant, l. ult. C. de probat. l. 1. §. 4. n. de Quæst.* Nam ex indiciis & præsumptionibus licet urgentissimis, neminem unquam damnandum esse, ratio salutis humanæ flagitat omnino; valetque hætenus regula; præstare fontem dimitti, quam innocentem damnari.

31. Cognitio causæ fit bifariam, Ordinario modo, & extra ordinem. Modus ordinarius à civili processu nihil admodum differt; Postulatio Accusatoris, Rei contradictio, Replicatio, Probatio, Reprobatio, & cætera judiciis consueta. Sed Extraordinarius, per Inquisitionem, modus fieri dicitur, quando summarie adversus reum proceditur, examinatione secundum articulos *facti* institutâ; testibus etiam reo coram auditis, denique tormentis, si res ferat, applicitis. Et hoc modo instituitur, cum Reus in vinculis habetur; Sed ubi fidejussoribus committitur, ordinariâ fere viâ proceditur: Nisi quod nonnullis in locis, Qui causas è vinculis dicunt, si in principio inquisitionis, sponte non confiteantur, his ordinaria causæ cognitio & disceptatio permittitur; quâ finitâ, Reus absolvitur aut condemnatur peremptoriè, vel ad Quæstionem.

32. De hac omitti non potest quæstio, sitne licitum Torquere, reos non plene convictos. Quâ de re mirari licet meritò, Gentium temporumque fere omnium, præter Hebræos, usum esse adfirmativum; pro negativâ plerosque viros doctos esse, non modo Theologos, sed etiam Juris consultos non paucos, interque eos utrumque Præceptorem nostrum

A a a a

Ant.

Ant. Matthæum *ad h. t. c. 3.* & Wiffenbachium *b. tit. n. 13.* Quominus ad omnes illorum rationes; quæ plures & prægnantes sunt, ordine respondere necesse sit, dicemus; solam necessitatem usum quæstionis per tormenta defendere, quod alioqui scelerum impunitas Reipubl. intoleranda foret, extra quam fieri non posset, ut tanto gentium humanissimarum consensu recepta foret.

33. Accedit *ὁμολογία πόλεως*, fœdus civitatis & consensus de legibus servandis, etsi duris in singulos; quæ de religione egimus *in sect. præced. c. 3. n. 35. & seqq.* eoque pertinent appositè verba Macrobiani in *somn. Scip. in fin. Civitas*, inquit, *est Universitas, quæ in Legum consensu obsequium.* Pone, Cives Romanos aut Athenienses in Comitibus aut Ecclesia deliberasse, placeretne tormenta recipi, concurrentibus requisitis ad ea necessariis, quæ statim collocabimus; an impunita relinqui scelera, quæ non penitus & plenè probarentur. Compararis omnibus, intellexere, plus imminere mali ex hac infinita delictorum impunitate Reipubl. quam è perversa Quæstionis applicatione. Prætulere igitur hujus usum, & pariter si cui inde aliquid incommodi aut doloris eveniret, hoc ferendum esse constituerunt. Huic legi postea cives aggregati æque ac aliis antea receptis assentiri intelliguntur. Nec aliter in tacito Civium, qui est in singulorum & paucorum Regimine, consensu, res sese habet, ut toties antea demonstratum est. Denique, Si requisita juris, quæ in Quæstione per tormenta Legibus prodita sunt, observentur, difficulter fieri potest, ut per eam innocentes affligantur.

34. Requisita tormentorum quatuor esse videntur, I. ut grave sit crimen, quo respectu, ratio non patitur, ut reus torqueatur, ob crimen, cujus poena non sit futura gravior, quàm tormenta, quibus

elicienda sit confessio; proinde, si poena non sit ultra relegationem, non est utendum tormentis, ut rectè statuunt Ant. Matthæus *ad h. t. n. 3. à pr. Carpxov. Qu. 117. n. 8. & seqq.* Requiritum II. est, ut veritas aliter nullo modo investigari possit; Hoc enim facile evincunt rationes eorum, qui tormentis omnino abstinendum putant; Eaque sine dubio mens est primorum hujus instituti auctorum. Unde mores eorum, qui vel confessos in Jure, vel tabulis & testibus convictos adhuc, ut confessionem eliciant, torquent, redarguuntur. Tertium requisitum est, ut indicia adversus accusatum adsint verissimi lima, nihil ut præter Confessionem deesse videatur. In cujus moderationis & requisiti sequentis excessu reverà consistit omne malum, quod Torturæ communiter imputatur. Est autem frequens & IV. requisitum, ne modus tormentorum sit inhumanus. Quis autem hujus rei terminus, aut quæ nota sit, haud facile dictu est.

35. Plane, facilius est dicere, quæ alia non esse debeant, quam certi præscribere quicquam. Rectè æstimantibus hæc vitia abesse debent, ne sint modi *deformes & barbari*, ut si mulieres ab uberibus, viri à pudendis suspendantur; si mures aut glires corpori nudo sub vase imponantur & igne superimposito ad rodendum adigantur, alique modi infandi, de quibus Damhouderus *prax. crim. c. 37. n. 18.* II. Ne sint crudeles, ut candentes atque *stridentes flammis laminae*, ut Prudent. in *Hymn. Vincent.* aliaque ingeniosa sævitæ instrumenta, de quibus Carpxov. *Qu. 117. n. 38.* III. Ne sint nimis diuturna; velut, si per integros dies in tormentis habeantur: Id enim morte acerbius; *Quippe, qui se ultro morti offerant, facilius reperjuntur, quam qui dolorem diu patienter ferant*, ait apud Cæsarem Critognatus Arvernus; quod gnarum Ludovico Regi, quando

gi, quando Reformatos non suppliciis, sed vexationibus tormentisque finem vix habentibus ad defectionem adegit. IV. Ne corpus in futurum & perpetuum inutile reddant, mutilatione vel dislocatione graviore. V. Ne incidant in aliquod supplicii ordinarii genus. Qua ratione verberatio virgarum, quam laudat in hunc usum Damhouderus *d. cap. 37. in fin. edit. gall.* & cui cætera requisita non male conveniunt, non potest admitti.

36. Sed illa quinque requisita convenire videntur in instrumenta, quæ apud nos in usu sunt; habentur autem tria. I. Forcipes, quibus reorum pollices comprimuntur. II. His simile instrumentum, quo tibie contorquentur. III. Equuleus, id est, scamnum, in quo Reorum pedes & brachia retorta extenduntur, idque diversis gradibus, citra dislocationem tamen. His Romana instrumenta longe duriora fuerunt; Eculeus, qui fuit catasta lignea cochleata, cui brachia retorta pedesque rei fidiculis alligabantur. Tum intento cochleis eculeo, in altumque erecto, reus quasi ex cruce pendebat, ossium compage dissoluta, terga lateribusque per ungulas ferreas & laminas candentes verberatis laceratisque *l. 7. C. de Malef. & Mathem. Prudent. d. Hymn. Sigon. de Judic. pop. Rom. c. 17.* Si quis roget, utra præstent, nostratia præferre non dubitem. Etenim Quæstiones per se odiosas acerbitate modi & sævitia intendere non oportet. Etsi quanto acriora torquendi instrumenta sint, tanto facilius elici veritatem, dubium non est: sed hoc non est agendum, ut reus non possit non fateri, licet insons.

37. Tametsi verum sit, nostræ quæstionis tormenta, ut plurimum, etiam à feminis sustineri; ut ad quæstionem damnari, si non mollior sit reus, parum absit, quin tantum dematque absolvi, esse videatur. Quanquam & artes quædam ef-

se credantur, quibus dolor eludi queat. Apud Curiam nostram tortum memini quendam facinorosum, non plene convictum, qui primum dolorem tulerat, postea novis indiciis iterum equuleo impositus, cum maxime intenderentur fidiculae, in somnum incidebat, ut sonore sterneret; remissione factâ, excitabatur, Intentis, iterum stertebat, quod ad finem usque durabat, *anno 1680.* Aliàs Tylenes in Gelriâ similem historiam de Baggermanno quodam sicario retulerunt. Cujusmodi artibus impediendis, non est de nihilo quod alicubi moris est, ut tempore matutino jejuni torqueantur, cum apud nos fiat post Cœnam, nec quod sciam, valde curetur, ut vacuo sint ventriculo, secus ac monet Carpzov. *Qu. 126. n. 5. & seqq.*

38. Quæstione peractâ, si reus in infitiis perstiterit, repeti potest Quæstio per tormenta, *quando evidentioribus argumentis oppressus est, maximeque si in tormenta corpus animumque duraverit l. 18. §. 1. D. de Quæst.* Quod communiter de argumentis post prima tormenta supervenientibus intelligunt. Idque nostri servant ed libentius, quod repetita tormenta nullo modo ferri posse videntur. A libi tamen secus observatur, & hi ad tertiam Quæstionem, ubi reus bis sustinuerit, ita procedunt, si nova provenierint indicia; qua negativè toleratâ, sequitur absolutio, A. Matth. *Tit. de Quæst. c. 4. n. 14.* Nostra ad secundam transeunt, si nova reperta fuerint indicia; quâ toleratâ, nunquam, ut puto, ad tertiam procedunt, nisi aliter in atrocissimis quandoque fieri queat, ut Carpzov. *Qu. 125. n. 55.* Sed quæstionis est, utrum post tormenta reus sit absolvendus à crimine, an ab instantia duntaxat, ut deinde repeti possit ex causa. Rationes pro & contra ponderat D. Matthæus in *d. cap. 4. n. 16.*
A a a a 2 & con-

& concludit pro absolutione à crimine; quæ totalis est. Sed distinguendum videtur ita, quemadmodum Prudentiores servant Judices: Ut ex genere naturæque indiciorum & quatenus Judici sedit persuasio de reatu, modo à crimine, modo ab instantia duntaxat, rei absolvantur.

39. Si Reus in tormentis confiteri se velle dicat, liberatur ab instrumentis doloris, & confessio sedentis ejus ad singulos facti articulos ordine scribitur, eique fides ita habetur, si nihil in eâ suspectum & à veri specie alienum reperiatur *l. 1. pr. & §. 4. l. 10. §. pen. eod.* Moribus, ubique fere receptum est, ut Reo dein post 24. horas aut ultra Confessio prælegatur, ejusque *ratificatio*, ut ajunt, exigatur. Matthæus *d. c. 4. n. 11.* Carpzov. *Qu. 126. n. 26.* Hoc institutum ut jure Civili ignotum, ita nec apud plures Curias servatur, sed tacens deinceps pro consentiente habetur. Quod si revocet confessionem, tormentis denuo subjicitur, & si tunc iterum factam confessionem revocet, tertium torqueri potest; dein absolvendus est. A. Matth. *d. cap. 4. n. 12.*

40. Sed perplexa res est, si reus hujus juris aut moris conscius, ad effugienda tormenta statim fateatur crimen & postridie revocet. D. Matthæus ad hunc casum ait ita; *Ne eludat hoc commento tormenta, nihilominus torquendus est n. 13.* Quomodo, si fateatur, nihilominus torquebitur? Non potest; At Tormenta repetentur secunda vice: Bene est. Tum vero facit idem, confitetur & postridie revocat. Quid tum? Repeteretur Quæstio tertium? Intelligit reus, idem si faciat, absolutionem secururam: Certò igitur idem faciet. Quid ergo, condemnandus, an tertium tormentis adhibendus, id est, absolvendus erit? Accidit ille casus apud Curiam nostram

in reo, qui Pagum Frisiz Collumanum, è quo incolæ, metu hostium Groningam obsidentium anno 1672. aufugerant, incendiisse credebatur, ut aliquot domus consumerentur. Callidus & juris homo non ignarus, ita ut dictum, in Quæstione instituerat, eâ viâ sibi parans absolutionem. Bis confessus in tormentis, bis revocaverat. Argumenta erant fortissimæ præsumptionis, nec judices facto dubitabant. Confessiones ejus cum circumstantiis, de quibus constiterat, optime conveniebant. Visum est prudentissimis Dominis esse condemnandum hominem, qui viam alioqui paratam quæstionibus eludendis & promiscuam invenerat. Sic etiam Scabinos Lipsienses solitos respondere, scribit Carpzov. *Qu. 126. n. 55.* Ipse tamen ad pœnam eo casu inclinat extraordinariam. Plane, si multorum gravium virorum judicium ex præsumptionibus & indiciis acquiescat in credendo reatu, probatione licet non perfecta, hanc sententiam sequi licebit. Si minor sit evidentia, tutius sit, reum extra ordinem puniri, quo casu locum habeat *argum. l. 5. d. Pen.*

41. Jure Civili sunt, quos torquere non licet, quales sunt milites *l. 8. C. de Quæst.* digniores, nisi in crimine atrocissimo *l. 11. 16. & seqq. C. eod.* nec servus in caput Domini *l. 1. §. 16. b.* excepto crimine majestatis, annonæ, monetæ, & adulterii *l. 53. d. jud. l. 1. l. 7. & 15. C. d. s.* Nec is, qui de se confessus est crimen, in alios torquendus est *l. 16. §. 1. b.* secus, si convictus *l. 29. in fin. d. Pen.* Excusantur & decuriones, *l. 11. l. 16. C. b.* horumque liberi, *d. l. 11.* impubes, *l. 10. l. 15. hic.* prægnantes, *l. 3. de Pen.* Dignitas hodiè non usquequaque liberat à tormentis, ut Carpzov. & exempla passim obvia probant *Qu. 118* ubi & de reliquis prolixè.

42. His consentiant, quæ in priori Editio.

Editione hac de re collocata fuerunt, quæ non erit absonum in re tanti momenti rursus audire. Sic ibi fuit;

43. Sed gravissima quæstio hæc est, an si probationes ad sententiam non sufficiant, quæstionem de Reis per tormenta habere liceat: Usus temporum fert ita; multi tamen sapientes viri in alia omnia.

44. Multum mihi interesse videtur, abstracte ita quæsitum ponatur; an hoc modo, sitne Lex ipsa satis Justa de tormentis.

45. Priori modo largiendum videtur, non posse justum censer, ut is, de cuius crimine dubitatur, nec confessus, nec convictus, malum atrox patiatur, maxime cum & insontes hoc præambulo cruciatu ad confitendum aliquando adacti memorentur.

46. Leges tamen de tormentis probandas existimo, modo adfint duo requisita & una cautio.

47. Primum, ut crimen sit grave, quod sine inagno Reipublicæ detrimento non potest ignosci.

48. Secundo, ut adfint tam prægnantes præsumptiones, sola ut rei confessio deesse videatur; ut iudex, licet ad damnandum progredi nequeat, prope tamen certus sit animi, fontem esse Reum. *vid. l. 1. §. 1. r. de Quæst.*

49. Cautio est, ne confessiones extortæ pro exploratis facinoribus habeantur, sed ni cum iudiciis & vestigiis facti omnibusque circumstantiis convenient, fidem ne mereantur.

50. His suppositis, Legem de Quæstione per tormenta non esse improbandam, ea nobis ratio est, quâ & aliàs uli sumus; quod Lex sit communis Reipubl. sponsio, cui sponte cives se submittere intelliguntur, quam proinde nemo iniustitiæ adversus se, aut alium quemvis arguere potest.

51. Pone igitur deliberationem Civitati propositam fuisse, utrum facinora,

de quibus magna præsumptio, non tamen erat liquida probatio, dissimulari vellet, an inquiri per tormenta.

52. Si hoc; metuendum erat, ne non insontes aliquando affligerentur. Si illud, infinita delicta, quæ plerumque sine arbitris committuntur, impunita manerent, multoque magis crebrescerent: maxime, cum ne jusjurandum quidem ob periculum perjurii reis imponi possit.

53. Et hoc quidem consequens nullo modo impediri, prioris consequentiæ incommodum fere totum evitari poterat, si requisita modo posita custodirentur.

54. Aut igitur tota civitas perpetuo ingenti incommodo & discrimine laborare debebat; aut tale quid recipiendum, unde ratissime, nec nisi exquisitis calibus, immerito civis affligeretur.

55. Prius cum sine dubio gravius, alterumque necessarium esset; pone cunctos cives decrevisse, recipiendum id, in quo minus esset malum, & adhibenda tormenta, cautissima tamen; seque singulos huic subjecisse periculo, ut, si quem prægnantibus indiciis (quod tamen vix unquam sine aliquâ culpâ, saltim imprudentiâ accidit) id ipsum quilibet, etsi nec nocens, pateretur.

56. Malum hoc triste, non turpe erat, ad quod sua sequemque voluntate boni publici causâ obligare posse dictum est aliàs.

57. Genus tormenti oportet ejusmodi sit, quod transitorium, licet acrem habeat dolorem, neque membris mutilandis, sit comparatum, denique ab ordinariis puniendi modis abhorreat. Quâ causa, quod non nemo (Damhouderus prax. Crim tit. de Quæst. cap. 7. in fin.) Virgas commendat, ut efficacissimas, nec corpori in futurum noxias, id iis in locis ubi fasces poena sunt, admitteri non debet; alioqui multis aliis *basibus* torquendi modis virgæ præstarent.

C A P. V.

De Pœnis Delictorum.

Pœna quid, ejus fines & differentia. Jus puniendi quibus competat. Qui & quæ punienda. An & quatenus ignoscere maleficis licitum. Quomodo cessent pœnæ, & quis modus earum. Transitus ad species Criminum & eorum partitio. De Crimine Majestatis, Peculatus, Repetundarum. Residuorum. Ambitus, Annonæ, Concussionis, Aggeris rupti. Blasphemix & Hæresios. De homicidio. Parricidio. Adulterio, Stupro, Polygamia. Incestu, Venere infandâ, ubi & masturbatione, & de Rapto, Falso, Calumnia, Magiâ, Plagio, Abigeatu, Stellionatu &c.

Damnatis Pœna infligitur, quæ est *Delicti coercitio*. Definitionem aliâ vide sis in *lib. 2. sect. 6. c. 1. n. 6.* de qua summa regula est, quod pro quantitate peccati, gravior esse debeat, ut tamen crebroscentibus delictis ex usu possit asperari. Nec tamen ad Distributivam, quæ dicitur, sive Adtributricem justitiam pœnæ referuntur, verum ad explettricem, quia tam puniens perfectum jus puniendi habere, quam qui plectitur, pœnam perfecte mereri debet, & quia non est aliena à contractus vel saltem obligationis natura, quâ de re diximus in *d. lib. 2. sect. 6. c. 1. n. 15. n. 20. & seqq.*

2. Pœna triplex à fine triplici non male statuitur à Tauro Philosopho, *Νυμία, Τιμωρία, Παγιδισμός*. A. Gell. *lib. 5. c. 14. Grot. lib. 2. § 7.* quâ de re tamen vide sis quæ diximus in *lib. 2. sect. 6. d. c. 1. n. 11.* Primam speciem latine dixeris, *Admonitionem*, quæ dirigitur ad emendationem peccantis, ideoque capitalis esse non potest; Nam quod Seneca dixit, *interdum ut pereant, interesse per-euntium*, huc applicari non potest, & philosophicum magis quam juridicum est. *lib. 1. de Ira C. 5. in fin.* *Τιμωρίαν* dixeris *Satisfactionem*, cum, ut Gellius

ait ibidem, dignitas auctoritasve ejus, in quem est peccatum, tuenda est, ne prætermissa animadversio contemptum ejus pariat & honorem levet; nec tantum dignitatis sed & cujusvis juris tuendi causâ intelligitur. *Παγιδισμός* est *exemplum*, cum ideo pœnæ exiguntur, ut unius supplicium metus sit multorum, aliique similia cæteroquin ausuri deterreantur.

3. Forsitan & quartus erit finis, *Cautionis*, ne idem qui deliquit nobis aliisve rursus nocere queat; etsi hoc alii ad *τιμωρίαν* referant; ego vero ad *παιδείαν* malim; est enim medium hoc emendationis. Sed hi omnes usus in plerisque non capitalibus, quæ publice exiguntur, pœnis concurrunt, ut est fustium, virgarum, flagellorum, vinculorum castigatio, verberatio. Ad Emendationem magis, quanquam & ad reliquos fines, pertinet Damnatio ad opus publicum, Relegatio, Interdictio fori aut negotiationis similisque juris alicujus. Ad *satisfactionem* maxime pertinent pœnæ pecuniariæ, his qui læsi sunt applicatæ, *παιδείαν* in injuriis, & reliqua pœnarum genera pro cujusque qualitate, ut hæc ratio magis aut minus illis quadrat. Ad *Exemplum*, pœnæ capitales in primis referun-

referuntur, maximè tales; quibus & minus fontes quandoque involvuntur, veluti decimationes. Sed & hæc capitales suos gradus habent. Summus olim, crux erat, hodie vivi crematio, dein reliquæ mortium species, quamvis & omne mortis genus recte summum supplicium dicatur.

4. Ex omnibus causis & finibus memoratis, pœnas etiam Christianis effelicitas manifestè & ratio exigit & disciplina Servatoris Mundi permittit: modo in executione opera detur, ut damnatus spatium pœnitendi & peccata sua detestandi justum habeat. Quanquam autem jure Naturæ pœna à quolibet qui paria non deliquerit, exigi possit, ut recte Grotius docet *d. lib. 2. c. 20. §. 3.* tamen nec civitatis constitutio, neque divinæ Legis sanctitas facile id cuiquam privato concesserint. Sed hunc locum executi sumus in *d. sect. 6. lib. 2. c. 1. n. 7. & seqq.* Sane hoc inde tamen non sequitur, Accusationes publicas, ut Grotius *ibid. §. 10. sub fin. & §. 1.* censet, abhorrere ab officio hominis Christiani, nisi quod temeritas hic maximè abominanda.

5. Quandoque etiam publica autoritate jus puniendi privatis permittitur, non modo ad emendationem, ut parentibus & propinquis, sed & ad satisfactionem & exemplum, ut Patri in filia adultera *l. 20. n. ad L. Jul. adult.* atque olim indistinctè, etiam maritis in uxores & dominis in servos; quæ Leges quare conscientis securitatem præstare nequeant, si vitiosi absint affectus, nulla ratio constare videtur.

6. Cæterum, puniuntur non quilibet actus vitiosi, sed qui humanam lædunt societatem, quam quo magis violant, eò vindictam graviolem esse oportet: hoc quoque latius expositum vide sis in *d. c. 1. sect. 6. lib. 2. n. 18. & 19.* Spectari tamen

debent causæ, quæ impulerunt, quæ retrahere debuerunt, apitudo personæ delinquentis ad judicandum de illis; locus & tempus perpetrati delicti, qualitas & quantitas facinoris, denique eventus qui subsequutus est, quæ omnia latius exequi non est hujus loci *Vid. Grot. d. cap. 20. §. 29. & seqq.* Denique, cogitationis pœnam neminem pati, recte docent Icti *l. 18. n. de Pœn.* quoniam actus interni Deo soli subjiuntur; at qui in effectum deduci cœperunt, pœnis & solent, ac etiam debent adfici.

7. Id autem ex omni hac disputatione facile intelligitur, non alium quam ipsum delinquentem esse puniendum, neque ad posteros quicquam pœnæ propagandum, quod leges tam divinæ quam humanæ inculcant, ut probavimus in *lib. 1. sect. 2. c. 6. n. 39. 48. & seqq.* Quanquam incommoda pœnæ parentibus inflictæ liberos premere possunt, quemadmodum ex publicatione bonorum egestas eorum consequitur; quæ tamen hoc nomine quasi personam delinquentis egredere, non potest reprehendi.

8. Cæterum, non modo jus habent qui Civitati præfunt, delicta puniendi, sed & auctoritate summi Legislatoris ad hoc tenentur, ne delectari peccatis, saltem haud improbare ea videantur, quæ de re pressius actum in *d. l. 1. sect. 2. C. 6. n. 49. & seqq.* ubi tamen adjecimus, non videri tam absolute necessarium hoc esse præceptum, ut nunquam Summis Potestatibus ignoscere liceat delinquentibus. Magistratibus equidem, qui sunt ministri Legum, non licere ab illarum præscripto recedere certum est, quia supremum jus & supra leges, ad leges seponendas & negligendas requiritur. Iplis autem Principibus & liberis populis, an per divinæ voluntatis conscientiam & Justitiæ rigorem nunquam non crimina punire necesse sit, ambigitur. Inter jura quidem

quidem Majestatis hanc esse facultatem, non dubitatur, & vidimus in *loco*. Sed jus vitæ necisque solummodo est externum; hujus loci Quæstio ad obligationem conscientiae pertinet.

9. De Criminibus equidem mere civilibus, non dubitatur, quin locum habeat facilitas *Legis ad Bestias* π. de *Pœnis*. De levioribus etiam ferri potest, ut ob publicam lætitiā, aut principalem festivitatem generali abolitione coloni carcerum dimittantur. Nam privatae abolitiones, quæ frequentatæ sunt jure Romano, cum accusationibus privatorum sepultæ sunt. Perinde ac Transactiones, quibus rei capitalium criminum apud Romanos, accusatores suos impune corrumpebant; quanquam & hodiè cum his qui læsi sunt, pacisci nemo prohibetur: sed Procurator Fisci, qui solus accusat, grande nefas transigendo committeret.

10. Sed de Criminibus jure Naturæ divinoque prohibitis, præcipua difficultas est. Rationem negantium, licitas esse remissiones in terminis veræ prohibitionis divinæ vel naturalis; quando singulares errores aut imprudentiæ miserationem non injungunt, aut permittunt, habuimus in *prædict. c. 1. n. 9. & seqq.* Quorum hæc est summa, quod Dei voluntas sit, & jussus, ut delicta puniantur, sub iræ ipsius interminatione. Quod diversæ autores sententiæ negant, eo, quod Deus puniendi officium Rectoribus populorum, non nisi ordinis & quietis in Republicâ servandi servandæve causâ præceperit; suæ vero Majestatis vindictam sibi soli reservaverit. Sed verius est Principes se habere sub Deo, quemadmodum Magistratus qui sunt ministri sub Principibus supremis. Exequi debent officii sui partes Magistratus, ut expleant Mandatum Summæ Potestatis, neque murandi jus habent. Nisi procul à Principe agentes consulendi

copiam non habent, quo casu ex præsumptâ ejus voluntate, ob insignem utilitatis publicæ rationem, jus Summæ Potestati reservatum exercere possunt, ut in *lib. 1.* Sic etiam Principes judicia nomine jussuque Dei, quatenus ab ipso determinata sunt exequi, nec jura mutare executionem, suo arbitratu rejicere possunt. Sed tantum ex præsumptâ Dei voluntate, ob evidentem salutis publicæ procurandæ causam. Extra quam ne occulta quidem crimina; Unde nulla Reipubl. metuenda perturbatio, negligere aut ignoscere posse videntur. Sed est positio quæ non videtur habere periculum; Si absque magno Reipubl. periculo aut perturbatione, supplicium exigi nequeat, abstinere licere vindictâ criminum, quæ tamen non probentur aut honorentur; quo pertinent *Λυσισμός* Decreta, quibus magnorum sæpe criminum poenæ veniâ publicâ donatæ sunt: Idemque fit, quoties ob multitudinem delinquentium non est tutum, meritis uti severitatis exemplis; adde, ob potentiam delinquentis, ut hac causâ Joab, quamdiu vixit, ignovit David; etsi cum tutò potuit, ei parcere noluit; eâ re satis indicans, se non probandi criminis causâ, sed ratione securitatis publicæ ei putasse parcendum. Idem ob insigne aliquod Reipubl. bonum licere, patet inde, quod ad detegenda scelera sceleratosque, nonnullis impunitas promitti & præstari solet, ac potest. Unde ratio dictare videtur, hanc esse Dei voluntatem & officium Imperantium, quibus ad tuitionem publicæ quietis gladium Deus commisit, ut omnino maleficia puniantur, ad salutem & quietem generis humani, id est, singularum civitatum procurandam. Quarum utilitas si verè dicet aut suadeat, ignosci peccantibus, id eorum qui regendis civitatibus præsumunt, arbitrio videri commissum. Neque di-

que divinæ Justitiæ immortam severitatem, quæ dicitur non posse non punire peccata, quæ nec ejusmodi subsidiariæ utilitatis remediis indiget, ad Rectores civitatum transferri fas aut rectum est.

11. Morte reorum crimina pœnasque deleri, cum ad heredes nunquam transeant, per se clarum est. Et mortem supplicio irrogatam convenit humanitati, esse momento transitoriam. Crux antiqua, vivicomburium, laniatio & contusio articulatim facta, per famem enecatio similesque parum memores legum Christianarum esse videntur. Terror quidem ex apparatu & species major ex circumstantiis quæri potest. Sed in actu, quo transitus ad æternitatem committitur, non erat magnitudine doloris animus lacerandus, & tantum non adigendus ad desperationem. Modi quoque custodiendi reos criminum à pœnis diversi esse deberent, ideoque carcer maxime perpetuus, non immerito ab Romanis & veteribus fere cunctis fuit improbatum ad usum pœnalem. *l. 8. §. 9. l. 35. π. de Pœn.* Etsi ratio illa tam peremptoria non est, ut usus temporum, qui carceres, etiam perpetuos, receperunt, damnandus aut validè improbandus videatur.

12. Porro, Tametsi divisionem Judiciorum in Publica & privata nuper esse juris universi negavimus, tamen alio sensu non alienam esse partitionem illam ab instituto nostro, commonefecimus: Ut publica sint, quæ immediate lædunt Rempublicam; privata, quæ directe singulos violant, Civitatem per consequentiam. Prioris generis est crimen Majestatis, Peculatus, Repetundarum, Ambitus, Annonæ, Concussionis & Residuorum. Posterioris sunt, Adulterium, Stuprum, Homicidium, Parricidium, Vis tam publica, quam privata, Raptus, Falsum, Magia, Pla-

gium, Abigeatus, Furtum, Rapina, Injuria, Stellionatus &c.

13. Crimen MAJESTATIS admittitur à Subditis contra summam Potestatem; estque duplex, Majestatis in specie, vel perduellionis *l. ult. π. ad L. Jul. Majest.* Hoc dicitur, cum quis animo hostili adversus Rempubl. aliquid machinatur, ut hi, qui seditiones in urbe vel exercitu movent, qui armatos habent, qui hostes adjuvant, aut consilia literasve cum illis communicant, etiam qui Magistratus præcipuos publicæ causæ occidunt, maxime qui vitæ Principum insidiantur, & alii plures. *l. 1. & seqq. d. tit. π.*

14. Majestatis in specie Crimen vocatur, cum quis jura summæ potestatis sibi, at sine hostili intentione usurpat, ut is qui privatim carceres habet, vectigalia colligit &c. Pœna Majestatis simpliciter læsæ est capitalis, genere mortis leniore aut terribiliore, pro meritis admissorum: qua parte quod vivicomburium in privatos monetæ percussores statuitur, etsi probi sint nummi, id nullo modo habet æquitatem. vid. *l. 2. C. de fals. monet.*

15. Perduellionis apud plerasque gentes pœna non modo personas delinquentium, sed & liberorum & propinquorum feriebat, cujus rigoris vestigium in jure Romano superest. *l. Quisquis 5. C. ad L. Jul. Majest.* Sed hoc quidem præter rationem justitiæ humanæ atque divinæ; non sufficiente ad approbationem, quod dicitur; fore, uti caritas liberorum parentes amiciores Reipubl. faciat, & si quæ similes sint ratiunculæ. Solam quoque scientiam in hoc aliisque atrocissimis criminibus supplicio volunt esse obnoxiam; non male quidem, modo non ordinaria pœnâ: quæ tamen locum habere potest, si non tam silentium sit quam conscientia.

16. Natura Majestatis sponte suggerit, hoc

B b b b

rit, hoc

rit, hoc crimen non committi, quam adversus eos, qui vere summam habent potestatem: Proinde machinationes subditorum contra eos, qui superiorem habent, non sunt perduelliones, nisi analogicè & quandoque verè, quatenus ad perturbationem superioris Imperii tendunt, quod Societatibus Indicis apud Belgas applicandum videtur, & applicatum fuit aliquando. Id sane constat, verba non mutare species rerum; Sed et si quibusdam Majestatis appellatio non tribuatur, si tamen vere summam potestatem habeant, contra tales hoc Crimen in proprio sensu committi.

17. Quæsitum est, an Querelæ de prava civitatis administratione, referri possint ad crimen læsæ Majestatis, saltem in specie dictæ; quod visum Ordinibus Friiæ, cum hinc ante decennium nonnulli cives querelam ejusmodi ad Ordines Generales detulissent, Edicto d. 14. Februar. 1678. à Curia tamen Suprema, postulante Procuratore generali, re judicata non est firmatum. Querelæ quidem in genere, petitioque reformationis non potest huc referri: Sed est jus civium, Supplicare in eum finem, ut recte judicatum in Anglia nuper, cum Reges novissimi petitiones sibi oblatas, hujus pene criminis nota insignitas velle visi fuissent. In nostra Republica ejusmodi petitiones vocantur, *Querelæ dolentium*, Reipubl. causa, cujusmodi plures olim fuere, quarum una insignis, principe Philippo Austriaco II. anno 1554. de qua plures egregiæ Constitutiones emanarunt, quarum specimina videre licet, in lib. 3. Statut. tit. 2. art. 4. 14. 15. 19. 22. 25. 45. 52. 56. Tit. 3. & alibi.

18. Dicendum tamen est; fieri posse, ut ejusmodi Querelæ ab hoc crimine non sint alienæ. Primum, si fiant ad exterarum Potestates; quia cum jus Su-

premæ provocationis, sit jus Majestatis, si quis ad externos querelas & petitiones reformatorias deferat, jus Majestatis, cui ipse subjectus est, manifesto lædit, etsi forsitan ad amicos & foederatos fiat: Quomodo in prædicto casu Majestatis rei declarati sunt, qui preces suas ad Ordines Generales Belgicarum Provinciarum detulerant, etsi de talibus negotiis, quorum primo constituendorum causâ Ordines Generales arbitri, atque ut ajunt, mediatores, fuerant. Quanto foederis arctitudo magis ad speciem unitatis imperii accedit, tanto metus & periculum, ne sub prætextu foederis amicitiaeque, pars aliqua imperii invadatur, propius existimatur. Præterea, si prætextu Querelæ seditio & res novæ à factiosis hominibus quærantur, quod sæpius usu venire, docet experientia, non est dubium, quin hæc res non modo ad Majestatis in specie dictum crimen, sed etiam ad perduellionem attingere possit: Egimus hac de re latius in *Jurispr. Hod. part. 2. lib. 3. c. 16.*

19. Addendum & hoc ad differentiam hujus criminis, quod sit Perduellionis vel Majestatis tam propriè quàm analogicè dictæ, ut *superius* indicatum est. Majestatem analogicè dictam intelligimus eorum, qui Superiorem quidem agnoscunt, sed regalia & conformata per se habent Rempublicam, at subordinatam; cujusmodi creduntur esse Principes & Liberae civitates Germaniæ, quibus *Superioritas* non Majestas adscribitur. Quanquam si quod res est, loquendum sit, illa *superioritas* Principum Germaniæ, si ab effectis recte argumentamur, quod in civilibus infallibile, nihil est aliud quam *Summa Potestas*: Hæc autem Majestas vocatur. Atqui solus Imperator hac voce per excellentiam utitur; qui nec Regibus extra Imperium, illud adscribit, Principes summam potestatem suam alio nomine

nomine circumdant, invidiæque subducunt. Sed nominibus sepositis, nihil erraverit, qui Legem Juliam, seu crimen *supra* definitum, quando aliquis læsit summam Potestatem cui subiectus est, etiam Germaniæ Principibus directè & propriè convenire dicat.

20. Forte magis appositum Majestatis analogicè dictæ exemplum est in Societatibus Indicis, quæ jura summæ potestatis in ditionibus sibi subiectis accipiunt ab Ordinibus Belgicarum Provinciarum, quæ sub alio sole exercent. Heic, utpote domi, sunt Privati omnique jure privatorum utuntur; sed in ditionibus suis omnia jura Principatus exercent, dependenter ab Ordinibus, à quibus illorum acta possunt infirmari. Si quis hostilia contra eos in locis sui privilegii committat, an hic Majestatis teneatur, Belgicorum Jurisconsultorum sententiis, superioribus annis agitatum est, in causa Kœymanni cujusdam; qui adversus Societatem Indiæ occidentalis, cui serviebat, hostilia machinatus erat in Africa, cum duce barbarorum, cui nomen belgicum à nostratibus erat indicum. Publicatæ sunt typis sententiæ, quarum aliæ Majestatis, respectu Ordinum, aliæ tantum atrocis Injuriae crimen admissum statuebant. Verius fuit, esse crimen hujus loci, analogicè sumptum; eademque analogiâ puniendum, quod etiam sequuti sunt Judices Amstelodamenses, homine condemnato in gravem mulctam & ad opus publicum longitemporis. Quod autem exteri contra aliam potestatem moliantur, id hostile judicandum, quâ de re videbimus, ubi de *Reformanda civitate* locus occurret.

21. Sequitur PECULATUS, qui nihil est aliud, quam furtum publicum, cujus mille modi formæque; proinde & variæ poenæ. Non abs re autem videtur, quod jure Romano, Magi-

stratus, quibus custodia publicæ rei commissa, capite cum suis administris hac causâ plectuntur, l. 3. *π. ad L. Jul. pecul.* quod utinam mores & tempora ferrent! Furtum pecuniæ ad civitates non liberas pertinentis analogicè peculatus dicitur; proinde eandem in poenis analogiam servari oportet. l. 4. §. f. *π. d. tit.*

22. *Repetundarum* tenentur, qui in Magistratu, potestate, curatione, Legatione aliove munere publico positi pecunias acceperunt, quod magis aut quominus officio suo fungerentur. l. 1. & *seqq. π. ad L. Jul. repet.* Poena secundum merita cujusque corruptelæ diversa est, ut aliquando capitalis esse queat. l. 7. §. *ult. eod.* Haud infimum inter hos locum tenent, qui honores & munera Reipublicæ vendunt, quibus proinde non minor quam ordinaria Romanorum poena deportationis conveniret.

23. Sed excipiuntur ab hoc crimine Xenia; Id est, Esculenta & potulenta, quæ Magistratibus & officia publica gerentibus semper accipere licuit; sub moderatione decori, *ἐν πείρῃ, ἐν πείρῃ, ἐν πείρῃ, ἐν πείρῃ*; nec omnia, nec ab omnibus, nec omni tempore l. 6. §. 3. *π. de off. Pras. ubi diximus in Enom.*

24. Sequitur AMBITUS, de quo miretur aliquis, Accusationem dari, quod fuit præcipuum Romanæ libertatis Palladium: Et quid ni offerre se liceat honoribus, quod est Ambire eos, à quorum suffragiis honores pendent? Ita fuit olim; sed re mutatâ, mansit idem nomen, ut diximus ad *Tit. π. ad L. Jul. de Amb.* hoc enim loco de Ambitu tenentur, qui corruptis suffragiis, honores petunt; unde patet, cum hi qui Reipubl. præfunt, precio munera publica distribuunt, concurrere ibi utrumque repetundarum & ambitus crimen; illud invendentem, hoc in emptorem.

B b b b 2

25. Illud

25. Illud crimen hodie cessat in Urbe, tradunt Jēti Romani *l. 1. in pr. π. ad l. Jul. amb.* postquam collatio honorum ad Principem spectare cœpit; neque enim de facto summæ potestatis inquiri potest; Sed in plurium Imperiis, etsi à Collegio summæ potestatis honores proficiantur, viget tamen hoc crimen, non contra universum Collegium, sed in singulos, qui subjecti sunt. Denique res eo pervenerunt, ut quod olim in Urbe cessavit crimen, hodie merito dici possit in Orbe cessare.

26. Crimen *Annonæ* committitur ab his, qui malis coitionibus hoc agunt, ut annona fiat carior: Quod cum ad universæ civitatis salutem pertineat, mirari licet, cur Romani adversus dardanarios tam levi pœna defungantur, (maxime cum Romæ ea res, frumento trans mare advehendo, crebris subjecta periculis & seditionibus fuerit) multâ saltem xx. aureorum, aut interdictâ negotiatione, vel ad summum relegatione, aut in vilioribus opere publico, in pœnam statutis; *l. 2. §. ult. ad l. Jul. ann.* Nec est dubium, quin res & ratio graviolem postulet animadversionem, nec immeritò aliæ gentes, ut diximus ad *Tis. π. ad l. Jul. de Ann.* pœnam capitis insigniori in hoc genere improbitati præscripserunt.

27. Crimen *Residuorum* est affine peculatui; committitur enim ab his, qui pecuniam in publicos usus sibi commissam intervertunt, sibi que retinent; qui jure Romano sic puniuntur, ut tertiâ parte plus quam debent,olvere cogantur; rursus profecto nimis defunctoriè, siquidem quod tam parum à peculatu differt, nihil supplicii gravitate ab eo distare debuit, *v. d. l. 8. §. 5. π. ad l. Jul. Pecul.* Denique, *Concessio* vocatur, cum quis obtentu potestatis, quam habet, terrore injecto, pecunias aliis extorquet,

quod pro negotii modo variè, sed haud procul à repetundarum exemplo, puniendum *l. 1. & 2. ff. de Concessio.* Est & publicum crimen *Rupti* violatice aggeris, quo fluminis aut oceani inundatio sistitur, quod graviter & periculumque capite vindicandum, *l. un. C. de Nil aggerib. non rump.*

28. Ex his de cæteris, quæ Rempubl. immèdiate spectent, facile judicabitur, sicut ad publica referri quoque solet *Blasphemia*, quam capite puniri vult Justinianus, convenienter Juri divino *Nov. LXXVII.* Sed moribus hodiernis, pœna est arbitraria, ut tamen ad capitalem adscendere possit: utique, si blasphemix insolenter ac intemperanter, cum invectivis in sanctissima mysteria, proferantur; quâ ratione Genevenses Serwetum, auctore Calvino, capitis condemnarunt, & vivum, hoc tamen præter illius sententiam, combusserunt; idemque diu postea decreverunt adversus Nicolaum Antonium Ludimagistrum, eo quod impugnasset, ut habet sententia, SS. Trinitatem, renegasset Dominum Jesum, eumque devovisset & Judæismum amplexus esset. die 26. Aprilis 1632. referentibus Sponio & Latii. Non omnes tamen, qui Sacram Triadem & Deitatem Christi, vel æternam generationem filii Dei, aut emissionem Spiritus Sancti, aliaque sanctissima universi Christianismi principia negant, pro blasphemis habendi, sed pro hæreticis potius; ut visum Amplissimæ Frisiorum Curix, ad quam missus erat à Summis Magistratibus homo Socinianus, cum elogio Blasphemi, qui examinatus ista negaverat, in simplicitate cordis sui aliter credens, ut affirmabat. Dimissus est indemnis & impune d. XVII. Decembr. 1680.

29. An igitur HÆRESIS non est crimen? Non videtur ita viro Cl. Antonio Matheo.

Matthæo De Crimin. l. 48. T. 10. n. 7. f. De Hæresi, inquit, nihil adjicio. Tamen si enim Pontificiorum moribus gravissimum Crimen est, multa que in inquirendo & vindicando singularia observantur, tamen sum libertate armis paratâ, horribilis illa Inquisitio à nostris provinciis exulet, religionemque orthodoxam docendam, non imperandam credimus, enarratio crudelis judicii supervacua futura est.

30. Quid autem est Hæresis? Videtur ita finire posse, Propria de rebus divinis & pertinaciter propugnata, fidei Catholice repugnans sententia. Propria; nam Axiom. est, hæresis, nihil est aliud quam Electio, pro rationis cujusque modulo facta; quando quis non contentus fide Catholica, eligit sibi fidem peculiarem. Pertinaciter propagata: Nam lex non punit animi sententias l. 18. d. Pœn.

31. Repugnans fidei Catholice. Quid est Catholica fides? Universalis. Hanc aliter Theologus, aliter Jurisconsultis accipit; & hic quidem Receptam atque dominantem in Republ. intelligit, à qua discrepantes & prohibitas vocat hæreticas, si tamen ipsius animi judicium consentiat. De consensu autem Reipubl. constare debet ex Confessionibus & Conciliis auctoritate publica factis, quæ in Imperio Rom. quatuor fuerunt, Nicænum, Constantinopolitanum, Ephesinum & Chalcedonense, quæ dicuntur Oecumenica; quia Romani suum Imperium vocant orbem terrarum. Permissas pro hæreticis non habeo religiones; Toleratæ equidem tales haberi possunt, cessante pœna.

32. Quænam autem est hereseos pœna? Jure civili, loca cultus publicantur l. 2. l. 5. l. 8. §. 3. C. de Hæres. Improbiorum bona publicantur, quos inter & Donatistæ, qui tamen schismatici potius, quam hæretici fuerunt. d. l. 5. Machabæi vero etiam exilio & ultimo sup-

plicio subjiuntur. l. 5. in pr. C. eod. Moribus Protestantium, in Hæreticos nulla corporalis pœna constituta est, tamen in Anglia satis extent severæ.

33. Sequuntur Crimina, quæ privatam læsionem, sed & publicam, manifestâ consecutione præferunt. Primo, Homicidium, quod jure divino sanguine vindicandum, utique voluntarium, non invitum. Hoc autem duplex est: per vim & per ignorantiam; Invitum per vim dicimus hic (nota tamen improprietatem termini) cum quis defendendi corporis sui vitæque causa invasorem occidit: Per ignorantiam, quod absque proposito occidendi, casu perpetratur. Cujusmodi est, cum quis animum quidem habet occidendi; sed in actu licito se versari existimat, ut si quis Patrem in bello ignotum interficiat. Denique, extra ordinem animadversio locum habet, quoties ad culpam propius quam ad dolum causa cædis perpetratæ accedit. Sed hujus rei tractatus tam varios habet anfractus & considerationes, juris prudentiæ plenas, ut eas hic nullo modo exequi liceat; Egimus plena manu in prælect. ad tit. x. ad l. Corn. de Sicar.

34. Sequitur Parricidium, quod proprie sumitur, pro cæde alicujus, qui in recta sanguinis linea nobis est conjunctus; reliquorum cædes propinquorum magis est, ut homicidia atrociora sint §. 6. Inst. de Publ. jud. Pœnæ gravitas non tam querenda (ut superius dictum & de Majestatis quoque ac similibus intelligendum est) intentione cruciatus, quam in specie terribili apparatus, quod egregie & ingeniosè à Romanis observatum, parricidas virgis sanguineis verberatos culeoque inclusos cum cane, vipera & simia, in mari vel in flumine suffocari voluerunt. Huc etiam referri potest expositio infantium; Liberos recens natos exponere jure Veteri erat im-

punitum, ut apparet ex *l. 29. d. Manum. Testam. l. 16. C. de Nupt.* juxta notissimum Græciæ morem, quo exempla Comica referri possint. Poterat Pater exponere vel tollere liberos, id est, alendos suscipere *l. 6. §. 2. d. jur. Patron.* Sublatos exponere, nefas & quasi homicidium erat *l. 4. d. Agnosce. & alend. lib.* Dein, expositio plane prohibita, ejusque loco surrogata est venditio sanguinolentorum, id est, recens natorum *l. 2. C. De Patr. qui libr. distr.* Poena est extraordinaria *d. l. 2. & l. pen. C. de Patr. pot.*

35. *Adulterium* est corruptio mulieris alii nuptæ. Nam vir conjugatus rem cum alia soluta habens matrimonii quidem æquè fidem violat, sed non idem admittit delictum, quod uxor alii se substernens, quia hæc præter thorum violatum, efficit, ut maritus, cujus non est, pater censeatur, *l. 6. §. 1. n. ad l. Jul. adult.* Unde omnium populorum existimatione contumeliosior est viro quam mulieri conjugis evagatio. In muliere igitur adulterium, in virgine viduaque stuprum committitur, gravius quidem à conjugato quam à cælibe, tamen stuprum; idque non Romanotantum sed & divino juri consentaneum videtur. *Levit. 20. v. 13. Deut. 22. v. 22.*

36. Quare Justinianum ego quidem cucurbitas pingere, quam *republicam* maluissem, quando capitis poenam à Constantino Magno utriusque sexus adulteris inflictam, mulieribus remisit, eas virgis admonitas monasterio includi præcipiens, etiam venià bonis viris data, post biennalem poenitentiam eas reducendi; scilicet, *quis earum non misereatur!* ait optimus Cæsar, obnoxius, ut volunt Theodoræ, Nov. 134. cap. 10. *l. ult. C. Qui potior. in pign.* Et tamen hoc discrimen apud Saxonas, gravissimam gentem, adhuc observari, testis est Carpovius *Qu. 53. Criminal. n. 27. & 33. Cæ-*

terum. Recentiores Legislatores quæ antiquum jus Romanum, quo relegatio tantum in adulteros sancita erat, contenti multis pecuniariis, facilitate superare, quam & novum Constantini & divinum, & veterum Germanorum aliorumque gravium populorum, quibus hoc capitale fuit, leges imitari maluerint, nulla idonea ratione probari potest. De singulis actum latius in Prælect. ad Tit. *π. de l. Jul. de Adulter.*

37. Sequitur Stuprum, quod est corruptio virginis viduæque honestæ; Nam meretricia voluptas, etsi impunita, ut visum Romanis, exemplo ebrietatis similitumque vitiorum, esse non debet; æstimatione tamen criminis distingui meretur. Persecutio stupri moribus hodiernis non malè exerceri videtur in hanc sententiam, ut ducat vitiatam, vel dotet. Nam si amor furtivis nuptiis conglutinetur, hoc ferendum: Sin, æquum est, defloratæ pecuniarium solamen tribuatur. Quod tamen nihil vetat, quominus insignitior fraus, publicā multā vel coercitione corporali adficiatur. *l. 1. §. ult. n. de Extraord. Crimin.* Meretricia libido similiter mulctanda pecuniis, aut relegatione, si nimis impudens & frequens, etsi usum relegatio non reperiatur.

38. Qui in adulterio nihil quam violationem fidei conjugalis vident, Polygamiam ejus speciem faciunt. Sed ex Romani & divini Juris sententia superius exposita, mulieri duobus nupta, committitur adulterium, quia res habetur à posteriore viro, cum femina alii nupta: Sed vir duas uxores sibi jungens quarum neutra nupta est alii, non admittit adulterium; sed proprii generis delictum; cujus jure civili non est major poena, quam stupri, jure divino nulla. Sed mores hodierni graviolem Adulterio poenam digamis imposuerunt, utrique corporalem. Quinam rectius? Laudemus in poly-

in polygamiâ, per quam res sanctissima indigne violatur, moris hodierni severitatem, non minus quam in Adulterio nimiam remissionem vituperamus.

39. Non sunt etiam populi recentiores tam faciles advertendi in Incestuosos, omnisque veneris nefandæ species, quas ad rigorem Juris divini; pœnis capitalibus persequuntur, ut hac de re actum à nobis ad *tit. Inst. de Publ. Jud. n. 7. Et tit. 7. Ad l. Jul. de adult. n. 9* Rursus in Lenones, nefandum illud artificium exercentes, capitale supplicium, quod Justiniani Lex infligit *Nov. 14. §. 1.* hodiè, non nisi extra ordinem, pecuniâ vel relegatione duntaxat animadvertitur.

40. Placet de adfini maleficio plusculum adjicere, quam diximus 2. *sect. 6 c. 1. n. 18.* Neque enim quod diximus illic, dictum volumus eò, quod minus id flagitiosum putemus, quam id esse volunt. D. Matthæus aut Carpzovius, qui ad Sodomiticum genus improprie, refert Mastuprationem, *Q. 76. n. 10.* Sed de pœna capitali aut corporali vix est, ut eorum sequi liceat sententiam.

41. Quippe Venus monstrosa propriè non est; hæc enim requirit agentem & patientem *l. Cum vir nubis 31. C. h. t.* Ista autem, quæ terminatur in cujusque persona, nec cum alio subjecto communicatur, nusquam puniri legitur, aut jure civili, aut legibus hodiernis, ut fatetur Carpzovius *d. Qu. n. 13.* Quod autem de pœna filii Judæ, Onanismo memoratur *Genes. 31.* à simplici mastupratione plurimum discrepat. Ille jussus erat à Deo prolem ex fratris vidua gignere; sed iniens illam foras eiecit *πῶς γὰρ*: Hoc enim facinus admissum fuit in feminam, non in viro solo terminatum erat, factum fuit ad perdendam prolem, cui destinatum emissumque semen erat; continebat foedissimam rei sanctæ, matrimonii *καὶ ἁγνότης* & deformationem;

cujus Athenis reum se quoque fecit Pisistratus, ductâ secundis nuptiis filiâ Megacリス inimici sui reconciliati, ex qua sobolem tollere volebat, *ὁ βολόμενος ἐκ τῆς θυγατρὸς τοῦ Μιγακλῆος*, ut scribit Herodotus in *Clio*. Accessit in facto Onanis, contempnus divini imperii insolentissimus, qui per se mortem merebatur.

42. Instat D. Matthæus; Cum sicario, qui hominem vel unum occidit, moriendum sit, quid in eos statuendum, qui nefariis suis libidinibus tot homines occidunt, tantum seminis profundunt, quod si rerum natura pateretur, sæpius mori æquum foret. Nimis hoc argumentum à perditione seminis intenditur, ut adeo in maritos scilicet, qui uxores prægnantes ineunt, hac ratione capitis supplicium conveniret. Nusquam nisi exercitium veneris inter duos contra naturam, pro venere monstrosa punitur. Alioqui & impudicæ cogitationes eo provectæ ut *ἐκ τῆς καὶ τῆς* eliciant, eodem modo puniendæ forent, & quis esset finis? Prudenter igitur Legislatores hoc mutum flagitii genus silentio transmittunt, cui etiam coercendo nulla sufficeret vindictæ vigilantia. Nec tamen hæc impunitas in infinitum patet: Puniendi extra ordinem, severeque, non tantum mariti, qui fraudandi matrimonii causa id agunt, sed etiam cinædi, qui adolescentes talia docent iisque præeunt; etiam qui nimis impudenter & aliis coram, se polluere sustinent, more Diogenis, qui in Foro medio *τὸν Ἀποδόμιον* *ἐν τῷ πύλῳ*, ut Laërtius in *eius vitâ* narrat; qui vel hac causa merito Canis appellatus fuerit. Secretæ vero libidines, quæ cum aliis se non communicant, extra legis pœnam in execratione sint.

43. Etsi non sit dubium, quin mastupratio, quamlibet secreta, peccatum sit gravius quam simplex stuprum, quia sine dubio est contra usum naturæ, quo

amor queritur, nec videtur, ut ait d. l. cum vir nubit. 31. C. b. t. pollutio corporis animique deformis, maxime, si non obrepat indulgentibus sibi in concupiscentiis, sed opera detur ut fiat, & in consuetudinem vertat. Hæc qui legent adolescentes, nefas cognitum aut ignotum abhorre discant, & remedia quæ in promptu sunt, adhibeant; post preces piæque meditationes, ἀρχαίω τειγφῆς, ἀσκήσει πόνου, parsimoniam victus, assiduitatem laboris, maxime matutini, juxta Pythagoricum illud, ἄνθρωποι, πάντες ἀνθρώποι, κυάμωσι διὰ χεῖρας ἰχθῶς.

44. Sequitur VIS, quæ fertur Vis duplex, publica & privata; Illa tamen non est publicum nostro sensu crimen. Nam si in Remp. committatur, Majestatis est; sed publica vis dicitur quælibet atrocior, maxime quæ sit armis, & hinc privata intelligitur. Publicæ poena plerumque capitalis est, privatæ secundum merita singularium alia atque alia esse debet.

45. Ad publicam vim pertinet RAPTUS virginis viduæve honestæ, quem meritò jus Romanum gravissime persequitur, capitali poena l. un. C. de Rapt. virg. Quòd tamen eadem Lex non distinguit inter volentes invitaque mulieres, id verò nimium rigoris præferre videretur, nec hodiernis moribus servatur. Stuprum gravat quidem raptus crimen, sed hoc tamen sine illo consistit & capite rectè punitur, ut & stuprum violentum sine raptu d. l. un.

46. Falsi crimen est ficta veritatis imitatio vel suppressio, in fraudem alterius facta, cujus plurimæ sunt species, aliæ aliis graviores, leviores; perinde variè puniuntur, haud absurde in illo membro pro aliis, quo maxime falsum committitur, scil. linguâ perforatâ, quod & in perjuros & blasphemos rectè statuitur. Vid. l. 1. l. 2. l. 9. l. 13. §. 1. & l. 32. §. 1. ad ad L. Corneliæ de Fals.

47. Huic affinis est Calumnia, sive delatio falsi criminis, cujus poena rectissime jure Romano talionis tradita fuit, hoc est, eadem quam merebatur crimen, quod calumniator intendebat, l. 7. in pr. π. de Accusat.

48. Magia quandoque pro veneficio sumitur, at tunc ad homicidium pertinet; sed propriè est crimen eorum, qui ope diabolicâ, præstigiis artibusque vetitis grassantur; idque plerumque dispendio hominum, tam corporum quam animorum, aliquando quasi pro hominum salute. Illos jus civile gladio punit, hos impune dimittit Constantinus Christicolarum Cæsarum primus; Alii hos gravius plectendos censent, ob periculum animarum l. 3. 5. 7. C. de Malef. & Mathemat. l. 4. C. eod. Neutri, ut videtur, bene; puniendi quidem, sed lenius, quam qui nocendi causam habent; quia Legislator maxime læsionem societatis communis spectat. Magia, quæ non definit in noxiam hominibus illatam, punienda non videtur; non quod nulla sit, ut volunt, qui vel malos genios esse, vel in res naturales operari negant, manifesto sacræ Scripturæ ludibrio: sed quia Legislator crimina mente non metitur, sed manu, ut aliàs dictum.

49. Plagium vocatur furtum hominis, cujus poena usque ad capitalem extendi potest, haud minus quam raptus sine stupro l. ult. π. & C. de Plag. Deuteronom. 24. n. 7. Usus hujus criminis est minus frequens hodie quàm fuit olim, cum servitutis usus faceret operæ pretium in auferendis hominibus; eamque hominum venationem tanquam ἀνθρώπων lucri exercendi speciem improbare non videtur Aristoteles lib. 1. Polit. c. 4. Non male, si fieret in validos vagantes, fecem & purgamenta generis humani; pessimè, si fieret in alios innocentes.

50. Abigea-

50. *Abigeatus*, est furtum majus pecudum ex agro vel stabulo abductarum; nam modicum, veluti ovium paucarum, magis est furtum *l. ult. §. de Abig.* Quamquam verò poena FURTI simplicis (de quo proprium locum hic non persequemur) exemplo juris Divini, Romani & aliarum gentium intra mortem subsistere debet, tamen in Abigeos, maximè qui ut artificium illud exercuere, non abs re videri potest acerbius animadverti: eadem ratione, quâ Scythæ olim apud Justin. *lib. 2. à pr.* nullum furto crimen gravius puniebant, quia nullis domibus res suas continentes, nihil salvum custodire possent, si non facilitas perpetrare

di, acerbitate poenæ, & spes impunitatis metu gravioris supplicii compensaretur: Tutius tamen est, exemplo Juris Divini, mitius in abigeos consulere; Quin nec jure Romano eos capitali supplicio consumi, probavimus *ad tit. §. de Abig.* Pluribus de FURTO & INJURIA heic supersedemus & ad juris privati lectiones remitemus.

51. *Stellionatus* postremo dicitur omne crimen, quod speciali nomine caret, à Stellione versuto animali, quod se in omnes formas vertere dicitur; Ideoque specierum enumerationem hoc delictum quasi clausulâ generali obsignat. Vide, *tit. §. de Stellion.*

C A P. VI.

De Re Judicata.

Quid sententia. Quomodo formetur, ubi de numerandis suffragiis, exacte differitur, & contra Grotium. Cujus nomine sententia feratur. De effectu ejus, an emendari possit, & à quo: Executio sententiæ. De modis, quibus sententia retractatur, Querela Nullitatis. Appellatione. Restitutione in integrum, Relationibus & jure Principis hac in parte.

Post varias cognitiones & Interlocutiones, ubi res ad maturitatem Judicandi perducta fuerit, Judex ferre debet *Sententiam*, quæ est *ultima Judicis*, *super causâ jam cognita*, *Pronuntiatio*, *absolutionem vel condemnationem continens*, & sic fit res Judicata. Quamquam ea voce per excellentiam quandoque utimur ubi res in eo statu fuerit, ut nullo modo retractari possit; quomodo Canonistæ Rem judicatam, non nisi post decem à sententiâ latâ dies, intra quos appellari potest, intelligunt *c. 15. §. de Sent. & re jud.* quemadmodum & Sententia per excellentiam in hac definitione accipitur, cum & alias Interlocutiones eâ

voce designari soleant; modo causâ cognitâ enuntiatae sing: Nam quæ aliter proferuntur, neque Sententiæ sunt, nec ita appellantur, nec effectum rei judicatae habent, quo pertinet *Tit. C. Comminationes, sive poenales, quas vocant, Suspensiones, Epistolas, Programmata, Subscriptiones auctoritatem rei judicatae non habere.*

2. In formanda sententiâ, minor est difficultas, ubi singuli officio publico funguntur, ut veteres Magistratus Romani, quam ubi plures adhibentur: Et si hodiè quidem non utimur regula Juris Romani, quod unò è judicibus absente, reliqui judicare non possint *l. 24. §.*

C c c c

de Re

de Re Judic. utcunque ratio, quæ præfertur à Românis Jurisconsultis æquè moribus hodiernis conveniat, quia potuit absentis præsentia reliquos in consensum trahere l. 17. §. ult. d. Recept. qui Arbit. Nec enim est dubium, quin valeant acta à præsentibus, quibusdam licet absentibus, ut fit in Collegiis Decurionum l. 3. & sequ. π. Quod cujusque universit. Nisi forte aliud sit in Judicibus datis extra ordinem, qualeserant Judices pedanei, Arbitri, & hodiè Revisores, qui dicuntur, & quicunque plures cum sint, non faciunt tamen Collegium, quod habet jurisdictionem per modum universitatis, ut ibi etiamnum valeat illa vetus regula; secus atque in Curiis & Senatibus, quorum jus à præsentibus, qui reperiuntur; nisi quid secus peculiariter receptum sit; exercetur. Adeo, ut tamen si pars magna judicum aliquando excusetur, ut usu venisse constat, à minori quoque parte Jus Collegii usurpetur: Et si in casu fortuitæ absentiae, quandoque major adhiberi solet accuratio, ut absentes etiam consulantur, si major pars eorum, qui jus habent dicendæ sententiæ, non consenserint; quod tamen voluntariæ cautionis ergo magis, quam Juris necessarii causâ instituitur.

3. Absolutio vel Condemnatio prærogativâ numeri suffragiorum, non valore rationum, conficitur. Paribus forte sententiis Regula Juris universalis est, *Absolvi reum*; non modò, quod hic Actore sit favorabilior; sed hac imprimis ratione; quod status negotii mutari nequeat, nihilque novi fieri possit, si in neutram partem, mutandi causa prævaleat: Ideoque, si judices votis sint pares, Actor vincere non potest, quia victoria non nisi à viribus superiore proficisci potest: Et quia publica juris ratio non fert, ut lites sine exitu pendeant, hinc Rei absolutio fit necessaria.

4. Si non sit oppositio inter duas judicum partes, simpliciter adfirmantes aut negantes, sed in tres pluresve partes abeant, quæri solet, quæ quibus conjungendæ sint. Volari quidam judices reum absolvunt, quidam morte puniri volunt, alii relegant. Vel sic: Tres judices capite puniunt, duo pecunia, duo exilio. Hac de re Grotius; *Distinguendum*, ait, *hic inter sententias, quæ totis rebus differunt, & inter eas, quarum altera partem alterius continet; ut hæ conjungendæ sunt in eo, quo conveniunt, illæ non item.* Sic, qui in viginti damnat, & qui in decem, conjunguntur in decem, adversus sententiam absolventem. At qui morte reum puniunt, & qui relegant, non conjunguntur, quia diversa hæc sunt, & in morte non est relegatio. Sed nec absolventes cum relegantibus conjunguntur &c. Nam qui relegat non absolvit lib. 2. de jure B. & P. c. 5. n. 19. Cum his fere consentit Plinius lib. 8. Epist. 14. aliique à Grotio laudati.

5. Apparet illos sententiæ suæ fundamentum ponere, in adfectione rerum sive materiæ judiciorum. Sed cum vis & potestas suffragiorum ab intentione judicantium pendeat, videndum, ne non potius sequenda sit præsumptio voluntatis illorum, junctâ hac regula, semper in dubio inclinandum in mitiorem partem. Non possumus exemplo carere. Tres judices capite puniunt, duo pecunia, totidem exilio. Cujacius reum capite puniendum statuit lib. 12. obs. c. 16. quia *diversarum sententiarum coitio non est*, inquit, *adversus eam, in quâ plures sunt dissidentes.* Ego dicerem, Exilio reum esse mulctandum, quia dubitari non potest, quin damnantes in pecuniam, malint, si hoc obtinere nequeant. exilium rei, quam capitis supplicium: Ac ita vidi servatum in suprema Frisiorum Curia, exemplis in eam rem addu-

ctis, quæ collocata sunt in *Prælect. ad tit. n. de Re Judic. n. 18.*

6. Proinde & absolventes cum relegantibus conjungendi videntur, adversus gladio ferientes; quia sine dubio malunt reum, quem innoxium putant, exulare quam perire. *Sed qui absolvit, non relegat*, ait Grotius; quod est verum; sed hoc non est *παραπομπή*, agitur de præsumpta voluntate eorum qui diversum dixerunt. Sic Curia Frisiorum non dubitavit, conjungere eum, qui torqueri volebat reum, cum virgiscædentibus, contra severiorem sententiam; etsi torquens non magis cædebat virgis, quam absolvens relegabat; idque præsumpto, quin etiam expresso torquentis ad sensu, absque mutatione tamen sententiæ suæ, ut qui fateretur, esse colligendum, se potius velle cædi reum virgis, quam duriore subigi supplicio; plura diximus in *Eunom. Rom. ad l. 23. §. 3. d. Recept. qui arbit.*

7. Fertur sententia nomine Summæ Potestatis. Antiquitus Reges ipsos audivisse causas & jus dixisse, eaque gratiâ primum esse constitutos, satis constat. Cicero, Fruendæ justitiæ causa reperies olim bene moratos Reges constitutos *lib. 2. offic. c. 2. Hesiod. Theogon. v. 88.*

Τῶν τε γὰρ βασιλῆς ἐκ Φοῖβου, ὅτε
λαοῖς

Βλαπτομένοις ἀγέρῃσι μετέτεσσεν ἱ-
στα πλῆσι.

*Hac unâ Reges sapientes lege crean-
tur.*

*Dicere jus populis injustaque tol-
lere facta.*

De rebus saltem majoris momenti ut adirentur, & de causis denegatæ justitiæ cognoscerent ipsi, diutius servatum, ad summam populorum utilitatem pertinet: donec eo perventum est, ut Reges & Principes solum jus publicum sibi suisque consiliariis reservarint, Re-

bus judicandis ad Curias judicum delegatis.

8. Effectus sententiæ consideratur vel in se, vel ratione Actionis & executionis. In se, quod Inrevocabilis atque incorrigibilis, *neque angari litera unâ, neque minui possit*, ut Apulejus. Haftenus bene Pilatus, *ὁ γέγραφα γέγραφα Job. 19. v. 22.* Ne quidem principali Rescripto sententia, nullâ provocatione suspensa retractari potest *l. 3. C. quæ Sent. rescind. non possent*: quod tamen de civilibus, non de criminalibus causis, accipiendum. Etsi pleræque rationes non mutandi rem judicatam utriusque causarum generi convenient, veluti, publica utilitas, quod judex officio suo defunctus sit, & quod bis peccandi facultas illos negligentiores redderet: Hoc tamen interest, quod in civilibus per sententiam victori jus quæsitum est, quod neque per judicem, neque per ipsum Principem adimi possit *d. l. 3.* cum in criminalibus nulli quam Reipubl. jus sit comparatum, cujus arbitrium & moderamen penes Principem esse constat.

9. Si quis igitur, post latam sententiam, error à Judice vel Judicum Curia commissus detegatur (ante promulgationem in potestate judicantium est sententia) Principem consulere ejusque auctoritatem implorare, nec inutili pudore, quando alius non datur exitus, retardari debent. Utique si nolint imitari, quod abominandum, Curiam ex Gallicis unam, a *Michaële Montano* in *Gustibus suis*, sine nomine demonstratam, nisi quod suæ habitationis, quæ fuit in Aquitania, vicinam appellat, à quâ cum duo latrocinii erant damnati, sed post latam sententiam, ex actis vicini Tribunalis, ubi veri latrones deprehensi erant, liquido constaret illorum innocentia, suspensi tamen sunt miseri (*les pauvres diables* inquit) tanquam victimæ formulæ justitiæ consecratæ. Sunt tamen Cu-
rix,

riæ, quæ jus Principis in Justitia administrandâ exercentes, inconsulto eo, qui summam Reipubl. potestatem habet, sententiam criminalem non æque civilem ante ejus executionem, mutare possent, ut exemplo illustravimus in *Prælect. ad tit. x. de Re Judic. n. 44.*

10. Lata sententia executioni danda est ab eo, qui tulit eam, modo habeat jurisdictionem, cui inest imperium, saltem minus, quod mixtum Jurisconsulti vocant, hoc est Jurisdictionem simpliciter dictam, ut à nobis descripta est in *sect. præced. tit. ult.* Qui vero notionem habent, de qua in *eod. tit.* dictum est, non habent exequendi potestatem; sed hanc petere debent, ipsi, aut victores à Magistratibus. Quod etiam hodie faciendum est ab his, qui partes jurisdictionis habent mandatas, de quibus *ibi* similiter actum; etsi ex ratione Juris Civilis verius est, eos, qui mandatam accepere jurisdictionem, ipsos exequendi habere potestatem, ut probatum ad *d. Tit. x. de Re Judic. n. 51.*

11. Quod si condemnatus alibi degat, aut res, in quam facienda est executio, in alieno territorio sita sit, judex ejus loci requisitus non recusat executionem, nec si in eodem Imperio sit, recusare potest, quin à superiore ad hoc Justitiæ ministerium compellatur. At si requisitus judex sub eodem Imperio summo non agat, in ipsius arbitrio est, exequi velit sententiam, an secus. Non solent tamen negare, debitâ humanitate requisiti; quin juri Gentium, si negarent, adversari viderentur; sub hac tamen exceptione; nisi jurisdictioni suæ præjudicium inde creetur; quâ de re cum inferior agendi locus occurrat, hic præmonebimus, ut hanc exceptionem res ipsa & ratio summa flagitat, ita usum ejus plerumque Curiis inter se collidendi occasionem præbere, dum quod requisitus sibi præjudicio fore

præsumit, hi, quibus negatur executio; secus interpretantur, ac inde causam, requisiti, vicissim negandi executionem, ubi nullum quoque vertitur præjudicium, occupant.

12. Condemnatis antiquo jure Romano & lege xii. tabularum, menstruum spatium, quod recentiori jure mutatum est in quadrimestre, quo judicati solutionem conficiant, tam fuit laudabile; quam quod hodie nullum in hunc finem datur Legitimum tempus, dum executiones arbitrariis dilationibus multò sæpe diutius eluduntur, inhumanum & iniquum est. Si quis inter antiquum & recentiorem populi Romani morem, viam hac parte mediam eligeret, forte nihil erraret.

13. Sed modi, quibus Executio administratur, varii sunt. Primus est, Manus militaris, quæ dicitur in Jure, quando rem, sive corpus certum restituere jussu, neque parenti res aufertur *l. 68. x. d. R. Vind.* non quod milites è numeris cohortium illuc adhibeantur, sed ministri Magistratuum armati illa voce designantur: Pluribus enim haud immerito locis prohibitum est, milites proprie dictos executionibus adhibere judicialibus; non tantum, ne milites à cohortibus suis officioque publico avocentur, quam ne belli species Judiciis adfundatur, & vis Dominationis, Judicati auctoritatem corrumpat.

14. Etsi reliqui Exequendi modi sæpe nec sine manu armata fiant, hoc tamen nomine, modus, qui sola manu militari fit, hoc est, ablatio rei controversæ designatur. Etsi pignorum capio & distractio, missio in possessionem, coniectio in carcerem, sine armato ministerio plerumque fieri possit; si condemnatus ipse res, è quibus judicatum satis fiat, adsignare gravetur; quod arbitrium civilitas hodierni moris ei rectè meritoque defert.

15. Carcer

15. Carcer extremus executionis modus est, si condemnatus nullo alio modo parere in animum inducat, aut nihil sit, quo aliunde victori satisfiat: quæ tamen extremitas contra certas personas, quæ in solidum excuti nequeunt, & habent beneficium, ne teneantur ultra quam facere possunt, quos inter qui bonis cesserunt, institui nequit.

16. Sed de his & quæ plura de Sententiis & Re iudicata, dici queant, alibi latius actum. Agendum hic paucis, de his quæ Rei Iudicatæ derogant: Etsi enim sententia lata revocari non potest, ab eodem Iudice, nec etiam in præjudicium victoris ab ipso Principe, quod diximus; sunt tamen remedia quædam Jure prodita, & ubique gentium usitata, quibus sententiæ retractari possint; summâ ratione, quia nullius hominis aut Curiae tam omni erroris exceptione major est prudentia, quæ non aliquando labi & emendationis indigere videatur. Hinc sententiæ rescindi moris & juris est, per Querelam Nullitatis, Appellationem, Restitutionem in integrum, Supplicationem sive Revisionem, & si qua similia sunt Remedia; ab inferioribus & supremis iudicibus, actisque Magistratuum institui solita. Nam ab ipsis Summarum Potestatum decretis nullam ad alium esse Provocationem, res & Summitatis natura satis indicat. De singulis aliquid.

17. Querela Nullitatis habet locum, quando Sententia est ipso jure nulla, quod variis causis usu venit I. Si lata sit contra leges & mores civitatis sententia, ut si iudicatum sit, minorem annis quatuordecim posse facere Testamentum, mulierem ex fidejussione, Filium familias ex mutuo teneri, in locis, ubi jus civile viget l. 1. § 2. π. *Quæ sent. sine appell. rescind. l. 2. C. Quando provoc. necesse non est.* II. Secundo, si prius inter easdem

partes aut eorum antecessores, sententia lata sit, in iisdem terminis contraria. III. Si lata sit à Iudice, cujus non erat jurisdictio directè, vel ex prorogatione l. 5. & 6. C. eod. IV. Si commissus sit error calculi l. 1. §. 1. d. tit. π. *Quæ sent. sine appell. rescind.* V. Si talis sit condemnatio, cui per rerum naturam pareri non potest l. ult. eod. tit. Quæ causæ jure Romano proditæ, sunt etiam juris Universalis. Plures & speciales hic prætervehemur.

18. Tales sententiæ jure Romano nunquam transeunt in rem iudicatam, & sine provocatione rediguntur ad statum Nullitatis; ita, ut Actor repulsus perinde veteri actione possit agere, ac si iudicatum non fuisset; & Reus executionem iudicati per exceptionem doli mali refutat, ut demonstratum à nobis est ad pr. Tit. de Appellat. Quod nec aliter ex Arte juris universalis habere se potest. Sed quia Iudices, à quibus latæ sunt contra jus sententiæ, plerumque adficiuntur ita, ut Euripides ait, Τὸ ὀρθὸν ὁ νόμος ὀδυνᾷ, *Emendari sententiam, dolet*; usus ita fert, ut querela nullitatis ad Superiorem, perinde ac Appellatio, deferatur; Qua specie nonnulli in opinionem seducti sunt, Querelam Nullitatis à remedio Appellationis hodie non esse distinctam; In quo illos decipi in Palest. ad Tit. π. *Quæ sent. sine appell. rescind. sub fin.* demonstravimus.

19. Appellatio est, Querela non acquiescentis iniquæ sententiæ vel decreto Iudicis inferioris. De Nullitate etiam est Querela, sed Τὸ μὴ ὀρθόν, *non Entis*, civiliter; hinc sententia vel decretum existit equidem, sed iniquitate laborat, contra jus partis, non contra leges. Discrimen exemplo cognoscitur; Pronuntiatum est, minorem annis XIV. jure fecisse testamentum; non est sententia, juridice; Rursus; Pronuntiatum est, majorem

jorem annis xiv. fuisse Testatorem, qui vere minor fuit. Est sententia, sed rescindi potest, cum, quod nullum est, *ἡ ἀπόφασις*, ut loquitur Demosthenes, rescindi non possit.

20. Divisio Appellationis est in Judicialem & Extrajudicialem. Judicialis est à sententiis, tam interlocutoriis, quam definitivis; etsi à prioribus jure Romano non datur appellatio, sed mores qui magis sunt hujus Artis, ex Jure Canonico aliter ubique receperunt. Extrajudicialis est, de Decretis, veluti à Nominationibus ad munera publica factis *l. 1. §. de vacat. & excus. mun. de indictionibus* gravioris tributi Nov. 128. c. 7. & à quolibet alio gravamine, decreto Magistratus alicui oblato & inflicto *c. 1. & cum Romana 3. de Appellat. in 6.* quale erat, quod Festus parabat Paulo, ut Hierosolymis judicaretur: Unde Cæsarem appellavit, ut in Actis Apostolicis legimus.

21. In causis Criminalibus & maximè, capitalibus, Appellationem æque ac in civilibus, habere locum, ratio & momentum rei & errandi priculum in his non minus quam in illis, & miserorum salutis ratio exigunt Jurisque Romani auctoribus dictarunt: Quo magis mirandum est, hodiernis moribus, in multis populis, secus esse receptum. Id enim de Germania testatur Mynsinger. *cent. 2. obs. 98. n. 2. & cent. 4. obs. 41. Gail. 1. obs. 128. & lib. 1. de pace publ. cap. ult. in fin. n. 36.* De consuetudine Hispaniæ Scach. de Judic. *lib. 1. c. 27. n. 62. 63. 83. 93. & 95.* In Italia non dari appellationem in Criminalibus, testis est Julius Clarus § *fin. Qu. 99. n. 3.* De Belgicis nationibus idem scribit Groeneweg. *ad l. 2. Quor. appell. non recip.* saltē ubi per inquisitionem proceditur: Nam in ordinario processu Appellationem admittunt Hollandi, teste Bortio in tract. de

Appell. in Crimin. Sed Galli jure Romano hac in parte utuntur, teste Rebuffo, comment. ad const. Reg. tom. 3. tract. de Appell. art. 7. gl. 2. n. 22.

22. Ratio, quæ hanc à jure civili discrepantiam introduxit, quod rei criminum semper appellarent, & summis mortique suppliciorum graves Reipubl. forent, non est tanti, quanti liberæ plenzæque defensionis facultas, & veritas dicti,

Nulla unquam de morte hominis cum Etatio longa est.

Nec desunt qui hanc humanitatis rationem putant esse tam validam, ut nec Statutis specialibus appellandi facultas in criminalibus prohiberi possit, ut nec ipsi, addunt, Diabolo sit neganda, Covarruv. *part. 2. Quæst. 23. num. 3. Dati. Moller. lib. 4. Semestr. c. 33.*

23. Nec tamen repudiandi sunt casus, quibus etiam in Capitalibus rectè negetur appellandi facultas, ut negatur in Jure Romano, Ducibus latronum, *Auctoribus* seditionum, item Homicidis, veneficis, maleficis, adulteris & qui violentiæ manifestis argumentis superati, testibus convicti & propria voce confessi sunt; omnibus hisce requisitis concurrentibus, non est iniquum, Appellationis moram præcidi; secus, si non ultro, sed metu tormentorum confessi fuerint, constitutum est in *l. 2. C. Quor. appell. non recip.* Quæ hætenus in Jus Universale recipi merentur, ut & reliqui casus, quorum executio moram non patitur, ut est exactio tributorum & debitorum fiscalium. *l. 4. C. Quor. Appell. non recip.* Quæstiones de Annona, de aperiendo testamento & missione in possessionem *l. 6. l. ult. C. cod.* Quin omnes possessoriæ lites ex ratione juris Romani, huc pertinent *l. un. C. Si de moment. poss.* Quod hodiernis populorum moribus aliter observatur, ut expositum est in prælect. ad tit. *π. de Appell. recip. vel non.*

ubi & alii casus excepti, quos inter, si minister officii sui ratione à Magistratu, cui servit, condemnatus sit, extra damnum famæ & patrimonii l. 3. d. T. Quor. appell. non recip.

24. Institutum appellandi non minus Reipubl. necessarium, quam nimis frequentes appellationum species & gradus inutiles, litibus producendis & intrinsecis opportunum, quin publice privatimque noxium est. Quinam autem sint gradus appellationum, à statu & ordine cujusque Reipubl. pender. Optime habet, ubi unus tantum est gradus, sicut in nostra Patria; vel si plures sint, temperamentum Juris civilis obtineat, ut tertio provocans non audiat; quod tamen est juris positivi, & hodie non servatur, cum ea cujusque magistratus facultas videatur, in qua sibi præjudicium fieri nullus patitur. Ac ideo per omnes Magistratum gradus causæ peraguntur, donec ad Summam potestatem, vel ad Judicem, à quo non datur appellatio, quales exinde postquam Summæ Potestates ipsæ res judicare desierunt, in plerisque Imperiis habentur, deventum fuerit.

25. Sed cum Juris tam publici quam privati controversiæ ventilentur, & singulis diversi Magistratus ut collegia in quaque civitate constituta sint, hinc sæpe dubitatur, ad quos superiores appellatio instituenda sit; ut de ipso genere causarum frequenter ambigitur, ad utram, Juris Publici, an Privati speciem pertineat. Quod in plerisque Rebus publicis, præsertim Aristocraticis & Liberioribus nunquam satis decisum, nec scio, an unquam plene decidendum sperari possit; ut in nostra quidem Republica, etiam post Leges hac de re latas ea res in continua fluctuatione versetur, & facti magis quam juris habeatur. Nec sufficit, quod vulgo dicitur, Quæstio-

nes de meo & tuo inter cives esse juris privati; quæ ad regimen civitatis pertinent, eas esse juris publici; Nam inter Reges & Principes inque eorum consistoriis, denique in omnibus conciliis Quæstiones de meo & de Tuo, & quidem inter privatos, omni die ventilantur. Quicquid tamen in universum dici potest, harum rerum conjunctione absolvitur; ut Quæstiones mei & Tui, quatenus in illis nullum præjudicium publicum vertitur, ad juris privati Judices referatur. Sed quatenus eadem res ad Reipublicæ administrationem spectent, ita judices ejusdem generis requirunt. Quod si dubitetur, ad utrum judicem res pertineat, Appellans alternative ad Politicum vel Judicalem provocare potest, ut vel remelius exploratâ alterutrum eligat, vel ipsi Magistratus aut Collegia inter se comparent & rem constituent.

26. Superiorem, qui appelletur, esse oportere, tam certum est, ut, si per errorem Inferior aditus fuerit, Appellatio nullius momenti sit, quod jure Romano constitutum, universali rationi consentaneum est, l. 1. §. 3. p. de Appellat. Debet etiam immediate superior esse, qui appellatur, ne jura Magistratum & ordo publicus intervertantur; idque est quod vulgo dicitur, Appellationem non esse faciendam per saltum l. 21. §. 2. p. d. Appell. l. 4. C. de Jurisdic.

27. Tempus Appellationis interponendæ est, decem dierum spatium. De Temporibus introducendæ & proseguendæ Appellationis, de libellis dimissoriis, à Judice, à quo Appellatur, ad superiorem datis, quos Apostolos vocant, & de effectu Appellationis, qui est in summâ, quod pendente Appellatione, nihil sit innovandum, parumper in universum tradi potest: Quia juris positivi & arbitrarii secundum mores cujusque Reipubl. discreta sunt. In summâ, et si diverso

diverso modo servatur, habendum est; quod in quibusdam negotiis, vel minoris momenti, vel quæ moram non ferunt, executio, non obstante Provocatione, fiat, ut tamen nova causæ cognitio ad superiorem devolvatur. Idque est, quod ajunt communiter, Appellationes aliquando habere vim devolutivam cognitionis, etsi non habeant executionis vim suspensivam. Et hæc quidem à præsentis instituto abesse non poterant; reliqua è juris privati institutione petenda relinquemus.

28. Est adhuc aliud Juris remedium Romanis posterioribus cognitum, quod *Supplicatio* dicitur, quæ sententia Præfecti Prætorio à Principe retractatur. Qui, cum vice Sacra, id est, Cæsaris Augusti judicaret, adulatione temporum, novi differentiæ verbi, dignitatem Præfecturæ mutavit. Et cum Appellatio fiat ob iniquitatem sententiæ, Supplicatio mollius ob *Error*em institui dicitur, ut ad *tit. 2. de Off. præf. Prat. & Cod. de Sentent. præf. Prat.* traditur. Hæc etiam non suspendit executionem, si post decem à sententiâ latâ dies instituta fuerit; nec quidem si antea fiat, modo victor caveat de restituendo judicato, si retractetur *Nov. 119. c. 5.* Hoc autem Remedium etsi cum Præfectura Prætorii sepultum fuerit, ex ejus tamen cineribus aliud prodiit, quod *Revisio* dicitur, quæ fit à sententiis Judicum, vel Curiarum, à quibus appellari non potest: habet autem proprietates easdem, quæ sunt in Supplicatione; nisi quod plerumque *Revisio* non fit ad Principem; sed ad idem Collegium, vel solum, vel cum aliis conjunctum, ut in quaque Republ. visum fuit. Est etiam, ubi ad Principem vel ordines supremos instituitur, cujusmodi est ea, quæ *Revisio* magna dicitur in Frisiâ, quales proximè ad Supplicationes Romanas accedunt.

29. Potest etiam retractari Sententiâ per Restitutionem in integrum, quæ est Amissæ Causæ redintegratio, & à superiori Potestate, vel etiam ab eadem, quæ tulit sententiam, impetrari potest; nam quisque Magistratus contra sua & Antecessoris sui judicata restituere potest *l. 16. §. ult. l. 18. l. 42. 2. de Minor.* cujus petitiæ vis eadem est, quæ Appellationis, ut lite super eâ pendente, nihil innovetur *l. un. C. In integr. restit. pet. ne quid novifiat.* Et si jus Canonicum permittens executionem, sub cautione de restituendo, si contra judicatum fuerit, Moribus in disciplinam magis abiit universalem; eo quod ita fere usu venit, ut ad restitutionis remedium condemnati non tam fiduciâ causæ, quam ad eludendam rem judicatam, post fatalia appellationis amissa, quia Restitutio cis quadriennium datur, se conferre solent. Id sane tenendum, causam restitutioni non præbere metum, dolum, absentiam, minorem ætatem aliamve rationem, quæ in ipso negotio, de quo litigatum fuit, evenerit & in disceptatione Judicii ventilata fuerit; sed dolum vel justam gravemque ignorantiam causam in processu judiciali commissam esse proferendam. Reliquæ in ipso negotio principali usum habentes, cum ad corpus & merita causæ pertineant, Appellatione vel supplicatione retractandæ sunt; quibus omissis, frustra per in integrum restitutionem in controversum revocantur.

30. Et hæc quidem remedia à Magistratibus imploranda sunt. Respectu Principis similem Appellationi effectum habet *Relatio*, quæ est duplex: Una, cum Judex causam plane instructam mittit ad Principem, ut is eam cognoscat & decidat, quo casu non potest appellari *l. 34. C. 6. 2.* Altera, cum Judex relatis causæ meritis ad Principem, illum de jure consulit, ut juxta consultatio-

nem

nem ferat sententiam l. 1. & 2. cujus generis sunt consultationes Plinianæ in lib. 10. *Epist.* A tali, quoniam partibus fit non auditis, recte appellatur l. 1. §. 2. b. t. Sed hanc esse periculofam, præjudicium qualiscunque sententiæ Principalis opponi alterutri non audito, res loquitur; Idcirco Justinianus ipse censuit illam esse prohibendam in Nov. 125. Neque moribus, ut puto, exercetur: Nec quidem illa prior; quando jam pridem Reges & Principes Ordinesque liberorum populorum rem judicariam Curiis Judicum ita permiserunt, ut ipsi amplius illis inquietari nolint.

31. Quidam etiam Curiis civilem & criminalem Jurisdictionem, *privative*

detulisse leguntur; hoc est, sicut ille terminus in scholis usurpatur, ut se ipso omni facultate circa civilem & criminalem Jurisdictionem *privaverint*; aded ut nec causas avocare non decimas, neque definitas rescindere, vel executiones impedire possint; denique, nec veniam Criminum, nisi certâ formâ legibus præscripta, nec ea sine Curia concursu, servatâ, delinquentibus impertiri possint; Ut jurisdictio & Imperium independenter & jure Summæ Potestatis à tali Curia exerceatur; quomodo in Frisia constitutum esse; publico & erudito scripto; hinc ante triginta annos adstructum & comprobatum, etsi nec contra non disputatum est.

SECTION III.

De Copiis aliisque Juribus Reipublicæ.

C A P. I.

De Ærario & Væctigalibus.

Transitus, & necessitas Ærarii, in Civitate. Cur, & qui olim populi hoc subsidio carere potuerint. Unde creverit illa necessitas hodie. Partitio modorum, quibus Ærarium conficitur, in Ordinarios & Extraordinarios. Inter illos primo de Reditibus bonorum Immobilium, ubi & de Legibus Agrariis. Quibus ex causis Reipubl. agri constituentur. De muneribus publicis Ærarii levamento servientibus, ubi de onere milites hospitio excipiendo. Origo ejus rei & excessus enormis. De væctigalibus, eorumque usus differentiâ veteris & novi. De conductoribus eorum, publicanis, an his carere liceat Reip. Væctigalia quis instituere possit, de Pœnis non solventium væctigal & commissorum. Quæ sint illicita, ubi de væctigali trapezitico, decimæ & aliis minus commodis. De Extraordinariis contributionibus, ubi de Censu, de publicatione bonorum, de spoliis hostium &c.

Civitas, Legibus, Senatu, Magistratibus & Judiciis ordinata, Copiis eget, id est, facultatibus ad securitatem & dignitatem publicam necessariis.

Proinde sine Ærario, sive pecuniis publicis, neque in se consistere, neque adversus externos se tueri potest. Nam quies gentium sine exercitu, Exercitus sine stipen-

D d d d

stipendiis, stipendia, sine tributis nullo modo haberi possunt, est dictum Taciti. Quanquam fatendum est, illam Imperii magis Romani, quam cujuscunque Gentis aut Civitatis instituto convenire sententiam: Nec enim omnes exercitu egent mercenario, nec adeo tributis ad Exercitum alendum necessariis.

2. Si enim rebus & finibus suis contenti populi, nihil aliud agerent, quam ut quietem suam adversus externos tuerentur, & hac gratia se ipsos in armis exercitos & pro aris focisque paratos ad decertandum exhiberent, mercenariis militibus, qui majorem usum, quam ut libertatem ipsorum, à quibus aluntur, opprimant, habent nullum, facile carerent; quemadmodum plerisque veterum illis caruisse constat; ne hoc voti potius quam usus civilis esse putemus.

3. Placet duobus uti exemplis. Quamdiu Lacedæmonii se domi ad illud exemplum continebant, sine mercenariis militibus, & sine tributis, imo sine auri & argenti usu, per quingentos annos id consecuti sunt, ut ne hostis ullus pedem in terrâ Laconicâ poneret. Sed postquam longinquis bellis operam dare, aliorumque libertatem opprimere cœperunt, exercitus perpetuos alere coacti, se ipsos pecuniæ inopiâ exhaustos, exteris mancipare coacti libertatem amiserunt. Alterum est, Frisiz Patriæ nostræ exemplum, quæ vetustissimam libertatem inde à Romanis temporibus, maxime post Caroli Magni ætatem, sine mercenariis & sine ullis tributis, contra maximas exterorum invasiones facile defendit; donec bellis civilibus attrita & in domus Burgundicæ ditionem redacta, modicis adspersa potius quam onerata vectigalibus, deinde recuperatâ libertate, Fœdere cum aliis nationibus inito, longinquis bellis, immensisque tributorum oneribus implicata fuit.

4. Nec aliud in pleraque usu venit Europa, cum dissoluto Romanorum Imperio, quæque gens milite contenta domesticis & feudali, modicis onerata tributis agebat; donec superiori & hoc imprimis seculo, Principes exercitus alere mercenarios, atque per, & propter horum immensis populos oneribus & pecuniarum exactionibus opprimere cœperunt. Idque malum perpetuos habendi exercitus & Tributa sine fine recipiendi, ad ipsas nationes liberas, in statu belli constitutas, perripit; imo reliquis, quam verè sit Aurea Libertas, exemplum præbuit. Discrimen hujus & superioris seculi pateat hoc exemplo; Ordines Frisiz à Carolo V. & Philippo II. stipulati sunt, ne plus xiv. millibus florenorum, quæ nunc, habita ratione pretii, quod deinceps crevit, auri & argenti, forent circiter xxx millia, præter domania sua, exigeret, & hodie tempore belli plus tricies centenis florenorum millibus in rem communem, ultra domania non parum etiam aucta, conferunt.

5. Plane, ut nunc se res habent in orbe Terrarum, non modo belli, sed & omnis Imperii nervus est pecunia publica: Nam Lycurgi institutum, qui ut inter privatos nullum nisi ferrei nummi usum permisit, ita operam dedit, ne Reipublicæ vires auro vel argento pacis aut belli temporibus indigerent, illius hac parte ratio inquam & omnis ordo Civitatis admirationi potius quam imitationi posteritatis exposita est. Et Frisiorum vetus institutum, qui æque sine Ærario Rempublicæ continuerunt, in Anarchiam & dissolutionem pacis publicæ defecit. Imo res vere nunc æstimanti, nullum præstantius optimi status Civitatis & Imperii signum atque argumentum haberi potest, quam Ærarii communi provida constitutio & diligens Administratio.

6. Primo igitur de constituendo, tum de Ad-

de Administrando videamus *Ærario*. Cujus quidem conficiendi modos septem Bodinus enumerat & exequitur in *lib. 6. de Republ. c. 2.* nos ad duo genera reducemus. Ut modi & fontes, è quibus *Ærarium* constituitur, sint vel ordinarii vel Extraordinarii. Ordinarios vocamus, qui ferè semper in omni *Republ.* tam pacis quam belli tempore in usu sunt. Extraordinarii sint, Indictiones & collectiones, usu & necessitate publica, præsertim belli tempestate sic exigente, fieri solitæ, & quælibet casualia lucra. Prioris generis sunt, Reditus dominici, maxime ex agris publicis, munera & vectigalia. Posterioris sunt, contributiones, tam è civibus, quam à sociis, etiam ab hostibus, & ex iisdem spolia, donationes à sociis & amicis profectæ, pensionationes pro concessis jurbus ac privilegiis, & id genus alia, quæ in universum definiri non possunt, inque diversis civitatibus & Imperiis aliter aliterque se habent.

7. Magnum *Reipubl.* fundamentum est, in fructibus rerum soli, tam ad certitudinem reddituum annuorum, quam quod ingens præsidium fidei publicæ continent, in subitis necessitatibus, ad mutuas impetrandum pecunias. Ita *Romulus* urbe condita, sic instituit, ut ager *Romanus* in tres æquas divideretur partes, quarum una pro Sacerdotibus & sacerorum sumptibus, secunda *Reipubl.* oneribus serviret; tertia in cives divideretur, teste *Dionysio lib. 2.* *Diodorus* autem *Siculus* in *lib. 1.* *Ægyptios* perinde tripartito divisisse agrum publicum, eodem usu, nisi quod tertia militibus, in usum feudali non abfimilem adsignaretur, cum reliqui agricolæ colonive servi essent, inde à tempore & instituto *Josephi*, proculdubio *Genes. 41.* *Poloni* victores agri *Sarmatici* & vicini nobiles, haud multo secus habent agricolarum vulgus.

8. Venim ad sacros usus plerisque populis *Christianorum*, longe major quam tertia pars agrorum cessit; quod, cum bona sacris destinata ferè libera ab oneribus habeantur, *Reipubl.* noxium, ac ideo multorum scitis populorum cautum fuit, *πὲς Ἐκκλησίας ἐν ἀκινήτοις μὴ παύσασθαι, Ecclesias rebus immobilibus non augeti*, qua de re vide sis *Robertum 2. rer. judic. 2.* *Bodin. 5. de Rep. 2.* Nec *Juris* ratio, seposito, quod Pontificii juris auctores, de exemptione Clericorum à Jurisdictione & Potestate civili introduxerunt, refragatur huic temperamento, adversus imensa reddituum sacrorum augmenta, non infimam luxur & corruptæ religionis causam. Quo jure *Protestantes* in publicos usus illa bona transtulerint, alibi dictum, ne hujus est loci.

9. Non immerito igitur olim, qui auctores se præberent agros publicos alienandi & in plebem distribuendi, salutis publicæ adversarii & mali cives habiti sunt, quod argumentum fuit tot agrariorum in *Romana* civitate contentionum; & in nostra *Republ.* merito prudentes & patriæ amantes crediti sunt, qui agrorum publicorum venditionem novis *Tributorum* & vectigalium, quæ tamen nec deinceps evitari potuerunt, institutis præveniendam putarent, qua de re dix. in *Hist. Civ. ad ann. 1637. Reb. Belg. cap. 3.*

10. Quia vero publicis agris tam exacta non potest adhiberi cura, quam quisque paterfamilias suis applicare solet, plerumque in emphyteusin, vel saltem in longum & longissimū tempus, non maximis concedi & elocari solent vectigalibus. Quod lucrum quibuslibet civibus & maxime tenuioribus permittendum, etsi à potentioribus sæpe, malis artibus occupatur; Unde *Gracchanæ* seditiones apud *Plutarchum* in *vitâ Gracchorum*, qui non immerito *Patres avaritiz* &

tia & factionis maleficæ arguebant, quod agros publicos ære modico sibi addicendos, & per servos colonos exerceri curarent, ingenuâ plebe nullum è victoriis ita percipiente fructum.

II. Separantur autem agri publici, vel I. ab initio Reipubl. constitutæ, ut de Romulo intelleximus, vel II. Ex hostibus debellatis, in quorum terras coloniae mittebantur frequentes, cum distributione agrorum in novos cives, & bona pars in publicos usus locabatur. III. Incrementa terrarum ex alluvionibus maris aut fluminum, à Republ. in hunc usum occupantur, quæ de re superius actum est in *lib. 2. sect. 4. c. 4.* IV. Fit idem per bonorum ob delicta publicationes, per devolutiones bonorum vacantium; ne de emptionibus aliisque modis acquirendi loquamur.

12. Ordinariis præstationibus accensentur etiam Munera, quibus etsi Ærarium proprie non impletur, allevatur tamen. De muneribus actum est in *sect. 1. c. 5. n. 5. & 6.* Sed ibi quatenus ad officia pertinent. Hic considerantur ut onera civibus in utilitatem publicam imposita, seorsim ab his, quæ ad privata patrimonialia pertinent, ut Tutelæ & Curationes. Sed ad Ærarii sublevationem spectant ea, quæ Arcadius Charisius enumerat in *l. 18. d. Muner. & Honor.* tam mere personalia, quam patrimonialia & mixta. Personalium exemplo sit, Quæstura, five Cura kalendarii, & Cursus vehicularis, quæ nostris moribus lucrosæ Administrationes, consequenter & Honores sunt, olim gratis, & oneris, non honoris vel lucri causâ, magno ærarii levamento, gerebantur. Multa ibi recensentur ejusdem generis, quæ cum longe secus se nunc habeant, non est, quod hic enumerentur, cum personale vix hodiè quicquam pro Republ. sine lucro administretur; satagentibus i-

psis Civitatum rectoribus, ne quis Publico gratis serviat.

13. Sed munera patrimonialia non sunt inter ea, quæ nostris temporibus oblivioni data sunt; talia, scilicet, quæ damno patrimonii & sumptibus administrantis expediuntur: etsi verum est, seculum nostrum magis delectari pecuniariis exactionibus, quam muneribus propriè dictis: Nisi quod unum crevit in immensum & intolerandum, Munus excipiendi personali hospitio milites, quod omnia apud Arcadium Charisium extantia munera, nunc obsoleta, patrimonialia, mixta facile adæquet, imo superet, non modo labore molestiæque, sed etiam sumptu, & ærarii levamento non modico, etsi majore privatorum damno & incommodo, incomparabiliter.

14. Malum veteribus incognitum, & quod gratulor etiam Patriæ nostræ, ad exempla veterum inprimis factæ; quamquam pecuniariis oneribus omnes qui unquam fuere populos, pridem superavimus. Verùm hoc munus excipiendi hospitio milites, si esset tantum, quod dicitur *Hospitium*, ne quidem munus videretur: Sed sanctius est hoc nomen hospitii, quam ut deformi instituto, nostri sæculi militiæ, quo sumptibus amicorum, sociorum civium exercitus suos, Hybernorum prætextu, alunt Principes, conveniat. Cui merito magis applicet aliquis dicta Suidæ in publicanorum violentiam, cum tribuit illis *παραπαισινδρίαν* βίαν, ἀντιλήμνην ἀρπαγῆν, ἀνίσχωντον πλειονείαν, παραγχετίαν λόγον μὴ ἔχουσαν, ἀναιδὴ ἱμπερίαν. Quorum efficaciam verborum difficulter aliquis ita vertat, ut horum temporum Hybernis, quemadmodum à Germanis, Gallis, Hispanis aliisque exercentur, eorumque immanitati respondeant.

15. Quid igitur Suidas? *Vis, cum jure quidlibet imperandi, prohibendi. Rapina, quæ*

quam nemo reprehendere aufit. Impudentissima avaritia. Negotiatio, cujus ratio non redditur. Commmercium pudore vacuum. Nam & commercii species in hoc genus ingreditur: Sed Græcorum vim verborum hæc versio non exprimit. Origo hujus mali initio superioris seculi fuit ab Hispanis in Italiâ, quibus cum stipendia à Regibus suis non solverentur, solutionem sibi ipsis ex hospitiiis confecerunt. Quod exemplum in alias gentes, inprimis, ex quo Principes certatim sibi statos exercitus comparaverunt, est propagatum, & populos magis quam ipsa belli vis, cum amicis æquè ac inimicis incumbat, atterit.

16. Et si autem Munera inter modos *Ærarii* constituendi ordinarios retulimus, omnia tamen & singula non semper usu venire constat. Ordinariis etiam accensuimus *Væctigalia*, quæ propriè sunt præstationes impositæ rebus, quæ invehuntur aut evehuntur, portoria dicta, quæ à veteribus nonnisi de rebus exoticis, & quibus pauperiores facilius carere poterant, exigebantur. Ita Martianus in *lib. singulari de Delator.* enumerat species pertinentes ad *væctigal*, Cinnamomum, piper, costum, nardi, stachys, cassiam, smyrnam, amomum, zingiber, cardamomum, aromata, ebur, gemmas, margaritas, vestes Babylonicas, sericas, purpuram, lanam, fucum, leones, pardos, pantheras & id genus alia plebi minus gravia. l. 16. §. 7. *de Public. & væctig.*

17. Nam de rebus necessariis usus, maxime victus causâ paratis, væctigalia solvi, moris apud veteres non fuit. Laus hujus inventionis nostro seculo debetur, Italix Principibus primum, dein ad Aulam Gallicam, inde ad Germanos Principes nihilo sequius progressa, ne liberos quidem populos fugit. Ut nihil fere sit relictum, humanis usibus inserviens, liberum & væctigalis expers. Adeo, ut

quâ væctigalium causâ majores nostri, bella civilia & extrema quæque sustinuerunt, hæc cum hodiernis comparata, quisquiliæ videantur.

18. Scilicet, appellatio væctigalium cum usu rei latius ad quaslibet *impositiones*, quæ publicè locari solent, extenditur: quorum magna varietas, pro statu cujusque Reipublicæ & ingenio Rectorum speciali enumeratione non indiget. Sed conductores eorum *Publicani* vocantur. Et hi rursus in *mancipes* & *prædes*, auctore *Pesto*, distinguuntur. *Mancipes* erant, qui immediate à Fisco væctigalia conducebant, & quasi manu capiebant. *Prædes* erant, sponsores *mancipum*, qui cum id onus non susciperent, nisi ipsa væctigalia participarent, hinc eorum appellatio cum *mancipibus* sæpe communis erat: *Socii* reliqui in partem quæstus vel jacturæ à *mancipibus* recipiebantur. Hæc eodem modo nostris temporibus administrantur.

19. Quemadmodum & hæc observationes utriusque juris communes sunt; Collectio pecuniarum publicanis nullo modo permittenda, nec proinde collectores væctigalium conductorum participes esse debent. Neque permittenda publicanis dilatio solutionis, prætextu compensationis alterius debiti, sed hoc à Republ. seorsum petere debent l. 1. *C. de Compensatione.* Quando tamen constat, eos nihil esse fraudatos, & ob defectum solutionis excutiuntur, tum liquidi compensationem negari, non patitur æquitas.

20. Vigor etiam publicæ utilitatis postulat, ut reliquatores publicanorum corporaliter plectantur, nisi perspicue docere queant, nec cupiditate, neque negligentia suâ, verum fato accidisse, quominus solvere possint. Est & hoc rationi consentaneum, ut qui maximos fructus ex redemptione væctigalium consecuti sunt, si postea minime tanti

locari queant, iidem ea prioribus suscipere compellantur pensionibus, ut Romanis usitatum erat, hodie non perinde servatur, *l. 11. §. ult. eod.* Debiteres autem fisci vel Reipubl. vectigalia conducere prohibentur, nisi forte tales obtulerint fidejussores, qui & reliquis eorum satisfacere parati sint, *l. 9. §. 2. & 3. eod.* Denique, si pensionibus facta sit locatio, prioribus non solutis, pellere licet Conductores, tempore licet Conductionis necdum impleto. *l. 10. §. 1. eod.*

21. Cæterum, ut publicanis secundum Statuta, paratum & rigidum jus dicatur, publice interest, nec minus ut audacia temeritasque eorum in captandis vexandisque civibus, pœnis competentibus coercetur. Utroque tamen casu sententia declaratoria requiritur, nec minus, cum quaeritur, an res celatæ debeant committi: ut tamen usque quaque summaria cognitio adhibeatur.

22. Erat autem publicanorum nomen & officium, cum ob rem ipsam, quia nulla res æque populis invisa est, quam vectigalia; tum ob exactiones illorum violentas & injustas, odiosissimum, maxime populis libertatem amantibus, quales Judæi, ut in Historiâ Evangelicâ passim occurrit: quod tamen de redemptoribus vectigalium particularibus intelligendum potius, quam de publicanis principibus, qui Romæ equestri ordinis & potentis in civitate factionis erant, ut ex Ciceronis *epistolis* & aliunde constat. Qui scilicet totarum vectigalia Provinciarum conductæ, rursus aliis sublocabant, cujusmodi redemptor pontis est, in *l. 60. §. pen. π. Locati*, & tales in vexanda plebe conspiebantur, *π. λωγ. dicti* in Evangelio, de quibus & Ulpiani verba in *l. 12. π. de publ.* accipienda potissimum: *Quanta audacia, quanta temeritatis sint Publicanorum factiones, nemo est, qui nesciat*, inquit.

23. Hæc ratio & sumptus immensi in illos redemptores, qui omnes ex sudore & sanguine plebis vivunt & locupletantur, faciendi, multos in opinionem adduxerunt, illorum institutum esse Reipubl. noxium, multoque satius esse, conductiones omnes abrogari, reditusque publicos certis contributionibus publicè colligendis comprehendere. Sed usus omnium rerum & temporum docet, nihil sine Meo & Tuo rectè administrari, & ministeria colligendi ab iis, quorum propriè non interest, infidelitatis & negligentiae esse plena. Præter, quod Reipubl. tum carendum esset, omni illâ varietate vectigalium, quæ ob incertitudinem præstationum, statas collectiones non recipiunt. Denique, rem exhaustiendi pecuniâ populis repertam, sine omni injuriâ & inæqualitate, ad exactitudinem libellæ redigere velle, ex iis est, quæ fieri non possunt. Nec usquam forte verius sit Aristidæ dictum Plutarcho in *vitâ ejus* memoratum, Rempublicam *οὐχ ὡς ἀδελφὰς δὲ δὲ, multâ egerē in justitiâ.*

24. Quæ tamen idcirco non debet esse effrenis & infinita, ne fiat *ἀκραγία πρὸς τὸν λαόν, Rapacitas dominans & insultans.* Romano Jure, si quid conductores vectigalium, illicitè exegerint, in duplum; si per vim, in quadruplum tenentur, insuper & extra ordinem plectuntur: Alterum enim utilitas privatorum, Alterum vigor publicæ disciplinæ postulat, ait Paulus in *l. 9. §. 5. π. de Publican. & Vect.* Ad quadrupli luitionem videtur etiam spectasse Matthæus de publicano factus Christi discipulus, ut ipse testis est in Evangelio.

25. Sequitur, ut videamus, à quo vectigalia institui possint, quæ justa sint aliisque justiora, de commissis & Immunitatibus, quarum servationes sunt communes etiam Tributis, quæ colliguntur ex agris & domibus, neque locari solent,

solent; qualia strictius propriè accepta vectigalibus opponuntur. Jus instituendi vectigalia inter jura Majestatis referri jam diximus in *lib. 1. sect. 3. c. 6. n. 70. & seqq.* Non Præsides aut Præfecti Provinciarum, non Curiae Civitatum sine ejus, qui summam Potestatem habet, consensu, ea constituere, reformare, eis addere vel diminuere possunt *l. 10. in pr. d. t. n. de Publ. & vectigal.* Imo in plerisque locis ne Reges quidem & Summi Principes hoc jus soli & per se habent. Quippe, cum pecuniæ cuncta pareant, populi, quibus non est animus, infinitæ Principum potestati atque libidini se dedere, dederunt operam, ut monarchæ sui, sine populi Procerumve consensu vectigalia imponere ne possint; quin consensum pecuniarium ab aliis bonis publici postulatis suspendere solent.

26. Sed institutum illud hoc tempore militari potentia subactum, præterquam in Angliæ & Hispaniæ, vix usquam in solido mansisse videtur usu. Loquimur de Regnis & Principatibus vere summâ potestate præditis, sive Majestatem, sive Superioritatem territorialem, quâ nuncupatione Principes Germaniæ gaudent, appellemus. Nam quod ad Regem Poloniæ ipsumque Imperatorem Romanum in Germania attinet non hereditariâ, in illis solis vim Summæ Potestatis haud multo magis, quam in Ducibus Venetorum aut Genuensium, reside, sæpe demonstravimus.

27. Sed quod in Imperio simpliciter delato, hæc facultas imponendi tributa & vectigalia, quod jam in *d. cap. 6. sect. 3. l. 1.* diximus, contineatur, præter ea quæ dicto loco protulimus, patet inde, quod de Optimatibus in Aristocratiâ, quales sunt Venetorum Senatus, Ordines Hollandiæ, Frisiæ, non dubitatur, quin hoc jus libere & efficaciter exer-

ceant: Etsi nec plus, neque minus juris, quam Reges simpliciter constituti habent, illis competere certum & in *lib. 1. sect. 2. c. 4.* demonstratum est.

28. Sed populi non habentes Summam Potestatem, neque Regalia, non habere jus instituendi vectigalia, sine jussu, consensu & auctoritate Superioris, ultro patet. Quod tamen non impedit, quominus tales populi & quælibet universitates, omnium & singulorum consensu collectas & contributiones facere possint in usus civitati, vel universitati necessarios. Sed Rectores universitatum jus imperandi contributiones, civibus suis non habent; nec etiam major pars suffragiis suis partem minorem ad hoc obligare potest; cum hoc etiam sit Imperii, quod in talibus non est penes universitates, ut jam diximus *lib. 2. sect. c. 6.*

29. Leges Vectigalium ingratiæ molestæque civibus & exteris, egent sanctione, id est, poenali constitutione, quam maxime: & hanc, quanto Flagrantior est fraudandi cupiditas & impunitatis spes major, tanto magis intendi oportet. Est autem duplex poena, Commissi & mulctæ. Commissum est publicatio rerum, quibus crimen fraudati vectigalis commissum est: Ita enim conciso loquendi modo vocabulum *Commissi* accipitur apud Jætos *l. 14. d. Publican.* & res committi dicitur, quæ ob commissum in publicum redigitur *l. 17. §. ult. n. ad SC. Vellej.* Prædia commissal *l. 37. d. Negot. gest.* Quintilianus; *Quod quis profectus non est, apud publicanos, pro Commisso tenetur. Declam. 341.* Unde liquet, proprie *Commissum*, esse fraudationem vectigalis, & transferri ad significationem redigendi res in fiscum, quod ut plurimum ita solet intendi, ut etiam navis, & plaustra, & quæcunque in eâ conti-

continentur, licita cum illicitis, publicentur *l. xi. §. 2. π. de Publican.*

30. Et quo magis homines ab hoc amabili crimine deterreantur, etiam multæ pro instituto cujusque civitatis sat graves Commisiss adduntur; haud facile accepta erroris aut ignorantiae excusatione: Et si valde probabilis error non recuset æquitatis interpretationem, ut levi animadversione, veluti duplo vectigalis, defungi liceat *l. ult. §. 10. b. t.* Factum quoque servorum domino ignorantia nocere non debet, nisi rebus illis, in quibus fraudati sunt, præpositi fuerint. Minori quoque ætati veniam erroris, et si non æque probabilis, æquitas vult esse concedendam, *d. l. 16. §. 9.*

31. Si quis verò res suas professus vectigal non solverit, nec commissum, nec alia poena habet locum; quia publicanus sibi imputabit, quod vectigal non exegerit, *d. l. 16. §. 9.* Denique, si propter necessitatem adversæ tempestatis, onus fuerit expositum, non debere hoc commissio vindicari, æquitas manifesta dictat.

32. Persecutio mercium, quæ in commissum ceciderunt, datur etiam adversus heredem; non quod ille propter defuncti delictum puniatur, sed quia merces, quæ ipso jure à defuncto amissæ fuerant, apud heredem remanere non poterant. Si qua præterea poena lege statuta sit, ea cessat adversus heredem, *l. 14. d. tit. de Publ. l. 8. l. ult. eod.* Neque pactiones publicanorum in ejusmodi finem, cum singulis initæ, facile permittendæ; saltē Reipub. non præjudicant, quominus, publicano non solvente Ærario, debitum vectigal exigatur.

33. Pertinet etiam ad Juris tractatum de vectigalibus inhonestis illicitisque observatio; sunt autem, species vectigalium inhonestorum vix aliæ, quam quæ ex rebus inhonestis colliguntur, veluti

è lupanaribus, quia vix est, ut non hoc ipso probari videantur. Nec quidem satis illic defenditur, ubi Magistratus indomitas hominum libidines cohibere non possunt, quin perniciosius erumperent, nisi ad meretriciam licentiam coniverent: Procul enim à conniventia distat Permissio; Quæ exacto vectigali, magis approbatio videtur. Sed indecoræ collectiones, ut Vespasiani ex lotio, differunt hoc sensu ab inhonestis.

34. At verè hujus generis putamus vectigal, quod Magistratus decerpunt ex fœnore trapezitico; cum enim hoc, ut hodie exercetur, sit injustum, non potest vectigal Magistratum, quo auctoritas instituto illi præstatur, injustitiæ absolvi, quæ de re dictum aliquid in *lib. 2. sect. 2. c. 5. n. 31.* & latius in *Prælect. ad Tit. π. de Usur.* Perinde, quod exigitur à mimis & comœdis similibusque, inter illicita referendum videtur, quatenus vix ullæ hodie comœdiæ sine turpitudine exercentur. Simile de similibus esto judicium: Nam de iis quæ cum necessitate morali pugnant, minime difficilis aut obscura constitutio est.

35. A genere illicitorum differunt mordarcia & importuna vectigalia, quæ magis in Leges prudentiæ, quam Honestatis impingunt, quale fuit Albanum vectigal Decimæ, illud famosum Belgio Hispaniensi, quo de singulis rebus venditis, nummus decimus identidem exigebatur; quod in populo mercaturæ dedito incivile, turbandisque commerciis insanum erat. Apparet, non tam bonum Ærarii, quam belli fuisse rationibus Albanum. Si in plures aliasque species paulatim divisisset exactiones, ad eandem summam pervenisset, ut incontinenti & diu postea Belgæ, ne decimam darent, omnia dederunt.

36. Ad hoc idem genus pleraque vectigalia, quæ de minutis rebus ab ipsa mul-

multitudine exiguntur, cujusmodi fuit Neapolitanum anno MDCXLII. frugibus impositum, unde seditio atrox & bellum. Duce Thomaſo Anjello. Nec ab hoc genere ſegregem, quod in quadam gente libera & ſtrenuâ, exigitur ab omnibus iter facientibus, ad quartam vetturæ, non mercium ſed hominum partem, quod non à nautis vel aurigis, ſed iſis viatoribus, tam inciviliter, ſæpetam violenter & imperioſè exigitur, non ſine convitiis & verberibus; ne quid amplius dicam; ut mihi quidem eâ maxime cauſâ excogitatum videatur, ut ne dubitetur, libertatis ſpeciem ad extremam ſervitutis lineam eſſe deductam; Atque ut civibus, nihil eſſe oneris aut indignitatis, quod privati Reipublicæ cauſæ ferre non debeant, efficaciffimè & palpabiliter inculcetur. Etſi, an majus illud prudentiæ civilis, quam inopiæ melioris tituli, & quam exhausta ſint *Ærarii* conditorum ingenia & inventiones, ſignum ſit, dicere non habeo.

37. Immunitas à væctigalibus haud facile, & à cenſu vix unquam concedenda cuiquam, idque in omnī civitate ferè ſervatur. Conceſſa tamen à principe ad heredes, aut poſteros non pertinet, niſi diſerte privilegio ſint comprehenſi, *l. 1. §. 1. π. de Jur. immun.* Et mentione poſteriorum ſimpliciter facta, rationem habet, id quod Lege Romana ſancitum, poſteros feminei ſexus non intelligi, ſed masculinos duntaxat, *d. l. 1. §. ult.* Collegiis vero data immunitas, veluti Academiis, perpetua, quandiu durat collegium, eſſe intelligitur *l. pen §. pen. eod.*

38. Quia vim majorem non habet immunitas quam privilegium, ideo lege contraria tolli & aboleri poteſt; niſi per contractum promiſſa & obſignata ſit; quo caſu jus quaſitum auferri non poteſt, niſi id quod intereſt in vicem præſtetur.

39. Immunes autem fere ſunt perpe-

tuo, Reſ ſiſci, reſ exercitibus paratæ, & prælidum provinciarum *d. l. 4 §. pen. & ult. eod.* Studiorum quoque honori datum ſæpius, ut Academiæ, ibique tam docentes quam diſcentes ab oneribus væctigalium liberarentur. His etiam, qui loca paluſtria aut eluvione maris vadofa aliterve inculta emendant & frugifera faciunt, urbefve deſertas frequentant, meritò, immunitate, ſaltem ad tempus, ſublevantur, *l. 3. C. de Alluv. & palud.*

40. Debent autem perſonæ immunes, ad evitandas fraudes, profiteri, quid in uſus ſuos accipiant, idque ut libello manu ſuâ ſubſcripto teſtentur, haud de nihilo Lex Romana poſtulat, *l. 4. §. pen. & ult. π. de Public.* quod in noſtra Academia ſimiliter obſervatum fuit, quamdiu Immunitas ibi Profeſſoribus & Studioſis, à majoribus indulta vixit; extincta funeſto hujus ſæculi anno LXXII. Revixit, ad breve, ſed abortu vel in ipſa nativitate ſecunda periit anno Academiae Jubilæo, præſentis ſæculi LXXXV; quod obiter exciderit nobis.

41. Hæc de Ordinariis *Ærarii* conſtituendi modis. Unde, quid juris eſſe queat de Extraordinariis, facile colligitur. Quæ ſint illa, ſuperius obiter diximus; præcipui ſunt, Cenſus, publicatio bonorum & ſpolia, vel Contributiones hoſtium & ſociorum.

42. Quod ad Cenſum attinet, olim quidem apud Romanos, hoc tributigenus ordinarium fuit: ſed odium revelandi Patrimonia, & quia divites, qui rerum potiuntur, hac methodo plurimum præſtant, hoc ſæculo væctigal illud extraordinarium fecerunt; niſi quod ſævitia & duratio Bellorum & immanitas ſumptuum publicorum, rem paulatim ad ordinariam præſtationem adducunt. Porro Servium Tullium diviſiſſe populum in claſſes & centurias, ſecundum quas ſuffragia ferrentur, milites ordinarentur,

E e e e

tribu-

tributa fierent, notum est: hic Census fuit, ac est publica civium bonorumque descriptio, estque tam rerum quam personarum, juxta quam præstationes tributariæ exiguntur *l. 3. pr. l. 4. pr. & §§. seqq. x. de Cens.*

43. Immunitas concessa personis neque tertio, neque socio, neque heredi prodest, nisi mentione ejus expresse factâ, posteris autem concessa ad feminas non pertinet *l. 3. §. 1. b. l. 1. §. ult. d. jur. imm.* Quin et si fundus ea lege sit venditus, ut venditor censum præstet, fiscus tamen convenit emptorem *l. 2. C. Sin. cens. vel. reliqu. Leon. lib. 1. emend. 8.* Imo & emptor de reliquis, hoc est, tributis non solutis, quæ ante venditionem cesserant, adhuc tenetur *d. l. 2.* quod non modo respectu fisci intelligendum, sed ne actio quidem ex empto de ejusmodi pacto danda videtur *l. 1. & ult. eod.* Idem est, si convenerit, ut census de fundo in fundum transferatur *arg. dd. ll.* Et hæc ita hodieque servantur. Denique, immunitas rebus data perpetua est *l. 3. §. 1. x. d. Cens.*

44. Qui censum non bene professus est, crimine fraudati census tenetur *l. 52. x. d. Jud.* Plures etiam possessores singuli in solidum tenentur, sed unus qui solidum solvit, petere potest, ut actiones sibi cedantur *l. 5. pr. d. Cens.* Hæc juridica sunt; Plura hujus generis à Politicis petenda, ubi & discrimen Censui personalis & realis, et si omnis verè Censui realis est. Sed Personalem vocant, quo cuiusque patrisfamilias patrimonium non particulatim, sed universum æstimatur. Realem, quando de singulis rebus portio deducitur.

45. De publicatione bonorum, quæritur, sitne justum fisci ditandi medium; ratione dubitandi, quod, ut *Cicero ad Brutum* fatetur, (defendens Scitum, quo bona Lepidi publicata fuerant) poena quo-

que ad liberos pertineat; quare & Justinianus novissimè in gratiam propinquorum sustulit confiscationes *N. 134. c. f.* Sed non obesse hoc argumentum diximus pridem; adeoque nihil impedit, quominus redarguere liceat; *quos occidere, justum est; hos spoliare non potest esse inhonestum;* ex eodem Cicerone *offic. 3.*

46. Sed est & aliud; Publicatio bonorum tum maxime coepit, cum poena capitalium delictorum non esset nisi exilium, quod veteres, scilicet, mortem civilem, id est, commentitiam vocabant; hoc autem vix erat supplicium, si damnati patrimoniis suis in exilio gauderent; cujus rei experientia Romanos quidem compulit, ut bonorum publicationem, relictis alimentis, in pleraque graviora crimina sancirent, teste *Svetonio in Julio.* Ubi vero pristina sanctitate civium Romanorum evalescente, mors naturalis coepit infligi ris criminum, jam hoc satis supplicii coepit videri; proinde, publicatio bonorum rursus abolenda videbatur. Hoc saltem exinde consequi videtur, et si confiscatio in regulas justitiæ non impingat, laudabilius tamen abstinere Fiscum bonis damnatorum, ubi sanguinem effuderit, etiam vel ideo, quod tum jactura opum reo nihil officiat, tantum premat posteritatem, quo pertinet erudita Bodini dissertatio de bonis reorum non publicandis, per *tot. cap. 3. lib. 5.*

47. De Spoliis & contributionibus hostium & sociorum, quibus Ærarium Athenienses olim & Romani præcipue constituebant & augebant, multa Bodinus, in *d. cap. hujus argum.* Nos de Spoliis & prædarum jure in sectione de Jure belli, agemus; De contributionibus Sociorum, ut hodie se res habent; non est, quod multum proferamus; Aliâ nunc Imperiorum constitutione, quam fuit olim. Nunc Reges ipsique populi, quos armis devicerunt, non sociorum

rum sed jure subjectorum habent; Ideoque eorum contributiones à cæteris Reipubl. Tributis & vectigalibus non habent separatam rationem.

48. De spoliis autem hodiernis, illorum nihil, aut vix in Ærarium quicquam inferitur: Contributiones jure quidem adhuc ei debentur, idque præseferunt, qui rerum summæ præsunt: Quid revera fiat, nec mihi constat, nec ad hujus Artis institutum pertinet, Politica verò non tractamus. Id plane constat, pro-

cul abesse bellatores hodiernos à veterum strenuâ diligentia, qui ex hostium spoliis & contributionibus sociorumque auxiliis & devictarum nationum vectigalibus, suos cives omnino præstabant immunes, sicut Romani inde post bellum Macedonicum II. usque ad Triumvirale bellum civile, tributis omnino exempti fuerunt. Hodie quanto Principes amplius fines victoriis extendunt, tanto populos suos magis onerant eosque exhauriunt.

C A P. II.

De Jure Monetæ.

Transitus, Origo pecuniæ, cum Erymologiâ & usu ejus. Materia nummorum; An æs pro argento in majore quantitate sit accipiendum. Valor nummorum internus aut externus. Internus quomodo æstimetur à rei nummarie peritis. De additamento sequioris metalli, & ejus proportionem peccatisque in eâ publicis. Hæc cum aliunde, tum è multitudine officinarum monetaliū oriri. Externum valorem, quicquid de interno fiat, in commerciis spectandum. Hujus autem Legem, ita à Summa Potestate pendere, ut per populum Edicta sæpe vim amittant suam: Ideo nec secundum ejusmodi Edicta, usu non recepta, judicare posse. Metu diminutionis faciendæ, non posse negari solutionem in nummis cursus præsentis. Non videri tamen creditorem in tali casu teneri, ad accipiendam solutionem, cujus dies non cessit, etsi debitor alioqui ante diem solvere possit.

Æ Ratio servit Rei nummarie Cura, quæ simul ad omnem commercii rei que publicæ & privatæ dispositionem, quæ sine nummis difficulter, iisque corruptis difficillimè exercetur, pertinet. Olim quidem non erat ita nummus, neque aliud merx, aliud pretium vocabatur. Sed unusquisque secundum necessitatem temporum ac rerum, utilibus inutilia permutabat, quando plerumque evenit, ut quod alteri superest, alteri

desit. Ita permutationibus commercia exercebantur, ut hodieque fit in populis simplicioribus, à mari & fluminibus viæque mercaturæ promiscua remotis.

1. Sed quia non semper, nec facile concurrit, ut cum tu habeas, quod ego desiderem, ego invicem habeam quod tu accipere velis, electa materia est, cujus publica ac perpetua æstimatio difficultatibus permutationum, æqualitate quantitatis subveniret, eaque materia

forma publicâ percussa, usum dominiumque non tam ex substantia præbet, quam ex quantitate, nec ultra merx utrumque, sed alterum pretium vocatur, ut differit Paulus Adseffor in *l. 1. pr. π. de Contrab. emp.* Dictum autem est illud pretium, Pecunia, vel quia pecudum, in quibus antiquæ opes maxime consistebant, loco venit; vel quod pecudis signum primis nummis insculptum fuit, unde βῆς ἐπὶ γλώτῃς; *Bos in linguâ*, dictum fuit desumptum. Hinc & Aristoteli; Nummus est ὁ πάλαιον τὸ χρῆμα, *quasi Vicarium indigentiae instrumentum*: ὅς ἐστιν ἡ μὲν ἀνάγκη ἐκείνη; *Sponsor*, quia securos reddit, *futura indigentiae*. 5. *Estb. 5.*

3. Materia nummorum fere triplex in usu est, Æris, ex quo primi à Romanis nummi sunt cusi, unde adhuc æs pro pecunia, & Ærarii appellatio, Imprimis autem Argenti & Auri. Stannei & plumbi nummi vix sunt in usu, & prohibentur in *l. 9. §. 2. π. ad L. Cornel. de Fals.* Unde & Triumviri monetales, Æris, Argenti, Auri flatores appellantur in *l. 2. §. 8. π. de O. J.* Nam ferrei apud Spartam nummi singularis in illa gente fuerunt instituti specimen, ut & ossei & lapidei, & corearii aut chartacei, extra ordinem aliquando usu temporario, vix aliter quam in urbibus obsessis, ut superiori seculo apud Lugdunum Batavi factum, usurpantur. Et si non procul ab hoc usu abesse videtur constitutum quorundam populorum, qui nomina Reipubl. sive Instrumenta publici æris alieni, pecuniæ loco in solutum danda, accipienda sanciverunt, ut Patriæ nostræ Proceres, aliquoties hoc tempore belli, non poenitendo, ut repetitio indicat, successu instituerunt.

4. Cum Æs, grave nimis & onerosum commerciis esset, argenti & aurei num-

mi cusi sunt, nec æris ab illo tempore, qui nobilioris metalli copiam haberent, usi sunt aliter, quam ad minoris momenti usus, ad comparandas res exigui valoris, aut frangendos aliquando majores nummos, vel ad supplendum quod excurrere; non ad commercia majoris momenti. Ideoque maximum rei nummarie dehonestamentum & commercii impedimentum, è nimia nummorum æreorum aut minorum argenteorum copiâ nascitur, in populis; inquam, auri argentique inopia non laborantibus. Quod ut politicæ observationis est, ita juris quæstiones inde oriuntur; qualis hæc, an debitor non suo commodo ad solvendum compulsus, majorem pecuniæ summam in æreis, aut minutis argenteis nummis solvere possit, & creditor ejusmodi solutionem accipere cogatur.

5. Ventilata fuisse hanc Quæstionem in magno Senatu Parisiensi, & affirmative decisam refert Molinæus tract. *de usur. n. 747.* Et si Præfecti monetales consulti secus responderant, duabus rationibus; primâ, quod ærea moneta non nisi usus minuti ergo cusa, contra naturam instituti sui trahenda non esset; Alterâ, quod nimio pondere sui, commercii onerosa, & ad usum mercaturæ inepta ac inutilis esset. Has rationes à Senatu magno sprete fuisse, non etiam quare, testatur Molinæus. Primam sane Ordines foederatarum Belgii nationum, in Edicto nuper contra denarios immani numero percussos adfirmarunt, alteram ipsa res & usus approbat. In Judicato illo fuerit hæc ratio, quod summa erat modica, xxx librarum Gallicarum, quæ non nisi Carolinos efficiunt quinque suprâ viginti sive decem Imperiales. In majoribus summis quominus illæ rationes à Judice admittantur, idemque ne malitiis indulgeat,

dulgeatur, provideat, causa videtur esse nulla.

6. Valor pecuniæ intrinsecus vel extrinsecus æstimatur: sed hi termini eodem modo non explicantur. Vulgo ait Molinæus, valor intrinsecus appellatur materiæ bonitas (Alloy,) Extrinsecus æstimatorio publica. Sed ipse contra, valorem internum esse vult æstimationem publicam & impositivam, *quoniam hæc ejus est propria, specifica, substantialis & formalis bonitas ac essentia*; quâ sublatâ, nummus necessario desineret esse pecunia, vel moneta. Quod ut ratione suâ non caret, ita, cur usitatum loquendi modum, quo valor internus in materia, externus in æstimatione forensi constituitur, mutemus, ipse causam non esse fatetur n. 696.

7. Interni valoris respectu, Aurum ab argento duodecuplâ circiter proportionem distinguitur; etsi non eadem omnium æstimatorio temporum sit & fuerit. Bonitatis autem gradus in auro *caractis*, in argento *denariis* ita dictis, rei monetariæ magistri distinguunt. Ita ut aurum *obryzum*, sive purissimum habeat 24. *caractas*, & argentum merum, quod *pusillatum* & *pusillatum* latine dicitur, quas voces explicat Molinæus n. 715. constet xii. denariis. *Caractæ* & *denarii*, singuli in 24. grana dividuntur; & hisce *caractis*, *denariis* & *granis* declinationem à puritate metiuntur: ita ut verbigratia, cui duo *denarii* desunt, hoc argentum sit infimæ bonitatis, & quod infra illam subsidet, hoc Galli, *billon*, appellant. Etsi rursus aliis temporibus & locis alia sit æstimatorio declinantis auri & argenti, pretiumque puri; quod, ut in aliis mercibus, crescit & decresci, etsi minus enormi discrepantia, quam in cæteri rebus, indies pro majore minore copiâ, pretio variantibus; quæ de re non est hujus loci agere prolixius, quod a-

gunt Bodinus in *lib. 6. c. 3.* & Molinæus n. 170. & seqq.

8. Sed cum Auro & Argento puro Artifices in nummis cudendis, ut & in vasis fabrefaciendis uti commodè non possint, addere solent, tantum æris aut plumbi vel stanni (quorum hoc ad colorem, æs ad soliditatem magis conducit) quantum ad sumptus & moderatum artificis lucrum sufficit, quod in argento definitum fuisse lege regia Gallorum, duodecim granis, id est, dimidio denario, additis pro remedio, quia difficile est tam exactè modum servare, tribus granis, ut sic à puro absit quindecim granis, sive besse denarii, scribit d. loco Molinæus. In nostris Statutis, Artificibus præscribuntur undecim denarii, octo grana, cum remedio duorum granorum, ut sic à puro absit xviii. granis, idque in majoribus. In minutis operibus est præscriptum decem denariorum & octo granorum, sine remedio. Aurum definitur xxi. *caractis*, & pro remedio quadrans indulgetur: Ita ut frequentioris metalli insint duæ *caractæ*, quæ faciunt duodecimam substantiæ partem, cum quadrante *caractæ lib. 3. Stat. Fris. tit. xi. n. 1. & 2.*

9. Constituto igitur, vel lege publica, vel quod prævalet, usu mercaturæ, argenti puri in singulas marcas, pretio, non est difficile, quantitatem extensam, sive ponderis in singulis nummis & internæ bonitatis, habita ratione sumptuum honestique lucri, præscribere & observare, tam in aureis quam in argenteis & æreis nummis, justam proportionem. Quæ ut æquabiliter in omnibus nummis, à præfectis monetaribus custodiatur, summopere mercaturæ & omnis Reipubl. interest: ut, non immerito populus Romanus Mario Gratidiano Tribuno pl. qui primus Legem fixerat de probandis denariis, cum primi artifices plebi

plebi multis modis illulissent, vicatim statuas dicaverit, teste Plinio *lib. 33. cap. 9.* Nec minore merito hanc curam Principes & Rectores Reipubl. sibi vindicarunt; à quibus si illa proportio quantitatis & valoris interni, cum æstimatione publicâ & imposititiâ, corrumpatur, faciunt rem sine dubio pessimam, non secus, ac si fontes publicos, quâ comparatione Molinæus utitur, veneno inficerent: etsi corrumpere & corrumpi nulla in re magis jam pridem *seculum* appelletur.

10. Si præfecti Artificesque monetarii tam scelesti lucri impudentiam induerint, non est quod miremur. homines argentarios, trapezitas, nummularios, Judæos, qui sæpe monetis præficiuntur, jus & fas miscere. Sed quod ipsi Principes & Rectores populorum, publicè talis latrocinii participes sunt, intolerandum videretur; nisi jam pridem obdurate esset genus humanum indignissimis oppressiōibus & expilationibus suorum Imperantium ferendis; De sanguine pauperum sceleratissimi lucri Societatem inter Magistratus & Lombardos iniri, quod pagani veteres inter maxima scelera posuissent, jam pridem mirari desimus, & alibi notavimus: sed hæc monetarii lucri communio quemadmodum latius patet, sic universæ Reipubl. pestilentior est, & omnis commercii, quo stat res publica, nervos succidit & fundamenta subruit.

11. Verum quidem est, harum fraudum initium ab hominibus flando feriundo præpositis oriri; quæ minus cohiberi possunt eo, quod numerus officinarum monetariorum immaniter auctus est in Europâ; cum in unico Orbis terrarum Imperio florentis Romæ, non nisi una talis officina ad ædem Junonis Monetæ fuerit, cum apud nos in una sæpe eademque provinciola tres quatuorve

reperiantur; quarum æmulatio prava nē in perniciem publicam, maximè si uni summæ potestati subiectæ non sint, erumpat, nullo modo prohiberi potest. Sed enormitates lucri infamis & duratio impunitatis ambigere non patiuntur, quin solis flandi feriundique magistris emolumenti ratio non constet.

12. Præter quod, Reges & Principes absolutæ potestatis (nam ubi temperamentum adest populare, non est idem periculi) id aperto velo agunt, ut corrumpendo internam monetæ suæ bonitatem, in quibusdam speciebus; in aliis modo valorem externum augendo, rursus eundem minuendo, suo quidem commodo temporario, civium autem & commerciorum detrimento exitiali sine fine modoque velificentur. Nam mutatio valoris ipsius Auri & argenti, per revolutionem temporum sensum facta (ut à tempore detectarum in Americâ Fodinarum, & introitum inde nobilioris metalli in Europam, hisce duobus seculis notabiliter factum) fluctuationi rerum humanarum potius, quam hominum, vel Regnantium vitio imputandum est.

13. Quicquid autem fiat, de bonitate nummorum intrinseca, quia tamen valor internus & imposititiis facit, ut pecunia sit & faciat summam, in jure solutionis nihil aliud quam valor publicus, civitatis lege stabilitus, etsi tempore debiti contracti, bonitas interna pluris fuerit, observari potest. *Quod enim Doctores commenti sunt, de exigenda bonitate intrinsecâ, quæ erat tempore contractus, ex subjectæ materiæ circumstantiis, ab eis male perceptis ortum est,* ait Molinæus n. 806. & seqq. & faciunt, quæ in *pr. hujus cap.* de pecuniæ naturâ diximus. Hinc etiam, si manente eadem bonitate internâ, valor externus & publicus, dum causa debiti penderet, fuerit mutatus, aliud quam

quam solutionis tempus spectari non potest: quemadmodum nemo dubitat, quin cum nuper denarii sex *stuvorum*, duodecima parte mulctarentur, qui acceperat undecim ante diminutionem, postea duodecim reddere debuerit. Quod & in ducatonibus aliisque majoribus nummis, ratio & observatio publica dicitur. Nisi convenerit, ut certæ solidæque nummorum species in eadem specie redderentur; quo casu; non obstante qualibet mutatione valoris externi, totidem in specie nummos esse reddendos, quot annumerati sunt, non magis dubitari potest, quam si tot modii frumenti aut amphoræ vini mutuo dati datæque sint, eo quod pretium vini vel frumenti mutatum sit, ambigi possit, an ideo plus minusve reddendum sit, quam creditum fuisse constat.

14. Porro, sicut monetam cudere, sine dubio Summæ Potestatis jus est, ita valorem ejus externum augere vel diminueri, ad eandem pertinet. Sed ut leges defuetudine adumbrantur, imo penitus amittunt vim suam, ita nusquam liquidius, quam in re nummaria, id ipsum animadvertitur: Ut non modo facti sed juris ea res sit. Adeo ut, si Edicta Principum aut Optimatum de mutando valore nummorum externo, recepta non sint à populo, nec usu fori, obtinuerint. Cives etiam non obligent, neque secundum ejusmodi leges & Edicta jus dicendum videatur. Quæ de re, quia frequentem habet usum, verba Molinæi, prudentissimi & callentissimi harum rerum scriptoris apponam; è tract. ejus de Commer. n. 797.

15. *Pendet autem valor iste impositus, inquit, non à privata cujusquam sed à publica duntaxat æstimatione & impositione. Publica autem æstimatio & valor currens, non à sole Principi in Monarchiâ vel Optimatum in Republ. Edicto*

pendet, sed etiam à consensu & usu populi & consuetudine commerciorum. Quod si leges & Statuta, nisi communi utentium usu comprobata non ligant, ut omnes utriusque juris doctores probant, in L. de quibus n. de Legib. & cap. 2. de Treug. & pac. hoc maxime verum est, in commerciis nummorum & eorum indicaturâ, quæ non est juris, sed facti. Quod postremum quomodo intelligatur, indicat verbis sequentibus; Et quod sensus populi in his dominetur & jus faciat, multis exemplis probat, inquit, Budæus lib. 3. & 5. Assis, ubi refert; multa Edicta præconialia, dira minantia, de usu abroganda probi & recepti numismatis, etiam ab homine minaci & iræ potentissimæ manantia, cujus tunc ferociæ recta & utilia cedebant consilia, publicum tamen consensum pervincere non potuisse, & jure optimo neglecta esse.

16. Ex hujus rei argumento, cum quidam accusatus esset, invexisse nummos è vicina provinciâ, ante biennium prohibitos Edicto, quod non obtinuerat, sed, eo non obstante, nummi isti publicè recepti & usu populi assiduo triti & probati erant, respondi illum non incidisse videri in poenam illius Edicti, mense Augusto 1693.

17. Quid autem, si quis obtentu talis Edicti, neget accipere solutionem debiti in ejusmodi nummis, quorum prohibitio non obtinuit, sed usu refutata est, poteritne debitor obsignare pecuniam, cum effectu solito juris, ut pro soluta habeatur? Dicendum id omnino, & supradictis consentaneum est. Et si recenti prohibitione, priusquam constet, an usu commerciorum perruptura sit, parandum esse Edictis, & solutionem rectè negari, dubitandum non est.

18. Quid si periculum diminutionis monetæ, intrinsecus jam pridem corruptæ probabiliter imminet, ut vulgo cam recipere nolint, an hoc casu solutionem oblatam

oblatam negare licet? Ita statuit Molinæus, n. 812. eo quod *illa pecunia fide publicâ & communi jam destituta non retinet amplius plenam auctoritatem, nec vim, nec nomen pecuniæ publicæ & probæ*. Sed hæc sententia usu, & nisi fallor, ratione refellitur. Usu, quod ante diminutionem publico Edicto constitutam, invitis creditoribus, pecuniam, æstimatione recepta, licet etiam certo constet de publicatione futura, etiam pridie facienda sit, offerri videmus: Ratione, quia pendet hæc res non à vulgi rumoribus & judicio privatorum, sed ab arbitrio Rectorum civitatis, sive eorum, qui habent summam potestatem. Adde, quod sæpe fit, ut ejusmodi rumores & difficultates evanescant. Si tamen diutius & constanter usu populari ac commerciorum, quidam nummi rejiciantur & improbentur, ejusmodi consensus publicæ eandem vim, quam Consuetudo adversus legem, habere videtur, ut juris effectum teneat, quasi tacito Rectorum civitatis non prohibentium consensu.

19. Inde quæsitum, an imminente mutatione monetæ in deterius, adeo cogendi sint creditores accipere debitum, æstimatione præsentis nummorum suspectorum, ut etiam teneantur accipere debita, quorum dies necdum cessit, cujusmodi jus offerendi & solvendi alioquin habere debitores, ex legibus satis constat *l. 50. n. de Obl. & Act.* Satis crebro ea de re disceptatum, nihil tamen decisum comperi. Plerumque teneri Creditores ad hoc etiam, responsum est, quia sic sunt positiones juris. I. Debitor etiam ante diem solvere potest *d. l. 50.* II. Creditor nummos ante publicam derogationem æstimatione corrente accipere cogitur, ut antea diximus. Hæc

positiones junctæ faciunt affirmativam Thelios propositæ.

20. Et fatendum est, illam satis habere juris, sed in altera plus æquitatis inesse videtur, & forte rationis verè juridicæ. Nam quod debitores ante diem solvere possunt, id in favorem liberationis, ut quantocyus ære alieno defungi liceat, non ut incommodum & detrimentum creditoris, suo commodo & lucro captent, iis indultum est. Et sententia, quæ Molinæum habet patronum, quæ diximus eum negare, creditores, omnino cogi posse, ad accipiendos nummos, quorum derogatio metuitur, & quos ideo communiter accipere detrectant homines, haud adeo procul abest à ratione Juris, ut etiam amplianda sit opinio contraria, tam notabili inæqualitate, quæ non procul abest à dolo.

21. Plura de jure monetæ & rei nummarie, qui volet, adeat Bodinum & Molinæum *locis supra designatis*, & hunc in primis copiose & enixe demonstrantem, quanta ex inæquabili harum rerum observatione tam Reipublicæ quam privatis inferatur detrimenti; quam potius opera danda esset Rectoribus populorum, ut ad auferendum sumptus faciendi prætextum ejusque incertitudinem, auro & argento nihil amplius misceretur, quam ad soliditatem nummis conciliandam opus foret; impensas autem monetæ cudendæ ferrent ipsi Principes, sine ulla adfectione lucri pudendi & perniciosi. Sed & heic repetere liceat, quod alias habuimus; *Quid tristis querimonia!* &c. cum hac etiam parte dudum eo pervenerimus, ut nec vitia nostra nec remedia ferre possimus, quorum hoc est unum è præcipuis, quæ semper vetita, semper exercita videbimus.

C A P. III.

De Securitate publicâ.

Præcipuus Imperii scopus, Securitas publica. Ejus divisio in universalem, quæ præcipue est hujus loci, & particularem. Quid illa; definitio & divisio in Externam ac Internam, exponitur, ab officio Legis, Summæ Potestatis & Magistratuum. Externæ securitatis ratio & procuratio. An exercitus habere perpetuos, sit in potestate Imperantium. Tutelæ publicæ officium non posse adhiberi à privatis, nec ab exteris implorari; nisi quatenus Rectores alicujus populi jus suum amiserint. Quid juris habeat Civitas in fundis privatorum, muniendi aut securitatis publicæ adstruendæ causâ. Quatenus hæc res ad Ecclesiam pertineat, item ad Heterodoxos & excommunicatos. In quibus rebus Securitatis publicæ procuratio consistat, & quibus profit. Quinam ab illâ excludantur, distincte expositum. Pœna violatorum securitatis publicæ. De fide securitatis datâ privatis, hoc est, Salvo Conductu, qui dicitur.

SI de omnibus in *Libro primo* enumeratis Juribus Summæ Potestatis, quatenus ad hoc caput Administrationis de novo pertinent, agendum putarem, vestigia prioris Editionis, quæ jam vix apparent, latè nimis egrederemur. Unum de *Securitate Publica* articulum, quem antea non attigimus, addere placet, & de Reformatione alterum.

2. Est hoc argumentum ejusmodi, in quo Rectoris officium Reipubl. ordiri & desinere debet, ut Securitas publica Civibus præstetur, cum hac gratiâ Civitates constitutæ, & Principes electi ac constituti sint, ut omnibus secure cum rebus & familiis suis, agere, & *libertate tranquillâ*, quomodo hanc securitatem appellat Cicero in *Philipp. 2.* frui & gaudere liceat; nec est aliud boni Regiminis indicium & argumentum melius ac infallibilius, & fructus Reipubl. dulcior, aut ad beatitudinem civilem &

Religiosam plus afferens momenti & adjumenti.

3. Quid autem sit *Publica Securitas*, definitione Scholasticâ clarius exprimi non potest, quàm hæc ipsa verba præseferunt. Sed divisio, negotii naturam magis explicabit: Est autem hæc, in Universalem & particularem. Illa nomen generis sibi magis vindicat; hæc usu forensi nomine *Salvi Conductus* indicari solet. Universalis ad hanc Artem maximè pertinet, & præcipuam hujus capituli materiam dabit. Hoc modo definiri potest, *Legis & Imperii præsidium omnibus paratum innocentibus*. Estque vel internum, vel externum illud præsidium.

4. Internum dicitur, præsidium Legis, quia *Lex omnibus hominibus æqualiter securitatem tribuit*, ut ex Hadriani rescripto scribit Callistratus in *l. 28. §. 7. π. de Pern.* idque bifariam, præci-
piendo vetandoque, & sanciendo pœ-
nas in

nas in violatores pacis publicæ; ut boni legibusque obsequentes earum auctoritate defendantur, mali contra & immorigeri, poenarum, quas illæ minantur, frenis cohibeantur ac coërceantur, omniumque ad invicem securitas legitimarum sanctionum vinculis contineatur ac custodiatur.

5. Sed quia Leges se ipsas explicare, truerique non possunt, additur *Imperii præsidium*. Primo quidem summi, quod, ut dictum, hac unice gratiâ constitutum est, ut, *vallum integritatis & murum securitatis*, ut est in *l. 31. pr. C. de Episc. & Cler.* conderet ac muniret populis, idque bonorum *premiis*, malorum *pænis*, quibus Rempubl. Plato contineri dixit, procuraret.

6. Juxta Summam Potestatem, idem est officium Magistratum. Congruit enim gravi & bono Præsidi, curare, ut peccata atque quieta provincia sit, quam regit, quod non difficile obtinebit, si sollicitè agat, ut malis hominibus provincia careat, eosque conquirit & puniat, idque sine discrimine indigenarum & extraneorum *l. 3. & l. 13. x. de Offic. Præs.* quemadmodum & Magistratus alicubi speciales ad custodiam pacis publicæ destinati, & nomen inde habentes, ut *Irenarchæ* olim apud Romanos, alibi *Judices Pacis*, reperiuntur, quibus & exequendi potestas & vires adesse debent & solent.

7. Externum Securitatis præsidium, adversus vim hostilem foris imminentem, comparatum esse debet. Cum enim status gentium diversarum inter se naturalis & revera Status belli sit, induciis quandoque sopitus, sed in potentiâ semper actu proximâ, ut loquuntur, ad pugnam, & potentiores aliorum opibus assiduo insidentur, eorum maxime, quos in tranquilla securitate degere vident, parum tuta illarum ratione, qui

fines non gladiis sed justitia terminandos volunt, quod Agesilaus tamen suo sensu non male dixit; fieri non potest; ut, Publica Pax intrinsecus securitatem præstet, nisi contra vim externam tutum sit præsidium.

8. Hoc autem duplici via comparatur, vel assidua civium in armis exercitatione paratoque semper eorum delectu; vel mercenario in milite alendo & munimentis, maxime limitaneis, illo infessis. Prior mos fuit veterum populorum; collecto milite non nisi extra ordinem & ardente bello, conduci solito, invisio mercenariorum nomine, & extra bellum, nisi Tyrannis, inusitato. Inundationibus Germanorum per Occidentis Provincias, Feudalis militia quodammodo medii generis invaluit; donec & hac obsoletâ, novissimo hoc ævo perripit ubique fere mos, habendi pacis etiam tempore, mercenarias cohortes, ex improbißima colluvie & sæce generis humani, de vulgo loquimur, colligi & de populis ali solita.

9. Hujus rei tractatus, ac quod institutum alteri sit præferendum, ad Politicam maxime pertinet, qua de re luculenter agit & disputat Bodinus in *lib. 5. de Rep. cap. 5.* Juridica disquisitio est; an Imperantibus arbitrium, quo nullum in utramque partem majoris momenti est, hac de re jure competat. Distinguendum haud dubie, inter Imperium simpliciter, & certis sub exceptionibus delatum. Priore casu, cum omne jus belli & Pacis sit in manu & arbitrio Imperantium, ut in *lib. 1. sect. 2.* probatum est, nihil causæ, cur hæc etiam potestas Imperantibus delata non sit, apparet; Ad voluntarium enim Imperium hæc distinctio pertinet: Nam de violentis & jure belli quæstis, nulla ratio dubitandi esse potest.

10. Imperio limitato, si hæc ipsæ res sub ex-

sub exceptionibus contineatur, nihil iterum est, quod dubitetur. Ut in hoc tandem Quæstio definat, si jus belli & Armorum Principi competat, alia verò jura, condendi Leges novas, imponendi tributa & vectigalia, & similia; sint excepta, numquid Ordines Populorum jure se opponant Principibus, id agentibus, ut exercitus alant perpetuos.

11. Ne hoc adjuvent tributis & vectigalibus institutum inviti, rursus indubitatum est, populos non teneri. Quod si absque eo Principes id agant evidenter, ultra quam securitatis publicæ ratio postulet, directè quidem nihil contra quam ipsis delatum est, committitur: Attamen, quia tritissima hæc est via Principum, redigendi populos ad absolutæ subjectionis metam, & jura illorum opprimendi, dicendum videtur, jus illis esse petendi cautionem adversus justissimum metum, quæ non potest esse alia, quam dimissio superflui exercitus; cum quælibet aliæ cautiones, hoc consistente, fiant inutiles, & in libidine sint potentioris: Si nempe tanta sit mercenariorum copia, quæ subigendæ libertati publica sufficiat.

12. Nam si populus otii dulcedine, quod omnibus accidit hodie, ab armorum studio alienus, suæ Tutelæ non sufficiat, munimentis opus esse limitaneis & perpetuis illorum prædiis, res loquitur, & ipsorum mos liberorum populorum, qui mercatui aut agriculturæ dediti, nisi paupertatetuti, munitionibus & prædiis contra vim externam, securitati suæ consulere coguntur. Unde, si paucis vel uni pareant, ab his nihil aliud exigere possunt, quam ipsi satagerent, modo non excedat res cautionem securitatis externæ.

13. Ex eo, quod hujus rei Procuracionem Summæ Potestati, & Magistratibus ab illa constitutis incumbere dixi-

mus, Privatos non habere jus alios in Tutelam publicam recipiendi, clarum est; quo pertinet *Tit. Cod. Ut nemo ad suum Patrocinium suscipiat rusticanos, vel vicos eorum, in fraudem scilicet, ac circumscriptionem publicæ functionis, ut a-* *junt Leo & Anthemius Imperatores in l. 1. eod. Nec quisquam vicanus Patrocinium polliceatur, vel agricolas in clientelam suscipiat, l. 2. eod.* Et his consentaneum est. Ne cuiquam defensionis causâ, sine permisso Summæ Potestatis, loca munita, vel arma, ullo prætextu, habere liceat: qua dere, juxta verus Imperii Romani, & commune gentium institutum, est Constitutio Valentis & Valentiniani in *Tit. C. Ut armorum usus infæcio Principe, interdictus sit*; Nullum enim præsentius & pestilentius civilium bellorum & seditionum incitamentum esse, notum est omnium exemplis & temporum & populorum.

14. Ex eadem ratione, quod hæc præcipua Principis, in quolibet Imperio, & Rectorum in quavis Republ. officii pars sit, ultro patet, ad Externas Potestates, non pertinere securitatis publicæ procuracionem in aliena Republica, nec civibus esse jus Tutelam securitatis suæ apud Exteros quærere, vel ab illis implorare; sed parum abesse, quin hujusmodi imploratione Crimen læsæ Majestatis committerent Cives, quia subjectio & protectio sunt res correlatæ; nec ideo hanc, nisi apud eos, quibus subiecti sunt, absque violatione juris & dignitatis eorum, adfectare possunt.

15. Amplianda est sententia; ne quidem ad Fœderatos Principes aut Potestates, licet arctissime fœderatos, si modo sit æquum fœdus, ejusmodi Tutelæ publicæ implorationes extendere licere; quia sunt æque externi, & periculum ab illis, opportunitate Societatis, aliquanto majus est, ne jura Sociorum u-

surpare non gaudeant. Ac ideo in quādam Republ. arctissimo cum aliis foedere juncta, publico nuper Edicto, læsæ Majestatis rei sunt declarati, qui juris publici Tutelam à Sociis imploraverant, exemplo *superius* designato. Verum si foedus inæquale sit, cujusmodi fuit Græciæ populorum, sub Lacedemoniensibus ac Atheniensibus, alia non paulo juris ratio fuerit.

16. Quod si Foedus, in rebus communibus, à Generali Collegio, vel Principe gubernetur, ad hunc nihilo magis Tutela publici juris & securitatis procuratio in singulis populis spectat; nisi aliter in Foedere sit comprehensum & expressum. Exemplum modo adductum è Belgica Foederata regulam confirmat, nec infirmatur Exceptione Status Imperii Romani Germanici, quod esse potius systema Foederatum, quam unam Civitatem sæpe diximus. At ibi pacis publicæ vindicta ad universum Imperii Senatum Juridicalem, vel ad Imperatorem pertinet, ut docet Gailius in *libro de Pace Publ.* sic tamen, ut magis illud officium ad diversa Imperii membra, quam ad singulorum principum subditos spectet, quorum securitatis procurationem cum aliorum exclusionem, non minus Germanicæ Principibus, quam aliis Potestatibus liberis ad animum pertinere videmus. Adeo, ut nec Imperatorem, si vires ad sint ad prohibendum, admittant, idque jure se facere putent & faciant.

17. Cum autem hæc sententia jure Summæ Potestatis nitatur, extra hujus terminos, Jus securitatis publicæ produci non potest. Ideoque, si qui Principes aut Rectores Jus Summæ Potestatis amiserint, eorum subjecti non prohibentur alibi quærere præsidium. Quando autem hoc committatur, ex iis quæ de Tyrannide collocata sunt, in *lib. 1. sect. 9. in primis cap. Cap. 2. n. 9.* colligendum.

Quoties scilicet, Principes terminos Potestatis sibi delatæ notoriè & præfractè egrediuntur; nec domi satis est præsidii contra vim dominationis effrenatam. Quod ubi de facto certum (in hoc ferè præcipua difficultas est) de jure non admodum est, quod laboretur. Exemplis in veteri novaque Historia non ignotis abstinemus.

18. Incidit in hunc locum Quæstio, liceatne Principi, vel Reктору supremo Civitatis, agros occupare privatorum & destruere domos, si ferat usus, & extruendæ sint illic arces & propugnacula, fossæve dilatandæ, securitatis publicæ gratia. Quod ut adfirmandum, ex consensu populorum in constituendis Rebus publicis indubitato, ut probat Vasquius 1. *controv. lib. 1. c. 5. n. 9.* sic in eorum rigorem minime concedendum, qui jus Dominii Eminentis, ad cujus vim hæc res pertinet, usque adeo intendunt, ut ne pretium quidem dominis fundorum & ædificiorum putent esse refundendum. Recessus enim à jure dominii privato, gentium legibus stabilito, non nisi quam minima privatorum læsione constitui & intelligi potest; Ita rectè Zasius *consil. 10. n. 6. & seqq.* Sub gemina tamen limitatione; prima, ut si domus structa sit, ubi talis muniendi necessitas probabiliter poterat prævideri, superficiem dominus tollere debeat, & fundi solius pretium solvatur, ut sit in locis suburbanis. Altera limitatio, si tempore belli Respubl. precium incontinenti solvere non possit, ut Dominum cautione futuræ solutionis contentum esse oporteat, quæ tamen jure pleno, haud secus, ac à privato, præstanda manet.

19. Videmus ergo duplicem esse curam Securitatis publicæ. Externam, adversus insultus hostiles, & Internam, quæ in præsidio Legum & Justitiæ consistit,

Ἡ τὴν ἀνδρῶν ἀρετὴν ἢ τὴν λείαν ἡδὺν κα-
 λῶμεν,

Quæ populos reddit miseros vel pace
 beatos.

Hoc autem Securitatis officium non modo Reipubl. sed etiam Ecclesiæ imprimis debet Summa Potestas, cujus rei gratiâ vel maximè Civitates constitutas esse, diximus in *lib. 1. sect. 4. c. 1.* Etsi arcano ejusdem divinæ providentiæ motu, adhuc quidem ita factum videmus, ut vera Ecclesia sæpius, extra securitatis publicæ Tutelam posita fuerit, obnoxia persecutionibus Regnantium: Eo magis, quo purior & sanctior illa fuit; usu ita fere docente, per hanc securitatis publicæ complexionem labi & corrumpi Ecclesiam. Adeo ut nulla Deo sit efficacior reformandi Ecclesiæ ratio, quam subducendo illi securitatem publicam. Ut vaticinium, Reges erunt nutricii tui *Esaie 49.* & Reges peregrini ministrabunt tibi *cap. 60.* forte non temere ex iis esse credatur, quorum adhuc expectatur implementum.

20. Juris est tamen indubitati, ut Publica Securitas, Ecclesiæ imprimis officium Summæ Potestatis & Magistratum conciliet: Nec id, si faveant Ecclesiæ, vel ejus confessionem probent, in controversiam vocatur. An vero cœtus dissidentium in sacris à Summâ Potestate, sint extra patrocinium Securitatis publicæ, magis ambigitur, usu & opinione populorum atque regentium illos, qui sic frequenter opinantur, unam in una civitate Religionem esse oportere, eamque Principis, pro qua sententia Lipsius etiam *lib. 4. Polit. c. 4. & seqq. & in libr. de una Religione politice* disserit, etsi non omnino heterodoxos extra Tutelam publicam positos velit.

21. Quid hac parte juris sit, ex iis, quæ de Jure Sacrorum Publico dicta sunt in *lib. 1. sect. 5.* colligi potest. Cum

inde constet, Rectores Civitatis non accepisse potestatem in hominum mentes, nec in his quæ à Deo præscripta sunt, cujuscumque sunt res fidei; palam est, nullas animi sententias, maxime de rebus sacris, homines privare beneficio Securitatis publicæ. Quia verò Deus etiam præcepit, ut Credentes in sese, agant cœtus, Dei colendi & laudandi gratiâ, & habeant Doctores, quod Imperatores prohibendi jus non habent, sequitur, hos etiam Cœtus, eorumque Rectores, etsi à Religione publicâ discrepantes, eodem patrocinio Securitatis publicæ comprehendi. Quando tamen, quibusve de causis, hoc Securitatis publicæ debitum cesset in Religionibus heterodoxis; ex illo communi loco suppleri potest, imprimis ex *cap. 3.*

22. De cœtibus quorundam & Universitatibus loquimur. Nam singuli & privati quominus Tutela publica gaudeant, nihil est causæ, nec quidem Judæos inde excludendos suadet antiquus honos gentis & eorum conversionis spes, & juris Romani auctoritas, quâ tam personis quàm synagogis eorum securitas præstatur *l. 14. C. de Judæ.* idemque cum ipsis, tum paganis, etsi horum cultu prohibito, tribuitur, sub pœna dupli in violatores *l. 6. C. de Pagan.* sub cautione videlicet coercendi flagitia & blasphemias. Ne excommunicatos quidem à Tutela securitatis publicæ excludendos, ex his quæ de jure Sacrorum in loco dicta sunt; cum ea res sit merè spiritualis; omnino adfirmandum est, etsi aliter crebro Doctores, quos citat & sequitur Joh. Georgius Bechtius in *Tract. de Securit. & salvo Conduct. c. 4. n. 110.*

23. Jam si roges, in quibus rebus securitas universalis præstanda sit, in summa dicendum, illam consistere, in quietâ securaque facultate faciendi quod velis, fruitione rerum possessorum, in libero

tutogue viarum publicarum, maris, fluminum & Commerciorum usu; ad quam speciem *Salvi conductus* appellatio specialiter pertinet: denique in Judiciorum copia. Primum continet libertatem personalem; quæ cum definiatur, Naturalis facultas faciendi quod velis, nisi quid vi vel jure prohibeatur, Securitas publica primam exceptionem præstat, ut vis à populo absit: Alteram supponit, imo inculcat, cum sine illa prior in effectum deduci nequeat.

24. Proinde, qui facit, quod jure prohibitum est facere, an is ab hoc patrocinio excluditur? Non equidem ab immunitate vis privatæ: Sed à poenis & coercitione publicâ non liberari, ipsa res loquitur: quo pertinet id quod dictum de fruitione rerum, non modo ad coercitionem furum & Latronum, sed etiam ne quis juris obtentu melioris, in detentione rerum suarum turbetur. Et *ipsum* hunc articulum, de rebus possessis, potius, quam unicuique propriis expressimus; quia dominii vindictio ad Judicia pertinet, possessionis securitas magis ad hoc caput Tutelæ publicæ spectat: Quia, si hæc suo loco non relinquatur, sed alius alium juris prætextu turbet in præsentî detentione, cumve expellat, aut res eripiat, nihil quam bellum omnium contra omnes privatum in Reipubl. foret. Unde nullum sanctius in Civitate præceptum extat, eo, quod & Leges & Canones dicunt, *Spoliatos ante omnia restituendos*: Id est, cui possessio manu erepta est, eum sine examine juris, quo rem detinuerit, incontinenti publicâ manu in integrum esse restituendum; tametsi fur aut prædo sit, imo licet alter ab illo dejectus, ipsum prius ejecerit, modo non è vestigio per modum defensionis id egerit *l. 17. n. Unde vi.*

25. Hæc omnia majoris tumultus e-

vitandi & securitatis publicæ conservandæ gratiâ, quam si juris prætextu turbare liceat, tam justî quam injusti possessores periclitarentur. Quare, qui rem suam vel sibi debitam ab adversario aliter quam per Judicem repetit, Jus crediti vel dominii amittit, ex constitutione Divi Marci in *l. 13. n. Quod met. c.* Denique, malefici, homicidæ, Adulteri & quorumvis criminum rei, modo in flagranti delicto non reperiuntur, ad hanc Securitatem, quæ Facti recte appellatur, pertinent, ut à privatis lædi non possint; Aliter enim publicæ disciplinæ vigor observari non potest: Cujus ratio vult, ut delinquentes non minus à privatis tuti sint, quàm publicè competentibus poenis adficiantur.

26. Hæc omnia Rectorum Civitatis officio sic continentur, ut ea quidem ultro & gratis procurare debeant; Quod tamen non vetat, in viis, & in fluminibus, vectigalia pro sumptibus in Securitate præstanda faciendis imponi. Sed hæc res ad locum communem de Vectigalibus spectat: Nisi quod ad externos attinet, de quibus in *sect. sequ. agendum*. Sed peregrini & eorum res tam viventium quàm mortuorum, æquè ad hoc officium cujusque Reipublicæ Rectorum pertinent, quàm Cives & horum bona; quo referuntur etiam naufragia, de quibus in *lib. 1. sect. 3. cap. 7. n. 510 & seqq.* Arresta tam peregrinorum quàm civium, de quibus actum in *sect. præced. cap. 1.* & jus redigendi in fiscum hereditates peregrinorum, quod jus Albinagii vocant in Galliâ, quod huic etiam officio Rectorum Civitatis minus videtur conveniens, de quo Bodinus in *lib. 1. de Republ. c. 6. n. 62. & seqq.*

27. Vidimus, quid Securitas Publica & quos complectatur. Videamus, quoniam ab illâ excludantur, quod non uno & simplici modo vel gradu fit. Primus vide-

videtur, quo certi homines, aut hominum ordines excluduntur à judiciis, ita ut non habeant personam standi apud Tribunal, neque per se, nec per suos Curatores aut Actores; sed tamen reliquâ securitate gaudent, ut spoliari & violari nequeant. Idque magis in ordines & qualitates hominum, quam in singulos, nisi forte quibusdam in causis, congruit. Sic collegia prohibita non audiuntur in iudicio, neque Rectores illorum, quatenus istam qualitatem præferunt, in universum. Receptatores aleatorum Jure civili arcentur à Tribunali Prætoris, etsi querantur de damnis & injuriis sibi factis, *l. 1. §. de Aleator.* Quod tamen non supponit eos à quolibet impunelædi & obteri posse, quod plerique Juris Romani conditoribus objiciunt; Hoc enim non tam ad Prætorem, cujus Edicto arcentur à iudicio, quam ad Præfectum Urbis spectat, cujus officium ad quævis maleficia pertinet, ut demonstravimus in *Eunom. ad l. 1. d. tit. 1. de Aleator.* Etsi verum est, Magistratus raro ad ejusmodi singularum personarum, à iudiciorum Tutela exclusiones procedere oportere.

28. Secundus gradus est, quando liber usus Fori, viarum publicarum & commercii ac habitationis usus alicui præcluditur, ut non modo sit omnibus, qui ob admissa trahuntur in carcerem, sed etiam quibus urbe, foro, vel commerciis interdicitur, & qui hac gratia vel educuntur, vel ni sponte foras eant, in custodiam publicam rapiuntur, aut multis vel pignorum capionibus vexantur: neque enim tales à quovis impune cædi aut spoliari posse dicendum est: Etsi Magistratus usi sint hac formulâ; *seprofectionem illis negare suam*, ut cujusdam urbis Magistratum denuntiasse memini Viro bono cœtus extraordinarios religionis causâ exercenti. Quod ultra sanè quam hoc

articulo dictum est, extendi non posset: Etsi minus illa prudens interdicendi formula videtur. Si enim indefinite verba capiuntur, ut sonant, impune cuivis illum hominem, verberare, spoliare, vexare, permistum foret: quod erat ultra negotii modum & interdictivum, credo, propositum.

29. Ad hunc ordinem pertinent etiam circumforanei milites, desertores, validi mendicantes, quibus non permittitur Fori & publicarum usus viarum, & specialiter *Singari*, quos vocant, & chironantæ vagabundi, quibus non immerito accensentur, unguentorum nundinatores, vagi pugiles & cacaborum calceorum reparatores, denique variarum rerum minutarum venditores errantes, quibus merito non permittitur vagari per urbes & agros, sine veniâ speciali, sub poena operis publici, ut in *Tit. C. de Mendicant. valid. & Statut. Fris. lib. 2. tit. 8.* Denique malefici, id est, Magicarum artium magistri & Incantatores huc pertinent, quos cuilibet occupare deprehensos, & in publicum pertrahere non modo permittitur, sed etiam præcipitur *l. ult. C. de malefic. & Mathemat.* Sic & latrones, Prædones, Piratas, Transfugas & omnes graviorum, inquam, criminum reos haberi notum & dictum est.

30. His omnibus tamen hæcenus publicæ patrociniū securitatis debetur, quod spoliari & occidi non possunt, verum comprehensi publicæ tradendi custodiæ meritisque poenis ordine Judiciali causæque cognitæ sunt coercendi. Ut tamen si, dum comprehenduntur, armis se defendant, si contingat eos cadere, jure cæsi videantur, ut *alias* dictum. Nec tamen nulli sunt, quos etiam ultrò occidere liceat, non modo insidiatores & obsessores viarum, latronesque & omnes aliorum Invasores, dum in hoc sunt, ut alios in periculum vitæ adducant,

quæ

quos inter & raptores mulierum in ipso actu deprehensit. *un. C. de Rapt. Virg.* sed etiam promiscue, si qui publico Edicto hostes declarati & omnium ictibus expositi atque proscripti sunt; non per factionem & tyrannidem, ut olim proscriptiones Sullanæ & Triumvirales, sed manifestis hominum meritis, & salute publicâ propter illorum furorem, extremam exigente severitatem. Atque his etiam adnumerandi, quos induisse animum quemlibet obvium interficiendi constat, quales apud Indos furore quodam religioso percitos, non secus ac rabidos canes, quandoque vagantes & vociferantes conspici, scribunt Nostrates illinc. Quin idem in conductos sicarios, vulgò *Affasinos*, qui in certos homines armati incedunt, licere plerique statuunt, per *cap. 1. in fin. de homicid. in 6. Damhoud. prax. crim. c. 83. Clar. §. Affasinum. Menoch. Cal. 360. n. 42. ubi.* Et rectè, si aliter scelus eorum opprimi non possit. Privatis enim Ferri licentiam non nisi extrema necessitate permittendam esse, res & publicæ vigor disciplinæ loquitur.

31. Cum enim nulla res humani generis omniumque Imperiorum salutis magis adversetur, quam ut Pax & securitas publica violeatur, haud immerito, qui hoc audent, eodem malo, quod aliis parant, adfiguntur, ut extra pacem publicam constituti, ab omnibus impune tam in personâ quam in rebus offendi possint: quæ est sententia *Banni*, quod pacis publicæ Violatoribus irrogatur, de quo prolixè Gallius cum *testo de pace publica opere, tum in lib. 1. cap. 20. & passim*, quæ hic describere nihil attinet. Cum autem hæc res inter ea sit, quæ & Exteri sibi invicem debent, de his *sequenti sectione* agendum videtur.

32. Ita Securitas universalis totum hujus capituli spatium implevit. De par-

ticulari, ad quam generalia reduci possunt, pauca subjiciemus; Et præstatur hæc vel exteris, vel civibus. Ad illos quidem sectio quæ sequitur, pertinebit, quatenus sunt exteri. Sed hic de illis, ut in nostrâ civitate versabuntur, agendum est. Impertimur autem literas *salvi conductus*, ita specialiter respectu foris venientium dictas, iis qui apud nos locum non habent, aut qui jure communi satis erant tuti, de facto autem molestias timent.

33. Prioris generis sunt hostes, qui rerum suarum privatarum causâ nostris in finibus, ad tempus, agere cupiunt; Etiam legati hostium ad tertium, qui per fines nostros iter facere debent, nam & hi nobis privatorum loco sunt. Exsules etiam nostri & delictorum, vel æris alieni apud nos Rei sunt ejusdem generis; ut securitatem flagitare nequeant, rogare & à volentibus impetrare possint.

34. In posteriore numero sunt, omnes amici, seu fœderati, sive nulla inimicitie causâ nobis cogniti; quibus ex jure Gentium & conjunctione sanctissimâ generis humani, ubique debetur securitas; Illi enim apud nos & libertatem suam, & dominium rerum suarum æque ac apud se retinent, eademque nobis apud illos contingunt, ut docet Tryphoninus in *l. 7. pr. π. de Captiv. & postlim.* Et si verum est, apud antiquos populos id usquequaque non fuisse observatum; sed exteros omnes fere hostium loco, ut alibi jam diximus & dicemus, esse habitos; quando & exteros omnes, hostium nomine, vetere Latinitate designatos fuisse constat. Huc etiam referuntur, publici Hostium nuntii, sive legati, de quorum jure peculiaris occurrer locus in *sectione sequenti*: Tales enim, etsi de jure nihil sit illis metuentum, adversus injurias tamen repentinâs, cautione publicâ indigent; non modo

modo, antequam in fines nostros perveniant, à limitaneis militibus, sed etiam sæpe, dum in media Civitate nostra versantur, à plebe, vel ab inimicis suis peculiaribus. Quo pertinent Edicta protectionis publicæ, in Civitatibus optime gubernatis, non raro, in gratiam Legatorum aut exteriorum, consensu publico murmurum, solita promulgari.

35. Fit etiam, licet exteri & peregrini nihil de facto mereant, ideoque sine venia publicè impetrata, freti iustitia communj, in alienas Terras se conferant, ut harum tamen Rectores, promissuos introitus, sine venia publica non probeant, nec commodam & incustoditam securitatem peregrinis concedendam putent, non quod Humanitatis Legi quicquam derogatum velint, sed ut propriæ securitati, quod status peregrinorum, factò, quàm jure magis æstimatur, consulendum censeant: Quo pertinet, quod in limitaneis locis, quilibet transeuntes eorumque hospitia notari solent: quod etiam sæpe detinentur ad tempus, aut in fines intrare prohibentur, maxime Illustres personæ. Quod ex iusta securitatis procurandæ causa jure quoque fieri non dubitatur; Et extant Edictorum hujus generis exempla.

36. Quod attinet ad Cives cujusque Reipublicæ; Generalis, de qua dictum, Securitas definit ac usum habet in singulis, & specialis admodum raro illis applicatur. Fit tamen aliquando, si vel jure, vel de facto, sibi mereant. Jure, cum propter res alienum litentes, quo res suas melius constituent, vel cum Creditoribus suis paciscantur, veniam à Summa Potestate, vel Supremo Judge petunt, ut sibi tuto liceat in medio versari, dumtaxat ad tempus, ut à carcere molestiisq; personalibus & Executoris interceia liberentur: Aliquando etiam in-

ducias, respectu bonorum suorum, mortatorias impetrant, vulgo *quinguenales*; unde nomen ejusmodi induciæ populare adeptæ sunt. Sed personalis exemptio, *Securitas*, ut est revera, *Corporis* appellatur. Reis etiam delictorum tale quid, etiam rarius, indulgetur; à carcere liberatore, dum res judicetur, l. 1. n. de Custod. & exhib. reor. aliquando & commeatu liber, & ab iis illis condicatur. Quod si fiat, data fides sanctè servanda, nec elidenda prætextu iustitiæ: modo diserte expressa sit facultas liberi aditus & recessus; Qualis non fuit in literis salvi conductus à Sigismundo Imp. datis Johanni Hussio, ut illarum quidem præsidio non potuerit esse tutus ab accusatione & executione criminali, sicut eas exhibet Joh. Petrus in *Chron. Holl. tom. 1. lib. 3. sub fin.*

37. Denique & ministri publici, cum actiones illorum in odium publicum incurunt, quandoque recipiuntur in specialem protectionem: quomodo Rectores Hollandiæ Johannem Oldenbarneveldium Syndicum suum Edicto publico in protectionem receperunt, anno hujus seculi xvi. Judices etiam Extraordinarii plerumque decretis ejusmodi vel Edictis à Summâ Potestate moniuntur, adversus odia, quibus extraordinariis Potestates sæpe, nec aliquando sine ratione, subjiciuntur. Et hæc juris remedia turbamenti facti occupandis & amoliendis, sæpe minus apra & efficacia reperiuntur. Sed hoc Politicæ Considerationis est.

38. Ad Juris rationem postremò pertinet, Cauti de non offendendo, quam petere potest is, qui offensionem & læsionem violentam ab alio timet, & causam timoris probabilem adferre potest, quâ de re *περὶ τῆς ἀποφυγῆς τῆς ἀδικίας* agit Gailus in lib. 1. de pace publ. cap. 2.

CAP. IV.

De jure reformandi Civitatem &c.

Reformationis Civitatum quis & quando sit usus. A quo institui, à quibus peti possit. Exempla Lycurgi & Solonis in hanc rem examinantur. Singulos cives non habere jus aliud: quam conquerendi & Supplicandi; & hoc ipsum aliquando posse prohiberi. Nefas esse petitionem Reformationis extra Rempubl. institui. Materia Reformationis in genera divisa; & de Ecclesiâ defunctorie.

Hæc sere sunt, quæ in externa administratione Civitatis, doctrinam juris participant; Politica, res multò plures continet, quæ indepetenda relinquimus: quæ autem Reipubl. jura pertinent ad Exteros, ad sequentem sectionem referemus. Superest adhuc locus de Reformatione Civitatis. Nam ita frequenter usu venit, ut Vel jura civitatis administrandæ ab initio malè & imperfecte collocata sint, quod accidit Romanis, vel rectè posita deinde corrumpantur; atque ut ita reformatione Reipubl. opus sit: nisi priorem malis emendationem vocare, speciem. Cum autem Reformatio vix unquam, sine perturbatione status præsentis eveniat, magnam hæc res *ἀνεκχώρητον* politicam simul & juridicam habet.

2. Juris quæstio inprimis hæc est: Quis reformationem instituere, quis petere possit. Et quidem sine hæsitatione dicendum est, eam non posse fieri ab aliis, quam qui jus habent Imperii summi; formare enim atque reformare est ejusdem facultatis. Proinde in populari Imperio, quod ad jubendi potestatem attinet, proficisci debet ab ipso populo; Suadendi auctoritas à viris sapientibus oritur; sed præcipua æquitas & impulsio nascitur è malis, quibus Civitas conflictatur, & quorum remedia nonnisi à Reformatione Civitatis sperari possint.

3. Talis erat Attici populi conditio, priusquam Solon ejus statum reformaret, *παιδεία πᾶσι ἐπισημαίνετο ἢ πόλις διέκλειπτο*, Civitas periculossimè laborabat, ait Plutarchus. Ideoque cum alium exitum non viderent, *τὸ ἐξέλιπον τὸ πολιτείαν διαρρηκτὴν καὶ τομῇσι καὶ ἀπιδέχαν, κατὰ ἑρμηνείαν ἐπὶ τῶν νόμων, νόμοις, ἑκκλησίαις, δικαστηρίαις, Βουλῇ καὶ ἡμετέροις ἱεροῖς, λούσαις καὶ φυλάξεσσι τὸ ὑπερῆκον καὶ κατὰ δέον, ὅ, καὶ δέοντιν*. Id est. Solonem constituerunt Reformatorem & Legum conditorem, omnia simul ei permittentes, Magistratus, Convictiones, Tribunalia, Senatus, atque judicia censumque singulorum, cum potestate solvendi retinendique ex iis qua constituta erant, pro suo arbitrato.

4. Solon igitur volenti populo, virtute decreti ipsius, reformationem imposuit. Diversum Lycurgi exemplum fuit; quem populus quidem magni faciebat ob probitatem atque prudentiam, Reformandi tamen potestatem ab eo nullam accepit, sed Leges suas reformatorias per vim tulit. *Βία καὶ ἄλλων ἢ πεισθὶ χρεώμενον*, vi magis quam persuasionibus utens, Plutarch in *vita Sol.*

5. Modus procedendi, quo Lycurgus est usus, ab eodem in Lycurgo, sic memoratur; *Ἐπειθεὶς δὲ τῷ τοῖς ἀποστολῇ τοῖς ἀείουσιν καὶ συνάξει πλεονεχέσας, καὶ ὑποτάσσας τοῖς φίλοις πρώτον, ἵππῃ ἄλλοις καὶ μινεῶν ἀπὸ τῶν πόλεων καὶ συμεῖν, ἵππῃ τῶν πόλεων*.

πρότερον. Ὡς ἂν ὁ πατριάρχης, ἀνίσταται τῶν πρώτων ἐκκλησιαστικῶν καὶ ἀποφασίζει ἐν ἀρχιεπισκοπῇ, Ἐκκλησιαστικῶν καὶ φέρει τὰς ἀποφάσεις. Id est; Huius rebus, in spem elatus, accessit ad optimos, utque rem secum aggredierentur, cohortatus est, primò clam cum amicis agens, dein ita paulatim plures inducens & ad rem peragendam confirmans. Ubi vero tempus adfuit, triginta primores mane cum armis in forum progredi iussit, ad percellendos terrendoque eos qui resistere vellent. Plane, sicut factiones quælibet actionesque violentæ instituantur & præparantur, eadem viâ Lycurgus reformationem perpetravit, nec sine pugna ὡς καὶ ὁ φησὶν ἀντιπαρὸν ὁμοφρονῶν, ut etiam oculus ipsi excuteretur in conflictu.

6. Collocari debet hoc reformationis exemplum inter heroica facta, quæ potius admirationis quam imitationis usum præbeant. Agis & Cleomenes, quilibet quorū seculis postea, pari viâ, Reformationem moliebantur, minus prosperos successus habuerunt, ut idem Plutarchus in eorum vitâ commemorat. Adeo multum refert, quo tempore, quibusve meritis circumstantiarum aliquid aggrediaris.

7. Ceterum, secuta populi Laconici approbatio non modo juris vim, sed incomparabilem quoque gloriam Lycurgo addidit, quam meretur hoc unico in rebus humanis exemplo, ab orbe condito, ut in tota aliqua gente celebraretur; esset ἀρετῆς, ἀξιοῦ, &c. revera ἀπαράτῃ; divitiæ inbonoratæ, contemptæ, imò non Divitiæ forent.

8. Quanto etiam præstiterit ipsius Reformatio, Solonis Atticæ, ab eventu patuit; nam Solon vivus civitatem à se legibus conditam vidit à cive per Tyrannidem oppressam: Lycurgus id adiecutus est, ut per annos quingentos, suæ Leges tam publici quam privati juris sanctissimè custoditæ sint, libertate formæque

Reipubl. ab ipso constitutâ, tam feris ab hostibus, quam domi à civibus inconculsâ. Differentiæ ratio fuit, quod Solon bonas quidem leges excogitasset, sed hominum mores privatamque disciplinam non mutaverat; Lycurgus ab hac inceptorat, morumque & rei familiaris disciplinam, ut fundamentum, Reformationi publicæ subtraxerat.

9. In Romanâ Republ. Reformatio non semel in perpetuum, sed per intervalla nec semper in melius, Tribunitiis rogationibus introducta est, haud tamen aliter quam populo consentiente, quod ex Historiâ constat, heic Compendio adumbrari non potest. Consequenter in Aristocratiâ atque Monarchiâ, non nisi per eos, qui summum habent Imperium stabiliri potest. Quia vero Principes & Proceres remedia malorum, quæ faciunt, zegrè ferunt, rarius accidit, ut ipsi de reformatione cogitent, nisi plebis ideo tumultuantis, demulcendæ causâ. Proinde quæsitum est, an singulis civibus de vitis publicis querelas instituere, atque reformationem, & quousque urgeat liceat.

10. Non posse privatos, Imperantibus in hoc genere quicquam præscribere, jam diximus; preces supplicationesque in hunc finem illicitas reputare non licet; utique in universum; Si enim hoc prætextu fomenta seditionum quærantur, ut aliquando accidit; maxime, si cæcis coitionesque ea gratia instituantur, ipse quoque supplicationes hujus generis prohibendæ sunt. Præsertim, quia sæpe animadversum est, ab iis, quibus Reformatio bonique publici studium in ore est, nihil quam mutationem status publici utilitatemque privatam affectari. Denique, ubi facultas offerendi libellos querendique de statu præsentis promiscue datur, fieri vix potest, nec tumultus inde populares oriantur.

G g g g 2

11. Nec

II. Nectamen ea res aut quicquam aliud impedimento esse potest, quominus boni cives, modeste, sine inconditis clamoribus & conscriptione metuenda sodalium, querelas suo Principi vel Proceribus offerant, & reformationem publicisque vitiis remedia petant, verum ultra querelas precesque innoxias instare nequeunt. Non obstante, quod dici queat, eum qui formavit Imperium, idem reformare posse: Populus autem dedit primam Imperio formam; Ergo in omni Republ. populus efficaciter urgere potest reformationem. Nos enim in *libro primo sect. 2.* abunde probavimus, Imperio simpliciter translato, populum semet ipsum privasse potestate rei publicæ curandæ; nec est dubium, quin hæc positio concessa, quælibet Imperia redderet democratica & confusionibus obnoxia turbulentis.

12. Hæc ita, ubi summa Potestas simpliciter in unum vel paucos translata reperitur. Ubi verò penes ordinem certum, per leges Reipubl. facultas est, curandi, ne Leges violentur, ne salus populi negligatur, ibi perfecta juris ratio vult, ut ab illis Reformatio flagitetur, & quibus malis Respubl. laboret, quibus remediis sit utendum, Imperantes admonéantur; Ni hoc faciant, ipsi reos se neglectæ Reipublicæ præbent.

13. Ex his porro sequitur, Reformationem nullo modo peri posse, ab iis faciendam, qui sunt extra Rempublicam, imo quotiens cives ejusmodi querelas petitionesque reformandi corrigendique regimen civitatis suæ, deferunt ad externas Potestates, hi se manifesto reos Majestatis læsæ præbent. Juris enim est adseverati; potestatem reformandi Rempubl. ab eo, cujus est summa potestas, proficisci debere: Subjecti imperio rogare atque supplicare, nec amplius possunt, ita quemadmodum modo expo-

fitum. Ordines Regnorum, qui aliquid
juris in summâ Republ. retinuerunt,
plus vigoris addere possunt suis precibus.
Ut si Rex pecunias imperare non possit,
invitis populi Ordinibus, in promptu est
his, & sæpe nimis in promptu negare tri-
buta subsidiaque, nili placeat Regi con-
cedere eam reformationem, quam popu-
lus desideret.

14. Quomodoque facta reforma-
tio, fere ita vitio ingenii humani acci-
dit, ut brevi exoleſcat: Solonem Ana-
charſis irridebat, οἷός ποτε καὶ μέγα ἐν ἱφί-
ξειν ἔσθ' ἄδικας, ſperantem ſediternam juſtitiam
avaritiamque hominum cohibituram. So-
lon putabat ita ſeleges ſuas adtemperatu-
rum, ὥς πᾶσι τὸ παρρησιᾶν Βαλλόμενοι δέξαι
τὸ δικαιοσύνην, ut omnibus perſuaderes
juſtitiam colere ſatius eſſe quam delinquere.
Αλλὰ τοῦτο μὲν, ὡς Ἀναχαρις εὐκρίτει, ἀπί-
σται, ἢ καὶ ἱλπίδα Σόλωνος. At hæc non tam
pro ſpe Solonis, quam pro conjecturâ A-
narcharſis evenerunt, ait Plutarchus in Sol.
ſiquidem ipſo adhuc vivente atque vi-
dente, populus in graviffimas ſeditiones,
& mox in tyrannidem incidit, ut dicere
occupavimus.

15. Unica ratio constabiliendi reformationem est, Executionem ejus observationemque Legum diversis in Republ. Ordinibus committere, quorum utilitates atque respectus sibi invicem ita adversi sint, ut conspirare nequeant, sed alii aliis invidere mediâque emulatione se mutuo & impellere & impedire debeant. Quod Lycurgus sapientissime curavit, potestate divisâ inter Reges & Populum, Senatuque in medio illarum collocato, quod esset *Ὁλιγάρχη ἐν πλείστοις*, veluti *septum in medio positum*, ait Plutarch. in *Lycurg.* Quibus deinde Collegium Ephorum accessit, quæ in ipsos Reges erat potestas, Legum servandarum causa. Ita factum, ut Lycurgi Reformatio per quingentos annos inconcussa, manserit.

manferit, inquam; Unicum hujus generis in Univerſa hiſtoria exemplum.

16. Optimus alioqui Reformator eſt Deus, qui calamitatibus immiſiſis, ipſos Imperantes ſæpe cogit, ut ni ipſi cum Republ. interire malint, inſtituta prava mutare, publicæque ſaluti cogantur velificari. Cæteræ omnes vix aliud efficiunt, quam ut palam fiat, *quiquis flagitiis impares ſimus*, hujusque dicti veritas innotefcat; Reformatione factâ, magis alios homines quam alios mores naſci.

17. Materia Reformationis ſpectat vel ad Rempublicam, vel ad Eccleſiam. Quæ ad Rempublicam, referri poteſt vel ad ipſam, vel ad inferiores Civitatis ordines. Reformatio Reipublicæ conſiſtit aut in rebus novis, antea non conſtitutis, ſed uſurum & temporum ita poſtulate, propoſitis; aut in renovandis veteribus inſtitutis in uſumque reducendis. Exemplum prioris eſt in Civitate Romanâ, quæ à Romulo primum ruditer inſtituta, mox à Numâ, dein à Servio Tullio reformata eſt; Libertate poſtea tumultuario introductâ, variis legibus & Tribunitiis motibus paulatim, ad eam formam, quâ prædicta fuit uſque ad Cæſares, redacta fuit.

18. Quod ad priorem attinet ſpeciem, in popularibus Imperiis, quale fuit Romanum, juſ eſt populo non tantum petendi, ſed etiam exigendi à Magiſtratis, ejuſmodi Reformationem, qualis ipſi commoda videtur; modo nullo juſ alterius perſonæ vel ordinis quaſitum auferat & tollat! Perfectè quaſitum, inquam, per Leges antea ſtabilitas, per conventiones, aut, per præſcriptionem. Perfectè autem nihil acquiritur, niſi quod Imperio Superioris exemptum eſt, ut ſunt libertas perſonalis & privata patrimoniâ; quibus ſalvis, Imperium civitatis conſtitutum, intellie-

ximus ex iis, quæ in libro primo ſæpe collocata ſunt.

19. Non poteſt igitur populus in Democratia, nec conſequenter alii Imperantes, ſigere novas tabulas, abolere jura crediti, aut introducere communionem omnium rerum & tollere dominia, ſine conſenſu omnium & ſingulorum. Quod tamen hanc patitur exceptionem ſatis late patentem; Niſi Summa Lex, Salus Reipubl. aliud poſtulet; quemadmodum Solon ex conſenſu populi; non tamen, ut credibile eſt, omnium & ſingulorum) Athenis *Συνελευσις*, id eſt, novas tabulas publicavit. Et Lycurgus apud Spartanos communionem bonorum, in vitis locupletibus; de quo tamen actû non poteſt dubitari, quin non modo violentus, ſed etiam externa ratione Juris inſpectâ, fuerit injuſtus, nec aliter quam per Ratihabitionem populi, ut deinceps uſu venit, legitimari potuerit.

20. Quod etiam ordo aliquis Civitatis per conventionem publicam, juſ ita acquiſivit, ut in partem Imperii receptus ſit, hoc ei per Reformationem à populo adimi non poteſt; qualis fuit conventio inter populum & Senatum, de Auctoritate & Potestate apud Livium *lib. 1. cap. 17.* Et conventioni hæc parte comparari præſcriptionem, in loco de *præſcriptione jurium Summæ Potestatis lib. 1.* demonſtratum eſt. Quod tamen non habere locum in Magiſtratibus & juriſus, quæ civibus & ſubjectis, quæ talibus à Summa Potestate indulgentur, in *eodem capite dictum eſt*; quæ proinde ſemper Reformationi ſubjecta ſunt. Unde, quantum in eo ſit momenti poſitum, ſintne Jura præſecturæ alicujus ita delata, ut Summi Imperii partem faciant, an ſecus, quod in quadam Republ. diſputatum meminimus, intelligi poteſt.

21. In Optimum Imperium non eſt
G E E E 3 in po.

in potestate Populi nova comminisci instituta reformationis, quæ jure suo exigat & stabiliat, nec in Regno vel Principatu Ordines populi, aut Procerum, post Imperium semel certis legibus delatum, novas, invito Principe, Leges ad reformandum Reipubl. statum pertinentes ferre vel exigere possunt. Quia delatio Imperii est alienatio, salvis exceptionibus ab initio in stipulationem deductis; præter quas acquisitum & translatum Jus in eum qui summam accipit potestatem, revocare vel mutare non possunt. Ne quidem in electivis Imperiis summis, id Ordinibus licet; sed throni vacantis opportunitatem, quo jus Imperii ad illos revertetur, expectare debent, quod ut fiat, & quando, in loco & tempore dictum est.

22. Quicquid igitur novi ad Emendationem Reipubl. instituendum putant, qui jus Imperii in alios transtulerunt, id aliter quam consulendo, rogando, suadendo urgere non possunt, aliquando etiam efficacius, negando contributiones pecuniarias, inquam, ni desiderii ipsorum justis, bono publico satisfiat, si quidem hoc jus sibi lege fundamentalis reservarint: quo medio magnas, in Regnis etiam potentibus expressas fuisse reformationes, ex Historia & nostri quoque memoria temporis constat. Denique, Jus directum nova instituta recipiendi, sine voluntate eorum qui Summæ Reipubl. præsent, nullo modo in effectum deduci posse, jam satis constat.

23. Altera pars Reformationis Civitatem ad instituta primæva, temporibus hominumque vitis collapsa reducit, quæ si fundamentalia fuerint, jus populo Proceribusque petendi & exigendi restitutionem ejus, quod in condenda civitate, vel deinde pro fundamentalis receptum fuit, tribuunt, secundum ea quæ de Legibus Reipubl. fundamenta-

libus & eorum executione dicta sunt in lib. 1. sect. 3. c. 5.

24. Hæc ita quidem generaliter. Etsi autem non ignoramus Aristotelicum illud, *Οι πολλὰ λόγῳ, καὶ ὀλίγα πράξει. Generalia minus efficacia sunt*, ad specialia tamen descendere non patitur instituti modus. Ideoque etsi materia Reformationis in moribus singulorum civium, in familiis, in omnibus hominum ordinibus se prodatur infinita; nec nihil animo jam meriti essemus, & calamo delineata essent, quibus varium jus Reformationis includi posset, absterret tamen & prolixitas, in opere jam satis grandi, & inutilitas ejusmodi conatum, in tanta hominum varietate Judiciorum.

25. Eadem ratio facit, ut de Reformatione Ecclesiæ satius esse putemus, tacere, quam pauca dicere; præsertim quia non nihil eâ de re pridem à nobis occupatum est, in ultimis capitibus singularum fere sectionum Historiæ civilis nominatim in cap. ult. sectionis ab anno 1422. ad 1519. ubi sub finem, non alieni fuimus ab illorum sententiâ, qui videntes, multitudinem Protestantium per Reformationem superiore seculo perpetratam, nihilo vel paulo sanctiorem esse factam, credunt, illam melioris securitatis esse præparatoriam; quâ defæcatis in antecessum veritatibus sacris, vis major Spiritus sancti animos subeat ac impleat vere devotionis, erga Deum & Christum, cujus nomen & res adhuc in Reformatione seculi nostri ita non elucet, ut inexpectata vis prædicati per orbem Terrarum Evangelii, in simplicitate, puritate, veritate sua, postulare videbatur.

26. Placet addere vacuo loco, quid igitur per Devotionem, Superstitioni estimatione vulgi proximam, intelligamus. Quid est inquam Devotio? Definiri posse negat Vir Rev. auctor libri de Devotione,

tionem; eamque rectius à piis animabus sentiri, quam à doctis finire posse, bene observat. Videamus, an ex etymologia nonnihil exfurgat ad definitionem manu ducens.

27. Vocabulum Devotionis in sacris non reperitur, hoc quidem sensu, etsi res ibi extat, *מִדְּוָה*. Nam *מִדְּוָה* *אֲהָבָה*, devotio, *דִּירָה*, non est hujus loci. Nescio, quid tamen inde oriatur ad hunc sensum. Devotio enim talis pro patria & amicis in usu fuit, qualis Deciorum, cohortis sacrae milium Thebis, & Solduriorum apud Cæsarem; Hinc devoti amicis patriæ, Deo, passim. Denique, summi vis amoris eorum, qui pro aliis mori non recusant, *Devotio* dicitur, à benevolentia & amicitia distincta, & qualis erga Deum solus amor usum habet: Non benevolentia, ne amicitia, ne quidem illa species, *אֲהָבָה* *עֲלֵי חַסֵּד* per excellentiam quæ dicitur, quæ etsi *אֲהָבָה* *עֲלֵי חַסֵּד*, in *חֵסֶד*, inter admodum disparas etiam duras, tamen *אֲהָבָה* *עֲלֵי חַסֵּד* est, *אֲהָבָה*, *אֲהָבָה*: Si talis separatim sit, qualis Dei respectu homini, non manet. *Aristot. 8. ad Nicom.*

28. Hoc sensu Devotio, sit, Amor Dei, quo mens se suaque & omniabona mundi, post illum ponit, nec pro Dei gloria mori recusat. Attamen usus verbi popularis non ad amorem solum, sed ad omnem Dei cultum refertur. Proinde laqueus ad hunc sensum Devotio sit; *Actus animi, totum se Deo tradentis, in*

Christo. Hoc est *παράσποννον αὐτοῦ τῷ Θεῷ*
in virtute factum, dignum, iudicium. Tradere
se Deo in sacrificium, vivum, sanctum,
acceptum, ut Apostolus.

29. Dividi potest in primam & secundam. Prima est, Actus fidei nascentis, Christum recipientis, ut dominum & Rectorem eique se dedentis, ut factum ab his, qui conversi *ἐδούθησαν τῷ κυρίῳ, se domino tradiderunt* 2. Corinth. 13. 5. Secundaria, sive orta inde nihil est aliud, quam primæ deductionis continuatio & assidua repetitio: quemadmodum lux & sole orta pressione continuâ radiorum, & Fons assiduâ ebullitione, sicut & vita animalis à motu primo cordis coepta, emissionem sanguinis ac spiritum continuâ sustinetur, denique *ἐν πνεύματι ζήσαντες, renovatio fidei assidua* inde *ἐστὶν ζωὴ πνευματική, est vita spiritualis*, ut docet Apostolus 1. ad Rom. Nec aliter Devotio, pars Fidei præcipua, consistit. Est enim Actus, *σέβημα*, ut dictum, sine quo friget omnis religio, unde pro intentione animi ad omnem Dei cultum plerumque sumitur, unicuque ita Vir Rever. *in d. tract.* quamvis intentio & attentio illa non tam ipsa, quam effectus est devotionis. Sed manum de tabulâ. Caput est hoc initiumque Tractatus olim hac de re scripti, quem faxit Deus, ut animo impressum potius quam calamo expressum elaboremus & custodiamus. Hic supplementi causa adiectum est, ut appareret.

SECTIO.

S E C T I O I V.

De Jure Civitatis adversus externos.

C A P. I.

De his quæ exteri sibi invicem debent.

Citra omne factum & pactum, externos sibi invicem teneri I. ad ea quæ necessitas postulat, modo alter iis carere possit. II. Ad ea, Quæ sunt innoxie utilitatis. III. Quæ ad propulsandum à nobis evidens periculum requiruntur, veluti, ut munimentum in solo pacato capere liceat, sub cautione certâ. An possit vicinus impedire locum in nostro munire, nobisque vicinum adversus alium tueri liceat. Quo sensu jure Romano capti à populo nobis pace nec bello cognito, in servitutem redigantur. Interea, quæ exteri sibi invicem debent, esse quoque mutuam Legum alienarum observantiam. Hanc rem ex jure Romano non posse decidi; esse juris Gentium. Regulæ hac de re proponuntur, eæque variis exemplorum speciebus declarantur, ad conflictum Statutorum in diversis Civitatibus conciliandum. Regulam ultimam præcedentis capituli etiam applicari posse quæstioni, an jurisdictio possit habere aliquem effectum extra territorium jus dicentis; eaque diversis factorum speciebus applicatur.

Habemus Civitatem legibus ordinatam, à Magistratibus administratam, Judiciis pacatam, & pecuniis instructam, securitate publicè munitam & si erat usus, reformatam. Non deerant, plura de internâ administratione, sed pluraque politica, & nobis compendio consulendum. Sequitur, quid juris publici, cum Securitatis communis, tum aliarum ratione re. um, adversus externos, qui sub eo lem nobiscum imperio non degunt, cuique civitati sit observandum. Quâ in re primò videndum, quid juris sit, ubi nullum foedus, nullum factum aut pactum inter nos & alienigenas intercessit, qua de re Grøtius habet locum in *lib. 2. de J. B. & P. cap. 2.*

2. Et primò, quæ *Necessitas* postulat, ea sibi invicem exteri debent: proinde, si qua Civitas fame laboret, frumentum à vicinis petere potest, pretio tamen justo; modo illa pari inopia non laboret. Ratio est, quoniam proprietates rerum, quæ initio humanæ societati communes erant, consensu generali est introducta, nec ulterius, quam ille consensus ferat: Atqui non est dubium, quin ea voluntas omnium fuerit, ut ne institutum, salutis communis ergo receptum, duraret in perniciem hominum, ipsamque necessitatis legem subigeret. Quo etiam pertinet, quod inter omnes constat; si quis vitæ servandæ causa rem alienam subactus necessitate contrectet, cum

eum Furti non teneri. Et ex eadem causa, si quis *populus virorum* sit, is matrimonii copiam, quæ ex se frui nequit, jure petit à vicinis. An autem bellum negantibus inferre liceat, id verò à multis pendet singularibus.

3. Secundò, quæ sunt innoxie utilitatis, ea jure à quovis populo petuntur: Quid ni enim, quando sine detrimento suo potest, cum altero quique communicea; quæ sunt accipienti utilia, danti non molesta? Hinc non modo ignis & aquæ copia indigentibus danda, sed & transitus per terras & aquas parere debet eis, qui hoc transitu opus habent ad causas justas; modo cautionem securitatis sufficientem perentibus præstent. Nec quidem vestigal transeuntibus imponi potest, nisi quod respectum ad sumptus, ob illum transitum faciendos; habeat; denique, nisi præscriptione immemoriali suis illud acquiritur sit. Sed & commoratio ad tempus, & perpetua habitatio his qui fedibus suis pulsi sunt, negari non posse videtur, modo imperium agnoscant & recipi possint.

4. Imo & terræ à populo non occupatæ profundus, sed tantum imperio tenus, non videntur ejusmodi exulibus negandæ, quod, ut etiam reliquæ, d. jure naturæ simplici & recto, non æquè de externi facultatæ, quæ cuique populo competat, intelligendum videtur. Nam ut jure sibi acquisito quisquam sine incommodo suo cedat, humanitati quidem & æquitati enixè conveniens, ejusmodi tamen non est, ut ad hoc præcipue teneri videatur: Præsertim, quia semper & haud dubig, id etiam ipsa æquitatis ratione dicente, exceptum est, ut concessiones illæ tuto fieri possint. Quod ut res humanæ sunt, vix unquam, si res inter populos & ingenti agatur multitudine, tam liquidum est, ut non justæ causæ motus & gravioris incommo-

di appareat. Quod tamen non impedire ius ejus, qui talia petit, si vere non sit illi in animo, concessionibus abuti, verum est. Denique, plerumque sicufi venit, ut iure talia peti & petita recusari possint, adeoque Bellum, si quando res illuc erumpat, utrimque iustum esse queat.

5. Scilicet, ut quisque suum quod occupavit, in focietate humana secure teneat, non minus primæva hominum conventionē statutum videtur, quàm res dividerentur: quod ad continuationem doctrinæ, quam habuimus in *cap. præced.* referendum. Hinc tempore belli jure suscepti, licet occupare locum in solo pacato situm, quoties, certum periculum est, ne hostis eum locum invadat, ac inde gravissima damna nobis infliget, multò magis, si jam hostis eum teneat & inde nobis nocet. Sub hac tamen cautione, ne plus quam custodiam nobis arrogemus, relictis domino vero fructibus & jurisdictione, periculoque cessante uti locus restituitur. Neque sumptuum nomine, qui in custodiam sint facti, locum retinere licet, nisi & cives seu domini veri, prædijci nostro manifestè ab injuria vindicari fuerint.

6. Videndum, ne non ex eodem fundamento rectè statuatur, posse vicinum impediri, ne in suo solo sine alià causâ suæque evidenti utilitate, munimentum nobis propinquum extruat, aut aliud quid faciat, unde iusta formido periculi oriatur, idque non minus quam quilibet rectè prohibetur aliquid in suo, re sua non postulare, facere, quo damnum rebus nostris inferatur. Quod tamen eò usque non extendendum, ut bellum promiscuè ad alterius minuendam potentiam, movere liceat, quomodo aliqui disputant, eodem argumento; quod scil. ex tacito generis humani pacto idem ad securitatem procurandum, quod ad

damnum avertendum liceat; quia magis est, ut actum aliquem specialem, quo animus lædendi probabiliter colligi possit, accedere debeat.

7. Eodem pertinet quæstio, an Regi aut populo præpotenti, cujus viciniam timeamus, impugnanti regionem, qua captâ, nobis & vicinus sit futurus & nocendi validus, ob hanc causam impedimento esse liceat, ne quod intendit hoc obtineat, quâ de re locus erit agendi, *inferius*.

8. Præterea, quamvis exteri in exterrorum causis, nullo modo iudices constituti sint, tamen jus naturæ permittit, imo jubet, ut iis qui vim justam ab aliis patiuntur, suppetias feramus; modo tam manifesta sit injuria, ut sine longiori causæ disceptatione calumnia judicari possit: atque ubi talis causa subest, ibi suaforia, qualis ea quæ modo relata est, non male accedere potest.

9. Sed hic subit mirari, quod humanissimum jus Romanorum, non illud casum & obsoletum, sed optimi ævi, tradit; si cum gente aliqua neque hospitium neque fœdus, amicitia causa factum habemus; qui ex nostro ad illos pervenerint, hos illorum fieri; & liberum hominem ab eis captum, fieri servum eorum, idemque esse, si ab illis ad nos aliquid perveniat l. 5. §. 1. *π. de Captiv. & postum.* certe nisi Hobbes contemneret jus Romanum omnemque auctoritatem, nihil aptius ad suum jus Naturæ, quo ante pactiones nihil injuriæ posse committi, sed omnibus omnia adversus omnes licere disputat, confirmandum, proferre posset.

10. Dicendum videtur, Jurisconsultos loqui, non de jure interno, sed de eo, quod inter populos diversos pro statu separato, in quo sunt, jure videlicet externo, vertitur; quatenus inter homines agi solet, & quidem cum effectu; quia partes

non sunt uni Imperio judiciove subjectæ, quod læsus in integrum restitui possit. Sed interim hoc adeo nec juste fit; ut, si res reperantur neque restituantur, tum pro pioque duello, ex formula antiqui juris fecialis, recuperari possint.

11. Præterea, Inter ea, quæ diversi populi sibi invicem debent, merito refertur, observantia Legum aliarum Civitatum, in aliis Imperiis; ad quam etsi non teneantur ex pacto vel necessitate subordinationis, tamen promiscui usus ratio inter gentes, mutuam hac in parte flagitat indulgentiam. Si enim gens una Leges alterius nullo modo agnoscere vimque illis debitam tribuere vellet, infiniti actus & Contractus omni die in irritum cederent, neque commercia mari terræque consistere possent.

12. Romani Juris-consulti non sunt idonei hujus doctrinæ auctores; nec enim usquam illi de conflictu diversarum Legum vel Statutorum agunt. Quia enim populi Romani Imperium per omnes mundi tum cogniti partes erat diffusum, & commercia cum Barbaris raro exercebantur, diversitas Legum è diversitate Imperiorum ibi nullam molestiam creabat. Sed hodiè, scissâ in infinitas Civitates sibi mutuo non subjectas Europâ, sit omni die, ut negotium alibi inchoatum vel celebratum alibi effectum habeat vel judicetur; atque tunc est quæstio, utrum jus ejus loci, in quo acta res fuit, an ubi exitum habet vel judicatur, sequi oporteat.

13. Apparet, hoc quæsitum è ratione juris Gentium esse decidendum, quia diversi populi jure civili non utuntur, adeoque velim hoc exemplum, ut evidentissimi argumenti observetur, ad probandum, quod jus Gentium reverà distinctum sit à jure Naturæ; quod ad hanc quæstionem nullo modo referre licet. Difficilem materiam Eruditissimi Juris-

consulti

confulti dissensionibus suis involutionem magisque perplexam fecerunt. Nos quam poterimus facillime brevissimeque hoc caput explicabimus, præmissis, fundamenti loco, tribus positionibus indubitatis, ut arbitramur.

14. *Prima sit. Leges cujusque Reipubl. senent obligantque cunctos eidem Imperio subjectos, nec ultra. Secunda; Pro subjectis habentur, quicumque in territorio cujusque Civitatis reperiuntur, quamdiu illic commorantur, quod ut evidens sua sponte, sic à Romanis affirmatur in l. 7. §. 10. π. de Interdict. & releg. Tertia, Summæ Potestates cujusque Reipubl. indulgent sibi mutuo, ut jura Legesque aliarum, in aliarum territorio effectum habeant, quatenus sine præjudicio indulgentium fieri potest. Exempla, quibus utemur, ad juris privati species maximè quidem pertinebunt, sed judicium de illis unicè juris publici rationibus constat, & exinde definiri debent.*

15. Primum ponimus usum, in Actibus & contractibus inter vivos, vel mortis causâ, certo loco, secundum Leges ejusdem loci, rite celebratis. Talia instrumenta Negotiorum, alibi prolata, ubi sic composita non valerent, ibi suâ vi non possunt habere effectum judiciale; si quidem judices ejus loci, judicare debent, secundum Leges suæ Reipubl. quod est conveniens regulæ primæ. Sed mutua, quam diximus, utilitas gentium effecit, ut constanter receptum sit, Actus viventium morientiumque, factos secundum requisita Legalia locorum, in quibus celebrantur, ubique Gentium valere effectumque judiciali potiri, per regulam II.

16. Hinc testamentum apud Batavos coram Tabellione duobusque testibus factum, valet etiam in Frisia, tam quod attinet ad mobilia, quam ad immobilia, licet heic testamenta non aliter sub-

sistant, quam adhibitis septem testibus. Nec tantum id obtinet, respectu testatorum, qui sedem fixam habent in Batavis; sed etiam in Frisiis, qui obiter atque ad tempus apud Batavos agunt, per regulam secundam.

17. E contrario, si in vicinia factum sit testamentum aliulve actus contra Leges istius loci, judices diversarum provinciarum è tali instrumento jus non dicunt; quia fuit ab initio nullum, inde ab eo momento, quo contra Leges loci, in quo celebratus est actus, fuit institutus & compositus. Idque etiam obtinebit, etsi cives è nostra Reipubl. in alias regiones se conferant, eâ saltē gratia, ut ibi perficiant aliquem actum inter vivos aut mortis causa; Dum enim ibi morabantur, subjecti erant Legibus istius loci. Ampliatur hoc dictum, etsi forma, quam cives nostri in alia Reipubl. servaverunt, secundum nostras Leges ritusque valeret; quia sic inter populos receptum est, ut in forma actuum ac instrumentorum, jus loci, in quo composita sunt, duntaxat inspicatur.

18. Neque tantum pertinet hæc ratio ad formam instrumentorum, quæ de negotiis inter vivos aut mortis causa conficiuntur; sed ad ipsa quoque negotia hominumque actiones. Detur exemplum; In nostra Provincia certæ merces prohibita sunt, Civis noster alibi emit tales merces, ubi non erant vetitæ; Convenitur apud nos; damnandus est, quia contractus fuit licitus & justus illic, ubi initus est. Quid si noster civis emerit alibi tales merces, ut in hac provinciâ traderentur? Non habebit heic juris effectum, quoniam ea resturbat ordinem apud nos receptum, & sic impingeret in regulam tertiam.

19. Hinc etiam sequitur, si peregrinus heic vendiderit tradideritque merces prohibitas, ex eo contractu non dari a-

ctionem, nec modo non hic, sed nusquam; est enim contractus illicitus inde ab initio. Sed pone; Civitas nostra prohibet aliquod factum, Cives abeunt in locum propinquum extra territorium nostrum, ibique factum illud exercent; An inde erit actio, in nostra civitate? Non erit. Atqui actus erat licitus, ubi institutus fuit: Respondeo, Tendit in fraudem & turbamentum juris ordinisque nostri; Ideoque non tenentur Judices nostrates ad exequendum hactenus diversi loci jus: Verum alibi è tali specie facti dabitur exactio.

20. Huc etiam refertur Matrimonium; si iustæ sunt nuptiæ, illic, ubi contractæ sunt, valent ubique; si non valeant illic, nusquam subsistunt. Hoc ita; nisi præjudicium nostris juribus ordinique Civitatis inde creetur. In Brabantia duxit aliquis filiam fratris cum dispensatione Pontificis; Ille, si huc migret, non animadvertetur. Quod si Frisus hinc se in loca Pontificia confers, cum nepte è fratre vel sorore, eamque ibi duxerit, vix est, ut heic tollerandus videatur, quia pertinet ejusmodi conatus ad manifestum juris ordinisque nostri contemptum.

21. Alius usus. Contractum est matrimonium in Batavis, ubi communicatio bonorum universalis viget, nisi pactis dotalibus aliter sit cautum: an etiam bona sita in Frisia, ubi matrimonium non mutatur, neque confundit dominia rerum, communicabuntur cum altero conjugee? Communicabuntur, quia spectatur locus initi matrimonii, & quia videtur hæc esse voluntas contrahentium, quæ ubique debet habere effectum. Alioqui, si non esset hic actus perspicuæ voluntatis, sola vis legis alieni territorii non posset afficere res immobiles in alio territorio sitas: quia cum hæc faciant partem subiectivam cujusque territorii, non posset

fieri sine confusione, ut diversæ Reipubl. Leges rebus soli, alibi suis effectum juris imprimerent.

22. Hinc judicatur illa celebris quaestio; si quis moriatur intestatus, relictis bonis in diversis civitatibus, quæ non iisdem legibus succedendi utuntur, utrum successio deferatur secundum leges Reipubl. in qua vixit & mortuus est defunctus, an, ubi sita sunt bona. Responsio est, Immobilia sequi jus loci, in quo sita sunt; Mobilia, cum non faciant partem territorii, sed affectionem ad personam Ultimi possessoris habeant, sequuntur jus loci, in quo ille domicilium habuit. Idem in obligationibus & juribus incorporeis statuendum, quoniam hæc ex interpretatione communis Statutorum, pro mobilibus habentur.

23. Quod si testatores vel contrahentes claris verbis expresserint, quid de rebus immobilibus fieri vellent, tum ratio juris Gentium postulat, ut voluntas effectum suum habeat, ubicunque sitæ sint, mobiles immobilesve; cum nihil tam naturale sit, quam ut voluntas Domini, volentis rem suam in alium transferri, rata habeatur, ut ait Justinianus in §. *per traditionem* 40. *Inst. de Acquir. R. D.*

24. Verum hæc expressa voluntas non potest operari adversus leges, quæ in singulis civitatibus specialiter rebus immobilibus sunt impositæ. Exempli gratia; Frisus habet res soli in Omlandia nobis vicinâ, ubi non licet testari de rebus immobilibus. Vult ille tamen eas res extraneo relinquere jure nostro. Queritur an possit; non potest. Magistratus enim Omlandici non patientur suæ ditionis prædia ad extraneos testamento transferri, per dispositionem exterorum, quod suis civibus non licet; neque tenentur ex jure Gentium permittere rem suo Regimini ordinique recepto adversam, vi regulæ

vi regulæ tertiæ, quam habuimus *supra*, fundamentalem.

25. Similiter, si paterfamilias in Imperio, ubi jure scripto utuntur, atque ubi dominia rerum solâ Conventione secutâque traditione transferuntur, rem vendiderit, sitam in Provincia, ubi dominium non transit, nisi præcedente judiciali promulgatione ac adjudicatione; non possunt efficere contrahentes suis pactis, ut leges istæ alienationi præscriptæ negligantur. Idem producitur ad res in se mobiles, verum immobilibus adnexas; sicut apud nos, frumentum adhuc virens, vel dum adhuc in aristis nutritur, per aversionem vendi nequit. Venditur in Hollandiâ tale Friscum frumentum, ubi scilicet ejusmodi venditio non est prohibita: Tamen heic non valebit contractus, ob rationem modo rebus ipsis immobilibus applicitam.

26. Ita juris est in rebus. In qualitatibus personarum spectatur ubique jus loci, in quo cuique personæ certa qualitas impressa tuit: Eum characterem persona quæque per omnia diversi quoque Imperii loca circumfert, omnesque iudices hætenus agnoscunt jus loci originalis; quatenus etiam hac parte nihil præjudicii diverso Imperio creari videatur. Hinc, qui in patriâ major, vel minor annis, prodigus aut curæ alienæ obnoxius habetur, vel factus est, hic ubique talis censetur, eodemque jure gaudet in omni Republ. quo ibi majores minoresve, prodigi curæve obnoxii gaudent, etsi juxta leges illius Reipubl. pro talibus non haberentur. In provincia Trajectinâ pro majori habetur, qui unum, ni fallor, & viginti annos implevit, hic in Frisiâ res immobiles sine Decreto potest vendere, quia majoribus ætate competit hoc jus in Frisiâ, licet ille secundum Leges nostras pro majore non habeatur. Qui hic veniam ætatis impe-

travit, is alibi quoque pro majore habetur; ideoque si malè contraxerit alibi, non restituetur in integrum, etsi hoc beneficium ejus ætatis hominibus illic tribuatur. Qui hic est prodigus, ille nusquam habet liberam administrationem rerum suarum, nec usquam è contractibus obligatur; nisi quatenus æquiratis intuitu probabilis ignorantia remedium extraordinarium parti læsæ suppeditare queat.

27. Verum, quod aliquis ob personalem qualitatem domi facere potest aut prohibetur, an hoc etiam alibi licitum illicitumve est, utcunque personæ talis qualitatis jure diverso illic utantur? Ita nonnulli disputant; sed Verius est, in definitione superius posita subsistendum esse; Quemlibet agnosci in ea qualitate, quam in Patria acquisivit, ibique eodem jure gaudere, quo personæ ejusdem qualitatis in eo loco, non in Patria fruuntur; Id enim incommodum atque *absurdum* foret, ut non modo peregrini qualitatem suam domi ipsis impressam ubique circumferrent, sed etiam potestates externas obligarent, ut jus in Patria illorum usitatum, non suum domesticum exercerent.

28. Exemplo res patebit; Filiusfamilias utcunque dives & major annis non potest in Frisia legare de suis bonis; In Hollandia potest. Proficiscatur igitur filius aut filiafam. nostras in Batavos, faciat ibi testamentum; quæritur, an valeat. Videtur: - Attamen non valebit hic in Frisia; quia licet actus in sese initioque sit validus, institutus tamen est in fraudem juris Frisici, quod Frisii approbare non debent. Proinde, si filiusfamilias Batavus in Patria sua condat testamentum de rebus in Frisia sitis, etiam immobilibus, heic valebit; quia voluntas Domini secundum jus loci rectè ordinata ubique rata haberi debet; duntaxat, ubi

nulla fraus Legibus nostris facta videri potest, quod in hac specie non apparet.

29. Hoc enim indubitatum est, inquam, non teneri Potestates, sequi jus alienum in fraudem sui juris vel civium suorum. Sit hoc exemplum; Jure civili creditor hypothecarius res etiam mobiles debitoris sui à tertio possessore potest avocare, quod apud nos observatur. In Hollandiâ secus. Creditor ex hypothecâ in Frisiâ contractâ vult agere contra possessorem rei mobilis sibi met oppignoratæ in Hollandiâ. Nihil ager, si iusto titulo bonâque fide res ibi possideatur; quia tum jus ei possessori quæsitum est, quod ei per leges apud nos receptas, licet heic contractus sit celebratus, auferri non potest.

30. Aliud; Creditor ex causâ Cambii jus suum in tempore exercens præferatur alicubi ut puto, omnibus aliis creditoribus, in bona mobilia debitoris. Hic habet ejusmodi res in Frisiâ, ubi hoc jus non obtinet. An ibi creditor etiam præferetur, aliis creditoribus? Nullo modo, quoniam hic creditoribus vi legum hic receptarum, potius jus pridem quæsitum est.

31. In summâ igitur, quoties conflictus legum in diversis Civitatibus circa idem negotium, occurrit, Potestas loci, ubi res judicanda est, si velit, potest, & quidem jure suo, per omnia sequi leges proprias; sed ob reciprocâ utilitatem in disciplinam juris Gentium abiit, ut jus loci, in quo res gesta fuit, prævaleat; nisi rursus in contrarium utilitas alterius Reipubl. præponderet, ut jam exposuimus.

32. Secundum hæc; Nota est regula, tam jure Civili Romanorum, quam publico omnium gentium, recepta, *Nemini extra territorium suum juris dicendi esse facultatem l. ult. c. de Jurisd.* Ideoque jurisdictio, quæ est Civitatis u-

nus, per se nullo modo effectum habere potest in aliâ civitate. Sed quam Regulam præcedenti capite posuimus ultimam & penultimam, ex quoque hic usu veniunt; Potestates diversorum Imperiorum jurisdictionem aliorum, etiam in suo territorio agnoscere atque tueri debere, quatenus sine præjudicio suo civiumque suorum fieri possit.

33. Usus hujus regulæ, secundum partes judicii, breviter examinabimus, initio ab in jus vocatione facto: licet de illa superius locum habuerimus communem, in quo de his rebus non nihil occupatum est. In jus vocatio non potest fieri, nisi in eos qui subjecti sunt ejus, ad quem vocantur, jurisdictioni. Proinde licet partes expressâ conventionem se extraneo judici submiserint, ideo tamen in jus vocatio extra territorium institui non potest, quia privati suis pactitionibus jurisdictionem fundare nequeunt, nec efficere, ut actus imperii in alieno territorio institui queat.

34. Sed quæritur; si Judex, cui se alienus civis submisit, roget ejus Magistratum, ut eum citare velit, quod in locum, cui se submisit, veniat, causamque suam agat, an alterius Magistratus id ex ratione juris gentium facere debeat; & negatur; quoniam hoc præjudicat ipsius potestati, neque causa liquet iusta satis, quamobrem patiat evocari suum civem, propter commodum exterorum litigantium: Atqui nihil proclivius est, quam ut Actor Reum quærat apud suum judicem, qui æque jus, ac alius, ut præsumitur, administrabit. Quod si is, qui se extero judici submisit, in hujus territorio deprehendatur, ibi proculdubio in jus vocari detinerique potest. Atque, si tum recesserit denuoque in eadem causa citandus sit, tum judex ejus ordinarius, non debet negare citationem requisitus; quia non expedit utilitati populo.

populorum communi, ut jurisdictio semel legitime fundata, litisque disceptatio inchoata intermoriatur.

35. Idem habebit locum, si contractus in certo loco celebratus sit, debitor quæ alibi habitat: non potest ad locum contractus vocari, nisi citatus in eadem Jurisdictione, nec Judex ipse aliter officium suæ potestatis exteris commodabit. Quod si res, de quâ litigatur, sub eadem jurisdictione sita sit, etsi dominus alibi degat, Judex ejus ordinarius non gravabitur requisitus, cum compellere ad sistendum se illic, ubi res immobiles sitæ sunt; quia tum judex loci de re ipsa disponere potest, & res immobiles, quæ partem subjectivam territorii faciunt, ab eo juribusque ejus separari non possunt. Unde apud omnes gentes, in judiciis, quæ in rem ipsam diriguntur, situs rei immobilis tribuit forum.

36. Eandem vim habet universali fere populorum instituto, *Arrestum*, quod dicitur, non modo, quo persona detinetur, sed etiam, quo res alterius, etsi mobiles, inhihentur aliò transferri, vel domino creditorive tradi. Cujus res vel jura quælibet eo modo adstringuntur, is illic se defendere debet, non secus ac si res immobiles ibi sitas haberet. Adeoque Magistratus ubique locorum, diversarum civitatum jurisdictionem hac causa ruentur, eique vim suæ auctoritatis addunt.

37. Idem juris accidit ob connexionem causarum, quando negotium in uno loco vertitur, cujus participes in alia civitate degunt; quia res loquitur, non posse neque debere continentiam causæ dividi, quod mutuo populorum incommo cederet perversè. Rursus ita juris est in casu reconventionis; Civis Batavus convenit Nolratem apud hoc Forum. Hic reciprocam actionem adversus ipsum instituit in eodem foro; debet heic

se defendere; nec enim recusare potest judicem, quem ipsemet elegit: Igitur si ob causam in ea lite incidentem citetur in suâ civitate, non debet negare Judex loci requisitoriam citationem, si forte domicilium citandi in eo loco, ubi judicium vertitur, non constituerit.

38. Atque hæ rationes intelliguntur esse tam prægnantes, ut, si Judex Rei citati, rogatus nolit evocationem sui civis permittere; Magistratus loci, in quo res vel causa vertitur, per Edictum in finibus suæ Civitatis, Reum talem citare possit, cum simplici denuntiatione vel significatione quovis modo, etiam sine publicâ auctoritate, factâ; Cujus vi Judex loci procedere potest ad cognitionem, decisionem, executionemque rei litigiosæ; atque ita fit omni die. Potest etiam inde ab initio, quando jurisdictio in exterum, ita ut diximus, fundata est, citatio per Edictum fieri; cujus insinuatio tum petitur à Judice Rei citati, quam si ille neget, causæ tamen cognitio procedit.

39. Prudentis autem Magistratus est, quando ejus officium imploratur, ut alienæ jurisdictioni vim addat, Rẽum qui evocatur, audire, atque animadvertere, sitne justa causa civem suum emittendi ad aliud tribunal; an secus. Nam qui promiscua humanitate ejusmodi citationes, sine inquisitione, concedunt, haud raro civibus suis propriisque jurisdictionibus præjudicium creant. Sæpe enim accidit, ut ob simplicem partium submissionem locumve contractus evocationes requirantur; ad quas, ut antea diximus, Magistratus ex ratione juris communis non tenentur.

40. Ne locus quidem delicti admissi pro causa valida habetur ad evocationem jure petendam & urgendam: sed quia generis humani interest, delicta puniri, maximeque in iis locis, ubi exempla sunt.

sunt edita, in quibus & probationes sunt faciliores, non solet remissio petentibus negari. Alioqui in delictis maximè obtinet axioma, *Ubi te invenio, ibi te judico*; quæ tamen regula generalis est, etiam in causis civilibus, per regulam præcedenti capite positam; quod subiecti Imperio sint, quicumque in eodem territorio reperiuntur, licet ad tempus & *ὡς ἐν πᾶσι*, in transitu.

41. Ergo, quod delicta ubi vis terrarum admissa puniri possunt, ubicunque malefici reperiuntur, non est juris extraordinarii, sed è natura jurisdictionis summæque potestatis immediate fluit; & ratio salutis communis humani generis, exercitium illius regulæ, in criminibus etiam, commendat. Verum in civilibus causis, ratio melior est juris Romani in l. 19. *de Judic.* quæ non probat, ubi quis iter faciens aut hospitio utens forte deprehenditur, ut illic citatus se defendere cogatur. Longe satius erat, Actorem sequi forum Rei, utique, nisi contraxerit in eo loco, vel isti loco sponte se submiserit; tunc enim vel momento ibi repertus jure meritoque iudicium ibidem subire cogitur. Sed de his rebus ne latius agamus, facit, quod supra in *sect. 3. cap. 1.* pleraque hujus generis occupata & absoluta sint.

42. Ita se habet hoc jus circa in invocationem citationesque, durante lite faciendas. Sequens consideratio est de sententiis, quas ab alio iudice latas in alia civitate non habere vim effectumque, sua vi clarum atque certum est. Sed utilitas, imo necessitas adigit Potestates diversorum Imperiorum, ut res uno loco judicatur ab his, qui jus ibi iudicandi habebant, ubique locorum obtineant: & requisiti iudices aliorum sententias executioni mandent, tam in causis civilibus quam in criminalibus. Rursus eadem limitatione, quam toties inculca-

vimus, heic applicanda; nisi jurisdictionis nostræ civiumque nostrorum gravius interlit.

43. Exemplo sit hæc species; Homicidium apud nos est admissum, Reus evadit è nostris finibus & in viciniam sese confert; Illic se iudicio sistit & absolvitur; Petitur in Patria ipsius, ut sententia executioni detur. Habent illi causam recusandi; quia pertinet exemplum ad suam jurisdictionem eludendam. Alioqui non est iudicium aliorum, inquirere in rationes modumque procedendi in aliis locis observatum; quoniam hoc prætextu semper executiones eludi possent; præter quod ea species imperii foret in non subiectos.

44. Proinde, si Princeps diversæ Civitatis veniam dederit homicidii aliusve delicti, in suo Imperio admissi; homicida, licet noster civis, sine metu apud nos versabitur. Nisi enim talia pro certo jure teneantur, nulla Potestas cum effectu aliquid agere in suo vel jus dicere poterit; si personæ, quibus inde jus quæsitum est, eo passim uti frui nequeant.

45. Neque tamen ita cæcum sibi mutuo obsequium debent Potestates, ut effectum rebus judicatis aliorum tribuant, in fraudem, ut toties dictum, suæ jurisdictionis suorumve civium. Rursus exemplum; Civis noster Edicto citatur in vicinam Provinciam, ex sola vi submissionis per conventionem factæ, cumque non sisteret se, veluti Contumax ibi damnatur, sententia mittitur ad nostros iudices executioni danda. Quæritur, an debeant ei vim addere; non videtur, quia sicut antea dictum est, ea res pertinet ad fraudem jurisdictionis nostræ; ac ita fit. Quando etiam petunt exteri suas sententias executione firmari, mos & ratio exequendi, secundum instituta ori, in quo fit executio, non ubi sententia

tentia lata est, fieri debet ac solet; quia mutatio moris solennis in actu externo consistens, sat difficilis & incommoda foret.

46. Quâ causâ, juris etiam ac moris est, ut quicquid ad ordinem iudicii naturamque actionum instituendarum pertinet, observetur; secundum jus loci, ubi causa cognoscitur & iudicatur, non ubi res gesta fuit. Exemplo & hoc illustratur. Noster homo in Batavis agens, illic è mercibus minutim venditis obligatus est, quarum actioni biennio apud nos, secus in Hollandia, præscribitur. Creditor actionem post biennium instituit in Frisia; quæsitum est, an pati debeat præscriptionem biennalem, quia nunc agit in Frisia; an ea sit liberandus,

quia contractus initus est in Hollandia. Respondetur, præscriptioni esse locum. quia jus ejus ad actionem non ad negotium gestum pertinet.

47. Ex his omnibus palam est; neque Leges, neque Jurisdictiones alienas ullum effectum habere in aliis territoriis, nisi ex voluntate populorum. Sicut hodieque jus Romanum in Europâ viget aut languet, ut visum cuique populo; cujus peculiaris scita Romanis legibus ubique prævalent, alibi rarius, alibi crebrius. Quicquid denique Jus Naturale, Divinum, ususque Gentium dicitur, ad hoc populi Principesque diversi erga se invicem obligantur: Quicquid illis prohibetur, nefas est.

CAP. II.

De Legatis.

Definitio Legatorum. Quatenus Summa Potestas in mittente requiratur, & quid juris, ubi de Summâ potestate dubitatur. **Differentia Legatorum.** Quæstiones de illis duæ ventilantur, prima, an, & quibus ex causis non admitti possint; dein, An unquam ullâve causâ lædi vel puniri queant, ab iis, ad quos mittuntur, aut res eorum à creditoribus detineri. De jure Legatorum, qui pariter subditi sunt horum, ad quos mittuntur. Item, an Legati jurisdictionem & jus asyli habeant.

Dictum de jure, quod inter populos nullo facto sibi cognitos, ex sola humani generis cognatione mutuâque utilitate intercedit. Sed quia summopere omnium interest populorum, commercia amicitiaeque officia propagari, aut, si bellum sit ortum, id quamprimum componi; quos fines absque internunciis adsequi non licet; ideo Legati jure Gentium eximio jure sunt præditi; qua re nihil apud omnium temporum scriptores magis testatum & celebratius esse constat.

2. Est autem Legatus, nihil aliud,

quam Nuncius publicus, vel, si definito opus; Qui cum mandatis publicis, ab eo qui summam habet potestatem, mittitur ad externos. Quatenus autem summa potestas in mittente requiratur, diximus in titulo de juribus Majestatis.

3. Quibus novissime addit Vicquefortius in tract. de Legat. cap. 2. supremam in Mittente potestatem, ideo requiri, quia sine hac mittentes sanctitatem & defensionem Legatis præstare non possunt: Rectè, si de juris facultate, non de potentia, id est, viribus loquatur. Harum enim defectus non mu-

tat jus mittendi Legatos, nec imbecillioris populi aut Principis Legati definiunt esse sancti potentioribus, eo quod ab illis, adversus hos defendi aut vindicari non possunt. Sed missi ab his ideo sancti non habentur, quia cum exteris, de publicis rebus nulla possunt habere commercia: missos autem ad superiores suos, horum jurisdictioni & animadversioni, cui se ipsos fatentur esse subjectos, eximere nequeunt.

4. Secundum hæc, Reges Exsules mittendi jus Legatos, cum effectu sanctitatis, retinent, nisi jure privati sint regno, quemadmodum recte distinxerunt Angli Jurisconsulti, respectu Mariæ Scotæ, quod exemplum retulimus in *Historia civili ad ann. 1580. rebus Anglicis*. In dubio admittendi videntur, nisi ab his, quibus id dubium non est, quemadmodum Elizabeth Angla jus Mariæ Scotæ agnovit, non æquè Belgæ Jacobi jus pronepotis ejus. Idem fere de Usurpatoribus habendum; Quibus indubitatum est, esse tales, hi recusandi causam habent; plerumque factum & possessionem sequimur. Eadem ratio est, ubi duo Principes de regno contendunt.

5. Diversi populi arte foederati, ut instar unius Reipubl. efficiant, cum singuli Summam potestatem retineant, jus legationum sine dubio retinent, ut Germanici Principes Imperii, inter se gentesque liberæ Belgarum & Helvetiorum. Quin diversi Ordines ejusdem Imperii inter se pares, ut est exemplum in vicinæ Civitatis & Agri circumjecti Republ. quo unius partis Legati in alterius Jurisdictione sancti habendi sint. Denique & hi, qui ex parte subditi sunt, ex parte non sunt, pro ea parte, qua subjecti non sunt, eodem jure gaudent, ut Principes Germaniæ respectu Imperatoris, quo forsitan & de jure referri possit exemplum legatorum, qui à Belgarum Ordinibus ad Phi-

lippum Regem missi & male habiti sunt, initio superioris seculi turbarum.

6. In bellis etiam civilibus, cum utraque pars summam potestatem, ex parte saltem, de qua disputatur, præferat, & cum utilitas per legatos transigendi nusquam flagrantior sit, res & necessitas sanctitatem legatorum observari jubet; quo pertinet, quod Tacitus Flavianos accusat, quod sacrum, etiam inter exteras gentes, Legatorum jus civili rabie temerassent, missis à Vitellio Legatis. Et si fatendum est, hanc rem, ut sunt res hominum, à virium æstimatione, juris quoque speciem induere diversam: Ut si pars altera multo sit inferior, Rebelles potius quam Adversa pars habeantur. Quomodo Albanus dux à Principe Arausionensi missum suspendit: Tamen si Hispani deinceps æquo jure bellum gerere didicerunt.

7. Hæc de jure mittendi Legatos, cum effectu juris Gentium. Divisio Legatorum vix à veteribus ulla traditur; nisi quod feciales & caduceatores hodieque tibicines & tympanistæ alique nuntii à Legatis utique discernuntur, qui tamen jure legatorum perinde gaudent: non tam quod repræsentent eos, à quibus mittuntur, quam quod interest pacis servandæ, vel restituendæ, illos admitti. Sed moribus hodiernis, varii characteres, nomina varia usurpantur, quæ tamen nihil quam dignitatem, jus haud magnopere variant, quia omnes sancti & inviolabiles sunt.

8. Præcipua divisio est in *Ordinarios*, qui sedem uno loco moramque longiorem faciunt, ut de omnibus negotiis quotidie occurrentibus agant, & in *Extraordinarios*, qui de certis rebus specialiter sunt missi. Illos Grotius antiquis ignotos non ita pridem à Ferdinando Arragonio, cujus summa consiliorum in explorandis aliorum consiliis erat, introductos, ideoque non

que non necessarios forte nec utiles videri, meritoque recusari posse scribit, in l. 2. c. 18. n. 3. in f. &c.

9. Hodietamen ita usurpantur, ut si ne illis amicitia vix stabilis inter populos diversos coli videatur, etsi nec minus usum habeant exploratorum. Ideoque licet admissi sine dubio sancti sint, tamen si quis populus aut Princeps ejusmodi Legatos Residentes admittere nolit, contra verum jus Gentium nihil peccaturus videtur: quomodo in magna Belgarum panegyri anno 1650. ea de re serio deliberatum est. Placuit sequi morem receptum, politicis tamen potius, quam juridicis rationibus.

10. Quæ sita de Legatis hic in primis duo sunt, prius, an semper admittendi? secundum, an usque in infinitum inviolabiles. Admissio legatorum sine gravi causa non potest recusari; sunt autem rationes hæc ferè; Si is qui mittit legationem, amicitia causam obtinens verè interim arma intentet. II. Si sceleribus infamis sit, quæ ratio valet quoque in eo qui mittitur, quo jure legati rebellium *Hibernorum anno c15 13c XLIII.* repulsi sunt ab Ordinibus Belgarum, sicut etiam III. si legatus ei, ad quem mittitur, certis de causis admodum ingratus sit. Denique, IV. si causa mittendi suspecta, velut seditionis ergò, aut tempus minime opportunum, vel causa mittendi, dignitatis reputationi minus conveniens sit. Inter quas tamen causas non videtur esse, Revelatio secretorum, quia hæc ab instituto Legatos habendi maximè Residentes, inseparabilis est. Extra has similesque graves causas, legatos seu belli tempore seu pacis admittere nolle, id vero nihil est aliud quam tollere jus Gentium, ut apud *Livium Hanno* Carthaginienfis censebat.

II. Alterum singulare in Legatis est, quod Sancti sint, hoc est, ut vocis

fert proprietas, inviolabiles: cujus ratio descendit à jure positivo Gentium; ut nihil in historiis occurrat frequentius, quam sacra legationis, fas Gentium, quæ de re videndus Grotius in lib. 3. cap. 18. Sed an hoc jus sanctitatis aliquos, & quos habeat limites, summo opere dubitatum & disputatum est. Sententia pro legatis adfirmans & liberatior hæc est;

12. Quod non modo ab injuriis, licet ab hostibus veniant, sed & ab iis molestiis, quæ alioqui jure illis creari possent, liberi esse debeant. Idque ea ratione, quod uti promptè & secure mittantur legati, populorum inter sit, ut planè & plenè constet, nullam rem obstituram, quominus certò tutòque Legati sint ituri & redituri: ita, ut in subditorum numero, quales alioqui omnes, qui in alterius sunt territorio, censentur, non habeantur.

13. Unde sequitur, quod non modò in merè civilibus, ut aliqui volunt, sed ne quidem in his, quæ sunt juris Naturæ ac Gentium delictis, poenæ sint subiecti. Quæ sententia & hac ratione juvatur, quod si liceret ex causis crediti vel criminis vulgaris, aut machinationis fraudulentæ, vel hostilis detinere & plectere Legatos; vix unquam prætextus persequendi vexandique illos defuturi essent.

14. Quà ratione, novissimo congressu orbis Christiani, qui fuit Noviomagi, instante, Fœderati Belgii Proceres Edictum publicarunt, re antea diu multumque controversâ, ne liceret crediti aliæve causâ Legatis ullam creare molestiam, in jus vocationis aut Arresti, quod dicitur, vel alterius incommodi ex jurisdictione proficiscentis. Denique, & hæc ratio est, quod Legati Principem populumve, à quo sunt missi, repræsentent, eorumque faciem & auctoritatem præferant;

ferant; cujus ea vis sit, ut, quod jam antea dictum, quasi extra territorium constituti existimentur.

15. Unde, si testamentum fecerint, si contractum iniverint, non ex forma Statuti illius loci, in quo Legationis causa commorantur, actus isti nihilominus valebunt. Denique, in casu gravioris delicti, nihil ultra in Legatum decerni posse videtur, quam ut finibus egredi jubeatur, ac ab eo, qui miserit, puniri postuletur.

16. Quæritur, si is qui misit, antea nostros malè habuerit legatos, an nobis idem in ipsius Legatos sit permissum. Distinguendum reor, utrum malè per injuriam sint habiti, an ex merito. Si prius, tum scelus hostium nullo modo fas imitari; si posterius, tum nihil esse videtur impedimento, quominus vicissim jus dicere liceat, tam propter regulam, quod quisque juris in alium statuerit, ut ipse eodem jure utatur, quam ob tacitum quasi alterius consensum.

17. Porro, non modò personæ Legatorum, sed quicquid ad eos pertinet ea sanctione continetur, quatenus ex jure tralatitio, accessoria sequuntur jus & naturam sui principalis. Proinde, invito Legato, comites abduci non possunt, sed ad deditionem, propter grave delictum, ab illo postulari possunt; quo recusante, idem ab Rege populoque, qui legavit, petendum.

18. Utroque casu, si palam sit, mittentes nolle quod à Legatis perpetratum est, vindicare, adeoque satis id eos approbare, tum, si causa tam sit atrox, nihil aliud quam ultio belli superest. Denique ne vasa quidem resque Legatorum à creditoribus detineri possunt, eadem ratione; non obstante, quod ita Legati difficulter creditores inventuri videantur: Ipsi utrimque viderint, aliud enim est juris, aliud cautionis & prudentiæ.

19. At hæc omnia non aliter habent locum, quam si absque periculo nostro legatis parci queat: denique per modum defensionis, etiam jure offendi & male mulctari possunt. Quapropter, si noxia moliantur consilia, custodiri utique & interrogari, & publico certorumve hominum colloquiis interdicti possunt. Quin etiam si ipso facto vim inferant, vi illis resistitur, & si cadant, jure cæsi intelliguntur. Postremo, si ob causas antè memoratas denunciatum sit, ne Legati mittantur, alioqui pro hostibus fore, tum juris rationes minime violantur, si legati violentur.

20. Obligatio autem de non violando, duntaxat inter mittentes, & eos, ad quos mittuntur legati, intercedit, ad tertium non pertinet. Qui proinde contra jus gentium non peccat, si hostilia meritos tanquam hostes accipiat, iisque damnum aut exitium inferat, cujus rei exempla historiæ multa suppeditant. Idem est, si legati characterem suum celent, ac ut privatos se gerant; qua, ut & præcedenti ratione, vel prætextu Carolus V. duos Francisci Regis legatos per Italiam ad Turcos euntes interfici curavit. Plura exempla, sunt enim infinita, cumulari non possunt, neque fert hic scribendi modus. Satisfecit avido Lectori, ad satietatem usque, Vicque fortius hac parte in *nupero de Legatus tractatu*, qui fere nihil est, quam perpetua exemplorum textura, non omnium æquabili, ut in factis innumeris amat fieri, circumstantiarum fide.

21. Ex iis autem, quæ dicta sunt, Legatorum sanctitas non modo præstat libertatem à vi & injuriis, sed etiam à pœnis delictorum & exactione debitorum civilium ab invitis, pro qua sententia Grotius est valide in Cap. XVI II. Libri secundi. Et si ut exempla non desunt in contrarium, ita Rationes, quibus id jus

Id jus evincitur, vim minimè demonstrativam habent: Et disputationes acerrimæ scriptorum in utramque partem, Consensum adeo liquidum non efficiunt, ut qui secus instituerint, & Legatos eorumve comites, ob delicta manifesta, vel debita liquida conveniunt & juris executione complectuntur, Juri Gentium opponere sese, & hoc violare videantur. Denique, an in Comitibus & rebus Legatorum idem juris sit, quod in personis ipsorum, non est etiam nihil quod dubitetur.

22. Cum enim duplex ratio sit, pro illa generali sanctitate Legatorum; una de utilitate & eo quod interest humani generis, ne rimâ violandi Legatos aperta, securitas eorum plane periclitetur; altera, quod mittentes repræsentent: prior ratio ad Comites & res eorum non necessariò pertinere videtur, eique opponi potest alia non minus valida ratio, quod nec æquum, nec voluntati populorum conveniens sit, ut Legati in maleficiis & contractibus impune grassentur, & cives eorum, ad quos sunt missi, damnis & injuriis mulcent. Nam quod de animadversione Principum, à quibus missi sunt, in illos, & de bello eâ causa movendo profertur, satis longe petatum & elusorium esse constat. Nec videntur de jure gentium violato, habere causam querendi, qui flagitium æris alieni & damni dati pudorem fateri coguntur, maxime si ordinarii sint Legati, & quasi cives nostri.

23. Quod ad repræsentationem attinet, verum est, Legatos adferre secum faciem mittentis, ut Cicero loquitur in *Philipp. VII.* Sed quid si mittentes ipsi in aliena Republ. hostiliter agerent, si cædes committerent, æs alienum immane contraherent, an detineri, custodiri, judicari non possent? De jure quidem non dubitandum; quia in alienis

territoriis nihil quàm privati sunt. De *Curialitate*, ut Accursius loquitur, aliter observari potest & solet: nec tamen fieri non potest, ut *Curialitas* Juris rigori cedere debeat. Quod in Principibus ipsis domi Supremis alibi institui potest, an hoc in Legatis, qui plus juris mittentibus habere non possunt, nullo modo esse admittendum, cedo qua ratione constet?

24. Fictio, dicet Grotius, qua Legatos extra Territorium ejus, ad quem missi sunt, positos imaginamur; quia Principes scilicet, quorum faciem præferunt, tum quidem sunt extra Territorium. Sed ejusmodi fictiones melius subtilitati Juris civilis, quam simplicitati juris Gentium conveniunt. Præter quod ipsi Juris civilis Doctores monent; duo singularia, vel duas fictiones in una re concurrere non posse, quales hic forent; Repræsentatio alterius, & imaginatio situs diversi personalis.

25. Satis apparet, quid in utramque partem disputari possit. Dialecticæ rationes, imò æqui & boni rationes non liberant Legatos, multo minus eorum comites, ab omni jurisdictione locorum, in quibus agunt. Sed utilitatis reputatio & metus consequentium ex ulla in Legatos animadversione, tacitum inter gentes pactum de universa illorum exemptione, produxisse videtur: quæ est illa fides publica, de qua Sallustius in *Jugurth. Fit reus*, inquit, *magis ex æquo bonoque, quam ex jure Gentium, Bomilcar comes ejus, qui Romam fide publica venerat.*

26. Sicut tamen in universo jure regnant exceptiones, ita ne in hoc quidem negotio, dixerim, nullos existere posse casus, quibus singularis Legatorum aut ejus Comitum improbitas dare possit causam, ut æquum & bonum juri Gentium positivo & tacito prævaleat; sive

in ære alieno persequendo, ut Curia Suprema Batavorum sæpe decrevit adversus res legatorum, idque defendit apud Ordines ad jus Gentium inclinantes; siue in delictis, ut Angli sub *Cromwellio*, fratrem legati regis Portugalliae, ob cædem in foro, siue Bursa, quam vocant Londinenſi insolenter admiſſo, capitis supplicio adfecerunt; cujusmodi animadverſiones quandoque tam valida æqui & boni ratio tueri poteſt, ut Jus Gentium ſileat, nec violari videatur.

27. Non eſt etiam ratione vel uſu expeditum, ſi populus aut Princeps exteri, noſtro civi mandatum res ſuas in noſtra civitate agendi dederint, an hic incontinenti noſtræ juridiſtioni penitus eximatur, idque virtute fictionis illius, quæ legatus, ut extra territorium conſideratur. Ita vehementer Vicquefortius in *d. tract. cap. xi.* male habitus in Hollandiâ, tamquam ſubditus, cum res ageret Ducis Luneburgenſis contendit.

28. Distinguendum videtur. Quatenus in officio agit, ſine dubio mandantem repræſentat, & ſanctus eſt. Extra mandati ſui partes non videtur mutare conditionem; quia tum accederet tertiâ in eandem rem fictio, quæ civis noſter, qui de factò talis eſſe non deſiit, deſinere fingeretur eſſe talis: cujusmodi accumulatio fictionum, non modo non juris Gentium, ſed & incivilis foret. Ideo Princeps eligens Legatum, qui ſubditus eſt & manet ejus ad quem mittitur, non videtur hoc agere, ut hominem, ſed ut officiũ ejus eximat.

29. Si Princeps Legatum ſuum patiatuſſe miniſtrum pariter ejus, ad quem mittitur, in hoc ſine dubio contentit, ut tanquam ſuus miniſter ſit ſanctus, ut miniſter ejus ad quem mittitur, pro ſubjecto habeatur: ſi vellet totum eſſe ſanctum, totum quoque ſuum faceret & retineret. Quemadmodum Rex Gal-

liz *Deſtradium* in Belgis habuit Tribu- num ſtipendio Belgarum, & ſimul Legatum ſuum, relationibus ita, ut dictum, actu diſtinctis. Hoc modo Vicquefortius nihil injuriæ ſit paſſus, eo quod judicatus eſt, de factis à Legationis officio alieniſſimis.

30. Cæterum, ex eo quod Legati Principem extra Territorium agentem repræſentant, ſi quis etiam contendere velit, illos habere juridiſtione in ſuos & omnes domo ſua comprehenſos, fictionem adhuc longius & enormius pro- veheret, atque impingeret in id, quod modo arguimus: Repræſentantes ita habituros, quod ipſe repræſentatus, ſi apud nos ageret, non haberet, in alieno territorio juridiſtione. Si tamen verum eſt, quod uſu gentium prævaluit, ut comites Legatorum exempti ſint eorum ad quos mittuntur, poteſtati, parum abeſt, quin juridiſtio Legatis in comites ſuos tribui poſſit: Niſi potius illa ſit quædam Patrisfamilias poteſtas, quam ſi quid excedat, mittendi ſint ad Legati Dominum, *πρωτοβουλος*, pro Imperio & juridiſtione tractandi.

31. Hoc ſatis conſtat, conſenſu popu- lorum in familias Domosque Legatorum non eſſe juridiſtione his, ad quos ſunt miſſi; ut tamen neminem horum illius juridiſtioni ſubducant. Ideoque jus Aſyli in domibus ſuis non habent Legati jure ſuo, niſi ex horum, ad quos mittuntur, indulgentiâ, quæ aliquando in vicos urbium integros extenditur.

32. Sed an hæc indulgentia longiſſimo tempore exercita, jus perfectum Legatis tribuat, ut à Summâ Potestate Loci, deinceps adimi & revocari non poſſit? Poſſe jus aliquod in alieno Territorio præſcriptione temporis acquiri; etiam quod ad Imperium attineat, ipſamque juridiſtione hoc modo fieri poſſe propriam & patrimoniam, *ſuperius*

Fuit in loco dictum. Sed non videntur esse termini habiles præscriptionis in personas identidem Jurisdictioni Ejus, in cujus territorio sunt Legati, ipso actu subjectas, quæ proinde vindicari atque identidem in jus vocari possunt: multo minus illa præscriptio in vicos, in quibus habitant Legati, potest fundari, quia personæ agentes manent cives & subjecti Potestati ejus ad quam Legati sunt missi. Quæstio hæc illustri loco intonuit superioribus annis.

CAP. III.

De Fœderibus.

Fœdus quid & quotuplex. Non esse justa fœdera, quibus socii ad omnia bella promiscue obligantur: sed nec obligationem inde ad bellum injustum oriri. An cum infidelibus licita sint fœdera inita, disputatur: item, an morte contrahentium finiantur. De sponfionibus earumque effectu. De interpretatione fœderum, & Cautione certitudinis illorum ac observantiâ.

Legati primò omnium ad externos dimittuntur, ut amicitiam cum illis aut societatem, hoc est, Fœdus contrahant, quod nihil est aliud, quam *Conventio inter diversas civitates non transitoria*; ut ab aliis contractibus, in quibus nihil post conventionem remanet, distinguatur;

2. Ratione materiæ dividitur Fœdus, quod vel de iis sit, quæ populi per se, ex conjunctione humani generis, sibi invicem debent, aut quæ aliquid juri Naturæ adjiciant. Priora sunt, de non nocendo, de liberis commerciis, similibusque rebus, eaque vel cum iis, quibus cum ante bellum habuimus, vel cum quibuslibet vicinis, maximè cum feris nationibus, quæ promiscue prædas agunt, ineuntur. Nam cum bene moratis populis, si nihil quam libertatem innoxiam petamus, non est magnoperè quod hæc fœdera desiderentur.

3. Reliqua fœdera sunt vel æqualia vel inæqualia. Utraque vel Pacis sunt vel Societatis. Pax bellum sequitur & in nostra quoque methodo sequetur. Societates

maximè de commerciis aut de bellis ineuntur, & si quæ res aliæ sint. De commerciis, veluti, ne vectigalia aut omnino aut ultra modum certum exigantur, aliæque ex usu singulorum populorum.

4. Societas bellica, vel est de bello pariter communi nomine gerendo, vel de auxiliis alteri præstandis. Prius est, vel offensivum, ut vulgo loquuntur, vel defensivum. & rursus utrumque vel ad certa vel ad omnia bella.

5. Offensivum ad omnia, est id quod Græci *ἐνυμμάχιαι* vocant, quo Athenienses & Spartani suos singuli socios habebant conjunctos, sub ipsorum ducatu; explicatius Thucydides *τὰς ἀντὶς ἐχθρὰς καὶ φίλους συμμάχους*, eosdem hostes & amicos habere lib. 1. Ad certa, bellum offensivum quid sit, hoc per se patet, ut & defensivum, tam ad omnia, quod Græcis *ἐνυμμάχιαι* dicitur, quam ad certa etiam bella, vel denique cuncta, sub exceptione tamen quorundam.

6. Eandem diversitatem tuitionis aut offensionis recipiunt Fœdera, quibus altera pars ad auxilium alterius obligatur,

tur, quæ similiter de cunctis aut de certis ineuntur. Ea, quibus se populus aut Princeps ad cuncta promiscuè bella adjuvanda obstringunt, tam nocendi quam tuendi causâ, vix humano juri consentanea videntur; quia præ se ferunt animum, ad quoslibet homines, à quibus nullo modo sis læsus aut offensus, seu jure sive injuriâ affligendos, paratum.

7. Quare non immerito *Utricus Zwinglius* Tigurinis suis auctor fuit, ut *Sleidanus* in eare testis est lib. 3. ne in ejusmodi fœdus cum Rege Francorum ineundum, quo sanguinem suum ei ad quævis bella commodato vel locato addicerent, consentirent. Et si quoque sancito tali fœdere, dicendum est, omnino ad injusta bella nullam esse obligationem, nec proinde contrâ fœdus factum videri, quod suppetiæ illo casu negentur: At cum odiosa & Lubrica sit hujus rei disceptatio, fere ita usu venit, ut noxia nec non periculosa libertati sint id genus pacta, vel fœdera.

8. Idem de illo fœdere sit judicium, quo se quidam ad perpetuam *επιμνησιν*, nec unquam ab armis alterum sine altero destitutum, obligarunt. Nam si utrique pax honesta & tuta, plenaque satisfactio ab hoste offeratur, pactum prius obstare non videtur, quominus alter, si nolit alter, solus bellum claudat. Exemplum vide sis in Historia Civili ab anno 1647. ad 1648. in rebus Gallicis cap. 4. & de *Belgiis* c. 7. Quin &, si alterutri justæ conditiones proponantur, vix est, ut prioris vi pacti ad bellum continuandum teneatur. Quia promissio, quæ aliud bonum morale majus impedit, non est obligatoria; sed ad auxilium socio, qui jus suum ab hoste communi obtinere potest, ferendum, alter nihilo minus vi pacti obligatus videtur.

9. Fœdera inæqualia sunt, quibus alter plus, alter minus promittit: Nam

priora, cum unus auxilium, alter mercedem stipulatur, æqualia consentur. Eaque sunt ex parte vel inferiore vel superiore. Hæc, si quis alterum in tutelam recipiat, sine ulla repromissione, nisi reverentiæ & gratitudinis, (sub qua tamen non paulò plus latere solet) Quæ ex indigniore, ea vel Imperii inferunt diminutionem, vel salvâ libertate, contrahuntur, cujus rei judicium è *sect. 3. cap. 3.* libri prioris colligendum.

10. De personis Fœderatorum quaeritur, an licitum sit, inire fœdus cum impiis & à verâ religione alienis, quæ est quaestio juris divini. Nam jus naturæ cunctis hominibus commune est, sufficitque nihil eo convenisse, quod morali honestati adversetur. Jure veteri divino exempla fœderum extant non pauca cum idololâtris inita, *Jacobi* cum *Labane*, *Davidis* & *Salomonis* cum *Hieromo*, ne de hujus affinitate *Ægyptiaca* dicamus.

11. In Evangelio & rationibus Christianæ sinceritatis nihil est, quod hisce fœderibus in universum obster; non utique illis, quæ ad benefaciendum infidelibus, nec iis quæ ad mutuam utilitatem pertinent, aut ad opem ab illis implorandam. Sed merita circumstantiarum hic consideranda; ne commixtio nimis arcta cum impiis contagium animis adferat; ne potentia infidelium nimis promoveatur; multò minus, ne auxiliis illorum ad nocendum Christianis, quod toties, cum opprobrio Christianæ Religionis sit, utamur.

12. Effectus fœderis est, ut sine capitione fiat, quod inter partes convenit, quâ de re mox accuratius. At dubium esse potest, si cum duobus sit fœdus ejusdem sententiæ, velut auxilii ferendi, his inter se collidentibus, utri opitulandum sit. Nam si cum tertio pugnent, nihil difficultatis est, cum utrique ut plurimum satisfieri possit.

13. Et

13. Et quidem cognitio ipsi haud dubie suscipienda, non ex jurisdictione, quæ nulla est, sed jure & ex ratione naturali, ab utro stet ratio & justitia causæ, ut qui jure potior est, auxilio quoque prior habeatur. Sinon liqueat, utrique, vel potius neutri mittendum; modo ne capriose agitur & hoc prætextu fœderis obligatio eludatur, quod magis facti, quàm juris est.

14. Finitur obligatio Fœderis, si pars altera pactis non stet, & inuicem, ut Thucydides, & vel tantillum transgrediatur, nisi convenerit, ne ob quolibet offensiones, fœdus rumpere liceat: certâ transactionis vi per modum conditionis præscriptâ & prius ineundâ. Neque tamen statim atque à fœdere licet discedere, bellum etiam movere licet; hoc enim atrocius est, & propriis regulis constat, de quibus inferius.

15. Tempore etiam præfinito finitur, neque enim Fœdus silentio utriusque partis renovatum videtur, nisi actus ipsi partium hoc necessariè præferant: alioqui novatio non præsumitur: sed ex ipso facto probari debet.

16. Quæritur, an & morte contrahentium fœdera finiantur; quâ parte inter personalia & realia distinguendum, ut illa morte intereant, hæc ad posteros transmittantur. Realia sunt omnia, quæ cum plurimū Imperiis Optimatum, vel cum liberis populis ineuntur, quia in illis non est mutatio Summæ potestatis, quod ad personam attinet. Etiam quæ cum Regibus, si mentio Regni, ut plerumque fit, adjiciatur. Quin & ex materia, si favorabilis sit, idem colligitur, ut sunt fœdera de commerciis, de non nocendo, de mutuâ defensione. Quod si odiosa sint negotia, neque in verbis sit quicquam, unde obligatio cum respectu ad populum accipitur, magis est ut personalia censentur.

17. Quid differant sponsones à fœderibus, dictum est in lib. 1. sect. 3. c. 6. m. 27. sunt enim pacta ducum belli, inita de ejusmodi rebus, quæ ad summam potestatem spectant, & de quibus mandatum illi nullum habebant. Ac ideo nomina Ducum illis inferebantur, cum in Fœderibus soli fœciales, ut ministri publici, nominarentur.

18. Effectus sponsonum est, ut sponsores sive illi fuerint duces soli, sive etiam ordinum ductores, seu milites universi, teneantur ad implendum id quod promiserunt. Sed Potestas summa, cujus, scilicet, hac parte nullus, ne tacitus quidem intervenit consensus, nullo modo tenetur, nisi, non silentio tantum nudo, sed & facto aliquo sponsonem comprobaverit.

19. Qui sponponderunt, hi, non servatis pactionibus, tenentur vel ad rem in eundem statum, qui fuit ante sponsonem, restituendam, si hoc præstare queant, vel in id quod interest, aut denique ad sua corpora dedenda stipulatoribus; in quod Romana exempla Sponsonis Caudinæ, Numantinæ aliæque desierunt.

20. Cæterum, interpretatio fœderum & sponsonum sine calliditate, ut modo dictum, faciendâ est, ex simplici & populari intellectu verborum, procul habito sensu diverso, quem quis tacite in animum inducere vel dictis adstringere possit, cujusmodi & in veteri novæque historiâ hominum plurima extant ludibria, sed in ambiguis accedendum ei, quod est obscurius.

21. Aliâ est regula, quam & Juris-consulti inculcant; in dubiis capiendam interpretationem, quæ vitio caret, aliisque certis rationibus non adversatur. Item, adversus eum faciendam explicationem, in cujus potestate fuit, Legem clarius dicere. Denique, odiosa restringenda,

genda, favorabilis interpretatione adjuvanda esse & extendenda.

22. Inter odiosa videtur esse renuntiatio libertatis, faciendi quod libet, ex jure Naturæ. Unde pendet quaestio, an sociis in foedere nominatis generaliter, cum pacto, ne liceat illis nocere, contineantur & hi, quos alter foederatorum postmodum adsciverit; quod negandum: Quanquam & novos adsciscere socios, non est prohibitum. Proinde, quod ad hos attinet, dicendum, utrimque cessare foederis obligationem; adeoque in illis impugnandis vel defendendis, sine perfidia, quod & sæpius usu venit, configere posse foederatos.

23. Dantur omnino plures regulæ satis pressæ & subtiles, secundum quas regendæ interpretationes, sed quæ hujus compendiarie scriptionis modum penitus excedunt: præsertim post Grotium in *lib. 2. c. 15. quod est de Fœderibus*; & *cap. 16. quod est de Interpretatione*. Et hæc etiam causa nobis erit, quod de Bello acturi, fere nos intra veteris Editionis limites continebimus.

24. Sed de cautione, quæ foederis observantia & perpetuitas sancitur, addenda paucula. Fidei datæ vinculum, & jurisjurandi religionem, quæ in nullis omittuntur Fœderibus, etsi validissimas Juris cautiones, parum addere securitatis, omnium docuit usus temporum & populorum. Nec æquitas conditionum, quæ prima Bodino est Cautio in *lib. 5. c. 6.* potentiores à servando foedere continere potest: Adversus inferiores, bona est, ut Privernatium Legatus apud Livium, rogatus, an pacem, si daretur, fideliter servaturi essent. *Si bonam*, inquit, *dederitis*, &

fidam & perpetuam habebitis, si malam, haud diuturnam.

25. Melior cautio fuit Obsidum, veteribus usitata; quæ tamen quam non fuerit omni exceptione major, innumera docent exempla: Quibus, & quod inhumanum sit, obsides facere victimas perfidiæ suorum, pridem eo res deducta est, ut pro cautione Fœderum perpetuorum amplius non habeantur; sed pactis solummodo transitoriis & fere pecuniariis adhibeantur.

26. Frequentioris usus est Sponsio Sociorum, vel Exterorum Principum & populorum, qui Fœdus ratum fore spondent, eoque nomine se obligant: Cujus rei Juris effectus hic est, ut sponsores cum qui fœdus rumpere velit, ad servandum cogant. Verum & hoc inutile plerumque repertum est; si ratio ejus quod Interest, sponsores ita non teneat obstrictos, ut sine suo gravi detrimento vindicias secundum fœdus omittere non possint. Sine tali vinculo propriæ utilitatis, parum aut nihil in ejusmodi cautionibus esse fiduciæ, non magis vetera quam nostræ exempla memoriæ commonefaciunt.

27. Denique; tanta est hominum perversitas & potentiorum ambitio; ut nihil Fœdera, vel pacis fiduciam, efficacius, quam nocendi impotentia, stabiliat, tam respectu imbecilliorum, quos suæ conditionis pæniteat, quam æqualium, quos *ἰσὺς ἀλλοτρίη*, mutuus metus ad pacem custodiendam adigit; Nec aliud contra potentiores remedium, quam conjunctio plurium, quos ejusdem utilitatis ratio devinctos tener, querendum & applicandum: quod ad politicam spectans, heic latius non prosequemur.

CAP. IV.

De Bello.

Definitio belli, & disputatio, an licitum sit, jure Naturæ & utroque Divino, quod Affirm. & probatur, remotis objectionibus. Divisio belli, in publicum, privatum & mixtum. Illud, solenne, aut minus solenne. Solenne fieri, si & summa potestas utrimque sit & præcedat indictio; minus solenne contrâ intelligi. Quatenus Magistratus bellum sit permissum. Mixtum vel ratione personarum aut inductionis, quæ in altera parte secus se habeant. Privata duæ, quando licita. De repellâliis. De inductione belli. Causæ belli suasoriæ vel justificæ. Hæc rursus triplices 1. defensio personarum & rerum 2. Recuperatio ejus, quod nostrum aut nobis debetur. 3. punitio delictorum. De omnibus tenendum, levia transmittenda. Ad punitorem pertinere auxilium, quod pro innocentibus suscipitur. Amorem libertatis, studium propagandæ religionis non esse justas belli gerendi causas. Dubiæ causarum magis pro injustis habendæ. Subditos in bellis injustis non debere principi operam, secus tamen in dubiis.

STatus Naturalis, in quo sunt diversæ Civitates, propter humani ingenii pravitatem, non minus rixis & contentionibus, quam discrepantibus pacis institutis exagitur. Rixæ autem Summarum potestatum facile in bellum, quia cessant inter illas judicia, erumpunt.

2. Est autem bellum *Certatio per vim*, ut Cicero definit *lib. 1. off. 16.* vel, ut Grotius, Status per vim certantium, quæ tales sunt *l. 1. cap. 1. §. 1. d. jur. Bell.* Quanquam nec Cicero dixit Certationem pro actu certandi, sed pro universo tractu atque ductu armorum, inter partes certantes, ut alibi Cicero *contentionem belli & observationem* pro longo observandi instituto. Matrimonium Jurisconsulti vocant Conjunctionem, non pro actu transitorio conjungendi, sed pro statu conjunctionis perpetuo; denique, verbalia in io. frequenter ita sumi, pridem observatum est:

3. De bello prima est questio, an bel-

lare unquam sit justum, quod jure quidem Gentium nullam recipit dubitationem, quia de usu & effectu, quem populi omnes bello tribuunt, plene sunt omnes historię, idemque gravis humano generi docet experientia.

4. De jure Naturæ & divino imprimis videndum. Et quidem non proflus juri naturæ bellum adversari, satis id ostendit, quod nihil præ defensione corporis sui, magis aut æque sit juris Naturalis. Denique, ut rebus, quas natura in medio posuit, utamur, easque absumamus, id jus primum naturale dicitur, & qui hoc prohibet, is injuriam infert, quam vi repellendam esse, res & ratio dicitur. Post recessum à communione, licuit idem pro dominio, quod antea pro rebus, quæ nullus adhuc erant factæ.

5. Præterea, delinquentes pœnam mereri, eamque à quolibet non reo pariter maleficii, maximeque ab eo qui læsus est, exigì posse, aliquoties dictum & proba-

K k k k 2

probatum est. Quod cum inter diversas civitates sine vi non possit fieri, bellum etiam puniendi causa recte suscipi vel exinde apparet. Aded ut originem habere bellum ex jure Naturæ manifestò constet. Proinde, quod & Jsti & scriptores alii bellum jure Gentium politico esse docent introductum, hoc de certâ & solenni bellicorum formâ, unde peculiare pendeant effectus, intelligendum.

6. Sed nec de jure veteri Divino magna est dubitatio, quin non omne bellum sit illicitum. Abrahamus sine speciali Dei mandato, Reges quatuor devicit, laudante Melchisedeco. Et bella Davidis, quorum pleraque non liquet à Deo nominatim imperata fuisse. *Dei praelia*, id est, pia ac iusta dicuntur. Imò quod magis est, perpetuæ ac generales de modo belli gerendi, à Deo regulæ præscribuntur. *Deuteron. cap. 20.* quo quid fortioris argumenti sit, bella pie geri potuisse, tamen nullum Dei speciale mandatum intervenisset? Ex quibus apparet, Legem Dei de sanguine non fundendo, bellis nihil magis officere, quam Lex de non occidendo judiciis capitalibus obstat.

7. In nova Testatione, à primo initio habemus Johannis Præcursoris dictum, quo milites officii sui non deservendi, sed pie exercendi admonentur. Paulus verò, non tantum docet, gratum esse Deo, ut oremus pro Potestatibus, quo tranquillam sub earum tutelâ vitam degamus, quod sine armis fieri nequit: sed & Ministros affirmat esse, qui haud frustra gerant gladium, quin vindictæ sint ad poenam his, qui malum fecerunt; quod ratio non patitur, ut minus de exteris delinquentibus, ad tutelam suorum, quam de subiectis Potestatum intelligamus. *Epist. 1. ad Timotheo. cap. 11. v. 1. 2. 3.* Idemque suo exemplo docuit Paulus, quando militare præsidium, ubi

se insidiis Judæorum, ope Tribuni militum eripuisset, minime rejectit.

8. His accedit; quod, ut supra diximus, Lex Mosaica de rebus mortalium & quæ aliis gentibus æquè conveniat, obligationem suam in perpetuum ad omnes, adeoque ad Christianos quoque extendit. Jam quid magis honestati, in necessitati morali adversum esse potest, quam ut gladius, Summis potestatibus eripiat; quo sublato manifestum est, maximum scelus licentiam maiorumque diluvium, nihil ut tutum, nihil sanctum aut inviolatum foret, securum.

9. Adeo, quæ ex dictis Christi, contra bellum moventur, tenendum hoc primo; Si fuisset Christo propositum omne jus gladii tollere, & ejusmodi statum introducere, qualis nunquam visus, auditus esset, eum id verbis quam maxime specialibus & expressis facturum fuisse. Qualia tamen non profuerunt, sed ejusmodi, quæ de cohibendo vindictæ privæ studio, exercendæque in rebus minoris momenti patientia injuriarum, agunt.

10. Jam in veteri Ecclesiæ historiâ celebrantur Legiones Thebææ & Fulminatrix, quique sub Juliano defectore militabant, qui teste Ambrosio 7. *de offic. dicenti Imperatori. producite aciem pro defensione Reipubl.* obediebant, cum autem diceret eis, *producite aciem in Christianos.* tunc agnoscebant Imperatorem cœli. Ne de Martyribus dicam, quorum etiam milites complures antiqua martyrologia commemorant & agnoscut.

11. Quod autem sententiæ Patrum quorundam, minus de bello honorificæ extant, illæ hanc causam habent, quod tum temporis difficulter castris inesse, sine periculo idololatriæ, saltem sacre religionis exercitia minus commodè aut prorsus habere non liceret. Etiam verò, quod, cum semper in castris omne ge-

bus impietatis regnet, viris eximio sanctitatis proposito afflatis, nihil potius, quam procul a profanis abesse videretur.

12. Sequitur divisio belli, quæ in duas abit species: est enim Privatum vel Publicum, nili tertium adlere velis, quod Mixtum appelleretur. Publicum est, quod geritur auctoritate ejus, qui habet jurisdictionem. Privatum, quod est inter eos, qui auctoritate publicæ carent; quæ hujus sunt generis, vulgo *Duella* dicuntur. Mixtum, quod ab una parte publicum, ab altera privatum est.

13. Publicum rursus aut solenne est, quod & iustum suo sensu, aut minus solenne. Solenne, quod utrumque ab illis, qui summam habent potestatem, ritu jure Gentium necessario geritur. Minus solenne erit, quod vel auctores habet, Personas publicas quidem illas, ac superiores habentes, ut Magistratus, vel, quod aliis juris Gentium requisitis destituitur.

14. At verò Magistratus in externos belli jus gerendi nullo modo habent, quia per hoc tota civitas venit in periculum, ideoque ejus qui præest civitati hæc de re judicium, solius sit oportet: qua parte peccarunt Cn. Manlius, qui Gallogræcos, & forte Cæsar Julius, qui Germanos in jussu populi Romani infestarent. Excepto casu inopinatæ necessitatis; quo casu præsumptio de voluntate summæ potestatis dubitare non patitur, ne non arma permissa sint.

15. Verum, qui Magistratus Imperio sunt præditi, hæcenus habent jus armorum in subjectos, ut partes sibi commissas, cum vigore publicæ disciplinæ & coercitione contumacium, seu per apparatus, sive per milites, in hunc finem sibi adtributos exercere valeant. At extraordinariâ manu, vel cum exercitu absque speciali mandato nequaquam ex- periri possunt, ne civile bellum oriatur.

16. Sub Magistratibus & superiores habentibus, hic non complectimur eos, qui patrem summæ potestatis obtinent; nam hi, quatenus summi sunt, recte hoc nomine bellum solenne suscipiunt, multo minus inæqualiter foederatos: sed hæc res ex iis quæ *precedente libro* dicta sunt, intelligi debet.

17. Jam mixtum quoddam sit bellum, ex simplicibus facile colligitur, ejusque variae sunt species; miscetur enim aut ex solenni & privato, vel ex minus solenni privatoque bello. Ex solenni & privato, cum is qui summam habet potestatem contra externos latrones aut prædones; vel suos rebelles expedit arma. An autem subjecti jure adversus Imperantes bello congredi possint, ex iis quæ de Tyrannide superius dicta sunt, judicari debet. Ex minus solenni & privato mixtura constat, quoties Magistratus pro officii sui executione vim parat in contumaces aut in prædones.

18. Sed publicum utrumque, minus solenne, dari non potest inter pares Magistratus, quia par in parem non habet imperium, nec in eadem civitate cogendi facultatem. Verum inter superiores & inferiores, parimodo, vis locum habere potest, quo inter Magistratus & privatos antea dictum est.

19. Mixtura ex publico solenni & non solenni, dupliciter potest supponi; aut cum Magistratus in suam potestatem supremam insurgit, vel cum adversus externos armis contendit. Priorem non posse aliter esse justam, quam eo casu, quo privatus quilibet summo Imperio se jus habeat opponendi, *aliâ* explicatum est. Posterior ex modo dictis resolvitur; scil. ejus usum existere posse, cum repentinâ necessitas flagitat, ut Magistratus salutem publicam armis tueatur, aut cum id genus habet mandatum.

K k k k 3

ex quo

ab Imperantibus postulanda satisfactio, ad quam suos cives compellant; aut si tergiverlentur, ipsi causam suscipiant.

29. Et hæc est Indictio, quæ cum repetitione rerum conjuncta dici solebat *Clagitatio*, quæ non modo rei vindictio aut debiti pecuniarii, sed & criminalis persecutio comprehenditur: unde verba fecialium antiqua reddi, *justi fieri, dedi*, videlicet fontes delictorum.

30. Et quidem pura indictio, cum ipsa vi parata, fieri potest; Conditionalis deliberandi tempus largiri debet. Superflua est indictio, in bellis, ut loquimur, defensivis, aut in executione pænæ, propter delictum manifestum. Ritus indicendi cujusque populi & seculi sunt peculiare; ideoque ad hunc locum referri non possunt. Hæc summam indicata sufficiant; ne post Grotium hic de jure belli universo agamus. Quod & in sequentibus observandum. De his vide *7. juris lib. 3. cap. 3.*

31. Belli causæ non male vulgo in *suasorias* & *injustificas* dividuntur. Suasoriae sunt, quæ partes impellunt ad bellum suscipiendum. Justificæ, quæ juris fundamentum armis tribuunt. Et Hæc aliquando cum suasoriis coincidunt semperque publice præferuntur. Illæ autem, quando à justis differunt, tacite habentur & dissimulantur. Justitiæ tum sunt *ex quoque*, *prætextus*, suasoriæ magis *animæ*. Rationes dicuntur. Ac ita plerumque in omnibus olim hodieque bellis agitur; suasoriæ sunt fere cupiditates variae, quibus principes populi que agitantur. Prætextus à justitiæ imitationis petuntur.

32. Nos de causis verè justis, hoc est, justis agimus, quæ non male ad tria referuntur capita, ad *Defensionem*, *Recuperationem* & *Punitionem*. Defensio est juris Naturæ, quæ vim vi non modo singulis, sed etiam populis repellere licet,

idque ita, ut nec in actione sit opus. Sed debet esse defensio contra vim tuam, quæ metum præsentem inferat, non suspicionem inferendi ejus, ut in simili Ulpianus ait in *l. 9. pr. Quod Met. C.* Cum enim bellum sit omnium malorum maximum, ex obscura nullo alicujus futuri suspitione ad arma non festinari, summo periculi generis humani interest.

33. Si tamen justa sit præsumptio, ex iis quæ sunt, etsi nondum contra nos, id agi vel maxime, ut nobis noceri possit, quibus forte Polyphemi grata, ut ultimum devoremur, fervetur, dicendum est, exigi posse cautionem in nostram securitatem: Quæ si non præstetur, armorum non injustam præberi causam.

34. Ita si quis Rex potens & Conquestor in hoc sit, ut quoscunque potest, invadat & subigat, populumque vicinum oppugnet, quo victo, nobis proxima vis imminet, non est dubium, quin ei per vim impedimentum esse liceat. Talis erat *Philippus Macedo* contra quem Athenienses suos ita monet *Demosthenes Philipp. 3.* *ὁ τὸν θεὸν ἀντὶ τῆς ἐξουσίας τοῦτον ἀγῶνισται, καὶ κατὰ δύναμιν ἐπὶ τοῖς Ἕλλησι, καὶ ποτὶ τοὺς ἑαυτοῦ μέγιστος. Οὗτοί σ' ἐπαρτά τάλια, quibus ego capiqueam, hic adversus me bellum gerit, et si nondum feriat aut jaculetur. Quia ratione ab alio nostri temporis Conquestore, vicini aliquoties cautionem *Aristini* exegerunt & acceperunt. Etsi res hominumque pravitas vix ullum, nisi in vi paratæ belli, prælidium contra vim prævalentem recipiat, in quo acquiescat.*

35. Alioqui non est indulgendum ambitionis populorum emulationibus, ad bella hoc prætextu temere festinantibus; atque ideo in universum Grotio adfensendum, qui metum alienæ potentie negat esse justam belli causam; nisi & de animo potentioris erga nos eadem certitudine, quæ in morali materiâ sufficiat, consti-

constitit *lib. 3. de Jure B. & P. c. 22. n. 51.* Quid enim si facillitus Princeps, cujus potentiam metuimus, arma moveat? si optimo jure suam petat ditionem, an nobis, ob metum incommodi nostri bello & suo jure utentem licebit aggredi? Hoc sane jus naturæ permittere, imo jubere, utiis, qui vim injustam ab aliis patiuntur, suppetias feramus, injuria modo sit manifesta, jam diximus, idemque multo magis, si foederis antea, cui vis hinc, initium, licere non est dubium.

36. Cæterum, justa defensio non modo publici, sed etiam privati belli causam præbet. Enimvero de tuitione corporis, ad vitæ vel pudicitiae custodiam nihil dubitatur. Sed de minoribus injuriis aut damnis avertendis quaeritur, an licitum sit, hominem occidere. Nam si justitiae explettricis rationem simpliciter consideremus, nempe vel auxilium injuriæ pati cogitur. Sed Lex caritatis Evangelicæ dicitur, potius ad leviora connivendum, quam ultionem quaerendam, nedum sanguinem humanum effundendum, ut de alapa & de tunica Christus respondit. Sane inter privatos & maxime in civitate, ubi judicis locus, illud ipsum præcise observandum, ne ob res creptas vel eripandas caedes committatur; nisi forte tales sint res, à quibus nostra vel nostrorum vita dependeat, quæ de re latius agentem vide Grotium in *lib. 2. c. 1. n. 10. & seqq.* & quæ à nobis scripta sunt in *Eumorg. Rom. ad l. 4. §. 1. Ad l. Aquil.*

37. Forte autem inter populos circa res majoris momenti, ratio non parum diversa consistit. Nam si Potestatibus supremis non liceret raptos suarum rerum quantivis pretii occidere, si resisterent armis, palam est, actum fore de salute populorum. Idem judicium de rebus esto recuperandis (semper tamen intellecto, levia damna silentio trans-

mittenda) sub quibus & repetitionem ejus quod nobis debetur, comprehendimus. Plane & ab injustis detentoribus sua per vim avocare licet, cui si per vim illi resistant, jam causa puniendi illos non injusta nascitur.

38. Quippe Summis quoque potestatibus competit jus ulciscendi puniendique delicta, quorum species pridem complures habuimus. Et plane hoc de justis belli causis quaesitum tam late patet, quam tota boni & æqui disciplina; ideoque hic nihil quam summa capita delibare licet, reliqua jam dicta pridem aut aliunde petenda, è Grotio in primis. Hoc obiter tenendum, veras causas è justitiâ explettrice petendas: Adtributrix uti non parit actiones torquentes, ita vix est, ut belli causas suppeditare queat.

39. Videtur & ad punitionem referri posse causa belli (nisi potius hoc sit quantum causæ genus) quod pro Auxilio innocentium suscipitur, qui ab aliis, quibus subiecti non sunt, injuria afficiuntur. Imo & pro subiectis alienis licere bellum suscipere, si manifesta sit impetrantis injuria, superius approbatum est. De metu quoque alienæ potentie diximus aliquoties.

40. Libertatis amor è suavis causa acerrima, sed justifica per se esse non potest: Nisi concedere velimus in eorum sententiam: qui libertatem publicam de jure nunquam populis adimi, sed Imperantium potestatem semper ab iis dependere statuunt; quod volunt Mandatarii Doctores, de quibus actum in *lib. 1. sect. x. & alibi.*

41. Denique, Nec studium propagandæ religionis; cujus longe aliam Deus in liciti sine rationem præscripsit, justa belli causâ esse potest: Multo minus auctoritas Pontificis Romani, aut Presbyterorum jus in alienis rebus alteri donandis sibi arrogantium.

42. Oportet autem ejusmodi esse causam, de cujus æquitate manifesto constet, eâ certitudine, quæ in moralibus haberi possit: Ideoque si dubium sit, an causa belli sit justa, non modo tutius sed & rectius, & necessarium est, armis abstinere. Præstat, primo rem colloquiis tentari, dein arbitrio finiri; denique vel sorte vel certamine singulari, quod hoc casu pro licito habendum, quia fundamentum habet idem, quod bellum, & minus est malum.

43. Etiam hi, qui bellis alienis semistros & instrumenta præbent, causæ, hoc est, conscientiæ suæ rationem habere debent. Nec quidem cives Principi suo causam habenti injustam, licet impetretur ipsis, opitulari possunt, quia magis hac parte Deo parendum: et si tributa imperantibus hac causâ nullo modo resistere licet.

44. Quod si de meritis causæ dubitent

subditi, videntur posse & debere suos Rectores sequi; non obstante, quod tutius sit, in dubio, abstinere eo quod periculosius est. Videtur enim vinci hæc ratio, per aliam, quod civibus de actionibus principum suorum optimè sit præsumendum, & quam minimum publicis consiliis intercedendum. Denique, certum inobedientiæ peccatum pluris facere par est, quam incertam de iniquitate causæ formidinem.

45. Intelligendum hoc autem de justificis duntaxat causis: suasoriæ, quatenus ab illis distinguuntur, vix aliâ quam utilitatis consideratione censentur, cujus interpretatio nihil ad subiectos. Etiam vero cum subditi causam belli improbant, nihilominus se suæque adversus vim hostium tueri possunt: quia cum ipsi non deliquerint, peccatum imperantis Naturali defensionis facultatem illis auferre non potest.

III. De Jure Civit. Sect. III. Cap. V.

C A P. V.

De Jure Belli, & de fine Civitatis.

Jus Belli esse duplex, verum & Internum, quod rationibus Justitiæ per se consentit, & Externum, quod usu & consensu gentium vim juris accipit: Inductione specierum id approbatum. Quo jure res hostium capiantur. De jure postliminii, tam personarum quam rerum. Traduntur aliquot regulæ juris belli explicatoriæ. Fidem hostibus quoque servandam, imò & latronibus & tyrannis; non tamen ab eo, qui injustâ vi coactus est, nisi juraverit. De induciis, & quibus rebus illæ violentur. De pactis captivorum. De pace, quomodo explicetur, quomodo rumpatur. Modi finiendæ civitatis ad duos reducuntur, primus, cum ipsa multitudo extinguitur, alter, cum unio civitatis tollitur. Prius inundatione, terræ motu, bellis fieri. Alterum dissipatione hominum, vel omni ordine Summæ & inferiorum potestatum sublatâ: non tamen mutatione loci, nec formæ reipubl. nec consolidatione plurium civitatum in unam, denique nec improbitate & injustitia.

Iura Belli summatim exposituri, unam in universum præmittemus remissionem, ad Grotium de *jure B. & P.* in lib. III. potissimum. Dicemus igitur, jura Belli vel ejusmodi esse, ut sine labe interna justitiæ, vel ut tantum impune & cum effectu externo, exerceri possint.

2. Posteriore modo juris, licet omnibus, qui bellum solenne gerunt, hosti nocere quovis modo, jure an injuria nihil refert. Quod non ex jure naturæ, sed gentium oritur; idque ideò, quia plerumque pars utraque justam se habere causam contendit, à cujus rei decisione belli effectus suspendi nequit.

3. Primo igitur, licet hosti occidere hostem, omnesque intra hostium fines versantes, quia ab omnibus illis damnum potest metui. Imò etiam foeminas, infantes, supplices, dedititios, nempe, ut dictum, *impune*, non tali jure quod vitio careat. Veneno hostem interficere naturaliter licet, jure gentium non æquè. Percussorem immittere, si fides

expresse vel tacitè non violetur, utroque jure (vix tamen dignitate salvâ) licet, alioqui non licet. Stupra in feminas, vel pueros neutro jure licita videri possunt, quia nullum in bello fructum præbent; etsi plerumque impunita relinquuntur; sed non jure, nequidem externo, quod jus vocari queat.

4. Post corpora, res quoque hostium auferre, abigere, rapere, perdere licet; etiam res sacræ & religiosas. Et quas res quisque capit, eas facit suas, nempe, si nomine proprio illas capiat. Unde quæ actu belli publico capiuntur, fiunt ejus, cujus nomine actus ille instituitur. Sed in actibus privatis, uti sunt excursions, quilibet rem primum arripiens, dominio ejus potitur, idemque in directionibus ab Imperatore concessis, ut ad Tit. de Rer. divis. §. 17. dictum est in *Prælect.*

5. *Occupatæ* autem res dicuntur, mobiles quidem, ubi illuc perlatæ fuerint, unde ab hoste difficulter recipi possint.

Res

Res immobiles captæ non videntur, nisi munitionibus capientium inclusæ sint, aut capiens plane victor evaserit. Res tamen eorum, qui hostes non sunt, licet intra fines eorum repertæ, non fiunt capientium, etsi dominos ibi repertos occidere licet: quia non, ut ab hominibus, damnum ab illis metuitur, idemque de rebus in hostium navibus deprehensis.

6. Sed quæ ab hostibus erepta sunt aliis, ea priores Domini repetere non possunt, quia hostium facta jam erant. Si enim propriæ res hostium non fuerunt, neque solenni bello aliis ereptæ, tunc non fiunt propriæ capientium, ut tamen Sumptus in rem facti sine dubio repeti possint.

7. Nec tantum res, sed etiam personæ Dominio capientium cedunt; quos enim licet occidere, hos multò magis servare licet ad serviendum. Unde jus vitæ & necis in servos, & facultas quilibet imperandi jure gentium recte exercetur.

8. Servus tamen bello injusto, licet solenni captus, fugere salva conscientia non prohibetur. Resistere autem domino inique licet imperanti haud perinde potest, qua de re dictum *superius*.

9. Quod jus in singulos, idem in universos competit, ut victor eam Civitati formam det, quam voluerit, estque hoc imperium in victoris patrimonio. Imò & deleri forma civitatis & membrum alterius fieri potest, seu mutatione politica tantum, quam Franco Galli in usu habent, *Unionem* quam vocant; seu migratione in diversas terras, ut vetus historia frequenter factum commemorat passim.

10. Porro, ad personas & res privatas ab hostibus captas, jure gentium pertinet *Postliminium*, quod definitur: *Jus ex reditu in fines publicos*. Estque duplex, Personale & Reale. Personale postlimi-

nium est, jus, quo is, qui captus ab hostibus & eodem bello reversus est, perinde omnia recuperat sua jura, ac si captus non fuisset. Singula verba expendamus.

11. *Captus*; nam transfugæ non habent postliminium, nec qui victi armis, hostibus ex pactione se dediderunt. *Ab hoste*; justum enim, id est, solenne bellum esse oportet: hinc latrocinii & civilibus bellis non opus est postliminio. *Eodem Bello*; nam qui pace facta revertitur, non habet postliminium, nisi expressum hoc sit. *Reversus*: nec interest; clam vel palam, vi an dolo reversus, idque in præsidia nostra, vel ad populos partium nostrarum. *Omnia sua jura*, tam quæ statum personæ ejus spectabant, quam quæ in dominio & in credito erant. *Ac si captus non fuisset*; ideoque & ea recuperat, quæ si mansisset apud suos, habiturus fuisset.

12. *Reale* postliminium efficit, ut res ab hostibus captæ, iisque iterum ereptæ prioribus Dominis restitui debeant, scilicet immobiles. Mobilia enim sunt in præda, nec postliminio recuperantur, nisi quæ res usum in bello habeant, ut tamen ab his arma & vestimenta excipiantur, quia hæc sine dedecore non amittuntur. Plura sunt hujus generis ad jus publicum indirectè pertinentia, plenè manu exposita in *prælect.* ad *Tit. π. de Captiv. & postlim. revers.* quæ huc transcribere non libet.

13. Porro, ut sciamus, quid juris amplius belligeranti competat, teneantur hæc regulæ. *Prima*; Qui justam belli causam habet, huic omnia licent, quæ ad executionem causæ necessaria sunt.

14. *Secunda*, ei non dissimilis; Cui finis conceditur, huic omnia ad finem necessaria conceduntur. Hinc, qui invaditur & in vitæ periculum adductus est, potest id propulsare quovis modo, neque

neque tenetur primum expectare ictum aut paribus uti armis. Regulam autem istam non metimur ex belli principio tantum, sed etiam ex post facto. Hinc in eum qui se hosti meo adjungit, idem licet, quod in ipsum hostem.

15. *Tertia Regula*; si finis obtineri nequeat, nisi plus faciendo, quam per se finis requireret, hoc perinde licere dicendum. Hinc plus capere ex hoste fas est, quam ille nobis debeat, ut tamen quod abundat, restituatur, deductis impensis, si bellum statim componatur. Ex Eadem regula sequitur, posse etiam prohiberi alios, ne ad hostem ea deferant, ex quibus ad bellum instructior esse possit, idque facientes licere depraedari, modo publicè præmoneantur.

16. Eadem regula dicitur, si per vim adsequi finem nostrum nequeamus, fas esse fraudibus uti; salva tamen fide & dignitate. Doli, qui in actu negativo consistunt, sine dubio licent; qui in actu positivo, hi aut in rebus aut in sermone committuntur. Qui rebus fiunt, cum non habeant certam & infallibilem significationem, sunt liciti: de his qui in sermone committuntur, ut mendacia, quibus fides non rumpitur, egimus copiose in lib. 2. sect. 6. cap. 2.

17. Cæterum, quæ supra dicta sunt, de jure occidendi, vastandi, capiendi & imperio subjiciendi tam justo quam injusto Bello, multam capiunt limitationem ex regulis internæ justitiæ, & monitis prudentiæ, de quibus videndi, qui hæc ex professo tractarunt, *Grotius potissimum in lib. 2. & 3. de jur. bell. & pac.* sunt autem ista Politicæ magis, quam Juris; Ideoque nostro minus idonea proposito.

18. Porro, Naturalis obligatio, quæ ex fide data oritur, etiam viget inter hostes; quia promissio jure tribuit ei, à quo acceptatur, nec aliud ad hoc requiritur quam ut rationis sit capax. Quod adeo

verum est, ut nec latronibus nec tyrannis, qua talibus, fides data infringi possit, nisi remedio juris civilis, quod illos loco pœnæ, juris effectu privet.

19. Si quis hæreat, quomodo quem vitâ bonisque spoliare licet, hunc nefas sit eo jure privare, quod è promissione nostrâ illi acquisitum est, ita cogitabit; Promittentem hosti aut latroni, qua tali, hoc ipso, renuntiare juri suo, quod habet eum spoliandi isto jure, præsentis promissione illi tributo, quam fore perfidiam ipsi actui immanentem, statuendum est.

20. Si quis tamen præsentis metu sit coactus ad fidem dandam, hic non tenetur, nisi juraverit, quoniam Deo non obstat exceptio Quod metus causâ: Et hæc de obligatione interna; Nam jus externum latrones, quique societati hominum noxii sunt, nullum habere possunt.

21. Pacta quoque Summarum potestatum cum subditis eandem habent rationem, ut interno jure obligent, externo effectu vix possunt; sed hac de re alibi dictum. Imò & perfidis servanda fides, sc: in diversis causis: rupto enim foedere ab uno, alter manifesto liberatur. Etenim nulla delictorum compensatio datur; sed quod ex contractu debetur, ratione compensationis recte eliditur.

22. Ad fidem, durante bello, pertinent Induciæ, per quas intelligitur conventio, ut partes ad tempus bellicis actibus abstineant. Sub quibus non comprehenditur resectio mœnium, conscriptio militum: sed corruptis hostium præfidiis, sine vi munitiones eorum occupare, pugnat cum induciis; derelicta ab iisdem nihil obstat quin occupare liceat. Privatis factis induciæ non rumpuntur, nisi publice approbatis.

23. Pacta captivorum cum hostibus omnino valent, licet postea ignoratæ captivi

captivi divitiæ emergant, licet eas quæque penes se habuerit, quia non facit suum capiens, nisi quod apprehendit. Dimissus sub conditione redeundi captivus, ni faciat quod convenit, redire debet, et si per ipsum non steterit, quominus faceret quod se facturum receperat.

24. Pacta Ducum non obligant eos, qui summam habent potestatem, nisi de his rebus, quæ ducibus commissæ intelliguntur, quas inter sunt induciæ breviores, aut nisi ratum habuerint, ut *jam antea dictum*. Si dux aut legatus mandatum exceßerit, quod arcanum fuit, nihilominus Summa potestas obligatur: si manifestus sit excessus, dux ipse duntaxat obligatur. Denique, & Is qui colloquium facit cum hoste, tacito pacto eatenus de non offendendo obligari intelligitur.

25. Conventio, quæ bellum finitur Pax est, quam inire potest is, qui summam habet potestatem; Quippe ducum pacta sunt, Sponsiones, ut diximus in *cap. de fœder. supra*. Per conditiones pacis etiam bona subditorum posse alienari ex dominio eminente sequitur, at sub conditione damnum sarcienti è publico.

26. De damnis bello datis, si nihil convenerit compensatio ab utraque parte intelligitur: sed quæ privati ante bellum invicem debebant, suo loco manere intelliguntur. Imò & hereditates, quæ, flagrante bello, jure intestati obvenierunt hostibus, jure gentium hodierno, ubi bellum fuerit finitum, peti possunt: quanquam de simplici rigore juris secus videri poterat.

27. Delicta, quibus populi unius cives erant obstricti civibus populi, cum quo bellum fuit, remissa intelliguntur, ne qua belli causa post pacem relinquatur.

28. Si dubitetur de interpretatione pacis, pronunciandum est adversus eum, qui legem clarius dicere potuit; quam

Juris Privati regulam Æquitas etiam in publicis enixè servari jubet.

29. Rumpitur Pax, cum quid adversus pacta conventa committitur, quanquam nova belli causa, pace etiamnum integra, hoc est, non violatâ, præberi potest, idque sæpius usu venire, docet abunde verus & recentior Historia.

30. Facto subditorum rumpitur Pax; si Summa potestas id sciverit, attamen noluerit. Ejusmodi factum est, cum subditi illius quo cum pacem habemus, hostibus militant nostris.

31. Viceversa non modo, si res publica, sed etiam, si cives nostrilædantur, idque non vindicetur publice, ab altera parte, rupta Pax intelligitur; nisi vindicari nequeat, ut, si piratæ aut latrones sint. Rupta autem dicitur in favorem ejus, qui est hesus; quo acquiescente, pax sustinetur.

32. Has positiones è priore librorum de Jure Civitatis Editione transcriptas potuisse latius deduci, quis neget? Sed moles operis, quod jam duplo se ipsum superat, & quod plena expositione in immensum iret, nos ad Grotianam lectionem, atque ad auditionem vivæque vocis institutionem Studiosos remittere, cogit.

33. Nec est quod addamus magno perere. Nam quæ post hæc de conservanda augendaque Civitate dici poterant, magis ad Politicam spectant. Sed ut omnia orta intereunt, ita quoque Civitates & Respublicæ FINIUNTUR: Nam quod liberæ Civitates vulgo immortales dicuntur, non nisi comparate intelligendum, quatenus singulorum mortibus plurimum Imperia non intereunt.

34. Sed extinguitur Civitas, vel ipsa multitudo extincta; vel ejus unione sublata. Multitudo perire potest Inundatione, Terræ motu, Bellis. Unio tollitur, sublato omni imperio & communi-

tate juris. Quod fit dissipatione hominum, Peste, Seditioe. Bellis, Servitute publica, si tollantur omnes magistratus & Senatus, ut olim Capuæ factum à Romanis, imò integri populi in provincie formam ab iisdem redacti. Sed mutatio loci non extinguit Civitatem, si maneat ordo aliquis imperii, ut cum Athenienses, bello Medico, urbe desertà, naves conscenderunt.


35. Formà quoque imperii mutatà, neque Civitas neque respublica perisse censetur; quemadmodum populus Romanus semper idem mansit, sub Regno, Consulatu & Cæsaribus. Unde negari nec potest; intelligendum esse populum Romanum eundem hodie esse,

qui fuit olim. Et proinde ad eundem populum pertinere jura Veterum Romanorum, nisi quatenus præscriptione aliiisque juris gentium modis amissa fuerint, ut expositum est à nobis in *lib. 1. sect. 9. c. 7.*

36. Denique, nec justitià deficiente, Civitas nomen suum & jus Communitatis perdit, quamdiu juncta manet Societas, juris, licet minus perfectè fruendi causà; et si quandoque scriptores aliter de Civitate per excellentiam dictà loquantur: Ut ne barbari quidem Algerienses & Tunetani Civitates esse negari possint. His adde sis, quæ de modis, quibus finitur Summa Potestas, dicta sunt in *lib. 1. sect. 9. cap. 6.*




I N.



I N D E X.

A.



- B*edicatio *summæ Potestatis, ne quidem ex parte, potest esse cum independentiâ* [271. 17.](#)
- Abelgari, de Rationis usu in sacris sententiis.* [183. 4.](#)
- Absoluta potestas oppugnata & defensa variis argumentis.* [44.](#) & *seqq.*
- Academiærum ius* [366.](#) *est ius Majest.* [89.](#)
- Accessionis doctrina.* [407. 21.](#)
- Accusatio criminum, modus & ius ejus* [551.](#)
- Administrationis publicæ partitio.* [473.](#)
- Adoptionis ius.* [329. 17.](#) & *pag. seq. an nobilitatem propaget.* [352. 47.](#)
- Advenarum à civibus discrimen.* [338. 29.](#)
- Advocatus quid, & ejus officium.* [225. 32.](#) *non officere nobilitati.* [353. 66.](#)
- Adulterii pœna capitalis remissa quo jure mulieribus.* [315. pr. 362. 36.](#)
- Adulterii crimen & pœna* [564. 35.](#) *capitalis pœna an recte mulieribus à Justiniano remissa.* [564. 36.](#)
- Æquitas quid, & an habeat locum in Satisfactione Christi, respectu Dei.* [35. 69.](#)
- Æquitas duplex, & usus utriusque.* [485. 49.](#)
- Ætarii ius & redditus.* [575. 4. cap.](#)
- Ærei nummi, an majore summâ invitis insolutum dari possint.* [584.](#)
- Ætatis differentia juris.* [315. 27.](#)
- Agriculturam non officere nobilitati.* [354. pr.](#)
- Agrorum publicorum usus & redditus.* [575.](#)
- Alienans regnum, & impeditus, an eo privetur.* [272. 33.](#)
- Alienandi ius dominis prohibitum, quibus ex causis.* [411. 62.](#)
- Alluvionis ius.* [401. 26.](#)
- Alvei ius.* [400. 13.](#)
- Ambitus crimen.* [561. 24.](#)
- Amissarum rerum ius recuperandi, secus ac Grotius.* [393. 9. 62.](#)
- Angariæ & perangariæ.* [598. 31.](#)
- Anni Imperialis sententia.* [598. 31.](#)
- Annuos Imperantes æquè habere Summam Potestatem quàm perpetuos.* [64. 48.](#)
- Appellatio & ius ejus* [571. 19.](#) *An & in criminibus obtineat.* [572. 21.](#)
- Arbiter quid, & ius ejus.* [528. 41.](#)
- Arbitrii & Compromissi ius cum Imperio comparatum.* [240. 5.](#)
- Aristocratia cæteris Reipubl. formis prælata.* [199. 9.](#)
- Aristocratix ius* [229. 293.](#) *Specialiter de illâ, quæ ad possessores immobilium restringitur* [231. 36.](#) *de Annua.* [233.](#) *Et patrimoniali Aristocratia.* [236.](#)
- Aristocratica potestas absolutior, quam monarchica.* [54. 6.](#)
- Armandia, ius Majestatis.* [91. 65.](#)
- Arrestum quid, & omne ius ejus.* [532. 15.](#)
- Asylorum ius.* [83. 15.](#)
- Avocandi à iudicibus, ius Majestatis.* [87. 77.](#)
- Auctoritas principum à Legibus pendens.* [56.](#)
- Auth. Habita de jure Acad. exposita.* [368. 10.](#)
- Balia*

I N D E X.

B.

- B** Alia Florentina quid. 295. 28.
 Banni Imperialis sententia. 528. 81.
 Beatitudo civilis. 31. 8.
 Belgarum Fœderata Resp. non una, sed multiplex. 67. 14.
 Belgæ quo jure Principi suo imperium abrogaverint. 306. 31.
 Belli jus Majestatis proprium. 84. 17.
 Belli jus, an & quatenus committatur Magistratibus. 94. 37. Exponitur totum 630. Regula de jure belli. 633. 13.
 Bellum quid & quotuplex, & omne belli jus. 624. t. cap.

C.

- C** Anonicorum ab Ecclesiasticis bonorum differentia. 397. 42.
 Cambium qualis contractus. 556. 29.
 Carneadis sententiâ de jure Nat. ab Hob. 6. & Spin. non aliena. 19. 10.
 Cartesii de principio Fidei sententia. 177. 7.
 Censuale regimen & jus ejus. 234.
 Censura Ecclesiastica quam latè pateat. 166. 18.
 Census ratio & jus. 583. 42.
 Charta magna apud Anglos & sanctio singularis. 80. 55.
 Christum non solvisse aliud pro alio Patri suo 129. 21. An etiam pro morte fidelium temporali solverit, distinctè exponitur. 130. 25. Non dedisse novis fidelibus salutem per Fœdus, sed unice per Testam. 113. 34.
 Cicero adversus Grotium defensio. 95. 42.
 Civis quid sit & jus ejus 337. an idem possit esse in diversis civitatibus. 339. 23.
 Civis & incolæ an liberam è patriâ discedendi potestatem habeant. 339. 28.
 Qualitas & differentia civium. 344.
 Ordines eorum. 355.

- Civitas à Republ. quid discrepet, & sit una civitas. 32. 15.
 Civitas quid, ejus numerus, an sine miliis esse possit, an despotica Imperii sint Civitates. 3.
 Civitatis causæ impulsivæ; metus à majoribus, & amor societatis. 2.
 Civitatis origo duplex, A consensu & vi 29. 14. & 24. &c. Finis & intertus. 635. 3.
 Civitatum bona quatenus alienari possint. 146. 5.
 Clericorum ordines in Ecclesia Romana 379. & seqq.
 Commissorum jus. 403. 43.
 Communio bonorum inter conjuges. 320. 21.
 Communionis primævæ doctrina. 315. 13.
 Communium & publicarum rerum adserta differentia. 387. 80.
 Compromissi Arbitrarii cum jure Imperii comparatio. 76. 73.
 Concubinatus. 321. 25.
 Condominatus & jus ejus, an à monarchia diversum 201. 6. quot modis fiat. 202. 16.
 Conjugum jus & obligatio inter se. 224.
 Conscientia quid & quatenus ex Legibus obligetur. 487. t. cap. & an errare possit. pr. d. cap.
 Contributiones hostium. 854. 47.
 Consuetudinis auctoritas. 486. 53.
 Contractuum jus 448.
 Contractus inter Imperantes & subjectos an & qualis detur. 301.
 Conventus fidelium non esse subjectos Imperii Potestatum. 156. 2.
 Corruptionem hominis subitam fuisse, non ex usu & habitu. 5. 8.
 Creditoris definitio. 132. 49.
 Crellii sententia de Redemptione refellitur. 140. 13.
 Crimen quid. 433. 15.
 Cujacii sententia, de Principe & populo potestatem

I N D E X.

testatem in se ipsum habente, refellitur. 59. 28.

D.

D Anici Imperii è legitimo in absolutum mutatio, quo modo facta. 299. 35.

Delicta varia & pœna. 560.

Democratiz jus & diversitas. 239.

Democratice Status fundamentum. 35. 27.

Democraticum fœdus, quo pars minor majori subicitur, eos qui sunt in majori parte reos etiam perfidiæ facere potest. 37. & seqq.

Devolutionis jus in Brabantia & alibi non pertinere ad Summi Imperii successionem. 228. 18.

Derelictio Summi Imperii qualis. 272. 23.

Pro Derelictis habita jus occupandi, & quid si desperatæ res fuerint. 394. 11.

Devotio unde dicta, quid sit & quotuplex. 604. 26.

Deus, utrum ut Creditor, an ut iudex, an ut Rector Supremus, respectu peccatoris sit considerandus. 131. 38.

Διάταξις significare dispositionem, tamen inter vivos, quam Testamentariam. 115. 11.

Discretio turpis & honesti, quatenus sit insita menti & homini congenita. 6. 4. & seqq.

Dispensatio quid, & an locum habeat in doctrinâ satisfactionis Christi. 136. 81.

Divortiorum jus. 326. 19.

Doctrina studiorum, an conducatur ad prudentiam civilem. 346. 34.

Dolentium de Republ. Querelæ. 560. 17.

Domania, an ab Optimatibus in Aristocratia magis alienari possint, quam in Regno. 41. 63.

Dominatus & Regni differentia 205. 15.
non esse Dominatum per se Tyrannidem. 206. 34.

Dominicarum jurerum. 403. 38.

Dominium Eminens quid. 85. 38.

Dominium parere obligationem, & qualem. 457. 10.

Dominium ratione juris publ. 405.

Donatio ex jure G. contractus consensualis. 453. 23. ubi & jurejus.

Dubitationis principium Hobbesio exercitum, quo successu. 172. à pr.

Duella quandolicitæ. 628. 20.

E.

Ecclesia quatenus est Universitas, quid juris habeat. 371. ejus regimen non esse mere Ecclesiasticum. 159. 31.

Ecclesiæ Romanæ Hierarchia. 379.

Ecclesiam universalem totius mundi visibilem nec fuisse nec dari posse. 103. 20. 30.

Ecclesiam Pontificiam videri esse Rempublicam. 272. 20.

Ecclesiastica bona in profanos usus converti non possunt. 395. 20. Rursus. 396. 36.

Ecclesiasticorum bonorum jus. 159. 44. & seqq.

Ecclesiæ jus an & quale sit apud Summam Potestatem. 101. & seqq.

Ecclesiæ caput an detur in Terris. 160. 51.

Ecclesiis quoque deberi securitatis publicæ Tutelam 595. 190. non tamen ecclesiis prohibitis simpliciter. 595. 21.

Ecclesiæ visibilis externæ ratio exponitur 144. toto cap. Ejus deformitas & reformandi spes. 145. 17. Subordinatio Ecclesiarum unde oriatur. 148. 41.

Electionis Regiæ jus. 212. 4. cap.

Electionis & postulationis canonica discrimen. 380. 7.

Emphyteusis jus obiter. 417. 18.

Emptionis venditionis jus. 450. pr.

Episcopatus Constantini Magni, ex vero expositus. 150. 21.

M m m m

Epif.

I N D E X.

- Episcopi simul Principes, unde. [213. 13.](#)
 Erastianorum de jure S. P. circa sacra sententia [150. 12. refellitur.](#) à pr. cap. [167.](#)
 Excommunicatio quam late pateat, an etiam ad peccata in regimine civitatis commissa produci queat. [167. 19.](#)
 Executio sententiarum qui fiat. [570.](#)
 Exercitores an singuli in solidum teneantur. [456. 5.](#)
 Exheredationis jus [465. 26.](#) & [470. 19.](#)
 Expositio infantium, licet incestuosorum, nefaria. [329. 10.](#)
 Expromissionem esse sponsionem, quâ debitor vetus perfecte liberatur. [122. 10.](#)
 Exteris quæ debeantur [606.](#) plerumque aliam esse rationem juris internis hac parte, & externi [607. 4.](#) In externos quid liceat, aut non. [602. 5.](#)
 Exteris sibi invicem debere mutuam Legum & jurisdictionis suæ observantiam, quomodo & quatenus. [601. 11. ad fin. cap.](#)
- F.
- F**amilia quid, & jus ejus. [316.](#)
 Feminae an imperio Reipubl. ad moveri possint. [203. 32. 224. 40.](#)
 Famulorum jus. [336. 30.](#)
 Feudi servitia per se non tollere summam potestatem. [69. 41.](#)
 Feudorum jus totum compendio expositum. [418. & seqq.](#)
 Fideicommissi jus obiter. [415. 28.](#)
 Fidei confessionem non esse subjectam summæ potestati. [156. 1.](#)
 Fidejussionis jus. [452. 20.](#)
 Fidem non esse conditionem salutis acquirendæ, sed instrumentum & modum acquisitionis. [100. 27.](#)
 Fides hostibus, Tyrannis, latronibus data cur servanda. [634. 18.](#)
 Fiscalium rerum jus. [403. 41.](#)
 Fisci jus, Majestatis. [90. 40. & seqq.](#)
- Fluminum jus. [399. 3.](#)
 Fœdera quatenus mutent Summam Potestatem. [64. & seqq.](#)
 Fœderatos se invicem jus cogendi habere, salvâ singulorum potestate summa. [68. 25. & seqq.](#)
 Fœderum & sponsionum discrimen [85. 27.](#)
 Fœdus quid & quodplex. Non esse iusta fœdera, quibus socii ad omnia bella promiscue obligantur: sed nec obligationem inde ad bellum injustum oriri. An cum infidelibus licita sint fœdera inita, disputatur: item, an morte contrahentium finiantur. De sponsionibus earumque effectu. De interpretatione fœderum, & Cautione certitudinis illorum ac observantiâ. [621.](#)
 Fœdus inter Deum & populum Hebræum cujusmodi. [47.](#)
 Fœdus Dei cum Ecclesiâ, non nisi unicum esse, quo veteribus bona Testamenti clausi præconfirmata sunt. [100. & seqq.](#)
 Ejus intervalla & repetitiones. [112. 21.](#)
 Fœdus inæquale an & quando derogat Summæ potestati. [67. 21.](#)
 Fœneratores an justum inter cives ordinem faciant, & Fœnus an sit licitum. [356. 20.](#)
 Fœturæ jus; contra Grot. [406. 14.](#)
 Fœtus in utero jus. [312. 7.](#)
 Fori competentis doctrina ex ratione Juris publici. privilegia. [540. 536. 25.](#)
 Frisiæ status regiminis. [233.](#)
 Frissi, ut seculo decimo quinto egerunt, in exemplum status naturalis & belli omnium contra omnes propositi. [10. 7.](#)
 Fructuum rei aliæ acquisitionis. [459. 18.](#)
 Quæ causa sit illius acquisitionis. [7. 19.](#)
 Fructuum perceptio quo jure nitatur. [406. 17.](#)
 Fundamentalium Legum obligatio & sanctio. [305.](#)
 Fundamentalium Imperii Legum doctrina. [78. 11. & seqq. Galliæ](#)

I N D E X.

G.

Gallix Regum Successio quo jure aliquoties mutata. [273. 38.](#)
Germanix Imperium non esse unum [34. 20.](#)
non esse unam Rempubl. [67. 17.](#)
Germanix Principes vere summam potestatem habere. [93. 20. & seqq.](#)
Germanici Imperii status. [247. 19. c. 275.](#)
Grotii doctrina Hobbesianæ opposita. [17. 54.](#)
Grotii sententia de Satisfactione detegitur & refellitur. [29. 18.](#)

H.

Hætorum vetus Imperium ante Reges fuisse Theocraticum. [30. 31.](#)
Heredis institutio, & jus ejus. [464. 19.](#)
Hereditas quid, & modi, quibus defertur. [461.](#)
Hereditatis acquirendæ jus. [409. 51.](#)
Hæresis an crimen. [562. 29.](#)
Hæreticorum & heterodoxorum pœnæ. [160. 62. & pag. 65. 29.](#) Hæresis quid ib. [16. p. 26.](#)
Herile jus in servos. [334.](#)
Hermaphroditi jus. [314. 22.](#)
Hierarchia Ecclesiæ Romanæ. [379.](#)
Hobbesii de jure S. P. circa sacra. sententia. 150. 15. refellitur. [169. 6.](#)
Hobbesii sententia, quod Summa Potestas minui non possit, refellitur. [71.](#)
Hobbesii Jus naturæ exponitur & refellitur. [2. & seqq.](#)
Homicidii crimen & pœnæ. [563. 33.](#)
Hospitiorum militarium usus & abusus. [578. 14.](#)
Hussus Job: quo jure destitutus à Sigism. Imperatore. [599. 36.](#)

I.

Imago Dei qualis. [p. 5.](#)
Imperia voluntaria sæpe magis è ta-

cita quam expressa populorum voluntate oriri. [30. 33.](#)
Imperia non oriri immediate à Deo. [29. 27. & seqq.](#)
Imperii jus non mutari ex formâ Reip. nec quidem herili aut civili modo imperandi; nec patrimonialis aut usufructuarii, Successorii aut Electivi juris discrimine. [61. & seqq.](#)
Imperii vim in Aristocratia & Regno non esse minorem, quàm est majoris partis in Democratia [40. & seqq.](#) Cur hoc vulgo facilius in Aristocratia, quàm in Regnis admittatur. [42. 36. & seqq.](#)
Imperii vis in populos quæ sit, anceps quæstio. Diversitas opinionum hac parte. [33. & seqq.](#) Imperii involuntarii obligatio. [34.](#) In voluntario tantum esse jus Imperii, quantum populi esse voluerunt, [34. 18. 19.](#) cui opposita Hobbesii sententia exponitur. [34. 21.](#) Decisio adstruitur è Natura Status Democratici. [35. & seqq.](#)
Imperii jus cum Arbitrio compromissario comparatum. [76. 73.](#)
Imperii jus totum copiosè expositum. [285.](#)
Imperium an à jurisdictione distinctum sit. [514. 520. 23.](#)
Imperium Civitatis nihil aliud, quàm Unio voluntatum, ejusque gradus. [29. 9. & seqq.](#)
Imperium legitimum fieri posse absolutum, & vice versâ. [98. 16. & seqq.](#)
Imperium Civitatis simpliciter constitutum quid contineat. [35. & seqq.](#) Exceptiones ab ejus obligatione. [36. 39. & seqq.](#)
Imperium mutue subjectionis refellitur. [43. 50.](#)
Inauguratio Principum; [474.](#) nihil eam novi juris inferre. [n. 9. 17.](#)
Incolarum à civibus discrimen. [338. 18.](#)
Independentium de jure S. P. circa sacra, sententia. [140. 9.](#)
Indica societas apud Belgas & jus ejus. [364.](#)
Induciarum jus. [634. 13. 22.](#)
Infra-

M m m m 2

I N D E X.

Infames an jure suffragii popularis gaudeant. [239. 38. & 242. 35.](#)
 Infamia notatos restituendus, Majestas. [89. 26.](#)
 Inhonesti varii gradus. [8. 28.](#)
 Instrumenta probationis. [548. 18.](#)
 Insularum fluvialium jus. [400. 19.](#)
 Invasor Imperii & quid in eum liceat. [251.](#)
 Inventa, dominis incertis, non fieri inventorum, & quid juris in illis. [458. 12.](#)
 Invitum quotuplex. [321. 31.](#)
 Involuntarii jus Imperii. [248.](#)
 Israelitarum potestas Regum. [511. 12.](#)
 Judex quid & qualis. [421. 11.](#)
 Judiciis cessantibus, incipit bellum. [628. 20.](#)
 Judiciorum potestas, Majestatis. [87. 74.](#)
 Judiciorum potestas nunquam à summa potestate penitus alienatur. [95. 52.](#)
 Judiciorum ordo. [544.](#)
 Judicium duplex quid & personæ ejus. [420.](#)
 Jurare an liceat in leges injustas. [483. 40.](#)
 Juris naturalis obligatio, unde nascatur, quâ dere diversæ sententiæ exponuntur. [6. 18. & seqq.](#) Immutabilitas hujus Furis quomodo accipienda. [8. 24.](#) Divisio in præcipiens, permittens, iudens. [8. 25. & seqq.](#)
 Juris civilis studium in Occidente instauratum. [367. 18.](#)
 Juris civilis à municipali discrimen. [95. 46.](#) & pag. 479. 14.
 Jurisdictio quid, quotuplex, & omne jus ejus, nec ab Imperio in hac Arte distincta. [514.](#)
 Juris in Re species. [405. 3.](#)
 Jurisdictionis alicujus civitatis apud externos effectus. [10. 32. adf.](#)
 Jus Romanum an merito in usum reductum à Lothario Imper. [86. 64.](#)
 Jus belli exponitur. [630.](#)
 Jus pro regula actuum moralium. An origo ab injusto dependeat. Causa Furis, superior potestas, etiam Par; quod probatur. Jus etiam sumi pro facultate agendi vel habendi. Furis in priore sensu

divisio, in Naturale & Voluntarium. Hoc rursus in Divinum & Humanum &c. De Jure Gentium publico. De Jure civili publico. Hoc opus, esse de prioribus & ratio ejus instituti. Differentia Juris publici universalis à Politica. Possitne Justitia in Republ. exacte servari. Inventio & definitio hujus Artis. Quibus præceptis colligatur. p. 1. & seqq.
 Jus naturale Hobbesianum examinatur. & seqq.
 Jus, pro facultate habendi & agendi quotuplex. [27. 20. & seqq.](#)
 Jus Gentium, an à Jure naturali distinctum. [21. & seqq.](#)
 Jus aliquod naturæ futurum fuisse in statu primævo, etsi longe diversum ab eo quod nunc est. [p. 5. n. 6.](#)
 Jus divinum quid, quotuplex & ejus obligatio. [24. & seqq.](#)
 Jus naturæ definitur. [5. 10.](#) Exegesis definitionis.
 Jus naturæ an respectu Dei sit immutabile. [19. 17.](#) An immediate sit insculptum cordibus hominum. [20.](#)
 Jurisjurandi obligatio & effectus. [45. 22.](#)
 Jusjurandum Summæ Potestatis quem effectum habeat. [269.](#)
 Jusjurandum valere, sola invocationem Numinis. [547.](#)
 Justitia an quibusdam negari possit, & quid de receptatoribus aleatorum hac parte jure civili proditum sit. [495. 27.](#)
 Justitia negata à Judice, vel à Principe, an locum faciat bello. [420. 4.](#)
 Justitia & ejus divisio vetus ac nova. [26. & seqq.](#)

K.

K *ἡμετέρας & Περικλέους distinctio.* [110. 8. 12.](#)

L

L [5. π.](#) de Just. & Jur. de jure Gentium exposita. [30. 36.](#) Laba-

I N D E X.

Labadiaz institutum in reformandâ Ecclesiâ. 373. 28.
Legitimandi jus, Majestatis. 89. 13.
Legatorum definitio; Quatenus Summa Potestas in mittente requiratur, & quid juris, ubi de Summâ Potestate dubitatur. Differentia Legatorum. Quæstiones de illis due ventilantur, prima, an, & quibus ex causis non admitti possint; dein, An unquam ullâve causâ ledi vel puniri queant, ab iis ad quos mittuntur, aut res eorum à creditoribus detineri. De jure Legatorum, qui pariter subditi sunt horum, ad quos mittuntur. Item, an Legati jurisdictionem & jus asyli habeant. 615
Leges condendi jus, Majestatis. 86. 55.
Leges ferendi ars difficillima. 476. 19.
Leges fundamentales & earum doctrina. 78. 11. & seqq.
Leges de Patrimoniis civium latas non pertinere ad jus Summæ Potestatis. 87. 67.
Leges an, & quatenus obligent conscientiam. 487. 1. cap.
Legitimationis jus. 329. pr.
Legum fundamentalium & Privilegiorum discrimen. 81. 66. & seqq.
Lex quid, quotuplex, & omnis ejus natura exponitur. 477.
Libere Reipubl. bene stabilitæ potentiam longe majorem esse quam Regni. 199.
Libertatibus Germaniæ populis Imperator dominos imponere non potest. 214. 38.
Liberorum & parentum jus. 328.
Legum alicujus civitatis effectus apud exteros. 608. 11. usque ad. 612. 32.
Ludovici Sforzæ contra fratrem super Ducatu Mediol. controversia. 223. 25.

M.

M Agiæ crimet. 566. 48.
Magistratus non esse eos, qui Summum Reipubl. Imperium tenent. Jus

creandi Magistratus esse Majestatis. 87.
 69. & seqq.
Magistratus nunquam præscribere posse contra Summam Potestatem. 97. 9.
Magistratus quid & omne jus ejus. 505.
 11. **Nomen ejus an conveniat Summæ Potestati** 505. 11. **divisiones.** 507. 21.
Magistratus nihil habere independentem à Summa Potestate. 92. 6. & seqq.
Majestas quid proprie, 57. 4. pro Summâ Potestate accepta quid sit n. 8. non bene dividi in personalem & Realem n. 11. Nec in delegantem & delegatam. 58. 17.
Majestatis jura quo sensu incommunicabilia. 62. 4.
Majestatis jus inalienabile. 623. 4. & seqq.
Majestatis crimen. 559. 13.
Majestatis jura minora. 88. & seqq.
Majestatis jura majora. 83. & seqq.
Mandati jus. 451. 15.
Mandatum an rectè ponatur ut principium Imperii voluntarii. 287. 297. 307.
Mandatum an & quando Imperii causa sit 45. 12. **Imperium simpliciter constitutum non esse ex Mandato.** 285. & seqq.
Mare an occupari & in dominium redigi possit 390. 27. **ubi & distinctio Grotii inter Imperium & dominium rejicitur.** 392.
Masturbationis pœna. 565. 40.
Matrimonii jus. 319.
Matrimonii jure sanguinis prohibiti ratio. 323.
Matrimonium per vim, per errorem, sub conditione, sub modo initum an valeat. 322.
Mennonitarum adseveratio an pro juramento sufficiat. 547. 16.
Mercatura an officiat nobilitati. 354. 69.
Mechanici artifices laudantur. 357. 32.
Mendacii vitium quâ in re consistat. 438.
 5. & t. cap.
Mente capti quotuplices. 346. 26.
 M m m m 3 Meum

I N D E X.

Meum & Tuum fuisse ante civitates. 15.

Milites non facere ordinem in civitate proprium. 375. 34.

Milicia perpetuâ opprimi libertatem populi. 55. 14.

Militiam alere perpetuo mercenaria, an fas sit Imperantibus. 592. 8.

Mixta Respubl. quo sensu detur, aut non detur. 79. 30.

Mobilium & immobilium rerum differentia juris publici. 388. t. cap.

Monarchæ, & eorum differentia. 382. 25.

Monarchiæ jus. 201. t. cap.

Monarchiæ constituendæ modi, Electio & Successio. 207. t. cap.

Monarchicum institutum huic seculo proprium. 54.

Monetæ jus 583. tot. cap. ad Majest. spect. 90. 38.

Monopolia an aliquando licita. 365. 27.

Morganaticæ matrimonium. 321. 27.

Morum disciplinam non esse severiorem in novo Testamento, quam fuit in vetere. 25. 27.

Munera publica in aerarii Levamentum. 578. 12.

Muneris & honoris discrimen. 503. 7.

Municipis à cive discrimen 338. 22. & totum jus ejus. 341.

Mutua subjectio in Republ. refellitur. 43. 50.

N.

Naturæ jus, an & quatenus obliget conscientiam. 491. 28.

Naturam hominum esse, ut se mutuo ledere velint & soleant 10. 6. & seqq. & potentior imbecilliorum opprimat. 12. 15.

Naufragorum bona recte Fisco vindicentur. 91. 51.

Negotiorum gestionem parere obligationem naturalem, secus ac Grotius. 455. 2.

Nobilitas quid, & jus ejus. 347.

Nomina non arguere Summam Potestatem. 64. 54.

Notarii, illorum officium. 546. 19.

Notarios & comites palatinos creandi jus, Majestatis. 89. 14.

Nullitatis querela contra sententiam. 569. 19.

Nundinarum jus, Majestatis. 89. 16.

O.

Obedientia passiva qualis. 290. 18. 300. 50.

Obligatio Summæ Potestatis è contractu. 264.

Obligatio ad pœnam an recte esse dicatur. 434. 20.

Obligatio naturalis quoduplex. 81.

Obligationis realis & personalis distinctio in doctrina Satisfactionis improbat. 131. 31.

Officium Publicum quid, quoduplex, & omne jus ejus 503. t. cap. An vendi possit. 512. 50.

Optimates an Imperium Civitatis Aristocraticæ in unum transferre possint. 232. 40.

Ordinum conventus in Regnis, an Senatus recte appellentur. 500. 34.

Originalis Hominum integritas ex sententiâ Gentilium, Grotii & aliorum, qui nonnisi in affectibus, & usu habituque illam constituunt. Qualis è sacris Literis intelligenda sit. 4. 5.

Originem non tribuere Forum è domicilio separatum, ex ratione juris Gentium. 538. 13.

P.

Pacis ineunda jus, Majestatis, 84. 22. Reliquum jus Pacis. 635. 25.

Pacta Gentilitia de Successione. 214. 35.

Pacta cum Imperantibus non augere, sed minuire

I N D E X.

- minuere jus Imperii.* [287. 24. 299. 35.](#)
 -303. 33.
- Pactiones Magistratuum de officiis Rei-
 publ. quatenus illicitæ.* [25. 49.](#)
- Pactorum jus.* [442.](#)
- Pajoni Galli de operatione immediata Spi-
 ritus S. sententia.* [174. 6.](#)
- Parentum & liberorum jus.* [328.](#)
- Parlamentorum jus.* [500. 34.](#)
- Parricidii crimen & pœna.* [563. 34.](#)
- Partus Legitimi tempus.* [313. 14.](#)
- Pastorale munus & Politicum an misceri
 possint.* [101. 7. & 102. 8.](#)
- Pastores Ecclesiarum quatenus à potestate
 civili interdici possint.* [159. 41.](#)
- Pastores & Doctores habendi jus, esse mere
 Ecclesiasticum, non aequè modum eligen-
 di vel approbandi.* [157. 2. & 159. 34.](#)
- Approbatio Pastorum non redditu ratio-
 nibus.* [159. 40.](#)
- Patriæ potestatis jus.* [330. 22.](#) *Quibus mo-
 di finiatur.* [332. 42.](#)
- Patrocinium ab exteris implorare civibus
 nefas.* [523. 13. & seqq.](#)
- Patris, unde cuique certitudo.* [313. 20.](#)
- Patrum-famil. regimen ante diluvium non
 videri obtinuisse.* [102. 17. & seqq.](#)
- Peculatus crimen.* [561. 21.](#)
- Pecuniæ origo, materia & omne jus.* [585.](#)
*valorem ejus non tantum pendere ab ar-
 bitrio Summæ Potestatis, sed etiam ab
 usu mercaturæ.* [589. 14.](#)
- Perduellionis pœna.* [560. 19.](#)
- Permissionem esse virtutem Legis, secus
 ac Puff.* [481. 29.](#)
- Permissionis & tolerantia: discr.* [481. 29.](#)
- Perpetuitatem non esse notam summi Im-
 perii.* [64. 46. & seqq.](#)
- Persona quid, & jus ejus.* [311. t. cap.](#)
- Pluralitas suffragiorum arguit dependen-
 tiam politicam.* [164. 30.](#)
- Polygamia an adulterii species.* [564. 35.](#)
- Pædantismus quid.* [346. 36.](#)
- Pœna quid, quoduplex, 556. an remitti
 possit.* [558.](#)
- Pœna quid & jus ejus.* [432. 6. 556.](#)
- Pœnam aliis ob aliena peccata proprie non
 infligi.* [48. n. 48. & seqq.](#)
- Pontificiæ Exemptionis Fori Enixæ.* [541. 29.](#)
- Pontificiorum sententia de jure S. P. cir-
 ca sacra.* [149. 3. refellitur.](#) [165. 6.](#)
- Populi conventus agi diversis locis, so-
 phisma politicum esse.* [72. 27.](#)
- Populi jus contra Principes duplici inpr-
 mis modo custodiri.* [75. 66.](#)
- Populi voluntatem non posse non esse cau-
 sam Imperii voluntarii.* [29. 27. 203.](#)
[7. & seqq.](#)
- Populos Rectoribus suis semper esse supe-
 riores, prava sententia, & refellitur.* [44. & seqq.](#)
- Populum, constituto Imperio, juris ali-
 quid retinere posse, probatur.* [71. 18.](#)
- Possessionis jus explicitum.* [412.](#)
- Postliminii jus expos.* [633. 10.](#)
- Postulationis & Electionis Canonica: dis-
 crimen.* [380. 7.](#)
- Præfecturæ quid à Magistratibus diffe-
 rant.* [510. 41.](#)
- Prærogativa quid & unde dicta.* [83. 2.](#)
- Præscriptio an & quatenus locum habeat
 in juribus Summæ Potestatis.* [97. &
 seqq. ejus fundamentum. n. 7. & 99.
 28. quo tempore committatur.](#) [100. 48.](#)
- Præscriptionem temporis immemorialis
 non requirere bonam fidem.* [100. 50.](#)
- Præscriptionis jus.* [408. 32. 42.](#)
- Presbyterianorum sententia, de jure S.
 P. circa sacra.* [149. 4. Examinatur.](#)
[186. 12.](#)
- Præsides an Magistratus sint.* [508. 3.](#)
- Præsumptio Juris & facti.* [549. 24. 25.](#)
- Principatum non significare Latine Sum-
 mam Potestatem.* [64. 55.](#)
- Principem Legibus esse solutum, quo sensu.* [77.](#)
- Principem non habere, nec posse habere
 jus in se ipsum.* [59. 26.](#)
- Principem imperii partes sibi non delatas
 exercere.*

I N D E X.

- exercitum privati loco habendum.* 75. 60.
- Polygamie inutilitas. 320. 11.
- Principis potestas ex jure Rom. & literis sacris. 49. & seqq.
- Principum bona quotuplicia. 402. 36.
- Principum obligatio è contractibus. 264.
- Privatorum *agros*, securitatis publicæ causa occupari posse, sub caut. 594. 18.
- Privilegia. 481. 25.
- Probationum species. 545.
- Procurator judicialis, officium ejus. 526. 28.
- Promissio alii facta an valeat. 444. 16. ubi cum Grotio disputatur.
- Promissio ob rem turpem an obliget. 44. 14.
- Prorogata Jurisdictionem non esse, nisi de persona ad personam. 520. 34.
- Provinciæ an omnes, universitates. 375. 118.
- Psalmi 51. vers. 6. intellectus. 49. 53.
- Publicarum & communium rerum adserta differentia. 387. 30.
- Publicatio bonorum, an licita. 854. 45.
- Publicanorum jus & officium. 579. 18.
- Publicæ res quotuplices. 398.
- Puffendorffii sententia de juris naturæ dictatis. 20. 19.
- Punire, sitne licitum tantum, an necessarium. 432. 9.
- Q
- Q**uakerorum adseveratio an pro juramento sufficiat. 547.
- Quæstio per tormenta, modus & meritum ejus. 551. 32.
- R
- R**atio Status quid. 86. 52.
- Ratiocinando sæpe amitti persuasionem Evangelii à puero indutam. 185. 20. 186. 31.
- Rationem non esse principium auctoritatis Legum. 480. 23.
- Rationis Lumen hodiè non omnino extinctum. 5. 9. Ratio & dictamen rationis, an differant. 6. 12.
- Rationis & Spiritus sancti concursus in cognoscenda divinitate Sacre Scripturæ & fide Christiana, fuse lateque exponitur. 173. & seqq.
- Redemptio à Christo facta generis humani ex natura Emptionis venditionis, cum sacris literis collata exponitur. 138. cap. 7.
- Reformati in Gallia, quo jure se habuerint. 82. 76. & seqq.
- Reformationis Civitatum quis & quando sit usus. A quo institui, à quibus peti possit. Exempla Lycurgi & Solonis in hanc rem examinantur. Singulos cives non habere jus aliud, quam conquerendi & Supplicandi; & hoc ipsum aliquando posse prohiberi. Nefas esse petitionem Reformationis extra Rempubl. institui. Materia Reformationis in genera divisa; & de Ecclesia defunctoriè. 600. cap.
- Rege Imperio jure privato, an & heredes exclusi videantur. 214. 32.
- Regalia quid. 83. 2.
- Regiæ Legis sententia. 50.
- Reginarum mariti, an & quando Reges. 202. 23.
- Regium Jus Samuelis 52. 11. & seqq. aliud jure divino præscriptum. 53. 29.
- Regni simpliciter delati jus. 297.
- Regnum in dubio Electivum, an Successorium videatur. 209. 19. & 210. 32.
- Regnum heroicum, Æsymmetricum, Laconicum, non esse distinctas regni species, quod ad juris rationem attinet. Nonnisi duas esse tales, Regnum nuptiarum & Dominatum, βασιλειαν. Definitio utriusque & differentia. Possesse & justum esse Dominatum. Quo jure subditi bello victi ad obsequium obligentur. Nulla in re Despotas videri populis

I N D E X

pulsi obligatos, nisi, ne totam perdant civitatem. [234. cap.](#)

Sacræ Scripturæ auctoritas quo principio nitatur. [173.](#)

Salvi conductus literæ. [598. 32.](#) an securitatem judicalem præstent. [599. 76.](#)

Sanctarum rerum jus. [398. 56.](#)

Satisfactio quos modis accipiat, & quomodo in eâ luserit Grotius. [127. tot. cap.](#)

Satisfactio & liberalis remissio quomodo conveniant. [137. 89.](#)

Securitatis publicæ ratio & jus. [591. t. c.](#)

Securitatis publicæ tutelam non negandam excommunicatis, nec hæreticis singulis, nec quidem omnino maleficis, aut injustis possessoribus. [595. 22.](#) Quinam ab illa excludantur, & diversi gradus exclusionis ejus. [597. 27.](#)

Senatum auctoritatem approbandis Principum Actis, per se non derogat juri Summæ Potestatis. [65. 59.](#)

Senatus quid, quotuplex, & omne jus ejus. [495. 4. cap.](#)

Sententia quid, & effectus. [657.](#)

Sententia lata an corrigi possit. [569. 8.](#)

Sententiarum diversarum conjunctio in rebus judicandis qui fiat. [568. 4.](#)

Sermonis commercium, & jus ejus. [437.](#)

Sepulchrorum jus. [398. 57.](#)

Servitutis jus, obiter. [416. 38.](#)

Servorum jus, & numerus olim ingens. [334. Rectene sublata servitus. 33. 26.](#)

Sexus differentia juris. [314. 24.](#)

Societatis jus. [451. 14.](#)

Socini sententia de Satisfactione refellitur. [130. 26. & pass.](#)

Specificationis jus. [405. 9.](#)

Spinosæ jus naturæ expositum. [18.](#)

Sponsionis à fœdere differentia. [623. 17.](#)

Sponsionum & fœderum discrimen. [85. 27.](#)

Sponsionum jus. [452. 21. & 455. 30.](#)

Spuriorum & naturalium liberorum discrimen. [344. 9.](#)

Status naturalis quis. [9. & seqq.](#)

Status belli. [10. 8.](#)

Stipulatio ex Jure Gentium, contractus consensualis. [452. 18.](#)

Studioſi an renunciare possint Fori sui privilegio. [369. 27.](#)

Stupri crimen. [564. 37.](#)

Substitutionis jus. [464. 22.](#)

Successio ab intestato secundum jus Nat. exponitur. [467.](#) comparatur cum jure Rom. & moribus aliis. [470. 24.](#)

Successionis Regiæ jus, primo simplicis hereditariæ. [215. t. cap.](#) Tum institutiæ. [221.](#)

Successorum declaratio, vivis Regnantibus. [226. 55.](#)

Suffragandi jus & mos in democratia. [243. 49.](#)

Summa Potestas non nisi unica [583. 21.](#) quatenus per fœdera mutetur. [66. & seqq.](#) Non potest se ipsam obligare. [59. 24. & seqq.](#)

Summa Potestas ut finiatur. [270.](#)

Summam Potestatem minui & coarctari posse Legibus. [71.](#)

Summæ Potestatis jus circa sacra, quotuplex. [149. t. cap.](#) vera sententia exponitur. [152. & t. cap.](#)

Summæ Potestati omnia subjici, præter excepta specialiter & à Deo determinata. [132. 165. 3.](#) quæ sint à Deo præscripta specialiter. [133. 18.](#)

Summæ Potestatis obligatio è contractu. [264.](#)

Summum Imperium non esse, nisi unum. [92. 13.](#)

Superioritas Territorialis reverà à summa potestate Reipubl. non diversa. [67. 19.](#)

Supplicatio contra sententias. [574.](#)

Syllæ, jus faciendi quod vellet, Lege delatum à pop. Rom. [72. 23.](#)

Synodos & Classes qua tales, habere dependentiam Politicam. [164. 34.](#)

T.

Tempus, quo Præscriptio committatur. [100. 48.](#)

Testamenti præter leges condendi jus, Majesta-

N a n a

I N D E X.

<i>testatis.</i>	96. 29.	<i>vogare juri Summæ Potestati.</i>	62. 3
<i>Testamentaria successio, ex Jure naturæ exposita.</i>	462. 5.	<i>Tributorum jus, Majestatis.</i>	89. 3
<i>Testamentum, quid eâ voce designetur in sacris. Διαθήκη significare dispositionem tam inter vivos, quàm ultimam voluntatem. Testamentum sine mortis respectu, nullum intelligi. Dispositionem Patris Dei, quâ Filio dedit electos in hereditatem, non esse Testamentum. Removentur objectiones. Refelluntur alia Testamentorum Dei specimina. Deum Abrahamo non fecisse testamentum. Nec in deserto Sinaitico Testamentum esse factum, remotis objectionibus. Non esse, nisi unicum in verbo Dei Testamentum, Christi morituri. Testamentum vetus & novum specie non differre: Sed vetus esse clausum & mysticum; Novum esse idem apertum & clarum. E Testamento Christi hereditatem credentibus, sine ulla conditione & absque fœdere, deferri. Removentur objectiones aliæ contra unitatem Testamenti.</i>	105. & seqq.	<i>Tributorum usus & modus.</i>	57
<i>Testatum simul & intestatum mori, non esse contra jus Nat.</i>	410. 57.	<i>Tutelæ Regiæ jus. 226. cap. 8. Testamentariam Electoralem, aut Regiam non præferri Legitimæ.</i>	227. 1
<i>Testes quinam admitt. aut prohibeantur in judiciis.</i>	545. 8.	<i>Tutelæ jus.</i>	332. 4
<i>Testimonium Spiritus S. quid & quale.</i>	154. 30 & cap. 5.	<i>Tyrannis quid & quoduplex. 350. 20 306. jus illis resistendi. 2. 55. eosd puniendi.</i>	2
<i>Theologi an Reipubl. rectè admoveantur.</i>	358. 40.	V.	
<i>Theophili Imp. Severitas.</i>	416. 42.	V asallos Summam Potestatem in se habere posse.	69. 4
<i>Thesauri jus.</i>	395. 19.	<i>Vasallum præscribere posse feudo.</i>	98. 2
<i>Timocratia quid & jus ejus.</i>	244.	<i>Vestigialium jus. 579. 16. & cautiones.</i>	582. 1
<i>Tolerantiæ & permissionis discrimen.</i>	481. 27.	<i>Venationis jus.</i>	389.
<i>Tormenta in Criminum inquisitione rectè ne adhibeantur.</i>	551. 32. 33.	<i>Veniam ætatis dandi jus Majestatis.</i>	89. 1
<i>Traditionis doctrina Jure Nat.</i>	407. 29.	<i>Veriloquium & jus ejus.</i>	4
<i>Trajectinum Fœdus Belgarum populos non conjunxit in unam Remp.</i>	67. 14.	<i>Vicarium universalem Christi in munis esse nullum.</i>	103.
<i>Transactionis jus.</i>	556. 25.	<i>Vicarius Summæ Potestatis simpliciter constitutus quid juris habeat.</i>	96.
<i>Tributi ex fœdere solvendi Legem non de-</i>		<i>Vicos sine regimine, non esse universales.</i>	374
		<i>Violenti jus Imperii.</i>	2
		<i>Vitæ & necis jus à mero imperio diversa.</i>	83
		<i>Unio populorum quoduplex. 49. & si</i>	
		<i>Universitates Dei quot & quanam.</i>	10. & si
		<i>Universitas quid & jus ejus. 359. Quis singuli è factio universitatis teneantur.</i>	3
		<i>Universitates Mercatorum & Artificum mechanicarum.</i>	3
		<i>Vocationis jus, & ejus species. 531. 534. 23. effectus.</i>	n
		<i>Usucapionis jus.</i>	408
		<i>Usus non habere usum.</i>	417
		<i>Usura sitne licita.</i>	357
		<i>Usurpatio, Imperii & quid in eam li-</i>	
		W.	
		W olzogii de lumine Rationis sententia.	178

F I N I S.

AUT
1329561

10457

